













56-4 15-1-

Jan 210  
m 8h



# BULLARUM

PRIVILEGIORUM AC DIPLOMATUM

Romanorum Pontificum

## AMPLISSIMA COLLECTIO

*Cui accedere Pontificum omnium Vitæ, Notæ,  
& Indices opportuni.*


OPERA ET STUDIO

CAROLI COCQUELINES

TOMUS QUARTUS

PARS QUARTA.

Ab anno x. GREGORII XIII. usque ad annum III. SIXTI V.  
scilicet ab anno 1581. ad 1588.



ROMÆ, MDCCXLVII.

TYPIS, ET SUMPTIBUS HIERONYMI MAINARDI.  
SUPERIORUM FACULTATE, ET PRIVILEGIO SANCTISSIMI.







*Eñño, & Rñño Dño*

D. P H I L I P P O

TITULI S. STEPHANI IN MONTE COELIO

S. R. E. P R E S B Y T E R O

CARDINALI DE MONTIBUS.



HIERONYMUS MAINARDI FELICITATEM.



NON ut cæterorum Typographorum  
mori inferviam, qui editionum sua-  
rum tenuitatem magnis nominibus inscriben-  
tes, hac præcipuè ratione eas spectabiliores



reddere curant, vel ut vilis assentator occasionem nanciscar tui laudandi; Volumen hoc nonnullarum Constitutionum, quas edidit GREGORIUS XIII., & SIXTUS V. Pontifices verè Optimi, & Maximi, EMINENTIÆ TUÆ dico; Sed ut, quod tuum est, Tibi reddam. Hanc siquidem Pontificiarum Bullarum Collectionem omnium, quæ hætenus Typis consignatæ sunt, longè plenissimam, Te suadente suscepi. In nobilissima tua Bibliotheca, omni Librorum genere referta, nec ad luxum, sed ad Literarum, ac Scientiarum reparationem comparata ortum illa habuit. In ipsis primordiis, cum gravissimas perturbaciones ab invidis hominibus (nec ii doctissimi esse solent, aut æmulatione gloriæ permoti) passus, de ab inceptis desistendo cogitarem; constantia Tua EMINENTISSIME PRINCEPS, & præsidio ita nutantem & dubium excitavisti, atque confirmasti, ut Editio hæc ad suum penè finem perducta sit. Tanti enim auctoritatem tuam quacumque in re soleo facere, ut quam Tu probas rationem, ea & utilis mihi, & honesta videatur esse. Quidni enim? Ab assidua Librorum lectione, ad quam a gravissimorum negotiorum tractatione, quasi in hortum amænissimum soles divertere, res suo æstimandas pretio addiscis, cæterosque edoces. Hinc nemini mirum, unde illa Tibi in adversis rebus fortitudo tanta, in prosperis moderatio animi, æquitas, & benignitas: nam de



prudētia , de pietate , de iustitia , de zelo  
conservandæ Ecclesiasticæ disciplinæ , & tuen-  
dorum Romanæ Sedis iurium nihil dicam , ne  
videar assentari : quamvis non qui huiusmodi  
virtutes tuas laudent assentatores , sed qui non  
laudent , malevoli sint existimandi. Sed in ea  
incidimus tempora , quibus si laudemus præ-  
claros viros , ferè omnium invidiam in eos  
provocemus .

Ad rem meam jam redeo . Hoc Volumen  
Bullas complectitur , quas quatuor postremis  
annis sanxit GREGORIUS XIII. , & quas edi-  
dit primis tribus sui Pontificatus annis SIX-  
TUS V. Neminem latet , quam adhibueris cu-  
ram , ut rerum a GREGORIO gestarum Hi-  
storia meis typis in lucem prodiret . Hanc  
rem multo jam tempore mihi commendave-  
ras ; plurimos manuscriptos Codices perqui-  
ri , & inter se conferri iusseras ; nihil demum  
omifisti , quod editionem illam nitidissimam ,  
omnibusque completam numeris reddere pos-  
set . Nec absimilis cura Tibi est , ut vera ,  
omnibusque expurgata commentis SIXTI V.  
facta in lucem emittantur : Nulli igitur melius  
quam Tibi hac etiam ratione huiusmodi con-  
venit Volumen .

Quod si utriusque Pontificis res gestas vel in  
eorum Historia , vel in ipsis Bullis percurra-  
mus : duas potissimum qualitates proprias eis  
fuisse , ac peculiare conspiciemus : zelum sci-  
licet ardentissimum in GREGORIO propa-



jacent, dicta auctoritate tenore presentium approbamus, & confirmamus, eaque suos effectus sortiri volumus, & quatenus opus sit, de novo concedimus, illisque perpetua, & inviolabilis firmitatis robur adiicimus, ac ea omnia valida, & efficacia esse, suosque plenarios, & integros effectus sortiri, & ab omnibus, quos illa concernunt, inviolabiliter observari, ac ita ut contra illa quovis quaesito colore, vel ingenio venire nequaquam possint, ut praefertur, ad illorum observantiam teneri, & ad id etiam sub Ecclesiasticis sententiis, censuris, & poenis cogi, & compelli posse declaramus.

Privilegiarum  
ampliatio.

§.9. Et ut majori gratia dictam Universitatem afficiamus, redditum, & proventum annuum beneficiorum in literis Sixti Praedecessoris huiusmodi expressum ad eam summam, quam dictus Leo Praedecessor in suis literis facultati artium concessis huiusmodi expressit, eadem auctoritate extendimus, ita tamen, quod fructus singulorum beneficiorum praedictorum, valorem annum praescriptum non excedant, & si ad beneficia, quorum fructus, redditus, & proventus majoris valoris fuerint, nominationes, & alia praedicta fiant, illa omnia nullius sint roboris, vel momenti. Valor porro praedictus juxta declarationem praedicti Hadriani Praedecessoris super hoc factam, etiam quoad alias d. Universitatis facultates habendus intelligatur, videlicet grossorum fructuum, oneribus non solum perpetuis personalibus, & realibus, sed etiam pensionibus annuis aliis personis super eisdem beneficiis, & officiis reservatis, sicque essent super illis reservata, & quibuscumque aliis oneribus, valorem fructuum, quos absens in studio, aut alio loco privilegiato reciperet, diminuentibus plene, & totaliter deductis, itaut ex illis ipse nominatus in huiusmodi loco privilegiato commodius sustentetur.

§.10. Et insuper prohibemus expresse, ut quicumque, nominationes praedictas nunc, & quodcumque habentes, aut prosequentes earum juri, aut prosecutioni sive simpliciter, sive alias in cujusvis favorem nullatenus cedere possint, quod si fecerint, cessiones huiusmodi nullae sint, & cedentes ad futuras omnino inhabiles censeantur eo ipso, jus tamen ipsum in Rectoris, & Deputatorum Universitatis, si ab illis; Si vero a Decano, & Deputatis artium, manibus respective remittere possunt.

§.11. Praeterea volumus, & mandamus, quod hi, qui ad beneficia curam animarum habentia nominati fuerint, non admittantur, nisi prius ab Ordinariis locorum, praevio examine, absque concursu faciendo fuerint approbati, quodque in eis personaliter residere teneantur; nec se eo nomine excusare possint, quod in dictis Universitate, & facultate artium scholares sint, seu docentes, aut Magistri, districtius inhibentes, tam locorum Ordinariis, quam quibuscumque Collegiis, Capitulis, Conventibus, Praelatis, collatoribus, collatricibus, & aliis superioribus personis praedictis in virtute sanctae

*Bull. Rom. Tom. IV. Par. IV.*

obedientiae, ne eosdem sic nominatos perpetuis futuris temporibus quovis quaesito colore, vel ingenio impedire, molestare, vel perturbare audeant, seu etiam praesumant. Decernentes quodque irritum, & inane, si secus super his a quoquam quavis auctoritate scienter, vel ignoranter contigerit attentari.

§.12. Et nihilominus S. Gertrudis, & Beatae Mariae Parmen. Abbatibus praedictis, ac dilecto filio Decano Ecclesiae Sancti Jacobi dicti Oppidi Lovanien. per Apostolica scripta mandamus, quatenus ipsi, vel duo, aut unus eorum per se, vel alium, seu alios praesentes literas, & in eis contenta quaecumque ubi, & quando opus fuerit, ac quoties pro parte Rectoris, & Decani, vel Vice-Decani, ac Deputatorum, ac singularum personarum huiusmodi, seu aliquibus eorum fuerint requisiti, solemniter publicantes, eisque in praemissis efficacis defensionis praesidio assistentes faciant Rectorem, & Decanum, vel Vice-Decanum, ac deputatos, & singulas personas huiusmodi, necnon alios, quos ipse praesentes literae concernunt, nostris approbatione, confirmatione, voluntate, nova concessione, adiectione, declaratione, decreto, extensione, prohibitione, mandato, & aliis praemissis pacifice frui, & gaudere, non permittentes eos, vel eorum aliquem per locorum Ordinarios, conservatores, seu quoscumque alios quavis auctoritate fungentes quomodolibet molestari, perturbari, vel inquietari. Contradictores quoslibet, & rebelles per sententias, censuras, & poenas ecclesiasticas, aliaque opportuna juris, & facti remedia, appellatione postposita, compescendo, legitimisque super iis habendis, servatis processibus, sententiis, censuras, & poenas ipsas, etiam iteratis vicibus aggravando, invocato etiam ad hoc, si opus fuerit, auxilio brachii secularis.

§.13. Non obstantibus similis mem. Bonifacii Papae VIII., etiam Praedecessoris nostri, in quo cavetur, ne quis extra suam Civitatem, vel Dioecesim, nisi in certis exceptis casibus, & in illis ultra unam dietam a fine suae Dioecesis ad iudicium evocetur, seu ne Iudices a Sede praedicta deputati extra Civitatem, vel Dioecesim, in quibus deputati fuerint, contra quoscumque procedere, aut alii, vel aliis vices suas committere, quomodolibet praesumant, & de duabus dietis in Concilio generali edita, dummodo ultra tres dietas quis vigore presentium ad iudicium non trahatur, & a Praedecessoribus nostris quomodolibet emanatis, ac quibuscumque aliis Apostolicis, necnon in provincialibus, synodalibus, & universalibus Conciliis editis generalibus, vel specialibus Constitutionibus, & Ordinationibus, & quibuscumque etiam iuramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, sub quibuscumque tenoribus, & formis, ac cum quibuscumque etiam derogatoriis derogatoriis, aliisque efficacioribus, & inso-

Executores  
presentium  
literarum.

Derogatio  
contrariorum



# I N D E X C H R O N O L O G I C U S .

E T

## A L P H A B E T I C U S P O N T I F I C U M ,

*Quorum Bullæ in hac Quarti Tomi Parte Quarta continentur .*

GREGORIUS XIII. Anno 1581. habet Const.LXI. Pag. 1.

SIXTUS V. 1585. CXXIV. 123.



# INDEX RUBRICARUM

## BULLARUM PRIVILEGIORUM OMNIUM

Quæ in hac Tomi Quarti Parte Quarta continentur.

Quæ hoc Indice & designantur, erant in editione Cherubini.

### GREGORIUS XIII.

- CXXIX. **M**edici Hebræi, vel Infideles ad curandos Christianos infirmos non admittantur. Et Medici omnes servant Constitutionem Pii V. in monendis infirmis ad confessionem peccatorum. pag. 1
- CXXX. De auctoritate Archiconfraternitatis B. Mariæ Virginis Confalonis de Urbe, quoscumque Christianos S. R. E. ditioni subiectos, piorum elemosynis perquisitis, ab Infidelium captivitate liberandi. Duosque carceratos, in festo ejusdem B. Mariæ, & in ejus honorem, anno quolibet liberandi. 2
- CXXXI. De Judæorum, aut Infidelium flagitiis, in quæ hæreticæ pravitate Inquisitores animadvertere possunt. 5
- CXXXII. Furnarii Urbis, pro pretio Panis, in causis discussionum, ceteris aliis creditoribus præferantur. Et omnes Judices Urbis, in eorum litibus manu regia procedere possint. 7
- CXXXIII. Extendit Literas, quibus alias sustulit censuras, & poenas in Literis Pii V. contra agitates tauros conten. in Hispaniarum Regnis, quoad Laicos, & Milites sacris ordinibus non initiatos ad Portugallia, & Algarbiorum Regna &c. 8
- CXXXIV. Hortatio ad Christianos fideles, ad subveniendum pauperibus Collegii Anglicani Rhemis, & ceteris Anglis pro Fide Catholica dispersis. 8
- CXXXV. Quomodo permittatur Ordini Fratrum S. Antonii Viennen. pro eorum Hospitalibus elemosynas colligere. 9
- CXXXVI. Calendarii nuper restituti pro Festivitatibus S. R. E. suo tempore celebrandis, divinisque itidem officiis recitandis approbatio, & veteris Calendarii abolitio. 10
- CXXXVII. Qui Presbyteri Religionis, & Societatis Jesu, literas Sacræ Poenitentiarie Apostolicæ aperire possint. 13
- CXXXVIII. De auctoritate Præpositi Generalis Clericorum Regularium Soc. Jesu, circa contractus censuum, alienationumque, & aliorum. 13
- CXXXIX. Quod personæ Societatis Jesu, a quocumque Antistite etiam extra tempora, de licentia suorum Prælatorum ad sacros Ordines promoveri, & ad quoscumque alios regulares Ordines transire possint, habita licentia Præpositi generalis. 17
- CXL. Nova Constitutio super Duellis. 19
- CXLI. Concilii Tridentini prohibitio de Duellis extenditur ad duella privatim commissa. 19
- CXLII. Erectio Ecclesiæ Episcopalis Civitatis Bononiæ, in Provincia Lombardiæ, in Ecclesiam Archiepiscopalem. 20
- CXLIII. Abbatissæ, & aliæ Præfectæ Monasteriorum Monialium in Italia ad triennium tantummodo eligantur. 22

- CXLIV. Facultas Archiepiscopis, & Episcopis Indiarum, & ab eis subdelegandis absolvendi Indos, & Mauros, ac eorum filios a crimine hæresis, & Idolatriæ, ac aliis peccatis Sedi Apostolicæ reservatis, & in Bulla Cœnæ contentis. 22
- CXLV. Confirmatio Institutionis, Privilegiorum, & exemptionum Societatis Jesu cum nonnullis declarationibus. 23
- CXLVI. Dissolutio trium Prioratuum Congregationis Camaldulen. alias unitor. 25
- CXLVII. Excommunicatio, & anathematizatio quoruncumque hæreticorum, necnon aliorum omnium, qui contentis in hac Bulla Cœnæ Domini contraveniunt. 27
- CXLVIII. Quod Præceptorie Militiæ, & Ordinis S. Joannis Hierosolymitani vacent per promotionem ad Episcopatum. 31
- CXLIX. Prohibitio sub poenis &c. ne cuiquam liceat contractus contra dispositionem statutorum, aut juris communis, seu Monopolii in Comitatu Rossilionis. 32
- CL. De Electione, numero, & qualitatibus Magistrorum Sacræ Theologiæ, de cetero in Provinciis Italiæ eligendorum ex Ordine Fratrum Eremitarum S. Augustini. 33
- CLI. Disinembratio tertiæ partis fructuum ab uno Canonatu, & Præben. quoruncumque Ecclesiarum Cathedralium, & Metropolitanarum, Regnorum Portugalliæ, & Algarbiorum, & applicatio eorundem Officio SSmæ Inquisitionis dictorum Regnorum. 36
- CLII. Declaratio præcedentiæ inter Ordines Mendicantium, & inter Confraternitates Laicorum in processionibus. 38
- CLIII. Confirmatio erectionis quorundam Monasteriorum Ordinis Monachorum S. Pauli primi Eremitæ in Ungaria, Polonia, Istria, ac Dalmatia, & Privilegiorum. 39
- CLIV. Confirmatio diversorum Privilegiorum pro Doctoribus Philosophiæ, & Medicinæ Collegiorum Bononien. 39
- CLV. Forma publicandi resignationes beneficiorum Ecclesiasticorum, in Curia, & extra. 41
- CLVI. Major sacri Eremitæ Camaldulensis potest quando sibi expedire videtur, conferre Eremitis sibi in Eremo subiectis quatuor Ordines Minores. Et Cardinales Episcopi ad dictum Eremum accedentes possunt etiam extra tempora, & non servatis interstitiis, sacros Ordines eisdem conferre, si ipsi Majori idonei videntur. 43
- CLVII. Erectio Hospitalis pro natione Maronitarum in Urbe. 43
- CLVIII. Confirmatio literarum Clementis VI. contra Fabricantes falsam monetam in Regno Franciæ. 46
- CLIX. Erectio Collegii Societatis Jesu Rigæ in Partibus Poloniæ. 47
- CLX. Constitutiones Collegii Germanici. 49



## Index Rubricarum.

- CLXI. Institutio Festivitat<sup>is</sup> S. Annæ Matris Mariæ Virginis, pro die 26. mensis Julii duplici Officio celebranda. 54
- CLXII. Declaratio, & extensio Constitutionis Pauli III. de privilegio Mercatorum Ripæ Urbis, quod eorum libri concordantes cum libris Proxenetarum plene probent, & executionem paratam habeant sicut obligationes Camerales, contra quascumque personas, & etiam mulieres conjugatas. 54
- CLXIII. Approbatio tertia, Instituti, & Constitutionum Religionis, Clericorum Regularium Societatis Jesu, cum aliquorum dubiorum totali remotione, & privilegiorum confirmatione. 55
- CLXIV. Erectio Collegii Societatis Jesu in Civitate Ipre. 60
- CLXV. Erectio Collegii Societatis Jesu in Oppido Monten. Cameracen. Diœcesis. 63
- CLXVI. De electione Præpositi generalis, & aliorum Prælatorum Congregationis Monachorum Eremitarum S. Hieronymi de Observantia, celebrationeque Capituli generalis, & retentione regularis observantiæ. 65
- CLXVII. Institutio Collegii, ad scholares Nationis Maronitarum, pie & catholice, bonis artibus, Christianisque moribus, & doctrina instruendos in Urbe, & deputatio Cardinalis pro ejus regimine, Annuorumque reddituum assignatio pro eorumdem sustentatione. 66
- CLXVIII. Erectio Collegii Societatis Jesu in Civitate Brugen. 69
- CLXIX. Erectio Collegii Societatis Jesu in Civitate Mantuan. 72
- CLXX. De prædicatione verbi Dei, semel in Hebdomada facienda Hebræis, pro eorum ad Christi fidem conversione in Terris, & locis, in quibus extant eorum Synagoga. 74
- CLXXI. Innovatio Constitutionis Nicolai III., & aliarum sanctionum, contra jurantes, & jurare facientes illicita, impossibilia, damnosa, & Ecclesiasticæ libertati, ac decretis Concilii Tridentini adversantia. 75
- CLXXII. Deposita pecuniarum actualia supra summam scutorum quinque occasione litium in Alma Urbe fienda, apud Montem Pietatis de cetero fiant. 76
- CLXXIII. Erectio Collegii Armeniorum in Urbe. 78
- CLXXIV. Quod Religiosi Societatis Clericorum Regularium Soc. Jesu, etiam sacris Ordinibus non initiati, verbum Dei prædicare possint. 80
- CLXXV. De forma, qua Clerici R. C. Apostolicæ expeditiones Camerales signare debent, sub nomine, & sigillo S. R. E. Cardinalis Camerarii. 80
- CLXXVI. Institutio Confraternitatis, seu Congregationis Externorum Scholarium, studiis Collegii Societatis Jesu de Urbe insistentium sub invocatione Annunciationis B. Mariæ, ad pia opera exercendum. Et facultas alias aggregandi Congregationes, cum Indulgentiarum communicatione. 82
- CLXXVII. Contra Exules, & alios in Italia commorantes, qui animalia, & alia bona in Statu Ecclesiastico diripiunt, abducunt, recipiunt, vel permutant. 84
- CLXXVIII. Quod Eremitæ Congregationis Camaldulensis Ordinis S. Benedicti, religiosos alterius Ordinis recipere possint. Ipsi vero ad alium, etiam Eremitarum S. Romualdi Montis Coronæ transire nequeant. 85
- Bull. Rom. Tom. IV. Par. IV.*
- CLXXIX. Confirmatio Privilegiorum Universitatis Studii generalis Lovanien. 86
- CLXXX. Publicatio literarum, seu potius decreti Pii Papæ V. super translatione Ecclesiæ Cathedralis Ferefranæ ab Oppido S. Leonis ad Oppidum nuncupatum *Pinna Billorum*, & respectiva unione, augmento, ac dotatione utriusque Capituli. 92
- CLXXXI. Institutio Collegii Presbyterorum Regularium Societatis Jesu, Universitatisque Studii generalis diversarum scientiarum, bonarumque Artium in Oppido Pontis Monsonii Metensis Diœcesis in Lotharingia, cum reddituum assignatione, privilegiorumque assignatione. 95
- CLXXXII. Unio Beneficiorum Baliagiorum ab Hæreticis recuperatorum Militiæ Sanctorum Mauritii, & Lazari. 99
- CLXXXIII. Confirmatio Privilegiorum, & Indulgentiarum a Pio IV. concessorum Archiconfraternitati Sanctissimæ Trinitatis de Urbe. 101
- CLXXXIV. Confirmatio erectionis Confraternitatis Nationis Bononien. in Urbe instituta cum facultate quot annis liberandi unum Carceratum &c. 104
- CLXXXV. Communicatio, & extensio Indulgentiarum, & Privilegiorum concessorum Hospitali Joannis de Dios Granaten., ad quæcumque alia Hospitalia quibuscumque in locis ad instar dicti Hospitalis instituenda. 106
- CLXXXVI. Institutio Congregationis Clericorum Sæcularium de Oratorio nuncupatæ, in Ecclesia S. Mariæ de Vallicella de Urbe. 108
- CLXXXVII. Confirmantur Privilegia Militiæ Sanctorum Mauritii, & Lazari. 111
- CLXXXVIII. Institutio Universitatis Studii generalis, diversarum scientiarum bonarumque artium, in Collegio Presbyterorum Regularium Societatis Jesu, in Civitate Vilnensi, in Regno Poloniae per Valerianum illius Episcopum fundato, cum privilegiorum elargitione. 121
- CLXXXIX. Ordini S. Pauli Primi Eremitæ confirmantur omnia Monasteria, seu Domus, in Hungaria, Polonia, Istria, Dalmatia, & Sclavonia, eorumque jura, & privilegia, libertates &c. 122

## SIXTUS QUINTUS

- I. Erectio Studii generalis in Oppido Gracen. Salisburgen. Diœcesis. 124
- II. Erectio Ecclesiæ Cathedralis Vinden. in Livonia. 127
- III. Erectio Universitatis Studii generalis, & Collegii in Oppido Mussipontan. Meten. Diœcesis. 128
- IV. Exemptiones, & gratiæ Clericorum Regularium Congregationis S. Majoli alias de Somascha a Gregorio XIII. elargitæ. 130
- V. Jubilæi indictio, ad implorandum Dei auxilium, pro bono regimine Reipublicæ Christianæ. 132
- VI. Revocatio exemptionum omnium, ab onerum Cameralium solutione, quibuscumque personis quomodolibet concessarum. 133
- VII. Prohibitio alienandi per subditos Status Ecclesiastici, in non subditos, & forenses, bona in eo existentia, aut fortalitia, & castra absque Sedis Apostolicæ licentia. 134
- VIII. Quod Clerici Regulares Congregationis Sancti Pauli Decollati, ad processiones, & actus publici-



# Index Rubricarum.

- publicos accedere non cogantur, ex indulto Gregorii XIII. 136
- IX. Innovatio omnium Constitutionum a Romanis Pontificibus hætenus editarum, contra exules, bannitos, aliosque facinorosos homines, eorumque receptatores, & fautores; & multarum impositio pœnarum in eosdem, necnon contra Communitates, & alios, sua territoria ejusmodi scelestis hominibus expurgata, non custodientes. 137
- X. Quod Festum Præsentationis B. M. Virginis die vigesimaprima mensis Novembris duplici officio celebretur. 142
- XI. Quod Festum S. Francisci de Paula, Ordinis Fratrum Minimorum institutoris, singulis annis die secunda mensis Aprilis duplici officio celebretur. 142
- XII. Renovatio Studii generalis in Civitate Firmi Status Ecclesiastici, olim a Bonifacio VIII. instituti, cum privilegiis, & indultis aliorum Studiorum generalium. 143
- XIII. Confirmatio Julii Papæ secundi super bono regimine Castrorum Comitatus Ariminensis novæque Declarationes ad exortas lites componendas, futurasque evitandas. 146
- XIV. De electione Prælatorum Congregationis Sancti Bernardi in Italia Monachorum, Ordinis Cisterciensis Regularis observantiæ, de cetero facienda ex universo numero Sacerdotum dictæ Congregationis, qui minora officia laudabiliter biennio exercuerint. 147
- XV. Confirmatio Privilegiorum Collegii Advocatorum, & Procuratorum Provinciæ Marchiæ, seu eorundem nova concessio. 148
- XVI. Confirmatio literarum diversorum Romanorum Pontificum super bono regimine Civitatis Anconitanæ, & confirmatione Immunitatum, ac Privilegiorum ejusdem Civitatis. 150
- XVII. De regimine Studii generalis Valentini ab Alexandro VI. instituti, & applicatione Beneficiorum Ecclesiasticorum &c. 153
- XVIII. Ut in Ordine Beatæ Mariæ de Mercede Redemptionis Captivorum observetur reformatio edita a Commissariis deputatis per Pium V., & Gregorium XIII. cum declarationibus Sixti Papæ V. 159
- XIX. Ampliatio Collegii septem Notariorum Sedis Apostolicæ antiquitus instituti, ad numerum duodecim, cum gratiarum, & privilegiorum extensione, pro ipsis septem Notariis. 161
- XX. Institutio Archiconfraternitatis Chordigerorum S. Francisci, chordam per Fratres ejus Ordinis gestari solitam devote deferentium, cum indulgentiarum concessione, & alias Confraternitates aggregandi facultate. 166
- XXI. Confirmantur Privilegia a Romanis Pontificibus Civibus Genuensibus concessa, quorum vigore extra Urbem Januam ad Judicium vocari non possunt. 168
- XXII. Confirmat literas Prædecessorum Pontificum, ac præcipue Gregorii XIII. quibus ad refranandos scelestos homines, tam Laicos, quam Ecclesiasticos læsæ majestatis criminis reos Ecclesiasticæ immunitatis, in Civitate Genuen. restringit limites. 169
- XXIII. Jurisdictio Consulum Artis Lanæ in Urbe, & privilegia Mercatorum ejusdem Artis. 171
- XXIV. De visitandis certis hic statutis temporibus, Sanctorum Petri, & Pauli de Urbe liminibus &c. ab Episcopis, Patriarchis, & aliis Ecclesiarum Primatibus. 173
- XXV. Innovatio festivitatis S. Nicolai de Tolentino, Ordinis Fratrum Eremitarum Sancti Augustini, duplici Officio die decima mensis Septembris celebranda. 176
- XXVI. Contra exercentes artem Astrologiæ judiciariæ, & alia quæcumque divinationum genera, librosque legentes, vel tenentes. 176
- XXVII. Quælibet proprietas in Congregatione Canonorum Regularium Sancti Georgii in Alga Venetiarum interdicatur. 179
- XXVIII. Quod Festum S. Antonii Lusitani, de Padua nuncupati, sub die 13. mensis Junii duplici officio de cetero celebretur. 181
- XXIX. Innovatio indulti Capitulo Sacrosanctæ Lateranen. Ecclesiæ de Urbe concessi, dandi licentiam in ejus locis, erigendi Loca Pia, accedente licentia Ordinariorum, quibus subiecta remaneant. 182
- XXX. Prohibitio transeundi ab Ordine Fratrum Minorum S. Francisci de Observantia, ad Fratres Capuccinos. 183
- XXXI. Confirmatio, & ampliatio Indultorum, ac Indulgentiarum Rosarii B. Mariæ Virginis; Et facultatis Magistri Generalis, & Vicarii Ordinis S. Dominici, in erigendis Cappellis, & instituendis Confraternitatibus Rosarii, pro quibus alia etiam gratia, & Indulgentiæ conceduntur. 185
- XXXII. Innovatio Festivitatis S. Januarii Episcopi, & Martyris, & Sociorum ejus, die 19. Septembris simplici officio celebranda. 186
- XXXIII. Renovatio Pontificalium Cappellarum in Basilicis, certisque Almæ Urbis Ecclesiis, Dominicis Quadragesimæ, & Adventus, aliisque statim solemnibus diebus, celebrandarum. 187
- XXXIV. Lauretani Oppidi Provinciæ Picenæ, in Civitatem sublimatio, ejusque Collegiæ Ecclesiæ in Cathedrali, & Episcopalem erectio. 189
- XXXV. Approbatio Congregationis Clericorum Regularium Ministrantium infirmis, in Hospitalibus, & extra degentibus Romæ nuper institutæ, cum habitus assignatione. 191
- XXXVI. Confirmatio Constitutionis Pii V. de non infeudandis, & alienandis Castris, & locis Sanctæ Romanæ Ecclesiæ. 192
- XXXVII. Confirmatio Statutorum, & Stabilimentorum Hospitalis Sancti Joannis Hierosolymitani. 192
- XXXVIII. Annuorum reddituum concessio Archiconfraternitati B. Mariæ Virginis Confalonis de Urbe, nuncupatæ, cum facultate ubique elemosynas colligendi, ad Christianorum redemptionem ab infidelium captivitate. 193
- XXXIX. Moderatio Constitutionis editæ a Pio V. quoad electionem Visitatoris generalis, & exemptionem Fratrum Terti Ordinis de Poenitentia S. Francisci, a superioritate Ministrorum Provincialium Fratrum Minorum de Observantia in Italia. 200
- XL. Reformatio Officii, & emolumentorum Secretarii Domestici Summi Romani Pontificis; Cum indultorum Collegii Secretariorum concessione, & ampliacione. 201
- XLI. Quod Festum S. Petri Martyris, duplici Officio de cetero celebretur. 204
- XLII. Confirmantur sententiæ latæ super Confinibus Com-



# Index Rubricarum!

- Communitatum Perusina, Urbevetan., & Tuder-  
dentin. 205
- XLIII. De decies centenis millibus nummum aureo-  
rum, in Arce S. Angeli repositis, & nullo um-  
quam tempore, nisi in praescriptis casibus de-  
trahendis. 206
- XLIV. Confirmatio Congregationis B. Mariae Fu-  
liensis strictioris observantiae Monachorum Or-  
dinis Cisterciensis Sancti Benedicti, cum gra-  
tiarum elargitione. 211
- XLV. Prohibitio quod de cetero nulla Corpora De-  
functorum praeterquam Regalia, in Choris, &  
aliis locis intra septa, & Clausuram Monaste-  
riorum Monialium in Regnis Hispaniarum se-  
peliri valeant. 212
- XLVI. Approbatio, declaratio, & extensio Consti-  
tutionum editarum a Pont. Praedecessoribus,  
circa solutionem Annatarum, Communium,  
& Quindenniorum, de beneficiis ecclesiasticis  
R. Cam. Apost. debitorum. 213
- XLVII. Confirmatio, & nova concessio gratiarum,  
& privilegiorum Ordini Cisterciensi, ejusque  
Abbatibus, Monachis, & Monasteriis a Grego-  
rio IX., Innocentio IV., Sixto IV., Innocen-  
tio VIII., Pio IV., Pio V., Gregorio XIII., &  
aliis Summis Pontificibus concessorum. 215
- XLVIII. Confirmatio Constitutionum Congregatio-  
nis Fratrum S. Ambrosii ad Nemus. 217
- XLIX. Institutio Artis conficiendi sericum in Urbe,  
& toto Statu Ecclesiastico cum nonnullis ordi-  
nationibus. 218
- L. Facultas Archiconfraternitatis Sanctissimi Sacra-  
menti in Ecclesia S. Petri de Urbe commutan-  
di cuique Confraternitati aggregatae, & aggre-  
ganda primam Dominicam mensis ad processio-  
nem habendam, in aliam Dominicam, prout  
uniquique hujusmodi Confraternit. expedire ju-  
dicaverit. 223
- LI. Quod Eremitae S. Romualdi Montis Coronae,  
& Ordinis Camaldulensis sub Regula S. Benedicti,  
alterius Ordinis Religiosos recipere possint.  
Ipsi vero ad alium etiam Eremit. Camaldulensis  
transire nequeant. 223
- LII. Confirmatio Privilegiorum Doctorum, & le-  
gentium Universitatis Bononien., ac praeser-  
tim applicationis Datii Mercium. 224
- LIII. Confirmatio, & extensio Jurisdictionis Consu-  
lum Artis Pistorum, & Praefecti Annonae Al-  
mae Urbis, in rebus ipsam Artem tangenti-  
bus, ac privilegiorum, & gratiarum eorum-  
dem Pistorum. 226
- LIV. Jurisdictio S. R. E. Cardinalis, & Judicis cau-  
sarum Archiconfraternitatis B. Mariae Virginis  
de Urbe Confalonis nuncupatae, ad Redem-  
ptionem Captivorum ab infidelium servitute,  
aliaq. pia opera exercen. dudum instituta. 227
- LV. Erectio Universitatis Studii generalis in Civita-  
te de Quito Provinciae S. Michaelis Indiarum  
Occidentalium Ordinis Eremitarum S. Augu-  
stini cum facultatibus aliis Universitatibus con-  
cedi solitis. 232
- LVI. Jurisdictio S. R. E. Cardinalis Protectoris, &  
Judicis causarum Collegii Cantorum Cappella-  
norum Romani Pontificis, cum privilegiorum,  
& gratiarum concessione. 233
- LVII. Hortatio ad omnes Christianos, ut Rhe-  
menfi Collegio pro Catholicis Anglis a Sede  
Apostolica instituto, pie, & liberaliter subve-  
niant, & ad Imperatorem, Reges, & Princi-  
pes Christianos, ut Anglos propter Justitiam  
persecutionem patientes juvent, & foveant. 236
- LVIII. Quod Fratres Minores Ordinis S. Francisci  
de Observantia licite retineant loca, quae etiam  
sine titulo possident, dummodo Ordinario-  
rum consensus accedat, quo ad ea quae possident  
a decem annis citra. 237
- LIX. Confraternitas S. Annae Varaviae erigitur in  
Archiconfraternitatem cum ejusdem facultati-  
bus, & privilegiis, quae habet Archiconfra-  
ternitas Confalonis de Urbe. 238
- LX. Confirmatio Erektionis Provinciae Hispaniarum  
Fratrum Ordinis Beatae Mariae de Monte Car-  
melo cum transitu ejusdem ad Discalceatos. 239
- LXI. Praefinitio numeri, & qualitatum Praelatorum  
& Referendariorum utriusque Signaturae Romani  
Pont., cum privilegiorum concessione. 241
- LXII. Nonnulla statuuntur pro Ecclesiis Calaguri-  
tan., & Calceaten. super receptione filiorum  
patrimonialium in Beneficiatos dictarum Ec-  
clesiarum. 244
- LXIII. Communitates Status Ecclesiastici pro aliis  
obligatae, infra annum ab earum obligationi-  
bus liberentur. Et de cetero pro aliis se obli-  
gare, & eorum bona alienare, ac praeterquam  
ratione locationis obligare, vel Oratores sum-  
ptibus publicis ad Pontificem mittere ne-  
queant. 247
- LXIV. Unio Hospitalium Congregationis Joannis  
Dei in unum corpus cum nonnullis Ordina-  
tionibus. 249
- LXV. Quod omnes etiam S. R. E. Cardinales, be-  
neficia, & pensiones Militiae S. Joannis Hie-  
rosolymitani, etiam ex Sedis Apostolicae pro-  
visione obtinentes, ad solutionem jurium com-  
munis ararii omnino teneantur, Receptores-  
que propria auctoritate exigere valeant, ex in-  
dulto Pii V. 252
- LXVI. Erectio Collegii Montis Alti in Civitate Bo-  
nonien. 255
- LXVII. Erectio officii Commissariatus Rev. Came-  
rae Apostolicae in officium perpetuum vacabile,  
cum jurisdictionis, emolumentorumque, & in-  
dultorum concessione. 259
- LXVIII. Damnatio contractuum Societatis, securi-  
tatem capitalis, aut certam responsionem, aut  
aliter usurariam pravitatem continentium. 263
- LXIX. Concessio Privilegiorum Hebraeis in Statu  
Ecclesiastico commorantibus, iisque qui in eo-  
dem Statu, vel masinonem, vel commercium  
fixerint. 265
- LXX. De temeraria tori separatione, ac publicis  
adulteriis, stupris, & lenociniis, in quibusdam  
casibus severius in Alma Urbe puniendis. 267
- LXXI. Jurisdictio Judicis Causarum Beneficialis con-  
fidentiae, & simoniae, & cum eis connexita-  
tem habentium, in Romana Curia movenda-  
rum, aut per appellationem a Judicibus extra  
Curiam introducendarum. 270
- LXXII. Montis Alti Oppidi in Provincia Marchiae in  
Civitatem sublimatio. Ejusque Colleg. Eccles.  
in Cathedrali, & Episcopalem erectio. 274
- LXXIII. Erectio Custodiae S. Gregorii Ordinis Fra-  
trum Minorum de Observantia Discalceato-  
rum nuncupator. in Insulis Philippinis, in  
Provinciam. 275
- LXXIV. S. Severini Oppidi in Provincia Piceni in  
Civitatem sublimatio, ejusque Collegiatae Eccl.  
in Cathedrali, & Episcopalem erectio. 277













# Index Rubricarum.

- LXXV. Divisio Burgi a regione Pontis, & Transyberim, & erectio illius in Regionem Castellæ S. Angeli nuncupat. &c. 278
- LXXVI. De S. R. E. Cardinalium creandorum præstantia, numero, ordine, ætate, & qualitatibus, & de optione sex Cathedralium Ecclesiarum, quæ Cardinalibus conferuntur. 279
- LXXVII. Tolentini Oppidi in Provincia Picena, in Civitatem sublimatio, ejusque Collegiata Ecclesiæ in Episcopalem erectio. 285
- LXXVIII. Reformatio circa immoderatos sumptus, qui in Alma Urbe fieri consueverunt, circa vestes, dotes, ornamenta, indumenta, & convivium. 286
- LXXIX. Ampliatio Congregationis sub invocatione Annunciationis B. Mariæ Virginis, alias in Urbe instituta, pro Scholaribus insistentibus Studiis Collegii Societatis Jesu instituta, ad quoscumque alios etiam non studentes. Et facultas alias Congregationes aggregan. eisque indulgentias communicandi. 292
- LXXX. De incertis quibusdam casibus ultimo supplicio in Statu Ecclesiastico puniendis. 294
- LXXXI. Præfinitio Titulorum, & Diaconiarum pro Sanctæ Romanæ Ecclesiæ Presbyteris, & Diaconibus Cardinalibus. 296
- LXXXII. Confirmantur Constitutiones Collegii Boromejorum Papien. 298
- LXXXIII. Contra non restituentes, aut revelantes scripturas ad Rev. Camera Apostolicam quomodolibet spectantes a Commissario ejusdem Camera coercendos. 300
- LXXXIV. Erectio Typographiæ Vaticanæ. 301
- LXXXV. Institutio Hospitalis pauperum Mendicorum in Urbe, ad eos pie alendum, eorumque animæ, & corpori salubriter consulendum, cum annuorum reddituum, & privilegiorum assignatione. 304
- LXXXVI. Declaratio, quod suppellectilia ad cultum Divinum destinata per obitum Prælatorum in Regnis Hispaniarum relictæ, Capitula debeant de manibus generalis Collectori spoliis Camera, non autem propria auctoritate recipere. 308
- LXXXVII. Indultum, ut Commissarius Generalis Ordinis Fratrum Minorum de Observantia, nunc, & pro tempore existens in partibus Indiarum, habeat vocem activam, & passivam in Capitulo Generali. 309
- LXXXVIII. Statuitur, quod Capitulum Generale Ordinis Fratrum Minorum Sancti Francisci de Paula de cetero de sexennio in sexennium celebrari debeat. 310
- LXXXIX. Erectio Cappellæ ad Præsepe Jesu Christi in Basilica S. Mariæ Majoris de Urbe, cum Præpositi, Sacristæ, Cappellanos, & Beneficiarios institutione, atque Cardinalis Protectoris, & Judicis causarum ad eos spectantium jurisdictione. 311
- XC. Damnatio conjugiorum per Eunuchos, & Spadones contractorum, & contrahendorum. 319
- XCI. Provincia Hispaniæ Ordinis Carmelitarum Discalceatorum erigitur in Congregationem datis ei nonnullis Statutis, concessisque Privilegiis. 319
- XCII. Institutio Collegii honestarum Viduarum, & Puellarum, sub regimine Confratrum Congregationis Sancti Barnardi religiose educandarum, cum indultorum concessione, præsertim quo

- ad pia eis relictæ. Et jurisdictione Sanctæ Romanæ Ecclesiæ Cardinalis Protectoris, & Judicis causarum ad eas spectantium. 323
- XCIII. Statutum quod Officia Generalis, Visitatorum, Priorum, Vicariorum, & Procuratorum Congregationis S. Georgei in Alga sint triennalia, & Capitulum generale celebretur de triennio in triennium, & in electionibus nulla habeatur ratio absentium. 330
- XCIV. Confirmatio gestorum in Dieta in Monasterio de Pace de Urbe habita pro Congregatione Lateranen. 332
- XCV. Statutum, quod Libri linguæ Arabicæ, Turcicæ, Persicæ, & Caldaicæ, etiam Sacræ Theologiæ, & quorumcumque facultatum imprimendi, ante quam imprimantur debeant per Cardinales super Congregatione Indicis deputatos examinari, & corrigi &c. 334
- XCVI. De Constitutionibus Pii IV., & Pii V. circa Confidentias beneficiale editis, in Regno Galliarum exequendis, cum moderatione poenarum. 335
- XCVII. Studii generalis Almæ Urbis regimen Collegio Advocatorum Consistorialium confertur, cum antiquorum Privilegiorum confirmatione, & Præcedentiæ concessione. 336
- XCVIII. Declaratio circa proprietatem, olim Congregationi Canonorum sæcularium Sancti Georgei in Alga Venetiarum, absolute interdictam. 338
- XCIX. Prohibitio admittendi ab Beneficia Regni Valentini alienigenas Regnorum Hispaniæ, in quibus ipsi Valentini ad similia non admittuntur. 339
- C. Ampliatio Collegii Clericorum Camera ad numerum duodenarium. 344
- CI. Quod Franciscus Medices Magnus Dux Etruriæ, & Magnus Magister Militæ Ordinis Sancti Stephani, erigere valeat in Commendas dictæ Militiæ, Hospitalia per laicos regi solita, ad hospitalitatem instituta, in Etruria existentia, de quibus Sedes Apostolica disponere non consuevit. 345
- CII. Privilegia, & Immunitates pro ædificantibus, vel habitantibus in Via Felici, & in Via Pia Almæ Urbis. 346
- CIII. Confirmatio declarationis, correctionis, & reformationis Constitutionis Magalottæ in Provincia Romandiola observanda. 348
- CIV. Prohibitio extrahendi, aut quoquo modo amovendi libros, & alia existentia in Bibliothecis Fratrum Minorum de Observantia Ordinis S. Francisci. Et ordinationes quibus eadem conservari debeant. 356
- CV. Confirmatio Privilegiorum Ordinis Fratrum Minorum S. Francisci de Observantia. 357
- CVI. Approbatio Congregationis Fratrum Minorum Conventualium Reformatorum S. Francisci, cum habitus designatione, & privilegiorum communicatione. 359
- CVII. Quod tam Professores Ord. Sancti Hieronymi Oppidi de Escorial nullius Diocesis Provinciæ Toletan. quam etiam Sæculares, Clerici, ac laici, qui in Collegio eorundem Fratrum Theologiæ, & Philosophiæ operam dederint, postquam cursus studiorum perfecerint, & de hoc fidem obtinuerint, possint recidi, & admitti ad quoscumq. gradus Magisterii, & Doctoratus in quacumque Universitate studiorum generalium in Regnis Hispaniæ. 362
- De



## Index Rubricarum.

- CVIII. De decies alteris centenis millibus num-  
 mum aureorum, in Arce S. Angeli sepositis,  
 nullo umquam tempore, nisi in præscriptis ca-  
 sibus, certaue desuper servata forma deprom-  
 endis. 363
- CIX. Indulgetur Fratribus, & Monialibus Ordinis  
 B. Mariæ de Mercede Redemptionis captivo-  
 rum, recitandi Officium juxta Breviarum pro  
 dicto Ordine a Cardinalibus Deputatis appro-  
 batum. 365
- CX. Indulta, & gratiæ Congregationis Monachorum  
 B. Mariæ Fulienfis, Ordinis Cisterciensis S. Be-  
 nedicti strictioris observantiæ. 366
- CXI. Confirmatio Statutorum Monasterii, seu Col-  
 legii S. Laurentii el Real Provincia Toletan.  
 Ordinis S. Hieronymi. 368
- CXII. Prohibitio recipiendi ad habitum, vel pro-  
 fessionem cujuscumque Ordinis regularis, ho-  
 mines illegitimos, criminosos, aut ære alieno,  
 reddendisve rationibus obnoxios, Et præscriptio  
 formæ Novitios recipiendi. 370
- CXIII. Reformatio Curia: Alma: Urbis Gubernato-  
 ris quo ad causas Civiles. 376
- CXIV. Indulgentiarum elargitio, pro quorundam  
 Christianorum Imperatorum numismata ge-  
 stantibus, aut Ecclesias, ubi ea asservantur,  
 visitantibus, & pia opera hic expressa exercen-  
 tibus. 380
- CXV. Confirmatio privilegiorum Civitatis, Ter-  
 rarum, & locorum Comitatus Esii cum non-  
 nullis Statutis pro directione ejusdem Comi-  
 tatus. 384
- CXVI. Erectio Collegii S. Bonaventura: in Conven-  
 tu Sanctorum XII. Apostolorum de Urbe Ordi-  
 nis Minorum Conventualium. 388
- CXVII. Institutio quindecim Congregationum San-  
 ctæ Romanæ Ecclesiæ Cardinalium, cum juris-  
 dictionum, & facultatum partita concessione,  
 ad faciliorem universæ Reipublicæ Christianæ,  
 Statusque Ecclesiastici, & Romanæ Curia: ne-  
 gociorum, & causarum expeditionem. 392
- CXVIII. Prohibitio ad arma ex quibuscumque causis,  
 præter hic exceptis armatorum manus, aut  
 cavalcatas, tumultuosasque hominum collectas  
 in Statu Ecclesiastico congregandi. 401
- CXIX. Adscriptio S. Bonaventura: Balneoregientis  
 inter egregios Sanctosque Catholicæ Ecclesiæ  
 Doctores, cum Indulgentiis pro ejus Festivita-  
 te die 14. Julii celebranda. 405
- CXX. Monasterium Sancti Cypriani Mensæ Patriar-  
 chali Venetiarum unitur. 410
- CXXI. Quomodo Clerici regulares S. Pauli Decol-  
 lati, Novitios ad eorum Religionem admitte-  
 re possint. 413
- CXXII. Institutio præsidii ducentorum millium  
 scutorum, pro ubertate Annonæ in Alma  
 Urbe. 414
- CXXIII. Quod vacent omnes Ecclesiæ, & Beneficia,  
 eorum, qui ad dignitatem Cardinalatus promo-  
 ventur. Et quando eis datur retentio, intelli-  
 gatur de beneficiis non requirentibus residen-  
 tiam in loco, d. dignitati non convenienti. 417
- CXXIV. Confirmatio omnium Privilegiorum, In-  
 dultorum, Indulgentiarum, & quarumcumque  
 gratiarum locis ad SSimum Sepulchrum Domi-  
 nicum spectant., ac illa visitantibus necnon Fra-  
 tribus Ordinis Fratrum Minorum S. Francisci  
 de Observantia in illis partibus degentibus quo-  
 modolibet concessarum, dummodo sint in usu,  
 & decretis Concilii Tridentini non adversen-  
 tur. 417



# INDEX INITIALIS BULLARUM.

*Quæ in hoc Volumine referuntur.*

## A

<b>A</b> <i>Bundantes Divinae gratia.</i>	Pag. 414
<i>Ad Apostolicæ dignitatis.</i>	101
<i>Ad clavum Apostolicæ.</i>	206
<i>Ad compeſcendam.</i>	267
<i>Ad excelſum.</i>	259
<i>Ad exequendum noſtri.</i>	330
<i>Ad Romanum ſpectat.</i>	373
<i>Ad tollendum.</i>	19
<i>Æquum arbitramur.</i>	252
<i>Æquum, &amp; rationi.</i>	127
<i>Æquum reputamus.</i>	92
<i>Æquum reputavimus.</i>	130
<i>Afflicta, &amp; crudeliter.</i>	236
<i>Alias a fel. rec.</i>	169
<i>Alias fel. rec.</i>	234
<i>Alias pia mem.</i>	1
<i>Anno ſuperiore.</i>	363
<i>Antiqua Judæorum.</i>	5
<i>Apoſtolica Sedis.</i>	13
<i>Apoſtolici muneris.</i>	359
<i>Ascendente Domino.</i>	55

## C

<b>C</b> <i>Amera noſtra Apoſtolica.</i>	213
<i>Cathedram militantis.</i>	255
<i>Chriſtiana pietas.</i>	265
<i>Chriſtiana Nobiſcum.</i>	2
<i>Circa Paſtoralis Officii.</i>	212
<i>Circumſpecta Romani Pontificis.</i>	338
<i>Cœleſtis Pater.</i>	226
<i>Cœleſtis Patris.</i>	124
<i>Cœli, &amp; Terræ.</i>	176
<i>Conſtantia, &amp; eximia.</i>	146
<i>Conſueverunt Romani.</i>	2
<i>Contraverſa inter.</i>	31
<i>Copioſus in miſericordia.</i>	108. 153
<i>Cum adeo pium.</i>	199
<i>Cum ad regendos.</i>	309
<i>Cum alias.</i>	4. 18. 54. 171
<i>Cum benigna Mater</i>	193
<i>Cum de omnibus.</i>	370
<i>Cum de rebus.</i>	244
<i>Cum de Statu.</i>	319
<i>Cum frequenter.</i>	319
<i>Cum inter alios.</i>	39. 122
<i>Cum interna.</i>	48

<i>Cum in unaquaque.</i>	286
<i>Cum nos nuper.</i>	192
<i>Cum ſicut accepimus.</i>	7. 213. 227. 255. 356
<i>Cum ſicut exponi.</i>	22
<i>Cum ſicut Nobis.</i>	237
<i>Cupientes pro Paſtoralis.</i>	12

## D

<b>D</b> <i>Ecet Apoſtolicam Sedem.</i>	99
<i>Decet Romanum Pontificem.</i>	46. 346
<i>De Sacrarum Religionum.</i>	310
<i>De ſalubri Civitatum.</i>	384
<i>Detestabilis avaritia.</i>	263
<i>Divina Dei providentia.</i>	270
<i>Divina caritatis altitudo.</i>	167
<i>Dominicum gregem.</i>	33
<i>Dum ad uberes.</i>	275
<i>Dum attenta conſiderationis.</i>	121
<i>Dum ineffabilia.</i>	185
<i>Dum pro communi.</i>	401
<i>Dum ſuaſes.</i>	362

## E

<b>E</b> <i>A eſt Eremitæ.</i>	85
<i>Ea eſt Congregationis.</i>	225
<i>Eam ſemper.</i>	301
<i>Ea quæ.</i>	65
<i>Egregia Populi Romani.</i>	187
<i>Et ſi Mendicantium.</i>	357
<i>Et ſi pro debito.</i>	249
<i>Ex Collegio Germanico.</i>	49
<i>Ex debito Paſtoralis.</i>	368
<i>Exigit incumbenſis.</i>	413
<i>Ex injuncti Nobis.</i>	36
<i>Ex omnibus Chriſtiana.</i>	191
<i>Exponi Nobis.</i>	8. 13
<i>Expoſcit debitum.</i>	22
<i>Expoſcit Paſtoralis.</i>	38
<i>Expoſitum Nobis.</i>	224
<i>Ex ſuperna diſpoſitionis.</i>	166

## F

<b>F</b> <i>Idei conſtantia.</i>	148
<i>Fidelium votis.</i>	223
<i>Firmum ita.</i>	19
<i>Glo-</i>	



# Index Initialis.

## G

**G**loriosa, & semper Virginis . 311

## H

**H**OC nostri Pontificatus . 138  
Hodie a Nobis . 410  
Humano sic ferunt . 66  
Humano vix iudicio . 41

## I

**I**mmensa Dei . 47. 60. 63. 69  
Immensa aeterni Dei . 392  
Immensa divina sapientia . 181  
In Caeli Throno . 142  
Ineffabilis Divina . 388  
In omnibus rebus . 348  
In praelata . 86  
In Sacrosancto B. Petri . 339  
In sublimi B. Petri . 376  
In supereminenti . 95. 106  
In superna militantis . 233  
Intelligentes . 232  
Intemerata Matris Dei . 142  
Inter Apostolicas . 75  
Inter gravissimas . 10  
Inter multiplices . 76  
Inter varias curas . 133  
Inter varias . 247  
Invictorum Christi militum . 204

## L

**L**aboriosam, & indefessam . 72  
Laudabilis Sedis Apostolica . 163  
Laudemus viros . 380  
Licet Capitulum Generale . 332

## M

**M**eritis vestrae devotionis . 150  
Muneris nostri debito . 143

## N

**N**ON sine maxima . 300  
Non sine gravi . 84  
Nuper pro parte . 147

## O

**O**mnipotens Deus . 8  
Omnipotentis Dei . 82

## P

**P**astoralis Officii sollicitudo . 335  
Pia sanctorum Patrum . 186  
Piis Fidelium . 417  
Piis Regularium . 365  
Pium, & utile . 17  
Pontifex Romanus . 215  
Postquam verus ille . 279  
Praeclara, ac insignia . 238  
Praeclara devotionis . 345  
Præstantissima pietas . 168  
Pro Apostolica servitute . 111  
Pro ea, quam . 183  
Pro excellenti præeminencia . 189  
Pro Pastoralis Officio . 179

## Q

**Q**uæ a Prædecessoribus . 239  
Quæ a Romanis . 80  
Quaecumque improbi . 32  
Quamvis infirma . 304  
Quanta Apostolica Sedis . 192  
Quanto fructuosius . 23  
Quemadmodum providus . 241

## R

**R**ationi congruit . 128. 136  
Regimini Universalis . 25  
Religiosa Sanctorum Pontificum . 295  
Religiosos viros . 211  
Romana Ecclesia . 73  
Romani Pontificis . 9. 200. 201  
Romanum decet Pontificem . 205. 217. 298  
Romanus Pontifex . 161. 173. 308

## S

**S**acri Apostolatus Ministerio . 336  
Sacrosanctæ militantis Ecclesiæ . 323  
Sacrosanctæ Romanæ Ecclesiæ . 104  
Salvatoris nostri . 43  
Salubri Regularium . 192  
Sancta Mater Ecclesia . 54. 74  
Sancta Romana Universalis . 176  
Sanctissimus D. N. . 284. 417  
Sic



Index Initialis.

<i>Sic humani plerumque .</i>	344	<b>V</b>		
<i>Si cunctas per Orbem .</i>	182			
<i>Sollicitudo , paternusque .</i>	134			
<i>Superna dispositione .</i>	277. 292		<b>V</b> <i>Igore privilegii .</i>	80
<i>Super specula militantis .</i>	366		<i>Virium nostrarum infirmitati .</i>	132
<i>Super universas Orbis .</i>	274. 285	<i>Universi Orbis .</i>	20	
		<i>Volentes , quantum in Nobis .</i>	294	
		<i>Ut cuncti fideles .</i>	159	
		<i>Ut primum potestas</i>	278	
<b>T</b>				
<b>T</b> <i>Anta sunt .</i>	39			
<i>Triumphantis Hierusalem .</i>	405			

---

IMPRIMATUR,


Si videbitur Reverendissimo Patri Sacri Palatii Apostolici Magistro .

*F. M. de Rubeis Archiep. Tharsi Vicesgerens .*

---

IMPRIMATUR,

Fr. Aloysius Nicolaus Ridolfi Ordinis Prædicatorum Sacri Palatii Apostolici Magister .







# CONSTITUTIONES GREGORII XIII. ANNO DECIMO.

CXXIX.

Medici Hebræi, vel Infideles ad curandos Christianos infirmos non admittantur. Et Medici omnes servant Constitutionem Pii V. in monendis infirmis ad confessionem peccatorum.

*Hoc idem quoad Medicos Hebræos statuit Paulus IV. in ejus Const. IV. Cum nimis Tom. IV. Part. I. fol. 321.*

GREGORIUS PAPA XIII.

*Ad perpetuam rei memoriam.*

Paulus IV. prohibuit Medicos Judæos curare posse Christianos.



**A**LIAS piæ mem. Paulus Papa IV. Prædecessor noster, edita perpetua Constitutione inter alia sancivit, ne Medici Judæi, etiam vocati, & rogati, ad Christianorum agrotantium curam accedere, aut illi interesse possent.

Pius V. approbavit.

§.1. Quam Constitutionem postea Pius Papa V. etiam Prædecessor noster per suas literas approbavit, innovavit, & confirmavit, & robur perpetuæ firmitatis obtinere decrevit, ac voluit, & sub intimatione divini judicii præcepit, & mandavit omnia in eadem Constitutione contenta in posterum firmiter observari, non solum in terris, & dominiis S. R. E. subjectis, sed etiam ubique locorum.

Innocent. III. & Pius V. in Constit. III. jussunt Medicos non posse ad infirmos non confessos accedere.

§.2. Quia tamen Nobis non sine magna animi nostri molestia innotuit, eam minime observari, sed per multos adhuc ex Christianis hominibus esse, qui dum suos corporum languores illicitis mediis, & præcipue Judæorum, ac aliorum Infidelium opera sanari cupiunt, veræ salutis animarum suarum, & corporum simul immemores fiunt, & quod valde dolendum est, in damnationis æternæ maximum sepe discrimen incidunt, Medicis Judæis, & Infidelibus hujusmodi ad ipsorum curationem vocatis, & adhibitis; unde fit, ut & Judæis, ac aliis Infidelibus magna detur delinquendi occasio, & simul salutare præceptum negligat.

*Bull. Rom. Tom. IV. Par. IV.*

tur, ab Innocentio Papa III. similiter Prædecessore nostro in Concilio generali quondam emissum, & deinde a prædicto Pio V. innovatum, quod omnes Medici cum ad infirmos in lecto jacentes vocati essent, ipsos ante omnia monerent, ut idoneo Confessori omnia peccata sua juxta ritum S. R. E. confiterentur, neque tertio die ulterius visitarent, nisi longius tempus infirmo Confessor ob aliquam rationabilem causam, super quo ejus conscientia onerabatur, concessisset, & eis per fidem Confessoris in scriptis factam constaret, quod infirmi peccata sua confessi fuissent.

§.3. Idcirco Nos tam Judæos, qui adversus mandata hujusmodi Apostolica committere audeant, quam Christianos, qui illos ad se accersunt, vel medendi licentiam concedunt, & viam ad delinquendum eisdem aperiunt, coercere volentes, supradictas Prædecessorum nostrorum Constitutiones, auctoritate Apostolica, tenore præsentium approbamus, confirmamus, & innovamus, ac inviolabiliter observari mandamus, atque hac nostra in perpetuum valitura Constitutione, eisdem Constitutionibus, & præceptis, pro firmiori illorum observatione addentes, universis utriusque sexus Christifidelibus districte inhibemus, & interdiciamus, ne posthac Judæos, vel alios Infideles ad ipsorum Christianorum agrotantium, & infirmorum curam, vocent, seu admittant, aut vocari, admittive faciant, concedant, vel permittant.

Pontifex iste approbat, & innovat dictas Constitutiones Pauli IV. & Pii V.

§.4. Mandantes propterea omnibus, & singulis venerabilibus fratribus nostris Patriarchis, Primatibus, Archiepiscopis, & Episcopis, necnon dilectis filiis aliis locorum Ordinariis, & quibuscumque Parochis, aliisque animarum curam habentibus, & exercentibus sub indignationis nostræ, ac aliis arbitrio nostro infligendis poenis, ut præsentibus nostras literas in suis Ecclesiis, quæ in illis Civitatibus, vel Diocæsisbus constitutæ sunt, in quibus Hebræi, vel alii Infideles moram trahunt, quamprimum ad eos perlatæ fuerint, & deinde singulis annis initio

Publicetur hæc Constitutio singulis annis initio Quadragesimæ.



Contraveni-  
tium poenæ.

quadragesimalis jejunii publicent, aut publicari faciant.

§.5. Et quia si quis post earum publicationem, etiam quomodolibet exemptus, ac cujuscumque status, gradus, ordinis, conditionis, & præminentiae existens adversus illa facere ausus fuerit, sacramenta ei ecclesiastica nullatenus ministrentur, nec etiam a regularibus exemptis, & sic decedens ecclesiastica careat sepultura, quæ quidem omnia Parochi ægrotantibus significare apto tempore non omittant, præsertim cum Judæorum, vel Infidelium Medicum ab eis admissum esse cognoverit, & alias ipsi locorum Ordinarii contra hujus mandati transgressores debita animadversione procedant, Judæosque ipsos nihilominus juxta Pauli, & Pii Pontificum prædictorum literas contra illos editas pro earum transgressione puniant.

Clausula de-  
rogatoria.

§.6. Non obstantibus Constitutionibus, & Ordinationibus Apostolicis, ac omnibus illis, quæ iidem Paulus, & Pius in suis literis prædictis voluerunt non obstat, privilegiis quoque, indultis, & literis Apostolicis quibuscumque personis, etiam regularibus, privilegiatis, & exemptis, eorumve Ordinibus, & Congregationibus, sub quibuscumque tenoribus, & formis, etiam Mari magno, seu Bulla aurea nuncupata, ac cum quibuscumque clausulis, & decretis, in genere vel in specie, ac alias in contrarium quomodolibet concessis, approbatis, & innovatis; quibus omnibus, etiam si de illis, eorumque totis tenoribus, & formis, specialis, specifica, expressa, & individua mentio, seu quævis alia expressio habenda, aut alia qua alia exquæ sita forma ad hoc servanda foret, illorum tenores, ac si de verbo ad verbum nihil penitus emisso, & forma in illis tradita observata, inserti forent præsentibus, pro sufficienter expressis habentes, illis alias in suo robore permanens, hac vicedumtaxat specialiter, & expresse derogamus, contrariis quibuscumque. Seu si ali quibus communiter, vel divisim, ab Apostolica sit Sede indultum, quod interdicti suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Fides trans-  
scriptorum.

§.7. Et quia difficile foret, easdem præsentibus ad singula quæque loca deferri, volumus, & declaramus, quod earum transumptis, etiam impressis, & manu alicujus Notarii publici subscriptis, & sigillo alicujus personæ in dignitate ecclesiastica constitutæ munitis, eadem prorsus fides ubicumque habeatur, quæ præsentibus haberetur, si forent exhibitæ, vel ostensæ.

D. P. An.X.  
30. Maii.

Datum Romæ apud Sanctum Petrum, sub annulo Piscatoris, die trigesima Maii, millesimo quingentesimo octuagesimo primo, Pontificatus nostri anno X.

CXXX.

De auctoritate Archiconfraternitatis B. Mariæ Virginis Confalonis de Urbe, quoscumque Christifideles S.R.E. ditioni subiectos, piorum eleemosynis perquisitis, ab Infidelium captivitate liberandi. Duosque carceratos, in festo ejusdem B. Mariæ, & in ejus honorem, anno quolibet liberandi.

*Alia de hac Sodalitate, dixi ad hujus Pont. Constit. LVII. Pastoris, Tom. IV. Par. III. fol. 319.*

GREGORIUS EPISCOPUS

SERVUS SERVORUM DEI

*Ad perpetuam rei memoriam.*

CHRISTIANÆ Nobiscum Religionis confortes, gravi captivitatis, & servitutis iugo a Christiani nominis hostibus oppressos, durisque operibus quotidie vexatos, immensa S. Matris Ecclesiæ clementia pie miseratur, eorumque afflictiones, fuis ad misericordiarum Patrem, & totius consolationis Deum, devotis precibus adjuvare, atque in aliorum Christianorum memoriam, in mysticis maxime, & ad purificandas fidelium mentes sanctius institutis diebus, revocare non intermittit. Quod clemens piæ Matris officium Nos quoque admonet, ut miserorum Captivorum arumnis succurramus, fratrumque charitatem ad idem, quantum in Nobis est, excitemus, ne languescente paulatim extremis malis conflictatæ carnis infirmitate, & hoste diabolo, se infirmis, & verbi Dei prædicatione, sacrificiorum, & sacramentorum solatio destitutis eorum mentibus insinuante, desperationi succumbentes, ad susceptæ in baptismo Fidei desertionem inducantur, tandemque, cum nulla, siquam habebant, subsidii spes appareat, ad æternam redemptarum pretioso Domini nostri Jesu Christi sanguine animarum perditionem misere perducantur.

Christianorū  
apud infideles  
Captivorum  
mala hic Pō-  
tifex deplorat

§.1. Quare ne hujusmodi, quæ toto animo horrescimus, accidant, neve in qua re sacris rebus, & pretiosis vasis non parcitur, & in qua a Deo acriter interrogamur, cur tot captivi in captivitatem ducti sunt, nec redempti, negligentes diutius fuisse, aut quicquam pretiosius, quam animas ipsas habuisse arguamur, quando nostra, & Sedis Apostolicæ auctoritate redimendorum Captivorum opus in alia jamdiu loca est diffusum, illud quoque in Alma Urbe nostra constituere decrevimus, ad quod etiam ingemiscientium Captivorum matrum, aliorumque propinquorum lamentis, & lacrymis quotidie urgemur, eorum maxime, qui nostræ, & dictæ Sedis temporali ditioni subiecti, ut ipsi tutelam primum, & in mari nostro Tyrrheno, & Adriatico securitatem, sic post vincula liberationem quoque a Nobis jure suo exposcere videntur. Quibus omnibus valde ad hoc opus sollicitati, cum adiumenta Nobis ad illud requiremus, in dilectos filios Custodes, & Confratres Archi-

Et ad eorum  
liberationem,  
& redemptionem,  
qui sunt  
de Statu Ec-  
clesiastica.

con-



Confraternitatis Gloriosissimæ Virginis Mariæ Consalonis nuncupatæ de dicta Urbe, quos huic operi præficeremus, mentem nostram intendimus; de quorum insigni Christianæ pietatis affectu confisi, qui Nobis, cum ob præstitam in Ecclesiarum Archiconfraternitati prædictæ unitarum divino cultu, & conservando, & augendo, inopibusque dotandis, & locandis puellis, necnon pauperibus, aliisque variis casibus afflictis, multos annos in Urbe operam, tum etiam dilecti filii nostri Julii Antonii S. Bartholomæi in Insula Presbyteri Cardinalis S. Severinæ nuncupati, testimonio Nobis satis innotescit.

Archiconfraternitatem  
Consalonis de-  
putat.

§.2. Motu igitur proprio, & ex certa scientia, necnon matura deliberatione nostra, deque Apostolicæ potestatis plenitudine, onus hoc universum, quod magnum esse intelligimus, curæ, & solitudini Archiconfraternitatis prædictæ in perpetuum imponimus, ad hoc, ut ipsa Archiconfraternitas, illiusque Custodes, & Confratres pro tempore existentes, quoscumque Christianifideles dictæ Urbis, ac Provinciarum, Civitatum, Terrarum, & locorum nostræ, & dictæ Sedis temporali ditioni mediate, & immediate subiectorum, ubicumque captos conquirant, ex infidelium servitute redimant, eaque de causa in omni loco dictæ ditioni nostræ, ut præfertur, subiectos, eleemosynas, & oblata quæcumque quarant, & accipiant, collectores probos, & ad charitatis officium exercendum propensos, ac alias ad id ab Ordinariis locorum approbatos, quotquot necessarii fuerint, servata forma Concilii Tridentini constituent; qui eleemosynas, oblationes, legata, & quæcumque alia subsidia, tam in dicta Urbe, quam in quibuscumque Provinciis, Civitatibus, Oppidis, Castris, & locis ipsi ditioni, ut supra, subiectis, pro huiusmodi redemptione, & causis ad eam pertinentibus perquirant, pecuniasque inde congerendas, penes publicum mercatorem fide, & facultatibus idoneum deponant, donec illæ in redemptionem Captivorum huiusmodi, arbitrio ipsorum Custodum, & Confratrum erogarentur; ita tamen, ut de aliis ipsius Archiconfraternitatis redditibus ad alios pios usus, juxta illius laudabilia instituta destinatis, nihil omnino detrahatur.

Hortatur Cōfratres, ut redemptionis curam suscipiant.

§.3. Itaque Custodes, & Confratres prædictos, necnon omnes utriusque sexus Christianifideles per redemptionis nostræ Sacramentum omni cordis affectu obtestamur, ut ejus membris laborantibus, & oppressis compati non negligant, qui pro omnibus pati ipse dignatus est. Custodes siquidem, & Confratres, ut cum nostræ benedictionis gratia redemptionis Captivorum causam prompto animo suscipiant, seque ad salutem animarum in Infidelium potestate periclitantium ferventer exerceant, ac tam ipsi, quam alii Christianifideles nascenti huic operi semper, & ubique faveant, piisque largitionibus prosequantur, centuplum in æternis coeli tabernaculis feliciter recepturi.

§.4. Insuper universis & singulis Archie-

Bull. Rom. Tom. IV. Par. IV.

piscopis, Episcopis, & aliis Ecclesiarum Prælati, necnon Rectoribus Parochialium, & aliarum Ecclesiarum, eorumque Vicariis, ac ceteris ordinis Ecclesiastici personis secularibus, & etiam Mendicantium regularibus in quacumque dignitate Ecclesiastica constitutis ditionis prædictæ injungimus, ut quotiescumque pro parte Custodum, & Confratrum prædictorum, seu alicujus eorum fuerint requisiti, laudabile hoc opus per se, vel alium, seu alios, etiam adhibitis verbi Dei Concionatoribus, in suis quisque Ecclesiis, plateis, & locis, & ubicumque opus erit, omnibus Christianifidelibus publicent, atque denuncient, ipsosque ad illud omni studio, & charitate ad eleemosynas, oblationes, & legata prædicta certatim conferenda, omni studio, & charitate accedant, ut miseris, & afflictis captivis, quorum animarum periculum imminet, copiosius succurratur.

§.5. Ceterum, ut pium hoc opus salubribus institutis directum felicia in dies suscipiat incrementa, Custodibus, & Confratribus prædictis licentiam tribuimus, ut ad faustum, & incolumem statum ipsius operis rite, atque ordine constituendum quæcumque statuta, ordinationes, & decreta licita, & honesta, sacrisque canonibus, Conciliique Tridentini decretis non contraria, & a nostro in Urbe in spiritualibus Vicario approbanda condere, ac condita, quotiescumque opus erit, mutare, & corrigere, & etiam omnino, vel in parte abrogare, aliaque, ut præfertur, approbanda, de novo edere, ac cetera gerere, exequi, & exercere, quæ in præmissis necessaria fuerint quomodocumque, & opportuna.

Facultas Societatis con-  
dendi statu-  
ta &c.

§.6. Decernentes presentes, ac omnia in eis contenta perpetuo inviolata consistere; Sicque per quoscumque Judices ordinarios, & delegatos, etiam causarum Palatii Apostolici Auditores, ac S. R. E. Cardinales, sublata eis quavis aliter judicandi, & interpretandi facultate, ubique judicari, & definiri debere, necnon irritum, & inane quidquid contra illas per quoscumque scienter, vel ignoranter contigerit attentari.

Clausulæ præ-  
servativæ, &  
Decretum ir-  
ritans.

§.7. Quocirca Venerabilibus fratribus nostris Hostien., & Bononien., ac Perusin. Episcopis per Apostolica scripta Motu simili mandamus, ut ipsi, vel duo, aut unus eorum, per se, vel alium, seu alios, præsentem litteras, & in eis contenta quæcumque, ubi, & quando opus fuerit, ac quoties pro parte Custodum, ac Confratrum præfatorum, seu alicujus eorum fuerint requisiti, solemniter publicantes, eisque in præmissis efficacis defensionis præsidio assistentes, faciant auctoritate nostra ipsas litteras, & in eis contenta quæcumque, ab omnibus semper ubique firmiter observari, ac Custodes, Confratres, & Collectores prædictos, ceterosque omnes, quos litteræ ipsæ concernunt, illis pacifice frui, & gaudere; non permittentes quempiam ipsorum desuper molestari, contraditores quoslibet, & rebelles per censuras, & poenas Ecclesiasticas, aliaque opportuna juris,

Executorum  
deputatio.



& facti remedia, appellatione postposita, compescendo, legitimisque super his habendis servatis processibus, censuras, & poenas ipsas, etiam saepius aggravando, invocato etiam ad hoc, si opus fuerit, auxilio brachii saecularis.

Clausula derogatoria.

§.8. Non obstantibus fel. rec. Bonifacii Papae VIII. Praedecessoris nostri de una, & Concilio generali edita de duabus dietis, dummodo ultra tres dietas aliquis auctoritate praesentium, ad iudicium non trahatur, aliisque Apostolicis Constitutionibus, Conciliis quoque universalibus, etiam facultatum quaestuandi revocatoriis, necnon prohibitionibus desuper factis, ac Ecclesiarum, Monasteriorum, Hospitalium, piorum locorum, Collegiorum, & aliarum Confraternitatum, necnon Sanctissimae Trinitatis Redemptionis Captivorum, & B. Mariae de Mercede, aliorumque Ordinum quorumcumque iuramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, illis, eorumque Superioribus, & personis, sub quibuscumque tenoribus, & formis, ac cum quibuscumque etiam derogatoriis, aliisque efficacioribus, & insolitis clausulis, necnon irritantibus, & aliis decretis in genere, vel in specie, etiam ad Imperatoris, Regum, Reginarum, aliorumque Principum instantiam, aut etiam motu, scientia, & potestatis plenitudine similibus, ac etiam consistorialiter, & alias quomodolibet concessis, approbatis, & innovatis, quibus omnibus, etiam si de illis, eorumque totis tenoribus specialis, specifica, expressa, individua, & ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores huiusmodi pro plene, & sufficienter expressis habentes, illis alias in suo robore permansuris, hac vice dumtaxat specialiter, & expresse derogamus, contrariis quibuscumque, aut si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint per litteras Apostolicas non facientes plenam, expressam, & ad verbum de indulto huiusmodi mentionem.

Transumptorum fides.

§.9. Volumus autem, ut earundem praesentium transumptis, etiam impressis, & sigillo personae in dignitate Ecclesiastica constitutae, vel dictae Archiconfraternitatis munitis, manuque ejusdem Archiconfraternitatis, vel alterius Notarii publici subscriptis, eadem prorsus fides ubique in iudicio, & extra illud adhibeatur, quae ipsis praesentibus adhiberetur, si essent exhibitae, vel offensa. Nulli ergo &c.

D. P. An.X.  
28. Maii.

Datum Romae apud Sanctum Petrum anno Incarnationis Dominicae millesimo quingentesimo octuagesimo primo, quinto Kalendas Junii, Pontificatus nostri Anno Decimo.

Sequitur Indultum liberandi Carceratos, de quo in rubrica.

## GREGORIUS PAPA XIII.

*Ad perpetuam rei memoriam.*

§.10. **C**UM alias fel. rec. Julius Papa III. Praedecessor noster dilectis filiis Custodibus, & Confratribus Archiconfraternitatis Consalonis de Urbe, ut ad laudem, & honorem B. Mariae semper Virginis, in ejus Assumptionis festo unum carceribus detentum, etiam si talis ultimo supplicio plectendus veniret, ad illorum electionem annis singulis extrahere, & liberare valeret, indulserit.

Julius III. anno primo sui Pontificatus indultum dedit liberandi unum carceratum.

§.11. Et deinde pia mem. Pius Papa IV. etiam Praedecessor noster, ut huiusmodi Indultum majorem obtineret roboris firmitatem, illud, ac in eo contenta quaecumque approbaverit, & confirmaverit, ac perpetuae firmitatis robur adiecerit, necnon, quatenus opus esset, Custodibus, & Confratribus praedictis ea omnia de novo concesserit, prout in supplicationibus, Motu proprio eorundem Praedecessorum signatis, quorum solam signaturam ipsi Julius, & Pius Praedecessores sufficere respective voluerunt, plenius continetur.

Pius IV. anno etiam sui Pontificatus 1. illud confirmavit.

§.12. Cum autem, sicut exhibita Nobis nuper pro parte Custodum, & Confratrum praedictorum petitio continebat, licet ipsi in possessione excarcerandi, & liberandi huiusmodi abinde circa fuerint, & sint, ac elemosynam, quam liberandus huiusmodi ipsi Archiconfraternitati offerre, & dare vellet, in ejusdem Archiconfraternitatis usus convertere possint, tamen quia nuper Nos per quasdam nostras sub plumbo expeditas litteras onus universum, quod magnum esse intelleximus, redimendi captivos curae, & sollicitudini dictae Archiconfraternitatis in perpetuum Motu proprio imposuimus &c., ut supra.

Hic Pontifex dedit auctoritatem redimendi captivos, ut in praemissa Constitutione.

§.13. Volentes ipsi Custodes, & Confratres, totoque cordis affectu exoptantes, onus huiusmodi eis per Nos impositum, quod libenter acceptarunt, juxta nostram voluntatem, & dictas litteras exequi, & totali executioni nunc, & in omnibus redimendi dictos captivos, occurrentibus necessitatibus, demandare; sed cum ad id faciendum quamplurimum Christifidelium, elemosynae sint necessariae, & ipsi sperent ex nunc in carceribus dictae Urbis detentis, & pro tempore detinendis, aliquam elemosynam habere, & illam in redimendos captivos praefatos convertere parati sint, si in eis non solum unum, sed duos carceratos, & pro quocumque crimine, (praeterquam laesae Majestatis, & assassinii, ac propinati veneni, necnon falsificationis litterarum, supplicationum, commissionum, & aliarum gratiarum Apostolicarum, vel monetarum) in dictis carceribus existentes, & ad triremes, ac etiam ultimo supplicio condemnatos liberandi quolibet anno in perpetuum eis, ac dictae eorum Archiconfraternitati licentia, & auctoritas per Nos concedantur.

Modo hic idem Pontifex pro hujus operis subventionem.

§.14. Nos



Indultum li-  
berandi duos  
carceratos, re-  
cepta ab eis  
aliqua elee-  
mosyna, con-  
cedit.

Religionem  
Christianam  
multa nefanda  
committere.

§.14. Nos Custodes, & Confratres hujusmodi, in præmissis tam sanctis, & laudabilibus operibus confovere, ac eos, & ipsam Archiconfraternitatem amplioribus favoribus, & gratiis prosequi volentes, motu simili, & ex certa scientia nostra, ac de Apostolica potestatis plenitudine, præmissa in dictis supplicationibus motu proprio contenta, Apostolica auctoritate tenore præsentium perpetuo confirmamus, & approbamus, illisque nostrum, & dictæ Sedis firmitatis perpetuæ robur adjicimus, ac ea omnia, & singula, ad hoc, ut ipsi Custodes, & Confratres, quolibet anno perpetuis futuris temporibus non solum unum, sed duos carceratos, & pro quocumque crimine, & delicto quantumcumque gravi, & enormi, (supradictis exceptis) in dictis carceribus detentos, & detinendos, & ad triremes, & etiam ultimo supplicio condemnatos, & condemnandos, in vigilia dicti festi excarcerare, liberare, & absolvere libere, & licite valeant, qui eo ipso absoluti sint, & esse censeantur a quibusvis aliis criminibus (præterquam prædictis exceptis), auctoritate, & tenore prædictis etiam perpetuo harum serie extendimus, & ampliamus, ac eis, & d. Archiconfraternitati similiter perpetuo concedimus, plenamque, & liberam semper licentiam, & facultatem impartimur.

§.15. Mandantes dilectis filiis, dictæ Urbis Gubernatori, Senatori, Curie causarum Camere Apostolicæ generali Auditori, & Vicario, aliisque Judicibus, & Carcerum Custodibus, nunc, & pro tempore existentibus, ac eorum cuilibet, quatenus visis præsentibus, omni mora, & dilatione, & excusatione postpositis, eisdem præsentibus pareant, & obediant, ac illas observent, & observari faciant realiter, & cum effectu.

§.16. Non obstantibus præmissis, ac omnibus illis, quæ dicti Prædecessores nostri in eisdem motu proprio, & supplicationibus motu proprio, voluerunt non obstare, ceterisque contrariis quibuscumque.

Datum Romæ apud S. Marcum, sub annulo Piscatoris, die vigesima sexta Julii, millesimo quingentesimo octuagesimo tertio, Pontificatus nostri anno decimo secundo.

CXXXI.

De Judæorum, aut Infidelium flagitiis, in quæ hæreticæ pravitatis Inquisitores animadvertere possunt.

Ad hoc facit Const. II. Nicolai IV. Turbato Tom. III. Par. II. fol. 52. Et de materia Judæorum notavi in Paul. IV. Const. IV. Cum nimis Tom. IV. Par. I. fol. 321.

GREGORIUS EPISCOPUS  
SERVUS SERVORUM DEI

Ad futuram rei memoriam.

Judæi qui pro  
eorum con-  
versione in  
gremio S. R.  
E. recipiun-  
tur, audent in

Antiqua Judæorum improbitas, qua divinæ bonitati semper restiterunt, tanto execrator consistit in filiis, quanto ipsi ad cumulandam patrum suorum mensuram in Dei filio repudiando, ejusque in mortem

nefarie conspirando, gravius deliquerunt, qui propterea suis effecti majoribus nequiores, propriis sedibus expulsi, atque in omnes dispersi orbis terrarum regiones, servitutique perpetuæ mancipati, non majorem in cujusquam ditione clementiam, quam in Christianorum Provinciis, maxime vero in Apostolica pietatis gremio invenerunt; quæ pro eorum conversione laborans, eos misericorditer excepit, atque in cohabitatione una cum filiis suis sustinuit, ad veritatisque lumen allicere pio semper studio conata est, rebusque ad vitam necessariis juvit, injuriis, & contumeliis prohibuit, multis denique beneficentiæ suæ privilegiis circummuniavit; illi vero nullis beneficiis mansuefacti, nihilque de suo pristino scelere remittentes, Dominum nostrum JESUM Christum in celo triumphantem adhuc in synagogis suis, & ubique persequuntur. Christi quoque membris insensibilissimi non desinunt in Religionem Christianam horrenda facinora quotidie magis audere.

§.1. Quibus nos, ne pietatis nostræ puritas polluat, aut a foedis mancipiis Christo, Christianorumve nomini impune illudatur, obviare volentes, statuimus, ac etiam declaramus, Inquisitores hæreticæ pravitatis libere procedere posse in omnibus causis, & casibus, qui sequuntur.

§.2. Si quis Judæus, aut infidelis, in iis quæ circa fidem cum illis nobis sunt communia, veluti Deum unum, & æternum, omnipotentem, creatorem omnium visibilibus, & similia, non esse asseruerit, prædicaverit, vel privatim alicui insinuaverit.

§.3. Si dæmones invocaverit, consulerit, aut eorum responsa acceperit, ad illosve sacrificia, aut preces ob divinationem, aliamve causam direxerit, aut quid eis immolaverit, vel thuris alteriusve rei fumigationes obtulerit, aut alia quævis impietatis obsequia præstiterit.

§.4. Si Christianos verbo, facto, vel exemplo, aut alio quovis modo nefaria hujusmodi docuerit, vel ad ea perpetranda perduxerit, aut perducere attentaverit.

§.5. Si Salvatorem, & Dominum nostrum Jesum Christum purum hominem, vel etiam peccatorem fuisse, Matremve Dei non esse Virginem, & alias hujusmodi blasphemias, quæ per se hæreticæ dici solent, in Christianæ fidei ignominiam, contemptum, aut corruptionem impie protulerit.

§.6. Si cujusvis eorum opera, auxilio, consilio, vel favore aliquis Christianus a Fide desciverit, quamque semel susceperat, abnegaverit, vel ad Judæorum, seu aliorum infidelium ritus, ceremonias, superstitiones, vel impias sectas transferit, vel redierit, seu in hæresim aliquam inciderit, aut qui, ut Christi fidem abneget, seu in hæresim incidat, opem, consilium, auxilium, vel favorem quomodocumque præstiterit.

§.7. Si quis Cathecumenum, vel quemcumque ex Judæis, aut infidelibus Deo inspirante ad fidem Christianam venire volentem, post declaratam nutu, verbo, facto,

aut

Hic ideo Pontifex decernit, quod Judæus, & infidelis, negans, quæ communia habet circa fidem cum Christianis.

Dæmones invocans, & illis immolans.

Christianos nefaria ita docens.

Blasphemiasque circa Christum, & ejus Matrem proferens.

Christianos a fide devians.

Infideles ad fidem Christi transire impediens.



aut quocumque alio modo ejus voluntatem, a Fide, vel Fidei instructione, aut a sacri Baptismi susceptione retrahere, vel dehortari, aut ne ad Fidem veniat, neve regenerationis lavacro abluatur, quovis modo impediverit.

Hereticos  
scienter rece-  
ptans, vel au-  
xilians.

§.8. Si quis apostatas, hæreticos scienter domi suæ acceptaverit, aluerit, comenatu juverit, seu quovis modo eis cibaria ubicumque præbuerit, aut dona, vel munera dederit, vel miserit, aut de loco ad locum deduxerit, seu associaverit, vel deducendos, seu associandos curaverit, aut sumptus ministraverit, duces, comitesve illis adjunxerit, vel ne ab eis perpetrata deprehendi, aut investigari queant, fecerit. Quique dictos apostatas, aut hæreticos scienter aliquo modo receptaverit, occultaverit, defenderit, aut eis opem, consilium, auxilium, vel favorem quomodolibet præstiterit.

Libros prohi-  
bitos retinens

§.9. Si libros hæreticos, vel thalmudicos, aut alios Judaicos quomodolibet damnatos, aut alias prohibitos tenuerit, custodierit, vel divulgaverit, vel in quacumque loca detulerit, aut ad eam rem operam suam accommodaverit.

Hostiam Alta-  
ris despiciens,  
aut Crucem,  
deridens, &c.

§.10. Si Christianos deriserit, redemptionisque nostræ hostiam salutarem in ara crucis immolatam, Christum Dominum ludibrio, & despectui habens, quandocumque maxime vero in sacro pasceves die agnum, sive ovem, aut quid aliud cruci affixerit, aut appenderit, in eamve conspuerit, seu quodcumque contra ipsam fecerit.

Nutrices Chri-  
stianas habens  
sive eas cogēs  
lac in latrinas  
effundere.

§.11. Si nutrices Christianas contra Sacrorum Canonum statuta, diversorumque Romanorum Pontificum Prædecessorum, nostrorum sanctiones adhuc retinuerit; aut eas retinens die, qua sanctissimum Eucharistiæ Sacramentum sumpserint, lac, uno, vel pluribus diebus in latrinas, cloacas, vel alia loca effundere coegerit.

Consonat In-  
nocentii IV.

§.12. In quibus casibus, universis, & singulis omnes prædictæ pravitatis Inquisitores omnium Regnorum, Provinciarum, Civitatum, Dominiorum, & locorum universi orbis Christiani Iudices in suis quemque locis perpetuo delegamus, ut super his contra Judæos, atque infideles quoscumque, simul, vel separatim, prout in causis Fidei juxta sacrorum Canonum formam, necnon officii Inquisitionis hujusmodi constitutiones, diligenter inquireant, & procedant, & quos in aliquo, vel aliquibus horum flagitiorum excessibus culpabiles repererint, in eos pro culpæ modo, ac etiam pro criminum numero, vel multiplicatione, aut consuetudine delinquendi, flagra, remigia, etiam perpetua, rerum quoque publicationes, exilia, aliaque atrociora decernant, & alias de eis exempla edant, quæ sceleratos illos deterreant ab hujusmodi flagitiis in posterum admittendis.

Præceptum  
publicandi hæc  
Constitut.

§.13. Nos enim venerabilibus Fratribus nostris S. R. E. Cardinalibus Inquisitoribus generalibus, necnon Patriarchis, Archiepiscopis, Episcopis, & aliis locorum Prælati, ac etiam aliis prædictis Inquisitoribus

in virtute sanctæ obedientiæ districtè præcipimus, & mandamus, ut præsentibus nostras literas in Civitatibus, & locis cuique subiectis publicare, & juxta illarum tenorem procedere, ipsasque debitæ executioni mandare procurent.

§.14. Decernentes irritum, & inane, quicquid secus per quoscumque, scienter, vel ignoranter contigerit attentari.

§.15. Non obstantibus Constitutionibus, & Ordinationibus Apostolicis, necnon exemptionibus, privilegiis, immunitatibus, comenatibus, in fidem publicam receptionibus, & tolerantis, prædictis Judæis, & aliis infidelibus, Maranis, & Apostatis, tam in Dominiis, Terris, & locis Nobis, & Sedi Apostolicæ, mediate, vel immediate subiectis, quam alibi ubicumque Regnorum, Provinciarum, & Dominiorum, gentium, & locorum commorantibus, vel in ea ex quibusvis Regnis, & partibus, tam fidelium, quam infidelium confluentibus, eorumque Judicibus, Advocatis, & defensoribus, quacumque auctoritate, potestate, & dignitate fungantur, etiam ad instantiam Imperatoris, Regum, Ducum, & quorumvis aliorum, Principum tam per sel: rec: Paulum III. Decimo Kal. Martii, & Julium etiam III. Non. Decembris, Tertio anno sui cujusque Pontificatus, quam etiam quoscumque alios anteriores, & posteriores Romanos Pontifices, ac Nos, & Sedem Apostolicam, ejusque Legatos, ac etiam Cameram Apostolicam, sub quibuscumque tenoribus, & formis, ac cum quibusvis clausulis, & decretis, etiam Motu proprio, & alias quomodocumque hætenus concessis, confirmatis, & innovatis, atque in posterum concedendis, confirmandis, & innovandis, quæ omnia, etiam si de illis, illorumque totis tenoribus, specialis, specifica, expressa, & individua mentio, aut aliqua alia forma ad hoc servanda foret, tenores hujusmodi, ac si ad verbum infererentur præsentibus, pro plene expressis habentes, harum serie specialiter, & expresse revocamus, abrogamus, & omnino abolemus; ceterisque contrariis quibuscumque.

§.16. Volumus autem præsentibus in locis Urbis consuetis de more publicari, & earum exemplis etiam impressis, manu Notarii publici, & sigillo Sanctæ Romanæ, & universalis Inquisitionis, vel personæ in dignitate ecclesiastica constitutæ munitis, eandem prorsus fidem ubique tam in iudicio, quam extra illud adhiberi, quæ adhiberetur eisdem præsentibus, si essent exhibitæ, vel ostensæ. Nulli ergo omnino &c.

Datum Romæ apud S. Petrum, Anno Incarnationis Dominicæ, millesimo quingentesimo octuagesimo primo, Kalend. Junii, Pontificatus nostri anno decimo.

Anno a Nativitate Domini 1581. indictione 9. die vero 10. mensis Junii, Pontificatus Sanctissimi in Christo Patris, & D. N. D. Gregorii divina providentia Papæ XIII. Anno X., retrospectæ literæ Apostolicæ affixæ & publicatæ fuerunt ad valvas Ecclesiæ S. Joannis Lateranen. Basilicæ Principis Apostolorum de Urbe, Cancellariæ Apostoli-

ca,

Decretum it-  
ritans.

Clausulæ de-  
rogatoriæ.

Iussio publi-  
candi, & ex-  
emplis credendi.

D. P. An.X.  
2. Junii.



*ca, & in acie Campi Flora, ac etiam ad val-  
vas septi Hebræorum, per Nos Petrum Aloy-  
sium Gaytam, & Nicolaum Tagliettum Apo-  
stolicos Cursores.*

*Antonius Ludovicus Magister Curs.*

## CXXXII.

Furnarii Urbis, pro pretio Panis, in causis  
discussionum, ceteris aliis creditoribus  
preferantur. Et omnes Iudices Urbis,  
in eorum litibus manu regia procedere  
possint.

*Et quoad prælationem in discussione seu con-  
cursu creditorum, vide Constit. XXIV. Pii V.  
Tom. IV. Par. II. fol. 213. Cupientes, &  
quæ tibi illic indicavi.*

## GREGORIUS PAPA XIII.

*Ad perpetuam rei memoriam.*

*Causa Consti-  
tutionis.*

**C**um sicut accepimus, dilecti filii Pisto-  
res Almæ Urbis nostræ, ut plurimum,  
panem, & fursur in eorum apothecis pro  
tempore existentia diversis personis dictæ  
Urbis incolis ad credentiam, ut vocant,  
dare soliti sint, & pro illorum pecuniis inde  
recuperandis, tam ab ipsis personis, quam  
etiam defunctarum personarum huiusmodi  
hæredibus lites suscipere, & iudicia move-  
re, non sine maximis eorum impensis, &  
laboribus cogantur; ac etiam sæpe contin-  
gat, ut ipsis personis dejectis, sive defunctis,  
eorum bonorum, & hæreditatum discusse-  
ne facta, bona, seu hæreditates ipsæ ad om-  
nia eorum debita satisfaciendi. minime suffi-  
ciunt; ipsique Pistorum, quamvis eorum pa-  
nes inter res cibarias fere præcipuunt, &  
magis necessarium locum obtineant, & jux-  
ta Constitutionem fel: rec: Pii Papæ V. Præ-  
decessoris nostri super ordine in satisfactione  
creditorum Sanctæ Romanæ Ecclesiæ Car-  
dinalium, & aliorum Romanæ Curie Præ-  
latorum servando editam, in priori causa  
connumerari videantur, tamen sæpe, tam-  
quam vigore dictæ Constitutionis in prima  
causa huiusmodi minime comprehendendi, sed  
ut posteriores eorundem bonorum, seu hæ-  
reditatum creditores eorum creditis frustra-  
ti remaneant, in maximum eorum, qui gra-  
num a Camera Apostolica per eos pro tem-  
pore acceptum, via executiva, & manu re-  
gia solvere coguntur, damnum & præjudi-  
cium. Unde quamplures ex ipsis Pistoribus  
eorum creditis sic frustrati, & aliena fide  
decepti, & deterioris conditionis effecti,  
eorum Pistoris artem deferere, ac etiam ali-  
quando ab eadem Urbe, ne pro debitis suis  
exolvendis in carcerem detrudantur, & in  
eo marcescant, recedere coguntur.

*Furnarii Ur-  
bis in causis  
discussionum,  
ceteris credi-  
toribus præ-  
ferri debent.*

§.1. Nos igitur pro nostri pastoralis of-  
ficii debito in præmissis opportune provide-  
re volentes, Motu proprio, & ex certa no-  
stra scientia, modernis, & pro tempore exi-  
stentibus dictæ Urbis Pistoribus, ut de cete-  
ro perpetuis futuris temporibus, in omni-  
bus & singulis bonorum, & hæreditatum,  
quarumvis personarum, etiam cuiuscumque  
dignitatis, gradus & conditionis existen-  
tium, coram quibuscumque Iudicibus dictæ Ur-

bis, tam ordinariis, quam delegatis, & sub-  
delegatis pro tempore faciendis discussioni-  
bus, etsi earundem personarum potiores,  
& priores creditores non fuerint, in priori,  
& potiori loco, sive gradu, primaque causa  
in eadem Constitutione contenta, nempe pro  
pane tantum haberi, & teneri debeant, ce-  
terisque aliis personis ratione tantum pecu-  
niarum eis occasione panis debitarum in si-  
milibus causis discussionis præferri possint,  
& debeant, Apostolica auctoritate tenore  
præsentium concedimus, & indulgemus.

§.2. Et insuper pro minori eorundem  
Pistorum dispendio, in omnibus, & singu-  
lis eorum causis, litibus, controversiis, &  
differentiis, occasione panis huiusmodi de  
cetero movendis, illarum omnium Iudices  
quoscumque dictæ Urbis, prout etiam in li-  
teris piæ mem: Julii Papæ III. etiam Præde-  
cessoris nostri confirmationis statutorum,  
ac ampliationis jurisdictionum, & privile-  
giorum ejusdem artis, quas, quatenus opus  
sit, innovamus, & confirmamus, cum fa-  
cultate illas, omnes, & singulas summarie,  
simpliciter, & de plano, ac sine strepitu, &  
figura iudicii, manuque Regia, ac sola facti  
veritate inspecta, & prout in exactione pe-  
cuniarum pretii grani eisdem Pistoribus ab  
officialibus ejusdem Camera Apostolicæ pro  
tempore dati, contra eosdem Pistores pro-  
cedi solet, audiendi, recognoscendi, deci-  
dendi, sineque debito terminandi, & in for-  
ma inhibendi, omnibusque aliis facultatibus  
necessariis, & opportunis, similiter perpe-  
tuo constituimus, & deputamus.

§.3. Non obstantibus Constitutionibus,  
& Ordinationibus Apostolicis, necnon dictæ  
Urbis statutis, & consuetudinibus, etiam ju-  
ramento, confirmatione Apostolica, vel  
quavis firmitate alia roboratis; privilegiis  
quoque, indultis, & literis Apostolicis; qui-  
busvis dictæ Urbis iudicibus, ordinariis, &  
extraordinariis, ac delegatis, & quibusvis  
aliis personis, & locis etiam piis sub quibus-  
cumque tenoribus, & formis, ac cum qui-  
busvis etiam derogatoriis derogatoriis,  
aliisque efficacioribus, & insolitis clausulis,  
irritantibusque, & aliis decretis, in genere,  
vel in specie, etiam motu simili, & consi-  
stentialiter, ac alias in contrarium quomo-  
dolibet concessis, approbatis, & innovatis.  
Quibus omnibus, etiam si de illis specialis  
mentio habenda foret, illorum tenores præ-  
sentibus pro expressis habentes, illis alias  
in suo robore permansuris, hac vice dumtaxat  
specialiter, & expresse derogamus, ce-  
terisque contrariis quibuscumque.

§.4. Volumus autem, quod præsentium  
transumptis sigillo alicujus personæ in di-  
gnitate Ecclesiastica constitutæ munitis, &  
manu alicujus Notarii publici subscriptis ea-  
dem prorsus fides adhibeatur, quæ adhibe-  
retur, si præsentibus literæ ostensæ forent.

Datum Romæ apud Sanctum Marcum,  
sub annulo Piscatoris die decimo tertio No-  
vembris, millesimo quingentesimo octua-  
gesimoprimum, Pontificatus nostri anno de-  
cimo.

*Omnisque  
Iudices Ur-  
bis in eorum  
causis manu  
Regia proce-  
dere possunt.*

*Clausula de-  
rogatoria.*

*Transumptio-  
rum fides.*

*D. P. An.X.  
23. Novemb.*



CXXXIII.

Ex Reges in  
Secret. Brev.

Extendit Literas, quibus alias sustulit cen-  
suras, & poenas in Literis Pii V. contra  
agitantes tauros conten: in Hispaniarum  
Regnis, quoad Laicos, & Milites sacris  
ordinibus non initiatos ad Portugallia,  
& Algarbiorum Regna &c.

## GREGORIUS PAPA XIII.

Ad perpetuam rei memoriam.

Fasti series.

§.1. Exponi Nobis fecit charissimus

in Christo filius noster Philip-  
pus Hispaniarum Rex Catholicus, quod cum  
Nos alias excommunicationis, anathematis,  
& interdicti, aliarumque Ecclesiasticarum  
sententiarum, & Censurarum poenas in Con-  
stitutione fel: rec: Pii Papæ V. Prædecessoris  
nostri adversus eos, qui in eorum locis spe-  
tacula, ubi taurorum, aliarumque ferarum,  
& bestiarum agitationes exercentur, fieri  
permitterent, aut illis quomodolibet inter-  
essent, contentas in ejusdem Regis Hispaniarum  
Regnis ad se spectantibus ex certis  
causis nostrum animum moventibus, certis  
modo, & forma sustulerimus, & amoveri-  
mus, prout in nostris desuper confectis lite-  
ris in forma Brevis sub datum 25. Augusti  
1575. Pontificatus nostri anno quarto ple-  
nius continetur; Ipseque Philippus Rex in  
Portugallia, & Algarbiorum Regnis hujus-  
modi postmodum successerit, & propterea  
desideret literas nostras prædictas ad eadem  
Portugallia, & Algarbiorum Regna, in qui-  
bus eadem causæ militant, per Nos extendi,  
& ampliari, Nobis humiliter supplicari fe-  
cit, quatenus in præmissis opportune provi-  
dere de benignitate Apostolica dignaremur.

Extensio lite-  
rum, de  
quibus in præ-  
senti Consti-  
tutione.

§.2. Nos igitur ipsius Philippi Regis  
supplicationibus in hac parte inclinati lite-  
ras nostras prædictas, in quibus excommu-  
nicationis, anathematis, & interdicti, alia-  
rumque Ecclesiasticarum sententiarum, &  
censurarum in ipsius Pii V. Prædecessoris  
Constitutione contentas poenas in eisdem  
Hispaniarum Regnis, quoad laicos, & fra-  
tres milites tantum quarumcumque mili-  
tiarum, etiam præceptorias, & beneficia  
ipsarum militiarum pro tempore obtinen-  
tes, dummodo dicti fratres milites Sacris  
Ordinibus initiati non essent, & agitationes  
taurorum festis diebus non fiant, sustulimus,  
& amovimus, cum omnibus in eis conten-  
tis clausulis ad Portugallia, & Algarbio-  
rum Regna hujusmodi auctoritate Apostoli-  
ca tenore præsentium extendimus, & am-  
pliamus.

Derogatio  
congruorum

§.3. Non obstant, omnibus, quæ in di-  
ctis literis volumus non ob stare, ceteris-  
que quibuscumque Apostolicis, ac in Provincia-  
libus, & Synodalibus Conciliis contrariis  
quibuscumque. Provisio tamen per eos, ad  
quos spectabit, quod exinde alicujus mors,  
quoad fieri potest, sequi non possit.

Dat. die 23.  
Decem. 1581.  
An. X.

Datum Romæ apud Sanctum Petrum  
sub annulo Piscatoris die vigesimo tertio  
Decembris, millesimo quingentesimo octua-  
gesimoprimo, Pontificatus nostri anno de-  
cimo.

CXXXIV.

Hortatio ad Christifideles, ad subveniendum  
pauperibus Collegii Anglicani Rhemis,  
& ceteris Anglis pro Fide Catholica di-  
spersis.

Hic idem Pontifex jam in Urbe instituit Col-  
legium pro Catholicis Anglis, ac introitus,  
& redditus annuos perpetuos assignavit, &  
privilegia concessit, ut in ejus Con. LXXXI.  
Quoniam Tom. IV. Par. III. fol. 359.

## GREGORIUS EPISCOPUS

SERVUS SERVORUM DEI

Universis Christifidelibus presentes literas in-  
specturis, Salutem, & Apostolicam bene-  
dictionem.

O Mnipotens Deus, qui immensæ mise-  
ricordiae suæ effectus sine ullo adjuto-  
re explere potest, plerumque miserorum la-  
boribus per homines subvenit, omniumque  
Dominus servis pietatis officia præstantibus  
ampliora præmia pollicetur. Quæ tanta coe-  
lestis Patris benignitas infirmitatis nostræ  
studia maxime accendere debet ad bene de  
calamitosi merendum, ut, & Nos de tali di-  
gnatione, quam possumus, ei gratiam refe-  
ramus, & oppressorum subleventur angus-  
tia, eorum præsertim, qui propter Christum  
tribulationes patiuntur.

Exordium.

§.1. Cum igitur ad Collegium Anglica-  
num, quod Rhemis est, ex Anglia, & aliis  
finitimis regionibus, hæreticorum furore  
ejecti, & veluti è savientis tempestatis tur-  
bine naufragi, a dirisque teterrimæ mortis  
crepti cruciatibus, ad propiorem, & tutio-  
rem quasi portum quotidie plures, (aliis  
per Gallia, atque Italia, & alias Christiani  
orbis partes dispersis) se recipiant, Cum-  
que crescente, ob grassantem in dies magis  
pestem, exulum numero vitæ præsidium,  
quod Collegio prædicto a Nobis compara-  
tum est, quodque ei pro Anglorum præ-  
dictorum necessitatibus quotidie suppedita-  
mus, minime satis sit ad tantam multitudi-  
nem sustentandam; Nosque, quibus multis,  
& diversis hujusmodi piis locis subvenien-  
dum est, & ad quos pauperes undique con-  
fugiunt, integros illi sumptus (ut expedi-  
ret, & certe esset in optatis) subministrare  
nequeamus, intimo tangimur dolore cor-  
dis, nationemque illam tanta quondam  
pietate insignem, Sedi Apostolicæ gratissi-  
mam, ex prima pietatis tranquillitate in tam  
turbulentam seditionem incidisse, cruentæ-  
que impiorum sævitiae esse objectam vehe-  
menter excruciamur. Quam quanto for-  
tius in fidei fundamento, & Dei gratia ni-  
tentes perferunt, militiamque Christi, cui  
se obligarunt, tot periculis propositis præ-  
sentiori tolerant animo, tanto magis pater-  
num, & misericordem nostræ in se provo-  
cant sollicitudinis affectum.

Collegii An-  
glicani ever-  
tio.

§.2. Quare Deum in primis humiliter  
precati, ut illis ad calamitates tot, & tan-  
tas perferendas, atque etiam superandas au-  
xilium esse dignetur; omnes Christifideles,  
quantum possumus, in Domino hortamur,  
& per viscera misericordiae Dei obsecramus,  
ut promissam a Domino nostro Jesu Chri-  
sto

Hortatio ad  
Christifideles  
ad illi subve-  
niendum.



sto misericordibus benedictionem, quæ ipsa est misericordia, memoria repetentes, afflictorumque Anglorum miseras sibi ante oculos ponentes, ministri Dei in pietatis opere effecti, eos, vel deputatos ab eisdem, præsentem literas, vel earum autentica exempla ostensuros largis, ut quisque poterit, hac faviente persecutione adjuvent eleemosynis, Christumque in afflictis, & rerum omnium inopia confectis pro Christo fratribus suscipiant. Mandantes universis, & singulis Ecclesiarum Prælati, eorumque Vicariis, necnon Rectoribus, & verbi Dei Prædicatoribus, ceterisque omnibus personis Ecclesiasticis, ut eas in suis quisque locis, & Ecclesiis, etiam in ipsis concionibus, populo promulgari (fraude, & lucro cessantibus) faciant, & permittant, unamque, vel plures probatæ fidei personas, non tamen quæstores, pro quærendis, recipiendis, & ipsis Anglis, seu Deputatis integre consignandis eleemosynis huiusmodi statuunt.

Alia hortatio  
ad Principes.

§.3. Quin etiam carissimos in Christo filios Imperatorem, ceterosque orbis Christiani Reges, & Principes rogamus, ut pro sua in Deum pietate, & propensa in pauperes egenos, præsertim pro fide Catholica laborantes, benignitate, facultate illis a Deo miseris subveniendi elargita, pietatis studia exerceant, eorumque, in quibus tanta, adjuvante Domino, elucet Christianæ Religionis perseverantia, tantum viget veræ pietatis exemplum, egestatem sublevent, & quibuscumque potuerint, favoribus prosequantur. Scituri quicumque illis misericordiam fecerint, sese a Redemptore nostro Jesu Christo, cuius certa sunt promissa, retributionis præmium in æterna Cœlestis regni beatitudine percepturos.

Fides trans-  
ptorum.

§.4. Quia vero præsentem ad omnia loca, quibus illis opus esset, deferri nequeunt, decernimus, ut illarum transumptis, etiam impressis, manu Notarii publici subscriptis, & sigillo alicujus personæ in dignitate ecclesiastica constitutæ munitis, eadem prorsus fides habeatur, quæ eisdem originalibus literis adhiberetur, si forent exhibitæ, vel ostensæ.

D. P. An.X.  
21. Januarii.

Datum Romæ apud S. Petrum, Anno Incarnationis Dominicæ millesimo quingentesimo octuagesimo secundo, duodecimo Kal. Februarii, Pontificatus nostri anno decimo.

#### CXXXV.

Quomodo permittatur Ordini Fratrum Sancti Antonii Vienen. pro eorum Hospitalibus eleemosynas colligere.

*Consonat Concilium Trident. sess. 21. cap. 9. & Const. Pii IV. CXVIII. Ex debito Tom. IV. Par. II. fol. 242. Cetera de hoc Ordine dixi in Const. XI. Bonif. VIII. In dispositione Tom. III. Par. II. fol. 86.*

#### GREGORIUS PAPA XIII.

*Ad perpetuam rei memoriam.*

Exordium.

**R**omani Pontificis providentia circumspècta, dum singulis Monasteriis, Bull. Rom. Tom. IV. Par. IV.

& aliis Regularibus locis cogitare impellitur, ad illa, vel in primis mentis suæ aciem dirigit, quæ ex eorum instituto languidorum, & aliarum miserabilium personarum Hospitalitati obnoxia congruæ subventionis auxilio indigere dignoscuntur.

§.1. Sane licet Sacrum Concilium Tridentinum propter pravos eleemosynarum quæstorum abusus, eorum nomen atque usum penitus aboleret, neque ipsos ad officium huiusmodi exercendum ullo modo admitti voluerit, attamen noluit ut eleemosynarum Hospitalibus in quibus Hospitalitas actu exercetur, ad eorum sustentationem a devotis Christifidelibus erogari solitarum, perquisitio atque collectio ab honestis personis, honestoque modo facta prohiberetur.

Concilium  
Trid. quæstus  
prohibuit, sed  
non eleemo-  
synas colligi  
vetuit in c. 9.  
sess. 21.

§.2. Quocirca ne hoc prætextu Monasterium ad Romanam Ecclesiam nullo medio pertinens S. Antonii de S. Antonio Ordinis S. Augustini Viennen. Dioc., illiusque Hospitalia, & Domus per Orbem Christianum longe lateque dispersa, ad quæ (sicut dilecti filii Abbas, & Conventus dicti Monasterii Nobis nuper exponi fecerunt) miserrabiles illæ personæ horrendo sacri ignis cruciatu correptæ, recursum habere, ibique recipi atque curari, & sustentari solent, & in quibus Hospitalitas servatur, piis Christifidelium eleemosynis, sine quibus Hospitalitas huiusmodi exerceri, & alia onera illis incumbencia supportari nequeunt, destituta remaneant, paterna caritate providere, eorumque indemnitati consulere volentes, ipsorum Abbatis, & Conventus supplicationibus in hac parte inclinati, eisdem Abbati, & Conventui, necnon dilectis filiis Præceptoribus, Administratoribus, & aliis Religiosis Hospitalium dicti Monasterii, in quibus Hospitalitas actu exercetur, ut petita, & obtenta in primis ab Ordinariis locorum annis singulis in scriptis licentia, quam ipsi Ordinarii omnino gratis dare debeant, eleemosynas, & quæcumque alia caritatis subsidia per personas honestæ vitæ ad id ab ipso Abbate, seu aliis dictæ Religionis superioribus pro tempore deputatas, pro usu ejus Hospitalis S. Antonii, in quo Hospitalitas actu exercetur, simulque existit intra fines illius Civitatis, vel Dioc., in qua eleemosynæ perquirantur, aut ejusmodi est, in quo curari soleant pauperes omnes eo morbo laborantes, qui ex tota illa Dioc. adducuntur, perquirere, & colligere, illaque recipere, & levare libere, & licite valeant, dummodo huiusmodi eleemosynæ convertantur dumtaxat in usus pauperum infirmorum, & ministrorum deservientium Hospitalibus, quæ in illa Dioc. sunt, aut in quibus curari solent pauperes illius Dioc., in qua eleemosynæ colliguntur, Apostolica auctoritate tenore præsentium perpetuo concedimus, & indulgemus, ipsosque per dictos Ordinarios, seu eorum Vicarios in spiritualibus Generales, aut Officiales, necnon fabricæ Basilicæ Principis Apostolorum de Urbe, Cruciatæ Sanctæ, ac Neapolitan., & aliarum Redemptionis captivorum so-

Hic ideo Pon-  
tifex declarat  
licere Ordini  
S. Antonii e-  
leemosynas  
certo modo  
colligere.



cietatum deputatos, vel quoscumque alios nullatenus perturbari, impediri, vel inquietari, minusque sub nomine Religionis Sancti Antonii hujusmodi ab aliis quam personis, ut præfertur, deputatis eleemosynas ipsas perquiri, & colligi, vel ejusdem religionis insignia circumferri quocumque prætextu posse.

Ordinariusque  
publicatione,  
& executionem  
hujus  
Bulle com-  
mittit.

§.3. Et nihilominus universis, & singulis Venerabilibus fratribus Archiepiscopis, & Episcopis, ac dilectis filiis eorum in spiritualibus Vicariis Generalibus atque Officialibus, necnon Abbatibus, Prioribus, & aliis Ecclesiarum Prælatibus, in virtute sanctæ obedientiæ per præsentem committimus, & mandamus, quatenus ipsi omnes, & singuli per se, vel alium, seu alios, præsentem literas, & in eis contenta quæcumque, ubi, & quando opus fuerit, ac quoties pro parte Abbatis, & Conventus, necnon Præceptorum, Administratorum, Religiosorum, & personarum, ut præfertur, deputatarum hujusmodi, seu alicujus eorum fuerint requisiti, solemniter publicantes, eisque in præmissis efficacis defensionis præsidio assistentes, faciant auctoritate nostra præsentem literas, & in eis contenta hujusmodi ab omnibus, ad quos spectat, aut spectabit quomodolibet in futurum, inviolabiliter observari, ipsosque Abbatem Conventum, Præceptores, Administratores, religiosos, & personas, ut præfertur, deputatas illis pacifice frui, & gaudere. Non permittentes eos, vel aliquem ipsorum desuper per quoscumque quomodolibet indèbite molestari, perturbari, inquietari, vel impediri. Contradictores quoslibet, ac rebelles, per poenas, etiam pecuniarias eorum arbitrio infligendas, & applicandas, ac denique per sententias, censuras, & poenas Ecclesiasticas, aliaque opportuna juris, & facti remedia, appellatione postposita, compescendo, legitimisque super his habendis servatis processibus, sententias, censuras, & poenas ipsas, etiam iteratis vicibus aggravando, invocato etiam ad hoc, si opus fuerit, auxilio brachii secularis.

Contrariis  
derogat.

§.4. Non obstantibus præmissis, ac fel. rec. Bonifacii Papæ VIII. Prædecessoris nostri de una, ac in Concilio generali edita de duabus dietis, dummodo ultra tres dietas aliquis auctoritate præsentium ad iudicium non trahatur, aliisque Apostolicis, necnon in Provincialibus, & Synodalibus Conciliis editis, specialibus, vel generalibus Constitutionibus, & Ordinationibus, contrariis quibuscumque, aut si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Eleemosynas  
colligendi for-  
mam præscri-  
bit.

§.5. Volumus autem, quod personæ, ut præfertur deputatæ, quæstorum nomen nullo modo gerant, sed simpliciter eleemosynarum collectores nuncupentur, & propter hanc operam, eleemosynarum hujusmodi participes non sint, atque hoc munere citra

ullum dolum, & cum omni modestia fungantur, quodque ad stabula pro benedictionibus super animalia faciendis accedere, eaque sigillare, & aliqua sigilla, & præter præsentem, seu earum Transumpta alia privilegia, necnon instrumenta quædam quæstorum insignia, reliquias, chartas, imagines, acus, & alia his similia ad excitandas personas circumferre, indulgentias publicare, aut per se, vel alium prædicare, fideles ad eleemosynas sibi erogandas minis, aut imprecationibus inducere, aut tamquam debitas, vel solitas, seu aliqua arte, etiam prætextu dicendi orationem S. Antonii extorquere, vel super locis ullam quovis nomine conventionem; etiam in utilitatem Monasterii, præceptoriarum, Hospitalium, & domorum hujusmodi facere nullo modo præsumant, sed simpliciter, pie, modeste, unica dumtaxat campanella pullata (cujus usus soli religioni prædictæ a Sede Apostolica concessus fuisse perhibetur) eleemosynas pro subventionem Hospitalium, & domorum hujusmodi petendo accipiant tantum, quod sibi offeretur.

§.6. Ceterum prædicti Ordinarii diligenter animadvertant, ut hæc omnia præcise observentur, atque non solum ad delationem aliorum, sed ex suo mero officio inquirant, si qua fraus præsertim adversus leges eis præscriptas hujusmodi committatur ab ipsis Collectoribus, quos si vere reos compererint, pro modo culpæ arbitrio suo puniant, eosque statim a collectione amoveant, atque alios, qui boni, & idonei sint, ab eisdem Superioribus suffici curent. Et quia difficile foret præsentem literas ad singula quæque loca, in quibus de illis fides facienda erit transmittere.

Eam non ob-  
servantes pu-  
niri jubet.

§.7. Volumus, & similiter dicta auctoritate decernimus, quod earumdem præsentium transumptis, etiam impressis, manu Notarii publici subscriptis, & alicujus personæ in dignitate ecclesiastica constitutæ sigillo munitis, ea prorsus ubique, etiam in iudicio fides adhibeatur, quæ ipsis originalibus adhiberetur, si forent exhibitæ, vel ostensæ.

Transumptis  
credi mandat.

Datum Romæ apud S. Petrum, sub Annulo Piscatoris die 1. Februarii 1582. Pontificatus nostri Anno X.

D. P. An. X.  
1. Februarii.

## CXXXVI.

Kalendarium nuper restitutum pro Festivitatibus S. R. E. suo tempore celebrandis, divinisque itidem officiis recitandis approbatio, & veteris Kalendarii abolitio.

## GREGORIUS PAPA XIII.

SERVUS SERVORUM DEI

Ad perpetuam rei memoriam.

Inter gravissimas Pastoralis officii vestri curas, ea postrema non est, ut quæ a

Exordium.

Sa-



Concilium  
Trid. remisit  
Pontifici cu-  
ram restituendi  
Breviarium  
in sess. 45. pro  
pe fin.

Duo igitur hic  
expressa ex-  
quenda erant.

Primum e-  
xecutus est  
Pius V.

Secundum  
non fuit usq;  
modo execu-  
tum.

Hic igitur Pō-  
tifex peritissi-  
mos viros prę-  
posuit emen-  
dationi Ka-  
lendarii.

Sacro Tridentino Concilio Sedi Apostolica reservata sunt, illa ad finem optatum, Deo adiutore, perducantur.

§.1. Sane ejusdem Concilii Patres, cum ad reliquam cogitationem, Breviarii quoque curam adiungerent, tempore tamen exclusi, rem totam ex ipsius Concilii decreto ad auctoritatem, & Judicium Romani Pontificis retulerunt.

§.2. Duo autem Breviario præcipue continentur, quorum unum, preces laudesque divinas festis pro festisque diebus persolvendas complectitur, alterum pertinet ad annuos Paschæ, festorumque ex eo penden. recursus, Solis, & Lunæ motu metiendos.

§.3. Atque illud quidem fel. rec. Pii V. Prædecessor noster absolvendum curavit, atque edidit.

§.4. Hoc vero, quod nimirum exigit legitimam Kalendarii restitutionem, jam dlu a Romanis Pontificibus Prædecessoribus nostris, & sæpius tentatum est, verum absolvi, & ad exitum perducere ad hoc usque tempus non potuit, quod rationes emendandi Kalendarii, quæ a coelestium motuum peritis proponebantur, propter magnas, & fere inextricabiles difficultates, quas hujusmodi emendatio semper habuit, neque perennes erant neque antiquos ecclesiasticos ritus incolumes (quod in primis hac in re curandum erat) servabant.

§.5. Dum itaque Nos quoque credita Nobis, licet indignis, a Deo dispensatione freti, in hac cogitatione cura que versaremur, allatus est Nobis liber a dilecto filio Antonio Lilio artium, & medicinæ doctore, quem quondam Aloysius ejus germanus frater conscripserat, in quo per novum quemdam Epactarum Cyclum ab eo excogitatum, & ad certam ipsius Aurei numeri normam directum, atque ad quamcumque anni Solaris magnitudinem accommodatum, omnia quæ in Kalendario collapsa sunt, constanti ratione, & sæculis omnibus duratura, sic restitui posse ostendit, ut Kalendarium ipsum nullumquam mutationi in posterum expositum esse videatur. Novam hanc restituendi Kalendarii rationem exiguo volumine comprehensam ad Christianos Principes, celebrioresque universitates paucos ante annos misimus, ut res quæ omnium communis est, communi etiam omnium consilio perficeretur, illi cum, quæ maxime optabamus, concordēs respondissent, eorum nos omnium consensione adducti, viros ad Kalend. emendationem adhibuimus in Alma Urbe harum rerum peritissimos, quos longe ante ex primariis Christiani orbis nationibus delegeramus. Ii cum multum temporis, & diligentia ad eam lucubrationem adhibuissent, & Cyclos tam veterum, quam recentiorum undique conquisitos, ac diligentissime perpensos inter se contulissent, suo, & doctorum hominum, qui de ea re scripserunt, judicio, hunc præ ceteris elegerunt Epactarum Cyclum, cui nonnulla etiam adjecerunt, quæ, ex accurata circumspeditione visæ sunt ad Kalendarii perfectionem maxime pertinere.

Bull. Rom. Tom. IV. Par. IV.

§.6. Considerantes igitur Nos, ad rectam Paschalis festi celebrationem juxta sanctorum Patrum, ac veterum Romanorum Pontificum, præsertim Pii, & Victoris primorum, necnon magni illius Œcumenici Concilii Nicæni, & aliorum sanctiones, tria necessaria conjungenda, & statuenda esse, Primum certam verni Æquinoctii sedem; Deinde rectam positionem 14. Lunæ primi mensis, quæ vel in ipsum Æquinoctii diem incidit, vel ei proxime succedit; Postremo primum quemque diem Dominicum, qui eandem 14. Lunam sequitur; curavimus non solum Æquinoctium vernum in pristinam sedem, a qua jam a Concilio Nicæno decem circiter diebus recessit, restituendum, & 14. Paschalem suo in loco, a quo quatuor, & eo amplius dies hoc tempore distat, reponendam, sed eam quoque tradendam rationem, qua caveatur, ut in posterum Æquinoctium, & 14. Luna a propriis sedibus numquam moveantur.

§.7. Quo igitur vernum æquinoctium quod a Patribus Concilii Nicæni ad 12. Kalend. Aprilis fuit constitutum, ad eandem sedem restituatur, Præcipimus, & mandamus, ut de mense Octobris anni 1582. decem dies inclusive a tertia Nonarum usque ad pridie Idus eximantur, & dies, qui festum S. Francisci 4. Nonas celebrari solitum sequitur, dicatur Idus Octobris, atque in eo celebretur festum SS. Dionysii, Rustici, & Eleutherii martyrum, cum commemoratione S. Marci Papæ, & Confessoris, & SS. Sergii, Bacchi, Marcelli, & Apulei Martyrum, Septimodecimo vero Kal. Novembris, qui dies proxime sequitur, celebretur festum S. Callisti Papæ, & Martyris. Deinde 16. Kal. Novemb. fiat officium, & Missa de Dominica 18. post Pentecostem, mutata litera Dominicali G. in C. Quintodecimo denique Kal. Novembris dies festus agatur S. Lucæ Evangelistæ, a quo reliqui deinceps agantur festi dies, prout sunt in Kalendario descripti.

§.8. Ne vero ex hac nostra decem dierum subtractione, alicui quod ad annuas, vel menstruas præstationes pertinet, præjudicium fiat, partes judicium erunt in controversiis, quæ super hoc exortæ fuerint, dictæ subtractionis rationem habere, addendo alios 10. dies in fine cujuslibet præstationis.

§.9. Deinde ne in posterum a 12. Kal. Aprilis Æquinoctium recedat, statuimus Bissextum quarto quoque anno (uti mos est) continuari debere, præterquam in centesimis annis: qui quamvis Bissextiles antea semper fuerint, qualem etiam esse volumus annum 1600. post eum tamen, qui deinceps consequentur centesimi, non omnes Bissextiles sint, sed in quadringentis quibusque annis primi quinque tres centesimi sine Bissextis transigantur, quartus vero quisque centesimus Bissextilis sit, itaut annus 1700. 1800. 1900. Bissextiles non sint. Anno vero 2000. more consueto dies Bissextus intercaletur, Februario dies 29.

Indices subtractione dierum rationem habeant.

Et ne inde æquinoctium recedat, ordinem hic servandam proponit.



Cyclumque  
Epactarum  
substituit in  
Kal. loco au-  
rei numeri.

Et Cyclum  
solarem anti-  
quum ad no-  
vam & quam-  
cumque inter-  
calandi ratio-  
nem accom-  
modatum.

Kalendarium  
sic restitutum  
approbat.

Illudque im-  
primi prohi-  
bet sine licen-  
tia Pontificis.

Hac prohibi-  
tio fuit postea  
revocata.

Eodem quo-  
que omnes uti  
præcipit post  
die 10. Octo-  
bris 1582.,  
& respectivo  
1583.

continente, idemque ordo intermittendi, intercalandique Bissextum diem in quadringentis quibusque annis perpetuo conservetur.

§.10. Quo item 14. Paschalis recte invenitur, itemque dies Lunæ juxta antiquum Ecclesiæ morem ex Martyrologio singulis diebus edicendi fidei Populo vere proponantur, statuimus, ut amoto numero de Calendario, in ejus locum substituat Cycli Epactarum; qui ad certam (uti diximus) aurei numeri normam directus efficit, ut novilunium, & 14. Paschalis vera loca semper retineant. Idque manifeste apparet ex nostri explicatione Calendarii, in quo descriptæ sunt etiam tabulæ Paschales secundum priscum Ecclesiæ ritum, quo certius, & facilius Sacrosanctum Pascha inveniri possit.

§.11. Postremo quoniam partim ob decem dies de mense Octob. anni 1582. (qui correctionis annus recte dici debet exemptus) partim ob ternos etiam dies quoslibet quadringentorum annorum spatio minime intercalandos, interrumpatur, necesse est Cycli literarum Dominicalium 28. annorum ad hanc usque diem usitatus in Ecclesia Romana; Volumus in ejus locum substitui eundem Cyclum 26. annorum ab eodem Lilio tum ad dictam intercalandi Bissexti in centesimis annis rationem, tum ad quaecumque anni solaris magnitudinem accomodatum; ex quo litera Dominicalis beneficio Cycli solaris æque facile, ac prius, ut in proprio canone explicatur, reperiri possit in perpetuum.

§.12. Nos igitur ut quod proprium Pont. Max. esse solet, exequamur, Kalendarium immensa Dei erga Ecclesiam suam benignitate jam correctum atque absolutum hoc nostro decreto probamus, & Romæ unicuique Martyrologio imprimi, impressumque divulgari jussimus.

§.13. Ut vero utrumque ubique terrarum incorruptum, ac mendis, & erroribus purgatum servetur, omnibus in nostro, & S. R. E. dominio mediate vel immediate subiecto commorantibus impressoribus sub amissionis librorum, ac centum ducatorum auri Camera Apostolicæ ipso facto applicandorum; aliis vero in quacumque Orbis parte consistentibus sub Excommunicationis latae sententiæ ac aliis arbitrii nostri poenis, ne sine nostra licentia Kalendarium aut Martyrologium, simul vel separatim imprimere, vel proponere, aut recipere ullo modo audeant, vel præsumant, prohibemus.

§.14. Tollimus autem, & abolemus omnino vetus, Kalendarium, volumusque, ut omnes Patriarchæ, Primates, Archiepiscopi, Episcopi, Abbates, & ceteri Ecclesiarum præfides, novum Kalendarium (ad quod etiam accommodata est ratio Martyrologii) pro Divinis Officiis recitandis, & Festis celebrandis, in suas quicunque Ecclesias, Monasteria, Conventus, Ordines, Militias, & Dioceses introducant, & eo solo utantur, tam ipsi quam ceteri omnes Presbyteri, & Clerici, seculares,

& regulares utriusque sexus; necnon milites, & omnes Christiani fideles; cujus usus incipiet post decem illos dies ex mense Octobris anni 1582. exemptos. Iis vero, qui adeo longinquas incolunt regiones, ut ante præscriptum a Nobis tempus harum literarum notitiam habere non possint, liceat, eodem tamen Octobris mense in sequentis anni 1583. vel alterius, cum primum scilicet ad eos hæc nostra litera pervenerint, modo a Nobis paulo ante tradito ejusmodi mutationem facere, ut copiosius in nostro Kalend. anni correctionis explicabitur.

§.15. Pro data autem Nobis a Domino auctoritate hortamur, & rogamus carissimum in Christo filium nostrum Rodolphum Romanorum Regem Illustrem, Imperatorem electum, ceterosque Reges, Principes, ac Respublicas, iisdemque mandamus, ut quo studia illi a Nobis contenderunt, ut hoc tam præclarum opus perficeremus, eodem, immo etiam majore, ad conservandam in celebrandis Festivitatibus inter Christianas nationes concordiam, nostrum hoc Kalendarium & ipsi suscipiant, & a cunctis sibi subiectis populis religiose suscipiendum, inviolateque observandum curent.

§.16. Verum quia difficile foret, præfentes literas ad universa Christiani Orbis loca deferri, illas ad Basilicæ Principis Apostolorum, & Cancellariæ Apostolicæ valvas, & in acie Campi Floræ publicari, & affigi, & earumdem literarum exemplis, etiam impressis, & voluminibus Calendarii, & Martyrologii insertis, & præpositis, sive manu tabellionis publici subscriptis, necnon sigillo personæ in dignitate Ecclesiastica constitutæ obsignatis, eandem prorsus indubitata fidem ubique gentium, & locorum haberi præcipimus, quæ originalibus literis exhibitis omnino haberetur.

§.17. Nulli ergo omnino hominum liceat hanc paginam nostrorum præceptorum mandatorum, statutorum, voluntatis, probationis, prohibitionis, sublationis, abolitionis, hortationis & rogationis infringere, vel ei auso temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus, se noverit incursurum.

Datum Tusculi, Anno Incarnationis Dominicæ millesimo quingentesimo octuagesimo primo, sexto Kalendas Martii, Pontificatus nostri Anno X.

Sequitur Declaratio super observatione Calendarii nuper editi, pro illis, qui de Mense Octobris 1582. illud servare non coeperunt.

GREGORIUS PAPA XIII

Ad perpetuam rei memoriam.

Cupientes pro Pastoralis Officii Nobis divinitus iniuncti sollicitudine, Kalendarium nuper cura, & jussu nostro correctum atque editum, ubique locorum ab omni-

Hortaturque  
Imperatorem  
& Principes,  
ut Kalendarium sic em-  
datum reci-  
pant, & ser-  
vati faciant.

Forma publi-  
caudi hanc  
Constitutione

Sanctio poe-  
nalis.

D. P. An.X.  
13. Februarii.

Causa hujus  
declarationis.



omnibus, qui illud propter diversa impedimenta, statuto die mensis Octobris proxime præteriti observare non coeperunt, quamprimum in usum recipi, & prout maxime expediens est, diligenter, & exacte servari. Idcirco ne subsequens mensis Octobris, quod quidem nimis longum esset, expectetur: volentes vigilantie nostræ providentia, opportuna remedia hisce difficultatibus celeriter adhibere.

Declaratio super observatione Kalendarii pro iis, qui de mense Octob. 1582. observare non coeperunt.

§.1. Motu proprio, & ex certa scientia, maturaque deliberatione nostra, ac de Apostolicæ potestatis plenitudine, hac nostra perpetuo valitura sanctione statuimus, præcipimus, & mandamus, ut quicumque in quibusvis Regnis, Provinciis, Civitatibus, & locis constituti, Kalendarium emendatum prædictum hætenus nondum observare coeperunt, illud modo, & formula infra scripta, semotis cunctis excusationibus, & impedimentis, omnino servant, videlicet. Cum perventum fuerit ad diem decimam Februarii anni millesimi quingentesimi octuagesimi tertii, in quem cadit Dominica Quinquagesimæ secundum antiquum Kalendarium, transitus statim fiat ad diem 21. ejusdem mensis Februarii, omittis decem diebus inter diem decimum, & diem 21. Februarii hujusmodi interpositis, quæ erit feria secunda post Dominicam Quinquagesimæ (mutata litera Dominicali Fin B) in qua dicatur officium, & missa de S. Valentino Presbytero, & Martyre, cum commemoratione SS. Faustini, & Jovite Martyrum, & Sancti Simeonis Episcopi, & Martyris, & feria tertia de Cathedra, proxima autem feria quarta erit dies Cinerum; atque hoc pacto nulla amplius erit discrepantia in Festorum, tam mobilium quam fixorum celebratione.

Transumptorum fides.

§.2. Verum quia difficile foret præsentis literas ad universa Christiani Orbis loca deferri, volumus quod illarum transumptis etiam impressis, manu Notarii publici subscriptis, & sigillo personæ in dignitate Ecclesiastica constitutæ ob signatis, eadem prorsus indubitata fides ubivis gentium, & locorum habeatur, quæ originalibus literis adhiberetur, si forent exhibitæ, vel offensæ.

D. P. An. XI.  
7. Novemb.

Datum Romæ apud S. Petrum, sub annulo Piscatoris, die septima Novemb. 1582. Pont. nostri Anno X.

## CXXXVII.

Qui Presbyteri Religionis, & Societatis Jesu, literas Sacræ Pœnitentiariæ Apostolicæ aperire possint.

Plura de hac Societate notavi in Con. XXXI. Pauli III. Regimini. Tom. IV. Part. I. fol. 185.

GREGORIUS PAPA XIII.

Dilecto Filio Claudio. Aquavivæ Præposito Generali Societatis Jesu.

Causæ hujus concessionis.

Exponi Nobis nuper fecisti, quod alias quondam Alexander Frumentus, tunc

Officii Sacræ Pœnitentiariæ Regens, dilectis Filiis Presbyteris Societatis Jesu, cui præesse dignosceris, etiam si nullo Magisterii in Sacra Theologia, & Doctoratus in jure canonico gradibus insigniti essent, alias tamen idoneis, & approbatis ipsius Societatis confessariis, ut quascumque ob signatas, etiam Magistris in Theologia, vel Jure Canonico Doctoribus directas, in foro conscientie ejusdem Sacræ Pœnitentiariæ literas aperire, & absolutionis beneficium juxta illarum dispositionem impendere possent, & valerent, verbotenus concessit, eaque facultate ipsi Presbyteri hætenus usi sunt. Cum itaque ipsius Societatis Religiosi ad hujusmodi gradus, nisi pro necessitate Scholarum suarum promoveri non soleant: pœnitentes etiam ad ipsos Presbyteros cum suis literis absolutionis in dies recurrant, & importune obsecrent, opportune etiam eos juvari convenit.

§.1. Nos idcirco tuis in hac parte supplicationibus inclinati, Presbyteris Societatis hujusmodi per te, vel tibi subordinatos illius Superiores de tua licentia designandis, & ab Ordinariis locorum approbatis, vel approbandis, etiam si Magisterii, vel Doctoratus, aut aliis gradibus insigniti non sint, literas hujusmodi aperiendi, confessionibusque fidelium ad ipsos recurrentium auditis, & imposita salutari in illis expressa, vel de jure infligenda pœnitentia, absolvendi, ac in foro conscientie quascumque sibi verbo, vel scriptis commissas absolutiones, dispensationes, & pœnitentiarum injunctiones excipiendi, & exequendi, licentiam, & facultatem tenore præsentium concedimus, & impartimur.

Concessio quod aliqui Presbyteri Societatis accedant literas Sacræ Pœnitentiariæ.

§.2. Non obstantibus Constitutionibus, & Ordinationibus Apostolicis, ceterisque contrariis quibuscumque.

Contrariis derogatio.

§.3. Volumus autem, quod præsentium transumptis manu alicujus Notarii publici subscriptis, & sigillo tuo, seu personæ in dignitate ecclesiastica constitutæ munitis, eadem ubique fides adhibeatur, quæ ipsis præsentibus adhiberetur, si forent exhibitæ, vel offensæ.

Transumptorum fides.

Datum Romæ apud S. Petrum, sub Annulo Piscatoris, die 3. Aprilis 1582. Pontificatus nostri anno X.

D. P. An. X.  
3. Aprilis.

## CXXXVIII.

De auctoritate Præpositi Generalis Clericorum Regularium Societatis Jesu, circa contractus censuum, alienationumque, & aliorum.

Cetera de hac Societate, notata habes ad Const. XXXI. Pauli III. Regimini Tom. IV. Par. I. fol. 185.

GREGORIUS PAPA XIII.

Ad perpetuam rei memoriam.

Apostolica Sedis circumspecta benignitas, in quarumvis Religionum, præsertim earum, quæ gregi Dominico invigilant, ac prædicationibus, & lectionibus, cum

Exordium.



Omnis facultas celebrandi contractus residet in Præposito Generali ex constitutionibus Societatis.

cum humanis tum sacris insistant, commodis, & utilitatibus consequendis, providentiæ suæ auctoritatem interponit, & quanto potest, favore prosequitur.

§.1. Sane dilectus filius Everardus Mercurianus Præpositus Generalis Societatis Jesu Nobis nuper exponi fecit, quod cum literis, tam fel. rec. Pauli Tertii, quam piæ mem. Julii etiam Tertii Romanorum Pontificum Prædecessorum nostrorum, in favorem dictæ Societatis emanatis, & per dictorum Pontificum Successores, & Nos respective confirmatis, ac ejusdem Societatis constitutionibus, omnimoda Collegiorum illius, ac etiam temporalium bonorum, ad ipsa Collegia spectantium gubernatio, ad pro tempore existentem Præpositum Generalem, vel ipsam Societatem, ita tamen quod in ipsius Præpositi, aut professæ Societatis, vel alios, quam ipsorum Collegiorum usus bona hujusmodi expendi, aut distrahi non possint, sed in studentium utilitatem sic converti, ut illi dictis bonis abuti non valeant, spectare, & pertinere dignoscatur. Indeque fiat, ut Collegia ipsa capitulariter nullo modo congregentur, sed omnis facultas celebrandi contractus, prout per easdem constitutiones, ac etiam primam ipsius Societatis generaliter habitam Congregationem stabilitum, & declaratum fuit, penes eundem Præpositum pro tempore existentem resideat.

Ac etiam ex Constitutionibus Apostolicis.

Et hic Pontifex idem concessit in alia Bulla, quam hic non posui, contentis ista plenior.

Idem modo Pontifex ex causis hic regularis.

§.2. Cumque etiam dicta Societas, quæ Ordo Mendicans existit, aliorum Ordinum Mendicantium super contractibus ineundis, a Sede Apostolica concessis privilegiis gaudeat.

§.3. Nosque eisdem Everardo Præposito, & Societati ut intervenientibus illis dumtaxat, qui more Societatis prædictæ, & secundum ejus constitutiones, & statuta, regimen, & administrationem domorum, & Collegiorum juvare, & promovere solent, servato in ejusmodi Congregationibus peculiari, ac proprio dictæ Societatis procedendi modo, privilegiis illis utendi, necnon contractus ineundi licentiam, & facultatem concefferimus, prout in singulis literis Apostolicis desuper confectis, plenius continetur.

§.4. Tamen quia nec modus ille quis sit, nec omnes per quos Præpositus Generalis facultatem hujusmodi alioqui exercere potest, in dictis nostris literis satis expressi fuerunt, ac etiam quia eidem Societati privilegiis, & literis Apostolicis hujusmodi, tum quod variis literis, & munimentis concessa sunt, uti, & illa ad singulos contractus ineundos afferre dispendiosum, molestumque existit, tum quod in nonnullis regionibus emphyteusæ ad tres vitas concedi solent, nec particulares homines illas ad brevius tempus accipere facile adducuntur. Et propterea, ac etiam ex eo quod nonnumquam pro Collegiorum ipsorum, necnon domorum probationis, vel aliorum locorum ejusdem Societatis necessitate, bona hujusmodi locare, alienare, permutare, vel in emphyteusim, seu livellum dare,

expedit, ac quandoque contingit, ut conditio semel oblata, si prætermittatur, non parvam afferat jacturam, pro parte dicti Everardi Præpositi Nobis fuit humiliter supplicatum, ut præmissa omnia plenius declarare, & alias in eisdem opportune providere, de benignitate Apostolica dignaremur.

§.5. Nos igitur qui operarios in vinea Domini præsertim pondus diei, & æstus sustinentes, sincero prosequimur affectu, nostrarum, ac eorundem Prædecessorum nostrorum literarum, necnon Societatis prædictæ constitutionum, aliorumque præmissorum tenores, præsentibus pro expressis habentes, & eundem Præpositum, ac dictæ Societatis singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a jure, vel ab homine, quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, hujusmodi supplicationibus inclinati eisdem Societati, ac Generali Præposito moderno, & pro tempore existenti, ut ex nunc de cetero, perpetuis futuris temporibus, informatione de contractibus ineundis, per literas, vel alias pro ut ipse Generalis statuerit, a subordinatis localibus Præpositis, vel Rectoribus, aut Præfectis, seu eorum Vicegerentibus, vel a Provincialibus, seu Visitatoribus, aut Commissariis, vel ab aliis sibi bene visis, auditis juxta eorum institutum Consultoribus, accepta, quæcumque Domorum, tum professorum, tum probationis, Collegiorum, & aliorum locorum ejusdem Societatis ubilibet consistentium, bona stabilia, & immobilia, seu quasi stabilia, necnon, & pretiosa mobilia, cujuscumque qualitatis, & quantitatis, ac valoris, & in quocumque loco posita, pro pretio, & sub pactis, conditionibus, modis, & formis hinc inde conveniendis, in evidentem tamen Domorum, & Collegiorum hujusmodi utilitatem, per se, vel alium, seu alios vendere, alienare, permutare, ac etiam in Emphyteusim, seu livellum ad tres generationes, vel nominationes tantum, seu aliud longum tempus, pro affectu sibi bene viso concedere, absque alia a Nobis, vel Successoribus nostris Romanis Pontificibus, pro tempore existentibus, aut Sede prædicta, vel illius de latere Legatis, seu Nunciis, aut etiam locorum Ordinariis petenda, vel obtinenda licentia seu confirmatione, libere, & licite possit, & valeat, concedimus, & indulgemus. Ita tamen quod si ex ejusdem Generalis Præpositi facultate, pro rerum exigentia, opus sit, in Europæ videlicet Provinciis, ante datam eidem Præposito informationem, contractus alienationum fieri, dominium nihilominus, & possessio bonorum quorumvis, super quibus contractus hujusmodi initi fuerint, penes Domos, Collegia, ac loca prædicta, donec ipse Generalis rem confirmat.

Facultatem alienandi, & aliis modis contrahendi dicto Præposito concedit.



firmaverit, aut suum consensum desuper præstiterit, remaneat, ac remanere intelligatur. In Indiis vero, & aliis extra Europam regionibus, contractuum hujusmodi confirmatio ipsis Provincialibus, aut Viceprovincialibus, Visitatoribus, seu Commissariis, simili per eos informatione accepta, committi possit ab ipso Generali Præposito. Alias, & in eventum in quem ordo superscriptus non fuerit observatus, venditio, alienatio, permutatio, locatio, & concessio, ac contractus, necnon inde sequuta quæcumque, nulla, & invalida, nulliusque roboris, ac momenti existant. Ac ita in præmissis sic perpetuo declaramus, & decernimus.

Contractus  
ab eo servatur  
hic expressis  
initis & in-  
dos, appro-  
bat.

§.6. Et nihilominus ex nunc prout ex tunc, & e contra postquam venditiones, alienationes, permutationes, locationes, concessionem, ac contractus pro tempore, ut præmittitur, facti, & per dictum Præpositum Generalem approbati, & ratificati fuerint, seu consensus ejusdem Præpositi Generalis intervenierit, easdem venditiones, alienationes, permutationes, locationes, concessionem, & contractus, & inde sequuta quæcumque, necnon instrumenta, & scripturas desuper pro tempore confecta, Apostolica auctoritate approbamus, & confirmamus, ac perpetuæ firmitatis robur obtinere debere statuimus, omnesque, & singulos tam juris quam facti defectus, si qui forsan intervenerint quomodolibet in eisdem, supplemus, decernentes ea omnia, absque alio desuper ordinaria, vel Apostolica, aut alia auctoritate, seu de Sedis Apostolicæ commissione faciendo examine, ac præsentem, & in eis contenta validas, & efficaces, validaque, & efficacia perpetuo fore, necnon ab omnibus observari debere, ipsosque contrahentes ad contractum, & stipularum conventionum observationem omnino teneri, ac super præmissis, & inde sequutis quibuscumque per quoscumque quavis auctoritate quomodolibet molestari, vel impediri non posse. Necnon irritum, & inane, si secus super his a quoquam, quavis auctoritate, scienter, vel ignoranter contigerit attentari.

Executores  
deputat.

§.7. Quocirca venerabilibus fratribus Patriarchis, Archiepiscopis, & Episcopis, ac dilectis filiis, eorum in spiritualibus Vicariis, aut officialibus generalibus, Curia causarum Camera Apostolicæ generali Auditori, necnon Abbatibus, Prioribus, Præpositis, Decanis, Archidiaconis, Canonicis, & Capitulis, ac aliis, ad quos id quomodolibet spectat, & in futurum spectabit, per easdem præsentem committimus, & mandamus, quatenus ipsi, vel duo, aut unus eorum, per se, vel alium, seu alios, præsentem literas, & in eis contenta quæcumque ubi, & quando opus fuerit, ac quoties pro parte Generalis Præpositi, vel aliarum personarum ejusdem Societatis, aut alicujus eorum super his fuerint requisiti, solemniter publicantes, eisque, & eorum, cuilibet in præmissis efficacis defensionis

præsidio assistentes, faciant easdem præsentem, & in eis contenta quæcumque, ab omnibus, quos illa concernunt, integre, & inviolabiliter observari. Non permittentes eos, aut eorum aliquem desuper contra earumdem præsentium tenorem, quomodolibet indebite molestari. Contradictores quoslibet, & rebelles, per sententias, censuras, & poenas Ecclesiasticas, aliaque opportuna juris, & facti remedia, appellatione postposita, compescendo, legitimisque super his habendis servatis processibus, sententias, censuras, & poenas ipsas etiam iteratis vicibus aggravando; invocato etiam ad hoc, si opus fuerit, auxilio brachii secularis.

Contrariis  
derogat.

§.7. Non obstantibus felicis recordationibus Bonifacii VIII. de una, & in Concilio generali edita, de duabus dietis, dummodo ultra tres dietas quis vigore præsentium ad iudicium non trahatur, & piæ memoriæ Symmachi, ac Pauli II. Prædecessorum nostrorum de rebus Ecclesiæ non alienandis, vel alienatis recuperandis; aliisque Constitutionibus, & Ordinationibus Apostolicis, necnon quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis quibusvis, etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis, in genere, vel in specie, etiam Motu proprio, ac alias quomodolibet, etiam iteratis vicibus concessis, approbatis, & innovatis. Quibus omnibus, & singulis, etiam si de illis, ac totis eorum tenoribus specialis, specifica, individua, & expressa mentio habenda, aut aliqua alia exquisita forma ad hoc servanda esset, tenores hujusmodi, ac si de verbo ad verbum infererentur præsentibus, pro sufficienter expressis habentes, illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscumque. Seu si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Transumptis  
credi mandat.

§.9. Volumus autem, quod earumdem præsentium transumptis manu alicujus Notarii publici subscriptis, & sigillo alicujus personæ in dignitate Ecclesiastica constitutæ seu etiam ipsius Præpositi Societatis, munitis, eadem prorsus fides in iudicio, & extra adhibeatur, quæ ipsis originalibus literis adhiberetur, si forent exhibitæ, vel ostensæ.

Datum Romæ apud S. Petrum, sub Annulo Piscatoris, die decima octava Decembris 1577. Pontificatus nostri Anno V.

D. P. An. V.  
12. Decemb.

Sequi-



Sequitur ampliatio d.auctoritatis alienandi.

## GREGORIUS EPISCOPUS

SERVUS SERVORUM DEI

*Ad perpetuam rei memoriam.*

Exordium.

Auctoritas  
Præpositi in  
celebrâdis cō-  
tractibus re-  
fertur.

**E**X debito Pastoralis Officii ad ea libenter intendimus, per quæ Religiosorum locorum ac personarum in eis degentium utilitates, & commoda valeant procurari.

§.1. Exhibita siquidem Nobis nuper pro parte dilecti filii Claudii Aquavivæ Præpositi Generalis Societatis Jesu petitio continebat. Quod postquam alias per diversas literas Apostolicas diversorum Romanorum Pontificum Prædecessorum nostrorum, & dictæ Societatis Constitutiones, & decreta, illius Præposito Generali pro tempore existenti, vel ipsi Societati omnimodam Collegiorum, & Domorum probationum, bonorumque ad illa spectantium gubernatio, absque alia personarum in eis degentium capitulari congregatione facienda: etiam cum facultate quosvis contractus emptio- num, venditionum, aliarumque venditionum alienationum, necnon obligationum, & cessionum quarumlibet rerum temporalium, mobilium, & immobilium, etiam in beneficialibus ac spiritualibus aliisque quibuscumque etiam præjudicialibus, necnon instrumenta quæcumque, tam per se, quam per alios celebrandi, ac insuper Mendicantium, necnon per nostras literas aliorum Ordinum, & piorum locorum privilegiis omnibus utendi, & alias sub certis modo & forma inibi expressis concessa, fuisset.

Dubia desu-  
per orta iti-  
dem recensetur.

§.2. Denique cum usus privilegiorum hujusmodi dictæ Societati parum prodesset, eo quod contrahentes renuerent, neque adducerentur ad contrahendum solo privilegio communicationis, essetque frequentissimum, & maxime necessarium ipsi Societati in his suis quasi primordiis, pro Collegiorum, & domorum illius foundationibus, & ampliacionibus domos, agros, & bona alia commutare, & vendere, ac super his census imponere. His, aliisque de causis.

Continencia  
Bulle hic præ-  
sertim refer-  
tur.

§.3. Nos eidem Societati, illiusque Præposito Generali pro tempore existenti quod informatione de contractibus ineundis, per literas, vel alias, prout ipse Præpositus generalis statueret, a subordinatis localibus Præpositis, vel Rectoribus, aut Præfatis, seu eorum Vicegerentibus, vel a Provincialibus, seu Visitatoribus, aut Commissariis, vel ab aliis sibi benevisis, auditis juxta eorum institutum Consultoribus accepta, quæcumque Domorum, tum professorum, tum probationis, Collegiorum, & aliorum locorum ejusdem Societatis ubilibet consistentium bona stabilia, necnon etiam pretiosa mobilia, cujuscumque qualitatibus, & quantitatis, ac valoris, & in quovis loco posita pro pretio, & sub patris, conditionibus, modis, & formis hinc inde conveniendis, in evidentem ta-

men Domorum, & Collegiorum hujusmodi utilitatem per se, vel alium, seu alios vendere, alienare, permutare, in emphyteusim, seu livellum ad tres generationes, vel nominationes tantum, pro affectu sibi benevisis dare, licite valere, etiam absque alia Sedis Apostolicæ, vel locorum Ordinariorum licentia, seu confirmatione desuper obtinenda, ita quod venditiones, alienationes, permutationes, locationes, concessionem, contractus, instrumenta, & inde sequuta quæcumque, postquam ab ipso Præposito Generali ratificata fuissent, seu illius consensus intervenisset, eo ipso Apostolica auctoritate, nullo alio desuper habendo examine, vel commissione, approbata, & confirmata essent, indulget, prout in singulis literis Apostolicis desuper confectis plenius continetur.

§.9. Cum autem sicut eadem subiungebat petitio, ea quæ de novo emergunt, novo indigeant auxilio, ipsique contrahentes præsertim in Curia varias quotidie requirant cautelas, sine quibus existimant sibi non fore satis cautum, inter quas ea potissima est, quod in indulto hujusmodi non fuerit expressum, quod etiam census redimibiles, super eisdem bonis possent vendi, quæ tamen species est, eaque minima, venditionis, & idcirco ab aliquot iam annis frequens fuit, ut census redimibiles alias juxta formam privilegii hujusmodi venderentur, & imponerentur. Quare pro parte dicti Claudii Nobis fuit humiliter supplicatum quatenus sibi, dictæque Societati in præmissis consulere de benignitate Apostolica dignaremur.

Alia dubia,  
sunt postea  
exorta.

§.5. Nos igitur eundem Claudium, & singulares ipsius Societatis personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, ac prædictarum literarum, & constitutionum tenores præsentibus pro expressis habentes, hujusmodi supplicationibus inclinati, eidem Claudio, & pro tempore existenti Præposito Generali dictæ Societatis, vel ipsi Societati, dum ea scilicet erit generaliter congregata, ex nunc de cetero perpetuis futuris temporibus, per se, vel alios, ut informatione, sicut præmittitur, vel si utrilibet visum erit, extrajudicialiter, ac summarie, & simpliciter accepta, vel etiam ea omnino omissa, bona Domorum, Collegiorum, & locorum hujusmodi stabilia, & etiam mobilia pretiosa, præsentia, & futura, pro illorum utilitate, seu necessitate, quibuscumque personis, tam ecclesiasticis, quam secularibus cujuscumque gradus, ordinis, & dignitatis existentibus, etiam Collegiis, Communitatibus, & Universitatibus, ad eam rationem, quæ facilius inveniri poterit, & pro pretio reperibili vendere, alienare, permutare, in emphyteusim, seu livellum ad tres

Datur itaque  
dicto Præposi-  
to amplior fa-  
cultas.



tres generationes, vel in aliud longum tempus dare, locare, etiam cum donationis, seu investitura receptione, ac representata pecunia, sine tamen illorum redditus diminutione, necnon generaliter, & specialiter obligari, & hypothecare, super illis census quoscumque, redimibiles imponere, & vendere, necnon de bonis eisdem compromittere, & quomodolibet super illis transigere, illisque simpliciter, vel liti desuper habitae, ac actioni, etiam in non possessorem cedere, & reum citare, utilitatemque venditionum, & aliorum huiusmodi, vel etiam necessitatem, aut aliam causam, propter quam fiunt, simpliciter, & absque figura iudicii cognoscere, judicare, definire, & penitus terminare libere, & licite valeat, & alias juxta dictarum literarum tenorem, harum serie Apostolica auctoritate concedimus. Et ad hoc, si opus sit, licentias, & facultates omnes praedictas extendimus, & ampliamus. Ipsosque contrahentes, habita sola Praepositi Generalis, vel congregatae Societatis per literas patentes more ipsius Societatis, vel alias confirmatione, aut consensu, solo contractu securos existere, nec ad venditionum, communicationum, & aliarum huiusmodi alienationum utilitatis, seu necessitatis, aut in aequivalentia, vel meliora bona pretii conversionis, vel aliam demonstrationem teneri. Necnon contractus quoscumque super his hactenus initos perpetuo valere, partesque ipsas ad illorum observationem omnino obligari, & tam ipsos hactenus initos contractus, quam in futurum ineundos, quibus ipsius Generalis Praepositi, nunc, & pro tempore existentis, vel etiam congregatae Societatis consensus, seu confirmatio accesserit, alia Sedis Apost. confirmatione, & approbatione non indigere.

Clausula sub-  
lata &c.

§.6. Sicque per quoscumque Iudices, Ordinarios, & delegatos, etiam causarum Palatii Apostolici Auditores, ac Sanctae Romanae Ecclesiae Cardinales, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere, necnon quicquid secus super his a quoquam quavis auctoritate scienter, vel ignoranter contigerit attentari, irritum, & inane decernimus.

Deputatio e-  
xecutorum.

§.7. Quocirca venerabilibus fratribus nostris, Toletan., & Treveren., ac Rigen. Archiepiscopis per praesentes committimus, & mandamus, quatenus ipsi, vel duo, aut unus eorum per se, vel alium, seu alios easdem praesentes, & in eis contenta quaecumque, ubi, & quando opus fuerit, ac quoties pro parte Claudii, vel pro tempore existentis Praepositi Generalis, aut Societatis huiusmodi, vel alicujus eorum fuerint desuper requisiti, solemniter publicantes, eisque in praemissis efficacis defensionis praesidio assistentes, faciant auctoritate nostra praesentes, & in eis contenta huiusmodi firmiter observari, ac singulos, quos literae ipsae concernunt, pacifice frui, & gaudere, non permittentes eos, vel aliquem eorum desuper contra praesentium te-

*Bull. Rom. Tom. IV. Par. IV.*

norem per quoscumque quomodolibet indebite molestari. Contradictores quoslibet, & rebelles per censuras, & poenas Ecclesiasticas, aliaque opportuna juris, & facti remedia, appellatione postposita, compescendo, legitimisque super his habendis servatis processibus, censuras, & poenas, etiam iteratis vicibus aggravando, invocato etiam ad hoc, si opus fuerit, auxilio brachii secularis.

Derogatio  
contrariorum

§.8. Non obstantibus fel. rec. Symmachi, & Pauli, aliorumque Romanorum Pontificum, etiam Praedecessorum nostrorum, de rebus Ecclesiae non alienandis, sed alienatis recuperandis, aliisque Apostolicis Constitutionibus, & Ordinationibus, necnon quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis quibusvis, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, etiam Motu proprio, & consistorialiter, ac de Apostolica potestatis plenitudine concessis, approbatis, & innovatis, quibus omnibus, etiam si de illis, eorumque totis tenoribus, specialis, specifica, individua, & expressa mentio habenda, aut aliqua alia exquisita forma ad hoc servanda foret, tenores huiusmodi, ac si de verbo ad verbum nihil penitus omissio, & forma in illis tradita observata inserti forent praesentibus, pro expressis habentes, illis alias in suo robore permanfuris, ac dictis literis, si in aliquo obstitent, hac vice dumtaxat specialiter, & expresse derogamus, contrariis quibuscumque.

Fides trans-  
ptorum.

§.9. Ceterum quia difficile foret, easdem praesentes ad singula quaeque loca, ubi necessarium fuerit, deferre, volumus quod illarum transumptis manu alicujus Notarii publici subscriptis, & sigillo alicujus personae in dignitate Ecclesiastica constitutae, seu etiam ipsius Societatis Praepositi Generalis munitis, eadem prorsus fides adhibeatur in iudicio, & extra, quae ipsis originalibus literis adhiberetur, si forent exhibitae, vel ostensa. Nulli ergo &c.

Datum Romae, apud Sanctum Mar- cum, Anno Incarnationis Dominicae, millesimo quingentesimo octuagesimo secundo, Nonis Augusti, Pont. nostri Anno XI.

D. P. An. XI.  
5. Augusti.

## CXXXIX.

Quod personae Societatis Jesu, a quocumque Antistite etiam extra tempora, de licentia suorum Praelatorum ad sacros Ordines promoveri, & ad quoscumque alios regulares Ordines transire possint, habita licentia Praepositi generalis.

*Quamplura de hac Societate indicavi in Constit. XXXI. Pauli III. Tom. IV. Part. I. fol. 185. qui illam primo approbavit, & in alia ejusdem Const. LXIII. Licet ibid. f. 243.*

GREGORIUS PAPA XIII.

*Ad futuram rei memoriam.*

**P**lum, & utile Societatis JESU Institutum non patitur certa quaedam ab iis, qui

Exordium.



Paulus III. concessit sociis istis, ut cum Præposito licentia a quolibet Antistite promoverentur ad Sacros Ordines.

Nonnulli tamen Ordinarum observantiam Concilii Tridentini, sess. 23. cap. 8. perquirebant.

Hic ideo Pont. d. facultatem reintegrat, & ampliat.

Quibuscumque non obstantibus.

qui sub ejus vexillo, & disciplina salutari militant, obiri, quæ in sacris ineundis generaliter præscribuntur.

§.1. Quocirca cum dictæ Societatis ac disciplinæ alumni nulli Ecclesiæ, nullive loco certo mancipati sint, ut ibi permaneant, sed veluti viatores omni tempore parati, expectantesque diem, & horam qua, vel ad extremas Orbis regiones, cum venit usus, emittantur ubi, quisque pro capto suo, & juxta datam sibi a Domino sapientiam, sese in vinea Domini excolenda exercent, ejusque rei causa fel. rec. Paulus Papa III. Præposito ejusdem Societatis concesserit, ut idoneos, & comprobatos ab ipsa Societate, quibuscumque mallet, Catholicis Antistitibus, & gratiam, & communionem Sedis Apostolicæ habentibus præsentare posset, qui illos sic præsentatos, absque ulla promissione vel obligatione, ad Ordines hujusmodi promoverent.

§.2. Nonnulli tamen Antistites, post Concilii Tridentini decreta, eos sic præsentatos, prius in cujusque, tam minorum quam sacrorum Ordinum hujusmodi præscripto munere exercitatos, temporumque determinatorum post susceptos præscriptum finem, antequam ad superiores Ordines ascendant, omnino expectandum, eosque in eorumdem Ordinum functionibus, chorique Officiis plene instructos, & denique super eorumdem vita, moribus, ætate, & natalibus ad Parochi inquisitionem, aut alias testimonium, & certa alia requisita habenda esse contendunt, quamvis nonnisi ad eosdem Ordines suscipiendos numeris alioqui omnibus idonei dimittantur.

§.3. Nos his incommodis, quantum in Nobis est, occurrere volentes omnibus Episcopis, & aliis Antistitibus, præsentibus, & futuris, in perpetuum præcipimus, atque interdiciamus, ne ab hujusmodi promovendis, qui licentiam a Præposito Generali dictæ Societatis pro tempore existente, vel ab eo delegatis habuerint, quidquam prædictorum requirant, vel exigant, sed ipsos etiam absque ulla functione in Ordinibus ipsis, interstiorumque ad illos suscipiendos observatione, aut inquisitione de cantu, officiis, & ceremoniis Ecclesiasticis, idoneitate, proprii Ordinarii licentia, & aliis in aliis requisitis ad minores, ac etiam extra tempora a jure statuta, tribusque Dominicis, vel aliis festis diebus etiam Presbyteratus, Ordines promoveant, ac si illi omnibus requisitis præditi essent. Nos enim illis Ordines omnes prædictos sic suscipiendi, ac prædictis Antistitibus eos ipsis conferendi facultatem tribuimus.

§.4. Non obstantibus præmissis ac Constitutionibus, & Ordinationibus Apostolicis, ceterisque contrariis quibuscumque. Præsentis autem gratiæ communicationem omnibus aliis, etiam qui sua privilegia cum ipsa Societate copiose participant, participareque poterunt, quomodolibet in futurum, fieri omnino prohibemus. Cete-

rum quia difficile esset præsentibus quocumque illis opus erit, deferre.

§.5. Volumus, ut earumdem præsentium transumptis, manu Notarii publici subscriptis, & sigillo personæ in dignitate Ecclesiastica constitutæ seu etiam dicti Præpositi munitis, eadem prorsus fides, in iudicio, & extra illud adhibeatur, quæ ipsis præsentibus adhiberetur, si essent exhibitæ, vel ostensæ.

Datum Tusculi, sub annulo Piscatoris, die 21. Septembris, 1582. Pontificatus nostri Anno undecimo.

Sequitur facultas transeundi ad alios Ordines Regulares.

GREGORIUS PAPA XIII.

Ad perpetuam rei memoriam.

Cum alias fel. rec. Paulus Papa III. Societati Jesu inter alia concesserit, ut eorum nemo, sive Professus, sive Scholaris, sive Coadiutor ex dicta Societate egrediens, ad alium quam ad Carthusiensem Ord.; nisi de expressa Romani Pontificis, vel Præpositi Generalis dictæ Societatis licentia se conferret.

§.1. Itemque Pius Papa IV. voluerit, ut ne quis prædictorum, ab eadem Societate prætextu cujusvis indulti, vel quæsito colore melioris vitæ, vel strictioris observantiæ, etiam ad Mendicantium, vel Cisterciensem, seu Sancti Benedicti, aut aliorum Monachorum Ordinem (Cartusienfi excepto) transire possit, dubitare contingit, An Præpositus pro tempore existens valeat etiam Professos, ex causis id exigentibus, ab ipsa Societate emittere, aut eis sic emissis liberum sit de ejus licentia, se ad quemvis alium Mendicantium, vel non Mendicantium Ordinem transferre.

§.2. Nos, re perpenſa, atque diligenter examinata, Societatis ipsius puritati, atque incremento, emissorumque pro tempore salutis consulere volentes: statuimus, ut deinceps in perpetuum libeat dicto Præposito, quos judicaverit, ab ipsa Societate emittere, eosque de ipsius Præpositi licentia, non tantum ad Carthusiensem, sed ad quemvis alium Mendicantium, pariter, laxioris aut arctioris observantiæ Ordinem, per ipsum Præpositum illis præscribendum, de consensu tamen Superiorum loci illius, quo destinabuntur, demigrare, in eisque professionem per loci illius Monachos, aliosque ejusdem emitti solitam, emittere, habitumque suscipere, & consueta uti eorum disciplina. Ipsi inhibentes sub excommunicationis latæ sententiæ poena, ne quid contra præsentium tenorem quomodolibet audeant attentare.

§.3. Non obstantibus omnibus iis, quæ dicti Pontifices voluerunt non obſtare, ceterisque contrariis quibuscumque: Præsentis autem gratiæ communicationem omnibus aliis etiam qui sua privilegia cum prædicta Societate copiose participant, participareque poterunt quomodolibet in futurum, fieri omnino prohibemus.

§.4. Ce-

Transumptorum fides.

D. P. An. XI. 21. Septemb.

Paulus III. jussit egredientes a Societate solum ad Carthusiensem transire posse, ut in ejus Constit. cit. in rubr.

Pius IV. cuius Constit. non posui, idem vetuit.

Hic modo Pontifex ad omnem ordinem transire posse declarat, licentia habita a Præposito.

Quibuscumque non obstantibus.



§.4. Ceterum quia difficile esset, praesentes, quocumque illis opus erit, deferre, volumus, ut praesentium transumptis, manu Notarii publici subscriptis, & sigillo personae in dignitate Ecclesiastica constitutae, seu etiam dicti Praepositi munitis, eadem prorsus fides, in iudicio, & extra illud adhibeatur, quae ipsis praesentibus adhiberetur, si essent exhibitae, vel offensae.

Datum Tusculi, sub annulo Piscatoris die 22. Septembris 1582. Pontificatus nostri Anno XI.

D. P. An.XI.  
22. Septemb.

## CXI.

Nova Constitutio super Duellis.

GREGORIUS EPISCOPUS  
SERVUS SERVORUM DEI

Ad perpetuam rei memoriam

Ex Regest. in  
Secret. Brev.

Exordium, &  
causa Consti-  
tutionis eden-  
da.

§.1. **F**irmum ita quicquam vix statui, sanctionibusque communiri pro salute animarum posset, quod veritatis inimicus falsis suggestionibus, non convellere, & labefactare conetur, idque nunc in Duellorum atrocitate experimur, quae licet inter alios fel. rec. Julii II., Leonis X., Clementis VII., & Pii IV. Roman. Pontificum Constitutionibus, & Concilii Tridentini Decreto exterminata procul ab Orbe Christiano exulare debuissent; Dolosa tamen patris mendacii interpretatione persuasum est, eos in dictis Constitutionibus, & Decreto tantum comprehendere, qui propositis Provocantium ad pugnam libellis, Patrini, intervenientibus, ceterisque ex pristino abusu introductis, se in locum tutum (quem vulgus *Campum Francum* appellat) provocant, non autem eos, qui privatim inter se sine praedictis circumstantiis, quamvis de industria, & animo deliberato certamen singulare committunt, vel committere procurant.

Declaratio  
Constitutionum  
contra Duellum  
facientes  
editarum.

§.2. Nos huic malo antequam radices altius agat, occurrere volentes, praesentium auctoritate statuimus, omnes, & quoscumque sub Constitutionibus, & Decreto supra dictis, omnino comprehendere, censurasque, & poenas omnes Ecclesiasticas, & temporales, in illis contentas incurrere, qui se ad singulare certamen provocaverint, etiam si soli, & sine Patrini, aut Arbitris, nullisque propositis libellis, nec circumstantiis, nec aliis servatis, quae in similibus servari consueverunt in locum publicum, vel privatum extra, vel intra Civitates, Terras, & Castra, vel etiam Domos se conduxerint, quique illum, vel alios forte comitati, aut etiam pugnae spectatores fuerint, vel in loco, vel etiam longe steterint, vel spectaverint, & praeterea eos, qui sic invitantibus, vel provocantibus, aut invitatis, vel provocatis equos, arma, pecuniam, comeatus, cibaria, & alia subsidia contulerint, aliasque auxilium, consilium, vel favorem praestiterint, aut conferri, & praestari curaverint, etiam per alium, seu alios directe, vel indirecte quovis modo, vel

Bull. Rom. Tom. IV. Par. IV.

colore, etiam si postea ad dictum certamen, vel destinatum, aut alium locum non descenderint, adiicientes, ut invitans, vel provocans atrociori poena plectatur.

§.3. Eos autem sub hac nostra sanctione nolumus comprehendere, qui in rixa de improviso nata statim in ipso iracundiae furore, certum aliquem locum ad huiusmodi certamen condixerint, alterve condixerit, etiam si ibi confligendi causa tum convenerint, & inter eos sit pugnatum, hi tamen, & Comites, ac quicumque alii eis assisterint, seu auxilium, consilium, vel favorem praestiterint, ut praefertur, alias severe puniendi prout criminis qualitas, & in eo progressus, ac circumstantiae postulabunt.

Datum Romae apud Sanctum Petrum. Anno Incarnationis Dominicae, millesimo quingentesimo octuagesimo secundo, Nonis Novembris, Pont. nostri Anno XI.

Qui sub hac  
Constitutione  
comprehenduntur.

Dat. die 5.  
Novem. 1582  
An. XI.

## CXLI.

Concilii Tridentini prohibitio de Duellis, extenditur ad duella privatim commissa.

GREGORIUS EPISCOPUS  
SERVUS SERVORUM DEI

Ad perpetuam rei memoriam.

**A**d tollendum detestabilem Duellorum usum, Concilium Tridentinum, excommunicationem, & alias gravissimas poenas in concedentes locum ad Monomachiam, ac pariter in pugnae, necnon Patrinos, consulentes, suadentes, & spectatores salubriter quidem decrevit: sed crescente hominum malitia facinorosi non desunt, qui quod publice prohibitum est, privatim exequi non dubitent, dum se poenas praedictas hoc modo eludere posse arbitrantur.

Concil. Trid.  
in sess. 25.  
cap. 19. pro-  
hibuit duella.

§.1. Nos ad haec coercenda plenius evidentiisque providendum esse rati, considerantesque Duellum privatim non minus cruentum, & animae, & corporis noxium esse, quam quod publice perpetratur, auctoritate Apostolica statuimus, omnes illos, qui ex condito statuto tempore, & in loco convento Monomachiam commiserint, etiam si nulli Patrini, sociique ad id vocati fuerint, nec loci securitas habita, nullave provocatoria litera, aut denunciationis chartulae praecesserint, censuris, & poenis omnibus a dicto Concilio propositis teneri, perinde ac si publico, & consueto abusu singulare certamen inivissent. Volentes etiam locorum Dominos, si certamen ex condito huiusmodi permiserint, aut quantum in se fuerit, non prohibuerint, omnesque illud fieri mandantes, instigantes, auxilium, consilium, vel favorem dantes, equos, arma, pecuniam, comeatum, & alia subsidia scienter subministrantes, aut ex composito spectatores, vel socios quovis modo sese praebentes, eisdem censuris, & poenis subiacere, etiam si illi, qui ad locum destinatum pugnaturo accesserunt, impediti pugnam non commiserint, si per se

Hic Pontifex  
prohibitionem  
ampliat.



1582.

1582.

Contrariis  
derogat.Aliæ Consi-  
tutiones firmæ  
remaneat.D. P. An. XI.  
5. Decemb.

ipfos non steterit, quo minus illa commit-  
tatur.

§.2. Non obstantibus privilegiis, immu-  
nitatibus, & exemptionibus, ceterisque  
contrariis quibuscumque.

§.3. Constitutionibus tamen, & aliis  
sanctionibus Apostolicis hac de re dispo-  
nentibus in suo robore duraturis.

Datum Romæ apud Sanctum Petrum,  
Anno Incarnationis Dominicæ, millesimo  
quingentesimo octuagesimo secundo Nonas  
Decembris, Pontificatus nostri Anno XI.

## CXLII.

Erectio Ecclesiæ Episcopalis Civitatis Bo-  
noniæ, in Provincia Lombardiæ, in Ec-  
clesiam Archiepiscopalem.

*Similem erectionem de Ecclesia Senensi statuit  
Pius II. in Constit. III. Triumph. Tom. III.  
Par. III. fol. 95.*

GREGORIUS EPISCOPUS

SERVUS SERVORUM DEI

Ad perpetuam rei memoriam.

Proemium.

**U**niversi Orbis Ecclesiis, eo dispen-  
te, qui cunctis imperat, & cui omnia  
obediunt, meritis licet imparibus presiden-  
tes, in omnes agri Domini partes oculos  
nostræ mentis, vigilis more pastoris inten-  
dimus, inspicientes, quid Ecclesiarum ip-  
sarum, præsertim Cathedralium insignium,  
statui, & decori maxime conveniat: atque  
hoc quidem tanto liberalius promptiusque  
curandum censemus, quanto magis civita-  
tum celebritas, ac civium, & populorum  
suorum vota id exposcunt, ac divino fulti  
præsidio illius, qui cuncta ex sua benigni-  
tate ad fidelis populi sui salutem disponit,  
ad ea quæ ad dignitatem, & statum Eccle-  
siarum huiusmodi augendum pertinent, of-  
ficii nostri partes libenter convertimus,  
prout cognoscimus in Domino salubriter  
expedire.

Ecclesiæ Bo-  
noniensis cõ-  
mendatio.

§.1. Cum itaque Ecclesia Bononiensis  
Sedi Apostolicæ immediate subiecta, cui  
dilectus filius noster Gabriel Tit. S. Marti-  
ni in Montibus Præbyter Cardinalis Pa-  
leottus nuncupatus, ex dispensatione Apo-  
stolica præest, & quæ in primis Sancti Pe-  
troni Episcopi, & Protectoris Bononiæ  
intercessionibus, & meritis, omni qui-  
dem tempore divinæ pietatis abundantia  
magnis multisque ornamentis exulta,  
non modo Diocesis magnitudine satis in  
omnem partem patens, sed Cleri, populi-  
que pietate, dignitate, & amplitudine flo-  
rens, Episcoporum quoque ordine succe-  
dentium, quos item multos ab initio fere  
infidelium persecutionibus, fidei defen-  
sores, & in Sanctorum consortio adscriptos  
habet, numero affluens, sacrarum præ-  
terea reliquiarum copia abundans, religiosi-  
simis quoque templis, Basilicis, Monaste-  
riis, locis piis, & aliis, quæ ad omnem ejus-

dem cleri, populi que Bononiensis lau-  
dem insignia sunt, pietatis Christianæ mo-  
nimentis ornata, valde per se ipsa elucet.

§.2. Cumque Civitas ipsa jam inde us-  
que a Theodosio Imper. amplissimis illu-  
strata privilegiis, & a diversis Romanis  
Pontificibus Prædecessoribus nostris ad Re-  
gum congressus, Imperatoris coronatio-  
nem, Concilii Œcumenici translationem,  
aliasque maximas res gerendas delecta, ejus-  
demque Apostolicæ Sedis primogenita, &  
studiorum mater ab omnibus merito nun-  
cupata, nobilissimo Gymnasio, Docto-  
rumque, & Scholarium ex omnibus Orbis  
Christiani partibus illuc confluentium fre-  
quentia, clarissimo Quadragintavirum, Se-  
nato, & Magistratibus decorata: aliorum  
item illustrium virorum, apud quos, &  
veræ Religionis cultus, & summa in Rom.  
Pont. ipsamque Sedem observantia, & stu-  
dium semper enituit, copia quidem insi-  
gnis: quippe quæ in omnibus schismatibus  
partes veri Pontificis perpetuo sustinuerit,  
& viros dignitatibus Ecclesiasticis claros,  
Episcopos, Cardinales, Pontificesque de  
Ecclesia Dei optime meritos sæpenumero  
tulerit, ædificiorum item magnificentia,  
opibus, fertilitate, populi magnitudine,  
egregia erga externos hospitalitate, ac præ-  
cipua erga omnes benevolentia, & carita-  
te, omnique alia virtute illustris, & sit, &  
habeatur.

§.3. Nos aliorum Romanorum Pon-  
tificum Prædecessorum nostrorum, qui  
eodem honore patriam suam condeco-  
runt, morem exemplumque secuti, &  
ejusdem etiam Cardinalis, Episcopique Bo-  
noniensis, cujus non ignota est cura, & so-  
licitudo in gloria Dei saluteque animarum  
procuranda pio studio adducti, & Patriæ ip-  
sius nostræ Bononiensis, quam unice in  
Christo diligimus, singularibus erga hanc  
Sedem meritis commoti, paternoque desi-  
derio, & ea spe qua tenemur, id fore, ut  
patria ipsa Bononiensis hoc singulari benefi-  
cio nostro excitata, sese in dies ad bene-  
agendum magis magisque conformet, ac-  
censi, necnon Ecclesiæ ipsius, quam totis  
in Christo visceribus complectimur, meri-  
tis permoti, ad illam meritis honoribus  
augendam, & promovendam adducti, piis  
quoque supplicationibus dilectorum Filio-  
rum ejusdem Civitatis Quadragintavirum,  
aliorumque Magistratum excitati, post  
habitam cum Venerabilibus Fratribus no-  
stris S. R. E. Cardinalibus maturam delibe-  
rationem, de illorum consilio, atque Apo-  
stolicæ potestatis plenitudine, ad laudem,  
gloriam, & honorem Omnipotentis Dei, ac  
Beatæ Mariæ semper Virginis, & S. Petro-  
nii Episcopi, & Patroni Bononiensis, nec-  
non ad universalis Ecclesiæ exaltationem,  
Ecclesiam ipsam Bononiensem in Metro-  
politana Ecclesia, & Sedem Episcopa-  
lem Bononiensem in Archiepiscopalem,  
Archiepiscopalisque, & Metropolitanæ Præ-  
sidis Sedem, & Provinciæ caput pro illius  
Archiepiscopo pro tempore existenti, qui  
pallii, & crucis usum aliorum Archiepi-  
scopo-

Civitatis Bo-  
non-commen-  
datio.Ecclesiæ Bo-  
noniæ erectio,  
in Ecclesiam  
Metropolita-  
nam, & Ar-  
chiepiscopale,  
cum privile-  
giis omnibus  
Archiepisco-  
palibus.



corum more habeat, omnibusque aliis insignibus Archiepiscopalibus, necnon privilegiis, honoribus, & prerogativis, aliis Archiepiscopis debitis, & concessis gaudeat, tenore presentium perpetuo erigimus, & instituimus, ac nomine, titulo, & honore Archiepiscopali, & Metropolitano decoramus.

Ecclesiarum  
Placentin. Parmen.  
&c. subiectione Archiepisc.  
Bonon.

§.4. Necnon Placentin. Parmen. Regien. Mutinen. Imolen. Cervien., & Cremen. Ecclesias, earumque omnium, & singularum Civitates, & Dioeceses, cum omnibus, & singulis earum Territoriis, & terminis, ac dilectos filios Clerum, & Populum universum cum suis Collegiatis, Parochialibus, & aliis Ecclesiis, necnon Monasteriis utriusque sexus, ceterisque beneficiis, & Officiis Ecclesiasticis, cum cura, & sine cura, secularibus, & quorumvis Ordinum regularibus, necnon hospitalibus, domibus, collegiis, & locis religiosis quibuscumque ab ejusdem Sedis Apostolica immediate, sive alterius cujuscumque etiam Metropolitani subiectione etiam perpetuo dividimus, & separamus: illaque, & earum Dioeceses, ac Civitates, posthac in Provincia Bononiensi esse, & consistere, neque in alia Provincia censendas, & numerandas esse decernimus, & declaramus, & quatenus alteri Provinciae, Archiepiscopove etiam Mediolanensi, & Ravennateni, tam antiquo jure, consuetudine, privilegio, vel alterius Metropolis erectione sive institutione, quam jure electionis ex Sac. Conc. Trid. decreto factae, vel alia quavis ratione, & causa antea adiunctae, subiectaeque, in toto aut in parte, essent, vel censerentur, sive in illius possessione, vel quasi, se esse praeenderent, ab omni illius sive alterius Provinciae, vel Archiepiscopi, etiam Mediolanensis, & Ravennatenis, aut illorum Capitulum jure Metropolitico, correctione, visitatione, subiectione, & omni quacumque alia jurisdictione, obedientia, & superioritate, si qua forsitan quavis occasione illis competere, sive competat, similiter perpetuo eximimus, & liberamus.

Episcoporum  
Suffraganeorum  
eidem Archiepisc.  
pisc. subiectione.

§.4. Necnon dictae Bononiensi Ecclesiae praedictas Placen. Parmen. Regien. Mutinen. Imolen. Cervien., & Cremen. Civitates, & Dioeceses pro sua Metropolitana Provincia, ac Placent. Parmen. Regien. Mutinen. Imolen. Cervien., & Cremen. Ecclesias praefatas, modernosque, & pro tempore existentes illarum singularum Praesules pro suis, & pro tempore existentis Archiepiscopi Bononiensis suffraganeis, qui, necnon earum singularum Capitula etiam quocumque privilegio suffulta, tamquam membra capiti eidem Archiepiscopo Bononiensi jure Metropolitico subsint, sibi que obedientiam, & reverentiam tamquam proprio Metropolitano prorsus exhibeant, pariter perpetuo subiicimus: eidemque Archiepiscopo Bononiensi praedictos suos suffraganeos consecrandi, ad Provinciales Synodos evocandi, ac cum eis etiam Ecclesiastica negocia terminandi,

eorum Ecclesias disponendi, & causas quarumcumque appellationum, sive querelas alias juxta Sacrorum Canonum statuta cognoscendi, omniaque alia, & singula, quae de jure vel consuetudine, aut alias quomodolibet ad Archiepiscopos, & Archiepiscopale munus spectare, & pertinere solent, & debent, gerendi, & exercendi plenam, & omnimodam concedimus facultatem. Provincia quoque Bononiensi Clerum, & Populum universum pro eorumdem Ecclesiae, & Archiepiscopi Bononiensis provincialibus similiter perpetuo concedimus, & assignamus.

§.6. Decernentes ex nunc irritum, & inane, si secus super his a quoquam quavis auctoritate, scienter, vel ignoranter contigerit attentari.

Decretum irritans.

§.8. Non obstantibus regula nostra de jure quaesito non tollendo, ac quibusvis aliis Constitutionibus, & Ordinationibus Apostolicis, necnon Placentin., Parmen., Mutinen., Regien., Cervien., Imolen., Cremen., ac Ravennaten., & Mediolanen. Ecclesiarum praedictarum juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & litteris Apostolicis eidem Ecclesiis, illarumque Praesulibus, & administratoribus, ac Capitulis, & personis, sub quibuscumque tenoribus, & formis, ac cum quibusvis, etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis, etiam Motu proprio, & ex certa scientia, ac de simili Apostolica potestatis plenitudine, & consistorialiter, & de simili consilio, ac alias quomodolibet, etiam pluries concessis, confirmatis, & innovatis. Quibus omnibus, & singulis, etiam si pro illorum sufficienti derogatione, de illis, eorumque totis tenoribus specialis, specifica, expressa, & individua, non autem per clausulas generales idem importantes, mentio, seu quavis alia expressio habenda foret, tenores hujusmodi, ac si de verbo ad verbum nihil penitus omisso, exprimerentur, & inferrentur praesentibus, pro sufficienter expressis habentes, illis alias in suo robore permansuris, hac vice dumtaxat harum ferie, de consilio, & potestatis plenitudine similibus, specialiter & expresse derogamus, ceterisque contrariis quibuscumque.

Clausula derogatoria.

§.8 Nulli ergo omnino hominum liceat hanc paginam nostrae erectionis, & institutionis, derogationis, divisionis, separationis, declarationis, exemptionis, liberationis, subiectionis, concessionis, assignationis, decretorum, & derogationis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Sanctio poenalis.

Datum Romae apud Sanctum Petrum, Anno Incarnationis Dominicae, millesimo quingentesimo octuagesimo secundo, quarto Id. Decemb., Pontificatus nostri Anno XI.

D. P. An. XI.  
10. Decemb.

Abba-



Abbatissæ, & aliæ Præfectæ Monasteriorum Monialium in Italia ad triennium tantummodo eligantur.

*Quoad modum eligendi, habes Concil. Trid. in sess. 25. cap. 7.*

## GREGORIUS EPISCOPUS SERVUS SERVORUM DEI

*Ad perpetuam rei memoriam.*

Exordium.

**E**Xposcit debitum Pastoralis officii, quod disponente Domino gerimus, ut ad ea sollicitè intendamus, per quæ Monasteria, & alia Religiosa loca, præsertim Deo dicatarum Sanctimonialium, secundum regularis disciplinæ normam regantur, & gubernentur.

Causa hujus  
Constitutionis

§.1. Perpendentes igitur varia, & multiplicitia damna, quibus plerumque afficiuntur Monasteria Monialium, quæ per Abbatissas, vel alias Præfectas perpetuas reguntur, contra vero Abbatissas, & alias Præfectas triennales, scientes se lapso triennio suæ administrationis rationem esse reddituras, ac sperantes de bene gestis laudem promereri, poenam vero, si male gesserint, metuentes, majori studio, ac diligentia, regimen, & administrationem Monasteriorum sibi commissorum gerere.

Abbatissæ Monialium ad triennium tantummodo eligantur, juxta suorum Ordinum instituta, & Conc. Trid.

§.2. His, & aliis rationabilibus causis adductis, hac nostra perpetuo valitura Constitutione statuimus, & ordinamus, quod de cetero perpetuis futuris temporibus, in omnibus, & singulis Monasteriis Monialium S. Benedicti, Cisterciens., Carthusien., & aliorum quorumcumque Ordinum in Italia, & præsertim in utriusque Sicilia Regnis consistentibus, quæ nunc per Abbatissas, vel alias Præfectas perpetuas reguntur, & gubernantur, cum primum Abbatissæ, aut aliæ Præfectæ hujusmodi regimini, & administrationi ipsorum Monasteriorum cesserint, etiam apud Sedem Apostolicam, vel decesserint, eorum Abbatissatus, seu Præfecturas vacare contigerit, Abbatissæ, aut aliæ Præfectæ non amplius perpetuæ, seu ad vitam, quarum nomen, ac titulum ex nunc, prout ex tunc, Apostolica auctoritate ex certa nostra scientia, deque Apostolicæ potestatis plenitudine, tenore præsentium perpetuo extinguimus, & abolemus, sed triennales tantum a Conventu uniuscuiusque Monasterii, & alias juxta decreta Sac. Conc. Trid., & regularia suorum Ordinum instituta eligantur, & præficiantur, quæ postmodum elapso triennio, suis officiis perfunctæ, præesse desinant, omnique prorsus careant auctoritate, ac a regimine, & administratione Monasterii per triennium a die finitæ administrationis inchoandum abstineant, quo elapso, servata eadem forma Conc. Tridentini iterum, & pluries eligi possint.

Prohibitio  
aliter eligendi

§.3. Districtius inhibentes omnibus, & singulis dictorum Monasteriorum Conventibus, Superioribus, & personis, aliquam Abbatissam, aut aliam Præfectam perpe-

tuam, seu ad vitam, sed triennem tantum eligere, & præficere ullo modo audeant, vel præsumant.

§.4. Quod si secus a quoquam quavis auctoritate fuerit attentatum, electionem, & præfectionem hujusmodi, ac omnia, & singula, quæ inde sequuntur, irrita, nulla, & inania, nulliusque roboris, vel momenti fore. Sicque per quoscumque Judices ordinarios, & delegatos quavis auctoritate, fungentes, etiam causarum Palatii Apostolici Auditores, ac S. R. E. Cardinales, sublata eis, & eorum cuilibet, quavis aliter judicandi, & interpretandi facultate, & auctoritate, in quavis causa, & instantia judicari, & definiri debere decernimus.

Decretum irritans.

§.5. Non obstantibus Constitutionibus, & Ordinationibus Apostolicis, ac dictorum Monasteriorum, & Ordinum juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eisdem Monasteriis, eorumque Superioribus, & personis, sub quibuscumque tenoribus, & formis, ac cum quibusvis clausulis, & decretis, in genere, vel in specie, ac alias in contrarium quomodolibet concessis, confirmatis, & innovatis. Quibus omnibus, & singulis, eorum tenores, ac si ad verbum infererentur præsentibus, pro sufficienter expressis habentes, illis alias in suo robore permanfuris, hac vice dumtaxat specialiter, & expresse derogamus, ceterisque contrariis quibuscumque.

Clausula derogatorie.

§.6. Ceterum quia difficile foret, præsentibus nostras ad singula quæque loca, ubi necessarium fuerit, deferre, volumus quod illarum transumptis manu alicujus Notarii publici subscriptis, & sigillo alicujus personæ in dignitate Ecclesiastica constitutæ munitis, eadem prorsus fides in judicio, & extra adhibeatur, quæ præsentibus adhiberetur, si forent exhibitæ, vel ostensæ.

Transumptorum fides.

Datum Romæ apud S. Petrum, sub Annulo Piscatoris, die 1. Januarii, 1583. Pontificatus nostri Anno XI.

D. P. An. XI.  
1. Januarii.

## CXLIV.

Facultas Archiepiscopis, & Episcopis Indiarum, & ab eis subdelegandis absolvendi Indos, & Mauros, ac eorum filios a crimine hæresis, & Idolatriæ, ac aliis peccatis Sedi Apostolicæ reservatis, & in Bulla cœnæ contentis.

Ex Regest. in Secret. Brev.

## GREGORIUS PAPA III.

*Ad futuram rei memoriam.*

**C**UM sicut exponi Nobis nuper fecit Charissimus in Christo filius noster Philippus Hispaniarum Rex Catholicus nonnulli Confessores suorum Regnorum Hispaniarum tenuerint vigore facultatum Cruciatæ dudum a felic. rec. Pio Papa V. Prædecessore nostro Regnis prædictis, ac subditis ejusdem Philippi Regis, & aliis ad illa declinantibus concessæ, poenitentes a crimine hæresis absolvi posse, unde Nos per nostras in forma Brevis desuper expeditas literas declaravimus mentis ejusdem Pii Prædecessoris



foris, & nostræ non fuisse, nec esse ejusdem Cruciatæ, & quarumcumque Indulgentiarum vigore alicui facultatem aliquos a crimine hæresis, seu aliis casibus Officio Sanctissimæ Inquisitionis prædictorum Regnorum, per diversos Romanos Pontifices Prædecessores nostros, & Nos specialiter reservatis absolvendi concessissæ. Cumque hujusmodi declaratio per Nos, ut præfertur, facta in ipsis literis ejusdem Cruciatæ in eisdem Regnis, ac Indiis ejusdem Philippi Regis impressis, & distribui solitis apposita fuerit, dubitatum propterea ab aliquibus extitit, utrum per prædictam nostram declarationem abrogatæ censerentur facultates, per diversos Romanos Pontifices Prædecessores nostros, & Nos Venerabilibus fratribus Archiepiscopis, & Episcopis Indiarum ejusdem Philippi Regis concessæ circa absolutiones Indorum utriusque sexus ab hæresi, & casibus Nobis, & Apostolicæ Sedi reservatis. Quare pro parte ejusdem Philippi Regis Nobis fuit humiliter supplicatum, quatenus in præmissis, prout locorum, & temporum, ac eorumdem Indorum noviter ad fidem Catholicam converforum qualitates exigunt, prospicere, eorumdemque Archiepiscoporum, & Episcoporum in dictis Indiis residen. facultates declarare, aliasque desuper opportune providere de benignitate Apostolica dignemur. Quocirca per præsentis declaramus mentis nostræ non fuisse, nec esse per quascumque nostras literas, ut præfertur, emanatas, facultates eorumdem Archiepiscoporum, & Episcoporum circa hujusmodi absolutiones restringere, suspendere, seu revocare, ac potiori pro cautela, Indisque prædictis utriusque sexus in eorum necessitatibus sollicita nostra vigilantia subvenire cupientes, ac literarum prædictarum quarumcumque tenores præsentibus, pro sufficienter expressis, & insertis habentes, eisdem Archiepiscopis, & Episcopis in Indiarum partibus nunc, & pro tempore degentibus, ac ab eis subdelegandis quascumque facultates, per quoscumque Romanos Pontifices Prædecessores nostros, & Nos circa absolutiones eorumdem Indorum tenore præsentium revocamus, & quatenus opus sit illas eisdem denno concedimus, ita ut tam eorumdem priorum, quam præsentium literarum virtute quoscumque utriusque sexus Indos, ac a Mauris, & Indianis, ac Indianis, & Mauris genitos a crimine hæresis, & Schismate, & Idolatriæ, necnon aliis omnibus casibus Nobis, & Sedi Apostolicæ quomodolibet etiam in Bulla in die Cœnæ Domini, per Romanos Pontifices legi solita contentis, reservatis in utroque foro absolvendi, & totaliter liberandi, injuncta eis pro modo culpæ aliqua poenitentia saluari, licentiam, & facultatem Apostolicam auctoritate tenore præsentium concedimus, & impartimur. Non obstantibus literis prædictis, ac quibusvis Constitutionibus, & ordinationibus Apostolicis. Quibus omnibus, & singulis illorum tenorem præsentibus pro plene, & sufficienter expressis, ac

de verbo ad verbum insertis habentes, illis alias in suo robore permaufuris, hac vice dumtaxat specialiter, & expresse derogamus, ceterisque contrariis quibuscumque. Volumus autem, quod præsentium transumptis etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem prorsus fides in judicio, & extra ubique adhibeatur, quæ eisdem præsentibus adhiberetur, si forent exhibitæ, vel ostensæ.

Datum Romæ apud Sanctum Petrum, sub annulo Piscatoris die prima Januarii 1583. Pontificatus nostri Anno XI.

Dat. die 1.  
Januarii 1583  
An. XI.

## CXLV.

Confirmatio Institutionis, Privilegiorum, & exemptionum Societatis Jesu cum nonnullis declarationibus.

Ex Regest. in  
Secret. Brevis

## GREGORIUS EPISCOPUS

SERVUS SERVORUM DEI

Ad perpetuam rei memoriam.

**Q**uanto fructuosius in colenda Domini Vineæ exercet veneranda Jesu Societas, dignisque æterna mercede Operariis abundare conatur, tanto propensius contendimus eam, religiosamque subinde, quam instituit prolem, unde tota Respublica Christiana ubique sublevatur, prosequi, & confovere, simulque omnia remove, quibus & spiritualis ipsorum profectus retardari, & charitatis fervor, qui ab eisdem in regeneratas pretioso Domini nostri Jesu Christi Sanguine Animas se diffundit, alicubi frigescere, aut in lubricum defluere posset.

Exordium.

§. 1. Cum enim sicuti juxta dictæ Societatis constitutiones, & laudabile institutum a felicis recordationis Paulo Tertio, & Julio etiam tertio confirmatum, ac etiam a Paulo Quarto Rom. Pont. Prædecessoribus nostris diligentissime examinatum, & a Concilio Tridentino comendatum Societas ipsa non solum professis, & Novitiis, sicuti, & reliqui Regulares Ordines constet, sed varii in eadem Societate religiosarum personarum gradus sint, in quibus singulis juxta commissi cuique a magno Patre familias talenti mensuram, & præpositorum suorum directionem altissimo famulantur, sicut enim finis dictæ Societatis est, Fidei propagatio, & defensio, animarumque in vita, & Doctrina Christiana progressus, ita etiam gratiæ ejus vocationis proprium est, diversa loca ex Rom. Pontificis, ac Præpositi Generalis ejusdem Societatis directione peragraré, vitamque in quavis mundi parte agere, ubi laboriosa eorum opera, & industria fructuosa copiosiores salvandarum animarum proventus ad Dei Æterni gloriam consequi posse sperant, ad quem finem Spiritus Sanctus qui bonæ memoriæ Ignatium Loyolam ipsius Societatis Institutorem, ejusque socios excitavit, media etiam præclara, maximeque opportuna hujus Sedis ministerio eis tribuit, atque confirmavit, publicam sci-

Causa Constitutionis edendæ, & commendatio Societatis Jesu.



scilicet prædicationum Verbi Dei ministerii cujuscumque spiritualium exercitiorum, & charitatis operum, poenitentiae, & Eucharistiae Sacramentorum administrationis, ac frequentis usus, ad quæ pro dignitate exequenda, & ad difficultates superandas, subeundaque pericula, quibus dictæ Societatis Religiosi in hujusmodi excursionibus, & ministeriis exponuntur, cum hæc magnum, tum virtutis, tum devotionis præsidium postulent, statutum est, ut, & Novitii in Societate prædicta per biennii spatium probentur, & qui expleto Novitiatu literis operam dederint, illarum studiis absolutis tertium etiam annum probationis in humilitatis exercitiis expendant, ut si qua in re, vel hujus virtutis amor, vel pietas, ac devotionis fervor, per literarum occupationem distractus intepuerit, per earumdem virtutum frequentiore exercitationem, & divinæ gratiæ ardentior invocationem restauretur; qui enim professionem emitte debent, eos vocatio hæc viros in vitæ puritate, ac literis conspicuos, diuturnisque, & diligentissimis experimentis probatos, eosque Sacerdotes, & in Verbi Dei, ac Sacramentorum administratione diu multumque versatos exigit, ut & Constitutionibus dictæ Societatis, & a Summis Pontificibus est decretum.

§.2. Sed neque omnes ad eandem professionem idonei esse possunt, neque qui temporis progressu futuri sunt, tales evadere, aut cognosci sine longa exercitatione atque experimento, quapropter Societatis Corpus in sua membra, ordinem, & gradus idem Ignatius divino instinctu, ita duxit disponendum, ut biennio Novitiatus absoluto, omnes qui in Societate perseverare voluerint, tria vota substantialia quidem Paupertatis, Castitatis, & Obedientiæ, simplicia tamen emitte debeant, ac Novitii esse desinant; quibus votis emissis in Corpus ejusdem Societatis cooptati, & quantum ex parte ipsorum perpetuo obligati remanent. Quod si injussi discedant, apostasiæ notam, & excommunicationis, ac alias, quibus ipsi professi subiacent, poenâs incurrant, quamvis rationabili ex causâ, juxta constitutiones easdem ab ipso Præposito Generali dimitti, & votis hujusmodi liberari possint: quare omnia ipsis primo ingressu per aliquot dies in separata habitatione constitutis, ante quam ad aliorum Novitiorum communem convictum admittantur in ipsius Societatis privilegiis, Constitutionibus, & Regulis consideranda traduntur.

§.3. Biennio itaque Novitiatus completo, & emissis votis simplicibus una est omnibus omnino vivendi, & obediendi ratio, debentque omnes in communi vivere, ac in omnibus obedire, non secus ii, qui professionem non emisissent, quam professi, quod vero ad paupertatem attinet, quamvis bonorum suorum jus, atque dominium iustas ob causas pro superiorum arbitratu, ad tempus retinere valeant, ut in pios usus, juxta evangelicum consilium distribuant, in illorum tamen usu religiosam paupertatem ser-

vant, nec ulla re tamquam propria, & sine superioris facultate uti possunt; peractis igitur hujusmodi probationibus, & experimentis cum dictæ Societati fuerit per ea in Domino satisfactum, quos idem Præpositus Generalis idoneos judicat, eos vel ad professionem per vota solemnia, vel ad gradus coadjutorum formatorum spiritualium, si Sacerdotes, vel temporalium si laici sint, per vota eadem publice emissâ quamvis non solemnia juxta Constitutiones admittit: Quibus emissis eo ipso nihil omnino proprii amplius, vel domi, vel foris habere possunt, fiuntque incapaces cujuscvis hæreditariæ successionis, nec propter emissâ hujusmodi vota publica, aut per mortem ab intestatu in illorum, sicuti, nec in professorum bonis Domus ulla, aut Ecclesia, vel Collegium dictæ Societatis succedere potest. Eos qui post biennium Novitiatus emensum dicta tria vota simplicia sicuti ab hac Sede probata sunt, emittentes, & extra Novitiorum numerum habiti, ac in Corpus ipsius Societatis cooptati, illiusque meritorum, & privilegiorum non secus, atque ipsi professi, ex prædictæ Sedis dispositione participes effecti, quidque quantum in eis est, & professionem emitte parati, si ipse Præpositus Generalis prædictæ Societatis instituto congruere judicaverit, & in perpetuo Dei servitiâ consecrati, & sua sorte, pro ut illorum laudabile institutum exigit, contenti, ac denique excommunicationis, & aliis Apostatarum poenis subiecti sunt vere, & proprie Religiosos esse.

§.4. Compertum sit nonnullorum tamen animos, qui pii alioqui, & utiles operari existunt sollicitari, & affligi interdum contigit, quasi non sint Religiosi, eo quod non sint professi, nec etiam desint, qui Religionis prætextu transfigurante se Sathana in Angelum lucis, non solum ea occasione inquieti sunt, sed etiam aliorum pacem, & vocationem disturbare, eosque in fraudem, & defectionem deducere conantur, unde gravissima posset hæc Religio tantopere utilis, & ubique ab omnibus expetita concipere detrimenta. Nos considerantes divinæ Sapientiæ, atque providentiæ thesauros, pro temporum necessitate varia, & inter se dissimilia eademque salubria ordinum instituta in Ecclesia sua produxisse, & nunc maxime (ut felicissimi toto Orbe successus testantur) mirificos in agro Domini fructus hoc peculiari dictæ Societatis instituto proferri, quare ad summovenda circumstantia hujusmodi pericula, eamque in sincera vocatione sua continendam, partes nostras adhibendas decrevimus, ut præcis hujusmodi perturbationum causis, Religio ipsa, quæ in propagandam Religionem Christianam, emendandosque in ea mores corde, animo, viribusque omnibus, sine intermissione insistit, votiivo munere perfruatur. Motu proprio, certaue scientia nostra, & de Apostolicæ potestatis plenitudine laudabile hujusmodi institutum, ac prædicta, ceteraque omnia dictæ Societatis privilegia, facultates, exemptiones

Confirmatio  
privilegiorum  
Societatis Je-  
su concessorâ.



ptiones, immunitates, gratias, & indulta, tam a prædictis, quam aliis Prædecessoribus nostris, & etiam a Nobis concessa, constitutiones quoque, & statuta, qualiacumque sint, ea omnia, ac si ad verbum præsentibus infererentur, pro expressis habentes auctoritate Apostolica tenore præsentium approbamus, & confirmamus, suppletes omnes juris, & facti defectus, si qui interverint in prædictis constitutionibus, & statutis, ac decernentes ex nunc irritum, & inane, quidquid fecus super his a quoquam quavis auctoritate, scienter, vel ignoranter contigerit attentari.

Declaratio favore Societatis.

§.5. Ad hæc dictam Societatem firmo declarationis nostræ præsidio communire volentes, statuimus, ac etiam decernimus, non modo eos, qui in Coadjutorum formarum, sive temporalium, sive spiritualium gradus, & ministeria admittuntur, sed etiam alios omnes, & quoscumque qui in ipsa Societate admissi biennio probationis a quoquam peracto tria vota prædicta, tamen simplicia emiserint, emittentque in futurum, vere, & proprie Religiosos fuisse, & esse, & ubique semper, & ab omnibus censer, & nominari debere, ac si in professorum prædictorum numerum adscripti fuissent; præcipimusque, & interdicimus, ne quisquam scrupulum de hoc neququam iniicere, neque illud in controversiam, dubium, vel suspicionem ponere audeat quoquo modo.

Derogatio contrariorum

§.6. Non obstantibus præmissis, ac Constitutionibus, & Ordinationibus Apostolicis, necnon dictæ Societatis juramento, confirmatione Apostolica, vel quavis firmitate alia roboratis statutis, & consuetudinibus, ceterisque contrariis quibuscumque.

Fides transcriptorum.

§.7. Volumus autem, ut præsentium transumptis etiam impressis, manu Secretarii Societatis, vel Notarii publici subscriptis, & sigillo Præpositi Generalis ejusdem Societatis, vel alterius personæ in dignitate Ecclesiastica constitutæ munitis eadem prorsus fides habeatur, quæ haberetur, si essent exhibitæ, vel ostensæ.

§.8. Nulli ergo omnino hominum liceat hanc paginam nostræ approbationis, confirmationis, statuti, decretorum, & voluntatis infringere, vel ei ausu temerario contraire, si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 1. Februar. 1583. An.XI.

Datum Romæ apud Sanctum Petrum, Anno Incarnationis Dominicæ, millesimo quingentesimo octuagesimo secundo, Kalen. Februarii, Pontificatus nostri Anno XI.

#### CXLVI.

Ex Regest. in Secret. Brev.

Dissolutio trium Prioratuum Congregationis Camaldulen. alias unitor.

**GREGORIUS PAPA XIII.**

*Ad perpetuam rei memoriam.*

Exordium.

**R**egimini Universalis Ecclesiæ disponente Domino pro Monasteriorum, & aliorum Religiosorum locorum quorumlibet

*Bull. Rom. Tom. IV. Par. IV.*

statu salubriter dirigendo, prout ex debito Nobis iniuncti Pastoralis Officii tenemur, sollicitè considerationis intuitum circumquaque protendimus, & ad ea per quæ meliori eorum directioni, personarumque ibi divinis beneplacitis dicatarum commoditati consulitur, Ministerii Nostri partes, prout opportunum fore conspiciamus, propensius impartimur.

Facti series.

§.1. Sane pro parte Dilecti Filii Cherubini de Lendinaria Abbatis Generalis totius Ordinis, & Congregationis Camaldulen. Nobis nuper exhibita petitio continebat, quod cum Sancti Nicolai in fortioribus de Urbe, & Sanctæ Crucis Eugubini, & Sancti Damiani Bononien. Monasteria, seu Prioratus Ordinis, & Congregationis hujusmodi, quorum regimini, & administrationi Abbates, seu Priores pro tempore existentes Generalem, Visitatores, & Diffinitores dictæ Congregationis in illius Capitulo Generali annis singulis juxta ejus statuta, & laudabiles consuetudines eligi soliti præesse dignoscebatur, & quæ, seu qui postmodum Dignitatibus Abbatialibus, seu Prioratibus in eis perpetuo suppressis, & extinctis Sancti Nicolai, vel Sancti Gregorii etiam de Urbe, necnon Sanctæ Crucis Beata Mariæ Angelorum Pisauræ, & Sancti Damiani Monasteria, seu Prioratus hujusmodi Sancti Joannis Baptistæ Faventin. Monasteriis ejusdem Ordinis, & Congregationis Apostolica auctoritate perpetuo unita, annexa, & incorporata, seu illorum bona, fructus, redditus, & proventus ejusdem Sancti Gregorii, ac Beata Mariæ Angelorum, & Sancti Joannis Baptistæ Monasterii applicata, & appropriata fuerunt ex propriorum Abbatum seu Priorum defectu non parva in spiritualibus, & temporalibus detrimenta, Divinique cultus, & regularis essentiæ diminutione sensim patiantur, ac ex unionibus, seu applicationibus hujusmodi fructus nequaquam provenerint, expediensque sit pro illorum salubri, & feliciore directione, religionis conservatione, & propagatione, ac spiritualium, & temporalium incremento, ut unionibus, annexionibus, & incorporationibus, seu applicationibus, & appropriationibus prædictis perpetuo dissolutis Monasteria, seu Prioratus Sancti Nicolai, necnon Sanctæ Crucis, ac Sancti Damiani hujusmodi per proprios Abbates, seu Priores, ut præfertur, eligendos de cetero regantur, gubernentur, & administrentur.

§.2. Cumque alias Sancti Martini prope, & extra Castrum de Domo, & Sancti Nicolai Castri del Piro Ecclesiæ, seu Capellæ sine cura cum illis annexis Monasterio Sanctorum Salvatoris, & Romualdi de Valle Castri ejusdem Ordinis, & Congregationis Camerinen. Diocesis dicta auctoritate etiam perpetuo unitæ fuerint, si Ecclesiæ seu Capellæ prædictæ ab eodem Monasterio Sanctorum Salvatoris, & Romualdi, quod sufficientibus redditibus absque Ecclesiarum, seu Capellarum prædictarum fructibus, redditibus, & proventibus suffultum modo

D exi-



existit, etiam perpetuo dissolveretur, illaque sic dissoluta Monasterio, seu Prioratui Sancti Nicolai huiusmodi, cuius fructus, redditus, & proventus adeo tenues existunt, ut ad congruam sustentationem Monachorum in eo jugiter degentium nullatenus sufficiant, perpetuo unirentur, annecterentur, & incorporarentur, ex hoc profecto necessitatibus Monachorum ejusdem non parum subveniretur, sed etiam illorum numerus, ac ibi divinus cultus cum Ordinis huiusmodi decore ad Omnipotentis Dei laudem augeretur; pro parte dicti Cherubini Abbatis afferentis fructus, redditus, proventus dictarum Ecclesiarum, seu Capellarum insimul centum Ducat. auri de Camera de ea, seu eos exceden. valorem, an non exceden. Nobis humiliter fuit supplicatum, ut omnes, & singulas uniones, annexiones, & incorporationes, seu eorumdem Sancti Nicolai, & Sanctae Crucis, ac Sancti Damiani Monasteriorum, seu Prioratum fructuum applicationes, & appropriationes factas praedictas perpetuo dissolvere, & seu Sancti Nicolai, & Sanctae Crucis, & Sancti Damiani Monasteria, seu Prioratus, necnon Ecclesias, seu Cappellas praedictas a singulis Monasteriis praedictis, quibus illa alias, ut praefertur, unita, seu eorum fructus, redditus, proventus, Jura, obventiones, & emolumenta, praedia, ac bona quaecumque applicata, & appropriata fuerunt, etiam perpetuo dismembrare, & separamus, illaque omnia adversus singulas uniones, seu applicationes huiusmodi restituere, & plenarie reintegrare; necnon Ecclesias, seu Cappellas praedictas illarum unionibus sic dissolutis eidem Monasterio Prioratui Sancti Nicolai etiam perpetuo unire, & annectere, & incorporare, ac alias in praemissis opportune providere de benignitate Apostolica dignemur.

§.3. Nos igitur qui dudum inter alia voluimus, quod pretendentes Beneficia Ecclesiastica aliis uniri, tenerentur exprimere verum annum valorem secundum estimationem praedictam, etiam Beneficii, cui aliud uniri peteretur, alioquin unio non valeret, & semper in unionibus commissio fieret ad partes, vocatis quorum interesset, quique Monasteriorum, aliorumque Religiosorum locorum in melius directiones, ac spirituale incrementum sincero desideramus affectu, Cherubinum Abbatem praedictum a quibusvis Excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, ac quorumcumque unionum, annexionum, incorporationum, applicationum, & appropriationum de Sancti Nicolai, & Sanctae Crucis, ac S. Damiani Monasteriis, necnon Ecclesiis, seu Capellis, eorumque fructibus praedictis factas per Praedecessores, literarumque desuper confectarum tenores, ac illorum omnium

veros annuos valores praesentibus pro expressis habentes, huiusmodi supplicationibus inclinati omnes, & singulas uniones, annexiones, incorporationes, applicationes, & appropriationes praedictas Apostolica auctoritate praedicta tenore praesentium perpetuo dissolvimus, & seu Sancti Nicolai, & Sanctae Crucis, ac Sancti Damiani Monasteria, seu Prioratus, ejusque fructus, redditus, proventus, jura, obventiones, emolumenta, praedia, res, & bona huiusmodi a dictis Monasteriis, quibus sic unita, annexa, & incorporata fuerunt, auctoritate, & tenore praedictis etiam perpetuo dismembramus, & separamus, illaque omnia, & singula adversus quasvis uniones, annexiones, & incorporationes, applicationes, & appropriationes, literasque Apostolicas desuper confectas praedictas, & in eis contenta quaecumque, ac in pristinum, & eum in quo ante praemissa quomodolibet erant, statum, etiam quoad nomen, titulum, & denominationem Abbatialium, seu Prioratum, Dignitatum, ita quod Sancti Nicolai, & Sanctae Crucis, ac Sancti Damiani Monasteria, seu Prioratus huiusmodi propriis Abbates, seu Priores, ut praefertur, eligen. ad instar aliorum ipsius Congregationis Monasteriorum de cetero regi, & gubernari debeant, ac tam illa, quam etiam Abbates, seu Priores, & personae omnibus, & singulis privilegiis, indultis, prerogativis, exceptionibus, immunitatibus, libertatibus, facultatibus, Indulgentiis, favoribus, & aliis tam spiritualibus, quam temporalibus gratiis, quibus alia ejusdem Congregationis Monasteria, seu Prioratus, eorumque Abbates, seu Priores, & personae de jure, seu consuetudine, aut ex privilegio, vel indulto, seu alias quomodolibet utuntur, potiuntur, & gaudent, ac uti, potiri, & gaudere poterunt quomodolibet in futurum, uti, potiri, & gaudere libere, & licite possint, ac alias in omnibus, & per omnia, perinde ac si uniones, annexiones, & incorporationes, aliaque praemissa omnia emanassent, auctoritate, & tenore similibus restituimus, reponimus, & plenarie reintegramus.

§.4. Necnon unionem Ecclesiarum, seu Cappellarum praedictarum dicto Monasterio Sanctorum Salvatoris, & Romualdi, ut praefertur, factam, auctoritate, & tenore similibus etiam perpetuo dissolvimus, illaque per dissolutionem huiusmodi vacantes eidem Monasterio, seu Prioratui Sancti Nicolai, ita quod liceat dilectis filiis illius Monachis, nunc, & pro tempore existentibus illarum corporalem, realem, & actua-lem possessionem per se, vel alium, seu alios eorum, ac Monasterii, seu Prioratus Sancti Nicolai huiusmodi nominibus propria auctoritate libere apprehendere, & perpetuo retinere, illarumque fructus, redditus, & proventus percipere, & levare, ac in suos, & dicti Monasterii, seu Prioratus S. Nicolai usus, & utilitatem convertere, Dioecessani loci, vel cujusvis alterius licentia desuper minime requisita, auctoritate, & tenore



Clausulae speciales.

Derogatio contrariorum

nore prædictis, etiam perpetuo unimus, annectimus, & incorporamus.

§.5. Decernentes præsentis literas quovis prætextu, etiam ex eo quod causæ, propter quas emanarunt, coram locorum Ordinariis, vel aliis etiam tamquam Sedis Apostolicæ Delegatis examinatæ, & verificatæ, interesseque habentes ad hoc vocati non fuerint, neque eorum accesserit assensus, de subreptionis, vel obreptionis, aut nullitatis vitio, seu intentionis nostræ, vel alio quovis defectu notari, impugnari, aut adversus eos quodcumque juris, facti, vel gratiæ remedium impetrari nullatenus posse, ac ex nunc irritum, & inane, si secus super his a quoquam quavis auctoritate scienter, vel ignoranter contigerit attentari.

§.6. Non obstantibus præmissis, ac voluntate nostra prædicta, ac Lateranen. Concilii novissime celebrati uniones perpetuas, nisi in casibus a jure permixtis fieri prohibentis, aliisque Constitutionibus, & Ordinationibus Apostolicis, necnon Ordinis, & Congregationis prædictorum juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis illis, eorumque Generali, & aliis Abbatibus, Diffinitoribus, Visitationibus, Conventibus, & personis sub quibuscumque tenoribus & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis Decretis in genere, vel in specie, etiam Motu proprio, & ex certa scientia, ac de potestatis plenitudine, etiam consistorialiter concessis, ac etiam pluries approbatis, & innovatis. Quibus omnibus etiam si de illis, eorumque totis tenoribus specialis, specifica, expressa, & individua, ac de verbo, ad verbum, non autem per clausulas generales idem importantes mentio, aut quævis alia expressio habenda, seu aliqua alia exquisita forma ad hoc servanda foret, illis alias in suo robore permanentibus hac vice dumtaxat specialiter, & expresse derogamus, ceterisque contrariis quibuscumque. Volumus autem quod propter posteriores nostras uniones, annexiones, & incorporationes prædictas divinus cultus in eisdem Ecclesiis, seu Cappellis nullatenus minuatur, sed eorum congrue supportentur onera consueta.

§.7. Nulli ergo omnino hominum liceat hanc paginam nostræ absolutionis, disjunctionis, dismembrationis, separationis, restitutionis, repositionis, reintegrationis, unionis, annexionis, incorporationis, decreti, derogationis, & voluntatis infringere, si quis autem hoc attentare præsumpserit indignationem Omnipotentis Dei, ac Beatorum Apostolorum Petri, & Pauli ejus se noverit incursum.

Datum Romæ apud Sanctum Petrum, Anno Incarnationis Dominicæ, millesimo quingentesimo octuagesimo tertio 5. Kalen. Aprilis, Pontificatus nostri Anno XI.

Dat. die 25.  
Februar. 1583.  
An.XI.

Bull.Rom.Tom.IV.Par.IV.

CXLVII.

Excommunicatio, & anathematizatio quorumcumque hæreticorum, necnon aliorum omnium, qui contentis in hac Bulla Cœnæ Domini contraveniunt.

GREGORIUS EPISCOPUS

SERVUS SERVORUM DEI.

Ad futuram rei memoriam.

Consueverunt Romani Pontifices Prædecessores nostri ad retinendam puritatem Religionis Christianæ, & ipsius unitatem, quæ in conjunctione membrorum ad unum caput, Christum videlicet, ejusque Vicarium principaliter consistit, & Sanctam fidelium Societatem ab offensione servandam, arma justitiæ per ministerium Apostolatus in præsentem celebritate exercere.

§.1. Nos igitur vetustum, & solemnem hunc morem sequentes excommunicamus, & anathematizamus ex parte Dei Omnipotentis, Patris, & Filii, & Spiritus Sancti, auctoritate quoque Beatorum Apostolorum Petri, & Pauli, ac nostra quoscumque Ufistas, Viclevitas, Lutheranos, Zuvinglianos, Calvinistas, Ugonostos, Anabaptistas, Trinitarios, ac omnes, & singulos Hæreticos, quocumque nomine nuncupentur, & cujuscumque sectæ existant, & eorum credentes, ipsorumque receptatores, & fautores, & generaliter quoslibet defensores, ac eorundem libros hæresim continentes, vel de Religione tractantes, sine auctoritate nostra, & Sedis Apostolicæ scienter legentes, aut tenentes, imprimentes, seu quomodolibet defendentes ex quavis causa publice, vel occulte, quovis ingenio, vel colore, necnon schismaticos & eos, qui se a nostra, & Romani Pontificis pro tempore existentis obedientia pertinaciter subtrahunt, vel recedunt.

§.2. Item Excommunicamus, & Anathematizamus omnes, & singulos cujuscumque status, gradus, seu conditionis fuerint, & interdicimus Universitates, Collegia, & Capitula, quocumque nomine nuncupentur, ab ordinationibus, sententiis, seu mandatis nostris ac Roman. Pontif. pro tempore existentium, ad universale futurum Concilium appellantes, necnon eos, quorum auxilio, vel favore appellatum fuerit.

§.3. Item excommunicamus, & anathematizamus omnes Piratas, Latrunculos maritimos, & illos præcipue, qui mare nostrum, a Monte argentario, usque ad Terracinam discurrentes, eos, qui in illo navigant, depradantur, mutilant, interficiunt, rebusve, & bonis suis spoliunt, omnesque receptatores eorundem, & eis auxilium scienter dantes vel favorem.

§.4. Item excommunicamus, & anathematizamus omnes, & singulos, qui Christianorum quorumcumque navibus tempestate in transversum, ut dici solet, jactatis, naufraga-

Excommuni-  
cantur infra-  
script.

Hæretici, eorumque fautores, &amp; libros prohibitos legentes, &amp; ab obedientia Romani Pontificis recedentes.

Appellantes  
a Papa ad futurum Concilium, & eorum fautores.

Pirata &amp; eorum auxiliares.

Naufragorum bona scienter rapientes, aut ab aliis rapta accipientes.



naufragium passis, aut etiam submersis, si-  
ve in ipsis navibus, siue ex eis delapsa, &  
in mari, vel littore inventa, cujuscumque  
generis bona, tam in nostri Tyrreni, &  
Adriatici, quam in quibuscumque aliis cujuf-  
cumque Maris regionibus, & littoribus ra-  
puerint, aut scienter ipsi sibi acceperint,  
aut ab aliis rapta, seu accepta scienter re-  
ceperint, ita ut necetiam ob quodcumque  
privilegium, consuetudinem, aut longis-  
simi etiam immemorabilis temporis posses-  
sionem, seu alium quemcumque pretextum  
excusari possint.

Pedagia nova  
absque pote-  
state imponen-  
tes.

§.5. Item excommunicamus, & ana-  
thematizamus omnes, qui in Terris suis  
nova pedagia, seu gabellas ad id potestatem  
non habentes imponunt, vel augent, aut  
imponi, vel augeri prohibita exigunt.

Falsificantes  
litteras Apo-  
stolicas, vel  
falso fabrica-  
tes.

§.6. Item excommunicamus, & ana-  
thematizamus omnes falsarios litterarum  
Apostolicarum, & in forma Brevis, ac sup-  
plicationum, gratiam vel justitiam concer-  
nentium, per Romanum Pontificem, vel  
S. R. E. Vice-Cancellarium, seu Gerentes  
vices eorum, aut de mandato ejusdem Ro-  
mani Pontificis signatarum, aut sub nomi-  
ne ejusdem Romani Pontificis, seu Vice-  
Cancellarii, aut Gerentium vices prædicto-  
rum, signantes supplicationes easdem, ac  
etiam falso fabricantes litteras Apostolicas,  
& in forma Brevis, ac supplicationes hujus-  
modi. Extendentes Constitutionem fel. re.  
Innocentii Papæ III. quæ incipit: *Ad falsa-*  
*riorum*, cum omnibus poenis in ea conten-  
tis ad eosdem fabricantes, & etiam ad falsi-  
ficantes, seu mutantes supplicationes per  
Nos, seu de mandato nostro signatas, &  
datas sine nostra aut Datarii nostri licentia.

Arma, & alia  
quibus Chri-  
stiani impu-  
gnantur ad in-  
fideles deferen-  
tes, aut con-  
cernentia sta-  
tum Reipub-  
licæ Chri-  
stianæ eisdem  
uunciantes.

§.7. Item excommunicamus, & ana-  
thematizamus omnes illos, qui equos, ar-  
ma, ferrum, filum ferri, stannum, cha-  
lybem, omniaque alia metallorum genera,  
atque bellica instrumenta, lignamina, ca-  
napem, funes, tam ex ipso canape, quam  
ex quacumque alia materia, & ipsam ma-  
teriam, aliaque hujusmodi, quibus Chri-  
stianos impugnant, deferunt Saracenis,  
Turcis, & aliis Christi nominis inimicis.  
Necnon illos qui per se, vel alium, seu alios  
de rebus Christianæ Reipublicæ statum con-  
cernentibus, in Christianorum perniciem,  
& damnum, ipsos Turcas, & Christianæ  
Religionis inimicos certiores faciunt, illis-  
que ad id auxilium, consilium, vel favorem  
quomodolibet præstant. Non obstantibus  
quibuscumque privilegiis, & concessioni-  
bus quibuscumque Principibus, & Domi-  
nis, siue privatis personis, per Nos, &  
Sedem prædictam hætenus concessis, quæ  
illis nolumus in aliquo suffragari.

Victualia, &  
alia ad Urbem  
deferentium.  
perturbatores  
eorumq fau-  
tores.

§.8. Item excommunicamus, & ana-  
thematizamus omnes impediētes, siue in-  
vadentes eos, qui victualia, seu alia ad usum  
Romanæ Curie necessaria adducunt, ac  
etiam eos, qui ne ad Romanam Curiam ad-  
ducantur, vel afferantur, impediunt, seu  
perturbant, vel pro eis aliquid exigunt,  
aut solvere faciunt, seu hæc facientes de-  
fendunt per se, vel alium, seu alios, cujuf-

cumque fuerint ordinis, præminentia,  
conditionis, & status, ac etiam si Pontifi-  
cali, vel Regali, aut alia quavis Ecclesia-  
stica, vel mundana præfulgeant dignitate.

§.9. Item excommunicamus, & ana-  
thematizamus omnes ex proposito interfici-  
entes, mutilantes, vulnerantes, deti-  
nentes, capientes, seu deprædantes Romi-  
petas, seu Peregrinos ad Urbem causa de-  
votionis, seu peregrinationis, & prorsus  
omnes alios ad Sedem Apostolicam acce-  
dentes, vel apud eam morantes, aut rece-  
dentes ab ipsa, & illis dantes auxilium, con-  
siliū vel favorem.

§.10. Item excommunicamus, & ana-  
thematizamus omnes illos, qui non habentes  
in eadem Curia jurisdictionem ordi-  
nariam, vel delegatam, ejus prætextu ca-  
piunt, spoliunt, detinent morantes in ea-  
dem, vel qui talia fieri mandant.

§.11. Item excommunicamus, & ana-  
thematizamus omnes interficientes, muti-  
lantes, vulnerantes, verberantes, percu-  
tientes, capientes, carcerantes, detinen-  
tes, vel hostiliter insequentes S. R. E. Car-  
dinales, ac Patriarchas, Archiepiscopos,  
Episcopos, Sedisque Apostolicæ Legatos,  
seu Nuncios, aut eosdem efficiētes a suis  
Dioecesibus, Territoriis, Terris, seu Do-  
miniis, eaque mandantes, vel rata habentes,  
seu præstantes eis auxilium, consiliū  
vel favorem.

§.12. Item excommunicamus, & ana-  
thematizamus omnes illos, qui per se, vel  
alium, seu alios, quascumque personas Ec-  
clesiasticas, vel seculares ad dictam Curiam  
super eorum causis, & negociis recurrentes,  
illasque in eadem Curia prosequentes,  
aut procurantes, negociorumque gestores,  
Auditores, Procuratores, & Agentes ipso-  
rum, seu etiam Auditores, vel Judices, su-  
per dictis causis, vel negociis deputatos,  
occasione causarum, vel negociorum hu-  
jusmodi verberant, mutilant, occidunt,  
bonis spoliunt, seu qui per se, vel alium,  
seu alios, directe, vel indirecte, prædicta  
exequi, vel procurare, aut in eisdem con-  
siliū, auxilium, vel favorem præstare non  
verentur, cujuscumque præminentia, &  
dignitatis fuerint.

§.13. Ac etiam omnes, tam Ecclesia-  
sticos, quam Seculares, cujuscumque di-  
gnitatis, qui prætexentes frivolam quam-  
dam appellationem a gravamine, vel futu-  
ra executione litterarum Apostolicarum, &  
in forma Brevis, tam gratiam quam justitiam  
concernentium, necnon citationum,  
inhibitionum, sequestrorum, monitorio-  
rum, processuum, executorialium, & alio-  
rum decretorum, a Nobis, & a Sede præ-  
dicta, seu Legatis, Nunciis, Præfidentibus,  
Cameræ Apostolicæ Auditoribus, Com-  
missariis, aliisque Judicibus, & delegatis  
Apostolicis emanatorum, & quæ pro tem-  
pore emanaverint, aut alias ad Curias se-  
culares, & laicam potestatem recurrunt,  
& ab ea, instante etiam Fisci Procuratore,  
appellationes hujusmodi admitti, ac litteras,  
citationes, inhibitiones, sequestra, mo-  
nito-

Peregrinorū,  
& aliorum ad  
Sedem Apo-  
stolicam ve-  
nientium, &c.  
ex proposito  
offensores.

Commoran-  
tium in Cu-  
ria, absque  
jurisdictione  
perturbatores

Cardinalium,  
& aliorum  
Prælatorum  
offensores, eo-  
rumque auxi-  
liatores.

Offendentes  
eos, qui ad  
Romanam Cu-  
riam recur-  
runt Procura-  
toresque eo-  
rum.

Impediētes  
executionem  
litterarum A-  
postolicarum,  
& aliarum ex-  
peditum, vel prohiben-  
tes recursum  
ad Sedem A-  
postolicam,  
vel gratia-  
rum impetra-  
tionem.



nitioria, & alia prædicta capi, & retineri faciunt. Quive illa simpliciter, vel sine eorum beneplacito, consensu, vel examine executioni demandari, aut ne tabelliones, & Notarii super hujusmodi literarum, & processuum executione instrumenta, vel acta conficere, aut confecta parti, cujus interest, tradere debeant, impediunt, vel prohibent, ac etiam partes, seu earum agentes, Notarios, executores, & sub-executores literarum, citationum, monitoriorum, & aliorum prædictorum capiunt, percutiunt, vulnerant, carcerant, detinent, ex Civitatibus, locis, & Regnis eiciunt, bonis spoliunt, perterrefaciunt, concutiunt, & comminantur, per se, vel alium, seu alios, publice, vel occulte, seu capi, carcerari, detineri, percuti, vulnerari, minisque agitari faciunt. Quive alias quibuscumque personis, in genere, vel in specie, ne pro quibuscumque eorum negociis prosequendis, seu gratiis, vel literis impetrandis ad Romanam Curiam accedant, aut recursum habeant, seu gratias ipsas, vel literas a dicta Sede impetrent, seu impetratis utantur, directe, vel indirecte prohibere, statuere, seu mandare, vel eos apud se, aut Notarios, seu tabelliones, vel alias quomodolibet retinere præsumant.

Avocantesque causas ecclesiasticas a iudicibus ecclesiasticis eorumque fautores.

§.14. Item excommunicamus, & anathematizamus omnes, & singulos Cancellarios, Vice-Cancellarios, & Consiliarios, ordinarios, & extraordinarios quorumcumque Regum, & Principum, ac Præsidentes Cancellariorum, Consiliorum, & Parlamentorum, necnon Procuratores generales eorumdem, vel aliorum Principum secularium, etiam si Imperiali, Regali, Ducali, vel alia quacumque præfulgeant dignitate, quocumque nomine nuncupentur, aliosque Judices, tam ordinarios quam delegatos, necnon Archiepiscopos, & Episcopos, Abbates, Commendatarios, Vicarios, & officiales, qui per se, vel alium, seu alios auctoritate propria, & de facto, quarumcumque exemptionum, vel aliarum gratiarum, & literarum Apostolicarum prætextu, beneficiales, & decimarum, ac alias causas spirituales, & spiritualibus annexas ab Auditoribus, & Commissariis nostris, aliisque iudicibus ecclesiasticis avocant, illarumque cursum, & audientiam, ac personas, capitula, Conventus, Collegia, causas ipsas prosequi volentes impediunt, ac se de illarum cognitione tamquam Judices interponunt, quique partes actrices, quæ illas committi fecerunt, & faciunt, ad revocandum, & revocari faciendum citationes, vel inhibitiones, aut alias literas in eis decretas, & ad faciendum vel consentiendum eos contra quos tales inhibitiones emanarunt, a censuris, & poenis in illis contentis absolvi, per statutum, vel alias compellunt, vel executionem literarum Apostolicarum, seu executorialium, processuum, ac decretorum prædictorum, quomodolibet impediunt, vel suum ad id favorem, consilium, aut assensum præ-

stant, etiam prætextu violentiæ prohibenda, vel aliarum prætensionum, seu etiam donec ipsi ad Nos informandos, ut dicunt, supplicaverint, aut supplicari fecerint, nisi supplicationes hujusmodi coram Nobis, & Sede Apostolica legitime prosequantur.

§.15. Quive ex eorum prætenso officio, vel ad instantiam partis aut aliorum quorumcumque personas Ecclesiasticas, Capitula Conventus, & Collegia Ecclesiarum quarumcumque coram se ad suum Tribunal, audientiam, Cancellariam, Consilium, vel Parlamentum, præter juris Canonici dispositionem trahunt, vel trahi faciunt, vel procurant, directe, vel indirecte, quovis quæsito colore. Necnon qui statuta, ordinationes, constitutiones, pragmaticas, seu quævis alia decreta, in genere, vel in specie, ex quavis causa, & quovis quæsito colore, ac etiam prætextu literarum Apostolicarum usu non receptarum, seu revocatarum, vel cujusvis consuetudinis, aut privilegii, vel alias quomodolibet fecerint, ordinaverint, & publicaverint, vel factis, & ordinatis usi fuerint, unde libertas Ecclesiastica tollitur, seu in aliquo læditur, vel deprimitur, aut alias quovis modo restringitur, seu nostris, & dictæ Sedis, ac quarumcumque Ecclesiarum juribus quomodolibet, directe, vel indirecte, tacite, vel expresse præjudicatur.

Trahentes ad secularia Tribunalia præter juris dispositionem, personas Ecclesiasticas, vel Ecclesiasticam libertatem lædentes.

§.16. Necnon qui Archiepiscopos, Episcopos, aliosque Superiores, vel inferiores Prælatos, & omnes alios quoscumque Judices Ecclesiasticos Ordinarios quomodolibet impediunt, quo minus sua jurisdictione ecclesiastica contra quoscumque utantur, secundum quod Canones, & Sacra Constitutiones Ecclesiasticæ, & Decreta Conciliorum generalium, & præsertim Tridentini, statuunt. Ac etiam eos qui post ipsorum Ordinariorum, vel etiam delegatorum quorumcumque sententias, & decreta, aut alias fori Ecclesiastici Judicium eludentes, ad Cancellarias, & alias curias seculares recurrunt, & ab illis prohibitiones, & mandata, etiam poenalia, ordinariis, aut delegatis prædictis decerni, & contra illos exequi procurant. Eos quoque qui hæc decernunt, & exequuntur, seu dant auxilium, consilium, patrocinium, & favorem in eisdem.

Impediente jurisdictionem Judicum Ecclesiasticorum eorumque fautores.

§.17. Quive jurisdictiones, seu fructus, redditus, & proventus, ad Nos, & Sedem Apostolicam, & quascumque Ecclesiasticas personas ratione Ecclesiarum, Monasteriorum, & aliorum beneficiorum Ecclesiasticorum pertinentes usurpant, vel etiam quavis occasione, vel causa, sine Rom. Pont., vel eorum ad quos jure pertinent, expressa licentia sequestrant.

Usurpantes Sedis Apostolicæ, & quarumcumque Ecclesiarum jurisdictionem, & fructus, vel eos sequestrantes.

§.18. Quive collectas, decimas, taleas, præstantias, & alia onera Clericis, Prælati, & aliis personis ecclesiasticis, ac eorum & Ecclesiarum, Monasteriorum, & aliorum Beneficiorum ecclesiasticorum bonis, illorumque fructibus, redditibus, & proventibus hujusmodi absque simili Rom. Pont. speciali, & expressa licentia imponunt, & diversis, etiam exquisitis modis exigunt, aut

Imponentes decimas, & alia onera personis Ecclesiasticis, ac Ecclesiis, & eorum fructibus absque licentia Pontificis.



aut sic imposita; etiam a sponte dantibus, & concedentibus recipiunt. Necnon qui per se, vel alium, seu alios, directe, vel indirecte prædicta facere, exequi, vel procurare, aut in eisdem auxilium, consilium, vel favorem, aut votum, seu suffragium, palam, vel occulte præstare non verentur, cujuscumque sint præeminentiæ, dignitatis, ordinis, conditionis, aut status, etiam si Imperiali, aut Regali præfulgeant dignitate, seu Principes, Duces, Comites, Barones, Respublicæ, & alii Potentatus quicumque, etiam Regnis, Provinciis, Civitatibus, Terris quoquo modo præsidentes, aut quavis etiam Pontificali dignitate insigniti. Innovantes decreta super his per Sacros Canones, tam in Lateranen. novissime celebrato, quam aliis Concil. generalibus edita, etiam cum censuris, & poenis in eis contentis.

§.19. Item excommunicamus, & anathematizamus omnes, & quoscumque Magistratus, Senatores, Præsidentes, Auditores, & alios Judices quocumque nomine vocentur, ac Cancellarios, Vice-Cancellarios, Notarios, Scribas, ac executores, & subexecutores, & alios quoquo modo se interponentes in causis capitalibus, seu criminalibus contra personas ecclesiasticas, illas banniendo, capiendo, processando, seu sententias contra illas proferendo, vel exequendo, etiam prætextu quorumcumque privilegiorum a Sede Apostolica ex quibuscumque causis, ac sub quibuscumque tenoribus, & formis, in genere, & in specie concessorum quibuscumque Regibus, Ducibus, Principibus, Rebuspublicis, Monarchis, Civitatibus, & aliis quibuscumque Potentatibus, quocumque nomine censeantur, quæ nolumus illis in aliquo suffragari, illa omnia ex nunc in irritum revocando.

§.20. Item excommunicamus, & anathematizamus, omnes illos, qui per se, vel alium, seu alios, directe, vel indirecte, sub quocumque titulo, vel colore, de facto occupant, vel detinent, vel hostiliter destruunt, vel invadunt, aut occupare, detinere, vel destruere, aut invadere hostiliter præsumperint, in totum, vel in partem Almam Urbem, Regnum Sicilia, Insulas Sardinia, & Corsica, Terras citra Pharam, Patrimonium Beati Petri in Tuscia, Ducatum Spoletanum, Comitatum Venaysinum, Sabinensem, Marchia Anconitanæ, Massæ Trebariæ, Romandiola, Campaniæ, & Maritimas Provincias, illarumque Terras, & loca, ac Terras specialis commissionis Arnulphorum, Civitatesque nostras Bononiam, Cæsenam, Ariminum, Beneventum, Perusum, Avinionem, Civitatem Castelli, Tudertum, & alias Civitates, Terras, & loca, vel jura ad ipsam Romanam Ecclesiam pertinentia dictæque Romanæ Ecclesiæ mediate, vel immediate subiecta, quive supremam jurisdictionem in illis Nobis, & eidem Romanæ Ecclesiæ competentem, de facto usurpare, perturbare, retinere, & vexare variis modis præsumunt. Necnon adherentes, fautores, & defensores eorum, seu illis

auxilium, consilium, vel favorem quomodolibet præstantes.

§.21. Necnon omnes, & singulos suppellectilium, librorum, scripturarum, & bonorum Camera, & Palatii Apostolici ex eodem Palatio, infirmitatis Rom. Pont., ac Sedis Apostolicæ vacationis tempore, ablatores, raptores, & illorum detentores, ac quoscumque alios, ad quorum manus bona prædicta quocumque titulo, & ex quavis causa scienter pervenerint.

§.22. Volentes præsentibus nostris processibus, ac omnia, & quæcumque his literis contenta, quousque aliis hujusmodi processibus, a Nobis, aut Romano Pontifice pro tempore existen. fiant, aut publicentur, durare, suosque effectus omnino fortiri.

§.23. Ceterum prædictis sententiis nullus per alium, quam per Romanum Pontificem, nisi in mortis articulo constitutus, nec etiam tunc, nisi de stando Ecclesiæ, & satisfaciendo cautione præstita, absolvi possit, etiam prætextu quarumvis facultatum, & indultorum, quibuscumque personis ecclesiasticis, secularibus, & quorumvis Ordinum, etiam Mendicantium, & Militiarum regularibus, etiam Episcopali, vel alia majori dignitate præditis, ipsisque Ordinibus, & eorum Monasteriis, Conventibus, & Domibus, ac Capitulis, Collegiis Confraternitatibus, Congregationibus, Hospitalibus, & locis piis, necnon laicis etiam Imperiali, Regali, & alia mundana excellentia fulgentibus; per Nos, & dictam Sedem, ac cujusvis Concilii Decreta, verbo, literis, aut alia quacumque scriptura, in genere, & in specie, concessorum, & innovatorum, ac concedendorum, & innovandorum.

§.24. Quod si forte aliqui contra tenorem præsentium talibus excommunicatione, & anathemate laqueatis, vel eorum alicui absolutionis beneficium impendere de facto præsumperint, eos excommunicationis sententia innodamus, gravius contra eos spiritualiter, & temporaliter, prout expedire noverimus, processuri.

§.25. Declarantes ac protestantes quancumque absolutionem etiam solemniter per Nos faciendam, prædictos excommunicatos sub præsentibus comprehensos, nisi prius a præmissis, cum vero proposito ulterius similia non committendi, destiterint, ac quoad eos, qui contra libertatem, ut præmittitur, statuta fecerint, nisi prius statuta, ordinationes, constitutiones, pragmatice, & decreta hujusmodi publice revocaverint, & ex Archiviis, seu Capitularibus locis, aut in libris, in quibus adnotata reperiuntur, deleri, & cassari, ac Nos de revocatione hujusmodi certiores fecerint, eos non comprehendere, nec eis aliter suffragari. Quin etiam per hujusmodi absolutionem, aut quoscumque alios actus contrarios, tacitos, vel expressos, ac etiam per patientiam, & tolerantiam nostram, vel Successorum nostrorum quancumque tempore continuata, in præmissis omnibus & singulis, ac quibuscumque juribus Sedis Apo-

Raptores bonorum Cam. Apost. tempore infirmitatis Pontificis, aut vacationis Sedis Apostolicæ.

Hec Constitutio durat usque ad publicationem alterius similis Constitutionis

Reservatio absolutionis.

Absolventes, alios casibus hic reservatis excommunicantur.

Absolutio Pontificis, quos comprehendat.

Judices seculares se interponentes in causis criminalibus contra personas ecclesiasticas.

Occupantes Terras, & loca S.R.E. aut in illis jurisdictionem usurpantes, eorumque fautores.



Clausula de-  
rogatoria.

stolica, ac S. R. E. undecumque, & quomodocumque quaesitis, vel quaerendis nullatenus praedjudicari posse, seu debere.

§.26. Non obstantibus privilegiis, indulgentiis, & literis Apostolicis generalibus, vel specialibus, supradictis, vel eorum alicui, seu aliquibus, & aliis cujuscumque Ordinis, status, vel conditionis, dignitatis, & praeminentiae fuerint, etiam si ut praemittitur, Pontificali, Imperiali, Regali, seu quavis Ecclesiastica, & mundana praefulgeant dignitate, vel eorum Regnis, Provinciis, Civitatibus seu locis, a praedicta Sede ex quavis causa, etiam per viam contractus aut remunerationis, & sub quavis alia forma & tenore, ac cum quibuscumque clausulis, etiam derogatoriis derogatoriis concessis, etiam continentibus quod excommunicari, anathematizari, vel interdicti non possint per literas Apostolicas non facientes plenam, & expressam, ac de verbo ad verbum de indulto hujusmodi, ac de Ordinibus, locis, nominibus propriis, cognominibus, & dignitatibus eorum nominationem. Necnon consuetudinibus etiam immemorabilibus, ac praescriptionibus quantumcumque longissimis, & aliis quibuscumque observantiis, scriptis vel non scriptis, per quae contra hos nostros processus ac sententias, quominus includantur in eis, se juvare valeant, vel tueri, quae omnia quoad hoc, eorum omnium tenores, ac si ad verbum nihil penitus omisso infererentur praesentibus, pro expressis habentes, penitus tollimus, & omnino revocamus, ceterisque contrariis quibuscumque.

Forma &amp; effectus publicandi hanc Constitutionem in Urbe.

§.27. Ut vero praesentes nostri processus ad communem omnium notitiam facilius deducantur, chartas, seu membranas processus ipsos continentes, valvis Ecclesiae S. Joannis Lateranensis, & Basilicae Principis Apostolorum de Urbe appendi faciemus, quae processus ipsos quasi sonoro praeco, & patulo indicio publicabunt, ut ii quos processus hujusmodi contingunt, quo ad ipsos non pervenerint, aut quod ipsos ignoraverint, nullam possint excusationem praetendere, aut ignorantiam allegare, cum non sit verisimile id remanere incognitum, quod tam patenter omnibus publicatur.

Ordinarii locorum debent quotannis hanc Constitutionem in eorum Ecclesiis frequentari populo publicare.

§.28. Insuper, ut processus ipsi, ac praesentes literae, ac omnia, & singula in eis contenta eo fiant notoria, quo in plerisque Civitatibus, & locis fuerint publicata, universis, & singulis Patriarchis, Primatibus, Archiepiscopis, Episcopis, & locorum Ordinariis, Praelatis, & Rectoribus ubilibet constitutis per haec scripta committimus, & in virtute sanctae obedientiae districte precipiendo mandamus, ut per se, vel alium, seu alios praesentes literas, postquam eas receperint, seu earum habuerint notitiam, semel in anno, aut si expedire viderint, etiam pluries in Ecclesiis suis, dum in eis major populi multitudo ad divina convenit, solemnius publicent, & ad Christianifidelium mentes reducant, nuncient, & declarent.

Confessarii habeant transumptum hu-

§.29. Ceterum hortamur eosdem universos, & singulos Patriarchas, Archiepi-

scopos, Episcopos, aliosque locorum Ordinarios, & Ecclesiarum Praelatos, necnon Rectores, ceterosque curam animarum exercentes, ac presbyteros seculares, & quorumvis Ordinum regulares ad audiendum confessiones quavis auctoritate deputatos, ut transumptum harum literarum penes se habere, legere, & diligenter examinare procurent.

§.30. Volentes earundem praesentium transumptis, etiam impressis, Notarii publici manu subscriptis, & sigillo Judicis Ordinarii Romanae Curiae, vel alterius personae in dignitate Ecclesiastica constitutae munitis, eandem prorsus fidem, in iudicio, & extra illud ubique locorum adhibendam fore, quae ipsis praesentibus adhiberetur, si essent exhibitae, vel ostensae.

Transumptis subscriptis de-  
tur fides.

§.31. Nulli ergo omnino hominum liceat hanc paginam nostrae excommunicationis, anathematizationis, interdicti, declarationis, protestationis, sublationis, revocationis, commissionis, innodationis, mandati, hortationis, & voluntatis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac beatorum Petri & Pauli Apostolorum ejus se noverit incursum.

Sanctio penalis.

Datum Romae apud Sanctum Petrum, Anno Incarnationis Dominicae, millesimo quingentesimo octuagesimo tertio, pridie Nonas Aprilis, Pontificatus nostri Anno XI.

D. P. An. XI.  
4. Aprilis.

## CXLVIII.

Quod Praeceptorum Militiae, & Ordinis Sancti Joannis Hierosolymitani vacent per promotionem ad Episcopatum.

De hac Militia vide ad Const. XV. Anastasii IV. Christianae. Tom. II. fol. 346.

GREGORIUS EPISCOPUS  
SERVUS SERVORUM DEI

Ad futuram rei memoriam.

Controversia inter Venerabilem Fratrem nostrum Thomam Episcopum Melevitanum, & dilectum Filium Michaellem Palentrin proxime suscitata, occasione Praeceptorum de Marden, Prioratus Cathalauniae, Hospitalis S. Joannis Hierosolymitani, de qua pridem vacante per susceptionem muneris consecrationis ejusdem Episcopi, dicto Michaeli canonice provisum fuerat, ipse vero Episcopus, illam, non ut beneficium vacationi obnoxium, sed ut praedium possidere posse contendebat.

Controversia super vacatione, de qua in rubr.

§.1. Nos causam hujusmodi, Causarum Curiae Camerae Apostolicae Generali Auditori audiendam commisimus, & sine debito terminandam, omni, & quacumque appellatione remota, qui voto Auditorum causarum Palatii Apostolici de mandato nostro adhibito provisionem praedictam Canonicam declaravit, perpetuum Episcopo silentium imponendo, ac praetensam ejus appellationem reiiciendo.

Decisio dictae controversiae emanata ab Aud. Cam.

§.2. Quare Nos attendentes, Episcopum dictam praepetoriam, sive praedium, sive beneficium, sive quodvis aliud, cum sua

Approbatio Pontificis.



cum sua Ecclesia sine dispensatione Apostolica retinere non posse, ideoque justæ Michaelis postulationi assentientes, prædictam declarationem, & quicquid ab ipso Auditore in hac re decretum est, præsentium auctoritate confirmamus, appellatione hujusmodi, & quacumque provocatione, vel protestatione ex parte Episcopi interiecta non obstante.

Nulli ergo &c.

D. P. An.XI.  
29. Aprilis.

Datum Romæ apud Sanctum Petrum, Anno Incarnationis Dominicæ millesimo quingentesimo octuagesimo tertio, tertio Kalen. Maii, Pontificatus nostri Anno XI.

### CXLIX.

Ex Regest. in  
Secret. Brev.

Prohibitio sub poenis &c. ne cuiquam liceat contractus contra dispositionem statutorum, aut juris communis, seu Monopolii in Comitatu Rossilionis.

*Similis prohibitio facta fuit pro Comitatu Cæretania, & Regno Valentia, quas, utpote huic simillimas, iisdemque compactas terminis, omittendas putavi.*

### GREGORIUS PAPA XIII.

*Ad perpetuam rei memoriam.*

Exordium.

**Q**Uacumque improbi quæstus cupiditate ab hominibus adinventæ, quæ non ad commodum Reipublicæ, sed detrimenta, pertinent, reprobanda penitus, nec quoquomodo tolleranda esse censemus.

Facti series,  
& causa Constitutionis cendæ.

§.1. Cum itaque sicut Nobis innotuit nonnulli Mercatores Comitatus Rossilionis cupiditatis voragine ducti, ut famen in Comitatu prædicto pro eorum libito inducant, ac Christianis fidelibus pauperibus frumentum eo, quo volunt, pretio vendant, diversis sub prætextibus, & cautelis excogitatis etiam in Juris Civilis, & Pontificii fraudem, quo annonam cariorem faciant, frumentorum diversa Monopolia exercent, ex quibus aut pauperes in dies fame perire contingit, aut omnia eorum bona una die, quo victum sibi parent, vendere coguntur, diversosque contractus vulgo *quietamenti* nuncupati eo in Comitatu a Mercatoribus in usum inducti sunt, dum Communitates, & Universitates Oppidorum, locorum, seu Villarum Comitatus prædicti ære alieno gravatæ illud exsolvere quærunt, & Mercatores ad eum effectum pecuniam offerunt ac loco pecuniæ frumenti, vini, olive aliquam quantitatem infra certum temporis, vel plurium etiam annorum spatium, prout inter ipsos conventum est, ab eisdem exigunt, sive a Communitatibus, vel Universitatibus recolligatur, sive non recolligatur, exactasque quantitates vini, frumenti, & olei hujusmodi congerunt, & conservant, & magno pretio suo tempore illa vendant, qua ratione eorundem Mercatorum lucrum, dum nulli periculo iidem sunt obnoxii, in infinitum excrescit: hinc dum de vendendis mercibus agitur, iidem in frumento sibi de eorum pretio satisfieri procurant, aliisque veris, aut simulatis locationibus, fructuumque arrendationibus fere universum, quod in Comitatu prædicto colligitur, frumentum in eorum potestatem redigunt, ac in propriis horreis congregant, servantque, donec annonæ caritas eo in Comitatu invalescat, ac tum demum vel iniquo pretio illa venalia vix proponunt.

§.2. Hæc cum pessima permixta sint, animæque periculum, & detrimentum afferant, & publicam ejus Comitatus quietem perturbent, maximisque incommodis, & difficultatibus illud afficiant, Communitatesque, & Universitates concepta spe deceptæ, vini, ac frumenti, vel olei quantitatem conventam pro pecunia præstare nequeunt majoribus debitis, & oneribus se involvunt, atque implicant, ac demum eam ob causam facultatum suarum jacturam omnino faciant; agricolæ vero, & rustici, dum sibi quæ quotidiano usui necessaria sunt summo labore undique corradunt, semen ad ferendos agros, in unum redigere nequeunt in eos, qui hujusmodi negotia contra juris rationem pertractare, ac Comitatum amplissimum his in difficultatibus adducere non erubescunt, pro munere Nobis iniuncto animadvertendum, & providendum esse censemus, prout dudum felic. record. Adrianus Papa VI. Prædecessor noster similibus rationibus inclinatus Civitati Cæsaraugustanæ, & Regno Aragoniæ per suas expeditas literas desuper providit, quas per alias nostras desuper in forma Brevis sub Datum 14. Maii Pontificatus nostri anno sexto expeditas literas innovavimus, ac nedum antiquitus a dicto Prædecessore contra similia agentes sancte statutas, & propositas poenas ad usum revocavimus, verum etiam severius animadvertendum esse censuimus.

§.3. Itaque Motu proprio, & ex certa scientia, ac matura deliberatione nostra, dictarumque Prædecessoris, & nostrarum literarum tenorem præsentibus pro plene, & sufficienter, ac de verbo ad verbum nihil penitus omisso, expressis habentes, easque renovantes, & ad Comitatum prædictum extendentes, & ampliantes sub excommunicationis latæ sententiæ, ac amissionis dicti frumenti, vinei, & olei pro una videlicet Regi, & alia executori, reliqua vero partibus denunciatori applicandis poenis ipso facto incurrendis prohibemus, ne cuiquam quovis prætextu, liceat vini, frumenti, seu olei quantitatem aliquam, causa revendendi in prædicto Comitatu quacumque ratione, cum anticipatione solutionis pretii, seu alias retinere, aut dictos quietamentos vulgariter nuncupatos, seu quascumque alias similes, vel dissimiles arrendationes frumentorum, & fructuum, ac cujusvis generis contractus, ex quibus publica utilitas lædatur, caritasque Annonæ sequatur, quas etiam poenas incurrere volumus quoscumque dantes in his auxilium, consilium, vel favorem, publice, vel occulte, directe, vel indirecte, quovis prætextu, aut quæsito colore, præter a jure communi propositas, & constitutas poenas in exercentes monopolia, quibus talia committentes omnino obnoxios esse volumus, ac præsentis nostro edicto sancimus, ne super

Innovatio li-  
terarum Adria-  
ni VI. illarum-  
que amplia-  
tio, & exten-  
sio ad Comi-  
tatum Rossi-  
lionis.



Pena in Tabelliones.

Exceptionem ignorantie ad mittendam non esse.

per contractibus prædictis, quos omnino reprobamus. Tabelliones, vel Notarii publici, siue Apostolica, aut Imperiali, Regali, vel alia quacumque creati fuerint auctoritate, aliquod Instrumentum conficere, vel in protocollum redigere, vel aliquam scripturam, etiam privatam desuper conscribere pro cautela simplici audeant, vel præsumant, quod si secus fecerint, in Tabelliones, tamquam crimen falsi committentes animadvertatur, & ad eadem, & alia quacumque munera, publicasque functiones perpetuo inhabiles sint.

Æterna maledictio in eos, qui præmissis prohibitionibus non obtinuerint, &amp; alia pena.

§.4. Eos vero, qui in aliquo prædictorum contraverint, præter dictas sententias, censuras, & poenas maledictioni æternæ, qua ex parte Omnipotentis Dei in scriptis ferimus, ac infamiae perpetuæ, & crimini Monopolii, & indebitarum, & iniustarum usurarum, confiscationis, ac privationis bonorum quorumcumque immobilium, seu jurisdictionalium, ac feudorum omnino esse subiectos, & Christi Corpore, & Ecclesiae Dei unitate separatos, ac omni, & quocumque Beneficio, & Officio Ecclesiastico, vel sæculari, siue temporali, siue perpetuo existere privatos, & ad illa inhabiles esse statuimus, & declaramus, & in casibus prædictis, absolutionem a sententia excommunicationis, Nobis, & Romano Pontifici, præterquam si in articulo mortis constituti fuerint, reservamus.

Ciansula.

§.5. Sicque, & non aliter per quoscumque Judices, & Commissarios quavis auctoritate fungentes, etiam si S. R. E. Cardinales, & causarum Palatii Apostolici Auditores fuerint, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere, ac si secus super his a quoquam quavis auctoritate scienter, vel ignoranter contigerit attentari, irritum, & inane decernimus.

Executores presentis Constitutionis.

§.6. Mandantes omnibus, & singulis Venerabilibus Fratribus Archiepiscopis, Episcopis, ac dilectis filiis Abbatibus, ceterisque Ecclesiarum Prælatibus quacumque auctoritate, & dignitate fulgentibus Comitatus prædicti, quatenus prædictas literas, & in eis contenta quacumque in eorum, necnon singulorum Parochialibus, & aliis Ecclesiis, si id necessarium esse iudicaverint, publicent, seu publicari faciant, & ab omnibus exacte servari curent.

Derogatio contrariorum

§.7. Non obstantibus Constitutionibus, & Ordinationibus Apostolicis, contrariis quibuscumque, aut si aliquibus communiter, vel divisim ab Apostolica sit Sede indultum, quod interdici, suspendi, vel excommunicari non possint per literas Apost. non facientes plenam, & expressam, ac de verbo ad verbum de Indul. huiusmodi mentionem.

Fides transcriptorum.

§.8. Ceterum, quia difficile foret, præsentis literas ad singula quæque loca deferri, in quibus eadem publicari debent; volumus, quod illarum transumptis, etiam impressis, manu alicujus Notarii publici subscriptis, & sigillo personæ in Ecclesiastica dignitate &c.

Bull. Rom. Tom. IV. Par. IV.

§.9. Et ne aliqui ex eo, quod notitia prædictarum literarum ad eos non pervenerit, se excusare possint, volumus eorum transumpta, etiam ut præfertur, impressa, & in singulis Cathedralium, & Metropolitana Ecclesiarum dicti Comitatus valvis affixa veræ, & realis publicationis, & intimationis vim, & effectum fortiantur, ac omnes, & singulos, quos ille concernunt, perinde afficiant, ac si singulariter, & personaliter singulis intimata forent.

Datum Romæ apud Sanctum Petrum, sub Annulo Piscatoris die 2. Maii 1582. Pon. nostri Anno XI.

Dat. die 2. Maii 1582. An. XI.

## CL.

De Electione, numero, & qualitatibus Magistrorum Sacre Theologiae, de cetero in Provinciis Italiae eligendorum ex Ordine Fratrum Eremitarum S. Augustini.

Alia de hoc Ordine lege apud Alex. IV. Constit. XXIX. Licet Tom. III. fol. 373.

Dilectis filiis Priori Generali, & Fratribus Ordinis Eremitarum S. Augustini Provinciae Italiae.

## GREGORIUS PAPA XIII.

Dilecti filii salutem, & Apostolicam benedictionem.

**D**ominicum gregem sollicitudini nostra commissum, internis oculis perspicimus introspectantes, Religiosorum, & eorum, qui mundanis abiectis illecebris, Altissimo in humilitatis spiritu famulantur, præcipuam curam gerere, & ea quæ professioni illorum adversari, seu quomodolibet illorum quietem, & felicem statum perturbare posse videntur, de medio tollere, quantum ex alto Nobis conceditur, satagentes, mentis nostræ aciem ad Ordinem vestrum ab ipso Sancto Aurelio Augustino institutum præcipua cura convertimus.

Exordium.

§.1. Cumque inter vos summa cum totius agri Domini fertilitate, quamplurimi sacris literis operam navantes, ad Lectoris, Baccalaurei, & postremo Magistri seu Doctoris in Sacra Theologia gradum promoveri, & promoti certis privilegiis, immunitatibus, exemptionibus, præeminentiis, & superioritatibus, juxta Ordinis, & regulæ vestræ, statutorum, & institutionum formam, & continentiam frui, & gaudere consueverint. Et propterea multi propriis potius quam communibus commodis servientes, seipsos publicis officiis, oneribus, & laboribus subtrahere satagentes, ad Magisterii, seu Magistri siue Doctoris gradus properantes anhelant, illum modis omnibus ambientes adeo, ut nisi malo huiusmodi celeriter occurratur, brevi tempore dubitandum sit, ne plures Magistri, quam discipuli in vestro Ordine, præsertim in Provinciis Italiae reperiantur, & cum omnes privilegio Magisterii, seu Magistri, vel Doctoris suffulti fuerint, nemo qui necessaria singulorum Monasteriorum, seu domorum vestrarum munia exercere

Causa huius Constitutionis.

E

ve-



Præscriptio  
numeri & qua-  
litatum, Ma-  
gistrorum in  
Theologia  
eligendorum.

velit, reliquus futurus sit. Unde factum est, ut Fratres Eremitæ Ordinis vestri Provinciarum extra Italiam constitutarum, Magistros, seu Doctores, nisi magna cum cautela, & parvo in numero a certis annis citra non admiserint, nec admittant de præfenti.

§.2. Nos igitur malis hujusmodi occurrere, & utilitati vestrum omnium consilere, & ut posthac nonnisi idonei, & in numero decenti ad magisterium, sive Magistri, aut Doctoris gradum promoveantur, providere volentes, Prædecessorum nostrorum, & præsertim felicitis recordationis Bonifacii Papæ Octavi, qui alias per suas litteras, sub Datum Romæ apud Sanctum Petrum, quinto Kalendas Maii, Pontificatus sui Anno decimotertio, Ordinis Fratrum Prædicatorum Magistros hujusmodi creandi modum, & normam præscripsit, inherentes, Motu proprio, non ad vestram, seu alicujus vestrum super hoc Nobis oblata petitionis instantiam, sed ex nostra certa scientia, & spontanea voluntate, ac de Apostolicæ potestatis plenitudine, statuimus, decernimus, ordinamus, volumus, mandamus, vetamus, & prohibemus, ne posthac Prior Generalis Ordinis vestri pro tempore existens, neque etiam ipsum Capitulum generale capitulariter congregatum, aut quodcumque Capitulum sive Congregatio Provincialis, cujuscumque Provincia intra Italiam constituta, sive alii quicumque, quacumque ecclesiastica, sive mundana præfulgeant dignitate, & potestate, etiam Sanctæ Romanæ Ecclesiæ Cardinales, prætextu cujuscumque consuetudinis, etiam immemorabilis, sive privilegii, aut indulti Apostolici ex quacumque causa quomodolibet pro tempore, etiam Motu proprio per quoscumque Prædecessores nostros aut Nos forsitan concessi, & innovati, quoscumque quantumcumque idoneos, & habiles ad Magisterium, sive Magistri, aut in Sacra Theologia Doctoris gradum, & dignitatem quomodolibet efferre, aut promovere, seu efferri, & promoveri permittere possit, aut valeat, audeat, seu præsumat, nisi singulis sex annis in singulis Capitulis Generalibus, coram Definitoribus, & in ipso Definitorio, & non ultra duos ex singulis Italiæ Provinciis, seu Congregationibus, ac alias modis, formis, locis, temporibus, & a personis infra scriptis examinandos, & approbandos, videlicet, ut in Capitulis Provincialibus, a vobis, & singulis vestris Italiæ Provinciis, seu Congregationibus, statutis temporibus celebrari solitis ex vobis ipsis, & ex singulis quibusque respective Provinciis, seu Congregationibus, si fieri possit, sin autem ex vicinioribus, viri Magistri in Sacra Theologia moribus, & doctrina idonei duo, qui ad Magisterii gradum, modo, & forma infra scriptis promovendos examinare, & in eorum & cujuslibet eorum vitam, & mores inquirere, illorumque concursus audire, ut de eo, sive eis recte judicare possint, & valeant, eligantur, jurentque Electi ipsi, se solo Re-

ligionis zelo, omni humano affectu postposito, illos sese electuros, quos vita, moribus, & doctrina idoneos, seu idoneiores ex suæ cujusque conscientiæ judicio judicabunt.

§.3. Omnes vero, & singuli de singulis quibuscumque Italiæ Provinciis, seu Congregationibus respective, qui se ad Magistri, seu Magisterii, vel doctoratus hujusmodi gradum, & dignitatem ascendere posse confident, ex ipsis quibusque respective Provinciis, seu Congregationibus (si aderunt) sin autem, etiam ex aliis, dummodo promovendi ipsi ad aliquod Monasterium illius Provinciæ, in qua promovendi fuerint, transferantur, & ab eo in filios legitime suscipiantur, summa cum diligentia, & maturitate ab Electis hujusmodi examinentur, & in eorum omnium, & singulorum scientia, & doctrina periculum fiat, & experientia, & centum formatis schedulis distinctiones, & punctos ex quatuor Magistri sententiarum libris, viginti quinque scilicet ex libro quolibet exceptos continetibus, illisque in urnam conjectis, singula forte extrahantur, quæ singulis promovendis incontinenti assignentur, & super schedulis ipsis sive punctis sibi assignatis, qui forte obvenerint, singuli promovendi, vigintiquatuor horarum spatio in præsentia duorum, sicut præmittitur, Electorum, & aliorum doctorum virorum, ac Patrum vocalium ipsius Capituli Provincialis, lectionem, ut vocant, scholasticam legere, & ex ea conclusiones suo arbitrio disputandas proponere, & contra ipsos omnes, & singulos, sicut præfertur, legentes, & substantantes Magistri graduati sic ut præfertur, Electi, seu alias præsentis, saltem tres Magistri arguere, & contradicere teneantur. Et insuper inter promovendos ipsos fiat concursus, ut quis eorum alio, seu aliis magis idoneus repertus fuerit, aliis posthabitis, præferatur, Examinibus vero, & concursibus singulis in suis quibusque Provincialibus Capitulis modo, & forma præmissis, perfectis, omnes, & singuli, qui examini-bus, & concursibus ipsis, sicut præfertur, electi præfuerint, prævio eorum, & cujuslibet ipsorum juramento, singulis pro suis conscientiis solum Deum, & Religionis Christianæ profectum præ oculis habentes, omni, & quocumque alio affectu postposito, quos idoneos, seu magis idoneos reputaverint, in schedula eorum, & cujuslibet eorum propria manu scripta, seu subscripta adnotare, & Priori Generali in generali Capitulo quolibet sexennio celebrari solito coram Definitoribus, seu majori illorum parte, & in ipso definitorio, & non alibi, sub poena excommunicationis præsentare curabunt.

§.4. Ex ipsis autem modo, & forma præmissis, & singulis Provinciis, seu Congregationibus electis examinatis, & pro idoneis, seu magis idoneis approbatis, & receptis Prior generalis pro tempore existens, in loco ipso definitorio, & non alibi, & coram ipsis Definitoribus, seu majori illorum parte,

Experimenti,  
& exameni  
eorumdem.

Facultas Prioris Generalis  
eos promovendi.



te, duos, & non plures singulis sex annis, & in Generali Capitulo ex singulis Italiae Provinciis, seu Congregationibus eligere, illosque in Sacra Theologia Magistros, sive Doctores creare, & facere, auctoritate nostra possit, & valeat, sicque per ipsum Priorem Generalem assumpti, & promoti, in ipsa Sacra Theologia Magistri vere, & realiter, ubique, tam tota Italia quam extra in quacumque Provincia, vel Congregatione censeantur, & existant, omnibusque, & singulis gratiis, privilegiis, exemptionibus, praeeminentiis, & superioritatibus, tam a jure communi, quam statutis, & consuetudinibus Ordinis vestri in Sacra Theologia Magistris, & Doctoribus concessis, & indultis, & quibus alii quicumque in Sacra Theologia Magistri, seu Doctores in publicis quibuscumque Gymnasiis, aut Universitatibus ad Magisterium, seu Magistri, vel Doctoris gradum promoti, & assumpti, uti, frui, potiri, & gaudere soliti sunt, & consueverunt, utunturque, potiuntur, & gaudent, uti, frui, potiri, & gaudere possint, utanturque, fruuntur, potiantur, & gaudeant, libere, & licite, ac pacifice, & quiete. Nos enim tibi dilecto filio Priori generali moderno, & pro tempore existenti, modo, & forma praemissis a Provincialibus Capitulis electos, & pro tempore eligendos, etiam absque alicujus loci Ordinarii, sive Collegii, aut Universitatis, sive Studii, aut Gymnasii generalis, sive illius Rectoris, aut cujuscumque Administratoris quocumque nomine nuncupati, & quacumque Ecclesiastica, seu mundana auctoritate, & potestate fungentis, etiam Sanctae Romanae Ecclesiae Cardinalis licentia, ad Magisterium, sive Magistri, seu Doctoris in Sacra Theologia hujusmodi gradum, praeeminentiam, dignitatem, auctoritatem, & facultatem promovere, illisque omnibus, & singulis Magistri, seu Doctoris in Sacra Theologia insignia, auctoritates, facultates, & potestates singulis Magistris, & Doctoribus in ipsa Sacra Theologia, per Nos, aut quoscumque locorum Ordinarios, sive Visitatores, Collegia, Studia, Gymnasia, illorumque Rectores, sive Administratores quoscumque, aut alias quascumque personas, quacumque auctoritate, & potestate fuffultas, & S. R. E. Cardinales, & de latere nostro Legatos, vel etiam quacumque loca concedi solita, ipsis, sicut praefertur, electis, examinatis, & approbatis, quos ex singulis Provinciis, modo, & forma praemissis pravia de more professione fidei, & in Magistros, seu Doctores assumpseris, dare, indulgere, concedere, & attribuire, etiam si Capitulum Generale hujusmodi in Alma Urbe nostra, aut alibi, ubi Nos, & Curiam nostram Romanam tunc temporis commorari contigerit, aut in aliis quibuscumque Civitatibus, in quibus Gymnasia, & Studia generalia vigere dignoscuntur, aut in futurum quomodolibet erigentur, fieri, & celebrari contigerit, plenarie concedimus, & indulgemus, praesentium per tenorem.

Bull. Rom. Tom. IV. Par. IV.

§.5. Decernentes, & districte precipiendo mandantes, ne quisquam vestrum, qui posthac cujuscumque privilegii, etiam a Nobis, & Successoribus nostris, etiam Motu proprio concessi, aut alias quomodolibet impetrati praetextu, ad cujuscumque Doctoratus, aut Magisterii gradum, etiam a quibuscumque locorum Ordinariis, etiam S. R. E. Cardinalibus, aut de latere Legatis, sive in quibuscumque Gymnasiis, aut Universitatibus in posterum promoti fuerint, Magistri, aut in S. Theologia Doctoris titulum, nomen, insignia, aut praeeminentiam, seu privilegia, & exemptiones quascumque usurpet, aut usurpare, sive alias, aut aliter quam modo, & forma praemissis, concessis uti quomodolibet publice, vel occulte audeat, seu praesumat sub poena privationis ceterorum graduum, & inhabilitatis ad Magisterium, etiam si aliquibus per Nos, aut Successores nostros, ac Sedem Apostolicam, ut in Sacra Theologia vere, & realiter Magistri, seu Doctores sint, & existant, & omnibus gratiis, privilegiis, exemptionibus, & indultis, quibus ceteri Magistri, & Doctores potiri, & gaudere consueverint, potiuntur, & gaudeant, quomodolibet concessum extiterit. Interdicentes etiam, prout earumdem praesentium tenore interdiximus, omnibus, & singulis Italiae Provinciis praedictis, & quibuscumque Congregationibus vestris, ne quemquam ad Magisterium, sive Doctoratum approbare, aut proponere, aliter, alibi, aut alias, quam praescriptis modis, formis, personis, & locis, ac temporibus possint, aut valeant, quovis quaesito colore, vel ingenio.

§.6. Quocirca Venerabilibus fratribus nostris Jacobo Episcopo Portuensi moderno, ac pro tempore existenti Ordinis vestri Protectori, necnon Mediolanensi Archiepiscopo, ac dilecto filio Curiae causarum Camerae nostrae Apostolicae generali Auditori per praesentes Motu simili mandamus, quatenus ipsi, vel duo, aut unus eorum, per se, vel alium, seu alios praesentes nostras literas, & in eis contenta quacumque, ubi, & quando opus fuerit, ac quoties pro parte vestra, aut alicujus vestrum fuerint requisiti, seu eorum alter fuerit requisitus, solemniter publicantes, illisque in praemissis efficacis defensionis praesidio assistentes, faciant auctoritate nostra, praemissa omnia, & singula ab omnibus, & singulis, quos tangunt, seu tangere poterunt quomodolibet in futurum, inviolabiliter observari. Contradictores quoscumque per censuras, & poenas Ecclesiasticas, aliaque opportuna juris, & facti remedia, appellatione postposita, compescendo, necnon legitimis super his habendis servatis processibus, censuras, & poenas, per eos, seu eorum alterum inflictas, & comminatas saepius aggravando, & reaggravando, etiam invocato ad hoc, si opus fuerit, auxilio brachii secularis.

§.7. Non obstantibus felicis recordationis, Gregorii Decimi, ac Bonifacii Octa-

Executorum  
deputatio.Clausula da-  
rogatoria.



1583.

1583.

vi Prædecessorum nostrorum de una, & Concilii generalis de duabus dietis dummodo quis vigore præsentium ad iudicium ultra tres dietas non trahatur, ac aliis Constitutionibus, & Ordinationibus Apostolicis, privilegiis quoque, & indultis, etiam Matre magnum appellatis, ex quacumque, etiam onerosa, & necessario exprimenda causa, tam vobis, & Ordini vestro, quam singulis vestris Provinciis, Congregationibus, & domibus, seu Monasteriis, aut particularibus personis, quam etiam quibuscumque locorum Ordinariis, etiam S. R. E. Cardinalibus, aut de latere Legatis, vel etiam Gymnasiis, & Studiis, seu Universitatibus quibuscumque, etiam Magistros ipsos in Sacra Theologia creandi, & promovendi modum, formam, & normam præscriben. etiam cum quibuscumque insolitis, & efficacioribus, ac derogatoriis derogatoriis clausulis, & decretis, etiam Motu proprio concessis, & innovatis, ceterisque contrariis quibuscumque. Quibus omnibus, etiam si de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quævis alia expressio habenda foret, tenores huiusmodi præsentibus pro expressis habentes, illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscumque. Aut si aliquibus communiter, vel divisim ab eadem sit Sede indultum, quod interdici, suspendi, vel excommunicari non possint per literas Apostolicas, non facientes plenam, & expressam, ac de verbo ad verbum deindulto huiusmodi mentionem.

Datum Romæ apud S. Marcum, sub Annulo Piscatoris die 25. Junii 1583. Pont. nostri Anno XII.

## CLI.

Dismembratio tertiæ partis fructuum ab uno Canonatu, & Præben. quarumcumque Ecclesiarum Cathedralium, & Metropolitanarum Regnorum Portugallie, & Algarbiorum, & applicatio eorundem Officio SSmæ Inquisitionis dictorum Regnorum.

## GREGORIUS PAPA XIII.

*Ad perpetuam rei memoriam.*

**E**X iniuncti Nobis Apostolici muneris, debito inducimur, & rationis ordine suadente curare tenemur, ut his, qui pro Fidei Catholice conservatione, & puritate, ac hæresum extirpatione jugiter laborare non cessant, pro eorum comoda sustentatione, ac necessitatibus sublevandis, & onerum illis incumbentium supportatione, congruæ subventionis auxilia ex Christi Domini patrimonio ministrentur.

§. I. Cum itaque sicut carissimus in Christo filius noster Philippus Portugallie, & Algarbiorum Rex Catholicus suo, & dilectorum Filiorum Generalis, & aliorum Inquisitorum hæreticæ pravitatis in Portugallie, & Algarbiorum Regnis existentium,

nominiibus exponi Nobis nuper fecit, Officium Sanctæ Inquisitionis in dictis Regnis institutum gravium impensarum mole ita gravatum existat, ut ad Generalis, & aliorum Inquisitorum prædictorum, Ministrorumque, & Officialium congruam sustentationem, onerumque ipsi Officio diversimode incumbentium supportationem annuus redditus quatuordecim millium cruciatorum non sufficiant, redditus autem, & proventus ipsius Officii ad decem mille ducat. annuatim non ascendant, ac proinde Officium ipsum non parvo subventionis auxilio indigere noscatur. Nos qui alias procurante clar. mem. Sebastiano Regnorum prædictorum Rege asserente redditus, & proventus annuos Officii prædicti summam quinque millium cruciatorum non excedere ab uno, & una Ulixbonen., & Elboren., ac Colimbrien. duas tertias partes, ex singularum vero aliarum Cathedralium, etiam Metropolitanarum Ecclesiarum Regnorum prædictorum Canonicatibus, & præbendis, quibusdam exceptis etiam tunc vacan. seu qui primo quovis modo vacare contingeret, medietatem omnium, & singulorum fructuum, reddituum, & proventuum, jurium, obventionum, & emolumentorum, ac distributionum quotidianarum, folis præsentibus, & divinis interessentibus dari, & per eos lucrari solitarum ab ipsis Canonicatibus, & Præbendis dismembravimus, & separavimus, illaque eidem Officio perpetuo applicavimus, & appropriavimus, prout in nostris desuper in forma Brevis confectis literis plenius continetur.

§. 2. Et sicut accepimus dismembratio, & applicatio huiusmodi effectum sortitæ non sunt, ejusque Fidei Catholice conservationem, & puritatem summopere affectamus, Officii prædicti indemnitati in partem saltem consulere, & ut impensas prædictas commodius perferre valeat, de aliquo subventionis auxilio providere volentes, necnon fructuum, reddituum, & proventuum eidem Officio alias quomodolibet, Apostolica, vel alia auctoritate applicatorum seu unitorum quantitates, qualitates, verosque annuos valores, ac prædictarum, seu quarumcumque aliarum literarum, unionum, seu applicationum huiusmodi tenores, continentias, & formas, præsentibus pro expressis habentes, ac posteriores dismembrationem, separationem, & applicationem penitus abrogantes, cassantes, irritantes, & annullantes, Philippi Regis, & Inquisitorum prædictorum Nobis super eo porrectis supplicationibus inclinati ab uno, & una ex Ulixbonen., & Elboren., ac Colimbrien. medietatem, & singularum vero aliarum Cathedralium, etiam Metropolitanarum Ecclesiarum Regnorum prædictorum ab uno, etiam, & una Canonicatibus, & Præbendis Theologalibus, Doctoratibus, & Pœnitentialibus tamen exceptis etiam nunc actu vacan. seu qui primo per cessum, vel decessum aut quamvis aliam dimissionem, vel amissionem,

Causa Constitutionis edenda.

Dismembratio fructuum Canonicatus, seu Dignitatum Cathedralium, ut infra.

D.P. An. XII.  
25. Junii.

Ex Regest. in  
Secret. Bre-  
vium.

Exordium.

Facti series.



nem, aut privationem illos ad præsens obtinentium, seu alias quovis modo, & ex quorumcumque personis, etiam apud Sedem Apostolicam, etiam in aliquo ex mensibus Nobis, aut Romano Pontifici pro tempore existenti, & Sedi huiusmodi reservatis, etiam Ordinariis Collatoribus per Constitutiones Apostolicas nunc, & pro tempore editas, seu literas alternativarum aut etiam alia privilegia, & indulta hactenus concessa, vel in posterum concedenda vacare contigerit, & tanto tempore vacaverint, quod eorum collatio iuxta Lateranen. statuta Concilii ad dictam Sedem legitime devoluta, ipsique Canonicatus, & Præbenda, dispositioni Apostolicæ specialiter, vel ratione cuiusvis etiam nostræ, vel alicujus Cardinalis viventis, in Romana curia præsentis familiaritatis continue commensalitatibus, aut aliarum quavis causa, non tamen ex causa resignationis generaliter reservati existant, & super eis lis inter aliquos, cujus statum, & merita nominatque, & cognomina Judicium, & Colligantium, necnon singulorum Canonicatum & Præbendarum prædictorum fructuum, reddituum, & proventuum veros annuos valores præsentibus pro expressis etiam habentes, tertiam partem omnium, & singulorum fructuum, reddituum, & proventuum, jurium, obventionum, & emolumentorum, ac etiam distributionum quotidianarum solis præsentibus, & divinis Officiis interessentibus, dari, & per eos lucri fieri solitarum auctoritate Apostolica tenore præsentium perpetuo separamus, & dismembramus, illasque sic separatas, & dismembratas eidem Officio, ita quod liceat modernis & pro tempore existentibus generali, & aliis Inquisitoribus, Ministris, & Officialibus prædictis singulas partes dismembratas, ac separatas prædictas per se, vel alium, seu alios propria auctoritate, & ex integris fructibus mensurarum Capitularium percipere, exigere, levare, locare, dislocare, arrendare, atque in suos, & dicti Officii usus, & utilitatem convertere, Dioecesani loci, vel cuiusvis alterius licentia desuper minime requisita, auctoritate, & tenore prædictis, etiam perpetuo applicamus, & appropriamus.

§.3. Decernentes præsentibus literas de subreptionis, vel obreptionis, aut intentionis nostræ, seu quovis alio prætextu, seu causa annullari, invalidari, vel impugnari, aut per loci Ordinarios, aut Capitula Ecclesiarum prædictarum, seu alios quoscumque revidere, vel examinari nullatenus posse, minusque sub similibus, aut dissimilibus separationum, dismembrationum, applicationum, appropriationum, concessionum, assignationum, aut aliarum gratiarum revocationibus, suspensionibus, limitationibus, aut aliis contrariis dispositionibus minime comprehendendi posse, sed tamquam in fidei favorem emanatas, ab illis semper exceptas, & quoties illæ emanabunt, toties in pristinum statum restitutas, repositas, & reintegratas esse,

Clausula.

& censeari, irritum quoque, & inane, si secus super his a quoquam quavis auctoritate scienter vel ignoranter contigerit attentari.

§.4. Non obstantibus Nostreis de unionibus committendis ad partes, vocatis interesse habentibus, & expriment valore, necnon Lateranen. Concilii, uniones perpetuas, nisi in casibus a jure permissis fieri prohiben., aliisque Constitutionibus, & Ordinationibus Apostolicis, necnon singularum Ecclesiarum prædictarum juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis istem Ecclesiis, illarumque Præsulibus, Superioribus, Capitulis, & personis, sub quibuscumque tenoribus, & formis, ac cum quibuscumque derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis, in genere, vel in specie, etiam per quoscumque Romanos Pontifices Prædecessores nostros, & Sedem prædictam, Motu proprio, & ex certa scientia, ac alias quomodolibet concessis, approbatis, & innovatis. Quibus omnibus, etiam si de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda esset, tenores huiusmodi, ac si de verbo ad verbum, nihil penitus omisso & forma in illis tradita observata inserti forent præsentibus, pro sufficienter expressis habentes, illis alias in suo robore permanens, hac vice damtaxat specialiter, & expresse derogamus, ceterisque contrariis quibuscumque.

§.5. Volumus autem, quod ubi fructus, redditus, & proventus, jura, obventiones, & emolumenta, ac distributiones aliquorum ex Canonicatibus, & Præbendis primo vacaturis prædictis ad ducentos cruciatis monete Portugalliæ secundum communem estimationem prædictam annuatim non ascendent, ex illis ea tantum pars, quæ valorem annum centum cruciatorum similitum excedet separata, & dismembrata, in dicto officio applicata censeatur, ita ut ipsos Canonicatus, & Præbendas pro tempore obtinentibus centum cruciati ad minus annuatim remaneant, quodque Canonicatus, & Præben. huiusmodi, a quibus partes prædictorum fructuum dismembrari contigerit, aliquibus idoneis viris, qui onera consueta illis incumbencia cum residuo fructuum illis remanentium supportent, conferantur.

Datum Romæ apud Sanctum Petrum, sub annulo Piscatoris, die 28. Junii 1583. Pontificatus Nostri Anno XII.

Derogatio contrariorum

Exceptio de Canonicatibus, quarum redditus non excedat 200. cruciatis.

Dat. die 28. Junii 1583. An. XII.



CLII. *Declaratio præcedentiæ inter Ordines Mendicantium, & inter Confraternitates Laicorum in processionibus.*

*Adverte quod Pius V. generaliter dedit Præcedentiæ Fratribus Prædicatoribus Ordinis S. Dominici ante alios Mendicantes, ut in ejus Constit. XCIV. Divina. Tom. IV. Par. III. fol. 30.*

## GREGORIUS PAPA XIII.

*Ad perpetuam rei memoriam.*

Exordium.

**E**xposcit Pastoralis Officii munus, cui disponente Domino præsidemus, ut ad ea sollicitè intendamus, per quæ discordiarum, & litium, ac controversiarum quarumlibet, præsertim inter personas Ecclesiasticas materia tollatur.

Causa Constitutionis.

§. 1. Sane Nobis nuper innotuit, quod in multis Civitatibus, & Dioecesibus diversarum Mundi partium nonnullæ lites, causæ, & controversiæ inter Fratres Mendicantes, aliæ etiam similes lites, & controversiæ inter Confratres Christifidelium, super præcedentiâ vel jure præcedendi, ortæ jam sint, & oriri facile possint.

Extinctio litium.

§. 2. Nos considerantes lites, causas, & controversias hujusmodi in Ecclesia, præsertim inter religiosas personas, quæ relictis mundi vanitatibus famulatum, & votum suum in humilitatis spiritu Domino, & Deo nostro, qui se pro Nobis usque adeo humiliavit, ut formam servi acciperet, exhibere, & persolvere profitentur, non modicam illi præclaræ, Deoque præcipuæ dilectæ virtuti, quæ est humilitas, labem infundere, populoque scandalum generare, ac propterea illas omni ratione submovendas, publicæque Religionis tranquillitati, ac Ministrorum Ecclesiasticorum reconciliationi, & mutuæ dilectioni quamprimum consulendum esse rati, ac supremam huic negotio manum apponere volentes, necnon causas, lites, seu controversias hujusmodi ubilibet, & coram quibuscumque Judicibus motas, & in quibuscumque instantiis indecisas pendentes ab eisdem Judicibus harum serie ad Nos advocantes, illasque penitus extinguentes, eisdemque Fratribus Mendicantibus, ac Confratribus super præmissis perpetuum silentium imponentes.

Diffinitio diffinitionis circa præcedentiâ.

§. 3. De Nobis attributæ potestatis plenitudine volumus, & Apostolica auctoritate decernimus, quod quicumque ex dictis Fratribus Mendicantibus, inter se de præcedentiâ hujusmodi contendentibus, aut Confratribus Confraternitatum prædictarum, inter quos lites, & causæ præmissorum occasione ortæ jam sint, seu oriri contigerit in futurum, qui in quasi possessione præcedentiæ ac juris præcedendi sunt, ii, (quibuscumque reclamationibus, protestationibus, appellationibus, & aliis subterfugiis prorsus remotis, & cessantibus, & postpositis) in processionibus tam publicis quam privatis præcedere debeant. Quando vero non probetur, aut non constet de quasi

possessione præcedentiæ hujusmodi, inter Fratres quidem Mendicantes, ii, qui antiquiores in loco controversiæ, inter Confratres vero inter se litigantes ii, qui prius saccis usi sunt, in processionibus tam publicis quam privatis præcedere debeant, ita ut si contigerit nova Monasteria, aut domus alicujus Ordinis Mendicantium in loco, in quo alterius Ordinis ex dictis Mendicantibus Monasteria aut domus prius erecta, & instituta sint, ille Ordo, qui prius Monasterium, seu domum in loco habuerit, præcedat.

Declaratio diffinitionis.

§. 4. Præterea quia inter prædictos Ordines plerumque alia in Processionibus, & alia in Conciliis Generalibus, & aliis actibus publicis sive privatis, ratio circa modum præcedendi servatur, nolumus per præsentis prærogativis dictorum Ordinum, quoad præcedentias hujusmodi, quæ propriis Ordinibus, præterquam in Processionibus prædictis debentur, aut Fratribus Capuccinis nuncupatis, qui in Processionibus publicis sub Conventualium Sancti Francisci, aut Minorum de Observantia Fratrum nuncupatorum, Cruce, ut solent, incedere possint, aliquod præjudicium generari.

Clausula subblata.

§. 5. Sicque per quoscumque Judices, & Commissarios, etiam S. R. E. Cardinales, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiri debere, ac quicquid secus super his a quoquam quavis auctoritate scienter vel ignoranter contigerit attentari, irritum, & inane decernimus.

Clausula derogatoria.

§. 6. Non obstantibus Constitutionibus, & Ordinationibus Apostolicis, Ecclesiarum, Monasteriorum, Ordinum, Congregationum, Domorum, ac Confraternitatum quorumcumque, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, illis, eorumque Superioribus, & personis, sub quibuscumque tenoribus, & formis, ac cum quibuscumque derogatoriis derogatoriis, aliisque efficacioribus, & insolitis clausulis, irritantibusque, & aliis decretis, in genere vel in specie, etiam Motu proprio, aut alias quomodolibet concessis, ac etiam iteratis vicibus approbatis, & innovatis. Quibus omnibus, illorum tenores præsentibus pro sufficienter expressis habentes, illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscumque.

Transumptorum fides.

§. 7. Volumus autem ut præsentium transumptis manu alicujus Notarii publici subscriptis, & sigillo alicujus personæ in dignitate Ecclesiastica constitutæ munitis, eadem prorsus fides, tam in judicio quam extra adhibeatur, quæ præsentibus literis adhiberetur, si forent exhibitæ, vel offensæ.

Datum Romæ apud S. Marcum, sub annulo Piscatoris die 25. Julii, 1583., Pontificatus nostri Anno XII.

D.P. An. XII. 15. Julii.

Confir-



Ex Regest. in  
Secret. Bre-  
vium.

Confirmatio erectionis quorundam Mona-  
steriorum Ordinis Monachorum S. Pauli  
primi Heremite in Ungaria, Polonia,  
Istria, ac Dalmatia, & Privilegiorum.  
**GREGORIUS PAPA XIII.**

Ad futuram rei memoriam.

Exordium, &  
facti series.

§.1. **C**UM inter alios Religiosorum Ordines, quibus fides Catholica, quasi gemmis rutilantibus illustratur. Ordo, quem B. Paulus primus Heremita deserti loca petens vitæ sanctimonia, & institutis eximii instituit, singulari quodam splendore refulgeat, convenit. Nos illum, illiusque Monasteria omnia specialibus favoribus, & gratiis prosequi. Exponi siquidem Nobis nuper fecerunt dilecti filii Generalis, & Monachi ipsius Ordinis, quod nonnulla ejusdem Ordinis Monasteria, seu Domus, aut loca, tam in Hungariæ, & Poloniæ Regnis, quam Istria, & Dalmatia, sive Slavonia, dudum erecta, & instituta fuerunt, ipsique erectiones, & institutiones dictorum Monasteriorum, seu domorum, aut locorum per Nos approbari, & confirmari desiderant.

Confirmatio,  
& approbatio  
omnium Do-  
morum, &  
donationum  
his factarum  
Ordinis San-  
cti Pauli pri-  
mi Eremitæ.

§.2. Quare pro parte eorundem Generalis, & Monachorum Nobis fuit humiliter supplicatum, quatenus eorum desiderio in præmissis annuere de benignitate Apostolica dignaremur. Nos Monasteriorum, seu Domorum, aut locorum prædictorum situationes, qualitates, quantitates, denominationes, nuncupationes, & veros annuos valores, ac quarumcumque scripturarum desuper confectarum tempores præsentibus pro expressis habentes, hujusmodi supplicationibus inclinati, omnes, & singulas erectiones, & institutiones, quorumcumque dicti Ordinis B. Pauli primi Heremite Monasteriorum, Domorum, seu locorum in Ungariæ, & Poloniæ Regnis, ac Istria, & Dalmatia, seu Slavonia hujusmodi, eorumque privilegia, libertates, facultates, favores, gratias, immunitates, & indulta, quatenus in usu sint, & Sacris Canonibus, & præsertim Concilii Tridentini Decretis non adversentur, necnon quascumque donationes, & legata bonorum, & rerum illis per quoscumque facta, & inde secuta omnia, Apostolica auctoritate tenore præsentium approbamus, & confirmamus, illisque perpetuæ, & inviolabilis firmitatis robur adiicimus, necnon omnes, & singulos, tam juris, quam facti defectus, si qui intervenerint in eisdem, supplemus.

Clausulæ, &  
executionis  
mandatum.

§.3. Decernentes ex nunc irritum, & inane, si secus super his a quoquam quavis auctoritate, scienter, vel ignoranter contigerit attentari. Quo circa Venerabili fratri Episcopo Zagabrien., ac dilectis filiis nostro, & Sedis Apostolicæ in illis partibus existenti Nuncio, ac Causarum Curia Camera Apostolicæ generali Auditori per præsentem mandamus, quatenus ipsi, vel duo, aut unus eorum per se, vel alium, seu alios præsentem literas, & in eis contenta

quæcumque ubi, & quando opus fuerit, ac quoties pro parte Generalis, & Monachorum prædictorum fuerint requisiti, solemniter publicantes, illisque in præmissis efficacis defensionis præsidio assistentes faciant auctoritate nostra præmissa omnia observari. Non permittentes Monachos, & quavis alias personas dictorum Monasteriorum seu locorum, aut domorum, desuper a quoquam quomodolibet molestari. Contradictores quoslibet, ac rebelles, & præmissis non parentes per sententias, censuras, & poenas ecclesiasticas, aliaque opportuna juris, & facti remedia, appellatione postposita compescendo, invocato etiam ad hoc, si opus fuerit, auxilio brachii sæcularis.

§.4. Non obstantibus felicis recor. Bonifacii Papæ Octavi Prædecessoris nostri de una, & Concilii Generalis de duabus dietis, dummodo quis vigore præsentium ad iudicium ultra tres dietas non trahatur, aliisque Constitutionibus, & Ordinationibus Apostolicis, necnon quibusvis concessionibus, seu unionibus, aut applicationibus desuper factis, contrariis quibuscumque. Aut si aliquibus communiter, vel divisim ab Apostolica sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Derogatio  
contrariorum

§.5. Ceterum quia difficile foret, præsentem literas ad singula quæque loca, ubi necesse fuerit, deferri, volumus, & dicta auctoritate decernimus, quod transumpto præsentium literarum, sigillo alicujus Prælati Ecclesiastici munito, & manu Notarii &c.

Fides transu-  
ptorum.

Datum Romæ apud Sanctum Petrum sub Annulo Piscatoris die 25. Julii, 1583. Pontificatus nostri anno duodecimo.

Dat. die 25.  
Julii 1583.  
An.XII.

## CLIV.

Confirmatio diversorum Privilegiorum pro  
Doctoribus Philosophiæ, & Medicinæ  
Collegiorum Bononien.

Ex Regest. in  
Secret. Breu.**GREGORIUS PAPA XIII.**

Ad perpetuam rei memoriam.

§.1. **T**anta sunt, quæ per Philosophiæ, & Medicinæ scientiam humanæ vitæ commoda afferuntur, ut illarum professores, qui pro publica utilitate laborare non cessant, Sedis Apost. benignitatem in eorum petitionibus, & votis experiri, & amplioribus in dies ornamentis decorari promereantur. Exponi siquidem Nobis nuper fecerunt dilecti filii Doctores Philosophiæ, & Medicinæ Collegiorum nostræ Civitatis Bononiæ per dilectum filium nostrum Philippum tituli S. Sixti Presbyterum Cardinalem Boncompagnum nuncupatum, quod ipsi cupiunt Privilegia, immunitates, facultates, libertates, & indulta ipsis Collegiis a Romanis Pontificibus Prædecessoribus nostris, ac Imperatoribus, & Regibus, aliisque Principibus concessa, ut perpetuæ fir-

Exordium, &  
facti series.



Causa Con-  
stitutionis eden-  
dæ, & confir-  
matio Privile-  
giorum.

firmitatis robur obtineant, nostræ appro-  
bationis munimine approbari. Quare No-  
bis humiliter supplicari fecerunt, ut eorum  
votis annuere de benignitate Apostolica di-  
gnaremur.

§.1. Nos igitur qui liberalium artium  
Professores speciali dilectione prosequimur,  
Collegiorum prædictorum singulares Per-  
sonas quibuscumque excommunicationis, suspen-  
sionis, & interdicti, aliisque ecclesiasticis  
sententiis, censuris, & poenis, a jure, vel  
ab homine, quavis occasione, vel causa  
latis, si quibus quomodolibet innodati exi-  
sunt, ad effectum præsentium dumtaxat con-  
sequendum harum serie absolventes, &  
absolutos fore censentes, hujusmodi suppli-  
cationibus inclinati, omnia, & singula pri-  
vilegia, immunitates, præeminencias, fa-  
cultates, prærogativas, libertates, gratias,  
& indulta Collegiis prædictis, tam ab ip-  
sis Pontificibus Prædecessoribus nostris,  
quam ab Imperatoribus, & Regibus Roma-  
nis, ac aliis Principibus concessa, quorum  
omnium tenores, ac si de verbo ad verbum  
infererentur præsentibus, haberi volumus  
pro expressis, quatenus sint in usu, & Sa-  
cris Canonibus, ac præsertim Decretis Con-  
cilio Tridentini non repugnent, auctoritate  
Apostolica tenore præsentium approbamus,  
& confirmamus, ac illis perpetuæ, & in-  
violabilis firmitatis robur adiicimus, eaque  
firmiter observari debere decernimus, sup-  
plentes omnes, & singulos juris, & facti de-  
fectus, si qui forsan intervenerint in eisdem.

§.3. Et nihilominus præmissa omnia,  
& singula, prout per Prædecessores nostros,  
Imperatores, Reges, aliosve Principes  
concessa sunt, Apostolica auctoritate te-  
nore præsentium de novo concedimus, ac  
omnes, & singulos Doctores in artium libe-  
ralium Philosophiæ, & Medicinæ Collegiis  
hujusmodi cooptatos præsentibus, & futuros  
milites, & equites auratos auctoritate Apo-  
stolica earumdem tenore præsentium crea-  
mus, constituimus, ac aliorum militum,  
& equitum auratorum numero, & confor-  
tio favorabiliter aggregamus, eosque pro  
talibus haberi, nominari, & reputari, nec-  
non omnibus, & singulis prærogativis, pri-  
vilegiis, & exemptionibus, favoribus,  
gratiis, & indultis, quibus ceteri Milites,  
& equites aurati de jure, vel consuetudi-  
ne, aut alias quomodolibet utuntur, po-  
tuntur, & gaudent, ac uti, potiri, & gau-  
dere poterunt quomodolibet in futurum,  
gaudere libere, & licite posse, & debere  
decrevimus.

§.4. Et insuper eisdem Doctoribus quo-  
cumque, quos Militari dignitate, & hono-  
re dignos esse putaverint, hujusmodi digni-  
tate, & honore cum solita militaris cinguli  
& calcarium deauratorum exhibitione de-  
corandi, & aliorum Militum, & equestrium  
virorum Ordini aggregandi, plenam, & libe-  
ram auctoritate & tenore prædictis auctori-  
tatem, & facultatem concedimus. Præterea  
quod omnes, & singuli in Collegiis hujus-  
modi ad Doctoratus, vel Magisterii, seu  
licentiaturæ, aut alios gradus pro tempore

promoti omnibus, & singulis antelationi-  
bus, privilegiis, prærogativis, libertati-  
bus, immunitatibus, exemptionibus, præ-  
eminenciis, honoribus, facultatibus, gra-  
tiis, favoribus, & indultis, quibus alii Do-  
ctores licentiati, & graduati in quibuscum-  
que aliis Universitatibus, tam citra, quam  
ultra Montes ad Doctoratus, vel Magiste-  
rii, aut licentiaturæ gradum juxta illorum  
ritus, & mores promoti, de jure, vel  
consuetudine, aut alias quomodolibet utun-  
tur, potiuntur, & gaudent, uti, potiri, &  
gaudere in omnibus, & per omnia, perinde  
ac si Doctoratus, Magisterii, licentiaturæ,  
& alios gradus hujusmodi in eisdem Univer-  
sitatibus juxta illorum ritus, & mores sus-  
cepissent, libere, & licite possint, & va-  
leant, prædicta auctoritate Apostolica ea-  
rumdem tenore præsentium statuimus, &  
ordinamus.

§.5. Quocirca Venerabilibus Fratribus  
Archiepiscopo Bononien., & Episcopo Imo-  
len., & dilecto filio Abbati Monasterii  
S. Stephani Ordinis S. Benedicti Bononien.,  
per præsentibus committimus, & mandamus,  
quatenus ipsi, vel duo, aut unus eorum,  
per se, vel alium, seu alios præsentibus li-  
teras, & in eis contenta quæcumque ubi,  
& quando opus fuerit, ac quoties pro parte  
Doctorum prædictorum, seu aliquis eor-  
um desuper fuerint requisiti, solemniter  
publicantes, eisque in præmissis efficacia  
defensionis præsidio assistentes faciant au-  
thoritate nostra præsentibus literas, & in eis  
contenta hujusmodi firmiter observari, ac  
singulos, quos præsentibus literæ concernunt,  
illis pacifice frui, & gaudere, non permit-  
tentes eos desuper per quoscumque contra  
earumdem præsentium tenorem quomo-  
dolibet molestari, contradictores quosli-  
bet, & rebelles per censuras, & poenas ec-  
clesiasticas, appellatione postposita, compe-  
scendo, ac legitimis super his habendis  
servatis processibus censuras, & poenas ipsas  
etiam iteratis vicibus aggravando, invoca-  
to etiam ad hoc, si opus fuerit, auxilio bra-  
chii secularis.

§.6. Non obstantibus fel. rec. Bonifacii  
Papæ VIII. Prædecessoris nostri de una, &  
Concilio Generalis de duabus dietis, dum-  
modo ultra tres dietas aliquis auctoritate  
præsentium ad iudicium non trahatur, &  
quibuscumque aliis Apostolicis, necnon in  
Provincialibus, & Synodalibus Conciliis  
editis generalibus, vel specialibus Consti-  
tutionibus, & Ordinationibus, ac Cancel-  
lariæ Apostolicæ per Nos, & Sedem eam-  
dem in contrarium forsan pro tempore edi-  
tis, necnon legibus Imperialibus, statutis,  
& consuetudinibus, etiam Civitatum, &  
locorum, ac illorum reformationibus,  
etiam juramento, confirmatione Apo-  
stolica, vel quavis firmitate alia roboratis,  
necnon quibuscumque privilegiis, indultis, &  
literis Apostolicis, etiam quibuscumque Uni-  
versitatibus Studiorum Generalium, Colle-  
giis, etiam Archivii Romanæ Curiae, &  
quibuscumque aliis locis, etiam ad instantiam  
Imperatoris, Regum, & Reginarum, Du-  
cum

Mandatur e-  
xecutio.

Derogatio  
contrariorum

Doctores ar-  
tium libera-  
lium Philoso-  
phiæ & Medi-  
cinæ creat E-  
quites, auro-  
tos.

Facultas ag-  
gregandi Do-  
ctores ad mi-  
litiæ auro-  
tam cum aliis  
privilegiis.



cum, Principum, & aliorum Dominorum temporalium concessis approbatis, & innovatis. Quibus omnibus, etiam si de illis, eorumque totis tenoribus specialis, specifica, individua, & expressa mentio habenda, aut aliqua alia exquisita forma ad hoc servanda foret, tenores huiusmodi, ac si de verbo ad verbum nihil penitus omisso, & forma in illis tradita observata inserti forent presentibus, pro sufficienter expressis habentes, illis alias in suo robore permanfuris, hac vice dumtaxat specialiter, & expresse derogamus, contrariis quibuscumque. Aut si aliquibus communiter, vel diversim a dicta sit Sede indultum, quod interdicti, suspendi, vel excommunicari non possit per literas Apostolicas non facientes plenam, & expressam, ac de verbo ad verbum de indulto huiusmodi mentionem.

Dat. die 25.  
Julii 1583.  
An.XII.

Datum Romae apud S. Marcum, sub Annulo Piscatoris, die vigesima quinta Julii, 1583. Pontificatus nostri Anno XII.

## CLV.

Forma publicandi resignationes beneficiorum Ecclesiasticorum, in Curia, & extra.

Quae autem resignationes ab Episcopis admitti possint, definit Pius V. in Const. LXXX.

Quanta Tom. IV. Par. III. fol. 10. Formaeque desuper literas Apostolicas expediendi praescribit in Const. L. Cogit T. IV. Par. II. fol. 360.

## GREGORIUS EPISCOPUS

SERVUS SERVORUM DEI

Ad perpetuam rei memoriam.

Causa Constitutionis.

**H**umano vix iudicio ita bene quicquam, & providenter sanciri potest, quin usus saepe aperiat, doceatque id, quod salubre fore credebatur, minus experiendo prodesse, quod in illis Constitutionibus, quas ad prohibendas simulatas, occultasve beneficiorum ecclesiasticorum resignationes diversi Romani Pontifices multifariam ediderunt, & fel. rec. Pius Papa V. Praedecessor noster novissime promulgavit, cognoscimus accidisse.

Omnes resignationes, & iurium concessionem publicari debent intra sex menses, si beneficia sint citra menses, si vero ultra, intra novem.

§.1. Nos hoc malum, prout occasio necessitasque postulat, coercere volentes statuimus, ut posthac omnes, & quaecumque resignationes, etiam causa permutationis, ac commendarum, & etiam literis Apostolicis non confectis, & possessione non habita, nec non litis, & iurium quorumcumque concessionem, & retrocessionem, quae deinceps de quibuscumque beneficiis ecclesiasticis, in nostris seu Romani Pontificis pro tempore existentis manibus, ac etiam coram Notario publico, & testibus fient, & a Nobis, vel illo, seu nostro, vel illius mandato admittentur, & super eis provisiones, & quaecumque aliae dispositiones, five temporales, five perpetuae, aut ad hoc mandata Apostolica, sub quacumque forma, & quibuscumque etiam S. R. E. Cardinalibus, ac piis locis quocumque privile-

Bull. Rom. Tom. IV. Par. IV.

gio suffultis facta publicari debeant cum literis Apostolicis desuper confectis, intra sex menses, si beneficium citra menses fuerit, ultra vero intra novem a data concessionis gratiae, non autem a die praestiti super ea consensus numerando, etiam si postea concessio gratiae huiusmodi ex quavis causa, diversisque subsequentibus datis, ac quotiescumque, & quovis modo reformata, & valida reddita fuerit, pluresque, & quotquot in alium, vel alios cessiones, ac etiam in ipsummet primum resignantem, vel cedentem, retrocessionem termino praedicto nondum elapso interceperint, ita ut unicus dumtaxat terminus omnibus his successivis cessionibus, ac retrocessionibus decurrat, ut qui postremus gratiam habuerit, publicationem huiusmodi facere, ceteraque omnia hic praescripta intra eundem terminum praestare teneatur.

§.2. Ipsa autem publicatio in Cathedrali, & in beneficii Ecclesia, vel Ecclesiis, si in pluribus illud sit, fiat ubique, dum frequens populus ad Missarum solemnia convenit, palam omnibus literae Apostolicae praedictae, earumve transumptum authenticum exhibeatur, claraque, & intelligibili voce resignatio, cessio huiusmodi, ac beneficii qualitas, invocatio, nominaque, & cognomina resignantis, seu cedentis, ac illius in cuius favorem gratia huiusmodi facta est, pronuncientur, ita ut haec omnia possint ad notitiam omnium ibi existentium verisimiliter pervenire, scriptoque de his omnibus exemplo collato valvis dictarum Ecclesiarum affixum relinquatur. Si vero Ecclesia beneficii ruralis sit; aut populo, conventuque careat, eo casu in Parochiali, intra cuius Parochiae limites beneficium ipsum consistit, & in Cathedrali Ecclesia, vel si locus bello, seu peste, aliisve manifestis periculis subiaceat, tunc in proxima parochiali, ac etiam in Cathedrali Ecclesia, vel si aditus ad illas, aut utramvis minime sit securus, in alia Cathedrali, vel Parochiali viciniore periculorum immuni publicatio huiusmodi peragatur.

§.3. Is quoque in quem disponi, vel mandari de beneficio etiam litigioso, vel accedente non possesso, sub quacumque forma contigerit, possessionem beneficii intra dictum tempus vigore literarum Apostolicarum desuper confectarum, nec alias apprehendere debeat, & si propter litem aut aliud legitimum impedimentum nequivit, saltem literas Apostolicas cum earum publicatione, si tunc facta erit, Iudici, seu executori illarum, vel aliis, ad quos pertinet, per se, vel procuratorem suum legitimum intra idem tempus praesentare, & apud illum, vel illos pro ipsarum literarum executione instare, & possessionem huiusmodi instanter petere teneatur.

§.4. Ceterum modus, & forma hic tradita, semper, & ubique debeat observari, nec alia, vel aequipollens ullo modo admitti in omnibus huiusmodi resignationibus cessionibus, & retrocessionibus, de quibuscumque Ecclesiis, Monasteriis, Priorati-

Forma publicandi resignationes, & cessiones.

Declaratio circa apprehensionem possessionis beneficiorum &c.

Forma praedicta servari debet in omnibus beneficiis specificis, & non per aequipollens.



ratibus, tam virorum quam mulierum dignitatibus, officiis, & beneficiis ecclesiasticis, secularibus, & quorumvis Ordinum, etiam militiarum regularibus, etiam electivis, & manualibus, ac etiam de jure patronatus laicorum illustrium, & alias quomodocumque existentibus, sive pacificis, sive in petitorio, sive in possessorio litigiosis, etiam de quibus in Consistorio nostro disponi consuevit, seu debet, quæ posthac ex quacumque causa fient, & per Nos, ac prædictos Successores, extra tamen dictum Consistorium admittentur, etiam cum reservationibus nominis, tituli, administrationis, possessionis, fructuum etiam omnium, ac rerum, & jurium quorumcumque. Ad prædictorum tamen observationem eum, in quem juris fit cessio beneficii, quod tempore cessionis hujusmodi, & ante illam vigore literarum Apostolicarum, ut supra, si ad id tenebatur, publicatarum realiter possidebat, nolumus obligari.

Annulatio  
resignationū,  
& cessionum,  
non observa-  
tis prædictis.

§.5. Quod si quicquam prædictorum, omnium omissum fuerit, dictis terminis, ut cuique præscripti sunt, elapsis, omnes dispositiones, & gratiæ resignatorum, & cessionum beneficiorum, aut jurium hujusmodi, cum omnibus inde secutis, sive de pacificis, sive de litigiosis, sint irritæ, & inanes, nullaque alia gratia super hujusmodi beneficio, sive jure cesso iis quibus concessa fuerit, suffragetur, sed ipsi tales inhabiles, & incapaces sint ad hujusmodi beneficia sic resignata, & cessa, quandocumque obtinenda, illaque sive jura ab ipsa statim prima resignatione, seu cessione, etiam si illæ alias nullæ, & invalidæ essent, vacavisse, & vacare censeantur eo ipso, nec resignantibus, seu cedentibus, si postea in sua possessione remanent, constitutiones de annali, & triennali possessore, nec præsumptæ, aut tacitæ retrocessionis, etiam propter diuturnam continuatæ possessionis hujusmodi tolerantiam, nec omnino aliud jus, vel beneficium ullo tempore suffragetur, sed ipsa beneficia, sive jura sic a principio vacantia, a Sede Apostolica prædicta dumtaxat impetrari valeant, ac concedi. Illorum vero impetrationes, vel etiam Motu proprio concessionis, quibuscumque derogationibus suffultæ nunquam sub clausulis generalibus, aut vacationum modis conditionalibus, vel implicitis comprehendantur, sed specialiter, & expresse ob non servatam præsentis Constitutionis formam, ac cum declaratione nominum, & cognominum resignantis, seu cedentis, & gratiam habentis dispositive, & conditionaliter fieri omnino debeant, & quicumque sic impetrans, aut gratiam, etiam Motu simili habens præfinitum cuique casui tempus prædictum a data concessionis gratiæ sibi factæ hujusmodi, ea omnia, quæ cadens a jure prædicto debebat, præstare teneatur, & si pluribus gratiam hujusmodi fieri contigerit, is præ omnibus obtineat, qui primus publicationem suæ impetrationis fecerit, & possessionem adeptus fuerit, aut petierit, omniaque requisita prædicta

adimpleverit, quamvis in data sit postremus, & possessio ab alio in publicando negligentiore prius apprehensa fuerit, vel petita. Reservationibus omnibus nominis, administrationis, fructuum, etiam omnium, ac pensionum, & aliarum rerum quarumcumque, necnon facultatibus, indultis, & aliis concessionibus, tam ipsis resignantibus, seu cedentibus, qui tamen possessionem ab initio ipsa dimiserint, quam aliis, ex hujusmodi resignationibus, seu cessionibus a Sede Apostolica factis nihilominus validis, plenumque effectum sortituris.

§.6. Sed ne beneficiis super possessione, vel proprietate litigiosis litis prosecutio turbari valeant, vel differri, in causis hujusmodi contra cedentem ad ulteriora, etiam ad sententiam definitivam, & rem judicatam, ac illius executionem quousque ille, qui gratiam ex resignatione, seu cessione, aut ex omiſsa forma publicationis hujusmodi obtinuit, ad causam, per se, vel procuratorem legitimum acceſſerit, litemque hujusmodi susceperit, eodem modo, & ordine procedi possit, quo potuisset legitime, si cessio hujusmodi facta non fuisset, ac quicquid interim sic procedendo decretum, & expeditum fuerit, sive cum cedente, sive contra eum, etiam postquam ipse, vel quivis alius incumbens sibi secundum prædicta præstiterit, non solum circa fructus, sed etiam circa possessionem, & ipsum jus, quod cessum est, valeat omnino, & vim obtineat, illumque ipsum, cui gratia facta est, non minus afficiat, quam si ipso legitime citato contra eum decretum, & expeditum fuisset, nec ipse adversus hæc, prætextu non acceptatæ gratiæ, vel etiam illius ignoratæ, aut citationis, vel intimationis executioni contra ipsum minime demandatæ, aliave ratione valeat excusari. Possit tamen ipse, etiam si in lite, & causa hujusmodi subrogatus non sit, quandocumque ad illius prosecutionem, & terminationem venire, & a Judice, coram quo causam ipsam, etiam ex delegatione pendere contigerit, in illis ipsis statu, & terminis, in quibus tunc eam esse repererit, etiam absque rescripto speciali admitti.

§.7. De beneficiis autem, quæ deinceps in manibus ordinariorum collatorum, etiam Cardinalium, etiam indulta, & facultates ad hoc ab Apostolica Sede habentium, ac Legatorum, etiam de latere, & delegatorum, etiam specialium ejusdem Sedis extra Romanam Curiam resignari, etiam ex causa permutationis contigerit, ipsi intra mensem negotium universum admissionis, vel rejectionis resignationis hujusmodi, & si per eos facienda erit, provisionis resignati beneficii, juxta Apostolicas, & alias canonicas sanctiones omnino absolvant. Et qui sic provisus fuerit, intra tres menses a die sibi factæ provisionis illam publicet, & possessionem beneficii capiat modo, & forma supradictis, alioquin illis elapsis nulla sit ejus provisio, & beneficium vacare censeatur eo ipso.

§.8. Ordinarii, & alii prædicti, qui hæc

Declaratio  
quod procedi  
possit in cau-  
sa litigiosa co-  
tra cedentem,  
donec succes-  
sor venerit ad  
causam.

Forma admit-  
tendi, & pu-  
blicandi resi-  
gnationes, quæ  
fiunt coram  
Ordinariis,  
vel Legatis.

Pœnæ inobe-  
dientium.



hæc, uti eis præscribuntur, non perfece-  
rint, eo casu potestate disponendi de ipsis  
beneficiis sint ea vice privati, eorumque  
dispositio eo ipso ad Sedem Apostolicam  
devoluta existat, ut aliis idoneis ab ipsa Se-  
de dumtaxat modo, & forma prædictis  
concedantur, Decernentes sic per quos-  
cumque judicari debere, necnon irritum,  
& inane, quicquid secus super his per quos-  
cumque scienter, vel ignoranter, conti-  
gerit attentari.

Clausula de-  
rogatoria.

Hæc Bulla  
Pii V. est in-  
dicata in rub.

§.9. Non obstantibus prædicti Pii Quin-  
ti, & aliis omnibus aliorum Prædecesso-  
rum nostrorum Constitutionibus de publi-  
candis resignationibus hujusmodi hætenus  
editis, & reformatis, quas omnes omnino  
abrogamus, Ita tamen quod in publicandis  
illis resignationibus, & cessionibus, quæ  
in manibus nostris hucusque factæ, & a No-  
bis admittæ sunt, & tempus ad eas publi-  
candas, juxta dicti Pii Prædecessoris Con-  
stitutionem nondum effluxit, Constitutio  
ipsa, quoad eas dumtaxat, integre obser-  
vetur. Necnon resignantium sive ceden-  
tium voluntatibus, conditionibus, prote-  
stationibus, & clausulis, in ipsismet resi-  
gnationibus, & cessionibus, seu procura-  
torum constitutionibus, & mandatis, ac  
alias etiam ad præservationem suorum ju-  
rium, & significationem quod non aliter  
nec alio modo resignant, seu cedunt, ap-  
positis, & quacumque verborum vi, formu-  
la, & multiplicatione expressis, necnon in-  
dultis, privilegiis, & gratiis Apostolicis,  
etiam prædictis Cardinalibus, ac eorum,  
& nostris familiaribus continuis commen-  
salibus, necnon literarum Apostolicarum  
Scriptoribus Abbreviatoribus, ceterisque  
Romanæ Curiae officialibus, & ex quibus-  
vis causis quomodocumque concessis, &  
confirmatis, quæ omnia etiam tollimus,  
& annullamus, ceterisque contrariis qui-  
buscumque.

Exemplorum  
fides.

§.10. Ut autem præsentis amplius in-  
notescant, volumus, ut earum exemplis  
etiam impressis, Notarii publici manu sub-  
scriptis, & sigillo personæ in dignitate ec-  
clesiastica constitutæ munitis, eadem pror-  
sus fides ubique, in judicio, & extra illud  
adhibeatur, quæ adhiberetur eisdem præ-  
sentibus, si forent exhibitæ, vel ostensæ.  
Mandamusque illas in librum quinternum  
appellatum Cancellariæ Apostolicæ ad per-  
petuum rei memoriam de more referri.

D.P. An. XII.  
5. Januarii.

Datum Romæ apud S. Petrum, An-  
no Incarnationis Dominicæ millesimo quin-  
gentesimo octuagesimo quarto, Non. Ja-  
nuarii, Pont. nostri Anno XII.

Anno a Nativit. Domini 1584. indict. 12.  
die vero 19. mensis Januar. Pontificatus San-  
ctissimi in Christo Patris, & D. N. D. Gre-  
gorii Divina Providentia Papæ XIII. An-  
no X. retrospectæ literæ Apostolicæ affixæ,  
& publicatæ fuerunt in valvis, seu portis  
Ecclesiarum S. Joannis Lateranensis, &  
Principis Apostolorum de Urbe, necnon in  
valvis Cancell. Apostol. & in Acie Campi  
Floræ, per nos Jo. Freile, & Nicolaum Ta-  
gliettum Curs. Claudius Mongeat M. Curs.  
Bull. Rom. Tom. IV. Par. IV.

CLVI.

Major sacri Eremitæ Camaldulensis potest  
quando sibi expedire videtur, conferre  
Eremitis sibi in Eremitio subiectis qua-  
tuor Ordines minores. Et Cardinales Epi-  
scopi ad d. Eremitum accedentes possunt  
etiam extra tempora, & non servatis in-  
terstitiis, sacros Ordines eisdem con-  
ferre, si ipsi Majori idonei videntur.

*Cuncta, quæ concernunt Ordinem Camaldu-  
lensem vide in Alexand. II. Const. XXVIII.  
Nulli Tom. II. fol. 19.*

## GREGORIUS PAPA XIII.

*Dilecti filii salutem, & Apostolicam  
benedictionem.*

Cum interna quies Fratrum Eremita-  
rum Eremitæ Camaldulensis Aretin.  
Dioecesis, ad quam consequendam ipsi Fra-  
tres Eremitæ deserti loca petierunt, non  
parum soleat perturbari, quando ad ordi-  
nes sacros suscipiendos foras exeunt.

Causa hujus  
indulti.

§.1. Nos huic incommodo providere  
volentes, Tibi, ut quando expedire videbi-  
tur, quatuor minores, necnon S.R.E Car-  
dinalibus, qui ad dictum Eremitum pro tem-  
pore accesserint, si Episcopi fuerint, ut  
omnes sacros, etiam Presbyteratus Ordines,  
etiam extra tempora a jure statuta, &  
non servatis interstitiis, Fratribus Eremitis  
prædictis, dummodo ad id judicio tuo ido-  
nei existant, super quo conscientiam tuam  
oneramus, conferre, ipsisque Fratribus  
Eremitis illos recipere, libere, & licite  
valeant, Apostolica auctoritate tenore præ-  
sentium facultatem concedimus.

Indultum de  
quo in rubr.

§.2. Non obstantibus Synodalis, Pro-  
vincialis, & Generalis Conciliorum, ac  
quibusvis Constitutionibus, & Ordinatio-  
nibus Apostolicis, ceterisque contrariis qui-  
buscumque.

Clausula de-  
rogatoria.

Datum Romæ apud S. Petrum, sub  
annulo Piscatoris, die 7. Januarii, 1584. Pon-  
tificatus nostri Anno XII.

D.P. An. XII.  
7. Januarii.

CLVII.

Erectio Hospitalis pro natione Maronitarum  
in Urbe.

Ex Regest. in  
Secret. Brev.

## GREGORIUS EPISCOPUS

SERVUS SERVORUM DEI

*Ad perpetuam rei memoriam.*

Salvatoris nostri Jesu Christi, qui Nos  
ad pietatis cultum, & caritatis zelum  
quotidianis ejus per totum in hoc Orbe pro-  
gressum exemplis hortatus est, vices licet  
immeriti gerentes in terris in eam curam,  
cogitationemque Nos propensius incumbe-  
re decet, per quam provisionis nostræ mi-  
nisterio debita Hospitalitas erga cunctos  
Christifideles, præsertim pauperes ex re-  
motissimis Provinciis ad hanc Urbem, ve-  
luti

Exordium.



1584.

1584.

Causa ere-  
ctionis Hospi-  
talis, necnon  
Constitutionis  
edenda.

luti devotionis omnium nationum portum  
confluentes exerceatur, illisque gratuita  
subsidia impendantur.

§.1. Cum itaque sicut accepimus, Ma-  
ronitarum natio, quos infideles, & Scisma-  
tici, ac alii Christiani nominis hostes un-  
dique circumstant, in Catholica Fidei since-  
ritate, S. R. E. obedientia, & devotione a  
multis sæculis persistant, quin etiam eidem  
Romanæ Ecclesiæ in omnibus fidei articulis  
sibi per Visitatores de gremio Presbytero-  
rum Societatis Jesu illic transmissis propo-  
sitis se conformet, & multi hujus nationis  
indigenæ devotionis zelo permoti ad ipsam  
Urbem accedere consueverint. Nos nationem  
hujusmodi, ut ejus erga Nos, & Sedem  
Apostolicam devotio per amplius augeatur,  
piæ voluntatis affectu prosequi, & illius in-  
digenis præstatis de peculiari loco, in quo  
caritative recipi, & confoveri possint pro-  
videre volentes, Parochialem Ecclesiam  
S. Joannis de Ficoria Regionis Trivii de Ur-  
be, quæ alias a fel. rec. Pio Papa V. Præde-  
cessore nostro Parochiali Ecclesiæ S. An-  
dræ de la Fratta ejusdem Regionis Aposto-  
lica Auctoritate, unita, annexa, & incor-  
porata existit, cum suis domibus, ædificiis,  
hortis, hortaliis, & aliis membris, & per-  
tinentiis eidem Ecclesiæ Sancti Joannis con-  
tiguus huic usui satis amplam, & commo-  
dam fore judicamus, proinde unionis, an-  
nexionis, & incorporationis hujusmodi te-  
nores, presentibus pro expressis habentes,  
Motu proprio, non ad ipsius nationis, vel  
alterius pro ea Nobis super hoc oblata peti-  
tionis instantiam, sed ex mera deliberatione,  
& certa scientia nostra, deque Apostoli-  
cæ potestatis plenitudine, unionem, an-  
nexionem, & incorporationem hujusmodi,  
Apostolica auctoritate tenore presentium  
dissolvimus, & in ipsius Ecclesiæ S. Joan-  
nis, nomen, titulum, denominationem,  
& essentiam Parochialis Ecclesiæ, etiam  
perpetuo supprimimus, & extinguimus ab  
eaque omnimodam curam animarum illius  
Parochianorum, necnon omnia, & singula  
ejusdem Ecclesiæ Sancti Joannis fructus,  
redditus, proventus, jura, obventiones, &  
emolumenta, si quæ sint, exceptis dumtaxat,  
& salvis remanentibus eidem Ecclesiæ  
S. Joannis illius domibus, ædificiis, hortis,  
hortaliis, membris, & pertinentiis præsta-  
tis, eorumque situ, & ambitu, ex quibus tri-  
ginta scuta monetæ, vel circa annuatim  
percipi consueverint, & pro quibus dictæ  
Ecclesiæ Sancti Andræ æquivalentes re-  
compensas in tot locis montium non vaca-  
bilibus annui redditus triginta scutorum  
monetæ, Juliis decem pro quolibet ducato  
hujusmodi computatis, dicta auctoritate si-  
militer perpetuo concessimus, & assigna-  
vimus, una cum dictis Parochianis, & Se-  
pulturæ, aliisque juribus Parochialibus uni-  
versis eisdem auctoritate, & tenore, itidem  
perpetuo abdicamus, dismembramus, &  
separamus, illaque sic abdicata, dismem-  
brata, & separata ad eandem Ecclesiam  
Sancti Andræ, illiusque Rectorem nunc, &  
pro tempore existentem transferimus.

§.2. Necnon apud Ecclesiam S. Joannis,  
ac in illius domibus, ædificiis, hortis, hor-  
taliis, membris, & pertinentiis hujusmo-  
di unum Hospitale, in quo pauperes Pele-  
grini Maronitæ, & alii ejusdem nationis in-  
digenæ ad dictam Urbem confluentes, jux-  
ta Ordinationem pro tempore existentis Re-  
ctoris ipsius Hospitalis desuper faciendam  
recipi, & caritate tractari, ac confoveri  
debeant, auctoritate, & tenore similibus  
etiam perpetuo erigimus, & instituimus,  
illique sic erecto, & instituto eandem Ec-  
clesiam S. Joannis sine cura effectam, sive  
pro dissolutione unionis, annexionis, &  
incorporationis hujusmodi, sive alias quo-  
vis modo, quem etiam si ex illo, quævis  
generalis reservatio, etiam in corpore juris  
clausa resultat, presentibus haberi volu-  
mus pro expresso, & ex quibuscumque  
persona, seu per liberam resignationem  
cujusvis de illa in Romana Curia, vel ex-  
tra eam etiam coram Notario Publico, &  
testibus sponte factam, aut assequutionem  
alterius Beneficii Ecclesiastici quavis aucto-  
ritate collati vacet, etiam si tanto tempo-  
re vacaverit, quod ejus collatio juxta la-  
teranensem statuta Concilii ad Sedem prædi-  
ctam legitime devoluta: ipsaque Ecclesia  
S. Joannis dispositioni Apostolicæ, specia-  
liter, vel per dissolutionem unionis, an-  
nexionis, & incorporationis hujusmodi, aut  
alias generaliter reservata existat, illiusque  
collatio, provisio, & quævis alia dispositio  
ad aliquem ex ejusdem S. R. E. Cardinali-  
bus, ratione Ecclesiæ, seu pro titulo, seu  
denominatione sui Cardinalatus assignatæ  
prætendat, & super ea inter aliquos lis, cujus  
statum presentibus similiter haberi volumus  
pro expresso, pendeat indecisa, cum domi-  
bus, ædificiis, hortis, hortaliis, mem-  
bris, & pertinentiis, eorumque situ, &  
ambitu hujusmodi in perpetuum concedi-  
mus, & assignamus, Ita quod liceat ipsius  
Hospitalis Rectori, & administratoribus  
pro tempore existentibus illorum omnium  
corporalem possessionem per se, vel alium,  
seu alios propria auctoritate etiam absque  
iudicis mandato, vel decreto libere apprehendere,  
& perpetuo retinere, fructusque,  
redditus, & proventus, jura, obventiones,  
& emolumenta eorundem in Hospitalis,  
ac Ecclesiæ Sancti Joannis hujusmodi usus,  
utilitatem, & necessitatem convertere.

§.3. Necnon eidem Ecclesiæ S. Joannis  
per unum, vel plures Sacerdotes idoneos a  
Vicario dictæ Urbis approbandos in divinis  
deserviri facere, seu etiam in ea tot, quot  
ipsis videbitur, Monachos Ordinis S. Anto-  
nii primi Heremitæ sub Monastica discipli-  
na, ac Ecclesiæ Maronitarum Præsulis pro  
tempore existentis obedientiam degentes,  
qui ibidem Missas, & alia Divina Officia  
idiomate Arabico, & Caldaico celebrent  
introducere, cujusvis licentia desuper mini-  
me requisita.

§.4. Insuper prædictum Hospitale, &  
personas in eo pro tempore degentes illo-  
rumque Administratores, Officiales, &  
Ministros, ac ipsius Hospitalis res, & bona  
mo-

Exemptio Hos-  
pitalis a visi-  
tatione.



mobilia, & immobilia, præsentia, & futura cujuscumque qualitatis, & quantitatis, ac ubicumque locorum etiam in dicta Urbe fuerit ab omni Jurisdictione, correctione, visitatione, dominio, superioritate, & potestate pro tempore existentis Vicarii, Senatoris, Conservatorum, & Reformatorum dictæ Urbis, ac Gubernatorum locorum, aliorumque judicum, & Officialium quorumcumque in ipsa Urbe, vel alias constitutorum.

Exemptio a  
quocumque  
onere.

§.5. Necnon idem Hospitale in propriis ejus rebus, & bonis, ac alias cum ipso contrahentes a solutione, & exactione omnium, & singulorum pedagiorum, gabbellarum, bolletinorum, decimarum, & aliorum quorumcumque tam ordinariorum, quam extraordinariorum onerum ex quacumque causa impositorum, & imponendi eximimus, & liberamus, ac sub Beati Petri, & dictæ Sedis, atque nostra protectione suscipimus, Nobisque, & eidem Sedi immediate subijcimus, ac dilectum filium nostrum Antonium tituli Sancti Eusebii Presbyterum Cardinalem Carassam nuncupatum, ejusdem Hospitalis Protectorem, & defensorem, cujus consilio, & ope omnino supradicta, & alia ad ipsius Hospitalis illiusque honorum, rerum, & iurium, tam spiritualium, quam temporalium salubrem directionem, administrationem, ac personarum in eo receptionem, & directionem, eorumque qualitates, pertinentia, & alias quomodolibet necessaria agantur, statuatur, & ordinentur, constituimus, & deputamus, eidemque Antonio Cardinali, & pro tempore existenti ipsius Hospitalis Protectori, Administratores, Rectores, Œconomos, Advocatos, Procuratores, aliosque Ministros, & Officiales Hospitalis huiusmodi deputandi, ac amovendi, & alios illorum loco substituendi, necnon ordinatione, & statuta quæcumque licita tamen, & honesta, ac sacris Canonibus, & Concilii Tridentini Decretis non contraria faciendi, & edendi, ac illa quoties pro rerum, & temporum qualitate, seu alias expedire videbitur, immutandi, corrigendi, moderandi, & reformandi, ac alia ex integro condendi, quæ postquam edita, immutata, correctæ, moderata, reformata, & condita fuerint, eo ipso dicta Apostolica Auctoritate confirmata, & approbata esse censeantur, ac ab omnibus, ad quos pro tempore spectabit etiam sub pœnis in contravenientes statuendis observari debeant, plenam, liberamque facultatem tribuimus.

Clausula.

§.6. Decernentes præmissa omnia, ac præsentis literas nullo umquam tempore, sive pro eo, quod causa, propter quas hæc omnia facta sunt, coram dicto Vicario, vel quocumque alio examinata, verificata, & approbata, ipsiusque Ecclesiæ Sancti Andreæ Rector, & quicumque alii interesse habentes ad id vocati non fuerint, nec eisdem præmissis consenserint, sive alias ex quibuscumque causis de subreptionis, vel obreptionis, aut nullitatis vitio, seu intentionis nostræ, vel quocumque alio defectu no-

tari, impugnari, retractari, seu etiam revocari, suspendi, restringi, limitari, aut in jus, vel controversiam vocari, seu ad juris terminos reduci posse, aut sub ullis similibus, vel dissimilibus gratiarum derogationibus, aut aliis contrariis dispositionibus, sub quibuscumque tenoribus, & formis, & ex quacumque causa pro tempore factis comprehendendi, sed semper ab illis excepta, & quoties illa emanabunt, toties in pristinum statum restituta ac de novo concessa, ac semper valida, & efficacia fore, & esse, nec non protectores, administratores, & personas Hospitalis huiusmodi pro tempore existentes ad præsentis literas in Camera Apostolica juxta Constitutionem piæ mem. Pii Papæ IV. etiam Prædecessoris nostri, sub data videlicet Idibus Augusti Pontificatus sui anno sexto editam infra tres menses ibi ad id perfixos, seu etiam postea ullo umquam tempore præsentandum, intimandum, insinuandum, vel registrari faciendum minime teneri, nec ad id ulla necessitate cogi posse, & nihilominus easdem præsentis literas, omnino valere, & suffragari, ac suos effectus sortiri. Sicque per quoscumque Judices Ordinarios, vel delegatos, quavis auctoritate fungentes, etiam Causarum Palatii Apostolici Auditores, ac ejusdem S. R. E. Cardinales sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere, irritum quoque, & inane, si secus super his a quoquam quavis auctoritate scienter, vel ignoranter contigerit attentari.

§.7. Non obstantibus præmissis, ac re: mem: Bonifacii Papæ VIII. similiter Prædecessoris nostri, ac Lateranen. Concilii ultimo celebrati, uniones perpetuas, nisi in casibus a Jure præmissis fieri prohibentis; necnon, quatenus opus sit, nostris de non tollendo jure quæsito, unionibusque ad partes, vocatis quorum interest, committendis, ac exprimendi, valore beneficii, etiam cui aliud uniretur, aliisque Apostolicis Constitutionibus, necnon Urbis, locorum, & Camere prædictorum, etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis illis a Vicario, Senatore, Conservatoribus, Reformatoribus, Ordinariis, officialibus, & Judicibus prædictis; necnon ejusdem S. R. E. Camerario, dictæque Camere Præsidentibus, & Clericis a quibusvis Dohaneriis, Commissariis, & aliis personis ad exactionem pedagiorum, & aliorum onerum præfactorum pro tempore deputatis, necnon Populo Romano, ac quorumcumque locorum Gubernatoribus, Universitatibus, Communitatibus, & hominibus, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis in genere, vel in specie, etiam Motu, scientia, & potestatis plenitudine similibus, ac alias quo-

Derogatio  
contrariorum.

mo-



modolibet, etiam iteratis vicibus concessis, approbatis, & innovatis. Quibus omnibus, etiam si de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores huiusmodi, ac si de verbo ad verbum nihil penitus omisso & forma in illis tradita observata inserti forent presentibus, pro sufficienter expressis habentes, illis alias in suo robore permanentibus, hac vice dumtaxat specialiter, & expresse derogamus, contrariis quibuscumque. Aut si aliquis super provisionibus sibi faciendis de huiusmodi vel aliis beneficiis Ecclesiasticis in illis partibus speciales, vel generales dictæ Sedis, vel legatorum ejus literas impetrarit, etiam si per eas ad inhibitionem, reservationem, & decretum, vel alias quomodolibet sit processum, quas quidem literas, & processus habitos per eandem, ac inde sequuta quæcumque ad dictam Ecclesiam Sancti Joannis volumus non extendi, sed nullum per hoc eis quoad affectum Beneficiorum aliorum præjudicium generari, & quibuslibet aliis privilegiis, indulgentiis, & literis Apostolicis, quorumcumque tenoribus existant, per quæ presentibus non expressa vel totaliter non inserta, effectus earum impediri valeat quomodolibet, vel differri, & de quibus, quorumcumque totis tenoribus habenda sit de verbo ad verbum in nostris literis mentio specialis. Proviso quod propter posteriores concessionem, & assignationem nostras prædictas Ecclesiam Sancti Joannis huiusmodi debitis non fraudetur obsequiis, sed ejus congruæ supportentur onera consueta.

Conclusio.

§.8. Nulli ergo omnino hominum liceat hanc paginam nostræ dissolutionis, suppressionis, extinctionis, abdicationis, dismembrationis, separationis, translationis, erectionis, institutionis, concessionis, assignationis, exemptionis, liberationis, suspensionis, subiectionis, constitutionis, deputationis, tribuitionis, decreti, derogationis, & voluntatis infringere, vel ei ausu temerario contraire. Si quis autem &c.

Dat. die 13.  
Januar. 1584.  
An. XII.

Datum Romæ apud S. Marcum Anno Incarnationis Dominicæ, 1584. Id. Januarii, Pontificatus nostri Anno XII.

CLVIII.  
Confirmatio literarum Clem. VI. contra Fabricantes falsam monetam in Regno Franciæ.

GREGORIUS EPISCOPUS  
SERVUS SERVORUM DEI  
Ad perpetuam rei memoriam.

Exordium cū  
serie Facti.

§.1. **D**Ecet Romanum Pontificem ad ea ex officii sui debito propensius intendere, per quæ adulterinæ monetæ usus ambitiosa cupiditate passim introductus, censurarum, & poenarum contra illius auctores antiquitus promulgatarum, innovatione valeat opportune coerceri. Sane licet alias fe. rec. Clemens Papa VI. Præ-

decessor noster antea per eum accepto, quod nonnulli nullam habentes auctoritatem Juris, vel consuetudinem, seu privilegium monetam facien. illam falsè cudebant, & fabricabant in Regno Franciæ, & locis circumvicinis, alii vero monetam fabricatam, sub signo tunc existentis Francorum Regis studiose depravabant, præsertim a suo pondere argenti, quamplures etiam in locis circumvicinis, quibus de Jure, aut consuetudine, seu privilegio competeat monetæ fabricandæ facultas, monetam suam Regiæ monetæ in signo, quantitate, rotunditate, figura, specie, & forma, quantum poterant, similes insculpebant, constituebant, & imponebant.

§.2. Et quamvis eorum monetæ ad usurpatam similitudinem huiusmodi sic fabricatam a justo pondere argenti, ac more, & consuetudine in Regia monetæ servari solito deficeret, simplices tam, & populares personæ non habentes inter monetæ tantum similitudinis peritiam discernendi, quotidie, ea occasione in usu monetarum fallebant recipientes monetæ falso simulatas pro veris, & denique alii scienter falsas monetæ extra Regnum præscriptum emebant, & postea intra Regnum ipsum portabant, vendebant, & expendebant, vestigiis piæ m. Joannis Papæ XXII., etiam Prædecessoris nostri tunc sui inhærendo eas, quæ præmissa moliri, aut fabricare, seu emere, vel portare ad Regnum præfatum scienter præsumebant, excommunicationis sententia innodaverit, absolutione prædictorum sibi, & suis Successoribus, præterquam in mortis articulo, reservata.

§.3. Nihilominus sicut charissimi in Christo filii nostri Henrici eorundem Francorum Regis Christianissimi insinuatione nuper accepimus in Regno, & locis prædictis avaritia omnium malorum radix ita mentes hominum excoecavit, ut multi propriæ salutis immemores falsas, & simulatas monetæ huiusmodi contra literarum, prædictarum, ac etiam Reginarum edictorum tenorem fabricare, emere, & circumferre non vereantur, & exinde animæ periculum, & detrimentum afferant, ac publicam ejus Regni quietem perturbent, maximisque incommodis, & difficultatibus involuunt. Ad funestam horum cupiditatem coercendam propositas in eos antiquitus poenas ad usum temporis diuturnitate forsan obsoletum revocare volentes, ipsius Henrici Regis supplicationibus in hac parte inclinati, literas Clementis Prædecessoris huiusmodi cum censuris, & poenis in eis contentis perpetuo approbamus, & confirmamus, præsentisque scripti patrocinio communimus, ac etiam innovamus.

§.4. Volentes, ac decernentes, quod præsentium transumptis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem prorsus fides adhibeatur, quæ adhiberetur eisdem præsentibus, si essent exhibitæ, vel ostensæ. Et ne aliqui sub prætextu, quod notitia earum-

Causa Constitutionis, & confirmatio literarum Clementis VI.

Transumptorum fides.



rumdem presentium ad eos non pervenerit, se excusare possint, quod transumpta, & impressa huiusmodi singulis Cathedralium, & Metropolitanarum Ecclesiarum dicti Regni valvis affixa, vim, & effectum veræ, & realis publicationis, & intimationis earumdem presentium fortiantur, omnesque, & singulos, quos ille concernunt, perinde afficiant, ac si singulariter, & personaliter eis intimata fuissent.

Derogatio  
contrariorum

§.5. Non obstantibus Apostolicis, ac in Provincialibus, & Synodalibus Conciliis editis generalibus, vel specialibus Constitutionibus, & Ordinationibus, ceterisque contrariis quibuscumque.

§.6. Nulli &c. nostræ approbationis, confirmationis, communitationis, innovationis, voluntatis, & Decreti, infringere &c. Si quis &c.

Dat. die 9.  
Februar. 1584  
An.XII.

Datum Tusculi Anno Incarnationis Dominicæ millesimo quingentesimo octuagesimo quarto. Quinto Idus Februarii, Pontificatus nostri Anno XII.

## CLIX.

Ex Regest. in  
Secret. Brev.

Erectio Collegii Societatis Jesu Rigæ in Partibus Poloniæ.

**GREGORIUS EPISCOPUS**

**SERVUS SERVORUM DEI**

*Ad perpetuam rei memoriam.*

Exordium.

**I**mmensa Dei providentia, a qua omnium bonorum operatio procedit, ea in suorum fidelium animis frequenter ingerit, quæ ad Christianæ Religionis instaurationem, & propagationem, publicamque utilitatem, & salutem sunt maxime profutura. Unde Nos, quibus cura, & salus Dominici gregis divinitus est commissa, ipsorum fidelium, præsertim Catholicorum Regum vota in id tendentia ex intimo cordis affectu libenter promovemus, & desuper officii nostri partes favorabiliter interponimus, prout rerum, locorumque circumstantiis debite pensatis conspiciamus in Domino salubriter expedire.

Facti series.

§.1. Sane Charissimus in Christo filius noster Stephanus Poloniæ Rex illustris suo, & dilecti filii Claudii Aquavivæ Præpositi Generalis Societatis Jesu nominibus Nobis nuper exponi fecit, quod cum in plerisque Regionibus, & Provinciis temporali Dominio dicti Stephani Regis subiectis pestifera hæresum, & impiorum dogmatum contagio longe, lateque grassetur, & divini nominis, veræque fidei, & Religionis cultus passim prolabatur; ipse autem Stephanus Rex in eam curam, ac cogitationem per quam errorum huiusmodi caligo depelli, fidesque, & religio ipsa, unde vera salus, atque etiam omnis spes redemptionis nostræ pendet, ibidem restaurari, & fulciri valeat, sedulo incumbens, nulla commodiori ratione id succedere posse speret, quam ut aliqua Collegia Clericorum, & Presbyterorum Regularium ejusdem Societatis, qui laboriosam, & indefessam operam in agro

Dominico colendo, vepribusque purgandis inter ceteros illius cultores cum multiplici fructu dietim præstare non cessant in diversis Regnorum, & Provinciarum prædictarum locis, præsertim ab eo e Moskovitarum potestate nuper recuperatis propagetur.

§.2. Porro inter profligati status Ecclesiastici huiusmodi reliquias Monasterium, Monialium Sanctæ Mariæ Magdalænæ Rigæ. Cisterciens. Ordinis a duabus dumtaxat Sanctimonialibus centesimum suæ ætatis annum, vel circa agentibus, & omnino decrepitis, nec ullas sui Ordinis sedatrices habentibus inhabitatur, ac proxime desolationi obnoxium, necnon quæ a tempore memoriam hominum excedente, Rectore caret, dictoque Monasterio contigua, & forsân illius membrum existit, seu ab eo dependet Ecclesia Sancti Jacobi ad usum ipsorum Clericorum, seu Presbyterorum Regularium expetentibus id maxime prædictis duabus Monialibus superstitibus, plurimum apta, & commoda fore noscantur; præfatus Stephanus Rex nominibus prædictis Nobis humiliter supplicari fecit, ut Monasterium prædictum, ac in eo dictum Ordinem, omnemque illius statum, dependentiam, & essentiam regulares suppressere, & extinguere, necnon in illo, ejusque Domibus, ædificiis, & adherentiis unum Collegium Clericorum, seu Presbyterorum Regularium ejusdem Societatis erigere, & instituere, ac alia infra scripta concedere de benignitate Apostolica dignaremur.

§.3. Nos igitur qui dudum inter alia, volumus, quod petentes beneficia Ecclesiastica aliis uniri tenerentur exprimere verum annum valorem, secundum communem æstimationem, etiam beneficii, cui aliud uniri peteretur, alioquin unio non valeret, & semper in unionibus commissio fieret ad partes, vocatis quorum interesset, religiosum, & fervens dicti Stephani Regis in hoc opere aggrediendo studium propensæ voluntatis affectu prosequi volentes, ipsosque Stephanum Regem, & Claudium Præpositum ac eorum quemlibet a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine quavis occasione, vel causa latis, si quibus quomodolibet innodatus existit, ad effectum presentium dumtaxat consequendum, harum serie absolventes, & absolutum fore censentes, necnon fructuum, reddituum, & proventuum Monasterii, & Ecclesiæ S. Jacobi huiusmodi, ac eis annexorum veros annuos valores, illorumque omnium, & singulorum bonorum, & rerum qualitates, situationes, confines, vocabula, & denominationes presentibus pro expressis habentes, huiusmodi supplicationibus inclinati, Monasterium prædictum, ac in eo dictum Ordinem, omnemque illius statum dependentiam, & essentiam Regulares Apostolica auctoritate, tenore presentium supprimimus, & extinguimus, necnon in illo, ejusque domibus, ædificiis, & adherentiis unum Collegium Clericorum, seu Presbyterorum

Erectio Col-  
legii præfati.

tum



rum Regularium Societatis hujusmodi, per unum Rectorem juxta ipsius Societatis pium institutum, regendum, & administrandum cum omnibus privilegiis, immunitatibus, prerogativis, favoribus, ceterisque tam spiritualibus, quam temporalibus gratiis; quibus alia ejusdem Societatis Collegia, illorumque Rectores, Clerici, Presbyteri, & alia personae quomodolibet utuntur, potiuntur, & gaudent, ac uti, potiri, & gaudere possunt, vel consueverunt, aut in futurum poterunt, auctoritate, & tenore praedictis, etiam perpetuo erigimus, & instituiamus.

Designatio  
Dotis pro ip-  
sius sustentatione.

§.4. Illique sic erecto, & instituto pro ejus dote, ac onerum eidem pro tempore incumbentium supportatione dictam Ecclesiam S. Jacobi cum omnibus, & singulis illius, dictique suppressi Monasterii ambitu, circuitu, domibus, aedificiis, membris, adherentiis, annexis, villis, praediis, terris, agris, possessionibus, insulis, fundis, vineis, censibus, jurisdictionibus, silvis, pascuis, hortis, hortaliis, decimis, fructibus, redditibus, proventibus, juribus, actionibus, obventionibus, emolumentis, pertinentiis, ceterisque mobilibus, immobilibus, & fementibus, ac etiam feudaliibus, & allodialibus, tam intus quam extra Civitatem Rigen. ubilibet, etiam in Livonia, & Curlandia, seu Semigalea constitutis, & tam ex fundatione, quam dicti Sebastiani ejusque praedecessorum Poloniae Regum, necnon Ecclesiae Rigen. Praesulum, & Administratorum, ac aliorum quorumcumque dotatione, donatione, largitione, concessione, vel alias quocumque jure, titulo, & causa ad Monasterium suppressum, & Ecclesiam S. Jacobi hujusmodi spectantibus, & pertinentibus, & praesertim eidem suppresso Monasterio, non ita pridem ab ipso Sebastiano Rege restitutis, eorumque proprietate, & dominio cujuscumque qualitatis, quantitatis, pretii, & valoris annui sint, & in quibuscumque rebus, etiam rei vocabulo latissime sumpto consistant, ita quod liceat ipsius Collegii Rectori pro tempore existenti illorum omnium corporalem possessionem, per se, vel alium, seu alios dicti Collegii nomine propria auctoritate, etiam absque Judicis mandato, vel decreto, libere apprehendere, & perpetuo retinere, eorumque fructus, redditus, proventus, jura, obventiones, & emolumenta quaecumque in ejusdem Collegii usus, utilitatem, & necessitatem convertere, Dioecessani loci, vel cujusvis alterius licentia de super minime requisita. Cum hoc tamen, quod dictis duabus Monialibus, quoad vixerint, in aliqua dictorum aedificiorum parte interiori, corpore ipsius Collegii distincta, vel alibi de congrua habitatione, ac omnibus rebus, ad quotidianum usum, & victum necessariis ab ipso Rectore provideatur.

Animarum  
cura injungitur.

§.5. Praeterea ex quo Clerici, & Presbyteri Regulares hujusmodi, nedum in juventute, bonis moribus, salutaribusque scientiis, & disciplinis ornanda, & imbuenda,

verum etiam in concionibus habendis, aliisque fructuosis dictae Societatis ministeriis assidue occupati particulari curae animarum eorum fidelium, qui in dicta Civitate, & finitimis locis per misericordiam Dei ad Fidei, & Religionis cultum hujusmodi pro tempore reducentur, exercitio, nec per otium vacare, nec per institutum eorum id amplecti possint, nec adhuc ibidem Rectores, aut Pastores, minusque Parochiales Ecclesiae, vel alia ecclesiastica loca pro exercitio curae hujusmodi instituta reperiantur, praefatus Rector, unum, vel plures Vicarios idoneos ad ejus liberum nutum quandoque, & quavis causa subsistente, super quo ejus conscientia oneramus, amovibiles, qui curam animarum hujusmodi, & alia parochialia officia exerceant, deputare, eisque locum, & domicilium congruum in ipsius suppressi, vel praefata S. Jacobi Ecclesiis, earum domibus, seu prope in loco decenti pro dictis Parochialibus officiis ob-eundis, & eorum commoda habitatione, necnon ipsius Collegii fructibus, & proventibus cum primum ipse Rector eis frui libere coeperit, vel pro suo arbitratu, aliunde portionem annuam, quae ad dictorum Vicariorum sustentationem ipsius Rectoris iudicio sufficiat, assignare debeant, donec Rigeni Ecclesiae de Episcopo sit provisum, qui Vicarios, sive Parochos curae animarum praeficiat, ac cujus, seu Regis munificentia, vel alias quomodolibet eisdem Vicariis de aliis loco, domicilio, subsidio, & Ecclesia prospectum sit, quo casu si Rectori praefato ita visum fuerit, praefati Vicarii eidem Collegio liberum usum, tam suppressi Monasterii, quam S. Jacobi Ecclesiarum, hujusmodi, earumque domorum, & locorum relinquere, & inde secedere teneantur, & interim ipsi Vicarii in bonis, & rebus ejusdem Collegii nullatenus se intromittere, ne quicquam in suppressi Monasterii, & S. Jacobi Ecclesiis, eorundem domibus, & locis hujusmodi, nisi secundum Rectoris praedicti directionem innovare possint, eisdem auctoritate, & tenore similiter perpetuo unimus, annectimus, & incorporamus, ac etiam applicamus, & appropriamus.

§.6. Decernentes suppressionem, extinctionem, erectionem, institutionem, unionem, annexionem, incorporationem, applicationem, & appropriationem, ac alia praemissa, praesentesque literas nullo unquam tempore, sive pro eo quod causa, propter quas haec omnia facta sunt, coram loci Ordinario, etiam tanquam a Sede praefata delegato examinatae, verificatae, & approbatae, ac interesse forsan habentes ad hoc vocati non fuerint, nec desuper consensum suum praestiterint, sive alias ex quibuscumque causis de subreptionis, vel obreptionis, aut nullitatis vitio seu intentionis nostrae, vel quocumque alio defectu notari, impugnari, retractari, seu in jus, vel controversiam vocari, aut ad terminos juris reduci posse, nec sub ullis similibus, vel dissimilibus gratiarum derogationibus, aut aliis contrariis dispositionibus, sub quibuscumque

Clausula.



que tenoribus, & formis, aut ex quacumque causa pro tempore factis comprehendi, sed semper ab illis excepta, & quoties illae emanabunt, toties in pristinum statum restituta, & de novo concessa, semperque valida, & efficacia esse, & fore, ac suos plenarios effectus sortiri, sicque per quoscumque Judices, etiam Commissarios, quavis auctoritate fungentes, etiam S. R. E. Cardinales, ac causarum Palatii Apostolici Auditores, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiiri debere, necnon irritum, & inane, quidquid secus super his a quoquam, quavis auctoritate, scienter, vel ignoranter contigerit attentari.

Derogatio  
contrariorum

§.7. Non obstantibus priori voluntate nostra praefata, & Lateranen Concilii novissime celebrati, uniones perpetuas, nisi in casibus a jure permissis fieri prohibentis, ac si opus sit nostra de non tollendo jure quaesito, aliisque Apostolicis, necnon in Provincialibus, & Synodalibus Conciliis editis specialibus, vel generalibus Constitutionibus, & Ordinationibus, ac suppressi Monasterii, & Ordinis praefatorum jramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, illis, eorumque superioribus, & personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, necnon irritantibus, & aliis decretis in genere, vel in specie etiam Motu proprio, & expressa scientia, ac de Apostolica potestatis plenitudine, etiam iteratis vicibus concessis, confirmatis, & innovatis. Quibus omnibus etiam si pro illorum sufficienti derogatione, de illis eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua exquisita forma ad hoc servanda foret, illis alias in suo robore permanens hac vice dumtaxat specialiter, & expresse derogamus. Ceterisque contrariis quibuscumque.

Exceptio.

§.8. Provisio quod propter unionem, annexionem, & incorporationem, nostras hujusmodi dicta Ecclesia Sancti Jacobi debitis non fraudetur obsequiis, & animarum cura, si quae illi imminet, nullatenus negligatur, sed ejus congruae supportentur onera consueta.

Conclusio.

§.9. Nulli ergo omnino hominum liceat hanc paginam nostrae absolutionis, suppressionis, extinctionis, erectionis, institutionis, unionis, annexionis, incorporationis, decreti, & derogationis infringere. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 1.  
Martii 1584.  
An.XII.

Datum Romae apud Sanctum Marcum Anno Incarnationis Dominicae, millesimo

Bull. Rom. Tom. IV. Par. IV.

quingentesimo octuagesimo tertio, Kalen. Martii, Pontificatus nostri Anno XII.

CLX.

Constitutiones Collegii Germanici.

GREGORIUS EPISCOPUS

SERVUS SERVORUM DEI

Ad futuram rei memoriam.

Ex Regest. in  
Secret. Bre-  
vium.

Exordium.

EX Collegio Germanico, quod superioribus annis in Urbe constituimus; magnisque hucusque sumptibus auximus, & locupletavimus, Religionis Christianae, praesertimque charissimae Nobis Germanicae Nationis, cujus causa initio institutum est, magna cum animi nostri voluptate jam fructus consequuntur, non mediocres. Unde magis in dies invitamur, ut studiosius in eam curam incumbamus: frustra tamen a Nobis suscepta esse omnia satis intelligimus, nisi illud quemadmodum optimis disciplinis, & sacra praesertim Theologiae doctrina curamus imbuendum, ita etiam salubribus Institutis communiamus, ut Juvenes in ipsum cooptati normam aliquam habeant, ad cujus praescriptionem, & ipsi suas dirigant actiones, & superiores omnia suorum momenta perpendant officiorum; atque illa lubrica, ac saepe prolapsa, cujus iter cognitum est perdifficile in circumscripto ei a Nobis virtutis curriculo se exercens, suam modestiam probet, & continentiam; paternisque nostris monitis innitens, & monstratam semitam assidue tenens ad propositam Gloriam palmam, non illam quidem corruptibilem, sed aeternam inoffenso cursu deferatur.

Causa Constitutionis edenda, & Constitutiones pro Collegio Germanico.

§.1. Quare Motu proprio, certaue nostra scientia in perpetuum statuimus, & ordinamus, ut pro subveniendis spiritualibus Germaniae necessitatibus, quo Collegii Institutio spectat, in opportunis ipsius Germaniae locis, viri aliqui pii, & prudentes constituantur, qui praeclarae indolis Juvenes conquirant, examinatosque Collegio proponant, ex quibus Collegii superiores optimos quosque deligent. Sint etiam Romae tres Examinatores, qui coram Rectore Collegii Juvenes examinent, eosque Juramento, quod tamen si superioribus minime necessarium videbitur possit remitti, approbent, aut reproben. Debent autem viri Religiosi, & Ecclesiastica Beneficia jam obtinentes aliis praeferrere.

§.2. Juvenes vero in hoc Collegium admittendi ex Superiore Germania, Westphalia, Saxonia, Prussia, Rheno, atque ex Regno Hungariae, ut hucusque factum est, accipiantur, oportet enim ex Germania, Provinciisque praedictis centum Alumnos, quod in aliis literis Apostolicis fuit expressum in Collegio esse. Si vero aliqua Collegii loca vacua remanebunt, ea poterunt ex Aquilonariis Provinciis haerese etiam infectis expleri, modo Juvenes, ex his Provinciis valde sint idonei, Protectoresque, & Superiores eorum admissionem Catholicae Ecclesiae utilem fore judicaverint, & necessariam. Nemo

Ex quibus Germaniae Provinciae deligendi sint Alumni.

G

tamen



Qualitates  
Alumnorum.

tamen ex quacumque Gente, aut Provincia admittatur, qui studiis absolutis, & Sacris Ordinibus susceptis, certum locum non habuerit, ad quem se recipiat, & in quo boni, & eruditi Sacerdotis munere perfungatur.

§.3. Omnes legitimo matrimonio sint nati, bona fama commendati, sano præterea sint corpore, lingua minime impedita, & aspectu non deformi, nullius Religionis Desertores, latinæ, & Germanicæ linguæ periti, nihil Romæ negotii, aut litium habentes, sint etiam ætatis maturæ viginti circiter annis nati. Quod si fuerint Nobiles, quique in Superiori Germaniæ Cathedralibus Ecclesiis admitti consueverunt, tunc minimum sexdecim annos attingant, & grammaticam sciant, ceteri omnes ad Theologica, vel Philosophica sint idonei; ignoti, amplumque de vita, & moribus testimonium non habentes, vel qui extra Germaniam in Aulis, aut Universitatibus vixerunt, aut vagi, cuius Domino inservientes ingenitam germanicam illam simplicitatem amiserunt ad hanc disciplinam idoneos non judicamus, eosque ab ingressu Collegii reiciimus, quod Collegii prædicti Superiores observabunt in eis omnibus, quos ad hoc vitæ Institutum minime aptos esse cognoverint. Verum qui bonæ fuerint indolis, nullumque huiusmodi habuerint impedimentum, post legitimum examen a Præposito generali recipi poterunt, iis, qui defectum patientur, rejectis, qui omnino admitti non debeant, nisi gravis aliqua causa intercedat, & de unanimi omnium Protectorum, & Superiorum consensu; paterna vero Præpositi generalis in hoc maxime se ostendat sollicitudo, ut omnes Germaniæ Dioeceses pro singularum necessitate, & amplitudine juventur, ex eisque quot poterunt in Collegii loca distribuantur, quæ distributio mutari poterit, ut se mutabit Germaniæ status, & animarum salus postulaverit. Si qua vero in Dioecesi non reperiuntur ad hanc Institutionem idonei, Juvenes alii ex finitima, aut alia Provincia deligantur, qui in Collegio Instituti ad desolatas ejusmodi Ecclesias exemplo, & doctrina sublevandas postea dimittantur, plures autem non recipiantur, quam quot Superiorum Judicio, atque experientia in Collegio prædicto poterunt commode sustentari.

Juramentum  
ab Alumnis  
præstandum.

§.4. Antequam Collegio quisquam admittatur, vel in fine sex primorum mensium in superiorum manibus Jusjurandum dare debeat, velle se statum Ecclesiasticum amplecti, & ad omnes Sacros, & Presbyteratus Ordines, cum visum fuerit Superioribus, promoveri, cumque iidem mandaverint, in Patriam statim reversuros, Juris Civilis, aut medicinæ studia non professuros, aliam rationem vitæ, aulicam præsertim, non sectaturos, sed continuo ubi a Collegio dimissi fuerint, in Germaniam ad juvandas animas remigraturos, etiam ante constitutum studiis ordinarium terminum, si ita animarum saluti conducere, aut pro Collegii commodo Superioribus videbitur expedire. Juret etiam se Collegii Instituta secundum Superiorum interpretationem observaturum, nec a com-

muni omnium Alumnorum vivendi ratione discessurum.

§.5. Postquam autem præd. in Collegium fuerint recepti Christianam Pietatem, & Dei timorem primum, & summum Religionis studium sibi esse propositum in animum inducant; Inde enim salutaris, & vera initium habet sapientia. Quare statim pietatis, & Ecclesiasticæ vitæ fundamenta jacent, vocationem, quam Deus illis impertiri dignatus est, etiam atque etiam considerent, generalem totius vitæ confessionem instituunt. Divinum Officium recitare, & Cœlestia meditari discant, Cathéchismo studeant, iisque in Domo Dei, & in choro, quæ a Clericis peragenda sunt, diligenter assuescant, atque id genus alia, quibus novi Alumni perdiscendis dies ut minimum quadraginta impendant, nec antea, quam in his se bene exercuerint, Alumnorum veste induantur, aut ad disciplinarum studia mittantur, etiam si nobiles fuerint, aut Religiosi, & in Sacerdotio constituti.

§.6. Sex item menses cuique tribuantur, quibus an in Collegio perseverare, Institutionemque huiusmodi observare, & propositum, ad finem perducere velint, secum deliberent, & tantum pecuniæ pœnes Collegii ministros deponant, quantum infra sex menses, aut post studiorum cursum, discedentibus ad reditum in Patriam sufficiat, ne Collegium Viaticis gravetur, pauperum tamen ratio habeatur, quæ sex mensium præscriptio ad novorum Alumnorum probationem concessorum Superiores non arceant, quo minus siprehenderint Juvenes ad huiusmodi disciplinam, ad sacrosque Ordines parum aptos, eos intra sex menses prædictos sine mora possint dimittere. Nemo enim hoc in Collegio est alendus, qui sine spe solidi in pietate fundamenti hinc videatur discessurus, ne forte, malus pravi unius Alumni exitus ea destruat, quæ multorum in Religione, & pietate profectus ædificaverit; neque enim quibus severitate penarum opus est coercendis, digni sunt huius vitæ instituto, tantum igitur retineri eos volumus, qui sua sponte, & amore virtutis, pietatis, literarumque studio vacabunt.

§.7. Omnes in Collegio fraterna charitate devincti, eisdem legibus vivant, eadem præcepta servant, siue nobiles, siue Sacerdotes sint, omnium etiam Religiosorum idem sit victus, & vestitus, honestus tamen, & personis Ecclesiasticis superiorum judicio conveniens, & ut (quod intendimus) spirituale ædificium, ad culmen Deo dante perducatur, statuatur ante omnia fundamenta pietatis. Itaque Sacramentorum pius, & assiduus usus conservetur, singulisque mensibus, solemni- busque festis, ac Dominicis Adventus, & Quadragesimæ omnes constitutis per superiores Sacerdotibus delicta confessi, nisi legitimum intercedat impedimentum, communificent, quotidie Missam audiant, & mane antequam studiis operam dare incipiant, dimidiatam horam piæ meditationi impendant, & vesperi antequam cubitum eant, quartam horæ partem litanis, & discutiendæ conscientiæ tribuant, & si quis officium Ecclesiasticum recitare debet, id aliis horis absolvant, Sa-

Quibus maxi-  
me operam  
dare debeant.Tempus, &  
probationis  
ratio.Eisdem legi-  
bus omnes vi-  
vere debent



1584.  
Alumni pro-  
moveri pote-  
runt ad sa-  
cros Ordines  
etiam sine li-  
teris Dimisso-  
rialibus.

Magistri re-  
rum spiritua-  
lium.

cerdotes Missæ Sacrificium frequentius Deo offerant, in quo peragendo non minus dimidiata hora insistant, piæ quoque consuetudines nascentis Collegii omnes præscribantur, & posteris observandæ proponantur.

§. 8. Præter constitutos per Superiores Collegii confessarios, sint in tanta multitudine aliqui rerum spiritualium Magistri, qui pietatis disciplinam primum quidem novis Alumnis; Deinde etiam Adultis, ceterisque omnibus accuratissime tradant, quod si tales Magistri ex ipsa Societate deligi non potuerint, optimi quique ex ipsis Alumnis assumantur, qui ab omni cura omnino vacui hoc tantum munus sollicitè subeant: Alumni vero studiis quidem addicti, in pietate vero desidiosii, quique suis moribus alios ab ardenti pietatis studio tepefecerint, aut quomodolibet averterint, vel a rectis superiorum Consiliis, aut obedientia abduxerint, vel huiusmodi facere tentaverint, statim a Collegio dimittantur.

Festorum fan-  
tificatio.

§. 9. Festis diebus Domi se contineant, orationi, piæ lectioni, Divinis Officiis, Sacris Ceremoniis perdiscendis, & exercendis dent operam. Quod si Superioribus incommodum videretur, omnibus diebus festis, totum Divinum Officium decantare, in solemnioribus tamen diebus, & Dominicis Adventus, Quadragesimæ, & in diebus festis Beatissimæ Virginis Mariæ, Sanctorum omnium, Apostolorum, & Angelorum partim decantetur, partim distincte, & devote sine cantu recitetur.

§. 10. At cum autumnii tempore a lectionibus vacant, tum maxime in Divinis Officiis perdiscendis, & cantandis, ut Superioribus videbitur, sese exerceant, in quo tamen ne remissius, aut indulgentius agatur, Rectoris conscientiam oneramus. Eo quoque tempore aut alio cum studia intermittuntur, ea doceri curent, quæ celebrando Missæ Sacrificio sunt accomodata, præsertim hostias, & corporalia parare, diebusque festis nulla unquam literaria exercitatio, aut Divinum Officium, aut Ecclesiarum curam quomodolibet interrumpat, seu impediatur, Beneficiorum in Collegium a Dei benignitate collatorum memoriam pie colant, memoresque sint bene de Collegio prædicto, & de se meritorum, & superiorum præcipue defunctorum, quorum nomina in Ecclesiarum suarum Sacratio, aut in Choro descripta habebunt: proque iis, qui maiore fuerint in se usi beneficentia, anniversaria sacra perpetuo solemniter fiant, singulique hebdomodis pro illis Orationes, & Sacrificia Deo offerantur.

§. 11. Alumni morientes, & in ipso agone, & ab hora transitus, usque ad horam sepulture frâternis Alumnorum obsequiis, atque Orationibus adiuventur, quorum funeri omnes intersint, & intra octo dies exequiæ illis pie persolvantur. Quando autem contigerit aliquem ex Cardinalibus Protectoribus decedere e vita, triduo Orationes, & Sacrificia pro illius anima Deo offerantur, cuius misericordia pro futuro Protectore rogetur, ut talem dignetur Nobis, aut pro tempore futuris Romanis Pontificibus suggerere, qui tantum opus amplecti velit, & quam maxima poterit charitate tueri.

Bull. Rom. Tom. IV. Par. IV.

§. 12. Qui ex Alumnis Superiorum iudicio in pietatis studio, & Ecclesiasticis functionibus bene fuerint versati, ad omnes Sacros, etiam Presbyteratus Ordines promoveantur, etiam sine literis Dimissorialibus suorum Ordinariorum, & sine titulo Beneficii, aut Patrimonii, etiam extra legitima Ordinationum tempora; antequam vero Sacris Ordinibus initientur, in Spiritualibus exercitiis, & piis meditationibus per dies, ut minimum quindecim contineantur; unoque anno antequam in Patriam sint profecturi, aut si commode fieri possit, adhuc citius ad Sacerdotium assumantur, quo tempore in Sacerdotalibus Officiis, atque in Sacramentorum administratione, & in concionibus ad Populum exerceantur, ita tamen, ut hac occasione Sacerdotes neque liberiores sint, quam antea, neque extra Collegium comedant, aut pernoctent, omnesque Collegii nostri Alumni a cauponis, & hospitibus locandis, & a quorumvis negotiorum procuratore abstinenceant, nullis Ecclesiasticorum Beneficiorum litibus, aut controversiis implicentur, nec per Aulas, Tribunalia laicorum, aut externorum, aliorumve Domos discurrant; constituatur autem aliquis pius prudens, & experiens vir, qui ipsorum Alumnorum negotia sine eorum interventu expediri curet. Alumni sine comite a Superiore illis adiuncto, e Collegio egredi non audeant; quod si fecerint, aut Comitem deseruerint, vel eo pro foribus relicto, negotia intus occulte tractaverint, in Collegium amplius non recipiantur.

§. 13. Non prandium, aut coenam, extra Collegium capiant sine expressa Rectoris, & Prepositi generalis consensu, qui Alumnis ipsis, ut extra Collegium pernoctent, aut post solis occasum cænent, facultatem concedere minime poterunt. Siquis autem ex Alumnis extra Collegium ebrius fiat in Collegium amplius non recipiatur, quod si cuiquam in Collegio non semel, neque casu idem accadat, debet a Collegio dimitti; Ad tollendas autem commensationes, & quæ inde oriuntur scandala, non possit Rector quemquam externum in Collegii vineas, atque hortos introducere sine Prepositi generalis consensu, qui eam diligentiam in hoc Collegio gubernando adhibeat, quam, si esset suæ Societatis Collegium, adhiberet, consuetudine autem, & modo suæ Societatis non utantur, sed novas Regulas proponat, quibus Alumni Collegii privatim, & publice secundum Canones, & Clericorum secularium mores instituantur.

§. 14. Literæ, quas Alumni perscribent, item eorum libri diligenter inspiciantur, quæ si quidpiam amatorium, aut bonis moribus perniciosum contineant, comburantur, & qui eos habuerint, severe puniantur. Si quis autem deprehendatur literas impuras scribere, seditiosas, vel detractorias, malum aliquod consilium, vel vitia quorumvis continentes statim e Collegio eiiciatur, eandem poenam subeant, qui seditionis speciem aliquam excitarint, vel occasionem præbuerint, atque auctores fuerint, quominus aliquis Superioribus obtemperaverit, aut si quem contra eos re, aut verbo concitaverit, si etiam eiician-



eiiciantur, qui iniunctam sibi poenam detraxerint, aut invitis Superioribus pecuniam occulte retinuerint, quique quemvis maledictis, aut iniuriis dictis affecerint, aut percusserint, vel Collegii pacem quomodocumque turbaverint, factis item, & verbis inhonestis, statim tamquam pestis quædam e Collegio extrudantur. Ad ea se quisque studia applicabit, eosque libros habebit, quos Rector censuerit, interpretationes Auctorum in Gymnasio tantum societatis audient.

Quanto tempore Scientiis operam dare debeant.

§.15. Ad Theologica studia quatuor annos assignamus, ad Philosophica tres, totidem ad conscientie casus perdiscendos; Juris, aut Civilis, aut humanarum literarum studia nullum in hoc Collegio locum habeant, harum, quas demonstravimus, disciplinarum studiis ultimus annus Alumnis non concedatur, nisi prius in subdiaconatus saltem Ordine sint constituti, quod si quis ad Sacros Ordines aptus non videbitur, aut illis indignus, is in Collegio nequaquam retineatur, nec ei permittatur Theologia, aut quodvis aliud studium, inchoare. Sacerdotes autem, & virtute, & doctrina præstantes in Theologia Magistri creentur, sine ullo tamen Collegii sumptu, qui autem Sacerdotii Ordinem non fuerint consecuti, ad huiusmodi gradus non sunt admittendi.

§.16. Studiis absolutis, dies triginta in Collegio permanendi Alumnis concedantur, quibus transactis, non possint Superiores amplius eos in Collegio retinere; triginta vero illis diebus, non erunt Alumni a Collegii legibus soluti, sed omnia facient ex Superiorum præscripto; quæ vero Pauperibus Alumnis vestes, aut pro vestibus, quæ pecuniæ in discessu dandæ sint, ita Rectori præscribantur, ut querelarum, & invidia occasio præcidatur; Alumnis vero, qui pauperes non fuerint, aut qui studiorum cursum non abolverint, aut qui ob culpam aliquam dimissi fuerint, nihil detur.

§.16. Superiores facultatem habeant aliquos egregiæ virtutis Alumnos, etiam post absoluta studia in Collegio retinendi, quorum opera utantur in Collegii administratione, & cura rerum ad Collegium pertinentium, vel & ut Alumni prædicti concionibus, & administratione Sacramentorum Germanos juvent in Urbe commorantes, & ob alias huiusmodi piæ causas ad Collegii commodum, & animarum salutem pertinentes.

Negocia in Urbe nulli possunt gerere.

§.18. Nullus autem in Collegio, vel postquam e Collegio egressus fuerit, causarum in Curia Procurator, nec cuiusvis Principis, aut Prælati negocia etiam spiritualia procuret, nec absolutis studiis quisquam, vel in Collegio, vel in Urbe permaneant, ut Curia proximè discat.

§.19. Si quis Alumnus divinæ gratiæ impulsu ad perfectionis statum, & ad aliud quod religiose vitæ genus aspiret, non debet a quoquam, quavis de causa impediri, nec etiam si eo consilio fuisset in Collegium ingressus, ut studiis absolutis e sæculi flucti-

bus se in tutum reciperet, dummodo virtute confirmatus in aliquem Germaniæ Provinciæ se conferat.

§.20. Loca discedentium Alumnorum ultra annum non vacent, & si ii, ad quos loca vacua pertinent, non advenerint, Superiores, eorum loco alios recipiant idoneos Juvenes, quæ in re nemo poterit Superiores impedire erga absentes Alumnos, atque in Germania commorantes. Rector Collegii paterna utatur sollicitudine eorum labores cognoscendo, eosque, quæ decet charitate, consolando. Collegii Superiores primum pii sint animarum salutis studiosi, & maximam divini cultus habeant rationem. Deinde Juvenes maximo cum delectu recipiant, receptos statim in Dei timore accurate institui procurent. Postremo pietati negligentius vacantes, & ad virtutem non valde propensos sine ulla mora dimittant, quæ tria ut superioribus cordi sint, sub obtestatione divini Iudicii mandamus.

§.21. Maxima quoque habeatur cura Ecclesiarum, divinusque in illis cultus, ac ornatus religiosissime conservetur, pique Sacerdotes a Superioribus eligantur, qui in illis semper resideant, ac ut debebunt, Missas, & Divina Officia celebrent, ipsique Superiores pro honore Dei Ecclesiis prædictis liberaliter, quidquid opus erit, provideant, cultumque in eis exhibeant, ut earum redditus primum illis ipsis Ecclesiis serviant. Divinorum Officiorum tempore nullus Alumnus absit, Sacerdotesque viri pii, & graves Choro præsent, sacrarumque caeremoniarum Magistri sint Divini Officii moderatores. Si quis autem ex Alumnis indignum quid orationis domo, aut inhonestum dicto, vel facto, nutu, vel aspectu minus honesto commiserit, confestim e Collegio dimittatur. Si quis etiam sacras caeremonias discere, vel exercere neglexerit, aut ab Ecclesiasticis, & Clericalibus officiis alienus fuerit, vel Templum, & Chorum fugitet, nisi monitus resipuerit, in Collegio non toleretur.

§.22. Quæ omnia quia a Rectoris pietate pendent, Præpositus Generalis Rectorem in hoc Collegio constituat virum aliquem rectum, sobrium, prudentem, pietatis, & timoris Dei studiosissimum, qui omnes Nationes pari charitatis studio complectatur, & Christianum inter Alumnos amorem conservet, vitæ suæ exemplis omnes ad sui imitationem, & ad celestis cum Sanctis consortii desiderium inflammet, bonos in virtutis soliditate confirmet, malos a bonis discernat, & ex hoc loco intrepide nulla cuiusque ratione habita expellat. Sæpe Alumnis eorum vocationem exponat. In Adventus, & Quadragesimæ octavo quoque die Alumnis verbum Dei pro statu cuiusque explicet. Aliis vero temporibus bis quolibet mense salutaria documenta publice proponat, omnesque ad timorem Dei, & amorem excitet, atque inflammet, sit etiam Rector divini cultus, ecclesiastici officii, sacrarum Caeremoniarum, Ritusque Romani valde studiosus, Domus Domini decorem

Rectoris præfati Collegii munus.



corem amet, neque tamen suæ Religionis non necessarias hic retineat consuetudines, aut in Collegium inducere studeat, sed propria tot Alumnorum institutione secularium Clericorum ritum imitetur, ut Alumni non solum eum monentem audiant, sed ea quoque facientem videant, quæ ipsis facienda proponuntur.

Proteſtorum  
auctoritas.

§.23. Spiritualis jurisdictio, & animarum cura, quam Ecclesiæ habent Collegio unitæ, totam ad Collegii ipsius Protectores pertinere volumus; quæ autem tam in spiritualibus rebus, quam Ecclesiis curandis fieri debent marmoreis tabulis incisæ in Choro affixæ habeantur.

§.24. Superioribus non liceat suppellectilem Ecclesiarum, vel earum ornamenta cuiquam commodare, ex Reliquiis vero ne minimum quidem, vel ipsis Regibus tradi possit, nisi ex subscripto nostra manu, aut pro tempore futuri Romani Pontificis mandato. Si quis aliter fecerit sententiam excommunicationis incurrat eo ipso.

Ministri a quo  
eligendi, &  
quales esse de-  
beant.

§.25. Et quia spiritualia sine temporalium adminiculo consistere minime possunt, ideo eorum cura esse non debet in potestatis. Quare ipse Rector viros fideles, atque idoneos, quot ad hoc erunt necessarii, habere curet, quibus etiam præstandi ab eis officii leges, & quod in pietate, & moribus observare debeant præscribat, quorum primus sit Œconomus generalis, quem si Superiores eligere recusent, duo vel tres probatæ vitæ viri Superioribus ipsis, & Protectoribus cogniti proponantur, ex quibus Protectores, quem omnium aptissimum, judicaverint, eligant, & Œconomum deputent generalem, qui administrationis suæ rationem reddat & Superioribus ipsis, ac Protectoribus, quoties ipsi petierint. Œconomus generalis adjungatur a Superioribus alii particulares Œconomi, præcipue vero fidelis aliquis vir, qui Œconomum generalem in tanta rerum multitudine adjuvet, quique ipsius absentis, vel etiam ægrotantis vices subire, & bene gerere sciat, & possit, singulis vero Œconomis necessaria suorum cujusque officiorum functio scripto tribuatur, redditus, seu pecunia Collegii penes fidelem mercatorem tuto deponantur, ac deinde prout necessitas postulaverit, mandato a Rectore, & a duobus Œconomis subscripto repetantur.

§.26. Nullus Œconomus, vel generalis, vel particularis, nullus item qui Collegio in quovis munere deserviat, ulli ex Protectoribus, vel Superioribus, vel qui in Collegio Jus aliquod, administrationem, vel potestatem habeat, sit sanguine, vel aliqua affinitate conjunctus, neque ab aliquo ex prædictis, neque ab ullo alio Præposito, aut Domino quovis modo dependeat, aut cum prædictis clientelam habeat. Pater, & filius, duo Fratres, duo consanguinei in eadem Civitate, aut Provincia non sint aliquis Collegii Œconomi, neque quisquam in Collegio deserviat, qui sit sanguine propinquus Œconomus generalis, neque ad ipsum aliquo modo pertineat.

§.27. Bona Collegii quæcumque non locentur Protectorum, aut superiorum consanguineis, nulliusque cujusvis Ordinis Religiosis; non magnis Prælatiis, non Œconomis, aut aliis Collegii Ministris neque eorum consanguineis, neque ulli, qui aliquod Jus, potestatem, vel administrationem habeat in Collegio: bonorum locationes a Rectore, vel ab Œconomus generali in ipso Collegio fiant, Rectore præsentente, atque eas approbante: quicumque autem bona Collegii, sive in Urbe, sive extra Urbem locaverit, antequam locatio perficiatur, Jusjurandum coram Rectore, vel alio Deputato præstet, affirmans se in ea locatione solam Collegii utilitatem spectasse, & propter illam se nullum munus, nullamque utilitatem coepisse, aut in futurum expectare; juret item se nihil facere, aut fecisse ad alicujus instantiam, aut commendationem, aut propter cujusque consanguinitatem, vel amicitiam, & sine hoc Juramento, de quo constet, quævis a quocumque, & ubicumque facta locatio irrita sit, & invalida: bona prædicta tertio, aut quarto quoque anno a peritis, & fidelibus viris visitentur, atque una cum visitatoribus, si fieri poterit, adsit aliquis ex Collegii Superioribus, aut saltem Alumnus Sacerdos vir prudens, & pius.

§.28. Œconomus tam generalis, quam particularis, alique præcipui Collegii officiales singulis annis mense Januario fidelis, & rectæ administrationis, & ad officium, quo funguntur, aptitudinis, necnon Christianæ pietatis, & honestæ conversationis testimonium a Rectore habeant, quod nisi habuerint, eo ipso officiis privati esse censeantur: Societatis vero homines ad temporalem administrationem non obligentur, nisi de sui Præpositi generalis mandato, a quo uno in omnibus regantur, & corrigantur, & illi soli suæ quique administrationis rationem tantum reddant.

§.29. Si quid forte in his Constitutionibus desiderare usus rerum Magister demonstraverit, aut obscurum fuerit, vel ambiguum, id Protectores, & Superiores re mature deliberata ex communi omnium consensu suppleant, & declarent, & ad alia extendant, quivis autem, vel Protector, vel alius dispensandi potestatem non habeat, sed id fiat ex communi omnium consensu, raro tamen, & nisi ob graves causas, ubi præsertim nulla sit privati commodi, aut gratiæ suspicio, sed vel necessitas cogat, vel magnum Collegii bonum agatur, resque ad majorem Dei honorem, vel Collegii ipsius commodum manifeste pertinere appareat.

§.30. Quæ omnia, & singula in his Constitutionibus contenta, ab omnibus tam Alumnis, quam aliis quibuscumque, ad quos pertinent cujusvis status, conditionis, & ordinis, etiam Sacerdotibus in virtute sanctæ obedientiæ, & sub censuris, & poenis nostro, aut Protectorum, vel Rectoris arbitrio pro culpæ modo infligendis mandamus inviolabiliter observari. Decernentes quaf-

Clausula.



Derogatio  
contrariorum

quascumque alias dicti Collegii Constitutiones a quocumque etiam a Nobis emanatas, vel approbatas presentibus contrarias, nullius esse roboris, & momenti, & ex nunc irritum, & inane, quidquid secus in predictis per quoscumque scienter, vel ignoranter etiam obtentu aliarum dicti Collegii ordinationum, quae tamen per praesentes, nisi his adversentur, abrogatae non sint, aut alias quomodocumque contigerit attentari.

§.31. Non obstantibus Constitutionibus, & Ordinationibus Apostolicis, ac aliis ipsius Collegii juramento, confirmatione Apostolica, vel quavis firmitate alia roboratis statutis, & consuetudinibus, contrariis quibuscumque. Aut si aliquibus communiter, vel divisim ab Apostolica sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, & ad verbum de indulto huiusmodi mentionem.

§.32. Nulli ergo &c. nostrorum statuti, ordinationis, refectionis, onerationis, assignationis, voluntatis, mandatorum, & decreti infringere &c. Si quis &c.

Dat. die 1.  
Aprilis 1584.  
Anno XII.

Datum Romae apud Sanctum Petrum, Anno Incarnationis Dominicae millesimo quingentesimo octuagesimo quarto, Kalendis Aprilis, Pontificatus nostri Anno XII.

## CLXI.

Institutio Festivitatis S. Annae Matris Mariae Virginis, pro die 26. mensis Julii duplici Officio celebrandae.

GREGORIUS EPISCOPUS

SERVUS SERVORUM DEI

*Ad perpetuam rei memoriam.*

B. Anna peperit Mariam, Virginem, ex qua natus est nobis Salvator Mundi.

**S**ancta Mater Ecclesia, quae salutaribus Nos semper instituit documentis, annuas fidei filiis venerandas proponit Sanctorum celebritates, qui in terris non solum exempla ad salutem reliquerunt, sed in caelo beati fidelium patrocinium suscipere, eorumque orationes, & vota suis precibus adjuvare non cessant. Quam nobis opem apud misericordem Deum credimus Beatam Annam assidue impendere, quae tanta in humanum genus praestitit beneficia, ex ea enim nata est B. Maria semper Virgo, digna a Deo effecta, quae nobis Jesum Christum pareret Salvatorem. Et licet ejus nomini sanctis obsequiis honorando humana par esse non queat infirmitas, ne tamen quod potest omittatur.

Hic ideo Pontifex S. Annae festum celebrari iussit.

§.1. Nos ad ejus merita pro cultu decoranda, universalemque Ecclesiam jucundissima illius recordatione latificandam, necnon ad antiquam in illam devotionem, quam usque ab exordio nascentis Ecclesiae, insignia quoque templa, & religiosa loca in ejus honorem toto Orbe constructa testantur, in Christianorum cordibus excitandam praecipimus, ut perpetuis futuris temporibus, B. Annae dies festus septimo Kal. Augusti per totius Orbis Ecclesias duplici Offi-

cio, de Sancta, videlicet, nec Virgine nec Martyre, quod est in communi, quotannis recolatur, diesque praedictus imprimendis Romanis, & aliarum Ecclesiarum Calendariis addatur, & duplex ei adscribatur. Si cubi vero festus B. Annae dies supradictus ex fidelium devotione seu consuetudine, praepcepto, aut indulto Apostolico majore aliqua celebrari consuevit observantia, ea omnino ibidem retineatur.

§.2. Mandantes omnibus Patriarchis, Archiepiscopis, Episcopis, & ceteris Ecclesiarum Praelatis per universum Orbem constitutis, ut faciant praesentes literas in suis quisque Ecclesiis, Provinciis, Civitatibus, & Dioecesibus solemniter publicari, & ab omnibus Ecclesiasticis personis tam saecularibus quam quorumvis Ordinum Regularibus inviolate observari, etiam si in recentibus Breviarii, & Missalis reformationibus praedicta solemnitas fuerit praetermissa.

§.3. Volumus autem ut praesentium exemplis etiam impressis, manu Notarii publici subscriptis, & sigillo personae in dignitate Ecclesiastica constitutae munitis eadem prorsus fides ubique gentium, & locorum adhibeatur quae ipsis praesentibus adhiberetur, si essent exhibitae vel ostensae.

Datum Romae apud Sanctum Petrum, Anno Incarnationis Dominicae, millesimo quingentesimo octuagesimo quarto, Kal. Maii, Pontificatus nostri Anno XII.

## CLXII.

Declaratio, & extensio Constitutionis Pauli III. de privilegio Mercatorum Ripae Urbis, quod eorum libri concordantes cum libris Proxenetarum plene probent, & executionem paratam habeant sicut obligationes Camerales, contra quas cumque personas, & etiam mulieres coniugatas.

GREGORIUS PAPA XIII.

*Ad perpetuam rei memoriam.*

**C**um alias fel. rec. Paulus Papa III. Praedecessor noster quadam sua perpetuo valitura Constitutione, etiam per rec. mem. Pium Quartum, & Pium Quintum Romanos Pontifices etiam praedecessores nostros confirmata, inter alia statuerit, & ordinaverit, quod ad probandum credita dilectorum filiorum Mercatorum Ripae Almae Urbis nostrae, sufficerent libri eorundem Mercatorum, cum libris dilectorum filiorum Proxenetarum concordantes, qui haberent eandem executionem, ac si essent obligationes in forma Camerae Apostolicae, contra omnes personas, etiam S. R. E. Card. cum Decreto etiam irritanti, ac sublata quavis aliter judicandi facultate, & alias prout in dicta Constitutione plenius continetur.

§.1. Cumque tractu temporis plures difficultates ortae fuerint, an dicta Constitutio etiam contra mulieres in eisdem libris descriptas, tam cum earum viris, quam vi-  
duas locum habeat, unde datur ansa debitoribus

Et hanc institutionem publicari ubique &amp; observari praecipit.

Fidemque transumptis adhiberi mandat.

D.P. An. XII.  
1. Maii.

Paulus III. decrevit libros Mercatorum Ripae probare &amp; executionem habere paratam uti obligationes Camerales.

Hic modo Pontifex dictum indultum procedere declarat contra quas cumque personas, etiam



1584.  
mulieres, &  
conjugatas, in  
dictis libris  
descriptas.

1584.

ribus altercandi, & sic solutiones effugien-  
di, vel in longum protrahendi, in grave  
ipsorum mercatorum damnum, & præjudi-  
cium. Nos pro Pastoralis officii nostri debito,  
omnes hujusmodi litium, & controversia-  
rum occasiones & ambages de medio tolle-  
re, omnemque in posterum super præmissis  
hæsitandi vel dubitandi materiam succide-  
re, aliasque super præmissis opportune pro-  
videre volentes, Motu proprio, & ex certa  
scientia nostra, ac de Apostolicæ potestatis  
plenitudine, omnes & singulas, ac quas-  
cumque lites, & causas, seu controversias,  
tam judiciales, quam extrajudiciales inter  
prædictos Mercatores dictæ Ripæ, & quem-  
cumque, vel quoscumque ipsorum ex una,  
& quascumque mulieres, & conjugatas, ac  
etiam absque vel cum earum viris agentes,  
ac etiam eosdem viros, necnon etiam vi-  
duas, & quascumque alias personas ex altera  
partibus, super præmissis hætenus quo-  
modolibet ortas, ac etiam coram quibus-  
cumque iudicibus, & tribunalibus, ordi-  
nariis, & extraordinariis, delegatis & sub-  
delegatis, ac alias quomodolibet, & ubili-  
bet, indecisas pendentes, in statu & termi-  
nis, in quibus reperiuntur, illarum statum,  
seu status & merita, nominaque, & cogno-  
mina & gradus, & qualitates iudicum, &  
colligantium, juraque & titulos illorum,  
præsentibus pro plene, & sufficienter ex-  
pressis habentes, ad Nos harum serie avoca-  
mus, illasque sic avocatas, perpetuo extin-  
guimus, cassamus & abolemus; Dictamque  
Constitutionem ipsius Pauli prædecessoris,  
etiam contra quascumque mulieres, tam  
liberas, quam conjugatas, & etiam tam  
per se, quam cum earum viris, aut absque  
illis in dictis libris debitoribus descriptas,  
etiam viduas, & quascumque alias perso-  
nas, etiam perinde, ac si ita expresse in ea-  
dem Constitutione cautum, specificatum,  
& dictum fuisset, omnino comprehendere, &  
locum habere, Apostolica auctoritate te-  
nere præsentium declaramus, sicque tam  
in præteritis, quam in præsentibus & futu-  
ris perpetuo statuimus & ordinamus.

Aliter iudica-  
ri prohibet.  
Et partibus  
perpetuum si-  
lentium im-  
ponit.

§. 2. Ac ita per prædictos, & quoscum-  
que alios iudices, & Commissarios, etiam  
nostri Sacri Palatii causarum Auditores, &  
S. R. E. Cardinales, etiam de latere Lega-  
tos, sublata eis, & eorum cuilibet quavis  
aliter iudicandi, & interpretandi facultate,  
& auctoritate, iudicari & definiri debere,  
irritum quoque & inane, si secus super his  
à quoquam, quavis auctoritate, scienter  
vel ignoranter cortigerit attentari, decer-  
nimus. Ac etiam ipsis partibus colliganti-  
bus, & quibusvis aliis personis perpetuum,  
in, & super præmissis silentium imponi-  
mus; necnon tam illis, quam ipsis iudici-  
bus, Commissariis, Auditoribus, Cardina-  
libus, & Legatis, ne contra præsentium te-  
norem quicquam facere, & attentare au-  
deant, districtius, & expresse inhibemus.

Contrariis  
derogat.

§. 3. Non obstantibus quibusvis litis pen-  
dentiis, & aliis præmissis, ac aliorum præ-  
decessorum, & nostra de non tollendo jure  
quæsito, si opus sit, necnon etiam quadam

eiusdem Pii IV. prædecessoris, de similibus  
vel dissimilibus gratiis in Camera Aposto-  
lica intra tres menses præsentandis, & regi-  
strandis, si opus sit, aliisque Constitutioni-  
bus, & Ordinationibus Apostolicis, necnon  
etiam Almæ Urbis, & Curie Romanæ, ac  
etiam ipsius Ripæ, & quorumcumque alio-  
rum tribunalium, etiam Camera Apostoli-  
cæ, necnon Gubernatoris, ac Vicarii & Au-  
ditoris dictæ Camera, ac etiam Senatoris,  
& Curie Capitolii, etiam juramento, & con-  
firmatione Apostolica, vel quavis firmitate,  
alia roboratis statutis, & consuetudinibus,  
privilegiis quoque, indultis, & literis Apo-  
stolicis, etiam illis, & illorum, ac prædictis,  
necnon quibusvis aliis iudicibus, & perso-  
nis, in genere, vel in specie, sub quibus-  
cumque tenoribus & formis, etiam Motu,  
scientia, & potestatis plenitudine similibus,  
& etiam consistorialiter, ac alias in contra-  
rium quomodolibet concessis, & confirma-  
tis, quibus omnibus, etiam si de illis, eo-  
rumque totis tenoribus specialis, specifica,  
individua, & expressa mentio habenda esset,  
eorum tenores præsentibus pro expressis  
habentes, hac vice dumtaxat specialiter,  
& expresse derogamus, necnon omnibus il-  
lis aliis, quæ Paulus III. ac Pius IV. & Pius V.  
prædecessores prædicti, in Constitutionibus,  
& illius confirmationibus hujusmodi vo-  
luerunt non ob stare, ceterisque contrariis  
quibuscumque.

Datum Romæ apud S. Petrum sub an-  
nulo Piscatoris die 3. Maii, 1584. Pontifica-  
tus nostri Anno duodecimo.

D. P. An. XII.  
3. Maii.

## CLXIII.

Approbatio tertia, Instituti & Constitutio-  
num Religionis, Clericorum Regularium  
Societatis Jesu, cum aliquorum dubio-  
rum totali remotione, & privilegiorum  
confirmatione.

## GREGORIUS EPISCOPUS

SERVUS SERVORUM DEI

*Ad perpetuam rei memoriam.*

A Scendente Domino, & Salvatore no-  
stro in naviculam, ecce motus ma-  
gnus factus est in mari, ipse autem a disci-  
pulis rogatus ventis imperavit, & facta est  
tranquillitas, quam Nos in Petri navicula,  
collocati, turbinibus excitatis ab eodem  
Domino assiduis precibus postulantes, no-  
stram interea operam, & laborem in fran-  
gendis procellosis fluctibus impendere non  
desistimus, cumque tanti laboris socios, &  
validos remiges divina Nobis providentia  
præparaverit, eorum opera in superandis  
sævientis pelagi tempestatibus Nos maxime  
sublevat, qui pro communi fluctuantium  
animarum salute propria commoda nihil  
pendunt, seque ad omnia discrimina expo-  
nunt.

Proœmium.

§. 1. In quo cum aliarum Religionum  
studia, tum Societatis Jesu assiduus pro Chri-  
sto labor, necnon usque ad finem perseve-  
rantia promptam se ostendit, cumque pro-  
lem

Religionum  
omnium & si-  
gnanter So-  
cietatis Jesu  
ministerium  
Christifide-  
bus, valde  
prodest.



lem catholicæ Religioni valde proficuum, & ad omnia pericula pro universali Ecclesia subeunda paratam procreaverit, aliam atque aliam à prima non degenerem præstante gratia Dei quotidie substituit, ut Nobis eorum alumni per multiplices probationum gradus altius provecti, semper præsto sint, quos in rebus arduis suscipiendis fructuosos operarios asciscamus; eos autem ut firmiorem Nobis opem ad prædicta navare possint, ab omni non modo injuria, sed etiam calumnia studemus intactos conservare. Quod ut a Nobis efficiatur, ipsius instituta tamquam fundamenta ejus præsidii, quod Catholicæ Religioni impendunt, immota atque inconcussa, aliorum etiam Romanorum Pontificum exemplo, debemus Apostolica auctoritate tueri.

Cujus regulæ Paulus & Julius III. approbarunt.

Paulus IV. à jurisdictione Ordinarii eximit.

Pius V. inter Mendicantes connumeravit

Hujus religionis ad Christiani fidelium animarum salutem instituta, Constitutionibus cavetur quod

§.2. Quorum sel. rec. Paulus III. & Julius etiam Tertius Constitutiones, & laudabile dictæ Societatis Institutum confirmarunt.

§.3. Paulusque idem eam ipsam ab omni quorumcumque Ordinariorum jurisdictione exemit.

§.4. Quo instituto per Paulum Quartum examinato, & à Synodo Tridentina commendato, Pius Quintus item prædecessor noster Societatem ipsam Ordinem esse mendicantem declaravit.

§.5. Quæ omnia non immerito ab eis sunt concessa ob egregia virtutem, & dona Societati antedictæ divinitus elargita, cujus præcipuus finis catholicæ est Religionis defensio, ac propagatio, animarumque in Christiana vita, & doctrina profectus: gratiæ quoque ejus vocationis est proprium, diversa Orbis terrarum loca ex Romani Pontificis, seu Præpositi Generalis ejusdem Societatis directione peragere, vitamque in quavis mundi parte agere, ubi salvandarum sua opera animarum copiosior proventus ad Dei gloriam speratur. Ad quem finem Spiritus sanctus, bon. mem. Ignatii Loyolæ Societatis ipsius Institutoris, ejusque sociorum excitator, media quoque prædicationum, ac cujuscumque ministerii verbi Dei, doctrinæque Christianæ, & spiritualium exercitiorum, aliorum item caritatis operum, & sacramentorum administrationis, ac præcipuè Poenitentiae, & Eucharistiæ, horumque frequentioris usus accommodavit. Ad quæ sufficienter & pro dignitate præstanda, difficultates superandas, periculaque adeunda, quibus dictæ Societatis Religiosi in hujusmodi discursionibus, & ministeriis exponuntur, necesse est, ut ipsi talia obituri, magno virtutis, & devotionis præsidio muniantur, quod illis gratia in primis Omnipotentis Dei, simulque educatio ipsa, longa item in Societate probatio, necnon regularum, & constitutionum observantia præstare noscuntur.

Novitii biennio probentur & deinde ad vota substantialia simplicia admittantur.

§.6. Quibus Constitutionibus, ut tantæ ponant rudimenta virtutis, ad quam aluntur, statutum est, ut Novitii in Societate biennio probentur, quo expleto, si ipsi perseverare voluerint, & Societati fuerit ab eis satisfactum (quoniam Societas ipsa non so-

lis Novitiis & professis, ut reliqui regulares Ordines constat) tria substantialia vota simplicia, nisi quis interdum ad professionem, vel gradum Coadjutorum formatorum admittendus videretur, Paupertatis, Castitatis, & Obedientiæ in eadem Societate ex Apostolico indulto, ac juxta votendi formulam in eisdem Constitutionibus expressam emittunt, ac secundum illas promittunt se eandem Societatem ingressuros, hoc est ulteriorem aliquem illius gradum, prout Præposito videbitur Generali.

§.7. Quibus votis emissis Novitii esse desinunt, & in Societatis corpus, qui literis operam dederint, vel daturi sunt, ut Scholares approbati, alii vero ut coadjutores temporales nondum formati cooptantur, ac quantum est ex parte ipsorum perpetuo, ex parte vero Societatis, juxta Apostolica indulta, & Constitutiones prædictas, tamdiu obligati sunt, quamdiu Præpositus Generalis eos in Societate retinendos esse censuerit. Quod ad Societatis conservationem maximè est necessarium, idque ab illius exordio prævisum, & post experimento comprobatum est, idque initio ingressus illis explicitè manifestatur, atque ipsi conditionem hanc amplectuntur, quæ eis, si quos dimittere oporteat, multo est commodior, ut liberi potius quam votis obligati dimittantur, aliisque justis, & rationabilibus de causis.

§.8. Coadjutores temporales non formati, qui non ad studia literarum, sed ad domestica munia curanda destinantur, post aliquot annos, quibus Generali Præposito, & Societati satisfecerint, per tria item Paupertatis, Castitatis, & Obedientiæ vota licet publica, & in manibus Superioris emissæ, non tamen solemnæ, sed tum ex Constitutionum præscripto, tum ex voventis, & admittentis intentione simplicia existunt, in Coadjutorum temporalium formatorum gradum admittuntur.

§.9. Scholares vero studiis in Societate absolutis, antequam professi, vel Coadjutores spirituales formati fiant, non solum tertium adhuc ulterioris probationis annum, in devotionis, & humilitatis exercitiis impendunt, ut, si qua fortasse in re harum virtutum fervor per literarum occupationem intepuerit, per earundem virtutum frequentiore excitationem, ardentiorque divini auxilii invocationem recalescat, sed etiam in verbi Dei, sacrarum, & Scholasticarum lectionum, Poenitentiaeque & Eucharistiæ Sacramentorum Societatis ministeriis tamdiu probantur, quamdiu Præposito Generali videtur, nec antequam ipsi Præposito sint plane perspecti, eique in omnibus satisfecerint, ad hujusmodi gradus promoveantur.

§.10. Qui enim ad professionem quatuor votorum admittendi sunt, eos juxta Constitutiones easdem, & Apostolica decreta, & indulta, viros omnino humiles ac prudentes in CHRISTO, & in vitæ puritate ac literis conspicuos, diuturnisque ac diligentissimis experimentis probatos, atque Sacerdotes, & in ministeriis hujusmodi prius

Postea veluti Scholares, vel uti coadjutores temporales cooptantur.

Coadjutores isti alia vota postea emittunt.

Scholares prædicti tertio probationis anno retinentur.

Ex iis, qui deinde ad professionem quatuor votorum admittendi sunt



prius diu multumque versatos vocatio hæc requirit, utpote quos ardua maneant ministeria. Quo fit, ut non omnes ad eandem professionem idonei esse, nec tales sine longa exercitatione atque experimento fieri, aut etiam cognosci possint. Quapropter Societatis corpus in sua membra, & gradus idem Ignatius divino instinctu ita duxit disponendum, ut præter eos, quos Præpositus Generalis ad professionem quatuor votorum idoneos esse censuerit, & nonnullos, quos interdum ad professionem trium admittere potest, reliqui etiam Sacerdotes, quorum vita, & doctrina in Societate diu probata esset, ac Præposito Generali perspecta, & de ipsius licentia in Coadiutorum spiritualium formatorum gradum, per tria illa vota similiter publica, sed simplicia in superioris manibus emissa admitterentur.

Admissi autem sunt incapaces hereditariæ success.

§. 11. Quibus emissis tam hi, qui spirituales, quam qui temporales Coadiutores formati fuerint, certum in Societate gradum habent, suntque omnis hereditariæ successionis incapaces, nihilque omnino proprii juxta Constitutiones easdem habere possunt. Nec propter emissam hujusmodi vota publica, aut per mortem ab intestato in illorum, sicuti nec in professorum bonis domus ulla, aut Ecclesia, vel Collegium dictæ Societatis succedere potest.

Et votum obedientiæ, erga Papam specialiter remittunt.

§. 12. Qui vero quatuor votorum professi futuri sunt, ii tribus illis solemnibus substantialibus votis quantum similiter solemnne addunt, specialis Summo Pontifici obedientiæ circa missiones præstandæ, ob certiorum Spiritus sancti in missionibus ipsis directionem, ac majorem ipsorum mittendorum Sedi Apostolicæ obedientiam, majoremque devotionem, humilitatem, mortificationem, ac voluntatum abnegationem.

Aliaque simplicia vota.

§. 13. Post emissam vero professionem five quatuor, five trium votorum, professi ad Paupertatis, quæ regularis instituti murus est, & propugnaculum, perfectionem tuendam, omnemque ambitionis occasionem, excludendam, nonnulla alia simplicia vota emittunt, quibus promittunt se numquam quacumque ratione acturos, vel consensuros, ut quæ in constitutionibus Societatis circa paupertatem ordinata sunt, immutentur, nisi quando ex justa rerum exigentium causa paupertas magis restringenda videretur, neque præsensuros, ne indirecte quidem, ut in aliquam prælationem, vel dignitatem, intra, vel extra Societatem, eligantur, nec extra Societatem in sui electionem, quantum in eis fuerit, consensuros, nisi coacti obedientia ejus, qui id ipsis possit sub poena peccati præcipere. Item Societati, vel ejus Præposito manifestaturos, si quem sciant aliquid hujusmodi moliri.

Discedentes postea sine licentia apostatæ censentur.

§. 14. Porro non solum professi, & Coadiutores formati, sed ex aliis quicumque absoluto probationis biennio prædicta tria substantialia vota, etiam simplicia emisserint, si absque expressa licentia a Societate discedant, etiam si prætextu melioris frugis, & transitus ad alium quemcumque Ordinem (Cartusiensium dumtaxat excepto)

*Bull. Rom. Tom. IV. Par. IV.*

id faciant, apostasiæ, & excommunicationis ex Apostolicæ Sedis decreto penas incurrunt, a quibus nonnisi a Summo Pontifice, vel a Generali Præposito absolvi possunt. Inique enim cum Societate ipsa ageretur, si viris multo labore ad ardua ministeria eruditis, cum religionis catholicæ, & hujus Sedis detrimento privaretur, præsertim cum Societatis Constitutiones, & Privilegia, quæ prædicta continent, in separata, antequam ad Novitiorum convictum admittantur, habitatione eis maturius considerata tradantur.

§. 15. Biennio Novitiatus completo, & emissis votis simplicibus, una est omnibus omnino vivendi, & obediendi ratio, debent enim omnes in omnibus obedire, & in communi vivere, non secus alii, atque ipsi professi, & Coadiutores formati, idque in domibus quidem probationum, & Collegii ex redditibus, in domibus vero professorum, quæ nullos omnino redditus habere possunt, ex elemosynis tantum.

Omnes post Novitiatum in communi vivunt.

§. 16. Et licet, qui ad gradus professorum, & Coadiutorum formatorum nondum pervenerunt, bonorum suorum jus atque dominium, tum alias ob justas causas, tum etiam ut majorem Societas habeat libertatem, illos, si opus fuerit, cum minore offensione dimittendi, ad tempus Generalis Præpositi judicio præscribendum valeant retinere, ut in pauperes tandem, seu alios pios usus pro ipsorum devotione distribuant, juxta evangelicum consilium, ac promissionem, quam initio Novitiatus faciunt, interim tamen, quantum ad illorum usum religiosam paupertatem servant, nec ulla re tamquam propria, & sine Superioris facultates uti possunt.

Paupertatem servant, licet non professi dominium bonorum retinent.

§. 17. Et quamvis ii omnes, qui post biennium Novitiatus dicta tria vota simplicia, ut præfertur, emisserint, ac in corpus Societatis cooptati, illiusque meritum, & privilegiorum, non secus atque ipsi professi participes effecti, quique quantum in eis est, & professionem emittere parati, si ipse Præpositus Generalis id prædictæ Societatis Instituto congruere judicaverit, & in perpetuum Dei servitio votis simplicibus consecrati, ac sua sorte, prout laudabile Societatis Institutum exigit, contenti, vere, & proprie religiosi existant, & si a Societate deficiant, excommunicationis, & aliis apostatarum poenis sint subiecti.

Veri religiosi sunt, & Ordinis privilegiis gaudent.

§. 18. Tamen cum non ita pridem intellexissemus nonnullorum animos, qui pii aliqui, & utiles operarii existerant, sollicitari interdum, & affligi, quasi non essent religiosi, eo quod non essent professi; nec etiam deesse, qui religionis prætextu transfigurante se in angelum lucis Satana, non solum ea occasione inquieti existerent, sed etiam aliorum pacē & vocationem disturbare, eosque in fraudem, & defectionem deducere conarentur, unde fructuosa hæc religio gravissima potuisset accipere detrimenta. Idcirco cum divina providentia pro temporum necessitate, varia, & salutaria Ordinum Instituta in Ecclesia sua produxerit, novisque subinde in ea nascentibus morbis, nova remedia,

Et quia desuper nonnulla dubia sunt excitata.



novisque emergentibus hostium impugnationibus, nova regularium Ordinum auxilia excitavit, & cuique illorum, juxta cuiuslibet peculiaris gratiae vocationem, peculiare quoddam notas, propria insignia, ac opportuna ad finem, quem intendit, media suggererit, & nunc maxime (ut felicissimi toto Orbe successus testantur) mirificos in agro Dominico fructus praedicto Societatis Jesu Instituto proferat, quae Societas (quemadmodum, & alia nascentium regularium Ordinum exordia) a spiritu contradictionis impugnatur, cumque ipsi Ordines Romanorum Pontificum propterea Constitutionibus circummuniri consueverint, cuius rei Sanctorum Dominici, & Francisci praclarissimi Ordines exempla abunde suppeditarunt, ita Nos, licet alias Institutum praedictum, privilegia, & constitutiones ipsius Societatis confirmaverimus, & declaraverimus, Motu proprio statuentes, eos qui biennio Novitiatus peracto, tria vota, tametsi simplicia emiserunt, esse vere, & proprie Religiosos, cum praeccepto, ne quis haec in dubium revocare audeat, ac cum irritante, & aliis decretis, prout in nostris super hoc confectis literis plenius continetur. Quia tamen non defuit temeraria quorundam audacia, qui post declarationem, decretum, praecceptum, & interdictum nostrum huiusmodi, non solum multa ex praedictis, & fortasse, alia ad Societatis Institutum, ac vivendi formam spectantia labefactare, sed, & ipsa Apostolica decreta, ac praeccepta, publice, & ex cathedra, ausu temerario impugnare, mentemque nostram perversè interpretari non erubescunt, disputantes, & praedicta in dubium revocantes, omniaque ex aliorum Ordinum communibus rationibus, formis, ac statutis metientes Societatis Institutum, peculiare constitutiones, ac vim votorum simplicium illius, a Sede Apostolica in eadem Societatis Religione probata admissorum penitus ignorantes, ac nonnulla jure antiquo, quae post illud successu temporum hujus Sedis auctoritate, approbatione, & confirmatione, ac peculiaribus privilegiis sancita, & roborata esse dignoscuntur, perperam interpretantes, convellere nituntur, quin etiam Nos supradicta, Motu simili, & ex certa scientia, de Apostolicae potestatis plenitudine decernentes, ac praecipientes privato sensu loquutos fuisse, ac tamquam privatos doctores errare potuisse, immo vere, & de facto ob falsam supradictorum informationem errasse, ideoque praecceptum nostrum nonnullam ad obligandum vim habere. Neminem praeterea eorum, qui solemnem professionem in dicta Societate non emiserunt, de illius corpore, religiosos esse posse, sed eos mere saeculares, ac Ordinariarum jurisdictioni subiectos existere, nec Societatem ipsam, aut illius superiores, immo nec non jus in eo ullum ex vi votorum huiusmodi, habere, vel acquirere, aut superioribus ipsis conferre posse, non considerantes voti solemnitatem sola Ecclesiae constitutione in-

ventam esse, triaque huiusmodi Societatis vota tametsi simplicia, ut substantialia Religionis vota ab hac Sede fuisse admissa, illaque emittentes, in statu Religionis vere constitui, quippe qui per ea ipsa se Societati dedicant, atque actu tradunt, seque divino servitio in ea mancipant. In quibus votis nullus praeter Romanum Pontificem potest manum apponere, aliisque atque aliis modis Societatem ipsam impetunt universali Ecclesiae perutilem, quae diversis functionibus, & personarum gradibus distributa, a Romanis Pontificibus presbyterorum a Tridentina Synodo clericorum Religio appellata, habitu, nomine, plerisque personarum gradibus, votorumque differentiis ab aliis regularibus Ordinibus distinguitur. Quibus etiam adiungunt licere iisdem non professis, etiam invitis dictae Societatis Superioribus, ad quosvis alios regulares Ordines se transferre. Transgressoresque horum votorum, ac inobedientes, aut etiam uxorem ducentes, nullam ipsi Societati injuriam facere, immo posse Episcopos cum eis dispensare, ut invitis etiam superioribus eisdem uxorem ducant. Quibus cum glossatores, & obrectatores huiusmodi sua falsa doctrina favere pergunt, horum votorum naturam, & poenarum vim, vel non intelligentes, vel eludere conantes, eo sunt progressi, ut etiam vi facultatum, quae literis indulgentiarum Cruciatum sanctae nuncupatarum continentur, omnes transfugas, & ab ipsa Societate deficientes non professos, quoties ab ea defecerint, ab excommunicationis latae sententiae poena a quocumque confessario absolvi posse, nullamque ipsi Societati suis operariis privatae injuriam fieri, aut praedictum generari existiment, sed & votorum substantialium Religionis praedictae, ac decretorum contra eosdem Apostatas Sedis hujus auctoritate editorum vim, quantum in eis est, enervare contendat. Insuper asserunt non posse vota aliqua in saeculo emissa in tria haec substantialia Societatis commutari (cum tamen haec vota sint status, ut praefertur, religiosi alio utilis, & perfecti, ut illa in haec possint, haec vero in aliorum Ordinum, etiam solemnia vota commutari, sit ab hac Sede iustis de causis interdictum.) Nec etiam defunt alia, quae in animarum suarum praedictum, Societatis perturbationem, & scandalum plurimorum comminiscantur.

§. 19. Nos universalis Ecclesiae utilitati, quam ex inviolato, & inconcusso dictae Societatis Instituto, & religiosa sobolis educatione sentimus, & majorem in dies speramus, prospicientes, & praeterea ejusdem Societatis indemnitati, paci, quieti, & incremento consulere volentes, Motu simili, & ex certa scientia nostra, deque Apostolicae potestatis plenitudine, laudabile ipsius Societatis Institutum, & quae illud concernunt, praemissa omnia, & singula, praedictaque illius, ac quaecumque alia privilegia, facultates, exemptiones, immunitates, gratias, & indulta a praedictis praedecessoribus nostris, & a Nobis etiam per com-

Ideo hic Pontifex his non obstantibus d. institutum, & privilegia, & Constitutiones approbat.



communicationem concessa, constitutiones quoque, ac statuta, & decreta qualiacumque, acsi ad verbum presentibus infererentur, pro expressis habentes, tenore presentium approbamus, & confirmamus, suppletes omnes Juris, & facti defectus, siqui intervenerint in predictis Constitutionibus, & statutis.

Disctaque tria  
vota etiam  
simplicia, ve-  
re tamen sub-  
stantialia esse  
declarat.

§.20. Ad hæc dictam Societatem firmo Sedis hujus presidio communire volentes, hac nostra perpetua Constitutione, Motu, scientia, & potestatis plenitudine similibus, statuimus, atque decernimus, tria vota hujusmodi etsi simplicia, ex hujus Sedis institutione, ac nostra etiam declaratione, & confirmatione esse vere substantialia Religionis vota, ac in dicta Societate tamquam in Religione approbata per Sedem eandem admittenda fuisse, & esse, ac per Nos admitti, nec in illis a quoquam præter Nos, & Sedem hujusmodi dispensari, nec ea ullo alio modo quam per legitimam dimissionem a Societate cessare posse.

Eaque emit-  
tentes veros  
esse religiosos  
decernit.

§.21. Et non modo eos, qui in Coadiutorum formatorum, five spiritualium five temporalium gradus, & ministeria, ut præfertur, admittuntur, sed & Scholares ipsos ac supradictos alios omnes, & quoscumque, qui in ipsam Societatem admissi, biennio probationis a quolibet eorum peracto, tria vota substantialia prædicta, tamen si simplicia emiserint, aut emittent in futurum, vere, & proprie religiosos fuisse, & esse, ac fore, & ubique semper, & ab omnibus censeari, & nominari debere, non secus atque ipsos tum Societatis, tum quorumvis aliorum Regularium Ordinum Professos, suisque Præpositis in omnibus, & per omnia obedire, & huic Sedi immediate subiectos, & a quorumvis Ordinariis, & delegatorum, seu aliorum judicum jurisdictione omnino exemptos, prout Nos etiam vigore presentium eximimus.

Discedentes  
ideo a dicta  
Religione A-  
postatas de-  
clarat.

§.21. Denique ut omnium Societatis privilegiorum juxta Generalis Præpositi dispositionem sunt participes, ita quoque excommunicationis majoris lætæ sententiæ, & aliis Apostatarum poenis, siqui a Societate deficiant, subiacere, ac tamquam veros Apostatas puniri posse, nec a quoquam, nisi per Nos, & Sedem prædictam, aut Generalem Præpositum ab eisdem poenis absolvi, nec ante hujusmodi absolutionem, & a Societate dimissionem Matrimonium contrahere, quinimmo eos omnes ad contrahendum inhabiles, ac contractus hujusmodi nullos, & irritos esse, pro ut irritos facimus, & annullamus.

Et supradicta  
dubia repro-  
bat.

§.22. Et ut contradicentium audacia, coerceatur, præmissas omnes, & quasvis alias illis similes assertiones contra dictæ Societatis Institutum, vel quomodolibet in illius præjudicium pronuntiatas, aut scriptas, falsas omnino, & temerarias esse, & censeari debere.

Impugnari d.  
institutum pro-  
hibet.

§.14. Præcipimus igitur in virtute Sanctæ Obedientiæ ac sub poenis Excommunicationis lætæ sententiæ, necnon inhabilitatis ad quævis officia, & beneficia, secularia, &

*Bull. Rom. Tom. IV. Par. IV.*

quorumvis Ordinum regularia, eo ipso absque alia declaratione incurrendis, quarum absolutionem Nobis, & Successoribus nostris reservamus, ne quis cujuscumque status, gradus, & præminentie existat, dictæ Societatis Institutum, Constitutiones, vel etiam præsentis, aut quemvis earum, vel supradictorum omnium articulum, vel aliud quid supradicta concernentes, quovis disputandi, vel etiam veritatis indagandæ quæsito colore, directe vel indirecte impugnare, vel eis contradicere audeat, districtius inhibentes, ne quis, five extra, five intra dictam Societatem, nisi de illius Generalis aut inferiorum Præpositorum licentia, notationes, declarationes, glossas, vel scholia ulla super præmissis facere, vel ea, nisi quantum verba ipsa sonant, interpretari, aut de eis disceptare, seu scrupulum quicque iniicere, vel in controversiam, aut dubium revocare audeat quoquomodo, nec glossas, aut interpretationes, five impressas, seu scriptas, ad id pertinentes legere, docere, aliisque tradere, vendere, vel apud se retinere præsumat.

§.15. Si quid vero dubii de eisdem oriri contigerit, ad Sedem prædictam, vel ad Generalem Præpositum dictæ Societatis, aut ad eos, quibus id ipse commiserit, referatur.

Dubiorum de  
clarationem  
Præposito re-  
servat.

§.26. Sicque in præmissis omnibus, & singulis, per quoscumque Judices, & Commissarios etiam causarum Palatii Apostolici Auditores, ac S. R. E. Cardinales in quavis causa, & instantia, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere, necnon irritum, & inane quicquid secus super his a quoquam quavis auctoritate scienter, vel ignoranter contigerit attentari.

Et ita ubique  
judicari man-  
dat.

§.27. Mandantes universis, & singulis, Patriarchis, Archiepiscopis, Episcopis, & ceteris Ecclesiarum, & locorum etiam regularium Prælati per universum Orbem constitutis, ut præsentis literas in suis quisque Ecclesiis, Provinciis, Civitatibus, Diocesis, & jurisdictionibus ab omnibus inviolate observari: quin etiam Præpositum ac personas Societatis hujusmodi defendant, eosque præmissis omnibus, & singulis pacifice frui faciant, & gaudere, non permittentibus ipsos per quoscumque quomodolibet molestari. Contradictores per censuras Ecclesiasticas, & alia Juris, & facti remedia, opportuna, appellatione postposita, compescendo. Invocato etiam ad hoc, si opus fuerit, a auxilio brachii secularis.

Observantiis  
hujus Bullæ  
præcipit.

§.28. Non obstantibus recol. mem. Bonifacii Papæ VIII. quæ incipit. Quod votum, & aliis Apostolicis Constitutionibus, ac etiam aliorum Ordinum, juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis quibuscumque hujusmodi Ordinibus, Universitatibus, locis, vel personis per quoscumque Romanos Pontifices Prædecessores nostros, ac Nos, & Sedem prædictam, etiam Motu proprio, & ex

Contrariis  
derogat.



certa scientia, ac de Apostolica potestatis plenitudine, & cum quibuscumque irritativis, cassativis, revocativis, modificativis, præservativis, exceptivis, declarativis, mentis attestativis, ac derogatoriis derogatoriis, aliisque efficacioribus, & insolitis clausulis, irritantibusque, & aliis decretis, in genere, vel in specie, ac alias quomodolibet etiam pluries concessis, confirmatis, & innovatis. Quibus omnibus, & singulis, etiam si in eis caveatur expresse, quod illis nullatenus, aut non nisi sub certis modo, & forma in illis expressis, derogari possit, pro illorum sufficienti derogatione de illis, eorumque totis tenoribus specialis, specifica, & expressa mentio habenda, seu aliqua alia exquisita forma ad hoc servanda foret, tenores huiusmodi præsentibus pro sufficienter expressis habentes, alias in suo robore permanens, hac vice dumtaxat specialiter, & expresse derogamus, contrariis quibuscumque. Aut si aliquibus communiter vel divisim ab eadem sit Sede indultum, quod interdicti, suspendi, vel excommunicari non possit per literas Apostolicas non facientes plenam, & expressam, ac de verbo ad verbum de indulto huiusmodi mentionem.

Communicacionem harum gratiarum aliis denegat.

§.29. Præsentis autem Constitutionis, & gratiæ communicationem omnibus aliis, qui sua privilegia cum ipsa Societate copiose participant, participareque poterunt quomodolibet in futurum, fieri omnino prohibemus.

Transumptis credi mandat.

§.30. Ceterum volumus, ut præsentium transumptis etiam impressis manu Secretarii dictæ Societatis, vel Notarii publici subscriptis, & sigillo Præpositi Generalis ejusdem Societatis, vel alterius personæ in dignitate Ecclesiastica constitutæ munitis, eadem omnino fides adhibeatur in iudicio, & extra illud, quæ literis ipsis originalibus haberetur, si essent exhibitæ, vel ostensæ.

Nulli ergo &c.

D. P. An. XIII  
25. Maii.

Datum Romæ apud S. Petrum Anno Incarnationis Dominicæ, millesimo quingentesimo octuagesimo quarto, octavo Kal. Junii, Pontificatus nostri Anno XIII.

#### CLXIV.

Ex Regest. in Secret. Brev.

Ereccio Collegii Societatis Jesu in Civitate Ipre.

**GREGORIUS EPISCOPUS**

**SERVUS SERVORUM DEI**

*Ad perpetuam rei memoriam.*

Procerium.

**I**mmensa Dei providentia, a qua omnium bonorum operatio procedit ea in suorum fidelium animis frequenter ingerit, quæ ad Christianæ Religionis instaurationem & propagationem, publicamque utilitatem, & salutem sunt maxime profutura. Unde Nos quibus cura, ac salus Dominici gregis divinitus est commissa, ipsorum fidelium, præsertim Catholicorum Regum vota in id tendentia ex intimo cordis affectu libenter promovemus, & desuper officii nostri partes favorabiliter interponimus,

prout rerum, locorumque circumstantiis debite pensatis conspiciamus in Domino salubriter expedire.

§.1. Cum itaque, sicut accepimus, Monasterium Monialium de Merchen Ordinis S. Benedicti Ipre. Diocesis, cui quondam Margarita Van Suelle, ipsius Monasterii Abbatissa, dum viveret, præsidebat, per obitum ejusdem Margaritæ Abbatissæ extra Romanam Curiam defunctæ vacaverit, & vacet ad præsens, & sicut charissimus in Christo filius noster Philippus Hispaniarum Rex Catholicus Nobis nuper exposuit si in inferiori Germania, in qua propter intestinos, & diuturnos tumultus bellicos, aliæque turbulenta tempora Christiana Religio non parum labefactata reperitur, Presbyteri Societatis Jesu, qui juxta eorum laudabile institutum Juventutem bonis moribus imbuant, simulque liberales disciplinas doceant, ac verbum Dei prædicent, aliæque opera exerceant, introducerentur, ex hoc profecto religio ipsa restaurari, ac restaurata conservari posset; & propterea ipse Philippus Rex unum Collegium ejusdem Societatis in Civitate Ipre. perpetuo erigi, illique sic erigendo pro ejus stabilimento, ac Rectoris, & Collegialium in eo introducendorum sustentatione, & mantentione, dictæque religionis instauratione Monasterium prædictum, quod a dicta Civitate vix tribus leucis distat, quodque ita dirutum, & collapsum est, ut sine ingenti sumptu restitui nequeat, imo ob id nulla sit spes illud unquam restauratum iri, & in quo tantum duæ Moniales supersunt, una cum Prioratu Sanctorum Martini, ac Amati loci de Mecherten. Ordinis, & Diocesis prædictorum, cum primum per cessum, vel decessum illum obtinentis vacare contigerit, uniri summopere desiderat.

§.2. Quare idem Philippus Rex asserens Monasterii 200. Prioratus vero prædictorum, & illis forsan annexorum fructus, redditus, ac proventus 250. ducatos auri de Camera, secundum estimationem valorem annuum non excedere, Nobis humiliter supplicari fecit, quatenus ejus pio desiderio annuere, aliasque in præmissis opportune providere de benignitate Apostolica dignaremur.

§.3. Nos igitur, qui dudum inter alia volumus, quod petentes Beneficia Ecclesiastica aliis uniri, tenerentur exprimere verum annuum valorem secundum estimationem prædictam, etiam Beneficii, cui aliud uniri peteretur, alioquin unio non valeret & semper in unionibus commissio fieret ad partes, vocatis quorum interest, ipsum Philippum Regem a quibuscumque Excommunicationis, suspensionis, & interdicti aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, huiusmodi supplicationibus inclinati, in prædicta Civitate, & ædibus ibidem ad hoc designandis unum

Facti series.

Ereccio Collegii.

Col-



Collegium dictæ Societatis cum Ecclesia, seu Cappella, ac Officinis necessariis, & opportunis ad instar ceterorum ejusdem Societatis Collegiorum, & juxta eorum statuta, & consuetudines, aliasque ipsius Societatis Constitutiones per Presbyteros ejusdem Societatis in omnibus, & per omnia regendum, & gubernandum, Apostolica Auctoritate tenore præsentium, sine aliqujus præjudicio perpetuo erigimus, & instituimus, illique sic erecto, & instituto, ac pro tempore existentibus illius Rectori, Collegialibus, & personis quod omnibus, & singulis privilegiis, exemptionibus, immunitatibus, prærogativis, concessionibus, indultis, indulgentiis, ceterisque spiritualibus, & temporalibus gratiis, quibus cetera ejusdem Societatis Collegia, eorum Rectores, Collegiales, & aliæ personæ, de jure, usu, aut consuetudine, vel alias quomodolibet utuntur, fruuntur, potiuntur, & gaudent, ac uti, frui, potiri, & gaudere possunt, & poterunt quomodolibet in futurum, pariformiter, & absque ulla prorsus differentia, etiam per inde ac si illis specialiter concessa fuissent, uti, frui, potiri, & gaudere libere, & licite valeant, auctoritate, & tenore præmissis, de speciali gratia indulgemus.

Designatio  
Dotis.

§.4. Insuper eidem Collegio erecto pro Rectoris, & Collegialium, ac aliarum personarum in eo pro tempore degentium sustentatione, & subventionem Prioratum, qui Conventu, & animarum cura caret cum primum per cessum, etiam ex causa permutationis, vel decessum, seu quamvis aliam dimissionem, vel ammissionem, aut privationem illum ad præsens titulum, vel commendam obtinentis, seu alias quovis modo etiam apud Sedem Apostolicam etiam, in aliquo ex mensibus Nobis, seu Romano Pontifici pro tempore existenti, ac dictæ Sedi reservatis, aut Ordinariis Collatoribus, etiam per Constitutiones Apostolicas pro tempore editas, seu literas alternativarum vel alia privilegia, & indulta concessis habetenus, aut in posterum concedendis vacare contigerit, etiam si ille actu nunc, necnon Monasterium prædictum, sive ut præmittitur, sive alias quovis modo, quem etiam si ex illo quævis generalis reservatio, etiam in corpore juris clausa, non tamen per obitum apud dictam Sedem resultet, præsentibus haberi volumus pro expressis, aut Monasterium ex alterius, Prioratus vero prædicti ex cujuscumque persona, seu Monasterium per liberam cessionem dictæ Margaritæ Abbatisæ, vel cujuscumque alterius de illius Regimine, & Administratione, & Prioratum hujusmodi per resignationem cujuscumque de illo in Romana Curia, vel extra eam, etiam coram Notario publico, & testibus sponte factam, aut Prioratus per affectuionem alterius Beneficii Ecclesiastici, quavis auctoritate collati vacent, etiam si tanto tempore vacaverint, quod Monasterii provisio, & Prioratus prædictorum collatio juxta Lateranen. statuta Concilii, aut provisio prædicta, alias Canonicas Sanctiones

ad Sedem eandem legitime devoluta, & illa ex quavis causa ad dictam Sedem, specialiter, vel generaliter pertineat, ipseque prioratus dispositioni Apostolicæ reservatus existat, ac super eo, & eisdem regimine, & administratione inter aliquos lis, seu illorum possessorio, vel quasi Molestiæ, cujus litis statum, etiam præsentibus haberi volumus pro expresso pendeat indecisum modo tempore datæ præsentium eidem Monasterio de Abbatisa canonice provisum non sit, cum annexis hujusmodi, ac omnibus dicti Prioratus juribus, ac pertinentiis auctoritate, & tenore prædictis, etiam perpetuo unimus, annectimus, & incorporamus, ita quod liceat pro tempore existentibus Præposito Provinciali dictæ Societatis inferioris Germaniæ hujusmodi, ac Rectoribus, & Collegialibus dicti Collegii erecti hujusmodi nomine, propria auctoritate corporalem, realem, & actualem possessionem Monasterii, & sine præjudicio illum obtinentis Prioratus, ac annexorum, juriumque, & pertinentiarum prædictorum libere apprehendere, & perpetuo retinere, ac etiam Monasterio, & Prioratui prædictis illorumque Ecclesiis per se ipsos vel alios ex eis, seu quoscumque alios Presbyteros ad eorum liberum nutum, & arbitrium ponendos, & amovendos in divinis deservire, aut deserviri facere, necnon fructus, redditus, & proventus, jura, & obventiones, & emolumenta universa, illorum, & annexorum eorumdem percipere, exigere, levare, locare, arrendare, ac in suos, & Collegii erecti hujusmodi usus, & utilitatem convertere, Dioecesani loci, vel cujuscumque alterius licentia desuper minime requisita; proviso tamen quod dictis duabus Monialibus de necessariis ad earum sustentationem, earumdem vita durante, congruæ pro Monastice vitæ frugalitate, & continentia provideatur.

§.5. Decernentes quascumque collationes, provisiones, electiones, acceptationes, vel alias dispositiones de Monasterio, & Prioratu hujusmodi, etiam per Sedem prædictam, vel illius Legatos, etiam de latere, seu Nuncios, vel quoscumque alios quavis auctoritate faciendas, nullas, & invalidas fore, ac esse, ac pro non factis, & non concessis haberi, & nemini ullatenus suffragari debere, necnon eisdem præsentibus literis per quascumque generales, vel speciales, etiam derogatorias derogatorias, aliasque efficaciores, & insolitas Clausulas ac irritantia, & alia decreta sub quibuscumque verborum formis, & expressionibus concepta in se continentes, nullatenus derogari posse, nec derogatum censeri, nisi earumdem presentium tenor de verbo ad verbum, nihil penitus omisso insertus, & urgens, ac sufficiens causa expressa, & per trinas distinctas literas dictarum præsentium tenorem continentes tribus distinctis vicibus eidem Philippo Regi legitime intimatas, & insinuatatas, ac derogationes ipsæ Motu proprio, & ex certa scientia factæ fuerint, appareatque Roma-

Clausula.



num Pontificem illis expresse derogare voluisse, & alias pro tempore factas derogationes, nemini suffragari, easdemque presentes literas de subreptionis, vel obreptionis vitio, aut intentionis nostræ, vel alio quopiam defectu impugnari, vel invalidari nullatenus posse, nec sub quibusvis revocationibus, suspensionibus, limitationibus, modificationibus, aut aliis contrariis dispositionibus, etiam unionibus, annexionibus, aut suppressionibus, & extinctionibus effectum non sortitis, quæ post hac per Nos, vel Successores nostros Romanos Pontifices, tam in crastinum assumptionis cujuslibet eorum, ad summi Apostolatus apicem, quam alias quomodolibet, etiam cum quibusvis derogatoriis derogatoriis, aliisque efficacioribus, & insolitis clausulis, irritantibusque, & aliis decretis pro tempore factis tamquam effectum non sortitis, etiam si de eisdem presentibus, & earum toto tenore, ac data specialis, specifica, & expressa mentio fiat minime comprehendendi, sed illis, & quibusvis aliis contrariis non obstantibus in suis robore, & efficacia persistere, ac quoties illæ emanabunt, toties in pristinum statum restitutas, repositas, & plenarie reintegratas, ac de novo dicta Apostolica auctoritate concessas esse, necnon erectionem, institutionem, unionem, annexionem, ac incorporationem hujusmodi, donec illa plenarium sortita fuerit effectum, durare, ac irritum, & inane, quidquid secus super his, a quocumque quavis auctoritate, scienter vel ignoranter contigerit attentari.

Mandatur executio.

§.6. Quo circa Venerabilibus Fratribus nostris Tornacen., & Bruxen. Episcopis, ac Dilecto Filio Causarum Curie Camera Apostolicæ Generali Auditori per Apostolica scripta mandamus, quatenus ipsi, vel duo, aut unus eorum per se, vel alium, seu alios easdem presentes literas, & in eis contenta quæcumque ubi, & quando opus fuerit, ac quoties pro parte Philippi, ac Præpositi, & Rectoris, seu Collegialium prædictorum fuerint requisiti, solemniter publicantes, eisque in præmissis efficacis defensionis præsidio assistentes, faciant auctoritate nostra presentes literas, & in eis contenta quæcumque hujusmodi ab omnibus ad quos spectat, & spectabit quomodolibet in futurum, inviolabiliter observari, ipsosque Philippum Regem, ac Præpositum, & Rectorem, ac Collegiales, erectione, institutione, indulto, unionem, annexione, & incorporatione, aliisque præmissis omnibus & singulis juxta earundem presentium literarum continentiam, & tenorem pacifice frui, & gaudere. Non permittentes eos, seu eorum aliquem, desuper per quoscumque quomodolibet indebite molestari. Contradictores quoslibet, & rebelles, per sententias, censuras, & poenas Ecclesiasticas, aliaque opportuna juris, & facti remedia, appellatione postposita, compescendo, ac legitimis super his habendis servatis processibus illas sententias, censuras, & poenas ipsas incurrisse declarando, illas etiam itera-

tis vicibus aggravando, invocato etiam ad hoc, si opus fuerit, auxilio brachii secularis.

§.7. Non obstantibus priori voluntate nostra prædicta, ac Lateranen. Concilii novissime celebrati, uniones perpetuas, nisi in casibus a jure permissis fieri prohibentis, ac fel. rec. Bonifacii Papæ VIII. Prædecessoris nostri, etiam illa, qua cavetur, ne quis extra suam Civitatem, vel Dioecesim, nisi in certis exceptis casibus, & in illis ultra unam dietam a fine suæ Dioecesis ad iudicium evocetur, seu ne iudices a Sede prædicta deputati extra Civitatem, vel Dioecesim, in quibus deputati fuerint, contra quoscumque procedere, aut alii, vel aliis vices suas committere quoquo modo præsumant, & de duabus dietis in Concilio Generali edita, dummodo ultra tres dietas aliquis auctoritate presentium ad iudicium non trahatur, aliisque quibusvis Constitutionibus, & Ordinationibus Apostolicis, necnon Monasterii, & Prioratus, ac Ordinis prædictorum juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis illis, eorumque superioribus, & personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis in genere, vel in specie, etiam ad Imperatoris, Regum, Reginarum, Ducum, aut aliorum Principum instantiam, vel contemplationem, seu etiam Motu, & scientia similibus, etiam iteratis vicibus, etiam super provisione, seu præfessione de dictis Monasterio, & Prioratu, seu præsentatione, vel nominatione personarum ad illa, dum pro tempore vacant, aut alias concessis approbatis, & innovatis.

§.8. Quibus omnibus, etiam si pro sufficienti illorum derogatione, de illis, eorumque totis tenoribus specialis, specifica, individua, & expressa, ac de verbo ad verbum, non autem per clausulas generales, idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum infererentur presentibus, pro sufficienter expressis habentes illis alias in suo robore permanentibus, hac vice dumtaxat specialiter, & expresse derogamus, contrariis quibuscumque. Aut si aliqui super provisionibus, seu commendis sibi faciendis de Prioratibus hujusmodi speciales, vel aliis Beneficiis Ecclesiasticis in illis partibus generales dictæ Sedis, vel legatorum ejus literas impetrarint, etiam si per eos ad inhibitionem, reservationem, & decretum, vel alias quomodolibet sit processum, quas quidem literas, & processus habitos per easdem, & sequuta quæcumque ad dictum Prioratum volumus non extendi, sed nullum per hoc eis quoad assequutionem Prioratum, vel Beneficiorum aliorum præjudicium generari, & quibuslibet aliis Privilegiis, indulgentiis generalibus, vel specialibus quorumcum-

Derogatio contrariorum

que



Exceptio præ-  
servationis.

que tenorum existant per quæ præsentibus non expressa, vel totaliter non inserta effectus earum impediri valeat quomodolibet, vel differri, & de quibus, quorumque totis tenoribus habenda sit in nostris literis mentio specialis.

§.9. Volumus autem quod propter unionem, annexionem, & incorporationem hujusmodi Monasterium in spiritualibus non laedatur, & in temporalibus detrimentum non sustineat, ac Prioratus hujusmodi debitis non fraudetur obsequiis, sed eorum cujuslibet congruæ suportentur onera consueta.

§.10. Nulli ergo &c.

Dat. die 25.  
Maii 1584.  
An.XIII.

Datum Romæ apud Sanctum Petrum, Anno Incarnationis Dominicæ, millesimo quingentesimo octuagesimo quarto, 8. Kal. Junii, Pontificatus nostri Anno XIII.

## CLXV.

Ex Regest. in  
Secret. Brev.

Ereçtio Collegii Societatis Jesu in Oppido Monten. Cameracen. Diocesis.

GREGORIUS EPISCOPUS  
SERVUS SERVORUM DEI

*Ad perpetuam rei memoriam.*

Exordium.

**I**mmensa Dei providentia, a qua omnium bonorum operatio procedit, ea in suorum fidelium animis frequenter ingerit, quæ ad Christianæ Religionis instaurationem, ac propagationem, publicamque utilitatem, & salutem sunt maxime profutura. Unde Nos, quibus cura, ac salus Domini gregis est comissa, ipsorum fidelium, præsertim Catholicorum Regum vota in id tendentia ex intimo cordis affectu, libenter promovemus, & desuper officii nostri partes favorabiliter interponimus, pro ut rerum, locorumque circumstantiis debite pensatis conspiciamus in Domino salubriter expedire.

Facti series.

§.1. Cum itaque sicuti accepimus Prioratus Sancti Antonii de Barbasosse Ordinis Sancti Benedicti prope, & extra muros Oppidi Montensis Cameracen. Diocesis, quem Julianus Gergot Clericus ex concessione Apostolica in commendam ad ejus vitam, dum viveret, obtinebat, comenda hujusmodi per obitum dicti Juliani, qui extra Romanam Curiam de mense Januarii anni Domini 1583. diem clausit extremum, cessante adhuc eo, quo ante commendam ipsam vacabat modo, vacare noscatur ad præsens; & sicut charissimus in Christo filius Noster Philippus Hispaniarum Rex Catholicus Nobis nuper exposuit, ipse considerans Christianam Religionem in inferiori Germania his turbulentis, & calamitosi temporibus non parum labefactam esse, perspicuensque Presbyteros, ac alias personas Societatis Jesu, si inibi introducantur, ex uberibus fructibus, quos in dies tam in Juventute bonis moribus imbuenda, & simul cum pietate in liberalibus disciplinis exercenda, quam alias in vinea Domini passim producere so-

lent, ad ipsam Religionem restaurandam, & restauratam conservandam maxime profuturos esse; propterea in dicto Oppido, quod insigne est, unum Collegium dictæ Societatis perpetuo erigi, illique sic erigendo pro ejus stabilimento, ac introducendorum Rectoris, ac Collegialium sustentatione Prioratum prædictum perpetuo uniri plurimum desiderat, Quare dictus Philippus Rex asserens ejusdem Prioratus, ac illi forsan annexorum fructus, redditus, & proventus trecentos ducatos auri de Camera secundum communem æstimationem valorem annum non excedere, Nobis humiliter supplicari fecerit, quatenus ejus pio desiderio annuere, aliasque in præmissis opportune providere de benignitate Apostolica dignaremur.

Ereçtio Col-  
legii Monten.

§.2. Nos igitur, qui dudum inter alia voluimus, quod petentes beneficia Ecclesiastica aliis uniri, tenerentur exprimere verum annum valorem, secundum æstimationem prædictam, ac Beneficii, cui aliud uniri peteretur, alioquin unio non valeret, ac semper in unionibus commissio fieret ad partes, vocatis quorum interest, Religiosum, ac fervens dicti Philippi Regis in hoc opere aggrediendo studium propensæ voluntatis affectu prosequi volentes, ipsumque Philippum Regem a quibuscumque excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, necnon verum, & ultimum dicti Prioratus vacationis modum, etiam si ex illo quævis generalis reservatio, etiam, in corpore juris clausa, non tamen per obitum apud Sedem Apostolicam resultat, præsentibus pro expressis habentes, hujusmodi supplicationibus inclinati in dicto Oppido, & ædibus ibi ad hoc designandis, unum Collegium dictæ Societatis cum Ecclesia, seu Capella, & officinis necessariis, ac opportunis ad instar ceterorum ejusdem Societatis Collegiorum, uti prædicti, ac aliorum circumvicinorum Oppidorum, & locorum juvenus in bonis literis, moribusque, & pietate simul instituantur, ac verbum Dei prædicetur aliaque pia opera exercentur, ac alias juxta statuta, ac consuetudines ipsius Societatis per Presbyteros ejusdem Societatis in omnibus, & per omnia regendum, & gubernandum Apostolica auctoritate tenore præsentium sine alicujus præjudicio perpetuo erigimus, & instituimus, illique sic erecto, & instituto, ac pro tempore existentibus illius Rectoris, & Collegialibus, ceterisque personis, quod omnibus, & singulis privilegiis, exemptionibus, immunitatibus, prærogativis, concessionibus, indultis, indulgentiis, ceterisque spiritualibus, & temporalibus gratiis, quibus cetera Societatis hujusmodi Collegia, eorumque Rectores, Collegiales, & aliæ personæ de jure, usu, & consuetudine, vel alias quomodolibet utuntur, fruun-



1584.

fruantur, potiuntur, & gaudent, ac uti frui, potiri, & gaudere possunt, & poterunt quomodolibet in futurum, ac absque ulla prorsus differentia, etiam perinde, ac si specialiter illis concessa forent, gaudere libere, & licite possint, auctoritate, & tenore prædictis de speciali dono gratiæ indulgemus.

Unio Prioratus, de quo supra pro sustentatione.

§.3. Insuper eidem Collegio pro Rectoris, & Collegialium, aliarumque personarum in eo pro tempore degentium sustentatione Prioratum prædictum, qui Conventu, & animarum Cura caret, quovis modo, & ex cujuscumque persona, seu per liberam cujusvis cessionem de illo in dicta Curia, vel extra eam, etiam coram Notario publico, & testibus sponte factam, aut assequutionem alterius Beneficii Ecclesiastici ordinaria auctoritate collati vacet, etiam si tanto tempore vacaverit, quod ejus collatio juxta Lateranen. statuta Concilii ad Sedem eandem legitime devoluta, ipseque Prioratus dispositioni Apostolicæ specialiter, vel generaliter reservatus existat, & super eo inter aliquos lis, cujus statum præsentibus haberi volumus pro expresso, pendeat indecisa, dummodo tempore datæ præsentium non sit in eo alicui specialiter jus quæsitum, cum annexis hujusmodi, ac omnibus juribus, & pertinentiis suis, auctoritate tenore præfatis, etiam perpetuo unimus, annectimus, & incorporamus. Ita quod liceat pro tempore existentibus Præposito Provinciali inferioris Germaniæ dictæque Societatis, necnon Rectori, & Collegialibus Collegii hujusmodi per se, vel alium, seu alios eorum, & Collegii erecti hujusmodi nomine propria auctoritate corporale, reale, & actuale possessionem Prioratus, & annexorum, juriumque, & pertinentiarum prædictarum libere apprehendere, & perpetuo retinere, ac etiam eidem Prioratui, illiusque Ecclesiæ per se ipsos, seu quempiam eorum, etiam in ipsius Collegii erecti Ecclesiæ, seu Capellæ, aut per quemcumque alium Presbyterum, ad eorum liberum nutum, & arbitrium ponendum, & amovendum in Divinis deservire, aut deserviri facere, necnon fructus, redditus, & proventus, jura, obventiones, & emolumenta universa illius, & annexorum eorundem percipere, exigere, levare, locare, arrendare, ac in suos usus, & utilitatem convertere, Dioecesani loci, vel cujusvis alterius licentia desuper minime requisita.

Clausulæ.

§.4. Decernentes easdem præsentis literas de subreptionis, vel obreptionis vitio, seu intentionis nostræ, vel quopiam alio defectu notari, impugnari, seu invalidari nullatenus posse, necnon irritum, & inane quicquid secus super his a quoquam quavis auctoritate scienter, vel ignoranter contigerit attentari.

Mandatur executio.

§.5. Quocirca Venerabilibus Fratribus nostris Archiepiscopo Cameracen., & Episcopo Atrebaten., nostro, ac dilecto filio Curiae causarum Cameræ Apostolicæ generali Auditori per Apostolica scripta mandamus, quatenus ipsi, vel duo, aut unus eo-

rum per se, vel alium, seu alios easdem præsentis literas, & in eis contenta quæcumque ubi & quando opus fuerit, ac quoties pro parte dicti Philippi Regis, & pro tempore existentium Rectoris, & Collegialium, ac aliarum personarum Collegii erecti hujusmodi, seu alicujus eorum fuerint requisiti, solemniter publicantes, eisque in præmissis efficacis defensionis præsidio assistentes faciant auctoritate nostra literas prædictas, & in eis contenta hujusmodi ab omnibus, ad quos spectat, & spectabit quomodolibet in futurum, inviolabiliter observari, ipsosque Philippum Regem, & pro tempore existentes Rectorem, & Collegiales erectione, institutione, indulto, unione, annexione, & incorporatione, aliisque præmissis omnibus, & singulis juxta earumdem præsentium literarum continentiam, & tenorem pacifice frui, & gaudere. Non permittentes eos, seu eorum aliquem desuper per quoscumque quomodolibet indebite molestari. Contradictores quoslibet, & rebelles per sententias, censuras, & poenas ecclesiasticas, aliaque opportuna juris, & facti remedia, appellatione postposita, compescendo, ac legitimis super his habendis servatis processibus illos sententias, censuras, & poenas ipsas incurrisse declarando, illas etiam iteratis vicibus aggravando, invocato etiam ad hoc, si opus fuerit auxilio brachii secularis.

§.6. Non obstantibus priori voluntate nostra prædicta, & Lateranen. Concilii novissime celebrati uniones perpetuas, nisi in casibus a jure permissis fieri prohibentis, ac sel. rec. Bonifatii Papæ VIII. Prædecessoris nostri, qua cavetur, ne quis extra suam Civitatem, vel Dioecesim, nisi in certis exceptis casibus, & in illis ultra unam dietam a fine suæ Dioecesis ad judicium evoceatur, seu ne Judices a Sede prædicta deputati extra Civitatem, vel Dioecesim, in quibus deputati fuerint contra quoscumque procedere, aut alii, vel aliis vices suas committere quoquomodo præsumant, ac de duabus dietis in Concilio Generali edita dummodo ultra tres dietas, aliquis auctoritate præsentium ad judicium non trahatur, aliisque quibusvis Constitutionibus, & Ordinationibus Apostolicis, necnon Prioratus, & Ordinis prædictorum juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eidem Ordini, & quibusvis personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis in genere, vel in specie, etiam ad Imperatoris, Regum, Reginarum, Ducum, aut aliorum Principum instantiam, vel contemplationem, seu etiam motu proprio, & ex certa scientia, & consistorialiter, ac alias quomodolibet, etiam iteratis vicibus, etiam super provisione de dicto Prioratu, seu præsentatione, vel nominatione personæ ad illum, dum

Derogatio contrariorum



dum pro tempore vacat, aut alias concessis, approbatis, & innovatis.

§.7. Quibus omnibus etiam si pro illo-  
eum sufficienti derogatione, de illis eorum-  
que totis tenoribus specialis, specifica, in-  
dividua, & expressa, ac de verbo ad ver-  
bum, non autem per clausulas generales  
idem importantes mentio, seu quævis alia  
expressio habenda, aut aliqua alia exquisita  
forma ad hoc servanda foret, tenores hu-  
jusmodi, ac si de verbo ad verbum nihil  
penitus omisso, præsentibus pro sufficienter  
expressis, illis alias in suo robore perman-  
suris, hac vice dumtaxat specialiter, & ex-  
presse derogamus, contrariis quibuscum-  
que. Aut si aliqui super provisionibus, seu  
commendis, sibi faciendis de Prioratibus  
hujusmodi speciales, vel aliis beneficiis ec-  
clesiasticis in illis partibus generales dictæ  
Sedis, vel Legatorum ejus literas impe-  
trarint, etiam si per eas ad inhibitionem,  
reservationem, & decretum, vel alias quo-  
modolibet sit processum, quas quidem li-  
teras, & processus habitos per easdem, ac  
inde secuta quæcumque ad dictum Priora-  
tum volumus non extendi, sed nullum  
per hoc eis quoad affectationem Prioratum  
vel beneficiorum aliorum præjudicium ge-  
nerari, & quibuslibet aliis privilegiis, &  
indulgentiis, ac literis Apostolicis genera-  
libus, vel specialibus quorumcumque te-  
norum existant, per quæ præsentibus non  
expressa, vel totaliter non inserta effectus  
earum impediri valeat quomodolibet, vel  
differri, & de quibus, quorumque totis te-  
noribus de verbo ad verbum habenda sit in  
nostris literis mentio specialis. Proviso  
quod propter unionem, annexionem, &  
incorporationem prædictas dictus Prioratus  
debitis non fraudetur obsequiis, sed ejus  
congruæ suportentur onera consueta.

§.8. Nulli ergo omnino hominum liceat  
hanc paginam &c.

Dat. die 25.  
Maii 1584.  
An.XIII.

Datum Romæ apud Sanctum Petrum  
Anno Incarnationis Dominicæ, millesimo  
quingentesimo octuagesimo quarto, octavo  
Kalendas Junii, Pontificatus nostri Anno  
Decimotertio.

## CLXVI.

De electione Præpositi generalis, & alio-  
rum Prælatorum Congregationis Mona-  
chorum Eremitarum S.Hieronymi de Ob-  
servantia, celebrationeque Capituli gene-  
ralis, & retentione regularis observantiæ.

## GREGORIUS PAPA XIII.

*Dilectis filiis Præposito Generali, & Consul-  
toribus Congregationis Monachorum Eremitarum  
S. Hieronymi de Observantia, sa-  
lutem, & Apostolicam benedictionem.*

Exordium.

**E**A quæ ad prosperos Religionis vestræ  
successus ordinata fuerunt, nonnun-  
quam pro eorum veritate, & temporum  
ratione expedit immutare.

§.1. Alias siquidem, rebus vestræ Con-  
gregationis emendatione indigentibus, ple-

*Bull.Rom.Tom.IV.Par.IV.*

Hic Pontifex  
multa consti-  
tuit, quæ ha-

raque ad preces vestras decrevimus, & præ-  
sertim de tempore celebrationis Capituli ve-  
stri generalis, deque modo electionis Præ-  
positi generalis, Consultorum, Visitato-  
rum, Definitorum, necnon Priorum, Vi-  
cariorum, & aliorum ad munia dictæ Con-  
gregationis desumendorum, eorumque  
qualitatibus, muneribus, & officiis, aliis-  
que regimen, & salubrem directionem ejus-  
dem Congregationis concernentibus, ut di-  
versis aliis nostris literis plenius continetur,  
sed ut probavit eventus, eorum nonnullis,  
sive mutandis, sive corrigendis, nova est  
opera adiungenda.

§.1. Quare illis omnibus, quæ, & qua-  
tenus præsentibus obsunt, subductis, & re-  
scissis, ceteris vero in suo robore permanen-  
tibus, auctoritate præsentium statuimus, &  
ordinamus, ut posthac in perpetuum, Ca-  
pitulum vestrum generale tertio quoque an-  
no celebretur: interim vero singulis annis  
Præpositus generalis, & Consultores, qui  
tempore erunt, pro novorum, si eis expedi-  
re videbitur, Vicariorum, & Economorum  
dictæ Congregationis electione congre-  
gentur.

Capitulum  
ideo generale  
quolibet tri-  
ennio celebrari  
jubet.

§.3. Et si contingat eundem Præposi-  
tum intra hoc triennium decedere, vel of-  
ficio amoveri, Consultores Congregatio-  
nis hujusmodi suos Priores illico ad se avo-  
cent, qui intra vigesimum diem ad locum  
celebrationis futuræ electionis novi Præpo-  
siti generalis præsto adsint.

Præposito ge-  
nerali interim  
decedente, vel  
amotō alter  
eligatur, ut  
hic.

§.4. Interim vero Consultor professio-  
ne antiquissimus vices, auctoritatemque  
Præpositi generalis in omnibus gerat.

Priores cum  
Procuratori-  
bus electioni  
Præpositi, &  
Definitorum  
intersint.

§.5. Ipsi autem Priores, cum Procura-  
toribus singulorum Monasteriorum, & alio-  
rum regularium locorum dictæ Congrega-  
tionis, juxta antiquas illius constitutiones,  
ad Capitulum generale accedent, & ele-  
ctioni Præpositi generalis, ac Definitorum  
hujusmodi intersint.

§.6. Præpositus vero, & Definidores  
hujusmodi de Priorum eorumdem corpore  
eligantur.

Illi autem ex  
Prioribus eli-  
gantur.

§.7. Ceterum constitutionibus prædictis  
inhærendo, si contingat aliquem dictorum  
Priorum, intra triennium, quo Capitulum  
ipsum generale celebrandum erit, decedere,  
vel a Prioratu suo regulariter amoveri, eo  
casu Præpositus generalis, & Consultores  
prædicti statim aliquem ex Vicariis Mona-  
steriorum, aut aliorum regularium loco-  
rum Congregationis hujusmodi, in locum  
defuncti, vel amoti substituant, ne hoc  
negocium ad subsequens Capitulum gene-  
rale deferant.

Prioratu ali-  
quo vacante,  
Præpositus, &  
Consultores  
alium ex Vi-  
cariis substi-  
tuant.

§.8. Adhæc, præpositus ipse generalis  
sic electus, quem obtinebat Prioratum, non  
amittat, sed etiam Præpositus triennalis  
hujusmodi illum cum hoc retineat. Trien-  
nioque ipso peracto, ipse Prior sui Priora-  
tus, ut antea remaneat, & nihilominus  
ipse dicto durante triennio sui Præpositatus  
etiam Prior Monasterii Sancti Alexii de Ur-  
be ejusdem Congregationis non autem al-  
terius sit.

Præpositus  
durante trien-  
nio, & postea  
Prioratū quē  
habebat, reti-  
net, & est etiā  
Prior S. Ale-  
xii de Urbe.

§.9. Perfuncto vero Præpositura trien-



1584.  
Post triennium  
vacare debet  
per sex annos  
a d. officio.

Ambitus pro-  
hibetur.

Pecunia Con-  
gregationis a-  
licui Mona-  
sterio non ap-  
plicetur.

Capitulum ge-  
nerale ubi ce-  
lebrandum.

Regularis ob-  
servantia, in  
quibus locis  
retinenda.

Hujus Consti-  
tutionis ob-  
servantia pre-  
cipitur.

Ejusque pu-  
blicatio Præ-  
posito com-  
mittitur.

nalis hujusmodi officio, nullus ad sequens triennium, aut aliud tempus Præpositus generalis confirmetur, nec quisquam ante sex completos a fine hujus officii rursus in Præpositum generalem eligatur.

§.10. Nulli præterea Monachorum Congregationis hujusmodi, cujuscumque dignitatis, vel conditionis, liceat literas etiam commendatitias, seu favorem, auxilium, vel gratiam, aut quicquam aliud a Principibus secularibus, Dominis, vel Nunciis, per se, aut interpositas personas ex quavis causa, aut quovis prætextu quærere, vel impetrare, quod in detrimentum, præjudicium, vel derogationem dictæ Congregationis, aut illius personarum, seu constitutionum, ordinationum, vel statutorum directe, vel indirecte cedat, qui secus fecerit, per annum in carcere constitutus poenitentiam agat, sitque præterea ad dignitates, & officia dictæ Congregationis perpetuo inhabilis.

§.11. Præpositus insuper generalis, & Consultores pro tempore existentes prædicti, per se, vel alium, seu alios nullam pecuniarum summam ad Congregationem ipsam spectantem, alicui Monasterio, vel regulari loco, pro ejus fabrica, sive nostra, aut Protectoris vestri licentia erogent, qui contrafecerint, excommunicationis sententiam eo ipso incurrant, sintque suis dignitatibus, & officiis eo ipso privati, ac pariter inhabiles ad futura.

§.12. Postremo, Capitulum ipsum generale, seu Congregatio alibi quam Romæ, aut Bononiæ, seu Mediolani, vel in Monasterio Hospitali nullo modo celebretur.

§.13. Regulæ vero observantia saltem in Hospital. prædicti, necnon Castellatii, & S. Hieronymi Mantuanen., ac Sancti Sigismundi Cremonen., & S. Savini Placentin., ac S. Barbatiani Bononien. Monasteriis, numerusque saltem centum sexaginta Monachorum inter Sacerdotes, & Clericos, ultra Conversos, & Servientes, perpetuo conservetur. Decernentes irritum, & inane, si secus super his a quoquam, quavis auctoritate, scienter, vel ignoranter contigerit attentari.

§.14. Quocirca vobis & pro tempore existentibus Præposito generali, ac Consultoribus, necnon universis, & singulis Prioribus, Monachis, & personis dictæ Congregationis, per Apostolica scripta mandamus, ut præsentem literas humiliter suscipiatis, & quæcumque in eis continentur, alia desuper a Nobis non expectata jussione, aut mentis nostræ declaratione inviolate custodiat.

§.15. Tibi vero Præposite, ut ipsas præsentem in omnibus dictæ Congregationis Monasteriis, & locis solemniter publicare, & ut illis omnino ab omnibus pareatur, efficere procures. Contradictores quoslibet, & rebelles, eisque auxilium, vel favorem, publice, vel occulte, directe, vel indirecte, quovis quæsito colore præstantes, tam Ecclesiasticos, quam seculares, cujuscumque dignitatis, status, gradus, ordinis,

vel conditionis fuerint, per censuras, & poenas Ecclesiasticas, aliaque juris, & facti remedia opportuna, appellatione postposita, compescendo, censurasque, & poenas ipsas etiam sæpius aggravando, invocato etiam ad hoc, si opus fuerit, auxilio brachii secularis.

§.16. Non obstantibus præmissis, ac sel. rec. Bonifacii VIII. Prædecessoris hujusmodi de una, & in Concilio generali edita de duabus dietis, & aliis Apostolicis Constitutionibus: necnon Congregationis, ac Ordinis prædictorum juramento, confirmatione Apostolica, vel quavis firmitate alia roboratis statutis, & consuetudinibus privilegiis quoque, indultis, & literis Apostolicis, illis, eorumque Superioribus, & personis, sub quibuscumque tenoribus, & formis, ac cum quibuscumque, etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis, in genere, vel in specie, etiam consistorialiter, ac alias quomodolibet concessis, & etiam pluries confirmatis, & innovatis. Quibus omnibus etiam si pro illorum sufficienti derogatione, de illis, eorumque tenoribus, specialis, specifica, expressa, & individua, non autem per clausulas generales idem importantes mentio, aut quavis alia expressio habenda, aut aliqua alia exquisita forma ad hoc servanda foret, illorum tenores, ac si ad verbum infererentur præsentibus, pro sufficienter expressis habentes, illis alias in suo robore permansuris, hac vice dumtaxat specialiter, & expresse derogamus, contrariis quibuscumque. Aut si Congregationi, Prioribus, & Monachis prædictis, vel quibuscumque aliis communiter, vel divisim ab Apostolica sit Sede indultum, quod interdicti, suspendi, vel excommunicari non possint per literas Apostolicas, non facientes plenam, & expressam, ac de verbo ad verbum de indulto hujusmodi mentionem.

Datum Romæ apud Sanctum Petrum, sub annulo Piscatoris, die 25. Maii, millesimo quingentesimo octuagesimo quarto, Pontificatus nostri Anno Decimotertio.

D.P. An. XIII  
25. Maii.

## CXLVII.

Institutio Collegii, ad scholares Nationis Maronitarum, pie & catholice, bonis artibus, Christianisque moribus, & doctrina instruendos in Urbe, & deputatio Cardinalis pro ejus regimine, Annuorumque reddituum assignatio pro eorundem sustentatione.

GREGORIUS EPISCOPUS

SERVUS SERVORUM DEI

Ad perpetuam rei memoriam.

**H**umana sic ferunt quandoque consilia, ut quæ, vel provida deliberatione ab initio constituentur, operæ pretium sit, spe melioris futuræ frugis postea immutare.

Exordium.

§.1. Nu-

Contrariis de-  
rogat.



Hic Pontifex instituit in Urbe Hospitalitale pro natione Maronitarum, ad eorum fidem Catholicam retinendam, & augendam.

§.1. Nuper enim ut nationi Maronitarum, qui in Libani montibus degentes, a multis sæculis sub S. R. E. obedientia, & devotione fidem Catholicam inter tot circumstantes Infidelium, & Schismaticorum sectas retinent, ac certis annorum spatiis ad Apostolorum limina visitanda, Sedemque Apostolicam amplectendam, & recognoscendam, aliquos destinare soliti sunt, de peculiari loco ad usum Hospitalitatis erga ejusdem Nationis Indigenas ad Urbem confluentes exercenda, nostra ope provisum esset, ipsiusque Nationis erga Sedem ipsam devotio continuum susciperet incrementum, nec tanto labore conservata fidei semina arescerent, per quasdam unionem, annexionem, & incorporationem olim de Parochiali Ecclesia S. Joannis de Ficocia Regionis Trivii de Urbe, Parochiali Ecclesia Sancti Andreae ejusdem Regionis Apostolica auctoritate factas perpetuo dissolvimus, & apud ipsam Ecclesiam S. Joannis, nomine, denominatione, & essentia parochialis Ecclesiae in ea etiam perpetuo suppressis, & extinctis, ac cura animarum illius parochianorum una cum eisdem parochianis, juriisque parochialibus ad dictam Ecclesiam S. Andreae translata, unum Hospitalale in quo pauperes peregrinis dictae Nationis recipi, & confoveri deberent, similiter perpetuo ereximus, & instituimus, illique sic erecto, & instituto eandem Ecclesiam S. Joannis sine cura effectam cum suis domibus, aedificiis, hortis, membris, & pertinentiis illis contiguis, eorumque situ, & ambitu pariter perpetuo concessimus.

Deinde annuos redditus, domosque &c assignavit.

§.2. Per alias vero nostras literas eidem Hospitali, ut onera ei incumbencia commodius perferri possent, pensionem annuam certis modo, & forma tunc expressis liberam, immunem, & exemptam, ac ad quindecim annos tunc proximos dumtaxat duraturam ducentorum ducatorum monetæ illarum partium, super mensæ Episcopalis S. Agathæ fructibus, redditibus, & proventibus, ac Rectori, vel Administratori pro tempore existenti dicti Hospitalis, seu illius Procuratori legitimo, durantibus dictis quindecim annis tantum, per Venerabilem fratrem nostrum Felicianum Episcopum Sanctæ Agathæ, & successores suos Ecclesiae S. Agathæ Præsules, seu Administratores pro tempore existentes, etsi ipsis mille ducati, annuatim ex fructibus, redditibus, & proventibus prædictis non remanerent, annis singulis in certis loco, & terminis, ac sub sententiis, censuris, & poenis, etiam tunc expressis, integre persolvendum reservavimus, & constituimus, & assignavimus, prout in singulis literis prædictis plenius continetur.

§.3. Nunc vero erectionis Hospitalis hujusmodi negotio maturius perpenso, etsi illud insigne pietatis opus, dictæque Nationi gratum, & commodum sit, meliora tamen æmulando charismata majorem Dei laudem, utilioreque eidem Nationi operam fore censemus, si loco dicti Hospitalis, quod in suis primordiis adhuc recens est,

Bull. Rom. Tom. IV. Par. IV.

unum Collegium pro recipiendis, & instituendis illius Nationis pueris ad bonas literas capeffendas aptis, erigeretur, & institueretur. Cum enim in partibus illis, sub gravi Turcarum jugo, & tyrannide constitutis, vix facultas detur bonarum literarum studia excolendi, & exinde multos a fide Catholica aversos æternis tenebris detineri, simplicesque, & rudes a susceptæ veritatis cultu abduci facile contingat, futurum omnino speramus, ut successu temporis ipsius Collegii Alumni, pietatis, & veræ Religionis odore, a Montis Sion cypressis, & S. E. R., quæ sola caput est aliarum, documentis largius imbuti, illum in cedros Libani, Nationemque suam refundant, ac collabentem, & perturbatam in suis Regionibus Fidem Dei beneficio sustineant, atque refarciant; & ita prædictum corporale opus, quod paucis in hac Urbe tantum profuturum erat, in magis spiritualem ad totius Nationis utilitatem, & salutem convertatur.

§.4. Quo circa motu simili, & ex certa scientia, deque Apostolica potestatis plenitudine, in dicto Hospitali nomen, denominationem, & essentiam Hospitalis, ac quodcumque onus Hospitalitatis ibidem exercendæ, salvis tamen, & illæsis remanentibus dissolutione, concessione, pensionem, & aliis supradictis, Apostolica auctoritate, tenore præsentium, perpetuo supprimimus, & extinguimus, illudque in Collegium Maronitarum nuncupandum, ad alendam, bonisque moribus ornandam, ac vera pietate, sanaque doctrina, & reliquis Christiano homine dignis virtutibus instruendam ipsius Nationis juventutem, auctoritate, & tenore prædictis, etiam perpetuo erigimus, & instituimus. Ipsumque Collegium sic erectum, & institutum in locum dicti Hospitalis, quoad Ecclesiam S. Joannis, ac illius domos, aedificia, hortos membra, & pertinentia, eorumque situm, & ambitum, necnon pensionem ducentorum ducatorum hujusmodi, ejusdemque pensionis terminos decurfos, & non solutos, siqui sint, in omnibus, & per omnia perinde, ac si pro ipso Collegio non autem Hospitali specialiter, & expresse, ab initio emanassent, illique concessa, & reservata fuissent, subrogamus.

§.5. Et nihilominus eidem Collegio Ecclesiam Sancti Joannis, cum domibus, aedificiis, hortis, & pertinentiis, eorumque situ, & ambitu hujusmodi, ita quod liceat Protectori, seu Rectori dicti Collegii pro tempore existenti illorum omnium corporalem possessionem per se, vel alium, seu alios nomine ejusdem Collegii propria auctoritate libere apprehendere, & perpetuo retinere, fructusque, redditus, & proventus, jura, obventiones, & emolumenta quæcumque inde provenientia, in Collegii, & Ecclesiae Sancti Joannis hujusmodi usus, & utilitatem, ac necessitates convertere. Necnon eidem Ecclesiae S. Joannis per unum, vel plures, etiam dictæ Nationis Sacerdotes seculares, vel regulares,

Collegium Maronitarum erexit, ad d. Nationis juventutem bonis moribus, sanaque doctrina instruendum.

Eique dictas domos & redditus assignat, & Missam & alia divina officia arabico, vel chaldaico idioma celebrandi licentiam concedit.

Hic modo Pontifex d. Hospitalitale suppressit, ad magis spiritualem d. Nationis utilitatem.



ad nutum pro tempore existentis Protectoris Collegii hujusmodi ponendos, & amovendos deserviri, Missasque, & alia Divina Officia etiam Arabico, vel Caldaico idiomate celebrari facere, cujusvis licentia desuper minime requisita, eisdem Apostolica auctoritate, & tenore, similiter perpetuo concedimus. Pensionemque annuam ducentorum ducatorum hujusmodi, super prædictæ mensæ fructibus, redditibus, & proventibus eidem Collegio, seu illius pro tempore existenti Protectori, vel Rectori, aut ejus Procuratori, vel Œconomo ad id, ab ipso Protectore, seu Rectore speciale mandatum habenti, durantibus dictis quindecim annis dumtaxat per Felicianum Episcopum, & Successores prædictos, annis singulis, in loco, & terminis, ac sub sententiis, censuris, & poenis, necnon cum omnibus, & singulis exemptionibus, immunitatibus, libertatibus, decretis, & clausulis, ac alias modo, & forma, quibus dicto Hospitali reservata erat, & solvi debebat, integre persolvendam, Apostolica auctoritate & tenore similibus reservamus, constituimus, & assignamus.

Exemptionem a jurisdictione quorumcumque Ordinariorum & Judicum.

§.6. Insuper Collegium prædictum, illiusque Rectorem, Œconomos, Magistros, Protectores, atque Scholares pro tempore in eo existentes, eorumque Domesticos, Officiales, & Ministros, necnon ipsius Collegii bona mobilia, & immobilia, præsentia, & futura cujuscumque qualitatibus, & quantitatis existentia, ac tam in dicta Urbe, quam extra eam, & alias ubicumque locorum consistentia, ab omni jurisdictione, dominio, superioritate, & potestate pro tempore existentium Vicarii, Senatoris, Conservatorum, & Reformatorum dictæ Urbis, necnon Rectoris Studii Generalis ejusdem Urbis, ac Ordinariorum locorum, aliorumque Judicum, & Officialium quorumcumque in ipsa Urbe, vel alias ubilibet constitutorum.

Gabbellarum, & quorumcumque pedagiorum solutione enlargitur.

§.7. Necnon idem Collegium in propriis ejus bonis, & rebus ac dicti Collegii ratione, Scholares personasque in eo degentes, ac alios cum ipso contrahentes, ab omnibus, & singulis Portarum, Molendinorum, Farinæ, trium pro centenario, ac quatuor Juliorum pro quolibet vegete vini solvi solitorum, aliisque datii, pedagiis, vestigalibus, angariis, ac terræ, marisque gabellis, Dohanis, Bulletinis, & quibuscumque aliis oneribus ordinariis, & extraordinariis, hætenus quomodolibet impositis, & in posterum quodcumque quavis occasione vel causa, etiam de necessitate exprimenda imponendis, etiam ad instar exemptionis dilectorum filiorum Clericorum Camera Apostolicæ, etiam ratione Ripæ, Ripettæ, Dohanæ Terræ, etiam Grasciæ nuncupatæ Urbis prædictæ, necnon carniū, vini, granorum, pannorum, lini, lanæ, serici, librorum, cartarum, & quarumcumque aliarum rerum ad humanum victum, & vestitum necessariorum, ex toto nostro Statu Ecclesiastico, & quibuscumque aliis locis

extra dictum statum consistentibus ad dictum Collegium, tam per terram quam per mare, & aquam dulcem, & alias quomodolibet conducendorum, & etiam jam ad Urbem ipsam conductorum, & in ea existentium, ac pro eodem Collegio in magna, seu parva quantitate tam in Barchis, quam in Magazinis, & alias ubilibet emendorum, Apostolica auctoritate, & tenore prædictis eximimus, & liberamus, ac sub Beati Petri, & dictæ Sedis, atque nostra protectione suscipimus, Nobisque, & eidem Sedi immediate subicimus.

§.8. Ipsi quoque Collegio, Rectori, Scholaribus, Præceptoribus, Magistris, Œconomis, Officialibus, Ministris, personis, ut quibuscumque privilegiis, exemptionibus, libertatibus, facultatibus, gratiis, & indultis, quibus studium generale dictæ Urbis, necnon alia Germanicæ, Anglicæ, & Græcæ Nationum Collegia, in ipsa Urbe a Nobis instituta, illorumque Rectores, Scholares, Præceptores, Magistri, Œconomi, Officiales, Ministri, & personæ, quovis modo utuntur, potiuntur, & gaudent, ac uti, potiri, & gaudere possunt, & poterunt quomodolibet in futurum, non solum ad eorum instar, sed æque principaliter, & pariformiter in omnibus, & per omnia uti, potiri, & gaudere valeant, eisdem Apostolica auctoritate, & tenore pariter perpetuo concedimus, & indulgemus, illaque eis communicamus.

§.9. Districtius inhibentes Vicario, Senatori, Conservatoribus, & Reformatoribus Urbis, ac Rectori Studii, aliisque Judicibus, & Officialibus hujusmodi, necnon pro tempore existenti S. R. E. Cameraario, Præsidentibus, ac prædictis Clericis, ac quibuscumque Commissariis ad exactiorem decimarum, & aliorum onerum prædictorum pro tempore deputatis, ne quarumvis literarum eis sub quibuscumque tenoribus, & formis concessarum prætextu, Collegium Maronitarum, illiusque Rectorem, Scholares, Præceptores, Magistros, Œconomos, Officiales, & Ministros prædictos, seu eorum aliquem in præmissis quovis modo molestant, aut molestari permittant.

§.10. Ut autem ipsius Collegii Maronitici conservationi, bonoque regimini tam in his, quæ ad instructionem, & disciplinam, quamque ad victum, vestitum, aliaque hujusmodi necessaria pertinent, opportune consulatur, dilectum filium nostrum Antonium tit. S. Eusebii Presbyterum Cardinalem Carrassam nuncupatum, ejusdem Collegii Maronitici Protectorem, & defensorem, cujus consilio, & ope, omnia super prædicta, & alia quæcumque ad eosdem in ipsius Collegium Maronitarum admittendos, retinendosque Scholares spectantia, ac alias quomodolibet necessaria agantur, statuantur, & ordinentur, constituimus, & deputamus. Necnon Antonio Cardinali, & pro tempore existenti Protectori prædicto pro ejusdem Collegii Maronitici, illiusque per-

Indulta, & privilegia Studii generalis Almar Urbis, & similia Collegiorum in Urbe institutorum, eidem Collegio concedit.

Officialibus Curia Romanæ, & alii prohibet ne in præmissis Collegii perturbent.

Cardinalem ejus Protectorem, & gubernatorem deputat.



personarum, bonorum, rerum, & iurium, tam spiritualium quam temporalium salubri directione, & conservatione, Rectores, Præceptores, Magistros, Economos, Advocatos, Procuratores, ceterosque Ministros, & Officiales in eo deputandi, & amovendi, & loco amovendorum alios suffiendi, necnon statuta, ordinationes, & decreta quæcumque, licita tamen, & honesta, ac Sacris Canonibus, & decretis Concilii Tridentini non contraria, faciendi, & edendi, ac illa quoties pro eorum, & temporum qualitate, seu alias expediens videbitur, immutandi, corrigendi, moderandi, reformandi, interpretandi, & etiam alia ex integro condendi, quæ postquam edita, immutata, correctæ, moderata, reformata, & condita fuerint, eo ipso dicta Apostolica auctoritate confirmata, & approbata sint, & esse censeantur, ac ab omnibus, ad quos pro tempore spectabit, etiam sub pœnis in contravenientes statuendis observari debeant, plenam, liberamque facultatem tribuimus.

Clausulas  
præservativas  
huic Bullæ  
apponit.

§.11. Decernentes præmissa omnia, & singula, ac præsentis literas, nullo umquam tempore, sive pro eo quod causæ, propter quas hæc omnia facta sunt, coram dicto Vicario, vel quocumque alio examinatæ, verificatæ, & approbatæ, ac quicumque interesse habentes ad id vocati non fuerint, nec eisdem præmissis consenserint, sive alias ex quibuscumque causis, de subreptionis, aut nullitatis vitio, seu intentionis nostræ, vel quocumque alio defectu, notari, impugnari, tractari, impugnari, retractari, seu etiam revocari, suspendi, restringi, limitari, aut in jus, vel controversiam vocari, seu ad terminos juris reduci posse, nec quemquam ad easdem præsentis literas in Camera prædicta, juxta Constitutionem Pii Papæ V. Prædecessoris nostri desuper editam, aut alias quodcumque præsentandum, insinuandum, & registrari faciendum teneri, neque propterea illas irritas esse, sed omnimodo valere, acsi Constitutio prædicta, & alia contraria minime emanassent.

Decretum irritans adijcit.

§.12. Sicque per quoscumque Judices Ordinarios, & Delegatos, etiam causarum Palatii Apostolici Auditores, ac ejusdem S. R. E. Cardinales, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiri debere; irritum quoque, & inane, si secus super his a quoquam, quavis auctoritate scienter, vel ignoranter contigerit attentari.

Clausulas derogatorias subijcit.

§.13. Non obstantibus præmissis, & Lateranen. Concilii ultimo celebrati uniones perpetuas nisi in casibus a jure permissis fieri & pensiones annuas super fructibus mensarum Episcopaliū, nisi excessionis aut alia probabili causa reservari prohibentis, ac quatenus opus sit, nostris de unionibus committendis ad partes, vocatis interesse habentibus, exprimendoque valore etiam beneficii, cui aliud petitur uniri; necnon de præstando consensu in pensionibus, aliisque

Constitutionibus, & Ordinationibus Apostolicis, ac Urbis locorum, & Camera prædictorum etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, illis, ac Vicario, Senatori, Conservatoribus, Reformatoribus, Ordinariis, aliisque Judicibus, & Officialibus, necnon Camerario, Præsidentibus, & Clericis prædictis, ac quibuscumque Dohaneriis, Commissariis, & aliis personis, ad exactionem pedagiorum, & aliorum onerum hujusmodi pro tempore deputatis, necnon dilectis filiis Populo Romano, ac quorumcumque locorum Communitatibus, Universitatibus, & Hominibus, sub quibuscumque tenoribus, & formis, & cum quibuscumque etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis, in genere vel in specie, etiam Motu, scientia, & potestatis plenitudine similibus, ac alias quomodolibet etiam iteratis vicibus concessis, approbatis, & innovatis. Quibus omnibus, etiam si de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda esset, tenores hujusmodi, ac si de verbo ad verbum nihil penitus omisso, & forma in illis tradita observata inserti forent, illis alias in suo robore permansuris, hac vice dumtaxat, specialiter, & expresse derogamus. Necnon omnibus illis, quæ in singulis literis prædictis voluimus non ob stare, ceterisque contrariis quibuscumque.

Nulli ergo &c. Si quis autem &c.

Datum Romæ apud S. Petrum, Anno Incarnationis Dominicæ millesimo quingentesimo octuagesimo quarto, quinto Kal. Julii, Pontificatus nostri Anno XIII.

D.P. An. XIII.  
27. Junii.

### CLXVIII.

Erectio Collegii Societatis Jesu in Civitate Brugen.

Ex Regest. in  
Secret. Bre-  
vium.

GREGORIUS EPISCOPUS

SERVUS SERVORUM DEI

Ad perpetuam rei memoriam.

Immensa Dei providentia, a qua omnium bonorum operatio procedit, ea in suorum fidelium animis frequenter ingerit, quæ ad Christianæ Religionis instaurationem, & propagationem, publicamque utilitatem, & salutem sunt maxime profutura; unde Nos, quibus cura, & salus Dominici gregis, divinitus est demandata, ipsorum fidelium, præsertim Catholicorum Regum vota in id tendentia ex intimo cordis affectu libenter promovemus, & desuper officii nostri partes favorabiliter interponimus, prout rerum, locorumque circumstantiis debite pensatis, conspiciamus in Domino salubriter expedire.

Exordium.

§.1. Sane



§.1. Sane charissimus in Christo filius noster Philippus Hispaniarum Rex Catholicus Nobis nuper exponi fecit, quod licet alias in Civitate Brugen. unum Collegium Societatis Jesu erectum, seu inchoatum fuerit, tamen malorum temporum conditio fert, ut illud, quod ad Fidei Catholicae defensionem, & propagationem, ac juventutis in bonis literis, & christianis moribus institutionem non minus utile, quam necessarium fuerat, prout est hodie, dissolutum sit, idque agnoscens idem Philippus Rex, qui etiam Flandriae Comes existit, ac considerans uberes fructus, quos Presbyteri dictae Societatis tam legendo, quam predicando, ac alias in vinea Domini passim producere soleant, & quo ad Christianam Religionem in inferiori Germania his turbulentis temporibus labefactatam restaurandam, restauratam conservandam utiles sint, hujusmodi Collegium in praedicta Civitate restitui plurimum desiderat.

§.2. Et sicut eadem subungebat expositio, si in dicta Civitate unum Collegium dictae Societatis cum Ecclesia, seu Cappella, & aliis necessariis perpetuo erigeretur, ac in Monasterio Dulcis Vallis Ordinis S. Augustini Canonicorum Regularium olim Tornacen., nunc vero Brugen. Dioecesis per Abbates regi, & gubernari solito, in loco deserto fundato, & in quo ad praesens Canonici non degunt, & si qui ex illo superessent, ii per saeculum, seu alia dicti Ordinis regularia loca dispersi vagantur, cujusque Ecclesia causa civilis Belli everfa, & solo aequata est, ut jam spes non sit, quod ejus Abbas, qui nunc est, & pro tempore fuerit, illam restaurare valeat, cum primum vacare contigerit, nomen, titulus, ac denominatio Monasterii, & Abbatis perpetuo supprimerentur, & ab eo sic suppresso omnia, & singula ejus res, & bona dismembrarentur, & separarentur, ac sic dismembrata, ac separata erigendo Collegio praedicto pro ejus stabilimento, & Rectori, ac Collegialium in eo introducendorum sustentatione, & manutentione perpetuo applicarentur, ex hoc Catholica Religio majora in dies in dicta Civitate susciperet incrementa. Quare dictus Philippus Rex Nobis humiliter supplicari fecerit, quatenus ejus pio desiderio annuere, aliasque in praemissis opportune providere de benignitate Apostolica dignaremur.

Erectio Collegii praefati.

§.3. Nos igitur qui dudum inter alia volumus, quod petentes Beneficia Ecclesiastica aliis uniri, tenerentur exprimere verum annum valorem secundum estimationem communem, etiam beneficii, cui aliud uniri peteretur, alioquin unio non valeret, & semper in unionibus commissio fieret ad partes, vocatis quorum interesset, religiosum, & fervens dicti Philippi Regis in hoc opere agrediendo studium propensa voluntatis affectu prosequi volentes, ipsumque Philippum Regem a quibuscumque Excommunicationis, & interdicti, aliisque Ecclesiasticis sententiis, censuris, & poenis a jure vel ab homine, quavis occasione, vel

causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censes, hujusmodi supplicationibus inclinati in dicta Civitate, ubi jam alias Collegium, ut praefertur, inchoatum fuit, seu alibi, & aliis aedibus ad hoc ibi designandis, unum Collegium dictae Societatis cum Ecclesia, seu Capella convenienti, ac Campanili humili, Campana, Sacrario, & aliis structuris necessariis atque opportunis, ubi praedicta, & aliarum circumvicinarum Civitatum, Oppidorum, & locorum Juventus in bonis literis, moribusque, & pietate simul instituantur, ac verbum Dei predicetur, aliaque pia opera, exerceantur, ad instar ceterorum ejusdem Societatis Collegiorum, ac alias juxta statuta, & consuetudines ipsius Societatis, per Presbyteros ejusdem Societatis in omnibus, & per omnia regendum, & gubernandum Apostolica auctoritate, tenore praesentium, sine alicujus praedictio perpetuo erigimus, & instituimus.

§.4. Necnon in Monasterio praedicto cujus, & illi forsan annexorum fructus, redditus, & proventus, ad centum, & viginti florenos in libris Camerae Apostolicae taxati reperiuntur, cum primum illud per cessum etiam ex causa permutationis, vel decessum, seu quamvis aliam dimissionem, vel amissionem, aut privationem illud ad praesens in titulum, vel commendam obtinentis, seu alias quovis modo etiam apud Sedem Apostolicam, etiam in aliquo ex mensibus Nobis, seu Romano Pontifici pro tempore existenti, & dictae Sedi reservatis, aut ordinariis collatoribus, etiam per Constitutiones Apostolicas, pro tempore editas, seu literas alternativarum, vel alia privilegia, & indulta concessa hactenus, aut in posterum concedenda vacare contigerit, etiam si illud actu nunc quovis modo, quem etiam si ex illo quavis generalis reservatio, etiam in corpore juris clausa resultet, praesentibus haberi volumus pro expresso, & ex cujuscumque persona, seu per liberam cessionem cujusvis de illius regimine, & administratione in Romanam Curiam, vel extra eam, etiam coram Notario publico, & testibus sponte factam vacet, etiam si illius provisio ex quavis causa qualiscumque sit, & undecumque resultet, specialiter, vel generaliter ad Sedem praedictam pertineat, & de illo consistorialiter disponi consueverit, seu debeat, & super eisdem regimine, & administratione inter aliquos lis, seu eorum possessorio, vel quasi molestia, cujus litis statum praesentibus haberi volumus pro expresso, pendeat indecisa, ex nunc, prout ex tunc, & e contra nomen, titulum, & denominationem Abbatis, & Monasteriorum perpetuo supprimimus, & extinguimus, & ab eo sic suppresso omnia, & singula ejus fructus, redditus, & proventus, praedia, proprietates, obventiones, census, jura, actiones, jurisdictiones, ceteraque res, & bona in quibuscumque rebus, & ubicumque consistentia, dismembramus, & separamus

Dotis assignatio pro sustentatione et suppressione Monasterii Dulcis Vallis



ramus, illaque sic dismembrata, & separata eidem Collegio pro subventionem, & manutentionem personarum inibi pro tempore degentium, auctoritate & tenore prædictis etiam perpetuo applicamus, & appropriamus, ac unimus, concedimus ac incorporamus, ita quod liceat pro tempore existentibus Præposito Provinciali inferioris Germaniæ dictæ Societatis, vel Rectori, & Collegialibus dicti Collegii per se, vel alium, seu alios eorum, & Collegii prædicti nomine propria auctoritate corporalem, realem, & actualem bonorum sic dismembratorum suppressi Monasterii, & annexorum, iuriumque, & pertinentiarum suarum quorumcumque possessionem libere, etiam ex nunc sine tamen præiudicio nunc existentis Abbatis, aut Commendatarii dicti Monasterii apprehendere, & perpetuo retinere, illaque, ac eorum omnium fructus percipere, colligere, exigere, & recuperare, ac in suos, dictique Collegii usus, & utilitatem convertere, Dioecesani loci, vel cuiusvis alterius licentia desuper minime requisita, ita tamen quod si aliqui suppressi Monasterii huiusmodi Canonici redierint, Rector prædicti Collegii eis de necessariis ad victum in Regulari etiam dicti Ordinis, vel alio loco, arbitrio Ordinarii erigendo, ut sub illius obedientia, si extra claustra vixerint, providere teneantur.

Privilegia præfati Collegii concessa.

§.5. Et insuper Collegio sic erecto, & instituto, ac pro tempore existentibus illius Rectori, & Collegialibus, ceterisque personis, quod omnibus, & singulis privilegiis, exemptionibus, immunitatibus, prærogativis, concessionibus, indultis, indulgentiis, ceterisque spiritualibus, & temporalibus gratiis, quibus cetera ejusdem Societatis Collegia, eorumque Rectores, Collegiales, & personæ aliæ, de jure, usu, ac consuetudine, vel alias quomodolibet utuntur, fruuntur, & gaudent, ac uti, frui, potiri, & gaudere possunt, & poterunt quomodolibet in futurum, pariformiter, & absque ulla prorsus differentia, & perinde, ac si illis specialiter concessa fuissent, uti, frui, potiri, & gaudere libere, & licite valeant, auctoritate, & tenore præmissis de speciali gratia indulgemus.

Clausula speciales.

§.6. Decernentes quascumque collationes, provisiones, electiones, acceptationes, vel alias dispositiones de Monasterio prædicto, etiam per Sedem prædictam, vel illius Legatos, etiam de latere, seu Nuncios, vel quoscumque alios quavis auctoritate de cetero faciendas nullas, & invalidas fore, & esse, ac pro infectis prorsus haberi, & nemini ullatenus suffragari debere, necnon eisdem præsentibus per quascumque generales, vel speciales, etiam derogatorias derogatorias, aliasque efficaciores, & insolitas clausulas, & irritantia, & alia decreta sub quibuscumque verborum formis, & expressionibus concepta in se continentem, nullatenus derogari posse, nec derogatum censeri, nisi earumdem præsentium literarum tenor, de verbo ad verbum, nihil penitus omisso, in-

sertus, & urgens, ac sufficiens causa expressa, & per trinas distinctas literas earumdem præsentium tenorem in se continentem tribus distinctis vicibus eidem Philippo Regi legitime intimata, & insinuata, ac derogationes ipse Motu proprio, & ex certa scientia factæ fuerint, appareatque Romanum Pontificem illis expresse derogare voluisse, & alias pro tempore factæ derogationes nemini suffragari, easdem quoque præsentem de subreptionis, vel obreptionis vitio, aut intentionis nostræ, vel alio quopiam defectu notari, impugnari, vel invalidari nullatenus posse, nec sub quibuscumque revocationibus, suspensionibus, limitationibus, modificationibus, aut aliis contrariis dispositionibus, & unionibus, annexionibus, aut suspensionibus, & extinctionibus, effectum non sortitis, quæ posthac, per Nos, vel Successores Nostros Romanos Pontifices, tam in crastinum assumptionis cujuslibet eorum ad summi Apostolatus apicem, quam alias quomodolibet, etiam cum quibuscumque derogatoriis derogatoriis, aliisque efficacioribus, & insolitis clausulis, irritantibusque, & aliis decretis pro tempore factis, tamquam effectum non sortitis, etiam si de iisdem præsentibus literis, ac earum toto tenore, ac data specialis, specifica, & expressa mentio fiat, minime includi, sed illis, & quibuscumque aliis contrariis non obstantibus in suis robore, & efficacia persistere, ac quoties illæ emanabunt, toties in pristinum statum restitutas, repositas, & plenarie reintegratas, ac de novo Apostolica auctoritate concessas esse, necnon institutionem, erectionem, suppressionem, separationem, & dismembrationem, applicationem, annexionem, & incorporationem huiusmodi, donec illa plenarium fuerint sortita effectum, durare, ac irritum, & inane, quidquid secus super his a quoquam quavis auctoritate scienter, vel ignoranter contigerit attentari.

§.7. Quo circa Venerabilibus Fratribus Tornacen. & Brugen. Episcopis, ac dilecto Filio causarum curiæ Camera Apostolicæ Generali Auditori, per Apostolica scripta mandamus, quatenus ipsi, vel duo, aut unus eorum per se, vel alium, seu alios præsentem literas, & in eis contenta quacumque ubi, & quando opus fuerit, ac quoties pro parte Philippi Regis, ac Præpositi, & Rectoris, seu Collegialium prædictorum fuerint requisiti, solemniter publicantes, eisque in præmissis efficacis defensionis præsidio assistentes faciant auctoritate nostra præsentem literas, & in eis contenta huiusmodi ab omnibus, ad quos spectat, & spectabit quomodolibet in futurum, inviolabiliter observari, ipsosque Philippum Regem, ac Præpositum, & Rectorem, ac Collegiales erectione, institutione, separatione, dismembratione, unionem, annexione, applicatione, incorporatione, indulto, aliisque præmissis omnibus, & singulis juxta earumdem præsentium literarum continentiam, & tenorem pacifice frui, & gaudere. Non permittentes eos, seu eorum aliquem, de-

Mandatum executionis.

super



super per quoscumque quomodolibet indebite molestari. Contradictores dicta auctoritate nostra, appellatione postposita, compescendo, ac legitimis super his habendis servatis processibus, illos sententias, censuras, & poenas ipsas incurrisse declarando, illasque etiam iteratis vicibus aggravando, invocato etiam ad hoc, si opus fuerit, auxilio brachii secularis. Non obstantibus priori voluntate nostra prædicta, ac Lateranen. Concilii novissime celebrati uniones perpetuas, nisi in casibus a jure permittis fieri prohibentis, ac fel. rec. Bonifatii Papæ VIII. Prædecessoris nostri, qua cavetur, ne quis extra suam Civitatem, vel Dioecesim, nisi in certis exceptis casibus, & in illis ultra unam dietam a fine suæ Dioecesis ad iudicium evocetur, seu ne Iudices a Sede prædicta deputati extra Civitatem, vel Dioecesim, in quibus deputati fuerint, contra quoscumque procedere, aut alii, vel aliis vices suas committere quocumque modo præsumant, & de duabus dietis in Concilio Generali edita, dummodo ultra tres dietas aliquis auctoritate præsentium ad iudicium non trahatur, aliisque Constitutionibus, & Ordinationibus Apostolicis, necnon Monasterii, & Ordinis prædictorum juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis illis, eorumque superioribus, & personis, sub quibuscumque tenoribus, & formis, ac cum quibuscumque, etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis in genere, vel in specie, etiam ad Imperatoris, Regum, Reginarum, Ducum, & aliorum Principum instantiam, vel contemplationem, seu etiam motu, & scientia similibus, & consistorialiter, ac alias quomodolibet, etiam iteratis vicibus, etiam super provisione, & seu perfectione de dicto Monasterio, seu presentatione, vel nominatione personarum ad illud, dum pro tempore vacat, aut alias concessis, approbatis, & innovatis.

§.8. Quibus omnibus etiam si pro sufficienti illorum derogatione de illis, eorumque totis tenoribus specialis, specifica, individua, & expressa, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores huiusmodi, ac si de verbo ad verbum infererentur præsentibus, pro sufficienter expressis habentes, illis alias in suo robore permansuris, hac vice dumtaxat specialiter, & expresse derogamus, contrariis quibuscumque. Aut si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas, non facientes plenam, & expressam, ac de verbo ad verbum de indulto huiusmodi mentionem.

§.9. Nulli ergo omnino hominum li-

ceat hanc paginam nostræ absolutionis, erectionis, institutionis, suppressionis, extinctionis, dismembrationis, separationis, applicationis, appropriationis, unionis, annexionis, incorporationis, indulti, decreti, mandati, & derogationis infringere, vel ei ausu temerario contraire. Si quis autem &c.

Datum Tusculi Anno Incarnationis Dominicæ, millesimo quingentesimo octuagesimo quarto, Nono Kalendas Junii, Pontificatus nostri anno decimotertio.

Dat. die 23  
Junii 1584  
An.XIII.

## CLXIX.

Erectio Collegii Societatis Jesu in Civitate Mantuan.

Ex Regest. in  
Secret. Breu.

GREGORIUS EPISCOPUS

SERVUS SERVORUM DEI

*Ad perpetuam rei memoriam.*

**L**aboriosam, & indefessam operam, quam Societas Jesu in militantis Ecclesiæ agro colendo, vepribusque purgando, & salutaris disciplinæ fementis instaurando inter ceteros illius cultores assidue præstat, intra cordis nostri arcana revolventes merito inducimur, ut ad ea, per quæ ejusdem Societatis Collegia ubique propagari, & stabiliri valeant, libenter intendamus, ac in his Pastoralis Officii nostri partes favorabiliter interponamus, pro ut ad majorem ipsius agri fecunditatem opportunum fore, Principumque Illustrium vota id salubriter expedire conspiciamus.

Exordium.

§.1. Dudum siquidem omnia Beneficia Ecclesiastica cum cura, & sine cura apud Sedem Apostolicam tunc vacantia, & in antea vacatura collationi, & dispositioni nostræ reservavimus. Decernentes ex tunc irritum, & inane, si secus super his a quocumque quavis auctoritate scienter, vel ignoranter contigerit attentari. Cum itaque postmodum Parochialis Ecclesia Sancti Salvatoris Mantuan. per liberam resignationem dilecti Filii Antonii de Ferrariis, nuper ipsius Ecclesiæ Sancti Salvatoris Rectoris, de illa, quam tunc obtinebat, in manibus nostris ad effectum eorum, quæ sequuntur, sponte factam, & per Nos admittam apud Sedem eandem vacaverit, & vacet ad presens, nullusque de illa præter Nos hac vice disponere potuerit, sive possit, reservatione, & decreto obfistentibus prædictis. Et sicut exhibita Nobis nuper pro parte dilecti Filii Nobilis Viri Guillelmi, & Dilectæ in Christo Filix Nobilis Mulieris Eleonoræ ab Austria, Ducum Mantuæ, & Montis Ferrati, petitio continebat, ipsi pio Religiosoque erga Societatem prædictam ob certissimos, & multiplices fructus, ex illius Collegiis in variis Christiani Orbis partibus salubriter institutis eidem Militanti Ecclesiæ uberius quotidie provenientes Zelo, & affectu ducti unum Collegium ejusdem Societatis in Civitate Mantuan. ad Omnipotentis Dei Gloriam, Religionis-

Facti series.

que



que, & Spiritualium Ministrorum incrementum, ac Juventutis ipsius Civitatis, & finitimorum locorum in fide, & pietate, literarumque studiis, ac ceteris Christiano homine dignis virtutibus instructionem, & ædificationem, publicamque utilitatem, & salutem erigi, & institui summopere desiderant, ac pro ipsius Collegii fundatione, & dotatione dicta Eleonora census, seu redditus annuos sexcentorum scutorum sex libris monetæ in eadem Civitate cursum habentis, pro quolibet scuto hujusmodi computatis, de bonis sibi a Deo collatis, ipsius Guillelmi Ducis Coniugis sui ad hoc expresse accedente consensu donare, & assignare intendat; Ecclesia autem S. Salvatoris prædicta cum adjacentibus domibus, membris, juribus, & pertinentiis suis, ad usum ipsius Collegii erigendi plurimum apta, & comoda sit, pro parte Guillelmi, & Eleonoræ Ducum prædictorum assentium dictæ Ecclesiæ S. Salvatoris, & illi forsan annexorum fructus, redditus, & proventus centum, & viginti ducatorum auri de Camera secundum communem estimationem valorem annum non excedere; Nobis fuit humiliter supplicatum, quatenus huic pio, & fructuoso eorum desiderio, annuere, & desuper opportune providere, de benignitate Apostolica dignaremur.

Erectio Collegii præfati.

§.2. Nos igitur qui dudum inter alia volumus, quod semper in unionibus commissio fieret ad partes, vocatis quorum interesset, piorum operum incrementum jugiter sectantes, ac Guillelmum, & Eleonoram Duces, ac eorum quemlibet a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, hujusmodi supplicationibus inclinati, nunc prout ex tunc, & contra postquam dicta Eleonora census, seu redditus annuos sexcentorum scutorum pro dote Collegii erigendi hujusmodi donaverit, & assignaverit, ut præfertur, in dicta Ecclesia S. Salvatoris nomen, titulum, denominationem, & essentiam Parochialis Ecclesiæ, Apostolica auctoritate tenore præsentium perpetuo supprimimus, & extinguimus, ac ab ea omnimodam curam animarum illius Parochianorum una cum ipsis Parochianis, juribusque, oneribus, & insignibus Parochialibus universis, auctoritate, & tenore prædictis, etiam perpetuo abdicamus, illamque sic abdicatam, necnon Capellanas, & alia Beneficia Ecclesiastica in eadem Ecclesia Sancti Salvatoris consistentia, etiam de laicorum, & aliorum jura patronatus existentia, illorumque fundationes, fructus, Missarum, anniversariorum, & aliorum divinarum Officiorum inibi pro defunctorum suffragiis celebrandorum, commissiones, institutiones, & onera, necnon elemosynas, oblationes, & legata, cetera-

Bull. Rom. Tom. IV. Par. IV.

que emolumenta ad id relicta, & legata, ipsorumque defunctorum Cadavera, ossa, & sepulturas, & quodcumque jus sepellendi ad aliam, vel alias Ecclesias per Ordinarium loci designandas, ac alias juxta ordinationem desuper ab ipso Ordinario faciendam, eisdem auctoritate, & tenore, similiter perpetuo transferimus, & seu eidem Ordinario translationem hujusmodi, ac alia circa eam quomodolibet necessaria, vel opportuna faciendi, plenam, & liberam facultatem tribuimus.

§.3. Necnon prope Ecclesiam S. Salvatoris, ac in illius Domibus, membris, & pertinentiis hujusmodi, Collegium prædictum per unum Rectorem juxta ipsius Societatis ritus, mores, consuetudines, & instituta regendum, & gubernandum, auctoritate, & tenore similibus pariter perpetuo erigimus, & instituimus, illique sic erecto, & instituto eandem Ecclesiam Sancti Salvatoris sic sine cura remanentem, si ve præmissa, si ve alio quovis modo, aut ex alterius cujuscumque personæ, seu per similem resignationem dicti Antonii, vel cujusvis alterius de illa in Romana Curia, vel extra eam etiam coram Notario publico, & testibus sponte factam, aut Constitutionem fel. rec. Joannis Papæ XXII. Prædecessoris nostri, quæ incipit: *Excecrabilis*, vel assencionem alterius beneficii Ecclesiastici, quavis auctoritate collati vacet, etiam si tanto tempore vacaverit quod ejus collatio juxta Lateranen. statuta Concilii ad Sedem prædictam legitime devoluta, ipsaque Ecclesia S. Salvatoris dispositioni Apostolicæ specialiter, vel alias generaliter reservata existat, & super ea inter aliquos lis, cujus statum præsentibus haberi volumus pro expresse, pendeat indecisa, dummodo ejus dispositio ad Nos hac vice pertineat cum annexis, & adherentibus hujusmodi, aliisque domibus, membris, juribus, & pertinentiis suis eidem Collegio, ita quod liceat illius Rectori, & Collegialibus pro tempore existentibus per se, vel alium, seu alios ipsius Collegii nominibus corporalem possessionem Ecclesiæ S. Salvatoris, ac annexorum, necnon domorum, membrorum, jurium, & pertinentiarum prædictorum, propria auctoritate libere apprehendere, & perpetuo retinere, illorumque fructus, redditus, proventus, jura, obventiones, & emolumenta quæcumque in Collegii, & Ecclesiæ S. Salvatoris hujusmodi usus, utilitatem, ac necessitates convertere, cujusvis licentia desuper minime requisita eisdem Apostolica auctoritate, & tenore itidem perpetuo concedimus, unimus, annectimus, & incorporamus.

§.4. Decernentes suppressionem, extinctionem, abdicationem, translationem facultatem, erectionem, institutionem, concessionem, unionem, annexionem, incorporationem, aliaque præmissa, ac presentes literas, etiam ex eo quod causæ, propter quas emanarunt, coram ipso Ordinario, etiam tamquam dictæ Sedis delegato, aut alias examinata, verificata, & appro-

Unio Ecclesiæ S. Salvatoris Collegio, de quo supra.

Clausula speciales.



bata, ac interesse habentes ad id vocati non fuerint, neque præmissis consenserint, seu quovis alio prætextu de subreptionis, vel obreptionis, seu nullitatis vitio, aut intentionis nostræ, vel alio quopiam defectu notari, impugnari, infringi, seu alias retractari, aut in jus, vel controversiam deduci, seu ad terminos juris reduci, aut revocari, suspendi, vel excommunicari, seu adversus eas quodcumque juris, facti, vel gratiæ remedium impetrari, aut in aliquo illis derogari nullatenus umquam posse, sed semper perpetuo validas, & efficaces existere, & fore, ac suos plenarios effectus obtinere, & sortiri, sique per quoscunque Judices Ordinarios, vel delegatos, etiam causarum Palatii Apostolici Auditores sublata eis, & eorum cuilibet quavis aliter judicandi, & interpretandi facultate, & auctoritate ubique, ac in quavis instantia judicati, & diffiniri debere.

Derogatio  
contrariorum

§.5. Non obstantibus priori voluntate nostra prædicta, & Lateranen. Concilii novissime celebrati uniones perpetuas, nisi in casibus a jure permissis fieri prohibentis, ac fel. rec. Bonifacii Papæ VIII. Prædecessoris nostri, necnon aliis Constitutionibus, & Ordinationibus Apostolicis, contrariis quibuscunque. Aut si aliqui super provisionibus faciendis de hujusmodi, vel aliis Beneficiis ecclesiasticis in illis partibus speciales, vel generales dictæ Sedis, vel legatorum ejus literas impetrarint, etiam si per eas ad inhibitionem, reservationem, & decretum, vel alias quomodolibet sit processum. Quas quidem literas, & processum habitos per easdem ad d. Ecclesiam S. Salvatoris volumus non extendi, sed nullum per hoc eis quoad affectationem Beneficiorum aliorum præjudicium generari, & quibuslibet aliis privilegiis, & literis Apostolicis quoruncunque tenorum existant, per quæ præsentibus non expressa, vel totaliter non inserta effectus earum impediri valeat quomodolibet, vel differri, & de quibus, quorumque totis tenoribus de verbo ad verbum habenda sit in nostris literis mentio specialis.

§.6. Volumus autem quod propter concessionem, unionem, annexionem, & incorporationem nostras prædictas Ecclesia S. Salvatoris hujusmodi debitis non fraudetur obsequiis, sed alias ejus congruæ supportentur onera consueta. Nos enim prout est, irritum decernimus, & inane, si secus super his a quoquam quavis auctoritate scienter, vel ignoranter attentatum forsan est hætenus, vel in posterum contigerit attentari.

§.7. Nulli ergo omnino hominum liceat hanc paginam nostræ absolutionis &c.

Datum Romæ apud Sanctum Marcum, Anno Incarnationis Dominicæ 1584., 15. Julii, Pontificatus nostri Anno XIII.

De prædicatione verbi Dei, semel in Hebdomada facienda Hebræis, pro eorum ad Christi fidem conversione in Terris, & locis, in quibus extant eorum Synagogæ.

De materia Judæorum vide in Pauli Quarti Const. IV. Cum nimis Tom. IV. Par. I. fol. 321.

## GREGORIUS EPISCOPUS

SERVUS SERVORUM DEI.

Ad futuram rei memoriam.

**S**ancta mater Ecclesia, cujus Christus caput est, ingenitam suam caritatem ad omnes late effundens, antiquæ Israeliticæ gentis populique Dei peculiare reliquias, pio numquam definit affectu miserari, graviterque contristatur Judæorum quondam nationem præcipuis auctam muneribus, & gratiis, cujus erat adoptio filiorum, gloria, testamentum, legislatio, obsequium, & promissa, unde etiam Christus Salvator noster secundum carnem nasci dignatus est, per diversas Orbis partes tot jam sæcula dispersam, ac contagiosi gregis more per invia, & inaquosa misere vagantem, verbi Dei fame, & aquæ refectiois siti perire, longeque non a terrena tantum, super quam Dominus flevit, sed quod gravius est, a Cœlesti quoque Jerusalem, nisi Christum, quem negavit, confiteatur, exturbari, qua miseratione, & moerore Nos quoque non leviter commoti, in dies semper aliquid excoGITAMUS, unde eorum conversioni, & saluti opportunius provideatur, ipsique ad intelligentiæ viam, quam sibi præcluserunt, valeant Deo propitio pervenire.

§.1. Quare sollicito hæc animo meditantibus, ac fel. rec. Nicolai Papæ V. nonnullorumque aliorum Romanorum Pontificum Prædecessorum nostrorum vestigiis inhærentes, præsentī Constitutione generali præcipimus, omnibus Patriarchis, Archiepiscopis, Episcopis, & aliis Ecclesiarum Prælatiis, etiam Cardinalatus honore præditis, ut in suis quisque Civitatibus, Terris, & locis, in quibus competens aliquis numerus Judæorum, qui Synagogam constituat, commoratur, curent Sabbati, vel alio cujuscunque hebdomadis statuto die, ad Judæos ipsos in locum præstitutum, non tamen sacrum, nec ubi sacra confici solent, convocatos, per aliquem Magistrum in Theologia, aliumve idoneum virum ab eis eligendum cum mercede congrua illi ex ipsorum Hebræorum collatione, aut alias, prout commodius eis videbitur, Hebræicæ (quantum fieri poterit) linguæ peritum sermones, vel lectiones haberi, in quibus illis exponantur scripturæ veteris Testamenti, Moysis scilicet, & Prophetarum, præsertim vero, quæ eo Sabbato leguntur, seu lectæ in eorum sunt Synagogis, juxta Sanctorum tamen Patrum interpretationes, & verum Catholicæ Ecclesiæ sensum, ac in eis disse-

Causa Con-  
stitutionis.

Episcopi, &  
alii curēt qui  
libet hebdo-  
mada prædi-  
cari Judæis,  
in Terris, ubi  
sunt Synago-  
gæ, & Præ-  
dicatores de  
his expressis  
differant.

Dat. die 15.  
Julii 1584.  
An. XIII.



ratur de veritate Christianæ Fidei, de certo adventu, & Incarnatione Filii Dei, illiusque Nativitate, Vita, Miraculis, Passione, Morte, Sepultura, Descensu ad Inferos, Resurrectione, in Cœlum Ascensione, de ejus Evangelio in toto Terrarum Orbe per Apostolos ejus, & alios Sanctos prædicato, innumeris, atque clarissimis virtutibus, & illustrium miraculorum gloria confirmato ac de ejus spirituali, & vero Regno, & de impio Idolorum cultu sublato, & gentium vocatione, de perpetua tum Hierusalem, & Terræ eorundem Judæorum desolatione, tum ipsorum ubique Terrarum dispersione, & captivitate, & de aliis similis argumenti dogmatibus, & articulis ex lege, & Prophetis, de diutina præterea, & irrita Judæorum Adventus Messiae, & carnalis illius Regni expectatione, de vana eorum, quæ sæpe, quinimmo quotidie eos frustrata est, spe reditus in terram promissionis, & restaurationis tertii Templi, & demum de multiplicibus, & variis erroribus, & hæresibus eorum, in quas miserrime se demerferunt, postquam Christum Dominum in carne venientem agnoscere noluerunt, & de falso per eorum Rabbinos tradita Sacrarum Scripturarum interpretatione, quarum literarum, & sensum fabulis, mendaciis, & variis dolis, & modis detorquentes corruerunt, & depravarunt, & hætenus corrumpere, & depravare non desinunt, deque omnibus aliis, quæ eos possint ad agnitionem Fidei, ad errorem suorum correctionem, ad Orthodoxamque Fidem convertere, pro loci, temporis, sumptique argumenti ratione prudenter agant, veris, & ex Sacra Scriptura depromptis demonstrationibus, nulla cum obrectatione, aut infamia, sed magna cum caritate, & modestia, veritatis lumen illis aperire conentur.

§.2. Ad quos sermones, & lectiones volumus, universos, & singulos utriusque sexus Judæos a duodecim annis supra, infirmitate, aut alia legitima causa, de qua Ordinarios docere debeant non impeditos, in Civitate, & locis, ut præfertur, habitantes, vel aliunde advenientes, etiam si inibi domicilium non habeant, vicissim, ac tripartite saltem, nec umquam minus convenire. Quod si facere neglexerint, interdicti cum fidelibus commercii, & aliis poenis, arbitrio Ordinarii pro contumacia modo imponendis, donec satisfecerint, competenter, ad ipsos sermones audiendos compellantur.

§.3. Siquis vero de numero fidelium ita fuerit salutis, aut sui, aut proximi sui, de quo unicuique mandatum est, immemor, qui eos a salutaribus hujusmodi sermonibus, seu lectionibus, directe vel indirecte abduxerit, aut impediverit, seu contenderit quoquomodo, Excommunicationis sententia sit eo ipso ligatus, & contra eum ad alias poenas Ordinarii arbitrio omnino procedatur.

§.4. Ceterum Imperatorem, Regesque, & Principes omnes, necnon Respublicas, Magistratus, & Dominos temporales sa-

*Bull. Rom. Tom. IV. Par. IV.*

culares rogamus, & obtestamur in Domino, ut Patriarchis, Archiepiscopis, Episcopis, & aliis Ordinariis prædictis, eorumque Vicariis, & Ministris suum in præmissis auxilium præstent, amplissimum ab Omnipotenti Deo præmium in supremis Gloriæ Æternæ tabernaculis habituri.

§.5. Et quoniam difficile nimis esset, præsentibus ad omnia loca, quibus illis opus erit, perferri, volumus, ut earum exemplis etiam impressis, manu publici Notarii subscriptis, & sigillo Prælati, aut personæ in dignitate Ecclesiastica constitutæ munitis eadem omnino fides ubique adhibeatur, quæ adhiberetur eisdem præsentibus, si essent exhibitæ, vel ostensæ.

Datum Romæ apud Sanctum Marcum Anno Incarnationis Dominicæ, millesimo quingentesimo octuagesimo quarto, Kal. Septembris, Pontificatus nostri Anno XIII.

Fides transscriptis adhibetur.

D.P. An. XIII  
1. Septemb.

## CLXXI.

Innovatio Constitutionis Nicolai III. & aliarum sanctionum, contra jurantes, & jurare facientes, illicita, impossibilia, damnosa, & Ecclesiasticæ libertati, ac decretis Concilii Tridentini adversantia.

*Hæc Nicolai Constit. est in Capitulo primo de Jurejur. in 6.*

## GREGORIUS EPISCOPUS

SERVUS SERVORUM DEI

*Ad perpetuam rei memoriam.*

Inter Apostolicas, & alias Canonicas sanctiones, quæ de juris jurandi Religione variis temporibus prodierunt, fel. rec. Nicolaus Papa III. intelligens in nonnullis Ecclesiis de earum consuetudine observari, ut earum Prælati ad Ecclesias ipsas primo accedentes, & in negotio receptionis novorum Canonicorum nec Prælatos admitti, nec Canonicos aliter recipi in dictis Ecclesiis, nisi jurato ab eis, statuta, & consuetudines ipsarum Ecclesiarum, scripta, & non scripta inviolabiliter observare, inter Laicos etiam multarum Civitatum, Castorum, & Terrarum eum consuetudinis morbum in assumendis Potestatibus, Rectoribus, vel Officialibus suis irrepsisse, ut ipsi Potestates, Rectores, & Officiales ad hujusmodi Potestarias, Rectorias, & Officia, nullo modo admittantur, nisi prius se statuta ipsorum locorum clausa juraverint servaturos.

§.1. Et quia in statutis, & consuetudinibus supradictis interdum aliqua reperiebantur illicita, seu impossibilia, vel obviantia Ecclesiasticæ libertati, idcirco ne sub tali generalitate jurandi, sic jurantibus peccandi occasio præberetur, cum juramentum non ideo fuerit institutum, ut vinculum esset iniquitatis, prædictus Nicolaus Papa animarum periculis obsistere cupiens, frugifera, & salubri Constitutione præcepit quibuscumque scientibus contineri in prædictis consuetudinibus, & statutis illi-

Consuetudo erat, quod Prælati & Canonici, in eorum Ecclesiis non admittentur, & Civitatum officiales, ad officia non recipi, nisi præstito prius juramento observandi statuta illarum.

Nicolaus III. declaravit, talia juramenta, non ligare jurantes ad observandum illicita, impossibilia, ac libertati Ecclesiasticæ contraria, ut in cap. 1. de jure jur. in 6.

Judæi majores annorum 12. utriusque sexus prædicationibus inter sint.

Christiani autem Judæos ab hujusmodi prædicationibus puniantur.

Principes fa-veant Ordinariis in præmissis.



cita, impossibilia vel libertati Ecclesiastica obviantia, hujusmodi juramenta ab eis nullo modo præstari, & juramenta ea intentione facienda, vel facta ut etiam illicita, vel impossibilia, seu libertati Ecclesiastica obviantia observentur, cum etiam sub tali intentione præstari non possent absque divina Majestatis offensa, decrevit in hujusmodi illicitis, impossibilibus, seu libertati Ecclesiastica obviantibus non servanda, quin potius pro animarum salute, si sub forma prædicta vel simili aliquos ignorantes prædicta illicita, seu impossibilia, vel libertati Ecclesiastica obviantia jurare contingeret, ad observanda dumtaxat licita, possibilia, & libertati ecclesiastica non obviantia juramentorum intentio referri deberet, declarans juramenta sub hujusmodi generalitate qualitercumque, & sub quacumque verborum forma præstita vel præstanda, ad licita, possibilia, ac Ecclesiastica libertati non obviantia dumtaxat extendi, ipsosque jurantes ad alia per præstationem juramenti hujusmodi non teneri. Verumtamen multi infirmi, cupidique census sese in hujusmodi juramenta, cum animarum suarum periculo præcipitant.

Hic modo Pontifex innovat Nicol. III. & alias canonicas Constitutiones dictas, circa reprobationem hujusmodi juramentorum.

§.2. Nos quoniam hæc sanctorum quoque Patrum institutis, & salubri rerum Ecclesiasticarum directioni adversantur, & tamquam de radice ambitionis procedentia omne bonum in Ecclesiis, rebusque publicis pervertunt, ea novæ provisionis subsidio prohibere volentes, præsentium auctoritate innovamus prædictam Constitutionem Nicolai Papæ; itidemque alias omnes Canonicas sanctiones de abusu, & reprobatione hujusmodi juramentorum promulgatas, volumusque eas ubique ab omnibus etiam quoad præterita inviolabiliter observari.

Et exigentibus de cetero juramenta illicita penas hic expressa imponit.

§.3. Ac etiam præcipimus, & interdiximus Prælati, Canonicis, & aliis supra dictis, necnon Ecclesiarum Capitulis, & Monasteriorum ceterisque Conventibus, Civitatum quoque, Castrorum, & Terrarum Communitatibus, & personis quacumque dignitate præditis, ne ulla omnino juramenta illicita, impossibilia, damnosa, vel libertati Ecclesiastica, aut decretis Concilii Tridentini obviantia, sive ante sive post electiones, confirmationes, provisiones, receptiones, admissiones, aut alios actus, ubicumque ac quocumque tempore, etiam prætextu cujusvis consuetudinis quantocumque tempore observata, quæ potius corruptela est censenda, sive in genere, sive in specie præstare, reddere, vel exigere, neque super præstitis, redditis, vel exactis hucusque quemquam, in judicio vel extra inquietare audeant quoquomodo, vel turbare; illos enim qui juramenta illicita, impossibilia, damnosa, vel Ecclesiastica libertati, aut decretis dicti Concilii obviantia exigere, contenderint, Episcopos videlicet, & alios quoscumque Pontificali dignitate præditos suspendimus a divinis, Capitula vero, & conventus, eorumque Ecclesias, & loca omnia interdicto Ecclesiastico supponimus, ac singulares personas,

Excommunicationis sententia innodamus, inhabilesque facimus ad obtenta, & alia obtinenda eo ipso, Nobisque, & Romano Pontifici pro tempore existenti relaxationem suspensionis, & interdicti, necnon absolutionem ab Excommunicationis sententia hujusmodi perpetuo reservamus.

§.4. Decernentes eos, qui talia juramenta scienter præstiterint, usu, & commodo rei, & gratia cujus causa juraverint, eo ipso privatos esse; alios vero ignorantes ad præstitorum juramentorum hujusmodi observationem minime teneri. Necnon irritum, & inane quicquid secus per quoscumque, scienter vel ignoranter attentatum est hactenus, & deinceps contingerit attentari.

§.5. Non obstantibus præmissis, seu quod Prælati, Capitulis, Conventibus, & personis prædictis, vel quibusvis aliis, communiter vel divisim ab eadem sit Sede indultum, vel in posterum indulgeri contingat, quod interdicti, suspendi, vel excommunicari non possint per literas Apostolicas non facientes plenam, & expressam, & ad verbum de indulto hujusmodi mentionem, ceterisque contrariis quibuscumque.

§.6. Et quoniam difficile nimis esset, præsentibus ad omnia loca, quibus illis opus erit, perferri, volumus ut earum exemplis etiam impressis, manu Notarii publici subscriptis, & sigillo Prælati, aut personæ in dignitate Ecclesiastica constitutæ munitis, eadem prorsus fides ubique adhibeatur, quæ adhiberetur eisdem præsentibus, si forent exhibitæ, vel offensa.

Datum Romæ apud S. Marcum, Anno Incarnationis Dominicæ millesimo quingentesimo octuagesimo quarto, Nonis Septembris, Pontificatus nostri Anno XIII.

Jurantibus quoque infligit penas de quibus hic.

Clausula de rogatoria.

Transumptum fides.

D.P. An. XIII  
5. Septemb.

## CLXXII.

Deposita pecuniarum actualia supra summam scutorum quinque occasione litium in Alma Urbe fienda, apud Montem Pietatis de cetero fiant.

GREGORIUS EPISCOPUS  
SERVUS SERVORUM DEI

Ad perpetuam rei memoriam

Inter multiplices animi nostri curas, quas pro pastoralis officio Nobis incumbunt, illa præcipue pectus nostrum pulsat, ut quilibet sibi legitime debitum facile consequatur, & ut pietatis opera, quæ in Urbe nostra exercentur, continuum suscipiant incrementum.

§.1. Sane rerum experientia edocti comperimus sapissime in causis, quæ in universis Romanæ Curia Tribunalibus, atque etiam in ipso Rotæ Auditorio ventilantur, fieri actualia deposita pecuniarum penes Notarios actuarios, quorum consignationis cum tandem dies advenerit novum ipsis creditoribus inchoandum esse judicium pro ipsius depositi consignatione, cum vel

Exordium.

Causa hujus Constitutionis.



vel ex morte Notarii, vel alia quavis occasione difficultates innumerae oriantur. Conspeximus etiam liquido quandoque debitores, cum alia via solutionem ulterius effugere non valeant, curare, ut in eorum manibus pecuniae sequestrentur, ut creditor quandoque non ita subito cavere valeat, aut controversiam patiens diutius jure suo frustretur, & nova lis exoriat, cuius periculo id sit cessurum, ac etiam cavillationibus impediunt, quo minus sibi debitam pecuniam consequantur. Saepe etiam pecuniae discussionum occasione otiosa jacent, quas in pauperum utilitatem interim mutuare longe praestaret. Conspeximus quoque magnum commodum, quod ex Monte Pietatis omnibus Urbis incolis resultat, cum sub minima mercede, & ea necessaria quidem in sumptus operi incumbentibus omnibus succurratur. Verum propter ipsius Montis tenues facultates non posse ea largitate omnibus subveniri, quae in tam magna Civitate, & pauperum multitudine expediret, & considerantes, quam tute in eo Monte pecuniae collocentur, cum ibidem non nisi pignoribus creduntur, optimum fore censuimus, si eodem tempore, & abusus, ac difficultates, quae circa ipsa deposita, & illarum consignationes exoriuntur, tolleremus, & ut pecuniae abundantiores in eodem Monte confluerent, & usurarum occasio arceatur, consuleremus.

§.2. Itaque his, & aliis animum nostrum digne moventibus rationalibus causis. Motu proprio, & ex certa nostra scientia omnibus, & singulis Romanae Curiae iudicibus, tam ecclesiasticis quam secularibus, etiam sacri Palatii Apostolici Auditoribus, ac etiam S. R. E. Cardinalibus, in virtute sanctae obedientiae praecipimus, & mandamus, ut in quibuscumque causis, etiam criminalibus coram eis pendentibus, in quavis instantia, & quas in futurum perpetuo pendere contigerit, ubi actualis pecuniarum depositio supra summam scutorum quinque, alias locus sit, juxta decreta per ipsos iudices facienda, illud non amplius penes Notarios, ea hactenus, sed sine ipsorum Notariorum praedictio, penes ipsum Montem Pietatis, seu illius pro tempore Depositarium, qui fide, & facultatibus insignis sit, fieri, & deponi mandent.

§.3. Cujus depositi consignatio fiat per mandatum Iudicis absque alia expensa quam ea, quae regulariter, juxta styllum cujusque tribunalis pro illius consignatione hactenus penes Notarium fieri consueverat, eidem Notario tantum solvenda.

§.4. Sane, usum, & consuetudinem cecularum bancarum, & cautionum, ac pignorum, dum res est dubia, & super ea lis pendet, nequaquam tollimus.

§.5. Porro ubi super pecuniis sequestratis, vel pensionibus domorum, casalis, aut aliarum quarumcumque rerum litigiosarum, tam profanarum quam ecclesiasticarum, lis inter alios pendet, verus debitor interim penes ipsum Montem pecunias deponere, nedum ad cujusvis partis instan-

tiam, sed etiam ex officio compellatur.

§.6. Insuper ad evitandum moram, & omnem poenam exinde juridice provenientem, liceat unicuique debitori, qui creditoris sui copiam non habuerit, pecunias in eodem Monte actualiter deponere, quae creditori venienti possint libere consignari, quod si etiam ipse debitor velit moram litem effugere, & pretendat non esse locum consignationi, & desuper audiri, ad ipsum factum prius in ipso Monte pecuniario deposito, tam in futuris, quam in pendentibus negotiis, & praecipue in quibuscumque discussionibus pro loco tuto ipsum Montem eorum arbitrio eligere possint.

§.7. Iudices vero quacumque praefugeant dignitate aliter decernentes indignationis nostrae poenam incurrant.

§.8. Partes vero aliter deponentes periculo omni subiaceant, nec a creditoribus se propterea liberatum iri intelligant.

§.9. Ac ipsius Montis Provisores, & Ministri, ita sint in conservatione fideles, & consignatione celeres, ut ceteri etiam non litigantes ad deponendum penes eos alligantur.

§.10. Utque magis sic deponentibus sit consultum, volumus non solum ipsius Montis, sed & Depositarii ab eo pro tempore eligendi bona fore, & intelligi pro dictorum depositorum restitutione efficaciter obligata, perinde ac si cum unoquoque a mentalis obligatio intercessisset, eaque in eventum discussionis, tamquam publico Camerali instrumento munita, ceteris praeferratur.

§.12. Sicque per quoscumque Iudices ordinarios, & delegatos, etiam causarum Palatii Apostolici Auditores, sublata eis, & eorum cuilibet quavis aliter iudicandi, & interpretandi facultate, & auctoritate, ubique iudicari, & definiri debere, irritum quoque, & inane, si secus super his a quocumque quavis auctoritate, scienter, vel ignoranter contigerit attentari, decernimus.

§.12. Et quod Notarii, & Iudices contra praemissa venientes, Notarii videlicet omnibus emolumentis suorum officiorum unius anni dicto Monti applicandis, prima vice, deinde ipsis officiis privati sint, & praeterea excommunicationis sententiam, prima vice praedicta incurrant eo ipso. Itemque Iudices etiam si Archiepiscopi, Episcopi, seu alii Praelati fuerint, poena quingentorum ducatorum auri de Camera eidem Monti pariter applicandorum sine remissionis spe multentur, earumdem praesentium auctoritate statuimus.

§.13. Quocirca dilecto filio nostro Philippo S. Angeli in foro piscium Diacono Card. Vastavillano nuncupato S. R. E. Camerario, praesenti, ac pro tempore existenti dicti Montis protectori, tenore praesentium praecipimus, & mandamus, ut Monti praefato, ac illius revisoribus, & ministris, in praemissis efficacis defensionis auxilio assistens, faciat omnia, & singula praemissa, etiam sub censuris ecclesiasticis, & pecuniariis ejus arbitrio moderandis poenis, per eos ad

Debitores  
omnes tute  
penes Montem  
deponant.

Judicum con-  
travenientium  
poena.

Partiamque.

Ministri Mon-  
tis sint dili-  
gentes.

Deponentium  
asscuratio.

Detrumentum in-  
ritans.

Notariorum  
& Iudicum  
inobedientium  
poena.

Executores  
hujus Consti-  
tutionis depu-  
tatio.

Judices Almae  
Urbis summas  
pecuniarum  
deponendas,  
deponi faciant  
penes Montem  
Pietatis.

Depositum con-  
signatio fiat  
nulla aucta-  
expensa.

Ufus cedula-  
rum, ac pigno-  
rum, non tol-  
litur.

Lite verten-  
inter aliquos  
debitor depo-  
nat penes Mon-  
tem.



1584.

Camerarii facultas declarandi dubia.

Clausulae derogatorie.

D.P. An. XIII.  
1. Octobris.

ad quos spectat inviolabiliter observari.

§.14. Et ubi super præmissis tempore procedente dubium aliquod emerferit, illud auctoritate nostra declaret, & interpretetur, & in casibus dubiis semper depositum in ipso Monte faciendum esse decernat.

§.15. Præmissis Constitutionibus, & Ordinationibus Apostolicis stylo Palatii, ceterisque contrariis non obstantibus quibuscumque.

Datum Romæ apud S. Marcum sub annulo Piscatoris, die 1. Octobris 1584., Pontificatus nostri Anno XIII.

## CLXXIII.

Ex Regest. in  
Secret. Brev.

Ereçtio Collegii Armeniorum in Urbe.

GREGORIUS EPISCOPUS

SERVUS SERVORUM DEI

Ad futuram rei memoriam.

Exordium.

**R**omana Ecclesia cunctarum gentium pia, sollicitaque mater, & magistra, ita in omnes partes consuevit, suæ charitatis ubera protendere, salutarisque doctrinæ pabulum esurientibus filiis administrare; ut qui longiori Terrarum, marisque intervallo a se disjuncti, & calamitate oppressi sunt; eos digna miseratione, & arctiori pietatis, dilectionisque vinculo amplecti, ac fovere studeat.

Causa ereçtionis Collegii Armeniorum.

§.1. Sane Armeniorum gens numero amplissima, ac prope infinita; antiquitate, & nomine celeberrima, Christianæ Religionis studio, & constantia supra universos Orientis Populos laudatissima, cum initio nascentis Ecclesiæ gloriosis Apostolis Bartholomæo, & Thaddæo docentibus, evangelicam degustasset Fidem, ac deinde Beati Silvestri Pontificis, & Constantini Magni Imperatoris tempore, publico omnium consensu una cum Rege suo Tyridate (ita videtur dicen.) ut apud eos traditum est, recepisset, adeo pie, & religiose illam deinceps coluit, ac tanta præterea veneratione, Pontificem Romanum omni tempore est prosecuta; Ipsum scilicet verum Christi Vicarium, Beati Petri Successorem, Ecclesiæque Catholicæ caput fatendo, ejus doctrinam, disciplinamque sequendo, ac in omnibus se, suosque Patriarchas Apostolicæ Sedi subiiciendo, quemadmodum in generali Concilio Florentino, sub Papa Eugenio ejus nominis IV. missis illuc Prælati, ac Procuratoribus suis, non obscure testatum reliquit, ut merito Nobis, Sedique Apostolicæ charissima, & acceptissima esse debeat.

Armenii præ ceteris Orientis populis expeditionem Hierosolymitanam adjuverunt.

§.2. Et vero inter alia ejusdem nationis de Ecclesia, Republicaque Christiana merita, illud præcipuum, ac singulari memoria dignum est: Quod Principibus, exercitibusque Christianis sapius olim ad recuperationem Terræ Sanctæ proficiscentibus, nulla Natio, nullus Populus promptius, alacriusque eis suppetias tulit, quam Arme-

nii, qui viris, equis, armis, commeatu, consilio, ac denique omni ope Christianos sacro illo in bello fortissime, ac fidelissime juverunt. Postquam vero Turcarum teterimæ servitutis jugum subire coacti sunt, id quod gravissimo cum dolore referimus, nulla illi Dominantium vi, ac feritate, nullis acerbitatibus, nullis injuriis, nullis oppressionibus de Christianæ Religionis cultu, & observantia, ac Apostolicæ Sedis obedientia dimoveri potuerunt (ita dicen.) & si qui errores inter eos irrepserunt, non pravæ, aut perversæ eorum voluntati, seu naturæ, sed temporum injuriæ, & calamitatis omnino adscribendi sunt.

§.3. Nos igitur ex intimo corde desiderantes tam numerosæ, tamque piæ Nationi, qua possimus ratione, subvenire, in his præcipue, quæ ad animarum salutem, sanctamque Religionem, & fidem Orthodoxam retinendam, augendamque pertinet, proprium Collegium eidem Nationi in Alma Urbe erigere decrevimus, in quo adolescentes selecti, bonæque indolis, & expectationis Sedis Apostolicæ impensis, alantur, & bonis moribus, sanaque doctrina imbuantur, ut iidem postea ad suos remeantes quam maximo eis adiumento, & consolationi spiritualibus in rebus esse possint. Idque ad Omnipotentis Dei gloriam, Sanctæque Fidei Catholicæ incrementum, totiusque Armenicæ Nationis honorem, commodum, & utilitatem, Motu proprio &c. Apostolica auctoritate tenore præsentium, Collegium unum adolescentum Armeniorum de eodem nomine nuncupandum in hac Alma Urbe nostra, & in loco per infra nominandos Cardinales Protectores eligendo, erigimus, & instituimus, cui sumptus necessarios, quousque aliter ei provisum fuerit, ex nostris, & Camera Apostolicæ pecuniis subministrari omnino volumus, atque jubemus.

§.4. Volumus etiam hoc ipsum Collegium, illiusque Rectores, Oeconomos, Magistros, Præceptores, atque scholares pro tempore in eo existentes, eorumque Domesticos, & officiales, ac ministros, necnon Collegii, & illorum bona mobilia cujuslibet qualitatibus, & quantitatis in dicta Urbe, & extra eam, ac alias ubique locorum consistentia exempta esse ab omni Jurisdictione, correctione, visitatione, dominio, superioritate, & potestate pro tempore existentis Senatoris, Conservatorum, ac Reformatorum dictæ Urbis, necnon Rectoris Studii generalis, & Vicarii Urbis, ac Ordinarii cujusvis locorum, aliorumve quorumcumque Judicum, & officialium in ipsa Urbe, vel alias ubilibet constitutorum, ipsumque Collegium, & eos in propriis eorum rebus, & bonis, ac alios cum ipsis contrahentes a solutione, & exactione omnium, & quorumcumque, ut vocant, Pedagogii, gabellæ, Bollettini, Decimarum, & cujusvis alterius tam ordinarii, quam extraordinarii oneris, ex quacumque causa impositorum, & imponendorum eximimus, & prorsus liberamus, ac sub Bea-

Ereçtio Collegii in Urbe.

Privilegia eidem concessa.



ti Petri, Sedisque Apostolicæ, ac nostra protectione suscipimus, & collocamus, Nobisque, & dictæ Sedi immediate subiicimus, ac liberos, immunes, & exemptos declaramus.

§.5. Eidem quoque Collegio, Rectoribus, Scholaribus, Præceptoribus, Magistris, Oeconomis, Officialibus, & Ministris, ut quibuscumque privilegiis, exemptionibus, libertatibus, facultatibus, & indultis, quibus Studium generale Almæ Urbis, & illius Rector, Doctoresque in eo etiam actu legentes quovis modo utuntur, potiuntur, & gaudent, ac uti, potiri, & gaudere poterunt quomodolibet in futurum, ad eorum instar, & pari modo uti, potiri, & gaudere valeant in omnibus, & per omnia, concedimus, & indulgemus, illaque eis communicamus. Præterea Senatori, Conservatoribus, Reformatoribus, Rectorique, & aliis Judicibus, Officialibus, personisque prædictis, ac pro tempore existenti S. R. E. Camerario, Præsidentibusque, & Clericis Camerae Apostolicæ, ac quibuscumque Commissariis ad exactiorem decimarum, & aliorum onerum præfatorum pro tempore deputatis, ne quarumvis literarum eis sub quibuscumque tenoribus, & formis concessarum prætextu Collegium, Rectores, Scholares, Præceptores, Magistros, Oeconomos, Officiales, & Ministros prædictos, seu eorum aliquem in præmissis quovis modo molestant, seu molestari permittant, districtius inhibemus.

Privilegia  
Universitatis.

§.6. Et deinde Regentibus, ac Superioribus dicti Collegii cum assistentia tamen Cardinalium Protectorum, qui pro tempore fuerint, seu alicujus eorum, vel de ipsorum Consilio, & expresso consensu, illos, quos in dicto Collegio, & alibi per debitum tempus studuisse, ac literarum scientia, & moribus idoneos esse repererint, ad Baccalaureatus, Licentiaturæ, Doctoratusque, & Magisterii gradus, servata forma Concilii Viennensis, juxta Universitatis ejusdem Urbis consuetudinem, seu alias promovendi, & ipsorum graduum solita insignia eis exhibendi, quodque sic promoti facultates, in quibus studuerint, legere, & interpretari, ac de eis disputare, & quoscumque gradui, seu gradibus hujusmodi convenientes actus exercere, ac omnibus, & singulis gratiis, favoribus, prærogativis, & indultis, quibus alii in prædicta, seu aliis Universitatibus, & alibi juxta illius, & aliarum Universitatum hujusmodi Constitutiones, & Mores, ad gradus prædictos promoti de Jure, vel de consuetudine utuntur, potiuntur, & gaudent, ac uti, potiri, & gaudere possint, ac debeant, perinde ac si gradus prædictos in ipsa Universitate juxta consuetudinem, & mores prædictos suscepissent, concedendi, & indulgendi liberam eadem auctoritate damus facultatem, & potestatem.

Designatio  
Protectorum.

§.7. Sed ut ipsius etiam Collegii conservationi, bonoque regimini, tam in his, quæ ad institutionem, & disciplinam, quam quæ ad victum, vestitumque, & alia hujus-

modi necessaria pertinent, opportunius consulatur; Dilectos Filios Nostros Julium Antonium tit. S. Bartholomæi in Insula, Sanctæ Severinæ, & Antonium tit. S. Eusebii Carasam nuncupatos Presbyteros Cardinales ejusdem Collegii Protectores, ac Defensores constituimus, & deputamus, quorum consilio, & ope supradicta, & alia quæcumque ad eosdem in Collegium admittendos spectantia agantur, statuantur, & ordinentur. Dantes eisdem, & pro tempore existentibus Protectoribus plenam, & liberam facultatem, & auctoritatem pro salubri directione, & conservatione dicti Collegii, illiusque honorum, & rerum, ac Jurium tam temporalium, quam spiritualium, Rectores, Præceptores, Magistros, Regentes, Oeconomos, Advocatos, Procuratores, aliosque Ministros, & Officiales, in eo deputandi, & amovendi, aliosque eorum loco suffiendi, ordinationesque, & statuta, licita tamen, & honesta, sacrisque Canonibus, & Concilio Tridentino non repugnantia faciendi, & edendi, eaque cum visum fuerit, revocandi, mutandi, & corrigendi, aliaque denuo condendi, & postquam facta, & edita, revocata, mutata, & correctæ fuerint, perinde haberi volumus, ac si auctoritate Apostolica approbata, & confirmata essent; illaque ab omnibus Rectoribus, Magistris, Scholaribus ceterisque in Collegio ministrantibus, ac servientibus inviolabiliter observari, ac juxta eorundem dispositionem, a quibusvis Judicibus, sublata eis, quavis aliter judicandi facultate, judicari, & diffiniri debere, & si secus super his a quoquam quavis auctoritate scienter, vel ignoranter attentari contigerit, irritum, & inane decernimus.

Derogatio  
contrariorum.

§.8. Non obstantibus quibusvis Constitutionibus, & Ordinationibus Apostolicis, ac ipsius Urbis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eidem Senatori, Conservatoribus, Reformatoribus, Camerario, Universitatibus, ac earum Collegiis, Rectoribus, & personis, necnon prædictæ Urbi, & Populo Romano sub quibuscumque tenoribus, & formis, ac cum quibusvis clausulis, & decretis, etiam iteratis vicibus concessis, approbatis, & innovatis. Quibus omnibus illorum tenores præsentibus pro sufficienter expressis habentes, illis alias in suo robore permanfuris, hac vice dumtaxat specialiter, & expresse derogamus, ceterisque contrariis quibuscumque.

Transumptio  
rum fides.

§.9. Volumus autem, quod præsentium transumptis, manu Notarii publici, & sigillo personæ in dignitate Ecclesiastica &c.

§.10. Nulli ergo omnino hominum liceat hanc paginam nostræ erectionis, institutionis &c.

Datum Romæ apud S. Marcum Anno Incarnationis Dominicæ millesimo quingentesimo octuagesimo quarto, tertio Idus Octobris, Pontificatus nostri Anno XIII.

Dat. die 13.  
Octob. 1584.  
An. XIII.

Quod



CLXXIV.

Quod Religiosi Societatis Clericorum Regularium Jesu, etiam sacris Ordinibus non initiati, verbum Dei prædicare possint.

*Alia de hac Religione indicavi tibi in Constit. XXXI. Pauli III. Regimini, qui eam primo confirmavit. Tom. IV. Par. I. fol. 185.*

GREGORIUS PAPA XIII.

*Dilectis filiis Præposito, & Religiosis Societatis Jesu, salutem & Apost. benedictionem.*

Causa hujus declarationis.

**V**igore privilegii vestræ Societatis a fel. rec. Paulo Papa III. Prædecessore nostro concessi, ut vestrum quisque idoneus, & a Præposito pro tempore existente ejusdem Societatis deputatus, verbum Dei publice prædicare, & qui ex vobis Presbyteri fuerint quorumcumque utriusque sexus Christianifidelium Confessiones audire possint ex illo concessionis hujusmodi tempore, etiam Scholares, & alii Religiosi vestri sacris ordinibus nondum initiati, alias tamen idonei ad prædicandum verbum Dei passim, & ubique mittantur. Verum quia nonnullis dubitatio curiosius incescit, an dictum privilegium prædicandi, etiam eos comprehendat, qui ad Ordines ipsos nondum ascenderunt.

Declaratio de qua in rubr.

§.1. Nos quemeumque hoc scrupulo eximere volentes, præsentium auctoritate declaramus, ac etiam decernimus, vestrum unicuique etiam ad sacros Ordines prædictos non promoti, prædicationis munus in vim privilegii hujusmodi exercere potuisse, & posse. Vobis insuper concedentes, ut etiam Clerici vestri prima tantum tonsura insigniti, prout hucusque fecerunt, valeat deinceps ipsum Dei verbum ubique populo prædicare.

Inhibitio contra perturbatores.

§.2. Districtius inhibentes universis, & singulis locorum Ordinariis, & quibuscumque aliis quacumque dignitate, & auctoritate fungentibus, ne quemquam vestrum quovis prætextu præmissorum occasione, impedire, vel molestare audeant quoquo modo.

Derogatio contrariorum

§.3. Non obstantibus Apostolicis, ac in generalibus, & provincialibus Conciliis editis, generalibus, vel specialibus, Constitutionibus, & Ordinationibus, ceterisque contrariis quibuscumque.

Fides transumptorum.

§.4. Volumus autem ut præsentium transumptis, etiam impressis, manu Notarii publici, seu Secretarii Societ., subscriptis, & sigillo personæ in dignitate ecclesiastica constitutæ, seu etiam d. Societatis Præpositi generalis munitis, eadem prorsus fides adhibeatur, quæ ipsis præsentibus adhiberetur, si essent exhibitæ, vel ostensæ.

D.P. An. XIII  
20. Novemb.

Datum Romæ apud S. Marcum, sub Annulo Piscatoris, die 20. Novemb. 1584., Pont. nostri Anno XIII.

CLXXV.

De forma, qua Clerici R. C. Apostolicæ expeditiones Camerales signare debent, sub nomine, & sigillo S. R. E. Cardinalis Camerarii.

GREGORIUS EPISCOPUS

SERVUS SERVORUM DEI

*Ad perpetuam rei memoriam.*

**Q**uæ a Rom. Pontificibus optima ratione sunt decreta, ac roborata ea ne sentim labefactentur, & pereant, nostrum in primis est officium providere.

Exordium.

§.1. Olim igitur fel. rec. Paulus Papa Tertius Prædecessor noster, propositis poenis gravissimis officiorum, & beneficiorum privativis, atque excommunicationis latæ sententiæ ipso facto incurrendis perpetua Const. prohibuit Decano, & Clericis Camera Apostolicæ, qui omnia, quæ in eadem Camera agunt, S. R. E. Camerarii nomine agunt, ne res Camerales infcio ipso Camerario, cui rerum, & jurium Camera curæ est specialiter commissa, quique vivæ vocis oraculum habet, & in suo officio personam Pontificis repræsentat, ullo modo expedirent, neve ullas expeditiones Camerales gratiam, vel justitiam concernentes, seu mixtas, aut ab illis dependentes, aliter quam sub nomine Camerarii, & sub sigillis penes ipsum existentibus, facere aut expedire possint.

Paulus III. ejus Constitutio non est hic, jussit Clericos expeditiones dare sub nomine & sigillo Camer.

§.2. Postea vero piæ mem. Julius Papa III. dictam Pauli Prædecessoris Constitutionem cum omnibus suis clausulis approbavit, & innovavit, decrevitque, quod Camerarius solus posset Officii sui sigillum tenere, Clerici vero, & Decanus dictæ Camera sigillum nullum habere possent.

Julius III. ei refert, & approbat.

§.3. Et quamvis decreta hujusmodi, & propter suam ipsorum æquitatem, & propter Romanorum Pont. auctoritatem, & propter poenarum in eis propositarum gravitatem, debuissent diligentissime servari, quemadmodum antea fuerant servata; Tamen, ut accepimus, nonnullis abhinc annis violari cœpta esse, ac multas recentes Camerales expeditiones, tam gratiam, quam justitiam, aliaque negotia concernentes, sine debito atque usitato nomine Camerarii, & ejus sigillo, sine solita subscriptione, Visa, &c. privatim autem, & singulariter sub ipsorum Clericorum, etiam prætextu rescriptorum, & commissionum ipsis singulis, seu etiam ipsis omnibus Clericis directarum nominibus, & sigillis factas, totidemque in Camera sigilla, quot in ea sunt Clerici irrepsisse, novumque expediendi genus, tam in Curia quam extra introductum esse, sub prætextu tit. Præfecturæ, Annonæ, Præsidatuum viarum, Doctus, Grasciæ, Zecchæ, Riparum, Carcerum, superintendentiæ Collis Scipionis, aliisque noviter repertis Salaris, & Gabellæ carnis, privatis etiam singulorum Secretariis quandoque ad hujusmodi expeditiones adhibitis; sicque tam vigore commi-

Sed tamen Clerici absque nomine, & sigillo Camerarii expeditiones novis cum clausulis hic expressis dabant.



missionum, & rescriptorum, in causis Cameralibus, & aliis infra scriptis, quam etiam auctoritate ordinaria, ac ex decreto Camerae, monitoria, decreta, citationes mandata executiva, brachia saecularia, aliasque expeditiones, Annonam, Vias, Ripas, Dohanas, Grasciam, Carceres, Zeccam, Superintendentiam Collis Scipionis, Salarium, Gabellam carniū, Annatam, Quindennia, Spolia, ac Commissariorum deputaciones, omisissis plerumque fideiussionibus, & juramentis, praestari consuetis, expedita esse novis cum clausulis, Camerario tantum, & non supradictis Clericis permisissis, ac convenientibus, dum alii ita scribunt. Expositum fuit Nobis in Camera Apostolica; alii, auctoritate qua fungimur in hac parte; alii juxta mandatum Sanctissimi Nobis oretenus factum; alii, Datum Romae in Camera Apostolica; alii, Datum Romae in Palatio Nostro; & haec nonnumquam sola cum subscriptione Auditorum, aut Secretariorum dictorum Clericorum, talibus etiam expeditionibus in Camera quandoque minime registratis, magna cum summi Camerariatus Tribunalis indignitate, & rerum tum privatarum tum publicarum incommodo, & iactura, etiam aliquando Clericos causas a Camerario ad se advocasse, Camerarioque inhibuisse.

§.4. His igitur omnibus intellectis, perspectaque inanitate causarum hujus tantae rerum perturbationis a dictis Clericis ad excusationem propositarum, indignum judicantes, iusta, ac legitima Romani Pontificis decreta perfringi privata licentia, neque suum Camerario jus atque honorem, ab his praesertim, quorum ipse est caput, relinqui, & conservari, istumque Clericorum expediendi modum contra antiquas expeditiones, & Constit. Apostolicas esse intelligentes, Motu proprio, & ex certa scientia nostra, deque Apostolica potestatis plenitudine, hac nostra perpetua Constitutione, supradictas, Rom. Pontificum Praedecessorum nostrorum Constitutiones, declarationes, & decreta omnia, auctoritate Apostolica tenore praesentium approbamus, & confirmamus, & quatenus opus sit, eadem omnia de novo decernimus, dictasque Clericorum expeditiones omnes, necnon banna, edicta, causarum a Camerario avocationes, & inhibitiones de cetero faciendas, nullas, irritas, & invalidas ex nunc esse declaramus, omnesque a dictis Clericis ita ut dictum est, ad quavis officia, exercitia, curationes, administrationes deputatos revocamus, neve se in eis amplius ingerere possint sub poenis nostro, & Rom. Pontificis pro tempore existentis arbitrio statuendis, prohibemus.

§.5. Eisdem quoque Decano, & Clericis universis, & singulis, nunc pro tempore existentibus, sub omnibus poenis, quae per supradictas Constitutiones irrogantur, ipso facto incurrendis, praecipimus, & mandamus, ne ullo umquam tempore, sive univ[er]se sive privatim, & singulariter, quicquam, etiam vigore quorumcumque

officiorum, praesidentatum, & praefectarum, seu rescriptorum, & commissio- num, etiam manu nostra, vel successorum nostrorum signatarum, ipsis Clericis, & cuicumque eorum directarum expedire possint, nec quascumque patentes literas, ac supradictas, aliasque ejusmodi expeditiones, aliter quam sub nomine, & sigillo Camerarii facere, aut subscribere audeant, neque alia subscriptione uti, quam Visa, &c. neque expeditiones alibi, quam in Camera registrari patiantur; Haecque in omnibus expeditionibus per Clericos supradictos faciendis diligenter servari volumus, & mandamus, exceptis dumtaxat, & reservatis Guberniis Civitatis Veteris, Tulpae, Caesarum, & Terrarum Arnulphorum, in quibus de more expedire possint.

§.6. Sub eisdem quoque poenis omnibus ejusdem Camerae Notariis inhibemus, ne in posterum praedictas, nec ullas alias expeditiones quocumque nomine appellatas, gratiam, vel justitiam concernentes, aut mixtas, tam in Rom. Curia, quam extra eam, aliter quam sub nomine, & sigillis pro tempore existentis Camerarii scribere, aut expedire audeant.

§.7. Itidem quoque, & sub eisdem poenis, simili modo incurrendis inhibemus dictorum Clericorum Secretariis, & Auditoribus, & aliis quibuscumque extra Camerae existentibus, ne ullas omnino expeditiones ex supradictis, nec alias quascumque super rebus ad dictam Camerae pertinentibus, vel ab eis dependentibus facere, aut subscribere, seu in eis se ingerere quocumque praetextu, seu colore audeant.

§.8. Omnes autem supradictas, & alias Camerales expeditiones, necnon tractas tritici, & aliarum segetum, etiam extra Statum Ecclesiasticum, earumque expeditiones ad Camerarium solum, & non ad alium spectare, & pertinere decernimus.

§.9. Et quas contra formam hujus nostrae Constit. in totum, vel in partem in futurum fieri contigerit, omnino nullas atque irritas esse declaramus. Sicque per quoscumque judices, ordinarios, & delegatos, etiam causarum Palatii Apostolici Auditores, & S. R. E. Cardinales, sublata eis, & orum cuilibet quavis aliter judicandi, & interpretandi facultate, & auctoritate, judicari, & decideri debere mandamus. Decernentes irritum, & inane, si secus super his a quoquam quavis auctoritate, scienter, vel ignoranter contigerit attentari.

§.10. Ac mandantes dilecto filio nostro Philippo S. Angeli in foro piscium Diacono Card. Vastavillano moderno, ac pro tempore esistenti, nostro, & S. R. E. Camerario, ut pro praemissorum observatione, executione, & implemento, omnibus, & singulis praefatis, & quibus opus fuerit, praecipiat, mandet, & inhibeat, illosque citet, cogat, & compellat, & alias prout sibi videbitur, contra eos procedat, ceteraque alia faciat, & exequatur, quae in praemissis, & circa ea necessaria fuerint, & sibi videbuntur quomodolibet opportuna.

Inhibet Notariis ne expeditiones aliter scribant.

Jubet etiam Clericorum, Auditoribus, &c. ne expeditiones super rebus ad Camerae pertinentibus subscribant.

Camerae expeditiones, & tractas frumentorum spectant ad Camerarium.

Decretum irritans.

Camerarii facultates contra inobedientes.

Ideo hic Pontifex innovat, & confirmat dictas Constitutiones Pauli III. & Julii III. & invalidas esse decernit praedictas expeditiones a Clericis faciendas.

Praecipitque eisdem Clericis, ut omnes expeditiones sub nomine, & sigillo Camerarii fignent, & cum sola subscriptione, visa, &c. exceptis



Clausula de-  
rogatoria.

na. Nos enim motu, & potestatis plenitudine similibus eidem Philippo Card. & Camerario, ultra ejus potestatem, & auctoritatem, in præmissis plenissimam licentiam, & facultatem concedimus.

§.11. Non obstantibus præmissis, & nostra de non tollendo jure quaesito, ac aliis Apostolicis Constitutionibus, dictaque Camera juramento, confirmatione Apostolica, vel quavis firmitate alia roboratis statutis, & consuetudinibus, necnon privilegiis, indultis, & literis Apostolicis illis, ac prædictis Præsidentibus, & Clericis quomodocumque concessis, confirmatis, & innovatis, quibus omnibus illorum tenores, perinde, ac si ad verbum infererentur præsentibus, pro sufficienter expressis habentes, harum serie ad effectum omnium præmissorum, specialiter, & expresse derogamus, contrariis quibuscumque, aut si Decano, Clericis, ceterisque prædictis, ac quibuscumque aliis, communiter, vel divisim ab Apostolica sit Sede indultum, quod interdici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Nulli ergo &c.

D.P. An.XIII  
8. Decemb.

Dat. Romæ apud S. Petrum, Anno Incarnationis Dominicæ, millesimo quingentesimo octuagesimo quarto, Nonis Decembris, Pont. nostri Anno XIII.

### CLXXVI.

Institutio Confraternitatis seu Congregationis Externorum Scholarium, studiis Collegii Societatis Jesu de Urbe insistentium sub invocatione Annunciationis B. Mariæ, ad pia opera exercendum. Et facultas alias aggregandi Congregationes, cum Indulgentiarum communicatione.

GREGORIUS EPISCOPUS  
SERVUS SERVORUM DEI

*Ad perpetuam rei memoriam.*

Exordium.

Omnipotentis Dei Salvatoris Nostri, qui ex pietatis suæ superabundantia, fidelium mentibus Cælestis inspirationis gratiam, & devotionis ardorem, ad divinæ Majestatis obsequia, & piorum operum exercitia salubriter peragenda, continuo infundit, exemplo adducti, in eam Pastoralis officii curam, cogitationemque sedulo incumbimus, per quam ipsorum fidelium fructuosus hujusmodi operibus, & exercitiis vacantium religio, & devotio continuum suscipiat incrementum, eisque votiva salus proveniat animarum.

§.1. Alias siquidem per Nos accepto quod plerique probi, & pii adolescentes, bonarum literarum studiis in Collegio nostro Societatis Jesu de Urbe insistentes, singulari erga Beatissimam Mariam Virginem Dei Genitricem affectu ducti, ac etiam Lectorum, & Magistrorum suorum spiritualibus cohortationibus ad id accensi, Ecclesiam Annunciationis ejusdem B. Mariæ in

corpore ædificiorum d. Collegii consistentem, certis statutis diebus, & horis frequentare, & cum eximia devotionis sinceritate, cordisque contritione, conscientiam suam per Confessionis, & Sanctissimæ Eucharistiæ ministerium expurgare, ac divinis Officiis, colloquiis, & exhortationibus spiritualibus, aliisque piis, & salutaribus operibus vacare soliti erant, factoque inde ad illorum exemplum majore aliorum concursu, mutuis studiis se invicem consociaverant. Nos ut pium hoc institutum peramplius coalesceret, eisdem, & aliis Christifidelibus, hujusmodi spiritualibus operibus, & exercitiis pro tempore ad dictis, nonnullas Indulgentias, & peccatorum suorum remissiones concessimus, prout in nostris inde confectis literis plenius continetur.

§.2. Cum autem sicut exhibita Nobis nuper pro parte dilecti Filii Præpositi Generalis dictæ Societatis petitio continebat, in diversis Mundi partibus, & præsertim insignioribus Europæ Civitatibus, ejusdem Societatis Collegia ad juventutem bonis moribus, & virtutibus ornandam, ac vera pietate, sanæque doctrina imbuendam, propagare, illorumque externi Scholares ibidem studiorum causa confluentes, optima devotionis, & piorum operum hujusmodi exercitia ferventi studio imitari, & exinde multiplices fructus ad Dei gloriam ipsiusque divini Numinis cultum, ac B. Mariæ Virginis honorem, necnon publicam salutem, & spirituales consolationem provenire cœperint.

§.3. Et operæ prætium sit, ut quemadmodum piarum, & fructuosarum exercitationum hujusmodi institutum a Scholaribus dicti Collegii de Urbe, quod nostris auspiciis, & impensis, magnifico ædificiorum, & structurarum opere a fundamentis innovatur, & extruitur, primordium suum in dicta Ecclesia Annunciationis B. Mariæ habuit; ita quoque inibi eorumdem Scholarium primaria Congregatio, seu primarium Sodalitium, sub titulo ejusdem Annunciationis B. Mariæ ad laudabile eorum in piis operibus, & officiis hujusmodi studium nostris beneficiis, & Indulgentiarum præmiis conservandum ac augendum, stabiliatur, & instituatur, pro parte ipsius Præpositi Nobis fuit humiliter supplicatum, ut præmissis annuere, & desuper opportune providere de benignitate Apostolica dignaremur.

§.4. Nos igitur religiosorum ipsorum Scholarium, & in his, spiritualibus exercitiis studium, piæ voluntatis affectu prosequi volentes, ipsumque Præpositum a quibusvis Excommunicationis, suspensionis, & interdicti, aliisque Ecclesiasticis sententiis, censuris, & poenis, a jure vel ab homine, quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes; Necnon literarum prædictarum tenores præsentibus pro expressis ha-

Postea in diversis mundi partibus, ubi sunt d. Societatis Collegia, externi Scholares, eadem imitari ceperunt.

Unde opportunum videtur, ut stabiliatur in dicta Ecclesia de Urbe, Primaria Congregatio, a qua alie ortum habuerunt.

Pii adolescenti-  
res Studiis  
Collegiis So-  
cietatis Jesu  
de Urbe in-  
cumbentes, ad  
pia opera  
hic enunciata  
exercendum  
se consocia-  
runt.

Hic ideo Pontifex eam ibi erigit, sub regimine Præpositi generalis Societatis Jesu.



bentes, hujusmodi supplicationibus inclinati, in eadem Ecclesia, unam seu unum, externorum Scholarium dicti Collegii nostri, ac etiam aliorum Christifidelium Societati prædictæ devotorum primariam Congregationem, seu primarium Sodalitium, sub titulo Annunciationis B. Mariæ hujusmodi, quæ, seu quod per prædictum, & pro tempore existentem Præpositum Generalem dictæ Societatis, seu illo defuncto, donec alius ad Officium Præpositi Generalis hujusmodi canonice assumatur, per Vicarium etiam Generalem ejusdem Societatis dirigi debeat, Apostolica auctoritate tenore præsentium perpetuo, sine tamen ipsius Societatis præjudicio, erigimus, & institimus.

Sodalibus, Indulgentiam plenariam, in ingressu, & articulo mortis elargitur.

§.5. Ut autem primaria Congregatio, seu primarium Sodalitium hujusmodi, per gratiarum, & munerum Cælestium largitionem, devotionis ac pietatis jugiter proficiant incrementis, de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, omnibus, & singulis Christifidelibus vere poenitentibus, & confessis, qui deinceps in Sodales ejusdem primariæ Congregationis, seu primarii Sodalitii recipientur; tam die receptionis eorum, si Sanctissimum Eucharistiæ Sacramentum in prædicta Ecclesia aut ubicumque potuerint, eo die sumpserint, quam in mortis articulo.

Visitantibusque ejus Ecclesiam die Annunciationis B. Mariæ.

§.6. Necnon ipsis, ac omnibus, & singulis aliis utriusque sexus Christifidelibus etiam vere poenitentibus, & confessis, sacraque Communione refectis, qui Ecclesiam prædictam die festivitatis ejusdem Annunciationis B. Mariæ a primis vespers usque ad occasum solis ipsius festivitatis devote visitaverint, & inibi pro Reipublicæ Christianæ conservatione, & augmento, hæresum extirpatione, Principumque Christianorum mutua, & Universali pace, ac nostra, & pro tempore existen. Romanorum Pontificum prosperitate, vel alias preces, prout unicuique suggeret devotio, ad Deum devote effuderint.

Sodalibus confessis &c. diebus hic expressis, Indulgentiam plenariam concedit.

§.7. Insuper eisdem Sodalibus similiter vere poenitentibus, & confessis, qui in Nativitatis, & Ascensionis Domini Nostri Jesu Christi, ac Annunciationis, Assumptionis, & Conceptionis, necnon Nativitatis B. Mariæ Virginis festis diebus, prædictum Sanctissimum Sacramentum, ibidem vel alibi acceperint, plenariam omnium peccatorum suorum indulgentiam, & remissionem, Apostolica auctoritate, & tenore prædictis misericorditer in Domino concedimus, & elargimur.

Annum autem de poenitentis relaxat Sodalibus associatis corpora defunctorum.

Aut si impediti sint, pro defunctis, vel infirmis orantibus.

§.8. Ipsiisque Sodalibus, qui de eorum numero existentium, vel aliorum Christifidelium Defunctorum corpora ad sepulturam Ecclesiasticam associaverint.

§.9. Aut infirmi vel impediti, audito signo campanæ, genuflexi, si per infirmitatem licebit, orationem Dominicam, & Salutationem Angelicam, pro salute Animæ Defuncti, vel Corporis infirmi recitaverint.

Bull. Rom. Tom. IV. Par. IV.

§.10. Necnon qui Congregationibus, tam publicis quam privatis, ac divinis Officiis, spiritualibusque colloquiis exhortationibus, & aliis piis Officiis, etiam in Sodalibus, seu aliorum Christifidelium Defunctorum suffragium per primariam Congregationem, seu primarium Sodalitium ordinandis, & ab ipso Præposito, seu Vicario Generali approbandis, quique diebus feriatis Missæ Sacrificio interfuerint.

§.11. Aut Vespertino tempore antequam cubent, conscientiam suam diligenter examinaverint.

Conscientiam examinanti-  
bus.

§.12. Seu pauperes infirmos, tam Sodales quam alios in hospitalibus, vel privatis domibus, necnon Carceratos visitaverint.

Infirmos, vel carceratos visitantibus.

§.13. Aut pacem inter inimicos conciliaverint, quoties horum quodvis fecerint, unum annum de eis iniunctis, vel alias quomodolibet debitis poenitentiis Apostolica auctoritate, & tenore similibus etiam misericorditer in Domino relaxamus.

Inimicosque reconciliantibus.

§.14. Quascumque alias præsentibus non expressas Indulgentias, & peccatorum remissiones, etiam plenarias, & relaxationes Scholaribus, & aliis prædictis, ratione dicti eorum instituti, vel alias in communi per Nos, & Sedem Apostolicam quomodolibet concessas revocando, & abrogando.

Revocatio aliarum indulgentiarum

§.15. Insuper ne præfati Sodales, si aliquando eos ab ipsa Urbe abesse, vel alibi commorari contingat, hujusmodi indulgentiarum, & aliarum gratiarum spiritualium effectu, & fructu frustrati remaneant, eisdem Sodalibus extra Urbem ubivis locorum pro tempore commorantibus, ut in locis, ubi eos pro tempore residere, seu morari contigerit, opera prædicta, quæ ipsi Sodales in Urbe, præsentibus pro singularum indulgentiarum, remissionum, & relaxationum hujusmodi consequutione observare deberent, apud Ecclesias eorundem locorum, aut alibi, prout poterunt, observando, & exequendo, omnes easdem indulgentias, remissiones, & relaxationes habeant, & illæ eis pariter suffragentur.

Sodales absentes, & dicta opera exercentes gaudeant eisdem Indulgentiis.

§.16. Necnon tam in Urbe, quam alibi ubivis locorum commorantes, Sodales primariæ Congregationis, seu primarii Sodalitii hujusmodi, qui singulis quadragesimalibus, & aliis anni temporibus, ac diebus Stationum Ecclesiarum dictæ Urbis, & extra illius muros, quæ a Christifidelibus pro consequendis indulgentiis, & remissionibus visitari solent, d. Societatis, si ibi fuerit, alioquin aliam Ecclesiam, seu Cappellam in locis, ubi eos pro tempore residere, seu morari contigerit, ut præfertur, devote visitaverint, & ibi septies orationem Dominicam, & septies salutationem Angelicam recitaverint, tot, & easdem indulgentias consequantur, quas consequerentur, si iisdem temporibus, & diebus singulas Ecclesias dictæ Urbis, & extra illius muros hujusmodi pro eisdem Stationibus, & indulgentiis consequendis deputatas personaliter visitarent, ac omnia, & singula, quæ pro hujusmodi gratiarum con-

Et tam præsentibus in Urbe, quam absentes, Stationes Urbis consequantur, visitando Ecclesiam, ut hic



1584.

1584.

Facultas Præ-  
positi genera-  
lis, aggregan-  
di alias Con-  
gregationes.

sequutione quomodolibet requiruntur, ple-  
ne adimplerent i

§. 17. Præterea eidem Præposito, seu Vicario Generali pro tempore existenti, ut in quibusvis aliis dictæ Societatis Collegiis extra Urbem prædictam, per universum Orbem nunc & pro tempore erectis, seu eorum Ecclesiis pro eorundem piorum operum incremento, quascumque alias, seu quæcumque alia Scholarium ibidem literarum studiis insistentium, & aliorum Christifidelium ipsi Societati devotorum Congregationes, seu Sodalitia sub eo titulo Annunciationis B. Mariæ, quæ ab ipsa primaria Congregatione, seu primario Sodalitio tamquam membra a capite dependant, auctoritate nostra, sine tamen Societatis, aut Collegiorum, & Ecclesiarum hujusmodi præjudicio, erigere, & instituere.

Eisque gra-  
tias, & Indul-  
gentias com-  
municandi.

§. 18. Illasque, seu illa eidem primariæ Congregationi, seu primario Sodalitio aggregare, ac eis sic erectis, institutis, & aggregatis eorumque Sodalibus, prædictas ac omnes, & quascumque alias Indulgentias, peccatorum remissiones, relaxationes, gratias, & facultates, tam spirituales quam temporales, a Nobis, dictaque Sede primariæ Congregationi, seu primario Sodalitio de cetero concedendas, ita ut Sodales aliarum Congregationum, seu aliorum Sodalitiorum hujusmodi, observantes, & exequentes ea, quæ ipsius primariæ Congregationis, seu primarii Sodalitii Sodales pro Indulgentiis, remissionibus, & relaxationibus hujusmodi consequendis, observare, & exequi debent, easdem Indulgentias, peccatorum remissiones, & relaxationes pariter consequantur, facultate aggregandi, & gratias hujusmodi aliis concedendi dumtaxat excepta, communicare.

Congregatio-  
nes visitandi,  
& statuta con-  
dendi pro ea-  
rum regimine

§. 19. Necnon tam Primariam, seu Primarium, quam omnes, & singulas ei aggregandas Congregationes, seu omnia, & singula ei aggreganda Sodalitia hujusmodi, per se, vel alium, seu alios ejusdem Societatis Presbyteros idoneos ad id ab eo deputandos visitare, & pro earum felici statu, regimine, & directione, quæcumque statuta, & decreta, licita tamen, & honesta, sacrisque Canonibus, & Concilii Tridentini decretis non contraria, necnon ab ipso Præposito, seu Vicario, si per alium, vel alios deputatos hujusmodi fiant, examinanda, & approbanda edere, ac postquam edita fuerint, quoties pro eorum, & temporum qualitate, aut alias expediens ei videbitur, immutare, corrigere, moderari, & reformare, aut alia ex integro condere, libere, & licite valeat, eisdem auctoritate Apostolica, & tenore perpetuo concedimus, & indulgemus. Decernentes statuta, constitutiones, & decreta hujusmodi, postquam edita, immutata, correctæ, moderata, reformata, & condita fuerint, ab omnibus Sodalibus prædictis inviolabiliter observari debere.

Clausula præ-  
servativæ.

§. 20. Ac præsentis literas sub quibuscumque similibus, vel dissimilibus Indul-

gentiarum, & aliarum gratiarum revocationibus, suspensionibus, limitationibus, derogationibus, & aliis contrariis dispositionibus, etiam in favorem Basilicæ Principis Apostolorum de Urbe, seu Cruciatæ Sanctæ, aut alias per Nos, vel alios Romanos Pontifices Successores Nostros, aut dictam Sedem, etiam Motu proprio, & ex certa scientia, Apostolicæ potestatis plenitudine, sed ad quorum vis etiam Imperatorum, Regum, Reginarum, Ducum, & aliorum Principum instantiam pro tempore quomodolibet factis minime comprehendere, sed semper ab illis exceptas, & quoties illæ emanabunt, toties in pristinum statum restitutas, repositas, & plenarie reintegratas, ac de novo concessas esse, & censeri. Necnon omnibus, quos illæ concernunt, suffragari debere, irritum quoque, & inane, si secus super his a quoquam quavis auctoritate, scienter vel ignoranter contigerit attentari.

§. 21. Non obstantibus præmissis, & nostra de Indulgentiis ad instar non concedendis, ac aliis Constitutionibus, & Ordinationibus Apostolicis, ceterisque contrariis quibuscumque, præsentibus perpetuis futuris temporibus duraturis.

Clausula de-  
rogatoria.

§. 21. Volumus autem, ut earundem præsentium transumptis etiam impressis, Secretarii ipsius Societatis, vel Notarii publici manu, & personæ alicujus in dignitate Ecclesiastica constitutæ, vel pro tempore existentis Præpositi, aut Vicarii Generalis ejusdem Societatis sigillo munitis, eadem prorsus fides ubique locorum in judicio, & extra adhibeatur, quæ adhiberetur eisdem præsentibus, si essent exhibitæ, vel ostensæ.

Transumptio-  
rum fides.

Nulli ergo &c.

Datum Romæ apud Sanctum Petrum, Anno Incarnationis Dominicæ, millesimo quingentesimo octuagesimo quarto, Nonis Decembris, Pontificatus nostri Anno XIII.

D. P. An. XIII  
5. Decemb.

CLXXVII.

Contra Exules, & alios in Italia commorantes, qui animalia, & alia bona in Statu Ecclesiastico diripiunt, abducunt, recipiunt, vel permutant.

GREGORIUS PAPA XIII.

Universis, & singulis præsentis literas inspecturis, salutem, & Apostolicam benedictionem.

Non sine gravi animi nostri molestia nuper accepimus, quod licet Nos jam pridem per nostras Constitutiones, & ministri nostri per proclamata, & ordinationes, ac etiam cohortibus armatis, exulum, ac perduellium, flagitiosorumque Hominum audaciam in Statu Nostro Ecclesiastico reprimere, latrociniaque, & delicta prohibere, ac delinquentes ad aliorum terrorem graviter punire omnibus modis conati fuerimus, nihilominus complures exules, & latrones hujusmodi adhuc supersunt, qui propriæ salutis immemores, poenasque im-

Causa hujus  
Cōstitutionis.



positas parvifacientes, assidua furta, & latrocinia in animalibus, & jumentis, in statu, & ditione nostra existentibus committere non verentur; nec desunt alii, tam Nobis quam temporalibus dominis circumvicinis subditi, qui animalia, & jumenta illa ita subrepta, sine timore ab ipsismet latronibus emere, & quoquoersum abigere, & distrahere non dubitent, quo fit, ut illis major præbeatur occasio, & materia delinquendi, & affidati Camera Apostolicæ, ipsique Dohanerii Dohanæ nostræ Patrimonii, ac alii pecuarii, & aratores animalia hujusmodi habentes maximum inde patiantur detrimentum.

Excommunicantur diripien. animalia, & alia bona in Statu Ecclesiastico, vel illa ementes, &c.

§.1. Quare Nos huic malo obviam ire, & quieti, ac indemnitati publicæ, quantum in Nobis est, prospicere volentes, ac, ut quos legum, poenæque corporalis timor non retinet, saltem gladii spiritualis fulgor a malo deterreat, præsertim cum non solum pium, & meritum, sed etiam justum ac necessarium sit, tales continuos ac notorie criminosos, ac ab eis ementes res furtivas utroque gladio, severitate opportuna, corrigi, atque puniri, perpetuo hoc edicto statuimus, omnes, & quoscunque tam hujusmodi animalia, & jumenta, aliasque res, & bona cujuscunque generis & speciei in statu nostro temporali diripientes, abducentes, & furto subtrahentes, quam ementes, permutantes, seu ab eis illa quovis modo recipientes, & cum eisdem contrahentes, seu quovis titulo, colore, causa, vel prætextu penes se habentes, & retinentes, cujuscunque status, gradus, conditionis, sexus, qualitatis, dignitatis, aut præminentiae fuerint, tam laici quam Clerici, & Presbyteri, etiam Regulares, & Sæculares, & non solum in dicto Statu nostro Ecclesiastico, sed etiam in quovis Regno, Statu, Dominio, Territorio, Civitatibus, Terris, & locis universæ Italiæ commorantes, ultra alias poenas juris, Constitutionum, & proclamatum prædictorum, excommunicationis majoris latæ sententiæ poenam ipso facto incurrere, a qua nullus ab alio quam a Romano Pontifice, aut de ejus speciali mandato, præterquam in Mortis articulo constitutus, factaque aut mandata restitutione, vel satisfactione dictorum animalium, jumentorum, rerum, & bonorum hujusmodi dictis affidatis, Dohanerio, & aliis, ut præmittitur, & pro tempore subreptorum, absolutionis beneficium valeat obtinere, ipsamque excommunicationis poenam ex nunc, prout ex tunc, & contra adversus inobedientes, & rebelles quoscunque, & ipsorum quemlibet promulgamus per præfentes.

§.2. Ac mandamus universis, & singulis Archiepiscopis, Episcopis, & aliis Ecclesiarum Prælati, eorumque Vicariis in spiritualibus generalibus totius nostri status prædicti, ac etiam in Regno Neapolitano, ac statu Magni Hetruriæ, ac Ferrariæ, & Urbini Ducum in virtute sanctæ obedientiæ, ut cum harum exemplaria, etiam impressa, manu Notarii publici subscripta, sigilloque

Episcopi, &c. Status Ecclesiastici, & Regni Neapolis, ac Ducatus Hetruriæ, Ferrariæ, & Urbini faciant publicari hanc Constitutionem, quæ sic publicata omnes afficiat.

personæ in dignitate ecclesiastica constituta munita, exhibita eis fuerint, in omnibus Civitatibus, terris, oppidis, locis, castris, ac diocesis, præsertim statui nostro prædicto circumvicinis ad valvas Ecclesiæ matricis Civitatum, Terrarum, Oppidorum, Castrorum, & locorum suæ Diocesis quamprimum affigi, & publicari faciant. Quæ quidem exemplaria, seu transumpta sic affixa, & publicata, ubique, in judicio, & extra illud fidem faciant, omnesque supradictos, ac alios præsentibus literis nominatos, vel quomodolibet comprehensos taliter ligent, arctent, afficiant, & obligent, ac si unicuique personaliter intimata fuissent.

§.3. Non obstantibus Constitutionibus, & Ordinationibus Apostolicis, necnon privilegiis, indultis, exemptionibus, & literis Apostolicis quibuscunque personis quacunque dignitate ecclesiastica, vel temporali præditis, conjunctim, vel separatim concessis, etiam quibus caveatur expresse, quod excommunicari non possint per literas Apostolicas non facientes plenam, & expressam, & ad verbum de indulto hujusmodi mentionem, ceterisque contrariis quibuscunque.

Clausula de rogatoria.

Datum Romæ apud S. Petrum, sub annulo Piscatoris, die 7. Decemb. 1584. Pontificatus nostri Anno XIII.

D.P. An. XIII. 7- Decemb.

## CLXXVIII.

Quod Eremitæ Congregationis Camaldulensis Ordinis S. Benedicti, religiosos alterius Ordinis recipere possint. Ipsi vero ad alium etiam Eremitarum S. Romualdi Montis Coronæ transire nequeant.

Quæ spectant ad istam Congregat. Camaldulensem, vide in Const. XXVIII. Alexan. II. Nulli T. II. fol. 19. ubi plene dixi. Quæ vero Congregationem Eremitarum S. Romualdi respiciunt, attende in Clementis VII. Const. XXVI. Vestrum Tom. IV. P. I. fol. 76. ubi dixi.

## GREGORIUS PAPA XIII.

Dilecto filio Priori Generali Monachorum Ordinis Camaldulen. nunc, & pro tempore existenti.

E A est Eremitæ Camaldulensis Aretinensis Diocesis antiquitas, & Monachorum in aspera illa solitudine Deo assidue famulantium religio, ac morum, vitæque innocentia, & sanctitas, quæ omnia non solum ab aliis sæpe audivimus, sed etiam nostris oculis aliquando vidimus, & admirati sumus, ut merito sacrum illum locum, & Ordinem dignum semper, qui præcipue privilegiis fulciatur, judicemus.

Eremitæ Camaldulensis commendatio.

§.1. Itaque omnes gratias, indulta, & privilegia eidem Ordini, & Eremitæ a Rom. Pontificibus Prædecessoribus, sub recipiendis quibuscunque quarumvis Religionum, & Ordinum Mendicantium Fratribus religiosi, ad ipsos transire volentibus concessa, rata, & firma esse volentes, & quatenus opus sit, auctoritate Apostolica tenore præ-

Confirmatio privilegiorum



1585.

præsentium innovantes, Tibi qui ex illis unus es, ac omnibus tecum in eodem Eremitio Altissimo famulantibus, districte præcipimus, & inhibemus, ne ad alium Ordinem, & Religionem, nec etiam ad aliam, quæ Montis Coronæ vocatur ejusdem Ordinis Camaldulensis, sine expresso consensu, & licentia Superioris ipsius Eremiti, qui Major appellatur, in scriptis obtenta, transire audeant.

Contraveni-  
tibus poenæ  
indiguntur.

§.2. Et si qui contrafecerint, excommunicationis, Apostasiæ, & aliis congruis, & arbitrio suo, successorumque suorum infligendis, & declarandis poenis, subiungere decernimus, ita ut contrafacientes capi, puniri, & ad redeundum cogi possint; ad quæ omnia facienda, decernenda, & exequenda, & ubi opus sit, brachium sæculare invocandum, plenam, & liberam tibi, & successoribus tuis eadem auctoritate damus, & concedimus facultatem.

Contraria  
submoventur.

§.3. Non obstantibus Constitutionibus, & Ordinationibus Apostolicis, necnon indultis, privilegiis, exemptionibus, aliis religionibus quocumque modo concessis, approbatis, & innovatis, ceterisque contrariis quibuscumque.

D.P. An. XIII  
4. Januarii.

Datum Romæ apud S. Petrum, sub annulo Piscatoris, die 4. Januarii 1585. Pontificatus nostri Anno XIII.

## CLXXIX.

Ex Regest. in  
Secret. Brev.

Confirmatio Privilegiorum Universitatis Studii generalis Lovanien.

GREGORIUS EPISCOPUS

SERVUS SERVORUM DEI

*Ad perpetuam rei memoriam.*

Exordium.

**I**N præcellsa Militantis Ecclesiæ Sede, divinitus collocati profunda que considerationis indagine perscrutantes, quam præcipuum sit donum a Patre luminum procedens literarum scientia, quæ tenebrosas discutens caligines sapientia vivificat, ac producit, per quam iustitia undique colitur, & omnis humanæ conditionis prosperitas augetur, ad illas omnibus rationibus alendas jugiter intenti, nihil in Republica Christiana preclarius, aut stabilius, nihilque perinde necessarium arbitramur, quam ea, quæ a Prædecessoribus nostris pro Doctorum virorum Conventibus manutenendis provide concessa dicuntur, ea quæ possumus, ratione solidemus, ac quorumlibet, præsertim Catholicorum Regum id expectantium vota grato admittimus assensu, pro ut & rerum qualitas exigit, & in Domino conspiciamus salubriter expedire.

Facti series.

§.1. Sane charissimus in Christo filius noster Philippus Hispaniarum Rex Catholicus, tam suo, quam dilectorum filiorum Universitatis Studii generalis Oppidi Lovanien., olim Leodien., nunc vero Melfelinien. Diocesis, necnon facultatis artium ejusdem Universitatis nominibus, Nobis nuper exponi fecit, quod alias fel. rec. Six-

tus Papa IV. Prædecessor noster ex certis tunc expressis causis bonæ memoriæ Feruci tituli S. Vitalis Presbyteri Cardinalis, qui tunc Ecclesiæ Tornacen. ex dispensatione Apostolica præerat, ac claræ memoriæ Maximiliani Romanorum Imperatoris, tunc Austriæ Ducis, ac tunc existentium Doctorum, Magistrorum, & Scholarium dictæ Universitatis supplicationibus inclinatus, ac prædicti Cardinalis grata intercessione, & fidei Consilio inductus, Rectori ejusdem Universitatis pro tempore existenti de quinque Magistrorum, ad id in Congregatione solita ipsius Universitatis deputandorum consilio, & assensu nominando singulis Prælati, Capitulis, Collegiis, Conventibus, & personis Ecclesiasticis utriusque sexus sæcularibus, & regularibus, etiam si Abbatis, Abbatiali, Episcopali, Archiepiscopali, aut Cardinalatus fungerentur dignitate, & honore, ad quos, quas, vel quæ Canonicatum, & Præbendarum, ac administrationum, & officiorum, ceterorumque beneficiorum ecclesiasticorum quorumlibet cum cura, vel sine cura in terris temporalis Domini dicti Maximiliani Imperatoris, & recol. mem. tunc in humanis agentis Philippi ipsius Maximiliani Imperatoris primo geniti consistentium collatio, provissio, præsentatio, electio, seu quævis alia dispositio communiter, vel divisim pertineret, & eorum cuilibet, etiam si aliqui extra terras eandem Sedem, & residentiam haberent, dummodo tamen plus quam de sex beneficiis, seu officiis hujusmodi disponere, vel providere, ad illa præsentare, eligere, vel nominare, seu alias illa quovis locorum fundata conferre, haberent: Si Prælati, videlicet, vel Prælatus, aut aliæ singulares personæ vita, & Prælatura, ac administratione eorum durante semel dumtaxat: Si vero Capitula, Collegia, vel Conventus forent, singulis viginti annis, unum clericum ex studentibus, & graduatis dictæ Universitatis, ac in illa residentibus, qui ultra quadraginta florenos auri de Camera annuatim non haberet, vel qui ob paupertatem gradum assequi non posset, facultatem perpetuis futuris temporibus duraturam, per quasdam suas concessit, & ut sic nominare possint, de Apostolicæ potestatis plenitudine indulget, ac voluit, & auctoritate Apostolica, similique potestate statuit, & ordinavit, quod Prælati, Capitula, Conventus, Collegia, & personæ hujusmodi, ac successores eorum, quibus hujusmodi nominationes factæ forent, eisdem Clericis sic nominatis perpetuo de uno beneficio ecclesiastico cum cura, vel sine cura clerico sæculari in titulum conferri, ac per talem regi, & gubernari solito, dispositioni Apostolicæ generaliter non reservato, aut ex generali reservatione affecto, etiam si Canonicatus, & Præbenda, administratio, vel officium in Collegiata, aut scolastica, matricularia, vel custodia in Parochiali Ecclesia, vel Cappella esset, & ad administrationem, vel officium hujusmodi consuevisset quis per electionem assumi, eique cura immi-

1585.

Privilegia  
Sixto IV. con-  
cessa Univer-  
sitati Lovanien-  
si.



immineret animarum, cuius fructus, redditus, & proventus triginta florenorum Remen. aureorum secundum communem estimationem valorem annuum non excederent, quod post nominationem huiusmodi ipsis Prælatibus, Capitulis, Collegiis, Conventibus, & personis de se factam, & præsentatam quovis mense Apostolico, vel ordinario nuncupato perpetuis futuris temporibus vacare contingeret, ipseque sic nominatus per se, vel Procuratorem suum ad id ab eo specialiter constitutum infra unius mensis spatium duceret acceptandum, possent, tenerenturque, & deberent omnino providere, inhibitione, & decreto opportunis desuper appo sitis.

Alia privilegia a Leone X.

§.2. Et deinde pia mem. Leo Papa Decimus, etiam Prædecessor noster ejusdem Maximiliani Imperatoris, & similis mem. Caroli V. eorumdem Romanorum Imperatorum, tunc Archiducis, ac Margaritæ Archiducissæ Austriæ, necnon Decani, & facultatis artium huiusmodi supplicationibus inclinatus per alias suas literas, quod Decanus, vel Vice-Decanus pro tempore dictæ facultatis de assensu, & consilio Receptoris, & Procuratorum, etiam pro tempore quatuor nationum ejusdem facultatis per se, vel ad id ab eis ob suorum absentiam, vel alias ne nominationes differerentur, substituendos præsentando; seu majoris partis eorumdem, posset singulis decem annis a data literarum Leonis Prædecessoris huiusmodi computandis, quibuscumque Collegiis, Capitulis, & Conventibus semel: Prælatibus vero collatoribus, collatricibus, & aliis singularibus personis habentibus dispositionem, etiam qualemcumque beneficiorum, vel officiorum ecclesiasticorum in dictis terris temporalis Domini Maximiliani, & Caroli Imperatorum prædictorum, seu quæ eisdem, vel alteri eorum, aut legitimis ipsorum heredibus spectabant, seu spectarent, & pertinerent pro tempore, quo illi, vel illis subiectæ essent, necnon in Civitate, & Patria Leodien., & Comitatu Loffen., & Ducatu Bullonien., & etiam in Civitate Cameracen., & Comitatu Cameracensi, ac Tornacen., Morunen., & Atrebaten. Civitatibus, & Dioecesibus, & in Civitate Trajecten. consistentium, etiam si aliqui eorum extra Terras, & loca prædicta sedem, & residentiam haberent, & quacumque præfulgerent dignitate bis, seu duabus distinctis vicibus vita, prælatura, & administratione eorum durante unum ex dictis Magistris in artibus, qui inibi in facultate prædicta sex annis legisset, seu rexisset, vel ob doctrinæ eminentiam ad docendam logicam, aut physicam Aristotelis admissus, seu in illa novem annis promotus, & graduatus foret, & de illius consilio esset, vel aliquando fuisset, & qui pro ea prima vice dumtaxat, etiam ultra octuaginta florenos auri de Camera similes annuatim haberet; alios vero de cetero ultra dictos octuaginta florenos auri de Camera similes non haberet, perpetuis futuris temporibus nominare, ipseque nominatus quodcumque benefi-

cium, seu officium ecclesiasticum cum cura, vel sine cura in dictis literis expressum eidem dispositioni Apostolicæ reservatione generali in corpore juris clausa non reservatum, cuius fructus, redditus, & proventus sexaginta floren. auri de Camera similia, oneribus deductis, ita quod ex illo ipse nominatus commodius sustentaretur, valorem annuum secundum estimationem prædictam non excederent, quovis etiam mense Apostolico, vel ordinario acceptare valeret, nec sic nominatus teneretur nominationes huiusmodi consummare Capitulis, Collegiis, Conventibus Prælatibus, collatoribus, collatricibus, vel singularibus personis prædictis, seu alicui eorum, aut post acceptationem factam de beneficio, seu officio vacante collatorem ipsum, vel collatricem, seu Capitula, Collegia, vel Conventus huiusmodi pro collatione requirere, sed quod posset vigore dictæ nominationis de persona sua factæ ab executoribus in literis Sixti Prædecessoris huiusmodi deputatis, seu Decano Ecclesiæ S. Petri dicti Oppidi Lovanien. pro tempore existentis, quibus a dicto Decano, & cuilibet eorum id idem Leo Prædecessor committebat, & mandabat, de beneficio, seu officio vacante, sibi provideri facere, plenarie dicta auctoritate Apostolica absque ulteriori requisitione ipsorum collatorum, Capitulum, & Conventuum, Collegiorum, vel personarum prædictarum. Ac post acceptationem ad instar expectantium Apostolicorum, & pro ut in gratiis expectativis observabatur, insinuare, & se in corporalem possessionem poni, & induci facere posset.

§.3. Et si contingeret per dictam Universitatem, seu illius Rectorem, & Decanos aliquem Bachalaureum in Jure, vel Medicina, per prædictam vero facultatem artium, seu illius Decanum, & personas prædictas aliquem Magistrum artium nominari, eodem, vel diversis temporibus, ad eandem collationem, quod nominatus per facultatem, seu personas prædictas, tamquam magis meritis, & qualificatus præferretur, licet literæ nominationis alterius essent de priori data. Si vero utrobique contingeret artium Magistros, vel æque qualificados nominari, quod tunc in casu concurrentiæ super acceptatione ejusdem beneficii servaretur jus commune, vel dispositio regularum Cancellariæ quoad Prælationem, seu præferentiam. Quodque soli residentes in dicta Universitate jus nominationum acquirere, vel servare, & in locum decedentium, seu mutantium residentiam, aut nominationibus suis cedentium alii, toties, quoties per ipsam facultatem, modo præmisso nominari possent. Et quod Magister artium prius per ipsam Universitatem nominatus nihilominus per dictam facultatem artium modo prædicto nominari valeret, etiam ad eandem collectionem, & utraque nominatione gaudere, & uti, ac quod semel nominatus posset secundo, & tertio nominari, quandiu ultra octuaginta ducatos similis de Camera annuatim in annuis



nus redditibus, seu fructibus beneficiorum non haberet, & quod nihilominus juniores magistri ejusdem facultatis, de quibus non fuerat facta mentio, seu qui dictum tempus non attigerant, possent per eandem facultatem, seu illius personas prædictas nominari, & acceptare beneficia valoris in literis Sixti Prædecessoris hujusmodi expressi, omnesque sic pro tempore nominati præferrentur, & præferri deberent quibuscumque aliis etiam habentibus primarias preces Regales, & Imperiales, seu alias nominationes, etiam vigore quorumvis privilegiorum, & indulgiorum Apostolicorum, quibuscumque aliis studiis generalibus, etiam Parisien., tunc, & pro tempore, etiam si motu, auctoritate, & potestate similibus concessorum, cum decreto irritanti, si secus scienter, vel ignoranter foret ab aliquo attentatum, cum inhibitionibus, antelationibus, & prærogativis, derogationibus, ac aliis clausulis in literis Sixti Prædecessoris hujusmodi contentis, ceterisque in., & contra præmissa necessariis fortioribus, & inexcogitabilibus perpetuo statuit, & ordinavit, seu literas, & facultates Sixti Prædecessoris hujusmodi cum inhibitionis, decreti, deputationis executorum, ac omnibus, & singulis aliis in eis contentis clausulis ad hoc extendit, & ampliavit, quodque literis Leonis Prædecessoris hujusmodi non insertis certo modo, & forma tunc expressis derogari possent, nec derogatum censetur, decrevit, & declaravit.

§.4. Ac successive per dictum Leonem Prædecessorem accepto, quod pro eo quod post concessionem literarum suarum prædictarum, matura deliberatione de tunc ejusdem S. R. E. Cardinalium consilio, & assensu, ex certis tunc expressis, & aliis rationabilibus causis omnes, & singulas gratias expectativas, & speciales reservationes de quibusvis Patriarchalibus, Metropolitanis, aut Cathedralibus Ecclesiis, ac Monasteriis, dignitatibus, personatibus, administrationibus, officiis, aliisque beneficiis ecclesiasticis, cum cura, vel sine cura secularibus, & quorumvis Ordinum regularibus in favorem quorumcumque, etiam dictorum Cardinalium, ac etiam illorum, necnon Imperatoris, Regum, Reginarum, Ducum, Marchionum, & aliorum Principum, & Universitatum, quacumque Ecclesiastica, vel mundana dignitate fungentium, intuitu, vel respectu, & ex quibusvis, etiam urgentissimis, & excogitabilibus causis, ac cum quibusvis, etiam derogatoriis derogatoriis clausulis quo ad ea, in quibus non ex verbis, sed realiter non erant plenum, & verum sortita effectum concessas cum irritantis appositione Decreti per quandam, revocaverat, cassaverat, irritaverat, & annullaverat, & revocatoriam hujusmodi juxta illius tenorem per aliam innovaverat, & quas ab eo ex tunc de cetero emanari contingeret, similes gratias sub illis comprehensas esse voluerat, & postmodum per alias Constitutiones suas diebus, & annis tunc expressis in Cancellaria Apo-

stolica publicatas omnes, & singulas specialium reservationum, facultatum, & aliarum gratiarum a se emanatarum factas revocationes innovaverat, a nonnullis de viribus facultatis, & literarum prædictarum hæsitabatur, idem Leo Prædecessor per reliquas suas literas, motu, auctoritate, & potestate paribus declaravit facultates, & desuper confectas literas prædictas, cum, omnibus, & singulis concessionibus, indulgentiis, statutis, ordinationibus, & aliis in eis contentis clausulis, ac inde sequuta quacumque, quoad beneficia sub illis comprehensa, tam actu vacantia, quam in posterum vacatura per prædictas, & alias quascumque literas, Constitutiones, & Cancellariæ prædictæ regulas, quæ etiam super revocatione, & illarum innovatione, ac suspensione, vel modificatione gratiarum expectatarum specialium, vel generalium reservationum, ac similium, vel dissimilium facultatum, nominationum, statutorum, ordinationum, concessionum, & gratiarum, etiam perpetuarum, etiam ex quibusvis causis quantumcumque maximis, & urgentissimis, quæ a se, & Sede prædicta, etiam consistorialiter, ac cum quibusvis clausulis, etiam derogatoriis derogatoriis, fortioribus, efficacioribus, & insolitis, ac inhibitionibus, & decretis, etiam irritantibus tunc emanassent, & in posterum emanarent, minime revocatas, suspensas, limitatas, vel modificatas fuisse, & esse, aut revocari, cassari, suspendi, limitari, vel modificari potuisse, neque in futurum posse, nisi dum, & quoties in hujusmodi futuris revocationibus, suspensionibus, & modificationibus de aliis Sixti, ac suis prædictis literis, ac duabus datis earundem nomineque, & dignitate ipsius Maximiliani Imperatoris, tam, quamdiu in humanis ageret, quam eo vita functo specialis, specifica, & individua, non autem per clausulas generales idem importantes mentio facta foret, & ipse Leo Prædecessor, vel Successores sui Romani Pontifices pro tempore existentes per diversas literas in forma Brevis duceret, seu Successores præfati ducerent publice in eadem Universitate insinuandum, siue, Successorum eorundem intentionis, esse literas hujusmodi ex aliqua causa revocare, suspendere, vel modificare cum intervallo unius mensis inter datas singularum literarum in forma Brevis hujusmodi, & non alias, aliter, nec alio modo, & si forsan ullo modo literas hujusmodi contingeret revocari, suspendi, vel modificari, seu jam tunc revocatas fuisse, ex tunc, prout ex eo die, & quoties sic revocata, vel suspensa forent, in suum pristinum, & in eum, in quo ante revocationem, suspensionem, vel modificationem hujusmodi quomodolibet erant, statum plenarie reposuit, restituit, & reintegravit, ac plenarie repositas restitutas, & reintegratas fuisse, & esse declaravit, irritante decreto similiter appposito.

§.5. Cumque etiam postmodum a recolendæ mem. Hadriano Papa VI. similiter

Alia Hadriani VI. Privilegia, seu concessionum innovatio.



ter Prædecessore Nostro ad summi Apostolatus apicem assumpto, nonnullæ revocationes nominandi facultatum, & illarum vigore factarum nominationum, quæ suum non erant sortitæ effectum, emanassent, dictus Hadrianus Prædecessor singulas literas Sixti, & Leonis Prædecessorum huiusmodi cum omnibus, & singulis derogationibus, decretis, & clausulis in eis contentis, nec non ipsam facultatem artium, & illius personas huiusmodi adversus singulas revocationes prædictas in pristinum, & eum statum, in quo ante illas quomodolibet erant, quatenus opus esset, restituens, reponens, & plenarie reintegrans singulas literas Sixti, & Leonis Prædecessorum huiusmodi, & in eis contenta quacumque motu, & scientia similibus, ac de Apostolica potestatis plenitudine approbavit, & innovavit, ac perpetuæ firmitatis robur obtinere decrevit, & pro potiori cautela, illa omnia de novo, ita quod Decanus, vel Vice-Decanus facultatis artium huiusmodi modo in literis Leonis Prædecessoris huiusmodi expresso, quibuscumque Collegiis, Capitulis, & aliis personis, etiam quacumque dignitate, vel honore fungentibus qualemcumque dispositionem Beneficiorum, vel Officiorum Ecclesiasticorum habentibus, in Terris temporalis Domini dicti Caroli Imperatoris, ac Civitate, & Patria Leodien., & Comitatu Loysen., & Ducatu Bullonien., nec non in Civitate Cameracen., & Comitatu Cameracen., ac Tornacen., Morinen., Atrebaten. Civitatibus, & Dioecesibus singulis prædictis, ac in Civitate, & etiam Dioecesibus Trayecten. consistentium Magistros in artibus in dicta facultate artium promotos, & graduatos, ut præfertur, nominare, ac nominati huiusmodi quacumque beneficia, & officia videlicet seniores artium Magistri, qui dictum tempus attigissent, vel sex annis in facultate prædicta legissent, seu rexissent, vel ob doctrinæ eminentiam ad docendum Logicam, vel Phisicam Aristotelis admissi, seu in illa novem annis promoti, & graduati forent, & de illius Concilio essent, vel aliquando extitissent, ea quorum sexaginta ducatorum auri de Camera; Juniores vero, qui dictum tempus nondum attigerant, quorum triginta florenorum Remen. aureorum grossi fructus, oneribus non solum perpetuis personalibus, & realibus, sed etiam pensionibus annuis aliis personis super eisdem beneficiis, & officiis reservatis, sicque super iis essent reservata, & quibuscumque aliis oneribus valorem fructuum, quos absens in studio, aut alio loco privilegiato, reciperet, diminuentibus plene, & totaliter deductis, ita ut ex illis ipse nominatus in huiusmodi loco privilegiato commodius sustentaretur, valorem annuum respective non excederent, quovis etiam mense Apostolico, vel Ordinario, per se, vel Procuratorem suum legitimum ad id specialiter constitutum infra unius mensis spatium non a die obitus ultimi possessoris, sed a die, quo illi sic nominato, vel eidem Procuratori de huiusmodi beneficii vacatione constaret, com-

*Bull. Rom. Tom. IV. Par. IV.*

putan., etiam si huiusmodi beneficia, cum cura, vel sine cura Clerico seculari in titulum conferri, & per talem regi, & gubernari solita, Canonatus, & Præbendæ, Dignitates, Personatus, administrationes, vel officia, etiam curata, & electiva in Cathedralibus, etiam Metropolitanis, vel Collegiatis, aut Scolastiæ, matriculariæ, seu custodiæ in Parochialibus Ecclesiis, vel Cappella, seu quocumque alio nomine nuncupata, ac dispositioni Apostolicæ quomodolibet, præterquam reservationi generali in corpore juris clausa reservata forent, etiam si huiusmodi artium Magistri modo prædicto nominati pro tempore huiusmodi nominationis minores annis, vel illegitimi existerent, beneficia, etiam curata dummodo tempore vacationis illorum beneficiorum ætatem legitimam attingerent, aut cum eis super ætatis, vel natalium defectibus sufficienter dispensatum esset, absque nova nominatione prius facienda acceptare, & de illis in vim literarum Leonis Prædecessoris huiusmodi duntaxat, & processum desuper pro tempore decretorum, quos totum tenorem literarum prædictorum Sixti, & Leonis Prædecessorum continere non oporteret, sed illam literarum Leonis Prædecessoris huiusmodi partem, quæ infra scriptis executoribus, aut eorum alicui convenire videretur, aut etiam solam particulam, quod notorium esse dignoscitur, inferere sufficeret, quibus etiam omnino, quo ad id staretur, & dari deberet in iudicio, & extra, ac si totus tenor literarum Sixti, & Leonis Prædecessorum huiusmodi de verbo ad verbum infereretur, aut foret insertus per Sanctæ Gertrudis intra, & Beatæ Mariæ Parnen. extra muros dicti Lovanien. Monasteriorum Abbates, ac Sanctæ Oudulæ Bruscellen. Oppidorum, nec non Sancti Petri, etiam Lovanien. Ecclesiarum Decanos dictarum Leodien., & Cameracen., Diocesum executores in eisdem literis Sixti, & Leonis Prædecessorum deputatos, seu eorum aliquem, aut quancumque personam in dignitate Ecclesiastica constitutam, pro executore, seu quemcumque Notarium publicum, aut Presbyterum, vel Clericum, per dictos Magistros artium nominatos, aut eorum quemcumque pro sub exequire eligendam, seu eligendum sibi provideri facere, ipsique exequire, & subexequire eos, & eorum quemlibet in corporalem possessionem sic pro tempore acceptatorum beneficiorum, & illorum iurium, & pertinentiarum omnium pro huiusmodi provisione, aut possessione prorsus irrequisitis ordinariis collatoribus inducere.

§.6. Et quod tam seniores, quam juniores artium Magistri prædicti secundo, tertio, ac toties nominari, videlicet seniores, qui tempus illud prædictum attigissent, donec octuaginta, Juniores vero donec quadraginta florenos auri de Camera in fructibus beneficiorum, aut certis annuis redditibus, oneribus, modo prius expresso deductis annuatim ha-



berent. Et quod nominationem Universitatis, & facultatis artium hujusmodi simul habere, ac utraque sive prius per Universitatem, seu illius Rectorem, postea vero per facultatem artium, seu illius Decanum prædictos, sive e contrario nominati essent, uti, & gaudere. Quodque decedentibus collatoribus, sub quibus pro tempore factæ forent nominationes, quæ nondum effectum sortitæ essent, eadem nominationes sub successore absque nova nominatione valide existerent, & suos effectus sortiri, lidemque Juniores artium Magistri omnibus, & eisdem prærogativis in literis Leonis Prædecessoris hujusmodi nominatis senioribus concessis potiri, & gaudere possent. Salvo quod in vim hujusmodi nominationis isti Juniores beneficia valorem triginta florenorum Rhemen, aureorum oneribus modo prius expresso deductis excedentia acceptare non valerent, ac quod nominationes suas, seu de persona sua factas Ordinariis collatoribus insinuare non tenerentur, quodque ipsi collatores vita, & prælatura eorum durante bis, seu duabus distinctis vicibus; Capitula vero intra decem annorum spatium modo prædicto computan, semel unum beneficium valoris prius expressi respective dictis Magistris sic nominatis per dictam facultatem artium, sive tales Magistri seniores essent, vel Juniores, qui non secus, quam seniores ad cujuscumque collatoris, aut Capituli qualemcumque beneficiorum, vel officiorum dispositionem habentes collatores nominari possent, conferre tenerentur: Ita tamen, quod vigore literarum Leonis Prædecessoris hujusmodi singuli collatores prædicti ex beneficiis dictæ Apostolicæ dispositioni non reservatis in eorum mensibus Ordinariis nuncupatis pro tempore vacantibus de uno dumtaxat singulis decenniis eisdem nominatis providere tenerentur.

§.7. Et quod dicti omnes, & singuli artium Magistri, sive seniores, sive juniores essent, super beneficiis per eos in vim hujusmodi nominationis acceptatis per qualescumque personas cujuscumque dignitatis, status, gradus, ordinis, vel conditionis existerent, etiam si Abbatiali, Episcopali, Archiepiscopali, aut alia majori dignitate, etiam Cardinalatus onore præfulgerent, aut in vim quarumcumque, etiam conservatoriarum literarum, ac privilegiorum, ac indultorum Apostolicorum, etiam quibusvis Ecclesiis, Monasteriis, & locis, ac Archiepiscopis, Episcopis, & locorum Ordinariis, Abbatibus, Capitulis, Conventibus, Collegiis, Universitatibus, etiam Parisien., & aliorum studiorum generalium, ac illorum, & quibusvis aliis, etiam ex paribus, & quibusvis aliis causis, ac sub quibuscumque tenoribus, & formis, ac cum quibusvis clausulis, & decretis pro tempore concessorum extra dictam Universitatem ad iudicium, trahi non possent, ipsi tamen nominati hujusmodi suos in dictis beneficiis quoscumque adversarios coram aliquo ex conservatoribus privilegiorum ejusdem Universita-

tis trahere, & quod nominati hujusmodi omnibus, & singulis etiam suis, & pro tempore existentibus Rom. Pontificis antiquis, & descriptis familiaribus, continuis comensalibus, ac in Cappella nostra, tunc sua Cantoribus, Cappellanis, & Romanæ Curia Officialibus, & aliis cujuscumque dignitatis, status, gradus, ordinis nobilitatis, & conditionis existentibus quascumque expectativas, etiam in forma pauperum, & alias gratias, etiam regales, & imperiales primarias preces habentibus, & prosequentibus, omnino præferri possent, & deberent, perpetuo concessit, statuit, & ordinavit, seu etiam præsentis literas ad hoc extendit, & ampliavit, ac alias, & alia fecit pro ut in singulis prædictis, nec non Sanctæ Memoræ Clementis Papæ VII. pariter Prædecessoris nostri literis, super restitutione, repositione, reintegratione, approbatione, nominatione, nova concessione, statuto, ordinatione, extensione, ampliatione Hadriani Prædecessoris hujusmodi cum ipse Hadrianus Prædecessor antequam ejus literæ desuper conficerentur, sicut Domino placuit, rebus fuisset humanis exemptus, plenius dicitur respective contineri.

§.8. Cum autem sicut eadem expositio subjungebat firmiora sint ea, quibus sæpius dictæ Sedis intervenit auctoritas, idem Philippus Rex asserens Universitatem prædictam unicum præsidium, & lumen Catholicæ fidei in inferiori Germania existeret, tam suo, quam Universitatis, & facultatis artium hujusmodi nominibus prædictis Nobis humiliter supplicari fecit, quatenus omnibus, & singulis literis prædictis pro suis in Sedem, & Fidem Catholicam prædictas meritis, & jam nostræ approbationis robur adjungere, ac alias in præmissis opportune providere de benignitate Apostolica dignaremur. Nos igitur qui fidelium quorumlibet, præsertim Catholicorum Regum votis libenter annuimus, ac ea quantum in Nobis est, favoribus prosequimur opportunis, attendentes etiam Universitatis prædictæ multa esse in Fidem Catholicam, & Sedem hujusmodi merita, Nobis, & Venerabilibus Fratribus nostris Sanctæ Romanæ Ecclesiæ Cardinalibus non incognita, ac Philippum Regem, & singulas personas Universitatis, & facultatis artium hujusmodi a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a jure, vel ab homine, quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, nec non singularum literarum prædictarum tenores præsentibus pro expressis habentes, hujusmodi supplicationibus inclinati, supradicta privilegia, quemadmodum per prædictos Prædecessores nostros concessa, & confirmata fuerunt, cum omnibus, & singulis in eis contentis clausulis, cautelis, decretis, derogationibus, præservationibus, ac pro ut illa concernunt, omnia, & singula in eis contenta, & pro ut

Confirmatio  
prædictorum  
privilegiorum



1572.

1572.

litis clausulis, irritantibusque, & aliis decretis in genere, vel in specie, quomolibet concessis, confirmatis, approbatis, & innovatis. Quibus omnibus etiam, de illis eorumque totis tenoribus specialis, specifica, individua, & expressa, non autem per clausulas generales idem importantes mentio habenda, aut aliqua alia ad hoc exquisita forma servanda foret, illis alias in suo robore permanens, hac vice dumtaxat, specialiter, & expresse derogamus, contrariis quibuscumque. Aut si aliquibus communiter, vel divisim ab eadem sit Sede indultum, quod interdici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Fides transumptorum.

§.14. Ceterum qui difficile foret, praesentes literas ad singula quaque loca, ubi opus fuerit, deferre, volumus, & Apostolica auctoritate praedicta decernimus, quod praesentium transumptis manu publici alicujus Notarii subscriptis, & sigillo alicujus personae in dignitate ecclesiastica constitutae &c.

§.15. Nulli ergo omnino hominum liceat hanc paginam &c.

Dat. die 1. Martii 1572. An.I.

Datum Romae apud S. Petrum, Anno Incarnationis Dominicae, millesimo quingentesimo septuagesimo secundo, Kal. Martii Pont. nostri Anno I.

## CLXXX.

Ex Regest. in Secret. Brev.

Publicatio literarum, seu potius decreti Pii Papae V. super translatione Ecclesiae Cathedralis Feretranae ab Oppido S. Leonis ad Oppidum nuncupatum *Pinna Billorum*, & respectiva unione, augmento, ac dotatione utriusque Capituli.

GREGORIUS EPISCOPUS  
SERVUS SERVORUM DEI

Ad perpetuam rei memoriam.

Exordium.

**A**Quum reputamus, & ratione congruum, ut ea, quae de Romani Pontificis gratia processerunt, liceat ejus superveniente obitu literae Apostolicae desuper confectae non fuerint, suum sortiantur effectum.

Ob imminens bellorum periculum facra fieri in Feretrana Civitate S. Leonis non poterant.

§.1. Dudum per fel. rec. Pium Papam V. Praedecessorem nostrum accepto, quod Ecclesia Feretrana S. Leonis nuncupata in Oppido Civitatis nuncupato ejusdem S. Leonis Feretranae Dioecesis dilecti Filii Nobilis Viri Guidi Ubaldi Ducis Urbini temporali dominio subiecta erat, & in illa dumtaxat unus Praepositus, qui Praeposituram dictae Ecclesiae Dignitatem inibi post Pontificalem majorem obtinebat, & sex Canonici existebant, & quae adeo turbinibus bellorum imminuentibus suspecta habebatur, quod dictus Guidus Ubaldus Dux pro sui Status tuitione, & conservatione in dicto Oppido, cum unum ex principalioribus Oppidis ditioni suae subiectis reputaretur, continuum Militare Praesidium, ac diu, nocturne custodiam

allidue habere cogeatur, quodque ob Militum in eodem Oppido continuo arctam custodiam, five excubias facientium morositatem, illorumque diversum a Statu Ecclesiastico vivendi modum, & habitationum necessariorum defectum tam Venerabili Fratri Nostro, tunc suo Francisco etiam tunc Episcopo Feretrano, quam dilectis Filiis Praeposito, & Canonicis ipsius Ecclesiae ad illam, quoties opportunum, vel alias eis bene visum existeret, liber non pateret accessus, quo fiebat, ut tam Franciscus Episcopus, quam Praepositus, & Canonici praedicti in dicta Ecclesia residentiam debitam non faciebant, minusque in ea Divina Officia, praeterquam in Festivitate ejusdem S. Leonis celebrabantur in divini cultum diminutionem.

§.2. Cumque in dicta Dioecesi Oppidum, *Pinna Billorum* nuncupatum, situatione, & loci commoditate pulcherrimum ac Populi multitudine refertum, minusque quam Oppidum S. Leonis hujusmodi suspectum existeret, in illoque, ac praedicta Dioecesi una dumtaxat Collegiata Ecclesia sub invocatione S. Bartholomaei existeret, in qua Divinus Cultus per dilectos Filios ipsius Ecclesiae S. Bartholomaei Praepositum, & Canonicos, qui insimul sex numero existebant, exercebatur, quodque tam Franciscus Episcopus, quam dictae Ecclesiae Feretranae Canonici praedicti in eadem Ecclesia S. Bartholomaei situatione, & loci commoditate praedictis attentis, facile residere, & cum Canonicis Ecclesiae Sancti Bartholomaei hujusmodi Divina Officia decantare poterant, praefatus Praedecessor, qui divino cultui libenter intendebat, & ut Cathedralis Ecclesiae situationem commodam haberent, sinceris exoptabat affectibus, quique dudum inter alia voluerat, quod semper in unionibus commissio fieret ad partes, vocatis, quorum interest, circa praemissa, nec non de domicilio tam Francisco pro tempore existenti Episcopo Feretrano, quam ipsius Ecclesiae Feretranae Canonicis praedictis, ut facilius divina Officia celebrare possent, & eis via excusationis non residentiae, ac divinorum non celebrationis pracluderetur. Utque in dicta Ecclesia S. Bartholomaei per amplius Ministrorum numerus augeretur, opportune providere volens, ipsosque Franciscum Episcopum, ac S. Leonis, & S. Bartholomaei Ecclesiarum hujusmodi Praepositos, eorumque singulos a quibusvis Excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existerent, ad effectum infrascriptorum dumtaxat consequendum, absolventes, & absolutos fore censentes.

§.3. Motu proprio, non ad Francisci Episcopi, & Praepositorum, & Canonico-  
rum praedictorum, vel alterius pro eis super eo eidem Praedecessori oblatae petitionis instantiam, sed de sua mera deliberatione, & ex certa scientia, ac de Apostolica

Commodum vero habere in Ecclesia S. Bartholomaei.

Feretrana Ecclesiam cu Insignis Cathedralis ab Ecclesia Sancti Leonis ad Oppidum Pinnae, &amp; Eccle-

po-



1572.

nam S. Bartholomæi transulit respectivis invicem unitis Capitulis.

potestatis plenitudine, sub datum videlicet sexto Idus Julii, Pontificatus Sui Anno V., Ecclesiam Feretranam prædictam eatenus non frequentatam, & in quam tam Franciscus, & qui pro tempore fuerunt Episcopi Feretrani, ac Canonici dictæ Ecclesiæ non resederant ad dictam Collegiatam Ecclesiam una cum ejusdem Ecclesiæ Cathedralis Insigniis auctoritate Apostolica transulit, & translata esse voluit, itaut deinceps liceret Francisco, ac pro tempore existenti Episcopo Feretrano, ipsiusque Ecclesiæ S. Leonis Præposito, & Canonicis prædictis in dicta Ecclesia S. Bartholomæi residere, & divina Officia inibi una cum illius Canonicis prædictis decantare, quodque dictæ S. Leonis, & S. Bartholomæi Ecclesiæ non amplius duæ, Cathedralis scilicet, & Collegiata Ecclesiæ nuncuparentur; sed una tantum Ecclesia Cathedralis existeret, nuncuparetur, & reputaretur, & Ecclesiarum earundem Canonici unum Corpus efficeretur, & Canonici Ecclesiæ S. Bartholomæi hujusmodi fructus suos percipientes Canonici, & Cathedralis Ecclesiæ nuncuparentur, & nuncupari, privilegiisque, honoribus, exemptionibus, & libertatibus, necnon favoribus, gratiis, & indultis, quibus Canonici aliarum Cathedralium Ecclesiarum eatenus uti, gaudere, & frui potuerant, & debuerant ac poterant, & debebant, uti, frui, potiri, & gaudere libere, & licite pariformiter, & absque ulla penitus differentia possent. Voluitque, quod tam S. Leonis, quam S. Bartholomæi Ecclesiarum Canonici præfati unum dumtaxat Capitulum insimul facerent, præcedentibus tamen ipsius Ecclesiæ S. Leonis sic translatae Canonicis Præpositum, & Canonicos dictæ Ecclesiæ S. Bartholomæi in Choro, Processionibus, & aliis actibus Capitularibus; ac quod de cetero eadem Ecclesia S. Bartholomæi non amplius Collegiata vocaretur, sed Cathedralis Ecclesia S. Leonis existeret; remanente tamen eadem Ecclesia Feretrana in dicto Oppido S. Leonis sub ejusdem Sancti Leonis invocatione cum Insigniis Cathedralis Ecclesiæ, cujus Festivitas coli die ejusdem S. Leonis non desineret dicta auctoritate perpetuo statuit, & ordinavit.

§.4. Et ut eadem Ecclesia Feretrana in eandem Ecclesiam Sancti Bartholomæi sic translata per amplius Ministris honoraretur, & Dignitatibus accresceret, more aliarum Cathedralium Ecclesiarum Insignium in illa unum Archidiaconum, qui prima post Pontificalem pro uno Archidiacono, qui oculus Episcopi nuncuparetur, & unum Archipresbyterum, quæ secunda inibi dignitates existerent pro uno Archipresbytero, qui in absentia dicti Archidiaconi caput Capituli, & Canonorum existeret, & perpetuo erexit, & instituit, ac pro Archidiaconatus, & Archipresbyteratus prædictorum sic erectorum, & institutorum dote fructus, redditus, & proventus quorumcumque simplicium Beneficiorum Ecclesiasticorum per Franciscum, seu pro tempore existentem Episcopum Feretranum men-

sa capitulari uniendorum summam centum & quinquaginta ducatorum auri redditus non excedentium eisdem Archidiaconatui, & Archipresbyteratui. Ita quod cum primum dos, ut præfertur, eis assignata fuerit per ipsum Prædecessorem de illis a primæ eorum erectione vacantibus collatione, & provisione eidem Ecclesiæ Cathedrali, ut præfertur, translata deservire inciperent, & continuo deinceps inservirent, eadem auctoritate similiter perpetuo applicavit, & appropriavit.

§.5. Necnon Præposituram S. Leonis Tertiam, ac etiam Præposituram S. Bartholomæi Ecclesiarum hujusmodi quæ principalis Dignitas in illa existeret, quartam, quamdiu tamen tunc dictæ Ecclesiæ S. Bartholomæi Præpositus vitam duceret in humanis, dumtaxat Dignitates constituit, & Præposituræ Ecclesiasticæ S. Bartholomæi adveniente pro tempore vacatione per obitum tunc illius Præpositi hujusmodi ad id, ut tres Dignitates dumtaxat in ipsa Ecclesia Feretrana in eandem Ecclesiam S. Bartholomæi translata remanerent, illam eandem perpetuo suppressit.

§.6. Necnon quia tam S. Leonis, quam S. Bartholomæi Ecclesiarum hujusmodi, ac illarum Mensarum Capitularium fructus, redditus, & proventus adeo tenues existerant, quod pro manutentione Canonico-  
rum prædictorum non sufficiebant cum Sancti Leonis quatuordecim, S. Bartholomæi vero Ecclesiarum Canonicatum, & Præbendarum decem ducatorum auri de Camera fructus, redditus, & proventus hujusmodi secundum communem æstimationem valorem annum non excederent, Parochialem Ecclesiam S. Nicolai de Billis nuncupatam dictæ *Pinna Billorum*, cujus fructus, redditus, & proventus quadraginta quatuor ducatorum auri similium secundum extimationem prædictum valorem annum non excedebant, ex tunc prout ex eadie, & e contra cum primum illam percessum, etiam ex causa permutationis, vel decessum, seu quamvis aliam dimissionem, vel amissionem, illam tunc obtinentis etiam in aliquo ex mensibus Sedi Apostolicæ per Constitutiones Apostolicas, seu Apostolicæ Cancellariæ regulas reservatis, seu Ordinariis Collatoribus etiam per Constitutiones Apostolicas, seu literas alternativarum vel alias concessis, aut alias quovis modo vacare contingeret, etiam si actu tunc vacaret, necnon etiam fructus, redditus, & proventus ejusdem Præposituræ suppressæ Capitulari mensæ S. Leonis sic translatae, & Sancti Bartholomæi Ecclesiarum hujusmodi pro distributionibus quotidianis inter Canonicos pro tempore residentes, & in divinis inservientes, ac in Choro interequentes, dividendis; præfata auctoritate similiter perpetuo univit, annexuit, & incorporavit, ac pro distributionibus hujusmodi appropriavit, ita quod liceret præfato Capitulo corporalem, realem, & actualem possessionem ipsius Parochialis Ecclesiæ sic unitæ, per se, vel alium, seu alios propria

Præposituras quoque Sancti Leonis, & S. Bartholomæi tertiam, & quartam constituit dignitates.

Novo Capitulo in dotis augmentum, S. Nicolai Parochialem Ecclesiam addidit.

In eaque Archidiaconatui, & Archipresbyteratui erexit congrua dote assignata.



auctoritate libere apprehendere, & perpetuo retinere, illiusque, necnon etiam dictæ sic suppressæ Præposituræ fructus, redditus, & proventus in usus, & utilitatem mensæ Capitularis, ac distributionum hujusmodi pro tempore existentibus singulis Canonicis prædictis dandarum, & applicandarum, convertere, cujusvis licentia desuper minime requisita, necnon eidem Parochiali Ecclesiæ per unum ex ipsis Canonicis sufficienter idoneum per Ordinarium approbandum juxta providam eorum dicti Capituli ordinationem desuper faciendam, ut in divinis deservire, & curam Animarum illius Parochianorum laudabiliter exercere, ac Sacramenta Ecclesiastica illis ministrare, decernentes Præposituram Ecclesiæ S. Bartholomæi hujusmodi, cum, ut præfertur, vacare contigerit, perpetuo suppressam existere, & esse.

Literis desuper conficiendis perpetuæ firmitatis robur adjecit.

§.7. Ac literas tunc desuper conficiendas nullo umquam tempore de subreptionis vel obreptionis vitio, seu intentionis ipsius Prædecessoris, aut quovis alio defectu notari, sive impugnari, vel ad terminos Juris reduci, aut in Jus, vel controversiam poni, vel vocari, nullatenus posse, neque sub quibuscvis similibus, vel dissimilibus, gratiarum revocationibus, suspensionibus, derogationibus, & limitationibus tam per ipsum Prædecessorem, quam Successores suos Romanos Pontifices etiam in crastinum eorum assumptionis faciendis comprehendere, sed semper ab illis exceptas, & quoties illæ emanabunt, toties in pristinum, & validissimum statum restitutas, & de novo concessas esse, & censi debere, sicque per quoscumque Judices, & Commissarios quavis auctoritate fungentes, etiam Causarum Palatii Apostolici Auditores, & Sanctæ Romanæ Ecclesiæ Cardinales, in quavis causa, & instantia, sublata eis, & eorum cuilibet, quavis aliter judicandi, & interpretandi, ac definiendi facultate, & auctoritate, judicari, definiri, & interpretari debere, non obstantibus priori voluntate sua prædicta, ac Lateranen. Concilii novissime celebrati, uniones perpetuas, nisi in casibus a jure permissis fieri prohibentis, necnon piæ mem. Bonifacii Papæ VIII., & Prædecessoris nostri, & aliis Apostolicis Constitutionibus, ac S. Leonis, & S. Bartholomæi Ecclesiarum prædictarum juramento, confirmatione Apostolica, vel quavis firmitate alia roboratis statutis, & consuetudinibus, contrariis quibuscumque, aut si aliquem super provisionibus sibi faciendis de dignitatibus ipsius Ecclesiæ S. Bartholomæi, ac hujusmodi speciales, vel aliis Beneficiis Ecclesiasticis in illis partibus generales Sanctæ Sedis, vel Legatorum ejus literas impetrassent, & si per eas ad inhibitionem, reservationem, & decretum, vel alias quomodolibet esset processum, quas quidem literas, & processus habitos per eosdem, ac inde secuta quæcumque idem Pius Prædecessor ad Præposituram Ecclesiæ S. Bartholomæi, & Parochialem Ecclesiam, ac Beneficia unienda hujusmodi voluit non exten-

di, sed nullus per hoc eis quoad assumptionem beneficiorum aliorum præjudicium generari, & quibuscvis aliis privilegiis, indulgentiis, & literis Apostolicis generalibus, vel specialibus quorumcumque tenorum existant, per quæ præsentibus, non expressa, vel totaliter non inserta, effectus earum impediri valeret quomodolibet, vel differri, & de quibus, quorumque totis tenoribus de verbo ad verbum habenda esset in eisdem literis mentio specialis, proviso, quod propter unionem, annexionem, & incorporationem prædictam Præposituram, & Parochialis Ecclesiæ, ac beneficia unienda hujusmodi debitis non fraudarentur obsequiis, & animarum cura in Parochiali Ecclesiæ, & si qua illi maneret Præpositura prædictis nullatenus negligetur, sed earum ac beneficiorum uniendorum prædictorum congrue supportarentur onera consueta. Idem enim Pius Prædecessor ex tunc irritum decrevit, & inane, si secus super his a quocumque quavis auctoritate scienter, vel ignoranter contingeret attentari.

§.8. Ne autem de absolutione, voluntate, statuto, ordinatione, erectione, institutione, applicatione, appropriatione, constitutione, suppressione, unionem, annexione, incorporatione, & decreto prædictis pro eo, quod super illis dicti Pii Prædecessoris ejus superveniente obitu, literæ confectæ non fuerint, valeat quomodolibet hæsitari, ipsique Franciscus, ac pro tempore existens Episcopus, necnon Sancti Leonis, & Bartholomæi Ecclesiarum hujusmodi Præpositi, & Canonici illorum frustrentur effectu, volumus, & similiter Apostolica auctoritate decernimus, quod absolutio, translatio, voluntas, statutum, ordinatio, erectio, institutio, applicatio, appropriatio, constitutio, suppressio, unio, annexio, incorporatio, & decretum Pii Prædecessoris hujusmodi perinde a dicta die sexto Idus Julii suum sortiantur effectum, ac si secus super illis ipsius Prædecessoris literæ sub ejusdem diei data confectæ fuissent, prout superius enarratur, quodque præsentibus literæ ad probandum plene absolutionem, voluntatem, statum, ordinationem, translationem, erectionem, institutionem, applicationem, appropriationem, constitutionem, suppressionem, unionem, annexionem, incorporationem, & decretum Pii Prædecessoris hujusmodi, ubique sufficiant, nec ad id probationis alterius adminiculum requiratur.

§.9. Nulli ergo omnino hominum liceat hanc paginam nostræ voluntatis, & decreti infringere, vel ei ausu temerario contraire; Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud S. Petrum, Anno Incarnationis Dominicæ, millesimo quingentesimo septuagesimo secundo, octavo Kal. Junii, Pontificatus nostri Anno I.

Decreto Pii confirmatione addit Gregorius.

Clausula.

Dat. die 26<sup>ta</sup> Maii 1572<sup>ta</sup> An.I.

Insti-



CLXXXI.

Institutio Collegii Presbyterorum regularium Societatis Jesu, Universitatisque Studii generalis diversarum scientiarum, bonarumque Artium in Oppido Pontis Monsonii Metensis Diocesis in Lotharingia, cum reddituum assignatione, privilegiorumque assignatione.

GREGORIUS PAPA XIII.

*Ad perpetuam rei memoriam.*

Proemium.

**I**N supereminenti Apostolica Sedis specula, meritis licet imparibus disponente Domino constituti, & intra mentis nostrae arcana revolventes quantum ex literarum studiis Catholica fides, tenebrosa ignorantiae caligine, ac haesum peste expulsa, augeatur, divini nominis cultus protendatur, veritas agnoscat, iustitia colatur, reliquae virtutes illustrentur, ac bene, beateque vivendi via paretur, ad ea, per quae studia ipsa ubilibet excitentur, & studiosae personae ad excelsum doctrinae fastigium aspirantes opportuna subventionis auxilia suscipiant, libenter intendimus, & in his nostrae sollicitudinis partes propensius impartimur, prout pia personarum, praesertim S. R. E. Cardinalium, ac nobilium virorum Ducum vota exposcunt, Nosque locorum, & temporum qualitate pensata in Domino conspiciamus salubriter expedire.

§.1. Exhibita siquidem Nobis nuper pro parte dilectorum filiorum nostri Caroli, tit. S. Apollinaris Presbyt. Car. de Lotharingia nuncupati, & nobilis viri Caroli Lotaringiae, & Barriducis Ducis petitio continebat, quod alias cum Carolus Cardinalis, qui noster, & Sedis Apostolicae in Lotaringiae, & Barriducis Ducatibus de latere Legatus, ac ratione Ecclesiae Rhemensis, cui ex dispensatione Apostolica praesse dignoscitur, Dux Rhemensis, & primus Par Franciae existit, quique Ecclesiae Meten. perpetuus administrator in spiritualibus, & temporalibus per dictam Sedem deputatus existit, necnon etiam Carolus Dux praedicti pia meditatione cogitasset, quod longe, lateque diffusum undique esset haesum malum, quantaque incommoda & damna universo Orbi attulisset, illique tutius, & fortius remedium afferri nequaquam posse, nisi ubique terrarum doctorum virorum Conventus erigerentur, qui sana imbuti doctrina Populos sibi propinquos Catholicam docerent disciplinam, qua, & sibi prodesse, & ceteros haesibus expulsis in vera fide valerent confirmare, tanta in Deum religione permoti, necnon ferventi in proximum caritate adducti, decreverunt in Oppido Pontis Monsonii Meten. Diocesis, sub dominio praedicti Caroli Ducis existente, unum diversarum scientiarum, & artium Studium generale, in quo Theologiae, utriusque Juris, ac Medicinae, & Philosophiae lectiones continue haberentur, ac etiam inibi ut illud Studium majoribus proficiat incrementis, etiam unum Presbyterorum Regularium Societatis Jesu Collegium eri-

gere, & instituere, ad effectum ut illarum partium Juventus non solum doctrina, quae ad bene beateque vivendum via praecipua est, sed etiam bonis instituatur moribus, & exemplis, si ad id nostra, & Sedis praedictae interveniret auctoritas.

§.2. Quare pro parte eorundem Caroli Cardinalis, & Legati ac Caroli Ducis Nobis fuit humiliter supplicatum quatenus Praeceptoriae, & Hospitalis S. Antonii Ordinis S. Augustini dicti Oppidi domum, & illorum ambitum, ab eisdem Praeceptoriae, & Hospitali, illorumque Ordine, & Superioritate, ac mille scutorum auri in auro annuum redditum ex Monasterio S. Gorgonii Gotien. Ordinis S. Benedicti, dictae Diocesis, seu illius mensa Conventuali, & ipsius Monasterii Officiis claustralibus, ac ab illo dependentibus, & illi unitis Prioratibus, etiam perpetuo dismembrare, & separare, illaque sic dismembrata, & separata huiusmodi, eidem Societati Jesu ad effectum, ut ipsi Presbyteri in dictis domibus, & ambitu dismembratis unum Collegium, juxta illorum instituta erigere, recipere, regere, visitare, & corrigere valeant, pro illius Collegii dote, & personarum ipsius Societatis, quae humaniores literas, Grammaticam, & Philosophiam, ac Theologiam edocebant, sustentatione, concedere, applicare, & appropriare, necnon ipsi Collegio pensionem annuam aliorum mille, & quingentorum scutorum similium, quingentorum videlicet super mensae Episcopalis Meten., & reliquorum mille super universis, & singulis quorumcumque Monasteriorum, & Prioratuum cujusvis Ordinis existent. in Meten. Tullen., & Virdunen. Diocesis consistentium, seu illorum mensarum Abbatialium, vel Conventualium fructibus, redditibus, & proventibus etiam perpetuo, donec Episcopus Meten., & Abbates, Priores seu Commendatarii dictorum Monasteriorum, & Prioratuum aliqua simplicia beneficia Ecclesiastica, ad eorum collationem aut aliam dispositionem spectantia, quorum annuus valor dictam summam mille scutorum insimul constituat, dicto Collegio pro pensionis huiusmodi extinctione uniri procuraverint, pro rata facultatum cujusque, & juxta partitionem per ipsum Carolum Cardinalem, ac Venerabiles Fratres nostros Virdunen., & Tullen. Episcopos faciendam persolvendam, reservare, constituere, & assignare, ac in dicto Oppido Universitatem Studii generalis erigere, & instituere, aliasque in praemissis opportune providere, & statuere de benignitate Apostolica dignaremur.

§.3. Nos igitur qui dudum inter alia voluimus, quod petentes Beneficia Ecclesiastica illis uniri, tenerentur exprimere verum annuum valorem, secundum estimationem praedictam, etiam beneficii, cui aliud uniri peteretur, alioquin unio non valeret, & semper in unionibus commissio fieret ad partes, vocatis quorum interesset, quique hodie praedictum Monasterium S. Gorgonii ex certis tunc expressis causis, regularitate omni-

Peruntque domum quamdam Hospitalis S. Antonii, & annuos redditus propterea per hunc Pontificem assignari pro dicto Collegio, & praedictum Studium generale institui.

Carolus Card. de Lotharingia, & Carolus Dux Lotharingiae, & Barriducis decreverunt accedente tamen Sedis Apostolicae auctoritate in Oppido Pontis Monsonii Diocesis Meten. unum erigere Studium diversarum scientiarum generale, & unum Presbyterorum Regularium Societatis Jesu Collegium, ut Juventus illarum partium, ubi haesum malum diffusum est, sana doctrina, bonisque moribus, & Artibus instituantur.

Qui Pontifex concedit petita, & Collegium praedictum instituit.



omnique statu, & observantia regulari in eo penitus, & omnino suppressis, ad secularitatem per alias nostras literas reduximus, prout in illis plenius continetur, attendentes quod ex literarum studio animarum saluti consulitur, ac alias spiritualia, & temporalia bona mundo proveniunt, pium, & laudabile Caroli Cardinalis Legati, & Caroli Ducis prædictorum decretum plurimum in Domino commendantes, ipsumque Carolum Ducem a quibusvis excommunicationis, suspensionis, & interdicti, aliisque Ecclesiasticis sententiis, censuris, ac pœnis, a jure vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum, harum serie absolventes, & absolutum fore censentes, necnon dicti Monasterii suppressionis tenorem præsentibus pro expresso habentes, hujusmodi supplicationibus inclinati, Apostolica auctoritate tenore præsentium perpetuo Præceptorie, & Hospitalis hujusmodi domum, & illorum ambitum, una cum horto, hortaliis, aliisque rebus circumcirca adiacentibus, ad Præceptoriam, & Hospitale hujusmodi legitime spectantibus, & pertinentibus, dummodo ad hoc dilecti filii moderni ipsius domus Præceptoris accedat assensus, ab eisdem Præceptorie, & Hospitali, illorumque Ordine, & superioritate, ex Monasterio vero S. Gorgonii, seu illius mensa Conventuali, & illius officiis regularibus & ab illo dependen., & illi unitis Prioratibus præfatis, mille, & quingentorum, scutorum prædictorum annuum redditum dismembramus, & separamus, illaque sic dismembrata, & separata dicto Collegio Societatis Jesu ad effectum, ut presbyteri Societatis hujusmodi, inibi unum Collegium juxta eorum consuetudines, & instituta, ac cum omnibus, & singulis solitis privilegiis erigere, illudque per seipsos regere, & gubernare, ac visitare, & corrigere possint, & valeant, ac Carolus Card., & Legatus, necnon Carolus Dux locum, & habitationem idoneam, & commodam præstare, suppellectilem quoque necessariam, & solitam secundum Collegiorum usum instruere teneantur pro illius Collegii dote, necnon personarum ipsius Societatis, quæ humaniores literas, Grammaticam, & Philosophiam, ac Theologiam edocebunt, subventionem, concedimus, applicamus, & appropriamus. Præterea ut dictum Collegium majores in Vineam Domini proferat fructus, quo majoribus fuerit suffultum præfidiis, eisdem Collegio pensionem annuam liberam immunem, & exemptam mille, & quingentorum scutorum similium, quingentorum videlicet super d. Mensæ Episcopalis Meten., & reliquorum mille super universis, & singulis quorumcumque Monasteriorum, & Prioratuum cujusvis Ordinis existen., & in Meten., Tullen., & Virdunen. Dioeces. præfatis consisten., seu illorum mensarum Abbatialium, vel Conventualium fructibus, redditibus, & pro-

ventibus, etiam si super illis aliæ pensiones annuæ aliis assignatæ existant, per ipsum Carolum Card., & Legatum, ac pro tempore existen. Episcopum Meten., & dilectos filios singulos Monasteriorum, & Prioratuum eorundem Abbates, & Priores, seu Commendatarios, & illorum Conventus annis singulis in loco, & terminis per ipsum Carolum Card., & Legatum per se, vel alium statuendis, ipsi Collegio, ac illius personis, vel illarum Procuratori ad id ab eis speciale mandatum habenti perpetuo, donec tamen Episcopus Meten., & Abbates, & Priores, seu Commendatarii præfati, aliqua perpetua simplicia beneficia ecclesiastica ad eorum collationem, provisionem, & aliam quamcumque dispositionem spectantia, & pertinentia, quorum annuus valor dictam summam mille sc. insimul constituat, dicto Collegio sufficienter, & cum effectu pro pensionis hujusmodi extinctione uniri procuraverint, pro rata facultatum ejusque, & juxta partitionem, seu commodam divisionem per Carolum Card., & Legatum, ac Virdunen., & Tullen. Episcopos præfatos faciendam, integre quotannis persolvendam, dummodo ad id Caroli Cardinalis, ac Legati, ac omnium, & singulorum Monasteria, & Prioratus hujusmodi obtinentium accedat assensus, reservamus, constituimus, & assignamus.

§.4. Et insuper quod in dicto Collegio Presbyteri præfati plenissimum, & eum qui juxta dictæ Societatis statuta, & formam in singulis eorum Collegiis etiam quam amplissimis, & quibus Universitates famosæ annexæ sunt, saltem septuaginta personarum ejusdem Societatis numerum compleant; in eo quoque adsint quatuor Theologiæ professores, quorum unus sacras literas, alii duo Scholasticam Theologiam, quartus vero conscientie casus, singuli una lectione quotidiana exponant, ac tres Philosophiæ Regentes, quorum quisque duas quotidie legat lectiones: ordine tamen hujusmodi servato, ut quolibet triennio Philosophiæ cursus integer absolvatur, & quolibet anno unus incipiat, alter vero desinat, itemque duæ lectiones Rethoricæ ordinariæ singulis diebus, una quoque humaniorum literarum, necnon tres aliæ Grammaticæ Classes instituantur; duæ insuper lectiones Græcæ una in alicujus auctoris interpretatione, altera vero in Grammaticæ institutione habeatur; una itidem literarum Hebraicarum, & altera Mathematicarum lectiones quotidie inhiberi legantur. Statuimus in ipso quoque Oppido Universitatem Studii generalis sub invocatione per Carolum Cardinalem, & Legatum, ac Carolum Ducem præfatos eligenda, in quinque facultatibus præfatis quarum duæ Theologiæ scilicet, & Philosophiæ Presbyteris dictæ Societatis juxta eorum statuta, reliquæ tres earum Decanis Doctoribus, & Professoribus dirigendæ ad instar Bononien. & Parisien. Universitatum, & juxta illarum consuetudines, & statuta erigimus, & instituimus.

Lectori Collegii prædicti munus præscribit, & assignat.



1572.

Personis dicti Collegii privilegia personarum Studii Bononien., & Parisien. concedit.

§.5. Illique sic erectæ, & institutæ, ac ejus pro tempore existentibus Rectori, Magistris, Doctoribus, Lectoribus, Præceptoribus, Scholaribus, Bidellis, Nunciis & aliis Officialibus, & personis, necnon membris, & subditis, quod omnibus, & singulis privilegiis, indultis, libertatibus, immunitatibus, exemptionibus, favoribus, gratiis, prærogativis honoribus, ac præ eminentiis Bononien., & Parisien. Universitatibus præfatis, illorumque pro tempore existentibus Rectoribus, Magistris, Doctoribus, Lectoribus, Præceptoribus, Scholaribus, Procuratoribus, Bidellis, Nunciis, & aliis Officialibus, ac personis, necnon membris, & subditis in genere, tam dicta Apostolica, quam alias rite Imperiali, & Regia auctoritatibus, aut alias quomodolibet concessis, seu legitime præscriptis, aut in posterum concedendis, & præscribendis, ac quibus illi, & illæ utuntur, potiuntur, & gaudent, ac uti, potiri, & gaudere poterunt quomodolibet in futurum, uti potiri, & gaudere.

Doctoratusque, & graduum insignia conferendi, & respective recipiendi facultatem tribuit promotisque indulta promotorum in aliis Studiis generalibus elargitur.

§.6. Necnon iis, qui in quavis Universitate disciplinis, & facultatibus præfatis studere incæperint, studium suum in ea continuare, & qui in dicta sic erecta, aut quavis alia Universitate per tempus debitum studuisse, ac scientia, & moribus idonei comperti fuerint, in artibus, & Medicina, & Philosophia, ac Theologia, necnon juribus, aliisque facultatibus prædictis, Baccalaureatus, etiam formalis, & Licentiaturæ, ac Laureæ, necnon Doctoratus, & Magisterii, & quosvis alios solitos gradus ab ipso Universitatis Rectore, seu scientiarum, in quibus promovendi pro tempore studerint, Lectoribus, aut aliis personis per dictum Carolum Cardinalem, & Legatum in, & ad tempus, vel in perpetuum deputandis, & constituendis, aliisque modo, & forma per ipsum statuendis, recipere, & ipsorum graduum solita insignia sibi exhiberi facere, & postquam hujusmodi gradus, & illorum insignia susceperint, facultates, in quibus promoti fuerint, legere, & interpretari, ac in eis disputare, necnon quoscumque actus, gradui, seu gradibus per eos receptis convenientes exercere, aliisque omnibus, & singulis privilegiis, gratiis, favoribus, prærogativis, & indultis, quibus alii in Bononien., & Parisien. Universitatibus præfatis juxta illarum constitutiones, & mores ad gradus ipsos promoti de jure, vel consuetudine, aut alias utuntur, potiuntur, & gaudent, ac uti, potiri, & gaudere poterunt, ut præfertur, quomodolibet in futurum, uti, potiri, & gaudere in omnibus, & per omnia, perinde, ac si gradus hujusmodi in Bononien., & Parisien. præfatis, & aliis quibusvis Universitatibus juxta illarum constitutiones, & consuetudines hujusmodi suscepissent.

§.7. Necnon eidem Carolo Cardinali, & Legato, & per se, vel alium, seu alios quos ad id duxerit deputandos, & si ei videbitur, vocatis Meten., Viridunen., & Tullen. Episcopis, pro salubri dictæ sic erectæ

*Bull. Rom. Tom. IV. Par. IV.*

Universitatis directione, & conservatione, ac Rectorum, Magistrorum, Doctorum, Lectorum, Præceptorum, Procuratorum, Bidellorum, Nunciorum, & aliorum Officialium hujusmodi institutione, & electione, & quavis alia provisione, ac Scholarum manutentione, ipsius tamen Collegii quoad Theologiam, & Philosophiam, cum humanioribus literis, necnon promotionum in dictis facultatibus, & Scholasticorum inibi pro tempore degentium vitæ, & studiorum disciplina, & Scholasticorum correctione, admissione, & dimissione, necnon regimine, seu administratione, & politia literariæ forma, juxta Societatis præfate statuta, & instituta pro tempore, existenti ejusdem Collegii Rectori, & ipsius Societatis Superioribus reservata, ac in præmissis, & infra scriptis omnibus, & per omnia salva, & integra manente personarum, bonorum, & exercitiorum hujusmodi Societatis exemptione, ac regulari observantia, quæcumque statuta, & ordinationes licita, & honesta, ac sacris Canonibus non contraria facere, edere, ac prout rerum, temporum, & personarum qualitate, & varietate corrigere, & reformare, seu illa cassare, & alia de novo condere, ac super illorum observatione quascumque poenas imponere, ac juxta eorum dispositionem judicari debere, ac quicquid secus super his a quoquam, quavis auctoritate, scienter, vel ignoranter contigerit attentari, irritum, & inane decernere.

§.8. Necnon in omnes, & singulos dictæ Universitatis Rectorem, & Magistros, Doctores, Lectores, Præceptores, & singulos dictæ Universitatis Rectorem, & Magistros, Doctores, Legatos, Præceptores & Scholares, ac Procuratores, Bidellos, Nuntios, & Officiales personas, & suppositas, tam saculares, quam quorumvis Ordinum regulares cujuscumque status, gradus, ordinis, dignitatis, & præ eminentiæ extiterint, etiam si exemptæ, & Sedis Apostolicæ immediate, aut alteri Prælato subiecti, seu alterius Diocesis fuerint, præterquam ipsius Societatis personas, omnimodam tam civilem quam criminalem, & mixtam jurisdictionem, Apostolica auctoritate prædicta exercere, visitare, reformare, & corrigere, ac errantes punire, & castigare.

§.9. Necnon ipsius Universitatis Rectores, Magistros, Lectores, Præceptores, & Scholares, ac Procuratores, Bidellos, & alios Officiales hujusmodi eligere, seu eorum electiones aliis committere, easque postquam factæ fuerint, per se, vel alium, seu alios ad id per ipsum Carolum Cardinalem, & Legatum deputandos confirmare, & approbare libere, & licite valeant, concedimus, & desuper indulgemus.

§.10. Decernentes præsentibus literis sub quibusvis revocationibus, alterationibus, suspensionibus, limitationibus, etiam si de præsentibus, eorumque toto tenore, ac data, specialis, & specifica mentio fiat, minime includi, sed illis, ac quibusvis aliis

Jurisdictioneque in omnes illius personas, (non tamen ipsius Societatis) eidem Carolo Card. tribuit.

Jusque eisdem personas eligendi constituit.

Huic institutionis clausulas præservativas apponit.

Carolo Card. facultatem elegendi statuta pro hujus Studii regimine concedit.



contrariis non obstantibus in suo robore, vigore, & efficacia persistere, & quoties illa emanabunt, toties in pristinum statum restitutas, repositas, & plenarie reintegratas, ac de novo sub quacumque data per dictos Carolum Cardinalem, & Legatum, ac Carolum Ducem eligenda concessas esse, sicque incommutabilis voluntatis, & intentionis nostrae esse, & fore, easdemque praesentes literas nullo umquam tempore de subreptionis, vel obreptionis vitio, aut intentionis nostrae, vel alio quopiam defectu notari, aut in jus, vel controversiam, quacumque ratione, vel causa etiam rationabili deduci, causamque, seu causas, propter quas praemissa facta fuerint, coram quibuscumque locorum Ordinariis, etiam tamquam a Sede praedicta delegatis minime verificari, nec propterea, seu pro eo quod interesse praetendentes vocati non fuerint, per subreptionem obtentas praesumi, viribusque propterea carere.

Et decretum irritans.

§. 11. Et ita in praemissis omnibus, & singulis, per quoscumque Judices, & Commissarios quavis auctoritate fungentes, etiam causarum Palatii Apostolici Auditores, ac ejusdem S. R. E. Cardinales, sub lata eis, & eorum cuilibet quavis aliter judicandi, & interpretandi facultate, & auctoritate, judicari debere, ac irritum, & inane quicquid secus super his a quoquam quavis auctoritate, scienter, vel ignoranter contigerit attentari.

Recusantibus solvere Collegio annuos redditus, su praedictas poenas indicat.

§. 12. Necnon praefatum Carolum Cardinalem, & Legatum, ac pro tempore existentes Meten. Episcopum, seu perpetuum administratorem, necnon Monasteriorum, & Prioratum Abbates, Priores, seu Commendatarios, ac Conventus hujusmodi, ad integram solutionem pensionis praefatae eidem Collegio facien. juxta reservationis, constitutionis, & assignationis praefatarum tenorem efficaciter obligatos fore, ac volentes, & eadem auctoritate statuentes, quod qui ex Carolo Cardinali, & Legato, ac Episcopo, seu Administratore Meten. necnon Abbatibus, & Prioribus, seu Commendatariis, ac Conventibus praefatis in dictis terminis, vel saltem intra triginta dies illorum singulos immediate sequentes, pensionem praefatam per eos tunc debitam non persolverint cum effectu, lapsis diebus eidem Carolo Cardinali, & Legato, seu Episcopo, vel Administratori Meten., & si Cardinalis, aut Antistes sit, Abbati, ac Priori, seu Commendatario hujusmodi ingressus Ecclesiae interdictus existat. Si vero Abbas, & Prior, seu Commendatarius inferiores Cardinali, & Antistite sint, aut Conventus fuerint, sententiam excommunicationis incurrant, cujus interdicti relaxationem hisce interdictus, excommunicatus vero ab excommunicationis sententia hujusmodi absolutionis beneficium donec Collegio, vel Procuratori praefato de pensione praefata tunc debita integre satisfactum, aut alias cum Collegio, seu Procuratore hujusmodi amicabiliter concordatum fuerit, praeterquam in mortis articulo constitutus

nequeat obtinere. Si vero per sex menses dictos triginta dies immediate sequentes interdictus sub interdicto permanferit, excommunicatus vero praefatae excommunicationis sententiam ejusmodi sustinuerit, animo quod absit indurato, ex tunc effluxis mensibus ipsis interdictus a regimine, & administratione Ecclesiae, ac Monasterii, & Prioratus hujusmodi suspensus, excommunicatus vero praefati, ipso Monasterio, & Prioratu perpetuo privatus existat, illiusque commoda cessare, & ea cessante Monasterium, & Prioratus hujusmodi vacare censeantur eo ipso.

§. 13. Quocirca dilectis Filiis Viridunen. & Tullen. & Meten. mandamus quatenus ipsi, vel duo, aut unus eorum per se vel alium, seu alios, praesentes literas, & in eis contenta quacumque ubi, & quando opus fuerit, ac quoties pro parte Caroli Cardinalis, & Legati, ac Caroli Ducis, necnon Collegii, illiusque personarum praefatorum, aut alicujus eorum fuerint requisiti, solemniter publicantes, eisque, & illorum singulis in praemissis efficaciae defensionis praesidio assistentes, faciant auctoritate nostra, praesentes literas, & in eis contenta hujusmodi inviolabiliter observari, & illos, quos dictae literae concernunt, omnibus, & singulis praemissis pacifice frui, & gaudere, ac pensionem praefatam Collegio, aut Procuratori juxta praeservationis, Constitutionis, assignationis, & decreti praefatorum continentiam & tenorem integre persolveri, non permittere eos, aut eorum quemlibet per quoscumque quomodolibet indebite molestari, perturbari, vel inquietari. Et nihilominus quemlibet, ex Carolo Cardinali, & Legato, ac Episcopo, seu Administratore Meten. ac Abbatibus, & Prioribus, seu Commendatariis, & Conventibus praefatis, quem interdicti, & suspensionis, aut Excommunicationis sententias, & privationis poenam hujusmodi incurrisse eis constiterit, quoties super hoc pro parte Collegii praefati fuerint requisiti, tamdiu Dominicis, & aliis festivis diebus in Ecclesiis, dum major inibi Populi multitudo ad divina convenerit, interdictum, & suspensum, vel Excommunicatum, & privatum respective publice nuncient, & faciant ab aliis nunciari, Excommunicatumque ab omnibus arctius evitari, donec Collegio, vel Procuratori praefato de dicta pensione tunc debita fuerit integre satisfactum, ipseque interdictus, & suspensus relaxationem interdicti, suspensionis, aut Excommunicatus ab Excommunicationis sententia hujusmodi absolutionis beneficium meruerit obtinere. Contradictores quoslibet, & rebelles ac praemissis non parentes, si Cardinales aut Antistites auctoritate nostra, si vero inferiores Cardinali aut Antistite sint, per sententias, & censuras, & poenas Ecclesiasticas, aliaque opportuna juris remedia, appellatione postposita, compescendo, ac legitimis super his habendis servatis processibus, illos in sententias, censuras, & poenas praefatas incurrisse declarando, ac etiam eas iteratis vicibus

Executores hujus Constitutionis deputat.



Contrariis  
omnibus deroga-

bus aggravando; invocato etiam ad hoc, si opus fuerit, auxilio brachii secularis.

§. 14. Non obstantibus priori voluntate nostra præfata, & Lateranen. Concilii novissime celebrati uniones perpetuas nisi in casibus a jure permixtis fieri prohiben. ac sel. rec. Bonifacii Papæ Octavi Prædecessoris nostri, etiam illa, qua cavetur, ne quis extra suam Civitatem, vel Dioecesim nisi in certis exceptis casibus, & in illis ultra unam dietam a fine suæ Dioecesis ad judicium, evocetur, seu ne judices a Sede præfata deputati extra Civitatem, vel Dioecesim, in quibus deputati fuerint, contra quoscumque procedere, aut alij, vel aliis vices suas committere præsumant, ac de duabus dietis in Concilio generali edita, dummodo ultra tres dietas aliquis auctoritate præsentium ad judicium non trahatur, ac aliis Apostolicis, necnon in Provincialibus, & Synodalibus Conciliis editis generalibus, vel specialibus Constitutionibus, ac Ordinationibus Ecclesiæ Meten., & Monasteriorum, Prioratum, & Ordinum, ac Universitatum præfatorum juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, exemptionibus, & immunitatibus ac literis Apostolicis, illis, illorumque Superioribus, Conventibus, & personis, sub quibuscumque tenoribus, & formis, ac cum quibuscumque etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis in genere vel in specie, etiam consistorialiter quomodolibet concessis, ac etiam iteratis vicibus approbatis, & innovatis. Quibus omnibus etiam si pro illorum sufficienti derogatione alias de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata inserti forent præsentibus, pro sufficienter expressis habentes, illis alias in suo robore permansuris, hac vice dumtaxat specialiter, & expresse derogamus; contrariis quibuscumque. Aut si Carolo Cardinali, & Legato, ac Episcopo, seu Administratori Meten., & Abbatibus, Prioribus, seu Commendatariis, & Conventibus præfatis, vel quibuscumque aliis communiter, vel divisim ab eadem sit Sede indultum, quod ad præstationem, vel solutionem pensionis alicujus minime teneantur & ad id compelli, aut quod interdici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem, & quibuscumque aliis privilegiis, Indulgentiis, & literis Apostolicis generalibus, vel specialibus quorumcumque tenoribus existant, per quæ præsentibus non expressa vel totaliter non inserta, effectus earum impediri valeat quod-

Bull. Rom. Tem. IV. Par. IV.

modolibet, vel differri, & de quibus, quorumque totis tenoribus habenda sit in nostris literis mentio specialis.

§. 15. Nulli ergo omnino hominum liceat hanc paginam nostræ absolutionis, dismembrationis, separationis, concessionis, applicationis, appropriationis, reservationis, constitutionis, assignationis, statuti, electionis, institutionis, indulti, decreti, voluntatis, mandati, & derogationis infringere, vel ei ausu temerario contraire. Si quis &c.

Datum Romæ apud S. Petrum, Anno Incarnationis Dominicæ millesimo quingentesimo septuagesimo secundo, Nonis Decembris, Pontificatus nostri Anno I.

Sanctionem-  
que poenalem  
adiicit.

D. P. An. I.  
5. Decemb.

## CLXXXII.

Unio Beneficiorum Baliagiorum ab Hæreticis recuperatorum Militiæ Sanctorum Mauriti, & Lazari.

Ex Regest. in  
Secret. Brev.

GREGORIUS EPISCOPUS  
SERVUS SERVORUM DEI

Ad perpetuam rei memoriam.

§. 1. **D** Ecet Apostolicam Sedem præcipuam omnium Christianissimum matrem, quæ & ipsa Christianis quoque Principibus veluti columnis innititur, ex eis, illos uberiore gratia, ac benignitate complecti, quos præter temporalem potentiam, ac dignitatem majori pietate, ac Religionis amplificandæ studio eminere cognoscit. Cum itaque dilectus filius nobilis vir Emanuel Philibertus Sabaudia Dux Nobis exponi fecerit, pridem bonam partem eorum Baliagiorum, aliarumque jurisdictionum, & locorum Ditionis suæ temporalis, quæ vivente, clar. mem. Carolo Sabaudia Duce genitore suo a Bernensibus, aliisque finitimis Populis hæretica pravitate pollutis occupata fuerant, de ipsorum voluntate recuperasse, & ad pristinam suam temporalem jurisdictionem revocasse, & quamquam speret sub suo Dominio, divina favente misericordia, Populos illos, erroribus relictis, Catholica fidei, extra quam salvus esse nemo potest, doctrinam amplexuros, nihilominus, quia ob inveteratam in ipsis hæretica perfidia malitiam, quam fere omnes ab incunabulis imbiberunt, valde timendum est, eos ab hisce pravis opinionibus non ita brevi dimoveri posse, sed temporis beneficio ea in re utendum esse. Interim vero dum Religio Catholica in illis Regionibus restitui poterit, per commodum existimari, ut Ecclesiæ, Monasteria, Hospitalia, Beneficia, & bona Ecclesiastica prophanis nunc usus impie subjecta, quando in pristinos usus, & officia restitui non possunt, saltem militiæ Sanctorum Mauriti, & Lazari sub Regula Sancti Augustini proxime a Nobis instituta, cujus ipse Emanuel Philibertus, & magnus Magister existit, ad laudem Dei, & Christianæ fidei propagationem aliquo pacto inserviant.

Exordium, &  
facti series.

§. 2. Cumque ob has causas, idem Emanuel Philibertus Dux, & magnus Magister Nobis humiliter supplicari fecerit, ut Militiæ hujusmodi propagationi, atque incre-

Unio Beneficiorum Militiæ SS. Mauriti, & Lazari.



mento ad fidei Catholicae defensionem, & hæresum extirpationem paterne consulere, ac alias opportune providere de benignitate Apostolica dignaremur; Nos pro certa spe, atque fiducia, quam de presenti ipsius Emanuelis Philiberti Ducis, & magni Magistri fide, ac Religione habemus, proque paterno in illum amore nostro ad annuendum honestis huiusmodi desideriis adducti, ac firmiter Nobis pollicentes fore, ut quemadmodum ipsa Baliagia illius auctoritate, ac virtute antiquæ Ducatus Sabaudia Ditioni, sunt restituta, ita eadem illo curante, & adjuvante veteris, & Orthodoxæ Religionis nostræ cultui, & professioni prope diem reddantur. Ipsum Emanuele Philibertum Ducem, & magnum Magistrum a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existat, ad effectum præsentium dumtaxat consequendum, harum serie absolventes, & absolutum fore censentes, nec non Ecclesiarum, Monasteriorum, Prioratum, Hospitalium, & Beneficiorum Ecclesiasticorum omnium districtorum Baliagiorum, & Locorum qualitates, ordines, & dependentias, ac fructuum, reddituum, & proventuum bonorum eorumdem conditiones, quantitates, verosque annuos valores præsentibus pro expressis habentes, huiusmodi supplicationibus inclinati, omnia Beneficia Ecclesiastica cum cura, & sine cura secularia, & quorumvis Ordinum regularia in Baliagiis, & Locis ab ejus Nobilitate receptis consistentia, & si secularia, Canonicatus, & Præben. dignitates, etiam principales Personatus, Administrationes, & officia olim Collegiatarum Ecclesiarum, & Parochiales Ecclesiæ, vel earum perpetuæ Vicariæ, Cappellæ, & Cappellaniæ perpetuæ; Regularia vero Beneficia huiusmodi Monasteria, non tamen consistorialia, Prioratus, Præposituræ, Præpositatus, Dignitates, etiam Conventuales, Personatus, administrationes Monachales, & Canonicales portiones, ac officia etiam curata claustralia, & electiva, nec non Hospitalia, leprosariorum, Xenodochia, fuerint, & alia quæcumque loca religiosa, eorumque membra, Grantiæ, Possessiones, & prædia, in quibus nullus Ecclesiasticus cultus secularis, aut regularis, seu Hospitalitas exercetur, nec de presenti saltem, quoad Parochiales Ecclesias, & alia Beneficia Ecclesiastica curata restitui potest, quæque nullis canonice collata, aut commendata, seu commissa, nec unita, aut suppressa in Ecclesiis, Monasteriis, Hospitalibus, aut aliorum Piorum Locorum nunc vigentium, etiam extra Baliagia, & Loca prædicta consistentium commodum, & favorem sint, nec ab Ecclesiis, Monasteriis, Capitulis, Conventibus, Beneficiis, Hospitalibus extra illa consistentibus, veluti unita dependant, aut ad ea, veluti membra pertineant, quæ omnia salva, & illæsa remaneant, quibusvis modis,

& ex quorumque personis, seu per liberas resignationes quorumvis de illis, aut de eorum regiminibus, & administrationibus cessiones in Romana Curia, vel extra eam, etiam coram Notario publico, & Testibus sponte factas, aut Constitutionem felicis recordationis Joannis Papæ XXII. Prædecessoris nostri, quæ incipit: *Execrabilis*, vel assecutionem alterius Beneficii Ecclesiastici quavis auctoritate collati vacent, etiam si tanto tempore vacaverint, quod eorum collatio juxta Lateranen. statuta Concilii, aut alias canonicas sanctiones legitime devoluta, ipsaque omnia, vel eorum aliqua dispositioni Apostolicæ specialiter, vel generaliter reservata existant, & ad illa consueverint olim qui per electionem assumi, eisque cura etiam jurisdictionalis imminuat animarum, ac cujuscumque annui valoris ad quamcumque, etiam notabilissimam, summam ascendentes eorum singulorum fructus, redditus, & proventus fuerint nomine, titulo, denominatione, ordine, statu, & essentia, etiam regulari in singulis illis, prout insunt perpetuo suppressis, & extinctis cum suis Ecclesiis, Domibus, bonis, proprietatibus, decimis, juribus, jurisdictionibus, fructibus, censibus, pertinentiis, & actionibus omnibus, & quibuscumque Militiæ præfatæ Sanctorum Mauricii, & Lazari de Apostolicæ potestatis plenitudine unimus, annectimus, & incorporamus.

§.3. Ita quod liceat prædicto Emanueli Philiberto Duci, & magno Magistro, nec non dilectis filiis Conventui dictæ Militiæ illorum omnium corporalem possessionem per se, vel alium, seu alios propria auctoritate libere apprehendere, & perpetuo retinere, atque in eis, & ex eis Prioratus, Bajulivas, Præceptorias, aliaque Beneficia, & officia dictæ Militiæ erigere, & instituere, dotes assignare, & alias prout dictæ Militiæ usus, & utilitas suadebunt, eique æquum visum fuerit, convertere, ac etiam interim dum erectiones, & institutiones huiusmodi fient, fructus, census, decimas, & alia jura prædicta percipere, exigere, & levare, ac de illis in prædictos usus disponere, de Dioecesanorum locorum, & quorumvis aliorum licentia minime requisita, quin etiam ipsis ea omnia, quæ post recuperationem Baliagiorum, & locorum prædictorum de facto percepta sunt ab ipso Emanuele Philiberto Duce, vel ejus ordine cujuscumque qualitatibus, & pretii illi, gratiosè donamus, & remittimus.

§.4. Cum eo tamen, quod quamprimum eorum Baliagiorum, & locorum recuperatorum homines ad veritatis lumen per misericordiam Dei redierint, in quacumque ipsorum parte id contigerit, Parochiales Ecclesias, & alia Ecclesiastica loca ad exercitium curæ animarum idonea ab Ordinariis locorum, quibus illa subsunt cum dote non minori quinquaginta ducatorum annuatim de proprietatibus bonorum prædictorum ad justum, & competentem numerum instituant, illisque ab eisdem Ordinariis de Reto-

Reservato  
quoad Parochiales Ecclesias  
si Populi ab hæresi relapsi  
fuerint.



1575.

1575.

Clausula.

storibus, & Pastoribus idoneis juxta Concilii Tridentini dispositionem, & alias canonicas sanctiones provideat.

§.5. Districtius inhibentes, omnibus Abbatibus, Conventibus, & Prioribus Monasteriorum quorumvis Ordinum, & Regularium locorum, & Hospitalium, ac Militiarum superioribus, ceterisque, ad quos id quomodolibet pertinet, ne posthac audeant in dictis Ecclesiis, Monasteriis, Beneficiis, & officiis, aliisque suppressis predictis, eorumque rebus, juribus, & actionibus sese quoquomodo interponere, seu suppressionem, unionem, annexionem, & incorporationem, ceteraque alia præmissa, illarumque executionem, & effectus quomodolibet impedire; Ac decernentes Emanuelem Philibertum Ducem, & magnum Magistrum, ac Conventum predictos ad verificandum causam, seu causas, propter quas Nos ad prædicta facienda inducimur, coram dictis Ordinariis locorum, vel aliis etiam tamquam a Sede Apostolica delegatis, aut alibi nunquam teneri, nec propterea, aut etiam, quia interesse habentes vocati non fuerint, præsentem per subreptionem obtentas præsumi, viribusque, & effectu propterea carere: Sicque per quoscunque Judices ordinarios, & delegatos in quavis causa, & instantia, sublata eis quavis aliter judicandi, & interpretandi facultate, & auctoritate, judicari, & deffiniri debere, nec non irritum, & inane, quid quid secus super his a quoquam quavis auctoritate scienter, vel ignoranter contigerit attentari.

Derogatio contrariorum

§.6. Non obstantibus præmissis, ac nostris de exprimendo vero annuo valore tam beneficii uniti, quam ejus, cui illud uniri petitur, necnon de unionibus committendis ad partes, vocatis, quorum interest, ac Lateranen. Concilii novissime celebrati, uniones perpetuas, nisi in casibus a jure permissis fieri prohibentis, aliisque Apostolicis Constitutionibus, necnon Ecclesiarum, Monasteriorum, Conventuum, Ordinum, Militiarum, Hospitalium, & aliorum quorumcumque locorum juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis illis, & eorum singulis, sub quibuscumque tenoribus, & formis, ac cum quibuscumque clausulis, & decretis, etiam Motu proprio, & consistorialiter, ac alias in genere, vel in specie quomodolibet concessis, approbatis, & innovatis. Quibus omnibus, etiam si de illis, eorumque totis tenoribus, specialis, specifica, individua, & expressa, ac ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si ad verbum infererentur præsentibus, pro expressis habentes, illis alias in suo robore permansuris, hac vice dumtaxat harum ferie specialiter, & expresse derogamus, contrariis quibuscumque. Aut si aliqui super

provisionibus sibi faciendis de hujusmodi, vel aliis beneficiis ecclesiasticis in illis partibus, speciales, vel generales dictæ Sedis, vel Legatorum ejus literas impetrarint, & si per eas ad inhibitionem, reservationem, & decretum, vel alias quomodolibet sit processum, quas quidem literas, & processus habitos per easdem, ac inde secuta quæcumque, ad Ecclesias, Monasteria, beneficia, officia, Hospitalia, & alia prædicta volumus non extendi, sed nullum per hoc eis quoad affectationem beneficiorum aliorum præjudicium generari, & quibuslibet aliis privilegiis, indulgentiis, & literis Apostolicis, specialibus, vel generalibus quorumcumque tenorum existant, per quæ præsentibus non expressa, vel omnino non inserta effectus earum impediri valeat quomodolibet, vel differri, & de quibus, quorumque totis tenoribus ad verbum habenda sit in nostris literis mentio specialis.

§.7. Nulli ergo omnino hominum liceat hanc paginam nostræ absolutionis, unionis, annexionis &c.

Datum Romæ apud S. Petrum, Anno Incarnationis Dominicæ, millesimo quingentesimo septuagesimo quinto, Idibus Aprilis, Pont. nostri Anno III.

Dat. die 13  
Aprilis 1575.  
An.III.

## CLXXXIII.

Confirmatio Privilegiorum, & Indulgentiarum a Pio IV. concessorum Archiconfraternitati Sanctissimæ Trinitatis de Urbe.

Ex Regest. in  
Secret. Breve

GREGORIUS EPISCOPUS

SERVUS SERVORUM DEI

Ad futuram rei memoriam.

**A**D Apostolicæ dignitatis apicem, meritis licet imparibus divina dispositione vocati curis angimur assiduis, & debita meditatione pulsamur, ut charitatis, & misericordiæ opera ubique locorum, præsertim in Alma Urbe exerceantur, & his, quæ propterea per Christifideles pie religioseque fieri consueverunt, libenter dum a Nobis petitur, ne aliquando de illis hæsitari contingat, nostræ confirmationis robur adiicimus, ac circa ea, per quæ salus votiva succedat, ac Ecclesiæ, aliaque pia loca ad exercitium hujusmodi destinata ab ipsis Fidelibus in debita veneratione habeantur, creditæ Nobis potestatis auctoritatem favorabiliter impartimur, fidelesque ipsos ad id spiritualibus muneribus, Indulgentiis videlicet, & peccatorum remissionibus, frequenter invitamus.

Exordium.

§.1. Exhibita Nobis nuper pro parte dilectorum Filiorum Confratrum Confraternitatis sub invocatione Sanctissimæ Trinitatis in Alma Urbe canonice institutæ petitio continebat, quod alias postquam felic. Pius Papa IV. Prædecessor Noster institutionem Confraternitatis sub Invocatione ejusdem Sanctissimæ Trinitatis, in qua ut acceperat, dilecti Filii illius Confratres varia pietatis, & laudabilia opera exercuerant, & in pauperibus Peregrinis, & Convalescen-

Facti series



scientibus personis ad Hospitale dictæ Confraternitatis undequaque confluentibus excipiendis, & reficiendis, multisque aliis pietatis, & caritatis operibus non solum in Peregrinorum, & Convalescentium huiusmodi maximam commoditatem, & consolationem, verum etiam cum totius dictæ Urbis, & Orbis amplissima laude, & decore, magis, ac magis in dies se exercebant, & perpetuo exercere intendebant, nullaque statuta, & ordinationes, desuper considerant, eorumdem Confratrum salubribus votis, & gratiis in conspectu Dei, & Hominum pietatis operibus id exposcentibus Apostolica auctoritate perpetuo approbaverat, & confirmaverat, eandemque Confraternitatem in Archiconfraternitatem, ejusdem Sanctissimæ Trinitatis, ita ut ab ea tamquam matrice aliæ, si quæ de novo erigerentur, Confraternitates dependerent, dicta auctoritate etiam perpetuo crexerat, & instituerat, ac Archiconfraternitatis titulo decoraverat, necnon ejusdem Archiconfraternitatis Confratribus, ut privilegia, & Indulgentias sibi pro tempore concessa, Confraternitatibus erigendis huiusmodi communicare possent, indulserat, ac tam in approbatione, & confirmatione Confraternitatis huiusmodi, illiusque in Archiconfraternitatem erectione, & institutione prædictis, quam etiam postea, ac alias sub certis modo, & forma limitatas, & modificatas, & tam perpetuas, quam ad tempus Indulgentias, & peccatorum remissiones, ac relaxationes, aliaque facultates, gratias, & privilegia, seu indulta eadem auctoritate concesserat, & relaxaverat: piæ mem. Pius Papa V. etiam Prædecessor noster omnes, & singulas indulgentias, & facultates easdem, necnon quascumque alias Indulgentias, ac privilegia quibusvis Confraternitatibus, & aliis personis, sive locis communicandi in genere, vel in specie quomodolibet concessas revocavit, prout in diversis, tam Pii IV. sub plumbo, & in forma brevis, quam Pii V. prædictorum huiusmodi respective confectis literis plenius dicitur contineri.

§.2. Cum autem sicut eadem petitio subiungebat, nonnulla ex Indulgentiis, ac privilegiis per dictum Pium IV. Prædecessorem ipsis Confratribus concessa clausulas illas, & alias Indulgentias, necnon communicandi facultatem contineant, ac propterea literæ Pii IV. Prædecessoris huiusmodi, & in eis contenta Indulgentiæ, concessionem, gratiæ, & indulta huiusmodi a dictis Confratribus, & aliquibus aliis in dubium revocari possent, pro parte eorumdem Confratrum Nobis fuit humiliter supplicatum, ut in præmissis opportune providere de benignitate Apostolica dignaremur.

§.3. Nos igitur, qui singulorum Christianorum devotionem, & pietatis opera, nostris potissimum temporibus propagari, sinceris exoptamus affectibus, ac ea, quæ propterea facta fuisse dicuntur, ut firma, & illibata persistant, Apostolico munimine ro-

boramus, singulos Confratres prædictos, quibusvis Excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure vel ab homine, quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, necnon literarum prædictarum tenores præsentibus pro sufficienter expressis habentes, huiusmodi supplicationibus inclinati institutionem, ordinationes, & statuta, illorumque approbationem, & confirmationem dictæ Confraternitatis in Archiconfraternitatem erectionem, institutionem prædictas Apostolica auctoritate prædicta, etiam perpetuo approbamus, & confirmamus, illisque omnibus perpetuæ, & inviolabilis firmitatis robur adiicimus.

§.4. Et insuper ut ipsius Archiconfraternitatis, & aliarum illi pro tempore aggregatarum, & aggregandarum Confraternitatum Confratres nunc, & pro tempore existentes in tam pio, & laudabili instituto, ut alacrius persistant, quo majoribus Cælestis gratiæ donis pro Animarum suarum salute conspexerint se refectos, de Omnipotentis Dei misericordia, ac Beatorum Petri, & Pauli Apostolorum ejus auctoritate confisi omnibus, & singulis utriusque sexus Christianis fidelibus vere poenitentibus, & confessis, qui de gremio dictæ Archiconfraternitatis, & seu aliarum Confraternitatum illi aggregatarum, & in futurum aggregandarum huiusmodi ubivis locorum, consistentium pro tempore esse desideraverint, in ipsa eorum in Confratres Archiconfraternitatis, & Confraternitatum prædictarum receptione, & descriptione, plenariam, necnon illis, etiam utriusque sexus pro tempore existentibus, qui corde contriti, ac vere poenitentes, & confessi in mortis articulo nomen Jesus devote invocaverint, aut aliquod poenitentiae signum fecerint, etiam plenariam, ac tam eisdem Confratribus, quam omnibus, & singulis aliis utriusque sexus Christianis fidelibus, etiam vere poenitentibus, & confessis, qui singulis Nativitatis, Annunciationis, Visitationis, Purificationis, & Assumptionis Beatæ Mariæ Virginis Festivitatibus, ac die Dominica Festi ejusdem Sanctissimæ Trinitatis, annuatim Archiconfraternitatis, seu Confraternitatum aggregatarum, & aggregandarum prædictarum Ecclesias, seu Cappellas, vel Oratoria devote visitaverint, & inibi ad Deum preces, prout unicuique suggeret devotio, effuderint, in die Dominico Festi Sanctissimæ Trinitatis unam similiter plenariam omnium peccatorum suorum Indulgentiam, & remissionem, perpetuo duraturam, in reliquis vero Nativitatis, Annunciationis, Visitationis, Purificationis, & Assumptionis Festivitatibus huiusmodi septem annos, & totidem quadragenas, ac ipsis Confratribus, qui ultima Dominica cujuslibet mensis totius anni, vel ipsam Dominicam immediate sequentem Lunæ, sive Martis, aut aliis die-

Concessio Indulgentiarum

Confirmatio Privilegiorum d. Archiconfraternitatis.



bus, orationi quadraginta horarum nuncupatae per dictos Confratres pro tempore in eorum Ecclesiis, seu Cappellis, vel Oratoriis faciendae, & continuandae intervenerint, dummodo saltem per dimidiam horam in ea pro Reipublicae Christianae conservatione, & augmento, ac Principum Christianorum mutua, & Universali pace, necnon Nostro, & pro tempore existentis Romani Pontificis, ac Romanae Ecclesiae, & illius Pastorum felici, & prospero statu pias ad Christum preces effundendo continuaverint, quoties id fecerint, annum unum, eis quoque etiam vere poenitentibus, & confessis, qui Sanctissimum Eucharistiae Sacramentum singulo mense susceperint, septem annos, & totidem quadragenas, ac insuper illis Confratribus, qui Confratrum, & aliorum in eorum Ecclesiis, seu Cappellis, aut Oratoriis sepeliendorum Cadavera ad sepulturam associaverint, unum annum, & tam ipsis, quam ipsis Christifidelibus dictarum Archiconfraternitatis, & Confraternitatum, tantum similiter vere poenitentibus, & confessis, qui qualibet die Veneris totius Quadragesimae, Ecclesias, seu Cappellas, vel Oratoria Archiconfraternitatis, seu Confraternitatum aggregatarum, & aggregandarum huiusmodi devote visitaverint, & inibi, prout unicuique suggeret devotio, ad Deum preces effuderint, quoties id fecerint, septem annos, & totidem quadragenas, necnon Confratribus tam Archiconfraternitatis, quam Confraternitatum aggregatarum, & aggregandarum huiusmodi, qui Peregrinorum ad dictam Urbem, & Civitates, ac loca, ubi Confraternitates aggregatae, & aggregandae reperiuntur, ac ad Hospitalia pro ipsis Peregrinis recipiendis destinata, ad ibi hospitandum confluentium, & divertentium pedes laverint, & in mensa iisdem Peregrinis caritative ministraverint, & inservierint, centum dies, illis etiam Confratribus dictae Archiconfraternitatis, qui eosdem Peregrinos ad Ecclesias Urbis huiusmodi pro inibi Indulgentiis consequendis associaverint, duos annos de iniunctis sibi poenitentibus, auctoritate praefata tenore praesentium, misericorditer in Domino concedimus, elargimur, & relaxamus.

§.5. Et insuper, ut ipsi Confratres, & alii Christifideles Indulgentiarum, remissionum, & relaxationum praedictarum Deo propitio facilius efficiantur participes, illis, & eorum cuilibet, ut temporibus, & diebus supradictis quoscumque saeculares, vel quorumvis Ordinum, etiam Mendicantium Regulares Presbyteros idoneos ab Ordinariis locorum approbatos in suos possint eligere Confessores, qui eorum Confessionibus diligenter auditis, eos, & eorum quemlibet ab omnibus, & singulis eorum peccatis, criminibus, excessibus, & delictis, quantumcumque gravibus, & enormibus, Sedi Apostolicae reservatis, exceptis contentis in literis in die Coenae Domini legi consuetis, toties quoties, & etiam a criminibus in eisdem literis contentis,

semel in vita tantum, & in mortis articulo eadem auctoritate absolvere, ac pro commissis poenitentiam salutarem iniungere, necnon vota quaecumque Hierosolymitani, visitationis liminum eorundem Beatorum Petri, & Pauli Apostolorum, ac Sancti Iacobi in Compostella, necnon Castitatis, & Religionis Votis dumtaxat exceptis, in alia pietatis opera commutare.

§.6. Ac postremo eisdem Confratribus ut alia quaecumque Ordinationes, & Statuta felix Regimen, & prosperum statum, ac gubernationem, illorumque Archiconfraternitatis, & Confraternitatum aggregatarum, & aggregandarum praedictarum, rerumque Spiritualium, & Temporalium, quomodolibet concernentia condere, & facere, & tam illa quam alia quaecumque licita, & honesta, ac Sacris Canonibus, & Decretis Concilii Tridentini non contraria, quoties eis videbitur, immutare, alterare, limitare, corrigere, declarare, modificare, & in melius reformare libere, & licite valeant, licentiam concedimus, & impartimur.

§.7. Districtius inibentes omnibus, & singulis, etiam quibusvis Commissariis Sancti Spiritus in Saxia, & Sancti Joannis Lateranen., etiam S. Rochi de Urbe praedicta, necnon Sancti Bernardi Montis Sionis, & Sanctae Mariae de Populo nuncupatae incurabili Neapolitan., ac Annunciationis Beatae Mariae Virginis Cayetan., aliorumque Hospitalium, & piorum locorum, necnon quibusvis aliis personis cujuscumque gradus, & praeminentiae fuerint, ne publice, vel occulte, directe, vel indirecte, quovis quaesito colore, vel ingenio dilectos filios modernos, & pro tempore existentes Primicerium, & Custodes, tam Archiconfraternitatis, quam Confraternitatum aggregatarum, & aggregandarum praedictarum, vel ab eis, etiam pro tempore deputatos molestare, perturbare, inquietare, vel impedire, in toto, vel in parte, ullo modo audeant, vel praesumant. Ac decernentes ex nunc irritum, & inane, si secus super his a quoquam quavis auctoritate, scienter, vel ignoranter contigerit attentari.

§.8. Non obstantibus Constitutionibus, & Ordinationibus Apostolicis, contrariis quibuscumque. Quo circa venerabilibus fratribus nostris Patriarchis, Archiepiscopis, & Episcopis, necnon dilectis filiis eorum in spiritualibus Vicariis, & officialibus, ac Abbatibus, Prioribus, Capitulis, Conventibus, Parochialium Ecclesiarum Rectoribus, & eorum Vicariis, ac quorumcumque, etiam Mendicantium Ordinum Generalibus, Provincialibus, & aliis superioribus ac Praedicatoribus, aliisque ad quos spectat, & spectare poterit quomodolibet in futurum, tam exemptis, quam non exemptis ubilibet existentibus, per Apostolica scripta mandamus, quatenus ipsi, & eorum quilibet quoties pro parte Primicerii, & Custodum, aut ab eis deputatorum praedictorum cum debitis reverentia, & honore

Clausula.

Derogatio contrariorum

Facultas eligendi quemcumque Confessarium, qui possit eos absolvere a nonnullis criminibus, & vota commutare



Exceptio pro  
consecutione  
Indulgentiarum

Fides transu-  
porum.

Dat. die 27.  
Martii 1576.  
An. IV.

nore fuerint requisiti, praesentes literas, ac earum transumpta servata forma dicti Concilii recipiant, & admittant, ac ab eis recipi, & admitti faciant.

§.9. Volumus autem quod si Ecclesiis, seu Capellis, vel Oratoriis praedictis, aut alias ut praefertur, aliqua alia indulgentia perpetuo, vel ad tempus non dum elapsum duratura per Nos concessa fuerint, praesentes literas, quoad indulgentiam per praesentes respective concessam huiusmodi nullius sint roboris, vel momenti.

§.10. Et quia difficile foret, easdem praesentes ad singula quaque loca deferri, volumus, & dicta auctoritate similiter decernimus, quod huiusmodi praesentium transumptis, etiam impressis manu Notarii dictae Archiconfraternitatis subscriptis, ac sigillo ejusdem Archiconfraternitatis munitis eadem prorsus fides in iudicio, & extra adhibeatur, quae ipsis originalibus adhiberetur, si forent exhibitae, vel offensa.

§.11. Nulli ergo omnino hominum liceat hanc paginam nostrae absolutionis, approbationis, confirmationis, adiectionis, concessionis, elargitionis, relaxationis, impartitionis, inhibitionis, mandati, voluntatis, & decretorum infringere, vel ei auso temerario contraire. Si quis autem hoc attentare praesumpserit &c.

Datum Romae apud S. Petrum, Anno Incarnationis Dominicae, millesimo quingentesimo septuagesimo sexto, sexto Kal. Aprilis, Pontificatus nostri anno IV.

## CLXXXIV.

Ex Regest. in  
Secret. Brev.

Confirmatio erectionis Confraternitatis Nationis Bononien. in Urbe instituta cum facultate quot annis liberandi unum Carceratum &c.

GREGORIUS EPISCOPUS

SERVUS SERVORUM DEI

Ad perpetuam rei memoriam.

Exordium.

**S**acro sanctae Romanae Ecclesiae, quam supremi Patris filius Jesus Christus, pietatis auctor instituit, regimini meritis licet imparibus praesidentes pia, & salubria Fidelium omnium, praesertim Nationis Bononien. patriae nostrae originariae sincere Nobis debita vota, ex quibus divini Cultus praecipue in Urbe augmentum, & animarum salus provenire sperantur, paterno prosequentes affectu, his, quae propterea provide facta fuisse dicuntur, ut firma perpetuo, & illibata persistant, libenter cum a Nobis petitur, Apostolicae confirmationis robur adiecimus, ut juxta ipsius Romanae Ecclesiae praeminentiam, & creditam Nobis ex alto coelestis thesauri dispensationem fideles ipsos, quorum merita pro demeritis penitus sunt imparia, novis honorum titulis, ac spiritualibus muneribus, Indulgentiis videlicet, & peccatorum remissionibus ad pia, & meritoria opera exercenda libenter invitamus, ut denique per eorumdem operum exercitium macula suorum abolita delictorum ad

aeternae beatitudinis sine fine mansionem feliciter pervenire mereantur.

§.1. Sane pro parte dilectorum filiorum Confratrum Confraternitatis dictae Nationis Bononien. in praedicta Urbe pie institutae exhibita nuper petitio continebat, quod cum de proxime praeterito anno Domini millesimo quingentesimo septuagesimo quinto, quod sacrum Jubilaeum per Nos indictum in eadem Urbe celebravimus, quamplurimi Christifideles ejusdem Nationis pia devotione ducti ad Dei laudem, & obsequium, ac honorem, animarumque suarum salutem, convenientes in unum, & de cultu divino ampliando salubriter cogitantes, Deique servitio ferventius sese mancipare cupientes unam utriusque sexus Christifidelium Confraternitatem Nationis huiusmodi in Ecclesia Sancti Joannis Calybitae nuncupati in Insula dictae Urbis, ad id per eos acquisita cum saccis albis signum Crucis in cucula a parte anteriori habentibus erigendam, & instituendam duxerint, ac pro illius statu, & directione, ac gubernio, & regimine diversa statuta, ordinationes, & constitutiones condiderint, cupiantque ipsi Confratres, ut praedicti Christifideles ad praedicta magis incitentur, & eorum devotio magis accrescat, quo exinde majora spiritualia dona adipisci posse cognoverint, Confraternitatem, & Ecclesiam praedictas aliquibus muneribus, & gratiis spiritualibus, & temporalibus decorari, quare iidem Confratres Nobis humiliter supplicari fecerunt, ut eis in praemissis opportune providere de benignitate Apostolica dignaremur.

§.2. Nos igitur pium, & laudabile propositum huiusmodi plurimum in Domino commendantes, ac ipsius Confraternitatis stabilimento, & decori, ac ampliationi, ac prospero successui paterno affectu consulere volentes, ipsosque Confratres, & eorum singulos a quibuscumque excommunicationis, suspensionis, interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existant, ad effectum praesentium dumtaxat consequendum, harum serie absolventes, & absolutos fore censentes huiusmodi supplicationibus inclinati, ex certa nostra scientia, ac de Apostolica potestatis plenitudine Confraternitatem praedictam, quam pridem die videlicet vigesima quarta mensis Septembris anni praeteriti sub invocatione S. Joannis Apostoli, & Evangelistae ad Dei laudem, & ejusdem Sancti honorem viva vocis nostrae oraculo denominavimus, sub eadem invocatione de novo denominamus, & perpetuo denominari volumus, ac Erectionem, & Institutionem Confraternitatis in Ecclesia Sancti Joannis Calybitae huiusmodi ut praefertur, factas auctoritate Apostolica tenore praesentium approbamus, & confirmamus, illisque plenarie, & inviolabilis firmitatis robur adjicimus, omnesque, & singulos, tam juris, quam facti defectus, si qui intervenerint in eisdem, supplemus, nec non Ecclesiam ipsam Confraternitati, & Confratribus

Confirmatio  
& denominatio  
Confraternitatis.

Facti series.



Privilegia  
Confraterni-  
tati concessa.

tribus prædictis perpetuo concedimus, & assignamus.

§.3. Et nihilominus Confratribus Confraternitatis huiusmodi, nunc, & pro tempore existentibus deinceps, & quodcumque, ac pro ut eis videbitur, pro felicitis Confraternitatis huiusmodi regimine, & gubernio, ac statu, & administratione quacumque alia statuta, & ordinationes eis benevise, sacris tamen Canonibus, & Concilio Tridentino non contraria, ac alias licita, & honesta, & a dilecto filio prædictæ Urbis Vicario approbanda condendi, & tam illa, quam etiam alia, tam per eos hactenus, ut præfertur, facta pro temporum, personarum, & locorum qualitatibus mutandi, alterandi, corrigendi, emendandi, interpretandi, & in melius reformandi, illisque addendi, minuendi, ac etiam alia illorum loco de novo faciendi toties, quoties, ac prout, & quodcumque eis videbitur, nec non in festo ejusdem Sancti Joannis ante Portam Latinam die sexta mensis Maii celebrari solito, unum in Urbe Carceratum dictæ Nationis Bononien., si pro tempore reperiatur, quem maluerint, ex quocumque crimine damnatum, citra tamen hæresis, falsæ monetæ, falsificationis literarum, & supplicationum, ac commissionum, & aliarum gratiarum Apostolicarum, nec non læsæ majestatis, & assassinii, ac propinati veneni, ac etiam incendii Ecclesiarum, aut aliorum locorum Piorum, crimina, etiam si ultimo supplicio plectendus veniret, qui tamen ab hæredibus offensi pacem, seu veniam habuerit, ad eorundem Confratrum electionem quotannis a Carceribus educendi, &eductum liberandi, auctoritate, & tenore prædictis plenam, & liberam licentiam, & facultatem concedimus, & impartimur. Mandantes nunc, & pro tempore existentibus dictæ Urbis Governatori, & Senatori, ac causarum Camera Apostolicæ generali Auditori, & eorum Loca tenentibus, nec non Conservatoribus, ceterisque justitiæ ministris, administratoribus, & officialibus, ut ad omnem requisitionem, & simplicem petitionem, & instantiam Confratrum prædictorum unum Carceratum per eos, ut præfertur, eligendum eidem Confraternitati in dicto festo relaxent, ac realiter, & cum effectu relaxari faciant.

§.4. Ulterius Confraternitati, illiusque Confratribus, nunc, & pro tempore existentibus prædictis in perpetuum ut omnia, & singula prædicta quibuscumque aliis Confraternitatibus ejusdem Nationis Bononien. sub eadem invocatione Sancti Joannis Apostoli, & Evangelistæ extra dictam Urbem, tam in Bononien., quam quibuscumque aliis Civitatibus, Oppidis, Terris, Castris, Villis, & Locis Nobis, & Romanæ Ecclesiæ prædictæ, mediate, vel immediate subjectis, vel non subjectis, tam in Italia, quam extra illam, & in quibuscumque regionibus, ac mundi partibus pro tempore erectis, illarumque Confratribus, & Confratribus, ac Ecclesiis, Altaribus, seu Cappellis, & personis communicare licite pos-

sint, eadem auctoritate Apostolica perpetuo concedimus pariter, & indulgemus, & instituimus, ac facimus, constituimus, & deputamus.

§.5. Præterea omnibus, & singulis utriusque sexus Christifidelibus prædictæ Nationis Bononien., qui ex nunc de cetero perpetuis futuris temporibus dictam Archiconfraternitatem solito illius Sacco induti pro tempore ingredientur, die primi illorum ingressus huiusmodi poenitentibus, & confessis, ac vere contritis, nec non tam illis, quam omnibus, & singulis aliis utriusque sexus Confratribus Archiconfraternitatis huiusmodi præsentibus, & futuris pro tempore decedentibus in mortis articulo, si vere poenitentes, & contriti fuerint, ut præfertur, ac universis, & singulis aliis utriusque sexus Christifidelibus, similiter vere poenitentibus, & confessis, qui Ecclesiam Sancti Joannis Calybitæ prædictam in ejusdem Sancti Joannis Apostoli, & Evangelistæ vigesima septima Decembris plenariam, omnium peccatorum suorum indulgentiam, & remissionem misericorditer in Domino concedimus, & elargimur; illis vero, qui eandem Ecclesiam in Sancti Joannis ante Portam Latinam prædictam, nec non dicti Sancti Joannis Calybitæ, & Sanctorum Marci, ac Martæ, nec non Audifacis, & Abachuc, quorum Corpora in ipsa Ecclesia Sancti Joannis Calybitæ requiescunt, decima nona Januarii mensium diebus celebrari solitis festivitibus a primis Vesperis usque ad occasum solis cujuslibet die festivitatum earundem inclusive devote visiterint annuatim, & pias inibi ad Deum preces pro prædictæ S. R. E. conservatione, & hæresum extirpatione, ac mutua inter Christianos Principes servanda pace, & alias, pro ut unicuique suggeret devotio, effuderint, pro qualibet ultimo dictarum festivitatum, qua id pro tempore egerint, septem annos, & totidem quadragenas de injunctis eis, vel alias quomodolibet debitis poenitentis misericorditer in Domino relaxamus.

§.6. Præsentibus perpetuis futuris temporibus duraturis. Volumus autem, quod si Archiconfraternitatem prædictam ingredientibus, & seu Confratribus dictam Ecclesiam Sancti Joannis Calybitæ visitantibus prædictis aliqua alia indulgentia, in perpetuum, vel ad certum tempus nondum elapsam duratura per Nos concessa fuerit, eadem præsentibus literæ nullius sint roboris, vel momenti.

§.7. Nulli ergo omnino hominum liceat hanc paginam nostræ absolutionis, denominationis, approbationis, confirmationis, adjectionis, suspensionis, assignationis, concessorum impartitionis, mandati, indulti, erectionis, creationis, facti, institutionis, constitutionis, deputationis, elargitionis, relaxationis, & voluntatis infringere. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Concessio In-  
dulgendarum.

Clausula.



1576.

Dat. die 1.

Aprilis 1576.

An.IV.

Datum Romæ apud Sanctum Petrum  
Anno Incarnationis Dominicæ, millesimo  
quingentesimo septuagesimo sexto, Kalendaris  
Aprilis, Pontificatus nostri Anno IV.

CLXXXV.

Ex Regest. in  
Secret. Bre-  
vium.

Communicatio, & extensio Indulgentiarum, & Privilegiorum concessorum Hospitali Joannis de Dios Granaten., ad quæcumque alia Hospitalia quibuscumque in locis ad instar dicti Hospitalis instituentur.

GREGORIUS EPISCOPUS

SERVUS SERVORUM DEI

*Ad perpetuam rei memoriam.*

Exordium.

**I**N super eminenti Sedis Apostolicæ specula disponente Domino constituti ea, quæ pro Hospitalium, aliorumque piorum locorum felici statu, ac personarum ibidem fallaciis hujus mundi repudiatis illecebris sub suavi religionis jugo virtutum Domino famulantium, ac pietatis, & charitatis operibus vacantium animarum salutis provide concessa fuisse dicuntur, libenter cum a Nobis petitur, ad alia ejusdem instituti Hospitalia, & personas, favorabiliter extendimus, ac alias super his providemus, pro ut locorum, & personarum qualitate pensata, id conspiciamus in Domino salubriter expedire.

Faci series.

§.1. Dudum siquidem per fel. record. Pium Papam V. Prædecessorem nostrum accepto, quod alias quondam Joannes de Dios, dum in humanis ageret, devotione ductus inter alia multa bona opera, quæ exercuerat, ex eleemosynis, quæ a Christifidelibus, sibi elargiebantur, non multo ante ejus obitum in Civitate Granaten. unum Hospitalale insigne Joannes de Dios della Pot nuncupat. de loci Ordinarii licentia instituerat, & post ejus obitum dictum Hospitalale prope, & extra muros ejusdem Civitatis canonice translatum fuerat, & in præfati Hospitalis regimine, ac administratione aliis successerant, qui ejusdem Joannis exemplo, & simili devotione moti ipsius Hospitalis, & pauperum in eo degentium gubernio, mantentioni, & sustentationi assidue incumbabant, ac in illo aderant ducenti, & quinquaginta pauperes, vel circa, omni infirmitatum genere laborantes, neque in ea Civitate, nec etiam in toto Regno Granaten. aliquis similis reperiebatur locus, in quo charitatis opera ita abunde exercerentur, cum in eo annis singulis summa decem millium ducatorum, vel circa exponeretur, ex eleemosynis quoque, quæ per dilectos filios Confratres ipsius Hospitalis colligebantur, & a Christifidelibus ibidem erogabantur.

§.2. Et tunc proxime lapsis temporibus in Bello Granaten. prædicti Confratres multa bona opera erga christianos milites exercuerant, lectos, medicinas, & alia necessaria illis subministrando, infirmos, &

vulneratos medicorum curæ supponendo, eosque bene tractando, ac semper magna charitate Christianorum exercitus sequendo, necnon infirmis, & vulneratis necessaria pro viribus ministrando, & ex singulari zelo servitii Dei omnem curam in prædicti Hospitalis pauperibus curandis absque aliqua mercede impendebant, idem Prædecessor, Motu proprio, non ad Confratrum ipsorum, seu aliarum personarum dicti Hospitalis pro eis dicto Prædecessori oblata petitionis instantiam, sed ex mera ejus liberalitate per suas literas omnibus, & singulis utriusque sexus Christifidelibus, tam extraneis, quam indigenis, ac tam pauperibus, quam divitibus in eodem Hospitali pro tempore pro sui cura existentibus, de se curari facientibus, qui die sexta Idus Augusti, vel etiam tempore publicationis dictarum literarum dictum Hospitalale essent ingressi, infra tempus a dictis Confratribus post publicationem earundem literarum statuendum; qui vero deinceps ingrederentur, in principio illorum ingressus hujusmodi, & similiter Confratribus, administratoribus, servitoribus, & aliis personis dicti Hospitalis, qui pro tempore infirmarentur, etiam in principio infirmitatis, seu durante infirmitate hujusmodi, etiam quod ipsi, & alii omnes supradicti non essent in mortis articulo constituti, quod de cetero perpetuis futuris temporibus tam dicti Hospitalis, quam quemcumque alium presbyterum, tam sacularem, quam cujusvis Ordinis regularem a loci Ordinario approbatum in eorum possent eligere Confessorem, qui eorum confessionibus diligenter auditis, eos, & eorum quemlibet, qui poenitentes existerent, a quibuscumque delictis, & criminibus quantumcumque gravibus, & enormibus, etiam prædictæ Sedi reservatis, necnon in literis die Ccenæ Domini legi solitis contentis, exceptis, tamen casibus Hæresis, schismatis, conspirationis in Romanum Pontificem, aut Statum Romanæ Ecclesiæ, falsificationis literarum, aut supplicationum, vel commissionum Apostolicarum, delationis armorum, & aliorum prohibitorum ad partes infidelium, ac injectionis manuum violentarum in Episcopos, aut Prelatos, vel superiores ecclesiasticos absolvere, eisque pro præmissis poenitentiam salutarem injungere auctoritate Apostolica posset, & valeret, indulget.

§.3. Utque Hospitalale hujusmodi, & illius Ecclesiæ congruis frequentaretur honoribus, ac in debita reverentia haberetur, necnon Christifidelium animarum salutis fructuosius consuleretur, ipsique Christifideles eo libentius ad Hospitalale, & Ecclesiam hujusmodi, devotionis causa visitandum confluerent, quo ex inde Coelestis gratiæ dono uberius conspicerent se refectos, Motu simili omnibus, & singulis utriusque sexus Christifidelibus, qui pro tempore dictam Ecclesiam visitarent, & in ea preces, tam pro se, quam per modum suffragii pro defunctis Deo effunderent, quoties id egissent, quandocumque, etiam in quibuscumque



que diebus in perpetuum, toties centum dies & in diebus festivis ducentos dies de iniunctis, seu alias quomodolibet debitis poenitentis in Domino misericorditer relaxavit. Quam relaxationem, etiam suffragari voluit iis, qui aliquam servitutem in prædicto Hospitali infirmis facerent, aut illos visitarent, qualibet vice qua id, seu ea, vel eorum quolibet pro tempore agerent.

§.4. Necnon omnibus, & singulis utriusque sexus Christifidelibus vere poenitentibus, & confessis, qui Ecclesiam prædictam, vel ejus Capellam in duabus diversis festivitibus in anno per dictos Confratres eorum arbitrio pro tempore eligendis a primis vespers usque ad occasum solis cujuslibet diei festivitatum earundem inclusive devote visitarent annuatim, durante quinquennio tunc proximo venturo, & ibi pro pace inter Principes Christianos servanda, vel alias prout unicuique suggereret devotio, similiter ad Deum preces funderent, quoties id agerent, toties pro qualibet dictarum festivitatum septem annos, & totidem quadragenas veræ indulgentiæ de poenitentis prædictis relaxavit, & si pro defunctis visitarent, relaxationem hujusmodi, etiam eisdem defunctis per modum suffragii, opitulari voluit.

§.5. Ac insuper motu pari ejusdem Hospitalis administratoribus, Rectoribus, Gubernatoribus, confratribus, & ministris, ac servitoribus, & familiaribus utriusque sexus tunc, & pro tempore existentibus in perpetuum, qui vere poenitentes, & confessi in eodem Hospitali, sive etiam in eorum Domibus propriis, vel extra ubilibet. Pauperibus vero, & infirmis qui in dicto Hospitali pro tempore decederent, ac ipsius Hospitalis Benefactoribus, necnon etiam Confratribus Confraternitatis sub invocatione Sancti Spiritus in Ecclesia dicti Hospitalis canonice institutæ, sive in ipso Hospitali, sive extra pro tempore decedentibus in eorum, & cujuslibet eorum mortis articulo plenariam omnium peccatorum suorum Indulgentiam, & remissionem in Domino concessit, utque illam eo purius consequi possent, similiter omnibus supradictis, ut tam dicti Hospitalis Rectorem, quam quemcumque alium presbyterum idoneum etiam ab eodem Ordinario approbatum in eorum possent eligere Confessorem, qui eos, & eorum quemlibet a quibusvis delictis, & criminibus, etiam Sedi prædictæ reservatis, ac etiam in literis die Coenæ hujusmodi legi solitis contentis, casibus supradictis exceptis, absolvere valeret.

§.6. Necnon tam infirmis, & aliis pauperibus, quam Administratoribus, Rectoribus, Gubernatoribus, Confratribus, Ministris, Servitoribus, & Familiaribus, & aliis personis ejusdem Hospitalis tunc, & pro tempore existentibus peccata sua presbyteris dicti Hospitalis confiten., & ab eisdem Eucharistiæ, & extremæ Unctionis omniaque, & singula alia Ecclesiastica Sacramenta recipiendi, necnon Missas, & alia Divina Officia, ac omnes Horas Cano-

nicas nocturnas pariter, & diurnas in Hospitali, illiusque Ecclesia, & Capella prædictis, tam alta, quam submissa voce per Capellanos ejusdem Hospitalis, & alios presbyteros, & clericos illuc confluentes, & intervenientes palam, & publice celebrari, ac etiam tam pro illis, quam pro aliis occurrentiis campanas pulsari, necnon etiam tempore interdicti, etiam dicta Apostolica auctoritate appositi, ac etiam cujuscumque cessationis a divinis, tam administratorum, Rectorum, Gubernatorum, Confratrum, Ministrorum, Servitorum, & Familiarium, quam infirmorum, & aliorum pauperum, aliarumque personarum dicti Hospitalis pro tempore decedentium Cadavera in loco Sacro cum pompa moderata juxta personarum qualitatem ecclesiasticæ sepulturæ tradi, & in Altaribus Hospitalis, illiusque Ecclesia, & Capella hujusmodi Missas, & alia Divina Officia, clausis tamen januis, in supradictarum personarum præsentia per quoscumque presbyteros celebrari faciendi, necnon illa audiendi, similiter facultatem concessit.

§.7. Iis quoque, qui sive pro Defunctorum suffragio, sive alias ex devotionis fervore annis singulis prima Dominica quadragesimæ, ac Beati Joannis Baptistæ, ac Domini nostri Jesu Christi Nativitatum festivitibus Hospitali prædictum visitarent, quoties facerent, toties centum dies, qui vero dicto Hospitali, & illius pauperibus pro sua devotione absque aliqua mercede pro tempore deservirent, quotiescumque Sanctissimum Eucharistiæ Sacramentum sumerent, toties centum dies, ac insuper omnibus, & singulis utriusque sexus personis, quæ dictum Hospitali cum aliquo panno laneo veteri pro infirmis curandis adjuvarent, pro qualibet vice centum dies, & in diebus festivis ducentos dies similiter de poenitentis prædictis relaxavit.

§.8. Ac præterea dictum Hospitali, & ejus personas, seu agentes a Parochiali infra cujus limites dictum Hospitali consistebat, & aliarum quarumvis Ecclesiarum, illarumque Rectorum, & in eis Benefactorum jurisdictione, & superioritate ratione perceptionis eleemosynarum, oblationum, legatorum, & relictorum piorum, ac aliorum jurium, & obventionum quorumcumque, quæ eidem Hospitali, Ecclesiæque ipsius ex quorumcumque Christifidelium largitione, tam in omnium Sanctorum, & Commemorationis Defunctorum, quam aliis quibuscumque festivitibus, & diebus provenirent, attento, quod dictum Hospitali Rectorem proprium habebat, Ecclesiastica Sacramenta omnibus in eo existentibus ministrantem, ita quod Parochialis, seu aliarum ecclesiarum prædictarum Rectores, vel beneficiarii nihil in dicto Hospitali agere tenerentur, etiam Motu simili perpetuo penitus exemit, & totaliter liberavit, ac dicti Hospitalis administratores ad aliquam eleemosynarum, & relictorum aliorumque prædictorum solutionem cuique faciendam minime teneri, nec cogi posse, sed ele-



Causa præ-  
sentis Consti-  
tutionis eden-  
da.

mosynas, & relicta, aliaque præmissa in sustentationem, & subventionem pauperum dicti Hospitalis converti debere decrevit, inhibitione, & irritanti, ac etiam aliis decretis desuper apposis, prout in dictis literis plenius continetur.

§.9. Cum autem sicut exhibita Nobis nuper pro parte dilecti filii majoris Confratris dicti Hospitalis petitio continebat, ad dicti Hospitalis instar unum in Hispalen., & aliud in Corduen. Civitatibus, aliudque in de Madrid, ac aliud in de Lucena Oppidis Toletan., & Corduen. Diocesi, ac plura alia in diversis Indiarum maris Oceani Provinciis similia Hospitalia, hætenus Deo auxiliante a diversis Christianis fidelibus de bonis a Deo collatis pro similibus Christianis fidelibus infirmis, & pauperibus recipiendis, alendis, & curandis ab eisdem Confratribus, qui ex Sedis Apostolicæ auctoritate, sub Regula Sancti Augustini Ordinem ejusdem S. Augustini expresse profitendo emittere solent, militare noscuntur non sine maximo & continuo charitatis exercitio Christianis fidelium pauperum languentium auxilio, & refrigerio, regi, & gubernari solito canonice instituta fuerint, ac etiam in dies Deo permittente, & Christianis fidelium charitate crescente in futurum in diversis Orbis Christiani regionibus edificari sperentur, pro parte ejusdem majoris Confratris Nobis fuit humiliter supplicatum, quatenus prædictis Hospitalibus, hætenus, ut præmittitur, instar primo dicti Hospitalis institutis, & in futurum ubilibet instituendis omnia, & singula privilegia, facultates, indulta, exemptiones, libertates, immunitates, indulgentias, & peccatorum remissiones, relaxationes, & alias quascumque gratias, tam spirituales, quam temporales primo dicto Hospitali, ut præmittitur, concessa communicare, ac alias in præmissis opportuna providere de benignitate Apostolica dignaremur.

Extensio præ-  
dictorum Pri-  
vilegiorum ad  
alia ejusdem  
Ordinis Hospi-  
talia.

§.10. Nos igitur qui pietatis, & charitatis opera latius ubique propagari, sincero desideramus affectu, prædictum majorem Confratrem a quibuscumque excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine quavis occasione, vel causa latis, si quibus quomodolibet innotatus existit, ad effectum præsentium, dumtaxat consequendum, harum serie absolventes, & absolutum fore censentes, hujusmodi supplicationibus inclinati omnibus, & singulis Hospitalibus prædictis, tam in Hispaniarum Regnis, quam in Indiis maris Oceani hujusmodi, & totius Christiani Orbis Civitatibus, Oppidis, & locis in posterum ad instar primo dicti Hospitalis canonice instituendis omnia, & singula privilegia, facultates, indulta, & gratias, tam spirituales, quam temporales primo dicto Hospitali, ut præfertur, concessa, ita quod illis omnibus, & singulis Hospitalia hujusmodi, illorumque majores, & alii Confratres, ac infirmi, & aliæ personæ illis inservientes, eaque, & eorum Eccle-

fias visitantes, ac in eis ab humanis decedentes, eorumque sepulturas ibidem eligentes uti, frui, potiri, & gaudere libere, ac licite valeant in omnibus, & per omnia, perinde, ac si eis specialiter, & expresse concessa fuissent, Apostolica auctoritate tenore præsentium communicamus, ac ad illa extendimus, & ampliamus.

§.11. Non obstantibus Constitutionibus, & Ordinationibus Apostolicis, ac primo dicti Hospitalis juramento, confirmatione Apostolica, vel quavis firmitate alia roboratis statutis, & consuetudinibus, necnon omnibus illis, quæ dictus Prædecessor in ipsis literis voluit non obstare, ceterisque contrariis quibuscumque.

§.12. Ceterum quia difficile foret, præsentis literas ad omnia, & singula quæque Hospitalia, aliaque loca supradicta, dum opus erit, deferre, volumus etiam, & Apostolica auctoritate prædicta decernimus, quod earumdem præsentium transumptis, seu copiis impressis, & manu alicujus Notarii publici subscriptis, ac sigillo &c.

§.13. Nulli ergo omnino hominum liceat hanc paginam nostræ absolutionis, communicationis, extensionis &c.

Datum Tusculi, Anno Incarnationis Dominicæ, millesimo quingentesimo septuagesimo sexto, quarto Kal. Maii, Pont. nostri Anno IV.

## CLXXXVI.

Institutio Congregationis Clericorum Sæcularium de Oratorio nuncupata, in Ecclesia S. Mariæ de Vallicella de Urbe.

GREGORIUS EPISCOPUS

SERVUS SERVORUM DEI

Ad perpetuam rei memoriam

**C**opiosus in misericordia Dominus, & in cunctis gloriosus operibus, a quo omnia dona defluunt, ad hoc Nobis licet immeritis suæ Sponsæ universalis Ecclesiæ regimen committere, & nostræ debilitati jugum Apostolicæ servitutis imponere voluit, ut inter alias multiplices curas, operarios, quos ipse Dominus in messem suam, multitudinem utique magnam populorum ad fructum divinæ gratiæ dispositam, ne pereat, quotidie pro sua misericordia dignatur emittere, conducere non differamus, eosque ad suscipiendam ipsius Domini misericordiam in medio templi sui, ejusque vias Christianis fidelibus demonstrandum, eorumque corda divinorum sermonum declaratione illuminandum, novas etiam interdum piorum virorum Congregationes propterea constituendo nostræ sollicitudinis ope, Apostolicisque favoribus propensius excitemus.

§.1. Dudum siquidem omnia beneficia Ecclesiastica cum cura, & sine cura apud Sedem Apostolicam tunc vacantia, & in antea vacatura, dispositioni nostræ reservavimus. Decernentes ex tunc irritum, & inane, si secus super his a quoquam quavis au-

cto-

Derogatio  
contractionum

Transumptum  
fides.

Dat. die 28.  
Aprilis 1576.  
An. IV.

Proemium

Philippus Ne-  
rius supplicat  
Papæ pro ere-  
ctione Con-  
gregat. Cle-  
ricorum sæcu-  
larium de O-  
ratorio nun-  
cupanda in  
Urbe.



toritate, scienter vel ignoranter contigerit attentari. Cum itaque postmodum Parochialis Ecclesia B. Mariæ Vallicellæ nuncupata, Regionis Pontis seu Parionis de Urbe, per liberam resignationem dilecti Filii Antonini de Adinto, nuper ipsius Ecclesiæ Rectoris, de illa quam tunc obtinebat in manibus nostris sponte factam, & per Nos admissam, apud Sedem eandem vacaverit, & vacet ad præsens, nullusque de illa præter Nos hac vice disponere potuerit, sive possit, reservatione, & decreto obstitentibus supradictis. Et sicut dilectus Filius Philippus Nerus Presbyter Florentinus, ac Præpositus nonnullorum Presbyterorum, & Clericorum præfatorum nominibus Nobis nuper exposuit, hi in ipsa Ecclesia introduci cupiant, ac ita illis gratia assistente divina circa Missarum, & aliorum divinorum Officiorum in eadem Ecclesia celebrationem, & verbi Dei populo inibi interfessenti prædicationem, aliaque salubria monita ad salutem animarum Christianifidelium procurandam, & quamplurima pietatis opera exercenda intendere sperent, ut ex eorumdem Presbyterorum, & Clericorum laudabili vita, & doctrina dilecti Filii ipsius Ecclesiæ Parochiani non parvam consolationem spiritualem suscepturi sint, si in eadem Ecclesia una Congregatio Presbyterorum, & Clericorum de Oratorio nuncupanda, perpetuo erigeretur, & institueretur, ipsaque Ecclesia cum onere curæ animarum illius Parochianorum præfatorum eidem Congregationi concederetur, ex hoc profecto divinus cultus, ac Ministrorum Ecclesiasticorum numerus, in ea ad Dei laudem, & eorumdem Christianifidelium animarum salutem maximum susciperet incrementum. Quare dictus Philippus asserens dictæ Ecclesiæ, & illi forsan annexorum, fructus, redditus, & proventus, super quibus pensio annua quadraginta scutorum moneat certæ Personæ Ecclesiasticæ illam annuatim percipienti, Apostolica auctoritate, ut dictus Philippus etiam asserit, reservata existit, centum, & triginta ducatorum auri de Camera secundum communem estimationem valorem annum non excedere, eisdem nominibus Nobis humiliter supplicavit, quatenus præmissis annuere de benignitate Apostolica dignaremur.

Qui illam  
erigit.

§.2. Nos igitur qui dudum inter alia volumus, quod semper in unionibus commissio fieret ad partes, vocatis quorum interesset, quique divini cultus augmentum, & Christianifidelium animarum salutem sinceris desideramus affectibus, pium, & laudabile Philippi Præpositi, ac Presbyterorum, & Clericorum præfatorum desiderium summopere commendantes, ipsosque Philippum Præpositum, ac Presbyteros, & Clericos a quibusvis Excommunicationis, suspensionis, & interdicti, aliisque Ecclesiasticis sententiis, censuris, & poenis, a jure vel ab homine, quavis occasione, vel causa latis, si quibus quomodo libet innodati existunt, ad effectum præsentium duntaxat consequendum, harum

serie absolventes, & absolutos fore censentes, hujusmodi supplicationibus inclinati, in dicta Ecclesia unam Congregationem Presbyterorum, & Clericorum sæcularium de Oratorio nuncupandam, sine alicujus præjudicio, auctoritate Apostolica tenore præsentium perpetuo erigimus, & instituimus.

§.3. Illique sic erectæ, & institutæ Ecclesiam præfatam, sive præmissa, sive alio quovis modo, aut ex alterius cujuscumque persona, seu per similem resignationem dicti Antonini, vel cujusvis alterius de illa in Romana Curia, vel extra eam etiam coram Notario publico, & testibus sponte factam, aut Constitutionem fel. record. Joannis Papæ XXII. Prædecessoris nostri, quæ incipit, Execrabilis, vel assencionem alterius beneficii Ecclesiastici quavis auctoritate collati vacet, etiam si tanto tempore vacaverit, quod ejus collatio juxta Lateranensem statuta Concilii ad Sedem præfatam legitime devoluta, ipsaque Ecclesia dispositioni Apostolica specialiter, vel alias generaliter reservata existat, & super ea inter aliquos lis, cujus statum præsentibus haberi volumus pro expresso, pendeat indecisa, dummodo ejus dispositio ad Nos hac vice pertineat, cum onere curæ animarum illius Parochianorum præfatorum, aliisque omnibus, & singulis oneribus, & honoribus, ac annexis, necnon omnibus bonis, censibus, jurisdictionibus, fructibus, redditibus, & proventus, aliisque juribus, & pertinentiis suis eidem Congregationi, auctoritate Apostolica, & tenore præfatis etiam perpetuo concedimus, & assignamus; ita quod liceat ipsi Congregationi illiusque Rectori, Presbyteris, Clericis, & Procuratoribus, seu Agentibus, vel deputatis per se, vel alium, seu alios, eorum, & dictæ Congregationis nomine, Ecclesiæ, & annexorum, ac bonorum, juriumque, & pertinentiarum præfatorum corporalem, & realem, & actualem possessionem propria auctoritate libere apprehendere, & etiam perpetuo retinere, curamque animarum eidem Ecclesiæ imminentem per seipsos Presbyteros seu, vel plures ex eis, sive per alium, vel alios Presbyteros, illis tamen prius a dilecto Filio Nostro, & Romani Pontificis pro tempore existentis in dicta Urbe, & ejus districtu Vicario in spiritualibus generali, seu Sede præfata approbatis, exercere, vel exerceri, eidemque Ecclesiæ in divinis deservire, seu deserviri facere, illiusque fructus, redditus, & proventus, jura, obventiones, & emolumenta quacumque percipere, exigere, & levare, ac in suos & Congregationis, ac Ecclesiæ præfatorum usum, & utilitatem convertere.

§.4. Necnon eidem Congregationi, illiusque Rectori, ac Presbyteris, & Clericis pro tempore existentibus, ut pro salubri statu, & directione Ecclesiæ, & Congregationis hujusmodi illiusque personarum quacumque statuta, & ordinationes rationabiles, honestas, ac Sacris Canonibus, & Concilio Tridentino non contraria edere, & edita reformare, limitare, & mutare, ac alia

Eique Parochialem in Urbe Ecclesiā S. Mariæ in Vallicella, cū omnibus suis bonis, introitibus, & juribus concedit.

Facultatemque ordinationes pro salubri statu suo condendi, & immutandi tribuit.



1576.

alia de novo condere, prout, & quoties eis secundum rerum, & temporum qualitates videbitur expedire, quæ quidem statuta, & ordinationes postquam edita, reformata, limitata, & mutata, ac de novo condita fuerint, a Sede præfata approbari, & per singulares personas de gremio dictæ Congregationis existentes inviolabiliter observari debeant, libere, & licite possint, & valeant, auctoritate Apostolica, & tenore præfatis indulgemus, liberamque desuper facultatem concedimus, & elargimur.

Clausulas præ  
servativas ap-  
ponit.

§.5. Decernentes præsentis literas de subreptionis, vel obreptionis, aut nullitatis vitio, etiam ex eo quod interesse prætendentes vocati non fuerint, notari, impugnari, aut in jus, vel controversiam vocari nullatenus posse, neque debere, minnque sub quibuscumque revocationibus, suspensionibus, annulationibus, limitationibus, derogationibus, & aliis contrariis dispositionibus a Sede præfata, etiam in favorem quorumvis quomodolibet emanatis, & emanandis nullatenus comprehendendi posse, aut debere, necnon quoad concessionem, & assignationem prout est, & attentatum forsan est hætenus, ac tam quoad illas, quam omnia alia suprascripta ex tunc irritum, & inane, si secus super his a quoquam quavis auctoritate, scienter, vel ignoranter contigerit attentari.

Executores  
deputat.

§.6. Quocirca Venerabilibus Fratribus nostris Patriarchæ Alexadrin., ac Amerin. & Aquinaten. Episcopis per Apostolica scripta mandamus, quatenus ipsi, vel duo, aut unus eorum per se, vel alium, seu alios, præsentis literas, & in eis contenta quæcumque, ubi, & quando opus fuerit, & quoties pro parte Philippi Præpositi, ac Congregationis præfatorum, & singularum illius personarum, nunc, & pro tempore existentium, seu alicujus eorum desuper fuerint requisiti, solemniter publicantes, eisque in præmissis efficacia defensionis præsidio assistentes, faciant auctoritate nostra præsentis literas, & in eis contenta quæcumque firmiter observari, ac singulos, quos ipsæ literæ concernunt, illis pacifice frui, & gaudere, non permittentes eos desuper per quoscumque contra præsentium tenorem quomodolibet indebite molestari. Contradictores auctoritate nostra appellatione postposita compefcendo.

Contraria  
omnia remo-  
ver.

§.7. Non obstantibus priori voluntate nostra præfata, ac Lateranen. Concilii novissime celebrati, uniones perpetuas, nisi in casibus a jure permissis fieri prohibentis, ac piæ mem. Bonifacii Papæ VIII. etiam Prædecessoris nostri, & aliis Apostolicis Constitutionibus, & Ordinationibus, privilegiis quoque, indultis, & literis Apostolicis Venerabili Fratri nostro Alexandro Episcopo Tusculan. Cardinali Farnesio nuncupato, ad quem ratione Ecclesiæ S. Laurentii in Damaso, etiam de Urbe, aut alias dictæ Ecclesiæ S. Mariæ Vallicellæ dum vacat, collatio, provisio, præsentatio, & omnimoda alia dispositio pertinet, ac dilectis filiis Populo Romano sub quibuscumque tenori-

bus, & formis, ac cum quibuscumque, etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis, etiam Motu proprio, & ex certa scientia deque Apostolica potestatis plenitudine, ac fratrum nostrorum consilio, etiam iteratis vicibus, etiam per recol. mem. Leonem Papam X. aliosque Romanos Pontifices similiter Prædecessores nostros, ac forsan etiam Nos, & Sedem præfata concessis, approbatis, & innovatis, illis præsertim, quibus inter alia caveri dicitur expresse, quod de quibuscumque beneficiis Ecclesiasticis dictæ Urbis vacatione illorum pro tempore occurrente, aliis quam Civibus Romanis, & originariorum Civium Roman. filiis, & forsan alias certo modo qualificatis provideri, vel alias disponi non possit, & aliter de illis etiam per Sedem præfata pro tempore factæ collationes, concessionis, uniones, & aliæ dispositiones nullius sint roboris, vel momenti; quodque eisdem privilegiis, & indultis nullatenus, aut non nisi modo, & forma in illis expressis derogari, aut derogatum censei possit, & si illis aliter derogari contingat, derogationes hujusmodi nemini suffragentur. Quibus omnibus, & singulis etiam si pro illorum sufficienti derogatione alias de illis, eorumque totis tenoribus, specialis, specifica, expressa, & individua, ac de verbo ad verbum non autem per clausulas generales idem importantes mentio, seu alia quævis expressio habenda, aut aliqua etiam exquisita forma ad hoc servanda foret, illis alias in suo robore permansuris, hac vice dumtaxat specialiter, & expresse derogamus. Quodque de gremio dictæ Congregationis diversæ personæ ex dicta Urbe oriundæ, vel alias juxta dicta statuta qualificatæ non existant; contrariis quibuscumque. Aut aliqui super provisionibus sibi faciendis de hujusmodi, vel aliis beneficiis Ecclesiasticis in ipsa Urbe speciales, vel generales dictæ Sedis, vel Legatorum ejus literas impetrarint; etiam si per eas ad inhibitionem, reservationem, & decretum, vel alias quomodolibet sit processum. Quas quidem literas, & processus habitos per easdem, & inde sequuta quæcumque ad dictam Ecclesiam B. Mariæ volumus non extendi, sed nullum per hoc eis, quoad affecutionem beneficiorum aliorum præjudicium generari. Et quibuslibet aliis privilegiis, indulgentiis, & literis Apostolicis, generalibus, vel specialibus quorumcumque tenoribus existant, per quæ præsentibus non expressa, vel totaliter non inserta effectus earum impediri valeat quomodolibet, vel differri, & de quibus, quorumque totis tenoribus habenda sit in nostris literis mentio specialis, provisio, quod ipsa Ecclesia S. Mariæ debitis propterea non fraudetur obsequiis, & animarum cura in ea nullatenus negligatur, sed illius congrue supportentur onera consueta. Nulli ergo omnino, &c. Si quis autem, &c.

Datum Romæ apud S. Petrum, Anno Incarnationis Dominicæ, millesimo quingen-

D. P. An.IV.  
15. Julii.



gentesimo septuagesimo quinto, Idibus Julii, Pontificatus nostri Anno IV.

CLXXXVII.

Ex Regest. in  
Secret. Bre-  
vium.

Confirmantur Privilegia Militiæ Sanctorum Mauriti, & Lazari.

GREGORIUS EPISCOPUS

SERVUS SERVORUM DEI

*Ad futuram rei memoriam.*

Exordium.

**P**RO Apostolica servitutis onere, & Nobis commissa omnium Christi Populorum cura, magna cor nostrum exultat letitia, cum in iis, quæ ad Dei fidem, & gloriam propagandam instituta, & directæ sunt, susceptum consilium re ipsa comprobatur & largiente Domino optatum cernitur incrementum. Quod nuper usu venisse comperit de Militiis Sanctorum Mauriti, & Lazari sub Regula Sancti Augustini pridem a Nobis, postquam alteram institueramus, suadente necessitate coniunctis, ex quibus ut tam egregium de se virtutis specimen emicuit, ita maiora in dies speramus Reipublicæ Christianæ commoda provenitura.

Facti series.

§.1. Quidem ante biennium cum dilectus Filius Nobilis Vir Emanuel Philibertus Sabaudie Dux Magnus dictarum Militiarum Magister pro sua pietate, & prudentia consideratis diligenter periculis, quæ Sabaudie, & ceteris ditioni suæ Populis ab Hæreticis circumjacentibus, & præsertim ab Geneva hæresum fonte imminabant, Nobis exponi fecisset, se ad hæc mala propulsanda, & ad tuendam, augendamque Religionem Catholicam in locis sibi subiectis cupere, ut ex delectis omnis generis Christiani Populi Militibus una ex sancta huius Sedis auctoritate Militia sub B. Mauriti Martyris ejusdem Ducis, antecessorumque ipsius præcipui Protectoris nomine conficeretur. Nos optimo illius consilio, ac ipso, majoribusque ejus clarissimis, & præstantissimis Principibus digno animo commendato prospicientes, ipsam sic constituendam Militiam maximo usui, & præsidio fore non solum Sabaudie, & Pedemontis Provinciis, sed toti etiam Italiæ ad sustinendos & propellendos quovis Hæreticorum, & Infidelium impetus, ac opportunissimum ibi propugnaculum, munimentum, & auxilium habituros, Nosque, & Ecclesiam Romanam, ac Universam Christianam Rempublicam ex ipso Militiæ robore, maximæque talis Ducis virtute, ac summa rerum Bellicarum peritia, magnum adiuventum recepturos esse, dictique Emanuele Philiberti Ducis supplicationibus inclinati, ad laudem, & gloriam Dei Omnipotentis, ac Fidei Catholicæ dictis Sabaudie, & Pedemontis Regionibus defensionem ac Universæ Italiæ, totiusque Christianæ Reipublicæ salutem, & commodum, unam Militiam sub invocatione Sancti Mauriti Martyris, & Regula Cisterciensis per Uni-

versum Christianum Orbem, cujus suprema Sedes, & Militum Conventus in loco ab eodem Emanuele Philiberto Duce in Sabaudia statuendo, & assignando perpetuo esset, & in ipsa Militia unum Magistratum magnum vocandum supremam ejusdem Militiæ dignitatem pro uno Magistro, qui illius caput esset, cum eo, quo sibi expedire videretur, Militum, & Ministrorum numero, qui milites cum unica tantum, & virgine conjugati ad habitum, & professionem regularem admitti, seu qui pro tempore admissi forent, matrimonium cum simili virgine, & unica dumtaxat contrahere possent, alias vero ipsi castitatem conjugalem, & obedientiam expresse profiterentur cum mensa Magistrali, officiis, juribus, jurisdictionibus, & insignibus consuetis, ad aliarum hujusmodi Militiarum instar, ex tunc prout postquam ipse Emanuel Philibertus Dux dotem annui redditus quindecim millium scutorum de propriis, & Patrimonialibus bonis suis illi constituisset, & e contra auctoritate Apostolica perpetuo ereximus, & instituimus, ac illi sic erectæ, ejusque mensæ dictam dotem quindecim millium scutorum, etiam perpetuo applicavimus, & appropriavimus, itaut liceret eidem Emanueli Philiberto Duci, & pro tempore existenti Magno Magistro bonorum dictæ dotis corporalem possessionem, seu quasi libere apprehendere, & perpetuo retinere, fructusque, & proventus in suos, & dictæ militiæ usus, & utilitatem convertere, cujusvis licentia minime requisita.

§.2. Et nihilominus Magistratum prædictum ab ejus primæva erectione, vacantem cum omnibus juribus, & pertinentiis suis prædicto Emanueli Philiberto Duci, ejusque successoribus omnibus Sabaudie Ducibus, qui pariter Magni Magistri essent, in perpetuum concessimus, & assignavimus ipsis præterea, & eorum singulis liberam facultatem tribuimus, ut quod illis visi forent Milites nobiles, aut optima virtute cognitos, vel alios pro eorum arbitrio, vel statuto qualificados ex omnibus nationibus post factam ab ipsis juxta formam literis nostris adnotatam Catholicæ Fidei professionem ad habitum, & regularem professionem admittere, ac etiam in quibuscumque Mundi partibus Prioratus, Bajulatus, Præceptorias, & alia beneficia dictæ Militiæ erigere, eisque sic erectis patrimonialia, & laicalia bona eorum, qui illa relinquere voluissent, dotis nomine assignare. Jus patronatus fundatoribus, seu dotatoribus id petentibus valide reservare, quod sic reservatum idem robur, eandemque vim, & efficaciam obtineret, quam haberet, si a Nobis concessum fuisset. Necnon Provincias, & Nationes dividere, & ex erigendis dictæ militiæ beneficiis, quæ Prioratus, quæ Præceptorias, quæ superiora, vel inferiora beneficia esse, eaque, & eorum singula, quos fructus habere, & tam ipsa, quam illa obtinentes, quæ onera supportare, ad illa quoque admittendi, quibus qualitatibus suffulti, & quibus legibus subiacere,



1575.

cere deberent, aliaque ad usum militiae hujus necessaria decernere, & declarare, atque tam de praedictis, quam aliis quibuscumque rebus, & negotiis occurrentibus quaecumque statuta condere, facere, & ordinare, illaque postquam condita, & ordinata forent, quotiescumque visum fuisset, pro eorum arbitrio, & voluntate interpretari, mutare, alterare, limitare, corrigere, seu in meliorem formam reducere, aut in totum delere, aliaque de novo edere, & quascumque poenas apponere, & ad illorum executionem procedere valerent.

Causa Constitutionis edenda, de qua mentione facit.

§.3. Postea autem considerantes istam sic de novo erectam Militiam Sancti Mauricii magnos fructus tale praesertim ductore, atque Magistro fidei Catholicae esse allaturam, sed multo tamen uberiores, si aliis succiretur, & muniretur adjumentis, & auxiliis, ac propterea cernentes Militiam Hospitalis Sancti Lazari Hierosolymitan. sub Regula Sancti Augustini, jam pridem Magistri regimine destitutam, nobilem quidem, & antiquam, sed ipsa vetustate, ac temporum injuria valde dejectam, & prolapsum esse: optimum Nobis visum est, si hanc veterem illi novae, & recens nascenti adjungeremus, ut quod una in ipso initio per se agere perfecte non posset, alterius adjuncta auxilio, & viribus geminatis fortior esset ad agendum, atque citius, & facilius optatos Ecclesiae Dei, & Christiano Populo fructus asferre possent: id vero facere institimus cum eo, quod Emanuel Philibertus, & pro tempore existens Dux, & Magister praedictus annexionis hujusmodi ratione duas triremes dictis Militibus instructas pro Sedis Apostolicae defensione contra Haereticos, Infideles, Piratas, & quoscumque alios ejus hostes continue de suo manutene- re deberet. Quare motu proprio, & ex certa scientia nostra, deque Apostolica potestatis plenitudine Militiam Sancti Lazari praedictam, cum illius Magistratu, ac omnibus, & quibuscumque illius Prioratibus, Praeceptoris, Hospitalibus, & aliis Beneficiis regularibus, earumque membris, Grangiis, Castris, Villis, Domibus, possessionibus, proprietatibus, fructibus, & bonis, tam mobilibus, quam immobilibus, ac se moventibus, juribus, & actionibus universis, necnon Ecclesiis, Cappellis, terminis, & pertinentiis quibuscumque ad dictam Militiam Sancti Lazari spectantibus quaecumque, quotcumque, qualiacumque essent, non tamen aliis Ecclesiis, Piis Locis, & Militiis canonice unita, quae ab his, quae unita sunt, avocari, aut illorum ratione, quemcumque molestari noluimus, eidem Militiae Sancti Mauricii, quae in posterum Militiae Sanctorum Mauricii, & Lazari nuncuparetur, ita perpetuo univimus, anneximus, & incorporavimus, ut postea in perpetuum praedictus Emanuel Philibertus, & pro tempore existens Sabaudiae Dux Militiae Sanctorum Mauricii, & Lazari Magister esset, & appellaretur. Ac Prioratus Praepositurae, & alia Beneficia Militiae Sancti Lazari, & ea obtinentes, alique Milites,

servientes, Cappellani, & Personae curae, gubernationi, & jurisdictioni ipsius Ducis, & magni Magistri in omnibus, & per omnia subessent, pro ut suo antea Magistro suberant, eique tamquam membra capiti obedirent, & obsequerentur; liceretque eidem Duci, & Magistro corporalem possessionem Militiae Sancti Lazari, ejusque Magistratus, & aliorum unitorum praedictorum per se, vel alium, seu alios, propria auctoritate libere apprehendere, & perpetuo retinere, fructusque, redditus, & proventus in suos, & dictae Militiae usus, & utilitatem convertere, Dioecessani loci, vel cujusvis alterius licentia, minime requisita.

§.4. Insuper iis, qui Praeceptorias Sancti Lazari in titulum, seu commendam, vel aliter quovismodo obtinerent, habitum per dictum Ducem, & Magistrum Militibus Sanctorum Mauricii, & Lazari designandum suscipiendi, & eidem Emanueli Philiberto Duci, & Magistro iis, qui habitum Sancti Lazari jam susceperant, & deferabant, novum dimisso antiquo volentibus tradendi: eos vero, qui dictum Sancti Lazari habitum nondum susceperant, ad novum habitum, ut praefertur, designandum suscipiendum, & deferendum opportunis remediis compellendi auctoritatem concessimus, volentes etiam, & dicta auctoritate Apostolica statuentes, eundem Emanuelem Philibertum, & pro tempore existentem Ducem, & magnum Magistrum in perpetuum unionis illius ratione ad duas triremes dictis Militibus instructas pro nostra, & Romani Pontificis pro tempore existentis, ac Sedis Apostolicae, contra praedictos, & quoscumque alios defensione, continue manutenendas teneri, & ad id efficaciter obligatum esse. Postremo, ne post dictam unionem regularum diversitas incomodo esset, statuimus, ut deinceps Regula Sancti Augustini ab omnibus dictae Militiae Sanctorum Mauricii, & Lazari Militibus ubique servaretur, quemadmodum diversis nostris literis desuper confectis plenius continetur. Nos pro fiducia, quam in ipsius Emanuelis Philiberti Ducis, & magni Magistri virtute, & progagandae Religionis studio habemus, animum nostrum in id libenter intendimus, ut illum, & dictam Militiam Sanctorum Mauricii, & Lazari privilegiis, ut fert temporum ratio, fulciamus.

§.5. Quare cum fel. rec. Pius Papa IV. quarto nonas Maii, Pontificatus sui anno sexto, multa privilegia, gratias, facultates, & indulta Hospitali Sancti Lazari, illiusque Magistro, Praeceptoribus, Fratribus, & Personis confirmaverit, & ampliaverit, & alia concefferit, eademque etiam Pius Papa V., quinto Idus Februarii, Pontificatus sui anno primo, motu proprio comprobaverit, paucis quibusdam recisis, aliis restrictis, ac rursus Religione Sancti Lazari ob copiam hujusmodi privilegiorum disfluente, idem Pius Papa V., septimo Kalendas Februarii, anno secundo ejusdem sui Pontificatus

1575.

Veterum privilegiorum confirmatio, & nova aliorum concessio.



catus, novam formam dictis privilegiis præscripserit, quibusdam sublati, nonnullis moderatis, & declaratis, aliis vero mutatis, & antiquatis. Nos ne illa toties ante erectionem prædictæ Militiæ Sancti Mauricii ad usum, & commodum Hospitalis Sancti Lazari, illiusque locorum, & personarum dumtaxat concessa, referta, & refecta cum præsentibus confusionem faciant, sed ut unica hac deinceps privilegiorum gratiarum, facultatum, & indultorum formula Militiæ Sanctorum Mauricii, & Lazari accommodata habeatur. De Apostolicæ potestatis plenitudine, omnia privilegia, gratias, facultates, & indulta supradicta, quibuscumque illa concepta sint modis, ac clausulis, & decretis roborata, ad præsentium formam omnino reducimus, decernentes iis dumtaxat præsentibus de cetero utendum esse, nec non irritum, & inane, quidquid secus a quoquam, quavis auctoritate scienter, vel ignoranter contigerit attentari.

§.6. Ceterum cognita quotidie magis virtute dicti Emmanuelis Philiberti Ducis, & magni Magistri, propensoque in Nos, & dictam Rempubicam Christianam animo, cum in ceteris, tum maxime in comparandis sedulo dictis triremibus, eisdemque strenuorum militum manu instruendis, qui, & prælio, & tutandis maritimis oris Rempubicam ipsam Christianam egregie adjuverunt, prosperos, & felices dictarum Militiarum successus ad Dei gloriam, & Sedis prædictæ tutelam vehementer optantes, suscipimus in perpetuum sub nostra, & Beati Petri protectione, Nobisque, & dictæ Sedi immediate subiicimus Militiam prædictam Sanctorum Mauricii, & Lazari, ac illorum Magnum Magistrum, Priores, Præceptores, milites Fratres, etiam Presbyteros, & personas, eorumque subditos, vassallos, colonos, & servitores intra regularia dictæ Militiæ loca degentes, ac etiam curam animarum exercentes, salvis tamen Concilii Tridentini Decretis, quandiu illam exercuerint, & in illorum obsequiis fuerint; nec non Prioratus, Præceptorias, Ecclesias, Hospitalia, Domos, grangias, prædia, fabricas, molendina, animalia, & alia bona quaecumque ipsius Militiæ Sanctorum Mauricii, & Lazari, & quæ illi ab ea obtinent, & possident, ac in futurum dante Domino canonice obtinebunt.

Exemptio a  
Diocesani.

§.7. Ac juxta terminos dicti Concilii tantum, & salvis illius Decretis eximimus, & liberamus illos, illas, & illa ab omni jurisdictione, correctione, superioritate, dominio, & potestate quorumcumque Patriarcarum, Archiepiscoporum, Episcoporum, Prælatorum, & locorum Ordinariorum, nec non Dominorum temporalium, quavis, etiam Ducali, regali, & Imperiali potestate fulgentium, ac etiam Universitatum, & illarum regentium, aliorumque, præterquam Militiæ prædictæ Sanctorum Mauricii, & Lazari superiorum in quacumque dignitate, statu, gradu, ordine, & conditione, ac ubicumque gentium,

tam citra, quam ultra mare, & montes constitutorum, illorumque Vicariorum, Officialium, Locatenentium, & Judicum præsentium, & futurorum.

§.8. Necnon a solutione ratione passagii, arreragii, gabellæ, datii, collectæ, procurationis, jucundi adventus, jurium etiam fynodaliū, censuum, decimarum, novallium, hortorum, pratorum, piscationum, & molendinorum, ac quod nulli eorum accessus directe, vel indirecte prohiberi possit, ac etiam terrarum, quas per se ipsos, vel etiam colonos, arrendatarios, emphiteotas, aut alios excolunt: ex Militia Sanctorum Mauricii, & Lazari dumtaxat, etiam ratione cujuscvis oneris personalis, realis, & mixti, Ordinarii, vel extraordinarii, ubicumque, & ex quacumque causa impositi ad præsens, & pro tempore imponendi; ita ut Archiepiscopi, Episcopi, Prælati, Ordinarii, Vicarii, Officiales, Locatenentes, & Judices in spiritualibus, etiam ratione delicti, ( dummodo illud non sit de atrocioribus ) vel contractus, seu rei, de qua agitur, ubicumque comittatur delictum, iniatur contractus, vel res ipsa consistat, si personæ ipsæ intra regularia loca prædicta degant, & ibi aliquis a dictis Magistro, & Conventu, ad id etiam cum jurisdictione deputatus fuerit, temporales vero Judices, & Domini prædicti nullam in eos, eas, vel ea jurisdictionem, correctionem, & potestatem exercere, nec ipsæ Ecclesiasticæ personæ excommunicationis, aliasque sententias, censuras, & poenas promulgare, nec ulli omnino ratione personarum, animalium, rerum, & bonorum, ( quæ tamen patrimonialia, aut alia, quam Militiæ prædictæ Sanctorum Mauricii, & Lazari non sint, ) ad aliquam solutionem ratione pontium, fontium, furnorum, vel murorum eos coarctare, aut alii cujuscumque Ecclesiasticæ, vel mundanæ dignitatis, præeminentiæ, status, vel conditionis, etiam in Locis, & Terræ S. R. E. mediate, vel immediate subiectis, ac etiam ad instantiam cujuscumque Principis, seu Communitatis, sub poenis excommunicationis latæ sententiæ, seu restitutionis quadrupli ultra damna, & expensas per contrafacientes eo ipso incurrendis, eos in iudicio, vel extra super præmissis, vel eorum usu, seu possessione, vel quasi directe, vel indirecte, quovis quaesito colore, vel ingenio molestare, impedire, vexare, aut alias quomodolibet impetere audeant, sed Priores, Milites, & aliæ personæ Militiæ Sanctorum Mauricii, & Lazari hujusmodi sic degentes de iustitia coram solo magno Magistro, & Conventu, vel eorum deputato respondere debeant, & quicumque processus contra illos, vel eorum aliquem per ipsos locorum Ordinarios, vel eorum Vicarios, alias quam ut præmittitur, seu quosvis alios pro tempore facti, & excommunicationis, vel suspensionis, aut quævis aliæ sententiæ promulgatæ, nulla, & invalida, nulliusque roboris, & momenti sint, in delictis tamen atrocioribus inter magnum Magistrum, seu Deputatos

Necnon a solutione gabellæ, datii &c.



Non debent  
solvere deci-  
mas eodē pri-  
vilegio, quo  
ceteræ Regu-  
lares Militiæ.

ab eo, ac locorum, tam in spiritualibus, quam temporalibus Ordinario, ita servetur, ut ejus sit in delinquentes jurisdictio, qui prævenerint ex eisdem.

§.9. Sed nec aliquis ex dictæ Militiæ Sanctorum Mauriti, & Lazari Militibus, Fratribus, donatis, servitoribus, vassallis, & colonis in Prioratibus, præceptoris, domibus, Hospitalibus, leprofariis, membris, aut aliis quibusvis prædiis, five grangiis quomodocumque ab ipsa Milita dependentibus in quibuscumque locis sub quorumcumque Patriarcharum, Archiepiscoporum, Episcoporum, Universitatum, Hospitalium, Rectorum Ecclesiarum limitibus, & jurisditione constitutis, decimas, aut canonicam portionem, seu caritativum subsidium, aut quartas nuncupatas, seu alias quascumque collectas, aut contributiones, tam ex antiquis culturis, quam ex novalibus, & recenter cultis Militiæ, & ejus Beneficiorum prædictorum alicui quovis modoolvere teneantur, nisi pro ut alii regulares cujusvis Militiæ milites generalibus, vel specialibus circa hoc privilegiis gaudentes tenentur. Quia etiam bona, Magistri, Priorum, Præceptorum, & Fratrum, ac aliarum personarum hujusmodi ex fructibus, & rebus Militiæ prædictæ dumtaxat licite acquisita, ac acquirenda a die emissæ professionis per eosdem Priores, præceptores, fratres, & personas ab omnibus decimis, & aliis oneribus, ad exemplum bonorum aliarum regularium militiarum libera, immunia, & exempta existant.

Facultas dif-  
ponendi de  
beneficiis.

§.10. Ut autem sublatis, quoad potest, obstaculis Magnus Magister, Conventus, & Militia Sanctorum Mauriti, & Lazari, eorumque Priores, Præceptores, & personæ possint de beneficiis ipsius Militiæ liberius disponere, statuimus, & ordinamus, ut Prioratus, Præceptoris, & beneficia quaecumque dictæ Militiæ Sanctorum Mauriti, & Lazari, deinceps quomodocumque, & quomodocumque, ac ubicumque, extra Romanam Curiam vacatura, sub quibusvis generalibus, vel specialibus reservationibus, seu affectionibus Apostolicis factis hucusque, & deinceps faciendis de quibusvis beneficiis ecclesiasticis, non tamen apud Sedem Apostolicam pro tempore vacantibus, nullatenus includantur, nec reservata, vel affecta existant, sed Hospitalium pauperum, quæ sub hujusmodi reservationibus non includuntur, quoad id fortiantur naturam, debeatque de illis per pro tempore existentem Magnum Magistrum, & Conventum prædictos dumtaxat, & non alium juxta stabilimenta prædicta fratribus dictæ Militiæ Sanctorum Mauriti, & Lazari provideri.

§.11. Nec provisiones, commendæ, & aliæ dispositiones de hujusmodi prioratibus, præceptoris, & beneficiis, etiam per cessum, vel decessum, seu quamvis aliam dimissionem, vel amissionem illa pro tempore obtinentium, etiam de dictæ Militiæ non existentium, aut alias quovis modo pro tempore vacantibus, aliis fieri possint, quam eis, qui possessionem per fratres dictæ

Militiæ emitti solitam, expresse emiserint, & alias juxta illius stabilimenta, ac privilegia, & indulta Apostolica ei concessa qualificati fuerint, alioquin provisiones, commendæ, & aliæ dispositiones hujusmodi nullius sint prorsus roboris, vel momenti, & habeantur pro infectis, nec illis, quibus aliter fient, ullum jus, ullumve titulum, etiam coloratum tribuen. possidendi.

§.12. Ac etiam statuimus, & ordinamus, ut omnes, & quicumque Priores, Præceptores, fratres, & personæ Militiæ prædictæ Sanctorum Mauriti, & Lazari, illorumque Vassalli, Servitores, & Subditi ubicumque, tam citra, quam ultra montes constituti, etiam commorantes præsentēs, & futuri Magistro, & Conventui prædictis, & sub delegatis ab eo, vel eis tam personaliter, quam realiter, omni exceptione cessante firmiter parere, & obedire teneantur, quocumque, etiam a prædicta Sede Apostolica pro tempore obtento indulto non obstante, ipsique Magister, & Conventus, juxta stabilimenta prædicta, necnon hujus Militiæ laudabiles consuetudines, & mores plenam, & omnimodam, etiam meri, & mixti imperii jurisditionem, & superioritatem in omnes illos, necnon Prioratus, præceptoris, Domos, Hospitalia, membra, bona, loca, & alia prædicta habeant, dictusque Magister contra rebelles, & suis mandatis non obedientes servatis quatuor terminis ad docendum se paruisse, & satisfecisse in loco Conventus Militiæ hujusmodi ad multam, seu poenam corporalem, vel ad privationem habitus, & beneficiorum, domorum, & prædiorum per eos obtentorum, & alias juxta mores, & stabilimenta prædicta, edita, & edenda procedere possit.

§.13. Ac tam ipsi Magister, & Conventus, quam etiam Major Ecclesiæ, & ceteri omnes Priores, & Præceptores dictæ Militiæ intra limites suarum quisque jurisditionum veri Ordinarii juxta formam stabilimentorum, & privilegiorum prædictorum sint, & esse censeantur. Et præterea iidem Magister, & Conventus, quoscumque Priores præceptores, illorumque Prioratum, & præceptoriarum fratres, & religiosos delinquentes, vel inobedientes cujuscumque dignitatis, status, gradus, ordinis, & præminentie existentes, ac quavis etiam Apostolica exemptione fruētes, etiam in Imperatoris, Regum, aliorumque Principum, & etiam Ecclesiarum Curis (Romana excepta) & denique in quocumque alio loco quantumvis exempto, & qualicumque privilegio munito per se, aut suos officiales, & ministros capere, & carcerare, ac captos a se, vel eorum nomine liberare, ac ad Militiam Sanctorum Mauriti, & Lazari, & Magistrum, Conventumque prædictos, ut ibi juxta eorum constitutiones, & stabilimenta puniantur, sub debita custodia transmittere libere, & licite possint. Qua in re tam ecclesiastici, quam sæculares officiales, & locorum potestates, ad assistendum eisdem Magistro, & Con-

Jurisdictio  
ri, & mixti  
imperii.

Jurisdictio  
ordinarii.



Jurisdic-  
tio fo-  
ri usque ad  
tertiam defi-  
nitivam sen-  
tentiam.

Conventui, Prioribus, & præceptoribus in præmissis, necnon auxilium, consilium, & favorem præstandum, sub excommunicationis, & aliis censuris, & poenis ecclesiasticis teneantur.

§.14. Insuper ut omnes, & quæcumque querelæ, quæstiones, lites, causæ, & controversiæ inter fratres, & subditos dictæ Militiæ SS. Mauriti, & Lazari præsentis, & quæ ex quibuscumque causis, & occasionibus oriri, & moveri contigerit quovis modo, cum omnibus suis incidentibus, emergentibus, annexis, & connexis, ac omnium cujusvis appellationis ( præterquam in defectus denegatæ Justitiæ, vel illati perperam contra stabilimenta, & consuetudines dictæ Militiæ gravaminis casibus ) remoto obstaculo per pro tempore existentem Magistrum, & Conventum prædictos, seu illos ex fratribus, quibus ipsi Magister, & Conventus id commiserint, etiam usque ad tertiam diffinitivam sententiam audiantur juxta laudabiles consuetudines, & stabilimenta Militiæ, & alia, prout juris fuerit, debito fine decidentur.

§.15. Omnesque Priores, præceptores, milites, & fratres ipsius Militiæ postquam de mandato, seu auctoritate Magistri, & Conventus prædictorum in quibusvis prædictarum causarum contra eos intentarum ad comparandum coram ipsis, & Commissariis per eos, ut præfertur, deputatis in locis quantumcumque ab eadem Militia, ejusque Conventu prædicto remotis citati fuerint, coram eisdem Magistro, Conventu, & commissariis prout contigerit, legitime comparere teneantur, juri, & justitiæ secundum stabilimenta edita, & edenda, necnon approbationes, usus, & laudabiles consuetudines prædictæ Militiæ Sanctorum Mauriti, & Lazari parituri: qui vero ex Prioribus, præceptoribus, fratribus, & subditis prædictis contra eorum aliquem super quibusvis querelis, rebus, & negotiis, præterquam in prædictis casibus coram alio quam Magistro, & Conventu prædictis, ac per eos pro tempore datis commissariis in causam traxerint, & ad alium, quam ad eisdem appellationes quascumque interposuerint, causas hujusmodi prorsus perdant, reque super qua contenderint, privati existant eo ipso.

§.16. Nos autem prædictis Magistro, & Conventui facultatem tribuimus, omnes causas, lites, & querelas nondum tamen coram aliis Judicibus motas, & pendentes super quibusvis dictæ Militiæ Sanctorum Mauriti, & Lazari beneficiis, ac etiam bonis, rebus, & pecuniis ærarii, & fratrum quorumcumque ratione ipsius Militiæ duntaxat, in quibus alter alterum, sive realiter, sive personaliter conveniet, ac etiam in quibus ipsi ab aliis, etiam clericis sæcularibus, vel regularibus, aut laicis conveniuntur, etiam per deputatos ab eis in locis, in quibus causæ ipsæ cognoscuntur, audiendi, & decidendi, & ad hunc effectum citandos, citandi, & illis, ac quibus, & quoties opus erit, etiam sub censuris, & poenis ecclesiasticis inhibendi, itaut illorum sententiæ, & res judicatæ per Priorem Ecclesiæ dicti Conventus propositis etiam censuris, & poenis ecclesiasticis debitæ executioni contra condemnatos, tam realiter, quam personaliter demandentur: nec hujusmodi causæ, quæstiones, & querelæ alibi quam in dictis Militia, & Conventu, aut extra illos ex Magistri, & Conventus prædictorum commissione cognosci, & terminari valeant.

§.17. Sed nec a sententiis per Judices dictæ Militiæ pro tempore latis ad alium, quam ad Magistrum, & Conventum prædictos, seu Judices ab eis deputatos in quavis instantia, beneficialibus causis exceptis, neque etiam a sententiis per ipsum Magistrum, & consilium latis, alibi quam ad generale capitulum, sive per ipsius Militiæ Fratres, sive per eorum subditos, & Vassallos, quoquo modo appellari possit, quinimmo illi usque ad tertiam sententiam, non tamen in causis beneficialibus hujusmodi, in eodem Conventu procedere teneantur, omnesque sententiæ per eosdem Magistrum, & Conventum latæ, omnes item commissiones, citationes, & omnia denique eorundem rescripta ad omnes suæ jurisdictioni subditorum, ac reliquorum, etiam quorum intererit, causas, lites, & querelas coram ipsis pertractandas directe exequi, nec ab ullis locorum, & terrarum Dominis, etiam Regali, aut Ducali dignitate fulgentibus aliqua ratione, etiam non expectati consensus, seu alio quovis quæsito colore in eorundem executione impediri possint, servato tamen in eis dat. ordine, ita ut eorum ultimi primis nequant anteferri.

§.18. Ad hæc ut Magister, & Conventus prædicti contra omnes, & quoscumque, etiam Clericos sæculares, seu laicos, Prioratus, Præceptorias, Domos, Cameras Magistrales, & alia beneficia Militiæ hujusmodi, eorumque res, & bona, quocumque titulo, sine tamen consensu, & expressa licentia ipsorum Magistri, & Conventus indebite occupantes, seu illi, aut ejus communi ærario, seu fratribus occasione responsionum annuarum vacantium, mortuorum, annatarum, passagiorum, arreragiorum, seu alias quomodolibet, & ex quacumque alia causa debentes, siquidem illi actores sint modo, & forma, quibus contra ipsius Militiæ Sanctorum Mauriti, & Lazari fratres procedi consueverit, pro illorum recuperatione libere procedere, & eos Prioratibus, Præceptorias, Domibus, & aliis beneficiis hujusmodi, servata forma juris, & alias juxta privilegia prædicta privare, si vero rei fuerint, coram ipsorum, competentibus judicibus ad recuperationem alia prædicta agere, & omnia juris remedia tentare, ac demum privatione hujusmodi legitime facta de Prioratibus, aliisque beneficiis prædictis per privationem eandem vacantibus libere disponere valeant.

§.19. Salvis tamen literis prædicti Pii Papæ V. undecima Augusti Pontificatus sui

Jus appella-  
tionis ad Ca-  
pitulum ge-  
nerale ipsius  
Militiæ.

Facultas recu-  
perandi bona  
Militiæ ab in-  
justis detento-  
ribus.

Facultas judi-  
candi in causis  
ad militiam  
spectantibus.



Anno II. publicatis, per quas ipse rationem habens, volens immunitatis illorum Hospitalium, & religiosorum locorum, quæ sub invocatione Sancti Lazari leproforum aliquando fundata, constructa, & instituta, deinde aut Ecclesiis, Monasteriis, Xenodochiis, Collegiis, Universitatibus, etiam studiorum generalium, diversisque aliis Sacris, & Religiosis locis unita, aut in eorum commoda suppressa fuerant, seu quorum curam, seu bonorum administrationem, seu fructuum dispensationem, vel ipsæ Ecclesiæ, vel Conventus, vel venerabilium locorum sodalitates, vel honesti cives, vel etiam privatim alii spectata probitatis viri habebant, & aut in illis, aut ex illis prædictis Ecclesiis, Monasteriis, Xenodochiis, Collegiis, Universitatibus, piis locis, & pauperibus suarum quisque civitatum, & locorum ubi diversæ, & multiformes charitatis, & misericordiæ species suadere videbantur, variæ item egestates, necessitatesque expectabant, pie, sancteque supeditabant, Motu, scientia, & potestatis plenitudine similibus inter alia omnes causas inter Magistrum, Conventum, & fratres prædicti Hospitalis Sancti Lazari, etiam collationem, comendam, aut aliam concessionem ab eisdem Magistro, & Conventu, ac quoscumque alios curam, regimen, & administrationem, ac possessionem Hospitalium, locorum, & bonorum prædictorum quocumque modo habentes super eisdem Hospitalibus, locis, & bonis eorumque regimine, & administratione, possessorio, spolio, rebusque aliis, & illorum occasione, ubicumque, & in quacumque instantia pendentes ad se advocavit, lites, penitus extinxit, ac perpetuum silentium imposuit.

§.20. Præterea specialiter, & expresse renunciavit omnes, & quascumque collationes, provisiones, comendas, concessionem, commissiones, & alias dispositiones de ipsis Hospitalibus, & locis ab eisdem Magistro, & Conventu, quibuscumque factas, inde secutasque ab Apostolica Sede, etiam Motu simili confirmationes, vel novas provisiones, ac etiam concessionem, & facultates eisdem Magistro, & Conventui factas inter cetera continentes, quod Hospitalia, Leprosaria, & alia loca sub invocatione Sancti Lazari Leproforum huiusmodi, & a Magistro, Conventu, & Fratribus prædictis non recepta, nec possessa, ubi aliquando fuerat vel esset Hospitalitas Leproforum, seu Infirmorum Sancti Lazari nuncupatorum Hospitali Sancti Lazari, prædicto subiecta, & incorporata esse, atque ad jus, & proprietatem, omnimodamque dispositionem Magistri, & Conventus prædictorum juxta ipsius Hospitalis Sancti Lazari stabilimenta pertinere censerentur, illaque per Fratres prædictos dumtaxat gubernari, & in signum recognitionis, superioritatis dicti Hospitalis canone, seu censu annuo illis respondere. Præterea Hospitalia, & loca huiusmodi obtinentes responsiones, & jura annatarum vacantium, mortuorum, arreragiorum, & passagiorum Hospi-

tali Sancti Lazari, & illius arario communi solvere tenerentur; necnon quacumque alia privilegia, facultates, & indulta dictis Magistro, Conventui, Fratribus, & Personis Hospitalis Sancti Lazari, super reductione huiusmodi Hospitalium ad pristinam Hospitalis Sancti Lazari Hierosolymitani naturam, ac regimen, & administrationem. Volens idem Prædecessor illa omnia, vires, & effectum, de cetero non habere, ipsaque Hospitalia, & loca, eorumque res, & bona, deinceps ut antea regi, & gubernari, ac de illis disponi, nec ullo annuo censu, canone, subsidio, vel alio onere per Magistrum, Conventum, & definidores prædictos gravari, nec ad aliam responsionem, aut jura aliqua eis præstanda ullo umquam tempore teneri, nec sub aliquo alio jure Magistri, & Conventus, & Hospitalis Sancti Lazari huiusmodi consistere, decernentes sic per quoscumque judicari debere, ac irritum, & inane quidquid secus per quoscumque contigerit attentari, censuris, & poenis tunc expressis in contrafacientes præpositis, pro ut in dictis literis plenius continetur.

§.21. Statuimus quoque ut nullæ alienationes bonorum, proprietatum, fructuum, censuum, jurisdictionum, iurium, rerum, & actionum ad Prioratus, Præceptorias, Hospitalia, Domos, Beneficia, & loca Militiæ prædictæ quoquomodo pertinentia fiant, & qui eas fecerint, in Excommunicationis sententiam eo ipso incurrant, & alienationes ipsæ nullius sint roboris, vel momenti.

§.22. Utque Magister, & Conventus prædicti quoscumque locorum Ordinarios, ac alias personas in dignitate Ecclesiastica ubilibet constitutas, ipsorumque Ordinarium Officiales, seu Vicarios Generales in suos, & quorumcumque Priorum, Præceptorum, & Fratrum Militiæ prædictæ eligere possent Conservatores, qui sic electi sub Excommunicationis poena eosdem Priores, Præceptores, & Fratres, ac eorum singulos, non tamen extra Regularia dictæ Militiæ loca degentes, adversus inferentes eis, aut eorum Servitoribus, & Familiaribus iniurias, seu gravamina, vel damna in personis, rebus, & bonis, seu exigentes ab eis contra, ac supra scriptum est, vendigalia, dacia, pedagia, gabbellas, collectas, aut alia onera defendere, & preservare, ac omnem in eos jurisdictionem, exercere, necnon ubi executio realis, vel personalis, adversus reos fieri non poterit, & eorum contumacia id exegerit, præcedentibus legitimis monitionibus, & aliis servandis rite servatis, sententias, censuras, & poenas Ecclesiasticas contra Rebelles, & inobedientes cum effectu promulgare, ac privilegia Prioribus, Præceptoribus, & Fratribus, prædictis pro tempore concessa, eis observari facere teneantur, nec Conservatores prædicti quamdiu Officium huiusmodi exercuerint, a quoquam quo minus illud exerceant, aliquo prætextu impediri, vel molestari possint.

§.23. In

Bonorum alienatio prohibetur.

Electio Conservatorum.



§.23. In causis autem Militiæ prædictæ ejusque bonorum, & personarum, ubi aliæ probationes non existent, eorum Magister, Priores, Præceptores, Milites, Fratres, Vassalli, Subditi, Servitores, & aliæ personæ in testes recipi, & adhiberi valeant.

§.24. Statuimus etiam, ut jura mortuorum, & vacantium, necnon arreragiorum, passagiorum, & aliorum quorumcumque solvantur, & quævis personæ cujuscumque dignitatis, Beneficia Militiæ hujusmodi pro tempore obtinentes ad illa omnino teneantur, & ad id etiam sententiis, censuris, & pœnis Ecclesiasticis, ac aliis remediis, etiam privationis, & apprehensionis bonorum ad manus suas juxta privilegia prædicta cogi possint.

Jurispatronatus usus.

§.25. Quod, & jura Patronatus, & præsentandi personas idoneas ad Prioratus, Præceptorias, Hospitalia, Domos, aliaque Beneficia, & loca Militiæ prædictæ a quadraginta annis citra, præterquam in casibus, qui prædictis literis Pii Papæ V. undecima Augusti publicatis exprimuntur, acquisita, & in futurum acquirenda, ex quavis causa, præterquam ratione foundationis, & juxta dispositionem Concilii Tridentini, nisi prævia diligenti cognitione a locorum Ordinariis habenda reperta fuerint, ob maximam evidentem Beneficiorum, & locorum necessitatem constituta esse, ab eisdem Ordinariis in totum revocentur, & restituto prorsus eo ab ipsis, propterea datum fuerit, in pristinam libertatem reducantur, & ex nunc sine tamen damno illa canonice possidentium, liceat Magistro, & Conventui prædictis Prioratus, Præceptorias, Hospitalia, Domos, Beneficia, & loca hujusmodi, cum primum vacabunt, conferre.

Qua de causa quisque honore Militiæ privari possit.

§.26. Insuper si quisquam Priorum, præceptorum, militum, & fratrum dictæ Militiæ Sanctorum Mauriti, & Lazari, aut quicumque alius, qui professionem per fratres dictæ Militiæ emitti solitam emisserint, quandocumque pro servitiis dictæ Militiæ, aut alias vocatus, seu in solutione jurium communis ærarii morosus fuerit, & citatus coram dictis Magistro, & Conventu personaliter non comparuerit, ac illis obedientiam, aliaque jura debita non præstiterit, elapso tempore sibi ad id præfigendo, cessante canonico impedimento, habitu, dignitate, administratione, & beneficio, ac quocumque honore, & officio, alias juxta formam stabilimentorum, & privilegiorum prædictorum editorum, & edendorum per Magistrum, & Conventum prædictos privari possit. Nec ulla derogatio, aut exemptio realis, vel personalis, seu aliæ gratiæ præservativa, etiam Motu, scientia, & potestatis plenitudine similibus quomodolibet pro tempore facta, seu concessa contra præmissa valeant, nec ipsi Magister, & Conventus illis parere teneantur, sed illis non obstantibus de Prioratu, præceptorio, dignitate, officio, vel beneficio sic per privationem hujusmodi vacante juxta stabilimenta, & alia præmissa libere disponi, aut illud alias ab eo, vel eis, ad quem

seu quos ansianitatis, vel alio jure pertinebit, acceptari.

§.27. Decernentes præmissis, etiam per quascumque literas Apostolicas speciales, vel generales, etiam derogatoriarum derogatorias, aliasque clausulas efficaciores, & insolitas, ac irritantia, & alia decreta sub quacumque verborum expressione continentes, nullatenus derogari posse, nec quoad illa derogatum censeri, nisi tenor illarum ad verbum nihil penitus omisso insertus, & hujusmodi derogationes consistorialiter factæ, & per trinas distinctas literas eundem tenorem continentes, tribus distinctis vicibus Magistro, & Conventui prædictis intimatæ, & insinuatæ fuerint, ac ipsorum Magistri, & Conventus ad id expressus accedat assensus; & aliter factas derogationes minime suffragari, ipsosque Magistrum, & Conventum ad parendum literis derogatoriis hujusmodi, & decretis super illis processibus, ac illorum executoribus, & subexecutoribus, eorumque mandatis, & monitionibus minime teneri, sed literarum hujusmodi executiones omnino impedire, nec ratione resistentiæ censuris ecclesiasticis per eosdem executores, vel subexecutores latis innodari posse.

Clausula.

§.28. Insuper concedimus, ut Priores, præceptores, fratres, & Capellani dictæ Militiæ Sanctorum Mauriti, & Lazari ab Ordinariis locorum, intra quorum Diocesum fines eorum Prioratus, Præceptorias, & alia loca fuerint, ac in quibus eos reside-re oportuerit, vel si ab Ordinariis prædictis legitime impeditis non poterint ab eis, nihilominus examinati, atque idonei secundum Canonicas Sanctiones reperti, & approbati, habitisque ab eis dimissorialibus literis, & a suis Superioribus licentia, & servata in omnibus forma Concilii Tridentini a quocumque Catholico Antistite sub Romanæ Sedis obedientia constituto in propria Diocesi residente, aut in aliena pro Diocesano Pontificalia exercente, diligenti prævio examine Sacros Ordines, & si id pro utilitate, aut necessitate Militiæ, Conventus, Prioratum, Præceptoriarum, & aliorum locorum hujusmodi eisdem Ordinariis, & Superioribus videbitur expedire, etiam extra tempora a jure statuta, tribus, nec paucioribus diebus Festivis suscipere possint.

Declaratio, ut Milites Sacros Ordines possint suscipere.

§.29. Ac etiam concedimus dictis Magistro, & Conventui, ut liceat eis in suo Capitulo generali Præceptorias, & alia Beneficia dictæ Militiæ ab ejus Militibus pro tempore obtentas congrua, & rationabili responsione ad necessarias impensas triremium instruendarum contra Prioratus, & alia onera Militiæ in communi supportanda sine tamen divini Cultus, & debiti Hospitalitatis diminutione gravare.

§.30. Ac Procuratorem Generalem in Romana Curia cum plena, aut limitata potestate, generali, vel speciali constituere. Liceat etiam ipsis in singulis Prioratibus Militiæ Sanctorum Mauriti, & Lazari prædictæ unum Vicarium cum facultate conse-

rendi



1575.

1575.

rendi Præceptorias, & domos ejusdem Militiæ constituere, ac etiam per eundem census, responsiones, jura, & onera omnia super hujusmodi præceptoris, & domibus, necnon leprosariorum, & aliis beneficiis ejusdem imponi solita, a quibuscumque etiam Clericis Sæcularibus, eorumque Colonis, & Inquilinis, etiam Laicis, eo modo, quo a Fratribus ipsius Militiæ exigentur, exigere.

Facultas ge-  
standi arma.

§.31. Liceatque ipsis Magistro, & Conventui cujuscumque generis animalibus, quæ Sanctis Mauritio, & Lazaro vel alteri eorum offerri contigerit, nolas, seu Campanas appendere, aut nota quapiam ea obfigurare. Permittimus insuper omnibus Prioribus, Præceptoribus, Militibus, & Personis dictarum Militiarum, eorumque familiaribus quæcumque arma pro sua defensione, & hostium dictæ Sedis offensione, ubique locorum gestare.

Facultas uten-  
di insignibus  
Pontificalibus

§.32. Ad hæc quoque Militiam hanc universam spiritualibus muneribus prosequi volentes indulgemus Priori Ecclesiæ dicti Conventus pro tempore existenti, ut Mitra, Annulo, Baculo Pastoralis, ceterisque insignibus, & indumentis Pontificalibus, tam in prædicta, quam in ceteris dictæ Militiæ Ecclesiis uti, & quoties voluerit, ibi Missam, aliaque divina Officia, etiam in Habitu Pontificali celebrare, ac post Missarum Solemnia, dummodo non sit præsens, aliquis Catholicus Antistes, alias de illius consensu Benedictionem solemnem Populo impendere.

§.33. Ac etiam indulgemus Fratribus dictæ Militiæ, ut in suis Ecclesiis Missas, & quæcumque alia divina Officia, etiam alta voce, ac etiam per alios Presbyteros idoneos, & approbatos celebrare, necnon servatis decretis prædicti Concilii Tridentini quo ad ea, quæ illa concernunt, omnibus, & singulis Christianis fidelibus, etiam leprosis, & aliis pauperibus infirmis in dictis Hospitalibus degentibus Ecclesiastica Sacramenta ministrare, ac eorum, & sine alicujus præjudicio, aliorum quorumcumque fidelium defunctorum id eligentium, ac petentium corpora in cœmeteriis, & Ecclesiis dictorum Fratrum Ecclesiasticæ tradere sepultura.

§.34. Ac eisdem decretis servatis verbum Dei debitis, & congruis temporibus in Parochialibus quidem Parochianis, & Populo, in aliis vero Ecclesiis suis Pauperibus ipsis, & leprosis per se, vel alium, seu alios idoneos proponere. Necnon Prioribus, & Procuratoribus quorumcumque Hospitalium, & Domorum ab ipsa Militia dependentium, & illam in caput suum recognoscentium die Dominica in Ramis Palmarum, & per ejus octavam si Presbyteri, & approbati fuerint, ut per se in suis Hospitalibus, ac Domibus prædictis tantum confessiones quorumcumque de consensu Ordinariorum locorum audire, & cum hujusmodi consentientibus quibuscumque facultatibus, & Indulgentiis ad peccatorum remissionem eis auctoritate Apostolica con-

cessis, non tamen in casibus literis die Cœnæ Domini legi consuetis comprehensis uti, ac easdem illis, de licentia tamen expressa Magistris, & Conventus quotannis renovanda impartiri, ac etiam alium, vel alios probos, & idoneos Presbyteros sæculares, vel cujuscvis Ordinis Regulares a locorum Ordinariis approbatos ad id libere deputare, aliis vero temporibus ipsi sic sint, ut ceteri Sacerdotes, nullam a Sede prædicta facultatem habentes.

§.35. Ac eisdem Prioribus, Præceptoribus, Militibus, Fratribus, & personis intra regularia prædictæ Militiæ loca degentibus de superiorum suorum licentia, aliis vero extra ea degentibus, quo ad confirmationem sine Diocesani, quoad alia vero sine Parochialium Ecclesiarum, intra quorum limites eos degere contigerit, præjudicio, & servatis decretis Concilii Tridentini, liceat quæcumque Ecclesiastica Sacramenta a quocumque maluerint Catholico Antistite in sua Diocesi residente, aut alio pro eo Pontificalia officia exercente, si ve etiam alio illa licite ministrante, gratiam, & communionem dictæ Sedis habente, nihil oblato, vel soluto recipere.

§.36. Ac etiam omnibus Prioribus, Præceptoribus, ceterisque Militibus, Fratribus, & Ministris, etiam Presbyteris, & Beneficiatis ejusdem Militiæ de quibuscumque immobilibus, & mobilibus bonis, pecuniarium summis, gemmis, & lapidibus pretiosis, aliisque rebus cujuscumque qualitatis, quantitatis, & valoris per eos ratione Beneficiorum, & rerum Militiæ prædictæ dumtaxat quomodolibet acquisitis, & ad illos quovis modo spectantibus, dummodo quintam illorum partem Conventui prædicto relinquunt, inter quoscumque Consanguineos, & alias personas testari, ac etiam per Codicillos, Donationes inter vivos, seu causa mortis, & alia quacumque via, quæ ipsis videbitur, disponere, ac alias illa etiam in non pios, licitos tamen usus erogare.

§.37. Rursus prædictis Magistro, & Conventui legata, & donata, tam inter vivos, quam ultima, & quacumque alia voluntate exigere, & percipere. Adiacentes ut Notarii rogati de Testamentis, vel aliis voluntatibus, in quibus aliquid disponi contigerit, in favorem, & commodum dictæ Militiæ, hujusmodi dispositionem prædictis Magistro, & Conventui, vel alteri, per quem id poterit ad illorum notitiam deduci, sub poena Excommunicationis, quam primum intimare procurent.

§.38. Postremo dictis Prioribus, Præceptoribus, & Fratribus indulgemus, ut liceat eis cœmeteria in suis Parochialibus Ecclesiis habere, & quorumcumque Christiani fidelium Cadavera, etiam tempore interdicti, dummodo illi causam non dederint hujusmodi interdicto, sine alicujus præjudicio recipere, & sepellire.

§.39. Et Cappellanis ejusdem Militiæ examinatis, & approbatis ab Ordinariis locorum

Facultas per-  
cipiendi lega-  
ta.

Facultas au-  
diendi confes-  
siones.



corum Confessiones Priorum, Præceptorum, Militum, Fratrum, Familiarium, & Subditorum suorum intra regularia loca ipsius Militiæ degentium audire, poenitentiam salutarem eis iniungere, Eucharistiæ, & alia Ecclesiæ Sacramenta ministrare, Missasque, & alia divina Officia, etiam tempore interdicti Ordinaria Auctoritate appositi, dummodo illi causam non dederint, ut præfertur, clausis januis, Excommunicatis, & interdictis prorsus exclusis submissa voce celebrare. Declarantes quod neque Magister, neque alius quicumque Priorum, Præceptorum, Militum, & Fratrum, ceterorumque dictæ Militiæ propter ejus Regulam, Ordinationes, & Statuta, nunc, & pro tempore edita non observata, vel minus rite adimpleta in peccatum Mortale incidat, præterquam propter inobedientiam, & contumaciam pluries commissam, & continuatam, & ab ipsa Religione rebellionem, & Excommunicationis poenæ sibi impositæ ac alios casus peccatum hujusmodi ex divinis præceptis, sacrisque Canonibus generantes.

Indulgentiarum concessio

§.40. Denique ad salutem animarum Magistrum, Conventus, Priorum, Præceptorum, Militum, Fratrum, & Personarum prædictorum intenti omnibus, qui tempore sumptionis habitus, & emissionis professionis regularis, ac etiam in articulo mortis constituti vere poenitentes, & confessi fuerint, plenariam omnium peccatorum suorum Indulgentiam, & remissionem perpetuo concedimus, talesque facultatem habeant tempore susceptionis habitus, & emissionis professionis, ac mortis dumtaxat eligendi sibi Confessorem, qui sit ab Ordinario approbatus.

§.41. Ac tam prædictis, quam etiam omnibus aliis vere poenitentibus, & confessis, qui Ecclesias domorum, & aliorum locorum Militiæ hujusmodi ubicumque existentes diebus festis suarum cujusque dedicationum a primis Vesperis, usque ad occasum solis dierum festorum hujusmodi devote visitaverint, & pro pace inter Principes Christianos confovenda, ter Orationem Dominicam, & totidem Salutationem Angelicam recitaverint, septem annos, & septem quadragenas de iniunctis eis, aut alias debitis poenitentis misericorditer in Domino relaxamus. Decernentes Indulgentias prædictas, & præterea omnes facultates, & gratias prædictæ Militiæ, illiusque Magistro, Conventui, Fratribus, & Membris per Sedem prædictam concessas, & concedendas, durante quacumque suspensione temporali Indulgentiarum, & gratiarum concessarum, & in posterum concedendarum, nisi de eis, & Militiæ prædictæ mentio fiat, suspensiones non intelligi, sed in suo pristino robore, suæque firmitate manere.

§.42. Sed ne aliquando dubitari contingat, an Hospitalia, Beneficia, & loca ad Hospitalia Sancti Lazari quomodolibet pertinentia eodem modo post unionem prædictam Magno Magistro Militiæ Sanctorum Mauricii, & Lazari subiecta esse censean-

tur, quo ante unionem ipsam Magistro Sancti Lazari subiacebant, neve per unionem ipsam juribus, titulis, prærogativis ad dictam Religionem Sancti Lazari, ante unionem ipsam legitime spectantibus derogatum, aut detractum fuisse: præsentium auctoritate declaramus omnia, & quacumque Hospitalia, Beneficia, & alia loca ad dictum Hospitale S. Lazari quomodolibet spectantia, prout literis unionis nostræ prædictæ, ac præsentibus comprehenduntur, Magno Magistro Militiæ Sanctorum Mauricii, & Lazari, eodem modo, quo Magistro Hospitalis Sancti Lazari ante unionem, prædictam subiecta erant, prorsus subiecta esse, nec per unionem hujusmodi quicquam de juribus, titulis, prærogativis, præeminentiis ad dictum Hospitale S. Lazari, aut unionem ipsam legitime spectantibus detractum esse, Magnumque Magistrum Militiam, ac Milites Sanctorum Mauricii, & Lazari illis omnibus eodem modo frui, & gaudere posse, quo Magister, Hospitale, Religio, & Milites Sancti Lazari gauderent, & fruerentur, ac frui, & gaudere possent, si unio ipsa facta non esset, sicque per quoscumque iudices ordinarios, & delegatos etiam causam Palatii Apostolici Auditores, ac S. R. E. Cardinales in quavis causa, & instantia, sublata eis, & eorum cuilibet quavis aliter judicandi, & interpretandi facultate, & auctoritate, ubique judicari, & definiri debere, irritumque fore, & inane quidquid secus per quoscumque scienter, vel ignoranter contigerit attentari.

§.43. Volentes, ut illi dumtaxat privilegiis dictæ Militiæ Sanctorum Mauricii, & Lazari concessis gaudeant, qui a prædicto Magno Magistro, seu de ejus licentia habitum susceperint, & professionem emisserint, seu de habitu suscipiendo, & professione hujusmodi emittenda, infra certum tempus arctati fuerint. Nullusque Priorum, Præceptorum, & fratrum prædictorum, absque mandato, seu licentia prædicti Magni Magistrum, aut saltem sui Prioris, seu Procuratoris ipsius Militiæ Sanctorum Mauricii, & Lazari in prædicta Romana Curia existentis privilegiis prædictis in eadem Curia uti valeant, nec illa absque hujusmodi licentia vacantibus suffragetur.

§.44. Utque tam præsentium, quam quorumcumque literarum Apostolicarum, seu earum transumptorum, & mandatorum Magistrum, & Conventus prædictorum publicatio, & affixio in singulis Prioratibus, Præceptoris, membris, & beneficiis, religionis hujusmodi facta, postquam diligentia de illis personaliter reperiendis in hujusmodi locis facta fuerit, perinde arceant, ac si contra contenta, sub eisdem personaliter facta forent.

§.45. Postremo ut verbis in ipsorum Magistrum, & Conventus literis circa habitum susceptionem, & professionis regularis emissionem, ac debitorum obsequiorum præstationem singulorum fratrum Militum dictæ Militiæ apposis plena fides adhibeatur. Quocirca Venerabilibus Fra-

Qui privilegiis hujusmodi gaudere possunt.

Executores præsentium literarum.

tribus



1575.

1575.

tribus nostris, Archiepiscopo Thaurinen., & Maurianen., ac Bellinen. Episcopis, per Apostolica scripta mandamus, ut ipsi, vel duo, aut unus eorum, per se, vel alium, seu alios presentes literas ubi, & quando opus fuerit, ac quoties pro parte Magni Magistri, & Conventus, necnon Priorum, Præceptorum, Militum, Fratrum, & personarum dictæ Militiæ Sanctorum Mauriti, & Lazari, seu alicujus eorum desuper fuerint requisiti, solemniter publicantes, eisque in præmissis efficacis defensionis præsidio assistentes faciant auctoritate nostra easdem presentes literas, & in eis contenta quæcumque firmiter observari, ac eosdem Magistrum, Conventum, Militiam, Priores, Præceptores, Milites, Fratres, & personas, omnesque alios, quos ipsæ presentes literæ concernunt, illis pacifice frui, & gaudere, non permittentes eorum quempiam desuper contra ipsarum præsentium tenorem, quomodolibet molestari, perturbari, vel impediri. Contradictores quoslibet, & rebelles per censuras, & poenas ecclesiasticas, etiam pecuniarias eorum arbitrio moderandas, aliaque opportuna juris, & facti remedia, appellatione postposita compescendo, legitimisque super his habendis, servatis processibus, censuras, & poenas ipsas, etiam iteratis vicibus aggravando, invocato etiam ad hoc, si opus fuerit, auxilio brachii secularis. Nos enim illis quoscumque, etiam per edictum locis publicis affigendum, constituto summarie de non tuto ad eos accessu, citandi, eisque, ac quibus, & quoties opus fuerit, etiam sub eisdem censuris, & poenis, ac per simile edictum inhibendi, interdictum Ecclesiasticum apponendi, ac cetera omnia in prædictis, & circa ea necessaria, & opportuna faciendi, & exequendi plenam, & liberam earundem tenore præsentium concedimus facultatem.

Derogatio  
contrariorum

§.46. Non obstantibus recolendæ mem. Bonifacii Papæ VIII., etiam Prædecessoris nostri, qua cavetur, ne quis extra suam Civitatem, vel Dioecesim, nisi in certis expressis casibus, & in illis ultra unam dietam a fine suæ Dioecesis ad judicium evocetur, seu ne Judices a Sede prædicta deputati extra Civitatem, vel Dioecesim, in quibus deputari fuerint, contra quoscumque procedere, aut alii, vel aliis vices suas committere præsumat, & de duabus dietis in Concilio generali edita, dummodo ultra tres dietas aliquis auctoritate præsentium ad judicium non trahatur, aliisque Apostolicis Constitutionibus, ac Militiæ, & Ordinum prædictorum, etiam juramento, confirmatione Apostolica, vel quavis firmitate alia roboratis statutis, & consuetudinibus, stabilimentis, usibus, & naturis, privilegiis quoque, indultis, & literis Apostolicis, illis, ac etiam Ordinariis locorum, & aliis Militiis, necnon quibuscumque Ecclesiis, Monasteriis, Ordinibus, locis, eorumque personis, sub quibuscumque tenoribus, & formis, ac cum quibuscumque clausulis, & decretis, etiam ad Imperatorum, Regum, Reginarum, Ducum, & aliorum instantiam, necnon

Motu proprio, ac etiam consistorialiter, ac alias quomodolibet concessis, approbatis, & innovatis. Quibus omnibus, etiam si de illis, eorumque totis tenoribus specialis, specifica, individua, & expressa, non autem per clausulas generales idem importantes mentio, seu quævis alia expressio habenda foret, illorum tenores, ac si ad verbum, nihil penitus omissis, & forma illis tradita observata inserti forent præsentibus, pro expressis, & insertis habentes, illis alias in suo robore permanens, hac vicedumtaxat specialiter, & expresse derogamus, contrariis quibuscumque. Aut si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac ad verbum de indulto hujusmodi mentionem.

§.47. Quia vero difficile foret, præsentibus, quocumque illis opus erit, perferre, volumus, & dicta auctoritate Apostolica decernimus, ut earum transumptis, etiam impressis, ac Magni Magistri, & Conventus dictæ Militiæ Sanctorum Mauriti, & Lazari sigillo munitis, ac ejusdem Magni Magistri, & Conventus Secretarii manu subscriptis, dictisque suis literis absque præsentium in totum, vel in parte insertione, ea ubique fides in judicio, & extra adhibeatur, quæ ipsis præsentibus adhiberetur, si essent exhibitæ, vel ostensæ. Nec ipsi Magister, & Conventus præsentibus, literis, seu gratiis illarum vigore ab eo, vel eis concedere inferere teneantur, & nihilominus gratiæ ipsæ ab eo, vel eis quibuscumque personis juxta tenorem earundem præsentium literarum pro tempore concessæ valeant, & illis suffragentur, ac fidem ubique faciant in omnibus, & per omnia, perinde, ac si eadem præsentibus literæ in eis ad verbum infererentur.

Fides transumptorum.

§.7. Nulli ergo omnino hominum liceat hanc paginam nostræ susceptionis, subscriptionis, exemptionis, liberationis, statutorum, ordinationum, concessionum, declarationis, tributionis, permissionis, indulti, adiectionis, relaxationis, mandati, derogationis, voluntatis, & decretorum infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum, ejus se noverit incursum.

Datum Romæ apud S. Petrum, Anno Incarnationis Dominicæ, millesimo quingentesimo septuagesimo quinto, Idibus Octobris, Pont. nostri Anno IV.

Dat. die 15.  
Octob. 1575.  
An. IV.



Institutio Universitatis Studii generalis, diversarum scientiarum, bonarumque artium, in Collegio Presbyterorum Regularium Societatis Jesu, in Civitate Vilnensi, in Regno Poloniae per Valerianum illius Episcopum fundato, cum privilegiorum largitione.

## GREGORIUS EPISCOPUS

SERVUS SERVORUM DEI

*Ad perpetuam rei memoriam.*

Proemium.

**D**um attenta considerationis indagine perferutur quam pretiosum sapientiae, & scientiae donum, per quod ignorantiae, & vitiorum tenebrae profligantur, erroresque tolluntur, solliciti reddimur, & solertes, ut literarum, & pietatis studiosi debitis virtutum insigniantur honoribus, ac indefessi laboris ad Dei gloriam suscepti primum tandem reportent.

Valerianus Episcopus Civitatis Vilnensis, exivit in eam Collegium Presbyterorum Societatis Jesu, unde non modicus bonorum morum, scientiarumque profectus habitus est, majorque speratur, si ibidem Universitas Studii generalis a Papa instituitur.

§.1. Sane pro parte Venerabilis Fratris Nostri Valeriani Episcopi Vilnensis. Nobis nuper exhibita petitio continebat, quod cum idem Valerianus Episcopus a decemannis, vel circa, ad Patriam, & Dioecesis suae, quae multiplici sectarum labe, ac schismaticis erroribus, itemque Mahometan. infidelitate obsidebatur, tutelam, unum Collegium Presbyterorum Societatis Jesu in Civitate Vilnensi, canonice erigi, & institui, illudque nonnullis redditibus, & proventibus annuis dotari curaverit, ac a dicto tempore ex ipso Collegio in morum, & disciplinarum exercitio non tenuis profectus exortus spectetur, & numerus Scholarium mirum in modum accreverit, & singulis diebus benedicente Domino augmentetur, in optima Theologia ac Philosophia, necnon liberalium, moralium, Graecarumque lectionum studia cumulatissime versans, si in ipsa Civitate, quae inter ceteras magni Lituaniae Ducatus Civitates percelebris fertur, ac ampla Dioecesi decoratur, una generalium tam divinarum quam humanorum studiorum Universitas erigeretur, & instituere-  
tetur, ac in dicto Collegio, Theologia, Philosophia, & artes liberales publice, & ea, quae in Studiorum generalium Universitatibus Poloniae, & aliorum Christianae Fidei Regnorum perleguntur, ac explicantur, & auctoritate comprobantur, ad Fidei Orthodoxae propugnaculum, Civitatis praedictae ornamentum, felicissimum totiusque Provinciae decus, per ipsos Presbyteros interpretarentur, & perlegerentur, necnon qui in ipso generali Studio, & Universitate, & alibi per tempus debitum studuisse, ac scientia profecisse, ab eisdem Presbyteris praevio riguroso examine in privato, seu adhibitis quaestionibus, & argumentis, quae proborum ac doctorum virorum praesentia confirmari solent, publico congressu comperti fuerint, in Theologia, artibus, & Philosophia, Baccalaureatus, Licentiatum, Doctoratus, & Magisterii, & pro studiorum ratione, ac juxta decreta Sacri Con-

*Ball. Rom. Tom. IV. Par. IV.*

lii Tridentini, & ipsius Societatis constitutiones, ac morem in illius Universitatibus receptum, & ad instar aliarum Universitatum hujusmodi gradus consequerentur, ipsique Scholares per tot studiorum labores praemii honorificentia, & literarii Indicii favore donarentur, profecto provecti ardentiores fierent, plurimique hujus vitae stadium spretis illecebris ad superna indagine mentis contemplanda se transferrent, idque carissimo Filio Nostro Stephano Poloniae Regi Illustri, cujus expressus ad hoc accedit assensus, gratum foret. Quare pro parte ejusdem Valeriani Episcopi Nobis fuit humiliter supplicatum, ut Fidei praesidio, ac Civitatis hujusmodi decori, necnon publicae utilitati consulere de benignitate Apostolica dignaremur.

§.2. Nos igitur attendentes quod ex literarum studio animarum salus maxime procuratur, eundem Valerianum Episcopum a quibusvis Excommunicationis, suspensionis, & interdicti, aliisque Ecclesiasticis sententiis, censuris, ac poenis, a jure vel ab homine quavis occasione vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, in dicto Collegio Studium generale Theologiae, & pro illius cognitione necessaria artium liberalium, & Philosophiae, ac in illo Universitatem Studii generalis quod ibidem perpetuo futuris temporibus vigeat, ad instar aliarum Universitatum hujusmodi, ac juxta illarum statuta, & consuetudines, aliasque ipsius Societatis Constitutiones per Presbyteros Societatis hujusmodi in omnibus ac per omnia moderandam, & gubernandam, auctoritate Apostolica tenore praesentium erigimus, & instituimus.

§.3. Illique sic erectae, & institutae ac ejus pro tempore existentibus Rectori, Cancellario, Magistris, Doctoribus, Lectoribus, Praeceptoribus, Scholaribus, Bachelis, Nunciis, & aliis Officialibus, & personis, tam in ipso Collegio residentibus, quam Universitatis hujusmodi studia frequentantibus, quod omnibus, & singulis privilegiis, indultis, libertatibus, immunitatibus, exemptionibus, favoribus, gratiis, praerogativis, honoribus, & praeminentiis Universitatibus praefatis, illarumque pro tempore existentibus Rectoribus, singulis personis, & Officialibus, necnon membris, & subditis in genere vel specie, tam dicta Apostolica, quam alias rite Imperiali, & Regia auctoritatibus, aut alias quomodolibet concessis, seu legitime praescriptis, aut in posterum quovis modo etiam Motu proprio, & consistorialiter conceden., & praescriben., ac quibus illi, vel illae utuntur, potiuntur, & gaudent, ac uti, potiri, & gaudere poterunt quomodolibet in futurum, pariformiter, & aequae principaliter uti, potiri, & gaudere valeant. Quod illi qui in quavis aliarum Universitatum disciplinis, facultatibus, & artibus praefatis sta-

Hic ideo Pontifex Universitatem Studii generalis ibi instituit.

Illique privilegia aliorum Studiorum generalium concedit.



1579.

dere incoeperint, studium suum in ea continuare, & tam ipsi, quam in dicta, vel alia, Universitate per tempus debitum studuisse, ac scientia, & moribus idonei comperti fuerint, in artibus Philosophia ac Theologia, necnon facultatibus prefatis Baccalaureatus etiam formalis, Licentiatuæ, ac Laureæ, necnon Doctoratus, ac Magisterii, ac quoscumque alios solitos gradus ab ipsius Universitatis Rectore, seu Cancellario, aut Doctoribus, Lectoribus, vel aliis personis per dictæ Societatis Præpositum Generalem, aut de ejus licentia per illius Provincie Præpositum Provinciale deputandis, prævio riguroso examine, vel disputationibus peragitis juxta Concilii prefati decreta, ipsiusque Societatis, & aliarum Universitatum constitutiones, consuetudines, & statuta, necnon alias, ut præfertur, recipere, ac graduum ejusmodi solita insignia sibi adhiberi facere, & postquam in ipsis facultatibus promoti fuerint, illas perlegere, & interpretari, ac in eis disputare, necnon quoscumque actus gradui, seu gradibus per eos receptis convenienter exercere, & alias omnibus, & singulis privilegiis, gratiis, favoribus, prærogativis, & indultis, quibus alii in ceteris Universitatibus juxta illarum ritus, & mores ad gradus ipsos promoti de jure, vel consuetudine, aut alias utuntur, potiuntur, & gaudent, ac uti, potiri, & gaudere poterunt quomodolibet in futurum, æque principaliter uti, potiri, & gaudere libere, & licite possint, & valeant in omnibus, & per omnia, perinde, ac si gradus hujusmodi in aliqua ex prefatis Universitatibus suscepissent.

Et auctoritatem statuta condendi, pro bono ipsius regimine.

§.4. Quodque pro felici Universitatis hujusmodi directione, regimine, ac literaria politia forma, liceat pro tempore existenti ejusdem Societatis Præposito generali, salvo semper manente ipsius Societatis jure, per se, vel alium, seu alios quacumque statuta, & ordinationes, licita tamen, & honesta, ac Sacris Canonibus, dictisque Concilii decretis non adversantia facere, & edere, illaque pro rerum, temporum, & personarum qualitate alterare, immutare, & abrogare, & alia toties, quoties opus fuerit, de novo etiam cum impositione poenarum condere, ac contumaces, & rebelles etiam quantumvis exemptos debite corrigere, auctoritate Apostolica concedimus.

Molestiam eisdem inferri, omnibus prohibet.

§.5. Ac quibuscumque aliarum Universitatum ludi moderatoribus, & Præfident. Rectoribus, Cancellariis, Præceptoribus, & Magistris, ac quibuscumque aliis etiam Civitatibus, & aliorum locorum in spiritualibus, vel temporalibus, aut mixtis Gubernatoribus, ne Rectorem, aut Universitatis hujusmodi personas, & Scholares in aliquo præmissorum quovis prætextu per se, vel alium molestare, vel inquietare audeant, seu præsumant, inhibemus. Nullumque loci Ordinarium, vel Metropolitanum quovis quaesito etiam conservationis ac superioritatis colore, vel ingenio, seu titulo præmissis se ingerere, aut contravenire posse, nec debere, irritum quoque, & inane quicquid

fecus super his a quoquam quavis auctoritate, scienter, vel ignoranter contigerit attentari decernimus.

§.6. Non obstantibus Constitutionibus, & Ordinationibus Apostolicis, ac dictarum Universitatum juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, eisdem Universitatibus, ac quibuscumque personis, vel locis aliis sub quibuscumque tenoribus, & formis, ac cum quibuscumque etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis in contrarium quomodolibet concessis, confirmatis, & innovatis. Quibus omnibus etiam in illis caveatur expresse, quod illis nullatenus, aut nonnisi sub certis modo, & forma in illis expressis derogari possit, illorum tenores, ac si de verbo ad verbum infererentur presentibus, pro sufficienter expressis, & insertis habentes, illis alias in suo robore permanens, hac vice dumtaxat specialiter, & expresse derogamus; ceterisque contrariis quibuscumque.

§.7. Nulli ergo omnino hominum liceat hanc paginam nostræ absolutionis, erectionis, institutionis, inhibitionis, decreti, & derogationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud Sanctum Petrum Anno Incarnationis Dominicæ, millesimo quingentesimo septuagesimo nono, tertio Kalendas Novembris, Pontificatus nostri Anno VIII.

Côtrariis quibuscumque derogat.

Sanctionem poenalem apponit.

D.P. An. VIII 29. Octobris.

## CLXXXIX.

Ordini S. Pauli Primi Eremitæ confirmantur omnia Monasteria, seu Domus, in Hungaria, Polonia, Istria, Dalmatia, & Sclavonia, eorumque jura, & privilegia, libertates &c.

Excerpta ex Quadrantio Regiarum P. Malloch, pars fol. 254.

## GREGORIUS PAPA XIII.

*Ad perpetuam rei memoriam.*

CUM inter alios Religiosorum Ordines, quibus Fides Catholica quasi gemmis rutilantibus illustratur, Ordo quem Beatus Paulus primus Eremita, deserti loca petens vitæ sanctimoniam Institutis eximiis instituit, singulari quodam splendore refulgeat, convenit Nos illum, illiusque Monasteria omnia specialibus favoribus, & gratiis prosequi.

§.1. Exponi siquidem Nobis nuper fecerunt dilecti filii, Generalis, & Monachi ipsius Ordinis, quod nonnulla ejusdem Ordinis Monasteria, seu Domus, ac loca, tam in Hungariæ, & Poloniæ Regnis, quam Istria, & Dalmatia, five Sclavonia, dudum cre-

Exordium.

Petio Generalis Ordinis, & Monachorum.



erecta, & instituta fuerunt, ipsique erectiones, & institutiones dictorum Monasteriorum, seu Domorum, ac locorum per Nos approbari, & confirmari desiderant. Quare pro parte eorundem Generalis, & Monachorum, Nobis fuit humiliter supplicatum, quatenus eorum desiderio in praemissis annuere de benignitate Apostolica dignaremur.

Si quid fuerit  
in contrarium  
attentari irri-  
tum declara-  
tur.

§.2. Nos Monasteriorum, seu Domorum, aut locorum praedictorum situationes, qualitates, quantitates, denominationes, nuncupationes, & veros annuos valores, ac quarumcumque scripturarum desuper confectarum tenores praesentibus pro expressis habentes, huiusmodi supplicationibus inclinati omnes, & singulas erectiones, & institutiones quorumcumque dicti Ordinis Beati Pauli primi Eremitae Monasteriorum, Domorum, seu locorum in Hungariae, & Poloniae Regnis, ac Istria, & Dalmatia, seu Sclavonia huiusmodi, eorumque privilegia, libertates, facultates, favores, gratias, immunitates & indulta, quatenus sunt in usu, & sacris Canonibus, ac praesertim Concilii Tridentini Decretis non adversentur: necnon quascumque donationes, & legata bonorum, & rerum illis per quoscumque facta, & inde secuta omnia, Apostolica auctoritate tenore praesentium approbamus, & confirmamus, illisque perpetuae, & inviolabilis firmitatis robur adiicimus: necnon omnes, & singulos tam juris, quam facti defectus, si qui intervenerint in eisdem, supplemus.

Praesentium  
literarum exe-  
quutores de-  
putati.

§.3. Decernentes ex nunc irritum, & inane si secus super his a quoquam quavis auctoritate scienter, vel ignoranter, contigerit attentari.

Derogatio  
contrariorum

§.4. Quocirca Venerabili Fratri Episcopo Zograbiensi, ac dilectis filiis nostro, & Sedis Apostolicae in illis partibus esistenti Nunciis, ac causarum Curiae Camerae Apostolicae generali Auditori per praesentes mandamus, quatenus ipsi, vel duo, aut unus eorum, per se, vel alium, seu alios, praesentes literas, & in eis contenta quaecumque, ubi, & quando opus fuerit, ac quoties pro parte Generalis, & Monachorum praedictorum fuerint requisiti, solemniter publicantes, illisque in praemissis efficacis defensionis praesidio assistentes, faciant auctoritate nostra praemissa omnia observari; non permittentes Monachos, & quasvis alias personas dictorum Monasteriorum, seu locorum, aut Domorum desuper a quoquam quomodolibet molestari. Contradictores quoslibet, ac rebelles in praemissis non parentes, per sententias censuras, & poenas, aliaque opportuna juris, & facti remedia, appellatione postposita, compescendo, invocato etiam ad hoc, si opus fuerit, auxilio brachii saecularis.

Transumpto-  
rum fides.

§.5. Non obstantibus fel. rec. Bonifacii Papae VIII. Praedecessoris nostri de una, & Concilii generalis de duabus dietis, dummodo quis vigore praesentium ad iudicium ultra tres dietas non trahatur. Aliisque Constitutionibus, & Ordinationibus Apostoli-

Bull. Rom. Tom. IV. Par. IV.

cis, necnon quibusvis concessionibus, seu unionibus, aut applicationibus desuper factis, contrariis quibuscumque. Aut si aliquibus communiter, vel divisim ab Apostolica Sede sit indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto huiusmodi mentionem.

§.6. Ceterum quia difficile foret, praesentes literas ad singula quaeque loca, ubi necesse fuerit, deferri, volumus, & dicta auctoritate decernimus, quod transumpto praesentium literarum, sigillo alicujus Praelati Ecclesiastici munito, & manu Notarii publici subscripto eadem fides tam in iudicio, quam extra illud adhibeatur, quae ipsis originalibus adhiberetur si forent exhibitae, vel ostensae.

Datum Romae apud S. Petrum, sub Annulo Piscatoris, die 25. Julii, 1583. Pontificatus nostri Anno XII.

Dat. die 25.  
Julii 1583.  
An. XII.

## SIXTUS QUINTUS

P A P A C C X X I X .

ANNO CHRISTI MDLXXXV.



**F**RATER Felix Perettus e Franciscana Minorum Conventualium Familia, dictus Cardinalis a Montealto, Tituli Sancti Hieronymi Illyricorum, electus est in Romanum Pontificem die 24. Aprilis anno 1585. tertio die postquam Cardinales Conclave ingressi fuerant. Sequentibus Kalendis Maii Sacra redimitus est Thiara in Vaticana Basilica. Sedit annos V.

Q<sup>2</sup>

Mens. IV.



Mens. IV. dies III. Creavitque XXIII. Cardinales. Obiit die 27. Augusti 1590. & sepultus est in Vaticano, unde postea ejus Corpus translatum fuit ad Basilicam Liberianam, conditumque in Sacello, quod ipse construxerat. Vacavit Sedes dies XIX.

## I.

Ex Regest. in  
Secret. Brev.

Erectio Studii generalis in Oppido Græcen. Salisburgen. Diocesis.

## SIXTUS EPISCOPUS

SERVUS SERVORUM DEI

Ad perpetuam rei memoriam.

Proœmium.

**C**ÆLESTIS Patris ad summi Apostolatus apicem evecti, tamquam de excelsa monte ad ima agri irrigui militantis Ecclesiæ nostrum dirigentes intuitum, ac considerantes, quod per literarum studia ad bene beatæque vivendum via præbatur, veritas agnoscitur, justitia colitur, ceteræque virtutes illustrantur, ac humanæ prosperitatis conditio augetur, Fides Catholica, & cultus divinus protenditur, adea, perque studia hujusmodi, ubilibet maxime in regionibus, ubi major necessitas urget, propagentur, & humiles personæ ad excelsam felicitatis fastigium pervenire cupientes in hoc pio eorum proposito utilius confoveri, ac laborum suorum honores, & præmia consequi valeant, præsertim dum Principum Christianorum vota, id exposcunt, libenter intendimus, & in his partes Apostolicæ providentiæ impendimus, pro ut in Domino conspicimus salubriter expedire.

Gregor. XIII.  
Collegiū Soc.  
Jesu a Carolo  
Archiduce  
Austriæ dota-  
tum erigit in  
Oppido Græ-  
cen.

§. 1. Sane exhibita Nobis nuper pro parte dilecti filii nobilis Viri Caroli Archiducis Austriæ, qui etiam Stiria, Carinthia, & Carniola Dux existit, petitio continebat, quod postquam alias fel. rec. Gregorius Papa XIII. Prædecessor noster in Oppido Græcen. Salisburgen. Diocesis. dicti Caroli Archiducis Dominio in temporalibus subiecto Collegium Presbyterorum Societatis Jesu propriis sumptibus ipsius Caroli Archiducis fundatum, & extructum auctoritate Apostolica perpetuo erexit, & instituit, ac inter alia eidem Collegio pro illius Magistrorum, Scholarium, & aliorum dictæ Societatis Religiosorum sustentatione, pensionem annuam duorum millium, & ducentorum florenorum Rhenensium super Bonis Monasterii, seu Domus de Milstat nuncupati ejusdem Diocesis. quod seu, quæ olim Circestien., seu alterius ordinis, postea vero ordine ipso, ac statu, & essentia Regularibus, nec non Conventualitate, ac forsitan nomine Monasterii in eo suppressis, & extinctis, Militiæ, seu Ordinis Militaris Sancti Georgii, etiam tunc forsitan extinctæ, seu extincti, licet aliquot Sacerdotes in Militia, seu Ordine Militari hujusmodi adhuc tunc remanerent, & quod, seu quæ de jure patronatus, ejusdem Caroli, ac pro tem-

pore existentis Austriæ Archiducis, & seu prædictæ Carniolæ Ducis, ex fundatione, vel ditione, aut ex privilegio Apostolico, cui non est hætenus in aliquo derogatum, esse dignoscitur, ac in quo, seu qua a quadraginta annis, & ultra, ex quo Militia, seu Ordo Militaris hujusmodi defecit unus administrator constitui, & per eundem administratorem illud, seu illa gubernari, ac per ipsum de ejusdem Domus fructibus, redditibus, & proventibus hujusmodi dicta auctoritate sub certis modo, & forma tunc expressis constituit, & assignavit, volens ut quandocumque, & quotiescumque dictus Carolus Archidux, vel ejus Successores aliqua alia bona, etiam Monasterii, seu Domus hujusmodi, quorum annui redditus, deductis oneribus ad parem valorem ascenderent, ipsi Collegio assignavissent, pensio prædicta cassata, & nulla censeretur eo ipso, assignatio vero vim applicationis eadem auctoritate facta obtineret, pro ut in ejusdem Prædecessoris literis desuper confectis plenius continetur.

§. 2. Præfatus Carolus Archidux avitam, & a majoribus suis acceptam Catholicam Religionem sanctam testam, & inviolatam in locis sibi subiectis, ubi viget, conservare, sicubi vero collapsa est, hac potissimum ratione restituere, suosque subiectos quamplurimos ad literarum studia, navandamque bonis artibus operam excitari cupiens, atque utraque in re prædictæ Societatis operam, & industriam, laboresque ea de causa susceptos, valde utiles, & fructuosos in dies magis expertus, ut ampliores manipuli ex diversarum Nationum, ac linguarum agris, quarum Provincias dictus Carolus Archidux possidet, opitulante Deo colligi possint, Studii generalis Universitatem in dicto Collegio potissimum auctoritate prædicta erigi, ejusque curam, & regimen prædictæ Societati committi, & mandari desiderat; Cumque ad hunc effectum, etiam hortum ipsi Collegio contiguum pleno jure ad prædictum Carolum Archiducem spectantem, ac certam etiam tunc expressam quantitatem salis ex salinis ibidem ad eundem Carolum Archiducem pertinentibus per ejus Ministros eidem Collegio quot annis in certis terminis, similiter tunc expressis porrigendam, partem etiam tunc designatam Muræ fluvii, Oppidi Græcen. prædicti cum omnibus suis emolumentis, commodis, & juri-  
bus, ut piscium copia eis non deesset, eidem Collegio pie, ac liberaliter in perpetuum concefferit, & amplioribus etiam immunitatibus, exemptionibus, libertatibus, privilegiis, & gratiis ipsum Collegium, & studium generale sic erigendum ornaverit, & cumulaverit, ac ad sustinenda onera, impensasque pro ipsius Studii generalis conservatione, & amplitudine Collegii prædicti redditus annuos augendos esse necessario existimet, & quantum in eo est, sedulo providere intendat; propterea Nobis humiliter supplicari fecit, quatenus subditorum suorum saluti, & commodo consulentes in prædicto Oppido, & ædibus dicti Collegii

Studium ge-  
nerale in eo  
institui petit  
Carolus, au-  
cta ad id dote.

Studii



Studii generalis Universitatem, in qua Societatis Religiosi hujusmodi Theologiam, Philosophiam, ac ingenuas artes publice profiterentur, & juvenes quoscumque docerent, auctoritate prædicta perpetuo erigere, & instituere, aliasque in præmissis opportuna providere de benignitate Apostolica dignaremur.

Præstat Sixtus.

§.3. Nos igitur qui dudum inter alia volumus, & ordinavimus, quod literæ reservationis, vel assignationis cujusvis pensionis annuæ super alicujus Beneficii Ecclesiastici fructibus expediri non possent, nisi de consensu illius, qui dictam pensionem persolvere tunc haberet, prædictum Carolum Archiducem a quibuscumque Excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes hujusmodi supplicationibus inclinati in Oppido prædicto, & ædibus dicti Collegii, ubi nunc Scholæ sunt, seu forsan in ampliorem formam construentur, Universitatis Studii Generalis in qua Religiosi Societatis hujusmodi Theologiam, Philosophiam, & ingenuas artes publice profiteantur, ac juvenes quoscumque doceant, ad instar aliarum Universitatum Studiorum generalium, tam in Transalpinis Provinciis, & Regnis, quam alias ubilibet erectorum, auctoritate Apostolica tenore præsentium sine alicujus præjudicio perpetuo erigimus, & instituimus.

Universitatem  
Rectori Collegii supponit.

§.4. Ipsamque Universitatem, ac Studium generale sic erectum, & institutum, curæ, regimini, & administrationi Rectoris Collegii hujusmodi pro tempore existentis, qui totius Universitatis Rector existat, prædicta auctoritate etiam perpetuo supponimus, & submittimus.

Privilegia  
neorectæ U-  
niversitati cō-  
cedit.

§.5. Ac eisdem Universitati, illiusque Rectori, Magistris, Scholasticis, aliisque prædictis universis, & singulis, ut omnibus, & quibuscumque privilegiis, indultis, libertatibus, immunitatibus, exemptionibus, favoribus, gratiis, prærogativis, honoribus, & præminentis hujusmodi Universitatibus, illarumque pro tempore existentibus Rectoribus, Magistris, Doctoribus, Lectoribus, Præceptoribus, Scholasticis, Procuratoribus, Bidellis, Nunciis, Officialibus, Ministris, & aliis personis in genere, vel in specie tam prædictæ, quam Imperiali, Regia, aut Ducali auctoritatibus, ac alias quomodolibet pro tempore concessis, non solum ad eorum instar, sed pariformiter, & æque principaliter in omnibus, & per omnia uti, potiri, & gaudere.

Rectori data  
facultas Lau-  
ream confe-  
rendi.

§.6. Insuper Rectori ejusdem Universitatis, & Collegii pro tempore existentis ut illos, quos in ipsa erecta Universitate, vel etiam alibi in quavis alia parte debitum tempus studuisse, ac scientiæ, & moribus idoneos esse repererit, in prædictis facultatibus artium, & Theologiæ, ac Bacca-

laureatus etiam formati, licentiatum, laureæ, Doctoratusque, & Magisterii gradus servata forma Vienen. Concilii, & alias juxta Universitatum aliorum Studiorum, Generalium consuetudines, & erectæ Universitatis statuta promovere, & ipsorum graduum solita insignia eis exhibere, utque ad dictos gradus sic per illum promoti postea publice, & privatim etiam in omnibus aliis Universitatibus Studiorum generalium facultates prædictas interpretari, & alios docere, & de eis disputare, gradui, seu gradibus hujusmodi convenientes actus exercere, ac omnibus privilegiis, gratiis, favoribus, prærogativis, & indultis, quibus alii in prædictis, seu aliis Universitatibus, & alibi juxta illarum Constitutiones, & mores ad gradus prædictos promoti de jure, vel consuetudine, utuntur, potiuntur, & gaudent, ac uti, potiri, & gaudere poterunt in futurum in omnibus, & per omnia, perinde ac si gradus ipsos in Universitatibus hujusmodi juxta illarum, mores, & constitutiones rite suscepissent, uti, potiri, & gaudere.

§.7. Necnon moderno, & pro tempore existenti dictæ Societatis Præposito Generali, ut per se, vel dictorum Collegii, & erectæ Universitatis Rectorem, aut alium, seu alios pro salubri, & felici directione dictæ Universitatis erectæ, ac Rectoris, Magistrorum, Procuratorum, Bidellorum, nunciorum, & aliorum Ministrorum muneribus, & functionibus, modoque, & forma docendi, & alias sua Officia exercendi, ac Scholarium manutentione quæcumque statuta, & ordinationes licite, & honesta, ac Sacris Canonibus, & Concilii Tridentini Decretis non contraria edere, & promulgare, eaque pro temporum, rerum, & personarum qualitate mutare, corrigere, & reformare, seu illa cassare, & abrogare, ac alia de novo edere, & super illorum observatione poenas ejus arbitrio imponere, dictæque erectæ Universitatis Doctores, Magistros, Lectores, Scholasticos, Procuratores, Bidellos, aliosque Ministros, & Officiales eligere, & amovere, seu electiones factas confirmare licite valeat auctoritate Apostolica tenore præsentium hujusmodi etiam perpetuo concedimus, & indulgemus.

Præposito Ge-  
nerali Soc. Je-  
su adjudica-  
tum jus fa-  
ciendi statuta,  
& Rectorem,  
ceterosque  
Officiales eli-  
gendi.

§.8. Demum bona, & jura a prædicto Carolo Archiduce, ut præfertur, Collegio, & hujusmodi Universitati, per præsentem erectæ prædictis concessa, & donata auctoritate, & tenore prædictis, similiter perpetuo applicamus, & appropriamus.

Bona Colle-  
gio ab Archi-  
duce assignata  
eidem confir-  
mat Pontifex.

§.9. Præterea in augmentum dotis Collegii, & erectæ Universitatis hujusmodi utque dictæ Societatis Presbyteri, & alii inibi pro tempore degentes commodius sustentari valeant, eis de alicujus subventionis auxilio providentes, ultra prædictam tunc, ut præfertur, assignatam aliam pensionem annuam aliorum duorum millium florenorum etiam Rhenensium, ita ut utraque pensio hujusmodi in universum & insumul ad summam quatuor millium, & du-

Necnon aliq  
Pensionem ad-  
dit: itaut Col-  
legium Pen-  
sione 4. mil.  
& 200. Flor.  
gaudeat.



1585.

& ducentorum florenorum similium ascendant, super Monasterii, seu domus huiusmodi fructibus, redditibus, & proventibus, etiam si super illis alia pensiones annuæ aliis personis assignatæ existant, ac omnes pensiones huiusmodi insimul eorumdem fructuum, reddituum, & proventuum medietatem excedant, ac omnes illos absorbent, pro tempore existenti Rectori, vel alteri Superiori Collegii, ac erectæ Universitatis huiusmodi vel ejus procuratori ad hoc ab eo speciale mandatum habenti per pro tempore existentem Monasterii, seu Domus huiusmodi administratorem, & ejus successores, Monasterium, seu Domum huiusmodi pro tempore quomodolibet obtinentes, aut eorumdem fructuum, reddituum, & proventuum fisciarios, seu alios Monasterii, seu Domus huiusmodi Officiales annis singulis in quatuor terminis singulo videlicet trimestri pro quarta parte pensionum quatuor millium, & ducentorum florenorum huiusmodi prima solutione in principio Mensis Januarii proxime præteriti incipiente, & sic deinceps pro quarta parte pensionis quatuor millium, & ducentorum florenorum huiusmodi de trimestri in trimestre, & in fine cujuslibet trimestris, non obstante quacumque mutatione ipsorum fructuum, reddituum, & proventuum, aut bonorum quorumcumque, ad Monasterium, seu Domum huiusmodi pertinentium, quibuscumque temporibus, vel causis contingente, quam propterea quocumque modo, aut titulo fieri contigerit, & quatenus eorumdem Collegii, & erectæ Universitatis fundationi, ac ejusdem Caroli Archiducis ordinationi, ac pensionum huiusmodi reservationibus, constitutionibus, & assignationibus præjudicet, subreptitiam, irritam, & inanem, nulliusque prorsus roboris, & momenti esse decernimus, integre persolvendam auctoritate Apostolica, tenore præsentium huiusmodi pariter perpetuo reservamus, constituimus, & assignamus. Decernentes priorem pensionem a dicto Prædecessore, ut præfertur, reservatam, etiam non obstante ejusdem Prædecessoris decreto prædicto per ipsum appposito propter præmissa, minime cessare, neque priorem pensionem huiusmodi cassatam, vel extinctam esse, ac fore, sed alias juxta prioris reservationis formam, & tenorem in dictis terminis persolvi debere, & in suo robore permanere, perinde, ac si decretum Prædecessoris huiusmodi appositum ab initio non fuisset, ac præsentis literas nullo tempore de subreptionis, vel obreptionis vitio, aut intentionis nostræ, vel alio quovis defectu notari, seu impugnari posse, sicque in præmissis universis, & singulis per quoscumque Judices, ordinarios, & delegatos quavis auctoritate fungentes, etiam causarum Palatii Apostolici Auditores, ac S. R. E. Cardinales, sublata eis, & eorum cuilibet quavis aliter judicandi, & interpretandi facultate, judicari, & diffiniri debere, irritum quoque, & inane, si secus

super his a quoquam quavis auctoritate scienter, vel ignoranter contigerit attentari, necnon administratorem prædictum, & Monasterii, seu Domus huiusmodi pro tempore existentem ad integram solutionem pensionis quatuor millium, & ducentorum florenorum prædictis Rectori, vel Superiori Collegii, & erectæ Universitatis huiusmodi faciendam juxta posterioris reservationis, constitutionis, & assignationis prædictorum tenorem fore efficaciter obligatos, ac volentes, & eadem auctoritate Apostolica statuentes, quod ille ex administratore, & successoribus suis prædictis, qui in dictis terminis, vel saltem intra triginta dies illorum singulos immediate sequentes pensionem quatuor millium, & ducentorum florenorum huiusmodi per eum tunc debitam non persolverit, lapsis diebus eisdem sententiam excommunicationis incurrat, a qua donec Rectori, vel Superiori Collegii, & erectæ Universitatis huiusmodi, vel eorum Procuratori prædictis de pensione quatuor millium, & ducentorum florenorum huiusmodi per eum, tunc debita integre satisfactum, aut alias cum dictis Rectore, vel Superiore, seu eorum procuratore prædicto super hoc amicabiliter concordatum fuerit, præterquam in mortis articulo constitutus absolutionis Beneficium, nequeat obtinere, si vero per sex menses dictos triginta dies immediate sequentes sententiam ipsam animo, quod absit, sustinuerit indurato, ex tunc effluxis mensibus ipsis regimine, & administratione Monasterii, seu Domus huiusmodi perpetuo privatus existat, illudque, seu illa vacare censeatur eo ipso.

§. 10. Quocirca Ven. Fratribus nostris Salisburgen., & Amerin. Episcopis, ac dilecto filio causarum Camera Apost. Generali Auditori per Apostolica scripta mandamus, quatenus ipsi, vel duo, aut unus eorum per se, vel alium, seu alios faciant pensionem quatuor millium, & ducentorum florenorum huiusmodi Rectori, vel Superiori, vel eorum Procuratori prædictis juxta posterioris reservationis, constitutionis, assignationis, & decreti tenorem integre persolvi, & nihilominus quemlibet ex administratore Monasterii, seu Domus, & successoribus suis prædictis, quem huiusmodi excommunicationis sententiam incurrisse eis confiterit, quoties super hoc pro parte Rectoris, vel Superioris prædicti fuerint requisiti, easdem præsentis, & in eis contenta quæcumque solemniter publicantes, tamdiu Dominicis, & aliis Festivis diebus in Ecclesiis, dum major inibi populi multitudo ad divina convenerit, excommunicatum publice nuncient, & faciant ab aliis nunciari, ac ab omnibus arctius observari, & evitari, donec Rectori, vel Superiori, vel Procuratori prædictis de pensione quatuor millium, & ducentorum florenorum huiusmodi, quæ tunc debita, fuerit integre satisfactum, ipseque excommunicatus ab huiusmodi excommunicationis sententia absolutionis beneficium meruerit obtinere, contradictores, per censuras, & poenas ecclesia-

Exequutores  
præsentium  
litterarum de-  
putat.



1585.

1585.

Contraria  
tollit.

clesiasticas ; aliaque opportuna juris , & facti remedia, appellatione postposita, compescendo .

§.10. Non obstantibus voluntate priorum , & ordinatione nostris prædictis , necnon Constitutionibus , & Ordinationibus Apostolicis , ac Monasterii , seu Domus , & illius Ordinis , ac Universitatum prædictorum , juramento , confirmatione Apostolica , vel quavis firmitate alia roboratis statutis , & consuetudinibus , ceterisque contrariis quibuscumque . Aut si administratori , & successoribus suis prædictis , vel quibuscumque aliis communiter , aut divisim ab Apostolica sit Sede indultum quod præstationem , vel solutionem pensionis alicujus minime teneantur , & ad id compelli , aut quod interdicti , suspendi , vel excommunicari non possint per literas Apostolicas non facientes plenam , & expressam , ac de verbo ad verbum de indulto hujusmodi mentionem .

Nulli ergo &c.

Dat. die 7.  
Maii 1585.  
An.I.

Datum Romæ apud S. Petrum , Anno Incarnationis Dominicæ , millesimo quingentesimo octuagesimo quinto , Kalendis Maii , Pontificatus nostri Anno I.

## II.

Ex Regest. in  
Secret. Brev.

Ereçtio Ecclesiæ Cathedralis Vinden. in Livonia .

SIXTUS EPISCOPUS

SERVUS SERVORUM DEI

*Ad futuram rei memoriam .*

Procemium.

**E**quum , & rationi congruum reputamus , ut ea , quæ de Romani Pontificis gratia processerunt , licet ejus superveniente obitu literæ Apostolicæ desuper confectæ non fuerint , suum sortiantur effectum .

Livoniae Pro-  
vinciam Ste-  
phanus Polo-  
niae Rex ab  
Hæreticorum  
manu vindi-  
cat .

§.1. Dudum siquidem cum charissimus in Christo filius noster Stephanus Poloniae Rex illustris provinciam Livoniae olim suæ temporali ditioni subiectam , & post modum a finitimis Moscovitis , & forsitan aliis Barbaris Nationibus occupatam , Hæresibusque misere pollutam , & difformatam superna opitulante gratia recuperasset , ac illius Incolæ , & Habitatores discussa errorum caligine , ad lumen Fidei , & Sacri Baptismatis lavacrum , Sanctæque Matris Ecclesiæ gremium sensim accedere , & exinde Religio Christiana , ipsaque Fides , unde vera , ac etiam omnis spes redemptionis pendebat , ibidem instaurari , & propagari cepisset .

§.2. In Provincia autem prædicta longe , lateque diffusa , & Cathedralibus Ecclesiis , quibus priscis temporibus instructa erat , Infidelium perversitate penitus suppressis , & profanatis , nullus existeret Catholicus Antistes ad ea , quæ jurisdictionis , & muneris Episcopalis erant , exercenda , & propterea idem Stephanus Rex pro divini cultus ibidem incremento , & animarum salute , Oppidum Vindense in meditullio dictæ Provin-

ciæ consistens , & incolarum multitudine refertum , ac in illis partibus plurimum insigne in Civitatem , & Ecclesiam S. Joannis Baptistæ ejusdem Oppidi in Cathedralē Ecclesiam erigi pio affectu exoptaret , felicis rec. Gregorius Papa XIII. Prædecessor noster , qui in specula militantis Ecclesiæ disponente domino constitutus ad Universi Orbis Provincias , ut illarum felici statui , & decori , animarumque saluti incolarum eorumdem consuleret , aciem suæ considerationis more vigilis Pastoris frequenter referebat : ac in Provinciis ipsis , prout necessitas , & aliæ rationabiles causæ id exigebant , novas Episcopales Sedes , atque Ecclesias pro excellenti Sedis Apostolicæ præ eminentia plantabat , ut per novas plantationes hujusmodi nova populorum adhæsiō eidem Militanti Ecclesiæ accresceret , religionisque Christianæ , & Catholicæ Fidei professio inibi validius confurgeret , dilaberetur , ac loca , etiam humilia dignioribus titulis , illorumque Incolæ , & habitatores novarum sedium , & honorabilium Præfulum assistentia suffulti proficerent , semper in Fide , & quod in temporalibus erant adepti , non carerent in spiritualibus incremento , habita super his per ipsum Prædecessorem cum Sanctæ Romanæ Ecclesiæ Cardinalibus , de quorum numero tunc eramus , deliberatione matura , ac de illorum Consilio , & assensu , Apostolicæque potestatis plenitudine prædicto Stephano Rege , super hoc per suas literas hujusmodi supplicante , & instante sub dat. videlicet quinto Idus Maii Pontificatus sui Anno Duodecimo ad Omnipotentis Dei laudem , ac Beatæ Mariæ Virginis , & ejusdem S. Joannis Baptistæ , totiusque Cœlestis Curiae honorem , necnon dictæ Fidei exaltationem , & propagationem Oppidum Vindense , in Civitatem Vinden. nuncupandum , & Ecclesiam Sancti Joannis Baptistæ hujusmodi in Cathedralē Ecclesiam , sub invocatione ejusdem S. Joannis Baptistæ , quæ dictæ Sedi immediate subiecta esset , donec alicui Archiepiscopo Metropolitico jure subiceretur pro uno Episcopo Vinden. nuncupando , qui illi præesset , & ipsam Ecclesiam Sancti Joannis Baptistæ , seu illius structuras , & ædificia ad formam Cathedralis Ecclesiæ redigi faceret , ac Infideles ad cultum veræ Fidei converteret , & conversos in eadem Fide instrueret , & confirmaret , eisque Baptismi gratiam impenderet , ac Episcopalem jurisdictionem , ceteraque omnia , quæ ad munus Episcopale pertinebant , haberet , & exerceret cum Sede , dignitate , mensa , aliisque insignibus Episcopalibus , necnon privilegiis , honoribus , immunitatibus , præ eminentiis facultatibus , gratiis , & juribus , quibus ceteræ Cathedralē Ecclesiæ Regni Poloniae , earumque Præsules , de jure , vel consuetudine , aut alias quomodolibet utebantur , & gaudebant , ac uti , potiri , & gaudere poterant quomodolibet in futurum .

§.3. Insuper in eadem Ecclesia , sic in Cathedralē erecta unam Præposituram ,

Capitulum , & Dignitates in eadem instituit .

Eoque instan-  
te Greg. XIII.  
Vindensē Ec-  
clesiam in  
Cathedralē  
Ecclesiam cri-  
git .



post Pontificalem majorem, unum Decanatum, unum Archidiaconatum, unam Cantoriam, unam Scholastriam, & unam Custodiam inferiores dignitates ibidem futuras, nec non sex Canonicatus, & totidem præbendas pro uno Præposito, uno Decano, uno Archidiacono, uno Cantore, uno Scholastico, uno Custode, & ex sex Canonicis, qui omnes simul Capitulum dictæ Ecclesiæ Vinden. constituerent, ac in ea Missas, & alia Divina Officia celebrare, illisque interesse, ac alia onera, sibi pro tempore incumbentia supportare deberent, cum mensa, arca, & sigillo, ceterisque insigniis Capitularibus, Apostolica auctoritate perpetuo erexit, & instituit.

Dioecesi cō-  
stituit.

§.4. Ac eidem Ecclesiæ sic in Cathedralem erectæ, & institutæ Civitatem Vinden. pro Civitate, & totam Provinciam cum suis Castris, Villis, & Locis, eorumque Territoriis, & districtibus pro Dioecesi, necnon Ecclesiasticas pro Clero, sæculares vero personas in eisdem Civitate, & Dioecesi pro tempore degentes pro populo dicta auctoritate, etiam perpetuo concessit, & assignavit, Civitatemque Dioecesim, Clerum, & Populum hujusmodi ipsi Episcopo Vinden. pro tempore existenti, quoad Episcopalem, & ordinariam jurisdictionem, ac Superioritatem eadem auctoritate similiter perpetuo subiecit.

Dotem Epi-  
scopo, Capi-  
tuloque assi-  
gnat.

§.5. Nec non Episcopali, & Capitulari mensis prædictis pro earum dotē, ac pro tempore existentium Episcopi, Præpositi, Decani, Archidiaconi, Cantoris, Scholastici, Custodis, & Canonicorum prædictorum sustentatione, onerumque eis incumbentium supportatione, tot proprietates, & alia bona stabilia, quæ ad valorem annuum quatuor millium ducatorum auri de Camera ascenderent, ad id per prædictum Stephanum Regem in dicta Provincia assignanda, pro Episcopali videlicet duorum, pro Capitulari vero mensis prædictis juxta ejusdem Stephani Regis ordinationem, & divisionem inter dignitates, ac Canonicatus, & præbendas hujusmodi pro tempore obtinentes faciendam, aliorum duorum millium ducatorum prædictorum ex nunc prout ex ea die, & e contra postquam assignata forent, ut præfertur, auctoritate prædicta pariter perpetuo applicavit, & appropriavit.

Super eam  
Poloniæ Re-  
gibus Juspa-  
tronatus tri-  
buit.

§.6. Nec non Stephano, & pro tempore existenti Poloniæ Regi prædicto jus patronatus, & præsentandi personas idoneas ad Ecclesiam Vinden., atque Præposituram Archidiaconatum, Scholastriam, Cantoriam, ac duos tantum ex Canonicatibus, & Præbendis hujusmodi, tam ab eorum primæva erectione prædicta, quam deinceps illorum vacatione quovis modo, etiam apud Sedem prædictam pro tempore occurrente, quoad Ecclesiam Vinden. videlicet una ipsi Prædecessori, & pro tempore existenti Romano Pontifici per eum in ejusdem Ecclesiæ Episcopum, & Pastorem, ad præsentationem hujusmodi præficiendam; quo vero ad Præposituram, Archidiaconatum,

Scholastriam, Cantoriam, ac duos ex Canonicatibus, & Præbendis hujusmodi alias personas prædictas Episcopo Vinden. pro tempore existenti, similiter per eum ad præsentationem hujusmodi in illis instituendas dicta auctoritate itidem perpetuo reservavit, concessit, & assignavit, ac jus patronatus, & præsentandi hujusmodi Stephano, & pro tempore existenti Regi prædicto, ex meris fundatione, & dotatione competere, illique coram per Sedem prædictam quacumque ratione derogari non posse, nec derogatum censeretur, nisi ipsius Stephani, & pro tempore existentis Poloniæ Regis ad hoc expressus accederet assensus, & si aliter quovis modo eidem derogari contingeret, derogationes hujusmodi cum inde secutis quibuscumque nullius roboris, vel momenti fore decrevit. Non obstantibus Constitutionibus, & Ordinationibus Apostolicis, ceterisque contrariis quibuscumque.

§.7. Ne autem de erectione, institutione, concessione, assignatione, subiectione, applicatione, appropriatione, reservatione, & decreto prædictis, pro ea quod super illis dicti Prædecessoris ejus superveniente obitu, literæ confectæ non fuerunt, valeat quomodolibet hæsitari, ipsique Stephanus, & pro tempore existentes Poloniæ Reges, ac Vinden. Episcopi præfati illorum frustrentur effectu, volumus, & similiter dicta auctoritate decernimus, quod erectio, institutio, concessio, assignatio, subiectio, applicatio, approbatio, reservatio, & decretum Prædecessoris hujusmodi, perinde a dicta die quinto Idus Maii suum sortiantur effectum, ac si super illis dicti Prædecessoris literæ sub ejusdem diei data confectæ fuissent, pro ut superius enarratur, quodque præfentes literæ ad probandum plene erectionem, institutionem, concessionem, assignationem, subiectionem, applicationem, appropriationem, reservationem, & decretum Prædecessoris hujusmodi, ubique sufficiant, nec ad id probationis alterius adminiculum requiratur. Nulli ergo omnino hominum liceat hanc paginam &c.

Non publica-  
tis Gregorii  
litteris Sixtus  
PP. rem ge-  
stam confir-  
mat, ratam-  
que vult ha-  
beri.

Datum Romæ apud Sanctum Petrum, Anno Incarnationis Dominicæ, millesimo quingentesimo octuagesimo quinto, Kalendis Maii, Pontificatus nostri Anno I.

Dat. die 1.  
Maii 1585.  
An.I.

### III.

Erectio Universitatis Studii generalis, & Collegii in Oppido Mussipontan. Meten. Dioecesis.

Ex Regest. in  
Secret. Brev.

SIXTUS EPISCOPUS  
SERVUS SERVORUM DEI

Ad perpetuam rei memoriam.

Rationi congruit, & convenit honestati, ut ea, quæ de Romani Pontificis gratia processerunt, licet ejus superveniente obitu literæ Apostolicæ desuper confectæ non fuerint, suum sortiantur effectum.

Exordium.

§.1. Cum itaque in fundatione, & erectione

Erecto studio  
Mussipontan.



1585.  
Gregor. XIII.  
Reſtori ſtu-  
diorum regi-  
men, cetera  
vero Cardina-  
li Lotharingo  
adjudicaverat

ctione Universitatis Studii generalis diversarum scientiarum, & Collegii Societatis Jesu, in Oppido Muſſipontan. Meten. Diceſis ad preces bon. mem. Caroli Cardinalis de Lotharingia nuncupati, & dilecti filii nobilis Viri Caroli Lotharingæ, & Barri Ducis, jam pridem a fel. rec. Gregorio Papa XIII. Prædeceſſore noſtro facta indultum fuiſſet per eundem Prædeceſſorem inter alia Reſtori ejuſdem Collegii, ac Superioribus, & Presbyteris dictæ Societatis pro tempore exiſtentibus, ut quoad Theologiam, Philoſophiam, ac humaniores literas, illarum dumtaxat profeſſorum, & Magiſtrorum duputationes, ac Scholaſticorum in eas incumbendum vitæ, ſtudiorumque diſciplinam, correctionem, admiſſionem, & diſmiſſionem, nec non regimen, & adminiſtrationem, ac promotionem ad gradus in dictis facultatibus, atque uno verbo totam politiæ literariæ formam juxta ejuſdem Societatis inſtituta dirigerent, conſeſſa in reliquis facultate dicto Carolo Cardinali, & perſonis ab eo nominandis pro ejuſdem Universitatis ſic per eundem Prædeceſſorem erectæ directione, quæcumque ſtatuta condendi, mutandi, corrigendi ejuſdemque Universitatis Reſtores, ſeu Protectores, Scholares, Procuratores, Bidellos, & Officiales, pro tempore eligendi, ſeu electiones aliis committendi.

Lotharingus  
vero Reſtore  
Universitatis  
non electo de-  
ceſſit.

§.2. Ipſe vero Carolus Cardinalis, ſicut idem acceperat, morte præventus, neque Reſtorem Universitatis, unquam deputaviſſet, neque, facultates hujusmodi alicui perſonæ nominatim delegaſſet, licet dicti Collegii Reſtor per octo annos, vel circiter Caroli Ducis prædicti permiſſu, etiam Universitatis Reſtoris nomen, & officium obtinuiſſet, idque an jure factum eſſet in controverſiam revocari audiviſſet.

Declaravit  
itaque Gre-  
gorius Colle-  
gii Reſtorem,  
Reſtoré quo-  
que eſſe Uni-  
verſitatis cum  
omni jure,  
Privilegiis &c

§.3. Idcirco ipſe Prædeceſſor, qui pro munere ſibi commiſſo, diligenter curabat, ut Universitates Studiorum generalium, præſertim in locis animarum periculo ſubjectis conſtitutæ per Reſtores, fide, & religione probatos fideliter dirigerentur, ad tollendam omnem in præmiſſis contentio- num, & litium occaſionem, ſimul etiam, ut nequid prætermitteret eorum, quæ ad ejuſdem Universitatis ſalubrem gubernationem, & Scholaſticorum ejus piam, ac rectam inſtitutionem pertinerent, literarum erectionis, foundationis, ac indultorum hujusmodi tenores pro expreſſis habens, ſub dat. videlicet Kalen. Januarii, Pontificatus ſui Anno tertio decimo Motu proprio, & ex certa ſcientia ſua, ac de Apoſtolica poteſtatis plenitudine, auctoritate Apoſtolica ſtatuit, ut ex tunc in poſterum perpetuis futuris temporibus, qui foret dicti Collegii Reſtor, idem etiam ipſius Universitatis Reſtor pro tempore eſſet, & ſuperior eſſe ſine ulla dubitatione cenſeretur, cui non modo Scholaſtici quicumque, & officiales; ſed etiam omnes quarumcumque facultatum profeſſores, etiam qui Decanus nuncupa- tur juris prudentiæ ejuſdem Universitatis, ceteræque perſonæ, tanquam membra Ca-

Bull. Rom. Tom. IV. Par. IV.

piti ſubeſſent omnino, & obedirent; is quoque Reſtoris nomen inſignia, privilegia, facultates, præeminencias, ac ſigillum ipſum cum hac inſcriptione ſimpliciter: *Sigillum Reſtoris Universitatis Muſſipontan.* Quo nemo alius præter ipſum, uti poſſet in quibuscumque actibus publicis, & privatis obtineret, omnes profeſſores, ſeu leſtores quarumcumque facultatum, etiam juris Civilis, & Canonici, qui publice, aut privatim docturi eſſent, etiam qui pedagogi munere tantum fungi vellent, prius ab ipſo Reſtore, vel perſonis ab eo nominandis ſuper vita, & moribus examinari deberent, & in manibus ejuſdem Reſtoris, ſeu alterius ab eo designandi Catholicæ fidei profeſſionem, juxta articulos pridem a Sede Apoſtolica propoſita emitterent, neque ququam hujusmodi munia publice, vel privatim obire auderet, ſine ejuſdem Reſtoris licentia in ſcriptis obtenta, omneſque etiam in prædictis, vel aliis quibuscumque facultatibus, etiam juris Canonici, & Civilis ad gradus Magiſterii, Doctoratus, laurea, licentiaturæ, vel Bacallaureatus promovendi ſimilem emitterent coram eodem Reſtore, vel perſonis ab eo deputandis fidei profeſſionem: idque etiam ſervaretur ab omnibus, & ſingulis Scholaſticis cujuſcumque facultatis, qui etiam in albo ipſius Reſtoris poſtea deſcriberentur, ſive immatricularentur, eique obedientiam debitam, etiam jure jurando interpoſito promitterent, nihilominus deinceps in alteram matriculam referrentur, Decani jurisprudentiæ ſi juri civili, vel canonico operam dare voluiſſent: qui hoc facere recuſarent, a munerum prædictorum functionibus, & graduum promotionibus, & numero Scholaſticorum, ac audiendis profeſſionibus arcerentur: quot annis feſto die Sancti Nicolai omnes Leſtores, Doctores, Scholaſtici, & Officiales Universitatis, etiam qui juri Canonico, vel Civili operam darent, ad ſolemnia ſacra Universitatis in Eccleſia Collegii prædictæ Societatis celebranda convenirent, ſimiliter & intereſſent ſupplicationibus, & proceſſionibus ſolem- nibus, quas bis, aut ter quot annis Reſtor, ſi ei videretur, indiceret, omneſque, ut illis intereſſent per Eccleſiaſticas cenſuras, & poenas, etiam pecuniarias per inobedientes eo ipſo incurrendas compellere poſſet. Idem Reſtor Collegii, & Universitatis omnes, & quoscumque Theologiæ, Philoſophiæ, & humanarum literarum dumtaxat Leſtores, Præceptores, Cancellarium, Decanum, Secretarios, Bidellos, ceteroſque Officiales, deputandi, & amovendi, quæque ad illorum regimen pertinerent, ordinandi, & diſponendi, corrigendi, mutandique, juxta ejuſdem Societatis ſtatuta, ut dictum eſt, plenam, & liberam haberet facultatem.

§.4. Inſuper ipſam Universitatem dicto Carolo Duci, & ejus in Ducatu Suceſſoribus commendans illum in Domino rogavit, ut inter ceteros labores, pericula, & curas, quæ pro deſenſione Catholicæ fidei af-

Ducibus Lo-  
tharingæ jus  
eligendi De-  
canum, &  
Profeſſores ju-  
riſprudentiæ.

R

ſidue



1585.

1585.

Et ad Decanum Officiales removere, & Lauream juris Canonici, & Civilis concedere.

Episcopis autem, Viridunen., ac Tullen. statuta condere, reformare &c.

Sublatis quibuscumque in contrarium obstantibus.

fidue fortiter subire non recusabat, ejusdem quoque Universitatis patrocinium, & protectionem, quam pie susceperat, quamque ei omnino auctoritate Apostolica concessit, continuare non dedignaretur, eidem Duci tunc, & pro tempore existenti Decano, & professores juris prudentiae pro tempore eligendi, & amovendi plenam auctoritatem tribuendo.

§.5. Ceterum voluit, ut ipse Decanus juris prudentiae, cum consilio aliorum Professorum libere posset omnes Officiales eidem facultati inservientes eligere, atque amovere, cui etiam Decano jurisprudentiae Professores omnes, atque Scholastici, & Officiales juris canonici, & civilis parerent, & obedirent, ac ab ipso regerentur, & ab eodem Decano jurisprudentiae ad gradus, & insignia juriscanonici, & civilis promoverentur, & promoti literas promotionum munitas ejusdem sigillo, in quo esset inscriptio hujusmodi: *Sigillum Decani jurisprudentiae Universitatis Mussipontan.*, ut moris erat, acciperent.

§.6. Praeterea Venerabilibus Fratribus Nostri, tunc suis Meten., & Viridunen. ac Tullen. Episcopis, seu tribus aliis personis in dignitate Ecclesiastica constitutis ab eodem Carolo Duce eligendis, eorumque cuilibet quoad facultatem jurisprudentiae, ac pro salubri directione Scholasticorum in ea incumbendum, quaecumque mutatione, correctione, emendatione, revocatione, ac etiam ex integro editione indigere cognovissent, reformandi, mutandi, corrigendi, & de novo condendi, condita Sacris Canonibus non repugnantia confirmandi, abusus quoscumque tollendi, ac quicquid statuissent, & ordinassent, utque ea ipsaeque in literis Apostolicis, si desuper confectae fuissent, statuta, & ordinata forent, perpetuo observari faciendi; Contradictores quoslibet, & rebelles per censuras, & poenas Ecclesiasticas, ac etiam pecuniarias, aliaque opportuna juris, & facti remedia, appellatione postposita, compescendi, legitimisque super his habendis servatis processibus censuras, & poenas ipsas incurrisse declarandi, ipsasque censuras, & poenas etiam iteratis vicibus aggravandi, ac interdictum Ecclesiasticum apponendi, auxiliumque brachii saecularis, ad ea si opus foret, invocandi, plenam simili auctoritate concessit potestatem.

§.7. Non obstantibus pia mem. Bonifacii Papae octavi etiam Praedecessoris nostri de una, & in Concilio Generali edita de duabus dietis, dummodo ultra tres dietas aliquis ad iudicium non traheretur, aliisque Apostolicis Constitutionibus, ac dictae Universitatis juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, Decano, & Professoribus, Scholasticis, Officialibus, & aliis praedictis, quomodolibet concessis, approbatis, & innovatis, quibus omnibus illis alias in suo robore permansuris, ea vice dumtaxat ad ef-

fectum praemissorum, specialiter, & expresse derogavit. Contrariis quibuscumque. Aut si aliquibus communiter, vel divisim ab eadem esset Sede indultum, quod interdici, suspendi, vel excommunicari non possent per literas Apostolicas non facientes plenam, & expressam, ac de verbo ad verbum, de indulto hujusmodi mentionem.

§.8. Ne autem de statuto, voluntate, cessione, & derogatione praedictis pro eo quod super illis ejusdem Gregorii Praedecessoris literae, ejus superveniente obitu confectae non fuerint, valeat quomodolibet haeritari, ipseque Rector, & alii praedicti illorum frustrantur effectu; volumus, & praedicta auctoritate similiter decernimus, quod statutum, voluntas, concessio, & derogatio Gregorii Praedecessoris hujusmodi perinde a dicta die Kal. Januarii suum fortiantur effectum, ac si super illis ejusdem Gregorii Praedecessoris literae sub ejusdem diei data confectae fuissent, prout superius enarratur. Quodque praesentes literae ad probandum plene statutum, voluntatem, concessionem, & derogationem Gregorii Praedecessoris hujusmodi ubique sufficiant, nec ad id probationis alterius adminiculum requiratur.

§.10. Nulli ergo omnino hominum &c. Datum Romae apud Sanctum Petrum, Anno Incarnationis Dominicae, millesimo quingentesimo octuagesimo quinto, Kalendis Maii, Pontificatus Nostri Anno I.

## IV.

Exemptiones, & gratiae Clericorum Regularium Congregationis S. Majoli alias de Somascha a Gregorio XIII. elargitae.

## SIXTUS EPISCOPUS

## SERVUS SERVORUM DEI

*Ad perpetuam rei memoriam.*

A Equum reputavimus, ac rationum consonum, ut ea, quae de Romani Pontificis providentia, praesertim in personarum ecclesiasticarum commodum processerunt, licet ejus superveniente obitu, literae Apostolicae desuper confectae, non fuerint suum sortitae effectum.

§.1. Dudum siquidem fel. rec. Gregorio Papa XIII. Praedecessori nostro pro parte dilectorum filiorum Praepositi, & Clericorum, aliarumque personarum Regularium Congregationis S. Majoli alias Somascha, sub Regula S. Augustini canonice institutae, & Apostolica auctoritate confirmatae supplicato, quatenus eos specialibus favoribus, & gratiis prosequi, de benignitate Apostolica dignaretur, praefatus Praedecessor, qui circa statum personarum quarumlibet divino cultui emancipatarum salubriter dirigendum paterna sollicitudine libenter prospiciebat, ac earum oppressiones, & gravamina

Sed cum Gregorii literae expeditae non fuerint, praedicta omnia confirmat Sixtus.

Clausula.

Dat. die 1. Maii 1585. An.I.

Exordium.

Gregor. XIII. Congregationi exemptione a jurisdictione & superioritate, ac visitatione Ordinariorum, aliorumque Judicum concessit.



mina relevabat, ut quibuscumque perturbationibus semotis, facilius valerent Altissimo suum exhibere famulatum, eosdem Præpositum, Clericos, & personas regulares specialis gratiæ favore prosequi volens, & a quibuscumque excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine, quavis occasione, vel causa latis, si quibus quomodolibet innodati existerent, ad effectum infrascriptorum dumtaxat consequendum, harum serie absolvens, & absolutos fore censens, hujusmodi supplicationibus inclinatus sub dat. 3. idus Martii, Pontificatus sui Anno XIII. omnes, & singulas dictæ Congregationis, Præpositum generalem, Superiores, Officiales, Presbyteros, Clericos, ceterasque personas professas, & non professas, necnon familiares, & ministros, cum omnibus, & singulis Ecclesiis, Oratoriis, Coemeteriis, Capellis, Domibus, Conventibus, mobilibus, & immobilibus, presentibus, & futuris bonis, ac juribus, & jurisdictionibus quibuscumque, ac rebus, tam sacris, & religiosis, quam profanis ad ipsam Congregationem spectantibus, & pertinentiis, ac ubicumque existentibus, quæ de presenti legitime possident, & in posterum, Deo juvante, canonice per eos acquiri contigerit, ab omni jurisdictione, dominio, potestate, superioritate, subiectione, visitatione, correctione quorumcumque Ordinariorum, quacumque dignitate, præminentia, & auctoritate fungentium, & aliorum Judicum ecclesiasticorum, & secularium, Apostolica auctoritate in perpetuum exemit, & liberavit, & sub sua, & Sedis Apostolicæ, ac Beati Petri protectione immediate recepit. Ipsique Præposito Generali, Clericis, & personis, ut iidem Ordinarii, & officiales, aut alii quicumque Judices, etiam ratione criminis, delicti, contractus, nullam in Præpositum, personas Congregationis, ac res, & bona præfata, jurisdictionem, potestatem, superioritatem, & dominium exercere possent.

§.2. Necnon quod omnes, & singuli ipsius Congregationis presbyteri regulares, a suis superioribus ad id specialiter approbati, eorumque licentia, vel consensu de super requisito, & obtento, possent in Ecclesiis propriis ipsius Congregationis, vel in aliis, etiam quibuscumque, de licentia illorum Superiorum, Missas celebrare, confessiones quorumcumque Christianorum, etiam alienæ Parochiæ subditorum audire, & sanctum Eucharistiæ Sacramentum ministrare, quibuscumque festivis, ac non festivis, ac Dominicis diebus, & omnibus temporibus, Paschatis dumtaxat exceptis, neque sub prætextu antiquæ consuetudinis, & ex eo quod Ecclesiæ, in quibus sacramenta hujusmodi ministrarent, & munera prædicta obirent, aut alio modo iis deservirent, subditæ essent alteri Ecclesiæ tamquam matri, aut cathedrali, seu titulari, vel alias, idcirco in aliquibus solemnitatibus, aut temporalibus juxta primum morem cleri-

*Bull. Rom. Tom. IV. Par. IV.*

corum deservientium in talibus ecclesiis subditis, ipsi Presbyteri, & Clerici regulares dictæ Congregationis majoribus hujusmodi Ecclesiis, vel locorum Ordinariis, & Episcopali, vel Archiepiscopali, aut majori dignitate fungentibus, etiam S. R. E. Cardinalibus, quocumque privilegio, & facultate suffultis, assistere, seu inservire, sive ullum personale servitium præstare, aut aliquo modo ministrare, neque ad funera defunctorum, nisi eorum, quos in Ecclesiis ipsius Congregationis sepellire contigerit, etiam vocati accedere tenerentur, neque ad id cogi, aut compelli ullo modo possent, de eadem auctoritate concessit, & indulgit.

§.3. Præterea universis, & singulis, qui in ipsa Congregatione professionem emiserant, vel emitterent, ne in posterum ad quemcumque alium Ordinem, vel Congregationem, etsi arctior in eo vigeret Regularis Observantia, (Fratrum Minorum Capuccinorum nuncupatorum, & Cartusianorum dumtaxat Ordinibus exceptis) nisi obtenta prius a Superiore dictæ Congregationis licentia, transire valerent, & in singulos transeuntes apostasiæ poenam, quam ipsos & illorum receptatores, etiam cujuscumque privilegii Apostolici prætextu, cui ad hunc effectum, idem Prædecessor specialiter, & expresse derogavit, excommunicationis sententiam, a qua non nisi per Roman. Pontif. pro tempore existentem absolvi possint, promulgavit.

§.4. Postremo omnibus, & quibuscumque personis professionem regularem in dicta Congregatione emissuris, in ipso professionis emissionis die, ut aliquem dictæ Congregationis presbyterum possent sibi eligere confessorem qui ipsos, confessione eorum audita, a quibuscumque excommunicationis, aliisque ecclesiasticis sententiis, censuris, & poenis, a jure, vel ab homine, & in quibus infordescerent, & declarati, ac publicati forent, etiam in casibus Sedi Apostolicæ reservatis, & in Bulla dictæ Cœnæ Domini legi solita contentis, facta prius debita satisfactione, & sine alicujus præjudicio, semel tantum injuncta salutari poenitentia, absolvere possent, facultatem concessit, & indulgit, ac cum eisdem super quacumque irregularitate ex quacumque causa (præterquam ex homicidio voluntario, ac bigamia) quomodolibet contracta, sive censuris præfatis ligati, Missas, & alia divina Officia, non tamen in contemptum clavium, celebrarent, vel alias divinis se miscerent, ita ut ea non obstante, nondum promoti, omnes, & singulos, etiam presbyteratus Ordines suscipere, & promoti in susceptis per eos Ordinibus hujusmodi, etiam in altaris ministerio ministrare libere, & licite valerent, eo ipso quod professionem emitterent, auctoritate præfata dispensavit.

§.5. Non obstantibus quibuscumque Constitutionibus, & Ordinationibus Apostolicis, ac in provincialibus, & synodalibus Conciliis editis, generalibus, vel specialibus,

Transitum ad alium etiam arctiorem Ordinem, præterquam Capuccinorum, & Cartusianorum, absque Superioris hujus Congregationis licentia interdixit.

Emittentibusque professionem concessit, ut ea die Confessorem eligerent, qui ipsos absolveret, & cum eis dispensaret &c.

Quibuscumque non obstantibus.

Licentiamque divina sacramenta omnibus Christianis delictis etiam alienæ parochiæ subditis omni præterquam Paschatis tempore ministrandi, & exemit etiam a servitiis Prælatorum ministrantium, & funeralium.



1585.

1585.

Hic modo Pö-  
rifex literas  
prædicti Gre-  
gorii XIII. ob  
ejus mortem  
non expedi-  
tas totaliter  
validat.

necnon quibuscumque decretis, etiam juramento, confirmatione Apostolica, vel quavis firmitate alia roboratis statutis, & consuetudinibus, ceterisque contrariis quibuscumque.

§.6. Ne autem de absolutione, exemptione, liberatione, receptione, singulis concessionibus, indultis, & dispensatione Gregorii Prædecessoris hujusmodi, pro eo quod super illis, ejus superveniente obitu literæ confectæ non fuerunt, valeat quomodolibet excitari, ipsique Præpositus Generalis, Clerici, & aliæ personæ Congregationis hujusmodi illorum frustrentur effectu, volumus, & similiter Apostolica auctoritate decernimus, quod absolutio, exemptio, liberatio, receptio, singulæ concessionibus, indulta, & dispensatio Gregorii Prædecessoris hujusmodi, perinde a dicta die Id. Martii suum sortiantur effectum, ac si super illis præfati Gregorii Prædecessoris literæ, sub ejusdem diei dat. confectæ fuissent, prout superius enarratur. Quodque præsentibus literæ ad probandum plene absolutionem, exemptionem, liberationem, receptionem, singulas concessionibus, indulta, & dispensationem Gregorii Prædecessoris hujusmodi ubique sufficiant, nec ad id probationis alterius adminiculum requiratur.

§.7. Nulli ergo omnino hominum liceat &c.

Datum Romæ apud S. Petrum, Anno Incarnationis Dominicæ, millesimo quingentesimo octuagesimo quinto, Kalen. Maii, Pontificatus nostri Anno Primo.

## V.

Jubilæi indictio, ad implorandum Dei auxilium, pro bono regimine Reipublicæ Christianæ.

## SIXTUS EPISCOPUS

SERVUS SERVORUM DEI

*Universis Christifidelibus presentes literas inspecturis, Salutem, & Apostolicam benedictionem.*

Virium nostrarum infirmitati pastoralis officii molem nuper impositam considerantes, non possumus susceptum tantæ administrationis munus non maxime formidare. De illius tamen benignitate non desperantes, qui operari dignatur in Nobis, non desinimus ejus auxilium implorare, eique mentis nostræ sensus, ne altius extollantur, humiliter subiicere; illud agnoscere, & vere confitentes, unius Dei clementiam, nullis præcedentibus meritis, nostri in imbecillitate nostra memorem, magna in Nobis fecisse mirabilia, quos tot, & tantis gratiarum donis cumulat honoris Principis Apostolorum admirabili dignatione voluit esse consortes. Quam tamen dignitatem, & potestatem, cum multæ graves curæ consequantur, valde sollicitamur, tum quod de collatis in Nos ma-

ximis beneficiis, quæ Dei benignitati referimus accepta, nullam dignam gratiam, quam ejus clementiæ persolvamus, nostra potest infantia reperire; tum etiam quod sub tanto pondere exiguas vires initio contremiscere, ac pene jam corruere sentimus, non tamen animo deficientes ad summam Dei bonitatem confugimus, fideliumque, & Deum timentium, quorum ipse (ut speramus) voluntatem faciet, orationes expectimus, quibus Omnipotenti Deo semper benedicendo, gratiisque misericordiæ ejus agendis adjuvemur, viribusque a coelesti rege ministratis, suffulta nostra infirmitas commissas Nobis curarum, & salutarium Reipublicæ Christianæ officiorum partes, orantis simul populi instantia promerente, valeat sustinere, opemque agitata, & ubique fere depressæ Catholicæ Religionis suppeditare, ne cum in altitudinem maris venerimus, tempestate demergamur, sed potius horribiles tot peccatorum flatus, & excitatas toto mari procellas discutientes, cum credito Nobis grege optatum cursum, & æternæ salutis portum teneamus.

§.1. Omnes igitur, & singulos utriusque sexus Christifideles ubicumque existentes monemus, ac in Domino requirimus, ut qui in hac Alma Urbe sunt, proxime sequenti hebdomada, aut altera protinus post eam item sequenti; qui vero extra Urbem degunt cum primum harum notitiam habuerint, prima, aut secunda itidem immediate sequenti, hebdomada, conscientia sua diligenti prius examinatione discussa, peccata sua omnia humili, & contrito corde confiteantur, & ante Festum Pentecostes ejusdem hebdomadæ quarta, & sexta feria, & Sabbato (cum hoc tempore jejunia non indicantur) eleemosynas erogent, piaque earum largitione, quantum pro sua cuique facultate visum fuerit, Christi pauperum, egestatem, & inopiam sublevent, orationibusque a Deo impetrare studeant, ut Nobis lumen suum ostendat, pares tanto oneri vires præbeat, omnesque actiones nostras dirigat, ac hostium Ecclesiæ suæ conatus infringat. Die vero Dominica, quæ dictas eleemosynas, atque orationes proxime sequetur, Sacrosanctam Eucharistiam devote accipiant. Ita, ut qui post Festum Pentecostes voluerint infra dicendæ Indulgentiæ beneficio frui, dictis tribus diebus præter orationes, & eleemosynas, etiam jejunare teneantur. Et nihilominus, ut Deum magis propitium Nobis, & populo Christiano reddere, ipsique quantum nostræ tenuitati conceditur, gratias agere valeamus, & ad tantum onus sustinendum vires impetremus. Nos ipsi supplicationes, processionesque una cum Venerabilibus Fratribus nostris Sanctæ Romanæ Ecclesiæ Cardinalibus, omnibusque Prælatibus, & Romanæ Curie Magistratibus, die Lunæ, qui erit 27. dies presentis mensis Maii ab Ecclesiâ S. Mariæ in Aracoeli, usque ad Basilicam S. Mariæ Majoris habere, atque incedere statuimus. Ceterum ut fideles ipsi ad hæc omnia peragenda magis idonei efficiantur, de tradita nobis a

Domi-

Forma con-  
sequendi Jubi-  
læum.

Sanctionem-  
que penalem  
apposit.

Dat. P. An.I.  
1. Maii.

Causæ indi-  
ctionis hujus  
Jubilæi.



Domino potestatis plenitudine Ecclesiæ thesauros, quorum divina favente clementia, dispensatores effecti sumus, copiose, ac benigne aperientes, omnibus Christifidelibus supradictis, ut hac vice tantum Confessores idoneos Presbyteros, sæculares, vel cujuscunque Ordinis Regulares, ab Ordinariis tamen approbatos eligere, qui eorum Confessionibus diligenter auditis, eos a quibuscunque peccatis, criminibus, excessibus, & delictis quantumcumque gravibus, & enormibus, etiam in casibus Sedi Apostolicæ reservatis, ac in literis die Cœnæ Domini quotannis legi solitis contentis, in foro conscientie dumtaxat, ac etiam a sententiis, censuris, & poenis Ecclesiasticis per eos quomodolibet incurfis, inuncta inde eis pro culpæ modo poenitentia salutariter absolvere, ac quæcumque per eos emissa vota (præterquam castitatis, & religionis) in alia pietatis opera commutare valeant, per præsentem concedimus.

Jubilæi concessio.

§.2. Nos enim omnibus, qui præmissa devote adimpleverint, de ejusdem Omnipotentis Dei misericordia, ac Beatorum Petri, & Pauli Apostolorum ejus auctoritate confisi, plenissimam omnium peccatorum remissionem, ac eandem, quæ Christifidelibus Anno Jubilæi hujus Almæ Urbis Ecclesias, & extra eam deputatas statutis diebus devote visitantibus concessa est, misericorditer in Domino elargimur, eos quoque, qui morbo, vel aliquo alio impedimento detenti præmissa adimplere nequiverint, si alia pia opera fecerint, in quæ arbitrio suorum Confessorum (quibus super hoc facultatem impartimur) commutata fuerint, ac etiam illos, qui in itinere fuerint, si cum primum iter perfecerint, præmissa exequi studuerint, ipsius Indulgentiæ, & doni, ac aliorum prædictorum participes fieri volumus.

Jussio publicandi ubique d. Jubilæum.

§.3. Præcipientes universis, & singulis Patriarchis, Archiepiscopis, Episcopis, & quibuscunque aliis Ecclesiarum Prælati, & locorum Ordinariis, ut statim cum præsentem literas, seu earum transumptum authenticum, etiam impressum ad eos deferri contigerit, solemnes Processiones tribus diebus, scilicet quarta, & sexta feriis, ac Sabbato prædictis, juxta locorum opportunitatem ad effectum præmissorum indicant, & celebrent, ac easdem præsentem, seu earum transumptum per suas quisque Provincias, Civitates, & Dioceses sine ulla fraude, aut lucro publicent, & per Ecclesiarum Rectores publicari faciant.

Derogatio contrariorum

§.4. Non obstantibus Constitutionibus, & Ordinationibus Apostolicis, ceterisque contrariis quibuscunque.

Fides exemplorum.

§.5. Quia vero præsentem ad omnia loca, quibus illis opus esset, præferri nequeunt, decernimus, ut illarum transumptis, &c.

Dat. P. An.I. 25. Maii.

Datum Romæ apud Sanctum Petrum, Anno Incarnationis Dominicæ, millesimo quingentesimo octuagesimo quinto, octavo Kalendas Junii, Pontificatus nostri Anno primo.

VI.

Revocatio exemptionum omnium, ab onerum Cameralium solutione, quibuscunque personis, quomodolibet concessarum.

SIXTUS EPISCOPUS

SERVUS SERVORUM DEI

Ad perpetuam rei memoriam.

Inter varias curas, quæ ex Pastoralis officii ministerio Nobis incumbunt, illa potissimum animum nostrum pulsat, atque perturbat, ut Nobis, & Romanæ Ecclesiæ subditi, præsertim, pauperes, prætextu exemptionum, aliarumque similium gratiarum a Sede Apostolica concessarum, nullatenus graventur, neque id totum, quod a potentioribus, & majores facultates habentibus eximitur, in pauperiorum caput, eorumque damnum, & præjudicium accrescat.

Causa hujus revocationis.

§.1. Unde ex his, & aliis rationabilibus causis adducti ac nonnullorum Romanorum Pontificum Prædecessorum nostrorum vestigiis inherentes, Motu proprio, & ex certa nostra scientia, ac de Apostolicæ potestatis plenitudine, omnes, & singulas exemptiones, concessionem, gratias, & immunitates a solutione omnium, & singulorum datiorum, pedagiorum, gabellarum, collectarum, impositionum, & quorumlibet aliorum onerum personalium, mixtorum, ordinariarum, & extraordinariarum, solitorum, & insolitorum, aliarumque exactionum etiam Cameralium, quibuscunque Communitatibus, Universitatibus, Civitatibus, Terris, Oppidis, & locis Status nostri Ecclesiastici, ac etiam quibuscunque Feudatariis, Censuariis, Dominis locorum, Baronibus, Comitibus, seu quorumcumque nomine nuncupatis, & quacumque etiam Ducali, vel alia dignitate, & auctoritate, seu etiam Cardinalatus honore fulgentibus, qui Castra, & Jurisdictiones infra limites dictionis Ecclesiasticæ possident, etiam qui nihil ratione Castorum, & Jurisdictionis hujusmodi Sedi Apostolicæ annuatim, seu alias persolvunt, & tam incolis quam extraneis atque forensibus bona stabilia, seu mobilia, vel se moventia habentibus, & tenentibus, seu possidentibus, omniumque supradictorum Colonis, & laboratoribus, per Prædecessores nostros, & Sedem Apostolicam, ejusque etiam de latere Legatos, seu Vicelegatos, & Cameram Apostolicam, ejusque Præsidentes, ac alias quomodocumque sub quibuscunque formis, & verborum expressionibus etiam Motu, scientia, & potestatis plenitudine similibus (præterquam ob susceptionem liberorum juxta juris dispositionem, & ob causam vere effectualis, & congrue exbursationis pecuniarum, seu ex aliis causis per Nos cognoscendis, & approbandis) perpetuo, seu ad certum tempus concessas, ac etiam pluries confirmatas, eorum omnium tenores, ac si de verbo ad verbum infererentur præsentibus, pro expressis habentes, Apostolica auctoritate tenore præsentium perpetuo cassamus, revocamus, & annul-

Revocatio quarumcumque exemptionum, a solutione onerum Cameralium, exceptis hic enunciatis.



Declaratio,  
quod a Data  
presentium re-  
vocatio affi-  
ciat.

annullamus, ac viribus omnino evacua-  
mus, illasque pro cassis, nullis, irritis, & re-  
vocatis, ac penitus infectis haberi vo-  
lumus.

§.2. Necnon exemptiones, cessiones,  
gratias, & immunitates prædictas, nulli  
penitus, nec in petitorio, nec in possessio-  
rio suffragari posse, sed prædictos omnes  
exemptos ad omnium, & singulorum præ-  
dictorum onerum impositionem, ac gabel-  
larum solutionem, & contributionem,  
perinde ac si exemptiones prædictæ eis con-  
cessæ non fuissent, pro rata ipsos tangente a  
datum præsentium decurrenda, realiter,  
& cum effectu contribuere, eorumque bo-  
na accatastari, allibrari, describi, seu an-  
notari facere quamprimum debeant, & te-  
neantur, etiam perpetuo statuimus, & de-  
claramus.

Confirmatio  
Bullæ Pii V.,  
& aliorum  
Pontificum.

§.3. Ac omnes, & quascunque, tam  
per fel. rec. Pium V. quam alios Romanos  
Pontifices Prædecessores nostros, super  
præmissorum revocatione quomodolibet  
editas Constitutiones similiter perpetuo  
confirmamus, approbamus, & innovamus.

Lites quascu-  
que de super  
ortas extin-  
guat.

§.4. Et insuper quascunque lites, &  
causas super præmissis, & eorum occasio-  
ne ubilibet motas atque pendentes, illa-  
rum status, & merita, nominaque, & co-  
gnomina Judicum, & collitigantium etiam  
præsentibus pro plene, & sufficienter expres-  
sis habentes, ad Nos harum serie advoca-  
mus, litesque hujusmodi penitus extingui-  
mus, & annullamus, ac pro extinctis, &  
annullatis haberi volumus.

Sic, & non  
aliter judicari  
mandat.

§.5. Sicque per quoscunque Judices  
etiam Commissarios, quavis auctoritate  
fungentes, etiam dictæ Camera Clericos,  
& causarum Palatii Apostolici Auditores,  
ac S. R. E. Cardinales, sublata eis, & eo-  
rum cuilibet quavis aliter judicandi, & in-  
terpretandi facultate, judicari, & definiri  
debere, irritum quoque, & inane quic-  
quid secus super his a quoquam quavis au-  
thoritate, scienter vel ignoranter contige-  
rit attentari decernimus.

Executores  
deputat.

§.6. Quocirca dilecto Filio Nostro Phi-  
lippo S. Angeli in Foro piscium, Diacono  
Cardinali Vastavillano nuncupato, mo-  
derno, & pro tempore existenti, nostro,  
& ipsius Romanæ Ecclesiæ Camerario, per  
Apostolica scripta mandamus, quatenus  
per se, vel alium, seu alios ejus nomine,  
præter Ordinariam sui Camerariatus Officii  
Jurisdictionem, omnes, & quoscunque  
supradictos exemptos, per censuras Eccle-  
siasticas, ac etiam privationis feudorum,  
& inhabilitatis ad illa, aliasque etiam pec-  
uniarias poenas, ad realem, & actualem  
cujusvis summæ, tam hæcenus debitæ  
quam debendæ solutionem juxta taxas hæ-  
cenus impositas cogat, & compellat; ac  
pro faciliiori exactione, & satisfactione  
consequenda eidem Philippo Cardinali, &  
pro tempore existenti Camerario quoscum-  
que, quatenus opus fuerit, citandi, & etiam  
ad personaliter comparandum monendi,  
etiam per edictum publicum, constito  
summarie, & extrajudicialiter de non tuto

accessu, necnon quoscunque inobedientes,  
& rebelles, censuras, & poenas commi-  
natas incidisse, & incurrisse servata forma  
Concilii Tridentini, declarandi, aggra-  
vandi, reaggravandi, & interpretandi, au-  
xiliumque brachii secularis invocandi, &  
relaxandi, aliasque omnia, & singula fa-  
ciendi, quæ in præmissis, & circa ea neces-  
saria fuerint, seu alias quomodolibet op-  
portuna, plenam tenore præsentium conce-  
dimus facultatem.

§.7. Non obstantibus Constitutionibus, &  
Ordinationibus Apostolicis, ac pia  
mem. Bonifacii Papæ VIII. etiam Præde-  
cessoris nostri de una, & Concilii genera-  
lis de duabus dietis, necnon quibuscunque im-  
munitatibus, exemptionibus, aliisque præ-  
missis, ac aliqua possessione, vel forsan  
usurpatione de non solvendo, & contri-  
buendo, necnon nostra de non tollendo Ju-  
re quæsito aliisque Cancellariæ Apostolicæ  
regulis; privilegiis quoque, indultis, & li-  
teris Apostolicis, quibuscunque personis, in  
genere vel in specie, sub quibuscunque te-  
noribus, & formis, ac cum quibuscunque etiam  
derogatoriis derogatoriis, aliisque clau-  
sulis, & decretis, sub quibuscunque ver-  
borum formis, & tenoribus etiam Motu si-  
mili, ac alias in contrarium præmissorum  
quomodolibet concessis, confirmatis, &  
innovatis. Quibus omnibus, etiam si de  
illis, eorumque totis tenoribus specialis, spe-  
cifica, expressa, & individua, ac de ver-  
bo ad verbum, non autem per clausulas  
generales idem importantes, mentio, seu  
quævis alia expressio habenda esset, illor-  
um tenores præsentibus pro sufficienter  
expressis habentes, Motu, scientia, &  
potestatis plenitudine similibus specialiter,  
& expresse harum serie derogamus. Aut si  
aliquibus, communiter, vel divisim a præ-  
dicta sit Sede indultum, quod interdici, su-  
spendi, vel excommunicari non possint per  
litteras Apostolicas non facientes plenam  
& expressam, ac de verbo ad verbum,  
de indulto hujusmodi mentionem.

Nulli ergo omnino hominum, &c.

Datum Romæ apud Sanctum Petrum, Dat. P. An.I.  
Anno Incarnationis Dominicæ, millesimo 29. Junii.  
quingentesimo octuagesimo quinto, tertio  
Kalendas Julii, Pontificatus nostri Anno I.

## VII.

Prohibitio alienandi per subditos Status Ec-  
clesiastici, in non subditos, & forenses,  
bona in eo existentia, aut fortalitia, &  
castra, absque Sedis Apostolicæ licentia.

## SIXTUS EPISCOPUS

SERVUS SERVORUM DEI

Ad perpetuam rei memoriam.

Solicitude, paternusque affectus, quo Exordium.  
Sedis Apostolicæ subditos prosequimur,  
Nos inducunt, ut ea diligenti cura prospiciamus,  
quæ ad illorum conservationem, statusque Ecclesiæ utilitatem, & commo-  
dum pertinent.

§.1. Acce-



§.1. Accēpimus siquidem, quod in diversis Civitatibus, Terris, Oppidis, & Castris, Nobis, & dictæ Sedis temporali ditioni subjectis extant statuta prohibentia, res, ac bona stabilia in forenses, & non subditos alienari. Nihilominus nonnulli Cives, & Incolæ Civitatum, Terrarum, Castrorum, & locorum hujusmodi bona stabilia aliis personis extraneis vendere, & alienare præsumunt in maximum præjudicium, & damnum Civium, & Incolarum prædictorum.

§.2. Quocirca Nos considerantes quantum statuta præfata utilia, & favorabilia sint, quantumque Reipublicæ intersit dicta bona in illius Cives, & habitatores conservari, Motu proprio, non ad alicujus Nobis super hoc oblata petitionis instantiam, sed de nostra mera deliberatione, & certa scientia, statuta hujusmodi, etiam si non sint in usu, Apostolica auctoritate tenore præsentium de cetero observari mandamus.

§.3. Et nihilominus, quod perpetuis futuris temporibus, Universitates, Civitates, Collegia, Feudatarii quicumque, ac personæ cujusvis status, gradus, ordinis, qualitatis, & conditionis existant, etiam si Imperiali, Regali, Ducali, vel alia quavis auctoritate, & dignitate, etiam Ecclesiastica, quæ specialem, & individuum mentionem requireret, præditi sint, nullatenus sine nostra, & Sedis prædictæ licentia, audeant, seu præsumant Civitates, Oppida, Castra, feuda, Jurisdictiones, ac bona quæcumque stabilia, vel immobilia in dicto Statu Ecclesiastico existentia cujuscumque qualitatis, quantitatis, & valoris per eos, nunc, & pro tempore possessa vendere, permutare, ultra triennium locare, in emphyteusim, feudum, livellum, pignus, seu precarium concedere, in aliquam Communitatem, Universitatem, Collegium, vel personam extraneam, seu forensē, quæ Nobis, & dictæ Sedi ratione temporalis jurisdictionis, status nostri subditi, & supposita non sit, vel quæ domicilium legitime non contraxerit in dicto nostro statu, cujuscumque dignitatis, status, gradus, conditionis, & qualitatis existat, etiam si, ut præfertur, Imperiali, Regali, Ducali, vel alia quavis auctoritate, & dignitate, etiam Ecclesiastica, quæ specialem, & individuum mentionem requireret, prædictus sit.

§.4. Insuper quia decens, & conveniens existit, quod si vendantur, vel permutentur, seu etiam donentur Civitates, Castra, & Oppida, multo magis fortalitia, id ad notitiam Principis deducatur, & præsertim si feuda, & jurisdictiones feudales, ea omnia, nec in exteros, nec in alios quoscumque nisi de expressa præcedente nostra, & pro tempore existentis Romani Pontificis eadem supradicta licentia, vendi, permutari, vel donari valeant.

§.5. Neque etiam extraneus, aut subditus originarius, bona hujusmodi in dicto statu habens, & in eo habitans, si ab illo discedat amplius, ad ipsum non reversurus, il-

la retinere possit, sed intra biennium, ex quo ipse demigraverit, ea vendere, seu pro aliis extra dictum statum existentibus permutare, aut alias transferre in alium, immediate subjectum teneatur, auctoritate, & tenore præsentium, de venerabilium Fratrum nostrorum S. R. E. Cardinalium consilio, perpetuo statuimus, & ordinamus.

§.6. Licitum tamen erit omni dicti status habitatori, sive extraneo, sive subdito, de bonis suis in eodem statu positis, vel in consanguineos, vel in alios de dicto statu non existentes, quocumque alio, quam venditionis, seu permutationis, vel donationis titulo disponere, ac suis, etiam ab intestato hæredibus pariter licebit in illis succedere; qui tamen intra triennium, vel in eodem statu habitatum veniant, vel bona ipsa in alium, seu alios habitatores, & subditos, ut præfertur, transferant. Quod etiam illis extraneis, ad quos bona hujusmodi ex quibuscumque aliis, quam venditionis, seu permutationis, aut donationis hujusmodi causis pervenerint, illave acquisiverint, censeatur permissum.

§.7. Bonorum autem præfatorum appellatione, neque census, neque portiones, seu loca montium, nec mulierum dotes, sed neque Urbem nostram, quæ communis patria est, cum ejus decem passuum millia circuitu, volumus comprehendere; filii tamen, & hæredes dictarum mulierum soluto matrimonio, si extranei fuerint, aut in eodem statu ad habitandum, aut vendendum, seu permutandum, ut dictum est, sint adstricti.

§.8. Decernentes, Communitates, Universitates, Collegia, vel personas extraneas, seu forenses hujusmodi ad dictorum bonorum pro tempore contra earundem præsentium tenorem alienatorum acquisitiones omnino inhabiles; necnon quoscumque contractus, venditiones, & alienationes contra hujusmodi prohibitionem quocumque modo, vel causa pro tempore faciendas, nullas, & invalidas existere, nullumque jus per eas emptoribus attributum esse, seu tribui posse. Necnon omnes scripturas desuper conficiendas, ac inde secuta quæcumque nullius roboris, vel momenti esse, nec ex illis audiri, agi, & excipi posse, in judicio, vel extra, ipsaque bona alienata ad eos, ad quos de jure pervenire debent, spectare, & pertinere.

§.9. Sicque per S. R. E. Cardinales, etiam Legatos, ac Vicelegatos, necnon Sacri Palatii Apostolici Auditores, Gubernatores, seu illorum Locateneutes, aliosque Judices, & Commissarios, quavis auctoritate fungentes, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere, necnon irritum, & inane, quicquid secus super his a quoquam quavis auctoritate scienter, vel ignoranter contigerit attentari.

§.10. Mandantes eisdem Legatis, Vicelegatis, Gubernatoribus, ac Judicibus, nunc, & pro tempore in toto statu prædicto exi-

Declaratio  
circa supradictas prohibi-  
tiones.

Declaratio  
bonorum, ut  
supra alienari  
prohibitorum

Contraveniē-  
tium poenæ,  
& contractuum  
annullatio.

Clausula  
sublata, &  
Decretum ir-  
ritans.

Præceptum  
de observan-  
tia hujus Cō-  
stitutionis.

Confirmatio  
Statutorum  
prohibentium  
alienationem  
bonorum in  
non subditos.

Prohibitio  
alienandi bo-  
na in Statu Ec-  
clesiastico exi-  
stentia, aliis,  
quam Vassal-  
lis, absque  
Sedis Apost.  
licentia.

Prohibitio  
alienandi Ca-  
stra, & fortal-  
itia, etiā Vas-  
sallis, absque  
simili licen-  
tia.

Præceptum,  
quod non re-  
versuri ad Sta-  
tum Ecclesia-  
sticum illa  
vendant infra  
biennium.



existentibus, & eorum cuilibet, ut statutum, & ordinationem, & alia præmissa perpetuo ab omnibus, ad quos spectat, & pro tempore spectabit, per censuras Ecclesiasticas, & alia eis benevisâ remedia observari faciant, & mandent.

Clausula derogatoria.

§.II. Non obstantibus nostris de non tollendo jure quæsito, aliisque Apostolicis Constitutionibus, nec non Civitatum, Oppidorum, Terrarum, & Locorum prædictorum statutis, & consuetudinibus, etiam juramento, confirmatione Apostolica, vel quacumque alia firmitate munitis, ac etiam immemorabili, & quantocumque tempore pacifice observatis, necnon civilitatibus, Civitatumque juribus, privilegiis, exemptionibus, & indultis Apostolicis, illis, eorumque Dominis prædictis, ac quibuscumque aliis per quoscumque Romanos Pontifices ac Nos, & dictam Sedem quomodocumque, & quotiescumque concessis, confirmatis, & innovatis, quæ omnia, illorum tenores præsentibus pro plene, & sufficienter expressis habentes, omnino tollimus, & abrogamus, ceterisque contrariis quibuscumque.

Forma, & effectus publicandi hanc Constitutionem.

§.12. Volumus autem easdem præsentibus, quoniam in Consistorio nostro, & de consilio prædicto promulgata sunt, a die datæ ipsarum quoscumque, tam præsentibus quam absentes, & ubicumque etiam extra dictum statum existentes perinde obligare, ac si cuique singulatim intimata fuissent. Et nihilominus ut illæ amplius innotescant, mandamus eas valvis Ecclesiæ Sancti Joannis Lateranensis, & Basilicæ Principis Apostolorum de Urbe, aliisque locis consuetis appendi, & in libris dictæ Cameræ describi. Ac etiam volumus, ut ipsarum exempla, etiam impressa edantur, eaque Notarii publici manu, & sigillo cujuscumque Curie, Ecclesiæ, aut personæ in dignitate Ecclesiastica constitutæ obsignata, eam ipsam prorsus fidem ubique locorum, in judicio, & extra illud faciant, quam ipsæ præsentibus facerent, si essent exhibitæ, vel ostensæ.

Sanctio per-nalis.  
Dat. P. An. I.  
1. Julii.

§.12. Nulli ergo omnino hominum &c.  
Datum Romæ apud S. Marcum, Anno Incarnationis Dominicæ, millesimo quingentesimo octuagesimo quinto, Kal. Junii, Pontificatus nostri Anno I.

Papæ subscr.

✠ Ego Sixtus Catholica Ecclesiæ Episcopus.

*Sequuntur Cardinalium subscriptiones.*

VIII.

Quod Clerici Regulares Congregationis S. Pauli Decollati, ad processiones, & actus publicos accedere non cogantur, ex indulto Gregorii XIII.

*Hujus Congregationis institutionem, & cetera quæ eam concernunt, vide in Clem. VII. Const. XLV. Vota fol. 103. Tom. IV. Par. I.*

SIXTUS EPISCOPUS  
SERVUS SERVORUM DEI

*Ad perpetuam rei memoriam.*

Exordium.

Rationi congruit, & convenit honestati, ut ea, quæ de Romani Pontificis

gratia processerunt, licet ejus superveniente obitu, literæ Apostolicæ desuper confectæ non fuerint, suum sortiantur effectum.

§.I. Dudum siquidem per fel. rec. Gregorium Papam XIII. Prædecessorem nostrum accepto quod licet dilecti filii, Clerici, Presbyteri, Superiores, & personæ Congregationis Clericorum Regularium, Sancti Pauli Decollati, a quinquaginta annis, vel circa, auctoritate Apostolica institutæ, a principio institutionis Congregationis hujusmodi, ut juxta pium eorum institutum, a quibuscumque occupationibus expediti, animarum saluti libere consulerent & invigilarent, ad publicas processiones, quæ in Civitatibus, & locis, in quibus ipsa Congregatio propagata erat, fiebant, & celebrabantur, ac ab Ordinariis locorum indicebantur, convenire non consuevissent, attamen bonæ memoriæ Carolus tituli S. Prædix Presbyter Cardinalis Borromæus nuncupatus, Ecclesiæ Mediolanensis ex dispensatione Apostolica Præsul, S. Barnabæ Mediolanen., & Beata Mariæ Virginis Corobioli nuncupati Oppidi Modoetia Mediolanen. Diocesis domorum dictæ Congregationis Clericos, Presbyteros, Superiores, & personas ad processiones hujusmodi comitandum induxerat, cui ipsi Clerici, Presbyteri, Superiores, & personæ ob singularem observantiam, qua eum prosequerantur, obtemperaverant, quibus quoque idem Carolus Cardinalis locum in hujusmodi processionibus post omnes quorumvis Ordinum Regulares constituerat, quod Canonici Regulares se agre molesteque ferre cum plurimis protestationibus significarent, prout tunc temporis prædicto Carolo Cardinale, sicut Domino placuerat, vita functo, id pati nullatenus se velle profitebantur. Idcirco cum eorumdem Clericorum, Presbyterorum, Superiorum, & personarum institutioni non conveniret, ad similes processiones accedere, ne quæ propria erant eorum instituti, prætermittere cogerentur, idem Prædecessor ex incumbenti sibi Apostolicæ sollicitudinis studio, circa statum personarum Ecclesiasticarum quarumlibet divino cultui emancipatarum salubriter dirigendum, libenter prospiciens, & intendens, ac earum quas suavi Religionis jugo noverat esse suppositas, ut quibuslibet perturbationibus semotis, facilius valerent suum Altissimo exhibere famulatum, oppressiones, & gravamina relevans, Inecnon quæcumque scandala, quæ præcedenti causa inter Clericos, Presbyteros, Superiores, ac personas, necnon Canonicos Regulares hujusmodi, ac forsan alios intercedere possent, tollere volens, ac Congregationem, illiusque Clericos, Presbyteros, Superiores, & personas hujusmodi eorumque singulos, a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine, quavis occasione, vel causa latis, si quibus quomodolibet innodati existant, ad effectum dumtaxat infracriptorum consequen. absolven., & ab-

Gregor. XIII. ex causis hic expressis, concessit huic Congregationi, ne ejus Clerici ad processiones, & ejusmodi actus publicos invitati accedere cogantur.



& absolutos fore censens, sub datis videlicet Idib. Martii, Pontificatus sui anno ter-  
tiodecimo, Motu proprio, non ad Congregationis, illiusque Clericorum, Presbyterorum, Superiorum, & personarum prædictorum, vel aliorum pro eis ipsi Prædecessori super eo oblata petitionis instantiam, sed de sua mera liberalitate, Congregationi, necnon Clericis, Presbyteris, Superioribus, & personis prædictis, quod ex tunc de cetero perpetuis futuris temporibus, quibuscumque processibus, & aliis quibuscumque actibus publicis quocumque tempore, de more, vel consuetudine, aut alias pro tempore fiendis, & celebrandis, ac ab Ordinariis prædictis indicendis, interesse minime tenerentur, nec ad id ubique locorum per quoscumque Ordinarios, aliasque personas inviti cogi, & compelli possent, Apostolica auctoritate prædicta perpetuo concessit, & indulgit, ac quicquid secus super his a quoquam quavis auctoritate scienter, vel ignoranter attentari contigerit, irritum, & inane decrevit.

Obstantibus  
que derogavit.

§.2. Non obstantibus piæ memoriæ Bonifacii Papæ VIII., etiam Prædecessoris nostri, qua cavetur, ne quis extra suam Civitatem, vel Dioecesim, nisi in certis inibi expressis casibus, & in illis ultra unam dietam ad iudicium extrahatur, seu ne Iudices a Sede Apostolica deputati extra Civitatem, vel Dioecesim, in quibus deputati fuerint, contra quoscumque procedere, aut alii, vel aliis vices suas committere præsumant, & de duabus dietis in Concilio generali edita, dummodo ultra tres dietas aliquis auctoritate præsentium ad iudicium non trahatur, necnon quibusvis Apostolicis, ac in provincialibus, & synodalibus Conciliis editis, specialibus, & generalibus Constitutionibus, & Ordinationibus, contrariis quibuscumque, aut si aliquibus communiter, vel divisim ab eadem esset Sede indultum, quod interdicti, suspendi, vel excommunicari non possint per literas Apostolicas, non facientes plenam, & expressam, ac de verbo ad verbum de indulto huiusmodi mentionem.

Hic Pontifex  
literas Gregorii XIII. ejus  
superveniente obitu non expeditas, validas, & servari mandat.

§.3. Ne autem de absolutione, concessione, indulto, & decreto prædictis, pro eo quod super illis ipsius Gregorii Prædecessoris, ejus superveniente obitu, literæ confectæ non fuerunt, valeat quomodolibet hæsitari, ac Congregatio, necnon, etiam Clerici, Presbyteri, Superiores, & personæ huiusmodi illarum frustrentur effectu, volumus, & similiter Apostolica auctoritate decernimus, quod absolutio, concessio, indultum, & decretum Gregorii Prædecessoris huiusmodi, perinde a dicta die Id. Martii suum sortiantur effectum, ac si super illis ipsius Gregorii Prædec. literæ, sub ejusdem diei data confectæ fuissent, prout superius enarratur. Quodque præsentis literæ ad probandum plene absolutionem, concessionem, indultum, & decretum huiusmodi, ubique sufficiant, nec ad id probationis alterius adminiculum requiratur.

Executores  
que deputat.

§.4. Quocirca dilectis filiis Archiepiscopo  
*Bull. Rom. Tom. IV. Par. IV.*

shytero Ecclesiæ Mediolanen., & Vicariis Venerabilium fratrum nostrorum Papien., ac Lauden. Episcoporum in spiritualibus generalibus, per Apostolica scripta mandamus Motu simili, quatenus ipsi, vel duo, aut unus eorum, per se, vel alium, seu alios easdem præsentis literas, & in eis contenta quæcumque, ubi, & quando opus fuerit, & quoties pro parte Congregationis, & Clericorum, Presbyterorum, Superiorum, & personarum prædictarum, aut pro eis agentium fuerint requisiti, solemniter publicantes, illisque in præmissis efficacis defensionis præsidio assistentes, faciant auctoritate nostra, Congregationem, ac Clericos, Presbyteros, Superiores, & personas, necnon pro eis agentes, prædictis concessione, indulto, & decreto, aliisque præmissis juxta earumdem præsentium continentiam, & tenorem pacifice frui, & gaudere, non permittentes eos, aut eorum aliquem desuper per quoscumque quomodolibet indebite molestari, perturbari, aut impediri. Contradictores quoslibet, & rebelles, per sententias, censuras, & poenas ecclesiasticas, aliaque opportuna juris, & facti remedia, appellatione postposita, compescendo, ac legitimis super his habendis servatis processibus, illos sententias, censuras, & poenas huiusmodi incurrisse declarando, ac easdem censuras, & poenas, etiam iteratis vicibus aggravando, & interdictum ecclesiasticum apponendo, invocato etiam ad hoc, si opus fuerit, auxilio brachii sæcularis, non obstantibus omnibus supradictis.

§.5. Nulli ergo omnino hominum liceat hanc paginam &c. Si quis autem hoc attentare præsumpserit, indignationem Omnipotentis Dei, ac beatorum &c.

Sanctio poenalis.

Datum Romæ apud S. Petrum, Anno Incarnationis Dominicæ, millesimo quingentesimo octuagesimo quinto, Kal. Maii, Pontificatus nostri Anno I.

Dat. P. An. I.  
1. Maii.

## IX.

Innovatio omnium Constitutionum a Romanis Pontificibus hætenus editarum, contra exules, bannitos, aliosque facinorosos homines, eorumque receptatores, & fautores; & multarum impositio poenarum in eisdem, necnon contra Communitates, & alios, sua territoria ejusmodi scelestis hominibus expurgata non custodientes.

*Quo ad primam partem, extat in hoc opere*  
*Const. X. Pii II. Ad retinendas. T. III. P. III. fol. 110. Const. IV. Pauli II. Viros. ibidem. fol. 120. Const. XVII. Innocentii VIII. Licet ea. ibidem. fol. 219. Const. VIII. Julii II. Cum homines. ibidem. fol. 269. Const. XXXIX. Leonis X. Omnes. ibidem. fol. 472. Const. IX. Clementis VII. In Sancta. Tom. IV. Par. I. fol. 44. Const. XXII. Julii III. Cum Civitates. Ibidem fol. 297. & Const. XXXV. Cum sicut. Ibidem. fol. 312.*



fol.312. Et extat etiam Pii IV. Constit. XXXII. In eminenti. Tom. IV. Par. II. fol.66. Pii V. Const. XIV. Et superna. Ibid. fol.295., & Gregorii XIII. Const. CXXII. Tanta. Tom. IV. Part. III. fol.451. Quo vero ad secundam partem, contra non custodientes eorum territoria, habes in Constit. I. Julii II. Quia. Tom. III. Par. III. fol.259., & Const. XXXI. Leonis X. Romani. ibid. fol.464. necnon Const. XXXII. Pii IV. In eminenti. Tom. IV. Par. II. fol.66., & Const. XIV. Pii V. sup. jam citatas. Præterea adversus ejusmodi perfidos homines, omnesque vindictam transversalem sumentes, Paulus II. edidit Const. Viros. ut sup. Prout contra minantes pro habenda pace, aliam edidit Const. Innocentius VIII. Necnon contra Franchitias in Urbe tenentes, vel acclamantes, habes in Const. Julii III. Cum Civitates. ut sup. Prout circa appellationes in contumacia condemnatorum, notavi in Constit. LXI. Pii IV. Et si cuncta. Tom. IV. Par. II. fol.111., & in Pii V. Const. CLXXXIX. Licet juri. Tom. IV. Par. III. fol.182.

## SIXTUS EPISCOPUS

SERVUS SERVORUM DEI

Ad perpetuam rei memoriam.

Causa hujus  
Constitutionis

**H**oc Nostri Pontificatus initio, inter multa Reipublicæ damna, & incommoda, quæ menti nostræ obversabantur, Nobis longe fuit gravissimum, quod Populos S. R. E. ditioni temporali subiectos non modo ad rerum, substantiarumque suarum perturbationem, & jacturam, sed etiam vitæ periculum redactos invenerimus, exulibus, bannitis, ceterisque id genus facinorosis hominibus ita undique ingruentibus, & grassantibus, ut vix quicquam ab hac hominum peste tutus alicubi consistere posse videatur. Quare cum ad hac sananda mala, ex Officii nostri debito & præcipua erga Nostros, ac ejusdem Romanæ Ecclesiæ subditos caritate assidue extimulemur, nihil non agere, & tentare decrevimus quo Populis optata quies, salus, securitas, & tranquillitas per Nos restitueretur. Quod ita demum, Deo auxiliante, speramus Nos esse consecuturos, si caute provideatur, ne ullum, domi forisque, intra extrave fines Nostros, criminosis hominibus hujusmodi pateat diffugium, aut receptaculum, sed omnino Legum, & Magistratum securitatem, justitiæque gladium subire, ac debitas poenas luere cogantur.

Confirmatio  
Const. Prædecessorum cum  
earum poenis  
præterquam  
excommunicationis.

§.1. Itaque de Fratrum Nostrorum consilio, omnes, & singulas Constitutiones a fel. rec. Pio Secundo, & Paulo etiam Secundo, Sixto Quarto, Julio similiter Secundo, Leone Decimo, Clemente Septimo, Julio Tertio, Pio etiam Quarto, Pio Quinto, Gregorio Decimotertio, & quibusvis aliis Romanis Pontificibus Prædecessoribus nostris, suo cujusque tempore, in detestabile prædictorum, & aliorum infra scriptorum hominum genus, pro tem-

poris, & criminum ratione editas, cum omnibus, & singulis in eis contentis, quoad ea, quæ præsentibus non contrariantur, & excepta Excommunicationis sententia, per easdem Constitutiones in illis contravenientes promulgata, quam ne animarum perniciem potius, quam salutem adferat, consulto tollendam, & submovendam duximus, ex certa scientia nostra approbantes, & innovantes, illarumque omnium tenores, ac si de verbo ad verbum infererentur præsentibus, pro expressis, & insertis haberi volentes.

§.2. Universis, & singulis Ducibus, Principibus, Marchionibus, Comitibus, Baronibus, & Domicellis, etiam quacunque Ecclesiastica dignitate fungentibus, necnon Vicariis, Feudatariis, Armorum Ductoribus, Capitaneis, Magistratibus, Communitatibus, Universitatibus, & Officialibus Civitatum, Terrarum, Castrorum, Oppidorum, & aliorum quorumcumque locorum prædictæ Romanæ Ecclesiæ mediatæ, vel immediate subiectorum, in virtute sanctæ obedientiæ, ac sub indignationis nostræ, necnon duorum millium per Communitates, & mille per Universitates, ac quinque millium ducatorum auri Camera Apostolicæ irremissibiliter ipso facto applicandorum per Dominos temporales, & alios prædictos absque alia declaratione incurrendis poenis (ultra alias in eorumdem Prædecessorum nostrorum literis contentas) districte præcipiendo mandamus, quatenus adhibita exactissima diligentia, de qua per publica documenta, & alias probationes fidem faciant, eorum Civitates, Terras, Oppida, Castra, Villas, dominia, loca, & territoria omnia a perduellionibus, homicidis, latronibus, viarum grassatoribus, raptatoribus, incendiariis, sicariis, exitiis, publicæ quietis perturbatoribus, armatas facientibus, statum Ecclesiasticum hostiliter peragrantibus, pro quocumque crimine capitali, etiam in contumaciam bannitis, aliisque similibus notoriis delinquentibus, & facinorosis hominibus, etiam nondum condemnatis, eorumque fautoribus, & complicitibus, quos omnes, nostros dictæque Romanæ Ecclesiæ rebelles, ac publicos hostes esse decernimus, secuta, libera, & expurgata custodire, tenere, & præservare.

§.3. Necnon si quos ex ipsis eo accedere, vel commorari, seu ad prædicta loca declinare, vel illac pertransire contigerit, statim illos capere, & apprehendere, ac ad carceres conducere, captosque Nostros, & pro tempore existentium Romanorum Pontificum Magistratibus, & Officialibus fideliter tradere, & consignare, populosque suos pulsu campanarum, & aliis signis ad arma convocare, & coadunare teneantur. Quod si illos capere, & apprehendere per seipso nequiverint, finitimas quasque Communitates, & Universitates, necnon Dominos temporales commonefaciant, & in auxilium convocent, junctisque simul viribus eosdem perduelliones, homicidas, latrones

Barones, &  
Comunitates  
eorum territoria a Bannitis &c. libera custodiant.

Eosque capiant, &amp; Officialibus Pontificis consignent, &amp; capere non valentes persequantur convocatis Dominis, &amp; Communitatibus conviciis.



trones, & alios prædictos forti manu, & incessanter quocumque se verterint, etiam extra proprium territorium, & jurisdictionem in ipso persecutionis actu, usque ad ultimam eorum profligationem persequantur, ac ut capiantur, & apprehendantur, seu profligentur omnem operam adhibeant.

Et ad cavillos proponendas excusationes non admittantur.

§.4. Cumque verisimile non sit hujusmodi hominum genus in occulto versari, & eos qui ad custodiam tenentur, si diligenter invigilent, illorum notitiam non habere, neque tantam multitudinem esse posse, quin a dominis temporalibus, ac Communitatibus, & Universitatibus prædictis vinci, & opprimi queat, juncto præsertim finitimorum auxilio, cavillosæ excusationes sibi in posterum nullo modo suffragantur.

Particulares personæ contra Bannitos &c. arma capiant, & accurrant.

§.5. Particulares vero personæ cujuscumque status, gradus, & conditionis existentes, sub quingentorum ducatorum similiter eidem Camera ipso facto applicandum, aliisque corporalibus, etiam ultimi supplicii inclusive, Gubernatorum, & Officialium prædictorum arbitrio, juxta cujuscumque personæ, & culpæ qualitatem, poenis, cum primum campanæ sonitum, aliave signa, populum adversus dictos facinorosos homines convocantia audiverint; vel alias de illis quomodolibet notitiam habuerint, arma capere, & ad locum necessarium accurrere, ac una cum aliis, & per seipsum omnem conatum in persequendis, capiendis, & profligandis bannitis, aliisque nefariis hominibus prædictis adhibere teneantur.

Executoribusque justitiæ non se opponant, vel resistant, sed armata manu subveniant.

§.6. Præterea sub eisdem poenis, omnes, & singuli prædicti, tam in Urbe quam extra eam, ad quamcumque Curiam, seu Ministrorum, & executorum insitiam, vel cujuscumque eorum simplicem requisitionem, ac etiam nulla requisitione prævia, si aliquos ipsis resistere, vel sese opponere, seu aliquod impedimentum adferre, eosve ad aliquam executionem faciendam auxilio egere quoquomodo cognoverint, eisdem Curiam Ministris, & executoribus, opem, & favorem, armata etiam manu conferre, & subvenire, ac præsto esse, & denique obedire, eosque, si opus fuerit, in perquisitione, executione, permansione, transitu & aliis præmissis comitari debeant.

Barones, & Communitates facinorosas non capientes ultra alias poenas, ad damna reficienda astringuntur.

§.7. Insuper statuimus, & ordinamus, ut si qui ex perduellionibus, homicidiis, latronibus, furibus, & aliis facinorosis hominibus prædictis, in Civitatibus, Terris, Oppidis, Castris, Villis, Dominiis, Locis, & Territoriis hujusmodi damna aliqua intulerint, seu furtum aut latrocinium commiserint, nec capti, & deprehensi fuerint, sed impune evaserint, Domini temporales, seu Communitates, & Universitates, Nobis, & Sedi Apostolicæ mediate, ac immediate subiecti, in quorum locis, territoriis, & jurisdictionibus, respective similia perpetrata fuerint, præter hoc quod ad damnorum quorumcumque sic illatorum parti læsæ, damnaque hujusmodi pa-

tienti, ac eorum hæredibus plenariam restitutionem, & satisfactionem omnino teneantur, ad tantundem etiam, quantum damna illata extimata fuerint, Camera prædictæ realiter, & cum effectu persolvendum eo ipso sint adstricti, ac alias prout latius continetur in aliis literis dicti Pii V. Prædecessoris, contra Dominos, ac Communitates, & Universitates, eorum territoria non custodientes editis, quas firmis tamen remanentibus aliis supra, & infra scriptis poenis, tenore præsentium etiam innovamus.

§.8. Duces quoque, Principes, Marchiones, Comites, Barones, Domicellos, Vicarios, Feudatarios, Gubernatores, Magistratus, Ductores, Capitaneos, & Officiales prædictos, necnon quoscumque alios cujuscumque etiam Ecclesiasticæ dignitatis, conditionis, status, gradus, ordinis, excellentiæ, sexus, & ætatis dummodo decimum quartum illius annum excedant, hujus status, & jurisdictionis nostræ temporalis, ac prædictæ Romanæ Ecclesiæ in eisdem temporalibus mediate, vel immediate subiectos, etiam dominia, jurisdictiones, & loca extra statum prædictum obtinentes, quiperduelliones, homicidas, latrones, & alios nefarios homines prædictos in suis quisque dominiis, terris, oppidis, castris, fortalitiis, villis, locis, territoriis, seu domibus, tam in ipso statu quam extra eum consistentibus receptaverint, seu confoverint, aut quod in illis recipiantur, vel confoveantur quoquomodo permiserint, seu ne ii capiantur, impediverint, vel captos eripuerint, seu occultaverint, aut illis potestatem, seu commoditatem evadendi fecerint, vel carcerem, aut aliam quamcumque custodiam effregerint, invaserint, aut quoquomodo violare tentaverint, sive ad hoc homines, vel arma, aliave ministraverint, sive alias auxilium, consilium, vel favorem, palam, vel in occulto, per se, vel alium, seu alios quoquomodo, etiam extra territoria, jurisdictiones, & domos proprias præstiterint, seu præstare permiserint, vel etiam quoscumque Judices, ministros, aut executores justitiæ in perquisitione, captura, vel abductione, ac omnino in eorum officii libera executione, seu in Urbe, sive extra ubique locorum impediverint, seu verberaverint, vel insecuti fuerint, aut concusserint, seu minis, vel alias perterrefecerint, aut ad arma conclamaverint, aliosve concitaverint, seu talia fieri mandaverint, facientibus adhæserint, & faverint, seu alicujus Magnatis nomen auxilii causa adversus Curiam, executores, & ministros prædictos invocaverint, seu franchistas appellaverint (contra quas aliam Constitutionem dicti Gregorii Prædecessoris desuper editam similiter innovamus, acrioribus etiam remediis in dies usuri pro hujusmodi Asylis, præsertim in dicta Urbe tollendis, & omnino extirpandis) læsæ Majestatis reatum, ac nulla juris, aut hominis fictione confictum crimen incurrisse, & ejusdem Romanæ Ecclesiæ rebelles, omnibusque, & singulis privilegiis, gratiis,

Barones, & alii majores an. 14. & S.R. E. mediate & immediate in temporalibus subiecti in statu, & extra auxilantes, aut eosdem Bannitos receptantes, vel eorum persecutionem impediens poenas hic descriptas incurrant.



libertatibus, indultis, exemptionibus, immunitatibus, realibus, & personalibus, necnon Ducatibus, Principatibus, Marchionatibus, Comitibus, Civitatibus, terris, oppidis, castris, dominiis, vicariatus, guberniis, locis, jurisdictionibus, dignitatibus, etiam Ecclesiasticis, honoribus, juribus, officiis, pensionibus, beneficiis, & fructibus ecclesiasticis, ac etiam quibuscumque feudis, & concessionibus, quæ a Rom. prædicta, & quibuscumque aliis Ecclesiis obtinent, & in futurum obtinebunt, ceterisque etiam immobilibus, mobilibus, & se moventibus bonis, juribus, & actionibus, eo ipso privatos, ipsosque, & illorum filios ad illa, & quælibet alia in posterum obtinenda, ac quoscumque actus legitimos exercendos inhabiles, & indignos fore, atque esse; Necnon a toto Statu Ecclesiastico, una cum eorum familiis perpetui exilii poena damnari, domosque, ædificia, arces, & fortalitia eorumdem demoliri, & solo æquari, seu aliis dictæ Cam. juribus adscribi debere, nec illis portam ullius dignitatis ecclesiasticæ, vel mundanæ umquam patere decernimus, & declaramus. Vassallos vero, Custodes, Capitaneos, Officiales, Populos, & subditos eorumdem, à fidelitatis juramento, ac homagii, & quocumque alio jure, quo ipsis quomodolibet adstricti fuerint, ex tunc penitus absolvimus, & liberamus. Ducatus autem, dominia, vicariatus, gubernia, feuda, Civitates, Terras, Oppida, Castra, ceteraque bona prædicta, necnon jura, & actiones, cum fructibus, & emolumentis eorumdem, Fisco nostro, & Camera prædictæ ipso facto absque aliqua declaratione, citatione, Judicis sententia, seu decreto, vel alia juris, & facti solemnitate habenda, etiam in præjudicium filiorum descendentium, & aliorum quorumcumque agnatorum in investituris, concessionibus, seu aliis dispositionibus comprehensorum, in omnibus, & per omnia, perinde, ac si per lapsum temporis illorum concessionis, & finitam lineam ad ipsam Camera rediissent, seu devoluta essent, confiscamus, applicamus, & incorporamus, illaque sic Nobis, & pro tempore existentibus Romanis Pontificibus, & Camera prædictæ aperta, devoluta, confiscata, applicata, & incorporata sub Constitutione ejusdem Pii V. Prædecessoris de hujusmodi dominiis, & jurisdictionibus in feudum, aut alias non concedendis minime comprehendi, etiam declaramus. Necnon quæcumque fideicommissa, substitutiones, & alias dispositiones sub quacumque verborum forma, etiam cum expressa alienationis prohibitione, aliisque strictissimis clausulis, & cautelis conceptas, ad hoc, fructus bonorum hujusmodi fideicommissis subiectorum durante vita naturali delinquentis, etiam in contumaciam ex prædictis causis condemnati, Fisco applicentur, & in dictæ Camera usum convertantur, proprietatesque dictorum bonorum quamdiu ipse delinquens naturali-

ter vixerit per Fiscum, & Camera hujusmodi possideantur, & detineantur, tollimus, & abrogamus.

§.9. Ad hæc, Communitates, & Universitates hujusmodi, si homines facinorosos prædictos receptaverint, toleraverint, cibis, commeatu, auxilio, consilio, vel favore, aut quocumque alio modo, etiam ut evadant, per se, vel alios juverint, omnibus poenis supradictis supponimus, eorumque res, & bona omnia, necnon fructus, & emolumenta eidem Fisco, modo, & forma præmissis applicamus, & appropiamus.

§.10. Particularibus autem hominibus, qui ad facinorosos prædictos capiendos, & apprehendendos, justitiæque ministris tradendos sufficientibus viribus fuerint destituti, nisi eosdem illico propalaverint, officialesque, populos, & finitimos, ita ut nullo modo evadant, convocaverint.

§.11. Ac demum iis, qui aliquem in præmissis culpabilem sciverint, nec Nobis, vel Successoribus nostris, seu alieni per quem ad Nos, vel dictos Successores fideliter deferatur, intra trium dierum spatium revelaverint, poenam arbitrio Judicis pro modo culpæ, etiam usque ad mortem inclusive infligendam statuimus.

§.12. Decernentes super omnibus, & singulis præmissis per accusationem, delationem, inquisitionem, & quovis alio meliori modo procedi posse.

§.13. Ac quæcumque vetusta privilegia, sive exemptiones, etiam immemorabiles, vel alias quæcumque prætensiones de recipiendis, & non consignandis hujusmodi bannitis, & aliis facinorosis hominibus, nemini contra præsentium tenorem suffragari, etiam si de eis specialis, & individua mentio faciendæ esset.

§.14. Neque receptatores, fautores, auxiliares, consultores, & alios quoscumque, præsentibus nostris, ac Prædecessorum nostrorum literis, ut præfertur, approbatis, & innovatis quomodolibet contravenientes, quocumque prætextu, etiam agnationis, & cujuscumque consanguinitatis, etiam in primo gradu, aut unice, & non dolose, & penitus inculpate, nec ad malum finem receptionis ullatenus excusari, cum beneficium publicum sit privata necessitudini præferendum, nec dolus absit ab eo, qui ipsis nefariis hominibus, & publicis inimicis quoquomodo se amicum, præstat, genusque hominum hujusmodi facile cognoscatur. Eum quoque qui sese vi, & metu, ad manifestum, & instans vitæ periculum evitandum, de quo tamen per legitimas probationes docere teneatur, eis receptum dedisse, sive victum, & alia præstitisse asseruerit, nequaquam excusari, nisi quamprimum se subripere, vel alio transmittere potuerit, nulla interposita mora, de transitu, vel statione dictorum facinororum hominum vicinum locum, illiusque Magistratus, & officiales certioraverit.

§.15. Sicque per quoscumque Judices ordinarios, & delegatos, quavis auctoritate fun-

Communitates eos tolerantes, eisdem poenas incurunt.

Particulares autem eos capere non valentes, illico propalare, & cōvicinos convocare debent.

Scientes in præmissis aliquem esse culpabilem, revelare tenentur.

Judices procedant etiam per inquisitionem &c.

Privilegia de non consignandis Bannitis revocantur.

Receptatores non excusantur prætextu agnationis, vel consanguinitatis, aut non dolose receptionis.

Clausula sublata &c.



te fungentes, sublata eis, & eorum cuilibet, quavis aliter judicandi, & interpretandi facultate, & auctoritate, ubique judicari, & definiri debere, necnon irritum, & inane, quicquid secus super his a quocumque, quavis auctoritate scienter, vel ignoranter contigerit attentari.

Executorum  
deputatio, &  
facultates.

§.16. Et nihilominus, ut præmissa suum debitum (prout ex intimo cordis nostri affectu exoptamus) consequantur effectum, dilectis filiis ejusdem S. R. E. Camerario, Urbis Governatori, causarum Curiae Camerae prædictae generali Auditori, necnon Provinciarum nostrarum Legatis, de quibus plurimum confidimus, ac Vicelegatis, & Præsidibus, Civitatumque, & aliorum locorum prædictorum Rectoribus, & Officialibus, ac ceteris omnibus singularum Constitutionum, & literarum prædictarum executoribus similiter in virtute sanctae obedientiae, ac sub indignationis nostrae poena per Apostolica scripta mandamus, ut quisque pro se ad omnimodam praesentium, ac aliarum literarum, & Constitutionum prædictarum, necnon poenarum omnium in eis contentarum executionem omnino procedentes, illas omnes, & in eis contenta quaecumque semper, & ubique per omnia loca prædicta, ac ab omnibus sub illis comprehensis inviolabiliter observari. Capitalesque sententias prædictas a justitiae ministris absque alicujus irregularitatis incursum exequi mandent, & faciant, ac pro executione poenarum pecuniarum contra Communitates, Universitates, Dominos temporales, & alios prædictos propter eorum inobedientiam represalias concedant, realiterque, & irremissibiliter dictas poenas pecuniarias exigant.

Clausula derogatoria.

§.17. Non obstantibus fideicommissis, investituris, concessionibus, substitutionibus, testamentis, & aliis dispositionibus, necnon privilegiis, exemptionibus, ac aliis præmissis, quorum omnium tenores, ac si de verbo ad verbum, nihil penitus omisso, & forma in illis tradita observata, inserti forent praesentibus, haberi volumus pro expressis, & insertis, necnon omnibus, quae in singulis literis prædictis concessum est non obstat; ceterisque contrariis quibuscumque.

Hortatio ad  
Principes extra  
statum Ecclesiasticum,  
temporalem  
jurisdictionem  
habentes, ut  
Bannitos non  
asscurent, sed  
capiant, &  
remittant.

§.18. Rogamus quoque, & hortamur attente in Domino, omnes, & singulos quaecumque jurisdictionem temporalem extra Stat. Ecclesiasticum prædictum exercentes, etiam Regia, Ducali, vel alia quacumque mundana, vel ecclesiastica auctoritate, superioritate, & excellentia fulgentes, velint pro sua in Nos, & hanc Sanctam Sedem Apost. devotione, & observantia, reique ipsius aequitate providere, ne posthac in provinciis, dominiis, & locis suis perduelliones, homicidae, & alii facinorosi prædicti ullo modo recipiantur, asscurentur, vel tuti reddantur; quinimo si ipsos ad illa declinare, aut ibidem reperiri contigerit, per suos justitiae ministros, & executores capi, & apprehendi, ac ad Praesides, & Governatores Provinciarum,

& locorum nostrorum, unde ipsi originem traxerint, vel delictum commiserint, libere conduci, & remitti, eisque consignari mandent, & procurent. Ac quocumque salvos conductus, & alias asscurationes revocent, & annullent, prout Nos vice versa idipsum contra hujusmodi facinorosos homines a dictis eorum provinciis, & dominiis bannitos, fieri, & observari curabimus; sperantes hac optima ratione omnino futurum, ut ejusdem S.R.E., & cujusque eorum ditionis, status, annuente Domino, expurgetur, Populique Nobis, & illis subditi, pacis, & tranquillitatis dulcedine fruuntur.

§.19. Ut autem praesentes literae omnibus innotescant, & ne quisquam illarum ignoracionem allegare possit, jubemus illas valvis Ecclesiae S. Joannis Lateranen., & Basilicae Principis Apostolorum de Urbe, ac in acie Campi Florae appendi, eisque detrahitis illarum exempla, etiam impressa in eisdem locis affixa relinqui, factaque hujusmodi publicatione volumus ipsas praesentes hic in Urbe publicatas die sequenti, extra eam vero post decem dies quoscumque perinde arctare, atque afficere, ac contrafacientes poenas, & alia supradicta omnino incurrere, ac si eis singulis praesentibus in propriis eorum personis, & locis intimata fuissent.

Forma, & effectus publicandi hanc Constitutionem

§.20. Insuper earundem praesentium exempla, etiam impressa, Notarii publici manu, & Camerarii prædicti, aut alterius personae in dignitate Ecclesiastica constitutae sigillo obsignata, eandem prorsus fidem ubique locorum in judiciis, & extra illa facere, quae ipsaemet praesentes facerent, si forent exhibitae, vel ostensa.

Fides exemplorum.

§.21. Necnon quod qualibet Communitas, Universitas, & Populus quarumcumque Civitatum, Oppidorum, Castorum, & locorum prædictorum, sub indignationis nostrae, ac mille ducatorum dictae Camerae applicandorum poenis per contrafacientes eo ipso incurrendis, statim cum praesentes literae nostrae hujusmodi, sive earum transumptum, etiam impressum ad eorum notitiam pervenerit, convocato publico consilio, in praesentia officialium, syndicorum, & curam malefactorum habentium, eas una cum aliis Praedecessorum nostrorum Constitutionibus, sic ut praefertur, confirmatis, & innovatis, ibi alta, & intelligibili voce, etiam vulgari sermone illas declarando, ut melius, & facilius ab omnibus percipi, & intelligi possint, legi facere, & deinde in eorum Archivio publico diligenter custodiri curare omnino debeant, ac singulis annis successive in principio cujuslibet anni perpetuis futuris temporibus similiter easdem literas praesentes, & alias innovatas in eodem publico consilio legendo reiterare teneantur. Alioquin loci Governator, Rector, & quilibet alius justitiae minister quocumque nomine nuncupatus, contra eos ad executionem poenarum hujusmodi, sine mora irremissibiliter procedat.

Communitates publicent hanc Constitutionem in eorum publicis consiliis, in Archivis custodiant, & quolibet anno eam cum aliis hic nominatis in publico consilio recitent.

Datum



1585.  
Dat. P. An.I.  
1. Julii.

Datum Romæ apud S. Marcum, Anno Incarnationis Dominicæ, millesimo quingentesimo octuagesimo quinto, Kal. Julii, Pontificatus nostri Anno I.

Papæ subscr.

✠ Ego Sixtus Catholicæ Ecclesiæ Episcopus.

*Sequuntur Cardinalium subscriptiones.*

X.

Quod Festum Præsentationis B. M. Virginis die vigesima prima mensis Novembris duplici officio celebretur.

SIXTUS EPISCOPUS  
SERVUS SERVORUM DEI

*Ad perpetuam rei memoriam*

B. Virginem quam Angeli admirantur in Coelis, hic Pontifex interitis venerari audeat.

Intemeratæ Matris Dei Mariæ, ex cujus purissimis visceribus, salva per Spiritus Sancti virtutem integritate virginitatis, auctor vitæ nasci dignatus est, salutiferam fecunditatem humiliter veneramur, & quæcumque ultimis orientis adhuc Ecclesiæ, aliisque temporibus a Sanctis Patribus in ejus honorem instituta fuerunt, nostræ imbecillitatis ope tueri, atque augere, & si quid fuerit prætermisum, ipsa adiuvente, quæ supra Choros sedet Angelorum, renovare studemus, ut spiritualium gaudiorum crebritate devota Nobiscum plebs lætetur, & cujus splendorem Angelici cœtus admirantur in Coelis, ejus in terris per sacras festivitates recolendæ, laudandæ, atque invocandæ pia memoria non prætermittant. Aliis igitur celebritatibus perpetuæ Virgini, quæ ab æterno præparata, & Prophetis testificationibus prænuntiata, nondum tamen Mater Dei Angelo nunciante fuerat effecta, a Catholica Ecclesia consecratis, ejusdem quoque, quæ Templum Dei futura erat, & Sacrum Spiritus Sancti, in templum Præsentationem ab antiquissimis usque temporibus summa ubique gentium cum veneratione observatam adscribi volumus, & sicuti intermissa est, restitui, ac jugiter custodiri.

Ideo ejus Præsentationis festum celebrari mandat.

§.1. Quare hac perpetua Constitutione mandamus, ut Præsentationis B. Mariæ semper Virginis festus dies undecimo Kal. Decembris, per omnes totius Orbis Ecclesias duplici officio, prout in Nativitatis die, sumpto Præsentationis vocabulo peragatur, idemque in Kalendario cum duplicis adiectione inseratur.

Jussio publicandi, & observandi.

§.2. Præcipientes omnibus Patriarchis, Archiepiscopis, Episcopis, ceterisque Ecclesiarum Prælatibus in universi Orbis ambitu constitutis, ut in suis quisque Ecclesiis, Provinciis, Civitatibus, & Diocesium præsentibus nostras solemner publicari faciant, ab omnibusque ecclesiasticis personis, secularibus, & quorumvis Ordinum regularibus omnino observari, licet adnotatio hujus celebritatis in postremis Breviarii, & Missalis reformationibus fuerit prætermissa.

Fides exemplorum.

§.3. Volumus quoque, ut præsentium

exemplis, etiam impressis, manu Notarii publici subscriptis &c.

Datum Romæ apud S. Marcum, Anno Incarnationis Dominicæ, millesimo quingentesimo octuagesimo quinto, Kal. Sept. Pontificatus nostri Anno I.

1585.

Dat. P. An.I.  
1. Septemb.

XI.

Quod Festum S. Francisci de Paula, Ordinis FF. Minimorum institutoris, singulis annis die secunda mensis Aprilis duplici officio celebretur.

*Canonizationem hujus Sancti habes in Leonis X. Const. XLI. Excelsus Tom. III. P. III. fol. 475. Et de dicto ejus Ordine attende Const. VI. Sixti IV. Sedes ibidem fol. 136.*

SIXTUS EPISCOPUS  
SERVUS SERVORUM DEI

*Ad perpetuam rei memoriam.*

IN Coeli Throno cui sedet Rex Omnipotens, terramque scabellum pedum suorum calcatur, supremo e folio pusillorum servorum respicit humilitatem, eosque, in quibus illa elucet, ad excelsa sublimium honorum, & gaudiorum culmina extollit. Quod in Sanctis suis omni tempore demonstravit, recenti vero patrum nostrorum memoria in B. Francisco de Paula, ample testificari dignatus est. Is enim ab ineunte ætate cœlestium rerum amore incensus ex minimo, qualem se in Dei hominumque conspectu fecerat, magnus evasit: interque alia, quibus claruit virtutum ornamenta, unam mirifice amplexus est Regi regum semper acceptam humilitatem, quam sicuti noverat primum ingressum fuisse Christi Salvatoris nostri in mundum, ita in angusto ad pietatem, & sanctitatem introitu, patefaciendo primam sibi, & ducem, & sociam ascivit. Hac atque aliis divinæ gratiæ prædiis Beatus Confessor munitus, apud magnos Principes, & Reges, cum adhuc in mundo, quasi hospes, peregrinaretur, in patria vero cœlestes inter choros post absolutam peregrinationem a Deo, cui fideliter servierat, seque in primis humiliaverat, est exaltatus, magnasque virtutes, ut etiam in vita cum summa omnium, qui viderunt, vel audierunt, admiratione, meruit operari.

B. Franciscus de Paula, multis virtutibus, & miraculis clarus.

§.1. Quibus virtutibus Fratrum Minimorum congruente suæ humilitatis denominatione, Ordinem, quem vivens instituerat, mirum in modum auxit, ita ut ex sancti viri imitatione, devotisque Fratrum ipsorum studiis multis jam in Italia, quæ de ejus nativitate, atque in Gallia, quæ de sancta obdormitione in Domino gloriantur, totiusque Christiani Orbis regionibus ædificatis Templis Canonicisque constructis, ejus memoria in dies magis propagetur.

Ordinem FF. Minimorum instituit.

§.2. Ipse autem a fel. rec. Leone Papa Decimo Prædecessore nostro, Sanctorum, quos Catholica veneratur Ecclesia, catalogo solemni ritu adscriptus, in Coelo pro ipsa semper Ecclesia, assiduisque Pastoralis servitutis,

Leo X. illum canonizavit.



tutis, & sollicitudinis nostræ laboribus apud Deum, una cum omnibus Sanctis, & sibi cognomine, atque æternæ felicitatis consorte Beato Francisco, Ordinis Fratrum Minorum fundatore intercedit.

Hic modo Pontifex ejus festum duplici officio celebrari jubet.

§.3. Quare Nos ejus nomen, & sanctitatem, dignis, quantum nostra patitur infirmitas, honoribus decorare volentes, hac præsentis Constitutione mandamus, ut ejusdem Beati Francisci de Paula Confessoris gloriosi dies festus, qui Quarto Non. Aprilis peragitur, duplici posthac, & proprio, & ubi propria non erunt, de communi Confessorum non Pontificum officio, per cunctas totius Christiani Orbis Ecclesias, quotannis celebretur, & in Calendario cum duplicis festi adiectione inscribatur.

Observarique mandat, & promulgari.

§.4. Præcipientes omnibus Patriarchis, Archiepiscopis, Episcopis, ceterisque Ecclesiarum Prælatibus in Universo Terrarum Orbe constitutis, ut faciant in suis quisque Ecclesiis, Provinciis, Civitatibus, & Diocesis, præsentis nostras solemniiter promulgari, & ab omnibus Ecclesiasticis personis secularibus, & quorumcumque Ordinum regularibus omnino observari.

Exemplis Bullæ credi præcipit.  
Dat. P. An.I.

§.5. Volumus quoque, ut præsentium exemplis &c.  
Datum Romæ apud S. Marcum, Anno Incarnationis Dominicæ, millesimo quingentesimo octuagesimo quinto, Pontificatus nostri Anno I.

## XII.

Renovatio Studii generalis in Civitate Firmi Status Ecclesiastici, olim a Bonifacio VIII. instituti, cum privilegiis, & indultis aliorum Studiorum generalium.

Quoad Lectores, & Scholares Studiorum ejusmodi, vide etiam Concil. Trident. cap. 1. sess. 5., & Constit. CII. Pii IV. In sacrosancta. Tom. IV. Par. II. fol. 201.

SIXTUS EPISCOPUS  
SERVUS SERVORUM DEI

Ad perpetuam rei memoriam.

Proemium.

Muneris nostri debito incumbit, ut ad ea propensiori cura intendamus, per quæ literarum studia propagentur, Studiorumque generalium Collegia, & Universitates, unde scientia ipsa, & præsertim juris utriusque prudentia, sine qua Respublica rite administrari nequiret, & per quam justitia undique colitur, & omnis prosperitas humanæ eruditionis augetur, instituantur, & his quæ propterea a Romanis Pontificibus Prædecessoribus nostris, Civitatibus, illarumque Civibus, & personis, præsertim Nobis, & Sedis Apostolicæ temporali ditioni subjectis, provide processerunt, ut firma, perpetua, & illibata persistant, implementum auctoritatis nostræ libenter impertiamur, illaque nonnumquam innovemus, aliasque desuper disponamus, prout Civitatum, & hominum prædictorum, singularis erga dictam Sedem devotio, & me-

rita exposcunt, atque requirunt, & Nos conspiciamus in Domino salubriter expedire.

§.1. Sane cum sicut accepimus, alias postquam fel. record. Bonifacius Papa VIII. Prædecessor noster, certis tunc expressis causis adductus, ac supplicationibus dilectorum filiorum tunc existent. Communitatis, & hominum nostræ, tunc suæ Firmanæ inclinatus, per quasdam statuerat, & ordinaverat &c. *Residuum omittitur, quia tota Bulla est in Pontificatu Bonifacii VIII.*

§.2. Piæ memoriæ Callistus Papa III. etiam Prædecessor noster, per alias suas literas inter alia statutum, & ordinationem Bonifacii Prædecessoris hujusmodi, ita ut ipsi Communitas, & homines Firmani, Studiumque generale in Civitate prædicta retinere valerent, approbaverit, & confirmaverit, prout in singulis literis prædictis plenius continetur.

§.3. Et licet Studium generale hujusmodi in dicta Civitate Firmana, vigore dictarum literarum eatenus introductum fuisset credatur, tamen temporum injuria, vel ex quavis alia causa, illud intermissum, seu extinctum esse reperitur ad præsens. Unde Communitas, & homines prædicti per dilectos filios Sigismundum Tostium, & Casarem Ostinellum, Cives Firmanos, utriusque Juris DD. ad Nos ab eis ad effectum infra scriptum destinatos Oratores, quos libenter vidimus, & benigne audivimus, Nobis exponi curarunt, quod ipsi dictum generale Studium in prædicta Civitate restitui & stabiliri cupientes, sumptuosa quædam ædificia publica, valde ampla, & capacia, ac apprimè ad hoc commoda, in platea dictæ Civitatis consistentia, animo, & intentione Theologiam, & utriusque juris prudentiam, ac Medicinam, Philosophiam, aliasque artes liberales, & quasvis licitas facultates, per viros eruditos ibidem legi, doceri, & interpretari faciendi, destinaverint, & assignaverint. Et pro manutentione pro tempore existentium Rectoris, & Lectorum Universitatis Studii generalis hujusmodi, aliorumque exinde incumbendum onerum supportatione, annum redditum duorum millium scutorum ex propriis proventibus, & juribus ad eosdem Communitatem, & homines legitime spectantibus, applicaverint, & appropriaverint.

§.4. Nos qui eidem Ecclesiæ Firmanæ, dum Cardinalatus honoreungebamur, ex dispensatione Apostolica præsumimus, dignum, & rationi consentaneum censentes, ut postquam divina Majestas Nos ad summi Sacerdotii fastigium evexit, nostri in eosdem Nobis benemeritos grati, benevoli animi affectus, quos possumus, non libenter modo, sed etiam liberaliter addamus, ita quod in dicta Civitate, quam singularis benevolentia affectu complectimur, & in qua unum insigne Collegium utriusque juris Doctorum ab immemorabili tempore institutum extitit, unam Universitatem Studii generalis institui, Collegiumque prædictum structuris, atque ædificiis capacioribus pro

Bonifac. VIII. in Civitate Firmi Status Ecclesiastici, Studium generale erexit ad instar Studii Bononiensis.

Callistus III. prædicta confirmavit die 26. Junii 1455 sed ejus Bullam, volens prætermitti.

Communitas Firmana pro hujus Studii renovatione Papæ supplicavit, cum prius ad hoc ampla construxerit, ædificia, & annum redditum assignavit.

Hic modo Pontifex dispositiones Bonifacii VIII. & Callisti III. approbat.

Con-



Congregationibus, sessionibus, deambulationibus, aliisque officiis necessariis construi, & ampliari, ipsosque Communitatem, & homines, specialibus favoribus, & gratiis prosequi volentes, ac Communitatis, & hominum hujusmodi singulares personas, a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a jure, vel ab homine, quavis occasione, vel causa latis, si quibus quomodolibet innodati existunt, ad effectum presentium dumtaxat consequendum, harum serie absolventes, & absolutos fore censentes, necnon literarum Bonifacii, & Callisti Prædecessorum, hujusmodi tenores etiam veriores, ac dat. presentium pro expressis habentes, eorundem Prædecessorum nostrorum vestigiis inhærendo, Motu proprio, non ad ipsorum Communitatis, & hominum, vel alterius pro eis super hoc oblata petitionis instantiam, sed de nostra mera liberalitate, & ex certa scientia, deque Apostolica potestatis plenitudine, omnes, & singulas Bonifacii, & Callisti Prædecessorum hujusmodi literas, omniaque, & singula in illis, & earum singulis contenta, quoad ea, quæ infrascriptis, ac decretis Concilii Tridentini non repugnent, Apostolica auctoritate, tenore presentium approbamus, & confirmamus, ac etiam illa innovamus, omnesque, & singulos, tam juris, quam facti, ac solemnitatum, etiam substantialium, & quoscumque alios defectus, si qui intervernerint in eisdem, supplemus.

§.5. Et insuper in ipsa Civitate Firmiana, unam Universitatem Studii generalis, in qua aliqui Magistri, & Doctores, seu alii docti, & eruditi professores, Theologiam, Jus canonicum, & civile, medicinam, & artes liberales, necnon alias quasumque licitas facultates publice legant, doceant, & interpretentur, & quicumque Scholares, sive Laici, sive Clerici, Sæculares, vel quorumvis etiam Mendicantium Ordinum Regulares, ubicumque oriundi, & undecumque advenientes, in eisdem facultatibus studeant; necnon illis, qui Catholici, & ad id idonei reperti fuerint, Baccalaureatus, Licentiatuæ, Doctoratus, & Magisterii, ac alii cujuslibet licite facultatis gradus, & insignia conferantur, & concedantur; cum arca, sigillo, & aliis insignibus Studii generalis, ad instar Bononien., Paduanen., Perusinen., Senen., & Maceraten., ac aliarum quarumcumque Universitatum Studiorum generalium, tam in Italia, quam extra eam consistentium, auctoritate, & tenore præfatis, perpetuo erigimus, & instituimus.

§.6. Illique sic erecto, & instituto, ac ejus pro tempore existen. Rectori, Magistris, Doctoribus, Professoribus, Lectoribus, Præceptoribus, Scholaribus, Bidelis, Nunciis, & aliis Officialibus, Ministris, & Personis, necnon ibidem ad quoscumque gradus promotis, quod omnibus, & singulis, ac quibuscumque privilegiis, facultatibus, libertatibus, immunitatibus, exemptionibus, prærogativis,

antelationibus, præeminentiis, favoribus, honoribus, dignitatibus, concessionibus, indultis, & aliis universis gratiis spiritualibus, & temporalibus, quibus Bononien. Paduanen. Perusinen. & Maceraten. ac quæcumque aliæ Universitates, tam in Italia, quam extra eam consistentes prædictæ, illarumque pro tempore existentes Rectores, Magistri, Doctores, Professores, Lectores, Præceptores, Scholares, Bidelis, Nuncii, ac alii Officiales, Ministri, & personæ, necnon ibidem ad quoscumque gradus promoti, de jure, vel consuetudine, aut ex privilegiis, & concessionibus Apostolicis, & Imperialibus, necnon Conciliis generalibus, seu universalibus, provincialibus, & synodalibus, ac alias quomodolibet utuntur, potiuntur, & gaudent, ac uti, potiri, & gaudere possent, & poterunt quomodolibet in futurum, pariformiter, & æque principaliter, absque ulla prorsus differentia uti, potiri, & gaudere, perinde ac si eis specialiter, nominatim, & expresse concessa fuissent.

§.7. Præterea illis, qui in ipsa Universitate Studii generalis Firmani, vel alibi studuerint in Theologia, ac utroque, vel altero jure, & medicina, necnon artibus liberalibus, aliisque facultatibus prædictis, Baccalaureatus, Licentiatuæ, Doctoratus, & Magisterii, ceterosque omnes solitos gradus, si per Magistros, vel Doctores illius facultatis, in qua voluerint promoveri, ad hoc præsentati, & debito prævio examine, assistentibus ibidem aliquibus Doctoribus, seu Magistris in eadem facultate ibi legentibus, vel de gremio prædicti Collegii Doctorum ipsius Civitatis Firmanæ existentibus, desuper facien. ac alias servatis servandis idonei reperti fuerint, a pro tempore Episcopo Firmiano, seu ejus Vicario in spiritualibus generali, aut quocumque alio, quem ad hoc ipse Episcopus duxerit deputandum, dicta vero Ecclesia Firmiana pro tempore Pastore carente, ab eo qui per Capitulum Ecclesiæ Firmanæ hujusmodi deputatus fuerit, emissâ prius per promovendos hujusmodi in ejus manibus Fidei Catholice professione juxta articulos pridem a Sede Apostolica ad hoc propositos, ac formam, quam sub Bulla nostra mittimus introclusam ipsorum graduum solita insignia recipere, illaque sibi exhiberi facere.

§.8. Necnon postquam hujusmodi gradus, & illorum insignia susceperint, facultates, in quibus promoti fuerint, ubicumque, absque alio examine, vel approbatione legere, & interpretari, ac in eis disputare, necnon quoscumque alios gradus per eos receptos & convenientes exercere libere, & licite valeant, auctoritate, & tenore prædictis, de speciali gratia indulgemus, sicque etiam statuimus, & ordinamus.

§.9. Necnon Universitati Studii generalis Firmani, ac illius Rectori pro tempore esistenti, pro salubri, & felici ejusdem Universitatis Firmanæ, ac illius personarum, rerum, bonorum, & jurium regimine, directione, & conservatione, reique litera-

Doctorandi-  
que formam  
prescribit.

Promotis in  
eo, facultatem  
ubique legendi  
&c. elargitur.

Rectori statuta  
condendi  
pro d. Rectoris  
regimine, auctoritatem tribuit.

Studiumque  
prædictum innovat.

Illique sic innovato, ejusque personis, ac ibi promotis, privilegia omnia aliorum Studiorum generalium concedit.



literaria progressu, quæcumque statuta, & ordinationes, licita tamen, & honesta, ac sacris Canonibus, & dicti Concilii decretis non contraria, eis benevisa, a moderno & pro tempore existente Episcopo Firmano examinanda, & approbanda, condenda, illaque postquam condita fuerint, prout temporum, locorum, personarum, vel rerum, aut alia qualitates exegerint, mutandi, corrigendi, & reformandi, ac etiam declarandi, & interpretandi, illisque addendi, & minuendi, seu etiam ea in totum abrogandi, ac alia illorum loco de novo edendi, & faciendi, quæ omnia postquam pro tempore condita, mutata, correctæ, reformata, declarata, interpretata, aucta, vel diminuta, & de novo edita fuerint, ab Ordinario loci, vel pro tempore existente Romano Pontifice approbari debeant, plenam, & liberam facultatem, & auctoritatem concedimus, & impartimur.

Clausula hujus Bullæ præservatiæ.

§. 10. Decernentes præsentis literas, etiam ex eo quod Paduanen., Perusinen., Senen., & Maceraten., & aliarum Universitatum prædictarum Rectores, Officiales, Doctores, Professores, seu Lectores, Procuratores, Defensores, Protectores, vel agentes, aut alias quomodolibet interesse habentes, vel putantes, ad hoc vocati non fuerint, aut ex quavis, vel quibuscumque aliis causis, occasionibus, vel prætextibus, de subreptionis, vel obreptionis, aut nullitatis vitio, seu intentionis nostræ, vel quovis alio defectu notari, vel impugnari, aut alias infringi, vel quomodolibet retractari, seu etiam per Nos, ac Successores nostros Romanos Pontifices pro tempore existentes, aut Sedem præfatam, vel illius Legatos, etiam de Latere, aut quoscumque alios quavis auctoritate revocari, suspendi, restringi, limitari, vel eis in aliquo derogari nullatenus umquam posse, sed illas semper, & perpetuo validas, & efficaces, existere, & fore, suosque plenarios effectus fortiri, & obtinere, ac ab omnibus, ad quos spectat, & spectabit quomodolibet in futurum, perpetuo, & inviolabiliter observari debere, necnon Universitatem Studii generalis Firmani hujusmodi, illiusque Rectorem, Officiales, Doctores, Lectores, Professores, Scholares, Ministros, ceterosque prædictos super præmissis omnibus, & singulis, vel illorum occasione, etiam per alias Universitates prædictas, vel quoscumque alios, quavis auctoritate, quomodolibet molestari, perturbari, inquietari, vel impediri nequaquam posse, ac etiam Communitatem, & homines præfatos, aut quoscumque alios ad probationem, seu verificationem literarum Bonifacii, & Callisti Prædecessorum hujusmodi, ac in eis, & etiam eisdem præsentibus literis narratorum nullatenus umquam teneri, nec ad id in judicio, vel extra cogi, seu compelli posse; & nihilominus easdem literas, & in eis contenta hujusmodi semper valere, ac eisdem Universitati, & hominibus suffragari, sicque in præmissis ab omnibus censeri.

§. 11. Ac ita per quoscumque Judices,

*Bull. Rom. Tom. IV. Par. IV.*

& Commissarios, quavis auctoritate fungentes, etiam causarum Palatii Apostolici Auditores, eorumque Locumtenentes, ac Sanctæ Romanæ Ecclesiæ Cardinales, etiam de Latere Legatos, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiri debere, ac irritum, & inane, si secus super his a quoquam quavis auctoritate, scienter, vel ignoranter contigerit attentari.

§. 12. Non obstantibus præmissis, & quatenus opus sit, nostra de jure quæsito non tollendo, ac aliis Apostolicis, & etiam in Universalibus, Provincialibus, & Synodalibus Conciliis, editis, & edendis, specialibus, vel generalibus Constitutionibus, & Ordinationibus, necnon Firman., Bononien., Paduan., Perusin., Senen., & Maceraten. prædictarum, ac quarumvis aliarum Universitatum, & Gymnasiorum, etiam publicorum, Provinciae nostræ Marchiæ Anconitanæ, & totius Status Ecclesiastici, etiam juramento, confirmatione Apostolica, vel quavis firmitate alia roboratis statutis, & consuetudinibus, decretis, & etiam novis reformationibus, legibus, tam Pontificiis, quam Imperialibus, Regiis, Ducalibus, & municipalibus; privilegiis quoque, indultis, & literis Apostolicis, illis, & eorum superioribus, & personis cujuscumque status, gradus, ordinis, & conditionis existentibus, in genere, vel in specie, sub quibuscumque tenoribus, & formis, ac cum quibuscumque, etiam derogatoriarum derogatoriis, aliisque efficacioribus, efficacissimis, & insolitis clausulis, irritantibusque, & aliis decretis, etiam in vim contractus inibi stipulati, & jurati, ac etiam statuti perpetui, & perpetuæ legis inducentibus, motu, scientia, & potestatis plenitudine similibus, & etiam consistorialiter, ac alias quomodolibet, etiam pluries, & iteratis vicibus concessis, confirmatis, & innovatis, ac etiam in posterum concedendis, confirmandis, & innovandis, quibus omnibus, & singulis, etiam si pro illorum sufficienti derogatione, de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis expressio habenda, aut aliqua alia exquisita forma ad hoc servanda foret, illis alias in suo robore permansuris, hac vice dumtaxat harum serie specialiter, & expresse, motu simili derogamus, ceterisque contrariis quibuscumque.

§. 13. Ceterum volumus, quod earumdem præsentium literarum transumptis, etiam impressis, manu alicujus Notarii publici subscriptis, & sigillo Communitatis, seu Studii generalis Universitatis Firman. hujusmodi, aut alicujus Ecclesiasticæ, vel secularis curiæ, seu personæ in dignitate Ecclesiastica constitutæ munitis, eadem, prorsus fides in judicio, & extra adhibeatur, quæ ipsis originalibus literis adhiberetur, si exhibitæ forent, vel ostensæ.

Derogatio  
contrariorum

Fides transumptorum.

T

Nul-



Dat. P. An.I.  
13. Septemb.

§.15. Nulli ergo omnino hominum liceat hanc paginam &c.  
Datum Romæ apud S. Marcum, Anno Incarnationis Dominicæ, millesimo quingentesimo octuagesimo quinto, Idibus Septembris, Pontificatus nostri Anno I.

## XIII.

Ex Regest. in  
Secret. Brev.

Confirmatio Julii Papæ Secundi super bono regimine Castrorum Comitatus Ariminen. novęque Declarationes ad exortas lites componendas, futurasque evitandas.

*Dilectis filiis Comitativis omnium Castrorum Comitatus nostri Ariminen.*

S I X T U S P A P A V.

*Dilecti filii salutem, & Apostolicam Benedictionem.*

Exordium.

§.1. **C**onstantia, & eximie devotionis affectus, quo Nos, & Romanam reveremini Ecclesiam, promeretur, ut his, quæ pro vestris tranquillitate, commodo, & utilitate gesta, & concessa fuerunt, ut eo firmitus persistant, Apostolici muniminis præsidium impartiamur.

Statuta a Julio II. lata pro regimine, & q. vete Comitatus Ariminen.

§.2. Sane Nobis nuper per dilectum filium Nicolaum Moronum laicum Ariminen. Agentem vestrum exponi fecistis, quod alias fecit Julius Papa Secundus Prædecessor noster postquam Civitatem nostram Ariminen., & illius Comitatum suo, & Sedis Apostolicæ patrocínio immediate subiecerat, dilectorum filiorum Communitatis, & hominum dictæ Civitatis precibus adductus, quieti, & tranquillitati ejusdem Comitatus consulendo inter alia ne a vestris operibus litium occasione distraheremini, concessit, & voluit, quod in damnis datis a quadraginta solidis infra, recurreretur ad officialem loci damni dati; Præterea, quod deputatio Capitaneorum, Potestatum, & Vicariorum Castrorum dicti Comitatus, ad tollendum inconvenientia, quæ in dies oriri possent ex imbussulatione, ne daretur vobis materia querelæ de malo regimine, fieret perpetuis temporibus in hunc modum, videlicet, quod occurrente vacatione, officii unius Castri, homines illius Castri deberent pro quolibet officio nominare tres Cives Ariminen idoneos, nominatos vero, Consulibus dictæ Civitatis præsentare, Consules vero infra quindecim dies a die præsentationis hujusmodi computandos, unum ex dictis tribus in eorum consilio eligere, qui electus intelligeretur, quando ad partitum haberet majora suffragia, & plures voces, & non posset talis persona ad tale officium amplius nominari, nisi elapso triennio, & sic electum Gubernator dictæ Civitatis teneretur confirmare, & deputare absque aliqua solutione, nisi duorum carlenorum papalium pro suis patentibus literis. Et quod tale officium non posset durare ultra annum, nec exerceri per substitutum idoneum, qui non foret per Gubernatorem, & Consules prædictos, ac massarios loco-

rum approbatus decrevit, & ordinavit. Insuper, ut Comitatus prædictus libertatis Ecclesiasticæ particeps fieret, ac in fide & devotione ejusdem Ecclesiæ perseveraret, quod remitteretur vobis de Terzariis, & solitis solutionibus faciendis Vicariis Ariminen. tertia pars futuris temporibus ad hoc etiam, ut militibus de taxis facilius respondere valeretis, non possetis cogi, nec astringi ad solvendum nisi duas partes ejus, quod soliti eratis solvere quolibet anno Vicariis Ariminen. de Malatestis per suas literas Apostolica auctoritate concessit, prout in ipsis literis plenius continetur.

§.3. Et sicut eadem expositio subiungebat, nonnulli ex dictis Civibus, retroactis temporibus, prætextu cujusdam Decreti per bo. me. Hieronymum tituli S. Georgii Presbyterum Cardinalem de Capite ferreo nuncupatum, tunc Provinciæ Romandiolæ, de latere Legatum facti, ausi sunt, pro damnis, etiam minimis datis in eorum possessionibus non sine magna rei, & temporis jactura expensis, & laboribus consumendo, ad dictam Civitatem contra dictarum literarum tenorem evocare, ortaque postmodum inter vos, & Cives prædictos præmissorum occasione materia quæstionis iis, & causa coram Præsidente dictæ Provinciæ, seu Auditore desuper pendet indecisa, nonnullique ex Civibus prædictis in Capitaneos, Vicarios, seu Potestates dictorum Castrorum ex consuetudine electi apud eadem Castra residere negligunt, aut recusant, ex quo probavit eventus, quod sæpius in eisdem Castris, in cuique, quod suum est reddendo, Justitia debitæ executionis ministerio careat; quodque cum vos hactenus dictarum literarum notitiam non habueritis, semper integram tertiariarum prædictarum taxam solveritis. Quare Nobis humiliter supplicari fecistis, quatenus in præmissis opportune providere de benignitate Apostolica dignaremur.

§.3. Nos igitur quieti, & indemnitati vestris consulere volentes, ac vos, & quemlibet vestrum a quibuscumque excommunicationis, suspensionis, & interdicti, aliisque ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodati existitis, ad effectum præsentium dumtaxat consequendum, harum serie absolventes, & absolutos fore censentes, necnon causam hujusmodi ad Nos harum serie advocantes, & litem penitus extinguentes, ac vobis, & Civibus prædictis desuper perpetuum silentium imponentes, necnon dictarum literarum tenores, præsentibus pro expressis habentes, hujusmodi supplicationibus inclinati, easdem literas, auctoritate prædicta, tenore præsentium, approbamus, & confirmamus, ac illis perpetuæ firmitatis robur adiicimus, & quatenus opus sit, quod de cetero pro damnis datis, quæ summam quadraginta bon. non excedunt, etiam si in possessionibus dictorum Civium illa inferri contingat, non amplius per extimatores damnorum datorum Ci-

Causa nova  
edendæ Con-  
stitutionis.

Declarationes  
de quibus in  
rubrica.



Civitatis, sed Castrorum eorundem videantur, & extimentur, & de mandato Judicum eorundem locorum restaurentur, juxta formam statutorum locorum, Castrorum prædictorum, & aliarum reformationum super damnis datis, quodque illi ex eisdem Civibus sic in Capitaneos, Vicarios, aut Potestates Castrorum hujusmodi electi teneantur apud eadem Castra per se ipsum, & non per alium, ita tamen, quod singulo trimestri possint per quindécim dies pro suis rebus, & negotiis tractandis, & peragendis libere abesse, juxta exigentiam sui officii residere; Et si forte aliquis ex sic electis apud Castrum, ad cujus gubernium, seu regimen electus fuerit, residere neglexerit, aut recusaverit, tunc talis sic residere negligens, aut recusans, amittat salarium, & non possit per trinas imbuflationes continuas pro electione ad aliquod ex dictis officiis eorundem Castrorum imbuflari: Et casu quo dissensio, seu discordia inter vos, & sic electos ratione non residentiae oriatur, tunc eo casu pro tempore existens Rector dictae Provinciae possit alium ex eisdem Civibus per vos eligendum ad tale regimen, & gubernium deputare, & quod de cetero futuris temporibus ad solutionem dictae partis ex Tertiariis, & solitis solutionibus faciendis Vicariis Ariminen. non teneamini, de novo statuimus, concedimus, & ordinamus.

Exequutores  
hujusmodi de-  
clarationum  
deputati.

§.5. Mandantes pro tempore existentibus in dicta Provincia Sedis Apostolicae Legato, seu Vicelegato, ac dictae Civitatis Gubernatori, ut præmissa omnia observent, & observari mandent; vosque approbatione, confirmatione, & additione, necnon nostris statuto, concessione, & ordinatione, ac aliis præmissis pacifice frui, & gaudere faciant, & procurent. Non permittentibus vos, a quoquam desuper molestari: Contradictores quoslibet, & rebelles per censuras, & alias, de quibus eis videbitur, poenas compescendo; adhibito etiam ad hoc, si opus fuerit, auxilio brachii secularis.

Derogatio  
contrariorum

§.6. Non obstantibus quibusvis Constitutionibus, & Ordinationibus Apostolicis, necnon Civitatis, & Provinciae prædictarum Juramento, confirmatione Apostolica, vel quavis firmitate alia roboratis statutis, & consuetudinibus, ac reformationibus, necnon forsitan transactionibus inter vos, & præcipue Communitates Castrorum Misani, Molazani, Ceresoli, & Sanctorum Andreae in Patrignano, & Bisánico debiliores, & in maximum damnum, & præjudicium Castrorum Passani, Capituli officii, & Sancti Savini annexorum quoad poenas damnorum datorum juxta decimum capitulum concessum a præfato Papa Julio Secundo, & Cives prædictos præmissorum occasione, etiam contra dictarum literarum tenorem initis approbatis, & innovatis, lapsuque fatalium causae versae, ceterisque contrariis quibuscumque.

Dat. die 20.  
Septem. 1585  
An.I.

Datum Romae apud Sanctum Marcum, sub Annulo Piscatoris, die 20. Septembris 1585. Pontificatus nostri Anno I.

Bull. Rom. Tom. IV. Par. IV.

## XIV.

De electione Prælatorum Congregationis S. Bernardi in Italia Monachorum, Ordinis Cisterciensis. Regularis observantiae, de cetero facienda ex universo numero Sacerdotum dictae Congregationis, qui minora officia laudabiliter biennio exercuerint.

*Aliter in hoc disposuerat Gregor. XIII. in sua Constitut. LXXXVI. Romanus. Tom. IV. Par. III. fol. 369.*

## SIXTUS PAPA QUINTUS

*Ad futuram rei memoriam.*

**N**uper pro parte dilectorum filiorum Abbatis Cistercii, Cabilonen. Diocesis, generalis Ordinis Cisterciensis necnon Abbatum, Prælatorum, & Conventuum, Monasteriorum dicti Ordinis fuit Nobis expositum, quod alias regimen ipsius Congregationis medio tempore, inter unum, & alterum Capitulum solebat de universo Sacerdotum numero propriae Provinciae, auctoritate Apostolica illos eligere ad Prælaturas vacantes, quos magis idoneos, magisque dignos judicabat; in qua quasi possessione sic eligendi per longum tempus perseveraverit, donec de anno 1579. scilicet. re. Gregorius Papa XIII. Prædecessor noster, inter alia statuta ad reformationem Monachorum dicti Ordinis pertinentia decrevit, & mandavit, ut de cetero Capitulum dictae Congregationis fieret de triennio in triennium; & in primo futuro Capitulo pro qualibet Provincia, tot Sacerdotes, quot essent in ea Prælatura, & insuper alii quatuor Sacerdotes habiles ad Prælaturas exercendas, in quaque Provincia approbarentur; qui etiam ad Visitatoris majoris officium simili, & approbati esse intelligerentur; quodque in tantum ad Prælaturas, & Visitatoris majoris officium hujusmodi approbati deberent, qui officia minora, nempe Cellerariatus, & Prioratus digne gradatim, saltem per biennium in quolibet officio fideliter exercuissent, atque ut semel approbati, semper habiles fore censerentur. Præterea ut deficiente approbatorum hujusmodi numero, sive per obitum illorum, sive per privationem ob commissæ delicta, in proxime futuris Capitulis, & non aliter, alii in illorum locum sufficerentur; ita quod semper numerus quatuor tantum, extra Prælaturas a quolibet Capitulo haberetur. Et si intra triennium aliquem Prælatorum decedere, aut a Visitatoribus, vel a Capitulo ob aliqua demerita privari contingeret, alius extra numerum approbatorum prædictorum, minime assumi posset, ac alias prout in prædictis Prædecessoris nostri literis latius fuit expressum.

Congregatio  
consuevit ad  
Prælaturas e-  
ligere viros  
magis ido-  
neos ex uni-  
verso nume-  
ro Sacerdo-  
tum.

§.1. Sed quia sicut eadem expositio subiungebat, ab eo tempore, usu, & experientia compertum est, numerum hujusmodi ad quatuor tantum simul nominatos restrictum Universitati dictae Congregationis nequaquam expedire, tum quia dicti quatuor electi postquam securi sunt se omnino futu-

Sed comper-  
to, quod ejus-  
modi decre-  
tum est Con-  
gregationi da-  
mnosum.



1585.

ros Prælatos, ab obedientia, & disciplina regulari non parum recedunt, & quasi immunes, & exempti a communibus religionis oneribus esse prætendunt; tum quia alii multi Sacerdotes ejusdem Congregationis, qui habiles, & inclinati ad laudabilia Religionis opera essent, videntes ob aliorum jam factam electionem se exclusos, nec posse ad gradus majores aspirare, animum despondent, nec curant ulterius progredi; quod haud dubie in magnum totius Congregationis damnum redundare dignoscitur, præsertim cum contingere posset, ut durante electione quatuor approbatorum hujusmodi secundum casum, & temporum varietatem, vel omnes, vel pars eorum, vita decedant, seu etiam aliqui interim minus idonei, alii vere magis capaces, & utiles Congregationi detegantur; unde fieret, ut deficientibus quoquomodo approbatis, in eorum locum subrogandi nulla superesset facultas.

Fuit huic Pontifici supplicatum pro opportuna provisione.

§.2. Quare cum his, & aliis justis, & gravibus causis, & rationibus adducti, iidem Abbas Cistercii generalis, qui pridem dictas Provincias visitavit, necnon Prælati, & Monaci dictæ Congregationis utriusque Provinciæ Lombardiæ & Tusciæ, Nobis humiliter supplicaverint, ac etiam dilectus filius Aloysius S. Mariæ in Via lata Diaconus Cardinalis Esten. nuncupatus, illorum Protector, pro eis apud Nos vehementer intercesserit, petieritque ut ad majorem ipsius Congregationis profectum, & incrementum, bonorumque incitamentum, de opportuno remedio providere ex benignitate Apostolica dignaremur.

Hic ideo Pontifex illud revocat.

§.3. Nos tota re mature diligenterque cognita, & discussa, ut obviam incommodis, & malis inde imminentibus eamus, supplicationibusque hujusmodi inclinati, prædictum numerum quatuor Sacerdotum in singulis Provinciis, ad Prælaturas, & ad Visitatoris majoris Officium eligendorum, auctoritate Apostolica tenore præsentium supprimimus, & abolemus, perinde ac si literæ Gregorii Prædecessoris nostri hujusmodi super eo, non emanassent; quæ tamen in reliquis ad reformationem prædictam spectantibus suum robur obtineant.

Virosque magis idoneos ex universo Sacerdotum numero, qui minora officia per biennium exercuerint, eligi mandat.

§.4. Statuimusque, & ordinamus, ut posthac de toto numero Sacerdotum propriæ Provinciæ per regimen ejusdem Provinciæ Sacerdotes magis digni, & magis idonei ad quamlibet Prælaturam, & Visitatoris majoris Officium de tempore vacationis ipsius Officii, vel Prælaturæ, arbitrio ipsius regiminis eligantur ex illis, qui Officia minora Cellerariatus, & Prioratus digne gradatim, ut præmittitur, saltem per biennium in quolibet Officio hujusmodi fideliter exercuerint. Utque etiam tempus, quo quilibet Sacerdos Officium Visitatoris minoris exercuerit, computetur, perinde ac si idem Sacerdos per totidem tempus Cellerariatus, vel Prioratus Officium exercuisset. Quare eisdem Generali, Congregationi, & Regiminibus, Abbati-

busque, & Monacis dicti Ordinis, universis, & singulis, in virtute sanctæ obedientiæ, ut ad id omnino observent, eadem auctoritate præcipimus, atque jubemus.

§.5. Præsentisque literas, & in eis contenta quæcumque nullo umquam tempore, de subreptionis, vel obreptionis, seu intentionis nostræ, aut alio quovis vitio seu defectu notari, argui, vel impugnari posse, sed illas semper validas, & efficaces existere, ac suos integros effectus sortiri.

§.6. Sicque per quoscumque Judices ordinarios, & delegatos etiam causarum Palatii Apostolici Auditores, & S. R. E. Cardinales, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiri debere, irritumque, & inane, si quid secus super his a quoquam quavis auctoritate, scienter, vel ignoranter contigerit attentari, decernimus.

§.7. Non obstantibus præmissis, ac Constitutionibus, & Ordinationibus Apostolicis, necnon Ordinis, Congregationis, Monasteriorum, Regulariumque locorum hujusmodi statutis, usibus, naturis, & consuetudinibus, etiam juramento, confirmatione Apostolica, vel quavis firmitate alia roboratis; privilegiis quoque, indultis, & literis Apostolicis in contrarium quomodolibet, etiam Motu proprio, ac iteratis vicibus, & sub quibuscumque tenoribus, & formis, per quoscumque Romanos Pontifices Prædecessores nostros, ac etiam Nos, & Sedem Apostolicam concessis, approbatis, & innovatis, quibus omnibus, & singulis, etiam si de illis, eorumque totis tenoribus, specialis, specifica, expressa, & individua mentio habenda, aut alia aliqua exquisita forma ad hoc servanda foret, tenores hujusmodi, ac si de verbo ad verbum infererentur præsentibus, pro plene, & sufficienter expressis habentes, illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscumque.

§.8. Volumus autem ut harum exemplis, &c.

Datum Romæ apud Sanctum Marcum, sub Annulo Piscatoris, die 25. Septembris 1585., Pontificatus nostri Anno I.

## XV.

Confirmatio Privilegiorum Collegii Advocatorum, & Procuratorum Provinciæ Marchiæ, seu eorundem nova concessio.

*Dilectis filiis Prioribus, & Collegio Advocatorum, ac Procuratorum Curie generalis Provinciæ nostræ Marchiæ.*

## SIXTUS PAPA QUINTUS

*Dilecti filii salutem, & Apostolicam benedictionem.*

**F**idei constantia, & sinceræ devotionis affectus, quem erga Nos, & Romanam Ecclesiam gerere comprobamini, Nos inducunt,

Clausula hujus Bullæ præservativa.

Clausula sublata.

Clausula derogatoria.

Fides transcriptorum.

Dat. P. An. I. 25. Septemb.

Ex Registris Secret. Brevis.

Procemium.



cunt, ut vestris commoditatibus, quantum cum Deo possumus, favorabiliter annuamus, ac ea, quæ vobis propterea concessa reperimus, nostræ approbationis robore confirmamus.

Paulus III.  
huius Collegio  
confirmavit jus  
conferendi Lau-  
ream Docto-  
ratus.

§.1. Nuper siquidem Nobis exponi fecistis, quod alias per fel. rec. Paulum Papam III. Prædecessorem nostrum accepto, quod licet Collegium vestrum ex immemorabili, & eatenus pacifice observata consuetudine, foret, & existeret in possessione seu quasi juris, & facultatis conferendi insignia Doctoratus in utroque jure illorum professoribus, & benemeritis, nihilominus cum propter temporis longinquitatem, ac alias per immemorabilem consuetudinem huiusmodi de privilegio facultatis prædictæ docere non valebatis, & ideo pro majori vestra securitate cupiebatis, id vobis per Sedem Apostolicam concedi. Quare eidem Prædecessori humiliter supplicari feceratis, quatenus vobis in præmissis opportune providere de benignitate Apostolica dignaretur. Idem Prædecessor huiusmodi supplicationibus inclinatus, vobis, & vestro Collegio prædicto, ut juxta immemorabilem consuetudinem huiusmodi gradus, & insignia Doctoratus personis idoneis, & scientia præditis gradus ipsos merentibus concedere, eosque ad illos promovere, ac omnibus, & singulis privilegiis, prærogativis, præ eminentiis, antelationibus, & gratiis, quibus alia Collegia ad Doctoratus gradus huiusmodi promovendi facultatem habentia utuntur, potiuntur, & gaudent, ac uti, potiri, & gaudere poterunt quomodolibet in futurum uti, potiri, & gaudere, ac eisdem per vestrum Collegium huiusmodi sic pro tempore promotis, quod omnibus, & singulis facultatibus, præ eminentiis, exemptionibus, favoribus, & gratiis, quibus alii quicumque per Collegia generalium Studiorum ad gradus ipsos promoti quomodolibet utuntur, & gaudere possunt, uti, & gaudere valerent, concedere possetis, auctoritate Apostolica, de speciali gratia indulgetis.

Alia privile-  
gia concessit  
Paulus IV.

§.2. Et deinde piæ me: Paulo Papæ IV., & Prædecessori nostro pro parte vestra exposito, quod cum plurima, & diversa privilegia, Immunitates, exemptiones, Indulgentiæ, libertates, concessionibus, gratiæ, & indulta vobis, & Collegio vestro prædicto vestrisque familiis, rebus, & bonis, tam per plura Capitula Constitutionum ipsius Provinciæ, dicta Apostolica auctoritate editarum, & præsertim, quod arma quæcumque offendibilia, vel deffendibilia per totam Provinciæ prædictam, & quæcumque loca Rectoris ipsius Provinciæ commissa regimini possetis vos, & vestri familiares prædicti deferre libere, & impune, ac quod omnes, & singuli Curiales ipsam Curiam continue sequentes non valerent ad aliquam aliam Curiam, vel examen invictos trahi in civili, vel in criminali, tam in agendo, quam in defendendo, nisi solum coram prædicto Rectore, & sua, suo-

rumque Judicum Curia generali, & haberent immunitatem ab oneribus, & muneribus per omnia, sicut illi qui erant de Collegio, nec non lib.2.cap.41. sub Rubrica de securitate venientium ad Curiam ipsam, & de graschia asportanda ad eam, longævasque, & laudabiles consuetudines Curia, & Provinciæ prædictarum eatenus inviolabiliter observatas, quam alias a re: me: Sixto IV., Innocentio VIII., Julio II., nec non prædicto Paulo III. Rom. Pont. similiter Prædecessoribus nostris, tam in genere, quam in specie, & præsertim, etiam inter alia, quod cupientes aggregari in numero Advocatorum, & Procuratorum Curialium, non aliter aggregarentur, nisi juxta novam reformationem prædicti Collegii disputassent; Quodque Cives, & Incolæ Civitatis nostræ Maceraten., ac ceteri homines Provinciales non aliter, quam cum consensu dicti Collegii, prout eatenus fieri consueverat, in ipsum Collegium intrare, & in numero aliorum Curialium esse possent, & nonnulla etiam alia concessa, confirmata, & approbata Capitula specificata forent, nihilominus idem Paulus IV. Prædecessor omnia, & singula privilegia, immunitates, & exemptiones, libertates, ac indulgentias, concessionibus, & indulta vobis, & Collegio, vestrisque familiis, ac rebus, & bonis prædictis per supradictos, & forsan alios Romanos Pontifices Prædecessores nostros quomodolibet concessa, approbata, & innovata, ac cum omnibus, & singulis in eis contentis clausulis, & Decretis, tam sub plumbo, quam in forma Brevis literas desuper emanatas, & quæ Constitutionum, & consuetudinum prædictarum vigore vobis conspetebant, quatenus essent in usu, Apostolica auctoritate prædicta, confirmavit, & approbavit, prout in singulorum Prædecessorum eorundem literis desuper confectis, nec non Constitutionibus prædictis plenius continetur.

§.3. Quare pro parte vestra a dilecto filio Cammillo Costa dicti Collegii Decano Nobis fuit humiliter supplicatum, quatenus privilegiis, immunitatibus, exemptionibus, libertatibus, Indulgentiis, concessionibus, Indultis, ac Constitutionibus prædictis pro firmiori illorum substantia robur Apostolicæ confirmationis adiacere, aliasque vobis in præmissis opportune providere de benignitate Apostolica dignaremur.

§.4. Nos igitur, qui omnium præsertim Subditorum Nostrorum utilitates, & commoda sincero desideramus affectu, literarum singulorum Prædecessorum, necnon Constitutionum huiusmodi tenores, præsentibus pro sufficienter expressis habentes, vestris in hac parte supplicationibus inclinati, literas singulorum, Prædecessorum eorundem, necnon privilegia, immunitates, exemptiones, libertates, Indulgentias, concessionibus, Indulta, & Constitutiones huiusmodi Apostolica auctoritate prædicta, tenore præsentium confirmamus, & approbamus, illisque perpetuæ, & inviolabilis firmitatis robur adii-

Collegium ip-  
sum instat pro  
confirmatione  
huiusmodi Pri-  
vilegiorum.

Concedit Si-  
xtus.



1585.

Exequutores  
huiusmodi li-  
terarum de-  
putat.

adiicimus, vobisque de novo concedimus  
& indulgemus.

§.5. Quocirca pro tempore existentibus  
eiusdem Provinciae Legato, & Vicelegato  
ac Gubernatori per praesentes committi-  
mus, & mandamus, quatenus vobis in praemissis de opportuna defensionis praesidio  
assistentes, vos literis, necnon privilegiis,  
immunitatibus, exemptionibus, liberta-  
tibus, Indulgentiis, concessionibus, In-  
dultis, & Constitutionibus, aliisque praemissis juxta earundem praesentium conti-  
nentiam, & tenorem pacifice frui, uti, &  
gaudere faciant, ac permittant.

Derogat con-  
trariis.

§.6. Non obstantibus praemissis, ac Con-  
stitutionibus, & Ordinationibus Apostoli-  
cis, necnon Provinciae, & Collegii praedi-  
ctorum etiam Juramento, confirmatione  
Apostolica, vel quavis firmitate alia robo-  
ratis statutis, & consuetudinibus, privi-  
legiis quoque, Indultis, & literis Apostoli-  
cis Legato, & Vicelegato, ac Gubernatori  
praedictis, necnon quibusvis aliis personis  
sub quibuscumque tenoribus, & formis,  
ac cum quibusvis etiam derogatoriis de-  
rogatoriis, aliisque efficacioribus, effica-  
cissimis, & insolitis clausulis, irritantibus  
que, & aliis decretis etiam iteratis vicibus  
concessis, confirmatis, & innovatis, qui-  
bus omnibus, etiam si pro illorum suffi-  
cienti derogatione de illis, eorumque to-  
tis tenoribus, specialis specifica, indivi-  
dua, & expressa, non autem per clausulas  
generales idem importantes mentio, seu  
quavis alia expressio habenda, aut aliqua  
alia exquisita forma ad hoc servanda foret,  
illorumque tenores, ac si de verbo ad ver-  
bum infererentur praesentibus, pro suffi-  
cienter expressis habentes, illis alias in suo  
robores permansuris, hac vice dumtaxat,  
ad effectum praesentium specialiter, & ex-  
presse derogamus, ac sufficienter deroga-  
tum esse decernimus, ceterisque contra-  
riis quibuscumque.

Dat. die 2.  
Octob. 1585.  
An.I.

Datum Romae apud Sanctum Marcum  
sub annulo Piscatoris die 2. Oct. 1585. Pon-  
tificatus nostri Anno I.

## XVI.

Ex Regest. in  
Secret. Brev.

Confirmatio literarum diversorum Romano-  
rum Pontificum super bono regimine Ci-  
vitatibus Anconitan., & confirmatione  
Immunitatum, ac Privilegiorum ejus-  
dem Civitatis.

*Dilectis filiis Antianis, ac Communitati, &  
Hominibus Civitatis nostrae Anconitan.*

SIXTUS PAPA QUINTUS

*Dilecti filii salutem, & Apostolicam Bene-  
dictionem.*

Exordium:

**M**eritis vestrae devotionis, qua Nos, &  
Romanam reveremini Ecclesiam ad-  
ducimur, ut votis, ac desideriis vestris,  
praesertim ad antiquorum jurium, statuto-  
rumque vestrorum, ac concessionum Apo-  
stolicarum conservatione, & approbatione  
spectantibus, quantum cum Deo possumus,  
favorabiliter annuamus.

§.1. Exponi itaque Nobis nuper fecistis  
per dilectos filios Comitem Joannem Bapti-  
stam Ferretum J. U. D., & Franciscum To-  
dinum Oratores vestros ad Nos in hac no-  
stra, meritis licet imparibus ac summi Apo-  
stolatus apicem assumptione destinatos,  
quod dudum se. rec. Pius Papa IV. Præde-  
cessor noster accepto per eum, quod pia  
me. Paulus Papa IV. Prædecessor noster sta-  
tuta vestrae Civitatis, quatenus essent honesta,  
& licita, ac contra Ecclesiasticam libertatem  
non tenderent, approbaverat, & confirma-  
verat, & praesertim reintegrationem ad ho-  
nores, officia, bona, & alia jura per se.  
rec. Paulum III. vobis factam, & per Ju-  
lium etiam III., & Paulum IV. confirma-  
tam; necnon quo caveri asserebatis, quod  
nullus, qui esset de dicta Provincia Marchiae  
Anconitan. posset eligi, vel assumi in Po-  
testatem, aut Judicem appellationum, vel  
Militiae locum, aut Notarium dictae Civi-  
tatis, & si Potestas, vel Judex praefatus,  
aut eorum aliquis duceret, vel teneret ali-  
quem Judicem, vel militem socium, vel  
Notarium, qui esset de dicta Provincia,  
puniretur, & condemnaretur in centum  
ducatis pro quolibet ipsorum Judicum, Mi-  
litum, Sociorum, & Notariorum, & si-  
militer, quod nullus de dicta Provincia es-  
set officialis in dicta Civitate, seu inibi ali-  
quod officium exerceret. Ac ipsius Civitatis  
Anconitan. Regulatores non essent, neque  
deberent curare, quod fieret aliqua propo-  
sta ad eligendum, seu assumendum dictos  
officiales, seu eorum aliquem contra for-  
mam ipsius statuti sub poena viginti quinque  
ducatorum auri pro quolibet, & qualibet,  
vice, & nullus super dicta proposta in ve-  
stro consilio arrearere, vel consulere pos-  
set, aut aliquis de dictis officialibus assume-  
retur, ipse quoque Pius praemissa, necnon  
omnia, & singula alia statuta, ordinatio-  
nes, consuetudines, & Reformationes ipsius  
Civitatis, licita tamen, & honesta, ac Sa-  
cris Canonibus non contraria, ac cum om-  
nibus, & singulis in eis contentis clausulis  
per literas Apostolicas desuper in forma  
Brevis confectas approbavit, & confirma-  
vit: vosque dummodo consuetum esset,  
quolibet anno quadringentas dumtaxat sal-  
mas frumenti, quod in Territorio vestro  
colligebatur, absque tracta, aut resigna so-  
lutione extrahere, & quo velitis per Ter-  
ram, sive per aquam exportare libere vale-  
retis juxta tenorem literarum pia me. Sixti  
Papae IV., & Prædecessoris nostri vobis, ut  
etiam asserebatis, concessarum, & conven-  
tionem, quam cum Camera Apostolica in  
Dohanarum vestrarum conductione habe-  
batis. Et cum pecunia, ex maleficiis di-  
ctae Civitatis provenientes pro duabus tertiis  
partibus ad vos pertinerent, vobisque illae  
semper applicatae fuissent, quod dictae Ci-  
vitatibus Gubernatores, vel locatenentes pro  
tempore existentes sub reparationis, vel  
cujusvis alterius impensae in vestro Palatio  
facien., aut quovis alio praetextu in dictis  
duabus maleficiorum partibus nullatenus se  
intromittere, aut aliquid ex eis percipere  
(prout

1585.

Nonnullae co-  
cessionibus Ro-  
manorum Po-  
tificum favore  
Civitatis An-  
conitan.

In cap. 9. de  
Refor.



( prout sub talibus præsentationibus sapefactum dicebatur ) absque vestro interventu possent, sive deberent, & ut extorsionibus, & fraudibus, quæ exinde fieri solebant, obviaretur, quod Barisellatus, aliaque similia dictæ Civitatis officia ex quavis causa nequaquam vendi, seu super eis pensio, seu solutio aliqua imponi, seu exigi possent, sive deberent, & pro tempore existentes Gubernatores, Colonelli, & Castellani dictæ Civitatis, illiusque Arcis ratione carnum, Piscium, & aliarum rerum ad vitum necessariorum per eos in dicta Civitate pro tempore emendarum, illudmet solvant, ac solvere debeant, quod pro eis Cives, aut alii Incolæ ipsius Civitatis solent, ac etiam pro tempore existentes Præfectus, seu Castellanus Revellini dicti Portus nullatenus impediret, quin Naves, & alia ligna dicto Revellino, aut ejusdem Portus mollo adhererent, neque propterea aliquid exigenter, nisi pro unaquaque Navi lignis onusta, unum lignum tantum, ac similiter, quod Castellanus, seu Præfectus Arcis ejusdem Civitatis ratione transitus per ipsam Civitatem nihil præter unum lignum pro qualibet salma lignorum petere, seu exigere possent, aut deberent. Item cum oporteret ad conservationem maritimi commercii ad quasvis Naves, & alia navigia Barcas nuncupatas ea Biscotti quantitas ex dicta Civitate exportare posset, quæ pro nautarum in illis existentium usu sufficeret. Cumque a certis tunc mensibus citra, a tunc dictæ Provinciæ Marchiæ Thesaurariis quædam nova impositio trium paulorum, a Gubernatore dictæ Civitatis unius alterius pauli pro qualibet salma ipsius Biscotti facta fuisset, ac plerique, & pauperes præsertim homines conqueri, & lamentari cogerentur, & Portus exinde infrequentior redderetur.

Idcirco dictus Pius Prædecessor omnia nova vectigalia hujusmodi, contra solitum imposita subtulit, revocavit, cassavit, & annullavit. Ita ut nihilomino de cetero eorum occasione solveretur, aut a quopiam exigeretur, & quod solo, & simplici Dohaneriarum bullettino, ut antea semper factum esse etiam asserbatis, extrahi posset, voluit, & commisit.

Deinde re: me: Pius Papa V. etiam Prædecessor noster accepto, quod bo: me: Guido Ascanius Sanctæ Mariæ in Via-lata tunc Sanctorum Viti, & Modesti Diaconus Cardinalis de Sancta Flora nuncupatus Sanctæ Romanæ Ecclesiæ Camerarius de mandato fe: re: Pauli Papæ III. Prædecessoris nostri sibi super hoc, ut asserbat, vivæ vocis oraculo facto, & auctoritate sui Camerariatus officii, ac ex decreto in Camera Apostolica edito vos ad honores, & officia ( secretorum tamen excepto ) ac mobilia, & immobilia bona, datia, & gabellas, ac omnem alium solitum introitum, quibus ante annum millesimum quingentesimum trigesimum secundum, tam in Civitate Anconæ, quam ejus Comitatu gauderatis, juxta certa expressa Capitula, & inter cetera,

quod vos pro custodia, & aliis expensis Arcis istius Civitatis mille, & ducentorum, & pro Gubernatoribus futuris, qui officium Gubernatoris, & Prætoris ibi exercerent, & eorum familia sexcentos, & pro uno Judice appellationum in civilibus per vos eligendo, & per Apostolicum Breve confirmando, qui Statuta dictæ Civitatis in omnem casum observare tenerentur, ac uno Notario, & uno executore per ipsum Judicem tenen. ducentos, & quinquaginta, & pro uno Barisello cum octo famulis ducentos, nec non pro Scribanis, & Guardianis Portarum, & Portellarum, centum quinquaginta ducatos ad rationem decem juliorum pro quolibet mense eorum ratam solvere, & ulterius quolibet anno trium milium ducatorum similium summam in fortificationem, & reparationem murorum, & aliorum necessariorum dictæ Civitatis ( prout per ipsum Prædecessorem, & Successores suos ordinaretur ) exponere deberetis, per ejus literas reintegraverat, idem Prædecessor ad preces vestras inter alia reintegrationem hujusmodi, ac prout illam, concernebant, omnia, & singula in dictis literis contenta, & inde secuta quacumque per suas literas approbavit. Et pro potiori cautela vos ad honores, officia, bona, & jura prædicta modo, & forma, ac prout per ipsum Guidonem Ascanium Cardinalem, & Camerarium reintegrati fueratis, de novo plenarie etiam reintegravit, & reintegratos esse decrevit: Dictus autem Paulus IV. Prædecessor noster accepto, quod re: me: Julius Papa III. similiter Prædecessor noster postquam præfata omnia per suas literas in forma Brevis confirmaverat, pecunias per vos, ut præfertur, solven., & exponen. monti Iulio in eadem Civitate per ipsum Iulium Prædecessorem erecto, etiam perpetuo applicaverat, & ne dicta Civitas ob defectum ipsarum pecuniarum detrimentum pateretur, pro solutionibus per vos, ut præmittitur, facien. nonnullas pecuniarum summas ad Cameram Apostolicam spectan., in locum dictarum pecuniarum monti Iulio applicatarum concesserat, & assignaverat, idem Paulus IV. Prædecessor ad similes preces reintegrationem, decretum, concessionem, mandatum, inhibitionem Pauli, ac confirmationem Iulii Prædecessor hujusmodi, ac prout illa concernebant, omnia, & singula in eorum literis contenta, & inde secuta quacumq., necnon quatenus essent licita, & honesta, & contra libertatem Ecclesiasticam non tenderent, Statuta ipsius Civitatis, privilegia, indulta, ac literas Apostolicas illi, & vobis per quoscumque Romanos Pontifices Prædecessores nostros eatenus concessa, quorum omnium tenores, ac si de verbo ad verbum infererentur, idem Paulus IV. Prædecessor haberi voluit pro expressis, per suas literas ex certa scientia approbavit, & confirmavit, ac illis plenum, & perpetuum firmitatis robur adiecit, supplens omnes, & singulos juris, & facti defectus, si qui forsân intervenissent in eisdem, ac summas pecuniarum



vobis, ut præfertur, per eundem Julium Prædecessorem assignatas pro ejusdem Civitatis custodia, & aliis impensis Arcis Gubernatore, Judice appellationum, & extraordinario loco Notarii, necnon executore Barisello, Scribanis, & Guardianis prædictis, ac reparatione, & fortificatione murorum, & aliorum necessariorum hujusmodi, ita tamen, ut quidquid ex præmissis, & aliis expensis pro gubernio dictæ Civitatis facien., ac emolumentis prædictis, pro tempore superesset, in fabricam, & reparationem murorum, ac alios ejusdem Civitatis usus necessarios converteretur, de novo eadem auctoritate concessit, applicavit, & appropriavit, mandavitque, ut de cetero perpetuis futuris temporibus quocumque usu contrario etiam si potentia Gubernatorum ejusdem Civitatis introductus esset non obstan. Judex Appellationum cum salario consueto sibi per Depositarium Apostolicum annuatim, & pro rata singulo mense persolven. per vos annis singulis eligi, & sic electus per Breve Apostolicum confirmari, & postquam confirmatus foret, omnes causas coram eo pro tempore introductas juxta formam Statutorum hujusmodi cognoscere, & decidere deberet. Ac suo, & dictæ Sedis in eadem Civitate Depositario commisit, ut ex pecuniis, quæ ad ejus manus pervenirent, Salarium Judicis appellationum hujusmodi in recompensationem salarii prædictorum Monti Julio applicati, ne scilicet Civitas ipsa aliquod detrimentum ob id pateretur, absque aliqua diminutione, seu retentione quolibet anno, & singulo mense ratam realiter & cum effectu persolveret, subiungens quod quidquid ipse Depositarius sic pro salario prædicto solvisse docuisset, in ejus computis sempermitteret, & admitti faceret, prout ex tunc idem Prædecessor admisit, & admitti mandavit, Pius V. vero præfatus post præmissorum omnium confirmationem statuit, quod pro tempore existentes Officiales, Dohanarum Conservatores, & Majores nuncupati suam istic Jurisdictionem, prout eatenus consueverant, exercerent, & ut extorsionibus, & fraudibus, obviaretur, decrevit, quod Barisellatus vestri Officium nullatenus vendi, nec super eo pensio, vel exactio aliqua per quoscumque etiam ipsius Civitatis Gubernatores, aut provincie Legatos imponi, nec quidquam quantumlibet modicum ex ejus salario retineri, seu alias quoquomodo interverti posset.

Deinde fel. rec. Gregorius Papa XIII. etiam Prædecessor noster ad instare eorundem Prædecessorum nostrorum prædictorum nedum decreta, concessionem, privilegia, exemptiones, immunitates, favores, Indulta, reintegrationem, commisionem, mandatum, revocationem, annulationem, aliasque gratias per eosdem Prædecessores concessas, & factas, ac præsertim, quod pecuniæ ex maleficiis dictæ Civitatis provenien. pro duabus tertiis partibus ad vos pertineant, vobisque illæ, ut

præfertur, applicatæ sint: quodque ipsius Civitatis Gubernatores, Locatenentes, & alii Officiales sub quovis prætextu, aut colore de pecuniis ex dictis maleficiis pro duabus tertiis partibus hujusmodi provenien., vos, vestramque Civitatem defraudare in nullo possent, literasque desuper confectas & in eis contenta quæcumque per suas literas confirmavit, & approbavit, eisque plenariæ, & inviolabilis firmitatis robur adiecit, ac omnes, & singulos, tam Juris, quam facti defectus, si qui in eis intervenissent, supplevit, sed etiam accepto, quod præter, & contra vestræ Civitatis privilegia, libertates, & Jura Bariselli, & Procuratores Fisci jam in dicta Civitate instituti, eorumque Officia pretio assecuti ad examen reorum, etiam per constitutum absque Judicis interventu procedere audebant, mandavit, quod Gubernator dictæ Civitatis provideret, ne Procurator Fiscalis, & Bariselli pro tempore suis abuterentur Officiis, neve Castellani Arcis Rocchæ nuncupatæ ac Portus prædictus ex lignis, & fructibus per portas in dictam Civitatem delatis contra privilegia vobis concessa, ac morem, & consuetudinem aliquid acciperent, cumque contra solitum cogeremini ad solven. ædes pro habitatione Colonnelli, uti Capitanei Battaliarum, vos attento quod Battalias hujusmodi idem Gregorius Prædecessor removerat, & revocaverat, a talibus insolitis gravaminibus liberavit, & eximit: ac voluit, quod in futurum Locatenentes, Auditores, & alii Officiales dictæ Civitatis rationem administrationis Officiorum suorum privilegia, & Indulta vobis concessa, ac morem antiquum ante eorum illinc discessum redderent, nec illinc nisi sententia per Syndicatores lata, discedere possent, & si cautionem idoneam præstitissent; statuit quoque, & ordinavit, ut Civitates, Terræ, & loca Provincie nostræ Marchiæ Anconitanæ secundum ordinationem a dicto Paulo IV. Prædecessore præscriptam in fabricam dicti Portus pro rata eorum contribuant, in qua contributione communitas ipsa confert scut. tria milia, his computatis, quæ pro quarta parte ex mercibus in dictam Civitatem afferantur per Cavum Malii, ita quod pecuniæ usque in hunc diem decursæ, & non solutæ, ad eorum manus, ad quas devenire solebant, devenirent, & alias, prout in singulis literis dictorum Prædecessorum plenius continetur.

§.2. Quæ quidem omnia dicti Oratores nomine vestro Nobis humiliter supplicarunt, ut nostro etiam munimine roborare, ac alias in præmissis opportune providere de benignitate Apostolica dignaremur.

§.3. Nos itaque igitur, qui vos, Civitatemque vestram Anconitan. eximie semper dileximus, observantiam, & devotionem vestram erga Nos, & Sedem præfata per dictos Oratores vestros, Viros probatos, fidos, & industrios, Nobis luculenter declaratam libenter agnovimus, ac prosperum statum, & salubrem directionem

Tales concessionem immunitates, privilegia &c. confirmari a Sixto petunt Oratores Anconitani.  
Benigne annuit Pontifex



nem Civitatis nostræ prædictæ illiusque Officiorum sincero affectu desideramus, vos, & vestrum quemlibet a quibuscumque Excommunicationis, suspensionis, & Interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodati estis, ad effectum præsentium dumtaxat consequendum, harum serie absolventes, & absolutos fore censentes, necnon omnium, & singulorum prædictorum, & inde secutorum quorumcumque tenores, præsentibus pro sufficienter expressis habentes hujusmodi supplicationibus inclinati, omnia, & singula decreta, statuta, concessionis, necnon privilegia, exemptiones, immunitates, favores, Indulta, reintegrationes, commissiones, mandata, revocationes, voluntates, annulationes, aliasque gratias per Paulum III. Julium etiam III. Paulum IV., & Gregorium XIII. Prædecessores nostros prædictos, literasque desuper confectas, & in eis contenta quæcumque Apostolica auctoritate tenore præsentium approbamus, & confirmamus, illisque perpetuæ, & inviolabilis firmitatis robur adicimus, omnesque, & singulos tam juris, quam facti defectus, si qui forsitan intervenerint in eisdem, supplemus.

Exequutores,  
Defensoresque  
designat.

§.4. Quocirca Ven. Fratribus Anconitan., Asculan., & Recanaten. Episcopis, per Apostolica scripta mandamus, quatenus ipsi, vel duo, aut unus eorum, per se vel alium, seu alios præsentis literas, & in eis contenta quæcumque, ubi, & quando opus fuerit, ac quoties pro parte vestra fuerint requisiti, solemniter publicantes, vobisque, & Deputatis vestris in præmissis omnibus, & singulis efficacis defensionis præsidio assistentes faciant auctoritate nostra vos illis pacifice frui, & gaudere, non permittentes vos, aut Deputatos vestros, seu vestrum aliquem contra præsentium tenorem quomodolibet indebite molestari, perturbari, vel inquietari, contradictores quoslibet, & rebelles etiam si Episcopali, vel majori præfulgeant dignitate per quæcumque censuras, & poenas Ecclesiasticas ac etiam pecuniarias, aliasque opportuna Juris, & facti remedia, appellatione postposita, compescendo, ac legitimis super his habendis servatis processibus, sententias, censuras, & poenas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis.

Derogat contrariis.

§.5. Non obstantibus præmissis, ac Constitutionibus, & Ordinationibus Apostolicis, ac quibuscumque etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis Legatis, Vicelegatis, Gubernatoribus, Auditoribus, Commissariis, & aliis quibuscumque personis, ac locis sub quibuscumque tenoribus, & formis, ac cum quibuscumque clausulis, & decretis etiam Motu proprio quomodolibet concessis, approbatis, & innovatis. Quibus omnibus, & sin-

*Bull. Rom. Tom. IV. Par. IV.*

gulis illorum tenores, ac si de verbo ad verbum infererentur præsentibus, pro sufficienter expressis habentes; illis alias in suo robore permanfuris, hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Marcum, sub annulo Piscatoris die 8. Octob. 1585. Pontificatus nostri Anno I.

Dat. die 8.  
Octob. 1585.  
An. I.

## XVII.

De regimine Studii generalis Valentin. ab Alexandro VI. instituti, & applicatione Beneficiorum Ecclesiasticorum &c.

## SIXTUS EPISCOPUS

## SERVUS SERVORUM DEI

*Ad perpetuam rei memoriam.*

**C**Opiosus in misericordia Dominus, & in cunctis suis operibus gloriosus, a quo omnia bona defluunt, ad hoc Nobis, licet immeritis, suæ Sponsæ universalis Ecclesiæ regimen committere, & nostræ debilitati jugum Apostolicæ servitutis imponere voluit, ut tamquam de summo vertice montis ad hujus mundi infima reflectentes intuitum, quid pro hujusmodi illustranda Ecclesia ad fidei Orthodoxæ, divinique cultus, & beneficiorum propagationem conferat, quidve statui, & profectui, animarumque salutis fidelium quorumlibet conveniat, attentius prospiciamus, fidelesque ipsos ad quærenda literarum studia, per quæ militantis Ecclesiæ respublica geritur, divini nominis, ac ejusdem Fidei cultus præstenditur, omnisque prosperitas humanæ conditionis augetur, nostræ sollicitudinis ope excitemus, ac in id pro nostri Pastoralis officii debito propensius incumbamus, ut singulæ Studiorum generalium Universitates, præsertim in locis Maurorum, & aliorum infidelium, non ita pridem ad Christi Fidem converforum progenie refertis constitutæ, Lectores fide, & eruditione probatos, ad aliorum instructionem, & sanæ doctrinæ conservationem nanciscantur, ac eisdem Lectoribus pro suis necessitatibus, fructuosique eorum instituti prosecutione, & exercitio congruæ subventionis auxilia favorabiliter subministrentur.

Exordium.

§.1. Dudum siquidem omnia officia, ceteraque beneficia Ecclesiastica apud Sedem Apostolicam tunc vacantia, & inantea vacatura, collationi, & dispositioni nostræ reservavimus, decernentes ex tunc irritum, & inane, si secus super his a quoquam quavis auctoritate, scienter, vel ignoranter contingeret attentari. Cum itaque postmodum Præpositura mensis Februarii in Ecclesia Valentin. per liberam resignationem dilecti filii Thomæ de Boria Canonici Ecclesiæ Toletan. & nuper Præpositi mensis Februarii in dicta Ecclesia Valentin. de illa, quam tunc obtinebat, in manibus nostris sponte factam, & per Nos admissam, apud Sedem præfatam vacaverit, & vacet ad præsens, nullusque de illa præter Nos, hac

Præpositura  
Ecclesiæ Va-  
lentin. vacat.



1585.

vice disponere potuerit, sive possit, reservatione, & decreto obfistentibus supradictis. Et sicut exhibita Nobis nuper pro parte dilectorum filiorum Consulum juratorum, Rationalis, & Syndici Civitatis Valentin. petitio continebat, ex duodecim singulorum mensium Præposituris, olim in dicta Ecclesia Valentin. pro totidem Præpositis, qui annuatim fructus, redditus, & proventus ejusdem Ecclesiæ Valentin. Mensæ Capitularis recolligerent, ac inter illius Canonicos pro tempore residentes, juxta certam taxam ad id præscriptam singulis mensibus distribuerent institutis, dicta Præpositura mensis sola ibidem remanente, omnes aliæ aliorum mensium Præposituræ hujusmodi, pridem Apostolica auctoritate perpetuo suppressæ, & extinctæ, illarumque fructus, redditus, & proventus, prædictæ mensæ Capitulari dicta auctoritate, etiam perpetuo applicati, & appropriati fuerint, ac ex fructuum, reddituum, & proventuum mensæ hujusmodi augmento ipsius Ecclesiæ Valentin. Canonici decentem eorum gradum commode sustinere possint.

Alexand. VI. generale studium instituit, sed propter tenuitatem redditum Lectorum salarias solvere non valet unde mala hic descripta oriuntur.

§.2. Universitas vero Studii generalis Valentin. a fel. rec. Alexandro PP. VI. Prædecessore nostro, ad quarumcumque personarum, tam Ecclesiasticarum, quam secularium, in Theologia, utriusque juris prudentia, Medicina, & Artibus liberalibus, ac quibusvis aliis licitis facultatibus instructionem, & profectum instituta, propter illius reddituum, & proventuum quingentorum ducatorum auri de Camera secundum comm. expen. valor. annum non excedentium tenuitatem, tantis necessitatibus, & angustiis prematur, ut neque competentem mercedem singularum facultatum hujusmodi Lectoribus præstare, nec multorum aliorum onerum illi jugiter incumbentium gravitatem sustinere possit, & exinde utriusque juris prudentiæ lectiones ibidem saltem ex professo, hactenus haberi commode non potuerint, illiusque Regni indigenæ, harum usu, & commodo destituti, desideratos in hujusmodi facultatum studiis progressus consequi nequeant, vel pro illis capeffendis ad alias longinquas, & remotas Studiorum generalium Universitates, non sine magno personarum, ac rerum suarum incommodo, & dispendio se transferre cogantur, quin etiam in universo Regno Valentie, quod præ ceteris Hispaniarum Regnis, Maurorum noviter ad Fidem conversorum multitudine refferum, ac spectatæ fidei, & doctrinæ viro- rum copia, pro ipsis Mauris, & infidelibus ad Religionis, & Fidei Catholicæ cultum convertendis, ac conversis in eadem religione, & Fide instruendis, & confirmandis, maxime indigere dignoscitur, nullum Seminarium a locorum Ordinariis, juxta formam Concilii Tridentini hucusque institutum existat, si dicta Præpositura mensis Februarii, quæ nullum amplius ibidem servitium, aut obsequium requirit, perpetuo supprimeretur, & extingueretur, ac ex illius sic suppressæ, & extinctæ fructibus,

redditibus, & proventibus, decem, & octo aliæ Præposituræ, in eadem Ecclesia Valentin. pro totidem Præpositis Cathedratibus nuncupandis, qui apud eandem Ecclesiam Valentin. residerent, ac in illius Choro Missarum solemnibus, & aliis divinis officiis assisterent, quorumque sex Theologiam, & aliis sex Canonica, reliqui autem sex civilia jura, inibi in totidem publicis dictæ Universitatis Cathedris, eis ad id assignandis, pro una videlicet matutinis, altera vero partibus Præpositorum hujusmodi promeridianis horis, legere, & interpretari teneantur, ex hoc profecto nedum ipsius Ecclesiæ Valentin. dignitati, & decori, ac divini cultus, ministrorumque, & beneficiorum Ecclesiasticorum in ea augmento confuleretur, verum etiam in ipsa Universitate literarum studia, per amplius propagarentur, ac doctissimorum, & in hujusmodi facultatibus exercitissimorum viro- rum concursus, pro ipsis lectionibus habendis, in dies major fieret, eorumque opera, eruditione, & doctrina, tam dicti Regni Indigenæ in patrio solo, absque longo peregrinationis labore, quam undecumque advenientes ibidem tamquam uberrimo sacrarum, ac aliarum optimarum scientiarum Seminario, in Theologia, & utriusque juris prudentiæ facultatibus hujusmodi, instrui, & edoceri, seque in illis exercere, ac tandem emeritos gradus, & honores consequi, necnon Reipublicæ decori, & ornamento, sibi que, & aliis utiles esse possent.

§.1. Quare pro parte Consulum juratorum, Rationalis, & Syndici præfatorum asserentium, Universitatem prædictam, eorum cura, & gubernio maxime dirigi, ac illius Professorum, Lectorum, Præceptorum, Bidellorum, aliorumque officialium, & ministrorum electionem, & deputationem, necnon publicarum Cathedrarum, hujusmodi, ac salariorum, & mercedum assignationem, atque distributionem, ad se & nonnullos alios de ipsorum consilio existentes pertinere, ac dictæ Præposituræ mensis Februarii fructus, redditus, & proventus, qui omnes pro una videlicet, Petro Ludovico Galcerando, etiam de Boria, Magistro Militiæ S. Mariæ de Montesa, & S. Georgii Cisterciensis Ordinis in dicto Regno Valentie institutæ, pro altera vero illorum medietatibus Joanni similiter de Boria, Præceptorum præceptoris majoris dictæ Militiæ ipsius Petri Ludovici nato, ex dispensatione Apostolica; necnon super eisdem pensio annua ducentorum ducatorum auri de Camera, Petro Ferra pariter de Boria Clerico, dilectis filiis, illos, & illam annuatim percipientibus dicta auctoritate reservari existunt, quatuor millium, & quadringentorum ducatorum auri similium se ext. prædictam valorem annum non excedere, Nobis fuit humiliter supplicatum, quatenus præmissis, ac aliis infra scriptis annuere, & desuper opportune providere, de benignitate Apostolica dignaremur.

§.4. Nos igitur, qui dudum inter alia volui-

Universitas ergo Valentin. supplicat, pro concessione dictæ Præposituræ, pro lectoribus dicti Studii &c.

Hic modo Pontifex petita concedit.



voluimus, quod petentes beneficia Ecclesiastica aliis uniri, tenerentur exprimere verum annum valorem se. ext. præfatam, etiam beneficii, cui aliud unire peteretur, alioquin unio non valeret, & semper in unionibus commissio fieret ad partes, vocatis quorum interesset, quique hodie reservationem medietatis fructuum, reddituum, & proventuum Petro Ludovico factam huiusmodi, quo ad summam quingentarum librarum monetæ Valentin. dumtaxat eadem reservatione, quo ad reliquam partem medietatis fructuum huiusmodi, ipsi Petro Ludovico, salva, & illæsa remanente, ejusdem Petri Ludovici ad hoc expresso accedente consensu, cassari, & extinguere, cassamque, & extinctam fore, & esse decerni, ac prædicto Thomæ partem fructuum, reddituum, & proventuum suppressæ Præposituræ mensis Februarii huiusmodi cassatæ similem, quæ ad valorem annum dictarum quingentarum librarum ascenderet, ex tunc, ita tamen, quod omnes, & quæcumque aliæ assignationes sibi per dictum Petrum Ludovicum ex huiusmodi fructibus, redditibus, & proventibus, hætenus quomodolibet factæ, etiam cassæ, & extinctæ essent, & esse censerentur, nec dictus Thomas quicquam ultra quingentas libras huiusmodi a Petro Ludovico, & Joanne prædictis, ex fructibus, redditibus, & proventibus eis reservatis huiusmodi, quovis etiam alimentorum, vel congruæ sustentationis prætextu prætere, ac huiusmodi partem, quæ ad summam quingentarum librarum similium dumtaxat ascenderet, simul, vel successive, in toto, vel in parte, in dicta Curia, vel extra eam, etiam in mortis articulo, vel alias quando-cumque sibi placeret, etiam absque aliqua literarum Apostolicarum desuper conficiendarum, ac præsentium insinuatione, in unam, vel plures personas Ecclesiasticas, etiam quæcumque, quotcumque, & quælibetque beneficia Ecclesiastica obtinentes, & expectantes, per eundem Thomam nominandas absque Præpositorum Cathedralicorum prædictorum, vel quorumvis aliorum desuper præstando, vel requiringo consensu, transferre valeret: reservari, concedi, & assignari, necnon Consulibus Juratis, Rationali, & Syndico prædictis, omnes, & singulas expensas in supplicationis per Nos super præsentibus gratiis signatæ, ac desuper conficiendarum, & præsentium literarum expeditione pro tempore factas cujuscumque summa, & quantitatis forent, absque eo quod quicquam a Thoma, & Petro Ludovico, ac Joanne, & Petro Ferr. prædictis repetere possent, solvendi, & præstandi licentiam elargiri concessimus. Consules Juratos, & Rationalem, & Syndicum prædictos, eorumque singulos a quibuscumque Excommunicationis, suspensionis, & interdicti, aliisque Ecclesiasticis sententiis, censuris, & poenis, a jure vel ab homine, quavis occasione, vel causa latis, si quibus quomodolibet innodati existunt, ad effectum præ-

*Bull. Rom. Tom. IV. Par. IV.*

sentium dumtaxat consequendum, harum serie absolventes, & absolutos fore censentes, huiusmodi supplicationibus inclinati, prædictam Præposituram mensis Februarii quæ inibi beneficium, seu officium simplex, aut personatus, vel administratio existit, & personalem residentiam non requirat, sive præmissa, sive alio quovis modo, aut ex alterius cujuscumque persona, seu per similem resignationem dicti Thomæ, vel cujuscumque alterius de illa in Romana Curia, vel extra eam, etiam coram Notario publico, & testibus sponte factam, aut affectionem alterius beneficii Ecclesiastici, quavis auctoritate collati, vacet, etiam si tanto tempore vacaverit, quod ejus collatio juxta Lateranen. Statuta Concilii ad Sedem Apostolicam legitime devoluta, ipsaque Præpositura mensis Februarii dispositioni Apostolica specialiter, vel alias generaliter reservata existat, & super ea inter aliquos lis, cujus statum præsentibus haberi volumus pro expresso, pendeat indecisa, dummodo ejus dispositio ad Nos hac vice pertineat, dicta Apostolica auctoritate tenore præsentium perpetuo supprimimus, & extinguimus, ac illius, & aliarum suppressarum Præpositurarum prædictarum loco, in dicta Ecclesia Valentin. decem, & octo alias Præposituras, quæ ibidem simplicia officia, seu beneficia existant, ac etiam per Canonicos dictæ Ecclesiæ, seu dignitates, aut Cappellanas, vel alia simplicia beneficia Ecclesiastica ibidem obtinentes, etiam una cum ipsius Ecclesiæ Valentin. Canonicatibus, & præbendis, seu dignitatibus, vel Cappellaniis, aut aliis beneficiis huiusmodi absque dispensatione Apostolica obtinere possint, pro totidem Præpositis, sex videlicet primariis, & sex secundariis, ac reliquis sex tertiariis Cathedralicis nuncupandis, qui habitum, & insignia per olim Præpositos mensium huiusmodi deferri solita gestare, & deferre, ac illorum instar stallum in Choro, necnon locum in processionibus, ceterisque actibus publicis, & privatis, omnibus, & quibuscumque, non tamen capitularibus dictæ Ecclesiæ Valentin. immediate post illius Canonicos, juxta ordinem ad id eis præscribendum habere, necnon apud dictam Ecclesiam Valentin. residendo, & divinis officiis interessendo, omnibus, & singulis distributionibus quotidianis, tam diurnis, quam nocturnis, aliisque juribus, obventionibus, & emolumentis, in quibuscumque rebus consistentibus, & quocumque nomine nuncupatis (non tamen ex fructibus, redditibus, & proventibus aliarum undecim Præpositurarum huiusmodi prædictæ mensæ Capitulari applicatis, & appropriatis provenientibus) necnon privilegiis, indultis, facultatibus, honoribus, præeminentiis, prærogativis, exemptionibus, immunitatibus, libertatibus, ceterisque gratiis, tam spiritualibus, quam temporalibus, quibus Præpositi mensium huiusmodi, qui pro tempore fuerint, ratione dictarum Præpositurarum suppressarum, apud ipsam Ecclesiam Valentin. re-



fidendo, & divinis officiis intereffendo, frui, potiri, & gaudere poterant, & debebant, pariformiter, & absque ulla prorsus differentia uti, potiri, & gaudere possint, & debeant. Et quorum sex in primis, & aliis sex in secundis, ac reliqui sex in tertiis singularum facultatum Theologiæ, & utriusque Juris prudentiæ hujusmodi Cathedralis eis ad id assignandis easdem facultates, pro una videlicet matutinis, altera vero medietatibus decem, & octo Præpositorum hujusmodi pomeridianis horis, publice legere, & interpretari teneantur, auctoritate, & tenore præfatis, etiam perpetuo erigimus, & instituimus. Illisque sic erectis, & institutis, pro earum dote, ac illas pro tempore obtinentium sustentatione, omnia, & singula fructus, redditus, proventus, jura, obventiones, & emolumenta suppressæ Præposituræ mensis Feb. hujusmodi per dilectos filios Capitulum dictæ Ecclesiæ Valentin. inter Præpositos Cathedraliticos præfatos tantum modo, & forma infra scriptis distribuenda, & repartienda, eisdem auctoritate, & tenore, similiter perpetuo applicamus, & appropriamus. Quodque omnia, & singula, fructus, redditus, proventus, jura, obventiones, & emolumenta suppressæ Præposituræ mensis Febr. hujusmodi, deductis prius illius oneribus quibuscumque, & salvis omnibus supradictis, in duodecim æquales partes, ac ex eis quinque inter primarios, & aliæ quatuor inter secundarios, ac reliquæ tres partes hujusmodi inter tertiarios Præpositos Cathedraliticos præfatos proportionabiliter a prædictis Capitulo singulo quoque quadrimestri, ut præfertur, dividi, & repartiri debeant. Ita tamen, quod eorum singuli pro cuiusque lectionis sibi incumbendis ommissione legitimo impedimento cessante, ratam partem portionis, quæ illius ratione facto justo calculo, alias ad ipsos pertineret, omnino amittant, illaque per Censorem, seu Punctatorem ad id pro tempore deputatum retineri, ac pro una Rectori Universitatis, & alia ipsi Censori, seu Punctatori, reliqua vero partibus Confraternitati pauperum Scholarium d. Universitatis irremissibiliter applicari debeat. Si vero Rector, aut Censor, seu Punctator præfati ratam partem eos tangentem acceptare recusaverint, eadem dictæ Confraternitati cedat.

§.5. Et quia singulis trienniis unus ex Lectoribus Cathedralitici dictæ Universitatis in illius Rectorem per Consules Juratos Rationalem, & Syndicum, ac nonnullos alios de eorum consilio existentes præfatos, hætenus eligi consuevit, & ex longo rerum usu compertum sit non expedire, ut dictus Rector, a gremio Lectorum Cathedraliticorum hujusmodi assumatur; quod ex nunc de cetero perpetuis futuris temporibus, pro tempore existentes Consules Jurati, Rationalis, & Syndicus præfati, & alii, ad quos electio hujusmodi pertinet, unum ex Canonicis dictæ Ecclesiæ Valentin. seu aliquam illius Dignitatum obtinentibus, non tamen de gremio Præpositorum Cathe-

draticorum præfatorum existentibus, in Rectorem ejusdem Universitatis de triennio in triennium, cum omnibus, & singulis honoribus, favoribus, gratiis, prerogativis, præeminentiis, facultatibus, jurisdictionibus, libertatibus, privilegiis, exemptionibus, immunitatibus, gratiis, oneribus, & emolumentis pro tempore existenti Rectori dictæ Universitatis de jure, vel consuetudine, aut ex privilegio tam Apostolica, quam Imperiali, & Regia auctoritatibus concessis, aut alias competentibus, & competituris, eligere debeant; ipseque sic electus triennio sui Rectoratus elapso, in eo continuari, seu confirmari, aut ad aliud triennium immediate subsequens iterum eligi nullatenus possit.

§.6. Quodque omnes, & singulæ Præposituræ præfate tam hac prima vice a primæva erectione hujusmodi, quam deinceps, quoties illas, & earum quamlibet per cessum, etiam ex causa permutationis, vel decessum, seu quamvis aliam dimissionem, vel amissionem, aut privationem pro tempore existentium Præpositorum Cathedraliticorum præfatorum, vel alias quovis modo etiam apud Sedem præfatam, ac etiam in aliquo ex mensibus, in quibus vacantium officiorum, & beneficiorum ecclesiasticorum collatio, & quævis alia dispositio Nobis, & dictæ Sedi, etiam per Constitutiones Apostolicas, seu Cancellariæ Apostolicæ regulas reservata existit, seu pro tempore fuerit, aut etiam Ordinariis collatoribus per easdem constitutiones, seu regulas, vel literas alternativarum, aut alia privilegia, & indulta concessis hætenus, & in posterum concedendis, simul, vel successive vacare contigerit, sex primarum, & sex secundarum, ac sex tertiarum Cathedralium Theologiæ, & utriusque Juris prudentiæ, hujusmodi Lectoribus per Consules Juratos, ac Rationalem, & Syndicum, necnon alios, ad quos electio, & deputatio eorumdem pertinent, prævio diligenti, & rigoroso examine, ac alias juxta ipsius Universitatis instituta, & laudabiles consuetudines eligendis, & deputandis, perpetuo affectæ sint, & esse censeantur, ac illis nominationem, & electionem Consulum Juratorum, Rationalis, & Syndici, ac aliorum intervenire debentium, & solitorum præfatorum sine aliquo obstaculo, ac omni impedimento, & tergiversatione cessante (postquam in ejus manibus Catholica Fidei professionem, juxta articulos pridem a Sede præfata propositos expresse emisserint) conferantur, & assignentur, ac conferri, & assignari debeant; nec duæ ex eis per unum insimul ullatenus obtineri debeant. Quodque singulæ Præposituræ hujusmodi sub nullis, specialibus, vel generalibus, etiam mentalibus, reservationibus, affectionibus, etiam in corpore Juris clausis, necnon expectativis, coadiutoriis, mandatis, facultatibus, indultis de providendo, commendando, aut alias disponendo, vel aliis gratiis præventivis, per Nos, aut Prædecessores nostros Romanos Pontifices pro tem-

Collationis etiam in futurum fienda modum præfinit.

Rectoris Studii eligendi formam præscribit.



tempore existentes, & dictam Sedem, vel ejus Legatos, etiam consideratione, & intuitu, ac contemplatione, seu ad instantiam Imperatoris, Regum, Reginarum, ac etiam Sanctæ Romanæ Ecclesiæ Cardinalium, vel aliorum Principum, & ex quacumque causa quantumlibet urgenti pro tempore factis, comprehendantur, nec etiam tamquam vacantes apud Sedem præfatam, aut ulla alia ratione, generaliter, vel specialiter reservari, nec illorum vacatione per resignationem, etiam ex causa permutationis, etiam apud Sedem eandem pro tempore occurrente, per Nos, aut pro tempore existentem Romanum Pontificem, vel Sedem hujusmodi de illis provideri, aut alias quoquomodo disponi possit, & quæcumque collationes, provisiones, commendæ, & aliæ dispositiones, quas ex nunc de cetero de Præposituris præfatis quibuscumque personis alias quam per dictum Rectorem, ad nominationem, & electionem Consulum Juratorum, Rationalis, Syndici, ac aliorum jus nominandi, & eligendi hujusmodi habentium, quovis modo, etiam per Sedem præfatam fieri contigerit, nullæ, & invalidæ, nulliusque roboris, & momenti sint, & esse censeantur, ac pro nullis, & infectis habeantur; nec cuiquam jus, seu etiam coloratum possidendi titulum tribuant. Ad hæc nullus omnino Præpositorum præfatorum, Præposituram per eum pro tempore obtentam in alterius quam dicti Rectoris manibus, & id quidem libere, resignare, aut dimittere, seu juri sibi in eis, vel ad illas competenti cedere, nec reservationi fructuum, reddituum, proveniuntum, jurium, obventionum, & emolumentorum, aut quotidianarum distributionum ejusdem Præposituræ, seu alicujus partis eorum, aut pensionis annuæ, super eisdem consentire possit. Et quicumque ex ipsis Præpositis, per tres menses continuos a legendi munere sibi pro tempore incumbente, legitimo cessante impedimento, per Rectorem, Consules Juratos, Rationalem, & Syndicum prædictos approbando cessaverit, ex tunc dictis tribus mensibus elapsis, Cathedra sibi assignata, & illi affecta Præpositura pro ipso jure, & facto, absque alia declaratione perpetuo privatus sit, & esse censeatur, indeque sine spoliis, & attentatorum vitio amoveri, ac Consules Jurati, Rationalis, & Syndicus cum ceteris in electione intervenire solitis, alium in illius sic privati, & amoti locum, ad Cathedram hujusmodi prævio examine, ac alias modo, & forma præmissis eligere, & deputare; Rector vero prædictus sic electo, & deputato Præposituram eidem Cathedræ affectam, tamquam per privationem, & amotionem hujusmodi vacantem, nullo alio facto examine, omnique exceptione, & tergiversatione cessante, conferre, & de illa etiam providere, ipsumque in corporalem possessionem Cathedræ, & illi affectæ Præposituræ hujusmodi, juriumque, & pertinentiarum suorum quorumcumque, inducere debeat. Quodque singuli Præpositi

prædicti intra sex menses a die habitæ per eos possessionis suæ cujusque Præposituræ, duodecim ad minus conclusiones, earum facultatum, quas lecturi sunt, coram loci Ordinario, tamquam ejusdem Universitatis Cancellario a Sede prædicta deputato, ac prædictis Capitulo tueri teneantur; alioquin eisdem sex mensibus elapsis, omnibus insignibus, ipsis ratione suarum Præpositurarum hujusmodi competentibus donec, & quousque easdem conclusiones, ut præfertur, sustinuerint, destituti remaneant.

§.7. Ceterum ut virtutis æmulatione majores fructus, & progressus ibidem proveniant, ac cognita, & spectate cujusque doctrinæ convenientia præmia conferantur, quilibet Præpositorum prædictorum de inferiori ad superiorem Cathedram, per mutuum concursum, singulo quoque triennio admitti, & si rigoroso examine prævio, magis idoneus repertus fuerit, ad superiorem Cathedram hujusmodi ascendere, & eo casu Præposituram eidem superiori Cathedræ affectam, tamquam ipso jure, & facto vacantem consequi, alter vero evictus, ad aliam sibi adiudicandam Cathedram, & illi affectam Præposituram transire debeat. Singuli quoque Præpositi Cathedralitici præfati, examini eorum, qui ad Baccalaureatus, Licentiatum, Doctoratus, & Magisterii gradus, in sua cujusque facultate pro tempore promovebuntur, intervenire possint; ac eandem portionem ex emolumentis inde provenientibus, quam singuli alii examinatores, percipere debeant.

§.8. Et tam ipsi Præpositi quam dictus Rector, omnibus illis horis, & temporibus, quibus suis officiis, & functionibus vacabunt, aut Scholarium disputationibus, examinibus, promotionibus, aliisque actibus publicis suæ cujusque facultatis, & professionis assistent, & intervenient, ad residendum in dicta Ecclesia Valentinæ, & illius Choro, ac interessendum divinis officiis minime teneantur, & nihilominus distributiones quotidianas percipiant, & lucrentur cum ea integritate, qua illas perciperent, & lucrarentur, si statutis horis, & temporibus hujusmodi in ipsa Ecclesia Valentinæ, & illius Choro residerent, & divinis officiis interessent.

§.9. Qui vero Præposituras primarum Cathedrarum hujusmodi pro tempore obtinuerint, quando, & quoties a præfatis Capitulo requisiti fuerint, in omnibus, & singulis litibus, causis, & negotiis Ecclesiæ Valentinæ illiusque Capituli hujusmodi, tam conjunctim quam divisim, (non tamen contra Universitatem Studii generalis, ac Communitatem, & Rempublicam Civitatis Valentinæ hujusmodi) advocare, & patrocinari, ac consilium, & operam fideliter præstare; Theologi vero, verbum Dei in ipsa Ecclesia Valentinæ prædicare, & concionari gratis, & absque ulla prorsus mercede debeant, & teneantur, auctoritate, & tenore similibus pariter perpetuo statuimus, & ordinamus.

§.10. Necnon pro tempore existentibus

Lectorum admissionis normam ponit.

Lectoribus, distributiones quotidianas pro tempore quo legunt, concedit.

Lectorum munus circa lites, & prædicationes.



1585.  
Archiepiscopo,  
& aliis  
dat facultate  
condendi sta-  
tuta, circa  
Lectorum ser-  
vicia, &c.

Archiepiscopo Valentin. tamquam Cancellario, seu ejus Vicario, ac Rectori Universitatis, necnon Juratis Consulibus, Rationali, & Syndico Civitatis Valentin. ceterisque jus eligendi hujusmodi habentibus, ut vocatis, & adhibitis secum aliquibus dictae Ecclesiae Valentin. Canonicis, literarum scientia ac rerum usu praeditis, quos ad hoc duxerint eligendos, ac alias juxta facultatem eis a praefato Alexandro Praedecessore concessam, quaecumque alia statuta, ordinationes, & decreta, ad electionem, deputationem, qualitates, onera, & servicia Lectorum Cathedrae hujusmodi pertinentia, ac alias in praemissis, & circa ea necessaria, & opportuna, licita tamen, & honesta, ac sacris Canonibus, & Concilii Tridentini decretis non contraria, condere, eaque postquam condita fuerint, quoties pro illorum, ac rerum, & temporum qualitate, vel alias expediens videbitur, mutare, corrigere, reformare, alterare, moderari, interpretari, ac in toto vel in parte revocare, atque alia de novo edere libere, & licite valeant, auctoritate, & tenore praefatis de speciali gratia indulgemus.

Clausulas praeservativas apponit.

§. II. Decernentes praemissa omnia, necnon praesentes literas nullo umquam tempore, etiam ex eo quod causae, propter quas emanarunt, coram Ordinario loci, etiam tamquam Sedis praefatae delegato, vel alibi examinatae, verificatae, & approbatae, ac ad id interesse habentes vocati non fuerint, neque ipsi illis consenserint, aut alio quocumque praetextu, de subreptionis, vel obreptionis, aut nullitatis vitio, seu intentionis nostrae, vel alio quovis defectu notari, impugnari, invalidari, ad terminos juris reduci, in jus, vel controversiam revocari, aut adversus illas quodcumque juris, facti, vel gratiae remedium impetrari posse; nec sub quibusvis unionum, annexionum, incorporationum, suppressionum, extinctionum, separationum, dismembrationum, applicationum, appropriationum, etiam effectum non sortitarum, aliarumque similium, vel dissimilium gratiarum revocationibus, suspensionibus, limitationibus, modificationibus, aut aliis contrariis dispositionibus, per Nos, seu alios Romanos Pontifices Successores nostros, aut Sedem hujusmodi, etiam cum quibusvis derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis pro tempore factis, etiam si de eisdem praesentibus, ac earum toto tenore, & data, specialis, specifica, expressa, & individua mentio fiat, comprehendere; sed tamquam in Fidei Catholicae, & divini cultus favorem, ac publicam utilitatem, & salutem concessa, semper valida, & efficacia fore, ac quoties illae emanabunt, toties in pristinum, & eum, in quo antea erant, statum, restituta, reposita, & plenarie reintegrata, ac de novo, etiam sub data per Consules Juratos, Rationalem, & Syndicum praefatos, eorumque successores, ac alios, quos ip-

sa praesentes literae concernunt, & concernent in futurum, eligenda, concessa esse.

§. 12. Sicque per quoscumque Judices Ordinarios, vel delegatos, quavis auctoritate fungentes, etiam causarum Palatii Apostolici Auditores, ac S. R. E. Cardinales, sublata eis, & eorum cuilibet, quavis aliter judicandi, & interpretandi facultate, & auctoritate, in quavis causa, & instantia, judicari, ac definiri debere; irritum quoque, & inane, si secus super his a quocumque quavis auctoritate, scienter, vel ignoranter contigerit attentari.

§. 13. Quocirca Venerabilibus Fratribus nostris Archiepiscopo Valentin., & Episcopo Oriolen. ac dilecto Filio Archidiacono Ecclesiae Valentin. per Apostolica scripta mandamus, quatenus ipsi, vel duo, aut unus eorum, per se, vel alium, seu alios, praesentes literas, & in eis contenta quaecumque ubi, & quando opus fuerit, ac quoties pro parte, pro tempore existentium Consulum Juratorum, Rationalis, & Syndici, ac Praepositorum praedictorum, seu alicujus eorum fuerint requisiti, solemniter publicantes, eisque in praemissis efficacis defensionis praesidio assistentes, faciant auctoritate nostra, easdem praesentes, & in eis contenta hujusmodi ab omnibus, ad quos spectat, & pro tempore spectabit, inviolabiliter observari; ipsosque Consules Juratos, Rationalem, & Syndicum, ac Praepositos pro tempore existentes, ceterosque omnes, quos eadem praesentes quomodolibet concernunt, & concernent in futurum, illis omnibus, & singulis pacifice frui, & gaudere, non permittentes eos, vel quempiam ex ipsis, desuper per quoscumque quomodolibet indebite molestari, perturbari, vel inquietari. Contradictores quoslibet, & rebelles, per sententias, censuras, & poenas Ecclesiasticas, aliaque opportuna juris, & facti remedia, appellatione postposita compescendo, ac legitimis super his habendis servatis processibus, sententias, censuras, & poenas ipsas, etiam iteratis vicibus aggravando, invocato etiam ad hoc, si opus fuerit, auxilio brachii secularis.

§. 14. Non obstantibus priori voluntate nostra, & aliis praemissis, ac Lateranen. Concilii novissime celebrati, uniones perpetuas, nisi in casibus a jure permixtis, fieri prohibentis; necnon pia mem. Bonifacii Papae Octavi etiam Praedecessoris nostri, etiam illa qua cavetur, ne quis extra suam Civitatem, vel Dioecesim, nisi in certis expressis casibus, & in illis ultra unam dietam a fine suae Dioecesis ad iudicium evocetur; seu ne Judices a Sede praefata deputati extra Civitatem, vel Dioecesim, in quibus deputati fuerint, contra quoscumque procedere, aut alii, vel aliis vices suas committere debeant, seu praesumant; & in Concilio generali edita, de duabus dietis, dummodo ultra tres dietas, aliquis auctoritate praesentium ad iudicium non trahatur; aliisque Apostolicis, ac in Provincialibus, & Synodalibus Conciliis editis, specialibus, vel gene-

Clausula sublata &c. addit.

Executores hujus Constitutionis deputat.

Clausulas contrariorum derogatorias subdit.



generalibus Constitutionibus, & Ordinationibus; necnon Ecclesiæ Valentinæ, & Universitatis hujusmodi, juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis illis, ac ipsius Ecclesiæ Valentinæ. Præfuli pro tempore esistenti, necnon Capitulo, Rectoribus, Consulibus Juratis, Rationali, & Syndico prædictis, ac quibuscumque aliis personis, sub quibuscumque tenoribus, & formis, ac cum quibuscumque etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis, etiam ad Imperatoris, Regum, Reginarum, Ducum, vel aliorum Principum instantiam, seu etiam Motu proprio, & ex certa scientia, ac de Apostolicæ potestatis plenitudine, etiam consistorialiter, in genere, vel in specie, ac alias quomodolibet concessis, approbatis, & innovatis; quibus omnibus etiam si de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda esset, illis alias in suo robore permansuris, hac vice dumtaxat, specialiter, & expresse derogamus, contrariis quibuscumque. Aut si aliqui super provisionibus sibi faciendis de Officiis dictæ Ecclesiæ Valentinæ. speciales, vel aliis beneficiis Ecclesiasticis, in illis partibus generales, dictæ Sedis, vel Legatorum ejus literas impetrarint, etiam si per eas ad inhibitionem, reservationem, & decretum, vel alias quomodolibet sit processum, quas quidem literas, & processum habitos per easdem, ac inde secuta quæcumque, ad dictam Præposituram mensis Februarii volumus non extendi; sed nullum per hoc eis quo ad assentionem officiorum, vel beneficiorum aliorum præjudicium generari; & quibuslibet aliis privilegiis, indulgentiis, & literis Apostolicis, quorumcumque tenoribus existant, per quæ præsentibus non expressa, vel totaliter non inserta, effectus earum impediri valeat quomodolibet, vel differri, & de quibus, quorumque totis tenoribus habenda sit de verbo ad verbum in nostris literis mentio specialis, aut si aliquibus communiter, vel divisim ab eadem sit Sede indultum, quod interdici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Nulli ergo omnino &c.

Datum Romæ apud Sanctum Petrum, Anno Incarnationis Dominicæ, millesimo quingentesimo octuagesimo quinto, 3. Kal. Novemb., Pontificatus Nostri Anno I.

D. P. An. I.  
30. Octobris.

## XVIII.

Ut in Ordine Beatæ Mariæ de Mercede Redemptionis Captivorum observetur reformatio edita a Commissariis deputatis per Pium V., & Gregorium XIII. cum declarationibus Sixti Papæ V.

Ex Regest. in  
Secret. Brev.

## SIXTUS PAPA QUINTUS

Ad futuram rei memoriam.

UT cuncti fideles præsertim verò Religiosi mutuo invicem fraterna dilectionis vinculo copulati unanimes in pace, ac tranquillitate altissimo famulentur, quæ inter eos dissidii, scandali, aut dissensionum occasionem præbent, libenter, quantum in Nobis est, nostra auctoritate interposita, declarare, & diffinire studemus, sicuti ad hoc paterna charitas, & pastoralis muneris sollicitudo Nos admonet.

Exordium.

§.1. Dudum siquidem sē. re. Pius Papa Quintus Prædecessor noster fide dignarum personarum testimoniis certior factus, Fratres Ordinis B. M. de Mercede Redemptionis captivorum reformatione indigere, ut Pastoralis officii debito satisfaceret, Philippo de Menezes tunc Rectori Collegii S. Gregorii Oppidi Vallisoleti Palentin. Diocesis in Provincia Castellæ, & dilecto filio Guilielmo Montano tunc Priori Domus Gerunden. Fratrum Prædicatorum Principatus Cathalonie in Provincia Regni Aragonum juxta morem dictorum Ordinum dedit in mandatis, ut eosdem Fratres B. Mariæ de Mercede, eorumque Domos, Conventus, Superiores, & singulas personas visitarent, corrigerent, reformarent, & tam Capitulum generale in loco eis benevisso convocandi, quam statuta condendi, aliasque amplissimas facultates eis concessit.

Pius V. Philippo Menezes, & Guilielmo Montano committit reformationem hujus Ordinis.

§.2. Quo Philippo Rectore re infecta, defuncto piæ me. Gregorius Papa XIII., etiam Prædecessor noster dilectum filium Ferdinandum del Castillo tunc Priorem, Domus Beatæ Mariæ de Atoca Ordinis Fratrum Prædicatorum Toletan. Diocesis in illius locum quoad curam visitandi, & reformandi facultates, & alia supradicta, subrogavit.

Philippo defuncto Ferdinandum del Castillo sufficit Gregorius XIII.

§.3. Qui ambo in Oppidum de Guadaxara dictæ Toletan. Diocesis legitime convenientes, atque inibi Capitulo Generali Fratrum dicti Ordinis B. Mariæ de Mercede congregato, reformationem opportunam, & novas quasdam constitutiones, inter alia de loci futuri Capituli Generalis, deque Magistri Generalis electione promulgarunt, quæ omnia per eundem Gregorium Prædecessorem confirmata fuerunt, qui eadem illa mandavit inviolabiliter observari, prout in singulis dictorum Prædecessorum literis in forma Brevis confectis latius continetur.

Commissarii coacto Capitulo Generali novas Constitutiones ferunt, quas exequi mandat præfatus Gregorius.

§.4. Verum & si omnes Fratres dicti Ordinis B. Mariæ de Mercede ubique existentes illis acquiescere debuissent, tamen super designatione dicti loci pro Capitulo Generali celebrando, necnon electione, &

Attamen super tali reformatione non nullæ inter Fratres exorta sunt controversiæ.

mo-



modo eligendi Magistrum Generalem, & aliis forsitan rebus varias controversias, diffensiones, & forsitan lites exortas adhuc, etiam super literis hujusmodi, dictorumque Prædecessorum meritis, & voluntatis declaratione] in Romana Curia pendere accepimus indecisas.

Quibus ad se  
avocatis, præ-  
dictam refor-  
mationem o-  
mnino obser-  
vari præcipit  
Sixtus.

§.5. Ad tollendam igitur nostra potissimum interpretatione, ut par est, super nostrorum Prædecessorum voluntate, & intentione disceptandi occasionem, simul etiam ut conciliemus inter ipsos Religiosos concordiam, & unionem, quos piæ contemplationi, & Divino cultui intentos esse decet potius, quam controversiis, & litibus implicari, ne ii sumptus, qui in redemptionem captivorum juxta eorum Instituta fieri deberent, in lites convertantur, diligenter, & accurate consideratis, & perpensis iis omnibus, quæ in hujusmodi negotio consideranda erant, deque universo Statu, ac meritis causarum, & controversiarum hujusmodi plene informati, Motu proprio, & ex certa scientia, easdem controversias, & lites omnes, & quascunque in dicta Curia, & in Palatii Apostolici Auditorio, & alibi etiam extra dictam Curiam coram quibuscunque Judicibus super præmissis pendentes, etiam instructas, in quibuscunque statu, & terminis reperiuntur, ab eisdem Judicibus ad Nos harum serie advocantes, illasque penitus cassantes, & extinguentes, ac omnibus, & quibuscunque Fratribus ejusdem Ordinis B. Mariæ de Mercede, & eorum Superioribus, & quibuscunque aliis super præmissis contententibus, seu id sua interesse prætendentibus perpetuum desuper silentium imponentes, auctoritate earumdem præsentium præcipimus, & mandamus dictam reformationem a prædictis Guilielmo, & Ferdinando in dicto loco de Guadalaxara fe. rec. Pii auctoritate factam, & a similiter fe. re. Gregorio Prædecessore, ut præfertur, confirmatam, cujus tenorem præsentibus haberi volumus pro expresso, in omnibus, & per omnia inviolabiliter observari debere.

Magistri Ge-  
neralis ele-  
ctionem quo-  
libet sexennio  
fieri statuit.

§.6. Et nihilominus ulterius considerantes, & providere volentes, adducti exemplo aliarum bene, & recte Institutarum, & approbatarum Religionum, cum satis absurdum sit, quod in illis observatur, huic Ordini denegari, nempe, ut cum Capitulum Generale Ordinis simul congregari contigerit, ei tunc decernendi, & statuendi de loco, tempore, & aliis, quæ ad futura Capitula celebranda ac Superiores Ordinis eligendos pertinent, libera sit deliberatio, Motu simili statuimus, & ordinamus, ut in posterum Capitulum Generale tertio quoque anno celebretur, in quo Generalis Magister ad aliud triennium, & non ultra confirmetur, ita ut quolibet sexto anno novus eligatur.

Defuncto Mi-  
nistro Gene-  
rali ante tem-  
pus Capituli  
Prior Mona-  
sterii Barchi-  
nonen est jure

§.7. Quod si forte intra primum, vel intra secundum Triennium per dicti Magistri Generalis decessum, vel alio modo Magistratus, seu administratio hujusmodi vacare contigerit, si per quatuor menses an-

te festum Pentecostes id evenerit, Capitulum fiat dicto primo tempore dicti Festi, si autem successerit mors, vel alia ut præfertur, vacatio intra tempus quatuor mensium ante dictum Festum, tunc similiter ad tempus Pentecostes non ejusdem, sed sequentis anni post vacationem differatur; Interim autem donec Capitulum, novaque electio fiat, Prior Monasterii Barchinonen., quod primum erectum, ac constructum in hac Religione fuit, semper sit caput, & totius ordinis Vicarius generalis.

§.8. Primum Capitulum generale dicti Ordinis Fratrum B.M. de Mercede in Civitate Casaraugustana quam primum congregetur.

§.9. Et tam in eo, quam deinceps in unoquoque Capitulo primum quidem de ipsius Magistri Generalis electione, seu confirmatione; Deinde vero electione, seu confirmatione Magistri Generalis expedita de loco sequentis, & statim post triennium futuri Capituli per libera, & secreta suffragia, ejus qui electus fuerit Generalis, & Diffinitorum, ac aliorum vocalium, ad quos spectat, deliberetur, ac statuatur.

§.10. Semper autem quidquid super his ab ipso postremo Capitulo Generali ordinatum, & decretum fuerit, omnino sancte, & inviolate observetur nulla loci aliqujus distinctione habita, neque personarum exceptione, sed Dei tantum honorem præ oculis habentes, Fratres Capitulares, qui ferendi in Capitulo Generali suffragii jus habent, quos vocales appellant, nihil aliud spectent, nisi, ut talis eligatur persona, quæ ad regimen, & gubernationem ipsius Ordinis administrandum, ipsosque Fratres in officio, & disciplinæ regularis observantia continendos maxime idonea, talis etiam locus, qui, & libertati electionis, & commoditati totius Ordinis, & singularum Provinciarum illius magis opportunus videbitur, ceteris autem in suo robore permansuris.

§.11. Decernentes præsentem literas de subreptionis, vel obreptionis vitio, seu intentionis nostræ, vel quovis alio defectu, etiam ex eo quod ii, quorum interest modis legitimis vocati, & auditi non fuerint, aut alias quovis prætextu impugnari, aut invalidari non posse, sicque in præmissis universis, & singulis per quoscunque Judices & Commissarios, etiam Palatii Apostolici Causarum Auditores, & S. R. E. Cardinales, sublata eis, & eorum cuilibet quavis aliter judicandi, & interpretandi facultate, & auctoritate in quavis causa, vel instantia judicari, & definiri debere, ac irritum & inane, quidquid secus super his a quovis quavis auctoritate scienter, vel ignoranter contigerit attentari.

§.12. Non obstantibus nostra de non tollendo jure quæsito, ac aliis Constitutionibus, & Ordinationibus Apostolicis, ac in Conciliis etiam generalibus editis, necnon prædictis, & aliis juramento, confirmatione Apostolica, vel quavis alia firmitate roboratis statutis, & consuetudinibus, etiam

Primum Ca-  
pitulum in  
Civitate Ca-  
saraugustana  
cogendum.

In quolibet  
Capitulo de  
loco, & tem-  
pore futuri  
Capituli, &  
electione Mi-  
nistri Gene-  
ralis tractan-  
dum.

Quidquid in  
hujusmodi Ca-  
pitulo fuerit  
statutum, fir-  
miter tenen-  
dum.

Præsentium  
literarum fir-  
mitas.

Obstantium  
derogatio.



etiam per modum pactorum, & conventionum inter ipsos fratres initorum editis, etiam ab immemorabili tempore pacifice observatis, privilegiis quoque, Indultis, & literis Apostolicis dicto Ordini, illiusque Domibus quibuscumque, illorumque Prioribus, fratribus, seu quibuscumque locis, illorumque Magistratibus, sub quibuscumque tenoribus, & formis, & cum quibuscumque, etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis, etiam Motu proprio, vel alias quomodolibet concessis, approbatis, & innovatis. Quibus omnibus, etiam si pro illorum sufficienti derogatione, de illis, eorumque totis tenoribus specialis, specifica, & expressa, ac individua, non autem per clausulas generales idem importantes habenda mentio, seu expressio, aut quævis alia exquisita forma servanda foret, tenores huiusmodi pro plene & sufficienter expressis, & ad verbum insertis habentes, ad effectum præsentium, dumtaxat specialiter, & expresse derogamus, ceterisque contrariis quibuscumque.

Dat. die 5.  
Novem. 1585.  
An. I.

Datum Romæ apud S. Petrum, sub Annulo Piscatoris die 5. Nov. 1585. Pontificatus nostri Anno I.

## XIX.

Ampliatio Collegii septem Notariorum Sedis Apostolicæ antiquitus instituti, ad numerum duodecim, cum gratiarum, & privilegiorum extensione, pro ipsis septem Notariis.

*Hi Notarii, Prothonotarii nuncupantur, in Constit. IV. Pii II. Cum servare Tom. III. Par. III. fol. 97. ubi de ipsorum, & Episcoporum præcedentia definitio habetur.*

Prædictis septem Notariis hic idem Pontifex exemptionem a gabella pro sex doliis vini elargitus est, in alio speciali diplomate sub die 22. Februarii 1586. expedito; quod hic inferere consulto prætermisi.

SIXTUS EPISCOPUS

SERVUS SERVORUM DEI

*Ad perpetuam rei memoriam.*

Proœmium.

**R**omanus Pontifex, Christi Vicarius, uti prudens paterfamilias provide animadvertens in agro Dominico multam messem esse, & ut opus Domini recte, & sine confusione adimpleatur, singulis curas partitur, & Officia distribuit, & ea nonnumquam pro felici ipsius agricultura, & directione adaugere, prout in Domino conspiciat salubriter expedire.

Collegium 7.  
Prothonotari-  
orum insti-  
tutum fuit ad  
gesta Ecclesiæ  
describenda.

§. 1. Hinc est quod Nos volentes Collegium Notariorum Sedis Apostolicæ de numero participantium, quod olim per fel. rec. Clementem I. Antherum etiam I. & Julium similiter I. Prædecessores nostros, ad res Martyrum, & quæcumque ad Ecclesiam pertinerent, fideliter describenda, & descripta Scriniis Ecclesiæ recondenda in-

*Ball. Rom. Tom. IV. Par. IV.*

stitutum, ordinatum, & destinatum fuit, ad Romanæ Ecclesiæ decorem, & ornamentum (ut par est augere) dictis, & aliis rationabilibus de causis animum nostrum moventibus.

§. 2. Ultra septem Notariorum de numero participantium officia ad præsens in dicto Collegio existentia, quinque alia similia officia, Motu proprio, & ex certa nostra scientia, Apostolica auctoritate, tenore præsentium perpetuo erigimus, & instituimus pro duodecim Notariis. Ita quod deinceps quinque alii viri per Nos, & pro tempore existentem Roman. Pont. eidem Collegio Notariorum adscribendi, & deputandi, una cum ex nunc existentibus Notariis unum corpus, & Collegium integrum, & indistinctum constituent, & efficiant, & duodecim officia pro duodecim Notariis, omni prorsus inter eos sublata differentia, omnino similia, & æqualia, in omnibus, & per omnia, ejusdemque juris, potestatis, jurisdictionis, & auctoritatis existant.

Quod hic Pontifex modo extendit ad Duodecim.

§. 3. Ipsumque Collegium sic auctum, & institutum, & in unum corpus prorsus redactum, & duodecim Notarii prædicti pro tempore existentes, eisdem privilegiis, exemptionibus, facultatibus, prærogativis, & gratiis quibuscumque, ubique indifferenter potiantur, utantur, & gaudeant, quibus antea ipsum Collegium, & septem illius Notarii quovis modo, conjunctim, vel separatim, potiebantur, utebantur, & gaudebant; necnon redditus, proventus, emolumenta, & omnia alia singula tam ex communi massa, quam alibi, quocumque tempore debita, & debenda, ordinaria, & extraordinaria, æqualiter percipiant, ac munera, functiones, & officia, tam publica quam privata, semper fortiantur, & obtineant, exercent, & assequantur, prout prius ante auctorem ad duodenarium numerum huiusmodi Collegium ipsum, & illius septem Notarii habebant, percipiebant, & obtinebant, perinde, ac si a principio Collegium prædictum sic auctum, ac cum antiquo confusum, unitum, & incorporatum, & illius officia pro duodecim Notariis instituta fuissent. Statuentes quod perpetuis futuris temporibus dict. Collegium habeat duodecim Notariatuum officia inter se promiscua, & confusa; ita quod quinque Notarii eidem Collegio adscribendi cum aliis septem nunc existentibus omnino pares, & æquales existant, & nullum inter eos discrimen, neque differentia prioritatis, potioritatis, & antiquioritatis adsit, quo posteriores a prioribus, vel aliter ab altero discernantur. Ita quod adveniente vocatione sive antiquorum, sive augmentatorum semper in supplicatione exprimat, quod unum ex duodecim ex officiis Notariorum, alioquin Notarii nequaquam admittere teneantur.

Omnesque iisdem gratiis, & privilegiis pariformiter exornat.

§. 4. Et insuper ut duodecim Notarii prædicti onera sibi incumbentia supportare, & juxta ipsorum qualitatem, & dignitatem decentius se sustentare valeant, providere

Annum redditum eis assignat.



1585.

volentes, redditum annuum mille nonigentorum, & octuaginta scut. monetae ex fructibus, redditibus, & proventibus Dohanae, & Thesaurariae nostri patrimonii per pro tempore existentem Dohanerium, & Thesaurarium ejusdem patrimonii singulis mensibus pro rata massa communi d. Collegii persolvendum. Ita quod liceat eidem Collegio, & duodecim illius Notariis posthac, una cum aliis ipsius Collegii redditibus, proventibus, juribus, obventionibus, & emolumentis sibi hucusque assignatis, seu in futurum assignandis, aut quovis modo proveniendis, illum percipere, exigere, & levare, ac inter eos aequis portionibus distribuere, & dividere, motu, & auctoritate similibus perpetuo applicamus, illumque cum omnibus aliis redditibus, & emolumentis confundimus. In recompensam vero dicti annui redditus Dohanae, & Thesaurariae praedictis, affectum, seu redditum annuum terrae nostrae Bladae Viterbensis Dioc., qui est scutor. mille centum, & octuaginta, & alia octingenta scuta similia ex residuo gabellae Civitatis nostrae Spoletanae dictam summam scutor. mille nonigentorum, & octuaginta constituentia, etiam pro majori ipsius Dohanerii, & Thesaurarii cantela perpetuo concedimus, & assignamus. Decernentes praedicta omnia, & singula ab omnibus, ad quos spectat, prorsus observari, & adimpleri debere, & praesentes literas vim validi, & efficacis contractus inter Sedem, & Cameram Apost., ac Nosmetipsos, & Successores nostros Rom. Pont. ex una, & Collegium, ac singulos duodecim Notarios hujusmodi, illorumque successores, vel causam ab eis habentes, ex altera partibus solemniter, & legitime stipulati perpetuo obtinere, dictamque Cameram ad eosdem Notarios omnes, & singulos in juribus praedictis tuendos, & ab omni incommodo, latione, lite, causa, & controversia immunes, indemnes, & exemptos conservandos teneri, & obligatam esse.

Clausula sublata.

§.5. Et sic per quoscumque Judices, etiam causarum Palatii Apostolici Auditores, & S. R. E. Cardinales, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiri debere. Irritum quoque, & inane, si secus super his a quoquam quavis auctoritate, scienter, vel ignoranter contigerit attentari.

Affecuratio dictae assignationis.

§.6. Et pro praedictis omnibus, & singulis firmiter observandis, & adimplendis, ac pro potiori Collegii duodecim Notariorum praedictorum, tam pro pecuniis, quas pro Camera, & Sedis praedictarum occurrentibus necessitatibus jam solverunt, & in posterum solvent, quam pro fructibus, redditibus, & proventibus sibi assignatis, quae nunquam in sortem principalem computari volumus, ac damnis, expensis, & interesse passis, factis, patiendis, & faciendis, omnia, & singula d. Camera bona mobilia, & immobilia, jura, actiones, & emolumenta, ac redditus, proventus, praesentia,

& futura, ita quod liceat propria ipsius Collegii auctoritate nullo alio a Nobis, seu pro tempore existente Romano Pontifice desuper expectato mandato, licentia, seu decreto, dictorum bonorum, reddituum, seu proventuum pro dictis pecuniis, damnis, expensis, & interesse, possessionem capere, & retinere Motu, & auctoritate similibus obligamus, & hypothecamus.

§.7. Quocirca Venerabili fratri nostro Alexandro Episcopo Ostiensi Card. Farnesio nuncupato, ejusdem S. R. E. Vicecanc. per Apostolica scripta mandamus, quatenus ipse per se, vel alium, seu alios, faciat quinque Notarios praedictos sic auctos, si & postquam per Nos, aut pro tempore existentem Romanum Pont. ad id deputati fuerunt, ad quinque officia hujusmodi ad instar aliorum septem Notariorum absque aliqua prorsus differentia, eorumque liberum, exercitium, necnon honores, onera, salaria, & emolumenta, juxta praesentium tenorem, & continentiam admitti, eisque de emolumentis praedictis integre responderi, ac easdem praesentes literas ab omnibus ad quos spectat, & spectabit in futurum, inviolabiliter observari. Non permittens Collegium, & duodecim Notarios praedictos, seu eorum aliquem a quoquam desuper molestari. Contradictores quoslibet, & rebelles, per censuras, & alias, de quibus ei videbitur, poenas compescendo; adhibito, etiam ad hoc, si opus fuerit, auxilio brachii secularis.

§.8. Non obstantibus Constitutionibus, & Ordinationibus Apostolicis, ac nostrae Cancellariae regula de non tollendo jure quaesito, necnon Camera, & Collegii praedictorum juramento, confirmatione Apostolica, vel quavis firmitate alia roboratis statutis, & consuetudinibus, necnon privilegiis, indultis, & literis Apostolicis, Camera, Collegio, & Notariis praedictis, sub quibuscumque tenoribus, & formis quomodolibet concessis. Quibus omnibus, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi praesentibus pro sufficienter expressis, & totaliter insertis habentes, illis alias in suo robore permanens, hac vice dumtaxat specialiter, & expresse derogamus, ceterisque contrariis quibuscumque.

Nulli ergo &c.

Datum Romae apud Sanctum Petrum, Anno Incarnationis Dominicae, millesimo quingentesimo octuagesimo quinto, decimosexto Kal. Decembris, Pontificatus nostri Anno I.

Executores  
hujus Bullae  
deputatio, &  
facultates.

Clausula contrariorum derogatoria.

D. P. An.I.  
16. Novemb.



Sequuntur privilegia pro supradictis septem  
Notariis antiquioribus.

## SIXTUS EPISCOPUS

SERVUS SERVORUM DEI

*Ad perpetuam rei memoriam.*

Proemium.

**L**audabilis Sedis Apostolicæ restitudo, quæ in suis actibus provida circumspectione dirigitur, non immerito eos gratia, & favore prosequitur, quos sibi operosa eorum diligentia studium continuo impendere cognoscit; ac ea quæ illis per prædictam Sedem concessa fuisse dicuntur, ut firmiora persistant, Romanus Pontifex in eadem Sede constitutus libenter approbat, & confirmat, aliasque desuper disponit, prout conspiciat in Domino salubriter expedire.

Collegium 7.  
Notariorum  
Sedis Apost.  
alias institu-  
tum.

§.1. Sane cum sicut accepimus Collegium septem Notariorum de numero participantium nuncupatorum, olim per felic. record. Clem. I. Antherum etiam I. & Julium similiter I. Rom. Pont. Prædecessores nostros, ad martyrum gesta, & quæcumque ad Romanam Ecclesiam pertinerent, fideliter describenda, & descripta reconcedenda, ordinatum, & institutum fuerit, ipsique in septem Urbis regionibus divisas, tam a prædictis, quam aliis Romanis Pontificibus, etiam Prædecessoribus nostris, ut creditur, quamplurima privilegia, honores, gratia, præminentia, & prærogativa concessa fuerint, ipsique Notarii abinde citra, omnibus Romanis Pontificibus præfatis, tam in eorum Cappella, quam in aliis publicis locis, ubi iidem Pontifices interfuerint, uti illorum Prælati domestici interfuerint, & ad diversas legationes, & officia missi, illa laudabiliter exercuerint.

Cui hic Pontifex confirmat emolumenta, &amp; privilegia alias concessa.

§.2. Propterea non solum prædictum Collegium in sua antiquitate, & nobilitate, ut par est, conservare, sed etiam majoribus favoribus; & gratiis prosequi volentes, Motu proprio non ad dictorum Notariorum, seu alicujus eorum, vel etiam alterius pro eis Nobis super hoc oblata petitionis instantiam, sed de nostra mera liberalitate Collegio hujusmodi, eisdemque septem Notariis nunc, & pro tempore existentibus, & eorum cuilibet omnia, & singula privilegia, gratias, exemptiones, libertates, immunitates, favores facultates, præminentias, antelationes, prærogativas, decreta, declarationes, & indulta quæcumque per quoscumque Romanos Pontifices Prædecessores nostros ipsi Collegio, & illius Notariis concessa, quatenus sint in usu, & Concilii Tridentini decretis minime contraria, nec sub ullis revocationibus comprehensa, nec non omnia, & singula redditus, jura, & emolumenta quæcumque dicti Collegii per ipsos septem Notarios hucusque habita & percipi solita, sicut ea iuste & pacifice possident, Apostolica auctoritate, tenore præsentium confirmamus, illaque eis de novo concedimus, & innovamus.

Doctorendi-  
que facultate  
concedit.

§.3. Ac nunc & pro tempore existenti-  
*Bull. Rom. Tom. IV. Par. IV.*

bus Notariis de dicto numero, & eorum, cuilibet, quoscumque qui in Jure canonico, & civili, seu altero eorum per diligentem examinationem per se adhibitis, & assumptis secum duobus, aut tribus illius scientia & facultatis doctoribus, scientia, & moribus idonei, & sufficientes fuerint, in utroque seu altero jurium hujusmodi, quos vero in Theologia non tamen alicujus Ordinis regulares, seu artibus, vel medicina, aut alia licita facultate studuisse, ac per similem examinationem duorum, aut trium etiam per eos eligendorum Doctorum, seu Magistrorum facultatis, in quibus studuerint, coram eis, vel aliquo eorum habendam, ad fidelem Magistrorum, seu Doctorum eorundem attestationem eis faciendam peritos, ac scientia, & moribus præfatis, ad hoc idoneos, & sufficientes esse repererint, de eorundem Doctorum, seu Magistrorum, quoad præmissa omnia consilio, & assensu in Theologia, seu artibus, vel medicina, aut alia licita facultate hujusmodi ad Baccalaureatus, Licentiaturs, Doctoratus, & Magisterii gradus promovendi, & illis in eis legendi, & alios actus ad personas in hujusmodi gradibus constitutas quomodolibet pertinentes, faciendi, auctoritatem concedendi, & ipsorum graduum solita insignia eis, qui eisdem auctoritatibus, facultatibus, & privilegiis, acsi hujusmodi gradus in aliqua etiam famosa, Universitate suscepissent, præterquam quo ad habilitatem ad Cathedrales Ecclesias utantur, & gaudeant, conferendi.

Notarios etiã  
creandi.

§.4. Notariosque, & Tabelliones publicos creandi, ac creatos de Tabellionatus, & Notariatus officiis hujusmodi per pennam, & calamare, ut moris est, recepto prius ab eis solito juramento investendi.

§.5. Cum spuris, bastardis, manseribus, incestuosis, & aliis ex quovis illicito, & damnato coitu procreatis, ut in parentum, & aliorum bonis, tam ex testamento, quam ab intestato, sine tamen præjudicio venientium ab intestato, aut ex fideicommissio, vel alia de jure valida dispositione, & citra bona emphyteutica, & feudalibus ecclesiasticis, aut ex fructibus, aliisque rebus ecclesiasticis confecta, vel per Ecclesiam acquisita, necnon derogationem Constitutionis fel. rec. Pii Papæ V. similiter Prædecessoris nostri in illegitimos emanata, succedere, & quoscumque actus legitimos exercere, & ad quosvis honores, dignitates, & officia publica vel privata assumi, illaque gerere, & exercere in omnibus, & per omnia, acsi de legitimo Matrimonio procreati essent, libere, & licite valeant dispensandi.

Spurios legitimãdi ad successi-  
onem bonorum etiam  
Eccl.

§.6. Necnon statuta, & ordinationes dicti Collegii prosperum statum concernentia condendi, & pro tempore condita restringendi, ampliandi, & quoties expedire videbitur, in totum, vel partem delendi, & alia de novo ordinandi, eaque sub pecuniariis eidem Collegio applicandi, & aliis etiam suspensionis a perceptione emolumentum.

Statuta pro  
Collegio con-  
dendi.



1585.

lumentorum distribuendorum arbitrio dicti Collegii poenis per deputandos per ipsum Collegium exigendis, observari faciendi auctoritate, & tenore prædictis tribuimus facultatem, & potestatem.

Familiares  
Papæ, & ejus  
Prælati do-  
mestici de-  
clarantur.

§.7. Eisdemque Notarios de numero hujusmodi veros, & indubitatos familiares, continuos commensales, ac Prælatos domesticos nostros, & pro tempore existentis Rom. Pont. existere, eisdemque privilegiis, & gratis, quibus veri, & intimi familiares, utuntur, potiuntur, & gaudent, non ad eorum instar, sed pariformiter, & æque principaliter sine ulla differentia uti, potiri, & gaudere posse.

Panem Vestes  
& locum in  
Cavalcatis ha-  
beant.

§.8. Ac illis panem honoris, ejusdem bonitatis, & qualitatis, prout eisdem intimis familiaribus, & dilectis filiis Camera Apostolicæ Clericis dari consuevit, dandum, ac ipsis, & eorum cuilibet, obitus, & Coronationis Rom. Pontificis temporibus vestes lugubres ratione obitus, & violaceas ratione Coronationis hujusmodi assignandas esse; & in cavalcatis Pontificalibus duos ex ipsis Notariis equitare cum Mantellonibus immediate post Prælatos assistentes si voluerint, libere posse decernimus.

Litteræ Apo-  
stolicæ gratis  
pro eis expe-  
diantur.

§.9. Eisdemque Notariis pro tempore existentibus, ut singula pro eorum quolibet litteræ Apostolicæ, etiam sub plumbio, super omnibus, & singulis quorumcumque cum cura, & sine cura, secularium, vel quorumvis Ordinum Regularium, Beneficiorum Ecclesiasticorum, etiam si Canonici, & præbendæ, dignitates, personatus, administrationes, vel officia, & dignitates ipsæ in Cathedralibus, etiam Metropolitanis, post Pontificales majores, vel Collegiatis, aut aliis Ecclesiis principales fuerint, & ad dignitates, personatus, administrationes, vel officia hujusmodi consueverint, qui per electionem assumi, eisque cura immineat animarum, ac etiam ipsarum Cathedralium, vel Metropolitanarum, aut Patriarchalium Ecclesiarum provisionibus, commendis, ac fructuum, reddituum, & proventuum Ecclesiasticorum, necnon pensionum annuarum super eisdem fructibus, redditibus, & proventibus, reservationibus, & aliis gratis, etiam per Cameram, vel Cancellariam Apostolicam gratis expedire possint, de speciali gratia indulgemus.

Emolumenta  
hic assignata  
nusquam eis  
diminuantur.

§.10. Et insuper, quod pro singulis quarumcumque Cathedralium Metropolitanarum, & Patriarchalium Ecclesiarum, necnon Monasteriorum, ceterorumque beneficiorum Ecclesiasticorum pro tempore facien. expeditionibus, quarum ratione taxa dicto Collegio solvi solet, semper eidem Collegio jura prædicta omnino solvi debeant; ita quod in quibuscumque gratis, & mandatis a Nobis, & pro tempore existente Romano Pontifice emanandis, etiam si per ea expeditiones hujusmodi, sive per Cameram, sive per Cancellariam, aut viam secretam gratis ubique fieri concessum sit, nihilominus jus semper integrum, & illasum prædicto Collegio reservatum esse censeatur, nec expeditio fieri possit nisi

prius solutis jure præfati Collegii; quodque nullo modo, nulloque tempore præmissis quamquam per Nos, & Successores nostros prædictos specialiter, & expresse, ex quavis causa illis derogatum fuerit, derogatum esse prætendi valeat; quinimmo jura ipsa dicto Collegio integre, ut præfertur, solvi omnino debeant, auctoritate, & tenore præmissis, etiam perpetuo statuimus, & ordinamus.

§.11. Præterea eorumdem septem Notariorum, & cujuslibet eorum Consanguineis, affinis, & familiaribus continuis commensalibus actu inservientibus, quod qualibet arma, non tamen brevioris mensuræ alias prohibita, tam per Urbem, quam totum Statum Ecclesiasticum hujusmodi absque aliqua speciali licentia deferre possint, quibuscumque prohibitionibus, & bannimentis nequaquam obstantibus, a quibus semper exempti, & excepti sint, & esse censeantur, ipsorumque litteris desuper dandis ministri justitiæ Urbis, & locorum status hujusmodi credere, & acquiescere debeant.

Licentia defer-  
endi arma,  
pro ipsis, &  
eorum fami-  
liaribus.

§.12. Eisdem Notariis, & eorum cuilibet, ut de quibuscumque eorum bonis, mobilibus, & immobilibus per eos tam ex Ecclesiis, aut aliis beneficiis Ecclesiasticis etiam Hospitalis, vel aliis piis locis, cujusvis etiam privilegiati Ordinis, seu Militiæ existentibus per eos obtentis, ac obtinendis, aut alias quomodolibet, licite tamen acquisitis, & acquirendis etiam si juxta præmem. Sixti IV., Julii II., Leonis X., & aliorum Romanorum Pontificum, etiam Prædecessorum nostrorum desuper expeditas litteras immobilia bona non possederint, etiam in dicta Romana Curia, & extra eam testari, & de eis inter quascumque personas utriusque sexus, non tamen illegitimas, aut alias incapaces, gratis, & absque aliquis compositionis solutione disponente, testari, codicillari, & ea etiam inter vivos erogare, concedere, & donare, ac testamenta, dispositiones, & concessiones hujusmodi, etiam dimisso Notariatus Officio usque ad summam duorum millium ducatorum auri de Camera, quoad bona ex Ecclesiis, & aliis beneficiis prædictis acquisita, facere libere, & licite valeant, plenam, & liberam, auctoritate, & tenore prædictis concedimus licentiam, & facultatem.

Facultas te-  
standi etiam  
de acquisitis  
ex bonis Ec-  
clesiasticis pro  
ducatis duo-  
bus mille.

§.13. Eisdemque Notarios a quorumcumque Ordinariis locorum, & aliorum omnium judicum jurisdictione, potestate, superioritate, & dominio, ita ut Ordinarii, & alii prædicti, eorumque Officiales, & Vicarii, ac quicumque alii Judices nullam in eos, etiam ratione delicti, contracti, aut rei de qua agi contigerit, superioritatem, potestatem, jurisdictionem, vel dominium valeant exercere, aut Excommunicationis, vel alias sententias, censuras, & poenas proferre, nisi de nostro, seu pro tempore existentis Romani Pontificis mandato, ipsique in fragranti aliquo delicto deprehendantur, penitus eximimus, & totaliter liberamus, ac nostræ, & Sedis Apostoli-

Exemptio a  
Jurisdictione  
Ordinariarum.



folica jurisdictioni, & potestati dumtaxat immediate subiicimus. Inhibentes locorum Ordinariis, & aliis cujuscumque qualitatis, & dignitatis Judicibus, ne predictos Notarios aliquo colore vel causa, nisi de nostro, & pro tempore existentis Romani Pontificis mandato, vel in flagranti delicto, ut praefertur, repertos, aliquo modo molestare, inquietare, capi facere, processare audeant, vel praesumant, irritum & inane decernentes quicquid, si secus ipsi, aut eorum quispiam praesumpserit attentare.

Facultas creandi unum Notarium.

§.14. Quodque dicti septem Notarii Collegialiter congregati, unum Notarium quolibet anno sine Notariorum praedictorum participantium praedicio, & absque exemptionibus, & privilegiis ipsis septem Notariis concessis, ita quod illis non gaudeant, creare.

Locus eorum in Signaturis.

§.15. Necnon, qui ex dictis septem Notariis utriusque juris Doctores fuerint, utriusque Signaturae Referendariorum numero adscribantur, & unus ex eis antiquior in Signatura gratiae semper assistere possit.

Et in actibus publicis Consistorii.

§.16. Ac in quibuscumque actibus in Consistorio publico pro tempore faciendis unus sit accersendus Notarius, qui, & alii ibi praesentes Notarii si rogentur, instrumentum ad perpetuam rei memoriam conficiant; cui omnibusque aliis instrumentis, & scripturis quibuscumque acta publica; quibus intervenierint concernentibus, unus ex eisdem Notariis manu subscriptis, ac suo sigillo munitis etiam absque testibus, plenaria fides in iudicio, & extra ubique locorum omnino adhiberi debeat.

Canonizationibusque Sanctorum.

§.17. Et cum Notariatus Officia huiusmodi ad res Martyrum describendas antiquitus, ut praefertur, instituta sint, quod unus eorumdem Notariorum in Canonizatione Sanctorum, ac etiam in fabricando desuper processu coniunctim una cum uno ex causarum Palatii Apostolici Auditoribus intervenire, & procedere.

Consistoriis publicis, & Capellis.

§.18. Illisque omnibus; & eorum singulis Consistoria publica, & Cappellae a Curforibus intimari, ac eis in Cappella, & omnibus actibus Candelas, Agnusdei, & palmas ejusdem qualitatis, & quantitatis, prout Episcopis assistentibus de more fieri solet.

Monetas Coronationis habere.

§.19. Necnon aureas, argenteasque monetas in die Coronationis cujuscumque Romani Pontificis dictae Camerae Clericis dari solitas eisdem septem Notariis, & eorum singulis in signum honoris distribui, & dari.

Papae quando serviant.

§.20. Duoque ex illis si Principes, & eorum Oratores, & Patriarchae, necnon Archiepiscopi, & Episcopi assistentes desint, a Magistris caeremoniarum ad nostram, & pro tempore existentis Romani Pontificis caudam deferendam ceteris Praelatis in illis actibus, in quibus ad ipsos spectat, & Baronibus postpositis assumi.

Pontificalibus quando utantur.

§.21. Et qui ex eis in Presbyteratus ordine constituti fuerint, in Missis solemnibus mitra, & quibuscumque aliis Pontificalibus insi-

gnibus, etiam in Cathedralibus Ecclesiis, de illorum tamen Praesulum, si praesentes sint, si vero absentes absque illorum consensu, etiam illis irrequisitis extra dictam Curiam uti.

Altareque portatili.

§.22. Necnon quilibet eorumdem septem Notariorum nunc, & pro tempore existentium, ut sibi habere liceat Altare portatile eam debita reverentia, & honore, super quo in locis ad hoc convenientibus, & honestis, etiam non sacris, ac etiam Ordinaria, vel Apostolica, seu utraque auctoritate, ex quavis causa interdictis, seu etiam tempore cessationis a divinis, dummodo causam interdicti huiusmodi non dederint, etiam ante dilaculum, & etiam circa meridiem in illius, & domesticorum, & familiarium suorum praesentia Missam per se, vel quemcumque saecularem, vel cujuscvis Ordinis regularem Sacerdotem idoneum, ab Ordinario approbandum, celebrari facere, illique interesse, & eam audire libere, & licite valeat.

§.23. Quodque iidem nunc, & pro tempore existentes septem Notarii, & eorum singuli, qui jam per decennium Officium Notariatus huiusmodi obtinuerint, quique in futurum saltem per praedictum tempus a die quo in Collegium eorumdem Notariorum admissi fuerint, computandum, illud obtinuerint, si forte illud resignaverint, nihilominus Notarii sint, & vocentur, eisdemque honoribus, praeminentiis, antelationibus, privilegiis, immunitatibus, & exemptionibus, aliisque omnibus praemissis ad quinquennium tantum utantur, perinde ac si in dicto Collegio adhuc essent; qui tamen Rocchetti, praeterquam extra Urbem non deferant, nec locum in Capella habeant, alios tamen Praelatos immediate post Notarios incedendo, praeterquam causarum dicti Palatii Auditores, & Camerae Apostolicae Clericos, praecedant, auctoritate, & tenore praemissis concedimus pariter, & indulgemus.

Post decennium etiam dimisso officii Notarii remanent.

§.24. Mandantes dilectis filiis Vicecancellario, Camerario, Summatori, & dictae Camerae generali Auditori, Clericis, Thesaurario, ac ejusdem Urbis Governatori, & Senatori, necnon Legatis, Vicelegatis, Patriarchis, Archiepiscopis, Episcopis, Abbatibus, Prioribus, & Gubernatoribus quarumcumque Civitatum, Castrorum, & locorum dicti Status Ecclesiastici per Collegium dictorum septem Notariorum pro tempore existentium, & eorum singulos eligendis, & eorum singuli, per se, vel alium, seu alios, auctoritate nostra dictis septem nunc, & pro tempore existentibus Notariis in praemissis omnibus, & singulis efficacis defensionis praesidio assistant, faciantque eos, & eorum singulos, quoties pro ipsorum parte super hoc fuerint requisiti, omnibus, & singulis praefatis pacifice frui, & gaudere, non permittentes eos, & eorum aliquem, per quoscumque desuper quomodolibet indebite molestari, inquietari, aut impediri. Contradictores, quolibet, & rebelles cujuscumque status, gradus,

Executores huius Bullae deputatio, & facultates.



duſ, ordinis, dignitatis, vel præeminen-  
tiæ fuerint, per cenſuras Eccleſiaſticas, &  
pecuniarias poenas, aliaque opportuna juris,  
& facti remedia, appellatione poſtpoſita com-  
peſcendo. Decernentes præmiſſa omnia,  
& ſingula perpetuo valida, & efficacia exi-  
ſtere, ac ſuos plenarios, & integros effe-  
ctus ſortiri; ac ab omnibus obſervari, &  
ſic, & non aliter per eoſdem Cardinales,  
& Auditores, alioſque Judices, & Com-  
miſſarios, ſublata eis, & eorum cuilibet,  
quavis aliter judicandi, & interpretan-  
di facultate, & auctoritate, judicari, &  
deſiniri debere. Irritum quoque, & inane  
ſi ſecus ſuper his a quoquam quavis auctori-  
tate ſcienſer, vel ignoranter contigerit  
attentari.

Claſula cõ-  
trariorum de-  
rogatoriæ.

§. 25. Non obſtantibus Sanctæ memoriæ  
Symmachi, & Innocentii IV., Pauli II.,  
& aliorum Romanorum Pontificum, etiam  
Prædeceſſorum noſtrorum contra exemptos  
editis, & prædiſtis, aliſque Apoſtolicis, ac  
in Generalibus, & Provincialibus, Synoda-  
libus, & præſertim Tridentini non tamen  
quoad exemptionem ab eo ſublata Con-  
ciliis editis generalibus Conſtitutionibus,  
& Ordinationibus, legibus, ſtatutis noſtris,  
& aliorum Romanorum Pontificum Præde-  
ceſſorum noſtrorum, vel aliis Extravagan-  
tibus, quibuſcumque editis generalibus  
Conſtitutionibus, privilegiis quoque, indul-  
tis, & literis Apoſtolicis, quibuſcumque  
Romanæ Curia officialium Collegiis, eo-  
rumque perſonis per quoscumque Prædeceſ-  
ſores noſtros, etiam motu ſimili, & ex cer-  
ta ſcientia, ac de Apoſtolicæ poteſtatis ple-  
nitudine, ac cum quibuſvis, etiam dero-  
gatoriis derogatoriis, aliſque fortiori-  
bus, efficacioribus, & inſolitibus clauſulis,  
irritantibuſque, & aliis declarationibus, &  
decretis, etiam talibus, quod illis nullate-  
nus, vel niſi de eorum, quorum intereſt, ex-  
preſſo conſenſu, & Fratrum noſtrorum con-  
ſilio, etiam conſiſtorialiter habito, aliſque  
modis, & formis ibi traditis uſquequaque  
ſervatis derogari poſſit; etiamſi inter alia  
caveatur expreſſe, quod ſi eis derogari con-  
tingat, derogatio huiusmodi non valeat,  
niſi talis intentio derogandi aliquibus per-  
ſonis tunc expreſſis per diverſas in forma  
Brevis literas cum intervallo unius menſis,  
ſeu alterius temporis eis præſentata prius,  
& intimata, ac inſinuata fuerit, ac alias  
quomodolibet conceſſis, & concedendis.  
Quibus, illorum tenores, ac ſi de verbo  
ad verbum infererentur præſentibus, pro  
ſufficienter expreſſis, & inſertis habentes,  
illis alias in ſuo robore permanſuris, hac  
vice dumtaxat, & ad effectum præmiſſo-  
rum omnium harum ſerie ſpecialiter, &  
expreſſe, motu pari derogamus, ceteriſque  
contrariis quibuſcumque.

§. 26. Volumus autem, quod præſen-  
tium tranſumptis &c.

Datum Romæ apud S. Petrum, Anno  
Incarnationis Dominicæ, milleſimo quin-  
gentefimo octuageſimo ſexto, Nonis Fe-  
bruarii, Pontificatus noſtri Anno I.

Fides tranſ-  
ptorum.

D. P. An. I.  
5. Februarii.

XX.

Inſtitutio Archiconfraternitatis Chordige-  
rorum S. Franciſci, chordam per Fratres  
ejus Ordinis geſtari ſolitam devote de-  
ferentium, cum indulgentiarum conceſ-  
ſione, & alias Confraternitates aggre-  
gandi facultate.

## SIXTUS EPISCOPUS

SERVUS SERVORUM DEI

*Ad perpetuam rei memoriam.*

EX ſupernæ diſpoſitionis arbitrio gregi  
Dominico præſidentes, inter curas mul-  
tiplices, quæ ex Paſtoralis officii miniſterio  
Nobis incumbunt, illam libenter ample-  
ctimur, per quam omnium Chriſtifiſidelium,  
præſertim ſub ſuavi Religionis jugo, & ve-  
xillo, Altiffimo famulantium, animarum  
ſalus cum divini cultus incremento prove-  
niant; ipſoſque Chriſtifiſideles, ut eorum  
vota ad id facilius concurrant, ſpirituali-  
bus muneribus, indulgentiis videlicet, &  
peccatorum remiſſionibus, in apicem eis  
adducendo, juſtos variis ſignis, & mira-  
culis coruſcantes, invitamus, & confove-  
mus, ac alias deſuper diſponimus, prout  
ad eorundem Chriſtifiſidelium ſpiritualem  
devotionem conſpicimus in Domino ſalu-  
briter expedire.

Proœmium.

§. 1. Cum itaque B. Franciſcus, a quo  
Ordo dilectorum filiorum fratrum Mino-  
rum inſtitutus fuit, quique inter cete-  
ros in numerum Sanctorum cooptatos, ſi-  
gnis, & miraculis maxime claruit, ita vi-  
xerit, ut pene omnes ad ſui devotionem,  
& imitationem pertraxerit, multique ex  
ipſis Chriſtifiſidelibus Chordam ſimilem ei,  
qua ipſe dum in hoc ſaculo verſaretur, cin-  
ctus erat, hodie deferant; quin etiam plu-  
res ejus laudabile inſtitutum amplexi, & ſub  
ſuavi jugo Religionis ab eo inſtitutæ diver-  
ſiſque S. R. Catholicæ Eccleſiæ Prælatiſ,  
etiam Cardinalatus honore fulgentibus, &  
poſtea ad ſummi Apoſtolatus apicem eve-  
ctis illuſtratæ, militantes, tantumque Vi-  
rum imitati, in numerum eorundem San-  
ctorum relati fuerint.

B. Franciſcus  
Ordinis Mi-  
norum inſti-  
tutor, miracu-  
lis claruit,  
& Sanctorum  
numero aſcri-  
ptus fuit a  
Gregorio IX.

§. 2. Nos qui etiam a teneris annis ſin-  
gularem devotionis affectum erga ipſum  
S. Franciſcum, cujus corpus ſub Altari  
majori Eccleſiæ, Domus Fratrum Ordinis  
Fratrum Minorum Conventualium nuncu-  
patum Aſſiſien., quæ inibi inſignis, maxi-  
meque celebris, & diverſis privilegiis de-  
corata exiſtit, requieſcit, ſub habitu dicti  
Ordinis ſui incedentes geſſimus, cupientes  
domum, & Eccleſiam huiusmodi amplius  
decorari, pietatiſque, & Chriſtianæ cari-  
tatis opera, ubique cum divini cultus aug-  
mento, ac ad ejuſdem S. Franciſci hono-  
rem, & venerationem, animarumque ſa-  
lutem exerceri, fideleſque ipſos ad facien-  
dum ea, per quæ ad æternam beatitudinem  
valeant facilius pervenire, mediis opportu-  
nis excitare, inſcriptum fratrem Clemen-  
tem Magiſtrum Generalem, ac ſingulares per-

Hic Pontifex  
ejuſdem Or-  
dinis profeſſor  
ad decoran-  
dam Eccleſiã  
in qua requie-  
ſcit corpus d.  
Sancti, & fi-  
deles ad ma-  
jorem devo-  
tionem exci-  
tandum. Ar-  
chiconfrater-  
nitatem Cor-  
digerorum e-  
rigit in dicta  
Eccleſia.



personas Conventus Domus prædictæ a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a jure, vel ab homine quavis occasione, vel causa latis, si quibus quomodolibet innodati existunt ad effectum præsentium dumtaxat consequendum, harum serie absolventes, & absolutos fore censentes. Motu proprio non ad alicujus Nobis desuper oblata petitionis instantiam, sed de nostra mera liberalitate, & certa scientia, in Ecclesia domus, & ad Altare hujusmodi, unam Archiconfraternitatem utriusque sexus Christifidelium, qui Chordam per ejusdem Ordinis Fratres gerit solitam, ex illorum devotione deferant, ac illa cingantur, sub invocatione ejusdem S. Francisci, Apostolica auctoritate, tenore præsentium, perpetuo erigimus, & instituimus. Ut autem ipsa Archiconfraternitas Confratrum Chordigerorum præfata Chordæ, numero in dies magis ampliata decoretur, ipsique Confratres ad piorum operum exercitium propensiores reddantur, ac ad Ecclesiam, & Altare hujusmodi devotionis causa confluant, quo per hoc se majora coelestis gratiæ dona cognoverint adipisci; De Omnipotentis Dei misericordia, ac Beatorum Petri, & Pauli Apostolorum ejus auctoritate confisi.

Indulgentiam  
Confratribus  
elargitur pro  
die ingressus.

§.3. Omnibus, & singulis utriusque sexus Christifidelibus, qui vere poenitentes, & confessi, ac præfata Chordam, quæ prius a superioribus dicti Ordinis benedici debeat, ad reverentiam, & memoriam ejusdem S. Francisci gerentes, sacraque Communione refecti, præfata Archiconfraternitatem ingrediuntur, die primi illorum ingressus, ac in mortis ipsorum articulo, Nomen Jesu, ore, vel corde invocantibus, si etiam vere poenitentes, & confessi fuerint, plenariam omnium peccatorum suorum Indulgentiam, & remissionem.

Aliasque In-  
dulgentias Fra-  
trum Conve-  
ntualium, &  
Confraterni-  
tatis Confa-  
lonis.

§.4. Et insuper eidem Archiconfraternitati, illiusque Confratribus, omnes, & singulas Indulgentias, & peccatorum remissiones, ac relaxationes Archiconfraternitati Confalonis B. Mariæ Virg. in Ecclesia S. Lucie de Urbe institutæ, necnon prædicto Ordini, ac illius fratribus, & personis, quodcumque, & per quoscumque Romanos Pontifices Prædecessores nostros, ac etiam per Nos concessas, quoad illas tantum, quæ hæcenus revocatæ non fuerunt, Motu, & auctoritate, ac tenore similibus, etiam perpetuo concedimus, & elargimur, ac communicamus.

Generali Ma-  
gistro Conve-  
ntualium dar-  
facultatē ag-  
gregandi alias  
Confraterni-  
tates.

§.5. Postremo, dilecto filio Fratri Clementi Bontadosio nunc, & pro tempore existenti dicti Ordinis Generali Magistro Ordinis Fratrum Minorum Conventualium nuncupatorum, quascumque Confraternitates utriusque sexus Christifidelium Chordigerorum hujusmodi in quibuscumque Ecclesiis Domorum tam Minorum Conventualium, quam Capuccinorum, & de Observantia nuncupatorum Fratrum prædictorum, in quibuscumque mundi partibus, &

locis pro tempore erigendis, & instituendis, erigendi, & instituendi, illasque postquam erectæ, & institutæ fuerint, præfata Archiconfraternitati per præsentem erectæ, & institutæ, cum omnibus, & singulis Indulgentiis, peccatorum remissionibus, & relaxationibus aggregandi, ac ipsas indulgentias, illis, & earum Confratribus communicandi, pariterque concedendi, plenam, liberam, & omnimodam facultatem, & auctoritatem damus, & concedimus, prout Nos easdem omnes Confraternitates, ex nunc prout ex tunc, postquam erectæ, & institutæ fuerint, ipsi Archiconfraternitati per præsentem erectæ, & institutæ hujusmodi aggregamus, præfatasque Indulgentias illis, & earum Confratribus communicamus, & concedimus.

§.6. Deceruentes easdem præsentem litteras, nullo umquam tempore de subreptionis, vel obreptionis, aut intentionis vitio, vel intentionis, seu quopiam alio defectu, notari, impugnari, vel retractari aut revocari ullatenus posse, neque debere; sed semper, & in perpetuum validas, & efficaces existere, suosque plenarios effectus fortiri debere.

Clausula præ-  
servativa.

§.7. Non obstantibus præmissis, ac Regula nostra de Indulgentiis ad instar non concedendis, ac aliis Constitutionibus, & Ordinationibus Apostolicis; ceterisque contrariis quibuscumque. Nulli ergo &c.

Clausula de-  
rogatoria.

Datum Romæ apud S. Petrum, Anno Incarnationis Dominicæ, millesimo quingentesimo octuagesimo quinto, 13. Kal. Decembris, Pont. nostri Anno I.

D. P. An. 19  
19. Novemb.

Sequitur extensio dictæ Constitutionis.

SIXTUS EPISCOPUS

SERVUS SERVORUM DEI

Ad perpetuam rei memoriam.

Divinæ caritatis altitudo eminentissima, & summi amoris Seraphici inexhausta bonitas, &c. *Omittitur relatio ejusdem Bullæ.*

Hic Pontifex  
edidit Consti-  
tuted.

§.1. Ne autem de præmissorum validitate ullo umquam tempore dubitari contingat nostram denuo in præmissis auctoritatem interponere, ipsiusque Archiconfraternitatis auctoritatem extendere, ac pium dictorum Confratrum Chordigerorum propositum amplius promovere, eosque spiritualibus muneribus, Indulgentiis videlicet, & peccatorum remissionibus prosequi cupientes, supplicationibus dicti Clementis hac in parte inclinati, Institutionem hujusmodi, Apostolica auctoritate præfata, tenore præsentium perpetuo approbamus, & confirmamus, suppletes omnes, & singulos, tam juris quam facti defectus, siqui interverint in eisdem; Ipsamque Archiconfraternitatem in caput omnium Confraternitatum Chordigerorum hujusmodi, ubilibet institutarum, & instituendarum, etiam perpetuo, auctoritate, & tenore præmissis erigimus, & instituimus.

Et modo  
omnia in ea  
contenta ap-  
probat, & di-  
ctam Archi-  
confraternita-  
tem caput al-  
iarum ubique  
institutarum  
constituit.

§.2.O-



1585.  
Indulgentias  
Fratrum Mi-  
norum iterato  
concedit.

§.2. Omnesque, & singulas Indulgentias, & peccatorum remissiones Religioni, & Ordini Fratrum Minorum hujusmodi per quoscumque Rom. Pont. Prædecessores nostros, ac Nos concessas, quoad eas dumtaxat, quæ hæcenus non sunt revocata, nec sunt ullis revocationibus comprehensa, eisdem auctoritate, & tenore similiter perpetuo approbamus, & confirmamus, ac illis perpetuæ, & inviolabilis firmitatis robur adiicimus.

Alias hic expressas elargitur.

§.3. Illasque Archiconfraternitati, & Confratribus Chordigerorum hujusmodi similiter perpetuo concedimus, ac communicamus, & ad illas extendimus, seu Indulgentias, & peccatorum remissiones, & relaxationes Religioni, & Ordini Minorum prædictis, ut præfertur, concessas Archiconfraternitati, & Confratribus Chordigerorum hujusmodi sub eisdem modo, & forma, quibus illæ Religioni, & fratribus præfatis concessæ fuerunt, dummodo (ut præfertur) non fuerint revocata, etiam perpetuo concedimus, elargimur, & communicamus. Necnon de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, utriusque sexus Confratribus Chordigerorum hujusmodi, præter Indulgentias Religioni præfata concessas, in mortis articulo, necnon quoties processionibus Archiconfraternitatis Chordigerorum hujusmodi singulis mensibus fieri solitis interfuerint, eisdem quidem Confratribus plenariam omnium peccatorum suorum Indulgentiam, & remissionem perpetuo concedimus.

Et non Confratribus alias tribuit.

§.4. Aliis vero non Confratribus, qui processionibus hujusmodi interfuerint, centum annos de injunctis eis, vel alias quomodolibet debitis poenitentiis misericorditer in Domino relaxamus. Ac præfatis Confratribus, qui aliis dictæ Archiconfraternitatis processionibus, aut dum B. Mariæ, vel quodvis aliud divinum officium per ipsos Confratres Chordigerorum recitabitur, interfuerint, ac quoties Sanctissimum Christi Corpus, dum infirmis defertur, vel defunctum ad sepulturam associaverint, aut alicui miserabili personæ subvenerint, vel pacem inter inimicos composuerint, seu aliquod horum fecerint, toties centum dies, de eis injunctis, seu alias, quomodolibet debitis poenitentiis etiam misericorditer in Domino relaxamus. Eisdemque Confratribus Chordigerorum, ut Indulgentias, & peccatorum remissiones præfatas, per modum suffragii, pro fidelibus, qui in gratia Dei decesserint, consequi, & impartiri valeant.

Alias Confraternitates aggregandi facultatem concedit.

§.5. Necnon quascumque Confraternitates utriusque sexus Christifidelium Chordigerorum hujusmodi, in quibuscumque Ecclesiis Domorum, tam Minorum Conventualium, quam de Observantia, & Capuccinorum nuncupatorum fratrum præfatorum, in quibuscumque mundi partibus, & locis pro tempore erigendas, & institutas, postquam erectæ, & institutæ fuerint, Archiconfraternitati illorum aggregandi, illisque omnes, & singulas eorum Indul-

gentias, & peccatorum remissiones, & relaxationes communicandi, & concedendi, plenam, liberamque facultatem præfato, ac pro tempore existenti Generali dicti Ordinis Minorum Conventualium, auctoritate, & tenore præfatis concedimus.

§.6. Non obstantibus præmissis, ac nostra de Indulgentiis ad instar non concedendis, & quibuscumque aliis Constitutionibus, & Ordinationibus Apostolicis, ceterisque contrariis quibuscumque, præsentibus perpetuis futuris temporibus valituris.

§.7. Volumus autem, quod præsentium transumptis &c. Nulli ergo &c.

Datum Romæ apud S. Petrum, Anno Incarnationis Dominicæ, millesimo quingentesimo octuagesimo sexto, Nonis Maii, Pontificatus nostri Anno II.

Clausula de rogatoria.

Transumptum fides.

D. P. An. II.  
7. Maii.

## XXI.

Confirmantur Privilegia a Romanis Pontificibus Civibus Genuensibus concessa, quorum vigore extra Urbem Januam ad Judicium vocari non possunt.

Ex Regest. in Secret. Bre- vium.

*Dilectis filiis Nobili Viro Duci, & Gubernatoribus Reipublicæ Genuen.*

## SIXTUS PAPA QUINTUS

*Dilecti filii salutem, & Apostolicam benedictionem.*

**P**ræstantissima pietas, ac devotio, quas omni tempore, & quidem in rebus maximis, & gravissimis erga Sanctam Ecclesiam Romanam, magna vestra cum laude declaratis, & paternus amor, ac præcipua charitas, qua Vos Romani Pontifices semper sunt prosecuti, Nosterque peculiaris erga vos animi affectus, haud dubie postulant, ut gratias, indulta, & privilegia vobis ab eisdem Romanis Pontificibus Prædecessoribus nostris concessa, non modo rata, & firma esse velimus, sed alia etiam cum usus veniat, illis addamus.

Exordium a meritis Reip. erga Romanam Sedem desumptum.

§.1. Itaque cum per dilectos filios Oratores vestros, qui ad præstandam Nobis, & Sanctæ huic Sedi obedientiam nuper missi sunt, exponi feceritis, quod alias felicis recordationis Innocentius IV., Alexander IV., & Nicolaus IV., ac Nicolaus V. Romani Pontifices Prædecessores nostri Communitati, ac Civibus Genuensibus, ut nemo eorum etiam vigore quarumvis literarum Apostolicarum plenam, & expressam de indulto hujusmodi mentionem non facientium, extra Civitatem, & districtum Genuen. ad Judicium invitatus trahi, utque nullus delegatus, seu subdelegatus, aut executor, vel Conservator Apostolicus in eos, & dictam Civitatem excommunicationis, vel interdicti sententias promulgare possent indulserunt.

Nonnulli Pontifices concessere Genuen. ut extra Civitatem Genuen. ad Judicium vocari nequirent, nec excommunicari, aut interdici.

§.2. Et pia me: Calixtus III., Sixtus IV., Innocentius VIII., Alexander VI., & Julius II., etiam Romani Pontificis Prædecessoris nostri indulta prædicta approbarunt, & innovarunt: Ac præterea dictus Calixtus, ut per nullas etiam Apostolicas literas, in quibus de Indulto hoc specialis, & expressa men-

Alii Pontifice eadem privilegia confirmarunt.



mentio non fieret, derogatum ei esset, aut censeretur, decrevit. Ac postmodum re: me: Leo Papa X. Communitatis, & Civium prædictorum asserentium nonnullos Conservatores, & Delegates, aliasque personas contra indultum hujusmodi attentare præsumpsisse supplicationibus inclinatus omnes, & singulas super præmissis confectas, præsertim compertas Sancti Georgii concernentes literas, per suas sub Plumbo confectas literas approbavit, & confirmavit, ac demum Paulus III., & Paulus IV., ac Pius IV., & Gregorius XIII. Prædecessores nostri, singulas literas prædictas per alias suas in forma Brevis ex certa scientia confirmarunt, & approbarunt, ac perpetuæ firmitatis robur obtinere, & ab omnibus inviolabiliter observari debere statuerunt, illaque denuo gratiose concesserunt, prout in singulis literis Prædecessorum hujusmodi plenius dicitur contineri.

Confirmat quoque Sixtus.

§.3. Nos supplicationibus vestro nomine super his per eosdem Oratores humiliter porrectis inclinati, vosque, & Rempublicam vestram omni gratia, & favore amplecti volentes, singulas literas Prædecessorum hujusmodi, quarum veriores tenores præsentibus pro expressis habeantur, cum omnibus, & singulis in eis contentis, indultis, concessionibus, decretis, & clausulis auctoritate Apostolica tenore præsentium ex certa scientia approbamus, & innovamus, ac plena, & inconcussa roboris firmitate subsistere, vobisque in omnibus, & per omnia etiam quo ad hoc ut executores in eisdem literis deputati, ad earum executionem juxta illarum continentiam, & tenorem procedere possint, & debeant, suffragari, & ab omnibus inviolabiliter observari decernimus, atque ea omnia vobis de novo gratiose concedimus.

Derogatio contrariorum

§.4. Non obstantibus quibuscumque Apostolicis, ac in Provincialibus, & Synodalibus Conciliis editis specialibus, vel generalibus Constitutionibus, & Ordinationibus, nec non omnibus illis, quæ dicti Prædecessores nostri in suis literis voluerunt non obstare, ceterisque contrariis quibuscumque.

Datum Romæ apud Sanctum Petrum sub annulo Piscatoris die 6. Decemb. 1585. Pontificatus nostri Anno I.

Dat. die 6. Decem. 1585. An.I.

Ex Regest. in Secret. Brev.

## XXII.

Confirmat literas Prædecessorum Pontificum, ac præcipue Gregorii XIII. quibus ad refranandos scelestos homines, tam Laicos, quam Ecclesiasticos læsæ majestatis criminis reos Ecclesiastica immunitatis, in Civitate Genuen. restringit limites.

*Dilectis filiis, Nobili Viro Duci, & Gubernatoribus Reipublicæ Genuen.*

**SIXTUS PAPA V.**

*Dilecti filii Nobiles Viri, salutem, & Apostolicam benedictionem.*

§.1. **A**lias a fel. rec. Gregorio Papa XIII. Prædecessore nostro emanarunt literæ tenoris subsequenter videlicet a tergo.

*Bull. Rom. Tom. IV. Par. IV.*

§.2. Dilectis filiis Nobili Viro Duci, & Gubernatoribus Reipublicæ Genuen. intus vero Gregorius Papa XIII. Dilecti filii salutem, & Apostolicam benedictionem. Romani Pontifices Justitiæ Auctores, & Cultores præcipui privilegium Clericis concessum, & Ecclesiarum, ac Cemeteriorum immunitatem ita limitare, & restringere consueverunt, ne Clerici ipsi privilegio magis, quam par sit, confidentes publicam quietem, & pacem, præsertim in Civitatibus perturbent, neve aliqui spe nanciscendi impunitatem ducti aliis cum animarum suarum perniciem injuriam inferant. Unde ad eum finem jam statutis, & ordinatis, cum a Nobis petitur, libenter auctoritatis nostræ robur adicimus, ac circa illa, quantum Nobis in Domino conceditur, opportune providemus.

Alias siquidem per vestræ Reipublicæ Genuen. tunc temporis Ducem, & Gubernatores fel. rec. Clementi PP. VII. Prædecessori nostro exposito, sapius contingere, ac experientia comprobatum esse, quod nonnullæ personæ Ecclesiasticæ sæculares, & diversorum Ordinum Regulares, etiam in sacris Ordinibus constitutæ, suorum status, professionis, gradus, dignitatis, & salutis immemores, ac Dei timore postposito, contra regimen, & statum ejusdem Reipublicæ verbis, consilio, operibus, & factis venire non timecebant, ac vehementer dubitabatur, nisi ea in re consultum fuisset, ne pax, & quies publica ejus Civitatis perturbaretur, ac diversa scandala in dies subsequerentur in grave ipsius Reipublicæ detrimentum. Quodque nonnulli etiam dictæ Civitatis in Minoribus ordinibus constituti, ac Beneficiati, in habitu sæculari, ac sine tonsura Clericali incedere, & Officium Divinum, prout ratione beneficiorum per eos obtentorum, tenebantur, omittere non verebantur, in ipsius Clericalis Ordinis opprobrium, animarumque suarum perniciem, & plurium perturbationem; Idem Prædecessor Venerabili Fratri Archiepiscopo Januen., seu dilecto filio ejus in spiritualibus Vicario generali mandavit, ut quoties pro parte Ducis, & Gubernatorum prædictorum, seu pro eis agentium fuisset requisitus, ac per inditia legitima Archiepiscopo, vel Vicario prædictis constitisset, quod aliqua persona Ecclesiastica, etiam in sacris Ordinibus constituta, sæcularis, & cujusvis Ordinis, vel Congregationis regularis, etiam ab omni jurisdictione quomodolibet exempta, ac cujuscumque dignitatis, gradus, status, sexus, conditionis, & qualitatis, non tamen Pontificalis dignitatis fuerit, quæ aliquid contra ipsam Rempublicam, & illius statuta, & potestatem moliretur, contra talem personam ad Capturam, ac præcedentibus sufficientibus indiciis, ad torturam, ac si culpabilis reperta fuisset ad poenam exilii procedere posset, facultatem concessit.

Et deinde piæ mem: Paulus Papa III. etiam Prædecessor noster ab his qui Ducis, & Gubernatorum muneribus eadem in Reipublicæ

Clemens VII. facultatē Archiep. concessit procedendi contra Ecclesiasticos quidquam molientes contra Remp., eosque tortura, ac etiam exilii poena puniendi ad instantiam Ducis.

Paulus III. Homicidas, & decoquentes Immunitatē Ecclesiasticā privavit.



publica fangebantur, accepto Jure cautum esse, homicidas, & Mercatores decoquentes, seu fallitos, ut dicitur ad Ecclesias, seu ad earum Cēmeteria confugientes, tutos esse, ac ibi capi, aut inde extrahi non posse, usu vero, & experientia superiorum annorum edoctos esse, eam Ecclesiarum, & locorum immunitatem in ista vestra Civitate, & ejus Dioecesi sceleratis, & improbis incentivum delinquendi, ac Mercatoribus non parvam decoquendi occasionem præbuisse, & in dies præbere, ac existimare, quod si ea immunitas observaretur, boni, ac recte viventes maxima damna, & incommoda paterentur, ac subirent, gravique scandala verisimiliter ibidem orirentur, eisdem, ac Reipublicæ prædictæ, illiusque pro tempore Duci, & Gubernatoribus, quod per Officiales, seu Ministros vestros, omnes voluntarios homicidas, & Mercatores, qui decoxissent, ad aliquas Ecclesias, seu Cēmeteria ejusdem Civitatis, illiusque Dioecesis confugientes in eisdem Ecclesiis, seu Cēmeteriis Archiepiscopi, vel Vicarii prædictorum prius petita, licet non obtenta licentia, & inde sine tamen sanguinis effusione extrahi, ac Justitia mediante, puniri, ac si extra Ecclesias seu earum Cēmeteria capti fuissent, necnon decoctos ad satisfaciendum creditoribus omnibus Juris remediis compellere, & eorum bona inter Creditores, prout Juris fuerit, dividi facere, libere, & licite valerent, concessit.

Gregorius quoque XIII. concesserat, ut per quoddam Tribunal mixtum, procedi posset etiam ad extremum supplicium contra Ecclesiasticos reos læsæ majestatis.

Postmodum vero initio Pontificatus nostri Nobis per tunc temporis Ducem, & Gubernatores narrato etiam saepe contingere, nonnullos Ordinis Ecclesiastici vestri domini tamquam fori vestri immunes, nec non aliquos intuitu Laicorum, quos scilicet metus poenæ nefariis conatibus retraheret, & alias in statum vestrum variis rationibus, & modis conspirare, ac pro illo conservando animadvertendi in eos licentiam eis concedi desiderabant, ut Judices vestri Sæculares pro tempore existentes, assistentibus eis ad hoc duobus Civibus circumspectis de gremio Magistratus vestræ Reipublicæ cum voto Ordinarii, aut si suspectus videretur, alicujus personæ Cathedralis Ecclesiæ loco prædicti Ordinarii in dignitate Ecclesiastica constitutæ quoscunque Clericos, Presbyteros, & alias personas Ecclesiasticas Sæculares, & quorumvis Ordinum Regulares etiam exemptos, cujuscumque dignitatis, status, gradus, Ordinis, & conditionis, non tamen Episcopos, aut alios Superiores, Criminum conspirationis in statum, & alias læsæ Majestatis culpabiles, vel suspectos carceribus Ecclesiasticis mancipare libere valerent, & inde per ipsum Ordinarium, vel personam in dignitate Ecclesiastica constitutam ad torturam, & quæstionem, si legitima indicia visa fuissent, cum interventu Judicum Sæcularium, & duorum Civium prædictorum contra illos procedere, processuque instructo, & postmodum per dictum Ordinarium, seu personam in dignitate Ecclesiastica constitutam, ut præfertur, diligenter examinato,

& probato, eos, quos dictus Ordinarius, aut persona prædicta culpabiles reperisset in præmissis, prout delictorum, & criminum qualitas exigisset, condemnare, vel ubi poena Sanguinis, aut ultimi supplicii pro atrocitate delicti imponenda veniret, prævia degradatione, eosdem puniendos Curia Sæculari tradere libere possent, nec propterea Ordinarius, aut persona prædicta, ac Judices, & Cives assistentes prædicti aliquas censuras incurrisse censerentur, auctoritate, & tenore prædictis indulgimus, & aliis, prout in variis dictorum Prædecessorum ac Nostri super his confectis literis latius continetur.

Nunc autem denuo Nobis exponi curastis, eandem Civitatem, & illius quietem a facinorosis hominibus hoc tempore maxime vexari, & perturbari, & licet Vos pro vestro erga Justitiam insigni zelo, ac prudentia multa his malis, & incommodis remedia curaveritis adhiberi, tamen ob Ecclesiarum, Cappellarum, Cēmeteriorum, aliorumque piorum locorum, quæ de jure communi ecclesiastica immunitate gaudere noscuntur, quibus Civitas vestra, ita referta est, ut in unaquaque via ejus Civitatis, aliqua Ecclesia, sive Capella, vel sacer locus sit immunitatis privilegio præditus, ac una, vel pluribus cratibus ferreis, vel cujusvis alterius generis etiam ornatus, ob quorum frequentiam delinquentes, vel in illa se recipiunt, aut manibus dictas crates tenent, ita ut Magistratus, eorumque familiam illos persequentem eludant, & frustrentur, ex quibus plerumque, etiam evenit, ut impunitatis spe ducti scelerati homines facinorum suorum poenas plerumque subterfugiant, sicque majores animos ad delinquendum sumant, liberiisque delinquant, propterea publica auctoritate \* suadente, Nobis humiliter supplicari fecistis, ut facultatibus, tam per Nos, quam Prædecessores nostros concessis, ut præfertur, & aliis in dictis literis contentis cum firmitus illa subsistere noscantur, quo fuerint Apostolica auctoritate communita, vim, & robur Apostolicæ confirmationis adiacere, & adversus contrarias forsan dispositiones, illa restituere, aliasque in præmissis incommodis, & malis ejus Civitatis occurrere de benignitate Apostolica dignaremur. Nos igitur vestris honestis votis, quantum cum Deo possumus, paterne annuere volentes, ac singularum literarum hujusmodi tenores præsentibus pro expressis, ac de verbo ad verbum insertis habentes, literas prædictas, & in eis contentas, quæcumque Apostolica auctoritate tenore præsentium, ita ut perpetuis futuris temporibus observentur, vobisque, & pro tempore Duci, & Gubernatoribus, ac Reipublicæ vestræ suffragentur, approbamus, & confirmamus, illisque perpetuæ, & inviolabilis firmitatis robur adiacimus, ac præsentis scripti patrocinio communimus, easdem literas adversus quascunque revocationes, limitationes, suspensiones, & contrarias dispositiones restituimus, reponimus,

Postea non solum præ-narrata omnia confirmavit.

\* lege utilitate.



Sed etiā reos  
Ecclesiarum,  
Cappellarum  
&c. Crates  
apprehenden-  
tes Ecclesiasti-  
ca immunita-  
te minime frui  
declaravit.

nimus, & plenarie reintegramus, illaque de novo, quatenus opus sit, concedimus, & indulgemus.

Et insuper ad reprimendam facinororum hominum temeritatem, & audaciam, auctoritate, & tenore prædictis declaramus, ad Ecclesias, Cappellas, Cēmeteria, & alia pia loca proprius accedentes, ac illorum crates apprehendentes, vel manibus constanter easdem retinentes, non tamen Ecclesias, & loca prædicta ingredientes, & propterea inde abstrahi nequaquam posse contendentes, vel prætendentes, immunitate Ecclesiastica minime frui, aut gaudere potuisse, neque posse, nec si inde extracti sint, eadem ecclesiastica immunitate se tueri, ut in eum, unde extracti sint, locum, vel alias restitui, aut quodcumque aliud privilegium obtinere valeant. Verum sic dictis Ecclesiis, & aliis piis locis propius accedentes, & cratibus appensos, vel illas manibus retinentes, per vestros Magistratus, illorumque Judices, & familiam absque aliquo conscientia scrupulo, nec sententiarum, censurarum, aut poenarum incursum, capi, & apprehendi, ac carceribus mancipari, & condignis poenis pro delictorum qualitate, omni prorsus impedimento, & difficultate remotis affici libere, & licite valere, statuimus.

Decernentes præsentēs perpetuis futuris temporibus vobis vestraque Reipublicæ suffragari, ac sub quibusvis similibus, gratiarum revocationibus, suspensionibus, limitationibus minime comprehendere, sed semper ab illis exceptas, & quoties illæ emanabunt, toties in pristinum statum restitutas, repositas, & plenarie reintegratas esse, & censeri, nec de subreptionis, vel obreptionis vitio, aut intentionis nostræ, vel quovis alio defectu notari, vel impugnari, nullo umquam tempore posse; Sicque per quoscumque Judices Ordinarios, & Delegatos quavis auctoritate fungentes, etiam causarum Palatii Apostolici Auditores, ac S. R. E. Cardinales, sublata eis, & eorum cuilibet quavis aliter judicandi, & interpretandi facultate judicari, & definiri debere, irritum quoque, & inane, quidquid secus super his a quoquam quavis auctoritate scienter, vel ignoranter contigerit attentari.

Non obstantibus præmissis, ac omnibus his, quæ dicti Prædecessores, Nosque in literis prædictis volumus non obstare, ac generalis Concilii, ac quibusvis aliis Constitutionibus, & Ordinationibus Apostolicis, privilegiis quoque, indultis, & literis Apostolicis Ordinibus, Monasteriis, & aliis locis quibuscumque, illorumque Superioribus, & personis exemptionem secularium, & Regularium personarum, Ordinum, Monasteriorum, Ecclesiarum, & Sacrorum locorum prædictorum, necnon Congregationum in se continen., sub quibuscumque tenoribus, & formis, ac cum quibusvis clausulis, irritantibusque, & aliis decretis, ac alias quomodolibet etiam iteratis vicibus concessis, & approbatis, ac

*Bull. Rom. Tom. IV. Par. IV.*

sapius innovatis. Quibus, illorum tenores, ac si de verbo ad verbum infererentur præsentibus, pro expressis habentes, illis alias in suo robore permanens, hac vicedumtaxat specialiter, & expresse derogamus, ceterisque contrariis quibuscumque Datum Romæ apud S. Petrum, sub Annulo Piscatoris die 12. Julii 1576. Pontificatus nostri Anno V.

§.3. Has autem literas cum nuper Nobis oratores vestri humiliter supplicaverint, ut nostra etiam auctoritate pro firmiori illarum subsistentia roborare dignaremur.

§.4. Nos qui ob singularem vestram erga Nos, sanctamque hanc Sedem reverentiam, & devotionem, petitionibus vestris, quantum cum Deo licet, libenter annuimus, vos, ac vestrum singulos a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodati existitis, ad effectum præsentium dumtaxat consequendum, harum serie absolventes, & absolutos fore censentes, hujusmodi supplicationibus inclinati, supernarratas literas Gregorii Prædecessoris, & in eis contenta quæcumque, auctoritate Apostolica tenore præsentium approbamus, & confirmamus, ac præsentis scripti patrocínio communimus.

§.5. Decernentes illas vobis, Reipublicæ vestræ omnino suffragari, ac ab omnibus, ad quos spectat, inviolabiliter observari debere, irritum quoque, & inane si secus super his a quoquam quavis auctoritate scienter, vel ignoranter contigerit attentari.

§.6. Non obstantibus Constitutionibus, & Ordinationibus Apostolicis, ac omnibus iis, quæ in dictis Prædecessoris literis concessum fuit non obstare, ceterisque contrariis quibuscumque.

Datum Romæ apud S. Petrum, sub annulo Piscatoris die 10. Decembris 1585. Pontificatus nostri Anno I.

Hujusmodi literas a Sixto confirmari petunt Oratores Reip. Benigne præstat Pontifex.

Sicque perpetuo præcipit observare.

Obstantia tollit.

Dat. die 10. Decem. 1585. An. I.

### XXIII.

Jurisdicção Consulum Artis Lanæ in Urbe, & privilegia Mercatorum ejusdem Artis.

*Hanc jurisdictionem primo concessit Pius V. in sua Constitut. LXIV. Ut ad Artis. Tom. IV. Par. II. fol. 396.*

### SIXTUS PAPA QUINTUS

*Ad futuram rei memoriam.*

CUM alias considerantes artem Lanæ, quam in multis Italia Civitatibus insignibus, in decus, & ornamentum illarum, publicamque utilitatem exerceri accepimus, ejus esse industriæ, ut facile omnes generis personæ ex ea, & ejus exercitio vivere, & se manutenere possent. Cupientesque exercitium hujusmodi in hanc nostram Urbem introducere, seu jam alias introductum, hodie tamen pene extinctum renovare, ut sic

Hic Pontifex ad renovandam Artem Lanæ in Urbe, Cardinalem Sanctacrucis deputavit.



1585.

pauperes, & miserabiles personæ, etiam vagabundæ utriusque sexus, hujus nostræ Urbis haberent, in quo se exercerent, & exercendo victum sibi compararent, Dilectum filium nostrum Prosperum, tituli S. Clementis Presbyterum Cardinalem de Sancta Cruce nuncupatum, desuper deputaverimus.

Qui cum hominibus dictæ Artis convenit quod.

§.1. Et dilecti filii Alexander Capocelalis, & Fenizius Albanus, Mercatores Lanæ, sese eidem obtulerint, & paratos esse dixerint, id onus, & hanc curam artis Lanæ, & illius exercitium in dictam Urbem introducendi, & ut panni cujuscumque generis conficiantur, curandi suscipere, sub iis conditionibus, capitulis, & statutis nimirum.

Camera mutuet Arti sc. decem millia.

§.2. Quod per Camera nostram Apostolicam duodecim millia scuta eis mutuo, & in contanti (idonee per eos cauto de illis infra decem annos proxime venturos restituendis) darentur.

Alia bis mille Arti donet.

§.3. Et præterea alia mille scuta ex pecuniis ejusdem Camera ad satisfactionem, & seu commoditatem eorundem Alexandri, & Fenizii pro ædificio purgamenti, vulgo dicti il Purgo, quod dudum tempore Pontificatus fel. rec. Pii PP. V. Prædecessoris nostri, prope fontem Triarii de Urbe coeptum fuit, & tincturæ, ac instrumentis ad dictam artem necessariis statim exponerentur, nec ipsi Alexander, & Fenizius ad horum mille, nec aliorum mille scutorum, quæ tempore prædicto pro eodem ædificio a dicta Camera data fuere, aliter restituere tenerentur: sed ipsa bis mille scuta commodo, & beneficio dictæ artis omnino cederent.

Statuta Artis confirmet.

§.4. Et statuta Collegii, sive societatis Mercatorum artis Lanæ hujusmodi necnon statuta, & alia præmissa ipsis confirmarentur.

Præferantur mercatores Artis, in bonis debitorum sicut mercatores Ripæ.

§.5. Nec qui de dicta Arte essent, tenerentur pro eorum creditis concernentibus materiam, & exercitium Lanæ, atque tincturæ, ejusque membra decoctis debitoribus cum aliis creditoribus discutere: sed semper præferantur, prout, & quemadmodum Mercatores Ripæ præferuntur.

Consules hujus temporis ad triennium confirmantur.

§.6. Dictique Alexander, & Fenizius, ac pro tempore existentes Consules dictæ artis Lanæ ad tres annos proximos, & continuos confirmarentur, ut sic melius, & commodius ipsi formam, & modum introducendi artem, & exercitium Lanæ, atque tincturæ cum suis annexis, & dependentiis tradere, ac statuta Collegii, sive Societatis prædictæ ad usum, & observantiam reducere.

Pecunia penes eos existat.

§.7. Nec prædicta duodecim millia, & alia mille scuta ipsis Alexandro, & Fenizio, per succedentes eis Consules, aut alios quoscumque dictæ artis auferri possent.

Consules utantur voto Assessoris in pennis afflictivis.

§.8. Quodque Consules hujusmodi pro tempore existentes quemcumque in ulla afflictiva poena, etiam in causa criminali, vel mixta absque voto assessoris ipsorum, ex omnibus qui de dicta arte extiterint, ad tempus eis bene visum eligendi condemnare nequirent.

§.9. E contra vero, dicti Alexander, & Fenizius obligati essent dare lanam omnibus iis, qui voluerint tali exercitio vacare, observando statuta, ac præstita cautione de restituendo valore lanæ in termino ab ipsis Consulibus statuendo, ut sic capitale, & corpus perpetuo eidem Camera conservaretur.

§.10. Insuper tenerentur prædicti Alexander, & Fenizius statim habitis dictis pecuniis incipere, facere, & conficere, ac fieri, & confici facere hic in Urbe pannos cujuscumque generis, & in specie conficere, & fabricare singulis annis, excepto primo anno dictorum decem quolibet reliquorum novem annorum, centum petias pannorum, ut dicunt, mixtorum, & quinquaginta pannorum exquisitorum, alias finorum, & vigintiquinque flameggiatorum nigrorum guadi de septuaginta in octuaginta, ut vocantur, Pannorum vero monachinorum, etiam vigintiquinque petias, & totidem rasciæ, ac petias quinquaginta sajettæ. Non possent autem ullo modo pro pannis flameggiatis, monachinis, rasciæ, & sajettis hujusmodi, lanam ex pellibus pecorum evulsam, quam alias appellant pelatam, adhibere, sub poena amissionis ipsorummet pannorum, & quinquaginta scutorum pro qualibet petia, & in fine cujuscumque anni docerent in Camera Apostolica se hujusmodi pannos confecisse sub restitutionis illico faciendæ earum pecuniarum, quas receperint, & aliis poenis ad beneplacitum dictæ Camera, seu presidentium, ipsius infligendis. Et casu quo monachini, & rasciæ, non ita expedite venderentur, possent de licentia tamen eorundem Presidentium Camera Apostolica tales pannos seu confectioem ipsorum intermittere, & alios conficere, ita ut pecuniæ non remanerent inutiles, & pauperes haberent in quo se ad vitam sustentandam exercerent. Cum hoc tamen, quod dicti Alexander, & Fenizius teneantur continuo habere in eorum fundaco monachinos, rasciam, & alios pannos exquisitos, Romæ confectos, & elaboratos, & alias, ut in ipsis capitulis, conditionibus, & seu statutis plenius dicitur contineri. Quæ omnia per dictum Prosperum Cardinalem, ut supra a Nobis deputatum, approbata, & confirmata fuerunt.

§.11. Propterea Nos exercitium hoc magis, ac magis promoveri peroptantes, ac dilectos filios Collegium, seu Societatem Mercatorum artis lanæ dictæ Urbis ad id excitare, eosdemque specialibus favoribus, & gratiis prosequi volentes, ac capitula, conditiones, & statuta hujusmodi rata habentes, illorumque omnium tenores, & qualitates pro expressis habentes, & Alexandum, & Fenizium, ac mercatores prædictos, & eorum singulos a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum

1585.  
Consules dent lanam omnibus huic exercitio vacantibus.

Certam pannorum qualitatem singulis annis conficere debeant.

Et modo idem Pontifex ordinationes prædictas, & etiam statuta Concilio Tridentino non contraria confirmat.



harum serie absolventes, & absolutos fore censentes, capitula, & conditiones, ac nova hujusmodi, necnon vetera Collegii prædicti statuta, & ordinationes, felix regimen & gubernium ipsius Collegii, seu Societatis concernentia, ac alias licita, & honesta, nec sacris Canonibus, aut Concilio Tridentino contraria, quæ descripta sunt in quodam ejusdem Collegii libro in membrana manuscripto, & cooperturis ligneis corio rubro tectis compacto, cum quatuor non cartulatis, sic incipien. (Cum hoc sit, quod ex forma cujusdam statuti, ac finien. in hunc modum, & onera sustinendo recipiant, & honores, & aliis 150. cartis, seu foliis cartulatis, ut præfertur, scriptis, & sic pro rubrica incipien. Incipiunt statuta Mercatorum artis lanæ, & deinde hæc verba subjunguntur. In nomine Dei Patris, & Filii, & Spiritus Sancti, & ad honorem, &c. Quæ quidem verba nigro colore sine atramento sunt scripta, in fine autem ejusdem libri, videlicet ultimo fol. subsequens Notarii recognitio finem facit. Die 21. Jan. 1574. D. Horatius Fuscus Notarius medio juramento tactis, &c. recognovit prædicta statuta esse Universitatis artis lanæ Urbis in forma auctoritate Apostolica per præfentes perpetuo approbamus, & confirmamus, suppletes singulos, tam juris, quam facti defectus, si qui desuper intervenerint.

Consulibus concedit facultatem d. statuta mutandi, & cognoscendi causas concernentes artem lanæ, etiam quoad Hebræos.

§. 12. Ac insuper, nunc, & pro tempore existentibus dicti Collegii Consulibus, ut in eorum Congregatione, statuta, & ordinationes prædicta, toties quoties pro rerum, & temporum qualitate expediens fuerit, reformare, corrigere, & in toto, vel in parte mutare, & de novo condere; Ac de omnibus, & singulis causis, tam civilibus, quam criminalibus, seu mixtis, etiam ratione præteritorum lanæ artem concernentibus, juxta prædicta statuta, & ordinationes in futurum recognoscere, easque decidere, & terminare, ac etiam poenas per dicta statuta contra non observantes illa, aut alias imposita augere, seu immutare libere, & licite valeant. Ita quod causæ prædictæ per modernos, & pro tempore existentes dictæ Urbis Governatorem, & Senatorem, & Conservatores, aliosque Capitulos Judices, & ceteros etiam majores Magistratus quovis prætextu, vel colore reassumi non possint. Quodque dum ipsi Consules in unum convenerint, aut totum Collegium prædictum congregabunt, pro negotiis dictæ artis lanæ licentiam a dilectis filiis dictæ Urbis Conservatoribus petere minime teneantur, licentiam concedimus, & facultatem, eosdemque ad hunc effectum in Judices ordinarios idoneos, & competentes, coram quibus solis, qui dictam artem lanæ exercuerint, etiam pro creditis eorum ab Hebræis consequendis, non autem coram Urbis prædictæ Vicario, aut ejus Vicegerente, nunc, & pro tempore existente, vel quoquam alio conveniri, & ipsos Hebræos convenire debeant, perpetuo constituimus, ac deputamus.

Clausula præservative.

§. 13. Discernentes præfentes literas sem-

per, & in perpetuum ab omnibus ubique inviolabiliter observari, ac sub quibusvis similibus, vel dissimilibus gratiarum a Nobis & Successoribus nostris Romanis Pontificibus, Sedeque Apostolica pro tempore emanatis invocationibus, suspensionibus, limitationibus, derogationibus, aut aliis contrariis dispositionibus, sub quibuscumque tenoribus, & formis, & ad quorumvis instantiam, & etiam Motu proprio concessis comprehendere: sed semper ab illis exceptas, & quoties illæ emanabunt, toties in pristinum, & validissimum statum restitutas, & de novo etiam sub data per eosdem Collegium, seu Societatem eligenda concessas, ac validas, & efficaces esse, & ceteri.

§. 14. Et sic per quoscumque Judices, ordinarios, & delegatos, etiam Sanctæ Romanæ Ecclesiæ Cardinales, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere, ac irritum, & inane quicquid secus super his a quoquam quavis auctoritate, scienter, vel ignoranter contigerit attentari.

Decretum irritans.

§. 15. Non obstantibus præmissis, ac Constitutionibus, & Ordinationibus Apostolicis, necnon tam dictæ Urbis, quam aliarum quarumcumque Civitatum, & locorum dicti Status nostri mediate, vel immediate subjectorum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis quibusvis personis sub quibuscumque tenoribus, & formis, ac clausulis in contrarium forsan quomodolibet concessis. Quibus omnibus etiam si de illis specialis, specifica, & ad verbum expressa mentio habenda esset, illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscumque.

Clausula derogatoria.

Datum Romæ apud S. Petrum, sub Annulo Piscatoris die 18. Decembris 1585. Pontificatus nostri Anno I.

D. P. An. I.  
18. Decemb.

#### XXIV.

De visitandis certis hic statutis temporibus, Sanctorum Petri, & Pauli de Urbe liminibus &c. ab Episcopis, Patriarchis, & aliis Ecclesiarum Primatibus.

Isti Prælati Romano Pont., aut Congregationi Cardinalium super Interpretatione, & executione Concilii Tridentini instituta, de Statu suarum Ecclesiarum rationem reddunt, ut infra in Const. Immensa.

SIXTUS EPISCOPUS

SERVUS SERVORUM DEI

Ad perpetuam rei memoriam.

Romanus Pontifex, Beatissimi Petri Apostolorum Principis Successor, in altissima militantis Ecclesiæ specula, divina dispositione collocatus, ex credito sibi Apo-

Proemium.



Apostolicæ servitutis officio omnium Ecclesiarum sollicitudinem habere, totiusque Dominici Gregis, qui unius sanctæ Catholicæ, & Apostolicæ Ecclesiæ per universum Orb. terrarum diffusæ, sacro ovili concluditur, curam gerere tenetur. Hujus vero tam gravis, & ingentis oneris, Angelicis plane humeris formidandi magnitudinem, ut facilius ferre posset, venerabiles fratres suos Catholicos Episcopos in partem suæ sollicitudinis advocavit; qui tamquam seniores in populo Dei, pleni sapientiæ spiritu, in sua quisque pastoralis vigilia excubantes, illius supremi in terris pastoris immensos labores sublevarent, in quo uno, Deo auctore, plenitudo residet potestatis. Nimirum, ut Episcoporum opere, & adiuvento, ubique locorum gregis sibi commissi vultum agnosceret, & spiritualium ovium morbos intelligeret, curationesque adhiberet: atque ex sui muneris officio, perdita requireret, abiecta reduceret, confracta alligaret, infirma consolidaret, pingua, & fortia custodiret: denique assiduis pastorum vocibus admonitus, de toto Ecclesiarum singularum statu certior redderetur, ne quicquam omnino illum lateret earum rerum, quas ad Dei gloriam augendam, ad Christianam religionem propagandam, ad animarum salutem procurandam necessario eundem scire, atque intelligere oportet, ut omnibus cognitis, & examinatis, pro ea, quæ sibi a Christo Domino tributa est, summa potestate, alia in vinea Domini Sabaoth evellat, alia plantet, alia ædificet, alia destruat, quemadmodum ex rerum, & temporum conditione salubrius in Domino viderit expedire.

Episcopi &c. ex antiquo instituto certis temporibus limina Apostolorum visitare curabant.

§.1. Ob quas sane causas jure optimo, & Spiritus Sancti instinctu, a sanctissimis Pontificibus Prædecessoribus nostris jam ab antiquissimis temporibus institutum est, & per multas ætates magno Ecclesiæ Dei commodo observatum, ut singuli Episcopi, Archiepiscopi, Primates, & Patriarchæ, certis præscriptis temporibus, per se ipsos, vel per certum eorum Nuncium, omni occasione seposita, Beatissimorum Apostolorum Petri, & Pauli, qui hanc Almam Urbem suo sanguine consecrarunt, limina, tamquam fidei petram, & totius sacerdotalis unitatis fontem jure jurando se visitaturos pollicerentur, atque ita S. R. E. matris suæ complexu recreati, & paterno Summi Pontificis colloquio roborati, ad Ecclesias suas regendas, alacriores, & instructiores redirent.

Sed variis ex causis hoc institutum refriguit.

§.2. Ceterum hæc tam salutaris, atque necessaria constitutio, partim antiqui humani generis hostis astutia, variis, etiam insurgentibus temporum calamitatibus, valde refriguit, aliis alia atque alia impedimenta prætextentibus, in grave animarum suarum periculum, & quibus præsumunt, Ecclesiarum detrimentum. Nec vero dubitandum est, quod sine maximo animi mœrore commemorare non possumus, perniciosissimas hæreses, quibus multis jam annis, hominum peccatis ita promoventibus,

Ecclesia vexatur, & Christi Domini vestis dilaceratur, ex ejusmodi saluberrimæ visitationis intermissione partim ortas esse, partim latenti progressionem magnum incrementum accepisse. Nam si celeriter in ipso nascentis mali initio, ab ipsis Episcopis pro rei gravitate ad Romanum Pontificem relatum esset, sane illius providentia, & auctoritate, statim venenatæ stirpes ex agro Domini evulsæ essent, & diabolici ignis scintillæ subito oppressæ, atque restinctæ, in tot flammæ, & luctuosa incendia non erupissent.

§.3. Hæc, atque alia gravissima incommoda, cum primum ad summi Apostolatus apicem, meritis licet imparibus Deo ita volente, vocati sumus, attentius considerantes, non solum ex intimis animi sensibus indoluimus, sed statim de adhibendo remedio, divina gratia adiutrice, cogitare coepimus. Urget enim Nos Dei timor, & acres animo nostro stimulos, dies noctesque subiicit, quemadmodum in tremendo illius judicio, administrationis nostræ rationem reddamus. Nam si huic tanto malo, quod magis quotidie ingravescit, non occurramus, non possumus Nobis ipsis non valde timere, cum crebro in mentem veniant, & quasi aures nostras personent sacra illæ voces comminationis, & terroris plenæ. Filii hominis speculatorem dedite domui Israel, & sanguinem ejus de manibus tuis requiram. Et quod Petro a Domino dictum est. Confirma fratres tuos. Et illud Apostoli Pauli, quod tanto magis ad Nos pertinet, quanto majorem præter ceteros, pastoralis officii curam sortiti sumus. Attendite vobis, & universo gregi, in quo vos Spiritus Sanctus posuit Episcopos regere Ecclesiam Dei, quam acquisivit sanguine suo. Quocirca eorumdem Prædecessorum nostrorum vestigiis inherentes, simulque modum, & temporum spatia Ecclesiarum earundem Præsulibus, pro cujusque intervallo, & locorum distantia moderantes, hac perpetua Constitutione sancimus, decernimus, & mandamus, ut omnes Patriarchæ, Primates, Archiepiscopi, Episcopi, per universum terrarum Orbem constituti a Nobis deinceps ordinandi, etiam si Cardinalatus honore præfulgeant, antequam manus consecrationis suscipiant, seu eis consecratis Pallium Beati Petri corpore sumptum tradatur, aut si ad aliam Ecclesiam transferantur, antequam illius regimini, & administrationi se immisceant, siquidem præsentibus in Curia fuerint, in manibus S. R. E. Diaconi Cardinalis ordine prioris, si vero absentes in manibus Antistitis, qui ad impendendum munus prædictum, aut ad tradendum Pallium hujusmodi a Sede Apostolica delegabitur, jurent juxta formulam in libro Cancellariæ Apost. quinterno appellato, nuper descriptam, se Beatissimorum Apostolorum Petri, & Pauli limina, statutis in hac nostra Constitutione temporibus, personaliter, ac per se ipsos visitaturos, ac Nobis, & Successoribus nostris pro tempore existentibus Romanis Pon-

Hic ideo Prefatus præcipit omnibus Prælati ad Ecclesiam promovendis, aut transferendis, quod limina Apostolorum statutis hic temporibus visitare jurent, & etiam Pontifici de Pastoralium officiorum officio rationem reddere, & mandata Apostolica diligenter exequi.



1585.

Pontificibus rationem reddituros de toto eorum pastoralis officio, deque rebus omnibus ad ipsarum, quibus præsunt, Ecclesiarum statum, ad Cleri, & Populi disciplinam, animarum denique, quæ illorum fidei creditæ sunt, salutem quovis modo pertinentibus, & vicissim mandata Apostolica recepturos, & quam diligentissime executuros.

Et legitime impediri, per certum Nuncium hæc adimplebunt.

§.4. Quod si legitimo impedimento detenti fuerint, jurent se prædicta omnia adimpleturos per certum nuncium ad id speciale mandatum habentem, de gremio suorum capitulorum, aut alium in dignitate ecclesiastica constitutum, seu alias personatum habentem, aut si hujusmodi hominem ecclesiastica dignitate, & personatu præditum non habeant, per diocesenum sacerdotem, & si Clero careant, omnino per aliquem alium presbyterum, sæcularem, vel regularem spectatæ probitatis, & religionis, de supradictis omnibus plene instructum. De hujusmodi autem impedimento docere debeant per legitimas probationes, ad dictum primum Diaconum Cardinalem, per supradictum Nuncium transmittendas.

Idem Pontifex hortatur, ut opera ipsorum Episcoporum, aut aliorum, a Sede Apostolica auxilia, & subsidia petant.

§.5. Quin etiam Principes temporales, si quid pro eorum pietate, & erga hanc Apostolicam Sedem observantia Romano Pontifici voluerint significare, eosdem, si ve Episcopos, si ve alios, qui ab eis mittentur, fidos habebunt nuncios, ac relatores, quorum opera, ab eadem Sede pro illorum dominiis, ditionibus, & rebus firmandis, ac stabiliendis, & cum Dei, & sanctæ Religionis causa, sine qua tuto consistere haud possunt, coniungendis, opportuna sincera caritatis officia, consilia, atque subsidia expectare certo poterunt.

Tempus præfinitur omnibus Prælatibus ad explendum hoc visitationis officium.

§.6. Ad hoc autem debitum visitationis officium commode explendum supradicti omnes Patriarchæ, Primates, Archiepiscopi, & Episcopi, Itali videlicet, vel ex Italicis Insulis, unde in Italiam commodius traici potest, veluti Siculi, Sardi, Corsi, & alii adiacentium Provinciarum Italiæ, ac etiam Dalmatiæ, & Græcarum, quæ e regione ipsis Italiæ, & Sicilia oris sunt, tertio anno, Germani vero, Galli, Hispani, Belgæ, Bohemi, Ungari, Angli, Scoti, Iberni, & ceteri omnes, qui in Europa sunt citra mare Germanicum, & Balticum, ac omnium Insularum Maris Mediterranei, quarto anno, & qui intra Europæ fines sunt, his Provinciis remotiores, ac etiam Africani littoribus nostris adversi, ac insularum Maris Oceani Septentrionalis, & Occidentalis Europæ, & Africa citra continentem novi Orbis, tam qui nunc sunt, quam qui ad Catholicam fidem per misericordiam Dei aliquando redierint, quinto anno, Asiatici vero, & qui extra Asiam, & in aliis novis terris Orientalibus, Meridionalibus, Occidentalibus, & Septentrionalibus, tam in Insulis quam in continentibus, & denique in quibuslibet mundi partibus decimo anno iter suscipiant, & Deo concedente perficiant. Idemque insti-

tutum tertio quoque, quarto, quinto, & decimo anno repetant, & observent. Hæc autem annorum spatia tempore suscepti muneris consecrationis, vel pallii traditionis, aut translationis, ut præfertur, incipiant. Quæ ne longius differatur, Volumus quod tempus qualecumque excursum alicui ex supradictis Præsulibus, quæ si ve morte præventus, si ve alia quacumque de causa ob non finitum tempus ei præscriptum dicta limina non visitaverit, ita illius successoris effluxisse, & excurrisse intelligatur, ut termino ipso juxta Prædecessoris sui iusiurandum completo debitam tunc visitationem quamprimum conficere teneatur.

§.7. Hi vero ex supradictis Antistitibus, qui hætenus ab hac sancta Sede ordinati sunt, aut dictum pallium ab ea susceperunt, aut ad aliam Ecclesiam translati sunt, prout cuique distantia locorum, & temporum intervalla præscripta sunt, ad supradicta omnia observanda a die publicationis præsentis Constitutionis omnino teneantur. Jubeamus igitur in virtute sanctæ obedientiæ supradictis omnibus Antistitibus præsentibus, & futuris, ut visitationem prædictam, sibi, suisque Ecclesiis adeo utilem, ac necessariam, juxta præscriptam formulam omnino conficiant.

Obedientiam Prælatibus indicit.

§.8. Si vero, quod absit, non egerint, eos ab ingressu Ecclesiæ, ac etiam ab administratione, tam spiritualium quam temporalium, necnon a præceptione fructuum suarum Ecclesiarum, a Capitulis eorum omni exceptione, & mora cessante, interim libere exigendorum, & in opus fabricæ, seu ornamentorum Ecclesiæ emptionem, prout major exegerit necessitas, insumendorum, ipso facto tamdiu suspensos esse volumus, donec a contumacia resipiscentes relaxationem suspensionis hujusmodi a Sede prædicta meruerint obtinere.

Inobedientibus poenas imponit.

§.9. Non obstantibus privilegiis, absolutionibus, indulgentiis, & aliis concessionibus de non visitandis liminibus ejusmodi quibuscumque Ecclesiarum Prælatibus, & per quoscumque Rom. Pon., ac etiam Nos, & dictam Sedem ex quibuscumque causis, perpetuo, vel ad tempus, concessis, extensis, & innovatis, quæ omnia contra præmissa quicquam nolumus suffragari, aliisque contrariis quibuscumque. Ceterum Nos salutis, & conscientiæ securitati eorum Præsulum, qui ad hujusmodi visitationem obligati, eam contra iusiurandum hucusque distulerunt, consulere volentes, eos singulos a periurii reatu, & a Canonicis, Apostolicisque omnibus sententiis, quas propterea incurrerint, auctoritate præsentium absolvimus, quos tamen pro excessu hujusmodi eleemosynam, quantam, & cui, vel quibus eorum Confessarius statuerit applicandam, volumus erogare.

Clausulas contrariarum derogatorias apponit.

§.10. Quia vero difficile nimis esset, præfinitas literas quocumque illis opus perferri, volumus quoque, ut earum exemplis, etiam impressis, manu Notarii publici, & sigillo personæ in dignitate ecclesiastica constitutæ

Exemplis credi jubet.



tutæ obſignatis , eadem prorsus adhibea-  
tur fides , quæ eiſdem præſentibus , etiam  
in d. quinterno deſcribendis haberetur , ſi  
eſſent exhibitæ , vel oſenſæ .

Nulli ergo &c.

Dat. P. An.I.  
20. Decemb.

Datum Romæ apud S. Petrum , Anno  
Incarnationis Dominicæ , milleſimo quin-  
gentefimo octuageſimo quinto , 13. Kal. Ja-  
nuarii , Pontificatus noſtri Anno I.

### XXV.

Innovatio feſtivitatis S. Nicolai de Tolenti-  
no , Ordinis Fratrum Eremitarum San-  
cti Auguſtini , duplici Officio die decima  
Menſis Septembris celebrandæ .

*Canonizationem hujus Sancti , & ſuæ Feſti-  
vitatæ primævam institutionem , fecit Eu-  
genius IV. ut in ejus Conſt. XXXVI. Licet.  
Tom. III. Par. III. fol. 55.*

## SIXTUS EPISCOPUS SERVUS SERVORUM DEI

*Ad perpetuam rei memoriam .*

Exordium .

**S**ancta Romana Universalis Eccleſia ,  
quos Omnipotens Deus ſicut Sol in con-  
ſpectu ſuo fulgentes in Cœlo coronat , pio  
cultu , & admirabili honore , per anni cir-  
cuitum , die ut plurimum , qua eos ad Cœ-  
leſtia regna migrare contingit in terris vo-  
luit venerari , ut eorum Chriſtifideles glo-  
rioſa memoria incenſi , & exemplis inflam-  
mati per exercitium bonorum operum , piis  
etiam ſuffragiis adiuti , divinæ Majeſtatis  
gloriam in Sanctis ſuis agnoſcere , & ipſius  
beneficia promereri facilius valeant .

S. Nicolaus  
virtutibus , &  
miraculis cla-  
rus fuit .

§. 1. Ad hunc itaque laudabilem San-  
ctorum numerum B. Nicolaus Tolentinus ,  
de cujus vita , converſatione , & ſancta ob-  
dormitione in Domino Tolentinas glo-  
riantur , regularia S. Auguſtini Eremita-  
rum inſtituta amplexus , cum tanta vitæ pu-  
ritate , & integritate contendit , ut ipſius  
viri Sanctitas longe lateque per diverſas  
Mundi regiones ad Indos uſque Occidenta-  
les propagatâ , diſfuſaque ſit .

Joannes XXII  
& Innocen-  
tius VI. illius  
Canonizatio-  
nem cepe-  
runt , & Eu-  
genius IV. per  
fecit .

§. 2. Hunc itaque miraculorum ſignis ,  
in quo inexhauſta Dei benignitas , in vita ac  
poſt mortem operari voluit , adducti , fel.  
rec. Joannes XXII. , & Innocentius VI. pri-  
mo in numerum Sanctorum referre concu-  
rerunt , & deinde piæ mem. Eugenius IV.  
Romani Pontifices Prædeceſſores noſtri  
eorumdem Sanctorum Catalogo ſolemni  
ritu adſcripſit .

Postea omne  
ſchiſma ceſ-  
ſavit .

§. 3. Poſt cujus relationem inter nume-  
rum Sanctorum celeberrimum , maxi-  
mumque illud miraculum extitit , quod  
Eccleſia Romana jam per annos amplius  
quingenta ſchiſmatum diſſidiis graviter  
afflicta , hujus Beati viri meritis , & inter-  
ceſſione ſublatis erroribus , pacem , præter  
ſpem , ſummam conſecuta eſt .

Hic Pontifex  
illius feſtum  
duplici officio  
agi jubet .

§. 4. Quare Nos , qui Eccleſiæ Firmanæ ,  
in cujus Dioceſi Oppidum S. Angeli , ubi  
Sanctus ipſe Nicolaus eſt ortus , conſiſtit , in  
minoribus conſtituti præſuimus , nomen &  
ſanctitatem ipſius B. Nicolai dignis , quan-

tum noſtra patitur infirmitas , honoribus de-  
corare volentes , hac præſenti noſtra Con-  
ſtitutione mandamus , ut ejusdem B. Nico-  
lai Confessoris glorioſi dies feſtus 4. Idus Se-  
ptem. pie agatur , duplicique poſthac , & pro-  
prio , & ubi propria non erunt , de Comuni  
Confessorum non Pontificum officio per  
cunctas totius Chriſtiani Orbis Eccleſias  
ſingulis annis perpetuis futuris temporibus  
celebretur , & in Calendario Romano cum  
duplicis feſti adjectione inſcribatur . Sicubi  
vero feſtus Beati Nicolai dies ſupradictus ,  
ex fidelium devotione , ſeu conſuetudine ,  
præcepto , aut indulto Apoſtolico , majori  
aliqua celebrari conſueverit obſervantia ,  
ea omnino ibidem retineatur .

§. 5. Mandantes omnibus Patriarchis ,  
Archiepiſcopis , Episcopis , ceterisque Ec-  
cleſiarum Prælatiſ in toto Orbe terrarum  
conſtitutis , ut faciant in ſuis quiſque Ec-  
cleſiis , Provinciis , Civitatibus , & Dio-  
ceſibus , præſentes noſtras literas ſolemni-  
ter publicari , & ab Eccleſiaſticis perſonis  
ſæcularibus , & quorumvis Ordinum regu-  
laribus omnino obſervari , quamvis in  
ultimis Breviarii , & Miſſalis reformationi-  
bus adnotatio hujus ſolemnitatis poſita non  
fuerit .

Prælatiſ in-  
jungit , ut ob-  
ſervari faciât .

§. 6. Volumus quoque , ut præſentium  
exemplis &c.

Tranſumptis  
credi jubet .

Datum Romæ apud S. Petrum , Anno  
Incarnationis Dominicæ , milleſimo quin-  
gentefimo octuageſimo quinto , 10. Kal. Jan. ,  
Pontificatus noſtri Anno I.

Dat. P. An.I.  
23. Decemb.

### XXVI.

Contra exercentes artem Aſtrologiæ judi-  
ciariæ , & alia quæcumque divinationum  
genera , librosque legentes , vel tenentes .

*De ejusmodi divinationum , ac ſortilegiorum  
materia extant plures Prædeceſſorum Con-  
ſtitutiones indicatæ in Conſt. I. Innoc. VIII.  
Summis Tom. III. Par. III. fol. 191.*

## SIXTUS EPISCOPUS SERVUS SERVORUM DEI

*Ad perpetuam rei memoriam*

§. 1. **C**œli , & Terræ Creator Deus , quem  
unum Omnipotentem corde credi-  
mus ad juſtitiam , & ore conſitemur ad ſalu-  
tem , etſi homini , quem ad imaginem , & ſimi-  
litudinem ſuam creavit , mentem dederit ,  
quæ non ſolum divino fidei lumine illuſtra-  
ta , myſteria illa cognosceret , quæ huma-  
nam intelligentiam ſuperant , ſed etiam na-  
turæ ſuæ vi magno licet cum labore , præ-  
clara multa inveſtigaret , atque intelligeret ,  
tamen ut ſuperbum animal homo non altum  
ſaperet , ſed timeret , & immenſam Condito-  
ris ſui majeſtatem humi ſtratus veneraretur ,  
ſibi ſoli eorum , quæ eventura ſunt , ſcien-  
tiam , & futurarum rerum cognitionem  
reſervavit . Solus enim ipſe , cujus oculis  
omnia nuda , & aperta ſunt , & ad intimas  
hominum cogitationes penetrat , & conſe-  
quenter eorum actiones intuetur , ſolus ip-  
ſe ,

Multa ma-  
la proveniunt  
ex arte Aſtro-  
logiæ judicia-  
riæ , Magicæ ,  
Negromantiæ  
& ſimilium .



se, qui vocat ea quæ non sunt, tamquam ea quæ sunt, omnia præsentia, & ante oculos posita habet, solus denique omnia, & singula quæcumque totius temporis decursu, & sæculorum ætatibus futura sunt, ab omni æternitate novit, & admirabili providentia disposuit, quæ non modo humanæ mentis imbecillitas ignorat, sed nec dæmones ipsi præsentire possunt. Quare idolorum in futuris annunciandis falsitatem, & imbecillitatem, & eorum, qui eis cultum adhibebant, vanitatem irridet Spiritus Sanctus apud Isaiam illis verbis. Annunciate quæ ventura sunt in futurum, & sciemus, quia Dii estis vos: & in novo testamento Christus Dominus discipulorum suorum de futuris eventibus paulo cupidius inquirentium interrogationem gravi illa responsione retudit, qua etiam omnium fidelium suorum curiositatem coercuit. Non est vestrum scire tempora, vel momenta, quæ Pater posuit in sua potestate. Nec vero ad futuros eventus, & fortuitos casus prænoscentes (futuris eventibus ex naturalibus causis necessario, vel frequenter provenientes, quæ ad divinationem non pertinent, dumtaxat exceptis) ullæ sunt veræ artes, aut disciplinæ, sed fallaces, & vanæ improborum hominum astutia, & dæmonum fraudibus introductæ, ex quorum operatione, consilio, vel auxilio omnis divinatio dimanat, sive quod expresse ad futura manifestanda invocentur, sive quod ipsi pravitate sua, & odio in genus humanum, occulte etiam præter hominis intentionem se ingerant, & intrudent vanis inquisitionibus futurorum, ut mentes hominum perniciosæ vanitatibus, & fallaci contingentium prænunciatione implicentur, & omni impietatis genere depraventur. Quæ quidem ipsis cognita sunt, non divinitate aliqua, nec vera futurarum rerum scientia, sed naturæ subtilioris acumine, & aliis quibusdam modis, quos hominum obtusior intelligentia ignorat. Quamobrem dubitandum non est, in huiusmodi futurorum contingentium, & fortuitarum eventuum inquisitione, & præcognitione, diaboli operationem se fallaciter immiscere, ut sua fraude, ac dolis miseros homines a via salutis avertat, & laqueo damnationis involvat. Quæ cum ita sint, nonnulli hæc fideliter, & religiosè, ut debent, non attendentes, sed curiosè sectantes, graviter Deum offendunt, errantes ipsi, & alios in errorem mittentes; tales in primi sunt Astrologi olim Mathematici, Genethliaci, & Planetarii vocati, qui vanam, falsamque syderum, & astrorum scientiam profitentes, divinæque dispositionis ordinationem suo tempore revelandam prævenire audacissime satagentes, hominum natiuitates, seu genituras ex motu syderum, & astrorum cursu metiuntur, ac judicant futura, sive etiam præsentia, & præterita occulta, atque ex puerorum ortu, & natali die, sive quavis alia temporum, & momentorum vanissima observatione, & notatione, de uniuscujusque hominis statu, conditione, vitæ cursu, honoribus, di-

vitiis, sobole, salute, morte, itineribus, certaminibus, inimiciis, carceribus, cædibus, variis discriminibus, aliisque prosperis, & adversis casibus, & eventibus præcognoscere, judicare, & affirmare temere præsumunt, non sine magno periculo erroris, & infidelitatis; cum S. Augustinus præcipuum Ecclesiæ lumen, eum, qui hæc observat, qui attendit, qui in domum recipit, qui interrogat, Christianam fidem, & baptismum prævaricasse affirmet, ut illos merito Apostolus arguat, atque increpet illis verbis: Dies observatis, & menses, & tempora, & annos, timeo vos ne forte sine causa laboraverim in vobis. Hi igitur levissimi, & temerarii homines in miserandam animarum suarum ruinam, grave fidelium scandalum, & Christianæ fidei detrimentum, futuros rerum eventus, & quæcumque prospere, vel adverse obventura sunt, ac actus humanos, ea denique quæ ex libera hominum voluntate proficiuntur, astris, syderibusque adscribunt, eisque eam facultatem, vim, seu virtutem, & efficaciam tribuunt significandi futura; & ad præcognita ita inclinandi, ut sic omnino, nec aliter eventura sint, atque ob eam causam de iis rebus omnibus judicia facere, prognostica, prædictiones, & præcognitiones sibi assumere, & palam venditare non dubitant; quibus pauci rudes, & imperiti, aliisque nimis creduli, & imprudentes tantam fidem præstant, ut ex huiusmodi iudiciorum, & prædictionum præscripto, aliquid certo esse credant, aut sperent; quorum sane, & mendacium Magistrorum temeritas, & infelicium discipulorum credulitas magnopere deploranda est, qui vel divinis literis admoniti non intelligunt hominis præstantiam, cui Cœli, & Stellæ, & clarissima Cœli sydera, Sol, & Luna, Deo ita disponente, non imperant, sed inserviunt, sic enim Moyses populum Dei, ut hunc errorem caveret, præmonebat. Ne forte elevatis oculis ad Cœlum, videas Solem, & Lunam, & omnia astra Cœli, & errore deceptus adores ea, & colas, quæ creavit Dominus Deus tuus in ministerium cunctis gentibus, quæ sub Cœlo sunt. Sed quid sydera mirandum est homini servire? nonne nobilissimæ intelligentiæ Angeli ipsi, omnes sunt administratorii spiritus, in ministerium missi propter eos, qui hæreditatem capiunt salutis? nam rationales oves, ita diligit Deus, ut non solum Episcopos, quemadmodum a S. Ambrosio scriptum est, ad tuendum gregem ordinaverit, sed etiam Angelos destinaverit. Præclare etiam, S. Hieronymus: Magna dignitas animarum, ut unaquæque habeat ab ortu nativitatis in custodiam sui Angelum delegatum. Quod si Angeli homines custodiunt, quid adversus Angelorum custodiam, & tutelam astra moliri, aut efficere poterunt, quæ cum ipsis Angelis nullo modo sint comparanda? Nec sane hoc loco prætereunda est eximii Ecclesiæ Doctoris, & Beatissimi Pontificis Magni Gregorii sententia, qui Priscillianistas hæreticos unumquemque hominem sub



Constitutionibus stellarum nasci putantes, magno rerum, & verborum pondere confutat. Absit, inquit, a fidelium cordibus, ut aliquid esse Fatum dicant, vitam quippe hominum solus hanc conditor, qui creavit, administrat, neque enim propter stellas homo, sed stellæ propter homines factæ sunt, etsi stella fatum hominis esse dicitur, ipsis suis ministeriis subesse homo perhibetur. Utinam infani homines hæc saperent, & intelligerent, ac Dei monitis obtemperarent in Levitico dicentis. Non declinetis ad Magos, nec ab Ariolis aliquid sciscitemini, ut polluamini per eos. Neque enim quæ Christiana, & vera pietas repellit, ac damnat, tanto studio investigarent, iisdemque misere se decipi, atque irretiri paterentur. Sunt etiam inanes quidam homines, & curiosi, vel impii, & irreligiosi, qui futurarum, & occultarum aliarum rerum notitiam adeo anxie habere student, ut ob eadem prænoscentia, & investiganda in divinæ legis offensionem multipliciter incurrant. Alii enim Geomantiæ, Hydromantiæ, Aeromantiæ, Pyromantiæ, Onomantiæ, Chiromantiæ, Negromantiæ, aliisque sortilegiis, & superstitionibus, non sine Dæmonum saltem occulta societate, aut tacita pactione operam dare, seu illis, ac fortibus illicitis taxillorum, granorum triticeorum, vel fabarum jactu uti non verentur. Alii vero aliquas pristinae, & antiquatæ, ac per Crucis victoriam prostratæ idolatriæ reliquias retinentes, quibusdam auguriis, auspiciis, similibusve signis, & vanis observationibus ad futurorum divinationem intendunt. Alii autem sunt, qui cum Morte foedus ineunt, & pactum faciunt cum Inferno, qui similiter ad occultorum divinationem, ad inveniendos thesauros, vel ad alia facinora perpetranda, etiam expressa cum Diabolo pactione facta, in manifesta suarum perniciem animarum, nefarias magicæ artis incantationes, instrumenta, & veneficia adhibent, circulos, & diabolicos characteres describunt, Dæmones invocant, aut consulunt, ab eis responsa petunt, aut accipiunt, eis preces, & thuris, aut aliarum rerum suffimenta, seu fumigationes, aliave sacrificia offerunt, candelas accendunt, aut rebus sacris, vel Sacramentis, aut Sacramentalibus sacrilege abutuntur, adorationis, genuflexionis, aut quævis alia impietatis obsequia præstant, cultum venerationemve tribuunt; aut anulum, vel speculum, aut parvas phyalas sibi fabricant, aut fabricari curant ad Dæmones in eis alligandos, seu includendos, ut putant, ad responsa ab ipsis inde petenda, aut habenda. Alii præterea etiam in corporibus obsessis, vel lymphaticis, & phanaticis mulieribus Dæmones, de futuris, vel occultis rebus, aut factis exquirunt, ut merito ab eis, quos Dominus in Evangelio tacere imperavit, vanas mendacesque referant responsiones. Alii quoque præstigiatores, frequentius vero mulierculæ quædam superstitionibus deditæ, in phyalis, seu vasculis vitreis aqua plenis, vel in speculo

accensis candelis, etiam benedictis sub nomine Angeli Sancti, & Albi, Diabolum omnium malorum fatorem supplices adorantes, vel in unguibus, aut palma manus, quandoque etiam oleo perunctis eundem, omnium fallaciarum Architectum orant, ut similiter futura, vel occulta quævis per spectra, & apparentes imagines, seu phantasticas visiones sibi ostendat, aut ab eodem patre mendacii Diabolo aliis incantationibus, aut variis superstitionis observationibus, futurorum, & occultorum hujusmodi veritatem quærant, & hominibus prædicere contendunt. Quorum omnium, quos supra enumeravimus confimilis impietas parem exitum habet, nimirum, quod Dæmonis præstigiis, ac dolis, tum qui divinant, tum qui divinationem expetunt illusi, ac delusi miserrime reperiuntur. Itaque cum futuros eventus in seipsis considerare, antequam fiant, sit Dei proprium, illud necessario consequitur, ut Astrologi, & alii prædicti, qui hujusmodi futura prænunciare, aut prænoscere quocumque modo, nisi Deo revelante audent, injuste, atque impudenter, quod Dei est, sibi assumant, & usurpent. Sic fit, ut dum ab eis, quod solius est Creatoris, perperam creaturis tribuitur, divina majestas graviter lādatur, fidei integritas violetur, & animabus pretioso Christi Sanguine redemptis, pestis, atque exitium importetur.

§.2. Et licet jampridem regulis Indicis librorum prohibitorum ex decreto Sacri Generalis Tridentini Concilii confecti, illud inter cetera constitutum fuerit, ut Episcopi diligenter providerent, ne hujusmodi Astrologiæ judicariæ libri, tractatus, & indices legerentur, vel haberentur, qui de futuris contingentibus successibus, fortuitive casibus, aut iis actionibus, quæ ab humana voluntate pendent, certo aliquid eventurum affirmare audent, præmissis tamen judiciis, & naturalibus observationibus, quæ navigationis, agriculturæ, sive medicæ artis juvandæ gratia conscripta fuissent. Libros vero omnes, & scripta Geomantiæ, Hydromantiæ, Chiromantiæ, Negromantiæ, sive in quibus continentur sortilegia, veneficia, auguria, auspicia, incantationes artis magicæ, prorsus reiici, & aboleri curarent. Non tamen errorum, corruptelarum, delictorum, & abusu prædictorum extirpationi usque adeo provisum est, quin etiam adhuc in nonnullis locis, & apud plurimos curiosius vigeant, cum valde frequenter, detectis diaboli insidiis, divinationum, sortilegiorum, & variarum superstitionum omnia plena esse in dies detegantur.

§.3. Nos igitur, qui pro nostro Pastoralis Officii munere fidei integritatem inviolatam conservare debemus, & animarum saluti prospicere, quantum divina gratia adiutrice possumus, ex paternæ caritatis visceribus optamus, damnantes, & reprobantes omne genus divinationum, quæ diabolo auctore ad fidelium deceptionem a prædictis curiosis, vel perditis hominibus fieri

Ordinatis ideo justum fuit, ut ejusmodi artis, & libros extirparent, sed extirpatio perfecta non fuit.

Hic itaque Pontifex Astrologos judicarios, Mathematicos, Divinatores, &c. ab Ordinariis, & ab Inquisitoribus severe coerceri mandavit.



fieri solent. Cupientes præterea sanctam illam Christianæ Religionis simplicitatem, præsertim ubi agitur de summa Creatoris Dei potestate, sapientia, & providentia, ab omni erroris labe integram atque incorruptam, ut par est, retineri. Volentes quoque prædictæ falsæ credulitati, ac hujusmodi illicitarum divinationum, & superstitionum, detestabili studio, & execrandis flagitiis, atque impuritatibus occurrere, ut de Christiano populo merito dici possit, quod de antiquo Dei populo scriptum est. Non est augurium in Jacob, neque divinatio in Israel: hac perpetuo valitura Constitutione, Apostolica auctoritate statuimus, & mandamus, ut tam contra Astrologos, Mathematicos, & alios quoscumque dictæ judicariæ Astrologiæ artem, præterquam circa agriculturam, navigationem, & rem Magicam in posterum exercentes, ut facientes judicia, & nativitates hominum, quibus de futuris contingentibus successibus, fortuitisque casibus, aut actionibus ex humana voluntate pendentibus aliquid eventurum affirmare audent, etiam si id se non certo affirmare asserant, aut protestentur, quam contra alios utriusque sexus, qui supradictas damnatas, vanas, fallaces, & perniciosas divinandi artes, sive scientias exercent, profitentur, & docent, aut discunt, quive hujusmodi illicitas divinationes, sortilegia, superstitiones, veneficia, incantationes, ac præmissa detestanda scelera, & delicta, ut præfertur, faciunt, aut in eis se quomodolibet intromittunt, cujuscumque dignitatis, gradus, & conditionis existant, tam Episcopi, & Prælati, Superiores, ac alii Ordinarii locorum, quam Inquisitores hæreticæ pravitatis ubique gentium deputati, etiamsi in plerisque ex his casibus antea non procedebant, aut procedere non valebant, diligentius inquirent, & procedant, atque in eos severius canonicis poenis, & aliis eorum arbitrio animadvertant.

§.4. Prohibentes omnes, & singulos libros, opera, & tractatus hujusmodi judicariæ Astrologiæ, Geomantiæ, Hydromantiæ, Pyromantiæ, Onomantiæ, Chiromantiæ, Necromantiæ, Artis Magicæ, aut in quibus sortilegia, veneficia, auguria, auspicia, execrabiles incantationes, ac superstitiones continentur, ac ut supra in memorato Indice interdictos sub censuris & poenis in eo contentis a quibuscumque Christianis legi, aut quomodolibet retineri, sed illos Episcopis, & Ordinariis locorum, vel inquisitoribus prædictis præsentari, & consignari debere. Et nihilominus eadem auctoritate statuimus, mandamus, ut contra scienter legentes, aut retinentes libros, & scripta hujusmodi, seu in quibus talia continentur, similiter iidem Inquisitores libere, & licite procedant, ac procedere, & poenis condignis punire, & coercere possint.

§.5. Non obstantibus Constitutionibus, & Ordinationibus Apostolicis, ceterisque contrariis quibuscumque.

*Bull. Rom. Tom. IV. Par. IV.*

§.6. Ut autem præsentis nostræ literæ ad communem omnium notitiam facilius deducantur, jubemus illas in valvis Basilicarum S. Joannis Lateranen., & Principis Apostolorum de Urbe, ac in acie Campi Floræ affigi, seu appendi, eisque detractis, ipsarum exempla etiam impressa eisdem in locis affixa relinqui.

§.7. Et insuper universis, & singulis Venerabilibus Fratribus nostris Patriarchis, Primatibus, Archiepiscopis, Episcopis, locorum Ordinariis, & Prælati, necnon Inquisitoribus hæreticæ pravitatis ubilibet constitutis, per hæc committimus, & in virtute sanctæ obedientiæ districte præcipiendo mandamus, ut per se, vel alium, seu alios easdem præsentis literas, postquam eas receperint, seu earum notitiam habuerint, in suis, & singulis Parochialibus Ecclesiis, dum in eis populi multitudo ad divina convenerit, deinde vero semel in anno, & quoties eis expedire videbitur, vulgari sermone publicent, aut publicari faciant.

§.8. Quia vero difficile foret &c.

Nulli ergo &c.

Datum Romæ apud Sanctum Petrum, Anno Incarnationis Dominicæ, millesimo quingentesimo octuagesimo sexto, Nonis Januarii, Pontificatus nostri Anno I.

Et extra.

Fides exemplorum.

Dat. P. An. I.  
5. Januarii.

## XXVII.

Quælibet proprietas in Congregatione Canonicorum Regularium Sancti Georgii in Alga Venetiarum interdicatur.

Ex Regest. in  
Secret. Brev.

## SIXTUS PAPA QUINTUS

*Ad perpetuam rei memoriam.*

**P**ro Pastoralis Officio, Nobis divinitus commisso, præcipua semper sollicitudine intendimus, ut Religiosi, & Claustrales Viri, qui tamquam scintillæ fulgere, & in arundinetis hujus sæculi discurrere debent, non tantum juxta præscriptam regularis disciplinæ observantiam cum omni castitate, paupertate, & obedientia sobrie, juste, & pie Creatori nostro famulentur, sed ita etiam luceat lux eorum coram hominibus, ut alii in omnibus ipsorum operibus Patrem nostrum, qui in Cœlis est, glorificare possint.

§.1. Sane cum, licet Nobis innotuit, inter plures Canonicos, seu fratres Congregationis Sancti Georgii in Alga Venetiarum Ordinis Sancti Augustini contra expressum paupertatis votum, quod Deo in emissionem professionis, disertis verbis præstiterunt, detestandi abusus irrepsissent, habendi proprium, & retinendæ proprietatis plerumque etiam male acquiritorum bonorum, & pecuniarum. Nos huic tanto malo quantocius occurrere cupientes extirpari omnino abusum hujusmodi volumus, ut ita Dei honori, & dictorum fratrum animarum saluti consulatur, ac simul etiam provideatur pluribus necessitatibus, præsertim vero dissolutioni aris alieni, quo ipsa Congregatio universa gravata est, non tam

Proœmium.

Inter alios abusus proprietatis quodque inter Canonicos hujus Congregationis irrepsit.



1586.

injuriam temporum, quam culpa eorum, quid diversa munera obierunt, proprium lucrum publicæ utilitati anteposcentes, aut sibi usurparunt, quæ communia erant, aut etiam neglexerunt.

Omnia omnino pro-  
prietatem ad-  
dimit Sixtus.

§.2. Itaque, tradita Nobis Apostolica potestate, universos, & singulos ejusdem Congregationis Fratres, seu Canonicos, ac Priores etiam generales privato, & proprio rerum, bonorumque omnium mobiliam, & semoventium dominio, usu, usufructu, possessione, proprietate, ac etiam pecuniis, & quocumque peculio quomodolibet acquisitis, vel obventis perpetuo privamus, dictaque possessione amovemus, ac privatos, & amotos nunciamus, eademque supradicta in cujusque Domus, cujus Canonici, seu Fratres illa hæcenus detinuerint, communes usus convertenda concedimus, Juraque, & actiones, ac facultates exigendi quascumque pecunias, necnon census, redditus, aut pensiones annuas tam quoad fructus ipsos, & census annuatim provenientes, quam quoad sortem ipsam principalem, seu capitalem, ac denique nomina debitorum, seu certos redditus Domorum singularum, quæ taxæ appellantur, cuilibet Canonico, vel Fratri privatim competentia quovis prætextu, colore, vel titulo, etiam oneroso, ac ratione sumptuum factorum pro communi utilitate, vel necessitate urgenti Domus alicujus seu totius Congregationis, cui forsitan aliquis de eorum propriis redditibus subvenit, aut pecunias mutuas dedit, ac in earumdem impensarum compensationem, & solum auctoritate quorumcumque Superiorum, etiam generales Priores, vel Capituli item generalis sigillatim assignata, & delegata, vel alias quocumque modo, causa, vel occasione cuius eorum concessa ab ipsis singularibus personis ad commune ararium ejus Domus, cui eadem persone fuerint adscriptæ transferimus.

Omnia super hoc Privilegia Dispensationes &c. irritat.

§.3. Ac omnia, & quæcumque privilegia, dispensationes, licentias, permissiones, Indulta tam Apostolica, quam dictorum Superiorum etiam Generalis Prioris, vel Capituli auctoritate, etiam per viam contractus, assignationis, vel obligationis, & ratione expensarum, vel alias ex necessaria causa, & cujuscumque pii Officii intuitu super dictis bonis, pecuniis, rebus, privatim habendis, utendis, fruendis, ac Juribus, & actionibus prosequendis, ac nominibus, seu taxis ad proprium commodum exigendis cuicumque Canonico, vel Fratri etiam sapius concessa, confirmata, & innovata, quibuscumque clausulis, & decretis suffulta, etiam Juramento roborata, quorum tenores, pro expressis habemus, simili auctoritate revocamus, cassamus, & annullamus, irritaque, & invalida esse, & nemini impostero prodesse volumus.

Generali, & Capitulo quæcumque in contrarium licentiam concedendi adimittit facultatē,

§.4. Prohibentes omnino ne quis Frater, vel Canonicus ejusdem Congregationis quocumque Officio, vel dignitate etiam Prioris generalis fungens tam præmisso-

rum prætextu, quam inveterata, ac etiam a primæva institutione, & fundatione Congregationis introductæ, & continuatæ consuetudinis, quæ corruptela potius voto contraria censenda est, proprium quidquam, aut peculiare habeat, ac a ceteris separatim sibi vindicet, aut possideat nomina debitorum, seu taxas, aut redditus assignatos prædicta ne exigat, neve ea impostero cuipiam sigillatim percipienda, & exigenda assignentur, neve prorsus tales licentiæ, seu permissiones seorsum ab aliis aliquid proprium habendi, per quoscumque dictæ Congregationis superiores, aut etiam per prædictum Capitulum generale alicui unquam concedantur, neque assignationes, licentiæ, Indulta, aut permissiones ipsæ valeant, aut vires, seu effectum habeant.

§.5. Ceterum statuimus, ut omnia omnibus communia, & indivisa sint tamquam veros, & unanimes Fratres Christiana, & religiosa charitate coniunctos, sublata prorsus omni differentia, itaut inter illos mei, & tui nullum sit omnino discrimen.

Omnia communia esse præcipit.

§.6. Atque ad hunc effectum præcipimus, & mandamus, ut prædicta bona, res, pecuniæ, & nomina, seu redditus assignati vel taxæ, aliaque omnia, & quæcumque unicuique sigillatim, etiam intuitu personæ donata, vel relicta, aut undecumque etiam propria industria, & labore acquisita, necnon census, & redditus annui, etiam super bonis stabilibus specificata, & in scriptis redacta quantitate, & summa tam ipsorum censuum, & reddituum annuatim debitorum, quam sortis, prætiæ, seu capitalis, cujus ratione debentur, & fundi, seu rei immobilis super qua impositi sunt, nomina denique omnium creditorum, & debitorum similiter descripta per singulos Fratres, seu Canonicos tam in domibus, quam in Villis, & membris, aliisve locis degentes, qui aliquid tale privatim habuerint, Priori, & Deputatis ad hoc congregandis in unaquaque Domo atque invicem per ipsos Priorem, ac Deputatos, & si ipsi quocumque quidpiam hujusmodi separatim hæcenus detinuerint, aliis, qui per reliquos Fratres, seu Canonicos ejus Domus communi consensu ad id delecti erant, cum primum præsentis literæ in ipsa Domo publicatæ fuerint, nulla interposita mora, 24. horarum intervallo exhibeantur, & quoad Dominium, possessionem, & usum, re ipsa, & cum effectu non autem fide, & perfunctorie in commune conferantur, tradantur, consignentur, ac unusquisque eorum omni, & cuicumque Juri, & actioni, ac facultati exigendi census, nomina debitorum, seu taxas, aut redditus hujusmodi sibi nominatim, ut præfertur, assignata in usum, favorem, commodum, & utilitatem communem ipsius Domus, cujus Canonicus, seu Frater fuerit, expressis item in specie, & palam descriptis illorum quantitate, & circumstantiis universis libere cedat, & renunciet, ea omnia in tuto loco communiter a Priore, & Fratribus cujuscumque Domus defini-

Census, assignationes &c. Priori cujuscumque Domus tradi jubet, qui nequeat earumdem exactiorem antiquis committere possessoribus.



designando actu, & re ipsa deponantur, amotis omnino, & abdicatis a detentione, seu custodia, & facultate exigendi, & communi nomine continuanda rerum, bonorum, & pecuniarum eorundem illis fratribus, seu Canonicis, in quorum potestate prius tamquam propriis erant, quibus perfectis, statim unusquisque Prior cujuslibet Domus Generalem Priorem de his omnibus diligenter certiore faciat, transmissio ad eum Inventario, in quo præmissa omnia antea privatim retenta, deinde vero in communi collata, descripta sint.

Prior vero Generalis singulis subministrat secundum necessitatem reliquum in bonum totius Congregationis cedat.

§.7. Demum ipse Prior Generalis vestitus, & quantum rei convenientis præsens necessitas videbitur postulare, cuique Canonico, seu Fratri, congrue suppeditare curet. Id autem omne, quod reliquum erit, in extinctionem aris alieni quo singula Domus, vel tota Congregatio communiter obstricta est, convertatur, aut ipsis Domibus vel universa Congregationi ad communes usus, & necessitates sublevandas perpetuo applicetur, ac tandem in proximo sequenti Capitulo generali illorum omnium ac etiam universæ administrationis sive publicæ, & privatæ rationem reddere teneatur.

Pœna contra inobedientes statuta.

§.8. Quicumque autem his literis non continuo obtemperaverint, vel ante illarum publicationem, pecunias, & alia prædicta occultaverint, sive intra, vel extra Domos prædictas deposuerint, aut extraneis personis etiam laicis tradiderint, aut etiam in pias causas converterint, aut pio alicui loco assignaverint, quique alios Canonicos, seu Fratres inobedientes non statim Superioribus, ut supradictum est, denunciaverint, in pœnam privationis dignitatum, & Officiorum suorum incidant, & ad ea impoterum obtinenda, inhabiles, & infames censeantur, & pro crimine tamquam fures severe puniantur; prout Nos ex nunc illos privatos, inhabiles, & infames declaramus, & in eos singulos excommunicationis sententiam ferimus eo ipso, a qua non nisi in mortis articulo constituti ab alio quam Romano Pontifice absolutionis beneficium valeant obtinere.

Præsentium literarum firmitas.

§.9. Decernentes irritum, & inane si secus super his a quoquam quavis auctoritate scienter, vel ignoranter contigerit attentari.

Derogatio contrariorum.

§.10. Non obstantibus prædictis ac nostra de non tollendo Jure quæsito, aliisque Constitutionibus, & Ordinationibus Apostolicis, ac ejusdem Congregationis jramento, confirmatione Apostolica, vel quavis firmitate alia roboratis statutis, & consuetudinibus, & quibuslibet privilegiis, & literis Apostolicis Generalibus, vel Specialibus dictæ Congregationi, illiusve singularibus personis, & aliis Ordinibus, ad quorum instar gratiarum hujusmodi, quorum forte participes effecti sunt, quomodolibet concessis, approbatis, & innovatis, quorumcumque tenorem existant, per quæ præsentibus literis non expressa, vel totaliter non inserta effectus earum impedire valeat quo-

modolibet, vel differri, & de quibus, quorumque totis tenoribus ad verbum habenda sit in nostris literis mentio specialis. Quæ omnia volumus cuiquam adversus prædicta in aliquo suffragari.

Fides exemplis danda.

§.11. Ceterum, ut hæc literæ amplius innotescant, volumus, ut earum exempla unusquisque Prior in ea Domo, cui præest, quamprimum Fratribus, seu Canonicis omnibus simul congregatis publicet, ipsaque exempla manu alicujus Notarii publici subscripta, & sigillo personæ in dignitate Ecclesiastica constitutæ munita, eandem prorsus fidem ubique faciant tam in iudicio, quam extra illud, quam ipsæ præsentibus facerent, si essent exhibitæ, vel ostensæ.

Datum Romæ apud S. Petrum, sub Annulo Piscatoris die 8. Januarii 1586. Pontificatus nostri Anno I.

Dat. die 8. Januar. 1586. An.I.

## XXVIII.

Quod Festum S. Antonii Lusitani, de Padua nuncupati, sub die 13. mensis Junii duplici officio de cetero celebretur.

*Hunc Sanctum Canonizavit Gregor. IX. ejusque festivitatem instituit in ejus Constitutione XXXI. Cum dicant Tom. III. fol. 271.*

## SIXTUS EPISCOPUS

SERVUS SERVORUM DEI

*Ad perpetuam rei memoriam.*

**I**mmensa divinæ sapientiæ altitudo, cujus inscrutabilia sunt judicia, dignata est olim per Prophetam revelare, Deum in Sanctis suis laudari velle. Quod Nos ad eorundem Sanctorum memoriam debita solemnitate celebrandam eo magis invitat, quia dum eorum merita recensentur, virtutum quoque exempla fidelibus imitanda proponantur, ut per ea fideles ipsi gradientes, ad cœlestem beatitudinem eorundem Sanctorum suffragiis adjuti facilius valeant pervenire.

Exordium.

§.2. Quapropter Nos considerantes quod inter multos sanctitate, & doctrina præclaros viros, qui S. Francisci vestigia secuti fuerunt, Beatus Antonius Ulyxbonensis, Patavinus nuncupatus, eximie sanctitatis vir fuit, qui ab ineunte ætate mundum, ejusque illecebras veluti venenum aspidum fugiens, Deo se dicavit, ipsiusque Seraphici Francisci institutum, magna cum spe, desiderioque martyrii religiose est complexus, in suscepta vitæ disciplina progrediens, cooperante Domino, mundi, carnis, & diaboli humani generis hostium egregiis dimicationibus triumphum reportavit, divina præterea imbutus sapientia, multisque, variisque Provinciis peragratis, maxima hominum ab eo, qui lux via, veritas, & vita est, aberrantium copia præclaris Christianarum virtutum exemplis illustravit, ac verbi Dei, quod velut imber de Coelo descendens, terramque inebrians facit eam, germinare, pia, fecundaque predicatione mentes hominum salutaribus præceptis fecunda-

S. Antonii de Padua merita, & laudes recensentur.



1586.

cundavit, multosque ad Catholicæ doctrinæ lucem, & verbis, & consequentibus signis perduxit, ac demum diversis in vita, & post obitum miraculis clarus, ad permanentem illam, nullique mutationi obnoxiam patriam, recto atque incitato cursu evolavit, ubi in aternis cœlestis regni mansionibus Beatus perfruitur.

Canonizatio  
ejusdem re-  
fertur.

§.2. Ipse autem a fel. rec. Gregorio Papa Nono Prædecessore nostro, Sanctorum quos Catholica veneratur Ecclesia, catalogo solemniter adscriptus, in Cœlo pro ipsa semper, Ecclesia apud Deum, una cum omnibus Sanctis ejusdem gloriæ confortibus afflue, & pro peccatoribus intercedit.

Institutio du-  
plicis officii.

§.3. Quare ut ejusdem Beati Viri, qui Ordinis ipsius S. Francisci professor fuit, memoria a fidelibus crebrius recolatur, celebrique totius Ecclesiæ veneratione celebretur, Nos, & divinis illius meritis adducti, & præcipue erga illum nostræ devotionis studio excitati, hac præsentis Constitutione præcipimus, & mandamus, ut ejusdem Beati Antonii de Padua nuncupati Confessoris gloriosi dies festus Idibus Junii, quo die ex hoc collacrymabili sæculo ad caelestem patriam abiit, solemniter peragatur, ac sub duplici minori, & proprio officio, atque ubi propria non erunt, de Communi Confessorum non Pontificum posthac perpetuis futuris temporibus in omnibus universi Orbis Ecclesiis rite celebretur, & in Calendario cum duplicis festi adjectione inscribatur; sicubi vero dies supradictus ex fidelium devotione, seu consuetudine, aut præcepto, vel indulto Apostolico majori observantia, etiam si duplicis majoris in die festi, & duplicis minoris per octavam celebrari consueverit, ut apud Fratres ejusdem Ordinis Sancti Francisci, id omnino ibidem retineatur.

Iussio eam  
observandi.

§.4. Præcipientes Universis, & singulis Patriarchis, Archiepiscopis, Episcopis, ceterisque Ecclesiarum Prælatibus, ac quorumcumque regularium locorum, & Ordinum superioribus, quatenus in suis quisque Ecclesiis, Provinciis, Civitatibus, & Diocesis, ac regularibus locis præsentibus literas solemniter publicari, & ab omnibus Ecclesiasticis personis, tam sæcularibus, quam quorumvis Ordinum regularibus, secundum ritum S. R. E. officium persolverentibus, omnino observari faciant, etiam si in Breviarii, & Missalis reformationibus nuper editis præfata solemnitas appositâ non fuerit.

Fides trans-  
ptorum.

§.5. Quoniam autem difficile esset, easdem præsentibus ad singula Orbis loca pervenire, volumus, & Apostolica auctoritate decernimus, ut earum transumptis, & exemplis, etiam impressis, manu Notarii publici subscriptis, & sigillo personæ in dignitate Ecclesiastica constitutæ munitis, eadem prorsus fides ubique gentium, & locorum adhibeatur, quæ ipsis præsentibus literis adhiberetur, si essent exhibitæ, vel ostensæ.

D. P. An.I.  
24. Januarii.

Datum Romæ apud S. Petrum, Anno Incarnationis Dominicæ, millesimo quin-

gentesimo octuagesimo sexto, decimono nono Kalendas Februarii, Pontificatus nostri Anno I.

## XXIX.

Innovatio indulti Capitulo Sacrosanctæ Lateranen. Ecclesiæ de Urbe concessi, dandi licentiam in ejus locis, erigendi Loca Pia, accedente licentia Ordinariorum, quibus subiecta remaneant.

*Hæc Lateranensis Ecclesia, supremum locum obtinet super omnes Urbis, & Orbis Ecclesias, & centenaria gaudet præscriptione, ut videre est in Gregorio XI. Constitut. IV. Super Tom. III. Par. II. fol. 335.*

*Dilectis filiis Capitulo Sacrosanctæ Basilicæ Lateranen. de Urbe.*

## SIXTUS PAPA QUINTUS

*Dilecti filii, salutem, & Apostolicam benedictionem.*

SI cunctas per Orbem terrarum diffusas Ecclesias in eorum juribus, & privilegiis libenter conservare studemus, multo magis, & ampliori sollicitudine erga Sacrosanctam Basilicam nostram Lateranensem de Urbe, quam Summi Romani Pontifices illorum Patriarchium esse voluerunt, id facere tenemur, ac proinde quæ ab eisdem, pro decore, & commodo illius, necnon divinis obsequiis ibidem insistentium emanarunt, si quandoque revocata fuisse constat, quantum cum Deo possumus, adhibito moderationis remedio innovare congruum censemus.

Procerum.

§.1. Sane cum dudum fel. rec. Bonifacius Papa IX. Prædecessor noster, qui singularem devotionis affectum ad eandem gerebat Basilicam, cujus Archipresbyteratum dum minori officioungebatur, ex concessione Apostolica obtinuerat, considerans ex quorundam Romanorum Pontificum declaratione ipsam omnibus aliis Urbis, & Orbis Ecclesiis anteferri, volens propterea specialis alicujus prærogativæ privilegio eam decorare, tunc Archipresbytero, & Capitulo, singularibusque personis, & Ministris illius, ac aliis quibuscumque personis utriusque sexus, ut in quibusvis fundis, terris, possessionibus, & locis ad eorundem Archipresbyteri, & Capituli mensam Capitularem spectantibus, Diocesani loci, aut alterius licentia minime requisita, Ecclesias, Monasteria, Oratoria, Prioratus, Dignitates, Personatus, officia, & alia beneficia Ecclesiastica, cum cura, vel sine cura, necnon Conventus, Hospitalia, & Pia loca, quæcumque fundare, construere, instaurare, erigere, ædificare, & dotare toties, quoties placeret, valerent, (jure tamen Parochialis Ecclesiæ, & alterius cujuslibet alias in omnibus semper salvo) auctoritate Apostolica indulsit, statuens, & ordinans, quod postquam prædicta fundata, constructa, erecta, ædificata, & dotata essent, permanerent, ac essent, & esse deberent, cen-

Bonifacius IX statuit quod quilibet in locis ad Ecclesiam Lateranen. spectantibus, loca pia erigere posset, illaque sub mero, & mixto imperio, & dispositione Capituli, & Archipresbyteri extarent, sed Bonitacii Bullam hic nō habes.



conferenturque immediate subesse sub ipsorum Archipresbyteri, & Capituli, dominio, protectione, jurisdictione, defensione, auctoritate, & potestate, ac eorum plenum jus, dominium, merumque, & mixtum imperium, necnon institutio, destitutio, collatio, provisio, presentatio, & quævis alia dispositio, ad ipsos solum, & in solidum pertinerent in perpetuum, atque spectarent, prout ejusdem Prædecessoris literis, quarum tenores, ac si de verbo ad verbum infererentur, pro plene, & sufficienter expressis haberi volumus, plenius continetur.

Pius IV. dicitur Indultum revocavit.

§.2. Et sicut nuper exposuistis, Capitulum, & Canonici ipsius Basilicæ, qui postmodum fuerunt, literis patentibus a se sub hoc eorum titulo, & nomine tantum expeditis, licentias, & facultates Ecclesias, Monasteria, ceteraque prænarata fundandi, instaurandi, erigendi, & faciendi, diversis etiam sub præstatione, seu solutione census perpetuo in recognitionem directi domini annuatim sibi facienda concefferint, atque concedere continuaverint, donec recemem. Pius Papa IV. itidem Prædecessor noster Motu proprio, omnia, & singula privilegia, facultates, & indulta, per eum, & Sedem Apostolicam sive Romanos Pontifices Prædecessores, erigendi, & instituendi Ecclesias, Capellas, Capellanas, Oratoria, Altaria, Societates, & Confraternitates, illaque in grancias, vel membra recipiendi, & certis aliis tunc expressis, in specie, vel genere quomodolibet concessa cassaverit, irritaverit penitus, & aboleverit, aliaque statuerit, & ordinaverit, prout literis suis hac de re promulgatis, quarum pariter tenores, ac si de verbo ad verbum infererentur, pro plene, & sufficienter expressis haberi volumus, plenius continetur, humiliterque supplicaveritis, ut adversus hujusmodi cassationem, & abolitionem vos restituere dignaremur.

Hic modo Pontifex innovat d. indultum a Bonifacio IX. concessum, addita modificatione, quod accedat licentia Ordinarii, & loca erigenda cum personis sub sint iisdem Ordinariis.

§.3. Nos moti tam prænarata Bonifacii Papæ Prædecessoris consideratione, quam præclara memoria Imperatoris Constantini, cujus morbum suscepto hic olim Baptismo protinus divina gratia sanavit, vestris hujusmodi supplicationibus benigne annuentes prænaratasque Bonifacii Papæ literas, cum omnibus, & singulis decretis, clausulis, & aliis in eis contentis Apostolica auctoritate (modificationibus infra scriptis semper salvis) harum nostrarum serie revalidantes, & innovantes, vosque ad illarum pristinum usum adversus supradictas Pii IV. literas revocatorias restituentes, & plenarie reintegrates, ex speciali gratia indulgemus, quod perpetuis futuris temporibus, literis vestris patentibus, sub solitis titulo, & nomine supradictis, etiam absque presentium nostrarum insertionem expediendis, licentiam, & facultatem liberas quibuslibet bene visis, in fundis, terris, & locis mensæ vestræ Capitularis, ac alias juxta earundem Bonifacii Papæ Prædecessoris literarum formam, quæcumque Monasteria, Prioratus, Conventus, Ecclesias, dignitates, persona-

tus, officia, & alia beneficia ecclesiastica, cum cura, vel sine cura, necnon Hospitalia, & alia pia loca fundandi, erigendi, ædificandi, dotandi, ac alia quomodolibet in illis contenta faciendi, quæ quidem dominio, protectioni, jurisdictioni, defensionem, ac potestati vestris immediate subsint, necnon earundem plenum jus, dominium, merumque, & mixtum imperium, institutio, insuper, destitutio, collatio, provisio, presentatio, & quævis alia dispositio ad vos solum, & in solidum perpetuo spectet, dummodo Episcoporum in quorum Civitatibus, seu Diocesis illa fuerint, licentia expressa ad hoc accedat; Ecclesiæque, & illa ut præfertur, fundanda, erigenda, ædificanda, & dotanda, atque illa pro tempore obtinentes, libertatis, immunitatis, & exemptionis, privilegium aliquod a jurisdictione, & superioritate ipsorum Episcoporum, aliterve contra formam decretorum, & ordinationum sacri Concilii Tridentini propterea non acquirant, licentiam, & facultatem, liberas ut prius in omnibus, & per omnia, perinde, ac si literæ hujusmodi revocatorie nullatenus emanassent, concedere valeatis.

§.4. Non obstantibus dicti Pii Quarti literis revocatoriis, ac Constitutionibus, & Ordinationibus Apostolicis, statutis quoque, & consuetudinibus, etiam juramento, confirmatione Apostolica, vel quavis firmitate alia roboratis, in contrarium quomodolibet, etiam iteratis vicibus, sub quibuscumque verborum formis, & tenoribus concessis, approbatis, & innovatis. Quibus omnibus, & singulis, etiam si de illis eorumque totis tenoribus specialis, specifica, & expressa, & individua mentio habenda esset, tenores illorum, ac si de verbo ad verbum infererentur, pro plene, & sufficienter expressis habentes latissime derogamus, ceterisque contrariis quibuscumque.

Clausula derogatoria.

§.5. Volentes demum, & statuentes quod harum nostrarum exemplis a Notario publico subscriptis, & sigillo vestro Capitulari obsignatis, eadem prorsus fides ubique, in judicio, & extra adhibeatur, quam originales literæ ipsæ facerent, si exhiberentur.

Fides transcriptorum.

Dat. Romæ apud S. Petrum, sub Annulo Piscatoris, die 15. Januarii 1586., Pontificatus nostri Anno I.

Dat. P. An. I. 15. Januarii.

### XXX-

Prohibitio transeundi ab Ordine Fratrum Minorum S. Francisci de Observantia, ad Fratres Capuccinos.

*Transitum hujusmodi inter Capuccinos, & Fratres Minimos S. Francisci de Paula interdixit etiam Pius V. ut in ejus Con. LXVI. Sedis Tom. IV. Par. II. fol. 299.*

S I X T U S P A P A V.

*Ad perpetuam rei memoriam.*

**P**RO ea, quam præcipuam gerimus erga Sanctum Franciscum, devotione, illius

Causa hujus prohibitionis.



lius familiam universam paterno amore complectentes, ea studemus de medio tollere, quæ dissidii inter ipsos Religiosos, ejus regulam sectantes occasionem præbent, aut iis, qui levitate animi, minus constantes persistunt in obedientia, cui se ipsos dicaverunt, ab ea se subtrahendi viam aperiunt.

Paulus III., & Julius III. transiit Fratrum de Observantia ad Capuccinos vetarunt in eorum Bullis uti minus necessariis omittis.

§.1. Sane jam pridem fel. recor. Paulus Papa III., & Julius etiam III. Romani Pontifices Prædecessores nostri justis de causis adducti prohibuerunt, ne ullo modo Fratres de Observantia, sine suorum Generalium, vel Provincialium licentia in scriptis habita, ad Congregationem Capuccinorum se transferre, siue ab ipsis Capuccinis recipi, aut in illorum domibus retineri possent, vel deberent, certis etiam gravioribus poenis adiectis, prout in illorum literis plenius continetur.

Hic Pontifex idem prohibet.

§.2. Quare Nos quoque eorumdem Prædecessorum exempla secuti, toto negotio cum quibusdam ex venerabilibus fratribus nostris S. R. E. Cardinalibus communicato, ac diligenter considerato, literarum hujusmodi tenores præsentibus pro expressis habentes, de eorumdem Cardinalium consilio, etiam de novo auctoritate Apostolica, per præsentis districtius interdiciamus, tam ipsis Capuccinis, ne quemquam eorumdem Fratrum de Observantia, post emissam professionem regularem juxta instituta ejusdem Ordinis de Observantia, ad eos quovis habitu, & quacumque de causa transeuntem, sine nostra, aut Romani Pontificis pro tempore existentis licentia speciali, per literas Apostolicas expressam, & in specie, non autem per clausulas generales idem importantes, præsentis prohibitionis mentionem, & derogationem continentes, aut eorumdem Generalis, vel Provincialium ministrorum Fratrum de Observantia licentia in scriptis, ut præfertur, obtenta, admittere, recipere, & retinere, quam Fratribus de Observantia prædictis, ne quisquam eorum ad Congregationem Capuccinorum sine hujusmodi licentia se transferre in futurum præsumant.

Contraveni-  
entium poenæ.

§.3. In singulos vero Capuccinorum Superiores, Provinciales, Ministros domorum, Guardianos, Vicarios, seu Præsides necnon ipsos Fratres de Observantia, qui in præmissis quoquomodo contraverint, excommunicationis sententiam ferimus, eosque omnibus, & quibuscumque dignitatibus, administrationibus, & officiis per eos pro tempore obtentis auctoritate præsentium privamus, & ad futura, ac quoscumque actus legitimos exercendos inhabiles esse volumus eo ipso. Decernentes receptiones, admissiones, & retentiones quascumque de illis ex quavis causa sine dicta licentia faciendas, nulla omnino firmitate subsistere, neminemque penitus ulli voto, aut promissioni, etiam juramento, aliave solemnitate roboratis obligare posse.

Clausula præservativa.

§.4. Præsentisque literas, de subreptionis vitio, aut intentionis nostræ, vel quovis alio defectu notari, seu impugnari, aut sub prætextu quod contra alias Aposto-

licas, ac canonicas sanctiones jampridem usu receptas (quod scilicet unicuique regulari, ad arctiorem regulam, & religionem transeundi, petita dumtaxat, ac etiam non obtenta superiorum licentia, transitus libere, & licite permittatur) aut alias quovis prætextu, seu quæsito colore, in jus, & controversiam revocari, aut invalidari, ac ad terminos juris reduci non posse, sed semper validas, & efficaces existere.

§.5. Sicque in præmissis universis, & singulis per quoscumque Judices, & Commissarios, ordinarios, & delegatos, ac Sanctæ Romanæ Ecclesiæ Cardinales, ac causarum Palatii Apostolici Auditores, sublata eis, & eorum cuilibet, quavis aliter judicandi, & interpretandi facultate, & auctoritate judicari, & definiri debere, necnon irritum, & inane, si secus super his a quoquam quavis auctoritate, scienter, vel ignoranter contigerit attentari.

Clausula sub.  
lata &c.

§.6. Mandantes universis, & singulis locorum Ordinariis, ut quando ubi, & quoties opus fuerit, ac pro parte alicujus ex fratribus de Observantia hujusmodi fuerint requisiti, præsentis literas solemniter publicantes, eisque in præmissis efficacis defensionis præsidio assistentes, non permittant quemquam ex prædictis, siqui forsan in posterum se de facto transferre præsumpserint, contra earumdem præsentium continentiam, & tenorem, in aliqua domo, seu loco ipsorum Capuccinorum admitti, recipi, & retineri. Contradictores quoslibet, & rebelles, eisque auxilium, consilium, vel favorem, directe vel indirecte quomodolibet præstantes, per censuras, & poenas ecclesiasticas, aliaque opportuna juris, & facti remedia, appellatione postposita, compescendo, legitimisque super his habendis servatis processibus, sententias, & censuras ipsas etiam iteratis vicibus aggravando; invocato etiam ad hoc, si opus fuerit, auxilio brachii secularis.

Executorum  
deputatio.

§.7. Non obstantibus Constitutionibus, & Ordinationibus Apostolicis, ac in Conciliis etiam generalibus editis, ac Ordinis, & Congregationis Capuccinorum prædictorum juramento, confirmatione Apostolica, vel quavis firmitate alia roboratis statutis, & consuetudinibus, necnon facultatibus, dispensationibus, & indultis, ipsi Congregationi Capuccinorum, eorumque Superioribus, & personis, aut domibus quibuscumque recipiendi, vel retinendi Fratres de Observantia, etiam suorum Superiorum licentia petita dumtaxat, & non obtenta, aut non petita transeuntes, tam expresse, & principaliter quam per communicationem ad instar aliorum Ordinum, & Congregationum, quorum gratiarum, & indultorum ipsi forsan Capuccini participes effecti sunt; etiam si pariformiter, & æque principaliter ipsa communicatio, & extensio facta fuerit per quoscumque Romanos Pontifices Prædecessores, aut Successores nostros, etiam Motu proprio, ac de Apostolicæ potestatis plenitudine, ac de eorumdem Cardinalium consilio pro tempore con-

Clausula de-  
rogatoria.

cessis,



cessis, approbatis, & innovatis; quæ omnia, ac desuper confectas literas, processusque habitos per easdem, quatenus præmissis in aliquo adversantur, abrogamus, cassamus, & annullamus. Aut si ipsis Capuccinis, eorumque Prælati, & Superioribus, vel quibusvis aliis communiter, vel divisim, ab Apostolica sit Sede indultum, quod literis revocatoriis, sub quacumque formula editis nullatenus, vel nisi modis, & formis in huiusmodi indultis contentis parere, & ob non paritionem aliquas sententias, censuras, & poenas incurrere, aut alias interdicti, suspendi, vel excommunicari non possint per literas Apostolicas, non facientes plenam, & expressam, ac de verbo ad verbum de indulto huiusmodi mentionem, & quibuslibet aliis privilegiis, indulgentiis, exemptionibus, & literis Apostolicis generalibus, vel specialibus, etiam motu, scientia, & potestatis plenitudine similibus concessis, quorumcumque tenorum existant, per quæ præsentibus non expressa, vel totaliter non inserta effectus earum impediri valeat quomodolibet, vel differri; & de quibus, quorumque totis tenoribus habenda sit in nostris literis mentio specialis. Quæ omnia volumus nemini contra prædicta in aliquo suffragari, ceterisque contrariis quibuscumque.

§.8. Volumus autem, ut præsentium exemplis &c.

Dat. Romæ apud S. Petrum, sub Anno Piscatoris die 28. Januarii 1586. Pontificatus nostri Anno I.

## XXXI.

Confirmatio, & ampliatio Indultorum, ac Indulgentiarum Rosarii B. Mariæ Virginis; Et facultatis Magistri Generalis, & Vicarii Ordinis S. Dominici, in erigendis Capellis, & instituendis Confraternitatibus Rosarii, pro quibus aliæ etiam gratiæ, & Indulgentiæ conceduntur.

## S I X T U S P A P A V.

*Ad perpetuam rei memoriam.*

**D**UM ineffabilia meritorum insignia, quibus Dei Genitrix Beata Virgo Maria Regina Cœlorum gloriosa, sedibus prælata sydereis, tamquam stella matutina prærutilat, devotæ considerationis indagine perscrutamur, & inter arcana pectoris revolvimus, quod ipsa utpote Mater misericordiae, Mater gratiæ, & pietatis, humani generis amica, & consolatrix, pro salute fidelium, qui delictorum culpa prægravantur, sedula exoratrix, & pervigil ad Regem, quem genuit, & maternis lactavit uberibus, intercedit, dignum, quin potius debitum arbitramur, ut Ecclesias, & Capellas, ac Confraternitates in ejus honorem erectas, & institutas gratiosis remissionum prosequamur impendiis, ac Indulgentiarum muneribus decoremus, ac per Romanos Pontifices Prædecessores nostros, eisdem Confratribus concessas Indulgentias,

*Bull. Rom. Tom. IV. Par. IV.*

& privilegia, nostræ approbationis munimine robaremus, easque innovemus, prout salubrius cognoscimus expedire.

§.1. Attendentes itaque quam Religioni nostræ fructuosum fuerit sanctissimi Psalterii, Rosarii nuncupati, gloriosæ semperque Virginis Mariæ, Almam Dei genitricis institutum, per Beatum Dominicum Ordinis Fratrum Prædicatorum auctorem, Spiritu sancto, ut creditur, afflatum, excogitatum, quantaque exinde mundo provenirent, & in dies proveniant bona, & quod propterea utriusque sexus Christifidelium, Confraternitates sub invocatione Rosarii ejusdem B. Mariæ Virginis in diversis Orbis Ecclesiis, ac Capellis, & Altaribus canonicè institutæ.

§.2. Earumque Confratres, ac Sorores, a quamplurimis, & præsertim fel. rec. Urbano IV., & Joanne XXII., ac Sixto etiam Quarto, necnon Innocentio VIII., & Alexandro VI., ac Julio II., & Leone X., ac Adriano VI., & Clemente VII., & Paul. III. ac Julio etiam III. ac Paulo IV., & Pio etiam Quarto, ac Pio V., & postremo Greg. XIII. Romanis Pont. Prædecessoribus nostris, ac nonnullis Sedis Apostolicæ, cum potestate Legati de latere, Nunciis, nedum confirmationem, & augmentum earumdem Confraternitatum, sed etiam Indulgentias, ac privilegia, & indulta merito obtinere meruerint.

§.3. Nos dictorum Prædecessorum vestigiis inhærendo, ac eodem, quo ipsi Prædecessores nostri, devotionis affectu divinitus excitati, necnon dilecti filii nostri Michaelis tituli Beatae Mariæ super Minervam presbyt. Card. Alexandrini nuncupati supplicationibus inclinati, singularum literarum prædictarum tenores, & formas præsentibus pro sufficienter expressis, & insertis habentes, omnia, & singula privilegia, immunitates, & exemptiones, concessionem, indulta, Indulgentias, etiam plenarias, & peccatorum remissiones, ac relaxationes, omnibus, & singulis Confraternitatibus dicti Rosarii ubicumque terrarum canonicè institutis, earumque Confratribus, & Sororibus, tam per dictos Prædecessores nostros, & Sedem prædictam, seu illius Nuncios, cum potestate Legati de latere concessa, elargita, & confirmata, ac cum omnibus, & singulis in eis contentis clausulis desuper confectas literas prædictas, & vivæ vocis oraculo, aut alias quomodolibet emanatas, auctoritate Apostolica, tenore præsentium perpetuo confirmamus, & approbamus, illaque omnia, & singula prout per ipsos Prædecessores nostros, & alios prædictos concessa fuerunt, perpetuæ firmitatis robur obtinere, ac inviolabiliter observari debere decernimus, omnesque, & singulos tam juris, quam facti defectus, si qui forsan incurrerint in eisdem, supplemus.

§.4. Et potiori pro cautela, omnes, & singulas Indulgentias, etiam plenarias, & peccatorum remissiones, ac relaxationes, exemptiones, facultates, concessionem, aliaque privilegia, & indulta prædicta, omni-

Psalterium, seu Rosarium B. Virginis a S. Dominico institutum.

Sodalitas Rosarii gratias, & Indulgentias a multis Pont. obtinuit.

Hic Pontifex omnes gratias, indulgentias, & indulta confirmat, & innovat.

Et innovat.

A a bus,

Fides transscriptorum.

Dat. P. An. I. 28. Januarii.

B. Mariæ Virginis merita, & laudes.



bus, & singulis Confraternitatibus dicti Rosarii, in quibusvis Ecclesiis, & Cappellis, ac Altaribus ubicumque Terrarum canonicè erectis, earumque Confratribus, & Sororibus, necnon Officialibus, & Ministris eisdem modo, & forma, quibus per eisdem Prædecesores nostros, & dictæ Sedis Nuncios concessa fuerunt, dicta auctoritate Apostolica de novo concedimus, & innovamus, ac omnibus, & singulis Confraternitatum Rosarii hujusmodi Confratribus, & Sororibus, nunc, & pro tempore existentibus suffragari debere, eosque illis perpetuo uti, potiri, & gaudere posse, decernimus, & declaramus.

Facultatem instituendi Confraternitates Rosarii concedit Magistro, & Vicario generali Ordinis Sancti Dominici, & deputatis per eos.

§.5. Et insuper ut omnibus, & singulis dicti Ordinis Fratribus, per Magistrum, & Vicarium generales dicti Ordinis Prædicatorum, & eorum quemlibet pro tempore deputandis, in quibusvis Civitatibus, Oppidis, Terris, & locis ubicumque existentibus, ut in eorundem Prædicatorum, vel aliorum Ordinum, Monasteriorum, seu Domorum Ecclesiis, Cappellis, & Oratoriis, & etiam in secularibus Ecclesiis, in quibus nullæ Confraternitates ejusdem Rosarii adhuc erectæ existunt, de Superiorum, & Ordinariorum licentia Confraternitates ejusdem Sanctissimi Rosarii, ad Dei, & ejusdem Beatæ Virginis laudem, & gloriam, erigere, & instituere libere, & licite possint, & valeant, plenam, & liberam licentiam, & facultatem dicta Apostolica auctoritate tenore præsentium concedimus.

Etque sic erectis, omnes gratias, & indulgentias hujusmodi Rosarii Confraternitatibus data elargitur

§.6. Ac postquam erectæ fuerint, ut omnibus, & singulis privilegiis, indultis, facultatibus, exemptionibus, immunitatibus, concessionibus, Indulgentiis etiam plenariis, & peccatorum remissionibus, ac relaxationibus, & gratiis quibusvis aliis ejusdem Rosarii Confraternitatibus, earumque Confratribus, ac Sororibus, per prædictos, & quoscumque alios Romanos Pontifices, etiam Prædecesores nostros, ac etiam Nos, & Sedem prædictam ejusque Nuncios, & etiam de latere Legatos, hætenus quomodolibet concessis, ac concedendis, & quibus Confraternitates hujusmodi, earumque Confratres, & Sorores quomodolibet utuntur, potiuntur, & gaudent, ac uti, potiri, & gaudere poterunt quomodolibet in futurum, pariformiter, & æque principaliter, in omnibus, & per omnia, ac perinde, ac si illis specialiter, & expresse, ac nominatim concessa fuissent, uti, potiri, & gaudere, libere, & licite possint, pariter concedimus, & indulgemus; ac privilegia, indulta, facultates, exemptiones, immunitates, concessionibus, Indulgentias, etiam plenarias, ut præfertur, concessas, & concessa, ad ipsas Confraternitates erigendas, illarumque Confratres, & Sorores pro tempore existentes perpetuo extendimus, & ampliamus.

Confratribus, que alias Indulgentias hic enunciatas concedit.

§.7. Ut autem animarum Christianissimorum Confraternitatum, tam erectarum, quam per Fratres deputandos hujusmodi erigendarum, easdem Confraternitates ingredi volentium spirituali consolationi per am-

plius consulatur, de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, omnibus, & singulis utriusque sexus Confratribus singularum Confraternitatum Rosarii hujusmodi, tam hætenus erectarum, quam in posterum erigendarum, ut præfertur, ubicumque, nunc, & pro tempore existentibus, & in dictis Confraternitatibus pro tempore descriptis, & describendis, itinerantibus, vel navigantibus, ac servientibus, totum Rosarium, infirmis vero, aut alias legitime impeditis, tertiam ejus partem, devote recitantibus, necnon temporibus debitis, & ab Ecclesia statutis, confitendi, & communicandi firmum propositum habentibus, qui Cappellam B. Mariæ Rosarii, in Ecclesia ipsius Beatæ Mariæ supra Mineram de Urbe ejusdem Ordinis Prædicatorum institutam, vel alias Ecclesias, seu Cappellas ubicumque dicta Confraternitas canonicè fundata fuerit, iis diebus, quibus festa mysteriorum ejusdem Rosarii celebrantur, visitare, & processioni, quæ prima Dominica cujuslibet mensis fieri solet, interesse non potuerint, plenariam omnium peccatorum suorum Indulgentiam, & remissionem, auctoritate, & tenore prædictis, concedimus, & elargimur; illisque omnes, & singulas Indulgentias, & peccatorum remissiones, etiam plenarias aliis Confratribus, & Sororibus, Cappellas, seu Ecclesias Rosarii hujusmodi dictis diebus visitantibus, ac dictæ processioni interessentibus specialiter, vel generaliter concessas, & in futurum concedendas, in omnibus, & per omnia, perinde, ac si dictas Cappellas, seu Ecclesias dictis diebus personaliter visitarent, & processionibus hujusmodi interessent, auctoritate, & tenore prædictis communicamus, ac communicatas esse, specialiter, vel generaliter, decernimus, & declaramus.

§.8. Quia vero difficile foret præsentis literas &c.

§.9. Non obstantibus Constitutionibus, & Ordinationibus Apostolicis, ceterisque contrariis quibuscumque.

Datum Romæ apud S. Petrum, sub Annulo Piscatoris, die 30. Januarii 1586., Pontificatus nostri Anno I.

Transumptis hujus Bullæ credi juber. Quibuscumque non obstantibus.

Dat. P. An. I. 30. Januarii.

## XXXII.

Innovatio Festivitatis S. Januarii Episcopi, & Martyris, & Sociorum ejus, die 19. Septembris simplici officio celebrandæ.

SIXTUS EPISCOPUS

SERVUS SERVORUM DEI

Ad perpetuam rei memoriam.

**P**la Sanctorum Patrum providentia institutum est in Ecclesia Dei, & posteris traditum, ut complurium Martyrum insignium memoria statim diebus, solemnibusque caremoniis, atque anniversariis sacris in cunctis Ecclesiis recolatur. Ita enim, & illis

Exordium.



S. Januarii, &  
Sociorum me-  
rita, & lau-  
des recenfen-  
tur.

illis honor debitus tribuitur, & fideles ad eorum imitanda exempla pro suo quisque modulo invitantur.

§.1. Proinde Nos operæ pretium duximus efficere, ut Sanctorum Martyrum Januarii Episcopi, & Sociorum ejus, qui post vincula, & carceres gloriosa martyrii corona propter Christi nominis confessionem sunt donati, jucundam recordationem diu intermissam renovando, plebem Dei hilareremus; cujus quidem Beati Januarii sanctitatem Deus Omnipotens multis, iisque clarissimis editis miraculis ad nostram usque ætatem in Neapolitana potissimum Civitate, in qua ejus Corpus sepultum religiose asservatur, celeberrime apud omnes gentes testatam esse voluit; adeo ut non immerito, tum in divinis officiis, tum in ipso Sacrificio ab universo fidelium coetu eorum commemoratio fieri debeat, prout ante novam reformationem Romani Missalis, & Breviarii fieri consueverat.

Eorumque festum die 19. Septemb. singulis annis celebrari præcipitur.

§.2. Hac igitur nostra perpetuo valitura Constitutione præcipimus, ut eorundem Sanctorum Januarii, & Sociorum ejus dies Festus, 13. Kal. Octobris, in totius Orbis terrarum Ecclesiis simplici officio de communi plurimorum Martyrum celebretur, ac decernimus, ut in novo etiam quo nunc utimur, sicut antea in veteri Calendario ad eum diem Sanctorum eorundem nomina, & simplicis nota adscribatur.

Jussio publicandi hanc Bullam.

§.3. Mandantes omnibus Patriarchis, Archiepiscopis, Episcopis, ceterisque Ecclesiarum Prælatibus in universo Orbe constitutis, ut in suis quisque Ecclesiis, Provinciis, Civitatibus, & Diocesis, præsentibus nostras solemniter publicari faciant, ab omnibusque Ecclesiasticis personis, secularibus, & quorumvis Ordinum regularibus omnino observari, licet adnotatio hujus celebritatis in postremis Breviarii, & Missalis reformationibus fuerit prætermissa.

Fides exemplorum.

§.4. Volumus autem, ut præsentium exemplis &c.

Dat. P. An.I.  
1. Februarii.

Datum Romæ apud S. Marcum, Anno Incarnationis Dominicæ, millesimo quingentesimo octuagesimo sexto, Kalendis Februarii, Pontificatus nostri Anno I.

## XXXIII.

Renovatio Pontificalium Cappellarum in Basilicis, certisque Almae Urbis Ecclesiis, Dominicis Quadragesimæ, & Adventus, aliisque statibus solemnibus diebus, celebrandarum.

SIXTUS EPISCOPUS  
SERVUS SERVORUM DEI

*Ad perpetuam rei memoriam.*

Stationum consuetudo antiquissima est.

**E** Gregia Populi Romani pietas, magnis Sanctorum Patrum laudibus celebrata, postea quam terrarum Princeps civitas, beatissimis Apostolis Evangelii lucem annunciantibus, suave Christi jugum accepit, & per Beati Petri Sedem vere caput Orbis

*Bull. Rom. Tom. IV. Par. IV.*

terræ effecta, latius coepit præsidere potestate divina, quam dominatione terrena, præclara adhuc, singulari Dei benignitate, religiosæ antiquitatis monimenta conservat, inter quæ vetus admodum est, ab Apostolicis usque ducta temporibus, sacrarum Stationum consuetudo; in quibus fidelium multitudo ad Apostolorum sepulchra, & fortissimorum Martyrum memorias conveniens, hymnis, & canticis spiritualibus Deum in Sanctis suis mirabilem laudabat, & salutaribus Immaculatae Hostiæ sacrificiis placabat, & adversus multiplices antiqui hostis oppugnationes, tamquam in castris Dei, Statione tutissima consistebat.

§.1. Quam memoriam a majoribus acceptam, nunc etiam Roma antiquissimis Urbis Basilicis, & Martyrum Ecclesiis visitandis, statibus Dominicis, aliisque solemnibus diebus, in primis vero sacro Adventus Domini, & Quadragesimæ tempore, magna populi frequentia anniversaria celebritate devote observat. Nos autem, quibus pro nostra Pastoralis sollicitudine, nihil optabilius est quam animas Christo lucrari, tam pium, ac salutare institutum, non solum retinere cupimus, sed etiam ornare, ac omni Religionis officio propagare summo pere studemus, his præsertim luctuosis Christianæ Reipublicæ temporibus, quæ ad placandam Dei iram, ad detestabiles hæreses extirpandas, ad pacem, & tranquillitatem Ecclesiæ obtinendam, ad vitia, & peccata hominum corrigenda, crebriora poenitentia, & pietatis opera, ac multiplicatas Sanctorum cum Christo regnantium preces, & intercessionem maxime requirunt, sed potissimum Sanctorum omnium Regina, Dei nostri Genitricis, semperque Virginis Mariæ Christiani populi Advocata, Coeleste patrocinium desiderant.

Roma hinc Stationum consuetudinem retinet, & observat, antiquas Basilicas, & Ecclesias devote certis temporibus visitant.

§.2. Et vero cum multis antiquis, & religiosissimis Ecclesiis, quas majorum pietas magnifice extruxit, hæc Alma Urbs ornatissima sit, tum illæ potissimum intra, atque extra mœnia positæ, septem Basilicæ, quas veteri instituto fideles, pia ac salutari peregrinatione obire solent, magnam jure optimo, non solum apud Cives, sed apud externos populos venerationem habent; sunt enim antiquitate, Religione, Sanctorum Martyrum venerandis Reliquiis, sacris Indulgentiis, & denique mystica septenarii numeri ratione celeberrimæ; nam, quemadmodum Joannes Apostolus admirabilem illam Apocalypsim septem Asiæ Ecclesiis scribens universam Ecclesiam adumbravit, quam Deus coelestibus Spiritus Sancti donis perficit, & in qua una habitat, & requiescit, ita Romæ septem Ecclesiæ magno ejusdem numeri Mysterio sunt institutæ, ut totius Ecclesiæ unio, & perfectio, in ipso capite unde omnium Ecclesiarum unitas dimanat, illustrius appareret.

Septem præsertim Basilicæ in Urbe admodum celeberrimæ.

§.3. Quod cum ita sit, sane non possumus non dolere; numquam fere nostris quidem temporibus, apud eas, una Vaticana excepta, Pontificales Cappellas celebrari, cum tamen primarias illas Urbis Basilicas

In quibus antiqui Pontifices divina celebrare solebant.



1586.

toto terrarum Orbe illustres a Summo Romano Pontifice, & sacro Cardinalium Collegio ita interdum adiri debere, ut ibi quoque divina Missarum officia solemniter fiant, & ipsarum Ecclesiarum majestas, in quibus divina gratia redundant, & Pontificalis officii ratio, & majorum exempla id a Nobis omnino requirere videantur. Notum est enim ex Ecclesiastica antiquitatis monumentis, veteres illos Sanctissimos Pontifices Prædecessores nostros, in his Basilicis frequenter admodum divina officia, cum Clero, & Populo obivisse; quod duorum præsertim Beatissimorum Pontificum, quos ob sanctitatem, & rerum gestarum gloriam merito magnos appellamus, Leonis, & Gregorii sermones complures, divina quadam spiritus eloquentia pleni, inter ipsarum Missarum solemnia ad populum habiti, aperte declarant.

Hic itaque Pontifex ad ipsorum Basilicarum venerationem, & populi devotionem augendam in eisdem Basilicis solemnes Missarum Cappellas Pontificales, in futurum celebrari decernit, uno ex Cardinalibus Missam cantante.

§.4. Quare cum septem sint (Paschali connumerata) Quadragesimæ Dominicæ, & rursus quatuor illæ Adventus, cum Natali, Circumcisione, & Epiphania Domini, septenarii item numerum conficiant, in quibus omnibus celebritatibus Cappellæ, in Apostolico Palatio, aut in Basilica Vaticana, de more fieri solent, decrevimus de consilio Venerabilium Fratrum nostrorum, verbo cum eis ea de re in Consistorio nostro secreto mature facto, ad Dei, & Sanctorum gloriam, & Ecclesiarum ipsarum venerationem, ac fidelis populi devotionem augendam, senectuti nostræ nequaquam parcentes, sed Pastoralis officii munus exequentes, tametsi gravissimis pro universæ Ecclesiæ cura occupationibus distineamur, in eisdem Basilicis solemnes Missarum Cappellas facere, uno ex S. R. E. Cardinalibus Missam celebrante, idque quotiescumque in eisdem Basilicis Cappella Pontificalis fiet, ritu perpetuo observabitur. Sermo item temporis accommodatus, ad divinas Sanctorumque laudes prædicandas, & audientium pietatem inflammandam, de more, semper habebitur, ut duplicato septenarii numero, sacrosancta sacrificia, & septem capitalium peccatorum veniam, & septiformem Sancti Spiritus gratiam Christiano populo a Deo impetrent.

Et ideo ad dictas Basilicas vias aperuit.

Et modo in locum Ecclesiæ S. Sebastiani, ad huiusmodi celebrationes incommoda, Ecclesiam S. Mariæ de Populo subrogat.

§.5. Ad quas quidem venerandas Basilicas, ut commodius, & decentius adiri possit, atque ut in eis frequentius celebrandis populi religio augeatur, jam vias latas, & directas patefecimus.

§.6. Ceterum cum Ecclesia S. Sebastiani Martyris vetustissima illa quidem, & religiosissima cum propter loci distantiam, tum etiam angustiam, aliaque incommoda, minus idonea sit ad Pontificalium Missarum celebrationem. Decrevimus in ejus locum Ecclesiam S. Mariæ, quæ de Populo dicitur, substituere, non solum amplitudine, & loci commoditate opportunam, sed magna, etiam Religione venerabilem, sæpe enim, & pluribus locis ad Sanctissimam illam gratiarum Matrem, & misericordiæ parentem recurrendum est, ut ibi potissimum ubi populi nomine insignita, & ubi multa illius

clementiæ extant monumenta, precibus nostris invocata pro populo oret, pro clero interveniat, & pro devoto foemineo sexu intercedat. Nec vero Ecclesiæ S. Sebastiani sua privilegia, & Indulgentias adimimus, quæ etiam in altera novem Ecclesiarum visitatione, quas pia multorum fidelium devotio lustrare solet, suo loco, atque ordine permanebit. Sed Ecclesiæ S. Mariæ de Populo easdem Indulgentias concedimus, quemadmodum nec ulla stationum translatione, aut mutatione, in Quadragesima, sive in Adventu, ceterisque diebus quicquam detrahimus, sed gratias gratiis cumulamur, ut apud plures Ecclesias, majore pietatis zelo, Deo, & Sanctis ejus honor, & cultus tribuatur. Ipsas vero Pontificales Cappellas hoc ordine distribui volumus.

§.7. In Quadragesima, Dominica prima ad S. Mariam de Populo, secunda ad S. Paulum, tertia ad S. Laurentium extra muros, quarta ad S. Crucem in Hierusalem, quinta ad S. Mariam Majorem, sexta in Palmis ad S. Petrum, Dominica Paschæ ad S. Joannem in Laterano, ubi Populo solemniter benedicemus. In Adventu vero, Dominica prima ad S. Laurentium, secunda ad S. Joannem, tertia ad S. Crucem in Hierusalem, quarta ad S. Paulum, in Natali Domini ad S. Mariam Majorem, ad Præsepe Domini more antiquissimo, in Circumcisione Domini ad S. Mariam de Populo, in Epiphania ad S. Petrum.

§.8. Præterea cum Festi anniversarii dies advenerint Sanctorum illorum, quorum nomine Basilicæ ipsæ Deo dicatæ sunt, apud eas pariter Pontificias Cappellas faciemus; nimirum in Assumptione Beatissimæ Virginis ad S. Mariam Majorem, de more; in ejus Nativitate ad S. Mariam de Populo, in Inventione S. Crucis ad S. Crucem in Hierusalem, in Natali S. Petri in Basilica ejus Vaticana, in Conversione S. Pauli in ejus Basilica, in Natali S. Jo: Baptiste in Basilica Lateranen., in die Festo S. Laurentii Martyris in ejus Basilica extra moenia. Missam item Annunciationis Beatissimæ semper Virginis Mariæ ejusque Pontificalem Cappellam faciemus apud Ecclesiam S. Mariæ supra Minervam, dotesque de more pro maritandis puellis distribuemus; in tribus vero celebritatibus, hoc est in die Ascensionis Domini, quo etiam die Romanus Pontifex populo solemniter benedicit, item Pentecostes, & omnium Sanctorum, Pontificales Cappellæ fient in Basilica S. Petri; in die vero Festo Sacratissimi Corporis Christi post Missam solemnem, quæ de more in Cappella Palatina habebitur, erit Pontificalis processio, & Sacrosanctæ Eucharistiæ repositio in eadem Basilica Vaticana; ceteris Festis, solemnibusque diebus, Missæ in Cappella Palatii Apostolici, de more celebrabuntur.

§.9. Ut igitur hunc sacrum, solemneque ritum Pontificales Cappellas apud nobilissimas Basilicas celebrandi, sanctissimorum Pontificum Prædecessorum nostrorum vestigiis insistentes, & venerandæ vetustatis memo-

Cappellarum, que in dictis septem Ecclesiis celebrandarum ordinem subnectit.

Aliasque Cappellas aliis festivitatis Sanctorum, quorum nomini ipse Basilicæ dicatæ Deo sunt celebrari jubet.

Aliam quoque Cappellam in prima die Quadragesimæ, in Ecclesia S. Sebastiani Card. Ma-

memo-



jore Penitentiario Missam cantante, celebrari, cinesque per ipsum Pontificem benedici, & spargi decernit.

memoriam renovantes, felicius, ac religiosius inchoemus, quarta proxima feria in capite jejunii Ecclesiam S. Sabine Martyris non modo de more superiorum Pontificum adibimus, sed Card. Majore Poenitentiario, ut mos est, Missæ sacrum faciente, una cum Venerabilibus Fratribus nostris S.R.E. Cardinalibus in eadem Ecclesia consistemus, sacrosque cineres a Nobis, solemniter benedictos, supra capita ad poenitentiam testificationem spargemus, ac deinde sequentibus Dominicis diebus, ad Basilicas, & Ecclesias supra notatas, Missarumque celebrationem cum sacro Cardinalium Collegio, & aliorum Prælatorum præsentia convenimus: idemque suo tempore in Adventu, ceterisque Festis diebus, Deo auctore, præstabimus. Quem ritum statum, atque solemnem, & Nos quamdiu disponente Domino vixerimus, perpetuo annis singulis observare statuimus, & a Successoribus nostris servari optamus, ac sane etiam pro eorum pietate, & rei condecencia speramus.

Hortatur etiam Christiani fideles, ut in tempore Quadragesimæ in jejuniis, & lacrymis convertantur ad Dominum.

§.10. Quod igitur ab omnibus Christianis fidelibus acceptabili Quadragesimæ tempore, quod jam advenit, ubique terrarum, faciendum est ut in toto corde suo, in jejuniis, & lacrymis convertantur ad Dominum, id quidem Romæ, ubi Religionis est domicilium, ubi sacrarum Indulgentiarum thesauri uberius dispensantur, ubi innumerabilium Martyrum, quorum sacra corpora apud Nos magno Dei munere requiescunt, peculiari patrocinio sublevantur, multo certe impensius, & devotius faciendum est, atque, ut re ipsa fiat, pro nostra erga hanc Almam Urbem paterna, & præcipua caritate, omnes in Domino etiam atque etiam hortamur, zelo incensi domus Dei, quam decet sanctitudo, Satanæ astutias non ignorantes.

Stationalesque Ecclesias vere poenitentes, & caste, pieque visitent.

§.11. Illud quoque vehementius admonemus, ut omnes, & singuli stationales Ecclesias, cum omni timore, & tremore, ut vere poenitentes, caste, & pie adeant, nemini dantes ullam offensionem; ne illis in locis, iisque diebus, quibus aliorum temporum culpe, piis operibus, & castis jejuniis redimendæ sunt, inter ipsa Martyrum sepulchra Deus ad iracundiam magis provocetur, sed contra potius hujus Civitatis poenitentia, eleemosynis, orationibus, sanctorumque intercessionibus placatus Pater misericordiarum Deus, Nobis & cunctis populis curæ nostræ commendatis (omnes enim unum sunt in Christo) propitius, & placabilis efficiatur, & quorum fides Apostolico ore laudata est, & in universo mundo annuntiat, eorum etiam modestia, & disciplina ad pietatis, & sanctitatis exemplum omnibus nationibus proponatur. Nulli ergo &c.

Dat. P. An. I.  
13. Februarii.

Datum Romæ apud S. Petrum, Anno Incarnationis Dominicæ, 1586., 13. Februarii, Pontificatus nostri Anno I.

✠ Ego Sixtus Catholicæ Ecclesiæ Episcopus.

Sequuntur Cardinalium subscriptiones.

Lauretani Oppidi Provincia Picenæ, in Civitatem sublimatio, ejusque Collegiata Ecclesiæ in Cathedrali, & Episcopalem erectio.

SIXTUS EPISCOPUS  
SERVUS SERVORUM DEI

Ad perpetuam rei memoriam.

Pro excellenti præminencia Sedis Apostolicæ, in qua post Beatum Petrum, Apostolorum Principem, quamvis imparibus meritis, pari tamen auctoritate, constituti sumus, in exigua militantis Ecclesiæ agro, novas Episcopales Sedes, Ecclesiæque plantare dignum arbitramur, ut per hujusmodi novam plantationem, popularis augeatur devotio, divinus cultus effloreat, & animarum salus subsequatur, ac humilia loca dignioribus titulis, & condignis favoribus illustrentur, necnon propagatione novæ Sedis, honoratque Præfulis assistentia, & regimine, cum Apostolicæ potestatis plenitudine, & Orthodoxæ fidei profectu, & exaltatione, Populi ipsi propositum eis æternæ felicitatis præmium facilius valeant adipisci.

Summi Pontificis auctoritas Ecclesias instituendi, & causæ hujus institutionis.

§.1. Considerantes itaque Oppidum Lauretanum in Provincia Piceni situm nullius Diocesis, Sedi Apostolicæ immediate subiectum, in toto Orbe celeberrimum, & in eo unam insignem Collegiatam Ecclesiam sub invocatione B. Mariæ Virginis Dei Matris fundatam excellere, in cujus medio inest illud sacrum cubiculum divinis mysteriis consecratum, in quo dicta Virgo Maria nata fuit, & ibidem ipsa ab Angelo salutata, Salvatorem Mundi de Spiritu Sancto concepit, ministerio Angelorum illuc translatum, & ad dictam Ecclesiam ob miracula, quæ in dies Omnipotens Dominus, intercessione, & meritis ejusdem B. Mariæ Virginis in eodem cubiculo operari dignatur, Christiani fideles ex omnibus mundi regionibus, devotionis, & peregrinationis causa confluere.

Lauretana Ecclesiæ laudes.

§.2. Et propterea cupientes, Oppidum, & Ecclesiam hujusmodi dignioribus titulis, & nominibus decorare, habita super hoc cum Fratribus nostris deliberatione matura, de eorum consilio, & assensu, ac Apostolicæ potestatis plenitudine, ad ejusdem Omnipotentis Dei laudem, & gloriam, & ipsius B. Mariæ Virginis honorem, necnon Christiani fidelium devotionis augmentum, Oppidum in Civitatem Lauretanam nuncupandam, Ecclesiam vero in Cathedrali, sub eadem invocatione, pro uno Episcopo Lauretano nuncupando, qui jurisdictionem Episcopalem habeat, & exerceat in spiritualibus, cum mensa Episcopali, arca, sigillo, aliisque insignibus, & honoribus, & privilegiis, quibus alii Episcopi, de jure, vel consuetudine, aut alias quomodolibet in eisdem spiritualibus utuntur, potiuntur, & gaudent, ac uti, potiri, & gaudere quomodolibet possunt, Apostolica auctoritate teno-

Lauretani Oppidi in Civitatem sublimatio, ejusque Ecclesiæ in Cathedrali, & Episcopalem erectio.



tenore presentium, perpetuo erigimus, & instituimus, illasque sic erectas, necnon Episcopum Lauretanum pro tempore existentem, ac ipsius Ecclesie Capitulum, dictae Sedi immediate, etiam perpetuo subicimus, & sub protectione Beatorum Petri & Pauli Apostolorum suscipimus. Necnon cum nuperrime unionem olim de Ecclesia Recanaten., & Ecclesia Maceraten. eadem auctoritate perpetuo factam, de consilio, & potestatis plenitudine similibus dissolverimus, & Venerabilem fratrem nostrum Galeatium Episcopum Maceraten. a vinculo quo dictae Ecclesiae Recanaten. cui tunc ratione unionis huiusmodi praeerat, tenebatur, abolverimus, ac in dicta Ecclesia Recanaten. nomen, & titulum Cathedralis, necnon Sedem, dignitatem, & mensam Episcopales suppresserimus, ipsamque Ecclesiam Recanaten. in Collegiatam reduxerimus, Civitatem tamen Recanaten. titulū, & denominationem Civitatis propterea non amisisse, ita ut illius habitatores, cives denominari, & privilegiis Civium uti possent, decernendo Castrum Ficardi ab Anconitana, & S. Mariae in Casciano ab Auximana, & Montis Luponi Oppida, a Firmana Diocesibus, quibus in spiritualibus subjecta sunt, auctoritate, & tenore praemissis, similiter perpetuo dismembramus, & dividimus, & separamus, illaque sic dismembrata, & separata, ac eorum Incolas, & habitatores, ab omni iurisdictione, & potestate, & subiectione Anconitan. Auximan., ac Firman. Episcoporum pro tempore existentium, necnon solutione decimarum eisdem Episcopis per eos debitum, ex tunc de cetero faciendam, itidem perpetuo eximimus, & liberamus.

Diocesis designatio.

§.3. Necnon ipsa, ac Civitatem Recanaten. praedictam, illiusque, & Castri Ficardi, ac oppidorum praedictorum territoria, pro Dioc. d. Episcopi Lauretani, illos vero necnon Civitatis Lauretanae ecclesiasticas personas pro clero, & habitatores per populo, auctoritate, & tenore praemissis, similiter perpetuo concedimus, & assignamus.

Dotis duorum millium scutorū pro Lauretano Episcopo assignatio.

§.4. Ac pro Episcopi Lauretani pro tempore existentis dote, quam summam duorum millium scutorum dictae Provinciae constituere debere declaramus, omnia, & singula fructus, redditus, & proventus, iura, obventiones, & emolumenta, in quibusvis rebus, & actionibus, & ubique locorum consistentia, & provenientia; & ad quamvis summam ascendentia dictae mensae Episcopalis Recanaten. sic suppressae, & extinctae, & quae ad illam quomodolibet spectant, & pertinent, ac ante illius suppressionem, & extinctionem huiusmodi quovis jure spectabant, & pertinebant, spectareque, & pertinere poterant, necnon Castri Ficardi, & oppidorum territoriorum huiusmodi decimas Episcopis Anconitan. Auximan., & Firman. solvi solitas, residuum vero dictorum duorum millium scutorum pro dote dictae Ecclesiae Lauretanae constitutorum huiusmodi, ex tot praediis, & pos-

sessionibus dictae domus Lauretanae per dilectum filium nostrum Philippum S. Angeli in foro Piscium Diac. Card. Vastavillanum nuncupatum, dictae Domus Protectorem, ejus arbitrio declarandis, & assignandis, etiam perpetuo concedimus, & assignamus.

§.5. Necnon in dicta Ecclesia Lauretana, in qua unus Archipresbyteratus, qui ante erectionem huiusmodi inibi principalis existebat, pro uno Archipresbytero, ac una Praepositura, pro uno Praeposito, ac unus Decanatus dignitates, pro uno Decano, necnon duodecim Canonicatus, & totidem Praebendae pro duodecim Canonicis, ac etiam duodecim Beneficiatis, & totidem Clericatus, nuncupata perpetua simplicia beneficia, pro totidem personis eidem Ecclesiae Lauretanae deservientibus, erecta, & fundata existunt, unum Archidiaconum, qui inibi dignitas major post Pontificalem existat pro uno Archidiacono, qui in choro, & Capitulo ipsius Ecclesiae Lauretanae, ac processionibus, aliisque actibus capitularibus primum locum, ac primam vocem, ante obtinentes alias dignitates praedictas habeat, auctoritate, & tenore praemissis, etiam perpetuo erigimus, & instituimus. Ac Praeposituram in Primiceriatum pro uno Primicerio, Decanatus vero dignitatum huiusmodi denominationes, in Thesaurariam pro uno Thesaurario commutamus; necnon Archipresbyteratum secundam pro uno Archipresbytero qui secundum, & Primiceriatum tertiam pro uno Primicerio qui tertium, ac Thesaurarium quartam inibi dignitates pro uno Thesaurario, qui quartum locum in choro, Capitulo, processionibus, & actibus praedictis ante Canonicos praedictos habeant, necnon Canonicatus, & Praebendas, ceteraque Beneficia praedicta, alias juxta collationes, & provisiones de illis eorum possessoribus factas, pro Capitulo ejusdem Ecclesiae Lauretanae remanere declaramus.

§.6. Ac insuper Motu proprio non ad alicujus desuper Nobis oblatae petitionis instantiam, sed de nostra mera liberalitate, Familiae nostrae de Perettis de Monte alto juspatronatus, & praesentandi personam idoneam ad Archipresbyteratum praedictum quoties illum, per obitum aut resignationem, vel alias quovis modo, etiam apud Sedem praedictam vacare contigerit, Episcopo Lauretano pro tempore existenti, per eum ad praesentationem huiusmodi instituendam, auctoritate, & tenore praedictis pariter perpetuo reservamus, concedimus, & assignamus.

§.7. Non obstantibus nostra de non tollendo jure quaesito, ac quibusvis aliis Constitutionibus, & Ordinationibus Apostolicis, necnon Lauretan. Recanaten. Maceraten., Auximan., Anconitan., & Firman. Ecclesiarum praedictarum, juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, illis, earumque Praesulibus, Capitulis, & personis, sub quibuscumque te-

Dignitatum ejusdem Ecclesiae distinctio.

Jurispatronatus ad praesentandum Archipresbyterum reservatio, pro hujus Pontificis Familiae Peretta.

Clausula derogatoria.



noribus, & formis, ac cum quibuscumque etiam derogatoriis derogatoriis, aliisque efficacioribus, & insolitis clausulis, ne non irritantibus, & aliis decretis, etiam Motu simili, & consistorialiter, ac alias in contrarium quomodolibet concessis, approbatis, & innovatis, quibus omnibus, etiam si pro sufficienti illorum derogatione, de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores huiusmodi, ac si ad verbum inferrentur presentibus, pro expressis habentes, illis alias in suo robore permanentibus, hac vice dumtaxat specialiter, & expresse, ceterisque quibuscumque Motu simili derogamus.

Nulli ergo &c.

Dat. P. An.I.  
17. Martii.

Datum Romæ apud S. Petrum, Anno Incarnationis Dominicæ, millesimo quingentesimo octuagesimo sexto, 16. Kalend. Aprilis Pont. nostri Anno I.

### XXXV.

Approbatio Congregationis Clericorum Regularium Ministrantium infirmis, in Hospitalibus, & extra degentibus Romæ nuper instituta, cum habitus assignatione.

S I X T U S P A P A V.

*Ad perpetuam rei memoriam.*

Institutio Societatis Ministrantium infirmis.

**E**X omnibus Christianæ caritatis officiis, quibus æterna salus per gratiam Dei comparatur, illa Redemptori nostro Jesu Christo, vel maxime placere credimus, per quæ pauperes Christi infirmi, & in Hospitalibus existentes, in necessitatibus suis spiritualibus, & corporalibus adjuvantur. Quod genus officii dilectus filius Camillus de Lellis Presbyter Theatin. Diœc., & alii ejus socii, quam Deo gratum, & salutis animarum necessarium esse intelligentes, hæc diebus erga pauperes Christi, in Hospitalibus Urbis nostræ existentes, non minori affectu, quam mater erga quem unice educavit filium, demonstrarunt, quotidie hoc modo cum omni qua decet mansuetudine, & caritate ad patientiam, alios ad sacramentorum ecclesiasticorum susceptionem commonendo, alios in articulo mortis constitutos consolando, & denique ad bene moriendum die noctuque hortando demonstrare non cessant. Idemque præstare intendunt, tempore etiam, quod absit, pestilentie.

Petitio confirmationis a Papa.

§.1. Hi itaque Camillus, & socii infirmul, & in communi, sub paupertate, castitate, & obedientia, ita tamen, ut voto adstricti non sint vivere, & Altissimo, ac ejus pauperibus famulari proponentes, unam inter se Societatem, seu Congregationem, sub vocabulo, seu nomine Ministrantium infirmis, cujus principale institutum est,

speciali quodam caritatis fervore, infirmis prædictis inservire, sub nostro, & Sedis Apostolicæ beneplacito interunt, sperantes ex hoc multis incommodis, & periculis, in quæ sæpenumero dicti infirmi ob defectum talium ministrorum inciderunt, obviam iri, ac salutem animæ, & corporis multaque Christifidelibus commoda parari.

§.2. Nos eorum supplicationibus inclinati, ac de huiusmodi pio proposito, & vivendi modo, quo ipsi intendunt uti, plene, etiam ex relatione dilectorum filiorum nostrorum S. R. E. Cardinalium super consultatione, & causis Episcoporum, ac regularium, ac visitatione Apostolica deputatorum informati, ex certa nostra scientia, Congregationem, sub vocabulo, seu nomine Societatis Ministrantium infirmis, per unum majorem ministrum, seu superiorem (qui presbyter esse, ac per eandem Congregationem de triennio in triennium per majorem partem suffragiorum eligi debeat) regendam, & gubernandam, Apostolica auctoritate tenore presentium, perpetuo approbamus, & confirmamus, suppletentes omnes, & singulos, tam juris quam facti defectus, si qui intervenerint in eisdem.

Confirmatio dictæ institutionis.

§.3. Et quia dicta Congregatio proprietate rerum temporalium carere instituit, Nos pariter Camillo, & præfatis, ac pro tempore existentibus ipsius Congregationis sociis, & aliis ab eis deputatis, & deputandis, quod eleemosynas ubicumque, præterquam intra Ecclesias, Monasteria, & pia loca, colligere, ac in dictæ Congregationis communes usus convertere, Vicarii Urbis, seu cujusvis alterius licentia desuper minime requisita. Dictaque pietatis opera erga quoscumque infirmos, in quibuscumque Hospitalibus, seu aliis dictæ Urbis locis a dictorum Hospitalium, seu locorum præfectis, vel administratoribus vocati, seu de eorum licentia, vel consensu exercere, ipseque Superior, vel major Minister, qui ut præfertur, Presbyter esse debet, & alii ejusdem Congregationis presbyteri, dummodo alias sint idonei, & ab Urbis Vicario approbati, infirmorum, & ægotantium in dictis Hospitalibus, & locis existentium confessiones audire (sine præjudicio eorumdem Hospitalium aut locorum, vel eorum officialium, seu administratorum) libere, & licite valeant, tenore presentium facultatem concedimus, & indulgemus. Ita tamen, ut tam Superior quam alii dictæ Congregationis socii, ipsius Congregationis instituta, & ordinationes jam factas, & pro tempore faciendas, (dummodo illa, quamdiu ab Apostolica Sede approbata non fuerint, per ipsius Congregationis Protectorem revisa, & approbata sint) in communi, ex dictis piorum eleemosynis vivant.

Licentia eleemosynas colligendi in Urbe, ministrandique infirmis & audiendi eorum confessiones &c.

§.4. Non obstantibus quibuscumque Constitutionibus, & Ordinationibus Apostolicis, ceterisque contrariis quibuscumque.

Clausula derogatoria.

Dat. Romæ apud S. Petrum, sub Annulo Piscatoris, die 18. Martii 1586. Pontificatus nostri Anno I.

Dat. P. An.I.  
18. Martii.

Sequi-



Sequitur assignatio Habitus.

## SIXTUS PAPA QUINTUS

Ad perpetuam rei memoriam.

Petitio Habitus.

CUM Nos nuper Societatem, seu Congregationem, sub vocabulo, seu nomine ministrantium Infirmis per dilectos filios Camillum de Lelis Presbyterum Theatin. Diocesis, & alios ejus socios, sub nostro, & Sedis Apostolicæ beneplacito initam. Apostolica auctoritate approbaverimus, & confirmaverimus, prout in nostris die 18. Martii proxime præteriti desuper, in forma Brevis confectis literis plenius continetur. Ipsique Camillus, & socii pro feliciore dictæ Societatis, seu Congregationis directione pie desiderent, sicuti eorum Institutum ab aliis distinctum est, ita eorum habitum ab aliis distingui.

Habitus concessio.

§.1. Nos tenores dictarum literarum præsentibus pro expressis habentes, de consilio dilectorum Fratrum nostrorum Sanctæ Romanæ Ecclesiæ Cardinalium super statu Regularium dicta auctoritate deputatorum, Camillo, & aliis prædictis, ac pro tempore existentibus Superiori, & personis dictæ Congregationis, Crucem ex crassiori panno fulvi coloris, (qui vulgo Tane appellatur) super eorum vestibus a latere dextero perpetuo deferendi licentiam, & facultatem, auctoritate Apostolica tenore præsentium concedimus.

Derogatio contrariorum

§.2. Non obstantibus quibuscumque Constitutionibus, & Ordinationibus Apostolicis, ceterisque contrariis quibuscumque.

Dat. P. An. II.  
26. Junii.

Datum Romæ apud S. Petrum; sub Annulo Piscatoris, die 26. Julii 1586, Pontificatus nostri Anno II.

## XXXVI.

Confirmatio Constitutionis Pii V. de non infeudandis, & alienandis Castris, & locis S. R. E.

*Hanc Const. Pii V. habes in Tom. IV. Par. II. fol. 364. Admonet. ubi ejus extensiones, & declarationes tibi indicavi. Et hic Pontif. die 16. Januarii 1589. ex decreto in Consistorio habito, (quod hic ponere non curavi) declaravit, sub dicta Bulla Pii V. comprehendendi, etiam gubernia locorum Sedis Apost. ultra triennium, affirmans idem statuisse Gregorium XIII.*

## SIXTUS EPISCOPUS

SERVUS SERVORUM DEI

Ad perpetuam rei memoriam.

Causa hujus confirmationis Bullæ Pii Quinti.

QUANTA Apostolicæ Sedis dignitati detrimenta, & ejus subditis incommoda, ex Civitatum, Terrarum, & locorum Status Ecclesiastici distractione obvenerint, assidua mentis nostræ cogitatione revolventes, Pastoralis sollicitudinis Nobis divinitus commissæ zelo urgemur, illorum conservationi solertioris diligentia studio incumbere.

re, & quæ propterea a Prædecessoribus nostris maturo consilio, ac optima ratione sunt sancita, approbationis nostræ robore communire. Alias siquidem a fel. rec. Pio Papa V. Prædecessore nostro emanarunt literæ tenoris subsequenter. Pius Episcopus &c. *Omittitur tenor hujus Constit. quia habetur in Tom. IV. Par. II.* Admonet.

§.3. Et deinde piæ mem. Gregorius Papa XIII. etiam Prædecessor noster, literas prædictas, Apostolica auctoritate approbavit, & confirmavit, prout in ipsius Gregorii Prædecessoris literis desuper confectis plenius continetur.

Confirmatio ejusdem Bullæ edita a Gregor. XIII.

§.2. Quocirca ne literæ Pii Prædecessoris hujusmodi labentis temporis cursu valeant labefactari, sed eo validius subsistant, quo multiplici firmitatis vinculo sapius fuerint stabilitæ, vestigiis ipsorum Prædecessorum inherendo, easdem literas Pii V. Prædecessoris, & in eis contenta quæcumque ex certa scientia nostra, auctoritate prædicta tenore præsentium approbamus, & confirmamus, ac etiam innovamus, easque inviolabilis firmitatis robur obtinere, ac perpetuo observari debere volumus, & mandamus.

Confirmatio d. Constitutionis Pii V. nunc edita ab isto Pontifice.

Nulli ergo &amp;c.

Datum Romæ apud S. Petrum, Anno Incarnationis Dominicæ, millesimo quingentesimo octuagesimo sexto, 15. Kalend. Aprilis, Pont. nostri Anno I.

Dat. P. An. I.  
18. Martii.

## XXXVII.

Confirmatio Statutorum, & Stabilimentorum Hospitalis Sancti Joannis Hierosolymitani.

Ex Regest. in Secret. Brevis.

## SIXTUS PAPA QUINTUS

Ad perpetuam rei memoriam.

Salubri Regularium Personarum quarumlibet directioni sollicitis studiis intendentes, iis, quæ ad id tendere dignoscuntur, nostræ approbationis robur libenter adiicimus, aliasque desuper disponimus, prout in Domino conspiciamus salubriter expedire.

Procerum.

§.1. Sane pro parte dilectorum Filiorum Ugonis de Louben. Verdala Magni Magistri, & Capituli Generalis Hospitalis Sancti Joannis Hierosolymitani Nobis nuper exhibita petitio continebat, quo licet alias fel. rec. Paulus Papa III. Prædecessor noster stabilimenta, concordias, statuta, consuetudines, usus, & naturas dicti Hospitalis in unum Volumen redacta, & per nonnullos tunc S. R. E. Cardinales examinata per suas literas approbaverit, & confirmaverit, ac dictarum literarum suarum patrocinio communierit, supplens omnes, & singulos defectus, si qui intervenerant in eisdem, eaque voluerit, & mandaverit imposterum inviolabiliter observari, discernens tunc, & pro tempore existentes Magistrum, & Fratres dicti Hospitalis, seu ejus Religionis ad eorum dumtaxat, ex institutis regularibus, stabilimentis, statutis, con-

Paulus III. Constitutiones, &amp; stabilimenta hujus Militiæ confirmavit.



consuetudinibus, usibus, & naturis, quæ hætenus viguerant, in ipso Hospitali observationem teneri, & obligari, quæ in ea nova eorum moderatione, & Ordinatione continebatur, & non aliorum, quæ utpote inutilia, & superflua, aut alias inobservabilia tenta fuerant, & si in eorum, & fratres receptione de illorum observationis, promissionis, Juramento, & voto se astrinxissent, prout in eisdem literis, in quibus tenor de novo Ordinatorum Statutorum, & Stabilimentorum, concordiarum, usuum, & consuetudinum de verbo ad verbum insertus fuit, plenius continetur.

Nonnullis ob-  
scurioribus ab-  
latis novum  
statutorum co-  
scriptum volu-  
men.

§.2. Nihilominus ipsi Ugo Magister, & Conventus considerantes, quod in eisdem Statutis, Stabilimentis, & Consuetudinibus plura erant, quæ cum tunc temporis moribus non satis conveniebant, aut confuse, & obscure posita reperiebantur, & propterea litibus viam dabant, alia vero inter se diffidebant, & contrarium sensum, præferre videbantur, ac complura ad rem nihil omnino faciebant, opera nonnullorum ipsius Hospitalis Fratrum illius negotiorum peritissimorum ad id specialiter deputatorum effecerunt, ut sublatis quantum fieri potuit, difficultatibus, & omni ambiguo intellectu dilucidatis obscuris, & iis, quæ dissidere videbantur, in unum sensum adductis, & quibusdam non necessariis resecatis, ac additis permultis aliis Stabilimentis ad Divini Cultus augmentum, & ipsius Hospitalis utilitatem, ac salubrem illius personarum directionem tendentibus, quæ postmodum per quam Joannem de Valletta tunc in humanis agentem, & ipsius Hospitalis Magistrum, & dictum Ugonem ac alios ipsius Hospitalis Magistros successive edita fuerunt, & ab omnibus desiderabantur, & efflagitabantur Statuta, Stabilimenta, & consuetudines huiusmodi in unum novum volumen sub nomine ipsius Ugonis Magistri redigerentur, & compilarentur.

Per Oratorem  
Magni Magistri  
Sixti Pontifici oblatum

§.3. Quare Joannes Baptista Rondinellus dicti Hospitalis Frater, & prædicti Magistri, & Conventus Hospitalis S. Joannis apud Nos Orator pro parte Ugonis Magistri, & Capituli prædictorum Nobis humiliter supplicavit, ut Statutis, Stabilimentis, & Consuetudinibus in unum novum Volumen, ut præfertur, redactis, & compilatis pro eorum subsistentia firmiori robur nostræ approbationis adiicere, aliasque in præmissis opportune providere de benignitate Apostolica dignaremur.

Huiusmodi  
statuta confir-  
mat Pontifex.

§.4. Nos igitur ad præclara Religionis huiusmodi merita debitum respectum habentes, & considerantes, illius Fratres Fidei Catholicæ indefessos propugnatores, cultores, & defensores existere, huiusmodi supplicationibus inclinati Stabilimenta, Statuta, & Consuetudines in unum novum volumen sub nomine ipsius Ugonis Magistri, ut præfertur, redacta, & compilata, quæ per dilectum Filium nostrum Antonium tituli Sanctorum Joannis, & Pauli Presbyterum Cardinalem Carrafam inspicere, & examinari fecimus, & de quorum continentia

*Bull. Rom. Tom. IV. Par. IV.*

ab eodem Antonio Cardinale fidelem habuimus relationem, Apostolica auctoritate tenore præsentium approbamus, ac illis perpetuæ, & inviolabilis firmitatis robur adiicimus, suppletes omnes, & singulos tam Juris, quam facti defectus, si qui forsan intervenerint in eisdem, eaque omnia perpetuis futuris temporibus valida, & efficacia fore, suosque plenarios effectus sortiri, & ea solum, & non alia antiqua ab omnibus inviolabiliter observari debere decernimus.

§.5. Non obstantibus præmissis, ac Constitutionibus, & Ordinationibus Apostolicis ceterisque contrariis quibuscumque.

Obstantia col-  
lit.

Datum Romæ apud S. Petrum sub Annulo Piscatoris die 20. Martii 1586. Pontificatus nostri Anno I.

Dat. die 20.  
Martii 1586.  
An. I.

### XXXVIII.

Annorum reddituum concessio Archiconfraternitati B. Mariæ Virginis Consolatoris de Urbe, nuncupata, cum facultate ubique eleemosynas colligendi, ad Christianorum redemptionem ab infidelium captivitate.

*Hoc piissimum redemptionis opus huic Archiconfraternitati delegavit Greg. XIII. ut in sua Const. CXXX. Christianæ. supra fol. 2. Et alia, quæ eandem concernunt Archiconfraternitatem, attende in ejusdem Gregorii Const. LVII. Pastoris. Tom. IV. Par. III. fol. 319.*

## SIXTUS EPISCOPUS

### SERVUS SERVORUM DEI

*Ad perpetuam rei memoriam.*

Cum benigna Mater Ecclesia filios suos, qui in teterrima infidelium captivitate constituti, non solum corporum, sed etiam animarum discrimen patiuntur, adeo intimis misericordiæ suæ visceribus completatur, ut pro illis in libertatem reducendis, facultates suas libenter exponat, sacrisque rebus, & prætiosis vasis maternæ liberalitate non parcat. Nos qui ipsius Ecclesiæ administrationem curæ nostræ divinæ dispositione commissam gerimus, magnopere adstrictos esse cognoscimus, ut eorundem Captivorum, qui in baptismatis fonte Christum induerunt, templumque Dei facti sunt, miserandis calamitatibus, & tormentis, quibus in odium Christiani nominis savissime excruciantur condolentes, illorum libertatem dilectione ac religione ipsa procuremus, & quæ propterea pie facta fuisse comperimus, ut firmiora perdurent, confirmanda, & innovanda fore censeamus; ac ne tam pium opus, quod ceteris corporalibus misericordiæ operibus antecellit, & in quo uno fere omnia quasi per compendium simul exercentur, necessariis subsidiis deferatur, operarias manus interponendas, Christique fidelibus agros uberes, in quibus caritatis semina mittant, messiem in Regno Coelorum amplissimam expectaturi, toto cordis affectu offerendos

Præcimum.

B b esse



Gregor. XIII.  
Redimendorū  
captivorum.  
Status Eccle-  
siastici opus in  
Urbe instituit,  
& Archicōfra-  
ternitati Con-  
falonis, com-  
misit, ut in  
ejus Bulla cit.  
in sub.

esse judicavimus, illos spiritualibus mune-  
ribus, Indulgentiis videlicet, & peccato-  
rum remissionibus invitantes, ut ad tantā,  
& tam salutaris operationis exercitium ve-  
hementius excitentur, promptioresque  
reddantur, & piis eorum eleemosynis re-  
dempti, gratiarum Deo referant actiones.

§.1. Dudum siquidem fel. rec. Grego-  
rius Papa XIII. Prædecessor noster, qui mi-  
serorum Captivorum, & præsertim eorum,  
qui suæ, & Sedis Apostolicæ temporali di-  
tioni subiecti erant, oppressiōibus, ne lan-  
guescente carnis infirmitate, ac verbi Dei  
prædicatione, & Sacramentorum solatio  
destituti, desperationi succumbentes, ad  
susceptā in Baptismo fidei desertionem (uti  
non raro, proh dolor, solet contingere)  
inducerentur, succurrere volens, redimen-  
dorum Captivorum opus jamdiu in alia Or-  
bis loca diffusum, etiam in Alma Urbe sa-  
lubriter instituit, illiusque onus universum,  
quod magnum esse intelligebat, curæ, &  
solicitudini Venerabilis Archiconfraterni-  
tatis Confalonis Gloriosissimæ Virginis Ma-  
riæ, antiquitate, & nobilium Virorum co-  
pia admodum insignis. Motu proprio im-  
posuit; ad hoc ut ipsa Archiconfraternitas,  
illiusque Custodes, & Confratres pro tem-  
pore existentes, quoscumque Christifideles  
dictæ Urbis, ac Provinciarum, Civitatum,  
Terrarum, & locorum dictæ ditioni media-  
te, & immediate subiectorum, in dira infi-  
delium servitute detentos redimerent,  
eleemosynasque, & oblata quæcumque in  
omni loco eidem ditioni, ut præfertur, subie-  
cto, quærent, & acciperent, prout in  
ejusdem Prædecessoris literis desuper confe-  
ctis plenius continetur.

§.2. Cum autem, sicut accepimus, di-  
lecti filii Magister Hieronymus Avila Juris  
utriusque Doctor, literarum Apostolica-  
rum Corrector, & Abbreviator, ac in utra-  
que Signatura nostra Referendarius, & Præ-  
latus noster domesticus, Paulus Matthæus,  
Carolus de Maximis, & Ulysses Lanceri-  
nius Patritii Romani, moderni ipsius Ar-  
chiconfraternitatis Custodes, & alii Con-  
fratres maximo pietatis zelo ducti in hujus-  
modi tam pio opere se pro viribus exercere  
intendentes, ac eorumdem Captivorum ne-  
dum liberationem, sed etiam spirituales  
consolationem, & animarum salutem quæ-  
rentes, Redemptores inter quos duos Or-  
dinis Fratrum Minorum Cappuccinorum  
nuncupatorum professores, qui non solum  
Captivos redimerent, sed illos spiritualiter  
eorum confessiones audiendo, & Sacra-  
menta Ecclesiastica illis ministrando juvare,  
afflictis solatium præbere, debiles in fide  
consolidare, dubios, & vacillantes con-  
firmare, & eos, qui doctrina indigerent, eru-  
dire, ac denique ubi majus periculum immi-  
neret, ibi sese diligentiores Christi Mini-  
stros exhibere possent, & deberent, Alge-  
rium de ipsius Prædecessoris licentia mise-  
runt. Illi autem profecti, ac de eorumdem  
Captivorum libertate, & animarum salute  
solliciti, verbo, & exemplo eos illuminan-  
tes, multa, ad proximorum utilitatem, &

ædificationem, ac Fidei Catholicæ exalta-  
tionem, Domino cooperante, in medio  
operationis prævæ, & perversæ fecerunt,  
qui demum pestis contagione affecti cum  
maximo Captivorum gemitu, & dolore ac  
lacrymis obdormiverunt in pace.

§.3. Nos igitur illius, qui sui præciosissi-  
mi sanguinis effusione genus humanum de  
manibus adversarii quærentis quem devo-  
ret, eripere dignatus est, exemplo docti,  
ac de statu filiorum, more pii patris cogi-  
tantes, cupientesque ut hujusmodi Redem-  
ptionis opus, etiam in Urbe, & toto Statu  
Ecclesiastico hujusmodi sic feliciter incoe-  
ptum, ab eisdem Custodibus, & Confratri-  
bus in Domino promoveatur, ipsique Custo-  
des, & Confratres, Redemptores ac alios  
Religiosos ad easdem infidelium partes  
pronisci faciant, ne filii Status Eccle-  
siastici in misera servitute degentes, qui  
alios concaptivos de tenebris, & umbra  
mortis educi quotidie vident, se solos ibi  
perpetuæ oblivioni traditos, & derelictos  
existiment, Custodes, & Confratres, præ-  
dictos, eorumque singulos a quibusvis ex-  
communicationis, suspensionis, & inter-  
dicti, aliisque Ecclesiasticis sententiis, cen-  
suris, & pœnis, a jure vel ab homine, qua-  
vis occasione vel causa latis, si quibus quo-  
modolibet innodati existunt ad effectum,  
præsentium dumtaxat consequendum, ha-  
rum serie absolventes, & absolutos fore  
censentes, ac literarum Gregorii Præde-  
cessoris, hujusmodi tenores etiam veriores,  
præsentibus pro expressis habentes. Motu  
proprio non ad Custodum, & Confratrum  
prædictorum, seu alicujus eorum, aut al-  
terius pro eis Nobis super hoc oblata peti-  
tionis instantiam, sed ex mera liberalitate,  
ac scientia nostris, deque Apostolicæ pote-  
statis plenitudine, institutionem, & ere-  
ctionem Redemptionis Captivorum hujus-  
modi per eundem Prædecessorem, ut præ-  
fertur, factas, Apostolica auctoritate, te-  
nore præsentium approbamus, & confir-  
mamus, illisque perpetuæ firmitatis robur  
adiicimus, ac omnes, & singulos, tam  
juris quam facti defectus, si qui interve-  
nerunt in eisdem, supplemus. Et nihi-  
lominus hujusmodi opus Redemptionis  
Captivorum, in dicta Urbe, totoque Statu  
Ecclesiastico, ut præfertur, mediate, &  
immediate subiecto, quod Redemptio Ca-  
ptivorum Sedis Apostolicæ, & Status Ec-  
clesiastici, mediate, & immediate subie-  
cti Archiconfraternitatis Confalonis nun-  
cupetur, de novo auctoritate, & tenore  
prædictis perpetuo erigimus, & instituimus.

§.4. Illudque sic erectum, & institutum  
solerti curæ, & solitudini ejusdem Ar-  
chiconfraternitatis, quam singulari dile-  
ctione prosequimur, & cujus Confratres  
laudabiles caritatis effectus continuo produ-  
cere non cessant, committimus, & deman-  
damus. Ita quod ipsius Archiconfraterni-  
tatis, nunc, & pro tempore existentes  
Custodes, & Confratres, ac ab eis deputa-  
ti, quoscumque Christifideles ejusdem Sta-  
tus, in infidelium servitute detentos redi-  
mere

Hic Pontifex  
dictam insti-  
tutionem Re-  
demptionis  
captivorum  
confirmat.

Quæ sedulo  
tam pio operi  
studere co-  
pit.

Curamque di-  
ctæ Redem-  
ptionis eidem  
Archiconfra-  
ternitati iterū  
concedit.



Facultatē de-  
putandi qua-  
stores in Sta-  
tu Ecclesiasti-  
co ad collige-  
dum eleemo-  
synas pro di-  
cta Redem-  
ptione indul-  
get.

FratribusSan-  
ctissimæ Tri-  
nitatis, & aliis  
ne eleemosy-  
nas huiusmo-  
di in StatuEc-  
clesiastico que-  
rere, vel re-  
cipere prohibe-  
t.

mere, & propterea in dicta Urbe ac omni  
& quocumque alio loco dictæ ditioni me-  
diate, & immediate subiecto, eleemosy-  
nas, & oblata quæcumque quærere, & ac-  
cipere.

§.5. Ac ad id Quæstores probos, quot eis  
videbitur, deputare, qui eleemosynas obla-  
tiones, legata, & quæcumque alia subsidia  
huiusmodi in toto Statu prædicto, ut præ-  
fertur, subiecto, pro huiusmodi Redemptione,  
& causis ad eam pertinentibus perquirant,  
pecuniasque inde congerendas penes  
publicum mercatorem fide, & facultati-  
bus idoneum, donec illæ in Redemptionem  
Captivorum huiusmodi arbitrio ipso-  
rum Custodum, & Confratrum erogentur,  
libere, & licite possint, & valeant.

§.6. Volentes, & ita decernentes, quod  
tam in dicta Urbe, quam in quibusvis Pro-  
vinciis, Civitatibus, Oppidis, Castris, &  
locis ipsi ditioni, ut præfertur, subiectis,  
nulli etiam Sanctissimæ Trinitatis, ac Bea-  
tæ Mariæ de Mercede Redemptionis Capti-  
vorum, seu aliorum quorumvis Ordinum  
professores, seu quicumque alii etiam præ-  
textu quorumcumque privilegiorum, & in-  
dultorum Apostolicorum, ac quorumvis  
aliorum concessionum, & gratiarum, eisdem,  
seu quibusvis aliis Ordinibus, vel per-  
sonis quomodolibet concessorum, & pro  
tempore concedendorum, tam pro Re-  
demptione generali, quam particularium,  
personarum, eleemosynas seu etiam spon-  
te oblata, aut alias quomodolibet quærere,  
& accipere ullo modo possint neque debeant  
præfati tamen Sanctissimæ Trinitatis profes-  
sores, in Urbe, ac toto Statu Ecclesiastico,  
ut præfertur, subiecto huiusmodi, in illis  
locis in quibus eorum Ordinis regulares do-  
mos habent, & pro tempore habebunt, ad  
eorum victum necessaria tantum, & nulla  
tamen Redemptionis Captivorum facta  
mentionem, in aliis vero Civitatibus, & lo-  
cis extra dictum Statum, ut præfertur, me-  
diate, & immediate subiectum, etiam ele-  
emosynas pro captivis redimendis pe-  
tere, & accipere valeant privilegiorum  
suorum vigore, quibus ac aliis iuribus, &  
actionibus, & præsertim ratione Monaste-  
rii, & Hospitalis Sancti Thomæ in Formis  
in monte Coelio, ac Ecclesiæ, & domus  
Sancti Stephani in Trullo de dicta Urbe ei-  
dem Ordini competentibus, quoad hoc  
nullo modo præiudicare intendimus, au-  
thoritate, & tenore prædictis etiam perpe-  
tuo statuimus, & ordinamus. Districtius  
inhibentes prædictorum, ac quorumvis  
aliorum Ordinum professoribus, & aliis qui-  
busvis personis, etiam quantumvis privile-  
giatis, ne eleemosynas, & oblata, sive le-  
gata pro Redemptione Captivorum, in Ur-  
be, ac toto Statu Ecclesiastico, ut præfertur,  
subiecto huiusmodi Redemptionis opere,  
quomodolibet se intromittere audeant, seu  
præsumant.

§.7. Insuper pro majori ipsius Redem-  
ptionis subventionem, ex omnibus, & qui-  
buscumque facultatibus seu licentiis testan-  
di de bonis Ecclesiasticis, quibusvis perso-

nis per Nos, & Sedem prædictam quomo-  
dolibet concedendis (non tamen S. R. Ec-  
clesiæ Cardinalibus, nec aliis quibus simi-  
les facultates, gratias, & absque alicujus  
compositionis solutione de mandato nostro  
& pro tempore existentis Romani Pontificis  
concedentur) ducatum unum auri in auro  
pro quolibet centenariis. Si vero huiusmo-  
di facultates fuerint usque ad quamcumque  
summam, solvatur similiter ducatus unus  
pro quolibet centenariis, habita ratione  
compositionis Datario pro tempore existen-  
ti persolvenda. Ac pro singulis absolutio-  
nibus ab homicidii reatu, tam in Dataria  
nostra, seu per Breve expediendis, quam  
toto Statu Ecclesiastico immediate subiecto,  
a quibusvis Legatis, Vicelegatis, vel Gu-  
bernatoribus, quibusvis personis quomo-  
dolibet concedendis, etiam si gratis conce-  
dantur, ducatos duos similes. Necnon pro  
singulis concessionibus, seu licentiis alie-  
nandi vel permutandi bona Ecclesiastica,  
seu illarum confirmationibus, quibusvis  
quomodolibet concedendis, quorum bo-  
norum annuus redditus valorem quin-  
que ducatorum similium non excedat,  
ducatum unum, si vero eundem valorem  
exceperint, ducatos duos. Ulterius pro sin-  
gulis plumbis omnium, & quarumcumque  
literarum Apostolicarum sub plumbo, tam  
per Cancellariam, vel Cameram, aut viam  
secretam, quam per minoris gratiæ, &  
contradictarum officia quomodolibet, etiam  
gratis expediendarum, julium unum mo-  
netæ currentis eidem Archiconfraternitati,  
ita ut illius Custodes, & ab eis deputati pro  
tempore existentes, taxas, ac julium huius-  
modi a quibusvis personis, illas, & illum,  
nunc, & pro tempore habentibus, seu sol-  
vere debentibus, propria auctoritate exige-  
re, ac de exactis quietare, & in Captivo-  
rum Sedis, & Status prædictorum Redem-  
ptionem convertere, libere, & licite va-  
leant etiam perpetuo, auctoritate, & te-  
nore prædictis, gratiose concedimus, &  
elargimur. Necnon taxas, & julium hu-  
iusmodi ex nunc eidem Archiconfraternita-  
ti similiter perpetuo applicamus, & appro-  
priamus, ac applicatas, & applicatum, nec-  
non appropriatas, & appropriatum fore,  
& esse volumus, atque decernimus. Distri-  
cte præcipientes modernis, & pro tempore  
existentibus Datario, secretariis, plumba-  
toribus, ac tam in Dataria quam Secreta-  
ria, & plumbo nostris Officialibus, expe-  
ditoribus, Legatis, Vicelegatis, vel Gu-  
bernatoribus prædictis, illisque in virtute  
sanctæ obedientiæ mandantes, ne supplica-  
tiones, Motus proprios, Brevia, seu alias  
patentes literas super facultatibus testandi,  
absolutionibus, licentiis alienandi, seu il-  
larum confirmationibus, aut alias quas-  
cumque literas Apostolicas huiusmodi ex-  
pediant, seu partibus relaxent, nisi prius  
integre eidem Archiconfraternitati de il-  
lis secundum præmissa satisfactum fuerit,  
Alias gratiæ ipsæ nullius sint roboris, & ni-  
hilominus ipsi Officiales, expeditores,  
plumbatores, seu Ministri, taxas, & julium

Redditus ex-  
peditionū hic  
descriptarum  
eidem Archi-  
confraternita-  
ti assignat.



Bonorum etiā  
emphyteuti-  
corum dispo-  
sitiones ad fa-  
vorem dictæ  
Archiconfra-  
ternitatis pro  
hac Redem-  
ptione fieri  
posse decla-  
rat.

hujusmodi eidem Archiconfraternitati ut  
præfertur, debitas, & debitum de eo-  
rum proprio solvere teneantur, & obligati  
existant.

§.8. Necnon ut quæcumque, & qualia-  
cumque bona etiam emphyteutica eidem  
Archiconfraternitati pro Redemptione Cap-  
tivorum prædictorum, tam inter vivos  
quam mortis causa, seu testamento, vel  
codicillis dari, co necdi, seu relinqui libe-  
re possint, dummodo ipsa Archiconfrater-  
nitas ad eadem onera, ad quæ donator, seu  
testator hujusmodi occasione bonorum eo-  
rumdem tenebatur, & quæcumque alia,  
quæ ipsa donator seu testator etiam impo-  
suerit, omnino teneatur. Et si ad certum  
numerum generationum, aut nominatio-  
num eadem bona concessa fuerant, ipsa  
Archiconfraternitas, non perpetuo, sed  
per viginti annos pro qualibet generatione  
seu hujusmodi bona prædicta tenere, illa-  
que locare, & dislocare, ac illorum red-  
ditus in Redemptionem Captivorum hujus-  
modi convertere possit, quæ finitis ipsis an-  
nis ad eorum directos dominos devolvantur,  
etiam perpetuo statuimus, & ordinamus.

Legata in Sta-  
tu Ecclesiasti-  
co (non ta-  
men per ali-  
qua certa per-  
sona, seu regu-  
lari loco) pro Redem-  
ptione capti-  
vorum, Redem-  
ptioni præ-  
dictæ applicat

§.9. Declarantes, quod quæcumque le-  
gata, & aliæ dispositiones pro Redemptio-  
ne Captivorum a quibusvis personis, tam  
in dicta Urbe, quam in toto Statu Ecce-  
siastico, mediate, & immediate subje-  
cto, non tamen in favorem certæ perso-  
næ, seu alienius regularis loci, vel Sanctis-  
simæ Trinitatis, aut Beatæ Mariæ de Mer-  
cede Redemptionis Captivorum Ordinum  
hactenus facta, & non soluta, & pro tem-  
pore quomodolibet faciendæ, censeantur,  
& intelligantur facta fuisse, & esse ad favo-  
rem Redemptionis Captivorum, Sedis, &  
Status prædictorum, illaque ab eis, ad quos  
spectat, & pro tempore quomodolibet spe-  
ctabit, Custodibus, seu ab eis Deputatis præ-  
dictis ad effectum præmissorum realiter, &  
absque aliqua exceptione solvi omnino de-  
beat.

Ecclesiasticis  
personis (ter-  
tia parte Ar-  
chiconfrater-  
nitati soluta)  
usque ad seu-  
ta 300. dispo-  
nere posse in-  
dulget.

§.10. Insuper omnibus, & singulis, ac  
quibuscumque personis Ecclesiasticis, seu  
beneficia Ecclesiastica obtinentibus, ut de  
illorum bonis, mobilibus, & immobilibus,  
ac fœmoventibus, etiam ex fructibus  
beneficiorum Ecclesiasticorum, ac alias quo-  
omodolibet, etiam propriis labore, & in-  
dustria acquisitis, usque ad summam tre-  
centorum ducatorum similium in ejusdem  
Archiconfraternitatis pro ipsa Redemptio-  
ne, seu in aliarum quarumcumque, etiam  
extranearum (non tamen incapacium, &  
de jure prohibitarum) personarum favo-  
rem disponere, ipsaque bona usque ad di-  
ctam summam, tam ex testamento, quam  
donatione inter vivos, aut alia quavis di-  
spositione Archiconfraternitati, seu perso-  
nis prædictis relinquere, dummodo si in  
aliorum, ut præfertur, quam in ipsius Ar-  
chiconfraternitatis favorem disposuerint,  
tertia pars dictorum bonorum ad eandem  
Archiconfraternitatem deveniat, alias di-  
spositiones hujusmodi nullæ sint eo ipso, li-  
centiam, & facultatem impartimur.

§.11. Præterea eidem Archiconfrater-  
nitati, illiusque Custodibus, seu ab eis de-  
putatis, quod in quibuscumque Cathedrali-  
bus, etiam Metropolitanis, Collegiatis,  
Parochialibus, & aliis quibuscumque seculari-  
bus, & quorumvis Ordinum regularibus  
Ecclesiis, ac in quibuscumque Maritimis,  
& aliis Portibus, tam dictæ Urbis, quam  
Provinciarum, Civitatum, Oppidorum, ca-  
strorum, & locorum quorumlibet totius  
Status Ecclesiastici, mediate, & immédia-  
te subiectis, capsa pro colligendis fidelium  
elemosynis pro ipsa Redemptione tenere,  
& manutenere, ac a dilecto filio moderno,  
& pro tempore existente nostro Vicario in  
spiritualibus generali in dicta Urbis, illius-  
que districtu, ac ab aliis locorum Ordina-  
riis, illorumque Vicariis, & Officialibus,  
in eorum Civitatum, & Dioecesum Ecce-  
lesiis, secularibus, & quorumvis Ordinum  
regularibus, etiam quantumcumque privi-  
legiatis, & exemptis, necnon a Guberna-  
toribus, & aliis officialibus, & ministris, in  
dictis partibus, ac aliis ejus benevisis locis,  
contraditione, seu reclamatione quibus-  
cumque postpositis, perpetuo manuteneri  
facere libere valeant, ipsique locorum Or-  
dinarii, ac noster, & eorum Vicarii, &  
Officiales, Gubernatores, & Ministri om-  
nino debeant, & teneantur, nec super præ-  
missis dicta Archiconfraternitas, illiusque  
Custodes, & Deputati prædicti ab aliquo  
quovis prætextu impediri possint, etiam  
perpetuo concedimus, & indulgemus.

§.12. Hortamur demique, & per Re-  
demptionis humani generis sacramentum  
obtestamur universos, & singulos Archie-  
piscopos, Episcopos, Abbates, Priores, &  
alios Ecclesiarum Prælatos, necnon Recto-  
res Parochialium Ecclesiarum, ac nostrum  
in dicta Urbe, illiusque districtu, eorumque  
Vicarios, & officiales, ac ceteras ecclesi-  
asticas, seculares, & quorumvis Ordinum  
regulares personas, nunc, & pro tempore  
existentes, quatenus huic operi faveant,  
illudque per seipsos, vel alium, seu alios,  
etiam adhibitis verbi Dei concionatoribus  
in suis quisque Ecclesiis, plateis, & locis,  
ac ubicumque opus fuerit, etiam sæpe, &  
sæpius, ac quoties pro parte Custodum præ-  
dictorum, seu ab eis deputatorum, aut ali-  
cujus eorum requisiti fuerint, omnibus  
Christifidelibus publicent, atque denuncient,  
illosque ad conferendum elemosynas, obla-  
tiones, & legata prædicta, studio, & cari-  
tate accedant, & efficacibus hortationibus  
inducant.

§.13. Et insuper supradictos omnes lo-  
corum Ordinarios, ac alios jurisdictionem  
exercentes vehementer suademus, quod  
aliquam portionem poenarum delinquenti-  
bus imponendarum, tam pio operi appli-  
cent, ut miseris, & afflictis Captivis, quo-  
rum animarum periculum imminet, copio-  
sius succurratur. Ceterum ut pium hoc  
opus salubribus institutis dirigatur, Custo-  
dibus, & Confratribus prædictis quæcum-  
que statuta, ordinationes, & decreta, li-  
cita, & honesta, ac sacris Canonibus, &  
Con-

Ordinarios, &  
alios horta-  
tur, ut huic  
operi faveant

Pœnasque de-  
linquentium  
in aliqua par-  
te huic operi  
applicent.



Concilii Tridentini decretis non contraria, ab eodem nostro Vicario approbanda ad faustum, & incolumen statum ipsius operis rite, & recte custodiendum condere, ac condita, quoties opus fuerit, mutare, & alterare, aliaque de novo edere, etiam ab eodem nostro Vicario approbanda, ceteraque in præmissis quomodolibet necessaria, & opportuna facere, exequi, & exercere, licentiam tribuimus, & facultatem.

§.14. Ut autem tam ipsius Archiconfraternitatis, illique aggregatarum, & pro tempore aggregandarum Confraternitatum utriusque sexus Confratres, nunc, & pro tempore existentes, quam alii Christiani fideles in huiusmodi instituto alacrius persistant, quo ex hoc, dono coelestis gratiae conspexerint se uberius esse refectos, de Omnipotentis Dei misericordia, ac beatorum Petri, & Pauli Apostolorum ejus auctoritate confisi, omnibus, & singulis Archiconfraternitatis, & Confraternitatum prædictarum Confratribus, ac aliis utriusque sexus Christianis fidelibus, qui Orationi quadraginta horarum quodcumque ab eadem Archiconfraternitate, & singulis Confraternitatibus prædictis haberi contigerit, vere poenitentes, & confessi, ac sacra communione refecti devote interfuerint, & ibi pro S. Matris Ecclesiae exaltatione, Captivorum in fide Catholica constantia, ac huius instituti progressu, & augmento pias ad Deum preces effuderint, bis in anno quolibet, plenariam omnium, & singulorum peccatorum suorum indulgentiam, & remissionem misericorditer in Domino concedimus, & elargimur. In aliis vero vicibus quibus huiusmodi oratio habebitur, centum annos. Ac tam Archiconfraternitatis, quam singulorum Confraternitatum prædictarum Confratribus, & aliis utriusque sexus Christianis fidelibus, qui Captivis prædictis, dum ad Urbem veniunt, processionaliter obviam, iverint, vel illos ad visitandum limina Apostolorum, aut aliam dictae Urbis Ecclesiam pro gratiarum actione eorum liberationis processionaliter comitati fuerint, vel ipsas processiones, seu earum alteram associaverint, & ut præfertur, oraverint, pro qualibet processione huiusmodi, decem annos, & totidem quadragenas, Necnon, tam Confratribus, quam aliis Christianis fidelibus prædictis, qui in hoc pio negotio operam suam quoquomodo posuerint, quocumque die quo id fecerint, etiam decem annos, & decem quadragenas. Illis vero, qui eodem Captivos, tam in itinere post eorum liberationem, dum omnes simul ad Urbem veniunt, quam in ipsa Urbe hospitio exceperint, ac fraterna in Domino caritate tractaverint, & adiuverint, illisque inservierint, quoties id fecerint, decem annos, & totidem quadragenas, de iniunctis eis, aut alias quomodolibet debitis poenitentiis, etiam misericorditer in Domino relaxamus.

§.15. Præsentibus, quas sub quibusvis similibus, vel dissimilibus gratiarum, concessionum, & indulgentiarum revocationi-

bus, limitationibus, suspensionibus, derogationibus, ac aliis contrariis dispositionibus, quavis auctoritate, etiam per Nos, & pro tempore existentes Romanos Pontifices Successores nostros, ac Sedem eandem, aut alias ex quacumque quantumvis urgentissima, ac necessaria causa, etiam in favorem Basilicæ Principis Apostolorum de dicta Urbe, Cruciatæ Sanctæ, vel expeditionis contra infideles, ac etiam Motu, scientia, & potestatis plenitudine similibus, in genere, vel in specie, & alias quomodolibet factis, & emanatis nullatenus umquam comprehensas, sed semper ab illis exceptas, & quoties illæ emanabunt, toties in pristinum, & validissimum statum restitutas, & plenarie reintegratas, ac de novo, etiam sub posteriori data per pro tempore existentes ipsius Archiconfraternitatis Custodes eligenda, concessas fore, & esse, ac censerī. Ipsisque Custodibus, & Confratribus, ac aliis supradictis suffragari debere, decernimus, perpetuis futuris temporibus duraturis, etiam si Archiconfraternitati, & singulis Confraternitatibus, ac aliis fidelibus prædictis pro præmissis peragendis, aut alias aliqua alia indulgentia, perpetuo, vel ad tempus nondum elapsum duratura, per quotiescumque Romanos Pontifices Prædecessores nostros, & Sedem eandem concessa fuerit. Et ne præsentēs literæ sub revocationibus, limitationibus, suspensionibus, derogationibus, ac aliis dispositionibus prædictis comprehendantur, ipsique Custodes, & Confratres, ac ab eis Deputati super præmissis, aut eorum aliquo, a quoquam molestentur, seu perturbentur, easdem præsentēs nullo umquam tempore, etiam ad quorumvis instantiam ex quacumque causa revocari, suspendi, alterari, limitari, aut ad juris terminos reduci, vel illos contra eas in integrum restitui, neque easdem literas, de subreptionis, vel obreptionis, aut nullitatis vitio, seu intentionis nostræ, vel quovis alio defectu notari posse, nec causam, seu causas, propter quam, seu quas illæ emanarunt, coram locorum Ordinariis, etiam tamquam a dicta Sede delegatis, vel aliis quibusvis iudicibus verificari debere, neque propterea, aut ex eo quod interesse habentes, seu prætendentes ad hoc vocati non fuerint, per subreptionem obtentas præsumi, & viribus carere.

§.16. Sicque per quoscumque Iudices Ordinarios, & delegatos quavis auctoritate fungentes, etiam causarum Palatii Apostolici Auditores, ac S. R. E. Cardinales, sublata eis, & eorum cuilibet quavis aliter iudicandi, & interpretandi facultate, & auctoritate, ubique iudicari, & definiri debere, irritum quoque, & inane, quicquid secus super his a quoquam quavis auctoritate scienter, vel ignoranter contigerit attentari, decernimus.

§.17. Et nihilominus venerabilibus fratribus nostris Ravennaten., & Bononien. Archiepiscopis, ac dilecto filio Curiae causarum Camerae Apostolicæ generali Audi-

Decretum irritans.

Executores huius Constitutionis deputatio, & facultates.

Indulgentiasque hic expressas Archiconfraternitati, & aliis ei aggregandis Confraternitatibus, ceterisque personis respective concedit.

Clausula præservativa.



tori, Motu simili per Apostolica scripta mandamus, quatenus ipsi, vel duo, aut unus eorum, per se, vel alium, seu alios presentes literas, & in eis contenta quaecumque, ubi, & quando opus fuerit, ac quoties pro parte Custodum, vel Confratrum, seu ab eis deputatorum praedictorum, seu alicujus eorum fuerint requisiti, solemniter publicantes, eisque in praemissis efficacis defensionis praesidio assistentes, faciant auctoritate nostra easdem presentes literas, & in eis contenta quaecumque ab omnibus, semper & ubique, firmiter, & inviolabiliter observari, suosque plenarios, & integros effectus in omnibus, & per omnia fortiri, ac debitae executioni demandari. Non permittentes quemquam ipsorum per quoscumque super praemissis quomodolibet molestari, perturbari, vel inquietari. Contradictores, molestatores, & perturbatores quoslibet, ac praemissis non parentes, per sententias, censuras Ecclesiasticas, ac etiam pecuniarias, eorum, & cujuslibet ipsorum arbitrio imponendas, ac eidem Redemptionis operi applicandas poenas, aliaque opportuna juris, & facti remedia, quaecumque appellatione postposita, compescendo. Nos enim illis, & eorum cuilibet, omnes, & singulos sua in praemissis quomodolibet interesse putantes, etiam per edictum publicum constituto summarie, & extrajudicialiter de non tuto accessu citandi, eisdemque, ac quibus, & quoties opus fuerit, sub similibus, vel dissimilibus sententiis, censuris, & poenis inhibendi, ac legitimis super his habendis servatis processibus, ipsos sententias, censuras, & poenas praedictas incurrisse declarandi, illasque etiam saepius aggravandi, & interdictum Ecclesiasticum apponendi, invocato etiam ad hoc, si opus fuerit, auxilio brachii saecularis, plenam, & liberam auctoritate, & tenore praemissis concedimus facultatem. Ac ut tam salutare opus in dies augeatur, universos, & singulos Reges, Duces, Marchiones, Comites, & Principes saeculares, & alios Dominos, ac Magistratus temporales Civitatum, Terrarum, Oppidorum, Castrorum, & locorum quorumlibet, illorum communitates, Universitates, & homines rogamus, requirimus, & per viscera misericordiae Dei nostri obsecramus; eisdem in remissionem peccatorum iniungentes, quod in praemissis, custodibus, Confratribus, Quæstoribus, & Deputatis praedictis, ac cuilibet ipsorum assistant, summeque favorem, & auxilium praestent, ac illos, & eorum quemlibet a malignorum incurfu defendant, nullisque molestiis, datis, gabellis, & exactionibus quibuscumque affligi, seu praegravari aliquo modo sinant, atque permittant, impediētes etiam temporalibus poenis afficiant.

Clausula derogatoria.

§.18. Non obstantibus quatenus opus sit, una de jure quaesito non tollendo, & altera Cancellariae nostrae regulis, per quam volumus, quod in literis indulgentiarum apponatur clausula, quod si Ecclesiae, aut Ecclesiis, vel personis, quibus indulgentiae conce-

duntur, aliqua alia indulgentia foret concessa, de qua inibi specialis mentio facta non esset, hujusmodi literae essent nullae; ac pia memoriae Bonifacii Papae Octavi, etiam Praedecessoris nostri, qua caveatur, ne quis extra suam Civitatem, vel Dioecesim ad iudicium evocetur, seu ne Iudices a Sede praedicta deputati extra Civitatem, vel Dioecesim, in quibus deputati fuerint, contra quoscumque procedere, aut alii, vel aliis vices suas committere audeant, vel praesumant, & in Concilio generali edita de duabus dietis, dummodo ultra tres dietas aliquis auctoritate praesentium ad iudicium non trahatur, aliisque Constitutionibus, & Ordinationibus Apostolicis, Conciliis quoque universalibus, etiam facultatum quaestuarii revocatoriis, necnon prohibitionibus desuper factis, ac Ecclesiarum, Monasteriorum, Hospitalium, piorum locorum Collegiorum, & aliarum Confraternitatum, necnon Sanctis Trinitatis, & B. Mariae Redemptionis Captivorum, aliorumque Ordinum quorumcumque, etiam iuramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis, illis eorumque superioribus, & personis, ac Legatis, Vicelegatis, Gubernatoribus, Potestatibus, & aliis officialibus, & ministris, necnon fabricae Principis Apostolorum de dicta Urbe, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis, in genere, vel in specie, etiam ad quorumvis instantiam, aut etiam Motu, scientia, & potestatis plenitudine paribus, ac etiam consistorialiter, & alias quomodolibet concessis, confirmatis, & innovatis. Quibus omnibus, & singulis, etiam si de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quaevis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores, ac si de verbo ad verbum, & nihil penitus omisso, & forma in illis tradita, observata, exprimerentur, & infererentur praesentibus, pro plene, & sufficienter expressis, & insertis habentes, illis alias in suo robore permansuris, hac vice dumtaxat, harum serie specialiter, & expresse, ad effectum omnium praemissorum, Motu, scientia, & potestatis plenitudine similibus derogamus, & ad plenum derogatum esse volumus, contrariis quibuscumque. Aut si aliquibus communiter, vel divisim, ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum, de indulto hujusmodi mentionem.

§.19. Volumus autem, quod praesentium transumptis &c. Nulli ergo &c. Fides transumptorum.

Da-



Datum Romæ apud S. Petrum, Anno Incarnationis Dominicæ, millesimo quingentesimo octuagesimo sexto, Kal. Aprilis, Pont. nostri Anno I.

Sequitur extensio d. facultatis colligendi eleemosynas pro ejusmodi Redemptione.

## S I X T U S P A P A V.

*Ad perpetuam rei memoriam.*

Redemptio-  
nis captivo-  
rum opus piis-  
simum.

CUM adeo pium Redemptionis captivo-  
rum opus ceteris misericordiæ operi-  
bus antecellat, ut captivum redimendo omnia quasi per compendium adimpleri videantur, quodque omnium maximum est, a periculo abnegandæ fidei Christianifidelium animæ liberentur, ac propterea tantæ pietatis operi ita faveant omnia jura, ut non quædamque profana sive temporalia bona, sed argentum, aurum, & sacra templi vasa pro redimendis captivis distrahi, venditarique decernant. Quis enim est adeo durus, & humanæ conditionis prorsus oblitus, ut sine maximo gemitu, & lacrymis considerare possit, quot ærumnas, quot infirmitates, quot vincula, & tormentorum genera Christianifideles in dira infidelium captivitate detenti, fame, & siti, frigore, & nuditate pene consumpti continuo patiantur.

Gregor. XIII.  
huic Sodalitati delegavit,  
& hic Pontifex approbavit, & extendit, ut sup.

§.20. Nos hæc omnia cogitantes, & dolenter examinantes, tanti doloris contemplatione accensi, redimendorum captivorum opus alias per fel. rec. Gregorium Papam XIII. Prædecessorem nostrum in Alma Urbe, ac toto Statu Ecclesiastico mediate, & immediate subiecto erectum, & institutum, ac curæ, & sollicitudini venerabilis Archiconfraternitatis Confalonis Gloriosissimæ Virginis Mariæ impositum, & demandatum, confirmavimus, & approbavimus, ac etiam de novo ereximus, diversasque tam spirituales quam temporales gratias, facultates, & indulta pro ipsius operis incremento, & subventionem, eidem Archiconfraternitati concessimus, prout in nostris inde confectis literis plenius continetur.

Sodalitas ideo  
multos captivos redemit.

§.21. Unde tunc existentes ipsius Archiconfraternitatis Custodes, & alii Confratres, cupientes in agris uberibus dicti operis caritatis semina mittere, messem amplissimam in Regno Cœlorum expectaturi, ex Algerii, & aliis Africæ partibus ducentos, & ultra, pauperes captivos non sine maximis laboribus, ac nummaria quantitate, singulari, ac præcipua pietate, & caritate redemerunt: illosque postquam ad Urbem venerunt, ad venerandam ipsius Gloriosissimæ Virginis Confalonis imaginem in Basilica B. Mariæ Majoris existentem in Capella Pontificali ejusdem Basilicæ coram Nobis, & Sacro Cardinalium Collegio, ac multis Prælatibus divina peragebantur, processionaliter ad agendum gratias humani generis Redemptori cum maxima

Populi frequentia, & Christianifidelium ingenti lætitia associarunt; quibus ad pedes nostros in eadem Capella provolutis Dei benedictione lætantes benediximus.

§.22. Quare Nos eorundem Custodum, & Confratrum singularem pietatem plurimum in Domino commendantes, ac pro his gratias agentes Deo, volentesque ut tam pium opus fidelium eleemosynis subveniatur, ac latius diffundatur, & propagetur; & nedum ipsius Archiconfraternitatis Confratres, verum etiam omnes, & singuli quorumcumque Confraternitatum eidem Archiconfraternitati hætenus aggregatarum, & pro tempore aggregandarum Confratres, aliisque utriusque sexus Christianifideles in hujusmodi pio opere se exercere, illudque eleemosynis, ac ope, & operibus augere contendant, atque procurent; Motu proprio, & ex certa nostra scientia, ac de Apostolicæ potestatis plenitudine, eidem Archiconfraternitati, illiusque nunc, & pro tempore existentibus Custodibus, & Confratribus, ut nedum in dicta Urbe, ac toto Statu Ecclesiastico, ut præfertur, subiecto hujusmodi, sed etiam extra dictum Statum eleemosynas, & oblata quæcumque pro redemptione Captivorum querere, & accipere, ac ad id Confraternitates, eidem Archiconfraternitati hætenus aggregatas, & pro tempore aggregandas, illarumque Confratres, ac alios quæstores, quot eis videbitur, deputare, qui eleemosynas, oblationes, legata, & quæcumque alia subsidia pro hujusmodi redemptione, & causis ad eam pertinentibus perquirere libere, & licite possint, & valeant, Apostolica auctoritate tenore præsentium licentiam, & facultatem, ac omnimodam potestatem perpetuo concedimus, & impartimur, eisque desuper de speciali gratia indulgemus.

§.23. Mandantes in virtute sanctæ obedientiæ universis, & singulis Venerabilibus Fratribus nostris Patriarchis, Archiepiscopis, Episcopis, ceterisque locorum Ordinariis, & Ecclesiarum Prælatibus, ac dilectis filiis illorum Officialibus, & Vicariis, necnon Abbatibus, Prioribus, Capitulis, Conventibus, Parochialiumque Ecclesiarum, Rectoribus, & illorum Vicariis, ac quorumcumque Ordinum, etiam Mendicantium Generalibus, Provincialibus, & aliis Superioribus, ac verbi Dei concionatoribus, & quibuscumque aliis, tam exemptis, quam non exemptis Ecclesiasticis personis, tam in Urbe, & toto Statu Ecclesiastico hujusmodi, quam per universum orbem Christianum constitutis, quatenus omnes, & singulos utriusque sexus Christianifideles ad conferendum eleemosynas, oblationes, & legata omni studio, & caritate accendant, & efficacioribus hortationibus inducant, suasque literas ad id favorabiles, & hortatorias absque alicujus præmii, vel mercedis exactione tradant.

§.24. Præsentibus, quas sub quibuscumque similium, vel dissimilium gratiarum, & facultatum revocationibus, limitationibus, suspensionibus, derogationibus, & aliis contrariis

Hic propterea Pontifex eidem dat facultatem etiam extra Statum Ecclesiasticum pro d. opere colligendi eleemosynas.

Episcopisque, & aliis mandant, ut eidem faveant.

Clausula hujus concessionis præservativa.



trariis dispositionibus, etiam per Nos, & pro tempore existentes Romanos Pontifices Successores nostros, ac Sedem eandem, etiam motu, scientia, & potestatis plenitudine similibus, in genere, vel in specie, ac alias quomodolibet pro tempore factis, & emanatis, nullatenus umquam comprehendendi, sed semper ab illis exceptas, & quoties illæ emanabunt, toties in pristinum, & validissimum statum restitutas, repositas, & plenarie reintegratas, ac de novo etiam sub posteriori data per toto tempore existentes Custodes, & Confratres præfatos eligenda, concessas fore, & esse, ac cense-ri, ipsisque Custodibus, Officialibus, & Confratribus, ac aliis prædictis suffragari debere decernimus, perpetuis futuris temporibus duraturis.

Clausula de-  
rogatoria.

§.25. Non obstantibus quibuscumque Constitutionibus, & Ordinationibus Apostolicis, privilegiis quoque, indultis, & literis Apostolicis, Mendicantium, & non Mendicantium Ordinibus, Archihospitalibus, Hospitalibus, ac locis Pii, necnon fabricæ Basilicæ Principis Apostolorum de dicta Urbe, Cruciata Sancta, & aliis quibuscumque contra præmissa, aut alias quomodolibet concessis, confirmatis, & innovatis. Quibus omnibus, & si de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quævis alia expressio habenda esset, illorum omnium, & singulorum tenores præsentibus pro sufficienter expressis, & insertis habentes, illis alias in suo robore permansuris, hac vice dumtaxat harum serie specialiter, & expresse Motu, scientia, & potestatis plenitudine paribus derogamus, ceterisque contrariis quibuscumque.

transumptio-  
rum fides.

D. P. An.III.  
23. Aprilis.

§.26. Volumus autem quod præsentium transumptis &c.

Datum Romæ apud S. Petrum, sub Annulo Piscatoris, die 23. Aprilis 1588., Pontificatus nostri Anno III.

### XXXIX.

Moderatio Constitutionis editæ a Pio V. quoad electionem Visitatoris generalis, & exemptionem Fratrum Terti Ordinis de Pœnitentia S. Francisci, a superioritate Ministrorum Provincialium Fratrum Minorum de Observantia in Italia.

De hoc Ordine dixi ad Const. XLVII. Leon. X. Inter Tom. III. Par. III. fol. 497.

SIXTUS PAPA QUINTUS

Ad futuram rei memoriam.

Exordium.

Romani Pontificis Providentia circumspecta, nonnunquam ea, quæ per Prædecessores suos rationabilibus, & honestis suadentibus causis, pro quibuscumque Ecclesiæ Ordinibus, vel in sua integritate continendis, vel ad institutum revocandis, statuta, & ordinata fuerunt, ex aliis non minus iustis causis moderatur, & revocat, prout id conspicit in Domino salubriter expedire.

§.1. Alias siquidem fel. rec. Pius Papa V. Prædecessor noster, officia Ministratus, & Visitatoris generalis Terti Ordinis S. Francisci de Pœnitentia nuncupati perpetuo extinxit, & abolevit, ac Ministrum, Visitatorem, & Vicarium generalem ejusdem Ordinis officio, usu, & exercitio commode interdixit; Edictoquoque prohibuit, ne ullus Minister, Vicarius, & Visitator generalis de dicto Ordine haberetur.

§.2. Insuper universos, & singulos Fratres, Sorores, professos, & conversos, necnon Domos, Monasteria, & loca virorum, & mulierum, ac custodias, & Provincias per universum orbem constitutas, gregemque ipsum Universum Terti Ordinis utriusque sexus, Generali, & Provincialibus Ministris Ordinis Fratrum Minorum de Observantia nuncupatorum, prout in eorum Provinciis consistebant, ita perpetuo supposuit, ut Minister Generalis in Universo Ordine, Provincialis vero Ordinis Minorum de Observantia in suis quisque Provinciis plenum jus, liberamque auctoritatem, in spiritualibus, & temporalibus, jurisdictionem omnimodam haberet, Domos omnes, ac Monasteria, & loca quæcumque, necnon personas utriusque sexus, tam in capite, quam in membris visitandi, & corrigendi, vagantes, & quoscumque alios puniendi, carcerandi, mutandi, transferendi, Ordinibus, officiis, & administrationibus deponendi, excommunicandi, suspendendi, interdicens, restituendi, ac etiam super iis, & ceteris omnibus Ordinem ipsum, illiusque Domos, & personas utriusque sexus quomodolibet concernentibus, eorum tamen regula, & sacris Canonibus, & literis tunc desuper confectis non contrariis, statuendi, mutandi, innovandi, & exequendi, quemadmodum illis erat in suo proprio Ordine attributum, ac alia statuit, & ordinavit, prout in ipsis Prædecessoris literis sub Data videlicet quinto Nonas Julii Pontificatus sui anno tertio, desuper confectis, quarum tenorem præsentibus haberi volumus pro expresso, plenius continetur.

§.3. Nos itaque, quibus nuper innotuit, quod Fratres Terti Ordinis huiusmodi sub obedientia Magistri generalis, & Provincialium Fratrum de Observantia prædictorum manentes, nihil in Vineam Domini profecerunt, immo in eodem Tertio Ordine varii abusus tam circa Regulæ observationem, quam etiam Fratrum dictæ Regulæ transgressorum, & alias delinquentium castigationem irreperunt. Ac considerantes, quod si Fratres ipsi Terti Ordinis eorum Visitatorem Generalem juxta sua regularia instituta, prout ante literas dicti Prædecessoris faciebant, eligere possent, & sic electo tamquam eorum superiori obedirent, præmissis, & aliis malis, quæ occurrere possent, plurimum consultum foret. Propterea ex his, & aliis causis animum nostrum moventibus, de Nobis attributæ potestatis plenitudine ipsos Fratres Ter-

Eumque sup-  
posuit Ordini  
de Observan-  
tia.

Hic Pontifex  
eam modera-  
tur, & inno-  
vat, quo ad  
Fratres Italicos  
circa electio-  
nem Visitato-  
ris genera-  
lis &c.



Tertii Ordinis adversus literas dicti Prædecessoris (illis quoad Protectoris deputationem in suo robore permanentibus, ) in pristinum, & eum, in quo antequam ipsæ literæ emanassent, erant, statum restituentes, & plenarie reintegrantes, eisdem Fratribus Tertii Ordinis per Universam Italiam existentibus, quod perpetuis futuris temporibus juxta eorum regularia instituta singulo Triennio Capitulum generale dicti Tertii Ordinis convocare, & celebrare, ac in eo Visitatorem generalem, & alios Ministros, & Officiales (non tamen Commissarium generalem) eisdem modo, & forma, quibus antequam literæ prædictæ emanassent, consueverant, eligere, eundemque Visitatorem generalem peracto Triennio hujusmodi in alio Capitulo Generali postea faciendo confirmare libere, & licite valeant, perpetuo Apostolica auctoritate concedimus, & indulgemus.

Hæc moderatio est fortasse extensa etiam ad Provinciam Dalmatiam, & Justinopolitanam.

§.4. Decernentes Visitatorem sic electum omnimodam potestatem, auctoritatem, jurisdictionem, & superioritatem in omnes, & singulos dicti Tertii Ordinis Fratres, & Ministros, & officiales per Universam Italiam consistentes, eorumque domos & loca, ac res, & bona habere, necnon Fratres, & Ministros, ac Officiales Tertii Ordinis hujusmodi ei sic electo tamquam vero Superiori morem gerere, ejusque mandatis salubribus omni tempore obedire teneri, ipsosque per Ministrum Generalem, ac alios Fratres de Observantia, quo minus ad electionem prædictam, prout ante dictas literas faciebant, procedere valeant, nequaquam impediri, aut molestari posse. Et ita per quoscumque Judices ordinarios, & delegatos, quavis auctoritate fungentes, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiri debere, irritum quoque, & inane, si secus super his a quoquam quavis auctoritate scienter, vel ignoranter, contigerit attentari.

Clausula derogatoria.

§.5. Non obstantibus literis prædictis, quibus, ac omnibus aliis, quæ præmissis obesse possent, specialiter, & expresse derogamus, ceterisque contrariis quibuscumque. Volumus autem, quod dictus Visitator eligendus, infra duos menses a die suæ electionis computandos confirmationem electionis hujusmodi a Ministro Generali de Observantia petere omnino teneatur; qua petita, & non obtenta, vel denegata, idem Visitator Tertii Ordinis Apostolica auctoritate confirmatus censeatur, quodque dictus Minister de Observantia per se ipsum dumtaxat, una cum duobus aliis sui Ordinis professoribus, possit singulo quadriennio post Visitationem a Visitatore Tertii Ordinis hujusmodi factam, & non ante, Tertium Ordinem, ac Fratres, Domos, Loca, res, & bona prædicta, visitare, eaque tam in capite, quam in membris prout opportunum fuerit, juxta regularia instituta dicti Tertii Ordinis corrigere, & moderari.

Transumptum fides.

§.6. Ac quod præsentium transumptis &c.

Bull. Rom. Tom. IV. Par. IV.

Datum Romæ apud S. Petrum sub Annulo Piscatoris, die 29. Martii 1586., Pontificatus nostri Anno I.

## XL.

Reformatio Officii, & emolumentorum, Secretarii Domestici Summi Romani Pontificis; Cum indultorum Collegii Secretariorum concessione, & ampliacione.

De Institutione, & extensione dicti Collegii, & de Officio hujus Secretarii, & emolumentorum elargitione, vide in Bulla XV. Innoc. VIII. Non debet Tom. III. Par. III. fol. 212.

## SIXTUS PAPA QUINTUS

Ad perpetuam rei memoriam.

Romani Pontificis providentia circumspecta, ea nonnumquam alterat, & immutat, quæ rerum, temporum, ac personarum qualitate pensata, vel evidens suadet utilitas, vel cogit necessitas reformari. Industrios quoque, & doctrina probatos viros honoribus, & favoribus prosequitur opportunis, prout conspiciat in Domino salubriter expedire.

Exordium.

§.1. Sane licet alias fel. rec. Innocentius Papa Octavus Prædecessor noster, Collegium dilectorum filiorum Secretariorum, Apostolicorum instituerit, & certo tunc expresso probatorum virorum numero, qui & Romanæ Curie decori, atque ornameto essent, ac expeditioni Brevium, & aliarum literarum Apostolicarum, quæ per Secretarios Apostolicos expediri consueverant, accuratius, & diligentius attenderent, constare voluerit: eidemque Collegio, & Secretariis diversos annuos redditus, & emolumenta, inter singulos Secretarios pro tempore existentes, a quibus portionibus dividenda, & distribuenda assignaverit, & in quinterno ejus manu subscripto adnotari mandaverit. Ita tamen, quod liceret ipsi Innocentio, & pro tempore existenti Romano Pontifici ultra numerum ab eo tunc præscriptum, unum Secretarium, Domesticum nuncupandum habere, qui sua, & Romanæ Ecclesiæ negotia secreta, aut Orthodoxæ fidei statum concernentia dumtaxat expedire posset, & deberet, quique duabus integris portionibus dictorum emolumentorum ultra numerum Collegiatorum faciendis contentus, ab omnibus, & singulis aliis emolumentis, & expeditionibus officium Secretariorum quomodolibet concernen. penitus abstineret.

Innoc. VIII. Collegium Secretariorum, Apost. erexit eorum numerum præfinit, certosque annuos redditus assignavit, facultatemque sibi reservavit, deputandi unum Secretarium domesticum.

§.2. Et recol. me. Pius Papa V., etiam Prædecessor noster, post diversos alios Romanos Pontifices, etiam Prædecessores nostros, tunc suos, literas Innocentii Prædecessoris præfati approbaverit, & confirmaverit, ac etiam innovaverit, aliaque etiam de novo concesserit, voluerit, & ordinaverit, prout in ipsorum Pii, & Innocentii Prædecessorum præfatorum literis plenius continetur.

Pius V. prædicta confirmavit.

§.3. Nihilominus temporis successu, mul-

C c



1586.

1586.

Sed evenit, quod talis Secretarius domesticus seorsum a Collegio quædam emolumenta percipiebat & caret.

Hic igitur Pontifex dictum officium Secretariatus domestici nunc supprimit, e jusque curam Collegio concedit.

multiplicato Secretariorum domesticorum numero pro Romanorum Pontificum arbitrio, ipsi Secretarii domestici præter dictas duas portiones, diversa alia emolumenta, seorsum a Collegio percipere consueverunt, necnon Collegii in Curia, seu forsan per defuetudinem effectum fuit, ut nonnulla alia ex emolumentis præfatis, his præsertim quæ in quinterno dicti Innocentii notata reperiuntur, a debitoribus non exigantur.

§.4. Cum autem Nos circa Officium Secretariatus domestici, quod dilectus filius Joannes Baptista Canobius clericus Bononien. pro nutu, & voluntate nostra nunc exercet, novam rationem inire constituissimus, Collegium præfatum, in quo virtutibus, experientia, ac usu rerum, & negotiorum ad Romanam Curiam confluentium, & ad dictam Officium pertinentium, insignes viri connumerantur, se Nobis obtulit ipsius Officii, cujus ratione pleraque ad ipsum Collegium spectantia emolumenta exigi consueverunt, ac eorum, quæ in eo geruntur, curam omnem, cogitationemque suscipere, idque munus, qua decet, fide, & integritate, per idoneos, & peritos, ab ipso Collegio electos, & per Nos approbatos viros, obire &c. Nos igitur, &c. ipsumque Collegium, & Secretarios gratioso affectu prosequi volentes, singularum Innocentii, & Pii, aliorumque Prædecessorum præfatorum literarum tenores, ac si de verbo ad verbum infererentur præsentibus, pro expressis habentes, Motu proprio, non ad dicti Collegii, aut alicujus pro eis Nobis desuper oblata petitionis instantiam, sed ex mera liberalitate, & scientia nostris, deque Apostolica potestatis plenitudine, Officium Secretariatus domestici, quod dictus Joannes Baptista, ut præfertur, exercebat, penitus, & omnino perpetuo supprimimus, & extinguimus, ita quod nullo umquam tempore per Nos, aut Romanum Pontificem pro tempore existentem, & Sedem Apostolicam in statum pristinum restitui, aut reintegrari valeat.

Facultatem dictum Secretarium domesticum a Pontifice approbandum, deputandi, &c. Mansionesque in Palatio Apostolico assignat.

§.5. Curam autem, & exercitium dicti suppressi Officii, ac custodiam Registorum Brevium, & literarum Apostolicarum, via quæ secreta appellatur, expeditarum, & pro tempore expediendarum, in mansionibus Palatii Apostolici in Vaticano, quas dictus Joannes Baptista, sui que famuli, & Scriptores habitant, asservandorum, deinceps per unum, ex numero dicti Collegii Secretarium, aut aliam æque idoneam personam, a Nobis, & Rom. Pont. pro tempore existente approbandum, seu approbandam, ad ipsius Collegii nutum, & liberum arbitrium nominandum, & deputandum, ac removendum, juxta ipsius Collegii præscriptum, haberi, teneri, & administrari, ipsasque mansiones, in octo cubacula partim supra distributas, quibus per duas portas patet ingressus, & ab uno Dataria Apostolica, ab altero mansiones Substituti ipsius Datarii coherent, cum cella vinaria, sub Officio Registri supplicationum, & aliis suis pertinentiis, per Secretarium, aut perso-

nas a Collegio præfato deputandas inhabitari volumus, & mandamus: curamque, & exercitium hujusmodi, & Registorum custodiam, mansionumque præfatarum, usum, & habitationem Collegio, & personæ ab eo deputandæ hujusmodi, ex nunc perpetuo concedimus, & assignamus.

§.6. Et insuper unam integram ex duabus portionibus emolumentorum dicti Collegii, extra numerum, ut præfertur, faciendis, & Secretario domestico olim ab Innocentio Prædecessore præfato assignatis, ab ipso Officio Secretariatus domestici, etiam perpetuo dismembramus, & separamus, illamque, necnon quatuor alias partes cibariorum, pro victu, & alimento quotidiano Secretarii, aut personæ, ut præfertur, ad curam, & exercitium hujusmodi deputandæ, ac trium famulorum, & unius equi, eisdem modo, & forma, quibus præfato Joanni Baptista dari hæcenus consueverunt, Collegio præfato, pro Secretario, vel persona deputanda hujusmodi, perpetuo concedimus, & assignamus, & per eos, ad quos spectat, & pro tempore spectabit, dari, præstari, & assignari volumus, & mandamus.

§.7. Necnon medietatem omnium, & singulorum aliorum emolumentorum, quæ hæcenus præfatus Joannes Baptista Canobius pro se, & aliis duobus Secretariis domesticis, percipere, exigere, & levare consuevit, ita ut alia medietas emolumentorum hujusmodi, una cum altera ex dictis portionibus pro uno, vel duobus, aut pluribus Secretariis domesticis salva remaneat, sive illa ratione taxarum literarum Apostolicarum, via, quæ secreta appellatur, expediendarum, sive cedularum propositionum Ecclesiarum, aut Monasteriorum, vel sententiarum a Romano Pontifice pro tempore latorum, aut investiturarum ab eo quomodolibet factarum, percipiantur, seu quovis alio nomine nuncupentur, Collegio præfato pariter concedimus, & assignamus.

§.8. Ita quod liceat ipsi Collegio, per se vel alium, seu alios ejus nomine præfata curæ atque exercitii, & integræ portionis hujusmodi, necnon mansionum, registorum, portionum cibariorum, & aliorum emolumentorum præfatorum possessionem propria auctoritate vigore præsentium, apprehendere, seu forsan interim apprehensam perpetuo retinere, nec desuper, a Secretario domestico uno, vel pluribus (pro quo, seu quibus altera dumtaxat integra portio emolumentorum ex duabus illi, ab Innocentio Prædecessore præfato assignatis, ac reliqua medietas aliorum emolumentorum supradictorum salvæ remaneant) quomodolibet molestari possit.

§.9. Ita tamen quod Collegium Secretariorum, seu ad exercitium hujusmodi Deputatus, ipsis Secretariis domesticis rationes, & computa ostendere, & reddere teneantur.

§.10. Iphis Secretariis domesticis pro tempore existentibus, sive unus fuerit, sive plu-

Unam ex duabus portionibus ab Innocentio VIII. reservatis pro Secretario domestico prædicto Collegio concedit.

Medietatemque emolumentorum, quæ Secretarius domesticus seorsum a Collegio percipere consuevit eidem Collegio tribuit.

Licentiam quoque dat Collegio possessionem prædictorum propria auctoritate capiendi.

A Collegio deputandus, computa Secretarii ostendat.

Secretarii domestici ne se ultra hic contenta ingerant.



plures, sub mille ducatorum auri, & aliis arbitrio nostro, poenis, eo ipso, pro quolibet vice, qua contravenerint, incurrendis, districtius inhibentes, ne aliquas literas in forma Brevis, aut etiam sub plumbo expedire audeant, vel præsumant, præter illas, quæ Romani Pontificis pro tempore existentis, & Romanæ Ecclesiæ negotia secreta, aut orthodoxæ Fidei statum concernent, & emolumentis sibi, ut supra, remanentibus contenti, nihil aliud, etiam occasione eorum hujusmodi Officii, a quoquam percipere possint, sed quicquid lucri ex supradictis taxis Bullarum per viam secretam expediendarum, & quibuscumque aliis regaliis prædictis percipietur, ad Custodem Brevium, seu emolumentorum, ab eodem Collegio deputandum destinant, ac omnino transmittant, quæ quidem omnia, & singula, ut inviolabiliter observentur, sub eisdem poenis præcipimus, & mandamus.

Collegii facultas deputandi, & removendi tres personas, ad scribendum Brevia, & registrandum Bullas secretas, & cibaria dictis scriptoribus assignantur.

§.11. Præterea eidem Collegio liberam tribuimus facultatem, & auctoritatem nominandi, eligendi, & deputandi tres idoneas personas, pro scribendis literis in forma Brevis per dictum Deputatum expediendis, & tam illis, quam literis Apostolicis, via, quæ appellatur secreta, expeditis, registrandis, dictasque personas, ad ipsius Collegii nutum removendi, & alias remotarum, recedentium, vel decedentium in locum subrogandi, & deputandi, quibus sic electis, & deputatis personis singulas portiones cibariorum, ex Palatio Apostolico, prout illas hætenus habuerunt, & percipere consueverunt, iisdem auctoritate, & tenore, perpetuo concedimus, & assignamus, ac ab iis, ad quos spectat dari, concedi, & præstari volumus, & mandamus: pari auctoritate, & facultate præfato Collegio attributis hujusmodi loca personis ab eo electis perpetuo vel ad tempus, ex nunc prima vice, & deinde quotiescunque loca ipsa pro tempore vacare contigerit, pro pretio inter ipsum Collegium, & personas hujusmodi convento vendendi, seu pignorandi, vel alias de locis ipsis disponendi, ac pretium hujusmodi in dicti Collegii usus, & utilitatem convertendi.

Taxasque ab Innoc. VIII. dicto Collegio assignatas hic Pontifex de novo assignat, easque singulis sex mensibus incipiendo die 1. Julii 1586. solvi præcipit.

§.12. Insuper omnes, & singulas taxas Officiorum Romanæ Curie, & quorumvis aliarum Terrarum, Provinciarum, Communitatum, & locorum totius Status Ecclesiastici in quinterno Innocentii Prædecessoris præfati adnotatas, & designatas, & Collegio præfato applicatas, & assignatas, etiam si de præsentibus non solvantur, pro quibus Collegium ipsum debitam recompensam, in genere vel specie non constiterit recepisse, ipsi Collegio, eisdem modo, & forma, quibus per dictum Innocentium assignatæ, & applicatæ fuerunt, de novo applicamus, & assignamus, & Officiales, & Ministros Urbis, & Provinciarum, ac Communitatum, Terrarum, locorum, ac præsertim per Alma Urbis, & Civitatis nostræ Bononiensis (post tamen præsentibus, qui pro tempore extiterint Gubernatores, & eo-

rum Locatenentes) necnon tam præsentibus quam pro tempore existentes Provinciæ nostræ Marchiæ Thesaurarium, etiam ratione propriæ ejus taxæ, etiam de pretio, non obstante decreto ad Motum proprium pie memoriæ Gregorii Papæ XIII. etiam Prædecessoris nostri, super prætenso concordia inter Collegium præfatum, & dilectum Filium Franciscum Sangalletum, ad ejus commodum pro pecuniis ab ipso etiam solutis hujusmodi concessio cedit, ac Cameram Apostolicam adiecto, & quosvis alios, integre, & absque ulla diminutione, juxta formam quinterni, & literarum Innocentii Prædecessoris hujusmodi, singulis sex mensibus in principio sub poenis in literis dicti Innocentii contentis, incipiendo a prima Julii post datam præsentium, & successive singulis sex mensibus in principio, persolvi volumus, & mandamus, sine tamen præjudicio quorumcumque jurium dicto Collegio pro præteritis taxis competentium, præsentium respectu litium huc usque motarum.

§.13. Insuper quoque eidem Collegio liberam tribuimus facultatem, & auctoritatem, singula quæque Officia quarumvis Provinciarum, Terrarum, Communitatum, & locorum Romanæ Ecclesiæ, post publicationem quinterni ab Innocentio Prædecessore confecti, quomodolibet incorporatorum, & in posterum incorporandorum juxta facultatem ab eodem Innocentio Prædecessore Collegio prædicto attributam, & cum consilio dilecti filii Benedicti Justiniani moderni, & pro tempore existentis Thesaurarii Generalis, taxandi, taxasque impositas hujusmodi, ab illis exigendi, & recipiendi, modo, & forma ab ipso Innocentio Prædecessore, quoad alios præscriptis, quas quidem taxas de novo imponendas, ipsi Collegio perpetuo etiam applicamus, concedimus, & assignamus.

Taxasque aliorum locorum post publicationem quinterni, Innoc. VIII. Secdi Apostolicæ incorporatorum concedit.

§.14. Ut autem Collegium ipsum præcipua aliqua honoris, & dignitatis prærogativa a Nobis etiam decoretur, & qui pro tempore fuerint Secretarii Apostolici de numero participantium, per amplius honorentur, singulos Secretarios de numero præfati, præsentibus, & futuros, qui in utroque jure, aut in decretis ad doctoratus gradum in aliqua publica Universitate fuerint promoti, & vigesimum quintum suæ ætatis annum excesserint, si habitu Prælatorum, juxta Innocentii Prædecessoris præscriptum incedere voluerint, ex nunc, prout ex tunc, & e contra postquam habitum Prælatorum susceperint, eo ipso, absque alia approbatione, & admissione, Referendarios perpetuos utriusque Signaturæ nostræ, & Rom. Pont. pro tempore existentis, creamus, constituimus, & deputamus, ac creatos, constitutos, & deputatos fuisse, & esse declaramus, & nunciamus, eisque, & eorum cuilibet de omnibus, & singulis privilegiis, emolumentis, immunitatibus præminentiis, facultatibus, gratiis, & indultis, aliis utriusque Signaturæ Referendariis, quomodolibet concessis, & quibus ipsi

Secretarios doctores post annum 25. in habitu Prælatorum incedentes, utriusque Signaturæ Referendarios esse decernit.



utuntur, potuntur, & gaudent, ac uti, potiri, & gaudere poterunt quomodolibet in futurum, pariformiter uti, potiri, & gaudere, libere, & licite valeant, concedimus, & indulgemus.

Secretarium ex dictis Referendariis antiquiorem, singulis Papæ Signaturis intervenire posse, concedit.

§.15. Ille vero Secretariorum eorundem, qui antiquior, Doctor, & Referendarius fuerit, ut singulis nostris, & Romani Pontifici pro tempore existentis Signaturis, nomine Collegii Secretariorum, eo ipso intervenire valeat, pariter indulgemus. Quod si ab Urbe absens, vel alias impeditus fuerit, vel antiquior Secretarius alia ratione, vel causa dictæ Signaturæ intervenire habuerit, qui post illum erit antiquior Secretarius, & Referendarius indulto huiusmodi eo ipso potiatur.

Habitu eis designat, & in Cappella locum assignat.

§.16. Cumque Secretarii ipsi, qui Clerici erunt, nostri, & Romani Pontificis pro tempore existentis sint Prælati domestici & familiares, ac continui commensales, teneanturque juxta præscriptum Innocentii Prædecessoris præfati, nisi in majori fuerint dignitate constituti, Notariatus habitum suscipere, & deferre, ne quod pro ornamento, & decore Romanæ Curie provide institutum est, negligentia, & desuetudine abrogetur, præsentium auctoritate volumus, singulisque Secretariis præfatis præsentibus, & futuris, præcipimus, & mandamus, quatenus: qui Clericali militiæ ascribi voluerint, vigintiquinque annis majores, habitum, & insignia deferant Notariorum Apostolicorum, etiam si voluerint, violacei coloris: qui vero fuerint primæ tonsuræ dumtaxat Clerici, in aliis ordinibus nondum constituti, seu sæculares, etiam coniugati, vestibus utantur, si eis placuerit, etiam violaceis, prout Cubicularii Apostolici de honore nuncupati. Habeant etiam qui Notarii fuerint Sedis Apostolicæ, locum in Cappella, & aliis actibus publicis, in quibus cum capis, & rocchettis interfuerint, eorum dignitati congruentem, quem ipsis assignari curabimus.

Pii V. confessiones, confirmationes, cum suppletionem defectuum.

§.17. Et nihilominus literas Pii Prædecessoris præfati, ut supra, eidem Collegio super confirmatione, & approbatione literarum Innocentii, & aliorum Pontificum Prædecessorum nostrorum, tunc suorum, rebusque aliis in eis contentis concessas, auctoritate, tenore, scientia, & Apostolicæ potestatis plenitudine similibus, approbamus, & confirmamus, illisque perpetuæ, & inviolabilis firmitatis robur adicimus, omnesque, & singulos tam juris, quam facti defectus supplemus.

Clausulas huius Bullæ præservativas apponit.

§.18. Præsentisque, & in eis contenta quæcumque, de subreptionis, vel obreptionis, aut nullitatis vitio, seu intentionis nostræ, vel quopiam alio defectu notari, vel impugnari, aut per Nos, vel Romanum Pontificem pro tempore existentem suspendi, revocari, limitari, moderari, seu ad juris terminos reduci non posse, neque debere, sed validas, & efficaces perpetuo existere, ac dicto Collegio, & Secretariis pro tempore existentibus, in omni-

bus, & per omnia, etiam perpetuo suffragari, ac vim validi, initi, & stipulati contractus inter Nos, & Sedem, ac Camera Apostolicam ex una, & Collegium præfatum ex altera partibus, habere debere, ipsumque Collegium ad verificationem, seu justificationem præmissorum, vel partis eorum, aut ad registrationem, vel adnotationem præsentium in Camera, juxta Constitutionem piæ mem. Pii Papæ IV. etiam Prædecessoris nostri faciendam, minime teneri, nec ob non registrationem huiusmodi, præsentis nullitatis, aut invaliditatis vitio subiacere, sed valere, & ipsi Collegio, & Secretariis suffragari debere, perinde ac si in ipsa Camera registrata fuissent, Constitutione præfata non obstante.

§.19. Et sic in præmissis omnibus, & singulis per quoscumque Judices, & Commissarios, sublata eis, & eorum cuilibet quavis aliter judicandi, definiendi, & interpretandi facultate, judicari, definiri, & interpretari debere, & quicquid secus super his a quoquam, quavis auctoritate scienter, vel ignoranter attentari contigerit, irritum, & inane decernimus &c.

Decretum irritans.

§.20. Non obstantibus præmissis, ac Pauli II., & Pii etiam II., & quibusvis aliis Constitutionibus, & Ordinationibus Apostolicis de bonis Ecclesiasticis non alienandis, quatenus adsint, & nostra de non tollendo jure quæsito in Cancellaria Apostolica publicata, necnon statutis, quavis firmitate roboratis, & consuetudinibus, exemptionibus, immunitatibus, privilegiis quoque, indultis, & literis Apostolicis, Provinciis, Communitatibus, Terris, & locis præfatis, illarumque incolis, & personis quomodolibet concessis, & quibus forsitan potiuntur, & gaudent, quomodolibet contrariis. Quibus omnibus, & singulis, etiam si de illis specialis, specifica, & expressa mentio habenda foret, illorum tenores, ac si de verbo ad verbum infererentur præsentibus, pro expressis haberi volentes, illis alias in suo robore permanentibus, hac vice dumtaxat, specialiter, & expresse derogamus, ceterisque contrariis quibuscumque.

Clausulas derogatorias subdit.

Datum Romæ apud S. Petrum, sub Annulo Piscatoris, die 1. Aprilis 1586. Pontificatus nostri Anno I.

Dat. P. Anl. 1. Aprilis.

## XLI.

Quod Festum S. Petri Martyris, duplici Officio de cetero celebretur.

*Hunc Sanctum canonizavit, ejusque festum pro die 29. Mensis Aprilis instituit Inno. IV. in ejus Const. XXXI. Magnis Tom. III. fol. 330.*

SIXTUS EPISCOPUS  
SERVUS SERVORUM DEI

*Ad perpetuam rei memoriam.*

**I**n victorum Christi militum numerus ingens propriam vitam contempsit, præ-

Exordium.



studio tuenda, propagandaque Christiana Fidei, ideoque immarcescibili gloriae corona donatus in Coelo, jure, etiam pia veneratione colitur, & celebratur in terris, sed non minus ad ejusdem fidei firmitatem profuit Beati Petri Martyris virtus, qui pro Catholica Religione strenue militans eam conservavit, ac defendit adversus dolos atque insidias inimicorum, occulto veneno longe plus nocentium, quam sit hostium infesta oppugnation, qui aperto impetu nefarium Ecclesiae Dei bellum indicunt.

S. Petrus Martyr Ordinis Prædicatorum professor fuit.

§.1. Quare ex promissione Omnipotentis Dei nomine facta fortiter pugnantis, cum eorum laudes cantet Ecclesia, est etiam invicti hujus martyris concelebranda solemniter memoria. Is enim præclarus Ordinis Prædicatorum alumnus, inextirpabilem extirpanda hæreticæ perfidiæ cupiditatem, eam inde a puero tota penitus mente combibit: qua in re mirari debemus singulare erga illum Dei beneficium, cum credibile non sit, sine divina ope potuisse eum hæreticorum parentum domestica exempla tam sancte detestari.

Inquisitoris officio functus, & hæreticos mirabiliter persecutus.

§.2. Immo vero imitatione accensus Beati Patris Dominici, ut ille perpetuis, & concionibus, & disputationum congressibus, officioque Inquisitionis, quod ei primum Prædecessores nostri Innocentius III., & Honorius III. commiserant, contra hæreticos mirabiliter se gessit, ita ipse cum nulum iis perditionis filii monendis locum in omni sermone umquam reliquisset, tum in obediendo inquisitoris munere sibi literis Apostolicis commisso, mira quadam diligentia illos infectari, atque urgere non destitit.

Martyrii quoque coronam suscepit sanguinem pro Fide Christi effundendo.

§.3. Demum vero eorum in se odiis concitatis arripuit summa constantia, atque animi magnitudine oblatam sibi divino permisso martyrii occasionem, cujus quidem martyrii antea piis precibus, ac votis a Deo expetiti, præcipuo desiderio exarserat. Quamobrem post B. Dominicum non immerito Princeps appellari debet sacrosancti officii Inquisitionis, cum ipse primus illud suo sanguine consecraverit; quo factum est, ut etiam nostris potissimum, hujusque Sanctæ Sedis ministris, qui in hac turbulenta, & calamitosa tempora inciderunt, seu potius sunt divina providentia reservati, quasi facem prætulit, ac viam commostravit, quam ejus exemplo ingressi audeant quæcumque pericula pro munere commisso, fortiter subire, ac sanguinem ipsum, si ita res ferat, vitamque pro Catholica fide gloriose profundere.

Iussu ejus factum duplici officio celebrandi.

§.4. Dignam itaque Pontificio munere cogitationem suscepturi videmur, si sancti hujus viri memoriam majori veneratione recolamus; ita enim fiet ut ei de Ecclesia Dei optime merito honor debitus tribuatur. Deinde, ut ejus in officio Inquisitionis successores ad prosequenda fortissimi Ducis vestigia incitentur. Præcipue vero decet, ut ad conciliandam Nobis Coelestem gratiam imploremus illius opem, quem propter miram antea vitæ sanctitatem, castimoniam, innocentiam martyrio con-

summatam, apud Deum maxime gloriosum intelligimus; & satis compertum est ejusdem Ecclesiae amantissimum esse, pro qua gravissimos labores, dies noctesque perpeffus est. Quare hac nostra perpetua Constitutione mandamus, ut ipsius Sancti viri dies festus, 3. Kal. Maii, per omnes totius Orbis terrarum Ecclesias duplici Officio de Communi unius Martyris, ubi proprium deest, celebretur; ac decernimus ut in Calendario ad eum diem S. Petri Martyris nomen, cum specificatione Ordinis Prædicatorum, ac duplici nota adscribatur.

§.5. Præcipientes omnibus Patriarchis, Archiepiscopis, Episcopis, ceterisque Ecclesiarum Prælati in universo terrarum Orbe constitutis, ut faciant in suis quisque Ecclesiis, Provinciis, Civitatibus, & Dioecesibus, præsentis nostras solemniter publicari, & ab omnibus ecclesiasticis personis, sæcularibus, & quorumcumque Ordinum regularibus, omnino observari.

Et hæc Bula publicandi, & observandi.

§.6. Volumus quoque, ut præsentium exemplis &c.

Fides transumptorum.

Datum Romæ apud S. Petrum, Anno Incarnationis Dominicæ, millesimo quingentesimo octuagesimo sexto, Id. Aprilis, Pontif. nostri Anno I.

Dat. P. An. I. 13. Aprilis.

## XLII.

Confirmantur sententiæ latæ super Confinibus Communitatum Perusin., Urbevetan., & Tudertin.

Ex Regest. in Secret. Brev.

## SIXTUS PAPA V.

Ad perpetuam rei memoriam

**R**omanum decet Pontificem illis, quæ pro litium, & controversiarum inter Populos suos vigentium compositione, & terminatione ex ejus speciali mandato provide gesta fuerunt, ut perpetuam roboris firmitatem obtineant, etiam suæ specialis confirmationis præsidium adicere, aliasque desuper providere, prout subditorum fuorum utilitati, & commodo conspicit in Domino expedire.

Exordium.

§.1. Dudum siquidem cum accepissemus inter dilectos filios Communitates, & homines Civitatum nostrarum Perusin., Urbevetan., & Tudertin. quamplurimas lites, & controversias ratione confinium earumdem Civitatum, illarumque Territoriorum, & Districtuum ab hinc trecentis, & ultra annis motas, & etiam forsan in nostro Rotæ Auditorio, & coram pluribus diversis Judicibus, magno ipsarum partium impendio agitata, & illarum occasione incurfiones, depopulationes, devastationes, direptiones, rixas, & homicidia subsecuta fuisse.

Cum nonnullæ Cause penderet inter hujusmodi Communitates.

§.2. Volentes pro nostro Pastoralis officio, ut litibus hujusmodi, & tot scandalis, populorumque nostrorum detrimentis, & jacturis finis imponeretur, oportune providere, ipso Pontificatus nostri initio, dilectum filium Magistrum Joannem Petrum Ghislerium in utraque signatura nostra

Eorum decisionem Pontifex commisit Petro Ghislerio.



Eisdem Ghis-  
lerius termi-  
navit per sen-  
tentiam defi-  
nitivam.

A qua neutra  
partium ap-  
pellavit.

Immo eam  
confirmari pe-  
tunt Commu-  
nitates.

Declaratio-  
nes, Senten-  
tias &c. con-  
firmat Sixtus.

Easque ob-  
servari man-  
dat.

pra Referendarium, & in Consulta nostra Prælatum nostrum Domesticum probitate, doctrina, integritate, prudentia, & rerum gerendarum usu præditum, atque probatum, ad loca differentiarum prædictarum destinavimus, cum facultate causas, & differentias huiusmodi audiendi, cognoscendi, decidendi, & sine debito terminandi, & alias prout in nostris desuper confectis in forma Brevis literis plenius continetur.

§.2. Qui quidem Joannes Petrus mandatis nostris inhærendo, causas differentiarum prædictarum audivit, cognovit, atque per ejus diffinitivas sententias composuit, & terminavit.

§.4. A quibus quidem sententiis, neutra partium appellavit, nec reclamavit, quinimmo Communitates ipsæ Urbevetan., & Tudertin. illas in eorum pleno consilio generali acceptarunt, approbarunt, & emologarunt.

§.4. Cum autem ea pleniorē obtineant firmitatem, quæ Sedis Apostolicæ præsidio fuerint roborata, Communitates, & homines prædicti Nobis humiliter supplicari fecerunt, ut præmissa confirmare, de benignitate Apostolica dignaremur.

§.5. Nos igitur, qui pacem, & quietem inter Populos nostros vigere, & quæ ad hunc effectum statuta, & ordinata sunt, inviolabiliter observari paterno desideramus affectu, literarum prædictarum, necnon sententiarum, ut præfertur, latorum, & terminationum subsequutarum, & Territoriorum adjudicationum, ac quarumcumque scripturarum desuper confectarum tenores, necnon confinium prædictorum situationes, præsentibus pro expressis habentes, huiusmodi supplicationibus inclinati, sententias super confinibus prædictis latas prædictas, ac terminationes, & adjudicationes factas, & declaratas juxta illarum continentiam, & tenorem, & quæcumque alia inde secuta, auctoritate Apostolica tenore præsentium confirmamus, & approbamus, illisque perpetuæ, & inviolabilis firmitatis robur adicimus, atque omnes, & singulos Juris, & facti defectus, si qui forsan intervenerint in eisdem, supplemus.

§.6. Necnon sententias prædictas, & inde secuta quæcumque, ab eisdem Communitatibus, & hominibus perpetuo observari debere, nec ab illis ullo umquam tempore, & quovis quæsito colore resiliari posse, per quoscumque Judices Ordinarios, & delegatos, etiam Causarum Palatii Apostolici Auditores, & S. R. E. Cardinales, etiam Umbriæ, & Perusiæ legatos, etiam de latere, ac Civitatum prædictarum Gubernatores, sublata eis, & eorum cuilibet quavis aliter judicandi, & interpretandi facultate, & auctoritate, judicari, & diffiniri debere, irritum quoque, & inane quicquid secus super his a quoquam quavis auctoritate scienter, vel ignoranter contigerit attentari, decernimus, ac ipsis partibus super præmissis perpetuum silentium imponimus.

§.7. Quocirca ven. frat. Perusin., & Urbevetan., ac Tudertin. Episcopis præsentibus mandamus, quatenus ipsi, vel duo, aut unus eorum per se, vel alium, seu alios præsentibus literas, & in eis contenta quæcumque ubi, & quando opus fuerit, ac quoties pro parte Communitatum, & hominum prædictorum fuerint requisiti, solemniter publicantes, ac illis, & eorum singulis in præmissis efficacis defensionis præsidio assistentes faciant auctoritate nostra illos, & eorum singulos confirmatione, approbatione, supplicatione, adjectione, decreto, & impositione, aliisque præmissis pacifice frui, & gaudere. Non permittentes eos, seu eorum aliquem desuper per quoscumque quomodolibet indebite molestari, perturbari, aut inquietari, contradictores quoslibet, & rebelles censuris, & poenis ecclesiasticis aliisque Juris, & facti remediis eadem auctoritate nostra, appellatione postposita, compescendo, ac legitimis super his habendis servatis processibus, illos sententias, censuras, & poenas huiusmodi incurrisse declarando, ac easdem censuras, & poenas, etiam iteratis vicibus aggravando, & Interdictum ecclesiasticum apponendo, invocato etiam ad hoc, si opus fuerit, auxilio brachii secularis.

§.8. Non obstantibus præmissis, ac fec. rec. Bonifacii Papæ VIII. Prædecessoris nostri de una, & Concilii generalis de duabus dietis, dummodo aliquis earundem præsentium vigore, ultra tres dietas ad Judicium non trahatur, ac nostra de non tollendo Jure quæsito, & aliis quibuscumque Apostolicis Constitutionibus, & Ordinationibus, necnon dictarum Civitatum, etiam Juramento, confirmatione Apostolica, vel quavis firmitate alia roboratis statutis, & consuetudinibus, ceterisque contrariis quibuscumque. Seu si aliquibus communiter, vel divisim ab Apostolica sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto huiusmodi mentionem.

Datum Romæ apud S. Petrum, sub Annulo Piscatoris die 15. Aprilis 1586. Pontificatus nostri Anno I.

Obstantibus  
derogat.

Dat. die 15.  
Aprilis 1586.  
An.I.

## XLIII.

De decies centenis millibus nummum aureorum, in Arcæ S. Angelî repositis, & nullo umquam tempore, nisi in præscriptis casibus detrahendis.

## SIXTUS EPISCOPUS

SERVUS SERVORUM DEI

Ad perpetuam rei memoriam.

AD clavum Apostolicæ servitutis in puppi Militantis Ecclesiæ, non meritis nostris, sed divinæ voluntatis dispositione, difficillimis his temporibus constituti, non solum præsentibus fluctus, quibus

Plurimis de  
causis necesse  
est, Sedem  
Apostolicam  
aliquod The-  
saurum habere.

B. Pe-



B. Petri navicula sæpius jactatur, mente pervigili circumspicimus, sed procul, etiam atque a longe impendentes tempestates, non sine magna animi sollicitudine prospicimus, easque consilio, & vigilantia, quantum cum Domino possumus, præcavere, ac vitare studemus. Circumstant Nos undique multorum generum pericula, mala intestina quotidie magis ingravescent, bello ardent Provinciæ, Hæretici implacabili odio inflammati in Nos rapiuntur, hostis teterrimus, & potentissimus Turca, Assur virga furoris Domini cervicibus nostris semper imminet, quique communes sunt Catholica Religionis, & Christiani nominis inimici, iidem Romanam in primis Ecclesiam, & Apostolicam hanc Sedem fidei petram, & fidelium omnium matrem acerbissime oderunt, ejusque auctoritatem amplitudinem, statum convellere, quod Deus avertat, ac labefactare, vehementer atque avide concupiscunt. Et Nos quidem dubios rerum eventus, & occulta discrimina, quæ non sine causa timere cogimur, sæpenumero expendentes, non in Nobis ipsis spem collocamus, neque carnem ponimus brachium nostrum, sed oculos in coelum sustollimus, ad custodem Israel, eumque ipsum, qui numquam dormit, neque dormitat sæpe, cum lacrymis excitamus, ut aliquando e somno exurgens mari, & ventis imperet, & tranquillitatem faciat; sed tamen ab eodem, in quo spes omnes nostræ resident, edocti sumus noctu vigilandum esse patrifamilias, ne fures domum perfodiant, servumque supra ejus familiam constitutum, non solum fidelem esse debere, sed prudentem; nec temere tentandum Dominum, ut in iis quæ consiliis nostris, & ratione gubernari possunt, non tam divinam opem, quæ semper expetenda est, quam miracula requirere videamur. Quare ad humanæ prudentiæ subsidia ita confugimus, ut in Deo potissimum speremus, ad cujus gloriam, atque ad Sanctæ Romanæ Ecclesiæ utilitatem, populorumque nostrorum quietem, & defensionem omnia dirigimus. Nam cum illius vicem in terris, licet immeriti geramus, qui Rex pacificus, & Sacerdos est in æternum, utraque potestate Sacerdotali, & Regali eorum præcipue commodis, & incolumitati consulere debemus, qui sub peculiari tutela, & ditione hujus sanctæ Sedis sunt constituti; in quo quidem pastoris etiam officium exercemus, ut præclare Nos admonet Beatissimus Pontifex Gregorius, a quo pastores obiurgantur, qui de externa gregis utilitate non sunt solliciti. Pastores, inquit, sic erga interiora studia subditorum suorum ferveant, quatenus in eis exterioris quoque vitæ providentiam non relinquunt.

§. I. Quod igitur a Nobis Pastoralis providentiæ debitum requirit, providere cupientes, ne aliquando repentina aliqua, & improvisa vi, quod superiorum temporum luctuosa monent exempla, Nos, successoresve nostri, & populi Nobis subiecti

opprimantur, neve ad dubios casus a pecunia omnino imparati simus, quæ in ipso motu, & trepidatione difficulter admodum, non sine magno Civitatum, & Provinciarum incommodo conficitur, quibus parcere cupimus, & quod gravius est, jam sera, & inopportuna diligentia sæpius frustra, & inutiliter conficitur, quæque si in tempora curata, & præparata sit, ad copias aliaque præsidia comparanda, magno usui, & adiumento esse potest; ob eas causas decrevimus certam pecuniæ summam, benedicente Domino, nullo nostrorum extraordinario onere congestam, sed præter alias recte colligendæ pecuniæ vias, nostræ etiam parlimonia, frugalitateque Pontificia comparatam, hoc est ad decies centena millia aureorum nummum seponere, tamquam sacrum Ecclesiæ Romanæ peculium, & præcipuum ararium, quod bonorum immobilium instar sit, atque ad certos casus, hac nostra ordinatione præscriptos erogandum, fideliter, integreque reservatum, ac præclare paratum ipsa Sedes Apostolica, Ecclesiæque Romana habeat. Etenim inter omnia præsidia, ac firmamenta, quæ ad Reipublicæ defensionem, & conservationem necessaria, sapientum judicio putantur, magnam sapientissimus Salomon, vim & facultatem pecuniæ tribuit verbis illis. Utilior est sapientia cum divitiis, & magnis prodest, sicut enim protegit sapientia, sic protegit pecunia. Quod sane divino consilio a veteris testamenti Patribus factum esse animadvertimus, cum in Dei etiam templo, magnam auri argentique copiam, ingentemque thesaurum ad necessitates reservatum esse, sacris libris, & Regum, & Machabæorum testatum sit. Habuit etiam Christus Dominus loculos, & quæ a fidelibus oblata erant, reservavit, ut Ecclesiæ necessitatibus subveniret, sicque formam instituit ecclesiastica pecuniæ servandæ, inquit Sanctus Augustinus: habet etiam Ecclesia aurum, & Beatus Ambrosius, ut cum necesse est, illud tunc non servet, sed servatum eroget, & ex eo tempore, quo prima Christianæ Religionis jacta fuerunt fundamenta, Sanctus Sixtus Prædecessor noster & Martyr, Levitæ Laurentio, qui martyrio insignis fuit, Ecclesiæ thesauros traderat asservandos; quos idem Christi athleta fortissimus, ex manibus Tyranni, qui præter Christianorum innocentem sanguinem, & aurum Ecclesiæ sitiebat, in pauperes celeriter distribuendo eripuit.

§. 2. His itaque rationibus, & causis, aliisque ad Dei gloriam atque Ecclesiæ utilitatem spectantibus Nos adducti, Motu proprio, & ex certa nostra scientia, habita super hoc cum venerabilibus fratribus nostris S. R. E. Cardinalibus in Consistorio nostro secreto matura consultatione, de eorum consilio, & unanimi assensu, hac nostra perpetuo valitura Constitutione, atque ordinatione, supradictam a Nobis simul congestam pecuniæ summam, in Pontificia S. Angeli arce, certo sanctiori ararii loco, quem eo nomine constituimus, in qui-

Et modo in  
Arce S. Angeli  
pro Sedis A-  
postolicæ præ-  
sidio reponit,  
Deoque, &  
ejus Virgini  
Mariæ, & Apost.  
Petro, & Paulo  
dicat, inde-  
que promi-  
( præterquam  
in casibus hic  
exceptis) pro-  
hibet.

Hic ideo Pon-  
tifex decies  
centena mil-  
lia aureorum  
nummum in  
primo anno  
sui Pontifica-  
tus hinc inde  
licite, & abs-



quibusdam certis designatis scriniis collocamus, reponimus, asservamus atque assignamus, eamque ita collocatam, & asservatam, Christi Domino, cujus in terris vices gerimus, Beatissimæ Virgini Dei genitrici Mariæ, ac Sanctis Apostolis Petro, & Paulo, ea lege offerimus atque dicamus, ut inde, ne Nobis quidem eam, neque totam nec vero partem aliquam, etiam minimam promi umquam liceat, præterquam si pro recuperatione Terræ sanctæ, & generali contra Turcas, expeditione bellum aliquando suscipiendum erit; tuncq. etiam postquam Christianus exercitus comparatus erit, ac mare ad ipsorum Turcarum fines trajecerit. Si præterea tanta Annonæ, & rei frumentariæ inopia sit, ut fames populo interitum allatura videatur, aut si pestilentiae lues grassetur. Si manifestum periculum immineat, ne aliqua ex Christianis Provinciis ab infidelibus, & Catholicæ Ecclesiæ hostibus occupetur, tuncque subsidii tantum ferendi causa. Si bellum contra statum S. R. E. in Italia inferretur, tuncque dumtaxat cum iustus atque integer exercitus in ipsos etiam Ecclesiasticæ ditionis fines pervaserit, vel prope jam sit, ut qui loca finitima invaserunt, ad occupandum Civitates, & loca ditionis ecclesiasticæ irrumpant. Si belli sumptus faciendus erit pro Civitatis, quæ temporali ditioni Sanctæ Romanæ Ecclesiæ subiecta, ab ipsius obedientia, (quod Deus avertat) defecerit, recuperatione, & conservatione, aut pro Civitate, ac ditione, quæ ad Sedem Apostolicam devolveretur, recuperanda, & conservanda. Si quando quis in eam se intruderet, seu occuparet, aut occupationis, & intrusionis periculum instaret atque urgeret. In his autem omnibus casibus præscriptis, ac permixtis, in quibus aliqua pecuniæ portio, semel aut sæpius sumi licebit, id semper moderate fiat, eaque cautio ratioque adhibeatur, ut omnino saltem integra medietas constitutæ hujus ærarii pecuniæ remaneat. Præterea consensum duarum saltem ex tribus partibus Cardinalium, qui Consistorio interfuerint, præstari, decretumque ipsum eorumdem Cardinalium consentientium subscriptione roborari volumus.

Idque se fer-  
vaturum jure-  
jurando vo-  
vet, & ejus  
Successores di-  
ctum juramē-  
tum ligare  
declarat.

§.3. Extra hos autem præscriptos casus, omnem hujus pecuniæ, Deo ut supra dictæ, vel omnino, vel aliqua ex parte amovendæ, aut erogandæ potestatem a Nobis prorsus abdicamus, abdicatamque plane esse volumus. Statuentes quemadmodum supradictum est, ut instar bonorum immobilium Ecclesiæ sit, & habeatur; eamdemque sic asservatam, & repositam, ac Deo dicatam, Nos integram conservaturos esse, ac perinde omnino atque res, & bona Ecclesiæ immobilia Nos habituros esse promittimus, juramus, & vovemus. Cujus rei servandæ vinculo, sicut Nos adstringimus, ita successores etiam nostri se eodem devinctos esse norint, tum boni publici casu, quod summo studio procurare debent, tum Pontificalis muneris religione, qua ob-

strictos non modo non rescindere, sed inviolate observare oportet, quæ a Prædecessoribus utiliter sancteque constituta esse vident, tum denique divinæ justitiæ lege, ex qua intelligant se, prout divinæ literæ, exemplaue significant, ac Patrum documenta declarant, gravissimas pœnas daturos esse, si rem Deo dicatam, aliter, ac præscriptum est, dispensarint.

§.4. Cujus rei non minus insigne, quam tremendum exemplum in Machabeorum historia memoriæ traditum est, de impio atque audaci Heliodoro, qui cum pecuniam a sacro templi Dei ærario auferre moliretur, armato quodam equite, aspectu terribili subito divinitus apparente, equi calcibus impetitus a duobus quoque juvenibus, Dei item jussu apparentibus flagellis verberatus, ac plagis gravissimis affectus est. At vero Nos religiosa eorum conscientia, Pontificiaque caritate confisi, non modo non dubitamus, sed plane speramus fore, ut ærarium hoc nostrum, quod nostra Pontificali sollicitudine partum, ac Deo dicatum ad necessarios præscriptos casus reservavimus, ita diligentissime reservent, ut Nos maxime facturos esse professi sumus, ac profitemur.

§.5. Si vero alii casus aliquando inciderint, qui etiam majorem ex ærario promendæ pecuniæ rationem haberent, nolumus tamen, quod de his certis casibus constituimus, & præscripsimus, ullo umquam tempore, nec etiam dum Sedes Apostolica per obitum Romani Pontificis vacaverit, ad illos qui majoris rationis vim habere viderentur, extensionem fieri, aut ullo modo de illis interpretari licere. Sed nostram hanc Ordinationem, Constitutionemve ad literam intelligi debere decernimus. Nam Successoribus nostris æque ac Nobis etiam, si qui alii casus inciderint, in quibus magnæ, etiam impensæ infumendæ aliquando erunt pecuniæ, opes aliunde non deerunt, quibus conservata hac in hoc a Nobis constituto, & sancito ærario summa, occurrere necessitatibus incidentibus poterit. Etenim si a Nobis, qui in hoc ipso Pontificatus nostri ingressu multis difficultatibus oppressi, ad sublevandam Annonæ inopiam ad exules, facinorososque homines publicæ quietis perturbatores coercendos, atque ob Basilicas religiosissimas, & toto terrarum Orbe celeberrimas reficiendas, atque instaurandas, cultumque divinum in hac Alma Urbe, quæ Christianæ Religionis Sedes est, & domicilium, novis, etiam sacris ædificiis, atque ornamentis amplificandum, tum etiam ob salubris, & copiosæ aquæ ad loca Urbis acclivia, quæ illa maxime indigent, operosam deductionem, aliasque gravissimas ob causas multiplices, & maximas impensas subire coacti sumus, ærarii hujus pecunia, nostra sedulitate, & diligentia reposita, & ad certos præscriptos casus reservata non esset, sed in varios alios usus a Nobis pro justo arbitrato nostro erogaretur, nullus quidem locus justæ adversus Nos quarelæ successoribus nostris re-

Exemplum quoque ejusdem proponit impii Heliodori, qui pecuniam ab ærario Templi Dei auferre molies Dei jussu, acriter percussus, & verberatus fuit.

Casus hic præscriptos, ad alios etiam majoris rationis vim habentes, non extendi, sed ad literam intelligi debere decernit, ex causis hic expressis.



linqueretur, & nihilominus pro necessitatibus, etiam quæ de repente inciderent, sumptus subire, & eis providere cogentur. Propterea iis durum videri nullo modo debet, si conservata ararii prædicti summa, quæ faciliorem ad alios nummos sibi comparandos viam munit, aliunde pecuniam sumere debeant, quam in sumptus, pro temporum varietate necessarios erogent.

Pecuniam di-  
gitis casibus ac-  
ceptam, quam  
primum repo-  
ni jubet.

§.6. Immo vero illud rationi valde consentaneum est, ut quam inde pecuniæ partem in præscriptis illis casibus sumserint, eam integram cum primum sumptus in iis faciendi occasio cessaverit, plane in ipsum ararium unde acceperunt, restituant, ac reponant.

Claves sex  
ad custodiam  
dictæ pecuniæ  
institutas sex  
personis hic  
nominatis as-  
signat, præsti-  
to juramento  
de observando  
præmissa sub  
pena excom-  
municationis.

§.7. Et vero ut ob causas tantum supra plane præscriptas, ex eodem arario pecunia juste legitimeque sumatur, ad illius custodiam sex claves adhiberi jubemus, quarum tres Cardinalibus item tribus, qui ordinum capita dicuntur, quique in Romana Curia præsentibus adfint, illis vero absentibus, tribus aliis, qui in eisdem ordinibus eis proximi erunt, eorumque locum eo tempore gesserint, sigillatim assignentur, quarta S. R. E. Camerario, quinta Decano Clericorum Camera Apostolicæ, a quo illam alias tradi non liceat, nisi præsentibus, & consentientibus ejusdem Camera Clericis duobus, sexta denique Thesaurario generali. Claves vero duæ portarum ararii hujus sic a Nobis constituti, altera Collegii Cardinalium Decano, eoque absente antiquiori in ordine Cardinali in Urbe existenti, altera nostro, & pro tempore existenti Romani Pontificis Thesaurario secreto asservandæ tradantur; qui omnes jurabunt, se neque claves daturus, neque extractioni præfata pecuniæ consensuros, nisi in casibus supra præscriptis, & tunc nisi consensu duarum partium Cardinalium, ut supra interveniente.

Præfatus Ca-  
stri S. Angeli  
præmissa fer-  
vari jure.

§.8. Volumus insuper ab ejusdem Castri Sancti Angeli, nunc, & pro tempore Præfeto juramentum deferri, atque ad illud præstandum in manibus S. R. E. Camerarii teneri, se non permissurum, quavis jussione, & quibuscvis clausulis munita non obstante, ex arario per Nos constituto aliquam pecuniarum quantitatem auferri, nisi forma per Nos tradita observata. Si vero contra hoc juramentum fecerint, pecuniæque ex arario partem aliquam, vel minimam contra hujus Ordinationis, Constitutionisque nostræ præscriptum sumi, promi, detrahique permiserint, anathematis poenam ipso facto subeant.

Contrarium  
tentantes pe-  
nas hic dictas  
incurrunt.

§.6. Id quoque statuimus, & sancimus, ut omnes, & singuli, tam sæculares quavis dignitate, etiam Ducali, aut Regia fulgentes, quam ecclesiastici, cujusvis ordinis, & dignitatis, etiam Episcopi, vel Archiepiscopi, vel Cardinales, qui de pecuniis ex eodem arario, præter casus, & formam supra præscriptos, sumendis, amovendisve tractarint, consuluerint, insinua-verint, suaserint, aut suadere tentarint, eo ipso sententiam excommunicationis incur-

*Bull. Rom. Tom. IV. Par. IV.*

rant, a qua nisi ab ipso Pontifice, præterquam in mortis articulo absolvi nequeant, ac præterea S. R. E., Sedisque Apostolicæ iidem rebelles, læsæque majestatis rei esse censeantur, omnibusque Ecclesiis, Monasteriis, & aliis per eos quomodolibet obtentis ecclesiasticis beneficiis eo ipso privati, cum ad illa, tum ad alia in posterum obtinenda inhabiles existant. Quod si aliquando eos reintegrari contigerit, nihilominus infames etiam remaneant, nec vero umquam iis ad honores, gradus, dignitatesque in posterum aditus patefiat.

§.10. Volumus autem quod sicut omnes, & singuli Cardinales præsentibus Constitutionem hujusmodi, quantum in eis erit, observare, illique non contravenire, nec Pontificibus contrafacientibus consentire, aut absolutionem a juramento præstito non petere, nec oblatam aut concessam acceptare in Consistorio nostro secreto promiserunt, & jurarunt, idem per absentes Cardinales a Consistorio in habitatione eorum, & a Romana Curia, ut quandocumque ad eandem Curiam se contulerint, ac per futuros pro tempore Cardinales in assumptione pilei promitti, & jurari debeat, ac promissionem, & juramentum hujusmodi in formula juramenti per eosdem Cardinales præstari soliti, adiungi, & inscribi debere, ac contrafacientes poenam periurii, & perpetuæ infamiæ, juris, & facti eo ipso incurrere decernimus.

§.11. Præterea quod ipsi Cardinales occurrente Apostolicæ Sedis vacatione, in Conclavi quando de observando se. re. Prædecessorum nostrorum Julii II. literis super electione Romani Pontificis, & Pii V. ne Civitates, & loca S. R. E. infeudentur, & aliis Constitutionibus juramentum præstare solent, etiam de inviolabiliter observanda præsentis Constitutione nostra, per quemlibet eorum, qui in Romanum Pontificem electus fuerit, & postmodum idem ad Summi Pontificatus fastigium assumptus, post ejus assumptionem hoc ipsum promittere, ac jurare, & deinde post coronationem suam promissionem, & juramentum hujusmodi per literas suas speciales harum confirmatorias reiterari debeat. Quod si illud a Pontifice, quod credendum non est, recusabitur, aut differetur, tunc dicti Cardinales in primo Consistorio secreto, & præcipue eorum Decanus, & Capita Ordinum apud eum omni cum instantia, & instantissime pro præsentium observatione petere, & rogare, ac obtestari non cessent. Quod si semel atque iterum enixe rogatus ejusmodi juramentum præstare diutius etiam distulerit, tunc demum omnes singulosque Cardinales ea lege adstringimus, ut in singulos annos quinquies, in die scilicet Natali Domini, in Pascha Resurrectionis, in festo solemni S. Petri, die præterea Anniversario Creationis, & Coronationis ipsum Pontificem instantanter, instantius, atque instantissime rogent, orent, obsecrent, atque obtestentur, ut de sancito hoc arario, quod Deo obtulimus, & dicavimus, ad præscriptum

Cardinales omnes in assumptione, vel accessu ad Curiam, observationem hujus Bullæ curent.

In Conclavi idem ipsi Cardinales, & etiam Pont. post coronationem, juramento promittant.



Hæc Bulla in  
Conclavi le-  
gitur, & in  
quinterno Cæ-  
cellariæ de-  
scribitur.

Transumptis  
credatur.

Si successores  
contraxerint,  
agi poterit cō-  
tra eorum, &  
Cardinalium  
consentientium  
conjunctos.

Sanctio pec-  
nalis.

Dat. P. An.I.  
21. Aprilis.

pram custodiendo servandoque sancte juret, idque ut omnino efficiat tamdiu quod plene effecerit, diligentissime curare studeant, statuimus, & ordinamus.

§.12. Has vero nostras literas in libellum redigi, & post prædictas Julii II., & Pii V. literas, quæ in ipso Conclavi legi solent, aliisque Constitutionibus Apostolicis adjungi, & in quinterno etiam Cancellariæ Apostolicæ una cum aliis Constitutionibus nostris describi, & in valvis Basilicæ B. Petri Principis Apostolorum, & in Cancellaria nostra Apostolica, ac in acie Campi Floræ publicari.

§.13. Earumque transumptis, & exemplis etiam impressis, manu Notarii publici subscriptis, & sigillo alicujus Prælati, seu personæ in dignitate Ecclesiastica constitutæ munitis, eandem fidem ubique haberi, in judicio, & extra, quæ præsentibus haberetur, volumus, & jubemus.

§.14. Si quis autem fortasse nostrorum Successorum, id quod minime credimus, huic nostræ Constitutioni omnino, aut aliqua ex parte derogare, aut contra statuere voluerit, aut depromptam pecuniam, ut supra sancitum est, in idem ærarium non restituerit, admonemus post derogantis, aut contra statuentis, contraque facientis obitum, liberum esse Successoribus ea derogatione, & quibuscumque aliis, quæ contra statuta sunt, non obstantibus, pro pecunia contra hujus Constitutionis præscriptum sumpta, ac deprompta recuperanda adversus Pontificis derogantis, & contrafacientis, & Cardinalium idem consentientium posteros, seu conjunctos omnes, quibus ab ipso Pontifice, aut Cardinalibus bona quovis titulo, vel quavis ratione obvenerint, agere, & possessionem bonorum, quæ ad ipsos posteros pervenerint, adipisci, retinerique, donec quicquid pecuniæ depromptum est, id omne in ærarium referatur, & restituatur, eaque ipsa bona, si quo modo, ut supra dictum est, a forma per Nos constituta recedi contigerit, hujusmodi obligationi, atque oneri obnoxia, & addicta esse volumus, singulis quæ in nostris literis adversari possent, vel quomodo obesse, penitus remotis, ac non obstantibus.

§.15. Nulli ergo omnino hominum liceat hanc paginam nostræ Constitutionis, collocationis, repositionis, asservationis, assignationis, oblationis, dicationis, abdicationis, promissionis, juramenti, voti, professionis, sanctionis, adstrictionum, decretorum, statutorum, ordinationis, iussionum, admonitionis, & voluntatum infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus, se noverit incursurum.

Datum Romæ apud S. Petrum, Anno Incarnationis Dominicæ, millesimo quingentesimo octuagesimo sexto, undecimo Kalendas Maii, Pontificatus nostri Anno I.

✱ Ego Sixtus Catholica Ecclesiæ Episcopus promitto, voveo, & juro.

*De ventre matris meæ tu es Deus protector meus.*

✱ Ego A. Cardinalis Farnesius Episcopus Ostien. Vice-Cancellarius, promitto, voveo, & juro.

✱ Ego Jacobus Cardinalis Sabellus Episcopus Portuen., promitto, voveo, & juro.

✱ Ego Joannes Antonius Cardinalis Sancti Georgii, Episcopus Tusculanus, promitto, voveo, & juro.

✱ Ego Jo. Franciscus Card. de Gambara, Episcopus Prænestin., promitto, voveo, & juro.

✱ Ego M. S. Card. de Altaemps, promitto, voveo, & juro.

✱ Ego Innocentius Avalus Cardinalis de Aragonia, promitto, voveo, & juro.

✱ Ego Marcus Antonius Cardinalis Columna, promitto, voveo, & juro.

✱ Ego P. Cardinalis Sanctacrucius, promitto, voveo, & juro.

✱ Fr. Michael Bonellus Cardinalis Alexandrinus, promitto, voveo, & juro.

✱ Ego Ludovicus Cardinalis Madrucus, promitto, voveo, & juro.

✱ Ego N. Cardinalis Senonensis, promitto, voveo, & juro.

✱ Julius Antonius Cardinalis Sanctæ Severinæ, promitto, voveo, & juro.

✱ P. Cardinalis Castus, promitto, voveo, & juro.

✱ Ego Hieronymus Cardinalis Rusticucius, promitto, voveo, & juro.

✱ Ego Jo. Hieronymus Cardinalis Albanus, promitto, voveo, & juro.

✱ Ego Philippus Boncompagnus Cardinalis Sancti Sixti, promitto, voveo, & juro.

✱ Ego Hieronymus Cardinalis Simoncellus, promitto, voveo, & juro.

✱ P. Cardinalis Deza, promitto, voveo, & juro.

✱ Ego Antonius Cardinalis Caraffa, promitto, voveo, & juro.

✱ Ego Jo. Antonius Cardinalis Sanctorum Quatuor, promitto, voveo, & juro.

✱ Ego Jo. Baptista Cardinalis Sancti Marcelli, promitto, voveo, & juro.

✱ Ego Vincentius Cardinalis Montis Regalis, promitto, voveo, & juro.

✱ Ego Scipio Cardinalis Lancellottus, promitto, voveo, & juro.

✱ Ego Vincentius Cardinalis Gonzaga, promitto, voveo, & juro.

✱ Ego Henricus Cardinalis Cajetanus, promitto, voveo, & juro.

✱ Ego Jo. Baptista Cardinalis Castrucius, promitto, voveo, & juro.

✱ Ego Federicus Cardinalis Cornelius, promitto, voveo, & juro.

✱ Ego Dominicus Cardinalis Pinellus, promitto, voveo, & juro.

✱ Ego Decius Cardinalis Azzolinus, promitto, voveo, & juro.

✱ Ego

Cardinalium  
subscr.



- \* Ego Hippolytus Cardinalis Aldobrandinus, promitto, voveo, & juro.
- \* Ego Ferdinandus Cardinalis de Medicis, promitto, voveo, & juro.
- \* Ego Philippus Cardinalis Vastavillanus, promitto, voveo, & juro.
- \* Ego Franciscus Cardinalis Sfortia, promitto, juro, & voveo.
- \* Ego Alexander Cardinalis Montaltus, promitto, juro, & voveo.

## XLIV.

Confirmatio Congregationis Beatæ Mariæ Fulienfis strictioris observantiæ Monachorum Ordinis Cisterciensis Sancti Benedicti, cum gratiarum largitione.

## SIXTUS PAPA QUINTUS

*Ad perpetuam rei memoriam.*

Exordium:

**R**eligiosos viros, qui divino spiritu afflatti arctiorem, quam ab initio professi fuerint, ac priscis Sanctorum Patrum moribus magis similem vitæ rationem sibi ipsis suapte sponte præscribunt, in suo laudabili proposito confovere, & ita alios ad eorum imitanda vestigia incitare, pro Pastoralis officio divinitus commisso, plurimum semper intendimus.

In Monasterio S. Mariæ Fulien. strictior observantia Monasticæ disciplinæ mox introducta fuit.

§.1. Sane cum ad Nos nuper perlatum fuerit, in vestro Monasterio, sublatis quibuscumque pravis abusibus, institutionem, & disciplinam monasticam in longe meliorem formam restitutam, & reintegratam, Vosque Religionis, & pietatis amore ita incensos, existere, ut non solum ab esu carniū quibuscumque temporibus, etiam ab Ecclesia permissis, & a potu vini abstineatis, sed etiam in laboribus, jejuniis, orationibus, carnis maceratione, & mortificatione, aliisque poenitentiae operibus exercendis, strictiorem, & severiorem, quam reliqui Monaci Sancti Benedicti Cisterciensis Ordinis Regulam observare studeatis.

Hic Pontifex eam approbat

§.2. Nos vestram hanc piam, & salutarem intentionem plurimum in Domino commendantes, quo magis pacato, & tranquillo animo in humilitatis spiritu divinis obsequiis insistere, piumque institutum prosequi absque impedimento possitis, vestris supplicationibus inclinati, ritus, mores, vitæ normam, & reformationem ad arctiorem regularis disciplinæ observantiam in istud Monasterium nuper introductam, dummodo sacris Canonibus, & Concilii Tridentini decretis, ac supradictæ Sancti Benedicti Regulæ jampridem auctoritate Apostolica approbatæ consona sint, auctoritate præsentium approbamus, & confirmamus, illaque præsentium literarum patrocinio communimus, vobisque ac illis, qui perpetuis futuris temporibus in isto Monasterio regularem professionem emisierint, ut ea observare licite possitis, licentiam concedimus.

Superioribus d. Ordinis interdicit, ne a dicta vivendi norma ipsos retrahant.

§.3. Interdicimus etiam dilectis filiis Abbati Monasterii Cistercii, Cabilonensis Diocesis, ceterisque Superioribus pro tem-

*Bull. Rom. Tom. IV. Par. IV.*

pore existentibus ejusdem Ordinis, ne vos, aut eos, qui posthac erunt in isto Monasterio recepti, & ad professionem admissi, ad relaxandum, & remittendum aliqua ex parte rigorem istius observantiæ, utendumque, indultis, & dispensationibus Apostolicis, quibus vetustam vestri Ordinis, & primævam institutionem, illiusque austeritatem diversi nostri Prædecessores, mansuetudine quadam temperarunt, laxiorem, honestam tamen vivendi normam permiserunt, & benigne indulerunt, quovis prætextu, aut quæsito colore, invitos cogere, vel compellere, aut vos in præmissis molestare, aut impedire audeant, vel præsumant. Quod si quid tale attentaverint, aut vobis injungere, præcipere, & mandare præsumperint, Vos, ac pro tempore futuros istius Monasterii Abbatem, & Monachos, ad obediendum talibus illorum præceptis, & jussis minime teneri decernimus. Ita ut nihilominus, etiam illis contradicentibus, absque alicujus poenæ, vel censuræ Ecclesiasticæ incurso in hoc vestro instituto perseverare, libere, & licite valeatis.

§.4. Ceterum volumus, ut in reliquis, quæ præmissis vestris arctioribus institutis, & disciplinæ regulari non erunt contraria, eorum visitationi, correctioni, omnimodæ jurisdictioni, & superioritati, sicuti hactenus fuistis, & in posterum vos, vestrique Successores subiecti sitis, & ab illorum obedientia nequaquam tali occasione recedatis.

Superioritatem vero, & omnem jurisdictionem eis præservat.

§.5. Quod si umquam controversia, dubitatio, seu discordia exorta erit super præmissis, utrum scilicet vestri mores, vestrumque vivendi genus prædictæ S. Benedicti Regulæ adversentur, talis controversiæ cognitionem, definitionem, & decisionem, Nobis dumtaxat, & Romano Pontifici pro tempore existenti reservamus.

Cognitionem dubii circa vivendi normam oriundi sibi reservat.

§.6. Non obstantibus Constitutionibus, & Ordinationibus Apostolicis, ac in Conciliis etiam generalibus editis, & prædictorum, ac aliorum quorumvis Ordinum, & Monasteriorum juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, illorum Superioribus, & Generalibus, ceterisque personis quomodolibet concessis, approbatis, & innovatis, quibus omnibus illorum tenores pro expressis habentes, ad effectum præsentium dumtaxat, specialiter, & expresse derogamus, ceterisque contrariis quibuscumque.

Contrariis quibuscumque derogat.

Datum Romæ apud Sanctum Petrum, D. P. An. II. sub Annulo Piscatoris, die 5. Maii 1586., 5. Maii. Pontificatus nostri Anno II.



Ex Regest. in  
Secret. Brev.

Prohibitio quod de cetero nulla Corpora  
Defunctorum præterquam Regalia, in  
Choris, & aliis locis intra septa, & Clau-  
suram Monasteriorum Monialium in  
Regnis Hispaniarum sepelli valeant.

## SIXTUS EPISCOPUS

SERVUS SERVORUM DEI

*Dilecto Filio nostro, & Sedis Apostolica  
in partibus Hispaniarum commoranti  
cum potestate Legati, de latere Nun-  
tius. Salutem, & Apostolicam  
benedictionem.*

Pontificis cu-  
ra in servan-  
da Monialium  
clausura.

**C**irca Pastoralis Officii curam Nobis,  
meritis licet imparibus, desuper com-  
missam, quantum Nobis ex alto permitti-  
tur invigilantes assidue ad ea, per quæ per-  
nitiosis abusibus, & exinde provenientes  
scandalis obvietur, ac in Monasteriis sin-  
gulis, præsertim foeminae sexus debita clau-  
sura servetur, & Sanctimonialium in eis sub  
Religionis iugo Christo Salvatori in casti-  
tatis holocausto famulatum affectantium,  
quieti, & animarum saluti consulatur, li-  
benter intendimus, ac in his nostræ vigi-  
lantia partes propensius impartimur, prout  
in Domino salubriter expedire conspici-  
mus.

Causa facien-  
da prohibitio-  
nis, de qua  
in rubrica.

§.1. Cum itaque, sicut accepimus, non-  
nullæ personæ laicæ in Regnis Hispaniarum  
degentes sæpius eo temeritatis deveniant,  
ut sub prætextu, quod alias suorum de-  
functorum corpora in certis eorum Ca-  
pellis, seu Monialium Choris, vel aliis  
locis intra septa, & clausuram Monasterio-  
rum Monialium S. Augustini, vel alterius  
Ordinis, sub cura, & regimine Fratrum,  
& Superiorum Ordinis Fratrum Prædica-  
torum viventium existentibus sepelire, seu  
deponere consueverint, ab huiusmodi scan-  
daloso abusu desistere non curantes, murum  
Chori Ecclesiarum Monasteriorum huius-  
modi pro introducendis Cadaveribus rum-  
pere, & Clausuram huiusmodi violare præ-  
sumant in non modicum Christifidelium  
scandalum.

Prohibitio.

§.2. Nos pro nostri pastoralis officii  
munere scandaloso abusui, & pernicioso  
exemplo huiusmodi obviare, ac Monaste-  
riorum Clausuræ, & Monialium, in illis  
degentium quieti, & animarum saluti,  
quantum cum Deo possumus, providere vo-  
lentes, ac certam de præmissis notitiam  
habentes, Motu proprio non ad alicujus  
desuper Nobis oblata petitionis instantiam,  
sed de nostra mera deliberatione discretioni  
tuæ per Apostolica scripta committimus,  
& mandamus, ut auctoritate nostra prohi-  
beas, & statuas, quod de cetero perpetuis  
futuris temporibus, nulla prorsus defun-  
ctorum corpora, præterquam regalia in  
Choris, Capellis, Capitulis, vel aliis lo-  
cis intra septa Ecclesiarum huiusmodi exi-  
stentibus quovis prætextu, aut colore sep-  
PELLIRI aut deponi perpetuo, vel ad tempus,  
neque tumbæ, aut sepulturæ infra septa,  
& Clausuram huiusmodi cum stemmatibus,

aut insignibus, vel alias quomodolibet, ex-  
ceptis Regalibus fieri, aut constitui, vel  
refici possint, aut valeant quomodolibet.

§.3. Et quod de præsentis forsan constru-  
ctæ ex dictis locis intra clausuram huius-  
modi existentibus, penitus, & omnino amo-  
veri, & ad alium locum, in Ecclesiis Mo-  
nasteriorum prædictorum, extra tamen,  
Clausuram arbitrio Superiorum prædicto-  
rum, & partium interesse habentium trans-  
ferri debeant.

§.4. Siquæ vero Cappellæ, etiam ad  
aliquas particulares personas quovis jure  
spectantes intra eandem clausuram repe-  
riantur, ad quas pro Defunctorum Corpori-  
bus inibi sepeliendis ex ipsa Ecclesia non  
nisi diruto muro pateat ingressus, earum-  
dem Cappellarum janua, quæ de præsen-  
ti intra eandem clausuram aperte existunt,  
occludi, & illis penitus clausis alia Ostia  
extra Clausuram huiusmodi in eadem Ec-  
clesia aperiri, & fieri debeant, itaque  
pro ingressu cappellarum huiusmodi, vel  
alias quomodolibet nullo modo eadem  
clausura de cetero violetur.

§.5. Ac etiam ita in futurum sub ex-  
communicationis majoris lata sententiæ  
ipso facto per contravenientes incurrendæ  
pœna, a qua non nisi per Nos, aut Successo-  
res nostros Romanos Pontifices pro tempore  
existentes absolvi possint, perpetuo obser-  
vari eadem auctoritate præcipias, & man-  
des, Monialesque, & Conventus Mo-  
nialium, seu Domorum huiusmodi super  
præmissis a quoquam, etiam prætextu cu-  
juscunque consuetudinis etiam immemo-  
rabilis, quam eadem auctoritate revoces,  
& annulles, aut alias quovis colore nulla-  
tenus molestari, perturbari, aut inquietari  
posse, necnon quicquid secus super his  
a quoquam quavis auctoritate, scienter,  
vel ignoranter attentari contigerit, irri-  
tum, & inane decernas, Contradiectores  
quoslibet, & rebelles, per sententias,  
censuras, & pœnas Ecclesiasticas, aliaque  
opportuna juris, & facti remedia, appel-  
latione postposita, compescendo, ac legi-  
timis super his habendis servatis pro-  
cessibus, sententias, censuras, & pœnas  
ipsas, etiam iteratis vicibus aggravando,  
invocato etiam ad hoc, si opus fuerit,  
auxilio brachii secularis.

§.6. Non obstantibus præmissis, ac  
quatenus opus sit nostra de non tollendo  
jure quæsito, necnon felicitis recordationis  
Bonifacii Papæ VIII. Prædecessoris no-  
stri, qua cavetur, ne quis extra suam Ci-  
vitatem, & Dioecesim in quibus deputati  
fuerint contra quoscunque, nisi in cer-  
tis casibus, & in illis, ultra unam die-  
tam a fine suæ Dioecesi ad iudicium evo-  
cetur. Seu ne iudices a Sede prædicta  
deputati extra Civitatem, & Dioecesim, in  
quibus deputati fuerint, contra quoscunque  
procedere, aut alii, vel aliis vices suas  
committere præsumant, & in Concilio Ge-  
nerali edita de duabus dietis, dummodo  
ultra tres dietas aliquis auctoritate præsen-  
tium ad iudicium non trahatur, aliisque

Si quæ sepul-  
tura intra  
clausuram con-  
struatur, aut  
aliis transgre-  
renda.

Cappellarum  
Janua extra  
clausuram a-  
perienda.

Opportuna  
ad id Aposto-  
lico Nuncio  
concessa fa-  
cultates.

Obstantium  
derogatio.

Conti-



Constitutionibus, & Ordinationibus Apostolicis, ac Statutis, & Consuetudinibus, etiam juramento, confirmatione Apostolica, vel quavis firmitate alia roboratis. Contrariis quibuscumque. Aut si aliquibus communiter, vel divisim a supradicta sit Sede indultum quod interdici, suspendi, vel excommunicari non possint per litteras Apostolicas non facientes plenam, & expressam, ac de verbo ad verbum de indulto hujusmodi mentionem.

Dat. die 7.  
Maii 1586.  
An. II.

Datum Romæ apud Sanctum Petrum, Anno Incarnationis Dominicæ, millesimo quingentesimo octuagesimo sexto. Nonis Maii Pontificatus nostri Anno II.

## XLVI.

Approbatio, declaratio, & extensio Constitutionum editarum a Pont. Prædecessoribus, circa solutionem Annatarum, Communium, & Quindenniorum, de beneficiis ecclesiasticis R. Cam. Apost. debitorum.

*De hac materia, ultra ea quæ sunt in extravagantibus, extant in hoc opere Pauli II. Const. VII. Decet Tom. III. Par. III. fol. 126. Innoc. VIII. Const. IV. Apostolica ibidem fol. 200. Julii II. Const. VI. Romani ibidem fol. 265. Clem. VII. Const. XLI. Cum sicut. Tom. IV. Par. I. fol. 98. Julii III. Const. XXVII. Cupientes ibidem fol. 304. Pauli IV. Const. XVI. Incumbentia ibid. fol. 336., & Const. XXV. Decens ibidem fol. 351. necnon Pii V. Const. LVI. Apostolica Tom. IV. Par. II. fol. 369.*

## S I X T U S P A P A V.

*Ad perpetuam rei memoriam.*

Causa hujus  
Constitutionis.

**C**ameræ nostræ Apostolicæ, & Collegii Fratrum nostrorum S. R. E. Cardinalium, & officialium Romanæ Curia, de annatis, & quindenniis participantium indemnitati, prout tenemur, consulere, & eorum jura illæsa præservare volentes, ea, quæ propterea a Prædecessoribus nostris provide statuta fuerunt, & ordinata, ut inviolate observentur, confirmationis nostræ munimine roboramus, & innovamus, & alias desuper disponimus, prout rationi consentaneum esse, & in Domino conspiciamus expedire.

Confirmatio  
Bullarum Pauli II. & IV. & Pii V. & aliorum Pontificum.

§. 1. Itaque Motu proprio, & ex certa scientia nostra, quascumque, tam sub plumbo quam in forma Brevis, & Motus proprii litteras felicitis recordationis Pauli Secundi, & ejusdem nominis Tertii, Pauli Quarti, ac Pii Quinti, necnon quorumcumque aliorum Romanorum Pontificum Prædecessorum nostrorum super solutione annatarum, communium, quindenniorum, & aliorum jurium, ratione provisionum, & seu unionum perpetuarum quorumcumque beneficiorum ecclesiasticorum, per Sedem Apostolicam factarum, & faciendarum, editas, confirmatas, & innovatas, cum omnibus clausulis, decretis, derogationibus, ac censuris, & poenis in illis conten-

tis, necnon omnia, & singula per quoscumque Judices, executores, & Commissarios, in præmissis, & circa ea quomodolibet gesta, & executæ, ac inde secuta quæcumque, auctoritate Apostolica tenore præsentium approbamus, & confirmamus, necnon illis perpetuæ, & irrefragabilis firmitatis robur adicimus, omnesque, & singulos juris, & facti, ac solemnitatum, & alios defectus, siqui forsan intervenerint in eisdem, supplemus, atque illas, quatenus opus sit, innovamus.

§. 2. Præterea quoniam quindenniorum usus, & solutio ratione beneficiorum unionum constituta sunt, quia illorum vacatio amplius non speratur, & ut propterea damnum ex hoc Camera Apostolicæ, & Collegio Cardinalium, & Romanæ Curia officialibus prædictis emergens farciatur; Nos attendentes, quod tantumdem detrimenti Camera, Collegio, & officialibus præfatis, ex unionibus quæ ab Ordinariis locorum, & aliis fiunt, provenit, ac propterea æquum esse censes, ut quod in unionibus per Sedem Apostolicam factis obtinet, illud idem, & fortius in unionibus per ipsos Ordinarios factis, & faciendis observetur: licetque in Constitutionibus, & literis Prædecessorum præfatorum comprehendere videatur, tamen, ut cuivis dubitandi occasio præcidatur, Motu, & scientia similibus, ac de Apostolicæ potestatis plenitudine, tenore præsentium statuimus, decernimus, & declaramus, quod uniones, annexiones, incorporationes, applicationes, & submissiones, de quibuscumque beneficiis ecclesiasticis, tam secularibus quam regularibus, etiam si Monasteria, Monialium, & Hospitalia fuerint, quæ tamen tempore ipsarum unionum cura Conventu, & Hospitalitate caruerint, & quorum singulorum, vel si plura beneficia unicis literis comprehensa sint, quorum quodlibet annuus valor vigintiquatuor ducatos auri de Camera, secundum communem estimationem non excedat, dummodo tamen omnium insimul illum transcendat, cujuscumque Ecclesiæ, Monasterio, Collegio, domui, Societati, Congregationi, Ordini, Militiæ, Hospitali, Seminario, aut alii loco pio, tam per quoscumque Romanos Pontifices Prædecessores nostros, ac Nos, necnon Sedis præfatæ Legatos, Nuncios, & alios quoscumque subdelegatos, & alias quomodolibet auctoritate Apostolica, quam per quemcumque loci Ordinarium, in qualibet mundi parte, hactenus factæ, & faciendæ, etiam si manualia, & de jure patronatus laicorum, etiam Imperatoris, Regum, Ducum, Marchionum, Baronum, Comitum, & aliorum nobilium, & illustrium illa beneficia fuerint, sub dictorum Prædecessorum constitutionibus, ac declarationibus omnino comprehendantur, & includantur, ac ab omnibus comprehensæ, & inclusæ censeantur. Et propterea omnia, & singula Cathedralium, etiam Metropolitanarum, Collegiatarumque Ecclesiarum Capitula, Congregationes, Societates, Universi-

Extensio ad  
quoscumque  
uniones bene-  
ficiorum hic  
non excepto-  
rum.



versitates, Collegia, Seminaria, Hospitalia, Monasteria, & pia loca hujusmodi, & quivis alii, in quorum favorem uniones, annexiones, incorporationes, applicationes, & submissiones hujusmodi factæ reperientur, aut posthac fient, quantumcumque exemptæ, & privilegiatæ existant, etiam si se superinde in Camera Apostolica non obligaverint, dummodo beneficia ipsa possideant, ad solutionem quindenniorum præfatorum eidem Cameræ, ac Collegio, & officialibus, ratione unionum, annexionum, incorporationum, applicationum, & submissionum, præfatarum singulis quindecim annis, a die quo illæ suum sortitæ fuerint effectum, juxta tenorem literarum Prædecessorum præfatorum super hoc editarum faciendam teneri, & obligatos esse, & ad id per sententias, censuras, & poenas in ipsis literis contenta cogi, & compelli posse.

Decretum irritans.

§.3. Sicque per quoscumque Judices ordinarios, & delegatos, quavis auctoritate fungentes, etiam causarum Palatii Apostolici Auditores, ac S.R.E. Cardinales, sublatæ eis, & eorum cuilibet, quavis aliter judicandi, & interpretandi facultate, & auctoritate, ubique judicari, & definiri debere, irritumque, & inane quicquid secus super his a quoquam quavis auctoritate, scienter, vel ignoranter contigerit attentari, decernimus.

Judicis deputatio & facultates, in causis, & exigentis annatarum &c.

§.4. Mandantes dilecto filio Magistro Alexandro Glorierio, Clerico dictæ Cameræ, quem super cognitione, & decisione causarum, tam occasione præmissorum, quam annatarum beneficiorum pro tempore vacantium, per illorum provisos dictis Cameræ, Collegio, & officialibus, debitum, & debendarum, pendentes, & movendas judicem deputavimus, ac aliis in ejus locum, per Nos, vel Successores nostros subrogandis judicibus, ut pro faciliiori indagatione unionum præfatarum, omnia, & singula Cathedralium, etiam Metropolitanarum, & Collegiatarum Ecclesiarum Capitula, & Collegia, necnon tam virorum, quam mulierum, secularis, & quorumvis Ordinum regulares, Congregationes, seu Collegia, Seminaria, & pia loca, eorumdemque Prælatos, Procuratores, ad judicandum, & profitendum medio juramento, omnia, & singula Monasteria, Prioratus, Præposituras, Præpositatus, Parochiales Ecclesias, & alia quæcumque beneficia ecclesiastica, etiam si manualia, & de jure patronatus, ut præfertur, fuerint, quæ ipsa Collegia, Seminaria, Congregationes, & alia pia loca præfata possideant, illorumque annuos veros valores, sub privationis, & aliis in literis in forma Motus proprii Pauli IV., & Pii V. Prædecessorum hujusmodi contentis sententiis, censuris, & poenis, in Romana Curia, & extra eam, moneat, & requirat. Dantes eis plenam, & liberam facultatem pro eorumdem quindenniorum, & jurium exactione, omnes, & singulos illorum debitores sub singulis præfatis, & præsentibus nostris literis comprehensos, etiam per

edictum publicum, constituto summarie de non tuto accessu, tam in dicta Curia quam extra eam, citandi, monendi, & requiring, ac eis, & aliis, quibus, & quoties opus fuerit, etiam sub censuris, & poenis ecclesiasticis, ac etiam pecuniariis, Alexandri, & subrogandorum præfatorum arbitrio ferendis, statuendis, moderandis, & applicandis, ac etiam privationis beneficiorum unitorum, etiam simili edicto inhibendi, ipsosque debitores ad indicandum beneficia unita, & solvendum quindennia decursa, etiam si ad id in Camera Apostolica non se obligaverint, constituto tamen de sortito effectu unionum per similes sententias, censuras, & poenas, etiam interdicti, tam localis quam personalis appositionem, per Alexandrum, & subrogandos præfatos, quoties opus fuerit, ferendas, & promulgandas, necnon fructuum, reddituum, & proventuum beneficiorum ecclesiasticorum, quæ ipsi debitores possidebunt, pro quantitate eorum debiti sequestrationem, & alia opportuna juris, & facti remedia, etiam cum invocatione auxilii brachii secularis, cogendi, & compellendi, ac in præmissis omnibus, & singulis, etiam summarie, simpliciter, & de plano, sine strepitu, & figura judicii, sola facti veritate inspecta, ac alias more Camerali procedendi, ac eos qui sententias, censuras, & poenas præfatas, ut præmittitur, incurrerint, ab eisdem censuris, & poenis, prævia satisfactione absolvendi, & liberandi, aliaque faciendi, gerendi, & exercendi, quæ in præmissis necessaria fuerint, seu quomodolibet opportuna.

§.5. Non obstantibus quacumque centenaria, etiam completa, & etiam majori a jure statuta præscriptione, ac quibusvis Constitutionibus, & Ordinationibus, necnon privilegiis, exemptionibus, indultis, & literis Apostolicis, Capitulis, Congregationibus, Collegiis, Seminariis, Hospitalibus, & aliis piis locis præfatis, sub quibuscumque tenoribus, & formis, ac cum quibusvis derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis, etiam Motu, & scientia similibus, ac de Apostolicæ potestatis plenitudine, etiam consistorialiter, & ex causa initi contractus, aut alias quomodolibet concessis, ac iteratis vicibus approbatis, & innovatis. Quibus omnibus, etiam si pro illorum sufficienti derogatione, de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma servanda esset, tenores hujusmodi, ac si de verbo ad verbum infererentur præsentibus, pro plene, & sufficienter expressis habentes, hac vice dumtaxat specialiter, & expresse derogamus, necnon omnibus illis quæ Prædecessores præfati, in singulis eorum literis voluerunt non ob stare; ceterisque contrariis quibuscumque.

Clausula derogatoria.



§.6. Volumus autem, ut presentium transumptis &c.

Datum Romæ apud S. Petrum, sub Annulo Piscatoris, die 14. Maii, 1586. Pont. nostri Anno II.

## XLVII.

Confirmatio, & nova concessio gratiarum, & privilegiorum Ordini Cisterciensi, ejusque Abbatibus, Monachis, & Monasteriis a Gregorio IX., Innocentio IV., Sixto IV., Innocentio VIII., Pio IV., Pio V., Gregorio XIII., & aliis Summis Pontificibus concessorum.

*Institutionem hujus Ordinis, & omnia ipsum concernentia inspicere in Paschali II. Constitut. III. Desiderium Tom. II. fol. 113. Similem autem Statutorum Ordinis, & privilegiorum confirmationem habes in Pri. Quarti Constitut. LXXXIV. In eminenti Tom. IV. Par. II. fol. 162., & Gregorii XIII. Const. XXVIII. Superna T. IV. P. III. f. 273.*

## SIXTUS PAPA QUINTUS

*Ad perpetuam rei memoriam.*

Exordium,

**P**ontifex Romanus primarias Christi Dei & Domini nostri in terris gerens vices, sicut totius Dominici gregis pascendi curam, & onus sustinere dignoscitur, ita in eos, quos gravius laborare, & suo precipuo auxilio indigere perspexerit, propensius, & favorabilius incumbere debet. Cum primis vero Religiosorum Monachorum, qui mundanis abjectis illecebris in spiritu humilitatis Altissimo famulantur, paternam curam gerere, nutantemque illorum statum, quantum ex alto conceditur, celeri ac salubri munimine fulcire.

Plures Summi Pontifices Ordini Cisterciensi diversas gratias, & privilegia concesserunt.

§.1. Sane sicut pro parte dilecti filii Edmundi a Cruce Abbatis Monasterii Cistercii Cabilonen. Diocesis totius Ordinis Cisterciensis. Generalis, necnon dicti Ordinis Capituli generalis Nobis fuit expositum, quod Cisterciensium Monachorum Ordo a Divo Roberto institutus, & a Divo Bernardo illustratus, ceterisque eorum Successoribus propagatus, multorum virorum sanctimonia præcellens, tam a Prædecessoribus nostris Romanis Pontificibus, quam etiam ab Imperatoribus, Regibus, Ducibus, & aliis Principibus, tot, & tantis privilegiis, gratiis, & favoribus meruit decorari, ut nullo quovis temerario ausu, nullaque temporis diuturnitate, privilegia, exemptiones, & gratias hujusmodi a quoquam violari, aut modo aliquo infringi posse viderentur. Sed tamen ea est quorundam hominum improbitas, talisque rerum humanarum conditio, ut nisi sæpius eadem iterentur, & legum poenis fulciantur, hujusmodi hominum audacia, & temporis injuria, optimæ leges, & privilegia conculcentur. Quo factum est, ut quemadmodum eadem expositio subjungebat, multi piæ mem. Prædecessores nostri, præcipue vero Paschalis II., Callistus etiam II., Eugenius III., Alexan-

der III., Lucius similiter III., Honorius etiam III., Gregorius IX., Innocentius IV., Alexander etiam IV., Urbanus IV., Clemens IV., Gregorius X., Nicolaus IV., Bonifacius VIII., Clemens V., Joannes XXII., Benedictus XII., Clemens VI., Urbanus V., Joannes XXIII., Martinus V., Eugenius IV., Nicolaus V., Callistus III., Pius II., Sixtus IV., Innocentius VIII., Leo X., Pius IV., Pius V., & Gregorius XIII. Romani Pontifices privilegia, prerogativas, immunitates, exemptiones, libertates, indulgentias, conservatorias, facultates, & alias gratias, Monasterio, seu Abbati Cistercii, necnon Firmitatis Pontiniaci, Clarevallis, & Morimondi, Cabilonen. Antisiodoren., & Lingonen. respectu Diocesis quatuor ipsius Monasterii Cistercii filiabus appellatis, totique Ordini Cisterciensi, & Capitulo generali ejusdem concesserint, & indulserint.

§.2. Inter cetera vero Gregorius IX. ne ullus Episcopus, aut quælibet valia persona cujuscumque dignitatis, & præminentie existat, regularem electionem Abbatum ipsius Ordinis impedire, aut in ea se quomodolibet ingerere.

Gregorius IX. signanter Abbatibus electionem a nemine impediri iussit.

§.3. Innocentius IV. eisdem Episcopis, ne Monachos, & Abbates Religionis ejusdem, etiam ratione cujuscumque delicti, causa fidei dumtaxat excepta, ad sua iudicia, & tribunalia trahere.

Innocent. IV. Ordinem a jurisdictione Episc. eximit.

§.4. Sixtus IV. Commendatariis Monachorum numeri taxationem, & novitiorum receptionem, & benedictionem in Monasteriis commendatis prohibuit, atque ejus rei curam penes Abbates, aliosque Ordinis Superiores remanere voluit.

Sixtus IV. Commendatariis nonnulla prohibuit.

§.5. Innocentius VIII. ne quisquam ex Abbatibus, & Monachis ipsius Ordinis, in habitu, & vivendi ritu longo usu passim recepto, se ab aliis difformare præsumeret.

Innocent. VIII. difformitatem habitus vetuit.

§.6. Pius IV., Pius V., & Gregorius XIII., Commendatariis eisdem, eorumque Ministris, ceterisque personis secularibus quovis titulo ipsius Ordinis Monasteriorum, fructus, atque proventus percipientibus, ne templa, & alia loca regularia, & ad Monachorum usum destinata, Abbatiarum hujusmodi, & Monasteriorum quomodolibet occuparent, aut profanarent, neve in illis mulieres cujuscumque conditionis introducerent, nec sese in bonis per Monachos pro tempore decedentes relictis, illorumve spoliis quomodolibet intromitterent, aut bona ipsa sibi appropriarent, respective statuerunt, mandarunt, & districtius præcipiendo vetarunt.

Pius IV. Pius V., & Gregor. XIII. alias Commendatariis prohibuerunt.

§.7. Ac etiam alii Romani Pontifices Prædecessores nostri alias, & aliter in favorem Ordinis ejusdem statuerunt, ordinarunt, concesserunt, indulserunt, prohibuerunt, & inhibuerunt, prout in singulis, tam prædictorum, quam aliorum quorumcumque Prædecessorum nostrorum literis, sub quacumque forma, & data respective (quarum tenores presentibus haberi volumus pro expressis) expeditis, & emanatis latius dicitur contineri.

Nonnulli alii Pontifices, quædam alia Ordini concesserunt.

§.8. Quare ipsius Ordinis Cisterciensis. afflicto-



1586.  
Hic modo Pö-  
tifex omnia  
confirmat, &  
quatenus sint  
in usu, & Con-  
cilio Triden-  
tino non con-  
traria inno-  
vat.

flicto statui paterno affectu, & ex pastoralis officii Nobis ex alto injuncti munere providere volentes, Motu proprio, non ad Abbatis Cistercii ipsius Ordinis generalis, nec alterius cujusque pro eo, sive toto Ordine ipso Nobis oblata petitionis instantiam, sed ex nostra mera, & spontanea voluntate, & certa scientia, ac de Apostolica potestatis plenitudine, prædicta omnia, & singula privilegia, prærogativas, immunitates, exemptiones, libertates, indulgentias, conservatorias, facultates, indulta, & alias gratias Cistercii, & quatuor filiarum nuncupatarum præceptis Monasteriis, & Ordini universo, ejusque Capitulo generali, Definitoribus, & aliis Superioribus quibuscumque per supradictos, & alios quoscumque Romanos Pontifices Prædecessores nostros concessa, & innovata, concessasque, & innovatas, præsertim vero ipsas literas, Gregorii IX., Sixti IV., Innocentii VIII., Pii IV., Pii V., & Gregorii XIII., per quarum ausu temerario contemptam a multis observationem ejusdem Ordinis convellitur immunitas, regularis status periclitatur, uniformitas decoloratur, confirmamus, roboramus, & approbamus, illisque omnibus, & singulis, perpetuæ, & inviolabilis firmitatis robur adicimus, & quatenus opus sit, concedimus, & indulgemus, vetamus, prohibemus, & inhibemus, ac etiam solemnitatum, etiam substantialium, & quoscumque alios defectus, siqui in singulis privilegiis, indultis, & literis Apostolicis prædictis, vel aliis quibuscumque quomodolibet intervenerint, motu, & scientia similibus eodem præsentium tenore supplemus. Decernimus omnia, & singula in ipsis privilegiis, & indultis, ac præsentibus nostris contenta, & comprehensa, quatenus sint in usu, & sacris canonibus, præcipue vero Concilii Tridentini decretis non adversentur, perpetuo valida, & efficacia, ac firma, & stabilia fore, & esse, suosque plenarios effectus fortiri, & obtinere, ac omnibus, & singulis, quos tangunt, seu tangere poterunt quomodolibet in futurum, inviolabiliter observari debere.

Clausulas præ-  
servativas ap-  
ponit.

§.9. Ac præsentibus nostras etiam ex quavis causa de subreptionis, vel obreptionis, seu nullitatis vitio, aut intentionis nostræ, vel quovis alio defectu notari, seu impugnari, & alias quomodolibet infringi, vel retractari nullatenus umquam posse, sed eas semper, & perpetuo valere, & tenere, ac viribus subsistere, necnon eis, quos, vel quorum favorem concernunt, & concernent, omnino suffragari.

Clausulam  
sublatam &c.  
addit.

§.10. Sicque per quoscumque Judices, etiam causarum sacri nostri Palatii Apost. Auditores, ac S.R.E. Card., etiam Legatos de Latere, & quacumque potestate, & dignitate fulgentes, sublata eis, & eorum cuilibet quavis aliter judicandi, & interpretandi facultate, & auctoritate, ubique judicari, & definiri debere, irritumque, & inane, si secus super his a quoquam, quavis auctoritate, scienter, vel ignoranter contigerit attentari, decernimus.

Executores  
deputat.

§.11. Quocirca omnibus nostris, & di-

ctæ Sedis Legatis, ac Nunciis, ubicumque existentibus, ac quorumcumque locorum Ordinariis, necnon Ordinis præfati Conservatoribus, ac dilecto filio moderno, & pro tempore existenti Curia causarum Camera Apostolicæ generali Auditori, ipsorumque singulis per Apostolica scripta mandamus, quatenus præsentibus literas, & in eis contenta quacumque ubi, & quando opus fuerit, ac quoties pro parte P. Generalis, Abbatum, Procuratoris Generalis, Vicariorum, Visitatorum, & aliorum præfatorum, seu alicujus eorum desuper fuerint requisiti, solemniter publicantes, ipsique efficacis defensionis præsidio assistentes, faciant auctoritate nostra Patrem Generalem, Abbates, Procuratorem Generalem, Vicarios, Visitatores, & alios prædictos confirmatione, approbatione, adjectione, suppletionem, concessione, statuto, ordinatione, invocatione, præcepto, interdicto, revocatione, abolitione, ac sui Generalis voluntatibus, mandatis, decretis nostris, aliisque præmissis pacifice frui, & gaudere, ac præsentibus literas ab omnibus, quos illæ concernunt, inviolabiliter, & inconcussè observari, non permittentes P. Generalem, Abbates, Procuratorem Generalem, Vicarios, Visitatores, Superiores, ac alios prædictos desuper contra literarum earumdem, præsentiumque tenorem quomodolibet indebite molestari. Contradictores quoslibet, & rebelles per prædictas, ac alias sententias, censuras, & poenas, aliaque opportuna juris, & facti remedia, appellatione postposita, compescendo, ac legitimis super his habendis servatis processibus, sententias, censuras, & poenas ipsas, etiam iteratis vicibus aggravando, invocato etiam ad hoc, si opus fuerit, auxilio brachii sæcularis.

Contrarius de-  
rogat.

§.12. Non obstantibus præmissis, ac sanctæ memoriæ Bonifacii Papæ VIII. pariter Prædecessoris nostri de una, & in Concilio generali edita de duabus dietis, aliisque Apostolicis, ac in Provincialibus, & Synodalibus Conciliis editis generalibus, vel specialibus Constitutionibus, necnon quibuscumque, etiam juramento, confirmatione Apostolica, vel quavis firmitate alia roboratis statutis, & consuetudinibus, declarationibus, inhibitionibus, & decretis, privilegiis quoque, indultis, & literis Apostolicis, Legatis, Nunciis, & Ordinariis prædictis, ac aliis quibuscumque personis sub quibuscumque tenoribus, & formis, ac cum quibuscumque, etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis, in genere, vel in specie, etiam motu simili, etiam consistorialiter, aut alias quomodolibet concessis, & etiam iteratis vicibus approbatis, & innovatis. Quibus omnibus, & singulis, etiam si pro illorum sufficienti derogatione, de illis, eorumque totis tenoribus specialis, specifica, expressa, individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc



hoc servanda foret, illorum veriores tenores, formam, datas, & decreta in eis apposita, ac si de verbo ad verbum, nihil penitus omisso, & forma in illis tradita observata, inserti forent presentibus, pro sufficienter expressis habentes, illis alias in suo robore permansuris, hac vice dumtaxat specialiter, & expresse derogamus, & sufficienter derogatum esse decernimus, necnon omnibus illis, quæ in literis Pii IV., Pii V., & Gregorii XIII. ac aliorum prædictorum expressum fuit non ob stare, ceterisque contrariis quibuscumque. Aut si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint per litteras Apostolicas non facientes plenam, & expressam, ac de verbo ad verbum de indulto hujusmodi mentionem.

§. 13. Ceterum quia difficile foret &c.

Datum Romæ apud S. Petrum, sub Annulo Piscatoris, die 17. Maii 1586., Pontificatus nostri Anno II.

Eidem exemplis dari jubet.  
D. P. An. II.  
17. Maii.

## XLVIII.

Ex Regest. in Secret. Brev.

Confirmatio Constitutionum Congregationis Fratrum Sancti Ambrosii ad Nemus.

S I X T U S P A P A V.

Ad futuram rei memoriam.

Proemium.

**R**omanum decet Pontificem ea, quæ pro felici regimine, & salubri directione Monasteriorum, & Regularium locorum quorumlibet, ac personarum in eis degentium statuta, & ordinata fuisse comperit, ut firma, & illibata persistant, Apostolica Sedis munimine roborare.

Rektor Generalis, & Cardinalis Protector auctoritate Capituli Generalis Constitutiones reformât.

§. 1. Sane dilectus filius noster Franciscus Sancti Nicolai in Carcere Diaconus Cardinalis Sfortia nuncupatus, Ordinis, & Congregationis Fratrum Sancti Ambrosii ad Nemus sub Regula Sancti Augustini Protector Nobis exposuit, quod nuper dilecti filii Moderni, Rektor Generalis, ac Prior Monasterii Santi Clementis de Urbe Ordinis, & Congregationis hujusmodi a Capitulo generali Mediolanensi antea celebrato, auctoritatem reformandi constitutiones Ordinis, & Congregationis hujusmodi habentes una cum ipso Francisco Cardinali Protectore pluries congregati, nonnullas Constitutiones numero 45. partim ex veteribus, partim ex his, quas Bonæ mem. Cardinalis Borromeus tunc in humanis agens, & dicto Capitulo præfatus ediderat, partim vero aliunde, ut melius visum fuit, collectas eidem Francisco Cardinali Protectori legendas, & ab eo approbandas obtulerunt, quas dictus Franciscus Cardinalis Protector illis diligenter visis, ac mature consideratis, illa tam Franciscus Cardinalis Protector, quam Generalis, & Prior prædicti approbarunt, & pro approbatis habuerunt, illasque ab omnibus, & singulis Ordinis, & Congregationis prædictorum fratribus, & personis observandas esse judicarunt, atque mandarunt, prout in ipsis Capitulis per Franciscum Cardi-

Bull. Rom. Tom. IV. Par. IV.

nalem Protectorem, ac Generalem, & Priorem prædictos die 15. Mensis Aprilis proxime præteriti subscriptis plenius dicitur contineri.

§. 2. Quare prædictus Franciscus Cardinalis Protector tam suo, quam Generalis, ac Prioris prædictorum nominibus Nobis humiliter supplicavit, quatenus constitutiones prædictas omniaque, & singula in eis contenta Capitula confirmare, & approbare, illisque perpetuæ firmitatis robur adicere, aliasque in præmissis opportune providere de benignitate Apostolica dignaremur.

Eisdem Pontificia auctoritate firmati petunt.

§. 3. Nos de omnibus in eisdem constitutionibus contentis informati, hujusmodi supplicationibus inclinati, constitutiones prædictas dicta quadraginta quinque Capitula, ut præfertur, subscripta continentis, Apostolica auctoritate tenore præsentium perpetuo confirmamus, & approbamus, illisque perpetuæ firmitatis robur adicimus, omnesque, & singulos juris, & facti, ac solemnitatum quarumcumque quomodolibet omiffarum defectus, si qui forsitan inter venerint in eisdem, supplementis.

Eisdem confirmat Pontifex.

§. 4. Eisdemque constitutiones per Generalem, ac Priores, & Fratres dictorum Ordinis, & Congregationis tunc, & pro tempore existentes perpetuo observari debere, & ad id cogi, & compelli posse, nec ab illis ullo umquam tempore quovis prætextu resiliere posse, irritum quoque, & inane, quidquid secus super his a quoquam quavis auctoritate, scienter, vel ignoranter contigerit attentari, decernimus.

Perpetuoque servari præcipit.

§. 5. Mandantes eidem Francisco Cardinali moderno, & pro tempore existenti Protectori, ac Vice-Protectori Ordinis, & Congregationis hujusmodi, ut omnia, & singula in dictis Capitulis contenta per prædictos, ac omnes alios, quos ea concernunt, & concernent in futurum, sub excommunicationis, & aliis Ecclesiasticis sententiis, & privationis officiorum, & aliis poenis suo arbitrio imponendis inviolabiliter observari faciant: Contradictores, & impeditores, eisque auxilium, & favorem quomodolibet præstantes, per easdem censuras, & poenas, aliisque sibi visa remedia, appellatione postposita, compescendo, invocato, si opus fuerit, auxilio brachii secularis.

Cardinalem Protectorem ad eorum executionem jubet incumbere addita ad id potestate.

§. 6. Non obstantibus præmissis, ac quibuscumque Constitutionibus, & Ordinationibus Apostolicis, necnon Ordinis, & Congregationis prædictorum, eorumque Monasteriorum, ac Regularium locorum etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis per fel. rec. Gregorium XIII., & alios Romanos Pontifices Prædecessores nostros Ordini, & Congregationi prædictis, ac eorum Monasteriis, & Regularibus locis, necnon Rektori Generali, & Prioribus, ac Fratribus, aliisque personis in præjudicium, seu contrarium præmissorum quomodolibet concessis,

Contraria tollit.

E e

sis,



sis, confirmatis, & innovatis. Quibus omnibus, & singulis etiam si de illis, eorumque totis tenoribus, specialis, specifica, expressa, & individua non autem per clausulas generales idem importantes mentio, seu quævis alia expressio habenda foret, illorum tenores præsentibus pro plene, & sufficienter expressis habentes, hac vicedumtaxat specialiter, & expresse derogamus, ceterisque contrariis quibuscumque.

Datum Romæ apud Sanctum Petrum, sub Annulo Piscatoris die 20. Maii 1586. Pontificatus nostri Anno II.

Dat. die 20.  
Maii 1586.  
An.II.

## XLIX.

Ex Regest. in  
Secret. Brevi.

Institutio Artis conficiendi sericum in Urbe, & toto Statu Ecclesiastico cum nonnullis ordinationibus.

S I X T U S P A P A V.

Ad perpetuam rei memoriam.

Petrus Valentinus Prentinus curat artem fabricandi sericum in Dominio Ecclesiastico.

§.1. CUM sicut accepimus, dilectus filius Petrus Valentinus Prentinus Civis Romanus de introducenda arte conficiendi sericum, necnon artificio texendi, & componendi aulea in Urbe nostra, ejusque Districtu, ac Civitate nostra Beneventan., & Universo Statu Ecclesiastico Nobis immediate subiecto excepta Civitate, & Dominio Bononien., necnon in Civitatibus, Terris, Oppidis, & locis Domicellorum Nobis mediate subiectorum apprime cogitaverit.

Propositum laudat, probatque Pontifex.

§.2. Nos conficiendi sericum, & auleum præclarum inventum ad commune commodum, & Populorum solatium, Pauperumque recreationem, & inopiæ sublevationem, in maximam subditorum nostrorum, & Camera Apostolicæ utilitatem cedere, & in dies magis cessurum esse animadvertentes, ac primarias Orbis Civitates, atque Provincias, in quibus artificia hæc vigent, illis maxime illustrari, ac ejusmodi artes non mediocri illorum decori, & ornamento esse conspicientes, quo idem Petrus eam in curam totis viribus magis, magisque incumbat, nostra in primis auctoritate, ac uberiori Sedis Apostolicæ munificentia suffultus, Motu proprio, ac ex certa scientia, & de Apostolicæ potestatis plenitudine, artem conficiendi sericum, ac artificium texendi aulea, & stragula in Urbe prædicta, ac in universo Statu Ecclesiastico, ac singulis in Civitatibus, Terris, & locis Nobis mediate, vel immediate subiectis perpetuo introducimus, & institui-

In singulis Vineis, Hortis, Pratis &c. Arbores Celsi plantari jubet.

§.3. Ac quo ex ea introductione optati fines sequantur, statuimus, unamquamque personam Status nostri Ecclesiastici prædicti in termino, quod per publicum Decretum quam primum innotescat adstrictam fore plantare unam arborem celsi, vel mori pro quolibet petio vineæ, horti, seu Canerii, & tam Vinearum exiguarum, quam arboribus consistarum, & quinque arbores pro quolibet rubro terræ ad rationem rubri Romani ad mensuram cathenæ, quæ dici-

tur, in omnibus Casalibus, Sylvis, Communitatibus, & Possessionibus, quomodolibet nuncupatis, consistentibus in Pratis, Vallibus, aut Collibus, in quibus frumentum feri non solet.

§.4. De quarum quidem Arborum foliis producendis ipsa Camera nullum commodum sentire debeat, sed super serico tantum commodum percipiat, ipsasque arbores insimul in uno arboreto, vel divisim, prout illis magis placuerit, dummodo præordinatum numerum constituent, & in locis, qui commode, seu artificiosè saltem quater in anno, quatenus opus fuerit, aquis irrigari possint, & per quadraginta palmos ab invicem distantes plantentur, sive plus, vel minus, habito respectu, & consideratione qualitatis terreni.

§.5. Et quamdiu hujusmodi Arbores parvæ fuerint, & ignis, ac Animalium, necnon siccitatis, & ariditatis temporum, ac locorum, aliisque periculis exponantur, Domini Vinearum, Possessionum, Casalium, Prædiorum, & aliorum prædictorum illas custodire, vepribus, & spinis, ac saxis circumdare, & vallare, ac ab omnibus periculis accurate defendere teneantur.

§.6. Quodque pro beneficio Camera, necnon Communitatum, & Universitatum, ac Domicellorum, & præcipue locorum, piorum, & bonorum Ecclesiasticorum in omnibus Casalibus, Sylvis, Communitatibus, & Terrenis Camera, Communitatum, Universitatum, aliorumque hominum prædictorum plantari debeant, numero quinque Arbores celsi, seu mori, pro singulo rubro Terræ, ipsaque Camera, ceteris prædictis exemplo existens primam huic operi manum apponere debeat, quibus accedere teneantur omnes supranominati conjunctim, vel divisim, sicuti magis expedire judicaverint, sed in Dohana Patrimonii plantari debeant de consensu, & ubi Dohanerii pro tempore vendicabunt, & eis benevisum fuerit.

§.7. Insuper constituimus quinque Arbores plantandas fore pro quolibet rubro omnium quantitatum Terrarum, & Sylvarum, Communium nunc existentium, quæ nisi mensurata fuerint, eas mensurare faciant iuste, & fideliter, ac ipsas celsos, & moros quinque videlicet pro quolibet rubro Terræ hujusmodi plantatas, a Communitatibus, & Universitatibus, aliisque personis Ecclesiasticis prædictis, etiam si Archiepiscopi, Episcopi, Abbates, Commendatarii, Præpositi Societatis Jesu, seu Abbatissæ, & quævis alia personæ titulo Religionis insignita fuerint ad Communitates, & Universitates, necnon Archiepiscopos, & Episcopos Abbates, Commendatarios, necnon loca pia, singulasque alias personas Ecclesiasticas hujusmodi pertinere, Domicellos, autem, & Barones prædictos nullam ipsarum arborum partem eidem Camera præstare teneri declaramus, immo vero illis, necnon Senatori, Populoque Romano, ac Communitati, & hominibus Ci-

De hujusmodi Arboribus Camera Ap nullum fructum percipere debet, sed tantum de serico.

Tales Arbores a Dominis terreni cultu dienda.

A Communitatibus, Locis Pii, & Camera Apostolica quinque Arbores plantanda pro singulo Rubro Terreni.

Ab hujusmodi Arboribus nullum Camera beneficii, sed Communitatibus hic indicatis.



gandas ab im-  
munditiis, quæ  
ex Vermium  
educatione  
proveniunt.

vitatis nostræ Sabinen., necnon Universita-  
tibus, Choræ, Vitorchiani, ac Barbarani,  
& Malleani, Castrorum, seu Oppidorum  
Sabinen., & aliarum Dioecesum, unam  
earum arborum in sylvis, & Territoriis suis  
necnon alteram earundem arborum me-  
dietatis, per eorum subditos, & vassallos  
plantandarum in Terris, & locis ab ip-  
sis ad firmam, seu in arrendam, seu quam-  
vis aliam locationem conductis loco, ac in  
recompensam Terrarum per eos pro præ-  
missis concedendarum, utque solertes, ac  
pervigiles sint, quod eorum Vassalli, &  
Subditi præfati arbores hujusmodi diligen-  
ter plantent, concedimus.

Si tales Ar-  
bores intra  
quinquennium  
non fuerint  
plantatæ, ino-  
bedientes in-  
currant pœ-  
nam mille  
scutorum, eas-  
que plantet  
Cam. Apo-  
stolica.

§. 8. Si vero infra quadriennium prox-  
imum a die constituti Seminarii, & plantu-  
marii hujusmodi computandum in omni-  
bus Civitatibus, Provinciis, & locis præ-  
dictis, etiam Episcopi, necnon Commu-  
nitates, & Universitates, ac aliæ personæ  
privatæ, tam Ecclesiasticæ quam sæculares  
prædictæ non plantaverint, seu plantari  
fecerint, saltem tertiam partem celsorum,  
& mororum, ad quam tenebuntur, incidant  
in pœnam mille scutorum hujusmodi pro  
qualibet persona etiam si privata, Baro, &  
Domicellus, seu Communitas, & Univer-  
sitas fuerint, dictæque Camera officiales,  
& personæ, easdem arbores per se ipsos  
plantare, seu plantari facere possint, sum-  
ptibus, & expensis Episcoporum, ac om-  
nium aliorum prædictorum, ipsæque Came-  
ra fructus suos faciat, nedum earundem  
arborum, verum etiam casalium, & syl-  
varum hujusmodi durante quinquennio,  
celsi autem, & mori hujusmodi per ipsam  
Cameram plantatæ, cultivatæ, & guber-  
natæ ad illam in perpetuum spectare, & per-  
tinere dignoscantur.

Quid facien-  
dum si subditi  
Communita-  
tum Arbores  
non plantave-  
rint, & quam  
pœnam sin-  
guli subire  
debeant.

§. 9. Præterea si Incolæ, Populi, & ha-  
bitatores, & subditi ejusdem Status negli-  
gentia usi fuerint, & saltem ipsarum tertiam  
partem intra dictum quadriennium non  
plantaverint, Communitates, & Univer-  
sitates hujusmodi illas sumptibus, & ex-  
pensis Civium, & Oppidanorum, ac Inco-  
larum, aliorumque prædictorum in eorum  
terrīs, & possessionibus plantare valeant,  
ac arborum perpetuo, terrarum vero, &  
possessionum earundem fructus, & pro-  
ventus ad quinquennium, ad ipsas Commu-  
nitates, & Universitates ipso facto perti-  
neant.

Cum primam  
enascentur fo-  
lia educandi  
Vermes juxta  
modum a Pe-  
tro præscri-  
bendum.

§. 10. Volumus autem, quod cum pri-  
mum enascentur folia arborum celsorum,  
& mororum hujusmodi in Territoriis, & lo-  
cis supradictis tunc detur principium, ubi  
adhuc datum non est, in mantentione edu-  
candi Vermes pro directione, & exercitio  
harum artium, illudque successive augea-  
tur juxta augmentum foliorum earundem,  
prout Petro, ac hæredibus, & Deputatis  
prædictis visum fuerit.

Regens, No-  
tarius, & Cõ-  
putatores de-  
putati ad præ-  
missorum ef-  
fectum, & Ci-  
vitates expur-

§. 11. Sed quia in Urbe, ac Districtu, &  
Statu Ecclesiastico prædictis maxima celsor-  
um, & mororum adeat copia, ex quibus  
a nonnullis parum commodi, & utilitatis  
percipitur, ipsæque Camera ex illis nullum

Bull. Rom. Tom. IV. Par. IV.

fructum sensit, & cum Reipublicæ intersit,  
ne bona dissipentur, ideo volentes artes  
erici, & aulei ad omnium, præsertim pau-  
perum, & egentium, necnon piorum lo-  
corum, ceterorumque utilitatem quam  
primum introducere, statuimus, & ordina-  
mus, quod nunc deputari debeant Regens,  
& Vicegerentes supradictarum artium una  
cum Notario, & computatoribus pro com-  
modo, & utilitate Camera, necnon Civi-  
tatum, & Universitatum, aliorumque om-  
nium supradictorum, & quando educabun-  
tur vermes prædicti, debeant illi ab eorum  
stercoribus, & immunditiis, necnon foliis  
consumatis, & confectis mundari, & recte  
gubernari, quæ quolibet triduo ab eorum  
receptaculis cum curribus, seu alio decen-  
tiori modo extrahantur, ac proiciantur  
in Flumen in locis ad hoc deputandis: in Ci-  
vitatibus vero, ac Terris, & locis signifi-  
candis, sub pœna centum scutorum simi-  
lium pro qualibet vice.

§. 12. Item in recompensationem ter-  
rarum eidem Petro ad effectum præmissor-  
um concedendarum, & assignandarum, &  
pro publica utilitate, utque aliquod com-  
modum capiatur ex Terris incultis, & inu-  
tilibus prædictis sub pœna mille scutorum  
similium, necnon amissionis terrarum, &  
possessionum hujusmodi præcipimus, &  
mandamus, quod in locis, in quibus præsens  
noster Motus proprius executione deman-  
datus non est, ille sedulo exequatur præter  
quam a Porta Pinciana usque ad Portam  
Flaminiam vulgo dictam B. Mariæ de Po-  
pulo juxta vero propugnacula, & aggeres,  
ac muros dictæ Urbis ad ulnas juxta  
Constitutiones Romanorum Pont. Præde-  
cessorum nostrorum, necnon Populi Ro-  
mani, & quod quilibet Patronus vinearum,  
seu prædiorum, & possessionum hujusmo-  
di illas sæpibus circumvallare, quatenus  
illis nondum circumdata sint, & manute-  
nere debeant.

Quibus in lo-  
cis Arbores  
plantari non  
debeant.

§. 13. Insuper omnes Terras intra, &  
extra dictam Urbem nostram prope agge-  
res, & muros dictæ Urbis, & etiam omnia  
& singula loca publica intus, & circum,  
quamlibet antiquitatem intra, & extra di-  
ctam Urbem consistentia, etiam si Termæ,  
& aliæ antiquitates, quæ nondum alienata,  
aut appropriatæ legitime fuerint, dummo-  
do de illarum venditionibus, & concessio-  
nibus per publica documenta, ac Instru-  
menta a Camera, seu Populo Romano præ-  
dictis, ac confirmationibus a Romanis Pon-  
tificibus, & Camera prædictis factis legiti-  
me non constet, etiam si argini, Colles,  
Ripæ Fluminum, & paludum, vel ipsæ  
met paludes, possessiones, ac loca inutilia,  
& deserta, ac derelicta, seu alia loca pu-  
blica fuerint, exceptis Plateis, & viis pu-  
blicis, quibus muliones, cum mulis, &  
aliis animalibus cum sarcinis uti, & redæ, seu  
carpenta commode vehi posse volumus,  
necnon etiam portibus, & ripis ad naviga-  
tionem limborum, cimbularum, & scafa-  
rum commodis, & conducentibus in Ty-  
berim, Anienem, & alia flumina, quia vi-

Nonnulla lo-  
ca concedun-  
tur Senatui  
Romano ad  
plantandas Ar-  
bores.



delicet illas in districtu ipsius Urbis, & territorii Choriæ, Barbarani, Vitorchiani, & Malleani Senatui, & Populo prædictis concedimus, & condonamus, ad hoc, ut ipse Populus disponat ad commodum publicum, & concordet, ac conveniat cum ipsarum terrarum, ac possessionem, & rerum vicinarum, & adjacentium Dominis, & Patronis, vel aliis sibi benevisis personis, & ibidem celsos, & moros viginti palmos ab invicem distantes, & in termis, aliisque antiquitatibus Populi prædicti esse, ac ad illum pertinere volumus, ut illas concedant Calderariis, idest sericum ex globis extrahentibus, & aliis opificibus aliquem affictum pro locatione exinde soluturis.

Quid agendum pro comodo, & indemnitate Dominorum dictorum Arborum.

§. 14. Utque facilius reperiantur computa serici, & aulei conficiendi in ipsius Camerae necnon Communitatum, & Universitatum, ac Baronum, & Domicellorum commodum, ne ipsi desuper defraudentur, ac universale, & particulare beneficium, & similiter omnes aquas fontium jam Constitutorum, & in posterum etiam ex aqua felice nuncupata conficiendorum, & quæ perducentur, eidem Populo concedimus filatoria, & torcitoria serici, & aulei, ita ut ipsa filatoria, torcitoria, & caldaria ad usum serici, & aulei hujusmodi conficiendi ad ipsum Populum pertinere, nullumque præter Populum hujusmodi, seu ab eo deputatos filatoria, & torcitoria, seu anea, caldaria ad eum usum conficere possent statuiamus, ac id ipsum fieri intelligimus, & exequi volumus in omnibus Civitatibus, Terris, & locis prædictis intra, & extra eorum mania, propugnacula, & aggeres, ac in eorum Territoriis, necnon in locis publicis, in quibus arbores prædictæ sitæ, sive plantatæ fuerint ex concessione populorum prædictorum, per eos plantandarum, & celsis, sive moris unam quartam Roman. & aliis Populis prædictis, reliquam vero quartam de celsis, sive moris tantum partes ipsi Camerae concedimus, reliquas vero duas quartas partes vicinis, seu colonis, qui dictas arbores plantarint, seu fecerint plantari; hac tamen ratione, ut ipsa divisio fiat in globis sericeis, & auleis, seu pecunia numerata, prout fiet cum ipsarum arborum plantatoribus, & ex commodis proventuris ex locationibus ædificiorum publicorum, & aliarum antiquitatum, vel caldarium, & filatoriorum, ac torcitoriorum aquatiliam unam Populis, alteram vero medietatem Camerae prædictis assignamus, quibus quidem Populis in primis de expositis, & impensis per eos cum inventu, & consensu Petri, seu ab eo deputandorum prædictorum, & non alias satisfieri debeat, quod si Populi prædicti expensas in recuperatione, & redemptione terrarum, & antiquitatum, ac ædificiorum, necnon caldarium, ac filatoriorum, & torcitoriorum hujusmodi, aliarumque rerum, & ædificiorum desuper utilium, & necessariorum, ac refectorem expensarum desuper factarum infra quinquennium a die sibi factæ intimationis per Petrum, seu de-

putatos prædictos computandum negligentes fuerint, illa omnia non redempta, & recuperata, ac restaurata ad ipsam Cameraam pertineant, & ipsi Populi de non redemptis, & recuperatis, restauratis nihil commodi exinde sentire possint; si vero aliquis Episcopus, Archiepiscopus, vel alia Ecclesiastica, seu mundana, aut quantumvis nobilis, seu privata persona a plantatione celsorum, & mororum hujusmodi debitis temporibus facienda defecerit, illis omnes, & singulos fructus penes quoscumque affituarios, & locatarios existentes eo ipso sequestramus, ipsosque ad plantandum arbores hujusmodi omnibus viis juris cogi, & compelli volumus, quod si in hoc negligentes extiterint, debitis affici poenis, necnon Casalium, & Terrarum prædictarum, Dominos ad solutionem expensarum in hujusmodi plantationibus faciendarum prorsus teneri decernimus; Si vero aliqua Communitas, seu Universitas, aut Ecclesiastica, seu alia persona hujusmodi celsos, seu moros numerum quinque pro quolibet rubro Terræ hujusmodi excedentes plantaverit, illæ ad ipsosmet plantantes spectent, omnesque, & singulos cujuscumque status, conditionis, & præminentie existentes, ut præfertur, celsos, & moros in Statu Ecclesiastico hujusmodi ad præsens possidentes illas Notariis subscriptis intra quindecim dies a die significationis edicto publico faciendæ in notam dari tenere, & an velint vermes nutrire, & alere, ac sericum, & auleum conficere declarare, quod si id facere recuserint, seu neglexerint prædicta, & eorum animum eidem Notario quotannis infra dictum tempus patefacere volentes, illa emere possint illorum Patroni ad illorum venditionem iusto, & rationabili pretio facien. sub poena centum aureorum pro singula cello, seu moro cogere, & ipsos præmissa non denunciantes, & non declarantes ipsa folia vendere sub eisdem poenis cogi, & compelli posse mandamus, ipsaque folia in Plateis per Cardinalem Protectorem deputan., & per Urbem publicæ commoditati, cum licentia tamen in scriptis obtenta, revendi posse volumus, omnesque, & singuli vineas, hortos, cannetos, casalia, prædia, possessiones, castra, & sylvas ementes hoc ipsum eidem Notario una cum numero petitorum, & mensurarum reducendarum ad mensuram rubri Cathenæ Romanæ hujusmodi facere teneantur, ipsique vineas, & hortos, aliaque supradicta in affictum, arrendam firmam, seu locationem detinentes notam authenticam ipsarum locationum eidem Notario una cum mensuris cujuslibet vineæ, & horti, aliorumque supra specificatorum, ac etiam numero celsorum, seu mororum inibi plantandarum, seu jam forsitan plantatarum dare teneantur, ac ad tenendum librum rationum, qui sit rincontri Camerae hujusmodi per personam idoneam deputari debeat ab ipsamet Camera, omnemque ratam illam tangentem in omnibus locis supradictis recipere teneantur, qui bonum, & fidele computum serici,



ei, & aulei ad Cameram, & Populos prædictos spectantis, ac tam vectigalis, & datii, quam arborum bonorum Ecclesiasticorum, & etiam Communitatum, & Universitatum, aliorumque Populorum prædictorum reddere teneantur, & omnes supradicti cuiusvis status, gradus, ordinis, vel conditionis existant, quolibet anno in mense Septembris in notam fideliter dare debeant omnes celtos, seu moros plantatas in eorum Casalibus, Territoriis, vineis, cannetis, possessionibus, & jurisdictionibus quibuscumque sub poenis prædictis, ac centum scutorum pro qualibet planta celtorum, aut mororum deficientium ex numero dato, & assignato, & insuper ordine servato, & in catasto omnes mensuras quarumlibet terrarum prædictarum, numerum quoque singularum arborum plantatarum in Civitatibus, & Locis prædictis distincte tenere, ac certo scire debeant, ut ipsa Camera exploratum habeat quid, & ex quibus sit perceptura, necnon omnium locationum, & affectuum, seu arrendationum antiquitatum, seu ædificiorum aquatiliū ad torcendum, nedum subinandum sericum, & auleum, ac eandem Cameram, ut dum ipsa licentiam, & facultatem impartietur exportandi ab Urbe, seu Statu Ecclesiastico huiusmodi Mari, seu Terra sericum crudum, olosericum, auleum, seu pannos cum serico, quod illa exigat indifferenter ab unoquoque quatuor scuta vectigalis pro quolibet centenatio. Statuimus denique quod nullus cuiuscumque status, gradus ordinis, conditionis, & præminentie existens, & quicumque præfulgeat dignitate, audeat, seu præsumat extrahere globos, sive pollicellos sericos extra dictum Statum Ecclesiasticum, seu eos Bononiam transportare in parva, seu mediocri, aut magna quantitate sub duorum millium ducatorum pro qualibet vice qua præmissis contraventum fuerit, eidem Camera, & pro una quarta portione exploratori, & accusatori applicandorum poenis, ac quod nemo cuiuscumque status, gradus, ordinis, conditionis, & præminentie, ut præfertur, existens, ac sericum, vel auleum conficiens audeat, seu debeat illud extra globos huiusmodi amovere, neque ad caldararios idest sericum extrahentes deferre, minusve ex dictis globis per se ipsos submovere, nisi prius toto serico, seu auleo delato in globis ad officium Notarii artium serici, & aulei pro tempore deputati in omnibus Civitatibus, Terris, Oppidis, Castris, Locis, Status prædicti, & ex dictis globis quatuor libras datii, & vectigalis pro quolibet centenatio ipsius Camera nomine, & pro ea soluturo incumbit onus instrumentum quietantie, & receptionis huiusmodi vectigalis ejus signo munitum ad hoc, ut illo cognito sericum, seu auleum ipsum ex huiusmodi globis libere extrahi possit, nullusque Domicellus, Baro, nullaque alia persona, etiam quantumvis qualificata in suis Ditionibus temporalibus audeat habere, seu tenere caldararios ad conficiendum, & extrahendum

sericum, seu auleum sub poena decem millium aureorum similium pro quolibet eorum, ac amissionis sericorum, & auleorum, necnon privationis privilegiorum eis pro tempore desuper concessorum, alia vero privata personæ, si sericum, seu auleum huiusmodi in eorum statu, ac Dominio confecturi erunt, poena capitis, & bonorum, per eos possessorum, ac dictis poenis, sed sericus, seu aulea per eos, seu alios eorum nominibus conficienda tam ad eos, quam eorum vassallos, & subditos in eorum statu ad officia Notarii huiusmodi extrahenda, mittere teneantur, ad quatuor libras pro quolibet centenatio Datii nomine ipsimet Notario eisdem locis viciniore quietantiam ejusdem Camera nomine, atque bolletam, ut iidem caldararii illud ex dictis globis extrahant, postea confecturos, quodque nullus caldararius possit, seu debeat remove sericum, seu auleum ex ipsis globis cuiusvis personæ, etiam quantumvis insignis intuitu absque speciali permisso ejusdem Notarii in scriptis obtento, & signo suo desuper statuendo obsignato sub caldararii, & aliorum supellectilium, necnon fustigationis, & triremium respective poenis, & quando celtorum, & mororum huiusmodi folia super excreverint, statuimus, & ordinamus, quod nemo illa, minusve sericum crudum, seu auleum extra Urbem, Statumque Ecclesiasticum prædictos sine expressa licentia Cardinalis Protectoris prædictorum desuper extrahenda quoquomodo deferre, ad effectum illos inibi inter pannos, seu olosericos ganfapina, & villosa, necnon polimita, necnon vela, seu caligas laborandi sub poena amissionis sericorum, & auleorum, ac mille, & quingentorum scutorum pro qualibet vice, & tunc temporis constitui, & deputari debeant Consules huiusce artis in omnibus Civitatibus, Terris, & locis supranominatis cum institutionibus, Constitutionibus, Ordinationibus, & legibus perpetuis Longobardie, & aliis Civitatibus, etiam cum solitis ministris concessis. Ac volumus omnes gratias, facultates, & concessiones a Nobis, & Successoribus nostris Romanis Pontificibus pro tempore emanandas, apud ipsum Notarium, & in ejus officio registrandas esse, alioquin illas nullius roboris, vel momenti fore, & esse decernimus; Quodque nullus per se, vel alium, seu alios extrahi facere possit plantas celtorum, seu mororum huiusmodi, vel illarum frondes extra dictum Statum Ecclesiasticum, seu illas ab eo abducere nec minus eas ex una Provincia in aliam extra Statum ipsum conducere neque editione temporali Baronum, seu aliorum Domicellorum prædictorum ad alia loca extra dictum statum constituta, sine licentia Notarii in scriptis obtenta huiusmodi, & subscripta a Regente, seu Vicegerentibus, & Successoribus, vel nominatis, deputatis prædictis exportare, & qui secus fecerit, pro qualibet planta, & quovis centenatio librarum frondium huiusmodi centum scutorum similium eidem Camera cum effectu applicandorum, & triremium poenis fu-



subjacere volumus, omniaque edicta, Constitutiones, & Ordinationes, ac statuta desuper necessaria, & opportuna per Cardinalem Protectorem, & pro ejus parte fieri, necnon Communitates, & Universitates, ac Barones alios lacuum, fluminum, & paludum Dominos ad plantandum circum lacus, & paludes hujusmodi celsos, & moros viginti ulnas, vel circa, & quadraginta palmos ab invicem, prope Ripas vero fluminum quatuor ulnarum cum eadem, seu minori distantia ab invicem distantes, ut major illarum numerus ibidem plantari queat, omnibus juris remediis astringi, obligarique volumus, ex quibus globis volumus, & præcipimus sericum, & auleum hujusmodi extrahi, & ex Benevento, necnon Roman-diola, & Marchia Anconitana, & insuper Umbria, ac aliis Provinciis Status Ecclesiastici hujusmodi Romam deduci ad constituendum telaria ad texendum oloferica, gantapina, & villosa, aliave exercitia dictarum artium, aliosque pannos, ut quantocius artes prædictæ hic in dicta Urbe introducantur in maximam dictæ Urbis utilitatem, utque illius loca antea vacua, & derelicta inhabitentur, volumus insuper quod in Civitatibus Perusin., & Spoletan., ac Fulginaten., necnon Camerinen., aliisque prædicti Status Ecclesiastici Civitatibus, in quibus hujuscemodi artes exerceri non mediocriter cupimus, tot serici, & aulei remaneant, quot pro introductione, & continuatione, atque augmento ipsarum artium opus, & necessarium fuerit; In Civitate autem Perusin., & aliis ubi jam ars texendi serica introducta existit, & illa, quæ Consulatos bene formatos, & erectos cum eorum residentiis, & statutis habent, ejus artificis reddant, nolumus in eis Vicegerentes per introductorem, seu inventorem deputari, sed tantummodo Notarium, & computatorem ad hoc illi artem etiam texendi aulea seminaria, & plantumaria ceterasque supradictas ordinationes executioni, & perfectioni demandari curent, & postremo Communitati, & Hominibus Civitatis nostræ Bononien. hujusmodi nihil damni afferri volentes, quod Notarios artium hujusmodi, qui electus, & deputatus fuerit, nihil datii, seu vectigalis ex globis sericeis, & auleis hujusmodi a Communitate, & hominibus dictæ Civitatis Bononien., sed dumtaxat ex foliis celsorum, & mororum hujusmodi proveniunt in bonis, & possessionibus Ecclesiasticis, & locis Pii prædictis petere, seu exigere possit, statuimus, & declaramus.

§.15. Ac tandem dilectum filium nostrum Joannem Baptistam tituli S. Mariæ in Ara-Celi Presbyterum Cardinalem Castrucium nuncupat. ipsarum artium, ac dicti Inventoris, Introductoris, suorumque heredum, & Successorum, seu ab eisdem deputatorum Protectorem cum potestate, & auctoritate omnia, & singula, quæ ad officium Protectoris alicujusque de iure, vel consuetudine, aut alio modo quolibet spectant, & pertinent, faciendi, gerendi, exercendi

facimus, creamus, constituimus, & deputamus, ac nonnulla alia Capitula, pacta, facultates, statuta, ordinationes, & decreta desuper edidimus, prout in aliis nostris literis plenius continetur.

§.16. Necnon concessionem, & indultum, aliaque omnia præmissa, necnon præsententes literas nullo unquam tempore quovis quæsito colore, vel ingenio de subreptionis, vel obreptionis, aut nullitatis vitio, seu intentionis nostræ, vel quovis alio defectu notari, seu impugnari, aut sub quibusvis revocationibus, suspensionibus, vel derogationis similium, vel dissimilium, concessionum, & aliarum gratiarum a Nobis, & Sede Apostolica, etiam cum quibusvis derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis, etiam motu pari pro tempore emanatis comprehendere posse, sed illa semper valida, & efficacia fore, ac quoties illæ emanabunt, toties in pristinum, & validissimum statum restituta, reposita de novo etiam sub data per Petrum, ac hæredes, & Successores, ac ipsius Cameræ Officiales, aliosque prædictos eligenda concessa fore, ac vim validi, & efficacis contractus inter Nos, & Sedem eandem, ac illos desuper habere, & obtinere.

§.17. Sicque per quoscunque Judices Ordinarios, & Delegatos, etiam Causarum Palatii Apostolici Auditores, ac ejusdem Romanæ Ecclesiæ Cardinales, sublata eis & eorum cuilibet quavis aliter judicandi, & interpretandi facultate, & auctoritate ubique judicari, & definiri debere, ac irritum, & inane quidquid secus super his a quoquam quavis auctoritate scienter, vel ignoranter contigerit attentari decernimus.

§.18. Mandantes propterea per præsententes pari modo prædicto Joanni Baptistæ Cardinali, & Protectori, ac omnibus, & singulis totius Status prædicti Legatis, & Vicelegatis, necnon Gubernatoribus, & Potestatibus, ac aliis Magistratibus quibuscumque nominibus censeantur ac quibusvis præfulgeant dignitatibus, necnon quibusvis aliis quavis auctoritate fungentibus faciant auctoritate nostra omnia, & singula præmissa ab omnibus inviolabiliter observari.

§.19. Non obstantibus Constitutionibus, & Ordinationibus Apostolicis, ac Urbis, necnon Civitatum, Terrarum, Castrorum, Oppidorum, & locorum, necnon Status Ecclesiastici prædictorum etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis, etiam Motu simili, ac etiam consistorialiter concessis, approbatis, & innovatis. Quibus omnibus etiam si de illis specialis, specifica, expressa, & individua non autem per clausulas generales idem importantes mentio, seu quavis alia expressio habenda esset, illis illas in suo robore permanens, hac vice dumtaxat specialiter, & expresse derogamus,

Præsententes literas nullo unquam vitio notanda.

Sic per quoscunque Judices judicandum.

Pro prædictorum executione Commissarii deputati.

Derogatio contrariorum

Cardinalis Castrucius hujusmodi Artium, & Petri in v. oris Protector constituitur.



Fides trans-  
porum .  
Dat. die 28.  
Maii 1586.  
An.II.

mus, ceterisque contrariis quibuscumque.  
§.20. Et quia difficile foret &c.  
Datum Romæ apud Sanctum Petrum  
sub Annulo Piscatoris die 28. Maii 1586.  
Pontificatus nostri Anno II.

## L.

Ex Regest. in  
Secret. Bre-  
vium.

Facultas Archiconfraternitati SSm̃i Sacra-  
menti in Ecclesia S. Petri de Urbe com-  
mutandi cuique Confraternitati aggrega-  
tæ, & aggregandæ primam Dominicam  
mensis ad processionem habendam, in  
aliam Dominicam, prout unicuique hujus-  
modi Confraternit. expedire judicaverit.

## SIXTUS PAPA QUINTUS

*Ad perpetuam rei memoriam.*

Proemium.

**F**idelium votis, quæ ad spirituales ani-  
marum consolationem, & ad mayo-  
rem SSm̃i Eucharistiæ Sacramenti celebra-  
tatem, & honorem tendere conspiciamus, quan-  
tum cum Deo possumus, libenter annuimus.

Causæ facien-  
de commuta-  
tionis.

§.1. Cum itaque, sicut accepimus, quam-  
plures Societates extra Urbem, quæ aggrega-  
tæ sunt Archiconfraternitati Sanctissimi  
Sacramenti in Basilica Santi Petri de Urbe  
jampridem institutæ quasdam Indulgentias  
consequantur, Processionem prima Domi-  
nica cujuslibet mensis celebrando: multis  
vero in locis contingat, ut eodemmet die  
processio Rosarii, seu alterius Societatis  
fiat; unde Populo in partes diviso, minori  
frequentia ejusdem SSm̃i Sacramenti pro-  
cessio celebretur.

Concessio fa-  
cultatis, de  
qua in rubri-  
ca.

§.2. Nos Officialium Archiconfraterni-  
tatis prædictæ precibus inclinati, ipsis  
Officialibus, ut dictam primam Domi-  
nicam mensis ad processionem habendam,  
in aliam Dominicam arbitrio suo, prout  
magis cuique Confraternitati aggregatæ,  
vel aggregandæ expedire judicaverint, com-  
mutare possint cum omnibus privilegiis,  
gratiis, & Indulgentiis in eadem prima Do-  
minica concessis auctoritate Apostolica te-  
nore præsentium facultatem concedimus.

Facultas Con-  
fraternitati-  
bus habendi  
Processionem  
infra Octavā  
Corporis Chri-  
sti.

§.3. Præterea quoniam in festo Corpo-  
ris Christi, quo die in Ecclesia Dei indu-  
ctus fuit mos, ut præcellum, & Venera-  
bile Sanctissimæ Eucharistiæ Sacramentum  
singulari veneratione, ac solemnitate cele-  
bretur, atque in processionibus reverenter  
& honorifice per vias, & loca publica cir-  
cumferatur, in dicta Basilica Processio a dic-  
ta Archiconfraternitate non habetur, cum  
a Nobis, & pro tempore existente Romano  
Pontifice una cum Collegio Cardinalium,  
ac Prælati, & Officialibus omnibus Ro-  
manæ Curie majori, qua fieri possit, cele-  
britate fiat, Confraternitatibus, ut præfer-  
tur, aggregatis, ut processionem ipso die Cor-  
poris Christi, aut Dominica, vel alio die  
infra octavam ejusdem celebritatis, prout  
a Prioribus, seu Administratoribus ipsarum  
Societatum honori Sanctissimi Sacramenti  
magis convenire judicatum fuerit, habere  
possint, eisdem auctoritate, & tenore po-  
testatem facimus.

Obstantium  
derogatio.

§.4. Non obstantibus Constitutionibus,  
& Ordinationibus Apostolicis, ac literis

aggregationum hujusmodi, ceterisque con-  
trariis quibuscumque.

§.5. Volumus autem, ut ipsarum præ-  
sentium transumptis &c.

Datum Romæ apud Sanctum Petrum,  
sub Annulo Piscatoris die 30. Maii 1586.  
Pontificatus nostri Anno II.

## LI.

Quod Eremitæ S. Romualdi Montis Coro-  
næ, Ordinis Camaldulensis sub Regula  
S. Benedicti, alterius Ordinis Religiosos  
recipere possint. Ipsi vero ad alium etiam  
Eremit Camaldulensis transire nequeant.

*Ad hoc vide notata in Clem.VII. Const. XXVI.  
Vestrum. Tom.IV. Par.I. fol.76.*

## SIXTUS PAPA QUINTUS

*Ad futuram rei memoriam.*

**E**A est Congregationis Eremitarum San-  
cti Romualdi Ordinis Camaldulensis  
Montis Coronæ austeritas, & observantia,  
ut quemadmodum non solum relatu alio-  
rum, sed propriis etiam interdum oculis  
vidimus, & percepimus, merito, & ve-  
re eam sub strictiori regula custodiri, quam  
omnes aliæ, quæ in tota Italia reperiuntur,  
dici, & censeri possit.

§.1. Quo etiam fit, ut nonnulli parum  
cauti, & constantes, ac minus fortes ad re-  
sistendum pravis tentationibus, ab ipsa Con-  
gregatione ad alios Ordines se transferre  
non verentur, cum magno plurimorum  
scandalo, & animarum suarum periculo.

§.2. Hinc est quod Nos his malis oc-  
currere, eandemque Congregationem spe-  
cialibus favoribus, & gratiis prosequi vo-  
lentes, omnes gratias, indulta, & privi-  
legia eidem Congregationi, & illius Ere-  
mitis a Romanis Pontificibus Prædecessori-  
bus nostris, super recipiendis quibuscum-  
que quarumvis Religionum, & Ordinum  
Mendicantium, & non Mendicantium Re-  
ligiosis ad ipsos transire volentibus concessa,  
rata, & firma esse volentes, & quatenus  
opus sit, auctoritate Apostolica tenore præ-  
sentium innovantes, omnibus, & singulis  
Eremitis prædictæ Congregationis nunc, &  
pro tempore existentibus, & cuilibet eo-  
rum in virtute sanctæ obedientiæ, ac sub  
Excommunicationis majoris eo ipso incur-  
rendæ, a qua nullus præter Romanum Pon-  
tificem pro tempore existentem, præter-  
quam in mortis articulo, absolutionis be-  
neficium impendere possit, aliisque Eccle-  
siasticis sententiis, censuris, & pœnis, nec-  
non apostasiæ reatus, suspensionis a divinis,  
aliisque arbitrio Majoris ejusdem Congre-  
gationis pro tempore existentis moderandis,  
infligendis, & declarandis pœnis, ne ad  
alios quoscumque Ordines, nec etiam ad  
Sacrum Eremitum ejusdem Camaldulen. Or-  
dinis Aretin. Diocesis sine expresso consen-  
su, & licentia ab eodem Majore pro tem-  
pore existente supradictæ Congregationis in  
scriptis petita, & obtenta, transire, & trans-  
meare audeant, vel audeat, eisdem auctori-  
tate, & tenore interdiciamus, & prohibemus.

§.3. Vo-

Fides trans-  
ptis danda .  
Dat. die 30.  
Maii 1586.  
An.II.

Congregatio-  
nis Eremita-  
rum S. Ro-  
mualdi est stri-  
ctior observā-  
tia, ceteris in  
Italia existē-  
tibus.

Unde aliqui  
minus fortes  
ad alios Ordines transire,  
non verentur.

Hic ideo Pon-  
tífex, hujus  
Congreg. in-  
dultum reci-  
piendi quas-  
cumque alte-  
rius Ordinis  
Religiosos cō-  
firmat, & ex  
ea ad alios et-  
iam sacri Ere-  
miti Religio-  
sos transitum  
prohibet.



1586.

Contraveniē-  
tes ultra a-  
lias pœnas,  
ad Congrega-  
tionem redire  
debere præci-  
pit.

Majori d. C6-  
greg. contra  
eos procedere  
posse indul-  
get.

Quibuscum-  
que non ob-  
stantibus.

§.3. Volumus etiam quod ultra supra-  
dictas pœnas, qui contrafecerint persona-  
liter capi, & apprehendi, necnon incarce-  
rari, puniri, & etiam ad redeundum cogi,  
libero prædicti Majoris pro tempore exi-  
stentis arbitrio possint, & valeant.

§.4. Eidemque Majori pro tempore  
existenti prædicta omnia, & singula, per  
se, vel alium, seu alios sibi benevolos fa-  
ciendi, exercendi, & effectualiter, ac omni-  
no exequendi, & brachii secularis auxi-  
lium, si opus fuerit, invocandi omnimo-  
dam, plenam, amplam, & absolutam  
auctoritate Apostolica prædicta tenore præ-  
sentium licentiam, auctoritatem, & fa-  
cultatem concedimus, & impartimur.

§.5. Non obstantibus Constitutionibus,  
& Ordinationibus Apostolicis, necnon in-  
dultis, privilegiis, & exemptionibus aliis  
Religionibus, Congregationibus, & Or-  
dinibus, Eremitis, & Eremitariis quibus-  
cumque, quocumque modo, & sub qui-  
busvis verbis, & clausulis concessis, & ite-  
ratis vicibus approbatis, & innovatis. Qui-  
bus omnibus, & singulis etiam si de illis,  
eorumque totis tenoribus specialis, speci-  
fica, & expressa, ac de verbo ad verbum,  
non autem per clausulas generales idem im-  
portantes mentio, seu quævis alia exquisi-  
ta forma ad hoc servanda foret, illorum  
omnium tenores ac si de verbo ad verbum  
infererentur præsentibus, pro expressis ha-  
bentes auctoritate prædicta earumdem te-  
nore præsentium, quas perpetuis futuris tem-  
poribus valere decernimus, specialiter, &  
expresse derogamus, ceterisque contrariis  
quibuscumque.

D. P. An. II.  
9. Julii.

Datum Romæ apud Sanctum Petrum,  
sub Annulo Piscatoris, die 9. Julii 1586.  
Pontificatus nostri Anno II.

## LII.

Ex Regest. in  
Secret. Brev.

Confirmatio Privilegiorum Doctorum, &  
Legentium Universitatis Bononien., ac  
præsertim applicationis Datii Mercium.

## SIXTUS PAPA QUINTUS

*Ad perpetuam rei memoriam.*

Alias Datium  
Mercium Do-  
ctoribus assi-  
gnatū eb Eu-  
genio PP. IV.

§.1. **E**xpositum Nobis nuper fuit pro  
parte dilectorum filiorum Do-  
ctorum Collegiatorum, tam in Decretis,  
& legibus, quam artibus, & medicina in  
Universitate Studii Bononien. quod dudum  
fel. rec. Eugenius Papa IV. Prædecessor no-  
ster literas h. o. me. Marci tunc Episcopi Avi-  
nionen. in Civitate nostra Bononien. pro Se-  
de Apostolica in spiritualibus, & tempora-  
libus Gubernatoris, per quas ipse Marcus  
Episcopus, & Gubernator tunc, & pro  
tempore existentibus Rectoribus, & Legen-  
tibus hujusmodi pro suorum salariorum so-  
lutione datium Gabellæ grossæ mercantia-  
rum d. Civitatis cum omnibus emolumen-  
tis suis obligaverat, & assignaverat, appro-  
bavit, & datium ipsum Doctoribus, & legen-  
tibus prædictis de novo perpetuo concessit.

Idem Datium  
eidem Ju-  
lius II. novis  
Legibus addi-  
xit.

§.2. Et cum Doctores, & legentes præ-  
dicti datium ipsum libere percipere non  
possent, sed salaria, & solutiones hujus-

modi per manus Thesaurarii, seu Deposi-  
tarii, aut forsan aliorum officialium dictæ  
Civitatis non integre, ut decebat, reci-  
perent, præ mem. Julius Papa II. literarum  
Marci Episcopi, & Eugenii Prædecessoris  
hujusmodi, ac dicti Datii assignationem ap-  
probans voluit, ut absque subhastatione,  
aut alia solutione, seu onere subhastationis  
dictum datium ad Doctores, & legentes  
prædictos pertineret, ac quod singulis an-  
nis duo Doctores Collegiati Juris Canonici,  
& duo Juris Civilis, ac duo artium, & me-  
dicinæ electi per Doctores Collegiatis, &  
confirmati per Legatum, seu Gubernatorem  
dictæ Civitatis, licentia regiminis minime  
requisita, datium, seu gabellam hujusmo-  
di, & illius redditus per se, vel alios ab  
eis deputandos a quibuscumque personis  
petere, & exigere, ac depositarium red-  
dituum hujusmodi deputare possent, ac sub  
excommunicationis latæ sententiæ pœna,  
quibusvis personis inhibuit, ne in gabella,  
seu illius redditibus quoquo modo se intro-  
mittere præsumerent, & deinde re. mem.  
Leo X. præmissa omnia approbans, etiam  
voluit, quod electio sex syndicorum fieri  
deberet quotannis perpetuo post decimam  
quintam diem Decembris ante festum Nati-  
vitatibus Domini nostri Jesu Christi, ac ele-  
ctores prius jurarent in manibus Prioris di-  
ctorum Doctorum, & quod non posset eli-  
gi, qui non fuisset matriculatus in dicto  
Collegio per decem annos adminus, quod-  
que in ipso regimine gabellæ nullos alios  
magistratus dictæ Civitatis agnoscerent,  
aut eis parere tenerentur, sed solum Roma-  
num Pontificem præmissorum occasione in  
superiorem agnoscerent, inhibuitque Ma-  
gistratibus dictæ Civitatis ne in Datio, seu  
illius redditibus sub pœna excommunica-  
tionis se intromittere possent.

§.3. Postea san. me. Clemens Papa VII.  
præmissa omnia approbando, & denuo con-  
cedendo voluit, quod dicti Doctores depu-  
tati unum alium quemcumque collectorem  
seu Depositarium ad percipiendos redditus  
datii, seu gabellæ hujusmodi deputare pos-  
sent, & quartam partem datii hujusmodi  
auxit erigens montem pro Camera Aposto-  
lica, quod augmentum datii per eosdem Do-  
ctores Syndicos erigeretur, & exerceretur,  
& cum quondam Julius de Malvetiis ex con-  
cessione forsan dicti Julii Prædecessoris, &  
consensu eorumdem Doctorum, quandiu vi-  
xit, Depositarius dictorum proventuum no-  
minatus fuisset, & dilecti filii Pirrus, &  
Hercules fratres, etiam de Malvetiis dicti  
Julii de Malvetiis ex fratre nepotes asse-  
rent dictum Depositariatus officium per de-  
cessum dicti Julii vacaturum per eundem  
Leonem Prædecessorem concessum fuisse,  
decrevit, & declaravit, quod Pirrus, &  
Hercules prædicti occasione præmissorum  
illa omnia, & singula, quæ dictus Julius  
ex concessione Julii II., ac ipsi Pirrus, &  
Hercules ex concessione Leonis Prædecef-  
sorum prædictorum habebant, & nullate-  
nus aliud quidquam habere possent, ipsique  
Doctores ad eorum libitum personam, quæ  
red-

A Clemen-  
te VII. aucto-  
re erectus Mons,  
dataque Do-  
ctoribus fa-  
cultas Depo-  
sitarium pro  
sui libito de-  
putandi.



Paulus III.  
Privilegia omnia confir-  
mavit, & cu-  
ram Canalis  
concessit.

Paulus IV. &  
Pius IV. ere-  
cti Montis cu-  
gam Collegio  
Doctōrū vin-  
dicarunt.

Deinde Pius V.  
omnia, & sin-  
gula Privile-  
gia eisdem co-  
firmavit.

Causæ novæ  
hujus facien-  
dæ confirma-  
tionis.

redditus hujusmodi gabellæ recipere debe-  
ret, & quodcumque eis placeret, eligere,  
& deputare valeret, derogando omnibus  
privilegiis eisdem Herculi, & Pirro concessis

§.4. Præterea Paulus III. omnia, & sin-  
gula concessa tam a dictis Pontificibus,  
quam Imperatoribus, & Principibus ipsis  
Doctōribus approbavit, & canale navigii ad  
curam ipsorum pertinere voluit.

§.5. Paulus vero IV. erexit montem su-  
per augmento Datii per dictum Clementem  
Prædecessorem facto, ita ut exactio reddi-  
tuum ejusdem Abbatiae ad Doctōres Colle-  
giatos spectarent, necnon Pius IV. cupiens  
egregium, & laudabile opus Gymnasii dic-  
tæ Civitatis per dilectum filium nostrum  
Petrum Donatum Cardinalem de Cæsis nun-  
cupatum tunc Episcopum Narnien., & dic-  
tæ Civitatis Vicelegatum inceptum ad fi-  
nem debitum perduci, officium Depositarii  
Gabellæ hujusmodi quod quondam Hercu-  
les Malvetius Civis Bononien., dum vive-  
ret, obtinebat, Motu proprio auctoritate  
Apostolica penitus, & omnino per mor-  
tem dicti Herculis vacans suppressit, & ex-  
tinxit, necnon salarium, & provisionem,  
ac omnes, & singulos redditus, & proven-  
tus dictæ Gabellæ videlicet tres quadrantes  
lagiorum cujuslibet libræ argenteæ reddi-  
tuum dictæ Gabellæ pro tempore existenti  
Depositario dicti officii illius ratione solvi  
solita massæ reddituum dictæ Gabellæ, ac  
monti trium millium scutorum per eum-  
dem Pium IV. Prædecessorem in dicta Civi-  
tate antea erecto cum obligatione dictorum  
Doctōrum, & legentium solvendi credito-  
ribus dicti Montis summam ducentorum,  
& quadraginta scutorum, ut in dictis Pii  
Papæ literis, ac Instrumento desuper con-  
fecto latius continetur, applicavit, & appro-  
priavit.

§.6. Postremo piæ mem. Pius Papa V.  
Prædecessor noster omnia, & singula privi-  
legia, & gratias hujusmodi, quatenus essent  
in usu, & prout tunc reperiebantur, licita  
tamen, & honesta, ac sacris Canonibus,  
non contraria similiter approbavit, & con-  
firmavit.

§.7. Nuper vero iidem Doctōres hære-  
des quondam Cornelii de Malvesia, & Ju-  
lium de Malvesia cohæredem in Deposita-  
rios reddituum Gabellæ hujusmodi vigore  
præmissorum, ac ex eorum antiqua, & ea-  
tenus observata consuetudine, ac alias quo-  
modolibet ad septennium, & deinde ad eo-  
rum beneplacitum nominarunt, & deputa-  
runt, prout in diversis eorum Prædecesso-  
rum literis, ac duobus Instrumentis publicis  
super nominatione, & deputatione deposita-  
riorum hujusmodi confectis plenius conti-  
netur. Cum autem nuper Nos certis tunc  
expressis causis adducti dilectum filium Pir-  
rum Malvetium civem nobilem Bononien.  
Depositarium prædictæ Gabellæ cum emo-  
lumento annuo trecentorum scutorum au-  
ri in auro, ac facultatibus, privilegiis,  
prærogativis, honoribusque solitis, & con-  
suetis, quod vitam duceret, fecerimus, con-  
stituerimus, & deputaverimus, in grave

*Bull. Rom. Tom. IV. Par. IV.*

dictorum Doctōrum, & legentium præju-  
diciū, & gravamen, stante maxime  
obligatione solvendi eisdem Creditoribus  
dictam summam ducentorum, & quadra-  
ginta scutorum. Pro parte eorundem Do-  
ctōrum, & legentium Nobis fuit humili-  
ter supplicatum, quatenus eos in possessio-  
ne suorum privilegiorum prædictorum ma-  
nutenere de benignitate Apostolica digna-  
remur.

§.8. Nos igitur eosdem Doctōres, & legentes specialibus favoribus, & gra-  
tiis prosequi volentes, ac lite rarum om-  
nium prædictarum, & privilegiorum teno-  
res præsentibus pro expressis habentes, eos-  
que, & eorum quemlibet a quibusvis ex-  
communicationis, suspensionis, & interdi-  
cti, aliisque ecclesiasticis sententiis, cen-  
suris, & poenis a jure, vel ab homine qua-  
vis occasione, vel causa latis, si quibus quo-  
modolibet innodati existunt ad effectum  
præsentium dumtaxat consequendum ha-  
rum serie absolventes, & absolutos fore  
censentes, hujusmodi supplicationibus in-  
clinati, deputationem dicti Pirri in Depo-  
sitarium dictæ Gabellæ cum emolumento  
dictorum trecentorum scutorum, ac facul-  
tatibus, privilegiis, prærogativis, ac hono-  
ribus, prædictis per Nos, ut præfertur, factam,  
necnon literas desuper die 22. Junii Pontifi-  
catus nostri anno primo confectas, ac illa-  
rum intimationem, omniaque, & singula  
inde sequuta Apostolica auctoritate tenore  
præsentium revocamus, cassamus, & an-  
nullamus, ac cassa, irrita, & inania, ac  
nullius roboris, vel momenti fuisse, & ef-  
fe, nec quodquam jus in dicta Depositaria  
per deputationem hujusmodi acquisitum,  
fuisse, aut esse, sicque per quoscumque Ju-  
dices, & Commissarios, etiam causarum  
Palatii Apostolici Auditores, ac S.R.E. Car-  
dinales, ac Legatum, Vicelegatum, & Gu-  
bernatores, necnon quadraginta viros dic-  
tæ Civitatis, sublata eis, & eorum cuilibet  
quavis aliter judicandi, & interpretan-  
di facultate, & auctoritate, ubique judi-  
cari, & definiri debere, necnon irritum,  
& inane quicquid secus super his a quoquam  
quavis auctoritate scienter, vel ignoranter  
contigerit attentari: eidemque Pirro sub  
excommunicationis, aliisque Ecclesiasticis,  
ac pecuniariis poenis, ne in dicta Deposita-  
ria ejusdem Gabellæ quoquomodo, vigore,  
aut prætextu deputationis per Nos, ut præ-  
fertur, factæ, aut alias quomodolibet se in-  
gerere audeat, vel præsumat, inhibemus.

§.9. Et nihilominus omnia, & singula  
privilegia, & facultates, immunitates, præ-  
rogativas, libertates, gratias, & indul-  
ta, prout per eosdem Romanos Pontifi-  
ces Prædecessores nostros prædictos, eis-  
dem Rectoribus, & legentibus concessa,  
approbata, & innovata fuerint, eisdem au-  
toritate, & tenore approbamus, confir-  
mamus, & etiam de novo concedimus, ac  
omnes defectus juris, & facti, si qui inter-  
venerint in eisdem, supplemus.

§.10. Quocirca venerabilibus fratribus  
Archiepiscopo Bononien., & Episcopo Imo-  
len.,

Depositaria  
a Doctōribus  
constituta  
confirmat Six-  
tus.

Vetera omnia  
confirmat pri-  
vilegia.

Commissarios  
deputat.



1586.

1586.

len., ac dilecto filio causarum Curiae Camerae Apostolicae generali Auditori per Apostolica scripta mandamus, quatenus ipsi, vel duo, aut unus eorum per se, vel alium, seu alios, ubi, & quando opus fuerit, ac quoties pro parte Doctorum, & legentium praedictorum fuerint requisiti, eosdem in praemissis efficacis defensionis praesidio assistentes, faciant auctoritate nostra eosdem Doctores, & legentes revocatione, cassatione, annullatione, Decreto, inhibitione, confirmatione, approbatione, concessione, suppletionem, aliisque praemissis juxta earundem praesentium continentiam, & tenorem pacifice frui, & gaudere, eaque omnia perpetuo firmiter observari; non permittentes eos desuper a quoquam quomodolibet indebite molestari; contradictores quoslibet, & rebelles per sententias, censuras, & poenas Ecclesiasticas, aliaque opportuna juris, & facti remedia appellatione postposita, compescendo, legitimisque super his habendis, servatis processibus, censuras, & poenas ipsas, etiam iteratis vicibus aggravando, invocato, etiam ad hoc, si opus fuerit, auxilio brachii saecularis.

Contraria  
tollit.

§. II. Non obstantibus praemissis, ac nostra de non tollendo jure quaesito, quatenus opus sit, ac quibusvis Constitutionibus, & Ordinationibus Apostolicis, necnon omnibus illis, quae dicti Praedecessores suis literis voluerunt non obstat, ceterisque contrariis quibuscumque.

Dat. die 30.  
Julii 1586.  
An. II.

Datum Romae apud S. Marcum, sub Annulo Piscatoris die 30. Julii 1586. Pontificatus nostri Anno II.

## LIII.

Confirmatio, & extensio Jurisdictionis Consulum Artis Pistorum, & Praefecti Annonae Almae Urbis, in rebus ipsam Artem tangentibus, ac privilegiorum, & gratiarum eorundem Pistorum.

## SIXTUS EPISCOPUS

SERVUS SERVORUM DEI

Ad perpetuam rei memoriam.

Proemium.

Celestis Pater ad hoc Nos Universalis Ecclesiae Rectorem constituit, & Nobis oves suas pascendas commisit, ut omnibus personis praecipue Romanam Curiam sequentibus, ne indebitis molestiis afficiantur, sed pro earum qualitate justitia ministretur, quantum cum Deo possumus, salubriter provideamus, & ea, quae pro ipsarum personarum facili regimine, & gubernatione a nostris Praedecessoribus provida consideratione emanarunt, ut eo firmitus illibata persistant, quo frequentius Apostolico fuerint stabilita praesidio, nostrae approbationis munimine, dum a Nobis petitur, roboremus.

Leo X. & Julius III. de-  
reverunt, quae  
leguntur in  
Bulla Julii III  
hic cit.

§. I. Sane pro parte dilectorum Filiorum Universitatis Pistorum Urbis nostrae, Nobis nuper exhibita petitio continebat,

quod alias postquam fel. rec. Leo Papa X. Praedecessor noster, &c.

§. 2. Et deinde per recol. mem. Julium Papam III. *Omittitur relatio Bullae Julii III. quia ipsam habes in Tom. III. Part. III. & quia ibi relata Bulla Leonis ideo hic omittitur ejusdem relationis repetitio.*

§. 3. Cum postmodum antiqua Statuta ipsius Urbis, de mandato sanctae memoriae Gregorii Papae XIII. &c. *Omittitur etiam relatio Bullae Greg. XIII. quia est in Tom. III. Part. III. fol. 437. Alam.*

§. 4. Cum autem eadem petitio subiungebat, plerique dubitent, aliqua artis Pistorum hujusmodi statuta, & praesertim illud quo dispositum est, quoscumque artem praedictam exercere, & clibanum habere volentes, priusquam ad hoc admitti possint, ad solutionem trium scutorum pro una Consulis artis hujusmodi, & reliqui, duabus partibus Hospitali Beatae Mariae de Laureto de dicta Urbe applicandorum teneri, per praedictas literas Gregorii Praedecessoris hujusmodi declarationis, & reintegrationis jurisdictionum artium, earumque Collegiorum, & Consulum hujusmodi nullatenus reintegrata fuisse. Quare pro parte Universitatis Pistorum hujusmodi Nobis humiliter fuit supplicatum, ut literis Praedecessorum hujusmodi robur nostrae approbationis adiacere, aliaque in praemissis opportune providere de benignitate Apostolica dignaremur.

§. 5. Nos igitur Universitatem Pistorum hujusmodi, illiusque singulares personas, quarum quietem, & commodum, non minori, quam Praedecessores nostri praedicti paternae dilectionis affectu prosequimur, a quibusvis Excommunicationis, suspensionis, & interdicti, aliisque Ecclesiasticis censuris, & poenis, a jure, vel ab homine, quavis occasione, vel causa latis, si quibus quomodolibet innodati existant, ad effectum praesentium dumtaxat consequendum, harum serie absolventes, & absolutos fore censentes, necnon singularum literarum praedictarum tenores veriores praesentibus pro expressis habentes, hujusmodi supplicationibus inclinati statuta, & Ordinationes dictae Universitatis, ac singulas etiam reintegrationis jurisdictionum literas Praedecessorum hujusmodi, ac in eis contenta quaecumque, praedicta auctoritate, tenore praesentium perpetuo approbamus, & confirmamus.

§. 6. Ac insuper eisdem nunc, & pro tempore Pistoribus, ut facilius, & minori cum dispendio jura sua consequi possint, in omnibus, & singulis eorum causis, litibus, controversiis, & differentiis, ratione panis per eos crediti, & rerum ad artem hujusmodi spectantium, de cetero movendis, videlicet, quae triginta ducatos auri de camera non exceperint, Consules pro tempore existentes dictae artis, contra quoscumque ejusdem Urbis Cives, opifices, habitatores, ac alias quascumque personas saeculares; in aliis vero usque ad quamcumque summam, Praefectum pro tempore

Gregor. XIII.  
aliam edidit  
Constitutionem  
hic indicam

Ars modo sup-  
plicat. Papa  
pro uberiori  
provisione.

Hic ideo Po-  
tiffex omnes  
Praedecessorum  
Constitutiones  
ad favorem  
Pistorum Ur-  
bis confirmat.

Jurisdictione-  
que Consuli-  
bus in causis  
usque ad duc.  
30. & inde su-  
pra Praefecto  
Annonae con-  
tra quoscum-  
que concedit.

exi-



existentem Annonæ Judices, contra quoscunque S. R. E. Cardinales, Episcopos, Prælatos, Oratores, proceres, & alios Ecclesiastica, vel temporali dignitate fungentes, dictæ Urbis originarios, vel externos, auctoritate, & tenore prædictis perpetuo constituimus, & deputamus, eisdemque nunc, & pro tempore existentibus Pistoribus, facultates omnes, qui eis occasione crediti panis ac aliarum rerum artem ipsam concernentium debitores fuerint, pro consequenda satisfactione, ad iudicium coram Consulibus, & Annonæ Præfecto Judicibus huiusmodi evocandi, dictis vero Consulibus, & Annonæ Præfecto pro tempore existentibus, singulas causas huiusmodi summarie, simpliciter, & de plano, ac sine strepitu, & figura iudicii, manumque Regia, ac sola facti veritate inspecta, & prout in exactione pecuniarum præti grani, eisdem Pistoribus ab Officialibus ejusdem Camera Apostolicæ pro tempore dati, contra eosdem pistores procedi solet, audiendi, cognoscendi, decidendi, sineque debito terminandi, necnon citandi, & in forma inhibendi, omnibusque aliis facultatibus necessariis, & opportunis, auctoritate, & tenore similibus, etiam perpetuo tribuimus.

Pistorum crediti occasione panis in discussionibus non venire, sed ceteris creditoribus etiam habentibus obligationes Camerales anteriores esse decernit.

§.7. Quodque debita cum ipsis Pistoribus ratione panis crediti, & aliarum rerum huiusmodi contracta, ad bonorum, & hereditatum quarumvis personarum, etiam cuiuscunque dignitatis, status, gradus, & conditionis existentium, coram quibuscunque Judicibus dictæ Urbis, tam Ordinariis, quam delegatis, & subdelegatis, pro tempore faciendas discussiones nullo pacto trahi possint. Quinimmo ipsi Pistores, pro consequenda debitorum huiusmodi satisfactione, in omnibus eorum litibus & causis, etiam si priores, & potiores creditores non sint, primum, & potiorum locum obligationibus etiam in forma Camera Apostolicæ, etiam juramento vallatis, ac privilegiis, ceterisque in contrarium facientibus, non obstantibus quibuscunque habere, & obtinere omnino debeant, eisdem auctoritate, & tenore similiter perpetuo statuimus, & ordinamus: necnon sententiarum, mandatorum executivorum, & decretorum per Consules, & Annonæ Præfectum, Judices præfatos pro tempore latarum, & relaxatorum executionem, & quovis prætextu, etiam quarumcumque appellationum, recursuum, inhibitionum, & significationum etiam dotalium nullo modo impediri posse, sed easdem significationes, & inhibitiones, per Governatorem, & alios dictæ Urbis Judices, ad quos ipsi appellantes, & recurrentes recursum habuerint, denegandas esse, easque concessas, illico revocatas, & ipsis recurrentibus minime suffragari volumus.

Appellationes a scutis rosupra ad conservatores permittit.

§.8. Decernentes a sententiis, declarationibus, & decretis eorundem Consulium, ad Conservatores: & non alios quovis iudices appellari posse, & appellationes non nisi in causis, & litibus super ma-

Bull. Rom. Tom. IV. Par. IV.

jori quam decem scutorum summa vertentibus, admittendas esse, nec a decem infra recursus ad aliquos Judices haberi, minusque concedi posse.

§.9. Ac præsentibus literas de subreptionis, vel obreptionis vitio, mentisque, aut intentionis nostræ defectu notari, aut impugnari nullatenus posse. Irritum quoque, & inane, si secus super his a quoquam quavis auctoritate scienter, vel ignoranter contigerit attentari.

Decretum irritans apponit.

§.10. Non obstantibus præmissis, ac Constitutionibus, & Ordinationibus Apostolicis, necnon dictæ Urbis statutis, legibus, & Consuetudinibus, etiam juramento, confirmatione Apostolica, vel quavis firmitate alia roboratis, privilegiis quoque, indultis, & literis Apostolicis eidem Auditori Camera, seu obligationibus Cameralibus, ac quibuscunque dictæ Urbis Judicibus ordinariis, & extraordinariis, ac delegatis, illorumque tribunalibus, & quibuscunque aliis personis, etiam locis piis, sub quibuscunque tenoribus, & formis, ac cum quibuscunque etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis, in genere, vel in specie, etiam motu simili, etiam consistorialiter, ac alias in contrarium quomodolibet concessis, approbatis, & innovatis, quibus omnibus, etiam si pro illorum sufficienti derogatione, de illis, eorumque totis tenoribus, specialis, specifica, expressa, & individua, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, illis alias in suo robore permanfuris, hac vicedumtaxat, specialiter, & expresse derogamus, ceterisque contrariis quibuscunque. Nulli ergo &c.

Contrariis derogat.

Datum Romæ apud Sanctum Marcum Anno Incarnationis Dominicæ millesimo quingentesimo octuagesimo sexto, quarto decimo Kalendas Septembris, Pontificatus nostri Anno II.

D. P. An. II.  
19. Augusti.

#### LIV.

Jurisdictio S. R. E. Cardinalis, & Judicis causarum Archiconfraternitatis B. Mariæ Virginis de Urbe Confalonis nuncupatæ, ad Redemptionem Captivorum ab infidelium servitute, aliaque pia opera exercenda dudum institutæ.

*Alia, quæ hanc Sodalitatem concernunt, vide in Greg. XIII. Pastoris. T. IV. P. III. fol. 319.*

S I X T U S P A P A V.

*Motu proprio &c.*

CUM sicut accepimus Venerabilis Archiconfraternitas Confalonis Gloriosissimæ Virginis Mariæ, ejusque pro tempore existentes Custodes, Camerarius, Officiales, & Ministri, ob lites, quæstiones, & controversias civiles, profanas, spirituales, meras, & mixtas per diversa Urbis Tribunalia, occasione locationum, censuum,

Causa concessionis.



1586.

1586.

suum, donationum, hereditatum, legatorum, dotium, & diversarum aliarum rerum ejusdem, tam agendo pro ipsa Archiconfraternitate, quam eam defendendo, vel alias jugiter implicati existant, ex quo sapissime quamplura damna, & interesse patiuntur, ac impenſa litis valorem rei, de qua ex tempore agitur, ſæpenumero ſuperet.

Hic Pontifex volens Archiconfraternitatem Conſaloniſ ab expenſis litium ſublevare, dar facultatem ejus Cuſtodibus quatuor Prælatos nominandi, Cardinali Proteſtori, qui ex eis unum eligat Judicem cauſarum d. Archiconfraternitatis, cum poteſtate eas ſummarie cognoscendi.

§. I. Nos Archiconfraternitatem præfatam, quam ſingulari dilectione proſequimur, & in qua diverſa pietatis, caritatis, & miſericordiæ opera, etiam eleemoſynas pauperibus erogando, ac miſerabilibus Puellis dotes elargiendo, necnon Captivos a duriffima infidelium ſervitute maxima cum caritate redimendo, continuo impendi ſpectantur, necnon dilectos filios Magiſtrum Hieronymum de Avila U. J. D. literarum Apoſtolicarum Correſtorem, & Abbreviatorem, ac in utraque Signatura noſtra Referendarium, Prælatum noſtrum domeſticum, Paulum de Matthæis, Carolum de Maximis, ac Uliſſem Lancerinium patritios Romanos, necnon Franciſcum Covarucium ipſius Confraternitatis modernos, & pro tempore exiſtentes Cuſtodes, & Camerarium ab hujusmodi diſpendiis, quantum cum Deo poſſumus, ſublevare volentes, Motu ſimili, & ex certa noſtra ſcientia, ac de Apoſtolicæ poteſtatis plenitudine. Quod de cetero perpetuis futuris temporibus, moderni, & pro tempore exiſtentes dictæ Archiconfraternitatis Cuſtodes quatuor ex Referendariis utriuſque Signaturæ noſtræ, & pro tempore exiſtentis Romani Pontificis, moderno, & pro tempore exiſtenti ipſius Archiconfraternitatis Proteſtori nominare, & proponere poſſint, & valeant, ad effectum ut ex illis quatuor, unus per eundem modernum, & pro tempore exiſtente Proteſtorem eligi, ſeu deputari debeat, Apoſtolica auctoritate tenore præſentium perpetuo ſtatuiſmus, & ordinamus. Ac eidem Referendario ſic pro tempore electo, & deputato, ex nunc prout ex tunc, & e contra, poſt electionem, & deputationem hujusmodi omnes, & ſingulas cauſas, lites, quaſtiones, & controverſias inter dictam Archiconfraternitatem, ſive illius Cuſtodes, Camerarium, Officiales, & Miniſtros nunc, & pro tempore exiſtentes, ac quaſcumque alias, tam laicas, quam Eccleſiaſticas perſonas, cujuſcumque gradus, ſtatus, ordinis, dignitatis, conditionis, vel præeminentia exiſtentes, etiam Cardinalatus honore præfulgentes, Univerſitates, Societates, Congregationes, Collegia, ac tam virorum, quam Mulierum Monasteria, Hoſpitalia, aut alia loca Pia, etiam ſi coram nunc, & pro tempore exiſtentibus S. R. E. Cameraio, Clericis, & Præſidentibus Camera Apoſtolicæ, & ejusdem Camera cauſarum Auditori generali, necnon Vicario, Gubernatore, & Senatore dictæ Urbis, illorumque Locatenentibus, Collateralibus Judiciis, ac Appelationum cauſarum Palatii Apoſtolicæ Auditoribus, ac ejusdem S. R. E. Cardinalibus, & aliis quibuſcumque Judici-

bus ordinariis, ac a Nobis, & Suceſſoribus noſtris Romanis Pontificibus ſpecialiter quomodocumque Commiſſariis deputatis, & delegatis, ac deputandis, & delegandis, nunc, & pro tempore motas, & pendentes, ac quomodolibet movendas, & pendendas, de & ſuper quibuſcumque locationibus, venditionibus donationibus, legatis, fidei commiſſis, teſtamenti, hereditatibus, & illarum diſcuſſionibus, ac quibuſvis aliis diſpoſitionibus, ad favorem tam ejusdem Archiconfraternitatis, quam Redemptionis Captivorum dictæ Archiconfraternitati, per Sedem Apoſtolicam iniunctæ factis, ac dotibus, & quorumcumque jurium, & actionum ceſſionibus, aliisque quibuſcumque inter vivos, ac cauſa mortis, & quaſi contractibus, etiam vigore obligationis in forma Camera, executionibus, revocationibus, bonis, rebus, juribus, & actionibus ipſius Archiconfraternitatis, ejusque Cuſtodes, Camerarium, Officiales, & Miniſtros præſatos, eorumque litis conſortes, tam conjunctim quam diviſim, & tam active, quam paſſive, tam ſecundario, quam principaliter intereſſe concernentes, & ad ipſam Archiconfraternitatem, etiam per viam neceſſariæ deſenſionis, & alias quomodolibet ſpectantes, & pertinentes, in quacumque inſtantia, quorum omnium ſtatus, & merita, ac Judicium, & colligantium nomina, & cognomina, & qualitates, ceteraque etiam de neceſſitate exprimenda, præſentibus pro expreſſis habentes, in ſtatu, & terminis, in quibus ad præſens reperiuntur, & quodocumque reperiuntur, harum ſerie, ad Nos, & Sedem Apoſtolicam advocantes, illasque omnes, & ſingulas alias, ſimiles, vel diſſimiles cauſas quomodolibet nunc, & pro tempore motas, & pendentes, ac quas dicta Archiconfraternitas, illius Cuſtodes, Camerarius, Officiales, & Miniſtri habere, & movere volent contra eaſdem perſonas, Univerſitates, Societates, Congregationes, Collegia, Monasteria, Hoſpitalia, aut alia æque, vel magis pia loca, etiam quomodolibet, & qualitercumque privilegiata, & exempta, pro ipſius Archiconfraternitatis rebus, bonis, hereditatibus, legatis, juribus, & actionibus hujusmodi, tam agendo pro ipſa Archiconfraternitate, & quacumque perſona ab ea cauſam habente, quam etiam ſi contra ipſam Archiconfraternitatem, ad inſtantiam quarumcumque perſonarum, qualitercumque qualificatarum, & privilegiatarum quomodolibet agatur, eidem Referendario, ut præfertur, electo, & deputato, una cum omnibus, & ſingulis earum incidentibus, dependentibus, emergentibus, annexis, & connexis, ſummarie, ſimpliciter, & de plano, & ſola facti veritate inſpecta, ac ſine ſtrepitu, & figura judicii, & abſque tela judiciaria, ac aliquorum terminorum ſubſtantialium obſervatione, aut alicujus Regiſtri, vel extractus confeſtione, per ſe ipſum, vel in ejus a dicta Urbe abſentia, aut alias ex quavis cauſa, per alium ab eiſdem Cuſtodibus, accedente, ut ſupra dicti Proteſtoris appro-

batione,



batione, durante absentia, seu alias quomodolibet eligendum, usque ad finalem sententiarum executionem inclusive, audiendas, cognoscendas, sineque debito terminandas, ac etiam alibi introducendas, seu committendas, reassumendas, &c. auctoritate, & tenore præfatis, etiam perpetuo committimus, & mandamus.

Citandique, & inhibendi tam in Curia quam extra, & quibuscumque Judicibus.

§.2. Ipsumque Referendarium, ut præfertur, electum, & deputatum in dictis causis, tam pro ipsa Archiconfraternitate quam contra illam motis, & pendentibus, & in futurum movendis, in Iudicem Ordinarium, & Apostolica auctoritate deputatum, cum facultate easdem causas usque ad finem, absque tamen alicujus propinæ receptione, cognoscendi, decidendi, atque terminandi, ac etiam cum potestate citandi, & inhibendi quos, quibus, ac quoties opus fuerit, etiam per se, vel alium, seu alios quoscumque, tam in Romana Curia, quam extra eam, etiam per edictum publicum, confito sibi etiam summarie de non tuto accessu, eisdemque, & prædictis, ac quibuscumque aliis ejusdem Urbis Curiarum, seu Tribunalium Judicibus, & personis, tam Ecclesiasticis quam secularibus cujuscumque dignitatis, gradus, ordinis, vel conditionis fuerint, quibus, ac quoties opus fuerit, etiam sub sententiis, censuris Ecclesiasticis, ac etiam pecuniariis poenis, prout sibi videbitur, inhibendi, & in eventum non paritionis contra inobedientes, contumaces, & rebelles, ad declarationem incursum censurarum, & poenarum hujusmodi, illarumque aggravationes, & reagravationes, ac alias prout sibi melius expedire videbitur, seu placuerit, servata forma Concilii Tridentini procedendi, sententiasque, seu mandata, per eum pro tempore latas, seu relaxatas, debitæ executioni demandandi, sive demandari faciendi.

Contradictores etiam coercendi.

§.3. Contradictores quoslibet, & rebelles, ac præmissis quovis pretextu non parentes, per censuras Ecclesiasticas, ac etiam pecuniarias poenas, aliaque opportuna juris, & facti remedia, appellatione postposita, compescendi, auxiliumque brachii secularis ad hoc, si opus fuerit, invocandi, aliaque omnia, & singula in præmissis, & circa ea quomodolibet necessaria, & opportuna faciendi, gerendi, & exequendi, ac cum aliis facultatibus ad id quomodolibet necessariis, auctoritate, & tenore prædictis similiter perpetuo facimus, constituimus, & deputamus, sibi que plenam, liberam, & amplam super præmissis licentiam, & facultatem, atque auctoritatem etiam concedimus, & impartimur.

Appellatio ab ejus sententiis semel tantum, & non suspensiva, ad alium Iudicem a Protectore deputatum admittatur, & tres nullitates tantum opponi possint.

§.4. Decernentes quod a pro tempore existentis Referendarii, ut præfertur electi, & deputati sententiis, mandatis, ordinationibus, & decretis, nullatenus suspensive appellari, reclamari, de nullitate dici, sive quomodolibet adversus illa ad effectum impediendi executionem aliquod remedium attentari possit. Devolutive autem semel tantum liceat appellare, & alia remedia intentare coram alio Iudice prædicto

pro tempore existenti Protectori, ut præfertur, nominando, & ab eo approbando. Secundo autem, vel ulterius sublata sit omnis, & quacumque appellatio, sed prædictæ duæ sententiæ plenariam executionem obtineant, ac firmæ, & illibatæ permaneant, ac si essent tres conformes, ac nullitas aliqua, exceptis tribus substantialibus opponi nullo modo possit.

§.5. Et licet ad instantiam quorumcumque hæredum sive quorumlibet aliorum, committatur in futurum, vel etiam modo pendeat commissa causa discussionis alicujus hæreditatis, & dictæ Archiconfraternitati, seu illius Custodibus, Camerario, Officialibus, & Ministris, etiam virtute commissionis fuerit inhibitum, tamen ne exactio creditorum in præjudicium ipsius Archiconfraternitatis protrahatur, data idonea cautione per dictos Custodes, Camerarium, Officiales, seu Ministros, de restituendo summam debitam in eventum succumbentiæ prioribus, & potioribus creditoribus, pro tempore existens Referendarius prædictus, eosdem hæredes sive alios quoscumque debitores, seu ipsorum quemlibet, ex quacumque causa cessionarios, vel ab eis quomodolibet, & ex quocumque titulo causam habentes, ad satisfaciendum integraliter dictæ Archiconfraternitati de ejus credito, juris, & facti remediis cogat, & compellat.

Judicis facultas in causis discussionum.

§.6. Ac in omnibus, & singulis causis prædictis ad dictam Archiconfraternitatem, ut præfertur, quomodolibet spectantibus, singulis diebus, & horis, feriatis & non feriatis, præterquam in honorem Dei, procedat.

Singulisque diebus, & horis procedent.

§.7. Et Notarium actuarium per eosdem Custodes eligendum, ac ab eis, & eorum arbitrio, ac ad eorum nutum ponendum, & amovendum, quem eis placuerit, habeat; qui teneatur dare idoneam cautionem eisdem Custodibus in ejus deputatione, de restituendo absque aliqua pecuniarum solutione, & fraude, ac omni mora, & dilatione, atque exceptione, seu excusatione postpositis, quoties ab eisdem Custodibus, ab hujusmodi Notariatus officio amotus fuerit, omnes, & singulas scripturas ad dictam Archiconfraternitatem, ut præfertur, quomodolibet spectantes, per eosdem Custodes facto de illis Inventario, Notario successori, ab eisdem Custodibus deputato consignandas.

Notarium deputandi.

§.8. Quodque citationes in causis prædictis etiam per Curia Capitolii, seu alios quoscumque etiam dictæ Archiconfraternitatis Mandatarios, fieri possint.

Citationes fieri possint per quoscumque Mandatarios.

§.9. Ac quod quicumque Executores Curiarum, seu Tribunalium dictæ Urbis, possint, & debeant exequi, & effectualiter executioni demandare omnes, & singulas sententias, decreta, & mandata pro tempore existentis Referendarii hujusmodi, sive in ejus absentia, aut alias ipso impedito, ab eisdem Custodibus eligendi, ac ut supra, nominandi, ac a Protectore approbandi, quæ non obstante Regula Cancellariæ sub ejus parvo sigillo expediri possint.

Executores omnes exequi debeant mandata prædicta Judicis.

§.10. Ac



1586.

Alii Judices  
hasce causas  
non cognos-  
cant.

§. 10. Ac insuper Archiconfraternita-  
tem prædictam, ejusque Custodes, Came-  
rarium, Officiales, & Ministros, & nunc  
deinceps occasione præmissorum principaliter,  
seu secundario alibi quam coram pro  
tempore existente Referendario, ut præfer-  
tur, electo, & deputato conveniri, aut ad  
alios conveniendum construngi non posse,  
& processus, sententias, mandata, & decre-  
ta per alium, sive alios, tam ordinarios,  
quam etiam specialiter deputatos, & dele-  
gatos Judices, quavis auctoritate fungentes,  
in causis prædictis quomodolibet pro tem-  
pore formatos, in quacumque instantia la-  
tas, & facta cum inde sequutis quibuscum-  
que nulla, irrita, & inania, nulliusque robo-  
ris, & momenti fore.

Clausula præ-  
servativa.

§. 11. Præsentem quoque Motus proprii  
cedulam, sub quibuscumque similium, vel  
dissimilium gratiarum, aut concessionum,  
revocationibus, suspensionibus, modera-  
tionibus, seu limitationibus, etiam per Nos,  
& Successores nostros Romanos Pontifices,  
ac Sedem prædictam, vel ejus etiam de la-  
tere Legatos, & per Cancellariæ Apostoli-  
cæ Regulas pro tempore factas, etiam in  
favorem Fabricæ Basilicæ Principis Aposto-  
lorum de dicta Urbe nullatenus compre-  
hensam, sed semper ab illis penitus, &  
omnino exceptam, ac quoties illæ emana-  
bunt, toties præsentem cedulam in pristinum  
robur restitutam esse, & censeri debere, nec  
eidem cedulæ per quascumque clausulas  
generales, vel speciales, etiam derogato-  
riarum derogatorias efficaciores, & insoli-  
tas, ac etiam irritantia decreta, sub qua-  
cumque verborum expressione in se conti-  
nentes, derogari posse, & si illi ullo um-  
quam tempore ex aliqua etiam quantumvis  
necessaria, & urgenti causâ derogari con-  
tingat, nisi tenor cedulæ hujusmodi de ver-  
bo ad verbum nihil penitus omisso insertus,  
& hujusmodi derogatio consistorialiter fa-  
cta, & per trinas distinctas literas, eundem  
tenorem continentes tribus similibus distin-  
ctis vicibus, Custodibus, Camerario, & aliis  
Officialibus Archiconfraternitatis hujusmo-  
di legitime insinuata, & intimata fuerit,  
eorumque ad id expressus accedat assensus,  
derogationes hujusmodi nemini suffragari  
debere, & si ac quoties illa aliquo alio modo  
revocari, aut alias illi derogari contigerit,  
toties in pristinum statum restitutam, & de  
novo etiam sub posteriori data, per præ-  
dictos Custodes, Camerarium, & Officiales  
eligenda, concessam, & stabilitam esse.

Decretum ir-  
ritans.

§. 12. Et sic per quoscumque Judices  
etiam causarum Palatii Apostolici Audito-  
res, ac S. R. E. Cardinales, sublata eis, &  
eorum cuilibet quavis aliter judicandi, &  
interpretandi facultate, & auctoritate, ubi-  
que judicari, & definiri debere, irritum  
quoque &c. attentari.

Declaratio  
quod sub eo-  
dem Judice  
sint omnes Re-  
dempti, & puel-  
la ab Archi-  
confraternita-  
te dotata.

§. 13. Volumus etiam, & mandamus,  
quod omnia, & singula præmissa, habeant  
locum ad favorem quarumcumque paupe-  
rum Puellarum, quæ a prædicta Archicon-  
fraternitate dotem habuerint pro dictorum  
dotium consequutione, ac quorumcumque

ab eadem Archiconfraternitate redempto-  
rum; ita quod sint & esse intelligantur sub  
dicta jurisdictione in omnibus, & per omnia,  
acsi principaliter cum illis, & quolibet illo-  
rum agendo, seu defendendo de interesse  
prædictæ Archiconfraternitatis ageretur.

§. 14. Inhibentes expresse moderno, &  
pro tempore existenti Signaturæ Justitiæ  
Præfecto, aut alias pro tempore Justitiæ  
Signaturam habenti, necnon Regenti Can-  
cellariæ, qui pro tempore erit, omnibus-  
que, & singulis Referendariis, ne de cetero,  
ad instantiam, & requisitionem cujuscum-  
que, supplicationem aliquam recipere, re-  
ferendariare, seu proponere Præfecto Si-  
gnaturæ Justitiæ audeant, vel præsumant,  
& similiter Signaturam facienti non signet,  
sive avocatoriam, sive simplicis Justitiæ,  
sive appellatoriam, & similem, neque in  
initio neque in medio litis; & signatæ nullus  
sint roboris, & momenti, nullamque tri-  
buant jurisdictionem, neque ipse Judex, cui  
fuerint commissæ, audeat illarum virtute  
citare, inhibere, vel quomodolibet proce-  
dere; irritum, & inane quicquid scienter,  
vel ignoranter secus factum fuerit, ipso ju-  
re decernimus, salva semper nostra manu  
propria signata, sine qua omne rescriptum  
censeatur, & sit invalidum, & a nostra vo-  
luntate alienum. Et nihilominus Referen-  
darius, sicut præmittitur, deputatus a præ-  
dicta Archiconfraternitate, absque vitio  
attentatorum procedere possit, & valeat.

§. 15. Et insuper ne propter difficulta-  
tem habendi, seu recuperandi Instrumenta  
publica super testamentis, seu aliis quibus-  
cumque dispositionibus piorum Christifide-  
lium, per Notarios, & Tabelliones confe-  
cta, & stipulata, in quibus per ipsos Chri-  
stifideles in ejusdem Archiconfraternitatis,  
seu Redemptionis Captivorum favorem di-  
versa legata facta, illisque bona relicta, &  
erogata fuerint, & de quibus illius Custodes,  
Camerarius, Officiales, & Ministri præ-  
dicti notitiam habere non possunt, ipsa Ar-  
chiconfraternitas varia in temporalibus  
damna, & detrimenta sustineat, & pa-  
tiatur, eidem Referendario, ut præfertur,  
electo, & deputato, omnes, & singulos,  
etiam quorumcumque Tribunalium, ac  
Curiarum dictæ Urbis, & in Archivio Ro-  
manc Curie, & Capitolii descriptos Nota-  
rios, & Tabelliones publicos, etiam quan-  
tumcumque privilegiatos, & exemptos,  
qui deinceps perpetuis futuris temporibus  
quacumque Instrumenta publica super te-  
stamentis, codicillis, & quibusvis tam inter  
vivos, quam causâ mortis dispositionibus,  
omnibusque utriusque sexus Christifidelibus,  
conficient, aut stipulabunt, vel de quibus  
ipsi Notarii, & Tabelliones pro tempore  
rogati fuerint, in quibus pia legata, etiam  
jure donationis perpetuæ, vel fideicommissi,  
seu cujusvis alterius dispositionis, aut  
quocumque alio titulo eidem Archiconfra-  
ternitati, sive Redemptioni Captivorum  
per Christifideles de eorum bonis in toto,  
vel in parte hactenus quomodolibet, facta  
fuerunt, & in futurum fient, seu quæ uti-  
lita-

Præfectus Si-  
gnaturæ Ju-  
stitiæ, Regen-  
que, & Refer-  
rendarii, non  
signent com-  
missiones, co-  
tra formam  
præsentium, &  
Judices qui-  
bus essent co-  
missæ nullate-  
nus procedat.

Judex præfa-  
tus cogere  
possit Nota-  
rios omnes,  
ad sibi confi-  
gnan. instru-  
menta con-  
cernentia ali-  
quod interes-  
se Archicon-  
fraternitatis,  
seu Redem-  
ptionis Ca-  
ptivorum.



litatem, vel commodum, aut augmentum bonorum, jurium, & emolumentorum Archiconfraternitatis, seu Redemptionis Captivorum hujusmodi; tam conjunctim, quam divisim, & tam active, quam passive, ac tam secundo quam principaliter concernunt, & concernent quomodolibet in futurum, aut in Archiconfraternitatis, seu Redemptionis Captivorum hujusmodi utilitatem cesserint, vel cedant, ad dictorum Instrumentorum, seu illorum particulam interesse dictæ Archiconfraternitatis, seu Redemptionis, ut præfertur, concernentem, copiam authenticam, & fide dignam, in forma juris valida, & probante, seu instrumentum publicum, postquam ad id per ipsam Archiconfraternitatem, illiusque Custodes, Camerarium, Officiales, & Ministros, coram eodem Referendario requisiti fuerint, & post testatorum obitum, sub poena falsi, ac excommunicationis, aliisque sententiis, & censuris Ecclesiasticis, ac etiam pecuniariis poenis, per contrascentes eo ipso incurrendis, ac arbitrio ejusdem Referendarii infligendis, & exequendis, eidem Archiconfraternitati, sive illius Custodibus, Camerario, Officialibus, seu Ministris, soluta per eosdem Custodes, Camerarium, Officiales, seu Ministros ipsis Notariis, & Tabellionibus mercede, pro scriptura ipsius copiae authenticæ, seu instrumenti publici tantum, omni mora, & dilatione, aut subterfugio cessantibus, ac quacumque appellatione, seu recurso postpositis, realiter, & cum effectu, ac sine aliqua fraude dandum, tradendum, & consignandum, auctoritate nostra moneat, omnibusque sibi visis remediis opportunis, usque ad omnimodam partitionem cogat atque compellat.

Clausula derogatoria.

§. 16. Non obstantibus præmissis, ac fel. rec. Bonifacii Papæ VIII. Prædecessoris nostri de una, & Concilii generalis de duabus dietis, dummodo ultra tres dietas aliquis auctoritate præsentium ad iudicium non trahatur, aliisque Constitutionibus, & Ordinationibus Apostolicis, necnon Fabricæ prædictæ, ac personarum, Universitatum, Societatum, Congregationum, Collegiorum, Monasteriorum, & Hospitalium hujusmodi, aliorumque quorumcumque piorum locorum, & Ordinum, etiam exemptorum, ac qualitercumque privilegiatorum, etiam juramento, &c. roboratis statutis, & consuetudinibus, privilegiis quoque, indultis, conservatoriis, exemptionibus, & literis Apostolicis, illis ac dilectis filiis Populo Romano, necnon Iudicibus, Notariis, Tabellionibus, Curis, seu Tribunalibus, eorumque personis, & Collegiis quibuscumque, & Romanæ Curie Officialibus, per quoscumque Romanos Pontifices Prædecessores nostros, ac Nos & dictam Sedem, etiam Motu, scientia, & potestatis plenitudine similibus, ac alias sub quibuscumque tenoribus, & formis, ac cum quibuscumque clausulis, & decretis in contrarium, etiam in vim contractus, aut alias

quomodolibet concessis, confirmatis, & innovatis, necnon Reformationibus noviter factis, & paribus Motu, & scientia approbatis, etiam si in eis caveatur expresse, quod causa hujusmodi ad forum, seu Curiam Capitolii, & seu Auditoris dictæ Camerae, vel Vicarii, aut aliorum ejusdem Urbis Tribunalium reassumi debeant, ac alias in contrarium præmissorum quomodolibet disponentibus. Quibus omnibus, etiam si pro illorum sufficienti derogatione, de illis, eorumque totis tenoribus, specialibus, specifica, expressa, & individua, ac de verbo ad verbum, & nihil penitus omisso, nec per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, illorum omnium tenores, ac si de verbo ad verbum expressi, & forma in illis tradita observata inferri forent præsentibus, pro sufficienter expressis, & insertis habentes illis alias in suo robore permanfuris, hac vice dumtaxat, harum serie specialiter, & expresse eisdem Motu, scientia, & potestatis plenitudine derogamus, & sufficienter derogatum esse decernimus, contrariis quibuscumque. Aut si personis, Universitatibus, Societatibus, Congregationibus, Collegiis, Monasteriis, Hospitalibus, aliisque piis locis prædictis, eorumque Administratoribus, Officialibus, seu Ministris, vel quibuscumque aliis communiter, vel divisim ab eadem sit Sede indultum, quod interdicti, suspendi, vel excommunicari, aut extra, vel ultra certa loca, Curias, & Tribunalia, ad iudicium trahi non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem, & quibuscumque aliis privilegiis, indultis, ac literis Apostolicis generalibus, vel specialibus, quorumcumque tenorem existant, per quæ præsentibus non expressa, vel totaliter non inserta, jurisdictionis ipsius pro tempore existentis Referendarii, ut præfertur, deputati explicatio, sive exequutio impediri valeat quomodolibet, vel differri. Et de quibus, quorumque totis tenoribus specialibus, specifica, expressa, & de verbo ad verbum habenda sit in nostris literis mentio specialis.

§. 17. Volumus solam præsentis Motus proprii signaturam sufficere, & ubique fidem facere in iudicio, & extra.

Sola signatura sufficit.

§. 18. Quodque eadem Motus proprii exempla, etiam impressa, Notarii publici, sive ejusdem Archiconfraternitatis Secretarii manu subscripta, & sigillo dictæ Archiconfraternitatis, vel illius Protectoris sive Referendarii pro tempore, ut præfertur, electi, & deputati obsignata, eandem prorsus, in iudicio, & extra illud fidem ubique faciant, quam ipse Motus proprius faceret, si foret exhibitus, vel ostensus, regula contraria quacumque non obstante.

Fides exemplorum.

Fiat Motu proprio F.

Datum Romæ apud S. Marcum die 19. Augusti, Anno II.

D. P. An. II.  
19. Augusti.



Ex Regest. in  
Secret. Brev.

Ereçtio Universitatis Studii generalis in Ci-  
vitate de Quito Provincia S. Michaelis  
Indiarum Occidentalium Ordinis Eremitarum  
S. Augustini cum facultatibus aliis  
Universitatibus concedi solitis.

## SIXTUS PAPA QUINTUS

Ad perpetuam rei memoriam.

Proœmium.

Intelligentes, quam Domino grati, Chri-  
stianæque Reipublicæ uberes fructus ex  
assidua Verbi Dei prædicatione, aliorum-  
que piorum operum exercitio ex domibus  
regularibus Ordinis Fratrum Eremitarum  
S. Augustini in partibus Indiarum Occiden-  
taliū fundatis in dies producantur, facile  
inducimur, ut eorundem Fratrum votis  
per quæ ne ob locorum nimiam distantiam  
tam ipsi, quam alii dictarum partium Ci-  
ves, & Incolæ sacrarum literarum cogni-  
tione privati remaneant, provideri valeant,  
libenter annuamus, eaque favoribus pro-  
sequamur opportunis.

Rationes eri-  
gendæ Uni-  
versitatis.

§.1. Sane pro parte dilectorum filiorum  
Provincialis, & Fratrum domus Ordinis  
Fratrum Eremitarum S. Augustini Civitatis  
de Quito Provincia S. Michaelis partium  
Indiarum Occidentalium Nobis exhibitæ  
petitio continebat, quod cum in dicta Ci-  
vitate, domus dicti Ordinis in suis structur-  
is, & ædificiis satis commoda existat, ac  
proximior dictæ Civitati Studii Generalis  
Universitas per noningenta milliaria, &  
ultra distet, unde dicti Ordinis Fratres in  
eadem, ac aliis dictæ Provinciæ domibus  
commorantes, necnon Cives, & Incolæ  
sacrarum literarum studio non sine maximo  
incommodo, ac dispendio incumbere pos-  
sint. Et sicut eadem petitio subiungebat, si  
in Domo dictæ Civitatis Universitas Studii  
generalis, in qua omnes scientiæ, & facul-  
tates a jure permissæ per Lectores deputan-  
dos a superiore, vel Capitulo Provinciali  
ejusdem Provinciæ publice legi, & inter-  
pretari, atque in eisdem facultatibus Bac-  
calaureatus, Licentiaturæ, Doctoratus, &  
Magisterii gradus conferri possent, & de-  
berent donec, & quoscumque alia studii  
generalis Universitas in dicta Civitate ad  
instantiam charissimi in Christo filii nostri  
Philippi Hispaniarum Regis Catholici, qui  
etiam dictarum partium Dominus existit, in-  
stituatur, erigeretur, & institueretur, ex  
hoc ipsorum Fratrum, Civium, Incolarum,  
& aliorum studentium commoditati  
plurimum consuleretur.

Petitio P. Pro-  
vincialis.

§.2. Quare pro parte Provincialis, &  
Fratrum prædictorum Nobis fuit humili-  
ter supplicatum, quatenus dictam Univer-  
sitatem in prædicta Domo ejusdem Civita-  
tis, ut præfertur, instituere, aliasque in præ-  
missis opportune providere de benignitate  
Apostolica dignaremur.

Ereçtio, de  
qua in rubr.

§.3. Nos igitur considerantes quantæ  
utilitatis in eisdem partibus sit, quod dicti  
Ordinis professi, & alii ibidem commoran-  
tes studendi commoditatem habeant, ut  
exinde in Vineâ Domini utilius se exercere

valeant, ipsosque Provinciales, & Fra-  
trum prædictorum singulares personas a qui-  
busvis excommunicationis, suspensionis,  
& Interdicti, aliisque Ecclesiasticis senten-  
tiis, censuris, & poenis a jure, vel ab ho-  
mine quavis occasione, vel causa latis, si  
quibus quomodolibet innodatæ existunt ad  
effectum præsentium dumtaxat consequen-  
dum harum serie absolventes, & absolutos  
fore censentes, hujusmodi supplicationibus  
inclinati, in prædicta ipsius Civitatis Do-  
mo unam Universitatem Studii Generalis,  
in qua aliqui Magistri, & eruditi Professores  
a Superiore Provinciali, vel Capitulo Pro-  
vinciali dicti Ordinis eligendi, & deputan-  
di Theologiam, Jus Canonicum, & artes li-  
berales, necnon alias quascumque licitas  
facultates, & scientias publice legant, do-  
ceant, & interpretentur, ac ipsius Ordinis  
Fratres, & alii quicumque scholares sive  
laici, sive clerici sæculares, & quorumvis  
Ordinum, etiam Mendicantium Regulares  
ubicumque oriundi, & undecumque ad-  
venientes in eisdem facultatibus, & scien-  
tiis studeant.

§.4. Necnon illis qui Catholici, & ad  
id idonei reperti fuerint, Baccalaureatus, Li-  
cenciaturæ, Doctoratus, & Magisterii, ac  
alii cujuslibet licitæ facultatis gradus, &  
insignia conferantur, & concedantur cum  
Archæ, Sigillo, & aliis insignibus Studii  
Generalis donec, & quousque alia Studii  
Generalis Universitas in dicta Civitate ad  
instantiam ipsius Philippi Regis instituta fue-  
rit, Apostolica Auctoritate tenore præsen-  
tium erigimus, & instituimus.

Facultas con-  
cedendæ Lau-  
reæ.

§.5. Illique sic erectæ, & institutæ ac  
ejus pro tempore existentibus Rectori, ex  
ab eodem Superiore vel Capitulo Provin-  
ciali eligendo, & deputando, Magistris,  
Professoribus, Lectoribus, Præceptoribus,  
Scholaribus, Bidellis, & aliis Officialibus,  
Ministris, & personis, necnon ibidem ad  
quoscumque gradus promotis. Quod om-  
nibus, & singulis privilegiis, facultati-  
bus, libertatibus, immunitatibus, exem-  
ptionibus, non tamen a Jurisdictione Regia,  
prorogativis, antelationibus, præeminen-  
tiis, favoribus, honoribus, dignitatibus  
concessionibus, indultis, & aliis quibuscum-  
que gratiis, quibus aliæ Studiorum genera-  
lium dictarum partium Universitates, illa-  
rumque pro tempore existentes Rectores,  
Magistri, Professores, Lectores, Præce-  
ptores, Scholares, Bidelli, ac alii Officia-  
les Ministri, & personæ, necnon ibidem,  
ad quoscumque gradus promoti de jure, vel  
consuetudine, ac alias quomodolibet utun-  
tur, potiuntur, & gaudent, ac uti, poti-  
ri, & gaudere possunt, & poterunt quomo-  
dolibet in futurum, pariformiter, & æque  
principaliter uti, potiri, & gaudere pos-  
sint, & debeant, perinde ac si eis specialiter,  
& expresse concessa fuissent.

Privilegia ce-  
terarum Uni-  
versitatum con-  
cessa.

§.6. Præterea illis, qui in ipsa Univer-  
sitate Studii generalis de Quito, vel alibi  
studuerint Theologiæ, vel artibus libera-  
libus, aliisque facultatibus prædictis, Bacca-  
laureatus, Licentiaturæ, & Magisterii, ce-  
terof-

Privilegia Sti-  
dencium.



terofque omnes solitos gradus, si per Magistros, vel Doctores illius facultatis, in qua voluerint promoveri, ad hoc presentati, & prævio debito examine assistentibus ibidem aliquibus Doctoribus, seu Magistris in eadem facultate legentibus desuper faciendo, aut alias servatis servandis idonei reperti fuerint, a pro tempore existenti superiore Provinciali, seu ab alio per Capitulum Provinciale eligendo, & deputando, emissa prius per promovendos hujusmodi in ejus manibus Fidei Catholica professione juxta articulos pridem a Sede Apostolica ad hoc propositos ipsorum graduum solita insignia recipere, illaque sibi exhiberi facere, necnon postquam hujusmodi gradus, & illorum insignia susceperint, facultates in quibus promoti fuerint, ubicumque absque alio examine, vel approbatione legere, & interpretari, ac quoscumque actus graduum per eos receptorum, & convenientium, exercere libere, & licite valeant, auctoritate, & tenore prædictis de speciali gratia indulgemus.

Facultas Re-  
ctori conden-  
di statuta.

§.7. Necnon Universitati Studii Generalis de Quito, ac illius pro tempore existenti Rectori pro salubri, & felici ipsius Universitatis, ac illius personarum, rerum locorum, & Jurium regimine, directione, & conservatione, reique literaria progressu, quacumque Statuta, & Ordinationes, licita tamen, & honesta, ac Sacris Canonibus, ac Concilii Tridentini Decretis non contraria a loci Ordinario approbanda, condendi, illaque postquam condita fuerint, mutandi, corrigendi, & reformata ab eodem Ordinario approbari debeant, plenam, & liberam facultatem, & auctoritatem concedimus, & impartimur.

Præsentium  
literarum fir-  
mitas, & ob-  
servantia.

§.8. Decernentes præsentis literas, etiam eo quod interesse habentes, seu prætendentes ad hoc vocati non fuerint, de subreptionis, vel obreptionis, aut nullitatis vitio, seu intentionis nostræ, vel quovis alio defectu notari, vel impugnari, aut alias infringi non posse, sed illas donec alia Universitas Studii Generalis in dicta Civitate, ut præfertur, instituta fuerit, validas, & efficaces existere, suosque effectus sortiri, sicque ab omnibus censer, & ita per quoscumque Judices, & Commissarios quavis auctoritate fungentes, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere, irritum quoque, & inane quidquid secus super his a quocumque quavis auctoritate scienter, vel ignoranter contigerit attentari.

Exequutores  
deputati.

§.9. Quocirca dilectis Filiis Universis, & singulis in dignitate Ecclesiastica constitutis tam secularibus, quam quorumvis Ordinum, etiam Mendicantium Regularibus personis in illis partibus nunc, & pro tempore commorantibus per præsentis committimus, & mandamus, quatenus ipsi, vel duo, aut unus eorum per se, vel alium seu alios præsentis literas, & in eis contenta quacumque ubi, & quando opus fuerit, ac quoties pro parte Provincialis, & Fra-

*Bull. Rom. Tom. IV. Par. IV.*

trum, ac Rectoris, Magistrorum, Lectorum, Scholarium, & aliorum prædictorum fuerint requisiti, solemniter publicantes faciant præmissa omnia per eos, ad quos spectat, & spectabit quomodolibet in futurum, donec alia Universitas in dicta Civitate, ut præfertur, instituta fuerit, observari. Non permittentes Provinciales, & Fratres, ac Rectorem, Magistros, Lectores, Scholares, & alios prædictos super præmissis per quoscumque quomodolibet molestari, contraditores quoslibet, & rebelles, ac præmissis non patentes per sententias, censuras, & poenas Ecclesiasticas, aliaque opportuna Juris, & facti remedia appellatione postposita, conpescendo, invocato etiam ad hoc, si opus fuerit, auxilio brachii secularis.

Derogatio  
contrariorum

§.10. Non obstantibus quibuscumque Constitutionibus, & Ordinationibus Apostolicis, ac aliarum quarumcumque Studiorum Generalium Universitatum, etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis in contrarium, præmissorum quomodolibet concessis, confirmatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia forma ad hoc servanda foret, illorum omnium tenores, præsentibus pro sufficienter expressis, & insertis habentes, illis alias in suo robore permanentibus, hac vice dumtaxat harum serie specialiter, & expresse derogamus, ceterisque contrariis quibuscumque. Aut si aliquibus communiter, vel divisim ab Apostolica sit Sede Indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Datum Romæ apud Sanctum Marcum, sub Annulo Piscatoris die 20. Augusti, 1686. Pontificatus nostri Anno II.

Dat. die 20.  
Augusti 1586  
An. II.

## LVI.

Jurisdicção S. R. E. Cardinalis Protectoris, & Judicis causarum Collegii Cantorum Cappellanorum Romani Pontificis, cum privilegiorum, & gratiarum concessione.

SIXTUS EPISCOPUS

SERVUS SERVORUM DEI

*Ad perpetuam rei memoriam.*

IN superna militantis Ecclesiæ cathedra, nullis nostris meritis, sed sola Redemptoris nostri benignitate constituti, ad universa per Orbem terrarum diffusa loca cultui dicata divino, provisionis nostræ remedia tenemur extendere; præcipue circa Cappellæ nostræ Pontificiæ, cujus cura strictiori

Cause hujus  
Cõstitutionis,

G g

jure



jure Nobis incumbit, prosperum statum, & felicem directionem Nos convenit intendere, & providentiæ nostræ studium propensius adhibere, ut in ea Missarum solemnitas, & alia divina officia continue decantentur, illiusque Cantores ad eum numerum, qui ejusdem Cappellæ decori, & servitio satis sit, reducti, congruis facultatibus pro eorum vitæ subsidio, valeant communiri.

Reductio numeri Cantorum Cappellæ Pontificiæ.

§.1. Quocirca huic rei sedulo incumbere volentes, Motu proprio, & ex certa scientia nostra, ac de Apostolicæ potestatis plenitudine, numerum Cantorum Cappellæ prædictorum, qui ad præsens viginti quatuor existunt, ad numerum viginti unius dumtaxat, quorum nomina, & cognomina in calce præsentium describuntur, Apostolica auctoritate, tenore earundem præsentium reducimus, & contrahimus, reliquos vero tres Cantores Cappellanos ibidem non descriptos illorum rationem aliorum habituri, ab ipsius Cappellæ servitio, & canendi onere, Cantorumque Cappellæ hujusmodi numero, & consortio absolvimus & amovemus.

Erectio Collegii viginti unius Cantorum Cappellæ, & descriptio qualitatum eorumdem.

§.2. Necnon in eadem Cappella, unum Collegium viginti, & unius Cantorum Cappellæ, ut præfertur, descriptorum, loco quorum pro tempore decedentium, vel recedentium, alii artis Musicæ peritia, & vocis suavitate pollentes, ab aliis de gremio Collegii hujusmodi existentibus, prævio diligenti examine, ac alias juxta laudabilem consuetudinem hæcenus observatam eligi debeant, sic tamen quod dictum numerum viginti, & unius numquam excedant, & quorum unus dictæ Cappellæ Magister existat.

Concessio privilegiorum, & reddituum.

§.3. Et tam ipse quam alii pro tempore existentes Cantores Cappellani, de gremio Collegii hujusmodi existentes sint, & esse censeantur, prout hæcenus semper fuerunt, nostri, & pro tempore existentis Romani Pontificis, veri, & indubitati Familiæ, continui commensales, ac ex Palatio Apostolico solitam portionem panis, & vini percipere, & habere debeant, cum massa communi ex Monasterio S. Mariæ de Cresciano Ordinis S. Benedicti Tarentin. Civitatis, seu Diocesis, eidem Cappellæ per Nos nuper ad usum, & sustentationem ipsorum Cantorum Cappellæ dumtaxat dicta auctoritate uniti, ac aliis eisdem massis usque ad valorem annum trium millium scutorum monetæ assignandis, fructibus, redditibus proventibus, rebus, & bonis, ac etiam quoad de totidem reddituum annuorum summa, illi a Nobis, vel Successoribus nostris Romanis Pontificibus provisum fuerit, ex Camera Apostolicæ pecuniis eisdem, Cantoribus Cappellæ, loco salarii, per menses singulos, deducta rata parte fructuum Collegii, & illius massæ communis hujusmodi præstandis conficienda, ac inter ipsos viginti, & unum Cantores Cappellanos proportionabiliter, prout desuper ab ipsius Collegii Protectore pro tempore existen. ordinatum fuerit, dividendo, ex qua

tamen Diacono, & Subdiacono, qui olim substitutis nuncupatis in dicta Cappella quotidie non tamen in præsentia nostra ministrantibus, ac Scriptori, & custodi Librorum ejusdem Cappellæ congruam portionem loco salarii arbitrio ipsius Protectoris assignare. Nec de cetero quicquam a Sanctæ Romanæ Ecclesiæ Cardinalibus Missam in eadem Cappella pro tempore celebrantibus, etiam prætextu cujuscumque consuetudinis, quantumlibet inveteratæ, petere, & exigere, aut etiam sponte oblatum recipere debeant, auctoritate, & tenore prædictis perpetuo erigimus, & instituimus.

§.4. Illique sic erecto, & instituto, arcem, sigillum, aliaque Collegialia jura, & insignia, necnon facultatem, & auctoritatem Magistrum dictæ Cappellæ de ipsius Collegii gremio existentem, qui per quindecim annos, eidem Cappellæ deservierit, vel saltem ex antiquioribus personis dicti Collegii existat, & quem duæ ex tribus partibus illius cantorum Cappellæ hujusmodi ad hoc idoneum judicaverint, ceterosque officiales, & ministros necessarios ad tempus desuper statuendum eligendi.

§.5. Necnon pro felici statu, regimine, & gubernio dicti Collegii, illiusque personarum, rerum, & bonorum, tam spiritualium quam temporalium, ac super electionibus, qualitatibus, oneribus, servitiis, & Ministeriis Magistri Cappellæ, aliorumque Officialium, & Ministrorum ejusdem Collegii, quæcumque statuta, ordinationes, & decreta Sacris Canonibus, & Concilii Tridentini decretis non contraria, condendi, & condita quoties pro illorum, ac rerum, & temporum qualitate, vel alias expediens videbitur, mutandi, corrigendi, reformandi, alterandi, moderandi, in toto vel in parte revocandi, ac de novo edendi, eaque omnia, dummodo Apostolica, vel saltem ipsius Protectoris pro tempore existentis auctoritate approbata fuerint, ab omnibus, ad quos spectat, & pro tempore spectabit, sub pœnis pecuniariis arbitrio ejusdem Collegii infligendis, & illi applicandis, observari faciendi, concedimus, & elargimur.

§.6. Insuper Collegium prædictum, illiusque pro tempore existentes particulares personas, Officiales, & Ministros, ac eorum res, bona quæcumque, mobilia, & immobilia, præsentia, & futura, cujuscumque qualitatis, & quantitatis existentia, & tam in dicta Urbe, quam extra eam ubicumque locorum consistentia, ab omni jurisdictione, dominio, superioritate, & potestate pro tempore existentis Vicarii, Senatoris, Conservatorum, & Reformatorum Urbis, ac Auditoris Causarum Curiae dictæ Camera, necnon Ordinariorum locorum, aliorumque Judicum, & Officialium quorumcumque, in ipsa Urbe vel extra eam ubicumque constitutorum, etiam perpetuo eximimus, & liberamus, ac sub Beati Petri, & nostræ, Sedisque Apostolicæ protectione suscipimus, ac Nobis, & eisdem Sedi immediate subiicimus.

§.7. Om-

Concessio insignium Collegii, ac facultatis eligendi de eorum gremio Magistrum Cappellæ, & alios Ministros.

Statutaque pro bono Collegii regimine condendi.

Elargitio exemptionis ab omni superioritate Ordinariorum, & Judicum in Urbe & extra



Confirmatio,  
& innovatio  
quorumcum-  
que privile-  
giorum hacten-  
us concessio-  
rum.

Privilegium  
quod Cantor-  
es de Colle-  
gio non amo-  
veantur nisi  
data eis prius  
equivalenti re-  
compensa, si  
25. annorum  
spatio deser-  
verint, vel  
legitime im-  
pediti fuerint.

Quodque pri-  
vilegia Can-  
torum etiam  
amotorum per-  
petua sunt.

Deputatio  
Protektoris d.  
Collegii cum  
facultate præ-  
dicta omnia  
ordinandi, &  
gubernandi.

Jurisdictione-  
que causas o-  
mnes d. Col-  
legii, ejusque  
personarum co-  
gnoscendi su-  
marie appel-  
lationeque re-  
mota &c.

§.7. Omniaque, & singula privilegia, exemptiones, libertates, prerogativas, facultates, gratias, tam spirituales, quam temporales, & indulta eidem Magistro, & Cantoribus Cappellanis, in genere, vel in specie, per quoscumque Romanos Pontifices Prædecessores nostros, ac etiam Nos, & dictam Sedem hactenus quomodolibet concessa, approbata, & innovata, quoad ea videlicet decretis prædicti Concilii contraria, & sub ullis revocationibus comprehensa non sunt, approbamus, confirmamus, & innovamus.

§.8. Præterea statuimus, & ordinamus, ut illi ex Cantoribus Cappellanis prædictis, qui spatio vigintiquinque annorum Cappellæ prædictæ deservierint, ex tunc de cetero ab omni illius onere, & servitio sint, & esse censeantur excusati, exempti, & liberati, neque ipsi, nec alii quicumque eorumdem Cantorum Cappellanorum, quos deinceps gravi ægritudine, aut corporis, seu vocis imbecillitate, vel alio legitimo impedimento detineri contigerit, ab ipso Collegio, illiusque Cantorum Cappellano-  
rum numero, & consortio amoveri, neque alii in eorum locum subrogari ullatenus possint, nisi eis prius de æquivalenti recompensa fuerit omnino provisum.

§.9. Quodque tam per Nos, ut præfertur, amoti, quam deinceps propter hujusmodi aut similia impedimenta amovendi, omnibus, & singulis, privilegiis, exemptionibus, immunitatibus, prerogativis, facultatibus, gratiis, & indultis, quibus alii Cantores Cappellani de gremio, & consortio Collegii hujusmodi existentes utuntur, potiuntur, & gaudent, ac uti, potiri, & gaudere possunt, & poterunt quomodolibet in futurum, non solum ad eorum instar, sed æque principaliter, & pariformiter, in omnibus, & per omnia uti, potiri, & gaudere libere, & licite possint.

§.10. Ut autem ipsius Collegii conservationi, & bono regimini consulatur, ipsique Cantores Cappellani ab indebitis molestiis præserventur, dilectum filium nostrum Decium tituli Sancti Matthæi in Merula Presbyterum Cardinalem Azzolinum nuncupatum, ejusdem Collegii, & illius particularium personarum, rerumque, & bonorum quorumcumque Protektorem, defensorem, conservatorem, & Judicem ordinarium, cujus consilio, & ope, omnia supradicta, & alia quaecumque, ad electionem Magistri Cappellæ, aliorumque Officialium, & Ministrorum, necnon receptionem, & admissionem Cantorum Cappellanorum prædictorum spectantia, & alias quomodolibet necessaria agantur, statuantur, & ordinentur.

§.11. Cum plena, & omnimoda potestate, & auctoritate omnes, & singulos dicti Collegii, ejusque personarum, Officialium, & Ministrorum pro tempore existentium causas, etiam beneficiales, profanas, meras, & mixtas, tam active, quam passive motas, & movendas, per se ipsum vel ejus Auditorem, aut alium, seu alios ei

bene visos, exclusive quoad omnes alios Judices, tam ordinarios quam delegatos, etiam summarie, simpliciter, & de plano ac sine strepitu, & figura judicii, manuque Regia, & nulla tela judiciaria servata, sed sola facti veritate inspecta, ac etiam, omni, & quacumque appellatione remota, audiendi, cognoscendi, decidendi, & sine debito terminandi, ac quibus, & quoties opus fuerit in forma, etiam sub pecuniariis, & aliis ejus arbitrio infligendis poenis, & in subsidium juris censuris Ecclesiasticis inhibendi, quaecumque mandata etiam executiva decernendi, & relaxandi, censuras, & poenas prædictas etiam iteratis vicibus aggravandi, auxiliumque brachii secularis invocandi, ac alia omnia, & singula in præmissis, & circa ea ac alias quomodolibet necessaria, & opportuna faciendi, dicendi, gerendi, & exercendi, ceterisque facultatibus ad id requisitis, quæ etiam ad ipsius Decii Cardinalis in Officio Protektoris hujusmodi successores perpetuo se extendere, auctoritate, & tenore similibus, constituimus, & deputamus.

§.12. Decernentes præmissa omnia, & singula, ac præsentis literas, nullo unquam tempore, ex quavis causa quantumvis legitima, & urgenti, de subreptionis, vel obreptionis vitio, seu intentionis nostræ, vel alio quocumque defectu notari, impugnari, retractari, seu etiam revocari, suspendi, restringi, limitari, aut in jus vel controversiam revocari, seu ad terminos juris reduci posse, sed semper valida, & efficacia existere, suosque plenarios, & integros effectus sortiri, & inviolabiliter observari, & Cantoribus Cappellanis, & aliis supradictis perpetuo suffragari.

§.13. Sicque per quoscumque Judices, ordinarios, & delegatos etiam Causarum Palatii Apostolici Auditores, ac S. R. Ecclesiæ Cardinales, sublata eis, & eorum cuilibet, quavis aliter judicandi, & interpretandi facultate, & auctoritate, ubique & in quavis instantia judicari, atque defini-  
ri debere, necnon irritum, & inane, si secus super his a quoquam quavis auctoritate scienter, vel ignoranter contigerit attentari.

§.14. Non obstantibus præmissis, ac Constitutionibus, & Ordinationibus Apostolicis, necnon stylo Palatii, ac Urbis, Camera, & locorum prædictorum etiam juramento, & confirmatione Apostolica, vel quavis firmitate alia roboratis statutis, & consuetudinibus, ac etiam novis reformationibus, privilegiis quoque, indultis, & literis Apostolicis, illis, ac Vicario, Auditori, Senatori, Conservatoribus, Reformatoribus, Ordinariis, aliisque Judicibus, & Officialibus prædictis, & quibusvis aliis personis, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis in genere, vel in specie, etiam motu, scientia, & potestatis plenitudine similibus, ac alias quomodolibet etiam iteratis vicibus concessis, approbatis,

Clausula præ-  
servativa.

Decretum ir-  
ritans.

Derogatio  
contrariorum



& innovatis, quibus omnibus, etiam si de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda esset, tenores huiusmodi præsentibus pro sufficienter expressis habentes, illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscumque.

Nulli ergo, &c. Si quis autem &c.

Dat. P. An. II.  
1. Septemb.

Datum Romæ apud S. Petrum, Anno Incarnationis Dominicæ, millesimo quingentesimo octuagesimo sexto, Kal. Sept. Pontif. nostri Anno II.

## LVII.

Hortatio ad omnes Christifideles, ut Rhemenſi Collegio pro Catholicis Anglis a Sede Apostolica instituto, pie, & liberaliter subveniant, & ad Imperatorem, Reges, & Principes Christianos, ut Anglos propter Iustitiam persecutionem patientes, juvent, & foveant.

*Similem hortationem fecit Gregorius Decimus, ut supra in ejus Const. CXXXIV. Omnipotens fol. 8. Qui jam in Urbe Collegium pro Catholicis Anglis instituit, ut in alia ejus Bulla LXXXI. Quoniam, Tom. IV. Par. III. fol. 359.*

SIXTUS EPISCOPUS  
SERVUS SERVORUM DEI

*Universis Christifidelibus presentes  
litteras inspecturis, salutem, &  
Apostolicam benedictionem.*

Anglorum hæreticorum immunitatis decretatio.

**A**fflicta, & crudeliter vexata Anglorum, qui in Catholica Fide perseverant reliquia, communi piorum moerore, ac luctu, animos cunctorum mortalium in sui misericordiam, & admirationem convertunt. Quocirca Nos, qui Pontificii muneris nostri esse putamus, cunctarum Ecclesiarum, etiam quæ Dei beneficio pace fruntur, curam gerere, multo etiam magis solliciti sumus de ovibus perditis quærendis, & afflictis populis, & personis pro viribus sublevandis, sævit enim in dies acrius dira hæreticorum immanitas, in eos præcipue ecclesiastici Ordinis viros, qui de ipsa orthodoxa fide vocem paulo liberiores mittere, aut hisce re audent, ita ut plerique novis, & ante hunc diem inauditis tormentorum generibus dilacerati, atque membratim discerpti, exquisitis suppliciis trucidentur. At quibus divina benignitas annuit e cruentis impiorum manibus elabi, ii vero quasi funesti tantæ cladis nuntii, ad augendum nostri doloris acerbiter missi, vix aliquod ærumnarum suarum solatium reperiunt, nam extorres patriis finibus, bonis, ac fortunis suis spoliati, summa rerum omnium egestate misere premuntur, ac dispersi incertis sedibus vagantes, externa-

rum, atque ignotarum gentium, sed Fidei, ac communionis Catholicæ sociarum opem implorant. Et cum divitias, & ampla atque opulenta patrimonia possiderent, quibus in patria secundum carnem abunde affluentes frui poterant, si a vera pietate declinassent, maluerunt divino spiritu ducti ea præde, ac direptioni sacrilegorum domi relinquere, quam Fidem negare.

§. 1. Numquam ergo satis Anglorum Catholicorum laudari potest constantia, dum præ studio Religionis, illi acerbissimos cruciatus, & necem, hi vero exilium, mendicitatem, quæque ultima censentur in malis data optione cunctis hujus sæculi deliciis, & commodis anteponunt. Neque sane est, quod miseri exules a suis necessariis, & amicis in patria relictis opem aliquam expectent, ipsi namque nefariis edictis deterriti, aut paribus depressi angustiis, suas nequeunt miseras tolerare, nedum aliis adiumento esse.

§. 2. Quare horum calamitatis miserrata Sedes Apostolica, per omnes Christiani Orbis partes dispersis Angliæ populis, iis præsertim qui in Collegium Rhemenſe hac ipsa de causa auctoritate Apostolica institutum se receperunt, superioribus annis coeperat aliquid auxilii suppeditare, quod pium institutum Nos quoque persolvendo ex ærario nostro, in singulos menses certum subsidium prosequi non cessamus, nec sine magno fructu, siquidem ex sancto illo Anglorum, illuc pietatis, & Catholicæ disciplinæ capeſſendæ causâ profugientium Seminario, multos fere quotidie prodire audimus, qui Deo juvante in Angliam ad confirmandos Catholicorum animos redeunt, gloriosis, apud posteros quoque illustribus futuris martyriis, suam erga Catholicam Fidem, & hanc Sanctam Sedem devotionem usque ad sanguinis, & spiritus effusionem testentur. Horum autem eximia virtus, & infracti animi robur sævissimos hæreticos urit, spemque eis eripit, quam de Catholicorum nomine ad internecionem delendo, aut certe penitus profligando, animo conceperunt. Sed cum haud desinant propterea, pios omnes vexare, excreſcente in dies exulum numero, idem Collegium Rhemenſe in maximas difficultates est adductum, ac ne ipsius quidem ærarii Apostolici ingentibus oneribus gravati tenuitas sufficere potest tot necessitatibus sublevandis, cum præsertim Nos turbulentissimis temporibus ad Ecclesiæ gubernacula vocati, imminenti- bus undique periculis circumfessi, ex toto terrarum Orbe ad Nos confluentium fidelium pauperum necessitatibus succurrere, pro communi Christianæ Reipublicæ bono, ingentes sumptus facere, & gravissima onera sustinere assidue cogamur.

§. 3. Primum igitur confugimus ad divinam opem implorandam, ut Deus Omnipotens cohibeat tandem aliquando effrenatæ tyrannidis in cæde, ac strage piorum debacchantis furorem, & nobilissimam nationem veræ Religionis studio quondam florentem, ac beatam, & adhuc pro sua ab hæ-

Anglorum Catholicorum præclara laudatio.

Collegii Rhemenſis, pro Catholicis Anglis a Sede Apost. instituti, bonorum inde provenientium ena, ratio, & commendatio.

Pontificis ad Deum oratio pro Angliæ liberatione.



hæreticorum intolerabili jugo liberatione, usque ad sanguinem gloriosissime concertantem, tali peste, ac pernicië liberet, ac in pristinam quietem, & tranquillitatem, vindicet.

Ejusdem pro  
dicti Colle-  
gii subventio-  
nes ad Chri-  
stifideles ex-  
hortatio.

§.4. Mox imitati felicitis recordationis Gregorium Papam XIII. nostrum Prædecessorem, ejus exemplo, ut plus ponderis habeat duplicata Romanorum Pontificum commendatio, Nos quoque denuo per præsentis universos Christifideles enixe obtestamur, & obsecramus in Domino, cujus causa nunc maxime agitur, ut sublevent Anglorum fidelium, præsertim dicti Collegii Rhemensis supplices manus tendentium, inopiam pia, & liberali pro suarum quisque facultatum modo eleemosynarum largitione, nec denegent eis, vel a dilecto filio Guglielmo Alano Rectore ejusdem Collegii moderno, ac pro tempore existente deputatis, promptum auxilium, ne quos divina misericordia incolumes defendit ab effrata crudelissimæ tyrannidis savitia, eos nunc in media Christianorum Republica, enectos fame, nudos, macie, & squallore confectos tabescere, ac perire summa cum ignominia patiantur.

Ecclesiasticorum cum præsentibus literas publicandi, & eleemosynas colligendi.

§.5. Mandamus præterea universis, & singulis Ecclesiarum Prælati, & Rectoribus, ceterisque personis Ecclesiasticis quibuscumque, ut curent præsentibus literas, earumve authentica exempla in suis quisque Ecclesiis, & locis, ac etiam concionibus publicari, spectatæque integritatis viros, non autem Quæstores deligant, qui eleemosynas, & oblata caritatis subsidia colligant, ac sine lucro, & fraude, dicto Rectori, vel ab eo de putatis fideliter tradant, ex quibus idem Rector modernus, & pro tempore futurus, ubi ejusdem Collegii necessitatibus satis esse provisum noverit, ceteris Anglis exulibus dispersis presbyteris opportune subveniat.

Hortatio ad  
Principes Chri-  
stianos, ut An-  
glos exules  
recipiant, &  
foveant.

§.6. Demum carissimos in Christo filios Imperatorem, cunctosque Reges, ac reliquos Principes Christianos, etiam atque etiam rogamus, & monemus, ut eosdem Anglos exules, qui persecutionem patiuntur propter justitiam, Christianorum quidem Principum patrocinio dignissimos, juvent pro viribus, & foveant, vel in eis potius ipsammet Christum, cujus nutu omnia regna, & dominia sibi ab eo tradita regi meminerint.

Fides trans-  
ptorum.

§.7. Et quia præsentibus nostræ literæ ad singula loca, ubi illis opus est, deferri nequeunt, decernimus, ut eorum exemplis &c.

D. P. An. II.  
3. Septemb.

Datum Romæ apud S. Marcum, Anno Incarnationis Dominicæ, millesimo quingentesimo octuagesimo sexto, tertio Nonas Septembris, Pont. nostri Anno II.

## LVIII.

Quod Fratres Minores Ordinis S. Francisci de Observantia licite retineant loca, quæ etiam sine titulo possident, dummodo Ordinariorum consensus accedat, quo ad ea quæ possident a decem annis citra.

Alia de his Fratr. videri possunt in Co. XXVI. Leonis X. lre Tom. III. Par. III. fol. 450.

## S I X T U S P A P A V.

Dilecti filii, salutem, & Apostolicam benedictionem.

CUM sicut Nobis nuper exposuisti, tu annis proxime lapsis pro inuncto tibi Ministeriatus tui generalis Ordinis Fratrum Minorum de Observantia onere, omnes, & singulas præfati Ordinis Provincias, tam in Italia quam extra eam existentes visitaveris, multasque domos, Ecclesias, & loca Ordinis præfati, ab eorum Ministris, Custodibus, seu Guardianis, & Fratribus retineri repereris, absque eo quod ipsi Ministri, seu Guardiani, & Fratres de aliquo Ecclesiarum, & domorum, ac locorum hujusmodi titulo, seu concessione a Sede Apostolica, vel alias legitime habita, & facta docere valeant, cum dictæ concessiones aut non obtentæ, vel non expeditæ, seu dictarum domorum Ministrorum, Guardianorum, seu Custodum incuria, sive etiam ob bella, aut depopulationes, vel alios casus sinistros, aut alias deperditæ sint, quamvis domus, & Ecclesiæ, ac loca prædicta, ab eorum Ministris, sive Guardianis, & Fratribus bona fide, ac pacifice, & quiete possideantur. Tuque Nobis humiliter supplicasti, ut potiori pro dictorum Ministrorum, Custodum, sive Guardianorum, & Fratrum conscientiarum securitate, & cautela, tibi, dictisque Ministris, Custodibus, sive Guardianis, & Fratribus in præmissis de aliquo opportuno nostro, & Sedis Apostolicæ remedio providere de benignitate Apostolica dignaremur.

§.1. Nos igitur pro nostri pastoralis officii munere, tuisque supplicationibus in hac parte inclinati, in præmissis opportune dictarumque domorum, & Ecclesiarum, ac locorum qualitates, & quantitates, aliasque necessaria exprimenda hic pro plene, & sufficienter expressis habere volentes, teque ac dictos Ministros, Guardianos, seu Custodes, & Fratres a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine quavis occasione, vel causa latis, si quibus quomodo libet innodati existitis, ad effectum præsentium dumtaxat consequendum, harum serie absolventes, & absolutos fore censentes, tibi, ac ceteris Ministris, Custodibus, seu Guardianis, & Fratribus dicti Ordinis, nunc, & pro tempore existentibus, ut quæcumque loca, domos, & Ecclesias, quæ vos in hanc usque diem, in quibuscumque Mundi partibus, ac etiam Insulis, & Regnis novi

Generalis Minister exponit quod multa loca, & Ecclesias ipsi possident, licet de legitimo titulo, seu concessione, ex causis hic expressis docere nequeat.

Hic itaque Pontifex eisdem cōcedit, ut ea libere, & licite retinere valeant, dummodo habeant consensum Ordinariorum, quo ad loca quæ habeat a decem annis citra.



Indiarum Occidentalium, & Orientalium, quomodolibet, ea videlicet quæ a decem annis supra, quæ vero a decem annis citra de consensu Ordinariorum possidetis, libere, & licite, ac absque aliquo conscientiarum vestrarum scrupulo, aut censuratum, & poenarum incurfu, etiam si de illorum concessionibus a Sede Apostolica, vel alias quomodolibet factis, ac fieri necessariis nullibi, ut præmittitur, appareat, perpetuo retinere, & possidere, ac in eorum quæta, & pacifica possessione remanere, illamque in omnibus, & per omnia, perinde, ac si antequam loca, domus, & Ecclesiæ huiusmodi, & eorum singula recepta fuissent, de illis recipiendis competens, & sufficiens facultas a Sede Apostolica, & locorum Ordinariis, in quorum Civitatibus, & Dioecesibus consistunt, obtenta fuisset, continuare valeatis, Apostolica auctoritate, præsentium tenore concedimus.

Indulgentia, que, & privilegia eisdem concedit, quæ concessa fuerunt locis, & Ecclesiis a principio licite receptis, & ædificatis.

§.2. Necnon Ecclesiis, domibus, & locis prædictis, illorumque Ministris, & Guardianis, seu Custodibus, & Fratribus nunc, & pro tempore existentibus, ut omnibus, & singulis privilegiis, libertatibus, immunitatibus, exemptionibus, prærogativis, anrelationibus, præeminentiis, indultis, favoribus, gratiis, concessionibus, indulgentiis, & peccatorum remissionibus, & relaxationibus, quibus aliæ dicti Ordinis Ecclesiæ, domus, & loca, quæ a principio de ejusdem Sedis Apostolicæ, & Ordinariorum locorum licentia recepta, & ædificata fuerunt, eorumque Ministri, Guardiani, seu Custodes, & Fratres, ac aliæ personæ, tam de Jure, usu, consuetudine, privilegio, & concessione, quam alias quomodolibet in genere, vel in specie utuntur, potiuntur, & gaudent, ac uti, potiri, & gaudere possunt, & poterunt quomodolibet in futurum, ipsi similiter, ac pariformiter, & sine ulla penitus differentia uti, potiri, & gaudere libere, & licite valeant, indulgemus.

Ampliatio fupradicti Indulti.

§.3. Decernentes insuper te, ac Ministros, Custodes, seu Guardianos, & Fratres Ecclesiarum, domorum, & locorum prædictorum de cetero, ad docendum de facultate sive licentia recipiendi Ecclesias, domos, & loca prædicta ab eadem Sede, & locorum Ordinariis obtenta, alias quam per præsentium ostensionem, quam ubique, tam in iudicio quam extra, præter quam quod ad docendum de dicto consensu Ordinariorum, in his quæ possidetis a decem annis citra, sufficere volumus pro sufficienti, & plena probatione omnium, & quorumcumque necessario probandorum, ad effectum consequendi præmissa, hisque omnibus plenarie fruendi, minime teneri nec obligatos existere.

Decretum irritans.

§.4. Sicque per quoscumque Judices, & Commissarios ordinarios, & delegatos, etiam Palatii Apostolici causarum Auditores, & S. R. E. Cardinales, sublata eis, & eorum cuilibet, quavis aliter iudicandi, definiendi, & interpretandi facultate, ju-

dicari, definiri, & interpretari debere, ac quicquid secus super his a quoquam quavis auctoritate scienter, vel ignoranter attentari contigerit, irritum, & inane decernimus.

§.5. Non obstantibus præmissis, ac fel. rec. Bonifacii Papæ VIII. Prædecessoris nostri, de novis locis per Mendicantes, absque dictæ Sedis licentia non recipiendis, & quibusvis aliis Constitutionibus, & Ordinationibus Apostolicis, ceterisque contrariis quibuscumque.

§.6. Volumus autem, quod præsentium transumptis &c. prædicti Ordinis, eaque concernentibus prope diem, te auctore in Typographia Romana dilecti filii Domini Basæ cudento, aut etiam separatim imprimendis, & a te, seu pro tempore existente Ministro, seu Commissario generali Ordinis præfati separatim imprimendis, subscriptis.

Datum Romæ apud S. Marcum, sub Annulo Piscatoris, die 5. Septemb. 1586. Pont. nostri Anno II.

## LIX.

Confraternitas S. Annæ Varsaviæ erigitur in Archiconfraternitatem cum ejusdem facultatibus, & privilegiis, quæ habet Archiconfraternitas Confallonis de Urbe.

## S I X T U S P A P A V.

*Ad perpetuam rei memoriam.*

**P**raclara, ac insignia charitatis, & pietatis opera, quæ dilecti filii Prior, seu Senior, Camerarius, deputati, alique Confratres Societatis S. Annæ, quæ gloriosissimæ Virginis Salvatoris Nostri Jesu Christi genitricis Matrem esse, & appellari commerita fuit, ad gloriam Dei, & Animarum Christi fidelium salutem quotidie exercent, Nos inducunt, ut eandem Confraternitatem, quæ non solum Lomæ, Vilnæ, Carinæ, Scampis, Varsaviæ, Vartæ, Leopoli, sed etiam per universam Poloniam, Lituaniam, & Russiam tam apud fratres S. Francisci de observantia, quam apud alias plerasque Ecclesias, atque Sacella ejusdem Sanctæ Annæ erecta, & instituta reperitur, ampliori, ac digniori nomine, ac titulo decoremus, ac illustremus, favoribusque, gratiis, & prærogativis prosequamur opportunis.

§.1. Itaque Charissimæ in Christo filiæ nostræ Annæ Poloniæ Regiæ illustris ejusdem Societatis Patronæ, ac Protetricis supplicationibus hac in parte inclinati Confraternitatem S. Annæ prædictæ Varsaviæ existens in Archiconfraternitatem, & caput omnium Confraternitatum sub eadem invocatione in quibuslibet Civitatibus, Terris, Oppidis, & locis Regni Poloniæ, ac aliis Dominiis, & ditionibus prædictæ Regiæ Annæ constitutis erectarum, & erigendarum, & aliarum cujusvis alterius nuncupationis ejusdem tamen instituti eidem Archiconfraternitati pro tempore aggreganda-

Clausula de rogatoria.

Transumptorum fides.

D. P. An. II. 3. Septemb.

Ex Regest. in Secret. Brev.

Exordium a piis operibus, quæ per Confratres hujus Cōfraternitatis exercentur desumptum.

Cōfraternitas in Archiconfraternitatem erigitur, ceteraque ejusdem nuncupationis Cōfraternitates ei subijciuntur.



Seniori Con-  
fraternitati  
statuta con-  
dendi facultas  
conceditur.

Aliasque Co-  
fraternitates  
aggregandi  
propriam Pri-  
vilegia, In-  
dulgencias &c.  
communicandi.

Communi-  
cantur eidem  
Privilegia a  
Summis Pon-  
tificibus con-  
cessa Archi-  
confraternita-  
ti Confalonis.

Contraria  
omnia tollun-  
tur.

Dat. die 15.  
Septem. 1586.  
An.II.

Ex Regest. in  
Secret. Brev.

Exordium.

rum auctoritate Apostolica perpetuo erigi-  
mus, & instituiamus.

§.2. Ac Priori, seu Seniori, Camerario,  
ceterisque Deputatis Archiconfraternitatis  
hujusmodi, quaecumque statuta, Decreta,  
& Ordinationes, licita tamen, & honesta, ac  
Sacrorum Canonum dispositioni, & prae-  
sertim Concilii Tridentini Decretis minime  
contraria faciendi, & condendi, & jam  
facta, edita, seu condita matura considera-  
tione, & deliberatione super illis per eos  
adhibita, nostro nomine confirmandi, & ap-  
probandi.

§.3. Necnon quascumque Confraterni-  
tates ubicumque existentes tam sub dicto  
nomine Sanctae Annae, quam alterius nun-  
cupationis, idem tamen Institutum circa  
praedictae charitatis, & pietatis opera tenen-  
tes ipsi Archiconfraternitati aggregandi, ac  
omnes, & singulas Indulgentias, & pecca-  
torum remissiones, & alias quascumque  
gratias spirituales eidem Archiconfraterni-  
tati per Nos, & alios Romanos Pontifices  
Praedecessores nostros quomodolibet con-  
cessas, & in futurum concedendas dictis Con-  
fraternitatibus, quarum ipsa Archiconfra-  
ternitas S. Annae caput existit, impartendi.

§.4. Necnon omnia privilegia, indulta,  
prerogativas, facultates, Archiconfrater-  
nitati Confalonis de Urbe per Nos, & alios  
Romanos Pontifices Praedecessores nostros,  
praesertim illa, quae in libro statutorum ejus-  
dem Archiconfraternitatis continentur,  
quorum tenores hic pro expressis haberi  
volumus, data, tributa, & concessa tam  
respectu facultatis aggregandi Confraterni-  
tates, & alia pia loca, Indulgentiasque, &  
aliis communicandi, quam orationes 40.  
horarum, & Indulgentias ad instar stationum  
Urbis certis anni temporibus indicandi, nec  
non cetera omnia, prout ipsa Archiconfra-  
ternitas Confalonis de Urbe facit, & gerit,  
faciendi, & gerendi in dicto Regno Poloniae  
facultatem, & auctoritatem tenore prae-  
sentium damus, concedimus, & impartimur.

§.5. Non obstantibus nostra de non con-  
cedendis Indulgentiis ad instar, ac aliis Con-  
stitutionibus Apostolicis, ceterisque con-  
trariis quibuscumque.

Datum Romae apud S. Marcum sub an-  
nulo Piscatoris die 16. Septembris, 1586.  
Pontificatus nostri Anno II.

## L X.

Confirmatio Erectionis Provinciae Hispania-  
rum Fratrum Ordinis Beatae Mariae de  
Monte Carmelo cum transitu ejusdem  
ad Discalceatos.

## SIXTUS PAPA QUINTUS

*Ad perpetuam rei memoriam*

**Q**UAE a Praedecessoribus nostris pro per-  
sonarum maxime Religiosorum bono  
regimine, & mutua quiete, ac concordia  
inter eas conservanda salubriter ordinata  
fuerunt, ea, ut firmiora persistant, libenter  
cum a Nobis petitur, nostram interponimus  
auctoritatem.

§.1. Alias siquidem post confirmatio-  
nem Regulae Fratrum Bremitarum Ordinis  
B. Mariae de Monte Carmelo, quae de man-  
dato fel. re. Innocentii PP. IV. nostri Prae-  
decessoris a be. mem. Hugone Tituli S. Sa-  
binae Presbytero Cardinale, & Guilielmo  
Episcopo Antedarien. correctae, & declaratae,  
ac deinde juxta correctionem, & declara-  
tionem hujusmodi ab eodem Innocentio  
Praedecessore comprobata fuisse asseritur,  
pia me. Eugenius PP. IV. etiam Praedecessor  
noster rigorem illius mitigans, & regulam  
ipsam moderans ordinasse, & concessisse  
inter alia dicitur, quod ejusdem Ordinis  
Professores tribus dumtaxat diebus singula-  
rum hebdomadarum, & quibus jejunare  
juxta eandem Regulam essent astricti, prae-  
terquam in Adventu, quadragesima, & aliis  
generaliter prohibitis diebus, carnibus ve-  
sci, & horis congruis in eorum Ecclesiis  
manere, ac per claustra, & eorum ambi-  
tus deambulare libere, & licite valerent.  
Decernens eosdem Fratres circa praemissa ad  
arctiorem observantiam, quae superius  
praemittitur occasione professionis in dicto  
Ordine emissae, vel imposterum emittenda  
minime teneri, & alias prout latius in di-  
ctorum Praedecessorum literis dicitur con-  
tineri.

§.2. Ac demum cum re. me. Gregorio  
PP. XIII. similiter Praedec. nostro exposi-  
tum fuisset, quod de anno Domini 1565.  
seu alio veriori tempore nonnulli Professo-  
res dicti Ordinis cum licentia sui Prioris  
Generalis tunc in partibus Hispaniarum exi-  
stentis aliquot Fratrum, & Monialium ejus-  
dem Ordinis Monasteria, in quibus primi-  
tiva regula praedicta cum omni observan-  
tia, & rigore retineretur in Hispaniarum  
Regnis, sub obedientia tamen Provincialis  
fundare, & aedificare coeperant, quodque  
Regulam, & observantiam hujusmodi tam  
fundatores praedicti, quam alii, qui ex mi-  
tigatis pro tempore admittebantur, renun-  
ciando mitigationi, & relaxationi dicti Eu-  
genii Praedecessoris transacto probationis  
anno demum, ac etiam alii de saeculo venien-  
tes profitebantur, ac numerus Religioso-  
rum, qui Discalceati nuncupantur, primiti-  
vam hujusmodi Regulam profitentium, &  
observantium magnopere, uti tunc expres-  
sum fuit, excreverat, quodque iidem Re-  
ligiosi Discalceati ultra contenta in dicta Re-  
gula de licentia ipsius Prioris Generalis, &  
ejusdem Vicarii per eundem in Provincia  
Castellae deputati, & cum approbatione Vi-  
sitatorum Apostolicorum dictae Religionis  
quaedam alia Instituta ad carnis mortifica-  
tionem, & Populi aedificationem ab initio  
suae Institutionis observare incoeperant, ve-  
luti Discalceatos incedere, indui sacco,  
dormire super tabulis, ad sublevandam  
suam inopiam manibus propriis operari,  
multum se in oratione exercere, divinum-  
que officium sine cantu, & sine modulatio-  
ne recitare. Idem Gregorius Praedecessor  
Charissimus in Christo filii nostri tunc sui  
Philippi Hispaniarum Regis Catholici, qui  
ac etiam eorumdem Fratrum Discalceato-  
rum

Post conditas  
Ordinis hujus  
Constitutiones  
sub Innocen-  
tio IV., Eu-  
genius IV. de-  
claravit, Car-  
melitas non  
teneri nisi ad  
jejunia eccle-  
siastica, & triu-  
dierum in-  
qualibet heb-  
domada &c.

Gregorius  
autem XIII.  
Fratres Pro-  
vinciarum His-  
paniarum mi-  
tigationi hu-  
jusmodi, ad  
Discalceatorum  
Ordinem tran-  
sire, ejusd. Pri-  
ori Generali  
subesse, ac in  
Provincia re-  
digi permittit,  
cum nonnul-  
lis aliis privi-  
legiis hic ad-  
notatis.



rum precibus annuens de consilio venerabilium fratrum nostrorum, tunc suorum S.R.E. Cardinalium super visitatione Apostolica consultatione Episcoporum, & Regularium reformatione deputatorum, de quorum numero Nos quoque in minoribus constituti, & Cardinalatus honore fungentes tunc eramus, institutum huiusmodi, quod juxta primitivam Regulam prædictam ipsi Fratres profitebantur laudando, & approbando dictos Fratres, & Moniales primitivam huiusmodi Regulam in Regnis Hispaniarum observantes Discalceatos nuncupatos, eorumque Domos, Conventus, Monasteria, & loca tunc, & pro tempore existentia a Provinciis Fratrum, & Monialium ejusdem Ordinis Beatæ Mariæ de Monte Carmelo Regulam per dictum Eugenium Prædecessorem mitigatarum tunc, & pro tempore observantium, qui mitigati nuncupantur, penitus, & omnino in perpetuum, auctoritate Apostolica, sejunxit, separavit, & dismembravit, ipsosque Discalceatos ab omni, & quacumque jurisdictione, visitatione, correctione, & Superioritate, quæ Prioribus Provincialibus, ceterisque Prælatiis, & superioribus mitigatis in ipsos Discalceatos competeat, perpetuo exemit, & liberavit, ac eorumdem Fratrum, & Monialium Discalceatorum Domos, Monasteria, & loca quacumque eatenus erecta, & instituta, & ex tunc in futurum erigenda, & instituenda in unam Provinciam de per se Discalceatorum nuncupant. per unum Priorem Provinciale, qui in Capitulo ipsius Provinciæ ex eisdem Discalceatis, ut præfertur, eligi deberet, regendam, & gubernandam, in perpetuum crexit, & instituit, ipsam Provinciam Fratrum, & Monialium Discalceatorum sub obedientia, & superioritate Prioris Generalis totius Ordinis ad instar aliarum Provinciarum ejusdem Ordinis perpetuo subiectam remanere, subesse, & subiacere voluit. Qui Prior Generalis per se ipsum tantum, vel per alium virum idoneum ex ipsis Discalceatis, & juxta eorum primitivam Regulam, ac Regularia instituta ab ipsis Discalceatis observari solita, eos visitare, reformare, corrigere, & punire posset in Monasteriis tamen, Domibus, & locis ipsorum Fratrum Discalceatorum, extra quæ nullatenus ipsi Discalceati, vel aliquis eorum ab eodem Priore Generali quovis prætextu, vel occasione amoveri, assignari, mutari, extrahi, seu transferri, aut ad alias Provincias mitti, aut retineri possent, nisi aliter in eorum Capitulo provinciali fuisset ordinatum, ipsi vero dictæ Provinciæ Discalceatorum Fratres in præmissis perpetuo eidem Priori Generali parere, & obedire, & cum ipsum ad eorum Monasteria, Domos, & loca divertere, aut pro visitatione huiusmodi, vel alias accedere contigisset, cum omni humilitate & reverentia benigne recipere, & pertractare tenerentur, & deberent. Priori vero Provinciali ejusdem Provinciæ Fratrum Discalceatorum ipsos Fratres, & Moniales Discalceatos, illorumque Domos, Monasteria, & lo-

ca quacumque regendi, puniendi, & castigandi, ac Capitulum Provinciale suis loco, & tempore indicendi, convocandi, congregandi, & celebrandi, quoscumque officiales necessarios una cum Capitularibus eligendi, ac quacumque statuta, & ordinationes pro bono regimine ipsius Provinciæ, & Dei servitio in eodem Capitulo condendi, mutandi, alterandi, ac in totum, si videbitur, abrogandi, & etiam de novo edendi, dummodo Sacris Canonibus, & Concilii Tridentini Decretis, ac Constitutionibus Apostolicis, eorumque primitivæ Regulæ, & Institutis prædictis non adversarentur, & abusus quoscumque tollendi, & emendandi: Monasteria item, Domos, & Conventus tam virorum, quam mulierum ejusdem Provinciæ in quibusvis locis, cujusvis licentia desuper non requisita, de consensu dictorum Capituli, & alias servata forma ejusdem Concilii construi, & ædificari faciendi, ipsique Priori Provinciali, postquam electus fuisset, officium suum exercendi absque alia confirmatione, quam tamen a Priore Generali totius Ordinis mox petere teneretur, plenam, & liberam facultatem concessit, ac prohibuit perpetuo ne Fratres, & Moniales Discalceati ad suum Fratrum mitigatorum, vel alium Ordinem, præterquam Carthusianorum sine apostasiæ nota transire possent, nisi Sedis Apostolicæ licentia obtenta, atque inhibendo sub poena excommunicationis Priori Generali, Provincialibus, & Commissariis, aliisque Prælatiis, ministris, aut officialibus, ne eosdem Fratres, vel Moniales Discalceatos super præmissis quoquomodo molestant, ipsis etiam Discalceatis indulget, ne eis ullo modo parere, aut deferre tenerentur, salva tamen in reliquis obedientia Prioris Generalis totius Ordinis, cui eos perpetuo subiectos esse, & subiacere voluit, aliaque nonnulla eisdem Discalceatis sub certis modo, & forma tunc expressis concessit, & indulget cum de sic judicando, & irritanti, aliisque Decretis, & clausulis præservativis, & derogationibus adjectis, certis etiam Judicibus sive etiam Executoribus deputatis, prout in literis Gregorii Prædecessoris huiusmodi sub datum die 28. Junii anni Dom. 1580. in forma Brevis expeditis latius continetur.

§.3. Ad quarum literarum executionem cum sicut iidem Fratres discalceati Nobis exponi fecerunt, jam processum, & usus ipse doceat in dies magis juvante Domino ex illarum dispositione plura nomina ad honorem divini nominis, & ejusdem Provinciæ, atque adeo totius Ordinis, salubrem directionem, statumque pacificum, & tranquillum redundare. Propterea Nobis fuit humiliter supplicatum, ut hæc ipsa pro eorum subsistentia validiori, de novo auctoritate Apostolica roborare de benignitate Apostolica dignaremur.

§.4. Nos igitur dicti Philippi Regis, ac eorum Discalceatorum supplicationibus inclinati dictas Gregorii Prædecessoris literas, quarum tenorem præsentibus haberi volumus pro expresso, tam quo ad præmissa, quam

Ad hæc cum  
processerint di-  
ctos Fratres  
confirmari pe-  
runt a Sixto  
Pontifice.

Confirmat  
Pontifex.



quam reliqua in eis contenta, ac processus habitos per easdem, & inde secuta omnia, & quaecumque auctoritate Apostolica perpetuo approbamus, & confirmamus, illisque perpetuae inviolabilis, & inconcussae firmitatis, & approbationis Apostolicae robur adicimus, eaque universa, & singula praesentis scripti patrocinio communimus, ac omnes, & quaecumque Juris, & facti, vel solemnitatum, aut alios defectus etiam substantiales, si qui intervenerint in eisdem, supplemus, eaque de novo per praesentes, alias tamen juxta formam, & tenorem praedictarum Gregorii Praedecessoris literarum concedimus, indulgemus, statuimus, & ordinamus, ac per eos, ad quos spectat, firmiter, & inviolate observari in omnibus, & per omnia praecipimus, & mandamus.

Si quid se-  
tus attente-  
rur, declarat  
irritum.

§.5. Decernentes ex nunc irritum, & inane, si secus super his a quoquam quavis auctoritate scienter, vel ignoranter attentatum forsan est hactenus, vel imposterum contigerit attentari.

Recitationem  
Breviarii Ro-  
mani juxta  
novam refor-  
mationem eis-  
dem concedit.

§.6. Ac insuper eorumdem Discalceatorum precibus in hoc quoque annuentes, Universis, & singulis Fratribus, ac Monialibus Discalceatis praedictis tam professis, & in Sacris etiam Presbyteratus Ordinibus constitutis, quam aliis quibuscumque, ut in eorum Ecclesiis, Domibus, Monasteriis, & locis tam in Choro, quam extra Chorum horas Canonicas diurnas, & nocturnas secundum usum, ritum, & morem Romanae Ecclesiae juxta formulam Breviarii Romani novissime ex Decreto dicti Tridentini Concilii reformati, & pia mem. Pii Papae V. etiam Praedecessoris nostri jussu editi publice, & insimul, etiam privatim, & sigillatim dicere, & recitare libere, & licite valeant, ita ut amplius ad dicendas horas Canonicas secundum ritum, & morem dicti Ordinis B. Mariae de Monte Carmelo minime teneantur, & nihilominus praecepto, & obligationi satisfaciant.

Romae au-  
tem Procura-  
torem Gene-  
ralem habere.

§.7. Quodque eisdem Discalceatis in Romana Curia Procuratorem suae Provinciae Discalceatorum ad tractanda ejusdem Provinciae negotia ex numero ipsorum Discalceatorum destinare, & perpetuo habere liceat auctoritate praedicta de speciali gratia concedimus, & indulgemus.

Hujusce Con-  
stitutionis E-  
xequutores de-  
putat.

§.8. Quocirca Venerabilibus Fratribus Toletan., & Hispalen. Archiepiscopis, & Episcopo Palentin., ac dilecto Filio Caesarum Curiae Camerae Apostolicae Auditori Generali, ac universis, & singulis Patriarchis, Archiepiscopis, Episcopis, & aliis Ecclesiarum Praelatis, necnon quibuscumque in dignitate Ecclesiastica constitutis per Apostolica scripta mandamus, ut ipsi, vel plures, aut duo, vel unus eorum per se, vel alium, seu alios praesentes, ac praedictas Gregorii Praedecessoris hujusmodi literas, & in eis contenta quaecumque ubi, & quando opus fuerit, ac quoties pro parte Discalceatorum, vel aliorum, quorum intererit, fuerint requisiti, solemniter publicantes, eisdemque Discalceatis in praemis-

Bull. Rom. Tom. IV. Par. IV.

sis efficaciae defensionis praesidio assistentes faciant praemissa omnia, & singula juxta praesentium, ac praedictarum Gregorii Praedecessoris literarum tenorem per eos, quos illa concernunt, & concernent quomodolibet in futurum, debita executioni demandari, & ad unguem perpetuo, & firmiter observari. Non permittentes quemcumque desuper quoquomodo indebite molestari, perturbari, aut inquietari. Contradictores ac inobedientes, eisque auxilium, consilium, vel favorem directe, seu indirecte, vel alias praestantes cujuscumque status, gradus, Ordinis, vel conditionis fuerint, per censuras, & poenas Ecclesiasticas, aliaque opportuna Juris, & facti remedia appellatione postposita compescendo, legitimisque super his habendis servatis processibus, censuras, & poenas ipsas etiam iteratis vicibus aggravando, invocato etiam ad hoc, si opus fuerit, auxilio brachii saecularis.

§.9. Non obstantibus Constitutionibus Apostolicis, ac in Conciliis, etiam generalibus editis, dictique Ordinis, ac illius Provinciarum juramento confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis eisdem Mitigatis, vel Discalceatis, aut universo Ordini, vel praedictis, aut aliis illorum superioribus, ceterisque personis quomodolibet concessis, approbatis, & innovatis. Quibus omnibus illorum tenores praesentibus pro expressis habentes specialiter, & expresse derogamus, atque omnibus iis, quae in dictis Gregorii Praedecessoris literis concessa fuerunt, non obstare, ceterisque contrariis quibuscumque.

Conteraria  
tollit.

Datum Romae apud Sanctum Marcum  
sub Annulo Piscatoris die 20. Sept. 1586.  
Pontificatus nostri Anno II.

Dat. die 20.  
Septem. 1586.  
An. II.

## LXI.

Praefinitio numeri, & qualitatum Praelatorum Referendariorum utriusque Signaturae Romani Pontificis, cum privilegiorum concessione.

*Ampliora concessit indulta Paulus III. in sua Const. XXVIII. Debita. Tom. IV. Par. I. fol. 174. De officio autem Referendariorum, vide in Pii IV. Const. Cum nuper. Tom. IV. Par. II. ubi etiam notavi de materia Signaturae Justitiae, & Gratiae.*

## SIXTUS PAPA QUINTUS

Ad perpetuam rei memoriam.

Quemadmodum providus agriculator, ad uberiores ejus futuram frugem, temporum vices solite observat, arbores ordine disponit, & ne illarum vires latius diffusae evanescant, nimiam frondium, ramorumque frequentiam comprimit, & resecat, ac ibidem inordinata, & indisposita, siquae sint, ad meliorem formam reducere satagit; ita Nos agri Domini curae, su-

Iste Pontifex  
ex causis hic  
expressis.

H h

perna



perna dispositione præpositi, efficacem, & fructuosam operam in illius cultura impendere credimus, cum ad ea vigilantia nostræ studium sedulo convertimus, per quæ hujus Sedis Apostolica dignitates, & Officia, præsertim nostram Gratiæ, & Justitiæ Signaturam concernentia, tamquam feraces plantæ in ipso agro Dominico consistæ, utili, & commoda rerum dispositione salubriter dirigantur, & ex eorum administratione sperati fructus ad Dei gloriam, & illius gregis utilitatem, dictæque Sedis decorem majori in dies cum fœnore proveniant, abusus vero, qui in illis passim, absque personarum defectu conferendis irrepserunt, resectis, & veluti putatis ramis sterilibus, de medio submoveantur. In quam curam cogitationemque pro Officii nostri debito incumbentes, opportunum, immo necessarium esse censemus, ut ad ejusdem Signaturæ tam Gratiæ quam Justitiæ ministeria, non nisi cognita, & spectata virtutis viri assumantur, & proinde illius Referendariorum coetus nimia præteritorum temporum indulgentia, & quorundam instantia supra modum, non sine pristinae suæ dignitatis diminutione adauctus, rescata illorum multitudine, ad certum, & determinatum numerum, inque compositum ordinem redigatur, ne multitudo ipsa rebus gerendis confusionem, & impedimentum afferat, & spes uberius fructus, quæ in eorum muneribus rite, & fideliter obeundis posita esse debet, Nos atque ipsos frustretur.

Referendariorum numerum ad centum præfinit.

§. 1. Itaque opportuna circa hæc remedia adhibere volentes, Motu proprio &c., & ex certa scientia nostra ac de Apostolica potestatis plenitudine, hac nostra perpetuo valitura Constitutione statuimus, & ordinamus, quod nullus deinceps in Referendarium alterutrius Signaturæ prædictæ, etiam cedentibus vel decedentibus, aut alias deficientibus, qui nunc sunt, Referendariis præfatis, omnino admittatur, donec, & quousque omnium Referendariorum hujusmodi numerus imminutus, & ad centum dumtaxat reductus fuerit. Illo autem sic reducto, & imminuto, præscriptus centenarius numerus Referendariorum hujusmodi, nullo umquam tempore augeatur. Sed neque inter hos omnes ultra septuaginta Signaturæ Gratiæ Referendarii esse possint.

Admittendum ad Signaturam Justitiæ qualitates præscribit.

§. 2. Nec ullus numero, & consortio Referendariorum Justitiæ de cetero adscribatur, nisi sit ex legitimo matrimonio, honestisque parentibus procreatus, & clericali charactere insignitus, ac utriusque, vel alterius juris Doctor, in aliqua Studii generalis Universitate promotus, & in Rom. Curia habitu, & tonsura clericalibus incedendo, per biennium versatus, vitæque integritate, ac morum probitate commendatus, & saltem in viginti quinque ætatis suæ annis constitutus, habeatque in bonis temporalibus, vel beneficiis Ecclesiasticis, unde in ipsa Curia dignitatis suæ gradum valeat decenter sustinere.

Admissionis formam.

§. 3. Porro antequam ad ipsius admissionem procedatur, per ejusdem Signaturæ

Justitiæ Præfectum, vocatis, & congregatis ad id sex antiquioribus Referendariis, secreto examinari, & ad hunc effectum saltem binas supplicationes, seu commissiones sibi ad ipso Præfecto ex tempore porrectas proponere debeat; quod si collectis Præfecti, & sex antiquiorum Referendariorum præfatorum suffragiis, super quibus eorum conscientiam oneramus, taliter in hujusmodi propositione se habuerit, ut relatione super hoc, per dictum Præfectum Nobis, aut pro tempore existenti Romano Pontifici facta, mernerit commendari, & approbari, tunc, & non alias in Referendarium ejusdem Signaturæ Justitiæ admittatur, præfinito prius per eum in manibus ejusdem Præfecti solito juramento.

§. 4. Ad Signaturam vero Gratiæ nemini pateat ascensus, nisi saltem triennio in Signatura Justitiæ fuerit laudabiliter versatus, exceptis dumtaxat causarum Palatii Apostolici Auditoribus, & Camera Apostolicæ Clericis, quorum quisque ad utramque Signaturam quovis tempore adscisci valeat.

Et in ea versatos per triennium, ad Signaturam Gratiæ admitti posse declarat.

§. 5. Insuper, quod eidem Signaturæ Gratiæ semper decem, & octo Referendarii in Curia præsentem, nec legitimo impedimento detenti, duodecim videlicet antiquiores, penes quos sententiæ dicendæ in ipsa Signatura gratiæ, suo quisque loco, & ordine, facultas existit, & alii tres, quibus onus libellos supplices proponendi incumbit, reliqui vero tres successive proposituri, necnon Thesaurarius generalis, & etiam generalis Auditor causarum Curiae dictæ Camera, ac unus ex Palatii Apostolici Auditoribus, & unus ex ejusdem Camera Clericis, alternatis vicibus, item nostri in Urbem Vicarii, & causarum Curiae præfate Auditoris Locatenentes, necnon Secretarius Apostolicus, ac in eadem Signatura Gratiæ proponendi munus a Referendariorum Decano ad ceteros omnes per turnum, juxta suæ cujusque receptionis, & admissionis ordinem, deducatur.

Assistenti Signaturæ Gratiæ numerum & ordinem ponit.

§. 6. In Signatura vero Justitiæ circa rationem proponendi ibidem servari solitam, nihil ducimus innovandum.

Rationem proponendi non mutat.

§. 7. Ne autem, quo quisque tempore in Signatura, tam Justitiæ, quam Gratiæ sit admissus, hæitari contingat, singuli Referendarii nunc existentes, quibus suum cuique locum, & ordinem salvum, & illatum esse volumus, intra tres menses a data præsentium computandos, alii vero in futurum admittendi, ante cujusque eorum admissionem, literas Apostolicas, sub plumbo super concessione sui officii Referendariatus hujusmodi expedire teneantur, quæ nostri, & pro tempore existentis Romani Pontificis Datarii manu subscriptæ, eamdem prorsus roboris firmitatem obtineant, quam obtinerent, si juxta stylum Cancellariæ Apostolicæ, seu dictæ Camera per omnes, & singulos officiales, & alios, ad quos literarum Apostolicarum expeditio pertinet, rite, & legitime forent expeditæ.

Referendarios super concessione Referendariorum infra tres menses literas Apostolicas expedire præcipit.

§. 8. Ceterum, ut Referendarii præfati, ad su-



1586.  
Familiaritatis,  
& vere Nobili-  
tatis privile-  
gia, ac infi-  
gnia sua genti-  
litia eidem  
concedit, &  
a jurisdic-  
tione Ordinario-  
rum eximit.

ad suscipiendos pro dicta Sede labores eo promptiores reddantur, quo exinde, spiritalibus, & temporalibus gratiis se cognoverint uberius esse refertos, omnes, & singulos nunc, & pro tempore existentes Referendarios, utriusque, vel alterius Signaturæ hujusmodi, in nostros, & pro tempore existentis Romani Pontificis familiares, continuos commensales, gratiose recipimus, & ab omni jurisdictione Ordinariorum locorum quorumcumque eximimus, & totaliter liberamus, ac Nobis, & dictæ Sedi immediate subicimus, nobilitatisque titulo decoramus, ac veros, & indubitatos familiares, continuos commensales nostros, & pro tempore existentis Romani Pont. ut præfertur, liberos, exemptos, & Nobiles esse, seq. tales in quibuscumque Apostolicis, & aliis literis, scripturis, & actibus, tam publicis, quam privatis scribere, & nominare, ac ab aliis inscribi, & nominari debere decernimus, & declaramus, eisdemque Referendariis, nunc, & pro tempore existentibus, in signum honoris, & veræ Nobilitatis, insignia nostra gentilitia, una cum suis armis, & insigniis gestare, ac omnibus, & singulis privilegiis, præminentis, indultis, immunitatibus, honoribus, & gratiis, quibus alii veri, & indubitati Nobiles ex nobilium, etiam Illustrium genere, ex utroque parente procreati, tam in judicio, quam extra ubicumque locorum de jure, vel consuetudine, ac alias quomodocumque utuntur, potiuntur, & gaudent, ac uti, potiri, & gaudere possunt, & poterunt quomodolibet in futurum, in omnibus, & per omnia, perinde ac si de Nobilium etiam Illustrium genere, vere & non fecte procreati & geniti forent, uti, & potiri, & gaudere.

Et in suis  
Monasteriis  
mitra &c. ut-  
tendi, & po-  
pulo benedi-  
cendi faculta-  
tem elargitur.

§.9. Necnon in Monasteriis per eos in Commendam pro tempore obtentis, quorum præteriti Abbates mitra, & aliis Pontificalibus insigniis, ex privilegio Apostolico, aut alias uti consueverunt, etiam mitra, annulo, & baculo, ceterisque Pontificalibus insigniis, & ornamentis perinde, ac si eisdem Monasteriis, tamquam Abbates præessent, etiam uti, necnon post Missarum, & aliorum divinarum officiorum solemniam, populo tunc interessenti solemniter; dummodo inibi præsens non sit aliquis Antistes, seu dictæ Sedis Legatus, aut si præsens fuerit ad id ejus accedat assensus, benedicere, & libere, & licite valeant.

§.10. Necnon aliquem idoneum presbyterum sacularem, vel cujusvis Ordinis regularem ab Ordinario approbatum, in suum possint eligere Confessorem, qui omnium peccatorum, de quibus corde contriti & ore confessi fuerint, semel in vita, & in mortis articulo plenariam remissionem, & indulgentiam, eis sacra communione refectis, & in Catholicæ fidei sinceritate, Romanæque Ecclesiæ unitate, ac Romani Pontific. canonicè intrantis obedientia perseverantibus, dicta auctoritate concedere possit.

§.11. Liceatque eisdem Referendariis, ubi negotiorum, & temporum ratio expo-

*Bull. Rom. Tom. IV. Par. IV.*

stulabit, Missas antequam elucescat dies, circa tamen Auroram, necnon si forsan ad loca Ecclesiastico interdicto, tam ordinaria, quam Apostolica auctoritate supposita eos declinare contigerit, in illis submissa voce, clausis januis, & non pulsatis campanis, ac excommunicatis, & interdictis exclusis, in sua familiariumque suorum domesticorum, & trium aliarum personarum eorum arbitrio eligendarum præsentia, dummodo ipsi, & qui præsentibus fuerint, causam non dederint interdicto, neque eis specialiter interdictum fuerit, similiter Missas, & alia divina officia per seipsos, si Presbyteri fuerint, vel per proprium, aut alium idoneum Sacerdotem, ab Ordinario approbatum, celebrare, & celebrari facere, illaque audire, & eis interesse, necnon tempore interdicti hujusmodi sacram. Eucharistiam, & cetera Sacramenta recipere, ipsisque dicto tempore decedentibus eorum corpora ecclesiasticæ sepulturæ, etiam cum funebri pompa, Christiano ritu tradi possint.

§.12. Necnon Quadragesimali, & aliis temporibus ac diebus Stationum Basilicarum, & Ecclesiarum dictæ Urbis, extra ejus muros, si in iis locis in quibus eos etiam Romæ esse contigerit, duas Ecclesias aut unius, vel diversarum Ecclesiarum eorum arbitrio eligendas visitaverint, ac ibidem Orationem Dominicam, & Salutationem Angelicam saltem ter devote recitaverint, omnes, & singulas indulgentias, & peccatorum remissiones consequantur, quas consequerentur, si eisdem temporibus, & diebus Stationum Basilicas, ac Ecclesias Urbis, & extra ejus muros hujusmodi, ad id deputatas, personaliter visitaverint.

§.13. Eidem quoque Quadragesimali, & aliis temporibus, quibus esus carniū, ovorum, & lacticiniorum usus de jure, vel consuetudine est prohibitus, eisdem carnibus, ovis, & lacticiniis de consilio utriusque Medici, ac secreto, & sine scandalo uti, & vesci libere, & licite valeant, dicta auctoritate tenore præsentium concedimus, & indulgemus.

§.14. Præterea Constitutionem fel. rec. Bonifacii Papæ Octavi Prædecessoris nostri, quæ incipit. Statutum, ad eosdem Referendarios, nunc, pro tempore existentes extendimus, ita ut ipsi omnes sint, & esse censeantur Ecclesiastica dignitate præditi, & juxta dispositionem Constitutionis hujusmodi qualificati, etiam ad hoc ut in eorum tamquam personarum in dignitate ecclesiastica constitutarum manibus pensiones ab iis qui sufficienti ad hoc facultate suffulti fuerint, transferri valeant, ac translationes pensionum ab ipsis faciendæ hujusmodi validæ, & efficaces existant, suosque effectus sortiri debeant.

§.15. Decernentes præsentibus literas nullo umquam tempore de subreptionis, vel obreptionis vitio, aut intentionis nostræ, vel alio quovis defectu notari, impugnari, invalidari, aut in jus, vel controversiam revocari, nec sub quibuscumque similibus, vel

1586.  
circa auroram  
& etiam in  
locis interdi-  
cto ecclesia-  
stico supposi-  
tis.

Stationes Ur-  
bis dictis Re-  
ferendariis vi-  
sitantibus Ec-  
clesias ab eis  
eligendas cō-  
cedit.

Carnibus  
quando vesci  
possunt.

Dignitate,  
gaudeant, de  
qua in capit.  
Statutum de  
Rescript. in 6.

Clausulas præ-  
servativas ap-  
ponit.

Confessorem-  
que ab Ordina-  
rio appro-  
batum eligen-  
di, qui semel  
in vita, & in  
articulo mor-  
tis plenariam  
eis concedat  
indulgentiam.

Celebrandi-  
que, ac cele-  
brati faciendi



diffimilium gratiarum revocationibus, aut aliis contrariis dispositionibus comprehendendi, sed semper ab illis exceptas, validasque, & efficaces esse, & fore, suosque plenarios, & integros effectus sortiri, ac ab omnibus, ad quos spectat, & pro tempore spectabit observari, sicque per quoscumque Judices ordinarios, vel delegatos, etiam causarum Palatii Apostolici Auditores, ac S. R. E. Cardinales, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere, irritum quoque, & inane, si secus super his a quoquam, quavis auctoritate, scienter, vel ignoranter contigerit attentari.

Executores  
hujus Consti-  
tutionis depu-  
tat, & facul-  
tates conce-  
dit.

§. 16. Quocirca universis, & singulis venerabilibus fratribus nostris Patriarchis, Archiepiscopis, Episcopis, necnon dilectis filiis Abbatibus, Prioribus, & quibuscumque aliis personis in dignitate Ecclesiastica, & ubicumque locorum constitutis, per præsentem committimus, & mandamus, quatenus ipsi, vel duo, aut unus eorum per se, vel alium, seu alios præsentem literas, & in eis contenta quæcumque, ubi, & quando opus fuerit, aut quoties pro parte Referendario- rum prædictorum, vel alicujus eorum fue- rint requisiti, solemniter publicantes, eis- que in præmissis efficacis defensionis præsi- dio assistentes, faciant auctoritate nostra præsentem literas, & in eis contenta hujus- modi ab omnibus, ad quos spectat, & pro tempore spectabit, inviolabiliter observari, ipsosque Referendarios, ac eorum singulos illis pacifice frui, & gaudere, nec permit- tentes eos desuper per quoscumque quomo- dolibet indebite molestari. Contradictores quoslibet, & rebelles per sententias, cen- suras, & poenas Ecclesiasticas, aliaque op- portuna juris, & facti remedia, appellatio- ne postposita, compescendo, necnon legi- timis super his habendis servatis processibus, sententias, censuras, & poenas ipsas, etiam iteratis vicibus aggravando, invocato etiam ad hoc, si opus fuerit, auxilio brachii secularis.

Clausulas de-  
rogatorias ad-  
dit.

§. 17. Non obstantibus præmissis, ac præfati Bonifacii Prædecessoris de una, & in Concilio generali edita de duabus dietis, dummodo ultra tres dietas aliquis auctori- tate præsentium ad iudicium non trahatur, necnon Lateranen. etiam novissime celebra- ti, & præfati generalis, & aliorum Conci- liorum, ac piæ memoriæ Innocentii IV., Sixti etiam IV., Innocentii VIII., Pauli II., & quorumcumque aliorum Romanorum Pontificum Prædecessorum nostrorum, con- tra exemptos editis, necnon Pii IV. simili- ter Prædecessoris nostri, de gratiis interesse dictæ Camera concernentibus, in eadem Camera registrandis, aliisque Apostolicis, ac in Provincialibus, & Synodalibus Con- ciliis editis, generalibus, vel specialibus Constitutionibus, & Ordinationibus, nec- non Camera præfata, ac Ecclesiarum, Mo- nasteriorum, & locorum quorumcumque etiam juramento, confirmatione Apostoli- ca, vel quavis firmitate alia roboratis sta- tutis, & consuetudinibus, privilegiis quoque,

indultis, & literis Apostolicis, illis, eorum- que Præfulibus, Capitulis, Abbatibus, Con- ventibus, & personis, necnon præfatis lo- corum Ordinariis per quoscumque Rom. Pont. Prædecessores nostros, ac Nos, & di- ctam Sedem sub quibuscumque tenoribus, & formis, ac cum quibuscumque etiam deroga- toriarum derogatoriis, aliisque efficaciori- bus, & insolitis clausulis, necnon irritanti- bus, & aliis decretis in genere, vel in spe- cie, etiam motu, scientia, & potestatis plenitudine similibus, etiam consistoriali- ter, ac alias quomodolibet, etiam iteratis, & multiplicatis vicibus concessis, confir- matis, & innovatis. Quibus omnibus, & singulis, etiam si de illis, eorumque totis tenoribus specialis, specifica, expressa, & individua, non autem per clausulas genera- les idem importantes, mentio seu quævis alia expressio habenda, aut aliqua alia ex- quisita forma ad hoc servanda esset, teno- res hujusmodi, ac si de verbo ad verbum, nihil penitus omisso, & forma in illis tradi- ta observata, inserti forent, præsentibus pro sufficienter expressis habentes illis alias in suo robore permanens, hac vice dumtaxat, & ad effectum præmissorum omnium, harum serie specialiter, & expresse deroga- mus, aut si aliquibus communiter, vel di- visim ab eadem sit Sede indultum, quod in- terdicti, suspendi, vel excommunicari non possint per literas Apostolicas non facientes plenam, & expressam, ac de verbo ad ver- bum de indulto hujusmodi mentionem.

§. 18. Verum quia difficile foret præsen- tes literas &c.

Transumptis  
credi jubet.

Datum Romæ 10. Kal. Octob. Anno  
Secundo.

D. P. An. II.  
22. Sept.

## LXII.

Nonnulla statuuntur pro Ecclesiis Calaguri- tan., & Calceaten. super receptione fi- liorum patrimonialium in Beneficiatos dictarum Ecclesiarum.

Ex Regest. in  
Secret. Brv.

## SIXTUS PAPA QUINTUS

*Ad perpetuam rei memoriam.*

Cum de rebus, & personis Ecclesiasti- cis peculiarem, ut par est, curam gera- mus, ad ea providentiæ nostræ partes li- benter impendimus, per quæ Beneficia Ec- clesiastica non precibus, non favoribus, nec consanguinitate conjunctis, sed magis ido- neis personis conferantur, obstacula quæ- quæ hinc submovendo, ac alias desuper dis- ponendo, prout conspiciamus in Domino salubriter expedire.

Proemium.

§. 1. Nuper siquidem ad Nos relatum fuit, quod cum in Civitatibus, & Dioecesi- bus Calaguritan., & Calceaten. invicem, seu alias perpetuo unitis cuncta fere Bene- ficia Ecclesiastica tam in receptivis, quam nu- meratis Ecclesiis nuncupatis consistentia, aut illorum fructuum, reddituum, & pro- ventuum supercrefcentium certæ portio- nes Clericis filiis patrimonialibus, seu natu- ralibus, quorum scilicet Pater, aut Mater, Avus,

Causa feren-  
da Legis.



Avus, vel Avia, aut Proavus, vel Proavia saltem continuato decennio in Civitate, vel loco Beneficii, sive Ecclesiæ habitaverint, & Ecclesiæ, vel Ecclesiis hujusmodi, in qua, vel quibus Beneficia consistunt, saltem per decennium Decimas solverint, aut natis, & Baptizatis in illo loco viventibus ibi Patre, & Matre, tanquam vicinis Ecclesiæ, vel Ecclesiis hujusmodi juxta constitutiones Synodales conferri, vel concedi soleant, ac in Ecclesiis, in quibus certus Beneficiatorum numerus existit, quæ numeratæ dicuntur, ad Beneficia hujusmodi præsentatio, sive electio personæ ex eisdem filiis patrimonialibus ad eosdem Clericos in eadem Ecclesia Beneficiatos spectat, & in aliquibus ex numeratis, & forsan receptivis Ecclesiis prædictis, qui primo cantabit Epistolam, Evangelium, aut missam, admittendus sit: Institutio vero personæ sic præsentatæ, sive electæ, seu admittendæ ad loci Ordinarium pertinet, in receptivis autem per receptionem Beneficiatorum, qui integra possident Beneficia, nulla per Ordinarium facta institutione recipi consueverint, unde ipsi Clerici Beneficiati, qui ut præfertur, eligendi, seu præsentandi Jus habent plerumque Dei timore postposito, ac suorum secundum carnem propinquorum, affinium, aut consanguineorum præcipuam rationem habentes neglectis, aut repulsis magis idoneis, ac doctrina, moribus, & virtute conspicuis consanguineos, & propinquos suos, & minus habiles, indoctos, & indignos, aut in puerili ætate nonnumquam constitutos eligunt, atque præsentant, admittunt, vel recipiunt, sæpe etiam in prædictis Ecclesiis receptivis unum Beneficium in plures portiones, quarum singulæ singulis Clericis, ut plurimum consanguineis, vel amicis ea intentione conferuntur, vel assignantur, ut deinceps occurrente alia vacatione ii, qui portiones sic dissectas obtinent, integras accipiant, ceteris non amicis, neque consanguineis exclusis, dissecant, atque dividunt eosdem filios patrimoniales, ac naturales ad fructuum vacantium sive super excrementum hujusmodi perceptionem, & possessionem inscio atque irrequisito loci Ordinario admittendo, & recipiendo, aliasque pactiones alter alteri complacendo omnino illicitas, & detestabilem simoniæ labem redolentes, aut quæ prohibitam hereditariam in Beneficiis Ecclesiasticis successionem sapiunt, ineundo, aliaque quamplura absurda, & pravi abusus, quoad præmissa inoleverunt non sine magno divini cultus detrimento, ac animarum periculo, & scandalo plurimorum, cum præsertim loci Ordinarius curam animarum alicui ex hujusmodi Beneficiatis suo arbitrio deligendo demandare ad tempus consuevit, & teneatur, neminem interdum reperiatur ad id munus idoneum. Cumque tunc existentes Episcopi Calaguritan. post Concilii Tridentin. confirmationem, decretis ipsius Concilii inhærendo, ut ipsi filii patrimoniales prævio examine ab ipso Episcopo juxta formam dicti Concilii habendo ad Benefi-

cia hujusmodi reciperentur, & admitterentur, instarent, ipsique Beneficiati in Ecclesiis receptivis, se ad Beneficia hujusmodi nullo præcedente examine recipere, & admittere posse prætenderent, diversæ, sicut accepimus, lites, controversiæ, & discordiæ cum b. m. Ioanne de Quinones, ac forsan ejus Prædecessoribus Calaguritan. Episcopis, & novissime cum ven. fratre nostro Joanne moderno Episcopo Calaguritan. super præmissis, & forsan aliis rebus latius deductis tam in partibus coram tunc existente Metropolitano, ac etiam Nuntio Apostolico, quam etiam in Romana Curia in earum Palatii Apostolici Auditorio introductæ fuerint: ac postmodum prædictus Joannes modernus Episcopus ad evitandum lites, ac ut ejus conscientiæ securitati, & dictorum Beneficiorum quieti consulere, Sedem Apostolicam, & Congregationem Cardinalium dicti Concilii interpretum, qui declararunt neminem esse admittendum, & recipiendum tam in receptivis, quam in numeratis Ecclesiis prædictis, nisi examine, & approbatione Episcopi præcedentibus, recursum habuerit, ac propterea Vicarius dicti moderni Episcopi eisdem Beneficiatis, ut declarationem hujusmodi observarent, præceperit, a quo præcepto, licet ipsi Beneficiati illi acquiescere debuissent: nihilominus ad Sedem eandem appellarunt, & recursum habuerunt ad modernum nostrum, & dictæ Sedis in illis partibus Nuncium, qui mandavit prædictam declarationem servari: unde ipsi Beneficiati iterum ad Nos, & Sedem eandem appellarunt, causamque appellationis hujusmodi dilecto filio Marcello Bubalo causarum dicti Palatii Auditori, & Cappelano nostro committi obtinuerunt, coram quo causa hujusmodi introducta fuit, & adhuc indecisa pendet.

§. 2. Nos pro debito Pastoralis officii tandem præmissis occurrendum, & congruum remedium adhibendum fore censes, ac ut Beneficia ipsa dignioribus, ac virtute, & bonis moribus præditis personis conferantur, unde alii eorum exemplo ad literarum studia accensi idonei in eorum Ecclesia ministri, ac quibus etiam cura animarum demandari, seu committi possit efficiantur, providere volentes, necnon causam, & causas, seu controversias, & molestias hujusmodi coram dictis, vel aliis quibuscumque Judicibus ordinariis, vel etiam in vim specialis rescripti Apostolici delegatis, aut subdelegatis in dicta Curia, vel extra eam in prima, vel alia quavis ulteriori Instantia, etiam per viam quarumcumque appellationum, a quibusvis Judicibus interpositarum super præmissis, vel illorum occasione, ut præfertur, motas, in quibuscumque statu, & terminis reperiuntur, etiam si jam instructæ sunt, quarum omnium status, & merita, necnon ipsorum Judicium, & collitigantium nomina, cognomina, gradus, & qualitates haberi volumus pro expressis, ab eisdem Judicibus ad Nos harum serie advocantes, illasque omnes, & singulas

Statuta circa collationem Beneficiorum, examen faciendum coram Ordinario a præsentatis, aliaque nonnulla ad investos tollendos abusus.



las penitus, & omnino cassantes, & extinguentes, eisdemque Judicibus, ne in eis ad ulteriora procedant, districtius inhibentes, ac utrique parti perpetuum silentium imponentes, Motu proprio, non ad alicujus super hoc Nobis oblata petitionis instantiam, sed ex certa nostra scientia, quod de cetero perpetuis futuris temporibus quando, & quotiescumque Beneficia Ecclesiastica integrâ, seu dimidia, vel quarta, aut alias quomodolibet nuncupata patrimonialibus, & naturalibus hujusmodi filiis conferri, aut alias concedi solita in quibusvis Ecclesiis receptivis, vel numeratis, aut alias nuncupatis in Calaguritan., & Calceaten. Civitatibus, & Dioecibus prædictis consistentia quomodolibet vacare, seu super excrecentibus fructibus, vel alio quocumque modo aliorum filiorum patrimonialium, novæ receptioni, & admissioni locum fieri contigerit, nullus admittatur, aut recipiatur, nisi prævio examine, ad quod omnes filii patrimoniales, & naturales, qui se ad hujusmodi Beneficia, vel portiones fructuum superexcrecentium opponere voluerint, per edicta publica vocentur, eo modo, quo vocantur filii patrimoniales in Burgen., seu Palentin. Civitatibus, & Dioecibus, ut intra tempus in edictis præfigendum compareant, & se opponant coram Episcopo, vel Vicario Generali, quo termino elapso, illi, quos constiterit legitimos esse oppositores per tres examinatores in Synodo Dioecesana deputatos, & per unum nominatum a Beneficiatis Ecclesiæ, in qua Beneficium vacat, vel fructuum superexcrecentium facienda est admissio, quem intra sex dies a die vacationis, si nominare voluerint, nominare teneantur, & interim, quo Synodus congregatur, per examinatores a moderno Episcopo deputatos examinentur, & adnotetur uniuscujusque sufficientia, quo examine facto, detur Beneficiatis, ad quos præsentatio, vel receptio pertinet, copia Oppositorum, & adnotationis sufficientia uniuscujusque, ut ex illis præsentent, aut recipiant antiquiorem Ordine, si duo, pluresve, reperti fuerint æque idonei, si autem minus antiquus ordine fuerit repertus magis habilis, scientia, moribus, & vita, talis præferatur, prout Constitutio Synodalis de Institutionibus per bo: me: Joannem Ortega dum vixit Episcopum Calaguritan. edita, quam præsentium tenore confirmamus, & innovamus, ac eosdem Beneficiatos, & filios patrimoniales, tam in numeratis, quam receptivis Ecclesiis prædictis observari mandamus, etsi prædicti Beneficiati præsentaverint, aut nominaverint ad Beneficia, vel ad portiones fructuum superexcrecentium juxta prædictam formam, Episcopus instituat sic nominatum, aut præsentatum, vel recipiendum, tam in numeratis, quam in receptivis Ecclesiis hujusmodi; Si vero non præsentaverint, aut nominaverint juxta prædictam formam Episcopus instituat eum, qui juxta hujusmodi formam erat præsentandus, aut nominandus, vel recipiendus.

Volumus autem, quod ceteris paribus Presbyter Diacono, Diaconus Subdiacono, Subdiaconus Minoribus Ordinibus initiato præferatur, Apostolica auctoritate earundem præsentium tenore, perpetuo statuimus, & ordinamus.

Decernentes quascumque electiones, præsentationes, nominationes, admissiones, receptiones, aut alias dispositiones de supradictis Ecclesiis, seu Beneficiis, tam in numeratis, quam in receptivis nuncupatis Ecclesiis prædictis, aut illarum fructuum portionibus, aliterque servata forma præsentis nostri statuti, & cujuscumque constitutionis, privilegii, & consuetudinis etiam immemorabilis, aut alio quovis prætextu faciendas, ac reliqua omnia inde pro tempore secuta quæcumque, nulla & invalida, ac nullius roboris, vel momenti fore, prout ea omnia ex nunc, prout ex tunc & e contra revocamus, irritamus, annullamus, viribusque, & effectu evacuamus, ac irrita, nulla, & inania fore, & esse nunciamus, & declaramus, neque cuiquam, suffragari, aut prodesse, neque per illas, aut illa Jus in re, vel ad rem, seu in Possessorio, seu Petitorio titulum saltem coloratum possidendi, acquiri, vel tribui posse, neque ipsos Clericos filios patrimoniales, aut naturales præter, & contra formam præsentis statuti pro tempore admissos, & receptos fructus suos facere, aut regulis de annali, vel triennali possessione, aut alio juris remedio in favorem possessorum edito frui, seu gaudere, sed tanquam meros, & nudos detentores, & intrusos, etiam non citatos, neque auditos, absque vitio spoliis libere, & licite inde amoveri, ac expelli posse, & debere, eosdemque intrusos, necnon Beneficiatos, qui illos sic recipere, & admittere temere præsumpserint, singulos poenam privationis omnium, & quorumcumque Dignitatum, Officiorum, & Beneficiorum Ecclesiasticorum, per eos quomodolibet obtentorum, inhabilitatisque ad illa, & alia in posterum obtinenda, eo ipso incurrere.

§.3. Sicque in præmissis omnibus, & singulis per quoscumque Judices, & Commissarios, etiam causarum Palatii Apostolici Auditores, ac S. R. E. Card., sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiri debere, irritum quoque, & inane, si secus super his a quoquam, quavis auctoritate, scienter, vel ignoranter contigerit attentari.

§.4. Quo circa venerabilibus fratribus nostris Archiepiscopo Burgen., & Episcopo Calaguritan, ac moderno, & pro tempore existenti in Regnis Hispaniarum nostro, & dictæ Sedis Nuncio per præsentem commitimus, & mandamus, quatenus ipsi, vel duo, aut unus eorum per se, vel alium, seu alios præsentem literas, & in eis contenta quæcumque, ubi, & quando opus fuerit, ac quoties pro parte eorum, quorum intererit, fuerint requisiti, solemniter publicantes, eisque efficacis defensionis præsidio

Clausula ad Ordinationem hujusmodi perpetuam firmitatem stabi-  
liendam.

Deputati Exequutores.



dio in præmissis assistentes faciant statutum, Ordinationem, & Decretum, ceteraque superius disposita per eos, ad quos spectat, & spectabit quomodolibet in futurum, perpetuo firmiter, & inviolabiliter observari, Non permittentes quemquam contra eorundem præsentium tenorem in prædictis Ecclesiis, aut ad beneficia huiusmodi quoquo modo, aut quovis prætextu recipi, & admitti, receptos vero, seu admissos tanquam temere, & de facto intrusos, ac illicitos detentores quam primum inde realiter expelli, & amoveri curent. Contradictores quoslibet, & rebelles, ac præmissis non parentes, eisque auxilium, consilium, vel favorem directe, vel indirecte quomodolibet præstantes per censuras, & poenas Ecclesiasticas, aliaque opportuna Juris, & facti remedia appellatione postposita compescendo, legitimisque super his habendis servatis processibus, censuras, & poenas ipsas, etiam iteratis vicibus aggravando, invocato etiam ad hoc, si opus fuerit, auxilio brachii sæcularis.

Contrariorū  
derogatio.

§. 5. Non obstantibus Constitutionibus, & Ordinationibus Apostolicis, ac in generalibus, Provincialibus, & Synodalibus Conciliis editis, & etiam Ordinationibus Ecclesiarum, quas numeros appellat de modo, & forma providendi de Beneficiis, ac de providendo, ut dicitur per cantamentum, etiam Apostolica auctoritate confirmatis, necnon dictarum, & aliarum quarumcumque Ecclesiarum juramento, confirmatione Apostolica, vel quavis firmitate alia roboratis statutis, & consuetudinibus, etiam ab immemorabili tempore pacifice observatis, privilegiis quoque, indultis, & literis Apostolicis eisdem Ecclesiis, Beneficiis, necnon Communitatibus, Universitatibus, & hominibus, ipsisque filiis patrimonialibus, & naturalibus, aut personis quibuscumque sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis Decretis ad instantiam Imperatoris, Regum, Reginarum, Ducum, vel aliorum quorumcumque Principum, etiam per modum statuti perpetui, & stipulati contractus, aut concordatorum inter homines dictarum Civitatum, & Diocesium, Sedemque Apostolicam initorum, vel etiam motu simili, & Consistorialiter, ac alias per quoscumque Romanos Pontifices Prædecessores nostros, ac Nos, & Sedem prædictam concessis, & sæpius approbatis, & innovatis. Quibus omnibus, etiam si in eis caveatur expresse, quod illis derogari non possit, nisi eorum totis tenoribus ad verbum insertis, aut vocatis, & auditis, iis, quorum interest, vel alias pro eorum sufficienti derogatione quævis alia expressio, seu forma requiratur, illorum tenores pro expressis, ac de verbo ad verbum insertis, & formam pro servata habentes, illis quoad reliqua in suo robore permansuris, ad effectum præsentium dumtaxat motu pari derogamus, contrariis quibuscumque, seu si

eisdem Capitulis, Beneficiis, & ceteris prædictis, vel quibusvis aliis communiter, aut divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de Indulto huiusmodi mentionem.

Datum Romæ apud Sanctum Marcum sub annulo Piscatoris die 24. Septemb. 1586. Pontificatus nostri Anno Secundo.

Dat. die 24.  
Septem. 1586  
An. II.

## LXIII.

Communitates Status Ecclesiastici pro aliis obligatæ, infra annum ab earum obligationibus liberentur. Et de cetero pro aliis se obligare, & eorum bona alienare, ac præterquam ratione locationis obligare, vel Oratores sumptibus publicis ad Pontificem mittere, nequeant.

*Consonat Const. XXI. Pii IV. Tom. IV. Par. II. fol. 49. in qua decrevit, Vassallorum obligationes pro eorum Dominis esse nullas, Dominosque teneri Vassallos ab obligationibus pro eis factis relevare, & pecunias solutas restituere.*

## SIXTUS PAPA QUINTUS

*Ad perpetuam rei memoriam.*

**I**Nter varias, ac multiplices sollicitudines quas pro communi utilitate Universæ Christianæ Reipublicæ, nostræ curæ divina providentia commissæ, dies noctesque suscipimus, id potissimum Nobis cordi est, ut subditorum S. R. E. commodis paterna caritate, & præcipua quadam ac singulari vigilantia consulamus, quod illos quasi nostros peculiare eximieque caros, & acceptos, ac præ ceteris dilectos filios, in nostram clientelam, ac fidem receptos, speciali quadam, & propria paterni amoris prærogativa complecti, æquum censemus.

Exordium.

§. 1. Quare cum eos ab omni iniuria, & violentia tutos, & illæsos defendere, & custodire pro viribus studeamus, sicuti ad id vel ab initio nostri Pontificatus opportuna remedia quacumque potuimus, non sine magno fructu, Deo annuente, comparavimus, ita etiam nunc eodem erga illos pietatis effectum permoti, duximus omni studio occurrendum dolis callidorum hominum, qui privatis suis lucris intenti, plerumque commune bonum, ac publicam nostrarum Civitatum, & Oppidorum utilitatem non mediocriter lædunt. Quoniam vero in tota fere ditione, & Statu temporali hujus Sanctæ Sedis, pravus inolevit abusus, ut plerumque ex levissimis, minime necessariis, neque utilibus, ac forsitan etiam magnopere damnosis causis, dilecti filii Communitates, sive Universitates, & homines eorundem Civitatum, & Oppidorum, respective, ad instantiam, & suasu quorundam, qui privatim suæ rei familiaris ac domesticæ, etiam cum communi aliorum dispendio lucrum quærere non erubescunt, universi, ac publico nomine se, suaque bona obligare, & hypothecare, aut pro aliis

Causæ hujus  
Cōstitutionis.



Communitates pro quibuscumque personis obligatae, infra annum a die denunciationis liberentur.

aliis fidejubendo, seu principaliter pro suo interesse consueverint, & contractus celebrare, magno olim eisdem Universitatibus & Communitatibus detrimento, & damno futuros, five etiam expensas minime necessarias, interdum vero prorsus supervacaneas facere, sicuti jam in multis Communitatibus, & Universitatibus ingenti aere alieno gravatis, arariisque earum plane exaustis, res ipsa, & experientia docuit.

§.2. Nos propterea indemnitati illorum & huic malo, antequam latius serpat, & graviora afferat damna, & incommoda, quamprimum providere cupientes, de attributa Nobis Apostolica potestatis plenitudine, tenore praesentium praecipimus. & mandamus universis, & singulis personis, quavis dignitate, & auctoritate fulgentibus, pro quarum utilitate, commodo, & interesse, directo vel indirecto, aliqua Universitas, seu Communitas cujuscumque Civitatis, Terrae, Oppidi, Castri, Villae, aut alterius loci nostrae, & dictae Romanae Ecclesiae ditioni mediate vel immediate in temporalibus subiecti, vel subiectae, universi insimul ex quacumque causa, & quocumque modo fidejussisse, vel alias etiam uti principales obligati hactenus fuisse reperientur, ut ipsi, & eorum unusquisque debeant ac teneantur intra annum a die denunciationis, vel intimationis, in vim praesentium literarum eorum cuilibet faciendae, etiam si ipsi ex eadem Civitate, & loco, vel aliunde oriundi sint, atque inibi, vel alibi domicilium habeant, bonaque stabilia cujuscumque valoris etiam maximi possideant, eaque minime dilapident, ab hujusmodi fidejussione, & alia quacumque obligatione reali, & personali, vel hypoteca generali, aut speciali, etiam a modico tempore citra contractis, easdemque Communitatem, seu Universitatem, earumque res & bona penitus exemisse, & liberasse, currentque vel cassatis penitus, & extinctis ipsis obligationibus, & instrumentis desuper confectis, aut dato alio expromisso in locum ipsius Communitatis, vel Universitatis, aut alias quoquomodo re ipsa efficere, ut ii in quorum favorem ipsae Communitates, aut Universitates se obligaverint, illarum liberationi sponte, & expresse consentiant.

Et si obligationes sint ejus naturae, ut ipsi creditores ad eas extinguere cogantur, tunc eisdem Communitatibus idonei releventores dentur.

§.3. Cujusmodi consensum, si nec ipsi in quorum favorem Communitates, vel Universitates praedictae se suaeque bona obligaverint, praestare ullo modo voluerint, & ea fuerit contractus, vel obligationis natura, ut neque etiam facta aliqua oblatione, aut solutione ad consentiendum, ipsi inviti cogi, seu alias obligationes ipsae cassari, & annullari possint, tunc dictae personae, a quibus eadem Communitates, & Universitates, occasione talium obligationum indemnes relevandae sunt, alios fidejussores, & expromissores arbitrio pro tempore existentis Gubernatoris, seu Legati, cui ipsa Universitas, vel Communitas mediate, seu immediate suberit, de conservando easdem Communitates, vel Universitates indemnes, praestare teneantur.

§.4. Liceatque ipsarum Communitatum seu Universitatum Magistratibus, Procuratoribus, Agentibus, seu etiam particularibus personis ad praemissa, contra quoscumque vigore praesentium literarum eorum quocumque Iudice agere, & iudicio experiri, ac ipsi Iudici unica citatione praecedente, mandatum executivum in rem, & personam contra eum pro quo est facta fidejussio, vel obligatio, statim elapso praedicto anno, exequendum relaxare, perinde, ac si eadem personae ad id expresse in specie atque efficaciter se obligassent, etiam si hoc ipsum naturae, & substantiae contractuum, quorum occasione obligationes hujusmodi initae fuerint, omnino repugnet, & adversetur, aut alias ne quis ad extinguendum, & redimendum census super bonis suis stabilibus venditos, creatos, & impositos, cogi, aut compelli queat, Apostolicis Constitutionibus expresse cautum fuerit.

§.5. Ceterum hac nostra in perpetuum valitura Constitutione prohibemus, ne in posterum sine nostra, aut Romani Pontificis pro tempore existentis, vel Camerae Apostolicae licentia speciali, ulla Communitas, aut Universitas ex quacumque causa etiam iustissima, urgentissima, & omnino necessaria, & in evidentem utilitatem, aut necessitatem, bona sua immobilia, seu jura percipiendi quoscumque fructus, redditus, proventus, ac introitus annuos, distrahatur, vendatur, quovis modo alienetur, hypothecetur, aut super illis census annuos creetur, imponatur, seu vendatur, vel illa alias quam ratione locationis, nec ultra decennium alicui obligationi, vel hypothecae subiciatur, aut supponatur, neque etiam mutui, depositi, vel alias quocumque titulo, in rem, nec in personam, immediate, vel per interpositam personam se obliget, aut quoquomodo aere alieno se obstringat.

§.6. Pro alio vero quocumque incola, seu originario, vel forense, aut vicissim Universitas, seu Communitas una pro altera, nequaquam ex quavis occasione, vel causa umquam fidejubeat, aut tamquam principalis alienae obligationi quoquomodo accedat.

§.7. Decernentes nihilominus omnes, & singulas distractiones, alienationes, hypothecas, fidejussiones, accessiones, etiam cum clausula principaliter insolidum, nec non uti principales, & tam personales, quam reales, & alias quascumque obligationes, & promissiones, ac renunciationes, & pacta de non petendo liberationem, & exemptionem hujusmodi, in vim supradicti nostri mandati, & praeccepti, per dictas Universitates, seu Communitates, earumve Procuratores, aut Magistratus, etiam speciale ad id mandatum habentes, etiam in ampliori forma Camerae Apostolicae, cum juramento censurarum, ac mandati executivi etiam susceptione, & quavis submissione, cautela, & promissione etiam jurata, ac de non utendo remedio praesentium nostrarum literarum ultro, & sponte, seu ad preces, & in-

AN. CH. 1586. Communitates, & particulares personae ad praemissa, contra quoscumque unica citatione praecedente, mandatum executivum in rem, & personam contra eum pro quo est facta fidejussio, vel obligatio, statim elapso praedicto anno, exequendum relaxent.

Communitates in futurum abique licentia, bona alienare, vel praeterquam ratione locationis, & non ultra decennium obligare nequeant.

Nec pro aliis fidejubeant.

Obligationes, alienationes, & contracta hanc Constitutione de cetero a Communitatibus quovis modo, etiam in earum utilitatem fienda, nulla, & invalida erunt.



& instantiam, ac commodum, vel utilitatem aliorum quocumque modo posthac faciendas, sub quibuscumque verborum formulis, & clausulis, etiam efficacissimis, & insolitis concipiendas, & instrumenta desuper conficienda, etiam guarentigiata, jurata, vel alias sub dicta forma Camera Apostolicæ celebranda, nulla, irrita, & invalida, nulliusque roboris, vel momenti esse, aut fore, nullam fidem facere, neque ullam actionem, aut exceptionem, aut officium Judicis, neque obligationem, civilem seu naturalem parere, vel ullum omnino effectum, aut vires habere posse, sed neque ipsas Communitates, & Universitates, etiam si id omne, quod gestum est, in eorum utilitatem versum esse constiterit, ullo modo, aut obligationis, vel juramenti vinculo teneri. Et ita per quoscumque judicari, & definiri debere, irritum quoque, & inane quicquid secus super his a quoquam quavis auctoritate scienter, vel ignoranter contigerit attentari.

Communitates Oratores ad Pont. sumptibus publicis sine licentia mittere nequeant.

§.8. Ac ne easdem Communitates, seu Universitates sumptibus minime necessariis nimium gravari contingat, districtius interdiximus, ne qua Communitas, aut Universitas ex prædictis, Legatos sive Oratores ad Nos, & Sedem Apostolicam, ex quacumque etiam urgenti, & similiter necessaria, ac utili occasione, vel causa sumptibus publicis mittat, neve quis hujusmodi munus obeat, vel suscipiat, nisi prius simili licentia a Nobis, vel pro tempore existente Romano Pontifice, vel dicta Camera, ut præfertur, obtenta, revocantes omnes, qui ad præsens deputati reperiuntur,

Contravenientes punientur ut hic.

§.9. Quod si quis Magistratus dictarum Communitatum, vel Universitatum fuerit negligens, quoad utendum remedio præsentium literarum, & petendum suas Communitates, vel Universitates ab ipsa fidejussione, vel obligatione eximi, & liberari, aut alias contra dictam prohibitionem easdem Communitates, & Universitates, illarumve bona obligare attentaverit, aut Legatos, vel Oratores mittere, seu aliquis munus hujusmodi suscipere sine dicta licentia præsumpserit, eos singulos, qui in culpa fuerint, poenam nostro, & Romani Pontificis, aut Gubernatorum vel Legatorum, seu Præsentium prædictorum arbitrio infligendam eo ipso incurrere volumus.

Pii IV. Constitutio ista est in Tom. IV. Par. II. & Statutum istud est in lib. 3. cap. 31.

§.10. Literis fel. record. Pii Papæ IV. quoad Communitates, aut Universitates, quæ pro suis Dominis temporalibus fidejusserint, aut se obligaverint (quibus nequam derogando hæc omnia supradicta addimus) & statutis novissimis Urbis Romæ, per quæ certa forma obligationibus, & contractibus per dilectos filios nostros Senatum Populumque Romanum celebrandis præscribitur, nihilominus in suo robore permansuris.

Clausulæ de rogatione.

§.11. Non obstantibus Constitutionibus, & Ordinationibus Apostolicis, ac quacumque Provinciarum, Civitatum, Terrarum, Oppidorum, Castrorum, Villa-

*Bull. Rom. Tom. IV. Par. IV.*

rum, & locorum, juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, illis, earumque Communitatibus, Universitatibus, Magistratibus, quorumcumque nomine nuncupatis, & aliis personis, Motu proprio, & ex certa scientia, ac de similis potestatis plenitudine, aut consistorialiter, vel per modum statuti perpetui, vel inter illos ex una, & Nos, Sedemque prædictam ex altera partibus, initi, & stipulati contractus, vel alias quomodolibet concessis, approbatis, innovatis, generalibus, vel specialibus, quorumcumque tenorem existant, quæ omnia & eorum tenores præsentibus pro expressis habentes, quatenus præmissis in aliquo adversentur, omnino tollimus, & annullamus, ac nolumus cuiquam ullatenus suffragari; ceterisque contrariis quibuscumque.

§.12. Ut autem præsentis literæ amplius innotescant, volumus, ut exemplis &c.

§.13. Mandamusque universis, & singulis Legatis, Vicelegatis, Gubernatoribus, eorumque Locatenentibus, ac etiam Ducibus, Marchionibus, aut aliis Baronibus, & Domicellis, ac Dominis temporalibus, Nobis, & eidem Sedi in temporalibus, mediate, vel immediate subjectis, ut in Civitatibus, Terris, Castris, Villis, & locis eorum cuique subjectis, & consiliis, vel congregationibus generalibus earumdem Communitatum, & Universitatum, præsentium literarum exempla in vulgarem sermonem versa, quamprimum publicari, ac deinceps inviolate observari omnino curent.

Datum Romæ apud Sanctum Marcum, pridie Kalen. Octob. Anno II.

Fides transscriptis adhibetur.

Hæc Constitutio in vulgarem sermonem versa, in consiliis publicetur, & inviolabiliter observetur.

D. P. An. II. 30. Septemb.

#### LXIV.

Unio Hospitalium Congregationis Joannis Dei in unum corpus cum nonnullis Ordinationibus.

Ex Regest. in Secret. Brev.

#### SIXTUS PAPA V.

*Ad futuram rei memoriam.*

ET si pro debito Pastoralis Officii, cui Nos licet immeritos prætulit Divina majestas, fideles cunctos, præsertim vero Religiosos contemptis hujus transitorii sæculi pompis, suos in Cælo Thesuros reponeutes, paterna dilectione confovemus, eos tamen promptius in viis Domini dirigimus, qui quasi novellæ plantationes, & teneri palmites in vinea Domini uberes quidem proferunt, ac Deo gratas proximoque utiles fructuum primitias, sed tamen indigent magis irrigatione Sancti roris, quo altioribus actis radicibus, firmitus adolescant, qua in re exemplum etiam sectamur Cœlestis Patris familias, qui operariis in vineam suam nedum primo mane ac tertia, & sexta, sed nona quoque, decima, & undecima hora missis, dummodo solliciti, & solertes sint, uberrimam mercedem est largitus.

Exordium.



Pii V. nonnullis Confratribus in Hispaniarum partibus concessit, ut per servientes eleemosynas colligerent pro pauperibus Hospitalia erigerent, &c.

Crevit tamen ab illo tempore Hospitalium, & Confratrum numerus non solum in Hispania, sed etiam in Italia.

Unum tamen Superiorem, & eandem Regulam cum minimè haberent;

§.1. Dudum siquidem fel. rec. Pius Papa V. Prædecessor noster, certior factus per tunc existentem Confratrem majorem Hospitalis Joannis Dei nuncupati Granaten. in certis tunc expressis locis Hispaniarum esse nonnulla alia ejusmodi Hospitalia, quæ singula per unum majorem nuncupatum, & propterea aliquos alios Confratres eidem majori Confratri obedientiam præstantes, Eleemosynasque, & oblata a Christifidelibus charitatis subsidia colligere solitos ad commodum, & subventionem pauperum, & miserabilium personarum administrarent; concessit licentiam, & facultatem pro tempore existentibus Confratribus etiam iis, qui singuli in quolibet Hospitali Presbyteri forent, deferendi certum habitum tunc designatum, quo facilius a ceteris internosci possent, utque eis liceret colligere Eleemosynas, & pium Hospitalis exercitium continuare, dummodo degerent sub regula Sancti Augustini, & sub obedientia Ordinarii ejus loci, in quo Hospitalia ipsa consisterent, aliaque nonnulla quoad eosdem Confratres, eorumque Hospitalia indulgit, & ordinavit, prout in dictis literis latius continetur.

§.2. Ac deinde sicut Nobis nuper expositum fuit ad illorum exemplum, & imitationem ab eo tempore usque in hodiernum diem Hospitalia complura ad numerum duo de viginti non solum in Hispaniis, sed in Italia quoque, & forsan aliis Provinciis erecta, & instituta fuerunt, Confratrum quoque eodem nomine, & habitu utentium numerus, benedictæ Domino, valde auctus extitit, & in dies magis crescit, non sine magna cunctorum fidelium, in quorum Civitatibus, & locis consistunt, spirituali consolatione, ac bonæ famæ odore, ac præsertim Christi pauperum ægrotorum ad eos confugentium adjumento, qui ab eis personaliter ministrantibus præcipua quadam charitate excipiuntur, & curantur, eademque opera alii fideles, a quibus Confratres prædicti eleemosynas colligunt, ad sublevandos pauperes tali exemplo, & occasione non mediocriter incitantur, sicuti, & in hac Alma Urbe nostra in hospitali S. Joannis Calybitæ in Insula, pia hujusmodi opera magno cum fructu exerceri videntur.

§.3. Quin vero iidem Confratres licet plerique sub dicta Regula degentes tria vota substantialia, ac etiam quartum de juvandis Infirmis egenis emittant, certum tamen Superiorem, qui generaliter cunctis hospitalibus, & Confratribus præsit, non habent, neque etiam Constitutiones, aut vivendi normam sui Ordinis proprias unquam condiderunt, maximeque convenit, ut qui habitus, nominis, & pii exercitii similitudine conjuncti sunt, ii quoque non dissimili Ritu, ut cuique libitum est, ac pene cuiusque Hospitalis, proprio, sed sub uno eodemque capite, optima, & uniformi regularis observantiæ disciplina communi consensu, atque unanimi spiritu præscripta ad veram Deo acceptam, religiosisque per-

sonis maxime consentaneam unitatem redigantur.

§.4. Idcirco ipsi Confratres salutari desiderio permoti ad rectam Institutionem, Sanctamque conservationem sui Ordinis valde pertinere existimarunt, si ad instar ceterarum rite institutarum Congregationum Regularium, ipsi quoque in unam Congregationem redigantur, eorumque capitulum generale nunc primum, deinde statutis temporibus convocetur, in eoque generalis aliquis Superior totius Ordinis deligatur, & Congregatio ipsa propriis, iisque optimis Institutis temperetur, atque informetur. Delegerunt autem sibi hac prima vice hospitale ipsum Sancti Joannis Calybitæ, in quo cupiunt, generale Capitulum quamprimum convocari, hic enim locus maxime opportunus videtur, in quo ipsius Congregationis, quasi quædam primordia firmitus stabiliantur, atque promptiora ab hac Sede, sine qua tuto aliquid determinare vix queunt, consilia, & subsidia habere possint, & sicuti ipsius Romanæ Ecclesiæ communis matris, & magistræ auctoritate primum fundata est eorum Religio, ita quoque ejusdem Sedis patrocinio foeliciora in dies suscipiat incrementa, atque e purissimis Apostolica Ecclesiæ fontibus sinceram hauriat sine aliquo offensionis periculo regularis observantiæ disciplinam.

§.5. Nos itaque eorum laudabile propositum plurimum in Domino commendantes, omnia prædicta Hospitalia Joannis Dei nuncupata, tam in Italia, quam ceteris quibuscumque Provinciis etiam transalpinis, aut transmarinis nunc consistentia, & in futurum erigenda tanquam diversa, & distincta membra in unum commune corpus conjungimus, & unimus, ac instar aliarum approbatarum Monachorum, aut Regularium personarum Congregationum, & ex eorum sic inter se unitorum personis unam Congregationem Confratrum Joannis Dei nuncupandam, auctoritate Apostolica tenore præsentium perpetuo erigimus, & instituiamus.

§.6. Et jam nunc in dicto Hospitali Sancti Joannis Calybitæ de Urbe Capitulum generale de eorum Confratrum omnium de mense Maii proxime venturi celebrandum, simili auctoritate indicimus.

§.7. Præcipimusque in virtute sanctæ obedientiæ universis, & singulis majoribus, & ceteris Confratribus Hospitalium quorumcumque Joannis Dei, ut præfertur, nuncupatorum ubilibet gentium, aut locorum consistentibus, etiam si in aliquibus Hospitalibus hujusmodi tria vota substantialia nondum aliquis Confratrum emisit, nec certæ Regulæ, aut voto se obstrinxerit, dummodo habitum prædictum gestent, & Confratres Joannis Dei nuncupentur, uti ad dictam diem binos, aut saltem singulos ex singulis Hospitalibus hujusmodi Confratres ad Capitulum prædictum generale transmittant, iique de regulari disciplina, institutis, consuetudinibus, aut vivendi norma, seu Ritu, quæ in unoquoque hospitali hujus-

Uniri insinuat petiere, ac Capitulum Generale Romanæ cogere, in eoque Constitutiones esset mare.

Hospitalia omnia in unum Corpus unum Sixtus.

Primum Capitulum Romanæ in Hospitali S. Joannis Calybitæ haberi permittit. Ad illud binos Confratres e singulis Hospitalibus præcipi transmitti.



Ab aliquo eos  
impediri pro-  
hibet.

hujusmodi servantur, plene instructi, pos-  
sint, etiam de his omnibus in dicto Capitu-  
lo reddere rationem.

§.8. Distinctius inhibentes sub poena in-  
dignationis nostræ quibuscumque personis  
quavis dignitate, & auctoritate fungenti-  
bus, & cujuscvis status, gradus, ordinis,  
vel conditionis fuerint, ne eis ad Urbem  
tali de causa iter suscipientibus impedimen-  
tum aliquod adferre audeant, vel præsu-  
mant. Quinimo omnibus locorum Ordina-  
riis, in quorum Civitatibus, aut Dioecesis  
Hospitalia ipsa consistunt, & eorum cuilibet  
per easdem præsentibus mandamus, ut  
Confratres ipsos huc ad tempus prædictum,  
ut præmittitur, præfixum mittere procu-  
rent.

Pacultates  
nonnullas pri-  
mo huic, ce-  
terisque con-  
cedit Capitu-  
lis.

§.9. Quod quidem Capitulum, ut de-  
inceps majori cum fructu celebretur, eisdem  
Confratribus ex unoquoque Hospitali  
singulis sic, ut præfertur, in Capitulo gene-  
rali congregandis, atque adeo ipsi Capitulo  
Evangelicæ, atque Apostolicæ doctrinæ,  
Sacrorumque Canonum, & generalium,  
Conciliorum decretis, ac Sanctorum Pa-  
trum traditionibus, ac dictis Pii Prædeces-  
soris literis, ceterarumque Religionum  
approbatarum salubribus exemplis, & in-  
stitutis inhærendo, omnia, & quæcumque  
ad bonum regimen, certamque admini-  
strationem dictorum Hospitalium pertinen-  
tia, aut quæ ad vitam, ritus, mores, &  
disciplinam Confratrum ipsorum bene, ac  
pie instituendos, aut reformandos expedire  
videbuntur, perpetuo statuendi, & ordinan-  
di, statumque, Regulas, formam, institu-  
ta, regimen, statuta, consuetudines tam  
cujuscvis Hospitalis singillatim si corre-  
ctione, revocatione, renovatione, aut ex  
integro editione indigere videbuntur, mu-  
tandi, & corrigendi, quam illa, ac etiam  
totius Congregationis generalia de novo  
condendi, sicubi aliqua statuta laudabilia,  
& Sacris Canonibus non repugnantia edita  
jam fuerint, confirmandi, abusus quos-  
cumque tollendi, regulas, institutiones,  
observationes, disciplinam Religiosis per-  
sonis congruentem præscribendi, ipsosque  
Confratres ad debitum, & honestum vitæ  
modum dirigendi, ac quidquid statutum,  
& ordinatum fuerit, etiam sub censuris, &  
poenis per eos definiendis perpetuo obser-  
vari faciendi, Congregationemque ipsam in  
plures, si videbitur, Provincias, quæ tamen  
cunctæ tanquam membra capiti, & genera-  
li Superiori subsint, distinguendi, Generalem  
quoque, & alios Superiores Confratrum,  
Hospitalium, ac Religiosorum omnium,  
totiusque Congregationis, vel singularum  
etiam Provinciarum ad tempus benevisum  
eligendi, necnon eidem generali Capitulo  
sic congregato, ac Superioribus in eo dele-  
ctis, qui postea dimisso Capitulo, Hospita-  
lia hujusmodi frequenter visitare, & Con-  
fratrum, ac ceterorum ministrorum in eis  
degentium reformationi, tam in capite,  
quam in membris incumbere teneantur,  
durante eorum officio, eandem auctorita-  
tem in quæcumque dictæ Congregationis

*Bull. Rom. Tom. IV. Par. IV.*

Hospitalia, & Confratres, aliosque Regu-  
lares in eis commorantes, quam Præsides,  
& Visitatores in ceteris habere solent Ordini-  
bus regularibus in omnibus, & per omnia  
gerendi, & exercendi plenam liberam, &  
omnimodam facultatem, & potestatem  
simili auctoritate concedimus.

§.10. Decernentes nihilominus statuta,  
& ordinationes in hujusmodi generali Capitu-  
lo promulganda, aliaque præcepta, aut de-  
creta etiam singulorum Hospitalium inte-  
resse concernentia, necnon auctoritatem,  
Jurisdictionem, & potestatem Superioris  
generalis in eo deligendi vim, & robur ob-  
tinere, & se extendere etiam quoad ea  
Hospitalia, eorumque Confratres, e quo-  
rum numero nemo fortasse ad ipsum Capitu-  
lum accedere voluerit, aut potuerit, eos-  
que nihilominus jussionibus, statutis, &  
auctoritati Superiorum hujusmodi obedire  
teneri, & Capitulum generale per eos tan-  
tum, qui ad dictam diem convenerint,  
etiam si ex multis Hospitalibus Confratres  
nulli venerint, nihilominus legitime cele-  
brari posse, & Capitulum ipsum per eos,  
qui convenerint, universum reputari, & quæ  
inibi disposita fuerint, inviolate observari  
debere etiam in Hospitalibus, post hac sub  
hujusmodi nomine, habitu, & Regula eri-  
gendis, & per Confratres cunctos habitum  
gestantes etiam non professos, aut post hac  
suscepturos, perinde ac si cuncti, nemine de-  
ficiente, concorditer in id consensissent,  
irritumque, & inane, si secus super his a quo-  
quam quavis auctoritate scienter, vel igno-  
rante contigerit attentari.

§.11. Non obstantibus Constitutionibus,  
& Ordinationibus Apostolicis, ac dictorum  
Hospitalium juramento, confirmatione  
Apostolica, vel quavis firmitate alia robo-  
ratis statutis, consuetudinibus, usibus, &  
naturis, etiam ab eorum primæva fundatio-  
ne editis, privilegiis quoque, indultis, &  
literis Apostolicis dictis Granaten., & aliis  
Hospitalibus, eorumque majoribus, vel  
aliis Confratribus, & personis quomodolibet  
concessis, approbatis, & innovatis.  
Quibus omnibus alias in suo robore per-  
mansuris, illorum tenores præsentibus  
pro sufficienter expressis habentes, hac vi-  
ce tantum specialiter, & expresse derogamus,  
ceterisque contrariis quibuscumque.

§.12. Per hoc autem jurisdictioni, &  
auctoritati, quæ cuicque loci Ordinario in  
hospitalia, & personas suæ Dioecesis per lite-  
ras dicti Pii Prædecessoris tributa est, non  
intendimus in aliquo derogare.

§.13. Volumusque, ut præsentium, quas  
ubicumque iis opus esset, circumferri diffi-  
le foret, transumptis etiam impressis Nota-  
rii publici &c.

Datum Romæ apud Sanctum Marcum  
sub Annulo Piscatoris die 1. Octobris 1586.  
Anno II.

Deereta præ-  
sentis Capitu-  
li perpetuo  
observari ju-  
bet.

Contraria  
tollit.

Ordinarii  
auctoritati nil  
detrimenti per  
præsentibus af-  
ferri declarat.

Transumptis  
fidem addit.

Dat. die 1.  
Octob. 1586.  
An. II.



LXV.

Quod omnes etiam S. R. E. Cardinales, beneficia, & pensiones Militiæ S. Joannis Hierosolymitani, etiam ex Sedis Apostolicæ provisione obtinentes, ad solutionem jurium communis ararii omnino teneantur, Receptoresque propria auctoritate exigere valeant, ex indulto Pii V.

*Multa quæ de hac Militia in hoc opere habentur, indicata sunt in Const. XV. Anastasii IV. Christianæ. Tom. II. fol. 346.*

## SIXTUS PAPA QUINTUS

*Ad perpetuam rei memoriam.*

Pius V. censuit privilegia Militiæ approbasse, & extendere.

**A**Equum arbitramur, & congruum, ut ea, quæ de Romani Pontificis gratia processerunt, licet ejus superveniente obitu literæ desuper confectæ non fuerint, suum debitum consequantur effectum. Dudum siquidem fel. rec. Pius Papa V. Prædecessor noster sollicita considerationis indagine perscrutans, quantis periculis, quantisque bellorum turbinibus tunc agitata fuerit Insula Melevis, menteque recolens, quam indefesse, & viriliter dilecti filii Hospitalis Sancti Joannis Hierosolymitani Milites, in illa a Christianæ fidei hostibus defendenda se præstiterant, dignum quin potius debitum reputavit, ut ea quæ a Romanis Pontificibus illis liberaliter concessa fuerant, non solum confirmationis suæ munimine roborarentur, verum etiam illa, quæ suam utilitatem, & commodum concernent, si minus generaliter facta viderentur, ita extenderet, ut propter illa omnis in posterum dubitandi materia tolleretur.

Cum itaque caveretur statutis, & privilegiis hujus Ordinis, quoscunque etiam a Sede Apostolica provisiones, certa jura communi arario solve-re, certaque onera subire debere.

§. 1. Accepto igitur per eundem Prædecessorem, quod licet alias, stabilimentis, usibus, & naturis Hospitalis S. Joannis Hierosolymitani hujusmodi, seu privilegiis, indultis, & literis Apostolicis eidem Hospitali, & dilectis filiis illius Magistro, & Conventui concessis, expresse cautum fuerat quod etiam Apostolica auctoritate, etiam per resignationem in manibus pro tempore existentis Romani Pontificis factam provisi, ac provisiones, commendas, seu alias dispositiones, etiam Apostolicas, de præceptoris, seu aliis beneficiis dicti Hospitalis, sibi pro tempore factas, prosequentes, certa jura vacantia, seu mortuaria, aut alias nuncupata, forsan duplicata, communi Hospitalis prædicti Thesauro, seu alias persolvere, ac quædam alia tunc expressa onera subire tenerentur. Quodque de redditibus, & proventibus hujusmodi Præceptoriarum, primo, & secundo, ac forsan aliis annis proventibus disponere, seu illos percipere minime possent, sed illo dicto Thesauro, ac alias in usum, & utilitatem Hospitalis, ac illius Militum, seu mensæ applicari, & pro illius necessitatibus sublevandis, ac tuitione Fidei adversus Turcas, Christiani nominis Hostes, distribui deberent. Ac insuper Prioratus, Bajulivatus, Castellaniæ, Empostæ, Præceptorias, & alia illius beneficia quæcumque pro tempore qualitercumque obtinentes, certas responsiones,

ac ordinarias, extraordinarias impositiones eidem communi Thesauro annis singulisolvere tenerentur. Ipsiisque Prioratibus, Bajulivatus, Castellaniis, Præceptoris, & beneficiis, per obitum seu resignationem, etiam in manibus prædicti Romani Pontificis, aut alias quomodolibet pro tempore vacantibus, illorum fructus, redditus, & proventus, si per resignationem, juxta vero novam reformationem usque ad festum SS. Jacobi, & Philippi, de mense Maii, ex tunc immediate sequentis pro mortuario, & vacantibus ab eodem Festo, usque ad aliud proximum ejusdem Sancti Joannis Baptistæ, seu ut præfertur, SS. Jacobi, & Philippi de dicto mense respective, eidem Thesauro cederent.

§. 2. Cum tamen sæpe contingeret, nonnullorum potentium ambitionem ita se extendere, ut Sedis Apostolicæ liberalitate non contenti, etiam ea quæ in magnum dictæ Religionis præjudicium tendere conspiciebant, a Sede prædicta extorquere, Romanumque Pontificem ob ejus innumeras occupationes, ad aliquas gratias sibi concedendas impellere non erubescerent, quas si plene cognovisset, eas profecto illis non concessisset.

Et nonnulli a Sede Apostolica provisionem derogationem extorquerent.

§. 3. Attendens itaque dictus Prædecessor, quanta, & quam gravia discrimina dicta Insula passa fuerat, & quam graves Magister, & Conventus prædicti, tam in illa defendenda, quam in Civitate nova per eos constructa, munienda, & reparanda subierant expensas, & incommoda, quod si ipsi, qui pro expensis hujusmodi supportandis, certa jura, quæ super quibuscunque dicti Ordinis Prioratibus, Bajulivatus, Castellaniis, Præceptoris, & aliis beneficiis prædictis exigere consueverant, ab illorum exactione desisterent, illorum vires non parum debilitarentur, consideransque.

Pius prædictus considerans quod hæc via, debilitarentur vires ipsius Ordinis.

§. 4. Quod postquam pia mem. Pius Papa IV. etiam Prædecessor noster, tunc suus, unam S. Jacobi in Platea Nursiæ Spoletanæ, & alteram Sanctissimæ Trinitatis Tudertinæ, respective Diocesis dicti Hospitalis Præceptorias, tunc certo modo vacantes, tunc dilecto filio Simoni Brombillæ Clerico-Bergomeni, sub certis modo, & forma commendaverat, & seu de illis per suas literas providerat, dictusque Simon, sub earumdem, seu aliarum literarum prætextu, per quas stabilimentis, usibus, & naturis, privilegiis, & indultis prædictis per eundem Pium IV. Prædecessorem derogatum esse prætendebat, fructus earumdem Præceptoriarum, & iura illarum ratione dicto communi Thesauro, ut præfertur, debitaolvere, & relaxare recusaverat, & recusabat, eundem Pium IV. Prædecessorem, Motu proprio, non ad Magni Magistri, aut Conventus, seu Hospitalis Fratrum prædictorum sibi pro eis desuper oblata petitionis instantiam, sed ex suis certa scientia, & Apostolicæ potestatis plenitudine, per suas in simili forma Brevis desuper confectas literas, declarasse, per derogationem hujusmodi aliquod vel minimum Thesauro hujusmo-

Quandam ejus provisionem, dictis statutis & indultis non præjudicasse declaravit.



Et quoscumque etiam S. R. E. Cardinales beneficia, & pensiones obtinentes d. Ordinis, quamvis a Sede Apostolica provisos, ad dictam solutionem teneri diffinivit.

Iusmodi præjudicium afferri noluisse, & alia fecisse, prout in ipsius Pii IV. Prædecessoris literis plenius continetur.

§. 5. Idem Pius V. Prædecessor, tam Pii IV. Prædecessoris huiusmodi vestigiis inhærens, quam præmissis de causis Motus, omnia, & singula in ejusdem Pii IV. Prædecessoris literis contenta approbans, & confirmans, illisque perpetuæ, & inviolabilis firmitatis robur adiiciens, omnesque, & singulos, tam juris quam facti defectus, siqui forsan intervenissent in eisdem, supplens, necnon quorumcumque litium, & inter venerabiles fratres Nostros, tunc suos, S. R. E. Cardinales, & Religionem prædictam pendentium, status, & merita, in qua pendebant instantia, præ expressis haberi volens, Motu, & scientia similibus, ac de Apostolicæ potestatis plenitudine, sub datum videlicet duodecimo Kal. Aprilis, Pontificatus sui Anno II., decrevit, & declaravit, omnes, & singulos Prioratus, Bajulivatus, Castellanas, Præceptorias, & alia beneficia huiusmodi, seu illorum membra, & ab aliis dependentia obtinentes, & ab illis regressus, accessus, coadiutorias, & alias gratias, tam a Sede Apostolica, quam quavis auctoritate concessas habentes, necnon illorum fructus, & proventus, aut alia jura loco pensionis annuæ, seu pensiones ipsas, super eorundem fructibus, redditibus, & proventibus, quavis de causa impositas, & imponendas percipientes, pro rata fructuum, & pensionum eorundem, de omnibus, & singulis Annatis, vacan., mortuariis, & aliis quibuscumque juribus per eos dicto communi Thesauro quomodolibet debitis satisfacere, nec quascumque literas statutorum, stabilimentorum, usuum, ac privilegiorum, indultorum, etiam, quod Præceptoriarum fructus, redditus, & proventus, & aliorum dicti Hospitalis beneficiorum, pro primo, & secundo annis, vel alias, communi Thesauro dicti Hospitalis, pro mortuariis, seu aliis causis applicati essent, & esse censerentur, seu applicari deberent.

Ordinemque ipsum auctoritate propria percipere, & de illis disponere posse decrevit.

§. 6. Dictique Hospitalis Præceptores, seu Receptores, aut alii pro eis Agentes, illos propria auctoritate exigere, & percipere, ac interim possessionem Præceptoriarum, & beneficiorum prædictorum, nomine dicti Hospitalis apprehendere, & retinere, ac huiusmodi fructus de facto exigere, & alias de illis, certis modo, & forma tunc expressis disponere possent, disponendi, vel aliis illorum totali infertione, vel cum decreto, quod pensiones ipsæ a quocumque onere mortuario, & passagio, vel alias quomodolibet nuncupato, quavis etiam Apostolica, seu Magni Magistri dicti Hospitalis pro tempore existentis auctoritate exempti essent, vel titulares beneficiorum, ratam partem ipsos pensionarios tangentem, pro solutione pensionis huiusmodi sibi retinere valerent, & ad solutionem pensionis huiusmodi minime tenerentur, ac alias huiusmodi titulares renunciasent, onusque illam solvendi in se suscepissent,

in quibuscumque gratiis, commendis, provisionibus, regressibus, accessibus, ingressibus, coadiutoriis, ceterisque dispositionibus de Prioratibus, Bajulivatibus, Castellaniis, Præceptoris, & aliis beneficiis huiusmodi quovis modo, etiam apud eandem Sedem vacantibus, necnon fructuum & pensionum huiusmodi reservationibus, per eum, etiam Motu simili, & quorumvis etiam Imperatoris, vel Regum intuitu, ac etiam quibuscumque eatenus factis, & in posterum faciendis, quibuscumque personis cujuscumque dignitatis, status, gradus, ordinis, conditionis, nobilitatis, & præeminentiæ existentibus, etiam forsan Cardinalatus honore, & Officio fungentibus, per eum quomodolibet eatenus concessis, & in posterum concedendis derogatorias, ac desuper confectas, & pro tempore conficiendas literas Apostolicas, etiam quascumque generales, vel speciales, etiam derogatoriarum derogatorias, & efficaciores, & insolitas clausulas, necnon irritantia decreta, sub quacumque verborum expressione in se continentia, personas, quibus Prioratus, Bajulivatus, Castellania, Præceptorias, seu ab illis dependentia beneficia prædicta, aut illorum membra collata, seu ad vitam commendata fuerant, seu fructus, redditus, & proventus, aut pensiones annuæ, reservatæ, & assignatæ fuerant, aut in quorum favorem de illis dispositum extiterat, vel illæ commendarentur, seu conferrentur, aut fructus vel pensiones reservarentur, & assignarentur, vel alias disponerentur, a solutione, & præstatione fructuum, censuum, passagiorum, annatarum, vacationum, & mortuuariorum, aut aliorum quorumcumque jurium, se responsionum, aut ordinariorum, vel extraordinariorum impositionum, vigore dictorum stabilimentorum, & privilegiorum debitorum, in toto vel in parte, eximere, vel liberare, aut alias communi Thesauro Hospitalis huiusmodi, seu illius juribus in aliquo præjudicasse, nec per illas præjudicatum, seu præjudicium aliquod generatum fuisse, vel esse, vel in posterum fore, seu derogatorias ipsas, ad effectum validitatis collationum, commendarum, & aliarum dispositionum huiusmodi dumtaxat, processisse, & suffragari debuisse, illasque in quantum communi Thesauro, & illius juribus in aliquo præjudicassent aut præjudicarent, a se, & Sede Apostolica, per occupationem, & circumventionem, præter, & contra voluntatem suam extortas, ac nullius roboris vel momenti fuisse, & esse, & in posterum fore, illisque non obstantibus, omnes, & singulas huiusmodi derogationes, tunc, & pro tempore habentes, & prosequentes, etiam si a jurisdictione Magni Magistri, & Conventus prædictorum, & aliorum quorumcumque Judicum, Apostolica auctoritate prædicta exempti, ac ei, & Apostolicæ Sedi immediate subiecti essent, ad exhibitionem, & relaxationem fructuum, ac pensionum huiusmodi, ut præfertur, eidem communi Thesauro faciendam teneri, & adstri-



adstrictos fore, in omnibus, & per omnia, perinde ac si provisiones commendarum, & regressus, accessus, coadiutoria, & alia dispositiones, necnon fructuum, & pensionum reservationes, non a Sede Apostolica, sed a Magistro, & Conventu prædictis emanassent, & ad id etiam per censuras, & poenas Ecclesiasticas, aliaque opportuna juris, & facti remedia cogi, & compelli posse.

Clausulas di-  
ctæ sue Con-  
stitutionis præ-  
servativas ap-  
posuit.

§.7. Literasque tunc desuper conficiendas, & in eis contenta quæcumque, nullo umquam tempore, de subreptionis, vel obreptionis vitio, aut intentionis suæ defectu, notari, vel impugnari, minusve sub quibusvis revocationibus, suspensionibus, & limitationibus similium, vel dissimilium gratiarum comprehendi ullatenus posse, sed quoties ille emanarent, toties in pristinum, & validissimum, ac eum, in quo antequam illa emanarent, statum, restitutas, & plenarie reintegratas, ac de novo etiam sub quacumque data per Magistrum, & Conventum bene visa, toties quoties opus esset, concessas esse censerentur. Sicque in præmissis omnibus, & singulis per quoscumque Judices, & Commissarios, etiam S. R. E. Cardinales, ac Causarum sacri Palatii Apostolici Auditores, sublata eis, & eorum cuilibet aliter judicandi, definiendi, & interpretandi facultate, judicari, definiri, & interpretari debere, & quicquid secus super his a quoquam quavis auctoritate, scienter, vel ignoranter attentari contigerit, irritum, & inane decrevit. Et nihilominus pro potiori cautela, supradictas, & alias derogatorias clausulas in quibuscumque literis appositas, in quantum communi Thesaurò hujusmodi, quoad præmissa præjudicare videbantur, revocavit, cassavit, irritavit, & annullavit, ac toties quoties concessa essent, quoad jura vacantia, & mortuaria, ratione gratiarum, per eum, & quoscumque Romanos Pontifices Prædecessores nostros, tunc suos, concessa, quoad ea quæ suum tempus nondum effluxerant tantum, toties pro nullis, & infectis haberi, nullamque prorsus in judicio, vel extra, fidem facere, vel effectum sortiri debere, & Constitutionem suam de non tollendo jure quæsito adversus tunc conficiendas literas prædictas, locum sibi vindicare non posse, ac illis minime suffragari voluit.

Clausulas cō-  
trariarum de-  
rogatorias ad-  
didit.

§.8. Non obstantibus præmissis, ac Constitutionibus, & Ordinationibus Apostolicis, ac ipsorum Prioratum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegijs quoque, indultis, & literis Apostolicis, sub quibuscumque tenoribus, & formis, ac cum quibusvis clausulis, & decretis in contrarium forsan quomodolibet concessis. Quibus omnibus etiam si de illis specialis, specifica, & expressa mentio habenda foret, illis alias in suo robore permanens, ea vice dumtaxat, specialiter, & expresse derogamus, ceterisque contrariis quibuscumque.

§.9. Ne autem de decreto, declaratione, revocatione, cassatione, irritatione, annulatione, voluntate, & derogatione dicti Pii Prædecessoris, pro eo quod super illis, ipsius Prædecessoris ejus superveniente obitu, literæ confectæ non fuerunt, valeat quomodolibet hæsitari, ac Magnus Magister, Conventus, & Fratres, seu Milites Hospitalis prædicti illarum frustrentur effectum, volumus, & Apostolica auctoritate decernimus, quod decretum, declaratio, revocatio, cassatio, irritatio, annullatio, voluntas, & derogatio dicti Pii Quinti Prædecessoris, a dicta die duodecima Kal. Aprilis suum sortiantur effectum, perinde, ac si super illis, ipsius Prædecessoris literæ sub ejusdem diei data collectæ fuissent, prout superius enarratur. Quodque præsentis literæ ad probandum plene decretum, declarationem, revocationem, cassationem, irritationem, annulationem, & derogationem dicti Pii Quinti Prædecessoris ubique sufficiant, nec ad id probationis alterius adminiculum requiratur.

§.10. Quocirca venerabilibus fratribus Archiepiscopo Toletano, & Episcopo Parisiensi, sive eorum officialibus, ac dilecto filio Curia Causarum Camera Apost. generali Auditori per præsentis committimus, & mandamus quatenus ipsi, vel duo, aut unus eorum, per se, vel alium, seu alios, præsentis literas, & in eis contenta quæcumque valere decernentes, ac pro tempore existenti Magno Magistro, Conventui, & Fratribus prædictis in præmissis efficacis defensionis præsidio assistentes, faciant auctoritate nostra, præmissa omnia ab omnibus, quos illa concernunt, integre, & inviolabiliter observari, illosque eis pacifice, & quiete uti, frui, & gaudere. Non permittentes eos, aut eorum aliquem, contra earumdem præsentium tenorem quomodolibet indebite molestari. Contradictores quoslibet, & rebelles, per sententias, censuras, & poenas Ecclesiasticas, aliaque opportuna juris remedia, appellatione postposita, compescendo; invocato etiam ad hoc, si opus fuerit, auxilio brachii secularis. Non obstantibus omnibus supradictis.

Executores-  
que deputat  
d. Constitutio-  
nis.

Datum Romæ apud S. Petrum, sub an- D. P. An. II.  
nulo Piscatoris, die 1. Maii, 1586., Pont. 1. Maii.  
nostri Anno I.

Sequitur alia Constitutio, quæ præcedentem ampliat.

## SIXTUS EPISCOPUS SERVUS SERVORUM DEI

Universis, & singulis nostris, & Apostolica Sedis, in quibusvis Nobis, & Romanæ Ecclesiæ immediate subiectis Provinciis, Civitatibus, Terris, & locis, etiam de latere Legatis, ac singularum Provinciarum, Civitatum, Terrarum, & locorum hujusmodi Gubernatoribus, aliisque in eis jus dicentibus, & justitiæ Ministris, necnon quorumcumque Regum, Ducum, Marchionum



*ebionum, & aliorum Christianorum Principum Magistratibus, & Officialibus, ac eorum cuilibet, salutem, & Apostolicam benedictionem.*

Receptores hujus Militiæ pro consecutione jurium communis ærarii, possessione beneficiorum &c. capere solent.

§.1. **C**UM sicut accepimus sæpius contingat, ut Receptores Hospitalis S. Joannis Hierosolymitani, in singulis illius Prioratibus pro tempore deputati, Prioratus, Bajulivatus, & Præceptorias dicti Hospitalis, ac alia beneficia per fratres, ejusdem Hospitalis obtineri solita, tam per ipsos fratres quam ex concessione, seu dispensatione Apostolica per clericos sæculares, in titulum, aut commendam, aut alias pro tempore obtenta, ob non solutionem passagiorum, spoliolum, responsionum, vacantium, & mortuorum, ac aliorum jurium per eos communi Thesauro prædicti Hospitalis pro tempore debitorum, ad manus suas, juxta formam stabilimentorum, & laudabilium consuetudinum dicti Hospitalis, ac privilegiorum, & indultorum Apostolicorum eis desuper concessorum recipere, & usque ad integram passagiorum, spoliolum, responsionum, vacantium, & mortuorum, ac aliorum jurium prædictorum satisfactionem, pro dicto Hospitali, seu communi Thesauro, retinere, ac ad hujusmodi effectum, possessionem Prioratum, Bajulivatuum, Præceptoriarum, & aliorum beneficiorum præfatorum capere, & apprehendere, eorumque fructus, redditus, proventus percipere, colligere, & levare, seu Prioratus, Bajulivatus, Præceptorias, & beneficia hujusmodi, eorumque fructus, redditus, & proventus aliis locare, & arrendare habeant.

Hic ideo Pontifex mandat, ut Officiales omnes & Principes eis favent, & assistant.

§.2. Nos cupientes quod Præceptores prædicti officium suum contra fratres, & alios non solventes prædictos libere exercere, & facultatibus eis per Sedem Apostolicam contra eosdem non solventes concessis, sine aliqua difficultate uti possint. Vos & vestrum quemlibet per præsentis requirimus, vobis videlicet, Nobis, & Sanctæ Romanæ Ecclesiæ subditis, in virtute sanctæ obedientiæ, & sub indignationis nostræ poena districte præcipientes, & mandantes, Vos vero, qui Nobis subjecti non estis, in Domino hortantes, quatenus vos, & vestrum singuli, quoties pro parte Præceptorum præfatorum, seu alicujus eorum, aut Procuratorum suorum, vel pro eis Agentium desuper requisiti fueritis, vel eos, vel alium, seu alios, brachium vestrum sæculare eisdem Receptoribus, seu Procuratoribus, vel Agentibus ad hoc ut Prioratus, Bajulivatus, Præceptorias, & beneficia prædicta, juxta stabilimenta, & consuetudines, ac privilegia, & indulta hujusmodi, quoties illis locus fuerit, ad manus suas recipere, & usque ad integram passagiorum, spoliolum, responsionum, vacantium, & mortuorum, ac aliorum jurium prædictorum satisfactionem, pro Hospitali, seu Thesauro prædicto retinere, ac ad hujusmodi effectum, possessionem Prioratum,

Bajulivatuum, Præceptoriarum, & aliorum beneficiorum hujusmodi capere, & apprehendere, eorumque fructus, redditus, & proventus percipere, colligere, & levare: vel Prioratus, Bajulivatus, Præceptorias, beneficia, ac eorum fructus, redditus & proventus hujusmodi plus offerentibus locare, & arrendare, necnon census, seu affectus annuos locationum, & arrendationum hujusmodi exigere pro rata debiti, possint, statim, & incontinenti, omni dilatione, seu exceptione remota, præstetis, & exhibeatis, præstarique, & exhiberi faciatis.

§.3. Non obstantibus Constitutionibus, & Ordinationibus Apostolicis, ac quibuscumque provisionibus, seu commendis, aut aliis dispositionibus per Nos, & Sedem Apostolicam de eisdem Prioratibus, Bajulivatibus, Præceptoris, & beneficiis, quibuscumque personis, & dicti Hospitalis, cujuscumque dignitatis, status, gradus, ordinis, vel conditionis existentibus pro tempore factis, necnon omnibus illis, quæ privilegiis, & indultis prædictis concessum, fuit non obstare, quæ præsentibus pro specialiter, & expresse repetitis haberi volumus, ceterisque contrariis quibuscumque.

Contrariis derogat.

§.4. Volumus autem, quod præsentium transumptis &c.

Transumptis credi jubet. D. P. An. II. 3. Octobris.

Datum Romæ apud S. Marcum, sub annulo Piscatoris, die 3. Octobris 1586 Pontificatus nostri Anno II.

## LXVI.

Erectio Collegii Montis Alti in Civitate Bononien.

Ex Regest. in Secret. Brevis.

SIXTUS EPISCOPUS

SERVUS SERVORUM DEI

Ad perpetuam rei memoriam.

**C**Athedram militantis Ecclesiæ meritis licet insufficientibus regentes in terris ad ea libenter intendimus, ut in singulis locis, ac Civitatibus præsertim insignibus erigantur, & instituantur Collegia, in quibus Clerici, & Scholares, ac aliæ personæ scientiæ Margaritam acquirere possint, & literarum exercitio hujusmodi longe melius Republicæ consulatur.

Proemium.

§.1. Cum itaque Nos alias postquam acceperamus, quod se. re. Gregorius PP. XIII. Prædecessor noster in Civitate nostra, tunc sua Bononien. quasdam ædes animo, & intentione unum Collegium Scholarium nationis Germanicæ in eis instituendi nomine, & impensis Camera Apostolicæ pretio septem millium scutorum auri, vel alterius verioris summæ emi, & acquiri curaverat, morteque præventus hujus mentis suæ conceptus executioni demandare nequiverat, in Civitatibus, & ædibus prædictis unum Collegium de Monte Alto nuncupandum pro viginti Scholaribus, quorum undecim per dilectos filios Montis Alti, unde originem duximus, & tres per Parculæ, ac alios

Collegium, pro Germanicæ Natione erigere statuerat Gregorius XIII., Sixtus V. pro Populis Marchiæ Anconitanæ cõstruit, Alumnorum præfinito numero, a Communitatibus nominandorum unitisque nonnullis Beneficiis Ecclesiasticis, prout hic.

tres



tres Patrignoni, necnon reliquos alios tres per Montis novem Oppidorum Provincia nostræ Marchiæ Universitates, & homines ex eisdem suis Oppidis, si tot ibidem idoneos, & aptos reperirent, alioquin ex aliis ipsius Provincia Indigenis arbitrio suo eligi, & nominari, sicque electi, & nominati in ipso Collegio Montis Alti recipi, ac ibidem sub unius Rectoris cura, & gubernio ali, atque confoveri deberent, erigi, & institui, ipsique Collegio sine Cura Ecclesiam, Abbatiam nuncupat. seu S. Benedicti, & alterius Ordinis Conventu carens Monasterium Sancti Michaelis de Castro Britorum Bononien. Dioecesi. quam, seu quod bo.me. Alexander Episcopus Viglevanen. in titulum, vel commendam, necnon Prioratum non Conventualem S. Mariæ de Angelis nuncupatæ prope, & extra muros Bononien. Camaldulen. Ordinis, quemq. Achilles Torphaninus Clericus etiam in commendam ad ejus vitam ex concessione, seu dispensatione Apostolica, dum viverent, obtinebant, Ecclesiam videlicet per dicti Alexandri Episcopi de Februarii, seu Monasterium, ac Prioratum hujusmodi commendis prædictis per eorundem Alexandri Episcopi, & Achillis de Junii mensibus proxime præsentis extra Romanam Curiam defunctorum obitus, cessantibus adhuc iis, quibus ante Commendas hujusmodi vacabant modis, vel alias tunc vacan. uniri, annecti, & incorporari Motu proprio concesserimus.

Dictum Collegium transfertur ad Aedem, Ecclesiamque S. Antonii Ordinis S. Augustini, Prioratumque ipsi unit.

§.2. Nos qui dudum inter alia voluimus, quod petentes Beneficia Ecclesiastica aliis uniri, tenerentur exprimere verum annum valorem etiam Beneficii, cui aliud uniri peteretur, alioquin unio non valeret, & semper in unionibus commissio fieret ad partes, vocatis, quorum interesset, erectionem, institutionem, unionem, connectionem, & incorporationem, concessionem hujusmodi ex quibusvis causis, & simili motu, ac ex certa scientia, & de Apostolicæ potestatis plenitudine cum quibusvis clausulis derogatoriis factam, etiamsi illa effectum sortita fuerit, Apostolica auctoritate, tenore præsentium ex certa nostra scientia revocantes, cassantes, & annullantes, ac penitus, & omnino dissolventes, ac pro nulla, & infecta, ac viribus vacua haberi decernentes motu simili, & ex certa nostra scientia, ac de Apostolicæ potestatis plenitudine Prioratum S. Antonii Bononien. Ordinis S. Augustini, quem dilectus filius Antonius de Janerinis ipsius Prioratus Prior utriusque Juris Doctor obtinet, ac in eo nomen, titulum, & denominationem Prioratus, ordinemque ipsum S. Augustini ac omnem essentiam Regularem perpetuo de ipsius Antonii consensu auctoritate, & tenore præmissis suppressimus, & extinguimus, ac in Palatio, & ædificiis suppressi Prioratus hujusmodi prædictum Collegium Montis Alti pro totidem Scholaribus juxta Ordines, & statuta desuper faciendæ, & statuendæ qualificat. per Universitates, & homines hujusmodi,

modo præmissis eligendis, & nominandis, ut in ipso Collegio Montis Alti recipien. ibidemque sub unius Rectoris cura, & gubernio ad quinquennium, vel aliud tempus desuper statuendum, & non ultra alendis, atque confovendis, necnon in Universitate studii generalis dictæ Civitatis Theologiæ, ac utriusque Juris, artiumque studiis, ac aliis scientiis, & Disciplinis pro cujusque capacitate operam navaturis ibidem perpetuo erigimus, & instituimus, ipsique Collegio Montis Alti Ecclesiam ejusdem suppressi Prioratus, necnon ædes prædictas cum earum situ, ambitu, circuitu, structuris, ædificiis, & pertinentiis universis, etiam perpetuo concedimus, & assignamus, applicamus, & appropriamus.

§.3. Insuper eidem Collegio Montis Alti pro illius dote, ac Rectoris, & Scholarium prædictorum sustentatione, onerumque illis pro tempore incumbentium Ecclesiam, seu Monasterium S. Michaelis, & Prioratum S. Mariæ de Angelis hujusmodi, quibus cura non imminet animarum, ac quorum, & illis forsan annexis insimul fructus, redditus, & proventus nongentorum ducat. auri de Camera secundum communem estimationem valoris annui, ut etiam accepimus, non excedunt, quibusvis modis, & ex quorumcumque personis, seu per liberas resignationes quorumvis de illis seu regimine, & administratione dicti Monasterii in dicta Curia, vel extra eam, etiam coram Notario publico, & testibus sponte factas vacant, etiamsi tanto tempore vacaverint, quod eorum Collatio juxta Lateranen. statuta Concilii ad Sedem prædictam legitime devoluta, ac Ecclesia, & Prioratus S. Mariæ hujusmodi dispositioni Apostolicæ specialiter reservati existant, ac prædicti Monasterii provisio ex quavis causa ad Sedem eandem specialiter, vel generaliter pertineat, & super eis inter aliquos, cujus statum præsentibus haberi volumus pro expresso, pendeat indecisa, dummodo tempore datæ præsentium non sit in Ecclesia, & Prioratu hujusmodi alicui specialiter Jus quæsitum, ex dicto Monasterio de Abbate provisum, aut illud alteri commendatum canonice non existat, & de dicto Monasterio consistorialiter disponi consueverit, seu debeat, cum annexis hujusmodi, ac omnibus juribus, & pertinentiis suis perpetuo unimus, annectimus, & incorporamus, ita quod liceat ipsius Collegii Montis Alti Rectori pro tempore existenti illorum omnium corporalem possessionem per se, vel alium, seu alios nomine dicti Collegii Montis Alti propria auctoritate, etiam absque alicujus mandato, vel Decreto, ac spoliis, & attentatorum vitio libere apprehendere, & perpetuo retinere, eaque regere, & administrare, ac fructus, jura, obventiones, & emolumenta eorundem in communes dicti Collegii Montis Alti usus, utilitatem, & necessitates convertere, necnon Sancti Michaelis, seu Monasterii, aut Prioratus hujusmodi Ecclesiis, Presbyteros idoneos ad nutum pro tempore existen-

Alia quoque unit Beneficia hic expressa.



existentis Rectoris dicti Collegii Montis Alti vel alias juxta Statuta desuper edenda ponendos, & amovendos, & ab Ordinario loci approbandos in divinis deserviri facere, Dioecesani loci, vel cujusvis alterius licentia desuper minime requisita, ac in Monasterio, & Prioratu prædictis Ordinis hujusmodi omnemque illorum statum, essentiam, & dependentiam Regulares pariter perpetuo supprimimus, & extinguimus.

Ipsam à quacumque jurisdictione, onere, datio &c. exemptum de clarat, & sub Sedis Apostolicæ protectione recipit.

§.4. Præterea Collegium Montis Alti hujusmodi, illiusque pro tempore existentis Rectorem, Scholares, & Economos, Officiales, Ministros, necnon ejusdem Collegii Montis Alti bona mobilia, & immobilia, præsentia, & futura cujuscumque qualitatis, & quantitatis existentia, & ubilibet consistentia ab omni Jurisdictione, dominio, superioritate, & potestate pro tempore existentis Nostri, & Sedis Apostolicæ in dicta Civitate Bononien. Legati de latere, & Archiepiscopi Bononien., necnon Gubernatoris, Auditoris Turrone, Antianorum, Vexilliferi, & Potestatis dictæ Civitatis Bononien., ac Rectoris Universitatis Studii Generalis ejusdem, aliorumque Legatorum, Archiepiscoporum, Episcoporum, locorum Ordinariorum, Gubernatorum, & Potestatum, eorumque Vicelegatorum, Locatenen. Officialium, Judicum, & quarumcumque aliarum personarum ubilibet constitutarum, ac quavis auctoritate, & dignitate tam Ecclesiastica, quam mundana, etiam Cardinalatus honore fulgentium, necnon Collegium ipsum Montis Alti in propriis ejus bonis, & rebus, ac illius ratione Rectorem, Scholares, Economos, Officiales, ac Ministros, aliasque personas in eo degentes, & cum eis contrahentes a solutione, & exactione quorumcumque pedagogorum, datiorum, vestigalium, angariarum, bollettinorum, Decimarum, & quorumcumque aliorum onerum ordinariorum, & extraordinariorum tam in Bononien. quam alijs Civitatibus, & Dioecibus, necnon universo Statu Ecclesiastico & alias ubilibet quavis occasione, vel causa etiam de necessitate exprimenda hætenus quomodolibet impositorum, & imponendorum, etiam ratione Carnium, Vini, granorum, lini, lanae, serici, librorum, cartarum, & quarumcumque aliarum rerum ad humanum usum necessariorum ex toto Statu Ecclesiastico, & quibusvis alijs locis extra dictum Statum consistentibus ad dictum Collegium Montis Alti, tam per Terram, quam per Mare, & aquam dulcem, & alias quomodolibet conducendum, ac pro ipso Collegio Montis Alti in quantumvis magna quantitate emendorum, necnon a contributione quorumcumque aliorum etiam juxta Decreta Concilii Tridentini ubilibet institutorum, & institutorum Collegiorum, etiam Seminariorum Puerorum Ecclesiasticorum, & alias quomodolibet nuncupatorum, vel qualificatorum similiter perpetuo eximimus, & liberamus, ac sub Beati Petri, & dictæ Se-

Bull. Rom. Tom. IV. Par. IV.

dis, atque nostra protectione suscipimus Nobisque, & eidem Sedi immediate subijcimus.

§.5. Ipsi quoque Collegio Montis Alti, Rectori, Scholaribus, & Economis, Officialibus, Ministris, & personis, ut omnibus, & singulis privilegiis, exemptionibus libertatibus, facultatibus, Indultis, ceterisque gratiis, quibus Universitas Studii generalis Bononien. hujusmodi, necnon alia Collegia in dicta Civitate instituta, illorumque Rectores, Scholares, & Economos, Officiales, & Ministri, ac personæ de Jure, vel consuetudine, aut ex privilegio, vel alias quomodolibet utuntur, potiuntur, & gaudent, ac uti, potiri, & gaudere possunt, & poterunt quomodolibet in futurum, non solum ad eorum instar, sed æque principaliter, & pariformiter in omnibus, & per omnia uti, potiri, & gaudere valeant, itidem perpetuo de speciali gratia indulgemus, illaque eis communicamus.

Eidem aliorum Collegiorum, ipsiusque Universitatis Bononien. Privilegia concedit.

§.6. Districtius inhibentes Legatis, Archiepiscopis, Episcopis, & alijs locorum Ordinariis, necnon Gubernatoribus, Auditoribus, Antianis, Vexillifero, Potestatibus, Legatis, Locatenentibus, Vicariis, Officialibus, Judicibus, & alijs prædictis, ac etiam S. R. E. Camerario dictæque Camerae Præsiden. Clericis, Thesaurariis, & Commissariis, necnon Pedagogorum, Datiorum, Vestigalium, Gabellarum, Angariarum, Decimarum, & aliorum onerum prædictorum Appaltatoribus, Dohaneriis, & exactoribus pro tempore deputatis, ne quarumvis literarum, eis sub quibuscumque tenoribus, & formis concessarum prætextu Collegium Montis Alti, illiusque Rectorem, Scholares, & Economos, Officiales, & Ministros hujusmodi, seu eorum aliquem super præmissis quovis modo molestare, perturbare, vel inquietare audeant, seu præsumant.

In hujusmodi Privilegiis quomodolibet molestari illud vetat.

§.8. Ut autem ipsius Collegii Montis Alti regimini, gubernio, & conservationi opportune consulatur, dilectum filium nostrum Alexandrum S. Hieronymi Illiricorum Diaconum Cardinalem de Monte Alto nuncupatum ex sorore germana secundum Carnem Pronepotem nuncupatum, eoque cedente, vel decedente, & in alios eventus alium ex S. R. E. Cardinalibus, quem Rector, & Scholares prædicti seu eorum major, & sanior pars pro tempore duxerint eligendum, ejusdem Collegii Montis Alti, illiusque personarum, rerum, Bonorum, & Jurium, ac privilegiorum Protectorem, & Defensorem, ac Conservatorem, cujus consilio, & ope omnia supradicta, & quæcumque alia in his, & circa ea quomodolibet necessaria agantur, statuantur, & ordinentur, constituimus, & deputamus.

Cardinalem de Monte Alto deputat in Protectorem.

§.8. Necnon Alexandro Cardinali, & pro tempore existenti Protectori dicti Collegii Montis Alti Rectores, & Economos, Officiales, Advocatos, Procuratores, ceterosque Ministros ipsius Collegii Montis Alti deputandi, & amovendi, ac loco amovendorum alios sufficiens, ac quæcumque

Facultas Protectori conceditur.



Statuta, Ordinationes, & decreta tam circa ejusdem Collegii Montis Alti, illiusque rerum, & bonorum, Spiritualium, & temporalium curam, directionem, regimen, & administrationem, quam Scholarium prædictorum receptionem, & admissionem, eorumque ætatem, qualitates, victum, amictum, instructionem, & disciplinam, Studiique cursum, ac tempus, per quod in dicto Collegio Montis Alti ali, & confoveri debeant, ac alias in præmissis, & circa ea quomodolibet necessaria, & opportuna, licita tamen, & honesta, ac Sacris Canonibus, & decretis dicti Concilii non contraria faciendi, & edendi, ac illa quoties pro eorum, & temporum qualitate, seu alias expediens videbitur, immutandi, corrigendi, moderandi, reformandi, interpretandi, ac etiam alia ex integro condendi, quæ postquam edita, immutata, correctæ, moderata, reformata, & condita fuerint, eo ipso dicta auctoritate Apostolica confirmata, & approbata sint, & esse censeantur, ac ab omnibus, ad quos pro tempore spectabit, etiam sub poenis in contravenientes statuendis, observari debeant, plenam, liberamque facultatem concedimus.

Præsentium  
literarum fir-  
mitas.

§.9. Decernentes omnia, & singula præmissa, ac præsentibus nullo umquam tempore sive pro eo, quod causæ, propter quas hæc omnia facta sunt, coram locorum Ordinariis, etiam tamquam dictæ Sedis Delegatis, vel alibi examinata, verificata, & approbata, ac quicumque interesse habentes, ad id vocati non fuerint, nec eisdem præmissis consenserint, sive aliis ex quibuscumque causis de subreptionis, vel obreptionis, aut nullitatis vitio, seu intentionis nostræ, vel quocumque alio defectu notari, impugnari, retractari, seu etiam revocari, suspendi, restringi, limitari, aut in jus, vel in controversiam vocari, seu ad terminos Juris reduci, vel adversus illa quodcumque Juris, facti, vel gratiæ remedium impetrari posse, nec quemquam ad easdem præsentibus in Camera prædicta juxta Constitutionem piæ mem. Pii Papæ IV. etiam Prædecessoris nostri de super editam, aut alias quodcumque præsentandum, insinuandum, & registrari faciendum teneri, neque propterea illas irritas esse, sed omnino valere, ac si Constitutio prædicta, & alia contraria, minime emanassent.

Et observan-  
tia perpetua.

§.10. Sicque per quoscumque Judices, & Commissarios, etiam Causarum Palatii Apostolici Auditores, ac dictæ S. R. Ecclesiæ Cardinales, etiam de Latere Legatos, sublata eis, & eorum cuilibet quavis aliter judicandi, & interpretandi facultate, & auctoritate ubique judicari, & definiri debere, necnon irritum, & inane, si secus super his a quoquam quavis auctoritate scienter, vel ignoranter contigerit attentari.

Derogatio  
contrariorum

§.11. Non obstantibus priore voluntate nostra prædicta, aut aliis præmissis, nec non Lateranen. Concilii novissime celebrati uniones perpetuas, nisi in casibus a Jure permissis fieri prohiben., ac nostra de

non tollendo Jure quæsito, aliisque Apostolicis, necnon in Universalibus, Provincialibus, & Synodalibus Conciliis editis specialibus, vel generalibus Constitutionibus, & Ordinationibus, ac Monasterii, Ordinum, Camera, & Prioratus suppressi prædictorum Monasteriorum, vel aliorum Regularium locorum, a quibus vacans, & suppressus Prioratus hujusmodi forsan dependent, Civitatumque, Provinciarum, & locorum quorumcumque, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis Ordini, & Prioratui prædictis, illorumque Superioribus, & personis sub quibuscumque tenoribus, & formis quomodocumque concessis, approbatis, & innovatis. Quibus omnibus etiam si de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quævis alia expressio habenda foret, illorum tenores, præsentibus pro expressis habentes, illis alias in suo robore permanfuris, hac vice dumtaxat specialiter, & expresse derogamus, contrariis quibuscumque.

Aut si aliqui super provisionibus sibi faciendis de Prioratibus hujusmodi speciales, vel aliis Beneficiis Ecclesiasticis in illis partibus generales dictæ Sedis, vel Legatorum ejus literas impetrarint, etiam si per eas ad inhibitionem, reservationem, & Decretum, vel alias quomodolibet sit processum, quas quidem literas, & processus habitos per easdem, & inde sequuta quæcumque ad Ecclesiam, seu Monasterium, & Prioratum hujusmodi volumus non extendi, sed nullum per hoc eis quo ad assentionem Prioratum, seu Beneficiorum, aliorum præjudicium generari, & quibuscumque aliis privilegiis, Indulgentiis, & literis Apostolicis generalibus, vel specialibus quorumcumque tenorum existant per quæ præsentibus non expressa, vel totaliter non inserta, effectus earum impediri valeat quomodolibet, vel differri, & de quibus, quorumcumque totis tenoribus de verbo ad verbum habenda sit in nostris literis mentio specialis.

§.12. Volumus autem quod propter unionem, annexionem, & incorporationem prædictas Ecclesia debitis non fraudeatur obsequiis, & Monasterium hujusmodi in spiritualibus non lædatur, & in temporalibus detrimentum non sustineat, sed eorum congrue supportentur onera consuetæ, Et insuper ex nunc irritum decernimus, & inane, si secus super his a quoquam quavis auctoritate scienter, vel ignoranter contigerit attentari.

Ecclesiæ, &  
Prioratus o-  
nera suppor-  
tanda per Col-  
legium.

§.13. Nulli ergo omnino hominum liceat hanc paginam nostræ revocationis, cassationis, annulationis, dissolutionis, supplementationis, extinctionis, erectionis, institutionis, concessionis, assignationis, applicationis, appropriationis, extinctionis, exemptionis, liberationis, susceptionis, subie-

Clausula pe-  
nales.



subiectionis, Indulti, communicationis, inhibitionis, concessionis, deputationis, derogationis, voluntatis, & decretorum infringere, vel ei ausu temerario contraires, si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 7. anno Incarnationis Dominicæ millesimo quingentesimo octuagesimo sexto, nonis Octobris, Pontificatus nostri Anno II.

## LXVII.

Erectio officii Commissariatus Rev. Camera Apostolicæ in officium perpetuum vacabile, cum jurisdictionis, emolumentorumque, & indultorum concessione.

*Hodie hoc officium non est perpetuum, sed ad nutum Pontificis Commissarius deputatur. Et de ejus munere, & auctoritate, vide in Pii IV. Const. LXV. Romanus Tom. IV. Par. II. fol. 122. & Pii V. Const. XCIII. Cum de literis Tom. IV. Par. III. fol. 30. & in alia Const. I. Attendentes ibidem fol. 1. Et in specie quod in causis cambiorum illicitorum in Urbe contractorum, ad ejus instantiam procedatur vide in Pii IV. Const. I. Cum sicut Tom. IV. Par. II. fol. 1.*

## SIXTUSEPISCOPUS

SERVUS SERVORUM DEI

*Ad perpetuam rei memoriam.*

Proemium.

**A**D excelsum universalis Ecclesiæ culmen, nullis nostris meritis sed sola Dei benignitate sublevati, in eam curam, cogitationemque ex Pastoralis officii nostri debito propensius incumbere Nos convenit, ut Camera Apostolica a rerum suarum jacturis facta tecta præservetur, & quæ pro felici illius jurium tuitione, negotiorumque prosecutione, ac officiorum ad id institutorum decore, & stabilimento sunt maxime profutura, nostris auspiciis ordinentur, ipsaque officia egregiorum virorum prudentiæ, & industriæ commissa personis votivis jugiter proficiant incrementis.

Commissarius officium, quod Bernardus Piscina ab isto Summo Pontifice ad ejus beneplacitum deputatus, obtinebat, vacavit, quia ipse Civitatis Nursiæ, & totius Montane Præfectus ab eodem Pontifice deputatus fuit.

§.1. Cum itaque pro tempore existenti dictæ Camera Commissario generali graviorum ipsius Camera negotiorum cura incumbat, & ex frequenti illius mutatione eadem Camera, in rebus, & juribus ad eam spectantibus, plurimum damni, & incommodi patiatur, expediensque sit, ut pro negotiorum, rerum, & jurium eorumdem votiva directione, prosecutione, & defensione officium Commissariatus hujusmodi, quod dilectus filius Joannes Bernardus Piscina, ad id a Nobis ad beneplacitum nostrum deputatus, ab initio nostri Pontificatus usque huc obtinuit, seu exercuit, aliquo certo, & firmo statu constituatur, illudque pro tempore obtinens non amovibilis, ut hactenus, sed donec offi-

*Bull. Rom. Tom. IV. Par. IV.*

cium ipsum per ejus cessum, vel decessum, aut alias vacet, perpetuus existat, ac speciali honoris, & dignitatis prerogativa fruatur. Nos qui nuper dictum Jo. Bernardum in Civitatis nostræ Nursiæ, pro Nobis, & Sancta Romana Ecclesia Gubernatorem in temporalibus constituimus, præmissorum consideratione, & ex certis aliis causis inducti, ejusdem Camerae indemnitati, & utilitati, ac officii Commissariatus hujusmodi stabilimento, & incremento, prout sollicitudinis nostræ partes requirunt, consulere, & quæ ad illud pertinent, quibuscumque facultatibus, & gratiarum muneribus potiri debeat plenius explicare volentes, necnon beneplacitum nostrum præfatum harum serie revocantes, illudque cessare, & expirare decernentes.

§.2. Motu proprio, non ad alicujus Nobis super hoc oblata petitionis instantiam, sed ex certa scientia nostra, ac de Apostolicæ potestatis plenitudine, officium Commissariatus hujusmodi in officium perpetuum, ad instar Clericatum dictæ Camerae, & aliorum officiorum Romanæ Curie vacabile, pro uno Clerico vitæ ac morum probitate prædito, & utriusque, vel alterius juris Doctore non conjugato futuro, ejusdem Camerae Commissario generali, Apostolica auctoritate tenore præsentium perpetuo erigimus, & instituimus.

§.3. Ac ipsi Commissario generali pro tempore existenti, omnes ad ejus officium hujusmodi pertinentes, & illi per quoscumque Romanos Pontifices Prædecessores nostros, ac Nos, dictamque Sedem, ceteris omnibus, & singulis aliis Commissariis concessas facultates, jurisdictiones, & prerogativas.

§.4. Ac etiam eas facultates, præcipuamque curam, & administrationem Archivii scripturarum dictæ Camerae, ita ut sine expressa ejusdem Commissarii licentia aliqua scriptura ad Camera præfatam spectantes ex ipso Archivio extrahi, ac earum exempla extra eandem Camera, aliisque illius Cameralibus dari, & consignari non possint, ipsiusque Archivii Archivista, & Ministri, nunc & pro tempore existentes, illi de dicto Archivio, ac omnibus ejus scripturis rationem reddere, & ejus ordinationes ac mandata, necnon statuta, & decreta, quæ per eum pro bono gubernio, & regimine dicti Archivii pro tempore fieri contigerit, observare omnino teneantur.

§.5. Necnon plenam, & liberam facultatem, omnes, & singulas alias scripturas ad Camera præfatam spectantes, & extra Archivium hujusmodi, in quocumque loco, vel penes quoscumque existentes, recuperandi, ac contra quoscumque easdem scripturas indebite detinentes, ac scientes, & non revelantes, eos a quibus detinentur pro illarum recuperatione, tam in Urbe, quam in omnibus Terris, & locis Sedi Apostolicæ mediate, vel immediate subiectis, Civitate nostra Bononiensi etiam comprehensa, summarie, manu regia, &

Illud itaque idem Pontifex in officium perpetuum, & vacabile ad instar aliorum Romanæ Curie officiorum erigit.

Facultates solitas ei concedit.

Archivii scripturarum Camerae Apostolicæ administrationem eidem annectit.

Detinentes scripturas Camerae ubique, & scientes, & non revelantes coercendi jurisdictionem concedit.



via executiva, telaque judiciaria omiffa, etiam per cenfuras, & poenas Ecclefiafticas, ac etiam juxta Conftitutiones fel. rec. Julii Secundi, & Julii Tertii, ac quorumcumque aliorum Romanorum Pontificum Prædecefforum noſtrorum contra dictas ſcripturas indebite detinentes, & occultantes, aut ſcientes, & non revelantes, non tamen privative quoad alios, quibus per dictas conſtitutiones fuerit hujusmodi facultas tributa, procedendi. Propterea ſuper præmiſſis illas facultates, quas piæ memoriæ Pius Papa V. etiam Prædeceſſor noſter olim pro recuperatione ſcripturarum Camera, & Sedis præfatarum bon. mem. Carolo de Graſſis Epifcopo Montis Flaſconen., & quon. Honuphrio Camajano dictæ Camera Præſidenti dum in humanis agerent, per cedula Motus proprii ſub datum videlicet 14. Septembris Pontificatus ſui Anno tertio, conceſſerat.

Prælatosque  
& Clericos,  
ingerentes ſe  
in beneficiis,  
ante expeditionem literarum Apoſtolicarum Apoſt. juſta Conſt. Julii II., & Julii III.

§.6. Ac etiam facultatem contra Prælatos, & Clericos poſſeſſionem Eccleſiarum, Monafteriorum, & aliorum beneficiorum quorumcumque, cum cura, & ſine cura, ſæcularium, & quorumvis Ordinum Regularium, abſque literarum Apoſtolicarum ſuper proviſionibus, commendis, conceſſionibus, & aliis diſpoſitionibus, ſibi de illis dicta Apoſtolica auctoritate factis, expeditione, præterquam vigore brevis de eorumdem poſſeſſione, nomine dictæ Camera capienda apprehendentes, & in illis ſe quomodolibet immiſcentes, ſimiliter ſummarie, etiam via executiva, ac per cenſuras, & poenas Eccleſiaſticas, in Julii II., & Julii III. Prædeceſſorum, & aliorum Romanorum Pontificum ſimiliter Prædeceſſorum noſtrorum Conſtitutionibus deſuper editis contentas, & alias, juxta hujusmodi Conſtitutionum tenorem, ſine tamen præjudicio facultatum, ejusdem Camera Generali Theſaurario, ſuper fructibus male perceptis conceſſarum, & competentium, etiam procedendi, auctoritate, & tenore præſatis concedimus.

Portionem  
conſuetam panis  
&c. necnō  
ſalaria, regalia,  
& ſolita  
emolumenta  
concedit.

§.7. Necnon eidem Commiſſariatus Officio, ut præfertur erecto, pro ejus dote, & illud pro tempore obtinentis ſubſtentione portionem panis, vini, eſculentorum, & aliarum rerum per ipſius Camera Commiſſarium Generalem pro tempore exiſtentem, dietim ex Palatio Apoſtolico percipi, & ei præſtari ſolitam, cum ea integritate, quam ipſe illam percipiebat, & percipere poterat, necnon omnia, & ſingula jura, regalia, ſalaria, redditus, proventus, exemptiones, immunitates, & emolumenta quæcumque, ordinaria, & extraordinaria quomodolibet nuncupata, quæ dictus Commiſſarius pro tempore exiſtens quocumque titulo vel cauſa, ac undecumque, & quomodocumque habere, conſequi, lucrari, frui, potiri, & percipere conſuevit, ſeu etiam potuit, & debuit, cujuſcumque qualitatibus, quantitatis, & annui valoris ſint vel fuerint, eiſdem auctoritate, & tenore etiam perpetuo, applicamus, & appropriamus.

§.8. Ipſumque Commiſſarium pro tempore exiſtentem in noſtrum, & Romani Pontifici pro tempore exiſtentis, verum, indubitatum, & non fictum familiarem, & continuum Commenſalem domesticum, ac utriuſque Signaturæ noſtræ Referendarium, auctoritate, & tenore ſimilibus creamus, & conſtituimus, ac deputamus, aliorumque noſtrorum, & pro tempore exiſtentis Romanorum Pontificum familiarium, cotinuum Commenſalium, ac Prælatorum domesticorum, & utriuſque Signaturæ præſatæ Referendariorum numero, & conſortio favorabiliter aggregamus, ac pro vero, indubitato, & non ficto, noſtro, & pro tempore exiſtentis Romani Pontificis familiari, continuo Commenſali, & Prælato domestico, ac utriuſque Signaturæ hujusmodi Referendario, haberi, & reputari volumus, & mandamus; ſibiſque ut in quibuſcumque impetrationibus, conceſſionibus, & literis, tam gratiam quam juſticiam concernen. ſe noſtrum, & pro tempore exiſtentis Romani Pontificis familiarem, continuum Commenſalem, & Prælatum domesticum, ac utriuſque Signaturæ hujusmodi Referendarium nominare, & inſcribere, ac ab aliis nominari, & inſcribi facere, habitumque, & inſignia Referendariorum utriuſque Signaturæ hujusmodi geſtare, & deferre, ac in utraque Signatura prædicta continuo intervenire, & aſſiſtere, necnon omnibus, & quibuſcumque, ac prorſus ſimilibus privilegiis, præemiſſis, indultis, immunitatibus, libertatibus, exemptionibus, facultatibus, honoribus, antelationibus, prærogativis, favoribus, conceſſionibus, & gratiis, tam ſpiritalibus quam temporalibus, quibus ceteri familiares, continui Commenſales ac Prælati, & Referendarii præſati, necnon dictæ Camera Clerici Præſidentes, & alii Camerales, de jure, ſtatuto, conſuetudine, vel aliquo ſpeciali privilegio, ſeu alias quomodolibet utuntur, potiuntur, & gaudent, ac uti, potiri, & gaudere poſſunt, & poterunt quomodolibet in futurum, tam in judicio quam extra ubique locorum, abſque ulla prorſus differentia, non ad illorum inſtar, ſed pariformiter, & æque principaliter, in omnibus, & per omnia, ac ſi illa Officio Commiſſariatus hujusmodi, illudque pro tempore obtinenti, ſpecialiter, & expreſſe per præſentes conceſſa fuiſſent, uti potiri, & gaudere.

§.9. Necnon ut quicumque loci Ordinarius, ſeu utriuſque, vel alterius Signaturæ hujusmodi Referendarius, aut Metropolitanus, vel alterius Cathedralis Eccleſiæ Canonicus, ſeu perſona in dignitate Eccleſiaſtica conſtituta ad id per ipſum Commiſſarium pro tempore exiſtentem, eligendus ſeu eligenda quæcumque penſiones annuas ſuper quarumvis menſarum Episcopaliū, vel Archiepiscopaliū, ſeu aliarum Eccleſiarum, necnon Monafteriorum, Prioratuum, dignitatum, aliorumque beneficiorum Eccleſiaſticorum, cum cura, & ſine cura, ſæcularium, & quorumvis Ordinum

Referendarius  
utriuſque Signaturæ, ipſi  
Commiſſarius  
creat, & Referendariorum,  
& familiariorum  
necnon, & Clericorum,  
& Cameralium,  
privilegia Commiſſario  
tribuit.

Indultum circa  
penſiones  
tribuit.



num Regularium fructibus, redditibus, proventibus, juribus, obventionibus, emolumentis, ac etiam distributionibus quotidianis, seu illarum loco fructus, redditus, & proventus, jura, obventiones, emolumenta, & distributiones hujusmodi, eidem Commissario pro tempore existenti, Apostolica auctoritate reservatas, & reservata, usque ad summam quingentorum ducatorum auri de Camera, in dicta Curia vel extra eam, etiam in mortis articulo de ipsius Commissarii pro tempore existentis expresso consensu, cassare, & extinguere, ac postquam cassata, seu cassata fuerint, alias similes pensiones annuas super eisdem fructibus, redditibus, proventibus, juribus, obventionibus, emolumentis, & distributionibus, seu fructus, redditus, proventus, jura, obventiones, & emolumenta hujusmodi, usque ad summam praefatam, uni vel pluribus personis ad id per eum nominandis, & quacumque, quotcumque, & qualiacumque beneficia Ecclesiastica obtinentibus, eisdem modo, & forma, ac cum clausulis, decretis, & obligationibus, quibus ipsi Commissario pro tempore existenti reservata, seu reservata fuerint, etiam absque consensu solvere habentium pensiones, seu obtinentium Ecclesias, Monasteria, Prioratus, Dignitates, & alia beneficia hujusmodi, dicta auctoritate reservare, constituere, concedere, & assignare, ac etiam transferre, libere, & licite valeat: reservationesque, & translationes pensionum, seu fructuum, reddituum, proventuum, jurium, obventionum, & emolumentorum hujusmodi, vigore praesentium facien, valeant, plenamque roboris firmitatem obtineant in omnibus, & per omnia, perinde ac si per Nos, seu pro tempore existentem Romanum Pontificem de consensu solvere habentium pensiones, seu obtinentium Ecclesias, Monasteria, Prioratus, Praeposuras, Dignitates, & alia beneficia hujusmodi facta fuissent, auctoritate, & tenore praefatis, concedimus, & indulgemus.

§. 10. Insuper statuimus, & ordinamus, quod Officium Commissariatus hujusmodi pro tempore obtinentes, in Camera praefata, aliisque actibus Cameralibus, & Carcerum visitationibus, habitum per Clericos, Praesidentem, & alios Praelatos Camerales deferri solitum gestare, & in Camera praefata immediate post ipsum Praesidentem, ac in Carcerum visitationibus, post Clericum Carcerum Praesidem, in Capella autem Pontificia, & Consistoriis publicis, necnon Processionibus, equitationibus, aliisque actibus, tam publicis, quam privatis in loco Palatii Apostolici Auditoribus, ac dictae Camerae Clericis assignato immediate post illos sedere, & incedere debeat.

§. 11. Dictumque Officium Commissariatus in favorem cujuscumque personae ut praefertur, qualificate, quandocumque sibi placuerit, resignare, nec resignationis hujusmodi receptio vel admissio per Roma-

num Pontificem ex quavis causa denegari, vel differri, neque pro signatura concessionis ejusdem, per hujusmodi resignationem vacantis, quicquam ultra summam centum florenorum auri de Camera ab eo, cui de illo sic vacante providebitur, exigere possit: quodque litterae Apostolicae super supplicatione concessionis dicti Officii Commissariatus conficienda, etiam si in ea de Officio Referendariatus hujusmodi nulla esset facta mentio, nihilominus expediantur tam in Cancellaria praefata, quam per Camera secretam, cum expressione concessionis dicti Officii Referendariatus; neque possit aut debeat, per nostrum, & pro tempore existentis Romani Pontificis Datarium, seu quemcumque alium pro signatura hujusmodi supplicationis, licet vim concessionis duorum Officiorum, Commissariatus videlicet, & Referendariatus hujusmodi habeat, aliquid ultra id, quod superius est expressum, omnino exigere, sed sicut per concessionem Commissariatus venit pariter concessio Referendariatus Officiorum hujusmodi, sic per unam solutionem signaturae superscriptae sit integre satisfactum, quasi de unica concessionem.

§. 12. Ulterius quod omnes, & singulae litterae Apostolicae sub plumbo, ac etiam in forma brevis, tam super praesentibus quam aliis quibuscumque gratiis, indultis, facultatibus, & concessionibus, tam gratiam quam justitiam concernent, per praefatum Commissarium pro tempore existentem, a Nobis, & Successoribus nostris, ac Sede praefata pro tempore impetratis, seu etiam Motu simili concessis, in omnibus, & singulis Cancellariae, Camerae, & Curiae praefatarum Officiis, necnon plumbo, & registro, ac ubilibet gratis, etiam absque annatarum communium, jocalium & aliorum quorumcumque jurium, & taxarum solutionem, ad instar Clericorum ejusdem Camerae expediri, & Rescribendarius ad taxandas litteras Apostolicas, cum subscriptione gratis pro persona Commissarii Generalis Camerae Apostolicae subscribere, & tam ipse quam alii Scriptores, & Sollicitatores litterarum Apostolicarum, necnon Cubicularii, Scutiferi, & quicumque alii dictae Curiae Officiales expeditioni litterarum hujusmodi pro tempore Praesidentes, & Ministri, etiam in annatis communibus, jocalibus, & aliis juribus Camerae hujusmodi participantes, eandem litteras personam dicti Commissarii concernentes, sub excommunicationis latae sententiae, ac privationis, & suspensionis suorum officiorum, necnon perceptionis emolumentorum eorundem poenis, per eos, ad quos pertinuerit, & qui eas gratis subscribere, vel concedere noluerint, eo ipso incurrendis, absque alio nostro, aut Successorum nostrorum, & Sedis praefatae ulteriori mandato, omnino gratis, & absque aliqua annatarum, jocalium, vel aliorum jurium praedictorum solutione, & exactione, in omnibus, & per omnia usque ad plumbum, & alia necessaria inclusive, om-

Expeditiones  
pro Commis-  
sario gratis  
fieri jubet.

Habitum, &  
locum in Ca-  
mera, & acti-  
bus Camera-  
libus, Visita-  
tionibusque  
Carcerum, &  
Capella, &  
Consistoriis,  
& aliis actis  
publicis assi-  
gnat.

Resignandi  
facultatem  
concedit.



Joffredo Lomellino U. S. Referendario, officium Commissariatus, cum jurisdictionibus, & emolumentis prædictis ad ejus vitam conceditur.

omni contradictione cessante expediri, ac subscribi, & expediri facere, & permittere debeant, & teneantur.

§. 13. Ut autem officium Commissariatus hujusmodi viro idoneo, qui rebus ad illud pertinentibus jugiter incumbat, cuiusque virtus, & industria Nobis præcipue sit cognita, quanto citius concedatur, de dilecti Filii Magistri Joffredi Lomellini Clerici Januensis U. J. D., & in utraque Signatura nostra Referendarii, ac Prælati nostri domestici, summa fide, integritate, probitate, & doctrina plurimum in Domino confidentes, ipsamque Joffredum a quibusvis Excommunicationis, suspensionis, & interdicti, aliisque Ecclesiasticis sententiis, censuris, & poenis, a jure vel ab homine, quavis occasione, vel causa latis, siquibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, necnon erectionis, & institutionis Commissariatus generalis, ac quorumcumque aliorum Officiorum, prædictorum, necnon privilegiorum, indultorum, facultatum, exemptionum, immunitatum, & aliarum gratiarum, illis ac eorum singulis concessorum, & inde secutorum quorumcumque tenores, juriumque regalium, salariorum, taxarum, emolumentorum, portionum panis, & vini, esculentorum, & aliarum rerum per pro tempore existens Commissarios generales dictæ Camerae percipi solitorum, & eis debitorum qualitates, quantitates, denominationes, & veros etiam annuos valores, præsentibus pro expressis habentes, Motu simili eidem Joffredo officium Commissariatus hujusmodi a primæva ejus erectione sic vacans, per eum quoad vixerit, ad instar aliorum Officiorum Sedis, & Curiae prædictarum tenendum, regendum, & gubernandum, cum portione panis, & vini, esculentorum, & aliarum rerum ex dicto Palatio, ut præmittitur, percipi solita, ac aliis illi annexis, necnon omnibus, & singulis juribus, jocalibus, regalibus, sportulis, taxis, proventibus, obventionibus, honoribus, emolumentis, privilegiis, exemptionibus, immunitatibus, præeminentiis, antelationibus, prærogativis, jurisdictionibus, favoribus, gratiis, indultis, & facultatibus superscriptis, & quibuscumque aliis Commissariis generalibus dictæ Camerae Apostolicæ hucusque concessis, & assignatis, auctoritate, & tenore prædictis, concedimus, & assignamus; ipsumque Joffredum ad Officium Commissariatus hujusmodi, ejusque liberum exercitium, ac omnia, & singula supradicta, ex nunc recipimus, & admittimus, ac per eos, ad quos spectat, & pro tempore spectabit, recipi, & admitti, receptumque, & admissum, in eis quoad vixerit, manuteneri, sibi que de eisdem integre responderi debere volumus, & mandamus.

Clausula præservativa.

§. 14. Decernentes præsentis literas nullo umquam tempore, de subreptionis, vel obreptionis, seu nullitatis vitio, aut in-

tentionis nostræ, vel alio quovis defectu, etiam ex eo quod interesse forsan habentes ad id vocati non fuerint, vel ex quavis alia causa quantumvis legitima, urgenti, & juridica, etiam necessario exprimen. notari, impugnari, invalidari, ad terminos juris reduci, in jus vel contraversiam revocari, aut adversus illas quodcumque juris, facti, vel gratiæ remedium impetrari posse, minusque sub similibus, vel dissimilibus gratiarum revocationibus, suspensionibus, limitationibus, aut aliis contrariis dispositionibus comprehendi, sed semper ab illis exceptas, & quoties illæ emanabunt, toties in pristinum, & eum, in quo antea quomodolibet erant, statum restitutas, repositas, & plenarie, etiam sub quacumque data per Joffredum, ejusque hæredes ac successores prædictos eligenda, reintegratas, ac de novo concessas, validasque, & efficaces fore, & esse, vim validi, & efficacis contractus, inter Nos, & ipsam Cameraam ex una, & Joffredum ejusque hæredes, & successores prædictos ex altera partibus, rite, & recte initi, & stipulati, ac etiam utrimque jurati habere, & perpetuo obtinere, dictamque Cameraam, ac Joffredum, ejusque hæredes, & successores prædictos in juribus hujusmodi tuendos, & ab omni incommodo, damno, læsione, lite, causa, & controversia immunes, indemnes, & exemptos conservandos, teneri ac obligatam esse, & fore.

§. 15. Sicque, & non aliter, per quoscumque Judices Ordinarios, vel delegatos, etiam causarum Palatii Apostolici Auditores, ac Sanctæ Romanæ Ecclesiæ Cardinales, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiri debere, necnon irritum, & inane, si secus super his a quoquam quavis auctoritate scienter, vel ignoranter contigerit attentari.

§. 16. Quocirca Venerabilibus Fratribus Amerin., & Materan. Episcopis, ac dilecto Filio Causarum Curiae Camerae Apostolicæ Generali Auditori, Motu simili per Apostolica scripta mandamus, quatenus ipsi, vel duo, aut unus eorum, per se, vel alium, seu alios præsentis literas, & in eis contenta quæcumque, ubi, & quando opus fuerit, ac quoties pro parte Joffredi, ejusque successorum prædictorum, vel aliqujus eorum fuerint requisiti, solemniter publicantes, eisque in prædictis efficacis defensionis præsidio assistentes, faciant auctoritate nostra præsentis literas, & in eis contenta hujusmodi ab omnibus, ad quos spectat, & pro tempore spectabit, inviolabiliter observari, ac Joffredum, ejusque hæredes, & successores prædictos illis pacifice frui, & gaudere, non permittentes ipsos, vel eorum quempiam per quoscumque desuper quomodolibet indebite molestari. Contradictores quoslibet, & rebelles, per sententias, censuras, & poenas Ecclesiasticas, aliaque opportuna juris, & facti remedia, appellatione postposita, compes-

Decretum irritam.

Executores & defensorum deputatio, & facultates.



Clausula de-  
rogatoria.

pescendo, necnon legitimis super his habendis servatis processibus, sententias, censuras, & poenas ipsas, etiam iteratis vicibus aggravando; invocato etiam ad hoc, si opus fuerit, auxilio brachii secularis.

§. 17. Non obstantibus præmissis, ac de præstando consensu, in pensionibus, & jure quæsito non tollendo necnon revocatoria facultatum percipiendi præteritum Officiorum dictæ Curia, & gratiis ad instar non concedendis, aliisque Cancellariæ Apostolicæ regulis editis, ac etiam in crastinum assumptionis cujusque Romani Pontificis ad summi Apostolatus apicem edendis, necnon fel. rec. Bonifacii Papæ VIII. Prædecessoris nostri, qua cavetur, ne quis extra suam Civitatem vel Dioecesim, nisi in certis exceptis casibus, & in illis ultra unam dietam a fine suæ Dioecesis, ad judicium evocetur, seu ne Judices a Sede prædicta deputati, extra Civitatem, vel Dioecesim, in quibus deputati fuerint, contra quoscumque procedere, aut aliis vices suas committere præsumant, & in Concilio generali edita de duabus dietis, dummodo ultra tres dietas aliquis auctoritate præsentium ad judicium non trahatur, necnon quatenus opus sit rec. mem. Symmachi, & Innocentii Tertii, ac Pauli Secundi, & quorumcumque aliorum Romanorum Pontificum Prædecessorum nostrorum, ac etiam in nostris, de rebus Ecclesiæ, seu Camera, & Sedis prædictarum non alienandis, necnon super reformatione, numero, & qualitatibus dictorum Referendariorum, aliisque Constitutionibus, & Ordinationibus, tam Apostolicis, quam in Provincialibus, Synodalibus, & generalibus Conciliis, specialiter, vel generaliter, contra præmissa, vel eorum aliqua quomodolibet editis, & edendis, necnon Ecclesiarum, & Monasteriorum, etiam in quibus beneficia hujusmodi forsân fuerint, ac Ordinum, Militiarum, & Hospitalium, etiam quorum illa extiterint, necnon Camera Urbis, officiorum, & Collegiorum prædictorum, juramento, confirmatione Apostolica, vel quavis firmitate alia roboratis statutis, consuetudinibus, usibus, naturis, stabilimentis, & etiam novis reformationibus, privilegiis quoque, indultis, exemptionibus, immunitatibus, & literis Apostolicis illis, eorumque Præfulibus, Capitulis, Conventibus, Officialibus, Appaltatoribus, & quibusvis aliis personis, etiam per modum statuti, ac initi, & stipulati contractus, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis, in genere, vel in specie, per quoscumque Romanos Pontifices Prædecessores nostros, ac Nos, & Sedem prædictam, etiam motu, scientia, & potestatis plenitudine similibus, etiam consistorialiter; ac alias quomodolibet concessis, approbatis, & innovatis, ac quantocumque tempore observatis. Quibus omnibus, etiam si pro eorum suffi-

cienti derogatione, alias de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda esset, tenores hujusmodi, ac si de verbo ad verbum, nihil penitus omisso, & forma in illis tradita observata, inserti forent, præsentibus pro expressis habentes, illis alias in suo robore permanens, hac vice dumtaxat specialiter, & expresse derogamus, contrariis quibuscumque. Aut si aliquibus communiter, vel divisim ab eadem sit Sede indultum, quod interdici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

§. 18. Nulli ergo omnino hominum liceat &c.

Datum Romæ apud S. Marcum, anno Incarnationis Dominicæ millesimo quingentesimo octuagesimo sexto, quarto Idus Octobris, Pontificatus nostri Anno II.

Sanctio pœ-  
nalis.  
D. P. An. II.  
12. Octobris.

## LXVIII.

Damnatio contractuum Societatis, securitatem capitalis, aut certam responsionem, aut aliter usurariam pravitatem continentium.

## SIXTUS EPISCOPUS

## SERVUS SERVORUM DEI

*Ad perpetuam rei memoriam.*

**D**etestabilis avaritiæ ingluvies, & insatiabilis lucrandi cupiditas malorum omnium radix, usque adeo excœcat mortalium mentes, ut multi nimis avide lucro inhiantes, in laqueos & insidias diaboli misere incidunt; irreperit enim versute, & callide antiquis humani generis hostis per varios dolos, & fallacias, & incautos homines quæstus dulcedine captos, & delinitos opprimit, atque eo perducit, ut se ipsos in usurarum voraginem, Deo hominibusque odiosam, sacris canonibus damnatam, & Christianæ caritati contrariam fœde immergant, & dum vanas, & terrenas divitias quærunt, veras ac cœlestes amittant, sicuti nuper cum magno dolore audivimus, hoc malum in quasdam Provincias pervasisse. Nam multi speciosum, & honestum societatis nomen, suis fœneratitiis contractibus prætexendo, hoc quasi colore, & fuco, mercatoribus, opificibus, negociatoribus, & aliis personis super eorum mercibus, officinis, tabernis, panariis, aliisque rebus, ac bonis, pecunias suas, aut alias res, societatis nomine conferunt; vel greges, armenta, aut certa animalia agricolis, seu terrarum cultoribus pastoribus, aliisque rusticis, seu quibusvis personis dant in societatem sive ad fœcidam, ut vocant, ea conditione, ut fors ipsa seu caput, quod vulgo dicitur ca-  
pita-

Compendium  
pastorum illi-  
citorum, quæ  
in contracti-  
bus societatu  
apponi con-  
tingit.



pitale, tam pecuniarum, quam animalium, & rerum, saluum semper, & integrum existat pro eo, qui non industriam aut operas, sed pecunias, animalia, aut res hujusmodi in societatem confert, utque omne periculum, & damnum ab altero socio recipiente subfineatur, contra æquitatem, & societatis justitiam diversimode paciscuntur; eosdemque socios cum quibus contrahunt, plerumque pauperes, & egenos, suoque labore, & industria victitantes ad sortem, seu capitale restituendum, quicumque tandem casus, & rerum eventus consequatur, pacto, & obligatione obstringunt, simulque etiam certam lucri quantitatem, & summam, veluti tot pro quolibet centenario, in singulos annos, aut menses per alterum socium, durante societate solvendam, præfiniunt, ac præscribunt; eamque summam, & quantitatem non subductis rationibus accepti, & expensi, quod in codices, seu tabulas societatis referri solet, neque facto calculo, vel computo, pro ipsius lucri, vel damni modo variabilem, sed laborem, & curam computandi, & calculandi se invicem remittere, & renunciare asserentes, quovis tempore certam constituunt.

Damnatio illicitarum pactio- num in societ- tatibus apponendarum.

§.1. Proinde Nos, qui hoc potissimum munus, nostræque pastoralis sollicitudinis maxime proprium arbitramur, ut gregem Dominicum fidei nostræ creditum ab omni offensione, & æternæ vitæ discrimine tutum, in via salutis, cœlesti gratia adiutrice, dirigere nitamur, hujusmodi morbi contagionem antequam in communem fidelium perniciem latius serpat, quantum Deo favente possumus, tollere cupientes, de attributæ Nobis Apostolicæ potestatis plenitudine, hac nostra perpetuo valitura Constitutione damnamus, & reprobamus omnes, & quoscumque contractus, conventiones, & pactiones posthac ineundos, seu ineundas, per quos, seu quas cavebitur personis, pecunias, animalia, aut quaslibet alias res societatis nomine tradentibus, ut etiam si fortuito casu quamlibet jacturam, damnum, aut amissionem sequi contingat, fors ipsa seu capitale semper saluum sit, & integrum a socio recipiente restituatur, sive ut de certa quantitate, vel summa in singulos annos, aut menses, durante societate respondeatur. Statuimusque hujusmodi contractus, conventiones, & pactiones, usurarios, & illicitos posthac censeri debere; atque in posterum non licere iis, qui pecunias vel animalia, aut alias res in societatem tradent, de certo lucro, ut præfertur, percipiendo, inter se pacisci, & concordare; neque etiam, sive ad certum sive ad incertum lucrum convenerint, socios qui ea recipient, ad sortem, seu capitale saluum, & integrum, ubi illud casu fortuito perierit, vel amissum erit, reddendum, quovis pacto, aut promissione sibi obligare. Ac ne de cetero societates ineantur sub hujusmodi pactis, & conditionibus, quæ usurariam pravitatem sapiunt, districte interdiciamus, & prohibemus.

§.2. Sed potius cuncti noverint societates hujusmodi, cum in posterum unus pecuniam, animalia, aut alias res, & bona, alter vero operam, vel industriam confert, pure, sincere, & bona fide sicut decet, justis, & æquis conditionibus, & pactis, secundum juris dispositionem, ac sine ulla prorsus fraude, palliatione, aut usurariæ pravitatis labe, aut suspicione, ineundas seu contrahendas esse; ita ut non ad certam summam, aut quantitatem, ab omni periculo, & damno, ut præfertur immunem, lucri nomine persolvendam, neque ad capitale, si casu fortuito perit, restituendum, socius accipiens teneatur. Si vero finita societate ipsum capitale extat, ei qui illud in societatem contulerit, restituatur, nisi socio recipienti fuerit communicatum, aut aliter inter ipsos contrahentes, super eo legitime conventum sit. Ac præterea iidem contrahentes, fructus, expensas, & damna in commune conferant, & prout æquum & justum fuerit, sibi communicent, atque dividant.

§.3. Decernentes, siqui contractus, conventiones, & pactiones in futurum, contra nostram hujusmodi prohibitionem de facto initi fuerint, nullam ex eis, tamquam per hanc eandem Constitutionem nostram, damnatis, & reprobatis, etiam si juramento, aut in forma Camere Apostolicæ, vel alias quomodolibet roborati fuerint, obligationem civilem, aut naturalem oriri, nullamque actionem realem, aut personalem, aut judicis officium, neque aliud quodcumque jus cuiquam competere, neque quo ad sortem, seu capitale integrum recuperandum, quod casu fortuito perierit, aut amissum erit, neque quoad certas summas, & quantitates in singulos annos aut menses lucri socialis nomine promissas.

§.4. Si qui vero in posterum sub prædictis conditionibus, & pactis contrahere temere præsumperint, aut prætextu similitum contractuum, conventionum, & pactio- num societatis nomine initorum, qui hucusque durant, ad exactionem, dictæ fortis, seu capitalis, sive illius precii, & valoris, postquam illud in toto vel in parte casu fortuito perierit, aut amissum sit, aut certa summa, vel quantitatis annuæ, aut menstruæ sibi promissæ in futurum, procedere ausi fuerint, eos universos, & singulos in poenas contra manifestos usurarios, & foeneratores, a sacris Canonibus, & Conciliis generalibus latis, & promulgatis, eo ipso, incurrere, & contra illos, uti manifestos usurarios, & foeneratores, via juris, aliisque opportunis remediis procedi posse, & debere.

§.5. Sicque ab omnibus censeri, & ita quoad præmissa universa, & singula per quoscumque Judices, & Commissarios, quavis auctoritate fungentes, etiam causarum Palatii Apostolici Auditores, ac S. R. E. Cardinales, sublata eis, & eorum cuilibet, quavis aliter judicandi, & interpretandi facultate, & auctoritate, ubique judi-

Contraveni-  
tium poena.

Decretum it-  
ricans.



judicari, & definiri debere, necnon irritum, & inane, si secus super his per quoscunque quavis auctoritate scienter, vel ignoranter contigerit attentari.

Deputatio,  
& facultates  
executorum  
hujus Const.

§.6. Mandamus vero universis, & singulis locorum Ordinariis, per quascunque Provincias, & Regna Christiani Orbis constitutis, & quibuscunque nostris, & Sedis Apostolicæ, etiam de latere Legatis, ac Vicelegatis, ceterisque officialibus, præsertim Provinciarum, & locorum Status nostri Ecclesiastici, ut in suis quisque Civitatibus, Dioecesibus, Provinciis, & locis præsentem nostram Constitutionem publicari, & inviolate observari curent, & contra personas, quæ in futurum, præter & contra prohibitionem hanc nostram pacisci, aut exigere ausæ fuerint, tamquam publicos usarios, & foeneratores per viam accusationis, vel denunciationis, aut inquisitionis, & ex mero officio, prout eis videbitur, procedant, reosque culpabiles repositos condignis poenis, ut supra dictum est, afficiant; invocato etiam, si opus fuerit, auxilio brachii secularis.

Clausula de  
rogatoria.

§.7. Non obstantibus quarumcunque Civitatum, Provinciarum, & locorum, juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis, quorumcunque tenorum existant, sive per modum Constitutionis, & legis perpetuæ quomodolibet concessis, etiam sæpius approbatis, & innovatis, quæ omnia nolumus cuiquam de cetero suffragari.

Jussio publi-  
candi hanc Bul-  
lam.

§.8. Ut autem præsentis literæ ad omnium notitiam deducantur, neve aliquis earum ignorantiam prætereunda valeat, volumus, ut illæ in valvis Basilicarum Principis Apostolorum de Urbe, & Sancti Joannis Lateranen., & Cancellariæ Apostolicæ, atque in acie Campi Floræ, per aliquem ex nostris Cursoribus de more publicentur, dimissis, & affixis earum exemplis in acie, & valvis prædictis.

Fides trans-  
ptorum.  
D. P. An. II.  
21. Octobris.

§.9. Earumque transumptis etiam impressis, &c. Nulli ergo &c.

Datum Romæ apud Sanctum Marcum, Anno Incarnationis Dominicæ, millesimo quingentesimo octuagesimo sexto, decimo secundo Kalendas Novembris, Pontificatus nostri Anno II.

## LXIX.

Ex Regest. in  
Secret. Brev.

Concessio Privilegiorum Hebræis in Statu Ecclesiastico commorantibus, iisque, qui in eodem Statu vel mansionem, vel commercium fixerint.

S I X T U S P A P A V.

Ad perpetuam rei memoriam.

Exordium.

Christianæ pietas infelicem Hebræorum statum commiserans, illos apud se patitur diversari, ac etiam singulari complectitur humanitate, ut crebro illorum

Bull. Rom. Tom. IV. Par. IV.

intuitu Passionis Domini memoria Fidelium oculis frequentius obversetur, ipsique Hebræi hujusmodi pietate compuncti, suos agnoscant errores, ad verum lumen, quod est Jesus Christus, perveniat claritatis.

§.1. Unde, & Nos, qui Hebræis ipsis nostra præsidia poscentibus ex iniuncto Nobis Apostolicæ servitutis Officio Christianæ pietatis mansuetudinem non denegamus, fel. rec. Pii Papæ IV., & plurimorum aliorum Romanorum Pontificum Prædecessorum nostrorum vestigia secuti, statui Universitatibus Hebræorum opportune providere volentes Motu proprio, non ad ipsorum, vel alicujus eorum, aut alterius pro eis super hoc Nobis oblata petitionis instantiam, sed de nostra mera deliberatione, & ex certa scientia, ac de Apostolicæ potestatis plenitudine infra scripta privilegia, Indulta, & gratias vulgari idiomate expressa, ut facilius illa unusquisque eorum intelligere possit, tenore præsentium perpetuo eisdem Hebræis concedimus, & elargimur. Tenor autem privilegiorum, Indultorum, & gratiarum hujusmodi talis est, videlicet:

Sixtus non-  
nulla Privile-  
gia Hebræo-  
rum Univer-  
sitati conce-  
dit.

§.2. Concediamo generalmente, che ogni Ebreo di qualsivoglia sesso, grado, condizione, e stato possi ora, e da qui in anti a loro beneplacito venire, e praticare per tutto lo Stato Ecclesiastico, ed abitare nelle Città, Castelli grossi, e Terre di esso Stato, eccettuate le Ville, e Borghi, vivendo conforme alle presenti Costituzioni, e possino liberamente fare ogni sorte di arte, esercizio, traffico, e mercanzia, di Grano, Frumento, Vino, Socita de animali, e seminare de grani: E similmente possino fare con Cristiani partiti, ed avere pratiche, familiarità, ed amicizie con essi per le occasioni sudette, valendosi delli mestieri, officij, esercizj, e manualità de' Cristiani con pagare le loro oneste, e debite mercedi: E particolarmente de' Macellari Cristiani, quali siano tenuti darli Carne secondo si usa in Ancona, ed altri luoghi al prezzo, che pagano li Cristiani: Non possino però tener servitori, ò serve Cristiane, nè farli fare cose, che à essi Cristiani sia proibito, conforme alle Costituzioni de' Pontefici.

Facultas ei  
data in Statu  
Ecclesiastico  
permanendi,  
ac quascum-  
que Artes ex-  
ercendi, nec-  
non victualia  
a Christianis  
recipiendi.

§.3. Nelle Città, Castelli, e Terre, ove verranno novamente ad abitare essi Ebrei li siano assegnate case, abitazioni, e luoghi commodi, ed atti al Rito, vivere con famiglie, traffichi, mercanzie, e simili negozj loro con ordine, che li affitti nel principio siano onesti secondo il solito, nè mai più si possino accrescere, ò alterare, conforme anco alle lettere di Pio IV.

In locis, Op-  
pidis, ac Ci-  
vitatibus ho-  
nesti pretio  
eis locandæ  
Domus.

§.4. Ancora ci compiaciamo di tollerare essi Ebrei, e li loro Riti, Costituzioni, e Leggi, e similmente permettiamo, che possino tener tutti li libri Ebraici, spurgati che siano, ò vero purgati che nell' avvenire faranno dalle blasfemie contro Santa Chiesa, e con la mutazione delli nomi, secondo fu già nel Concilio Tridentino, e da Pio Quarto, e di parere di Pio V.

Usus proprii  
Ritus eis con-  
cessus: certu-  
que præfinitu  
Datum, ul-  
traquod nil  
solvere teneat-  
ur.



allora Cardinale Aleffandrino stabilito, ed ordinato, come appare nell' Indice, e per scritture del Secretario di detto Concilio: Nè mai sia astretto alcun' Ebreo nelli giorni Festivi, ò delle loro Solennità comparire in Giudizio per cause Civili, nè fare cose, che siano contro li loro Riti, e Leggi. Quelli Ebrei, che di nuovo entreranno, e verranno per l' avvenire ad abitare nello Stato Ecclesiastico pagando li Maschi dall' età di quindici anni, fino alli sessanta venti giulj per testa subito, che entreranno per entrata, poi similmente dodici giulj ogni anno per testa alla Reverenda Camera Apostolica, fin che essi vi saranno, ò viveranno, pagandosi la metà delli sudetti dodici giulj in fine di ciascuno semestre, cominciando li sei mesi del pagamento del primo semestre, dal primo dì, che entreranno. Non siano tenuti mai à pagare, ò conferire per altre gravezze, pesi, vigesime, imposte, ò balcelli di qualsivoglia sorte, ò causa messi, ò imposti, ò che si mettessero, ò che s' imponessero, eccettuato il pagamento annuo, che si fa in Campidoglio per il giogo di Nagone, Testaccio, ò Palj; ma possono godere nelli luoghi, ove staranno, quelle utilità, commodi, e privilegi, che godono l' istessi Cristiani per le cose, di che essi Ebrei saranno capaci: meno siano tenuti quelli, che di nuovo entreranno pagare residui de vigesima alcuna, caso ve ne fossero, nè soddisfare ad alcuni debiti d' Università, ò Comunità passati, ma solamente ogni particolare Ebreo sia tenuto a soddisfare suoi privati, e particolari debiti, conforme alla ragione.

Datà facultas  
Synagogas a-  
periendi, &  
Cemeteria  
constituendi.

§.5. Gl' Ebrei, che di nuovo entreranno nel sudetto Stato possono avere, ed aprire le Scole, e Sinagoghe, ove dicono, e compiscono li loro Officj, e Riti, in quella Città, Castelli, e Terre, dove n'erano prima aperte, pagando per l' avvenire solamente per le Scole, che s' apriranno, e s' useranno, alla Casa de' Catecumeni in Roma il loro Ordinario; non essendo però tenuti per il tempo passato, ò per altre non aperte ò già debitorie, ò fallite à soddisfare cosa alcuna: Insieme li sia lecito, e permesso recuperare li luoghi, dove seppellivano i morti, pagando alli Possessori, e Patroni, che l' avranno comprati il loro prezzo, e che possono novamente comprarne a questo effetto con assenso degl' Ordinarij: Similmente possono l' Ebrei usare li Terreni comprati al detto effetto di tempo in tempo le parti bisognevoli per le sepolture, ed il resto goderlo à modo loro, ò affittarlo.

Telonia si ape-  
riantur, quid  
sit licitū He-  
brais.

§.6. Erigendosi di nuovo Banchi nelle Città, Castelli, ò Terre di detto Stato godino li Banchieri, e osservino quelli Capitoli, e tolleranze, che sono già in convenzione con la Camera Apostolica confermati da Pio IV., ed altri, ove secondo, che conveniranno con le Comunità delli luoghi, ma però con partecipazione, & assenso della Reverenda Camera Apostoli-

ca, non intendendo essi Ebrei vendere li pegni prima de' dicidotto mesi, nè riscuotere interessi de' interessi, nè fare cosa contra l' onesto.

§.7. Li Vescovi residenti nelle Città, e nelli altri luoghi, li Governatori, ò vero Ministri principali delle Terre, ò Castelli rispettivamente siano Giudici competenti, e nelle liti, che verteranno sì tra essi Ebrei, come tra essi, e Cristiani, amministrino la Giustizia, ma nel procedere osservino li statuti de' luoghi, ed il modo, che si osserva tra Cristiani soli. E nel giudicare sia terminato conforme alla ragione, e giustizia, ò leggi, considerata però la qualità delle persone, differenze, e cause; E possino servirsi de' Notari, Sollecitatori, Procuratori, e Avvocati Cristiani, satisfacendoli per li loro rogiti, scritture, patrocinio, e fatiche le giuste, ed oneste mercedi, come pagano i Cristiani. Non si possi ad alcuna sorte di credito presente, passato, ò futuro delli Ebrei apponere, & allegare altra prescrizione di tempo, che quella, qual' è stabilita, ò terminata di ragione &c., come anco altre volte li è stato concesso.

§.8. A tutti li Ebrei universalmente, e singolarmente concediamo assoluzione generale d' ogni debito in qualsivoglia modo fin qui commesso, purchè sopra di esso non s'ia carcerato, processato, ò inquisito al presente, eccettuato l' omicidio, falsa moneta, ribellione, ò sacrilegio, qual assoluzione nell' avvenire si farà come era solito farsi da' Pontefici passati, massime da Pio IV., e per mezzo della Camera Apostolica à tempo di Pio V. e da Gregorio XIII. Nè per cause, ò delitti presenti criminali possono nell' avvenire essere molestati in giudizio passato un' anno, come anco Pio IV. li grazia, eccettuati però li delitti sudetti, e l' interesse della parte.

§.9. Li Ebrei tutti di qualsivoglia sesso, e stato nelli viaggi loro possono liberamente, e continuamente andare, e ritornare senza segno alcuno, e similmente senza esso andare alle fiere, starvi, e ritornarne nel modo, che li Ebrei di Roma vanno, ed usano, conforme all' istromento fatto con la Reverenda Camera Apostolica del 21. Aprile 1581. purchè fermandosi in Fiere, ò Terra più di un dì debbano portare il segno. Andando generalmente li Ebrei per viaggio non siano tenuti nè astretti pagare passaggi, gabelle, datii, ò pedaggi per le loro persone, nè meno per li loro beni, robbe, ò mercanzie, se non come quello, e quanto li Cristiani, il che anco li fu altre volte concesso da' Pontefici. Nessun' Ebreo navigando per Mare così nell' andare, come nel ritornare possi essere preso per Schiavo, nè spogliato, ò privato de' suoi beni, ò mercanzia &c., confermandosi li Brevi di Paolo III. e di Gregorio XIII. sopra ciò concessi. E possono portare, condurre, ò mandare liberamente Mercanzie non proibite delle parti di Levante in Cristianità, e di Cristianità in Levante, come fan-

Causa ab Dr.  
dinatis loco-  
rum, aliisque  
Iudicibus a-  
gnoscente ju-  
sta solutum  
stylum.

Quibus in-  
criminibus co-  
tra Hebræos  
ad Statum Ec-  
clesiasticum  
accedere pro-  
cedi possit.

Alia Privile-  
gia eis con-  
cessa.



me fanno li Cristiani. Non sia lecito ad alcun Cristiano di qualsivoglia grado, sesso, e condizione Battezzare, far violenza, o far Battezzare alcuno Ebreo di qual sesso si sia, non avendo licenza, o commandamento dalli suoi Ordinarij, e ciò conforme all' ordini, e disposizioni de Sacri Canonij, Concilij, e Costituzione de' Pontefici.

Quando te-  
neantur Con-  
fessiones a Chri-  
stianis audire.

§.10. Li Uomini maschi Ebrei siano tenuti andare ad udire Prediche, e Sermoni di Cristiani tre volte l' anno, quando saranno invitati, o chiamati da' Predicatori, e tre altre volte l' Anno in qualche Solennità, quando paresse, o fossero invitati dalli Ordinarij, nel resto del tempo niuno sia astretto, ma possi andarvi à suo beneplacito anco non invitati.

Medici He-  
braei appro-  
bati Infir-  
morum Chri-  
stianorum curam  
suscipere pos-  
sunt.

§.11. Ogni Medico Ebreo, che da Noi, e dalla Sede Apostolica averà licenza, possa medicare Cristiani liberamente senza scrupolo di Cristiani, conforme alle licenze, & assenti de' Pontefici.

Præmissa om-  
nia servari  
præcipit.

§.12. Decernentes præmissa omnia, & singula in præsentibus nostris literis contenta inviolabiliter observari; sicque per quoscunque Iudices, & Commissarios quavis auctoritate fungentes, etiam causarum Palatii Apostolici Auditores, & Sedis Apostolicæ de latere Legatos, sublata eis, & eorum cuilibet quavis aliter judicandi, & interpretandi facultate, & auctoritate, ubique judicari, ac diffiniri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Præsentium  
Exequutores  
deputati.

§.13. Quo circa dilectis filiis nostro, & S. R. E. Camerario, ac etiam nostro in Alma Urbe, ejusque districtu in spiritualibus Vicario Generali, & Curiaë Causarum Camera Apostolicæ generali Auditori, motu simili per præsentis mandamus, quatenus ipsi, vel duo, aut unus eorum per se, vel alium, seu alios præsentis literas, & in eis contenta quæcumque, ubi, & quando opus fuerit, ac quoties pro parte dictorum Hebræorum desuper fuerint requisiti, solemniter publicantes, ac eis in præmissis efficacis defensionis præsidio assistentes faciant auctoritate nostra concessione, indulto, voluntate, permissione, liberatione, absolutione, decreto, confirmatione, approbatione, aliisque præmissis omnibus, & singulis pacifice frui, & gaudere, non permittentes eos desuper contra præsentium tenorem quomodolibet molestari, contraditores quoslibet, ac rebelles, & præmissis non parentes per sententias, censuras, & poenas Ecclesiasticas, aliaque opportuna Juris, & facti remedia, appellatione postposita, compescendo, invocato etiam ad hoc, si opus fuerit, auxilio brachii secularis.

Prædecesso-  
rum Pontifi-  
cum Privile-  
gia, & Con-  
stitutiones cõ-  
firmat.

§.14. Confirmantes, & approbantes omnia, & singula privilegia, Constitutiones, gratias, indulta, & literas per Nos, & alios Romanos Pontifices Prædecessores nostros in parte, & partibus dictis Hebræorum Universitatibus quomodolibet concessa, & de prædictis loquentia.

Bull. Rom. Tom. IV. Part. IV.

§.15. Non obstantibus fe. re. Pauli Papæ IV. sub dat. videlicet Pridie Idus Julii Pontificatus sui anno Primo, necnon piæ me. Pii Papæ Quinti illius confirmatoria sub dat. videlicet tertiodécimo Kal. Maii, & alia quarto Kalendas Martii Pontificatus sui respectivè I., & IV. annis, ac dicti Pii IV. de registrandis gratiis interesse Camera Apostolicæ concernentibus in libris ejusdem Camera infra certum tunc expressum tempus, ac aliorum quorumcumque Romanorum Pontificum Prædecessorum nostrorum Constitutionibus, & Ordinationibus, privilegiis quoque, Indultis, & literis Apostolicis sub quibuscumque verborum formis, & clausulis, etiam derogatoriis, aliisque efficacioribus, & insolitis clausulis, irritantibusque, & aliis Decretis quibuscumque Terris, Oppidis, & locis in contrarium quomodolibet concessis, approbatis, & innovatis. Quibus omnibus, etiam si pro illorum sufficiente derogatione de illis, eorumque totis tenoribus, specialis, specifica, expressa, & individua, non autem per clausulas generales idem importantes mentio, seu quavis alia expressio habenda foret, illorum tenores, præsentibus pro expressis habentes, illis alias in suo robore permanfuris, hac vice dumtaxat specialiter, & expresse derogamus, contrariis quibuscumque.

Aut si aliquibus communiter, vel divisim ab eadem sit Sede indultum, quod interdici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

§.16. Ceterum, quia difficile foret &c. Datum Romæ apud S. Petrum sub annulo Piscatoris die 22. Octobris 1586. Pontificatus nostri Anno II.

Transumptis  
credi jubet.  
Dat. die 22.  
Octob. 1586.  
An. II.

## LXX.

De temeraria tori separatione, ac publicis adulteriis, stupris, & lenociniis, in quibusdam casibus severius in Alma Urbe puniendis.

Quo ad lenocinia, & supra in Urbe contin-  
gentia vide etiam in Pauli IV. Con. XXVI.  
Sanctissimus. Tom. IV. Part. I. fol. 354.

## SIXTUS EPISCOPUS

SERVUS SERVORUM DEI

Ad perpetuam rei memoriam.

**A**D compescendam quantum in Nobis Procemium.  
est, carnis in lasciviam prolabantis petulantiam, præcipue vero continendos in Officio sanctissimis pudicitia, & honestatis legibus subditos nostros, libenter omnem curam, & sollicitudinem adhibemus. Nam, & hoc ipsum arbitramur paternæ caritatis, & providentiæ proprium, maximeque congruum munus, exquisita quadam diligentia, nova quotidie remedia, &



subsidia comparare, quibus a Christianis delictibus peccati, & scandalii occasionem, Domino adjuvante, submoveamus, & occurrendum est vehementiori studio, ut nequaquam inolecant in publicæ honestatis dedecus, pudoris, & Christianæ disciplinæ detrimentum, ac animarum perniciem, graviorum quorundam flagitiorum corruptela, quale est adulterium, divinis, humanisque legibus damnatum, præsertim si publico scandalo impudenter committatur, per quod sanctum matrimonii foedus, Deo auctore, junctum sacrilege violatur, cum tamen illud oporteat caste, & religiose custodiri, dicente Apostolo: Honorabile concubium in omnibus, & torus immaculatus, ac conjuges mutua se debeant charitate diligere, eodem Apostolo monente: Viri diligite uxores vestras, sicut & Christus dilexit Ecclesiam, & se ipsum tradidit pro ea. Et iterum: Mulieres subditæ estote viris sicut oportet in Domino: Viri diligite uxores vestras, & nolite amari esse ad illas.

Adulteriorum  
execratio.

§.1. Invigilandum quoque Nobis est, ut avertamus a Christianis delictibus divinæ majestatis iram, indignationem, atque flagella, quæ propter hujusmodi foeda carnis peccata, & scelera, in filios diffidentia, præsertim vero in violatores alieni tori gravissima divinitus immitti solent, quemadmodum sacrarum testimonio scripturarum, tum variis successibus, permultisque exemplis comprobatur, tum vel maxime ex iis, quæ Pharaoni Ægypti Regi, & Abimelech Regi Geraræ, quod Saram Abrahamæ uxorem abduxissent, signis clarioribus evenerunt, præter æternæ damnationis poenam, quam iidem miserabiliter incurrunt. Nam sicut idem pronunciat Apostolus: Adulteros, & fornicatores judicabit Deus. Etsi ulla unquam tempora fuerunt, quæ judiciorum, & legum severitatem requirerent, certe hæc ipsa temporum conditio, qua nos Deus ad Ecclesiæ suæ gubernacula vocavit, hoc vel maxime exposcit. Nam, ut est fragilis, & fluxa mortalium natura, & ad malum prona, nisi divina bonitas adjuvet, & eorum, qui præsent, frænum cohibeat: ita plurimis ab hinc annis propter nimiam ipsorum malitiam, depravatamque peccandi consuetudinem, & effrenatam audaciam, vitiorumque licentiam, improbi homines tantum sibi sumpserunt, ut sperarent quicquid eis libitum esset, id se impune perpetrare posse. Igitur post repressam sceleratorum audaciam, qui cadibus, & latrociniiis ditionem Ecclesiasticam, atque adeo suburbana loca vexabant, nunc etiam in Urbe, ut quod aque necessarium est, inde sumamus initium, corroboranda fides concubialis, comprimendæ publicæ præsertim moechantium libidines, & alienis conjugiiis insidiantium impudens nequitia coercenda, legitime sobolis honestæ propagationi consulendum, & si qua dissoluta, aut dilapsa fluxerunt, severis legibus vincienda sunt, præcipueque curandum, ne qui Cives, aut incolæ sanctæ hujus, & Sacerdotalis Civitatis flagitiorum turpitudine, per varias machi-

nationes, & fraudes diabolico astu adinventas polluantur, sed ab eorum commercio pravi abusus, & publicæ ignominia labes, nostris potissimum temporibus exterminentur, perpetuo exulent, ac potius hæc Alma Urbs nostra omni virtutum genere florens, pura, & immaculata luceat splendore, & munditia honestatis suæ, omnesque externas gentes ad sui imitationem convertat. Id enim postulat ipsius Urbis sanctitas, & religio, quæ Sanctorum Apostolorum, & innumerabilium Martyrum sanguine consecrata, atque adeo perfusa est, ut quoquo pedem quis ponat, credere possit se venerandos eorum cineres calcare. Id præterea requirit dignitas ipsius Civitatis, quæ nostra propria Sedes caput Orbis, & Religionis effecta, benigne excipit gremio suo quasi communis patria omnes undique nationes ex remotissimis regionibus, & ultimis terris ad eam confluentes. Id denique exigit communis utilitas universi populi Christiani, ut obstructo ore impiorum, advenæ petentes hinc disciplinam, mores, regulam, normamque vivendi, spiritualis ædificii non minus, quam materialium operum structuram admirentur, urbanisque exemplis meliores effecti ad suos revertantur. Proinde ad servandam invicem inter conjuges perpetua fide, & concordia Societatem, & ad publicæ honestatis pudorem illibate tuendum, super infra scriptis capitibus præsentis nostræ, in eadem Urbe dumtaxat perpetuo valitura Constitutione duximus providendum.

§.2. Primum igitur cum matrimonium individuum vitæ consuetudinem continere debeat, idque non solum naturali jure, sed etiam divino manifestius comprobetur, dum dicitur: Relinquet homo patrem suum, & matrem, & adhærebit uxori suæ, & erunt duo in carne una, & Christus Dominus noster in Evangelio subjungat: Itaque jam non sunt duo, sed una caro: quod ergo Deus conjunxit, homo non separet. Ac denique testetur Apostolus: Sacramentum hoc magnum esse in Christo, & in Ecclesia. Et propterea nefas sit conjuges fideles se propria voluntate, aut arbitrio a conjugali toto separare, nisi ex causâ a Sacris Canonibus permessa, & auctoritate, ac judicio Ecclesiæ cognita, & probata. Idcirco ne quis in posterum hujusmodi facinus impune committat, vel attentare audeat, Apostolica auctoritate statuimus, & ordinamus, ut conjuges, qui quæve indissolubilem matrimonii nexum divina lege copulatum contemnent, sine Ecclesiæ judicio, seu Ecclesiastici judicis sententia, propria temeritate a communi cohabitatione discesserint, aut se a conjugali toro separare præsumpserint, arbitrio judicum pro excessum gravitate puniantur.

§.3. Sed, & si per sententiam judicis Ecclesiastici separatio facta fuerit, ne ipsi conjuges Sacrorum Canonum, & publica judicum auctoritate abutentes, delinquendi, & adulteria committendi occasionem sumant, statuimus, & decernimus, maritum, qui

Conjuges temere se a communi cohabitatione, & conjugali toro separantes, arbitrio Judicis puniantur.

Maritus Judicis auctoritate tori separationem obtinens, & deinde impudenter vitæ ducens, ita ut ap-



pareat, quod  
separationem  
affectavit, ut  
luxuriose vi-  
veret poena,  
ultimi suppli-  
cii plectatur.

qui dolo, aut fraude, five alias quavis occasione, vel causa, etiam secundum juris Canonici dispositionem, separationem tori ab uxore sua affectaverit, procuraverit, & obtinuerit, seque a cohabitatione uxoris cum effectu separaverit, ac post a se abjectam, vel amotam uxorem, pellicem, vel concubinam palam induxerit, & retinuerit, aut cum scortis, & meretricibus, & aliis mulieribus impuram vitam duxerit, adeoque impudenter se volutaverit in cœno luxuriæ, & adulteriis, ut vel ex eo satis constet ipsum ad exercendam liberius libidinem suam se ab honestissimo matrimonii iugo exolvendi causam de industria quævisse, poena ultimi supplicii plectendum esse.

Uxor quæ separationem obtinuerit, impudiceque postea vixerit & complura adulteria commiserit, aut palam quæstum fecerit, eandem poenam incurrat.

§.4. Similiter uxorem, quæ instigante antiquo pacis, & pudicitie hoste, sub prætextu morum, sævitie, furoris, vel insanie, impotentie coeundi, maleficii, aut alterius canonici impedimenti, vel alicujus delicti marito suo objecti, aut alias quoquo modo suscitatis contra maritum discordiis, ac dissidiis, etiam ad id via juris procedendo subterfugium obedientie maritalis improbe exquisierit, & frangum, ac jugum viri sui excutere, seque ab illo eximere procuraverit, aut certe culpa sua marito petendæ separationis causam præbuerit, & postea quam a connubiali toro iudicio Ecclesiæ separata extiterit, quasi auctoritate legum, & iudiciorum suæ luxuriæ explendæ occasionem nacta, se scandalosæ, & impudicæ vitæ dederit, & complura, ac cum diversis personis adulteria perpetraverit, aut se in prædam adulterorum turpiter commaculandam publice exposuerit, five palam quæstum fecerit, eadem poena ultimi supplicii puniri volumus.

Uxor quæ ex aliquo loco, per iudicem, sibi assignato aufugerit, & impudice vixerit, eadem poena capitis puniatur.

§.5. Quod si pendentibus huiusmodi litibus, & controversiis, super separatione, vel divortio, aut subsecuta, ut præmittitur, tori separatione, uxor ipsa arbitrio Iudicis, ad quem spectaverit, in Monasterio aliquo Monialium, aut certe in aliquo tuto, & honesto loco, five apud aliquas probas, honestas, & non suspectas personas deposita, & collocata fuerit (super quo etiam, ut id magna adhibita cautione, & sine aliquo periculo, aut suspitione circumspicte fiat, Iudicis ipsius conscientiam oneramus) statuimus, ut ipsa uxor sic deposita, & collocata, si e Monasterio sine licentia sui Iudicis, violata clausura exiverit, five a custodia, & cura, vel alio honesto loco sibi per Iudicem assignato, temerario ausu aufugerit, & vitam impudicam, & inhonestam duxerit, eadem etiam poena plectatur.

Qui ut virginem vel conjugatam cognosceret, patrem aut matrem, vel tutorem &c. carcerati fecerit, illamque stupraverit, vel adulteraverit eadem poena plectatur.

§.6. Præterea eum, qui ut virginem, aliquam, aut alienam uxorem, stupro, five adulterio corrumpat, aut polluat, ejus patrem, aut matrem, fratrem, five sororem, aut maritum, aliamve personam, sub cuius cura, tutela, custodia, vel potestate illa existit, prætextu cujusvis causæ civilis, criminalis, aut mixtæ, etiam ad procuratoris Fisci instantiam in carcerem detrudi, directe, vel indirecte procuraverit, & ea

occasione deinde virginem illam, five uxorem alienam stupraverit, aut adulteraverit, cum & is quoque suæ prava concupiscentiæ explendæ causa, publica legum, & Magistratum potestate imprudenter abutatur, & sub colore iudicii, innocentes, atque incautos opprimat, dicta quoque poena statui-  
mus puniendum.

§.7. Ac postremo etiam in patrem, matrem, aut virum, qui quæve suæ filie virginis pudorem, aut propriam uxorem in prædam alienæ libidinis tradiderit, & re ipsa prostituerit, aut induxerit, ut contra jus, & fas, stupra, & adulteria, quæstus, aut alia quavis causa palam exercent, poena eadem volumus animadverti.

§.8. Antiquis tamen iuribus contra ceteros adulteros, & adulteras, lenones, & lenas, ac supra, & huiusmodi facinoræ perpetrantes promulgatis, alias in suo robore permansuris.

§.9. Ceterum quemadmodum hac nostra Constitutione in Nobis propositum est, ut si quos homines in posterum, honestatis, ac divinæ legis interdum oblivio cœperit, eos saltem supplicii metus, a flagitiis sceleribusque deterreat; ita hodie tales nullos esse vehementer optamus. Quod si quæ forte sint conjugata, quæ palam impudice, ac turpiter vivant, iis novem dumtaxat dierum spatium, post huius Constitutionis publicationem ad resipiscendum damus, intra quod tempus, si velint redire ad cor, venerabilem fratrem nostrum Jacobum, Episcopum Portuensensem Cardinalem Sabelium, nostrum in prædicta Urbe Vicarium, vel ejus Vicesgerentem adire debeant, eisque polliceri se deinceps pudicam vitam acturas, & aut cum suis viris cohabitaturas, aut honesto in loco, ubi ab ipsis iudicibus, ut supra dictum est, collocata, seu deposita fuerint, permansuras. Quo termino elapso, contra sic ut supra delinquentes, ad penas prædictas omnino procedi mandamus.

§.10. Decernentes sic per quoscumque iudicari debere, irritumque, & inane, si secus super his a quoquam quavis auctoritate scienter, vel ignoranter contigerit attentari.

§.11. Et nihilominus mandamus universis, & singulis dictæ Urbis iudicibus ordinariis pro tempore existentibus, quibus contra reos talium criminum, aut quo ad causas huiusmodi iurisdicção competit, vel in futurum competet, ut curent præmissa omnia juxta præsentium literarum continentiam, & tenorem, firmiter, & inviolate perpetuis futuris temporibus observari, & contra criminosos, ac delinquentes prædictos utriusque sexus inquirent, & procedant, ac in eos juxta præmissa culpabiles repertos, prædictis poenis, ut supra dispositum est, animadvertant, contumaces, rebelles, & inobedientes, eisque auxilium, consilium, vel favorem quomodolibet præstantes, per opportuna juris, & facti remedia, appellatione postposita, compescendo, invocato, etiam, ac adhibito, si opus fuerit, auxilio brachii secularis.

§.12. Non

Parentes aut mariti suas filias, vel uxores ad palam luxuriose vivendum, inducentes, eadem poena puniantur.

Contra alios adulteros, Lenones, &c. antiqua jura servantur.

Conjugatæ palam impudice viventes resipiscant, alioquin penas prædictas incurrant.

Decretum irritans.

Iudicum facultates procedendi contra delinquentes.



§.12. Non obstantibus Constitutionibus, & Ordinationibus Apostolicis, dictæ Urbis statutis, reformationibus, & consuetudinibus, etiam juramento, confirmatione Apostolica, vel quavis firmitate alia roboratis, privilegiis quoque, indultis, & literis Apostolicis, Populo Romano, vel Curialibus, aut aliis personis, etiam Motu proprio, & consistorialiter, seu alias quomodolibet concessis, approbatis, & innovatis, & quibuslibet aliis indulgentiis, generalibus, vel specialibus, quorumcumque tenorum existant, per quæ presentibus non expressa, vel totaliter non inserta, effectus earum impediri valeat quomodolibet, vel differri, & de quibus, quorumque totis tenoribus, habenda esset in eisdem nostris literis mentio specialis. Quæ omnia nemini volumus adversus præmissa, in aliquo suffragari, atque illis ad effectum earumdem presentium dumtaxat specialiter, & expresse derogamus, ceterisque contrariis quibuscumque. Volumus autem, ut ipsarum presentium transumptis, etiam impressis, manu Notarii publici subscriptis, & sigillo alicujus personæ in dignitate Ecclesiastica constitutæ munitis, eadem prorsus fides in iudicio, & extra illud habeatur, quæ eisdem originalibus haberetur, si forent exhibitæ, vel ostensæ.

Forma & effectus publicandi hujus Constitutionis

§.13. Quodque eadem presentes ad valvas Lateranen. & Principis Apostolorum de Urbe Basilicarum, ac in acie Campi Floræ, de more publicentur, affixis, & dimissis inibi earum exemplis, quodque post decem dies, ab hujusmodi publicatione numerandos, statim incipiant, unumquemque arctare, perinde, ac si personaliter omnibus intimatæ forent, cum non sit verisimile a quoquam id ignorari, quod tam patenter cunctis fuerit intimatum.

Sanctio pœnalis.

§.14. Nulli ergo omnino hominum liceat hanc paginam nostrorum statutorum, ordinationis, onerationis, decretorum, mandati, derogationis, & voluntatum infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus, se noverit incursum.

D. P. An. II.  
30. Octobris.

Datum Romæ apud Sanctum Petrum, Anno Incarnationis Dominicæ, millesimo quingentesimo octuagesimo sexto, tertio Kal. Novembris, Pontificatus nostri Anno Secundo.

Publicatio.

Anno a Nativitate Domini 1586. indict. 14. die vero 3. mensis Novembris, Pontificatus Sanctissimi in Christo Patris, & D. N. D. Sixti divina Providentia Papa V. Anno II. retroscriptæ literæ Apostolicæ lectæ, affixæ, & publicatæ fuerunt, & per aliquod temporis spatium dimissæ in valvis, seu portis Basilicarum Sancti Joannis Lateranensis, & Sancti Petri Principis Apostolorum de Urbe, ac Cancellariæ Apostolicæ, per nos Joannem Burlurault, & Octavium Tagliettum Sanctissimi D. N. Papæ Cursores, necnon in acie Campi Floræ, per eosdem Cursores.

Alex. Parabiacus Mag. Curs.

Jurisdicctio Judicis Causarum, Beneficialis confidentiæ, & simoniæ, & cum eis connexitatem habentium, in Romana Curia movendarum, aut per appellationem a Judicibus extra Curia introduendarum.

De ejusmodi materiis attende Constitut. IX. Cum detestabile, Pauli II. de Simon. Tom. III. Par. III. fol. 10., & Constit. XCIX. Pii IV. Romanum To. IV. Par. II. fol. 190. atque Pii V. Constit. CXVII. Intolerabilis Tom. IV. Par. III. fol. 67. cum ibi notatis, ubi Constitutiones dictorum Pii IV. & Pii V. extenduntur ad Regnum Galliæ.

## SIXTUS EPISCOPUS

SERVUS SERVORUM DEI

Ad perpetuam rei memoriam.

**D**ivina Dei providentia, quæ cunctorum fidelium cœtum per diversa tribunalia statuit in rectitudine gubernandum, in superno justitiæ throno, meritis licet imparibus constituti, nunc in muneribus, & officiis ad ipsius justitiæ cultum instituentis, nunc pro personis idoneis ad illa assumendis, & condignis titulis decorandis, aciem nostræ mentis sedulo convertimus, & quæ ad officiorum, & personarum hujusmodi stabiliendam jurisdictionem, salubremque directionem pertinere noscuntur, ne propter varios diversorum Judicum, & Tribunalium concursus, & varias procedendi formas desuper dubitari contingat, ex Pastoralis nostri officii debito constituimus, ac in his ejusdem officii nostri partes favorabiliter impartimur, prout rerum & causarum circumstantiis debite pensatis, conspiciamus in Domino salubriter expedire.

Proemium.

§.1. Cum itaque alias fel. rec. Pius Papa V. Prædecessor noster, omnium causarum confidentialium pro tempore movendarum cognitionem, & decisionem, ac literarum Apostolicarum a piæ mem. Pio Papa IV., etiam Prædecessore nostro super hujusmodi confidentiis emanatarum, executionem sibi, & Successoribus suis reservaverit, & postmodum ob varias, & continuas pro tempore existen. Rom. Pont. in gravissimis, & arduissimis totius Reipublicæ Christianæ negociis occupationes, causæ ipsæ in Romana Curia pro tempore motæ, & introductæ per particularem Judicem, ex delegatione Apostolica, audiri, decidi, & cognosci consueverint, ipse autem Judex nedom solo Romani Pontificis nutu amovibilis, sed etiam sibi contra ordinarios collatores Episcopos, & alios superiores Prælatos hac confidentiali labe plerumque infectos, procedendi facultas præclusa existat, qui etiam in hujusmodi causarum prosecutione, ut plurimum delegantur, diversæ simoniæ pravitates, & aliæ illicitæ pactiones, quæ licet ex istis confidentiis resultent, seu illis mixtæ, & conjunctæ sint, tamen a nonnullis prætenditur eas sub facultatibus præfato Judici concessis, minime com-

Pii IV. Pii V. Constitutiones istæ, sunt indicatæ hic in rubr.



comprehendi, nec in illis ab ipso sine speciali Sedis Apostolicæ rescripto posse procedi. Unde fit ut modo ipsius Judicis mutatione, quæ interdum contingit, nunc facultatum suarum angustia, ac etiam delinquentium cavillationibus, & subterfugiis, ejusdem Judicis auctoritas sæpius illudatur, ac ea, quæ ad purgandam hac contagione Dei Ecclesiam a dictis Prædecessoribus sapientissime sunt sancita, ut plurimum debito effectu careant in animarum perniciem, & scandalum plurimorum.

Erectio officii  
Auditoratus  
causarum confidentialium.

§.2. Nos hujusmodi incommodis, pro nostri Pastoralis officii debito obviare cupientes, operæ pretium fore duximus, præfati Judicis personam, speciali titulo, & denominatione decorare, illiusque jurisdictionem ampliare, ut in tribunali suo, tum judicia, tum cetera ad id munus pertinentia perpetuo stabiliantur, ac ad certum debitumque finem ordinentur, necnon literarum, & Constitutionum Pii IV., & Pii V. Prædecessorum hujusmodi, ac præfatorum aliorumque privilegiorum, indultorum, gratiarum, & facultatum, pro tempore existenti Judici causarum confidentialium hujusmodi concessarum, ac sententiarum desuper forsan latorum, & inde secutorum quorumcumque tenores, necnon litium, & causarum hujusmodi status, & merita, nomina, & cognomina colligantium, præsentibus pro expressis habentes, Motu proprio non ad alicujus Nobis super hoc oblata petitionis instantiam, sed ex mera deliberatione, & certa scientia nostra, ac de Apostolicæ potestatis plenitudine, unum officium Auditoratus generalis quarumcumque confidentialium, etiam simoniacam pravitatem, & quamcumque aliam illicitam pactionem inducentium, seu connexitatem aliquam cum confidentia habentium, rerumque omnium inde resultantium, pro uno generali illarum Auditore, qui omnium, & singularum causarum hujusmodi ordinarius Judex existat, & officium ipsum ad ejus vitam obtinere, illudque in nostri, & pro tempore existentis Romani Pontificis manibus quandoque resignare licite possit, ad instar aliorum Romanæ Curia, & dictæ Sedis officiorum vacabilium, & resignabilium, Apostolica auctoritate tenore præsentium, perpetuo erigimus, & instituimus.

Emolumentorum & reddituum assignatio.

§.3. Ibi que sic erecto, & instituto pro illius dote, decimam partem omnium, & singulorum fructuum, reddituum, proventuum, jurium, obventionum, ac etiam distributionum quotidianarum, etiam solis præsentibus, & divinis officiis interessentibus dari, & percipi solitarum, & aliorum quorumcumque emolumentorum, ac etiam pensionum annuarum, cum interventu confidentiæ, vel alias simoniaca, aut alia illicita pactione interveniente, seu quæ commissis confidentiis aliquam dependentiam, vel connexitatem habeat, indebite perceptorum, ad quorum restitutionem, quoscumque per ipsius Auditoris sententiam condemnari, etiam si postmodum per

alios Judices causam fortasse revideri, & dictam sententiam confirmari, seu reformari, ac etiam super quibus, post litem desuper in officio hujusmodi intentatam, quomodolibet componi, vel alias concordari contigerit. Necnon omnia, & singula alia jura, salaria, regalia, & emolumenta quæcumque, ordinaria, & extraordinaria, undecumque, & quomodocumque provenientia, etiam sportulas, vel alio quocumque nomine nuncupata, quæ Judices causarum confidentialium hujusmodi in dicta Curia pro tempore deputati, quomodolibet, & quocumque titulo, vel causa habere, consequi, lucrari, & percipere consueverunt, seu etiam potuerint, ac debuerint, cujuscumque qualitatis, quantitatis, & valoris fuerint, auctoritate, & tenore præsentis, etiam perpetuo applicamus, & appropriamus.

§.4. Necnon quod de cetero pro tempore existens Auditor prædictus, statim a die concessionis sibi de hujusmodi Auditoratus Officio, dicta auctoritate factæ, sit, & esse censeatur noster, & pro tempore existens. Romani Pontificis verus, indubitatus, & non fictus familiaris, continuus Commensalis, & Prælatus domesticus, ac dictæ Sedis Notarius, aliorumque familiarium continuorum Commensalium, Nobis & dicto Romano Pontifici in Palatio Apostolico servientium, ac Prælatorum domesticorum, & ejusdem Sedis Notariorum numero, & consortio favorabiliter aggregatus, ac pro vero, indubitato, & non ficto, nostro, & pro tempore existentis Romani Pontificis familiari, continuo Commensali, & Prælato domestico, Sedisque hujusmodi Notario haberi, & reputari debeat, habituque, & insigniis dictorum Prælatorum, & Notariorum, per quamcumque personam in dignitate Ecclesiastica constitutam, quam ad hoc duxerit eligendam, sibi, recepto prius ab eo fidelitatis, & obedientiæ solito juramento, exhibendis, & conferendis, omnibusque, & singulis ac prorsus similibus privilegiis, præeminentiis, indultis, immunitatibus, libertatibus, exemptionibus, facultatibus, honoribus, antelationibus, prerogativis, favoribus, indultis, concessionibus, & gratiis, tam specialibus quam temporalibus, quibus ceteri nostri, & pro tempore existentis Romani Pontificis veri, indubitati, & non ficti familiares, continui Commensales, ac Prælati domestici, dictæque Sedis Notarii, etiam de numero participantium existentes, etiam si habitum, & rochetum Notariorum Sedis hujusmodi non deferat, de jure, statuto, usu, consuetudine, vel aliquo etiam speciali privilegio, aut alias quomodolibet utuntur, potiuntur, & gaudent, ac uti, potiri, & gaudere possint, & poterunt quomodolibet in futurum, in judicio, & extra, ac ubique locorum absque aliqua prorsus differentia, non solum ad illorum instar, sed pariformiter, & æque principaliter, in omnibus, & per omnia, perinde ac si eidem Auditori pro tempore existenti specialiter, & ex-

Privilegiorum omnium quæ veri familiares Pontificis continque, commensales, & Prælati domestici, Sedisque Apostolicæ Notarii habent concessio.



Jurisdictionis  
cognoscendi  
quacunque  
causas confi-  
denciales, &c.  
concessio.

& expresse per presentes concessa fuissent, sine tamen ipsorum Prælatorum domesticorum, & Notariorum de numero participantium præjudicio, uti, potiri, & gaudere libere, & licite possit, & valeat.

§.5. Ipseque Auditor pro tempore existens, omnes, & singulas dictarum confidentiarum symoniacam pravitatem, vel quamvis aliam illicitam pactionem inducentium, seu aliquam dependentiam vel connexitatem habentium, rerumque omnium inde resultantium causas hujusmodi in eadem Curia quomodocumque, & qualitercumque, ac etiam quascumque personas, etiam Cardinalatus honore, ac Patriarchali, Archiepiscopali, Episcopali dignitatibus fungentes, etiam per viam Inquisitionis, aut ex Officio, seu Apostolica delegatione, vel alias quomodolibet motas, & movendas, ac etiam quæ per viam appellationis a sententiis definitivis, vel interlocutoriis vim definitivæ habentis habentibus, per quoscumque Judices ordinarios, vel delegatos, ac etiam dictæ Sedis Legatos, vel Nuncios pro tempore latis, & promulgatis, ad Sedem præfatam pro tempore interpositæ, seu reclamationis judicialis aut nullitatis, ad Sedem eandem hætenus devolutæ sunt, vel in posterum devolventur, ita ut causæ appellationum hujusmodi per eum solum cognosci, nec alteri, nisi per commissionem in Signatura Gratiæ, vocato ipso Auditore propositam, & manu nostra signatam, committi possit, summarie, simpliciter, & de plano, sine strepitu, & figura judicii, sola veritate inspecta, etiam manu regia, ac terminis substantialibus, qui de stylo seu ordinatione Palatii Apostolici observari consueverunt, penitus omissis, ac etiam quibusvis appellationibus, nullitatibus, & aliis diffugiis prorsus semotis procedendo, una cum omnibus, & singulis earum incident. dependent. emergen. annexis, & connexis, ac etiam toto negotio principali, audien. cognoscendis, decidendis, sineque debito terminandis, etiam singulis diebus, & horis, præterquam in honorem Dei feriatis; necnon super omnibus, & singulis confidentiis, etiam aliquam dependentiam, vel connexitatem cum symoniacam vel alia illicita pactione habentibus, seu mixtis hujusmodi, rebusque omnibus inde resultantibus, tam ad Procuratoris fiscalis denunciationem, & promotionem, quam etiam partium accusationem, seu ex mero Officio inquirendi, omnesque, & singulas hujusmodi confidentialem, & symoniacam pravitatem, vel quamvis aliam illicitam pactionem inducentium, seu aliquam dependentiam, vel connexitatem habentium, rerumque inde resultantium causam, coram quibusvis Judicibus etiam Palatii Apostolici Causarum Auditoribus, inter quascumque personas motas, & movendas, ad se, & suum tribunal avocandi; ac omnes, & singulos dictarum confidentiarum auctores, machinatores, confcios, complices, & alios, quos opus fuerit, ac sua quomodolibet interesse

putantes, etiam per edictum publicum, si ad eos tutus non pateat accessus, citandi, & constituto sibi quantum sufficere videbitur, de judiciis, ad personaliter, vel alias legitime comparandum, sub Excommunicationis, aliisque Ecclesiasticis sententiis, censuris, & poenis, ac privationis omnium, & singulorum beneficiorum, & Officiorum per eos obtentorum, ac inhabilitatis ad illa, & alia quacumque in posterum obtinenda, necnon pecuniariis, aliisque ejus arbitrio, etiam juxta demeritorum exigentiam corporis afflictivis poenis, monendi; eisque ac quibusvis judicibus, tam ordinariis quam commissariis, etiam quacumque auctoritate fungentibus, & functuris, sub similibus sententiis, censuris, & poenis tam in dicta Curia quam extra eam ubilibet inhibendi, detinentes quoscumque libros, scripturas, computa, instrumenta, & alia documenta publica, vel privata dictarum confidentiarum, causas etiam, ut præfertur, mixtas quomodolibet concernentia, ad illa exhibenda, necnon quoslibet testes ad se examini subiiciendum, ac veritatis testimonium perhibendum, etiam ex Officio, vel alias, prout sibi videbitur, per similes censuras, & poenas cogendi, & compellendi, eosque, necnon contradictores quoslibet, & rebelles, sententias, censuras, & poenas, etiam privationis hujusmodi incidisse, servata forma Concilii Tridentini, declarandi, auxiliumque brachii sæcularis invocandi; necnon unum Locumtenentem in hujusmodi causis, cum simili, vel limitata potestate, quoties sibi videbitur, constituendi, & deputandi, eumque revocandi, ac alium ejus loco subrogandi; necnon literas seu Constitutiones Pii IV., & Pii V. Prædecessorum hujusmodi super hujusmodi confidentiis editas, ac omnes, & singulas sententias in dictis causis confidentiarum, tam hætenus per earum Judices, qui pro tempore fuerint, latis, quam in posterum per futurum Auditorem hujusmodi, ejusque Successores ac Locumtenentes ferendas, via executiva, nulla tela judiciaria servata, & quacumque appellatione remota, ac alias juxta literarum, seu Constitutionum præfatarum, ac etiam facultatum dictis Judicibus, per Nos, & Prædecessores nostros quomodolibet concessarum formam, continentiam, & tenorem, plenarie, & totaliter exequendi, & executioni demandandi, mandataque executiva, & alia quomodolibet necessaria, & opportuna decernendi, & relaxandi; ac generaliter omnia, & singula alia, quæ in præmissis omnibus, & singulis quomodolibet necessaria, & opportuna fuerint, faciendi, dicendi, gerendi, exercendi, mandandi, decernendi, statuendi, ordinandi, & exequendi, plenam, liberam, & omnimodam facultatem, potestatem, & auctoritatem habeat, & habere debeat.

§.6. Et quod Officium Notariatus earundem causarum de cetero perpetuis futuris temporibus, ad meram, & liberam pro tempore existentis Auditoris prædicti dispo-

Notarius  
Officii, ad Au-  
ditoratus Offi-  
cium prædi-  
ctum applica-  
tio & concessio.



dispositionem spectet, & pertineat; ipseque pro tempore existens Auditor Officium Notariatus hujusmodi, quod dilectus Filius Prosper Vacea ad hoc a Nobis deputatus ad præsens exercet, cum primum percessum, vel decessum, aut privationem, vel amotionem dicti Prosperi, aut cujusvis alterius, qui illud pro tempore quomodolibet obtinebit, aut alias quovis modo vacaverit, quibusvis personis, de quibus sibi videbitur, per suas patentes literas, sigillo Officii sui Auditoratus, gratis, vel pro pretio reperibili concedere, & assignare, ac soluta sibi solita compositione resignationis de dicto Officio Notariatus pro tempore faciendæ, nec non personam, cui Officium ipsum Notariatus pro tempore concesserit, & assignaverit, ad illud, illiusque liberum exercitium, absque alia nostra, & pro tempore existentis Romani Pontificis concessione, & assignatione, recipere, & admittere, ac per eos, ad quos spectat, & pro tempore spectabit, recipi, & admitti, ac illi de solitis, & consuetis juribus, & emolumentis responderi facere, libere, & licite valeat, eisdem auctoritate, & tenore similiter perpetuo statuimus, & ordinamus.

§.6. Insuper de dilecti filii Magistri Alexandri Catalani Clerici Romani, J. U. D. ac literarum Apostolicarum majoris præsentia Abbreviatoris, & in utraque Signatura nostra Referendarii, fide, integritate, probitate, & doctrina, Nobis præcipue in Judicis earundem causarum munere jam dudum exercendo, & obeundo, cognita atque perspecta, specialem in Domino fiduciam obtinentes, ipsumque Alexandrum a quibusvis Excommunicationis, suspensionis, & interdicti, aliisque Ecclesiasticis, sententiis, censuris, & poenis, a jure vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, eidem Alexandro Officium Auditoratus generalis causarum confidentialium, vel alias, ut præfertur, mixtarum, a primæva ejus electione vacans hujusmodi, per eum, quoad vixerit, ad instar aliorum Officiorum Curia, & Sedis prædictarum tenendum, regendum, & gubernandum, cum decima parte fructuum, reddituum, proventuum, jurium, obventionum, distributionum, & aliorum emolumentorum, ac pensionum indebite perceptorum, & percipiendorum hujusmodi, & aliis illi annexis, necnon omnibus, & singulis juribus, regalibus, jocalibus, sportulis, taxis, proventibus, obventionibus, honoribus, emolumentis, privilegiis, exemptionibus, immunitatibus, præeminentiis, antelationibus, prærogativis, jurisdictionibus, favoribus, gratiis, indultis, ac de dicto Officio Notariatus disponendi, & illius resignationes admittendi, ceterisque facultatibus supradictis, auctoritate, & tenore similibus, concedimus, & assignamus, ipsumque Alexandrum ad Officium Auditoratus causarum

confidentialium hujusmodi, illiusque liberum exercitium, necnon decimam fructuum, reddituum, proventuum, jurium, obventionum, distributionum, emolumentorum, & pensionum hujusmodi partem, ac jura, regalia, sportulas, taxas, proventus, obventiones, honores, privilegia, facultates, ceteraque omnia, & singula supradicta, ex nunc recipimus, & admittimus, ac per eos, ad quos spectat, & pro tempore spectabit, recipi, & admitti, receptumque, & admissum in eis, quoad vixerit, manuteneri, sibi de eisdem integre responderi debere volumus, & mandamus, &c.

§.7. Ac easdem præsentis literas nullo unquam tempore, de subreptionis, vel obreptionis vitio, aut intentionis nostræ, vel quovis alio defectu, etiam ex eo quod interesse forsan habentes ad id vocati non fuerint, vel ex quavis alia causa quantumvis legitima, & juridica, etiam necessario exprimenda notari, impugnari, invalidari, ad terminos juris reduci, in jus, vel controversiam revocari, aut adversus illas quodcumque juris, facti, vel gratiæ remedium impetrari posse, minusque sub quibusvis illarum, aut similibus, vel dissimilibus gratiarum revocationibus, suspensionibus, limitationibus, & aliis contrariis dispositionibus comprehendere, sed semper ab illis exceptas, & quoties illæ emanabunt, toties illæ in pristinum, & eum in quo antea quomodolibet erant statum restitutas, repositas, & plenarie, etiam sub quacunque data, per Alexandrum ejusque successores præfatos eligenda, reintegratas, & de novo concessas, validasque, & efficaces fore, & esse, vimque validi, & efficacis contractus inter Nos, & Cameram ex una, & Alexan. ejusque Successores præfatos ex altera partibus, rite, & recte initi, & stipulati, ac etiam utrimque jurati habere, & perpetuo obtinere, dictamque Cameram ad Alexan., & ejus Successores præfatos, in juribus, & aliis præfatis tuendos, & ab omni incommodo, damno, læsione, lite, causa, & controversia immunes, indemnes, & exemptos conservandos teneri, & obligatam esse, ac fore.

§.8. Sicque, & non aliter per quoscunque Judices ordinarios, vel delegatos, etiam causarum Palatii Apostolici Auditores, ac ejusdem S. R. E. Cardinales, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiri debere, necnon irritum, & inane, si secus super his a quoquam quavis auctoritate scienter, vel ignoranter contigerit attentari.

§.9. Quocirca venerabilibus Fratribus nostris Amerin., & Marturanen. Episcopis, ac dilecto Filio causarum Curia Camera Apostolica generali Auditori, Motu simili per Apostolica scripta mandamus, quatenus ipsi, vel duo, aut unus eorum, per se, vel alium, seu alios, præsentis literas, & in eis contenta quæcumque, ubi & quando quando opus fuerit, ac quoties pro parte

Clausula præservativa.

Decretum irritans.

Executorum & defensorum deputatio, & facultates.

Auditoratus Officii, in personam Alexandri Catalani Romani, utriusque Signaturæ Referendarii, cum prædictis jurisdictionibus emolumentis, & privilegiis collatio.



dicti Alexan., & ejus in officio Auditoratus hujusmodi Successorum fuerint requisiti, solemniter publicantes, eisque in præmissis efficacis defensionis præsidio assistentes, faciant auctoritate nostra præsentis literas, & in eis contenta hujusmodi, ab omnibus, ad quos spectat, & per tempore spectabit, inviolabiliter observari, ac Alexandrum, & Successores præfatos illis pacifice frui, & gaudere, non permittentes ipsos, seu eorum quempiam, per quoscunque quavis auctoritate fungentes desuper quomodolibet molestari, perturbari, vel inquietari, contradictores quoslibet, & rebelles, per sententias, censuras, & poenas Ecclesiasticas, aliaque opportuna juris, & facti remedia, appellatione postposita, compescendo, ac legitimis super his habendis servatis processibus, sententias, censuras, & poenas ipsas, etiam iteratis vicibus aggravando; invocato etiam ad hoc, si opus fuerit, auxilio brachii secularis.

Clausula derogatoria.

§. 10. Non obstantibus præmissis, & de certo nominatorum prædictorum numero, necnon quatenus opus sit, rec. mem. Symmachi, & Innocentii III., & Pauli II., & quorumcumque aliorum Romanorum Pontificum, etiam Prædecessorum nostrorum, de rebus Ecclesiæ, seu Camera, & Sedis prædictarum non alienan. aliisque Apostolicis, ac in Provincialibus, Synodalibus, & Generalibus Conciliis editis, specialibus, vel generalibus Constitutionibus, & Ordinationibus, dictæque Cancellariæ Regulis editis, & edendis, etiam de gratis ad instar non concedendis, ejusque, & dictæ Camera, ac earum Officiorum, & Collegiorum, necnon Urbis Romæ, illiusque Tribunalium, & Curiarum, etiam juramento, confirmatione Apostolica, vel quavis firmitate alia roboratis statutis, consuetudinibus, stylis, usibus, naturis, stabilimentis, & etiam novis reformationibus, privilegiis quoque, indultis, exemptionibus, immunitatibus, & literis Apostolicis, illis necnon ordinariis iudicibus, & personis supradictis, & quibuscunque aliis, etiam per modum statuti perpetui, initi, & stipulati contractus, sub quibuscunque tenoribus, & formis, ac cum quibuscunque etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis, in genere, vel specie, per quoscunque Romanos Pontifices Prædecessores nostros, ac Nos, & Sedem prædictam, etiam Motu, scientia, & potestatis plenitudine similibus, ac alias quomodolibet, etiam iteratis vicibus concessis, approbatis, & innovatis. Quibus omnibus etiam si de illis, eorumque totis tenoribus, specialis, specifica, expressa, & individua, ac de verbo, ad verbum, non autem per clausulas generales idem importantes, mentio seu quævis alia expressio habenda, aut aliqua alia exquisita forma ad hoc servanda esset, tenores hujusmodi, ac si de verbo ad verbum, nihil penitus omisso, & forma in illis tradita observata, inserti forent, præsentibus pro expressis habentes,

illis alias in suo robore permanfuris, hac vice dumtaxat specialiter, & expresse derogamus, contrariis quibuscunque; aut si aliquibus communiter vel divisim, ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, expressam, ac de verbo ad verbum, de indulto hujusmodi mentionem.

§. 11. Volumus autem quod præsentium transumptis &c.

Nulli ergo &c.

Datum Romæ apud Sanctum Petrum, Anno Incarnationis Dominicæ, millesimo quingentesimo octuagesimo sexto, Kalendis Novembris, Pontificatus nostri Anno II.

Fides transumptorum, & sanctio per-nalis.  
D. P. An. II.  
15 Novemb.

## LXXII.

Montis Alti Oppidi in Provincia Marchiæ in Civitatem sublimatio. Eisque Collegiata Ecclesiæ in Cathedrali, & Episcopalem erectio.

## SIXTUS EPISCOPUS

SERVUS SERVORUM DEI

*Ad perpetuam rei memoriam.*

**S**uper universas Orbis Ecclesias, eo disponente, qui cunctis imperat, & cui omnia obediunt, meritis licet insufficientibus constituti, levamus in circuitu agri Dominici oculos nostræ mentis, more pervigilis pastoris inspecturi, quid Ecclesiarum ipsarum præsertim Cathedralium statui, & decori congruat, & quid operis circa illas, eorumque statum prosperum, & felicem impendi debeat, & divino fulti præsidio, quo cuncta æqua benignitate pro populorum suorum fidelium salute disponuntur, ad ea, quæ statui Ecclesiarum hujusmodi congruunt, nostri Officii partes salubriter, & utiliter intendere curamus, prout in Domino conspiciamus expedire.

Causa hujus erectionis.

§. 1. Sane cupientes Terram Montis Alti, Ripanæ Diocesis, quæ felicem nostris dedit ortum natalibus, ac in celeberrimo, & eminenti loco sita, & Muris undique, cincta est, & in qua secularis, & Collegiata Ecclesia S. Mariæ ad Collem eleganter constructa, & duas dignitates, & decem Canonicatus, & totidem præbendas, ac Sacristiam, aliaque ad cultum divinum necessaria habens, & duæ aliæ Ecclesiæ, una scilicet S. Gregorii, & S. Petri, & altera Oratorium nuncupata S. Nicolai, in qua Confraternitas sub invocatione Sanctissimi Sacramenti canonice instituta reperitur, necnon domus circiter trecentæ nobiliter ædificatæ ac plateæ lateribus stratæ existunt, ac singula quaque quarta Feria cujuslibet Hebdomadæ emporium, ad quod ex omnibus locis circumvicinis fit magnus concursus, celebratur, & ex qua denique viri, & in Theologia, ac jure, & Medicina aliisque scientiis excellentes prodierunt, ac secularem ac Collegiatam Ecclesiam hujusmodi dignioribus titulis, & nominibus decorare, habita super his cum fratribus nostris

Montis Alti Oppidi, multis commendario, & separari Montis Alti &c. a Diocesi Asculana, Firmiana, & Ripana.



stris matura deliberatione, & de illorum consilio, ad Omnipotentis Dei laudem, & gloriam, ac ejusdem Beatæ Mariæ honorem, ac Christifidelium devotionis augmentum, prædictam Montis Alti, & Porculæ, ac Patrignonis, necnon Montis de Noven., & Rotellæ, ac Furciæ a dicta Ripan., necnon Montis Elpari, Communitatæ, ac Montis Monachi a Firmana, & denique Castagnoni Terras, seu loca, aut Castra, eorumque omnium Territoria ab Asculana Diocesi, quibus in spiritualibus subiectæ sunt, Apost. auctoritate, tenore præsentium perpetuo separamus, & dismembramus, illaque, & eorum incolas, & habitatores, Ecclesiarum Rectores, Beneficiatos, Priores, & alia inibi beneficia Ecclesiastica obtinentes, ac Monasteria, & Domos Fratrum, aliaque pia loca ab omni jurisdictione, potestate, & subiectione Venerabilium Fratrum nostrorum Ripanæ, Firmanæ, & Asculanæ Episcoporum, nunc, & pro tempore existentium, necnon solutione decimarum eisdem Episcopis per eas debitæ, ac de cetero facien. perpetuo eximimus, & liberamus.

Erectio in Ci-  
vitatem, &  
Episcopatum.

§.2. Necnon Terram Montis Alti in Civitatem, sæcularem Collegiatam Ecclesiam hujusmodi in Cathedralē sub invocatione eadem ejusdem Beatæ Mariæ Virginis pro uno Episcopo Montis Alti nuncupando, qui jurisdictionem Episcopalem habeat, & exerceat in spiritualibus, cum mensa Episcopali, arca, sigillo, aliisque insignibus, honoribus, & privilegiis, quibus alii Episcopi de jure vel consuetudine, aut alias quomodolibet in eisdem spiritualibus utuntur, potiuntur, & gaudent, ac uti, potiri, & gaudere quomodolibet poterunt in futurum, de simili consilio, auctoritate, & tenore præmissis erigimus, & instituimus. Ac Civitatem, & Cathedralē Ecclesiam, sic erectas, & institutas necnon Episcopum Montis Alti pro tempore existentem, ac ipsius Ecclesiæ Montis Alti capitulum, Sedi Apostolicæ immediate subiicimus, & sub protectione Beatorum Petri, & Pauli Apostolorum subiicimus.

Dotis pro E-  
piscopo assi-  
gnatio.

§.3. Eidemque Ecclesiæ sic in Cathedralē erectæ, & institutæ pro sua, seu mensæ suæ Episcopalis dote Monasterium Beatæ Mariæ de Monte Sancto Ordinis S. Benedicti dictæ Asculanæ Diocesis certo, quem haberi volumus pro expresse, modo vacante, similiter perpetuo unimus, annectimus, & incorporamus, ac Silvam, seu Tenutam Bonettini concedimus, necnon Terras, & Territoria pro Diocesi Montis Alti, illorum vero, necnon dictæ Civitatis Montis Alti Ecclesias, personas pro Clero, & habitatores pro populo, etiam perpetuo assignamus, ac eos quoad superioritatem, jurisdictionem, & jura Episcopalia Montis Alti subesse, & tamquam membra capiti obsequentes de juribus Episcopalibus responderi volumus.

Decretum ir-  
ritans.

§.4. Decernentes ex nunc irritum, & inane, si secus super his a quoquam quavis auctoritate scienter, vel ignoranter contigerit attentari.

Bull. Rom. Tom. IV. Par. IV.

§.5. Non obstantibus nostris de unionibus committendis ad partes, vocatis quorum interest, ac exprimendo vero valore, & de non tollendo jure quæsito, ac Lateranen. Concilii novissime celebrati uniones perpetuas, nisi in casibus a jure permissis fieri prohibentis, ac aliis Constitutionibus, & Ordinationibus Apostolicis, necnon Ripan. Firman., & Asculan. Ecclesiarum, juramento, & confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis, illarumque Præsulibus, Capitulis, & personis, sub quibuscumque tenoribus, & formis, ac cum quibuscumque clausulis, & decretis, etiam Motu proprio, & consistorialiter, ac alias quomodolibet in contrarium concessis, approbatis, & innovatis, quibus omnibus, etiam si de illis, eorumque totis tenoribus specialis, specifica, expressa, & individua, non autem per clausulas generales idem importantes, mentio seu quavis alia expressio habenda foret, illarum tenores præsentibus pro expressis habentes, illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscumque.

Nulli ergo, &amp;c.

Datum Romæ apud Sanctum Petrum, Anno Incarnationis Dominicæ, millesimo quingentesimo octuagesimo sexto, octavo Kalendas Decembris, Pontificatus nostri Anno II.

D. P. An. II.  
24. Novemb.

## LXXIII.

Erectio Custodiæ S. Gregorii Ordinis Fratrum Minorum de Observantia Discalceatorum nuncupator. in Insulis Philippinis, in Provinciam.

Ex Regest. in  
Secret. Bre-  
vium.

## SIXTUS PAPA QUINTUS

Ad perpetuam rei memoriam.

**D**um ad Uberes fructus, quos Religiosa personæ, præsertim vero Fratres Minores de observantia Discalceati nuncupati Custodiæ S. Gregorii in Insulis Philippinis Indiarum Occidentalium quasi in agro dominico seduli operarii ad Dei gloriam, & spiritualem salutem Populorum, in remotissimis Terris degentium, & magno a Nobis locorum intervallo disjunctorum assidue sua industria Deo juvante colligunt, convertimus oculos nostræ mentis, dignum, quin potius debitum reputamus, ut ad eorum commodum, & propagationem Apostolici favoris gratiam benigne impartiamur, eosque amplioribus privilegiis decoremus præsertim cum id a Nobis piis Catholicorum Regum votis postuletur.

Procerium.

§.1. Sane Charissimus in Christo filius noster Philippus Hispaniarum Rex Catholicus tam suo, quam dilectorum filiorum Custodis, & aliorum Fratrum Custodiæ S. Gregorii in Insulis prædictis nominibus Nobis exposuit, quod alias Fratres Provinciæ Sancti Josephi ejusdem Ordinis in Re-

Quibus ra-  
tionibus cu-  
stodiam San-  
cti Gregorii  
in Provinciâ  
erigi petatur.

M m 2

gnis



gnis Hispaniarum instituta, a qua Custodia Sancti Gregorii prædicta dependebat, in Capitulo nuper celebrato in Oppido de Cadahalso Toletan, Dioecesis provide considerantes se non posse huiusmodi Custodiam sine notabili sua diminutione sustinere propter continuas Fratrum Missiones, quas fere annuatim facere cogebantur, nec Religionem in illis partibus propagari, aut novas domos, seu Conventus fundari, & institui posse, nisi Custodia prædicta in Provinciam erigeretur, decreverunt, Nobis humiliter supplicare, quatenus Custodiam prædictam Provinciæ nomine decorare, aliasque in præmissis opportune providere de benignitate Apostolica dignaremur.

Erectio, de  
qua in rubr.

§.2. Nos igitur, qui etiam ex dilecti filii Francisci Gonzagæ Ministri Generalis totius Ordinis de observantia insinuatione accepimus, propter huiusmodi erectionem nulli præiudicium inferri, ac Custodiæ prædictæ, Patres sub debita regulari observantia magno cum fructu gratum Domino famulatum præstare, eos condignis favoribus exornare volentes, necnon Ministrum, & Fratres prædictos, & eorum quemlibet a quibusvis Excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, huiusmodi supplicationibus inclinati Custodiam S. Gregorii prædictam in Provinciam Discalceatorum S. Gregorii in insulis Philippinis de cetero nuncupant, ita quod deinceps per unum Ministrum Provinciale ab ipsius Provinciæ Fratribus in eorum Capitulo Provinciali ad instar aliarum Provinciarum, ejusdem Ordinis eligendum sub obedientia tamen Ministri Generalis totius Ordinis Fratrum de observantia prædictorum, ac Commissarii Generalis Indiarum in Curia Regis prædicti pro tempore residentis, atque eorum Commissariorum ad prædictam Provinciam specialiter deputatorum, seu deputandorum, prout sunt, & aliæ earumdem partium Provinciæ, regi, & gubernari debeat, auctoritate Apostolica, tenore præsentium, erigimus, & instituimus.

Neo-Erectæ  
Provinciæ ce-  
terarum Pro-  
vinciarum Pri-  
vilegia comu-  
nicantur.

§.3. Dictæque sic erectæ Provinciæ, illiusque pro tempore existenti Provinciali Ministro, & singulis Fratribus, ut omnibus, & quibuscumque privilegiis, & facultatibus, favoribus, gratiis, & Indulgentiis, etiam spiritualibus, quibus ceteræ dicti Ordinis Provinciæ hætenus ubilibet instituta, & existentes, earumque Ministri Provinciales, & singuli Fratres tam de jure, quam consuetudine, aut alias quomodolibet utuntur, potiuntur, & gaudent, uti, potiri, & gaudere libere, & licite valeant, auctoritate, & tenore præfatis concedimus, & elargimur.

Provinciali  
data facultas  
novas erigen-  
di domos in

§.4. Decernentes custodiam prædictam in Provinciam sic erectam pro tali haberi, & ut præfertur, regi, & gubernari de-

inceps debere, necnon pro tempore existenti dictæ Provinciæ Sancti Gregorii Ministro Provinciali, ut tam in ipsis Insulis Philippinis, quam in aliis quibusvis Terris, & locis Indiarum prædictarum ac Regnorum della China nuncupatorum, in quibus conversio Gentilium ad Fidem Catholicam commode curari, & tractari poterit, novas Domos, & Conventus pro Fratribus dicti Ordinis recipiendis ad Dei laudem, & gloriam, nostra aut Romani Pontificis, vel Ordinariorum locorum, aut cujusvis alterius licentia minime requisita fundare, & instituere, eosque ad inhabitandum recipere, & Fratres in illis introducere libere, & licite valeat, facultatem, auctoritatem, & tenore similibus impartimur. Ita tamen, ut Minister Provincialis Provinciæ noviter erectæ huiusmodi a fundatione, & institutione novarum Domorum, & Conventuum in Malachan, & de Sian, ac de Chochin Chinæ Regnis, sive Provinciis, & eorum dominiis, necnon in Terris illis, & locis ad quæ dudum dictus Franciscus Generalis Minister quosdam alios Fratres, etiam Minores de observantia Provinciæ Portugalliæ, seu Custodiæ Sancti Thomæ in Indiis Orientalibus instituta pro erigenda alia Custodia in posterioribus Regnis, seu Provinciis, ac eorum dominiis prædictis cum suis Patentibus literis destinavit, cujus commissio, & auctoritas salva sit, & esse censeatur, omnino absteineat, nec in Domibus, aut Conventibus in Civitate Malachan, aut locis prædictis jam fundatis, & institutis, vel cum Fratribus, & personis in illis degentibus se ullatenus intromittat, aliamve in eas, & eos jurisdictionem, aut superioritatem exercere præsumat.

§.6. Præterea universis, & singulis utriusque sexus Christifidelibus vere poenitentibus, & confessis, ac Sanctissimo Eucharistiæ Sacramento refectis, qui aliquam ex Ecclesiis Provinciæ prædictæ erectis, seu erigendis in duabus anni Festivitatibus per Provinciale pro tempore specificandis a primis vespere usque ad occasum Solis, earumdem Festivitatum singulis annis perpetuis futuris temporibus devote visitaverint, & ibi pro Christianorum Principum concordia, gentilium conversione, Hæresum extirpatione Sanctæque Matris Ecclesiæ exaltatione pias ad Deum preces effuderint, quoties id fecerint, plenariam omnium, & singulorum peccatorum suorum Indulgentiam, & remissionem misericorditer in Domino concedimus, & elargimur.

Ecclesias Pro-  
vinciæ hujus  
visitantibus  
propositæ In-  
dulgentiæ.

§.7. Necnon præsentis literas nullo unquam tempore de subreptionis, vel obreptionis vitio, aut intentionis nostræ, vel quopiam alio defectu, etiam ex eo, quod alias Provincia illiusque Fratres vocati non fuerint, aut erectio huiusmodi extra Generale Capitulum ipsius Ordinis facta fuerit, notari, impugnari, vel alias invalidari nullatenus posse, sicque per quoscumque Judices, & Commissarios, etiam S. R. E. Cardinales, ac Causarum Palatii Apostolici Auditores, sublata eis, & eorum cuilibet quavis

Præsentium  
literarum fir-  
mitas.



Derogatio  
contrariorum

quavis aliter iudicandi, & interpretandi facultate, & auctoritate, iudicari debere, irritum quoque, & inane si secus super his a quoquam quavis auctoritate scienter, vel ignoranter contigerit attentari.

§.8. Non obstantibus fel. rec. Gregorii Papæ X. in Generali Concilio Lugdonen. edita, qua expresse cavetur, ne cuiusvis Ordinis Mendicantes Domos ad inhabitandum de novo recipere valeant absque Sedis Apostolicæ licentia speciali, ac aliis diversorum Romanorum Pontificum nostrorum Prædecessorum, quod Regulam dicti, & cuiusvis Ordinis in partibus huiusmodi transmarinis, præsertim Indiarum pro tempore degentes sub obedientia Ministrorum Provincialium Provinciarum ceteriorum omnino subserint, ac reliquis Apostolicis, necnon in aliis etiam Generalibus, seu Provincialibus, & Synodalibus Conciliis editis specialibus, vel Generalibus Constitutionibus, & Ordinationibus, ac etiam Juramento, confirmatione Apostolica, vel quavis firmitate alia roboratis statutis, & consuetudinibus, Privilegiis quoque, Indultis, & literis Apostolicis eidem Ordini, illiusque Provinciis antiquitus erectis, necnon Superioribus, & personis sub quibuscumque tenoribus, & formis, & cum quibusvis etiam derogatoriis, derogatoriis, aliisque efficacioribus, & insolitis clausulis, irritantibusque, & aliis decretis etiam Motu proprio, & ex certa scientia, ac de Apostolicæ potestatis plenitudine, necnon consistorialiter, & de Fratrum nostrorum consilio quomodolibet in genere, vel specie concessis, confirmatis, approbatis, & innovatis, etiam de non erigendo Custodiam in Provinciam, nisi certum, & determinatum Domorum sive Conventuum numerum contineat, Quibus omnibus, etiam si de illis, eorumque totis tenoribus specialis, specifica, & expressa mentio habenda, seu quævis alia expressio, aut exquisita forma ad hoc servanda foret, tenores huiusmodi, ac si de verbo ad verbum, nihil penitus omisso, & forma in illis tradita observata inserti forent præsentibus, pro expressis habentes, illis alias in suo robore permanfuris, hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud Sanctum Petrum, sub Annulo Piscatoris, die 15. Novembris 1586. Pontificatus nostri Anno II.

## LXXIV.

S. Severini Oppidi in Provincia Piceni in Civitatem sublimatio, ejusque Collegiata Ecclesiæ in Cathedralem, & Episcopalem erectio.

SIXTUS EPISCOPUS  
SERVUS SERVORUM DEI

*Ad perpetuam rei memoriam.*

Causa hujus  
erectionis.

Superna dispositione, cujus inscrutabili providentia incrementum suscipiunt

universa, pro Sedis Apostolicæ excellenti præminetia, dignum arbitramur in irri- guo militantis Ecclesiæ agro novas Episcopales Sedes, & Ecclesias plantare, ut per huiusmodi novam plantationem, singulorum Christifidelium augeatur devotio, divinus cultus effloreat, & animarum salus subsequatur, humiliæque loca dignioribus, & eminentioribus titulis, ac condignis favoribus illustretur, ut propagatione novæ Sedis, honoratque Præsulis assistentia, & regimine, cum Apostolicæ potestatis amplitudine, ac orthodoxæ fidei profectu, & exaltatione, ipsi Christifideles æternæ felicitatis præmium, nostri Redemptoris inestimabili caritate media valeant adipisci.

§.1. Sane cum Oppidum S. Severini in Agro Piceno Camerinen. Dioc. inter cetera partium illarum Oppida fatis insigne, ac percelebre, necnon benedicente Domino habitatorum, ac incolarum multitudine refertum existat, ac dilecti filii illius Universitas, & homines, pro eorum, ac Oppidi huiusmodi, necnon ejus Cleri singulorumque habitatorum, & incolarum prædictorum decore, & amplitudine, ac divini cultus incremento, & animarum salute, Oppidum ipsum Civitatis nomine, & Cathedralis Ecclesiæ honore decorari summopere desiderant, iidemque Universitas, & homines, pro secularis, & Collegiata Ecclesiæ dicti Oppidi, in qua una dignitas, quæ inibi Principalis dignitas existit, Prioratus nuncupata, ac sex Canonici, & totidem præbendæ fore noscuntur, si in Cathedralem Ecclesiam erigeretur, mensæ Episcopalis dote, redditum annuum, seu censum mille scutorum monetæ illarum partium, decem juliis pro quolibet scuto huiusmodi computatis, super Molendinis ejusdem Oppidi, ad ipsos Universitatem, & homines legitime spectantibus, assignare parati sint.

§.2 Nos pium, & salutare Universitatis, & hominum propositum, & desiderium huiusmodi volentes amplecti, illique favere, ac cultum divinum augere, & spiritali animarum profectui huiusmodi, quem exinde speramus provenire, salubriter promoveri intendentes, ipsosque Universitatem, & homines, ac eorum singulos a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine, quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, matura super his cum fratribus nostris deliberatione præhabita, necnon Universitate, & hominibus præfatis, Nobis super hoc humiliter supplicantibus, de eorumdem fratrum consilio, & Apostolicæ potestatis plenitudine, ad Omnipotentis Dei laudem, & gloriam, ac Gloriosissimæ ejus Genitricis Virginis Mariæ, totiusque Curie cœlestis honorem, ac Fidei Catholicæ exaltationem, & habi-

Oppidi Sancti  
Severini cō-  
mendatio.Separatio di-  
cti Oppidi a  
Diocesi Ca-  
merinen.



tatorum, ac incolarum prædictorum animarum salutem, Oppidum præfatum cum illius Comitatu, & Territorio, necnon omnibus, & singulis Castris, Villis, locis, terminis, districtibus, ac Clero, personis, Ecclesiis, Monasteriis, Prioratibus, præposituris, præpositatibus, & aliis piis locis, ac beneficiis ecclesiasticis, cum cura, & sine cura, facultatibus, & Ordinum quorumcumque regularibus, à Diœcesi Camerinen. prædicta Apostolica auctoritate perpetuo separamus, & dismembramus, ac ab omni jurisdictione, superioritate, correctione, visitatione, dominio, & potestate venerabilis fratris nostri moderni, & pro tempore existentis Camerinen. Episcopi, ac dilectorum filiorum Capituli Ecclesiæ Camerinen. eorumque Vicariorum, & Officialium, ac quorumcumque aliorum; necnon a solutione quorumvis iurium, Episcopo, & Capitulo hujusmodi per Oppidi, ac singulorum Castrorum, Villarum, locorum hujusmodi habitatores, & incolas, ac Clerum, personas, Ecclesias, Monasteria, & alia beneficia hujusmodi, ratione jurisdictionis, & superioritatis prædictarum respective debitorum, dicta auctoritate, ac de simili consilio, etiam perpetuo penitus eximimus, & totaliter liberamus.

Oppidi Sancti Severini in Civitatem sublimatio, ejusque Collegiæ Ecclesiæ in Episcopalem erectio.

§.3. Necnon Oppidum S. Severini præfatum in Civitatem S. Severini nuncupandam, ac in ea Cathedralē Ecclesiam pro uno Episcopo S. Severini, etiam nuncupando, qui ipsi Ecclesiæ S. Severini præsideat, ac in illa, & Civitate prædicta, ipsique Ecclesiæ S. Severini assignanda Diœc. omnia, & singula, quæ ordinis, & jurisdictionis, ac cujuscumque alterius muneris Episcopalis sunt, exerceat, cum Sede, & mensa, aliisque insigniis, ac jurisdictionibus Episcopalibus, necnon privilegiis, immunitatibus, & gratiis, quibus aliæ Cathedrales Ecclesiæ, & earum Præsules de jure, vel consuetudine, aut alias quomodolibet utuntur, potiuntur, & gaudent, ac uti, potiri, & gaudere poterunt quomodolibet in futurum, de pari consilio, eadem auctoritate similiter perpetuo erigimus, & instituimus.

Diœcesis assignatio.

§.4. Ac Oppidum Civitatis, & Ecclesiæ Cathedralis, necnon Comitatum Sancti Severini hujusmodi, ac illius Territorium universam Diœc. incolas vero, & habitatores præfatos, civium nomine, & honore decoramus; eidemque sic erectæ Ecclesiæ S. Severini Oppidum præfatum, ut præfertur, in Civitatem erectum, pro Civitate, & universum Comitatum, ac illius Territorium hujusmodi, cum omnibus illius Castris, Villis, locis, & districtibus per eosdem Universitates, & homines specificandis, & statuendis, pro Diœc. ipsarum Civitatis, & Diœcesis S. Severini, & habitatores pro Clero, & populo concedimus, & assignamus.

Dotis seu annui redditus scutorum mille pro Episcopo assignatio.

§.5. Necnon dictæ Ecclesiæ S. Severini mensæ Episcopali, pro illius dote redditum annuum, seu censum mille scutorum hujusmodi, per ipsos Universitatem, & ho-

mines, ut præfertur, assignandum, ex nunc prout ex tunc, & e contra, postquam assignatus fuerit, pariter perpetuo applicamus, & appropriamus, ac S. Severini, aliaque ejusdem Comitatus, Oppidi, & Comitatum ipsum, singulaque illius Castra, Villas, loca, Territorium, Clerum, & populum hujusmodi eidem Episcopo Sancti Severini, qui pro tempore fuerit, quoad omnem ordinariam jurisdictionem, & superioritatem perpetuo subiicimus.

Privilegiis concessio.

§.6. Et insuper Capitulo, Clero, Civitati, & Diœcesi S. Severini hujusmodi, ipsarumque Civitatis, & Diœc. incolis, & habitatoribus, ac eorum singulis, ut omnibus, & etiam singulis privilegiis, exemptionibus, libertatibus, immunitatibus, gratiis, favoribus, & indultis, quibus aliarum Ecclesiarum Cathedralium Capitula, aliaque Civitates, & Diœc., ac eorum Clerus, incolæ, & habitatores utuntur, & potiuntur, & gaudent, ac uti, potiri, & gaudere quomodolibet poterunt in futurum, uti, potiri, & gaudere libere, & licite valeant, auctoritate prædicta indulgemus.

§.7. Non obstantibus Constitutionibus, & Ordinationibus Apostolicis ceterisque contrariis quibuscumque.

Clausula derogatoria.

Nulli eego &c.

Datum Romæ apud S. Petrum, Anno Incarnationis Dominicæ, millesimo quingentesimo octuagesimo sexto, 6. Kal. Decembris Pont. nostri Anno II.

D. P. An. II.  
26. Novemb.

## LXXV.

Divisio Burgi a regione Pontis, & Trans-tyberim, & erectio illius in Regionem Castelli S. Angeli nuncupat. &c.

Ex Regest. in Secretis. Brev.

## SIXTUS PAPA QUINTUS

*Ad perpetuam rei memoriam*

§.1. **U**T primum potestas data est augenda, atque amplianda, dignitatis Burgi Urbis nostræ, in quo Beatus Petrus Apostolorum Princeps sibi, & successoribus suis Romanis Pontificibus hanc Sanctam Apostolicam Sedem cui summa Dei benignitate præsumus, collocavit, nihil profecto prætermisimus in eo ornando, atque honestando, quod vel ad honorificandum gloriosissimum Domini Nostri Jesu Christi nomen, aut ad excolendam in cordibus nostris durissimæ Passionis suæ memoriam spectaret. Id autem ex eo potissimum cognosci potest, quod nuper Sacratissimam ejus Crucem non sine ingentibus nostris, & Camera Apostolicæ sumptibus, tametsi maxima cum spirituali non solum nostra, & Romanorum Civium consolatione, sed etiam cum incredibili universi fere Christiani Populi gaudio in Emporio, olim superstitionum Ethnicarum sordibus contaminato, nunc cælestium benedictionum, & Indulgentiarum muneribus refertissimo obelisco, ad Dei Omnipotentis gloriam, & hujus nostræ Urbis insigne ornamentum extolli curavimus.

Sixtus animi suum ad exornandum, Burgi S. Petri paratū ostendit.

§.2. Qua-



Et de causa  
illum a ceteris  
Burgis se-  
parandum du-  
cit.

Et in Regio-  
nem decima-  
quartam eri-  
git dato pro-  
prio stemma-  
te.

§.2. Quare Nos in praesentiarum con-  
sentaneum, ac decens arbitantes ipsum Bur-  
gum, quod nedum ipsius Urbis compen-  
dium, verum etiam nova propemodum  
Civitas dici potest, tum propter augu-  
stissimam ejusdem Beati Petri Basilicam,  
tum propter eximia, & praecleara, quae in-  
ibi existunt, aedificia, quoque nova in dies  
extruuntur, tum propter munitissimam no-  
stram Sancti Angeli Arcem, in qua ara-  
rium publicum ingenti pecunia a Nobis au-  
ctum conditur, & asservatur, ab aliis tres-  
decim ejusdem Urbis Regionibus distingui,  
& seungi, & in peculiarem, & propriam  
Regionem erigi, atque ascisci.

§.3. Motu proprio, & de Apostolica  
potestatis plenitudine Burgum ipsum cum  
praedicta S. Angeli Arce, a Regione Pontis  
ex uno, ex altero vero lateribus a Regione  
Transyberim, quibus prius suberat Apo-  
stolica auctoritate tenore praesentium per-  
petuo seungimus, dividimus, & separa-  
mus, itaut Pontis regio intra Cancellor  
ipsius Pontis, Transyberim autem regio  
usque ad portam Sancti Spiritus vulgo Por-  
tones nuncupatam exclusivo terminetur,  
& concludatur, illudque sic divisum, se-  
junctum, & separatum in decimam quar-  
tam Regionem, sicut antiquitus ipsa Urbs,  
quod in confesso est ex decima quarta Re-  
gione constabat cum vexillo, cui pro suo  
stemmate, & insigni Leo anteriori pede  
dextero stellam super tribus montibus susti-  
nens uti vigilantissimus Sacri Thesauri cu-  
stos, reliqua vero posteriore corporis parte  
aeneae capsae innixus juxta exemplar, quod  
praesentibus insertum demonstratur, cohe-  
reat, erigimus, creamus, & instituimus,  
ac titulo, & nomine Regionis Castellum San-  
cti Angeli perpetuo insignimus, & deco-  
ramus.

§.4. Necnon eidem Regioni Castellum sic  
erectae, creatae, & institutae hujusmodi,  
ac illius pro tempore existenti Praefecto,  
qui caput Regionis Castellum nuncupabitur,  
ut omnibus, & singulis privilegiis, facul-  
tatibus, immunitatibus, gratiis, favori-  
bus, praeminentiis, & honoribus, quibus  
aliae tresdecim Regionem hujusmodi gau-  
dent, fruuntur, & potiuntur, ac gaudere,  
frui, potiri que poterunt quomodolibet  
in futurum, pariformiter, & aequae prin-  
cipaliter uti, frui, & potiri, ac gaudere li-  
bere, & licite valeant, auctoritate, & tenore  
praemissis de speciali gratia indulgemus.

§.5. Decernentes ex nunc irritum, &  
& inane, si secus super his a quoquam qua-  
vis auctoritate scienter, vel ignoranter  
contigerit attentari.

§.6. Ac insuper mandantes in virtute  
sanctae obedientiae, ac sub nostro, & suc-  
cessorum nostrorum arbitrio imponendis  
poenis dilectis filiis tam modernis, quam  
pro tempore existen. Camerae Apostolicae  
Camerario, Vice-Camerario, Thesaurario  
generali, Clericis, & aliis ejusdem Ca-  
merae officialibus, necnon praedictae Urbis  
Nostrae Conservatoribus, Priori, & aliis  
ejusdem Populi Romani Ministris, ut dicto

Praefecto, seu capiti Regionis Castellum, aut  
pro eo praedicti Populi Romani Camerario  
de omnibus, & singulis salariis, provisio-  
nibus, Regaliis, aliisque emolumentis quo-  
cumque nomine nuncupatis, solitis tamen,  
& consuetis respondeant, & responderi fa-  
ciant, eisdem modo, & forma, ac in  
omnibus, & per omnia, prout aliis capiti-  
bus Regionum praedictarum, seu pro eis  
ejusdem Populi Romani Camerario per su-  
praedictos officiales, & Ministros de eis re-  
sponderi usque ad praesentem diem solitum,  
& consuetum fuit.

§.7. Non obstantibus nostra de non tol-  
lendo Jure quaesito, ac quibusvis aliis Con-  
stitutionibus, & Ordinationibus Apostoli-  
cis, ac dictae Urbis Juramento, confirma-  
tione Apostolica, vel quavis firmitate alia  
roboratis statutis, & consuetudinibus, pri-  
vilegiis quoque, Indultis, eidem Urbi, ac  
illius Senatori, Conservatoribus, ac qui-  
busvis aliis Officialibus, & personis sub  
quibuscumque formis, & tenoribus, ac  
cum quibusvis clausulis, & Decretis in  
genere, vel in specie, ac alias in contra-  
rium per quoscumque Romanos Pontifices  
Praedecessores nostros, Sedemque Aposto-  
licam concessis, confirmatis, & innovatis.  
Quibus omnibus eorum tenores praesenti-  
bus pro expressis habentes, illis alias in suo  
robore permansuris, hac vice dumtaxat spe-  
cialiter, & expresse derogamus, ceterisque  
contrariis quibuscumque.

Datum Romae apud S. Petrum sub an-  
nulo Piscatoris die 1. Decem. 1586. Ponti-  
ficatus nostri Anno II.

Obstantium  
derogatio.

Dat. die 1.  
Decem. 1586.  
An. II.

## LXXVI.

De S. R. E. Cardinalium creandorum praesentia, numero, ordine, aetate, & qualitatibus, & de optione sex Cathedralium Ecclesiarum, quae Cardinalibus conferuntur.

## SIXTUS EPISCOPUS

SERVUS SERVORUM DEI

Ad perpetuam rei memoriam.

Postquam verus ille atque aeternus Pa-  
stor, & Episcopus animarum Christus  
Dominus ad gubernandam universalem  
Ecclesiam, quam suo pretioso Sanguine ac-  
quisivit, Apostolorum Principi B. Petro  
coelestis simul ac terrena tradidit plenitu-  
dinem potestatis, eique suas in terris vices  
commisit, sicut in cathedra ipsius Petri  
successor, & verus Christi Vicarius Roma-  
nus Pontifex divina praedestinatione, ejus-  
dem supremae Apostolicae dignitatis fasti-  
gium, & locum in terris tenet, ita etiam  
Sacrosanctae Romanae Ecclesiae Cardinales  
representantes personas Sanctorum Apo-  
stolorum, dum Christo Salvatori regnum  
Dei praedicanti, atque humanae saluti my-  
sterium operanti ministrarent, eidem Pon-  
tifici in executione Sacerdotalis officii, &  
in dirigenda ipsa Ecclesia Catholica, cui pra-

Pontifex est  
verus Christi  
Vicarius, &  
Cardinales A-  
postolorum per-  
sonas reprae-  
sentant, & sunt  
Pontificis Co-  
filiarii, & Co-  
adjutores. Et  
pro exaltatio-  
nem Catholi-  
cae Religionis  
sanguinem, &  
spiritum ef-  
fundere de-  
bent.

Aliarum Re-  
gionum Pri-  
vilegia ei co-  
cedit.

Secus atten-  
tanda irritat.

Camerae Ap.,  
& Populi Ro-  
mani Officia-  
libus data  
commissio praedictae exequendi.



præst, consilarii, & coadiutores assistunt, quasi oculi, & aures, ac nobilissimæ sacri capitis partes, & præcipua illius membra a Spiritu Sancto constituta, qui in hac ipsa Ecclesiastica Hierarchia divina dispositione, instar illius cælestis, cui ex altera parte respondet, ordinata, ad altissimum gradum evecti cum ipso Romano Pontifice communi patre ac pastore, ad quem ex omnibus undique gentibus ac nationibus, in gravissimis, maximeque arduis rebus fideles omnium generum, omnium ordinum, summi, infimi quotidie confluent, tanti ponderis molem atque onus populorum sustineant, & pro animarum salute, pro fide, pro iustitia, pro unitate assidue invigilent ac laborent, qui circa ipsum universali Ecclesiæ serviendo, singularum Ecclesiarum commoditatibus se impendant, quorum consilio idem Pontifex agenda disponat, quorum opera, & necessaria, & plurimum fructuosa universæ Reipublicæ Christianæ in secundis rebus ornamento, & commodo, in dubiis præsidio, & adiumento esse possit. Qui denique pro exaltatione Catholice Religionis, pro pace, & quiete Christiani Populi, pro augmento, & honore Sanctæ Sedis Apostolicæ sanguinem, si ita res ferat, & spiritum constanter effundant.

Pontifex igitur viros optimos & le-  
tissimos Cardinales creare  
debet.

§.1. Cum itaque ipsi veri cardines sint, & clarissima Ecclesiæ lumina, templi Dei bases, firmamenta, & columnæ Christianæ Reipublicæ singulari quadam pietate ac doctrina, nec vulgari, aut mediocri, sed insigni atque eximia virtute abundare debent, ut, quam gerunt, personam digne, & honorifice valeant sustinere. Ac quemadmodum præcipua sunt partes summi Romani Præfulis in iis asciscendis exquisitam adhibere diligentiam, & accurata circumspeditione providere, ut viri optimi, ac lectissimi assumantur, & vel in hoc potissimum necessitati atque utilitati totius Ecclesiæ sibi commissæ consulatur, ita etiam Prælati ceteræque personæ Ecclesiasticæ ad tantæ dignitatis sublimitatem promovendi, anteaquæ vitæ laude, atque excellenti quadam, & rara meritorum commendatione præ ceteris fulgeant, necesse est, ut hoc amplissimo honore digni habeantur. Siquidem eorum vita ac mores ceteris exemplo esse debent, verba, & responsa pro oraculis, monita ac præcepta ab universis Christianis regulæ, & norma recte vivendi, recteque sentiendi existimantur, ab iis quasi sapientissimis magistris Ecclesiasticæ disciplinæ forma suscipitur, quæ ad mores, vitamque cunctorum fidelium componendos longe lateque diffusa propagetur. Ipsi denique vere sunt sal terræ, ac lucernæ posita super candelabrum, ut inter sanguinem, & sanguinem, causam, & causam, lepram & lepram discernant, ac doctrinæ opportunitate, & veritate, infirma confiment, disrupta consolident, depravata convertant, luceant omnibus qui in domo Domini habitant, ac primæ huic Sedi assistentes cunctos pastores, dum in gravioribus ne-

gotiis eandem Sedem consulunt, ejusve opem implorant, suo judicio, consilio, & auctoritate instruere, dirigere, ac docere non cessent. Ceterum cum non solum ad eos spectet plurima, & maxima momenti negotia, & causas, quæ eis in dies committuntur, præclara fide, & prudentia cognoscere, ac Legationibus in Provinciis gubernandis, & in gravioribus rebus, sæpius ad Reges, & Imperatores perfungi.

§.2. Sed, quod omnium caput, & summa est, ex eorum corpore, numero, & Collegio, ille ipse, qui cunctis pastoribus est præficiendus, ac totius Dominici gregis curam habiturus, Summus Pontifex deligatur, iidemque illum suis suffragiis creent, qui tunc demum publico bono Christiani populi, optimus sine ulla dubitatione existet, si e numero, & suffragiis bonorum deligetur, in hac sacra electione censendi sunt veri interpretes, atque internuntii voluntatis Dei, cujus spiritu sicut universum Ecclesiæ corpus sanctificatur, & regitur, ita maxime hoc totum hujusmodi electionis opus ejusdem afflatu, & instinctu absolvi certissimum est, atque omnibus exploratum, ut vel ex hoc ipso perspicui possit, quanta in eis requiratur puritas, & sinceritas ab omni carnis affectu, privatorum commodorum cura, & factionum studiis aliena, quorum pectora, & voces, templa, & organa futura sint Spiritus Sancti, & ex quibus quasi seminibus is sit proditurus, in quem totius Apostolicæ potestatis plenitudo Deo annuente merito conferatur.

§.3. Qua propter, ut tanti muneris amplitudo ea, qua decet, observantia, & admiratione apud cunctos mortales honoretur, & in quos ob celsitudinem gradus, omnium oculi, omnium ora convertuntur, in eis summæ dignitati par claritas, & splendor eluceat, atque in eis glorificetur Deus, honorificetur Sacerdotale ministerium, & animæ fidelium lætificentur, certe sacris amplissimis hujus honoris insignibus ii demum decorandi videntur, qui eximia eruditione, innocentia, ac sanctitate, & omni virtutum genere a vero solidorum bonorum largitore Deo supra ceteros fuerint illustrati. Proinde Nos, postquam placuit divinæ bonitati imbecillitatem nostram ad summi Apostolatus apicem vocare, inter ceteras, quas pro bono universalis Ecclesiæ his maxime turbulentis temporibus, dies noctesque suscipimus, curas, & cogitationes hanc ipsam Pontificia nostra sollicitudine dignissimam judicavimus, ut ad communem salutem, & profectum Christiani populi nostræ curæ crediti, ac ad ipsius Sanctæ Romanæ Ecclesiæ decus, & ornamentum circa Cardinalium electionem, atque assumptionem, tam a Prædecessoribus nostris, quam a Nobis hætenus editas sanctiones, & decreta expenderemus; in quibus licet pleraque salubriter, ac prudenter disposita, & ordinata fuerint, quia tamen res humanæ facile in deterius prolabantur, nisi sit qui eas assidue renovet, atque conservet, easdem illas sanctiones, & decreta par-

Præfatum  
quia ex Col-  
legio Cardi-  
nalem crean-  
dus est Sum-  
mus Pontifex.

Ideo hanc de-  
super edita  
stitutionem vi-  
delicet.



partim innovando, partim declarando, partim pro rerum, & temporum exigentia supplendo, & in melius reformando, habita super his cum venerabilibus fratribus nostris ejusdem S. R. E. Cardinalibus deliberatione matura, de eorumdem fratrum consilio, & unanimi consensu, hanc nostram perpetuo valituram Constitutionem duximus promulgandam, qua & nosmetipsos in re tam gravi nostri muneris admonemus, & quam Nobis legem imponimus, eandem nostris successoribus indicamus, quos, & sui officii non immemores fore confidimus, & se aliquando in districto, ac tremendo Dei judicio suae villicationis rationem esse reddituros, Apostolo dicente: Omnes stabimus ante tribunal Christi, & unusquisque nostrum pro se rationem reddet Deo.

Cardinales non sint plures quā septuaginta, & electio promotorum ultra hunc numerum nulla sit.

§.4. Primum igitur, cum ita exposcente rerum, ac temporum qualitate, & occasione recessum fuerit a veteri illo more admodum paucos viros in sacrum Collegium adscribendi, jamque plures nostra aetate Cardinales, quam antiquitus in ipsum Collegium cooptari consueverint, tum ut juxta generalis Concilii Tridentini decretum omnium Christianitatis Nationum ratio habeatur, tum quia in eodem Collegio multi, quae est humani corporis infirmitas, senectute, vel morbis frequenter gravati, haud commode tanto oneri assidue sustinendo sufficere queunt, ut in hoc moderatio congrua adhibeatur, & certi limites praescribantur, ne vel ad veterem illam paucitatem eos redigamus, vel rursus eorum honor nimia, ac superflua numerositate vilescat, quod interdum, & Nos ipsi dum in minoribus essemus, vidimus, & experti sumus. Ac ut veteris Synagoga figura Sanctae, & Apostolicae Ecclesiae veritati respondeat, sequi cupientes mandatum Domini factum ad Moysen, de congregandis septuaginta viris de senibus Israel, quos nosset senes populi esse, & magistros, ut secum onus populi sustentarent, & non ipse solus gravaretur, super quos ad ostium tabernaculi ductos, loquente Domino, Spiritus requievit: de praedictorum fratrum nostrorum consilio, perpetuo statuimus, & ordinamus, ut in posterum connumeratis omnibus cujusque ordinis Episcopis, Presbyteris, & Diaconis Cardinalibus, qui nunc sunt, quique in futurum creabuntur, cuncti simul numerum Septuaginta nullo umquam tempore excedant, ac talis numerus quovis praetextu, occasione, vel causa etiam urgentissima minime augeatur. Quod si unum, vel plures a Nobis, vel pro tempore existente Romano Pontifice in futurum ultra dictum numerum eligi in Cardinalem aut creari, aut pronunciari contigerit, decernimus hujusmodi electionem, creationem, & pronunciationem nullam, irritam, & inanem fore, & censendam esse, nullumque jus, seu titulum re aut nomine sic electo, seu electis acquiri, neque eorum, quemquam pro Cardinali haberi, aut reputari posse, aut debere, neque dictam ele-

*Bull. Rom. Tom. IV. Par. IV.*

ctionem, creationem, pronunciationem ab initio invalidam, & ultra numerum factam, si postea ad praescriptum numerum moriente uno, vel pluribus Cardinalibus ipsum Collegium redigatur, propterea ex post facto convalescere, sed uti a principio sic deinceps in perpetuum nullius fore roboris, vel momenti.

§.5. Quoniam vero jam inde ab antiquissimis etiam Apostolorum temporibus Diaconorum ordo ad inserviendum, & ministrandum in Ecclesia Dei ex magna providentia dignoscitur institutus, & pro temporum varietate modo major, modo minor numerus esse consuevit, ita ut aliquando septem, interdum quatuordecim, quandoque vero decem, & octo Diaconi fuerint, & tamen hoc tempore tum propter eorum parvum numerum, tum propter aliquorum absentiam a Romana Curia, adeo pauci reperiuntur, ut eorum officio satisfacere nequeant, immo saepius Presbyteri Cardinales loco Diaconorum, contra Patrum instituta Pontifici assistere, & ministrare cogantur. Idcirco statuimus, ut ex praedicto numero Cardinalium, Diaconi quatuordecim, reliqui omnes praeter sex Episcopos, Presbyteri sint, & esse debeant.

§.6. Neque posthac quispiam in Diaconum Cardinalem assumi possit, nisi saltem in vigesimo secundo suae aetatis anno fuerit constitutus, ita ut omnino intra annum ad sacrum Diaconatus ordinem valeat, & debeat promoveri, alioquin si anno elapso ad ipsum Diaconatus ordinem promotus non fuerit, eo ipso tam in consistorialibus, & omnibus aliis actibus, & negotiis Cardinalitatis, quam etiam juxta Constitutionem, sel. rec. Pii Papae Quarti Praedecessoris nostri super reformatione Conclavis editam, in electione Romani Pontificis voce activa, & passiva omnino careat, ac privatus existat.

§.7. Diaconorum autem numerus sic praefinitus perpetuo retineatur, ac Diaconi in eodem semper remaneant, & si qui eorum ex devotionis fervore ad Presbyteratus ordinem promoti fuerint, semper tamen in eodem Diaconatus ordine, & officio ministrent, & suum locum inter Diaconos Cardinales teneant, donec ex Cardinalibus de novo creandis sive eligendis, alii Diaconi praedictum numerum suppleant, & in eorum locum subrogentur, ac substituantur. Quo casu antiquiores Diaconi ad Presbyteratus ordinem promoti, ad Presbyteros Cardinales transire, atque inter eos sedere valeant, & connumerari.

§.8. Ut vero Diaconos Cardinales, qui in sua vocatione permanerint, & in ministerio ordinis sui perseveraverint, majoribus honoribus prosequamur, volumus ut cum aliquam ex sex Cathedralibus Ecclesiis, quibus Episcopi Cardinales praesunt, primo, secundo, & tertio per obitum, vel translationem, aut alias pro tempore vacare contigerit, antiquior quidem Presbyter Cardinalis praesens, salvo cuique Episcopo Cardinali jure transeundi ad eam, dimissa prio-

Sintque ex eis Episcopi sex, Presbyteri 50. & Diaconi 14.

Diaconi Cardinales non sint minores an. 22. & infra annum ad Ordinem Diaconatus promoti debent, alias voce careant activa, & passiva.

Diaconi ex fervore devotionis ad Presbyteratus ordinem promoti, remaneant inter Diaconos, quousque ex Card. de novo creandis suppleatur numerus 14. Diaconorum.

Diaconorum Prior aut sequens si sit, legitime aetatis, in quarta vacatione, sex Ecclesiarum Episcopali, promoveatur ad Ecclesiam vacantem, & in aliis tribus vacantiis antiquior Presbyter promoveatur.



re cui præerat, ut moris est, promoveatur, sed ubi post tres vacationes, tres itidem ex ipsis Presbyteris Cardinalibus in Episcopos præfecti fuerint, tunc si quarta alicujus harum Ecclesiarum vacatio contingerit, excluso, ea tantum vice, antiquiore Presbytero, Prior Diaconorum Cardinalium, qui præsens fuerit, & in ætate legitima constitutus, vel si ille noluerit, aut nequiverit assumi, sequens Diaconus eisdem qualitatibus præditus, ad eam promoveatur, & ita deinceps in hujusmodi vacationibus sex Ecclesiarum prædictarum perpetuo observetur, ut post tres Presbyterorum ad dictas Ecclesias promotiones, quarta occurrente vacatione, Prior Diaconorum, aut sequens, ut præfertur, in Episcopum præficiatur.

Inter LXX. Cardin. præfatos, assumantur saltem quatuor Magistri in Theologia.

§.9. Inter hos Septuaginta Cardinales, præter egregios utriusque juris, aut Decretorum Doctores, non desint aliquot insignes viri in sacra Theologia Magistri, præsertim ex Regularibus, & Mendicantium Ordinibus assumendi, saltem quatuor, non tamen pauciores.

Creari possint Card. in diebus Jejuniorum mensis Decembris dumtaxat.

§.10. Antiquum vero Clementis, Anacleti, Evaristi, Alexandri, & aliorum Sanctorum Pontificum Prædecessorum nostrorum morem, per sexcentos, & amplius annos continuata serie observatum sequi volentes, ac decretum alias per Nos in nostro Consistorio editum innovantes, perpetuo sancimus tempus creandorum Cardinalium, seu promotionis ad Cardinalatus honorem faciendæ, mense Decembri dumtaxat in ipsis temporibus, seu diebus jejuniorum, & non aliis esse debere.

Promoveanturque idonei ex omnibus Nationibus Christianitatis quantum commode fieri poterit.

§.11. Ut autem ipsi Cardinales in regimine universalis Ecclesiæ Nobis, & pro tempore existenti Romano Pontifici utiliter assistere valeant, ac de omnibus Christianorum Regnorum, Provinciarumque moribus, rebus, & negotiis prompte, & fideliter certa ab eis notitia, pro rerum emergentium opportunitate habeatur, prædicti Concilii Tridentini decreto inhaerentes, statuimus, ut ex omnibus Christianitatis nationibus, quantum commode fieri poterit, idonei assumantur.

Illegitimi etiā per subsequens matrimonium legitimati, aut super defectu natalium auctoritate Apostolica dispensationem consecuti, ad Cardinalatū inhabiles sint.

§.12. Præterea, qui Cardinales creandi erunt, legitimis, & honestis sint exorti natalibus, neque ulla prorsus labe, aut illegitimorum natalium suspicione, quovis modo laborent, sed omni macula, & impuritate careant, alioquin ad tam eminentem dignitatis gradum, penitus inhabiles, & illius incapaces sint, & esse censeantur. Quocirca considerantes, quod licet tanta sit vis, & efficacia Sacramenti Matrimonii, quod Apostolo teste, Magnum est in Christo, & in Ecclesia; ut qui antea geniti erant, ex soluto, & soluta, inter quos rite Matrimonium constare poterat, post illud contractum legitimi habeantur, in nonnullis tamen Provinciis, & Dominiis, nobilitatis privilegiis non gaudent, nec ad secularia officia, honores, & dignitates, neque ad nobilium feudorum, & statuum successiones admittuntur, quodque multo magis

indecorum videretur, & ab Apostolica Sedis dignitate alienum, si hujusmodi illegitimi per sequens Matrimonium, ut præfertur, legitimati, in Cardinales assumerentur, ac Cardinalatus celsitudo, & splendor, qui dignitati Regiæ comparatur, facile deprimi, commaculari, aut quodammodo in obscurari posset. Ideo ut puriori dignitati puriores natales respondeant quoscunque illegitime natos, quorumvis, etiam Magnorum Principum, etiam Ducali, aut majori, etiam Regiæ, & Imperiali auctoritate fulgentium filios quocunque gradu, dignitate, & præeminentia præditos, etiam genitos ex soluto, & soluta, inter quos tunc Matrimonium constare poterat, ac postea per subsequens Matrimonium, etiam rite, & solemniter in facie Ecclesiæ contractum, vel alias legitimatos, & quomodolibet habilitatos, & natalibus restitutos, ac quorumvis honorum capaces effectos, etiam si cum eis, ut hanc ipsam dignitatem obtinere valeant, super defectu natalium fuerit expresse, & in specie auctoritate Apostolica quomodolibet dispensatum, nihilominus prædictæ Cardinalatus dignitatis prorsus incapaces, & ad eam obtinendam perpetuo inhabiles decernimus, ac declaramus.

§.13. Sed, & insuper prohibemus, ne ii, quos propter defectus, vitia, aut impedimenta quacunque ad sacros ordines secundum canonicas sanctiones promoveri fas non est, etiam si cum ipsis dicta auctoritate Apostolica fuerit dispensatum, neve alicujus criminis, aut infamiæ nota respersi, in Cardinales ullo umquam tempore assumantur.

Et nec illi, qui ad sacros Ordines promoveri non possunt.

§.14. Ceterum, ut non solum honore, sed etiam re ipsa cardines sint, super quibus ostia universalis Ecclesiæ tuto nitantur, divinaque, & humana ministeria sibi commissa utilius exequi possint, statuimus, ut lectissimi, & præcellentes viri in ipsum Collegium adscribantur, & quorum vitæ probitas, morum candor, præstans doctrina, & eruditio, eximia pietas, & erga salutem animarum ardens studium, & zelus, in dandis consiliis sincera fides, & integritas, in rebus gerendis singularis prudentia, constantia, & auctoritas, & aliæ qualitates a jure requisitæ, tam ipsi Pontifici, quam universo Collegio cognitæ, & probatæ sint.

Promovendi ad Card. doctrina, vitæ probitate, & aliis qualitatibus a jure requisitis, præstare debent.

§.15. Ac proinde ne homines sacrarum rerum plane imperiti, & rudes atque Ecclesiasticarum functionum ignari, quasi in Ecclesia Dei hospites, & peregrini statim hujusmodi muneri præfiantur, juxta decretum jam pridem a Nobis in prædicto Consistorio nostro sancitum, quod pariter harum serie innovamus, districte interdiciamus, ne quis ullatenus ad Cardinalatus honorem assumi queat, nisi qui antea clericali charactere insignitus, & in quatuor minoribus ordinibus constitutus, per annum saltem habitum, & tonsuram gestaverit clericalem.

Clericali etiā charactere insigniti, & in 4. minoribus Ordin. constituti per annū saltem antea promotionem habitum, & tonsuram gerere tenentur.

§.16. Cum autem ad honorem adeo sublimem



1586.

Filium utriuslibet sexus, etiam ex legitimo matrimonio, vel ex eo nepotem habentes, promoveri nequeat ad Cardin.

blinem promovendi omni virtutum, & prefertim castimonie laude supra ceteros plurimum eminere debeant, qui vero filios, etiam legitimos, ex uxore sua alias dignoscitur suscepisse, certum nequeat sue testimonium continentie exhibere, & pater erga proprios filios naturali affectu nimia quadam propensione feratur, verendumque sit ne propterea variis propriae domus negotiis, ac multiplici liberorum cura distractus, Ecclesiae negotia sibi credita, aut negligenter tractet, aut minus solícite, & fideliter quam par est, ejusdem Ecclesiae jura tueatur, prohibemus, ne aliquis, qui utriuslibet sexus filium, seu filios, etiam ex legitimo matrimonio susceptos, vel nepotem, seu nepotes ex eis habeat, ullatenus in Cardinalem assumi, aut promoveri possit.

Frater, etiam ex uno parente germanus, vel patruelis consobrinus, aut amitinus alicujus Cardin. viventis, Card. esse non possit.

§. 17. Insuper, ut sanctionum fomitem, & simultatum ansam, ex sacro hoc coetu, quantum cum Domino possumus, amputemus, decretum pie mem. Julii Papae III. Praedecessoris nostri in sacro olim Consistorio editum approbantes, & declarantes, similiter perpetuo interdiciamus, ne ullo umquam tempore assumatur aliquis posthac in ejusdem S. R. E. Cardinalem, qui frater ex utroque, vel alterutro parente germanus existat alterius Cardinalis viventis, ita ut eodem tempore duo fratres germani in eodem Collegio nullatenus esse possint. Quinimmo idem decretum extendentes, & ampliantes, prohibemus quoque ne patruelis, vel amitino, aut consobрино Cardinale vivente, alter ejus patruelis, vel amitinus, aut consobrinus ad Cardinalatum valeat promoveri.

Pater, aut avunculus nepotis ex fratre vel sorore Card. viventis prohibetur assumi ad Card. & e converso talis nepos patris, & avunculi.

§. 18. Sed, & pari ratione sancimus, ne patruo, aut avunculo Cardinali vivente, ejus ex fratre, vel sorore nepos, nec rursus nepote ex fratre, vel sorore Cardinali existente, illius patruus, aut avunculus, nec ullus denique alius, qui primo, aut secundo tantum consanguinitatis gradu alicui Cardinali viventi conjunctus sit, quamdiu is vixerit, in Cardinalem assumi possit. Ita ut omnes, & singuli praedicti tam pater filios, aut nepotes habens, quam fratres germani, patruelles, amitini, consobrini patruus, avunculus, nepos ex fratre, vel sorore, & quivis ut supra primo, aut secundo gradu conjunctus alter altero Cardinali vivente, ad Cardinalatum inhabiles, & illius incapaces sint, & censeantur, neque eorum aliquis Cardinalis creari valeat, neque adversus hanc prohibitionem ex quacumque etiam urgentissima causa cum eis liceat dispensari. Et nihilominus electio creatio, ac pronuntiatio Cardinalium hujusmodi contra praesentem probationem, aut interdictum facta, & attentata, nulla, irrita, & inanis sit eo ipso, ac cum omnibus inde secutis nullius sit roboris, vel momenti.

Absentes à Curia ad Card. promovendi, creari debent adiecta conditione, ut in-

§. 19. Postremo attendentes proprium esse eorumdem Cardinalium munus assistere, ut praemittitur, Christi in terris Vicario, eique in regenda Ecclesia Catholica

*Bull. Rom. Tom. IV. Par. IV.*

consilium, & operam assidue praestare, atque cum eo Ecclesiae necessitatibus providere, ipsosque tum ad id ex ipsius officii debito, tum ex sanctorum Patrum decretis teneri, ac propterea absurdum esse Cardinales procul ab ipso Pontifice vitam agere, & locum mansionemque suam in Ecclesia Dei adeo praecelsam contra hujusmodi officii debitum, & in suarum perniciem animarum negligere, ac deferere, inhærentes decreto similiter a Nobis in Consistorio nostro dudum desuper promulgato, de eorumdem Fratrum consilio statuimus, & ordinamus, nequis in posterum a Romana Curia absens Cardinalis creetur, aut pronuncietur, nisi hac adiecta conditione, ut intra annum in Romanam Curiam venire, & Apostolorum limina visitare teneatur, necnon, antequam Biretum rubrum, quod a Romano Pontifice de more benedici, ac per certum nuncium mitti solet, ei tradatur, illiusve capiti imponatur, juret in manibus personae alicujus in dignitate ecclesiastica constitutae, cui id negotii datum fuerit, se intra annum a die praestiti juramenti numerandum omni mora postposita, & impedimento remoto, ad Urbem, vel alio, ubi Rom. Cur. eo tempore fuerit, personaliter adventurum, ut sistat se Nobis, aut pro tempore existenti Rom. Pontifici, & Sanctae Sedi Apost. cujus obsequiis erit adscriptus, & quamdiu ipsi Pontifici visum fuerit, muneri suo incumbat: atque ita de legibus, moribus, consuetudinibus, ac toto statu ejusdem Sedis plene instruat, atque ad Ecclesiae, seu Provinciae, cui forsan praerit, necessitates sublevandas, abusus tollendos, mores reformandos, ecclesiasticam disciplinam, siqua ex parte labefacta fuerit, restituendam opportuna, & salutaria consilia ab ipsius Pontificis paterna caritate, sapientia, & vigilantia recipiat, & pro viribus exequatur. Cujus quidem juramenti postquam per eum praestitum fuerit, publicum inde instrumentum conficiatur, & in forma authentica ad Nos, vel nostri pro tempore successorem nulla interposita mora transmittatur. Quod si forte id jurare recusaverit, volumus, ut biretum rubrum ei omnino denegetur, ac nequaquam tradatur, sed ipso facto, absque alia declaratione, vel decreto Cardinalatus honore privatus existat, atque habeatur, in omnibus, & per omnia, ac si numquam in Cardinalem assumptus, vel promotus fuisset. Inhabilis quoque ad eandem dignitatem postea obtinendam, & illius incapax efficiatur. Sin autem juret, ac biretum rubrum accipiat, sed tamen postea ad Urbem, & Romanam Curiam, ut praefertur, intra annum a die praestiti juramenti non compa-ruerit, tunc pariter absque alia declaratione Cardinalatus dignitate, officio, titulo, denominatione, atque omnibus, & quibuscumque illius insignibus, facultatibus, privilegiis, aut auctoritatibus careat eo ipso, & perpetuo privatus sit, & esse censeatur, perinde, ac si numquam inter Cardinales cooptatus fuisset, nec biretum rubrum

1586.

fra annum Apostolorum limina visitare teneatur, & ante constitutionem bireti rubri eis a Pont. transmittendi, id facere jurent, & observent, alias Cardinalatus honore privati censeantur.



hunc accepisset. Quod quidem dicitur post id tempus confestim deponere omnino teneatur.

Decretum in  
titulis.

§. 20. Decernentes sic in præmissis omnibus, & singulis per quoscunque Judices, & commissarios, etiam causarum Palatii Apostolici Auditores, & ipsos S.R.E. Cardinales: in quavis causa, & instantia, sublatæ eis, & eorum cuique quavis aliter iudicandi, & interpretandi facultate, & auctoritate, iudicari, & definiri debere, nec non irritum, & inane quicquid secus super his a quoquam quavis auctoritate, scienter, vel ignoranter contigerit attentari.

Clausula de-  
rogatoria.

§. 21. Non obstantibus Apostolicis, ac in generalibus conciliis editis Constitutionibus, & Ordinationibus, etiam certum alium eorundem Cardinalium numerum præscribentibus, aut alias super præmissis disponentibus, quas omnes quatenus præfenti Constitutioni in aliquo adversantur, illarum tenores pro plene, ac sufficienter expressis habentes, etiam si de illis specialis, specifica, expressa, ac individua de verbo ad verbum, non autem per clausulas generales idem importantes, mentio facienda esset, omnino abrogamus, abolemus, & annullamus, ceterisque contrariis quibuscunque.

Forma publi-  
candi.

§. 22. Ceterum ut præsentis literæ omnibus innotescant, mandamus illas ad valvas Lateranensis, & Principis Apostolorum de Urbe Basilicarum, atque Cancellariæ Apostolicæ, & in acie Campi Floræ more solito publicari, & inibi affigi, & per aliquod temporis spatium dimitti, eisque detractis earum exempla eo in loco reliqui. Ac volumus, ut illarum transumptis manu alicujus Notarii publici subscriptis, & sigillo Prælati, vel personæ in dignitate ecclesiastica constitutæ munitis, in iudicio, & extra illud, ubi opus fuerit, eadem prorsus fides adhibeatur, quæ ipsis originalibus adhiberetur, si forent exhibitæ, vel offensæ.

Sanctio poe-  
nalis.

§. 23. Nulli ergo omnino hominum liceat hanc paginam, &c. Siquis autem hoc attentare præsumperit, indignationem, Omnipotentis Dei, ac beatorum &c.

D. P. An. II.  
3. Decembr.

Datum Romæ apud S. Petrum, Anno Incarnationis Dominicæ, millesimo quingentesimo octuagesimo sexto, tertio nonas Decembris, Pont. nostri Anno II.

Papæ subscr.

✠ Ego Sixtus Catholicæ Ecclesiæ Episcopus.

De ventre matris meæ tu es Deus  
protector meus.

Cardinalium  
subscriptiones

- ✠ Ego A. Card. Farnesius Vice-Cancellarius Episcopus Ostien.
- ✠ Ego Jac. Card. Sabellus Episc. Portuen.
- ✠ Ego Jo. Anto. Card. S. Georgii Episcopus Tusculan.
- ✠ Ego Jo. Franciscus Card. de Gambara, Episcopus Prænestin.
- ✠ Ego Inn. Avalus Card. de Aragon. Episcopus Sabinen.

- ✠ Ego Marcus Siticus Card. de Altaemps.
- ✠ Ego Marcus Ant. Card. Columna.
- ✠ Ego P. Card. Sanctacrucius.
- ✠ Ego Gabriel Card. Paleottus.
- ✠ Ego Frater Michael Bonel. Card. Alex.
- ✠ Ego Ludovicus Card. Madratus.
- ✠ Ego Nicol. Card. Senon. et. S. Prænedis.
- ✠ Ego Jul. A. Sanctorius Car. S. Severina.
- ✠ Ego Hieronymus Card. Rusticatus.
- ✠ Ego Jo. Hieronymus Card. Albanus.
- ✠ Ego Hieronymus Card. Simoncellus.
- ✠ Ego P. Card. Deza.
- ✠ Ego Jo. Antonius Card. Caraffa.
- ✠ Ego Jo. Antonius Card. S. S. Quattuor.
- ✠ Ego Jo. Baptista Card. S. Marcelli.
- ✠ Ego Julius Card. Cananinus.
- ✠ Ego Antonius Card. Salviatus.
- ✠ Ego Augustinus Card. Verona.
- ✠ Ego Vincentius Card. Montis realis.
- ✠ Ego Philippus Card. Spinola.
- ✠ Ego Georgius Card. Razivil.
- ✠ Ego Scipio Card. Lancellottus.
- ✠ Ego Vincentius Card. Gonzaga.
- ✠ Ego Jo. Baptista Castracius Signatura Justitiæ Præfekt.
- ✠ Ego Federicus Card. Cornelius.
- ✠ Ego Hippolitus de Rubeis Card. Pavia.
- ✠ Ego Decius Card. Azzolinus.
- ✠ Ego Hippolytus Card. Aldobrandinus Major Peniten.
- ✠ Ego Ferd. Card. Medicis.
- ✠ Ego Philippus Vast. Card. Camerarius.
- ✠ Ego Andreas Card. Battorius.
- ✠ Ego A. Card. Montaltus.

Sequitur declaratio d. Constitutionis.

§. 24. Sanctissimus D. N. dixit, quod cum in Constitutione, seu Bulla Sanctitatis Suae alias super creatione Sanctæ Romanæ Ecclesiæ Cardinalium, edita, volens Diaconos Cardinales, qui in sua vocatione permanserint, & in ministerio sui ordinis perseveraverint, majoribus honoribus prosequi, inter alia statuerit, ut post tres vacationes sex Ecclesiarum Cathedralium, quibus Episcopi Cardinales præfunt, quarta vacatione alicujus ex eis occurrente, prior Diaconorum Cardinalium, qui præfens fuerit, & in ætate legitima constitutus, vel si ille noluisse, aut nequivisset assumi, sequens Diaconus eisdem qualitatibus præditus, ad Ecclesiam hujusmodi Cathedrali, ut præfertur, vacantem promoveretur, & ita deinceps servaretur, prout in eadem Constitutione plenius continetur.

§. 25. Agnoscentque idem S.S.D.N. mentis suæ in ea Constitutione fuisse, non ut novus, vel forte paucos ante annos creatus Diaconus Cardinalis, ad aliquem ex dictis Episcopatibus, seu Ecclesiis, quibus seniores Presbyteri Cardinales præfici solent, promoveatur, sed qui diu in suo ordine, & vocatione (ut verba ejusdem Constitutionis aperte demonstrant) permanserit, & in ministerio sui ordinis perseveraverit, isti Ecclesiæ præficiatur, ac providere cupiens, ne forte in futurum dubitari contingat,

Enarratio di-  
ctæ Bullæ in  
parte hic de-  
claranda.

Dubium pos-  
set excitari  
circa tempus,  
quo Diaconus  
Cardinalis de-  
beat perseve-  
rare in Dia-  
conatu ante-  
quam possit  
promoveri ad  
Episcopatus,  
de quibus in  
d. Bulla.



Declaratio d.  
Dubii.

gat, de quanti temporis cursu perseverantia illa in Diaconatus ordine, & in ministerio intelligatur.

§.26. Eadem Sanctitas Sua, in eodem Consistorio suo secreto habito supradicta die, de venerabilium Fratrum suorum S. R. E. Cardinalium unanimi consilio, & assensu, sua Apostolica auctoritate declaravit, & decrevit, ut prior Diaconorum Cardinalium, seu alias, siye immediate seu successive sequens Diaconus Cardinalis quarta occurrente vacatione, ut præmittitur ad dictam Ecclesiam seu Episcopatum ex sex prædictis vacantem assumi, seu promoveri possit, exigi, & requiri debere, ut integros annos saltem decem, & non pauciores in suo Diaconatus ordine permanerit, & in illius ministerio perseveraverit, etiam si numerus 14. Diaconorum Cardinalium non sit expletus, dummodo ad minus decem Diaconi tunc existant, prout declarat, & decrevit.

§.27. Ac sic in præmissis &c. per quoscunque &c. etiam ipsos S. R. E. Cardinales &c. sublata eis &c. aliter judicandi, & interpretandi facultate, & auctoritate, judicari, & definiri debere, necnon irritum, & inane quidquid secus &c. contigerit attentari similiter decrevit.

Datum Romæ apud S. Petrum, die Mercurii 25. Novembris 1586. in Consistorio secreto.

## LXXVII.

Tolentini Oppidi in Provincia Picena, in Civitatem sublimatio, ejusque Collegiata Ecclesiæ in Episcopalem erectio.

*Ex hac Civitate prodijt S. Nicolaus Tolentinus nuncupatus, de cujus canonizatione, & festivitate videre est in Eug. IV. Constit. XXXVI. Licet militans. Tom. III. Par. III. fol. 55.*

SIXTUS EPISCOPUS  
SERVUS SERVORUM DEI

*Ad perpetuam rei memoriam.*

Proemium.

**S**uper universas Orbis Ecclesias, eo disponente qui cunctis imperat, & cui omnia obediunt, quamquam sine nostris meritis constituti, levamus in circuitu agri Dominici oculos nostræ mentis, more pervigilis pastoris inspecturi, quid provinciarum, & locorum quorumlibet statui congruat, ac desuper disponi debeat, unde divino fulti præsidio, dignum, quin potius debitum arbitramur, in irriguo militantis Ecclesiæ agro, novas Episcopales sedes, & Ecclesias plantare, ut per hujusmodi novas plantationes popularis augeatur devotio, divinus cultus floreat, & animarum salus subsequatur, loca insignia, præsertim, quorum incolæ benedicente Domino multiplicari noscuntur, dignioribus titulis, & condignis favoribus illustrentur, ipsique incolæ honoratorum Præsulum ad-

sistentia, regimine, & doctrina iussultu, in via Domini magis magisque in dies proficiant.

§.1. Sane attendentes Oppidum Tolentini, Camerinen. Dioc. in agro Piceno, & territorio fructifero, ac loco satis amano, & pervio situm, admodum celebre, ac muris firmiter cinctum, plurium adificiorum ornatu decorum, copioso incolarum numero habitatum, ac mille ad minus ultra Castra Colmurani sibi suppositi focularia siye domus continere; ac in eo unam S. Mariæ cum Campanili campanis, organo, choro, Sacristia, Plebano, ac Canonicis, & aliis ad Cathedralē Ecclesiam requisitis, ac alteram Ecclesiam Collegiatam S. Jacobi, cum Priore, & Canonicis, præterea S. Cattervii, S. Augustini Canonicorum regularium, in qua ejusdem S. Cattervii, S. Septimie, ac S. Bassi corpora reperiuntur, necnon S. Nicolai de Tolentino nuncupati, Fratrum Eremitarum ejusdem S. Augustini, in qua existit unum brachium Innocentium, & corpus ejusdem S. Nicolai, qui ob vitæ sanctimoniam, in vita, & post ejus obitum miraculis coruscans numero Sanctorum meruit adscribi, cujus etiam festum nuperrime in toto Statu Ecclesiastico celebrari, & custodiri mandavimus. Ad hæc S. Francisci Fratrum Minorum Conventualium, & S. Mariæ Cisoloni Fratrum Minorum de Observantia, ac S. Petri Fratrum Capuccinorum nuncupatorum, necnon S. Hieronymi Fratrum ejusdem S. Hieronymi ac S. Agnetis Monial. S. Clare Ord. Monasteria, & regulares domos, ac quamplures alias Ecclesias, ac duo Hospitalia pro pauperibus, & infirmis recipiendis satis commode extructa adesse, & ex eo Cardinales, Episcopos, Referendarios, & strenuos milites, Capitaneos, & Duces generales Status Ecclesiastici, aliosque Illustris, & egregios, ac religionē, & doctrinā præclaros viros prodijisse.

§.2. Nos cupientes Oppidum Tolentini præfatum, cujus, dum Cardinalatus honore fungeremur, protectores, & fautores fuimus, cujusque dilectos filios communitatem, & homines singulari dilectione prosequimur, necnon Collegiatam Ecclesiam S. Mariæ hujusmodi dignioribus titulis, ac nominibus decorari, habita super his cum Fratribus nostris deliberatione matura, de illorum consilio, & assensu, ac de Apostolicæ potestatis plenitudine ad Omnipotentis Dei laudem, & gloriam, ac ejusdem Beatæ Mariæ Virginis honorem, & Christifidelium devotionis augmentum, Oppidum, & castram hujusmodi, ac Villas Comitatus Tolentini, eorumque territoria a dicta Dioc. cui in spiritualibus subiecta sunt, Apostolica auctoritate tenore præsentium perpetuo separamus, & dismembramus, illaque separata, & dismembrata, ac illarum incolas habitantes, Ecclesiarum Rectores, Beneficiatos, Priores, & alios inibi beneficia Ecclesiastica obtinentes, Monasteria, Domos regulares, aliaque pia loca omnia ab omni jurisdictio-

Oppidi Tolentini, in multis commendatio.

Oppidi Tolentini, ab incolis & beneficiis Diocesis Camerinen. separatio.



Erectio ejusdem Oppidi in Civitatem, & ejus Ecclesie S. Mariæ in Cathedrali, & concessio privilegiorum.

Concessio Alimularum pro Canonicis dictæ Cathedralis.

Unio d. Episcopatus cum Episcopatu Maceraten.

Vicarius exstet in Civitate Tolentini, qui solum Episcopum in Superiorem recognoscat.

Assignatio dotis.

ne Episcopi Camerinen. necnon solutione decimarum eidem Episcopo per eos debitarum de cetero facienda, auctoritate, & tenore prædictis etiam perpetuo eximimus, & liberamus.

§.3. Insuper Oppidum Tolentini in Civitatem Tolentini, & Collegiatam Ecclesiam S. Mariæ hujusmodi in Cathedrali sub invocatione ejusdem S. Mariæ, ac in ea dignitatem, Sedem, & mensam Episcopalem pro uno Episcopo Tolentino nuncupando, qui eidem Ecclesie Tolentinæ præsit, ac jurisdictionem Episcopalem habeat, & exerceat, cum omnibus privilegiis, honoribus, juribus, & insignibus debitis, & consuetis, ac quibus alii Episcopi, de jure, vel consuetudine, aut alias quomodolibet in spiritualibus utuntur, potiuntur, & gaudent, ac uti, potiri, & gaudere quomodolibet poterunt in futurum, necnon plebaniam illius in Archidiaconatum, qui inibi dignitas major post Pontificalem existat, eidem auctoritate, & tenore similiter perpetuo erigimus, & instituimus, ipsamque Ecclesiam sic in Cathedrali erectam Sedi Apostolicæ immediate subiicimus, ac sub protectione BB. Petri, & Pauli Apostolorum suscipimus.

§.4. Præterea Canonicis ejusdem Ecclesie sic in Cathedrali erectæ, ut alimutias per Canonicos aliarum Cathedralium Ecclesiarum deferri solitas, deferre libere, & licite valeant, auctoritate, & tenore prædictis, pariter perpetuo indulgemus.

§.5. Ipsamque Ecclesiam sic in Cathedrali erectam cum Ecclesia Maceraten. unimus, ita ut pro tempore existens Episcopus Maceraten. sit ambarum Ecclesiarum unitarum hujusmodi Episcopus, & licet vocetur Episcopus Maceraten. tamen in literis, & expeditionibus pertinentibus ad Civitatem, & Dioec. Tolentini ordinarie se subscribere debeat Episcopus Maceraten, & Tolentin.

§.6. Teneanturque retinere unum Vicarium in dicta Civitate Tolentin. qui non recognoscat Superiorem, nec ab eo habeatur recursus ad Vicarium dictæ Civitatis Maceraten. sed tantum ad ipsum Episcopum.

§.7. Eidemque Ecclesie Tolentin. sic in Cathedrali erectæ pro illius mensæ Episcopalis dote, redditum annuum quadringentorum scutorum monetæ Marchiæ per Episcopum Tolentin. propria auctoritate percipiendum de semestre in semestre, & in fine cujuslibet semestris, vel in fine cujuslibet mensis pro rata, arbitrio ipsius Episcopi, quem præfata Communitas Tolentini eidem Ecclesie sic in Cathedrali erectæ super redditibus molendini ipsius Communitatis, quousque tot prædia ipsa Communitas emat, & eidem Ecclesie sic in Cathedrali erectæ consignet, quorum fructus ad dictam summam quadringentorum scutorum ascendant, constituerunt, & assignarunt, ac domum contiguam dictæ Ecclesie Tolentinæ, pro usu, & habitatione ipsius Episcopi Tolentini applicamus.

§.8. Ac ipsi Ecclesie sic in Cathedrali erectæ Civitatem Tolentini, ejusque incolas, & habitatores pro Civitate, & civibus, necnon terras, villas, & castrum Colmurani præfata, eorumque territoria pro ejus Dioec. ac etiam Clerum, & Populum Civitatis, & Dioec. Tolentin. pro Clero, & Populo, auctoritate, & tenore prædictis etiam perpetuo assignamus.

§.9. Decernentes ex nunc irritum, & inane, si secus super his a quoquam quavis auctoritate scienter vel ignoranter contigerit attentari.

§.10. Non obstantibus Lateranensis Concilii novissime celebrati, uniones perpetuas nisi in casibus a jure permissis fieri prohibentis, aliisque Constitutionibus, & Ordinationibus Apostolicis, necnon dictæ Mariæ, & Camerinen. Ecclesiarum prædictarum juramento, confirmatione Apostolica vel quavis firmitate alia roboratis statutis, & consuetudinibus, privilegiis quoque, indultis, ac literis Apostolicis, illis, earumque Præsulibus, Capitulis, & personis, sub quibuscumque tenoribus, & formis, etiam Motu proprio, ac consistorialiter, & alias in contrarium quomodolibet concessis, approbatis, & innovatis. Quibus omnibus eorum tenores præsentibus pro expressis habentes, illis alias in suo robore permanens, hac vice dumtaxat specialiter, & expresse derogamus, ceterisque contrariis quibuscumque.

Nulli ergo omnino hominum liceat hanc paginam nostræ &c.

Datum Romæ apud Sanctum Petrum Anno Incarnationis Dominicæ, millesimo quingentesimo octuagesimo sexto, quarto Idus Decemb. Pont. nostri Anno II.

## LXXVIII.

Reformatio circa immoderatos sumptus, qui in Alma Urbe fieri consueverunt, circa vestes, dotes, ornamenta, indumenta, & convivium.

Similem reformationem vide in Pii V. Constit. LX. Quoniam. Tom. IV. Pa. II. fol. 389.

## SIXTUS PAPA QUINTUS

Motu proprio &c.

Cum in unaquaque bene, & recte instituta Republica, & Civitate, soleat sumptibus Civium, & privatorum hominum moderatio aliqua adhiberi, idque non solum redundet in utilitatem singularum personarum, & familiarum, ne hac de causa immutato patrimonio sive re familiari absumpta, ad paupertatem redigantur, & plurima exinde damna, & pericula proveniant, sed etiam ad universam Rempublicam pertineat, cujus interest Cives habere locupletes, & ne privati rebus suis male utantur, precipue hoc ipsum observandum est in hac Alma Urbe nostra, ex qua tamquam ex communi omnium patria, frugalitatis, modestiæ, ac bonorum morum exempla ad externos manare] convenit, ut quæ tot do-

Dioecesis præfinitio, & Cleri assignatio.

Decretum irritans.

Clausula derogatoria, & sanctio penalis.

D. P. An. II. 10. Decembr.

Pontifex iste ex paterno erga Almam Urbem affectu, & ex causis hic expressis Justitiam Conservatoribus Populi Romani, ut reformationes facerent, opportunas, circa immoderatos sumptus.



donis ac prerogativis excellit, eadem optimis institutis, legibus, & consuetudinibus sit temperata, sicuti jam inde a priscis etiam florentis Reipublicæ sæculis, mox Imperatorum, ac deinceps posterioribus Rom. Pontificum, præsertim fel. rec. Clementis VII., Pii IV., & Pii V. Prædecessorum nostrorum temporibus, in eadem Urbe Roma complures leges, ac statuta de sumptibus immoderatis coercendis, salubriter edita fuerunt. Quæ cum successu temporum minime fuerint observata, & hac etiam tempestate, tum in constituendis dotibus puellarum, quæ in Matrimonium collocantur, tum in supervacaneis plerumque, & minime decentibus ornamentis, tam circa Mundum muliebre, quam circa indumenta etiam virorum, tum in conviviis, & aliis hujusmodi rebus, superflui ac pro modo facultatum excessivi sumptus fiant. Idcirco pro eo, quem gerimus erga eandem nostram Civitatem, illiusque populum paternæ dilectionis affectu, in primis Nobis cordi fuit, hujusmodi abusus, antequam latius serpent, de medio tollere, & exemplo nostrorum hujusmodi Prædecessorum, similibus remediis uti. Ideoque dilectis Filiis Camera ejusdem Urbis, ac Populi Romani Conservatoribus, & Magistratui commisimus, & mandavimus, ut ad moderandos sumptus hujusmodi, opportunas conficerent reformationes.

Illi hanc Reformationem statuerunt, & Summo Pontifici dediderunt.

Et Cardinales & alii ab eodem Pontifice deputati eam absolverunt, & perfecērunt.

§. 1. Qui mandato nostro parentes, una cum civilibus aliquot ex unaquaque dictæ Urbis Regione ad id deputatis, eas præsentium temporum conditioni, & moribus accommodatas composuerunt, ac postea tam a Magistratu quam a deputatis prædictis subscriptas, Nobis præsentarunt.

§. 2. Nos vero cupientes rem ipsam accurate, & debita circumspectione absolvi, dilectis Filiis nostris Julio Antonio S. Bartholomæi in Insula S. Severinæ, necnon Scipioni S. Simeonis Lancellotto, ac Henrico S. Pudentianæ Caetano, mox istis duobus ultimo dictis absentibus, Hippolyto S. Pancratii Aldobrandino, ac novissime Antonio Mariæ Salviato S. Mariæ in Aquiro, Titulorum Presbyteris Cardinalibus nuncupatis, dedimus in mandatis, ut easdem reformationes diligenter reviderent, & examinarent, qui postmodum convocatis dicto Magistratu, quatuor Prælati utriusque Signaturæ nostræ Referendariis Romanis, & septem ex dictis per singulas regiones deputatis, sæpius insimul hac de causa respective congregati, eisdem reformationibus diligenter excussis, ac sigillatim examinatis, alia emendarunt, alia explanaverunt, nonnulla addiderunt, easque in meliorem ordinem redactas Nobis exhibuerunt. Ac demum cum hujusmodi reformationes, in privato publicoque Consilio ejusdem populi propositæ nuper, & perlectæ fuerunt.

Confirmat modo idem Pontifex dictam Reformationem.

§. 3. Nos cupientes illas inviolate observari, Motu &c. simili, & ex certa nostra scientia, reformationes ipsas, prout inferius descriptæ sunt, cum omnibus, & quibuscum-

que in eis contentis, auctoritate Apostolica perpetuo approbamus, & confirmamus, illisque perpetuæ, & inviolabilis firmitatis robur adicimus, easque præsentis scripti patrocinio communimus, omnesque, & singulos juris, facti, & solemnitatum etiam substantialium in eis forsan omissarum defectus, siqui intervenerint, supplemus, & pro illarum subsistentia firmiori, quæcumque in prædictis reformationibus continentur, de novo eadem auctoritate perpetuo statuimus, & ordinamus, ac omnes, & quascumque personas utriusque sexus cujuscunque status, gradus, conditionis, & præ eminentiæ fuerint in eadem Urbe habitantes, etiam advenas, & curiales, ad eandem reformationum observationem teneri, & illis omnino obligari decernimus, & declaramus.

§. 4. Necnon dilectis filiis ejusdem Urbis Gubernatori, & Senatori, ac Conservatoribus prædictis, nunc, & pro tempore existentibus, in solidum districte præcipiendo mandamus, ut tam Gubernator, & Senator prædicti, & eorum quilibet, quam etiam ipsi Conservatores curent, & faciant reformationes hujusmodi perpetuo, & inviolabiliter observari, & ad illarum executionem, etiam quoad poenas, sine ulla spe remissionis, procedi. Volentes nihilominus, ut cujuscunque Curie, aut Tribunalis dictæ Urbis executores, quascumque utriusque sexus personas, quas hujusmodi reformationibus contravenire deprehenderint, notare, ac dictis Judicibus deferre, & denunciare.

Executores Reformationis deputati, & jurisdictionem eisdem concedit.

§. 5. Necnon decernimus, quod hujusmodi nostri Motus proprii sola signatura sufficiat, isque etiam non registratus, in iudicio, & extra illud plenam fidem faciat, regula contraria non obstante. Et quod inferius descriptis reformationibus, ac præsentis nostri Motui proprio, ac dispositioni, etiam per Nos, & Successores nostros nunquam sufficienter derogatum censeatur, nisi prius accedente expresso consensu eorundem Conservatorum pro tempore existentium, & ipsius Populi in Consilio publico congregati, ac deinde publica Signatura nostra proposita per aliquem Referendarium supplicatione, cum hujusmodi nostri Motus proprii insertionem, per supplicationem aut alium Motum proprium, nostra, seu Romani Pontificis pro tempore existentis manu signatum, derogatio fuerit concessa, & quod idem Motus proprius, una cum dictis Reformationibus, manu scriptus sive impressus reponatur, & perpetuo retineatur post libros Statutorum Urbis, inter alias ejusdem Urbis, & Camera Populi Romani reformationes, privilegia, & indulta, quæ in eorum proprio volumine continentur.

Clausulas præservativas apponit.

§. 6. Quodque ejusdem Motus proprii, & reformationum transumptis, etiam impressis, manu alicujus Notarii publici subscriptis, & sigillo Gubernatoris, aut Senatoris, vel Conservatorum prædictorum, vel alicujus personæ in dignitate Ecclesiastica constitutæ munitis, eadem fides adhibea-

Transumptis credi jubet.



beaturn in iudicio, & extra, quæ ipsis originalibus huiusmodi adhiberetur, si forent exhibitæ, vel offensæ.

Forma & effectus publicandi huius Constitutionis.

§.7. Ac quod in palatii Capitolini, Conservatorum eorumdem, ac audientiarum causarum Palatii Apostolici valvis, & in acie Campi Floræ, dimissis inibi copiis affixæ omnes, & singulos, ita afficiant, & arctent, ac si illis personaliter intimatæ fuissent.

Decretum irritans.

§.8. Sicque in præmissis, & infra scriptis, omnibus, & singulis, per quoscunque Iudices, & Commissarios, & Causarum Palatii Apostolici Auditores, & Sanctæ R. E. Cardinales, sublata eis, & eorum cuilibet, quavis aliter iudicandi, & interpretandi facultate, iudicari, & definiri debere, irritumque, & inane, si secus super his a quoquam quavis auctoritate scienter vel ignoranter contigerit attentari.

Clausula derogatoria.

§.9. Non obstantibus Constitutionibus, & Ordinationibus Apostolicis, aliisque dictæ Urbis reformationibus, statutis, consuetudinibus, etiam novissime editis, iuramento confirmatione Apostolica, vel quavis firmitate alia roboratis, privilegiis quoque, indultis, & literis Apostolicis eisdem Conservatoribus, & aliis Magistratibus, Populo, Civibus, & Incolis, aut ceteris personis, in genere, vel in specie, quomodolibet concessis, approbatis, & innovatis. Quibus omnibus illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscunque.

Papæ subscr.

Fiat Motu proprio F.

D. P. An. II.  
23. Decemb.

Datum Romæ apud Sanctum Marcum, decimo Kalendas Januarii, Anno II.

*Sequitur tenor dictæ Reformationis.*

Riforma del vestire, delle doti, & d'altre spese, da osservarsi in quest'Alma Città di Roma, da ciascuna persona di qualsivoglia stato, grado, condizione, & preminenza si sia, fatta per ordine di Nostro Signore dalla Congregazione de' Deputati da Sua Santità.

*Modo da osservarsi nel vestire degl'Uomini.*

Moderatio circa vestes virorum.

**I**N primis, non sia lecito di portar nelle berrette, & cappelli medaglie, nè gioje, nè perle, nè vere nè false, nè puntali, nè rosette, nè altro ornamento d'oro & d'argento, nè buono, nè falso, nè piume, nè pennacchi, nè ricami, nè smalti, eccetto un cordon di velo, & di seta intorno.

Item non sia lecito di portar collane al collo, se non à Cavalieri di alcun'Ordine Militare, & altri fatti da Principi, per portare attaccata la croce, & medaglia.

Item non sia lecito di portar camiscie lavorate d'oro, & d'argento.

Item non sia lecito di portar giabbone con altra guarnizione, eccetto, che con imbottitura di seta semplice, difesa per traverso, & per lungo senz'altro lavoro, ed si possa trinciare con taffetà sotto.

Item non sia lecito in sajo, casacca,

colletto, & simile forte di vestimenti di panno, & di drappo, mettere altra guarnizione, che una banda intorno alli busti, maniche, & falde di drappo non proibito, larga al più un terzo di palmo per di fuori, & dentro, ovvero un rivetto, & passamano, & frangetta, & trina di seta mezzo dito larga intorno all'estremità, la qual banda non possa aver più di sei imbottiture, & si possa compartire in tre liste, & rivetti al più con due imbottiture per ciascuno, con le mostre di ermesino, & taffetà, nè sia lecito di portar bottoni, nè puntali d'oro, nè d'argento, nè di gioje, nè di perle vere, nè false, nè si possa foderare d'altro drappo, che di taffetà schietto, & non si possa mettere drappo sopra drappo, eccetto, che taffetà, & ermesino nell'estremità.

Dichiarando, che li drappi proibiti s'intendano tutti quelli ne' quali entri oro, & argento, buono, & falso, & tanto tessuti quanto non tessuti.

Item non sia lecito di portar nella cappa altra guarnizione, che una banda intorno, di dentro, & di fuori di drappo non proibito, largo mezzo palmo al più, nella quale non si possano fare più di sei imbottiture, con un passamano, & frangetta, & trina intorno alla estremità, la qual banda possa compartirsi in due, & tre liste, & rivetti, con due imbottiture per ciascheduna, & la cappa, cappotto, tabarro, & ferajolo, non possano esser foderati d'altro, che di roverso, & taffetà, & di pelli non proibite, le quali pelli proibite s'intendano zebellini, lupi cervieri, armellini, & martore eccettuata la cappa, la quale possa esser foderata di velluto, senz'altra guarnizione.

Item non sia lecito usare calzoni & cosciali di drappi proibiti, nè in quelli oro, & argento, buono & falso, nè ricamo, & intaglio di sorte alcuna, nè disegno di ricamo, ma possano usarsi li cosciali con trinci di drappo non proibito, schietti senza sorte di alcun'altro ornamento, che della fodera di tutto il cosciale di raso, doblotto, toletto, ermesino, & taffetà, & così li cosciali di drappo non proibito, purchè non sia seta sopra seta.

Item nelle calzette di seta, & ligacci non possa portare oro, & argento, vero, nè falso.

Item non sia lecito nelle scarpe di velluto portare trapuntatura di seta d'altro colore, che quello delle scarpe, nè farvi altra forte d'ornamento.

Item le cinte delle spade non si possano portare se non di corame, & di velluto, senza ricamo, & senza oro, & argento vero, & falso, nè smalto, ma possano ben le fibie esser indorate, & inargentate; & similmente le guarnizioni delle spade.

Item, perchè non solo nel vestir delle proprie persone, ma ancora nelle livree dei servitori, ed ornamenti de cavalli si eccede in molte spese, per questo si proibisce il vestir servitori, staffieri, & paggi di casacca, sajo, colletto, giabbone, cappotto, cosciali, calzoni di qualsivoglia drappo di seta, ma se li



se li possa permettere una banda di drappo, ovvero al più due bande di drappo, che non eccedano un terzo di palmo intorno alla cappa, cappotto, casacca, sajo, colletto, ò calzoni, con una trina, ò passamano schietto senz' altro ornamento. E si proibisce inoltre, che non si possano vestire di livrea più di quattro persone tra servitori e paggi.

Item non sia lecito di portare gualdrappa, ò coperta di velluto, nè di panno, che sia guarnita di velluto, eccetto che d'una frangia, ò trina di seta nell'estremità.

Item nelle selle di velluto non si possa portare guarnimento d'oro, ò d'argento, vero ò falso, nè ricamo, eccetto frange, trina, ò passamani di seta del medesimo colore.

Item non possano portare finimenti di cavalli se non di corame senza fiocco di sorte alcuna, nè manco miniati d'oro, ò d'argento, non proibendo che le fibbie, borchie, briglie, sproni, ò staffe possano esser indorate, ò inargentate.

*Medi da osservarsi nel vestir delle Donne,  
e prima dell' Abito delle Spose.*

Moderatio  
circa vestes  
Sponsarum.

**N**on sia lecito alle Spose di portare in testa, nè ciuffi, nè fiori, veri nè artificiosi, nè ricci finti, nè piume, nè pennacchi, nè magnofelle, nè altra simil portatura alta, ma debbano portar la tela, ò panno listato, che arrivi alla fronte al principio de i capelli ancorchè vadino in cocchio.

Item non possano portare altri ornamenti in testa, che perle ad oncia, ed una frontzetta di gioje, e perle, che non ecceda il valor di ottanta scudi.

Item non possano portare pendenti da orecchia con gioje, eccetto, che con perle, ò d'oro smaltato.

Item non possano portate camiscie, colletti, nè altre cose lavorate d'oro, ò d'argento eccetto li fazzoletti.

Item non possano portar guanti profumati, ma solamente d'acque odorifere.

Item non possano portare più d'uno ovvero due anella nelle dita, che ambidue non passino il valor di cento cinquanta scudi.

Item non possano portare maniglie alle braccia ornate di perle, camei, ò qualsivoglia altra sorte di gioje.

Item non possano portare cannacche, nè corone di profumo nè d'altra sorte al collo, nè traverso le spalle, nè alcuna sorte di banda, eccetto che al collo un vezzo di perle di un filo solo, il cui prezzo non passi scudi trecento, ò catena d'oro senza gioje, che non ecceda il valore di settanta scudi.

Item non possano portare cintura con gioje, ò con perle, nè che la fattura ecceda trenta scudi.

Item nelle vesti, ò zimarre di drappo

*Bull. Rom. Tom. IV. Par. IV.*

non possano portare altra guarnizione d'oro ò d'argento, vero ò falso, largo più d'un dito tanto nelli busti, quanto nell'estremità, nè possano esser vesti, nè zimarre trinciate, nè ricamate, e similmente non possano portar pianelle con passamano d'oro, ò d'argento, vero ò falso.

Item non possano farsi nè portare più d'una veste d'oro, ò d'argento semplice, schietto, non trinciata, nè ricamata, e senza guarnizione, eccetto che di una pistagna distesa, ò trina larga mezzo dito al più nell'estremità.

Item non possano portare la veste con, strascino, che passi un palmo.

Item non possano portare sottane d'oro ò d'argento, nè dove sia in qualsivoglia modo oro, argento, vero ò falso, ò sorte alcuna di guarnizione, eccetto una ò due liste, ò una trina di seta, larga al più mezzo dito, al busto, maniche, ed estremità.

Item nelle vesti non possano portare, rosette, bottoni, ò puntali d'oro, nè d'argento, nè gioje, nè perle, vere ò false, ò smalto.

Item non possano portar vesti, zimarre, traverse, panni da testa, ò qualsivoglia altra sorte di rete, eccetto cuffie, colletti, e panni di spalle.

Item non possano portare berretta, ma solamente il cappello, con un passamano, ò trina d'oro, ò d'argento intorno, senza piume ò ricamo, senza puntali, rosette, medaglie, ò gioje, vere ò false.

Item non possano portar veli, ò buratti trasparenti senz' altra veste di sotto.

Item non possano andare in maniche di camiscie per Roma, nè a piedi, nè in cocchio.

Dichiarando che l'esser Sposa s'intenda per due anni dal giorno, che sarà andata a marito, e non più, per tutto il qual tempo possa portare li sopradetti ornamenti, il qual passato, sia obbligata di mettersi in panni.

Item che tutto quello, che è proibito alle Spose, s'intenda ancora esser proibito alle Zitelle di qualsivoglia età, alle quali in oltre si proibiscono ancora le gioje vere ò false, le vesti d'oro ò d'argento, vero ò falso, ricami, ed intagli.

*Dell' Abito delle Maritate messe in Panni.*

**S**i ordina, e dichiara, che tutto quel che è proibito, come di sopra alle Spose, s'intenda espressamente proibito ancora alle Maritate messe in panni.

Item a nessuna Donna maritata, e messa in panni sia lecito di portare alcuna veste, ò sottana, ò zimarra di drappo, nè trincio, nè ricamo, nè intaglio, nè guarnizione d'oro nè d'argento vero ò falso, eccetto crespone, ò buratto doppio, nè trasparente.

Item non possano portare alcuna sorte di pendenti all' orecchie, nè cannacca, nè catena di gioje ò d'oro, nè cintura d'oro, ò di gioje, ò di smalto, nè corone di profumo,

Moderatio  
circa vestes  
mulierum con-  
jugatarum.



fumo, nè al collo; nè alla cintura, nè in mano, eccetto che quando anderanno a nozze, o a feste un vezzo di perle di un filo solo del prezzo come di sopra.

Item non possano portare fazzoletti, o colletti lavorati d'oro o d'argento, vero o falso, o di seta di colore.

Item nelle vesti di sopra, o zimarre non possano mettere altra guarnizione, che una pistagna, trina, o passamano negro o pavonazzo, che non sia largo più di mezzo dito, e solamente intorno alli busti, maniche, ed all'estremità.

Item non possano portar pianelle con alcuna sorte di ornamento, ma semplici, con un passamano di seta.

Item non possano andar fuori di casa, nè a piè nè in cocchio, senza portar soprajetto o panno listato, steso, e senza pizzo.

Item andando a nozze, ed a feste, possano portar le camiscie lavorate di seta di un color solo, ed una veste di drappo semplice.

#### *Del vestire, ed Abito delle Vedove.*

Moderatio  
circa vestes  
& habitum  
Viduarum.

**N**on sia lecito alle Vedove di portare altri panni, che roggi, o tinti di colore, che non sia più oscuro, che roggio, ed il panno listato non avanzi fuori della fronte più, che uno o due dita, e le lor vesti vedovili siano senza busti, e se sono aperte al petto, abbino la pezzetta roggia sotto con il panno di spalla di sopra, e con la cinta solita di tela bianca; e le lor vesti siano semplici, senza ornamento o guarnizione di forte alcuna, e le maniche delle vesti siano di maniera, che non si possano vedere le maniche delle sottane, eccetto se le dette maniche fossero nere.

#### *Moderazione delle Doti.*

Moderatio  
dotium.  
Frequentissime  
datur maiores  
dotes,  
previa  
supplicatione  
& gratia  
Papae.

**S**e bene altre volte fu fatto particolar statuto sopra la moderazione delle Doti, e quello confermato per Motu proprio dalla santa mem. di Papa Pio Quinto, nondimeno non essendo nella debita osservanza, massime per domandarsene continuamente derogazione, e tuttavia aumentandosi le dette Doti; per provvedere con nuova moderazione, conveniente a questi tempi, a tal' eccesso, che è causa di molti disordini, e inconvenienti, ed ha molto bisogno di riduzione.

Si ordina che nessuna persona di qualunque stato, grado, o preminenza si sia, ardisca nè presuma costituire, promettere, pagare, ricevere ancorchè la Donna fosse erede, tanto in denari contanti, quanto in argento, oro, gioje, provenzioni, o altre cose eziandio mobili, e semoventi, ragioni, ed azioni, dote, ed accancio, in una o più volte, che passi o ecceda, e computata eziandio cassa bianca, bacile, e boccale, la somma di scudi cinque mila, e cinquecento di moneta, a ragione di dieci giulj per scudo, nè sia lecito a questo contravenire per alcun patto o con-

sentimento, etiam giurato, da farsi per li contraenti, ed altre persone terze, per causa, ed occasione di accrescer somma dotale, constituir pegno, o in qualunque modo far fraude a questa ordinazione, ad effetto, che il marito o la donna o altri per essi, vengano ad aver più della detta somma di scudi cinquemila, e cinquecento in alcun modo, o via diretta o indiretta, alla pena di mille scudi simili, da incorrerli per ciascuno, che contrafarà, e di applicarsi per la quarta parte all'accusatore, qual sarà tenuto segreto, l'altra parte all'esecutore, e per il resto alla fabrica del Palazzo de' Conservatori della Camera di quest'Alma Città di Roma, e nientedimeno pagata o non pagata la detta pena, tutto quello, che oltre la detta somma si desse, ovvero ancora con intervento di terze persone, sotto qual color si sia di donazione parafreno, o altro titolo, etiam in persona della donna, qual similmente si proibisce sotto la pena predetta, ipso facto sia applicato alla fabrica del Palazzo delli Conservatori. Ed ancora si ordina, che colui che costituisce, dà, ovvero promette in alcun modo oltre la somma predetta, o suo erede o successore, ovvero la donna, per la quale fusse data per verun tempo, venendo in caso della restituzione, non possa ridomandare il soprapìù, ed abbi perdata ogni azione, che in ciò, e sopra ciò gli competesse, e detto sopra più s'applichi ipso jure alla fabrica predetta, come di sopra, e che tutti simili contratti o private scritture, quali sopra ciò si facessero, siano quanto alla detta quantità eccessa, ipso jure nulli, & invalidi, e per vigore di essi non se ne possa fare alcuna esecuzione, quanto alla quantità eccedente li scudi cinquemila, e cinquecento. Ancora si proibisce a tutti, e singoli Notari, che non ardiscono nè presumano rogarli d'alcun istromento, qual sia contra la proibizione soprascritta nè far scrittura, o che si riferisca a quella, cedola privata, o qualunque altra scrittura o arbitrio d'uomo, sotto pena del falso, e di scudi duecento per ciaschedun di loro, che contrafarà, d'applicarsi come di sopra, e detti contratti siano nulli, ed invalidi ipso jure, & nullius fidei, ed essi Notari s'intendano nondimeno privati in perpetuo de loro offizj, e similmente si proibisce, che nessuna persona possa in ciò, come mezzano intravenire, o altrimenti presuma far cedola privata, ovvero esser testimonio in contratto o cedola, che fusse contra la proibizione predetta, alla detta pena da incorrerli, ed applicarsi come di sopra. Si ordina ancora, che nelle soprascritte proibizioni, e pene siano compresi Baroni, Cortigiani, o Forastieri, che apparenteranno con Romani, tanto originarj, come fatti Cittadini, e incolj di Roma, ancorchè siano Chierici, tanto dando, e promettendo, quanto ricevendo, e stipulando, ovvero come mezzano, Notaro, testimonio, fidejussore, e promissore, o in qualunque altro modo s'intromettano; purchè uno delli con-



conforti, cioè, ò sposa ò marito, ò sposo ò moglie sia Romano originario, overo fatto Cittadino, ò pure incola di Roma,

*Moderazione del donare nelle Nozze.*

Moderatio  
donatione in  
nuptiis.

**N**ON sia lecito à padre ò madre, ò altra congiunta persona della Sposa, donare allo Sposo ò ad altri per lui, direttamente ò indirettamente, nel tempo della subarrazione, ò prima, ò poi alcun vaso, bacile, ò boccale, coppa, nappo, catena, ò altro dono, tanto d'oro come d'argento, denari, gioje, perle, drappi, ò altra cosa, eziandio non simile alla pena di scudi cinquecento, e perdita delle robbe, d'applicarsi come di sopra.

Item a nessuna persona senza eccezione di parente alcuno, sia lecito nel giorno, ed atto dell'arraglia, ò pubblicazione del contratto del matrimonio per verba *de presenti*, nè inanzi, donare cosa alcuna di qualsivoglia sorte alla sposa, ma passato il detto giorno sia lecito solamente alli parenti fino al secondo grado di consanguinità, & affinità, computato secondo il jus canonico *inclusive*.

Item non sia lecito allo sposo mandare alla sposa in Natale alcun presente in robbe che ecceda il valore di scudi venti.

Item non sia lecito allo sposo donare alla sposa più di due vesti, le quali però non siano di drappo proibito.

*Moderazione de' Banchetti, e Conviti.*

Moderatio  
circa Convi-  
via.

**V**olendo anco limitar le soverchie spese, che sono introdotte nel far nozze, e banchetti.

Si ordina, che non sia lecito ad alcuno che farà Nozze, ò Banchetti, dove siano più di dieci persone, dare altro, che l'infrescitate vivande, cioè un'antipasto di cose fredde, e una portata in tavola di cucina d'arrosto, e d'allesso insieme, nella quale non si possano dar pavoni, nè lavori di pasta, nè più di tre sorte di carne, e di tre sorte di ucellami, e dandosi polli d'India, non si possa dar Fagiani, ed essendo Fagiani non si possi dar polli d'India, e si possa dare un altro servizio di credenza, una sorte di confezione, con frutti, cialdoni, e ciamelette, torte, e cose simili, nè si possa mettere oro, argento, nè muschio in altro che cotognate, ò fiori.

E si proibisce ancora per occasione di battesimo, far colazioni, che ecceda dieci scudi di spesa,

*Moderazione de' Letti nuziali.*

Moderatio  
circa Lectos  
nuptiales.

**N**ON sia lecito ad alcuna persona per occasione di nozze, ò di donne di parto, comprare ò far di nuovo Letto, che ecceda il valore di scudi duecento, si permette però, che chi al presente li hà in casa fatti possa adoprarli.

*Proibizione nel donare, nel farsi  
Compari, e Comari.*

**N**ON sia lecito al Compare, ò Comare di fare alcuna sorte di presenti, nè al Compare nè alla Comare, nè al putto, così nel Battesimo, come nella Cresima, sotto pena della perdita del dono à chi lo riceve, e della valuta di esso à chi lo dona.

Prohibitio do-  
nandi inter  
Comprates &  
Commatries.

*Moderazione de' Cocchi.*

**N**ON sia lecito ad alcuna persona alli Cocchi, ò Carrozze, che farà di nuovo, far coperte, matarazzi, cuscini, spalliere, e copertine de' cavalli, se non di panno ò feltro, ò corame semplice, con frangia sola nell'estremità, senz'alcuna sorte di drappo per fodera di dentro, e li finimenti de' cavalli non possano coprire di cosa alcuna, ed il cocchio non possa avere indoratura manco ne' pomi.

Moderatio  
circa Currus.

E perchè sarebbe di molta spesa à chi si trova il Cocchio ò Carrozza già fatti l'averre à rifarli subito di nuovo, conforme alla presente riforma, se li concede, che possa servirsene, finchè siano consumati, non ostante detta riforma, nè sia lecito di farli di nuovo dopo la pubblicazione della presente riforma, se non nel modo sudetto.

*Moderazione de' Funerali.*

**N**ON sia lecito all'Essequie di accompagnare il morto alla Chiesa con più di tre servitori vestiti semplicemente di lutto.

Moderatio  
circa Funera-  
lia.

Non sia lecito ad alcuna donna nel giorno dell'essequie di star nella medesima stanza, nella quale starà il corpo del defonto, e si esorta ciascuna di portar quell'abito modesto, che si conviene, e richiede in tal atto di condoglienza.

*Delle Pene de' trasgressori della presente  
Riforma.*

**S**i notifica à ciascuno, che le pene delli trasgressori della presente Riforma, faranno per ciascuna volta, che si cotraverrà, la perdita delle robbe, delle quali sarà contravenuto, & inoltre di cento scudi d'applicarsi la quarta parte all'accusatore, qual sarà tenuto secreto, e li tre quarti alla Camera del Popolo.

Contravenit-  
ium poenæ.

Dichiarando, che nel trasgredire, che si farà da alcuna gentil donna maritata contro la presente riforma, l'esecuzione si farà contro i lor mariti, la qual pena si esigerrà irremissibilmente, ed anderà à diminuzione della lor dote.

Ed acciochè la sopradetta riforma si osservi inviolabilmente da ogn'uno, e si tolga ogni occasione, che potesse farli impedimento, si commanda espressamente à tutti gl'Orefici, Sarti, Banderari, Setaroli, Ricamatori, e ad ogn'altro artista che dalla pubblicazione della presente riforma nessuno ardisca far lavoro diverso

O o 2 della



della sopradetta riforma, nè manco trovare ò mettere in uso alcuna maniera d' invenzione, ò lavoro nuovo, di seta ò di bottoni, ò di cuscitura, quali insino adesso non siano stati usati, sotto pena di tre tratti di corda, e scudi venticinque, e la perdita del loro lavoro per ciascheduna volta che contravverrà, la qual pena s' applicarà come di sopra, e si eseguirà irremissibilmente.

Dichiarando che le sopradette riforme solamente sopra li vestimenti già fatti, si abbiano da osservare passati sei mesi dopo la pubblicazione della presente riforma, e nel resto dopo il giorno della pubblicazione sopradetta.

E che le vesti, sottane, e zimarre di donne, ed altri abiti proibiti, che si trovano già fatti, si possano fare acconciare per li figlioli, e figliole fin' all' età di dieci anni.

E per dar tempo à forastieri, che possano accommodare, e pigliare recapito degl' abiti, e vestimenti, che si trovano già fatti, si dichiara che passati li sei mesi sopradetti alli forastieri che verranno per divozione, ò per altri negozj, si concede tempo di un' altro mese di poter accommodare li suoi abiti, secondo la presente riforma.

E per osservanza della presente riforma, si ordina al Senatore, e Conservatori insolidum pro tempore esistenti, i quali abbiano cura che si metta in esecuzione quanto in essa si contiene, e se gli da sopra di questo in ogni caso delli sopradetti, piena autorità di procedere, e far eseguire le pene sopradette contra li trasgressori.

*Marcellus Niger Deputatus,  
Sebastianus Varus Deputatus.  
Ego Hieronymus Alterius Deputatus,  
Marius Matthæus Deputatus,  
Andreas Vellius Deputatus,  
Stephanus Paparonius Deputatus,  
Hieronymus Picus Deputatus.*

*Jo. Dominicus Ninus Conservator,  
Livius Attracinus Conservator.  
Mercurius Amadeus Conservator,  
Petrus Benzonus Prior.*

## LXXIX.

Ampliatio Congregationis sub invocatione Annunciationis Beatæ Mariæ Virginis, alias in Urbe institutæ, pro Scholaribus insistentibus Studiis Collegii Societatis Jesu institutæ, ad quoscumque alios etiam non studentes. Et facultas alias Congregationes aggregan, eisque indulgentias communicandi.

SIXTUS EPISCOPUS

SERVUS SERVORUM DEI

*Ad perpetuam rei memoriam.*

Procemium.

**S**uperna dispositione cujus inscrutabili providentia ordinationem suscipiunt

universa, in supereminenti Apostoli cæ dignitatis specula, meritis licet imparibus constituti, & pia, & salubria Christifidelium vota, quæ ad Confraternitatum, seu Sodalitatum præsertim in hac Urbe nostra rite institutarum laudem, & gloriam, cum animarum salute tendere dignoscuntur, libenter exaudimus, ipsasque Confraternitates, seu Sodalitates condignis titulis extollimus, ac alias desuper disponimus, prout in Domino conspiciamus eisdem Christifidelibus salubriter expedire.

§.1. Alias siquidem pro parte dilecti filii Claudii Aquavivæ Præpositi generalis Societatis Jesu felicitis recordationis Gregorio Papæ XIII. Prædecessori nostro exposito, externos Scholares ad Collegia ejusdem Societatis &c.

*Omittitur narrativa hujus Const. quia est in Tom. IV. Par. II. Omnipotentis.*

§.2. Cum autem, sicut exhibita Nobis nuper pro parte dicti Claudii Præpositi petitio continebat, ex Congregationibus seu Sodalitiis hujusmodi, novi in dies, atque eo majores, quo plures sunt Sodales, fructus provenire noscantur, & in multis Collegiis pro Sodalium frequentia ac disparitate opus fuerit, non unam tantum, sed plures in eodem Collegio Congregationes hujusmodi instituere, quin etiam in eisdem Collegiis, ac etiam domibus dictæ Societatis, alia non studiosorum Scholarium, sed aliorum piorum Christifidelium Sodalitia seu Congregationes passim instituantur.

§.3. Ut igitur tam Scholares, quam ceteri Christifideles eo promptiores ad hujusmodi Congregationes, vel Sodalitia ingredienda reddantur, & ad piorum operum exercitia magis excitentur, ac excitati manuteneantur, quo amplioribus coelestis gratiæ donis, se ac eorum Congregationes seu Sodalitia decoratos, ac resectos, ac decorata, & resecta esse conspexerint, pro parte dicti Claudii Præpositi Nobis fuit humiliter supplicatum, quatenus sibi ac pro tempore esistenti prædictæ Societatis Præposito seu Vicario generali, ut in quibusvis dictæ Societatis Ecclesiis, seu Domibus, ac Collegiis, tam in Urbe, quam extra eam per universum Orbem, nunc, & pro tempore erectis, seu erigendis, quasvis alias, sive Scholarium tantum, sive aliorum Christifidelium, sive utrorumque simul, tam sub eodem Beatæ Mariæ Annuntiæ, quam alio quovis titulo, & invocatione Congregationes, seu Sodalitia dicta auctoritate perpetuo erigendi, & instituenti facultatem, & licentiam concedere, aliasque in præmissis opportune providere, de benignitate Apost. dignemur.

§.4. Nos igitur qui dudum inter alia volumus, quod literæ super indulgentiis non expedirentur ad instar, nisi specificarentur, ac animarum salutem nostris potissimum temporibus, sinceris desideramus affectibus, Claudium Præpositum, seu Vicarium prædictum, ac eorum quemlibet a quibusvis excommunicationis, suspensionis, & interdicti, aliisque Ecclesiasticis sen-

Gregor. XIII. instituit Congregationem pro exteris Scholaribus, in Ecclesiis Collegii Societatis Jesu de Urbe, ut in sua Const.

Sed plures in eodem Collegio, & non solum Scholarium, sed etiam aliorum erigi oportet Congreg.

Præpositus ergo generalis d. Societatis supplicat Pontifici, pro facultate eas instituendi.

Hic ideo Pontifex eam ipsi Præposito concedit.



sententiis, censuris, & poenis, a jure, vel ab homine quavis occasione vel causa latis, si quibus quomodolibet innodatus existit, ad effectum presentium dumtaxat consequendum, harum serie absolventes, & absolutum fore censentes, posterioribus supplicationibus hac in parte Nobis porrectis inclinati, eidem Claudio, & pro tempore existenti dictæ Societatis Præposito, seu Vicario generali, ut in quibusvis ejusdem Societatis Ecclesiis seu domibus, ac Collegiis, tam in dicta Urbe, quam extra eam, per universum Orbem, nunc, & pro tempore erectis, seu erigendis, & instituendis, quasvis alias, sive Scholarium tantum, sive aliorum Christifidelium tantum, sive utrorumque simul, tam sub eodem Beata Mariæ Annuntiata, quam alio quovis titulo, & invocatione, Congregationes, seu Sodalitias, unum scilicet, vel plura, in singulis locis, vel Ecclesiis, pro personarum frequentia, seu qualitate, auctoritate nostra sine alicujus præjudicio, perpetuo erigere, & instituere.

§.5. Necnon Congregationes, seu Sodalitias hujusmodi jam nunc, & pro tempore erectas, & instituta eidem Primariæ Congregationi seu Primario Sodalitio, auctoritate Apostolica, & vigore presentium litterarum, etiam perpetuo aggregare, eisque sic erectis, institutis, & aggregatis respective, & eorumque Sodalibus, Scholaribus, & non Scholaribus, omnes, & singulas, tam plenarias, quam alias indulgentias, & peccatorum remissiones ac relaxationes, necnon exemptiones, immunitates, ceterasque gratias, facultates, indulta, & privilegia, spiritualia, & temporalia, tam dictæ Primariæ, quam singulis aliis in quibusvis dictæ Societatis Collegiis, vel domibus, aggregatis, vel aggregandis, Scholarium, & aliorum Congregationibus seu Sodalitiis hactenus, tam per dictum, quam alios quoscumque Romanos Pontifices Prædecessores nostros, Nosque, & Sedem Apostolicam, ac etiam Regia, & Imperiali auctoritate, ac tam per viam extensionis quam alias quomodolibet, & quandocumque concessas, & concessa hactenus ac in posterum concedenda quibuscumque aliis sive Scholarium dumtaxat, sive aliorum Christifidelium tantum, sive utrorumque simul, ac mixtim, Congregationibus, seu Sodalitiis, in quibuslibet Collegiis, aut domibus dictæ Societatis hucusque institutis, ac in posterum instituendis, eorumque Sodalibus Scholaribus, & non Scholaribus, auctoritate Apostolica, & vigore presentium hujusmodi, etiam perpetuo communicare, illasque, & illa ad eadem omnes Congregationes, seu Sodalitias eorumque Sodales etiam non Scholares, indifferenter, & æque principaliter extendere, ac etiam illis concedere, & elargiri, libere, & licite valeat, ita quod nunc, & quandocumque in futurum ipsi Sodales, Scholares, & non Scholares quicumque sint, faciendo, & observando ea, quæ Sodales Primariæ, & aliarum Congregatio-

num, seu Sodalitiorum prædictorum, pro indulgentiis, peccatorum remissionibus relaxationibus, & aliis gratiis prædictis consequendis facere, & exequi tenentur, ipsas indulgentias etiam plenarias, & alias hujusmodi gratias, plenarie, & integre consequantur, ac illis fruantur, & potiantur, ac si illæ eis specialiter, & ab initio concessæ fuissent, auctoritate Apostolica tenore presentium perpetuo indulgemus, dictique Gregorii Prædecessoris litteras, & immunitates, exemptiones, facultates, privilegia, & indulta, necnon in eis contenta quæcumque, tam respectu dictarum Congregationum seu Sodalitiorum hujusmodi, quam dicti, & pro tempore existentis Præpositi seu Vicarii generalis dictæ Societatis ad prædictas Congregationes, seu Sodalitias, Scholarium, & non Scholarium, etiam Christifidelium quorumcumque tam erectas quam in posterum, ut præfertur, erigendas, instituendas, ac aggregandas, pariter, perpetuo extendimus, ita ut omnia in illis contenta, & presentibus literis hujusmodi concessa, indulta, & elargita, ac si specialiter de verbo ad verbum eisdem presentibus inserta, eorumque toti tenores expressi forent, concessa esse intelligantur.

§.6. Decernentes easdem presentes litteras sub quibuscumque similium, vel dissimilium indulgentiarum, vel aliarum gratiarum revocationibus, suspensionibus, limitationibus, derogationibus, & aliis contrariis dispositionibus, etiam in favorem Basilicæ Principis Apostolorum de dicta Urbe, seu Cruciatæ Sanctæ, aut etiam per Nos, seu alios Romanos Pontifices Prædecessores nostros, ac dictam Sedem, etiam Motu proprio, etiam potestatis plenitudine, seu ad quorumvis Imperatorum, & Regum instantiam, pro tempore quomodolibet factis, minime comprehendere, sed semper ab illis exceptas, & quoties illæ emanabunt, toties in pristinum statum restitutas, repositas, & plenarie reintegratas, ac de novo concessas esse, & censerì debere, irritumque, & inane, si secus super his a quoquam quavis auctoritate scienter, vel ignoranter contigerit attentari.

§.7. Non obstantibus præmissis, ac voluntate nostra prædicta, necnon Constitutionibus, & Ordinationibus Apostolicis, ceterisque contrariis quibuscumque. Volumus autem, quod si dictæ Congregationes, aut Sodalitias, vel eorum quæcumque aliquo modo eidem Societati, vel Domibus, seu Collegiis, aliquod impedimentum, seu præjudicium pro tempore attulerint, idem Præpositus, seu Vicarius, illas, vel illa, aut eorum singulas, vel singula dissolvere possit.

§.8. Quodque presentium transumptis etiam impressis, manu Secretarii ipsius Societatis, aut Notarii publici subscriptis, & personæ alicujus in dignitate Ecclesiastica constitutæ, seu ipsius Præpositi, aut Vicarii generalis pro tempore existentis ejusdem Societatis sigillo munitis, eadem prorsus

Facultatem eidem tribuit alias Congregationes huic Primariæ Congregationis Annuntiata de Urbe aggregandi, & ejus gratias, & indulgentias communicandi.

Clausula præservativa.

Clausula derogatoria.

Fides danda transumptis.



fus fides ubique locorum in iudicio, & extra illud adhibeatur eisdem presentibus, si forent exhibitæ, vel ostensæ.

Nulli ergo &c.

D. P. An.II.  
5-Januarii.

Datum Romæ apud Sanctum Petrum Anno Incarnationis Dominicæ millesimo quingentesimo octuagesimo septimo Nonis Januarii, Pont. nostri Anno II.

## L X X X.

De Incestis quibusdam casibus ultimo supplicio in Statu Ecclesiastico puniendis.

S I X T U S P A P A V.

Motu proprio &c.

Causæ hujus  
Constit.

**V**olentes, quantum in Nobis est, comprimere effræatas, & flagitiosas hominum libidines, ex quibus præter gravem Divinæ Majestatis offensam, multa, & magna in dies scandala, cum ingenti animi nostri dolore exoriri videmus, ac subditos potissimum nostros, quorum salutis præcipuam, & peculiarem gerimus sollicitudinem, peccandi licentia remota, ad pudicitiam, & castimoniam studia salubribus edictis incitare. Ac attendentes, gravia quædam incestus crimina, tum naturali lege damnari, sicuti legimus Ruben, quia violavit torum patris sui, primogenituram, & illius benedictionem perdidisse, tum, & ab ipso Domino in lege prohiberi inter alias incestas cum affinibus, vel consanguineis conjunctiones, ne quis uxoris patris sui, neve nurus suæ, neque uxoris fratris sui turpitudinem discooperiret, neque sororem uxoris suæ in pellicatum acciperet, ea adhuc vivente, poenas quoque gravissimas in eadem lege inflictas fuisse, cum dicit, eos, qui cum noverca sua, vel cum nuru sua dormierint, vel supra uxorem filiam duxerint matrem ejus, omnes morte mori debere. Insuper Apostolum acriter reprehendisse Corinthios ob hujusmodi causam illis verbis: Omnino auditur inter vos fornicatio, qualis nec inter gentes, ut uxorem patris sui aliquis habeat. Legibus etiam sæculi inter affines, veluti inter socerum, & nurum, socrum, & generum, vitricum, & privignam, novercam, & privignum, levirum, & uxorem fratris, atque alias hujusmodi incestas conjunctiones, variis poenis vetitas fuisse, sed & incestum cum his personis fornicarie committentes, graviiori animadversione coerceri. Præterea visum esse eam mulierem non recte facere, quæ in patris concubinato fuit, deinde in filii, vel nepotis esse coepit, vel contra quod nefaria sit talis conjunctio, & ideo hujusmodi facinus prohibendum sit. Itidemque sub poena stupri interdictum esse ne liberi concubinas parentum suorum uxores ducerent: Ac demum secundum Sacros Canones affinitatis, non modo si ex legitimo matrimonio, verumetiam si ex fornicario, & illicito coitu proveniat, rationem habendam esse, eodem Apostolo dicente:

Tol. tit. Cod.  
Auth. de  
Incest. nup.  
Instit. tit.  
de Nup. &  
l. 4. cum seq.  
Dig. de Rit.  
Nupt.

c. 6. &c. pen.  
Do leo quod  
cog. consan.  
& ibi DD.

An nescitis, quoniam qui adhæret meretrici, unum corpus efficitur? Erunt enim, inquit, duo in carne una: adeo ut inter personas hujusmodi affinitate conjunctas, usque ad certos gradus matrimonia constare non possint, & propterea nequaquam tolerabile videri, ut homines cum quibusvis personis, sine ullo earum delectu, & distinctione, nulla etiam ratione habita reverentia, erga eas præcipue personas, quibuscumque hujusmodi arcto affinitatis vinculo conjuncti sunt, nedum divino, sed, & naturali quodam jure debita, more belluarum impune, ac temere misceantur. Et ne eorum impunitatis exemplo, alii deinceps in abominandam hanc libidinem prolabantur, sed potius, ut qui, Dei benignitate eos ad poenitentiam expectante, non corriguntur, condigna punitione coerceantur.

§. 1. Motu simili, & ex certa scientia &c. auctoritate Apostolica, perpetuo statuimus, & ordinamus, ut in posterum in Alma Urbe nostra, vel in quacumque alia Civitate, Oppido, vel loco, nostræ, & Romanæ Ecclesiæ ditioni in temporalibus subjectis, quicumque ausu nefario, scienter matrem, & filiam, sive duas sorores germanas carnaliter cognoverit, etiam si, ea, earumve altera publicæ meretrices fuerint, sive clam, sive palam, aut figura matrimonii tale crimen admiserit, sive etiam cum altera earum legitimo matrimonio conjunctus extiterit, poena ultimi supplicii plectatur.

§. 2. Quæ itidem poena mulier puniatur, quæ sciens matrem, aut filiam vel sororem suam cum aliquo viro rem habuisse, eidem viro ipsa quoque sui corporis copiam fecerit.

§. 3. Similiter volumus unamquamque mulierem, etiam si instigante humani generis hoste, eo devenerit impudentiæ, ut corpore publice quæstum faciat, quæ cum patre, & filio, sive cum duobus germanis fratribus, scienter se carnaliter commiscuerit, sive a prædictis sciens se carnaliter cognosci permiserit, etiam si eorum alteri legitimo toro copulata fuerit, poena ultimi supplicii puniri.

§. 4. Idque etiam in eum virum volumus observari, qui sciens, patrem aut filium, vel fratrem suum cum muliere aliqua rem habuisse, ipse etiam eandem mulierem carnaliter cognoscere non erubuerit.

§. 5. Decernens sic in præmissis universis & singulis per quoscumque Judices, & Commissarios, quavis auctoritate fungentes, sublata eis, & eorum cuilibet, quavis aliter judicandi, & interpretandi facultate, in quavis causa, & instantia judicari, & definiri debere, necnon irritum, & inane, si secus super his a quoquam quavis auctoritate scienter, vel ignoranter contigerit attentari.

§. 6. Et nihilominus mandamus universis, & singulis dictæ Urbis, ac totius Status nostri Ecclesiastici Judicibus ordinariis, quavis dignitate, & auctoritate fungentibus modernis, & pro tempore existen. quibus con-

Vir scienter  
matrem, &  
filiam, sive  
duas germa-  
nas cognoscens

Mulier peccans cum eo, cum quo sciens matrem, aut filiam, aut sororem suam rem habuisse.

Mulier cum patre & filio, vel duobus fratribus scienter peccans.

Vir sciens ejus patrem, vel filium, aut fratrem cum muliere peccasse, si cum eadem ipse peccaverit & ultimi supplicii poenam incurrat. Decretum irritans.

Judicum auctoritas procedendi contra, in prædictos delinquentes eorumque fautores, juxta formam hujus Constit.



contra reos talium criminum jurisdictio competit, vel in futurum competet, ut de cetero perpetuis futuris temporibus, in eos, qui juxta præmissa criminosi, & delinquentes fuerint, ut supra dispositum est, animadvertant, contumaces, rebelles, & inobedientes, eisque auxilium, consilium, vel favorem præstantes, per opportuna juris, & facti remedia, appellatione postposita, compescendo, invocato etiam, vel adhibito ad hoc, si opus fuerit, auxilio brachii secularis.

Clausula de-  
rogatoria.

§.7. Non obstantibus Constitutionibus, & Ordinationibus Apostolicis, distæque Urbis, & aliarum ejusdem Status, Provinciarum, Civitatum, Oppidorum, & locorum statutis, novis reformationibus, consuetudinibus, etiam juramento, confirmatione Apostolica, vel quavis firmitate alia roboratis, privilegiis quoque, indultis, & literis Apostolicis illarum Civibus, Incolis, Populis, & Magistratibus, aut aliis personis quomodolibet concessis, approbatis, & innovatis. Quibus omnibus illorum tenores pro plene, & sufficienter expressis, & ad verbum insertis habentes, specialiter, & expresse derogamus, ceterisque contrariis quibuscumque. Volumus autem ut præsentis Motus proprii sola signatura sufficiat, & ubique tam in judicio, quam extra illud, & tam in Rom. Curia quam extra eam, plenam, & indubitam fidem faciat, regula contraria non obstante.

Forma & effectus publicationis hujus Constit.

§.8. Utque in valvis Basilicæ Principis Apostolorum de Urbe, & in acie Campi Floræ, more solito affigatur, & eo detracto, illius exempla etiam impressa, inibi affixa relinquantur, factaque hujusmodi publicatione, hic in Urbe post quindecim, extra vero eam, post triginta dies, quoscumque perinde ardet, & afficiat, ac si eorum unicuique personaliter intimatus fuisset.

Officiales currunt in eorū locis hanc Constitutionē publicari.

§.9. Sed, & quo facilius possit ad singulorum notitiam pervenire, mandamus omnibus, & singulis Legatis, Vicelegatis, Præsidentibus, & Gubernatoribus Provinciarum, & Civitatum quarumcumque distæ nostræ ditionis Ecclesiasticæ, ut in sua quisque residentia, & in aliis Terris, & Oppidis eis bene visis, curent eundem Motum proprium, illiusve transumpta, in locis consuetis, de more publicari.

Exemplis credatur.

§.10. Ac decernimus ipsis transumptis etiam impressis manu Notarii publici subscriptis &c.

D. P. An. II.  
5. Aprilis.

Datum Romæ apud Sanctum Petrum, Non. Aprilis, Anno II.

Papæ subscr.

Fiat Motu proprio F.

Publicatio.

Anno a Nativ. D. 1587. indict. 15. die vero 8. mensis Maii, Pont. SS<sup>mi</sup> in Christo Patris, & D. N. D. Sixti divina providentia Papæ V. anno ejus tertio, retrospectæ litteræ affixæ, & publicatæ fuerunt ad valvas Basilicæ Principis Apost. de Urbe, & in acie Campi Floræ, per me Jo. Baptistam Bagni, & Octavianum Tagliettum Curf.

Alex. Parabacus Mag. Curf.

LXXXI.

Præfinitio Titulorum, & Diaconiarum, pro Sanctæ Romanæ Ecclesiæ Presbyteris, & Diaconibus Cardinalibus.

Cardinalium numerum, ordinem, statum, officium, & qualitates edixit hic idem Pontif. sup. in Constitut. LXXVI. fol. 279. ubi cetera de Cardinalibus notavi.

SIXTUSEPISCOPUS

SERVUS SERVORUM DEI

Ad perpetuam rei memoriam.

**R**eligiosa Sanctorum Pontificum Prædecessorum nostrorum providentia institutum olim fuit, tam inde a vetustissimis temporibus, & posteris traditum, ut Sanctæ Romanæ Ecclesiæ Presbyteris, certæ in Urbe Roma Ecclesiæ, Tituli appellatæ, quasi quædam cujusque propriæ Dioceses; Diaconibus vero, Urbis regiones ad Christianæ Religionis propagationem, & conservationem assignarentur. Quæ quidem Sancta institutio plurium sæculorum continuata serie, ac pro temporum varietate susceptis incrementis, ad nostram usque ætatem servata, ita viget, ut præter sex Episcopos Cardinales, qui certis Cathedralibus Ecclesiis Urbi finitimis præsunt, singulis Presbyteris, & Diaconis Cardinalibus propriæ in Urbe Ecclesiæ Tituli videlicet, & Diaconie cum suis Clero, & Populo, ac quasi Episcopali jurisdictione in spiritualibus, & temporalibus regendæ, & administrandæ committantur.

Ex antiquissima institutione, solent quædam Cathedralis Ecclesiæ Urbi finitimæ assignari Cardinalibus Episc. & aliæ Urbis Ecclesiæ aliis Card. Presbyteris, aliæque Card. Diaconis.

§.1. Proinde Nos, postquam per nostram nuper editam Constitutionem, creandorum Cardinalium numerum, computatis sex Episcopis prædictis, quatuordecim Diaconis, reliquis vero Presbyteris Cardinalibus, ad septuaginta præscripsimus, nunc quoque ad Dei honorem, atque ad ipsius Sanctæ Romanæ Ecclesiæ decus, & ornamentum, ac Romani Cleri, & Populi bonum regimen, salubremque directionem, eisdem Presbyteris, & Diaconis Cardinalibus totidem titulos, & Diaconias, ipsorum amplitudini, & dignitati maxime congruentes, duximus assignandos. Ac licet pleræque ex antiquis Ecclesiis in titulos, & Diaconias concedi solitis, aut a Prædecessoribus nostris successu temporum additis, adhuc integræ, & illæsæ permaneant, tamen quia nonnullæ, tum diuturnitate, & injuria temporum, tum diversis, quæ olim contigerunt, ejusdem Urbis direptionibus, incendiis, & ruinis collapsæ sunt, Nos antiquæ pietatis, & Religionis Christianæ monumenta conservare cupientes, sicuti Sacrosanctas Basilicas, & augustiora templa antiquitate ipsa veneranda, nedum sarta tecta custodiri, sed & ingenti nostro sumptu refici, instaurari, & ornari in dies magis curamus, ita etiam primo quidem loco veteres, & nobiles Ecclesias, præcis temporibus in titulos Presbyterorum Cardinalium, ut præfertur, institutas delegimus, easque omnes, quæ adhuc

Pontifex iste Ecclesiarum, Titulos, & Diaconias pro eis determinat.

ex-



extant, voluimus omnino in titulos pro modernis, & futuris Presbyteris Cardinalibus retinere. Deinde ex iis, quæ recenti memoria in titulos erectæ fuerunt, prætermisissis quibusdam, propter loci incommoditatem, aut alias minus idoneis, ceteras itidem retinere, ac demum, ne titulorum numerus Presbyteris Cardinalibus desit, exemplo nonnullorum nostrorum Prædecessorum, alias partim antiquas, nondum tamen hujusmodi honore decoratas, partim vero recentiores, celebres tamen Ecclesias, dignitate Præfulum majorem in modum illustrare, & in similes titulos erigere, & instituire, ac pro numero Presbyterorum Cardinalium tot Titulos addere, & supplere, ex Diaconiis quoque antiquitus institutis, quatuordecim magis insignes pro totidem Diaconis Cardinalibus seligere, & congrua distinctione confusionem perpetuo tollere decrevimus, eosdem nimirum Titulos, & Diaconias proprios cujusque ordinis certos, & distinctos assignando, ita ut nunquam in posterum, quod hætenus sæpe factum est, Presbyteris Diaconia, neque Diaconis Tituli Presbyterales, perturbato ordine, aut promiscue concedantur. Quod quidem rationi consentaneum videtur, ut quemadmodum Summus Pontifex universali Ecclesiæ præsidens, & omnium totius Orbis Ecclesiarum sollicitudinem gerens, specialiter tamen Urbis Romæ Episcopus existit, & in ea divina dispositione supremam Sacerdotalis potestatis Cathedram tenet, pari quoque ratione Cardinalibus, quos uti speciales S. R. E. filios, in Apostolici muneris functione, atque in universæ Reipublicæ Christianæ administratione præcipuos, sibi quoque maxime conjunctos habet consiliarios, & cooperatores in eadem Urbe Roma, quæ olim Beati Petri Sede in ea constituta, ipsius, & Coapostoli ejus Pauli doctrina, martyrio consecrata, & caput Christiani Orbis, & Religionis effecta est certa Sedes, mansionem & locum unicuique proprium assignet, cujus quidem loci concessione, iidem Cardinales, & sui officii admoneantur, & residentia, quam assistendo ipsi Romano Pontifici servare debent, & vel ex hoc magis tamquam in unum corpus compacta membra, sacro capiti connexa esse, & ab illo dependere clarius dignoscantur.

Titulosque hic descriptos pro quinquaginta Presbyteris Cardinalibus ordinat, & eis assignat

§.2. Habita igitur cum Venerabilibus fratribus nostris ejusdem S. R. E. Cardinalibus deliberatione matura, de eorum consilio, & assensu, statuimus, & ordinamus in posterum perpetuis futuris temporibus, Presbyteris Cardinalibus has tantum, quæ infra descriptæ sunt, Ecclesias, neque alias in Titulos assignari debere, videlicet, ex antiquis S. Crucis in Hierusalem, SS. Marcellini, & Petri, SS. Quatuor Coronatorum, SS. Joannis, & Pauli, S. Anastasiæ, S. Sabinae, S. Stephani in Coelio monte, S. Clementis, SS. Nerei, & Achillei, S. Susannæ, S. Pudencianæ, S. Sixti, Sancti Petri ad Vincula, S. Martini in Montibus, S. Eusebii, S. Priscæ, Sancti Vitalis,

S. Marci, S. Marcelli, S. Laurentii in Lucina, Basilicæ duodecim Apostolorum, S. Laurentii in Damaso, quæ S. R. E. Vicecancellario pro tempore existenti perpetuo concessa, & assignata est, S. Balbinæ, Sanctæ Cecilie, & Chrysogoni, S. Praxedis, S. Mariæ Transiberim. Ex posterioribus vero SS. Quirici, & Julitæ, & Joannis ante Portam Latinam, S. Agnetis in Agone, S. Laurentii in Palisperna, S. Thomæ in Parione, S. Silvestri in Campo Martio, S. Pancratii, S. Bartholomæi in Insula, S. Mathæi in Merulana, S. Mariæ de Araceli, S. Mariæ in Via, S. Mariæ supra Minervam, S. Mariæ Angelorum in Thermis Sancti Hieronymi Illyricorum, necnon quas supradictis antiquis, & posterius institutis addimus, & ex nunc in Titulos Presbyterorum Cardinalium, cum honoribus, insignibus, privilegiis, auctoritatibus, & præminentis debitis, & consuetis, instar aliarum Ecclesiarum, quæ in similes Titulos per nostros Prædecessores antiquitus erectæ, & institutæ fuerunt, sine alicujus præjudicio, perpetuo erigimus, & instituimus, ac Titulorum nomine, & dignitate insignimus, & decoramus, S. Honuphrii in Ianiculo, mutato illius statu ex Diaconia, quæ hætenus fuit, in Titulum Presbyteralem, S. Augustini, S. Mariæ de Populo, S. Alexii in Aventino, S. Blasii de Annulo, S. Mariæ de Pace, S. Salvatoris de Lauro, S. Petri in Monte Aureo, Sanctissimæ Trinitatis in Monte Pincio, S. Mariæ Transpontinæ.

§.3. Ex Diaconiis vero antiquis statuimus retinenda esse tantummodo quatuordecim infra scriptas, videlicet Sanctæ Mariæ in Aquiro, S. Mariæ in Cosmedin, Sanctorum Cosmæ, & Damiani, S. Mariæ Novæ, S. Hadriani, S. Mariæ in Via lata, S. Mariæ in Porticu, S. Angeli in foro Piscario, Sancti Nicolai in Carcere Tulliano, S. Mariæ in Dominica, S. Eustachii, S. Viti in Macello, S. Agathæ, ac S. Georgii ad Velabrum Ecclesias, quæ insigniores existunt, & præscriptum a Nobis Diaconorum Cardinalium numerum exæquant.

§.4. Ita ut computatis Ecclesiis Cathedralibus, videlicet Ostiensi, & Veliterna invicem unitis, Portuensi, & S. Rufinæ itidem unitis, Albanensi, Sabinensi, Tusculana, & Prænestina, quibus sex Episcopi Cardinales præsent, & Titulis Presbyterorum superius designatis, numerum septuaginta Ecclesiarum constituent.

§.5. Et alter præterea Titulus supra numerum additus sit, ut si quando contingat Diaconum, vel Episcopum Cardinalem, Vicecancellarium esse, & ideo eundem dictæ Ecclesiæ Sancti Laurentii in Damaso, quæ Vicecancellario pro tempore existenti per literas fel. recor. Clementis Papæ VIII. Prædecessoris nostri perpetuo, ut præferatur, concessa, & assignata fuit, præesse, alicui Presbytero Cardinali proprius Titulus non desit.

§.6. Omnes vero illas Ecclesias, quæ per præsentem nostram Constitutionem,

Diaconias quoque hic enarratas, & pro 14. Diaconis Cardinalibus ordinat, & eis assignat.

Episcopus pro sex Episcopis Card. delegat.

Alium tit. pro Vicecancell. statu.

Ecclesias quæ aliter quam ut supra, & etiam alia,



1587.  
quam supra  
expressa sunt,  
a Cardinali-  
bus obtinen-  
tur, ex nunc  
vacare decer-  
nit.

Presbyteris Cardinalibus in Titulos assignate sunt, nunc vero a Diaconis Cardinalibus. etiam forsitan ex dispensatione Apostolica, pro Diaconia obtinentur; itidem omnes, & quascumque ex quatuordecim superius enumeratis Diaconiis, quæ Presbyteris Cardinalibus in Titulos forsitan, etiam ex simili dispensatione concessæ alias fuerunt, & ab iis obtinentur; demum omnes, & quascumque Ecclesias superius non expressas, ipsis Presbyteris, aut Diaconis Cardinalibus, in Titulos, aut Diaconias commissas, & assignatas, ac per ipsos obtentas volumus, & decernimus per præfentes, ex nunc eo ipso vacare, & quascumque illarum assignationes, concessiones, necnon dispensationes desuper, etiam Motu proprio, & consistorialiter, ac de simili fratrum consilio expeditas, quæ a Prædecessoribus nostris, quæque a nobismetipsis emanarunt, literasque Apostolicas desuper confectas, processusque habitos per easdem, & inde secuta quæcumque cassamus, irritamus, & annullamus, irritaque, & nulla, ac nullius roboris, vel momenti esse nunciamus, mox assignaturi eisdem Cardinalibus, ex quorum personis Ecclesiæ in Titulos, aut Diaconias per eos hætenus obtentæ, vigore hujus nostri decreti vacant, & eorum cuilibet alios Titulos, aut Diaconias ex supradicto numero, proprio cujusque ordini congruentes.

Ecclesiasque prædictas tantum & non alias, in Titulum, & Diaconiam, Cardinalibus, modo & forma prædictis in futurum assignari præcipit.

§.7. In aliis vero, præterquam supra nominatis Ecclesiis, etiam si earum aliquæ in Titulos Presbyterorum, aut denominationes Diaconorum Cardinalium concedi solitæ sunt, & Cardinales iis præfici consueverunt (quarum singularum situationes, & invocationes præsentibus haberi volumus pro expressis) nomina, insignia, denominationes, & statum hujusmodi Titulorum, aut Diaconiarum perpetuo supprimimus, & extinguimus; ac districte, etiam interdiciamus, ne de cetero umquam perpetuis futuris temporibus, alia quam ex suprascripta numero Ecclesia, in Titulum, aut denominationem Cardinalatus, cuiuspiam Presbytero, aut Diacono Cardinali, concedatur, aut assignetur, neque aliis quam supranominatis Titulis, aut Diaconiis, presbyteri, vel diaconi Cardinales præficiantur, neve umquam aliqua ex supradictis Diaconiis, Presbytero, neque contra, ullus ex dictis Titulis Diacono Cardinali quomodolibet concedatur, vel assignetur, neque cum iis, aut eorum aliquo, ex quavis causa, desuper dispensetur.

Licentias retinendi Ecclesiam prioris Tituli, vel Diaconia Cardinalibus, cõcedi prohibet.

§.8. Sed & decreta alias in Consistorio super hoc edita, innovantes, & ampliantes, pari ratione, etiam perpetuo prohibemus, ne in posterum alicui Presbytero, aut Diacono Cardinali, qui alterum Titulum, aut Diaconiam quomodolibet affectus fuerit, quive ex ordine Diaconorum ad ordinem Presbyterorum, vel ad Episcopalem dignitatem transferit, aut ex ordine presbyteratus in Episcopum pariter promotus fuerit, licentia, & facultas retinendi priorem Ecclesiam sui Tituli, vel Diaconia in

administrationem, aut in Titulum, neve Canonicatum, & præbendam, dignitatum, officiorum, aut beneficiorum dimissi Tituli, vel Diaconia collatio, neque Palatii, domus, vineæ, hortorum, aut fructuum, reddituum, & proventuum, aut jurium quorumcumque ad hujusmodi Titulos, seu Diaconias pertinentium, ad tempus, seu ad vitam retentio, aut ulla alia reservatio, quovis prætextu, occasione, vel causa, etiam melioramentorum, & sumptuum in illarum reparationem, necessitatem, sive utilitatem factorum, concedantur; sed volumus ut ipsi Tituli, & Diaconia, cum illis annexis, juribusque, & pertinentiis suis universis libere dimittantur.

§.9. Insuper præcipimus, & perpetuo ordinamus, ut de cetero in quibuscumque literis Apostolicis, in quibus Cardinalium subscriptio manu propria facienda erit, iidem Cardinales, etiam Tituli, seu Diaconia, vel Episcopatus sui Cardinalatus nomine expresso se subscribant.

Cardinalesque in subscribendo literis Apost. nomen Tituli, aut Diaconia, aut Episcopatus sui exprimere debent. Decretum irritans.

§.10. Decernentes per hujusmodi erectionem, & institutionem, decem prædictas per Nos in Titulos erectas Ecclesias tantummodo, novis privilegiis, & dignitate auctas, decoratas, & insignitas, nihil autem omnino præjudicii cuiquam illarum, nihil alieni juris detractum, aut immutatum censeri posse, aut debere; sicque per quoscumque Iudices ordinarios, & delegatos, etiam causarum Palatii Apostolici Auditores, & Cardinales prædictos, sublata eis, & eorum cuilibet, quavis aliter judicandi, & interpretandi facultate, & in quavis causa, & instantia, judicari, & definiri debere, necnon irritum, & inane, si secus super præmissis, eorumque aliquo a quoquam, quavis auctoritate scienter, vel ignoranter contigerit attentari.

§.11. Non obstantibus Constitutionibus, & Ordinationibus Apostolicis, ac Ecclesiarum supradictarum, & aliarum quarumcumque, necnon Ordinum juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, illis, ac quibuscumque personis quomodolibet concessis, approbatis, & innovatis. Quibus omnibus, illorum tenores præsentibus pro expressis habentes, specialiter, & expresse derogamus, ceterisque contrariis quibuscumque.

Clausula derogatoria.

§.14. Sic igitur ipsi Cardinales, quibus hujusmodi Ecclesiarum regimen, cura, & administratio pro tempore commissa erunt, eas in spiritualibus, & temporalibus solcite, fideliter, & prudenter, regant, & gubernent, ac juxta Constitutionem præmem. Leonis Papæ Decimi Prædecessoris nostri, in Concilio Lateranensi novissime celebrato, editam, frequenter visitent, circa cultum divinum invigilent, mores, ac vitam Cleri, & populi eis subjecti diligenter explorent, eosque ad recte, & honeste vivendum paterno moneant affectu: bonorum, ac temporalium reddituum curam gerant, sic ad Dei gloriam, & fidelis

Cardinales circa istarum Ecclesiarum regimen, & administrationem.



populi ædificationem, pia, & magnifica structura, & fabrica, suas quique Ecclesias instaurare studeant, & exornare, & tam in vita quam in mortis articulo, pro divini cultus augmento, & salute animarum suarum, ac congrue sustentandum aliquem presbyterum, qui inibi in divinis deserviat, sive alias erga ipsas Ecclesias, si reparatione indigeant, vel alia subventionem, de bonis sibi a Deo collatis, prout cuique pro modo facultatum conscientia dicaverit, munificos se exhibeant, & liberales, ut earumdem Ecclesiarum decora, & ornamenta, tantorum Præsulum respondeant dignitati, ac ipsæ Ecclesiæ tam sublimibus personis gaudeant se commissas, & eorum amplitudine illustratas. iidemque Cardinales exinde ipsius S. R. E., cujus nobilissima membra sunt, majestatem, sua pietate, sollicitudine, & prudentia in dies magis extollant, & reverentiam omnium gentium erga illam exemplis bonorum operum insigniter augeant, ac denique præter æternæ retributionis præmia, digna quoque laudum præconia, a Nobis, & Apostolica Sede valeant promereri.

Jussio describendi hanc Constit. in quinterno Cancell. Apost. Sanctio poenalis.

§. 13. Mandamus vero, ut præsentēs literæ in quinterno Cancellariæ Apostolicæ de more describantur.

§. 14. Nulli ergo omnino hominum liceat hanc paginam, nostrorum statutorum, ordinationum, erectionis, institutionis, insignitionis, decorationis, voluntatum, decretorum, cassationis, irritationis, annulationis, nunciationis, suppressionis, extinctionis, interdicti, innovationis, ampliationis, prohibitionis, præcepti, derogationis, & mandari infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac beatorum Petri, & Pauli Apostolorum ejus, se noverit incursum.

D. P. An. II. 13. Aprilis.

Datum Romæ apud S. Petrum, Anno Incarnationis Dominicæ, millesimo quingentesimo octuagesimo septimo, Id. Aprilis, Pont. nostri Anno II.

## LXXXII.

Ex Regest. in Secret. Bre-vium.

Confirmantur Constitutiones Collegii Borromeorum Papien.

## SIXTUS PAPA QUINTUS

*Ad perpetuam rei memoriam.*

Proœmium.

**R**omanum decet Pont. ea, quæ pro Collegiorum quorumlibet ad publicam Christianorum amore scientiæ flagrantium utilitatem institutorum provido regimine feliciter facta, & ordinata esse dicuntur, quo facilius ab iis, ad quos spectat, promptiorque obedientia recipiantur, & firmiter observentur, ac illibata persistant, Apostolici muniminis præsidio roborare.

S. Carolus Borromæus hujusmodi Collegiū erigit, reservatā sibi facultate statuta cō-

§. 1. Sane sicut dilectus filius Federicus ex Comitibus de Borromeis Clericus Mediolanen. Cubicularius secretus, & familiaris, ac continuus commensalis noster modernus Collegii Borromei nuncupati in Civitate Papien. erecti Administrator Nobis su-

per exponi fecit, alias bo. mem. Carolus tituli Sanctæ Prædix Presbyter Cardinalis Borromæus nuncupatus volens rem literariam, cujus ab ineunte ætate studiosissimus fuit, multis Beneficiis ornare, atque augere, ac ut Pauperes Adolescentes literarum studiis dediti, etiam vitæ morumque exemplo in Academiis publicis aliorum studentium animos, non solum ad literarum studia, verum etiam ad recte Christianeque vivendum excitare possent, in Civitate Papien., ad quam maximus studiosorum hominum concursus esse solet, & in qua ipse Carolus Cardinalis Juris civilis scientiæ operam dedit, Collegium Borromeum nuncupatum, tam in antiquis Borromeorum, quam aliis ædibus, earumque situ de licentia Sedis Apostolicæ construxit, illudque de ejusdem Sedis auctoritate juxta ordinationem, ab ipso Carolo Cardinale, vel de ejus voluntate præscribendam erexit, atque instituit, reservata tamen sibi facultate cōdendi statuta, & ordinationes pro ipsius Collegii regimine, ac illius bonorum administratione.

§. 2. Ac voluit, quod si ipse aliqua de causa præpeditus dictas Constitutiones edere non posset, tum Constitutiones, & Ordinationes per quon. Joannem Baptistam Castellium, & Thomam Odescalcum, ac dilectum filium Ludovicum Moneta Presbyterum Mediolanen. subscripta in lucem proferendi ab ipsius Collegii administratore, Rectore, Collegialibus, singularibus dicti Collegii personis omnino fervarentur, ac alias prout in hujusmodi fundatione, & aliis scripturis plenius dicitur contineri.

§. 3. Cum autem, sicut eadem petitio subjungebat dictis Constitutionibus minime extensis, & subscriptis, Joannes Baptista, & Thomas prædicti, ipso Carolo Cardinale adhuc tunc in humanis agente decesserint, ac deinde idem Carolus Cardinalis, etiam ab hac luce migraverit, solusque Ludovicus prædictus, ut præfertur, unus ex tribus per prædictum Carolum Cardinalem nominatis adhuc vivens remanserit, qui post dicti Cardinalis obitum Constitutiones, & Ordinationes pro ejusdem Collegii recta administrandi, gubernandique ratione juxta, dicti Caroli Cardinalis mentem, & voluntatem eidem Ludovico cognitam edidit, extensasque, & manu propria subscriptas publicavit.

§. 4. Cupiatque dictus Federicus Constitutiones, & Ordinationes per eundem Ludovicum sic, ut præfertur, editas, & subscriptas pro illarum subsistentia firmiori, ac ut inviolabiliter ab ipsius Collegii Administratore Rectore, Collegialibus, & aliis ad quos pro tempore quomodolibet spectabit, observentur, Nostro, & Apostolicæ Sedis munimine roborari, pro parte dicti Federici Nobis fuit humiliter supplicatum, quatenus dictas Constitutiones, & Ordinationes confirmare, & approbare, aliasque in præmissis opportune providere de benig-nitate Apostolica dignaremur.

§. 5. Nos igitur, qui ipsius Collegii ab eodem

Quæ nisi ipse ederet, voluit ut observaretur Constitutiones compilatæ a personis hic designatis.

Ceteris præmortuis, solus Ludovicus Moneta illas edidit.

Federicus Borromæus eadem auctoritate Apostolica firmavit.

Eisdem confirmat Pontifex.



codem Carolo Cardinale, cujus memoria, ut pie creditur, in benedictione est, præcipua sua pietate, & charitate, quemadmodum insignis laudibus, & imitatione digna fuit, erecti, & instituti profectum, felixque regimen, & augmentum sinceris exoptamus affectibus, ac Constitutionum, & Ordinationum prædictarum tenores, de quibus per dilectum filium nostrum Scipionem tituli Sancti Simeonis Presbyterum Cardinalem Lancellottum nuncupatum, cui illarum revisionem demandavimus Nobis facta relatione ad plenum informati sumus, ac certam scientiam habemus, præsentibus, ac si de verbo ad verbum nihil penitus omisso, ipsorumque Constitutionum, & Ordinationum singula capitula eisdem præsentibus inserta fuissent, pro expressis, & insertis habentes, ipsumque Federicum a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati constitutiones, & ordinationes prædictas per Ludovicum editas, & subscriptas, & etiam per Scipionem Cardinalem prædictum recognitas, ac etiam subscriptas, omniaque, & singula in eis contenta pro optimo ipsius Collegii, illiusque Collegialium, ac rerum, & bonorum regimine, & administratione, Apostolica auctoritate, tenore præsentium ex certa nostra scientia perpetuo confirmamus, & approbamus, ac illis perpetuæ, & inviolabilis firmitatis robur adiicimus.

Singulos defectus supplet.

§.6. Omnesque, & singulos, tam juris quam facti defectus, si qui intervenerint in eisdem, omnino supplemus.

Ad eorum observationem omnes teneri declarat.

§.7. Ipsiusque Collegii Administratorem, Rectorem, & Collegiales, aliasque dicti Collegii personas nunc, & pro tempore existentes ad earundem Constitutionum, & Ordinationum observationem teneri, & obligatos existere, ac ob illarum non observationem poenas in eisdem Constitutionibus, & Ordinationibus contentas incurrere volumus.

Sic a Judicibus definiti mandatur.

§.8. Et ita per quoscumque Judices, & Commissarios quavis auctoritate fungentes, etiam causarum Palatii Apostolici Auditores, ac S. R. E. Cardinales, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiti debere, irritum quoque & inane, quidquid secus super his a quocumque quavis auctoritate scienter, vel ignoranter contigerit attentari, decernimus, & declaramus.

Executores præsentium deputat.

§.9. Et nihilominus Venerabilibus Fratribus nostris Archiepiscopo Mediolanen., ac Papien., & Lauden. Episcopis per præsentem committimus, & mandamus, quatenus ipsi, vel duo, aut unus eorum per se, vel alium, seu alios Constitutiones, &

*Bull. Rom. Tom. IV. Par. IV.*

Ordinationes prædictas ab ejusdem Collegii Administratore, Rectore, Collegialibus, & aliis illius personis nunc, & pro tempore existentibus etiam sub censuris, & poenis, tam Ecclesiasticis, quam pecuniariis, eorum, & cujuslibet ipsorum arbitrio moderandis, & applicandis, reclamazione, recursum, aut exceptione quibuscumque cessantibus, inviolabiliter observari faciant, contraditores quoslibet, & rebelles, ac ejusdem Constitutionibus, & Ordinationibus non parentes, per easdem censuras, & poenas, appellatione postposita, compescendo, ipsasque censuras, & poenas etiam iteratis vicibus aggravando, invocato, etiam ad hoc, si opus fuerit, auxilio brachii secularis.

§.10. Non obstantibus fel. rec. Bonifacii PP. VIII. Prædecessoris nostri de una, & Concilii generalis de duabus dietis, dummodo ultra tres dietas aliquis auctoritate præsentium ad iudicium non trahatur, aliisque Constitutionibus, & Ordinationibus Apostolicis, ac dicti Collegii, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, exemptionibus, Conservatoriis, & aliis literis Apostolicis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis: irritantibusque, & aliis decretis in genere, vel in specie, & ac alias quomodolibet in contrarium præmissorum concessis, confirmatis, & innovatis. Quibus omnibus, etiam si de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quævis alia expressio habenda foret, illorum tenores, ac si de verbo ad verbum exprimerentur, & infererentur præsentibus, pro sufficienter expressis, & insertis habentes, illis alias in suo robore permanentibus, hac vice dumtaxat specialiter, & expresse derogamus, contrariis quibuscumque. Aut si Administratori, Rectori, Collegialibus, & personis prædictis, vel quibusvis aliis eorum, vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Contraria tollit.

Datum Romæ apud Sanctum Petrum, sub annulo Piscatoris die 24. Aprilis 1587. Pontificatus nostri Anno II.

Dat. die 24. Aprilis 1587. An. II.



## LXXXIII.

Contra non restituentes, aut revelantes scripturas ad Rev. Cameram Apostolicam quomodolibet spectantes a Commissario ejusdem Camerae coercendos.

*Similem edidit Constit. Sixt. V. de qua, & de officio Commissarii vide hic supr. in Constitut. LXVII. Ad excelsum fol. 259.*

## SIXTUS PAPA QUINTUS

*Motu proprio, &c.*

Causa hujus  
Constitutionis,

**N**on sine maxima animi molestia accepimus, a quampluribus annis citra plures libros Camerae Nostrae Apostolicae, & illius ministrorum, ac diversas scripturas, instrumentaque publica, & privata, ad eandem Cameraam spectantia, ab aliquibus personis, tam ex Archivio dictae Camerae, quam ex officiis Notariorum illius, & aliis locis clam subrepta, & occultata fuisse, ac etiam alias diversimode amissa, seu deperdita, ad variarum personarum manus devenisse, & per easdem personas temere, & indebite detineri, in animarum suarum periculum, dictaeque Camerae, & diversarum personarum interesse habentium damnum, ac jacturam non modicam.

Scripturas  
Cam. Apost.  
detinentes, &  
intra sex dies  
non restituen-  
tes, seu scien-  
tes, & non re-  
velantes, poe-  
nas hic descri-  
ptas incurrunt.

§.1. Motu igitur simili, & ex certa nostra scientia, ac de Apostolica potestatis plenitudine, omnes, & singulas personas, tam Ecclesiasticas, quam saeculares, & cujuscumque status, gradus, ordinis, vel conditionis fuerint, etiam quavis amplissima dignitate fungentes, quae aliquos libros, vel scripturas, seu instrumenta quaecumque publica, vel privata, ad praefatam Cameraam quomodolibet spectantia, & pertinentia, undecumque subriperint, vel ab aliis subrepta, seu deperdita, vel alias quomodolibet ad manus suas habuerint, & penes se detinuerint, vel detineant de praesenti, aut illorum detentores sciverint, vel sciant, in Domino monemus, eisque nihilominus in virtute sanctae obedientiae, ac sub excommunicationis majoris latae sententiae poena, a qua non nisi a Nobis, vel Successoribus nostris Rom. Pont. praeterquam in mortis articulo constituti absolvi possint, privationisque omnium, & singulorum officiorum, & beneficiorum suorum, siquae obtinent, inhabilitatisque ad illa, & alia, in posterum obtinenda, injungimus, & mandamus, ut intra sex dierum proxime futurorum terminum, quorum duos pro primo, duos pro secundo, & reliquos duos dies pro tertio, & peremptorio termino assignamus, libros, scripturas, & instrumenta praefata, qui illos, & illa habent, dilecto filio Joffredo Lomellino Notario, & familiari nostro, ac dictae Camerae generali Commissario, cui, sui officii ratione, hujusmodi scripturarum cura, & pro illis procedendi facultas, per alias nostras literas praecipue demandata est, restituant. Alii vero scientes penes quos illa fuerint, vel sint, eidem revelent, & significant cum effectu. Nos enim qui libros, qui scripturas, seu instru-

menta praefata retinuerint, aut occultaverint, seu illa retinentes non revelaverint, dicto termino elapso ipso facto, & absque aliqua citatione, & declaratione, poenas praefatas incurrisse, & ad illarum executionem devenire posse, & debere decernimus, & declaramus, ac volumus, & mandamus.

§.2. Mandantes propterea eidem Joffredo Commissario, ut elapso dictorum sex dierum termino, contra habentes, seu detinentes libros, scripturas, & instrumenta hujusmodi, ac illa, & illas in dicto termino non restituentes, vel ubi, seu penes quem, seu quos illa sint, scientes, & non revelantes, tamquam contra fures, etiam juxta ejus ordinarias facultates, etiam ex officio, & per inquisitionem, ad illorum carcerationem, & examina, pro reperienda veritate, ac prout juris fuerit, ad eorum condemnationem, illiusque, & praefatarum poenarum executionem, etiam omnibus aliis juris & facti viis & remediis opportune procedat.

Commissarius  
Cam. Apost.  
post sex dies,  
contra praedi-  
ctos tamquam  
contra fures  
procedet.

§.3. Ut autem haec omnibus innotescant, tam praesentes, quarum solam signaturam sufficere volumus, quam Motum proprium facultatum, quas pia mem. Pius Papa V. Praedecessor noster olim, pro recuperatione scripturarum Camerae, & Sedis Apostolicae bon. mem. Carolo de Grassis Episcopo Montisfalconen. & quondam Honuphrio Camajano, dictae Camerae Praesidenti, dum in humanis agerent, sub Data videlicet 14. Kalen. Septemb. Pontificatus sui anno tertio, concesserat, de quarum publicatione non constat, quasque facultates Nos nuper in personam dicti Joffredi Commissarii, per easdem nostras innovavimus, in valvis Basilicae S. Petri de Urbe, & Camerae Apostolicae, necnon Cancellariae nostrae Apostolicae, & in acie Campi Floriae, per unum ex nostris Cursoribus publicari, earumque exempla, etiam impressa de more affigi mandamus, publicationemque hujusmodi eos, quos praemissa concernunt, afficere, perinde, ac si unicuique eorum personaliter intimatae fuissent, decernimus, cum eorum, quae tam publice notificantur, nulli valeat probabilem ignorantiam allegare.

Forma publi-  
candi hanc  
Bullam, & al-  
liam Pii V.  
hic confirma-  
sam.

§.4. Ac etiam volumus, & mandamus, quod praesentium exempla, etiam ut praemittitur, impressa, manuque dicti Joffredi Commissarii subscripta, & ejus sigillo sigillata, eandem ubique locorum fidem, faciant, quam praesentes facerent, si in medium exhibitae essent, vel ostensae. Et nihilominus, etiam mandamus literas Apostolicas, sive sub plumbo, sive in forma Brevis, quandocumque expediri posse.

Fides tran-  
sumptorum.

Placet Motu proprio F.

*Registrata in Cam. Apost. lib. 1. Signaturarum S.D.N. fol. 178. penes me infra scriptum dictae Camerae Notarium, & Custodem.*

Papa subler.  
Registratio  
in Camera.

*Tydeus de Marchis.*

*Die 27. Aprilis 1587. superscripta Motus proprii cedula, affixa, & publicata fuit, una cum alia superius narrata alterius Motus*

Publ. An. III.  
25. Aprilis.

pro-



*propria cedula in locis superscriptis, ut moris est, per me Jo. Andreæ Panizzam, Sanctissimi D. N. Papæ Cursorem.*  
*Alex. Parabiacus Mag. Curs.*

## LXXXIV.

Erectio Typographiæ Vaticanæ.

*Ex Regest. in Secret. Brev.*

## SIXTUS PAPA QUINTUS

*Ad futuram rei memoriam.*

Procerium  
ab utilitate,  
ac necessitate  
erigendi hu-  
jusmodi Bi-  
bliothecam  
ductum.

**E**AM semper ex omnibus immenso muneri, quod substinemus, incumbentibus curis, potissimam ob oculos habendam, ac ibi solertius invigilandum, & præcipue urgendum esse duximus, ubi, vel ad hæreticorum execrables errores detegendos, & conculcandos, vel ad Religionem latius propagandam locum opportunum patefieri posse agnosceremus. Considerantes etenim ex illa parte, illos paulatim suis erroribus serpentes, sensusque, & veritatem sacrarum scripturarum insanis eorum fictionibus pervertentes, & pro illorum arbitrio contra eum sensum, quem tenuit, & tenet Sancta Mater Ecclesia contorquentes, librosque etiam, prout impiarum mentium furor illis suavit, imprimentes pristinam veritatem, novis eorum mendaciis sub verborum nubibus involvere, & corrumpere, ac corruptam per universum disseminare, & gregem Domini a recto tramite in eorum perniciem seducere, & ipsorum veneno inficere ausos esse, hac ratione exitiosam admodum pestem perversarum præcipue scripturarum corruptis editionibus in Christianam Rempublicam impia immanitate evomuisse; Ex altera vero intuentes miserandam plurimorum Populorum calamitatem, ad quos in longinquis, & remotis Orbis partibus, vel Infidelium Regionibus existentes, veluti in tenebris versantes, Catholica fidei fulgentes radios (obstantibus sibi, vel hæretica pravitate, vel Gentilis cœcitatibus nubibus) penetrare, illorumque mentes illustrare adhuc datum non fuit, non potuimus non assiduo salutaria pro præmissis remedia sollicitè conquirere, & providere. Unde Nobis, Deo juvante, ex tot, quot animo diu agitavimus, præclarum, & optimum nuper oblatum est, quo mediante utrumque, ad quem anhelamus, præmissorum finem feliciter consequi in Domino speramus.

Libri 8r. ea  
edendi qua-  
cumque Lin-  
gua ad puri-  
tatem Catho-  
licorum dog-  
matum con-  
servandam.

§. I. Itaque perfectam, & omni ex parte pro totis viribus nostris absolutam, & elaboratam (conquisitis ad hoc peritis, & integris viris) officinam, seu Typographiam in hac Alma Urbe nostra perfectius, quam unquam antea instituere, certamque illi Sedem, & locum in Vaticano apud Nostrum Palatium Apostolicum decernere, & constituere proposuimus, prout ex nunc harum serie decernimus, & constituimus, in qua, ut puritas Evangelii sublati erroribus, suo illæso candore perpetuo conservetur, Libri Sacri, Sanctorumque Patrum Traditiones, Vitæ, Gestæ, & Miracula, ac

puræ Doctrinæ Christiana Dogmata, & alia sacra opera, non modo latine, & Italice, verum etiam ad communem cunctorum Populorum universaliumque Nationum, commoditatem, & salutem diversarum Barbararum linguarum idiomate, incisis, & fabricatis ad hoc Typis, singulis, quos juvare studuimus, externis Populis, aptissime congruis (quod operoso labore præstitum est) imprimantur, & in lucem edantur; ad hoc, ut sic impressa, & edita ad Hæreticorum confusionem omnibus mendis, & erroribus expurgata, puræque veritatis nitore micantia in lucem prodeuntia uno, & eodem tempore, illorum latentes maculas, & laqueos patefaciant, & per diversas regiones per manus piorum Religiosorum, eo ferventi charitate peregrinantium circumferantur, disseminentur, & distribuuntur, illisque sic ubique diffusis odore cœlestis doctrinæ excitati in errores, & obliquas opiniones prolapsi erigantur, fide infirmi sanentur, imbecilliores confirmantur, rudes imbuantur, & in tenebris ambulantes, ad veritatis semitas arripiendas illuminentur, ac denique omnes Sanctorum doctrina, & exemplis fursus elati, quid vere sibi sequendum, quidve vitandum sit, agnoscentes animarum suarum saluti securius consulere possint.

§. 2. Quocirca negotium hujuscemodi Ecclesiæ Dei ingens decus, & incrementum mirifice afferens alacriter amplexi delecto adhuc, & vocato dilecto filio Dominico Basa Veneto valde perito, & plurimum in opificio hujusmodi versato, cujus fides, & integritas Nobis jam pridem perspecta, ac probata fuit, illique cura officinæ prædictæ totaque summa hujusmodi rei commissa, & demandata extitit, prout illam ei etiam harum serie committimus, & demandamus, & ex eo, quia Nos illa præmissa concessimus, prout tenore præsentium concedimus cum omnibus honoribus, oneribus, juribus, lucris, & emolumentis, inde quomodolibet proventuris, seu quæ provenire posse sperantur.

Ei Præpositus  
Dominicus  
Basa.

§. 3. Et quia etiam eidem suppeditare promissimus ad ingentes sumptus idcirco necessarios facilius subeundos, scuta viginti millia monetæ tradenda, & consignanda ipsi Dominico Basæ, & per eundem infra decennium a data præsentium proximum in manibus Thesaurarii nostri Generalis pro tempore existentis ad effectum extinctionis infra dicendæ integre, & libere restituenda; ideo idem Dominicus Basa, primum erga Nos, & Cameram Nostram, pro restitutione hujusmodi viginti millium scutorum se, suosque Hæredes, & Successores, ac bona omnia solemniter obligare, ac idoneas cautiones propterea præstare, necnon etiam pro subventionem Sedis Apostolicæ, quot annis dicto decennio durante scuta mille, & ducenta monetæ pariter in manibus nostri Thesaurarii Generalis, pro tempore existentis se soluturum, & ad id similiter, ut supra obligaturum, & cautionem præstiturum libere obtulit. Nos propterea

Ei mutuariæ  
Cam. Apost.  
viginti millia  
aurea præci-  
pit, intra de-  
cennium re-  
stituenda: ita  
tamē ut Mons  
non vacabilis  
erigatur post  
viginti annos  
omnino extin-  
guendus ex  
pecuniis sic  
restitatis.



pterea perspicientes summam dictorum, viginti millium scutorum pro dicto effectu parandam, absque Nostro, vel alicujus detrimento, vel incommodo facillime provideri, & cum nostra, & Camera cautela omnes, qui pecunias huic negotio contulerint, & Nobiscum propterea contrahent, abunde cautos reddi posse, siquidem dicta scuta mille, & ducenta quot annis per dictum Basam solvenda applicentur eidem Camera nostra, & e converso totidem ex emolumentis vestigalium, & proventuum nostrorum, & Cam. prædictæ constituentia, parem superius applicatæ summam scutorum scilicet mille, & ducentorum congerantur, & secernantur ab ipsa Camera, quæ propterea stante dicta applicatione, & subrogatione, nullam emolumentorum diminutionem, nullumque detrimentum patietur. Et super illis ita congestis, & separatis pro majori contrahentium securitate, & animi eorundem quiete, & satisfactione, unus Mons non vacabilis pro dicta summa scutorum viginti millium, exigentium quot annis ad rationem scutorum sex pro quolibet loco, dictam summam scutorum mille, & ducentorum erigatur, extinguendus postea, prout ex nunc extingui volumus, & ordinamus infra decennium, ex dictis scutis viginti millibus per præfatum Basam eo tempore solvendis, quæ ad hunc extinctionis effectum ex nunc dictæ Camera Apostolicæ, & ejus nomine Thesaurario nostro Generali pro tempore existenti assignamus, concedimus, applicamus, & appropriamus, ac appropriata, & applicata esse volumus, adeout dictus Thesaurarius Generalis pro tempore existens illa recipere, & de receptis quietare, & eadem in extinctionem hujusmodi Montis absque ulteriori nostro, vel Sedis Apostolicæ ordine, vel licentia convertere possit, & omnino debeat.

Talem Montem erigit Sixtus.

§.4. Volentes itque hujusmodi nostram Universæ Christianæ Reipublicæ salutarem deliberationem ad optatum exitum perducere, Motu proprio, & ex certa nostra scientia, deque traditæ Nobis Apostolicæ potestatis plenitudine, unum Montem vulgariter Stampæ Vaticanæ nuncupandum viginti millium scutorum monetæ decem Julii pro scuto comparatis super emolumentis, & proventibus Thesaurariatus nostræ Provinciæ Campaniæ ad rationem hujus summae ac cujus portiones, & loca non vacent, & quorum quæque non minor centum scutis similibus sit, quæ quidem loca Montis hujusmodi resignabilia sint, & nunquam vacent ad instar aliorum montium non vacabilium, prout Montis Fidei, Alumeriarum, Religionis, Pacis, ceteraque ejusdem Urbis Montium non vacabilium portiones, & loca, quæ inter stabilia reputantur, auctoritate Apostolica tenore præsentium erigimus, & instituiamus.

Pro fructibus dicti Montis redditus Thesauraria Provinciæ Campaniæ assignat.

§.5. Illique sic erecto, & instituto pro illius Dote, ac eorum, qui nostram, & Romani Pontificis fidem secuti, pecunias in hujusmodi monte contulerint, & col-

locaverint annua responsione, & honesto fructu, cujuscumque illi sint qualitatis, & conditionis, dignitatis, vel status, Sæculares, vel Ecclesiastici, etiam regulares cujuscvis ætatis, etiam illegitimi, incapaces, & inhabiles; necnon Ecclesiæ, & alia quæcumque loca Religiosa, & profana summam scutorum mille, & ducentorum similium ex tribus millibus, & quingentis viginti quinque scutis, quæ annuatim rediguntur ex prædictæ Thesaurariæ Provinciæ Campaniæ appaltu, ad quorum solutionem in manibus nostri Depositarii generalis pro tempore existentis faciendam dilecti filii Horatius, & Hieronymus Sabelli, Marcellus, & alii de Filonardis d. appaltus conductores tenentur, & obligati existunt ex Instrumento die 15. Septembris Anni Domini 1585. in actis dilecti filii Scipionis Pevelli ejusdem Camerae Notarii, ex quibus scutis tribus millibus quingentis viginti quinque, deductis scutis mille, & quingentis pro diversis sumptibus, & oneribus, ut in dicto Instrumento assignatis libere deveniunt in Manus dicti Nostri Depositarii Generalis scuta duo millia, & paulo plus, & ex illis sic liberis remanentibus, prædictam summam scutorum mille, & ducentorum huic Monti assignatam ab omnibus oneribus ordinariis, & extraordinariis defalcationibus, diminutionibus, præsentibus, & futuris liberam, immunem, & exemptam esse volumus, & eximimus, & liberamus, itaut iidem omnes, qui pecuniam in dicto Monte collocaverint pro rata centum scutorum, singulis annis summam, scutorum sex, ac finito unoquoque bimestri incipiendo a Kal. mensis Junii proxime futuri ratam ejusdem portiones partem absque ulla prorsus diminutione percipiat, applicamus, & appropriamus, eandemque summam scutorum mille, & ducentorum super emolumentis dicti Thesaurariatus Provinciæ Campaniæ, ut præfertur, constitutam, & assignatam titulo venditionis, & alienationis eidem Monti, & locorum ejusdem emptoribus, quos hic pro singulariter nominatis haberi volumus, pro se ipsis, & quibuscumque ab eis quandocumque nominandis, etiam utriusque sexus personis, illarumque hæredibus, & successoribus, qui inter sese Collegium constituent, uti singulis, & universis perpetuo assignamus, ac in illos omne Jus, potestatem, & auctoritatem, in qua Nos ipsi, & Camera Apostolica est, transferrimus, ipsosque in nostram, & Camera præfata locum, Jus, & actionem quoad dictam summam scutorum mille, & ducentorum, illiusque exactionem, & perceptionem ponimus, & subrogamus, dictamque summam scutorum sex pro quolibet loco per quemcumque libere, & licite exigi, ac in sortem minime computari posse intendimus.

§.6. Cum facultate etiam dictis Montibus, eorumque Collegio ad instar aliorum Montium Urbis Secretarium ejusdem Montis ab ipsis eligendum, qui literas patentes

Montibus dat Privilegium Secretarii sibi eligendi.

Credi-



Creditoribus descriptis in dicto Monte conficiat, & subscribat, & sigillo ejusdem Montis munitas, illis concedat, & consignet, ac jura ejusdem Collegii in notam recipiat, & conservet, deputandi, & eligendi, qui tamen pro expeditione literarum patentium ultra Julios duos percipere, & exigere minime debeat.

Depositarium prædictum ad statutam summam persolvendam, se suaque bona vult obligari.

§.7. Necnon contrahentium Nobiscum, & Camera præfata securitati consulere volentes, quod dilectus filius Joannes Augustinus Pinellus noster Depositarius Generalis, & ejus in hujusmodi munere pro tempore futuri successores sese ipsos, ipsorumque hæredes, & bona, donec, & quousque Officium Depositariæ prædictæ retinuerit, pro dicta summa huic Monti, ut supra supposita scutorum mille, & ducentorum annuatim integre, & singuli bimestris in fine incipiendo a Kal. Mensis Junii proxime, ut supra pro rata absque ulla prorsus retentione, seu diminutione ejusdem Montis pro tempore creditoribus, & illorum cuilibet pro rata locorum, seu creditorum ad unumquemque ipsorum spectantium, vel eorum nomine in manibus Mercatoris in Depositarium dicti Montis per dictum Dominicum Basam pro prima vice, & postea per Collegium, & Montistas prædictos nominandi, & eligendi, prout ex nunc Dominico, & Collegio prædictis, & cuilibet illorum respective facultatem concedimus, libere persolvenda, in forma dictæ Camera, & aliis artibus obligationum vinculis obligare teneantur, statuimus, illisque id expresse iniungimus per præsentis.

Alias cautiones Montistis prædictis assignat.

§.8. Necnon eam summam, quæ nemini adhuc assignata, & ab omnibus oneribus libera ex dicto appaltu remanet, & superest ultra dicta scuta mille, & ducenta huic Monti assignata, ac etiam ulterius annua scuta octingenta monetæ redigenda ex novo appaltu propediem faciendo Vestigialis cartæ extrahendæ ex Statu Ecclesiastico, & insuper dicta scuta mille, & ducenta annuatim per prædictum Dominicum Basam dicto Depositario Generali solvenda, & dictæ Camera Apostolicæ per Nos ut supra applicata specialiter præceteris, & præterea etiam omnia, & quæcumque emolumenta dictæ Officinæ, seu Stampæ Vaticanæ, & quæcumque ejusdem augmenta inde quomodolibet pro tempore resultantia, ac denique omnia, & singula ejusdem Camera Mobilia, & immobilia, & fœmoventia bona, juraque, res, & actiones præsentia, & futura ubique locorum, & gentium existentia prædicto Monti, illiusque Collegio, & personis, uti singulis, & universis pro præmissorum omnium observatione insolidum specialiter, & generaliter, obligamus, atque hypothecamus, ac ad conservandum eosdem indemnes semper teneri, ac ejusdem Camera Ministros, & agentes ad eximendum personas prædictas ab omni molestia, & detrimento obligatos quoque volumus.

Hujusmodi Montistis ceterorum Mō-

§.9. Et insuper eisdem Montistis, eorumque hæredibus, & successoribus quibus-

cumque, tam respectu personarum, quam ipsius Montis, ac annui redditus, ut supra assignati, necnon liberæ perceptionis, & dispositionis tam inter vivos, quam in ultima voluntate, & aliorum quorumcumque Montistas, & successores prædictos quomodolibet concernentium, ut omnibus, & singulis immunitatibus, libertatibus, prærogativis, privilegiis, gratiis, favoribus, honoribus, exemptionibus, facultatibus, & indultis, quibus Fidei, Alumeriarum, Religionis, & Pacis Montes in Urbe pridem institui, quibuscumque illa sint concepta tenoribus, formulis, aut confirmationibus, & innovationibus valla- ta, quæ ac si de verbo ad verbum infèrentur præsentibus, haberi volumus pro expressis. Quibusque eorumdem Montium descripti creditores utuntur, potiuntur, & gaudent, ac quodcumque in futurum utentur, potientur, & gaudebunt, etiam si notam magis specialem requirerent, quam præsentibus sit expressa, uti potiri, & gaudere libere, & licite possint, & valeant, concedimus, & indulgemus, ac Montem prædictum, illiusque loca, & portiones respectu summæ illis assignatæ omnino reductionibus, diminutionibus, aut aliis contrariis dispositionibus, etiam prætextu enormissimæ læsionis, urgentis necessitatis, seu evidentis utilitatis, aut alia quacumque causâ sive in genere, sive in specie faciendis obnoxia, sed firma perpetuo & inviolata persistere, nec quemquam ex ipsius Montis deinceps creditoribus, aut ab eis causam, & Jus habentibus super integris fructibus, & emolumentis prædictis quocumque modo turbari, vel impediri, quinimmo in illorum pacifica, & quieta, liberæ fructuum perceptionis, & pretii dispositionis possessione, vel quasi, contra quoscumque defendi, conservari, & perpetuo manuteneri debere, etiam si officina, seu Stampa præfata ex quocumque opinato, vel inopinato eventu effectum in toto, vel in parte minime sortiretur, seu illo sortito, nunc, seu quodcumque deficeret, cessaret, seu penitus quomodocumque sublata esset, unde dictæ Camera de subrogatione dictorum mille, & ducentorum scutorum loco totidem dicto Monti supposito- rum, nec inde, nec aliunde consultum, aut provisum remaneret, quoniam fident nostram secutos ejusdem Montis creditores prædictis, vel aliis quibuscumque opinatis, vel inopinatis futuris casibus nullo modo subiacere, nec minus eosdem ad probandum, vel docendum in judicio, vel extra pecunias in dicto Monte collocatas, aut illarum partem in causam superius expressam, vel in aliam dictæ Sedis, vel Camera necessitatem, vel utilitatem conversas fuisse nullo unquam tempore teneri, seu quomodolibet obligatos esse volumus, sed illos ex nunc a præmissis penitus absolvimus, eximimus, & liberamus.

§.10. Quinimo etiam si nulla ex præmissis utilitas Sedi, vel Camera Apostolicæ resuleret, sed contrarium penitus apparere ullo

Alia quoque concedit Privilegia.



ullo unquam tempore posset, nihilominus ne quisquam fide Nobis credita defraudetur, sed e contra semper latus, & contentus acquiescere possit, omnes, & singulos dicti Montis pro tempore existentes creditores sola, & simplici presentium offensione perpetuo securos remanere volumus, absque eo, quod aliud ulterius demonstrare, quærere, vel introspicere teneantur, quia ita motu, scientia, & auctoritate predictis omnino volumus, & statuimus, atque has nostras literas vim validi, & efficacis contractus inter Nos, successoresque nostros, jusque, & causam ab illis habuerint solemniter initi, & stipulati obtinere, eundemque ab omnibus observari debere, neque ab illo sub quocumque quæsito colore, vel ingenio resiliari possit, aut in iudicium, vel controversiam deduci, necnon quibuscumque oppositionibus non obstantibus dictum Thesaurarium generalem, ac etiam Depositarium Generalem, & quoscumque illorum successores ad præstandam summam prædictam, ut præfertur, Monti assignatam statutis temporibus libere, & expedite teneri, & obligatos esse, & ad id juris, & facti remediis opportunis cogi, & compelli posse, facultate tamen redimendi dictum Montem pro eodem pretio Nobis, & Successoribus nostris perpetuo reservata.

Præsentibus  
perpetuâ ad-  
dit firmitatem

§.11. Sicque in omnibus, & singulis prædictis per quoscumque Iudices ordinarios, & delegatos, etiam S. R. E. Cardinales, in quavis causa, & instantia, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiri debere necnon irritum, & inane, quidquid secus super his a quoquam quavis auctoritate scienter, vel ignoranter contigerit attentari, decernimus, & ordinamus.

Novi Montis  
Protector  
Thesaurarius  
Rev. Camera  
constituitur.

§.12. Demum, ut omnia pro executione præmissorum necessaria rectius suo ordine procedant, dilectum filium Guidum Populum Thesaurarium nostrum Generalem dicti Montis Protectorem, & Administratorem cum plena, & ampla facultate, & absoluta auctoritate omnia, & singula, quæ ad ipsius Montis progressum, defensionem, & utilitatem spectare dignoverit, gerendi, administrandi, curandi, & exequendi, ac etiam in hac prima erectione literas patentes emptoribus locorum ejusdem, donec Collegium inter se se constituent, sub ejus nomine, & sigillo concedendi, & expediendi, & interim pariter secretarium prædictarum eligendi instituimus, & deputamus.

Obstantium  
derogatio.

§.13. Non obstantibus præmissis, ac fec. Pii PP. IV. Prædecessoris nostri de similibus, vel dissimilibus gratiis, indultis, & concessionibus in Camera Apostolica intra tres menses præsentandis, & registrandis, ac aliis Constitutionibus, & Ordinationibus Apostolicis, aliisque omnibus, & singulis, quæ minime obstare volumus, & quæ latius expressa, & specificata fuerunt in aliis literis nostris erectionis Montis pa-

cis, quæ his pro repetitis, & iterum specificatis haberi volumus, ceterisque contrariis quibuscumque. Volumus quoque, ut presentium transumptis etiam impressis, & manu alicujus Notarii, publici, vel defensoris pro tempore existentis Collegii dicti Montis subscriptis, & sigillo ejusdem Montis, vel cujusvis personæ in dignitate Ecclesiastica constitutæ munitis, eadem, prorsus fides adhibeatur in iudicio, & extra, regula, seu Constitutione quacumque contraria edita, vel edenda non obstante, quæ ipsis originalibus literis adhiberetur, si essent exhibitæ, vel offensa.

Datum Romæ apud S. Petrum, sub annulo Piscatoris die 27. Aprilis 1587. Pontificatus nostri Anno II.

Dat. die 27.  
Aprilis 1587.  
An.II.

## LXXXV.

Institutio Hospitalis pauperum Mendicorum in Urbe, ad eos pie alendum, eorumque animæ, & corpori salubriter consulendum, cum annuorum reddituum, & privilegiorum assignatione.

## SIXTUS EPISCOPUS

## SERVUS SERVORUM DEI

*Ad perpetuam rei memoriam.*

Quamvis infirma, & varia mortalium conditio, ita divinæ providentiæ inscrutabili dispensatione ordinata, & quasi in quosdam gradus distincta sit, ut secundum propriam vocationem, aliqui in hoc mundo temporalibus copiis abundant, aliqui mediocrem, aut tenuem vitam degant, quidam autem pauperes, & miserabiles sint, qui aliena divitum ope ad sui sustentationem indigeant, quod & ita semper fore, Moyses populum Israel præmonuit, dicens. Non deerunt pauperes in terra habitationis tuæ: idcirco ego præcipio tibi, ut aperias manum fratri tuo egeno, & pauperi, qui tecum versatur in terra: Et Dominus discipulis suis confirmavit illis verbis: Semper pauperes habebitis vobiscum. Ipse tamen rerum divinarum atque humanarum rector ac moderator Deus, qui vitæ subsidia, & opes sic inæqualiter hominibus distribuens, ac dividens, non ideo iniustus, aut iniquus, quod absit, dici potest, nec sine causa efficit, ut alii affluent, & abundant, aliis vero hæc ipsa desint, & illis egeant, sed ut hac via divites quidem suæ benignitatis, ac fidelis administrationis præmia accipiant, pauperes vero per virtutem patientiæ coronati digna mercede honorentur, voluit pro sua immensa in universum genus humanum caritate, ac beneficentia, potissimum erga pauperes, & egenos, eam specialem, ac perpetuam curam diligenter adhiberi, ut neque indigerent, neque mendicare cogerentur, quemadmodum, & prædicto populo Israel per eundem Moysen expresse mandavit: Omnino indigens, & mendicus non erit inter vos, ut benedicat tibi Dominus Deus tuus in terra, quam traditurus est tibi in possessionem. Et inter Christifideles, in ip-

Pauperum sub-  
ventio, pietas  
& misericor-  
dia commen-  
datur.



in ipso nascentis Ecclesiæ initio, sub Sanctis Apostolis plene servatum esse, eorundem Apostolorum acta testantur. Neque enim, inquit, quisquam egens erat inter illos. Quare idem Dominus noster Iesus Christus volens mundo universo, ac præcipue fidelibus suis aperte demonstrare quanti faceret humilitatis eximiam virtutem, & quam sibi cara, & dilecta esset paupertas, ac pariter docere, ne a divitibus, & opulentis hominibus pauperes despicerentur, eorumque cura negligeretur, primum quidem ipsemet, quando juxta præclara vaticinia Prophetarum e Coelo in terras, humana carne assumpta, descendit, non regium diadema, aut sublime aliquod decus, quod mundo ostentaret, & hominum oculis obicerent, secum detulit: sed semetipsum exinanivit formam servi accipiens, ac pauper in stabulo nasci, locum in diversorio non habere, pauperis præsepis angustiis contineri, pauperem demum vitam, quam pro Nobis suscepit, eligere, ac usque in finem retinere dignatus est, ut non immerito dixerit: Vulpes foveas habent, & volucres Coeli nidos, filius autem hominis non habet, ubi caput reclinet. Et per os David Propheta: Ego autem mendicus sum, & pauper: Et Apostolus scripserit: Scitis enim gratiam Domini nostri Iesu Christi, quoniam propter vos egenus factus est, cum esset dives, ut illius inopia vos divites effectis. Deinde etiam pauperum, & miserabilium personarum, dum in mundo conversatus est, singularem quandam sollicitudinem gessit, eosque divinis gratiis, & beneficiis multipliciter adjuvit, quod passim Evangelica testatur historia, dum pauperes sibi discipulos delegit, dumque cæcis visum, surdis auditum, mutis loquelam, claudis gressum, aridis, & paralyticis corporis, & membrorum integritatem reddidit, leprosos mundavit, dæmoniacos liberavit, aliosque variis languoribus, & infirmitatibus laborantes, & oppressos curavit, pauperum quoque sequentium turbas Coelesti verbo sapius pavit, & instruxit, & eas quandoque esurientes, etiam corporalibus mirabiliter satiavit alimentis. Et confirmat Apostolus Jacobus, dicens: Nonne Deus elegit pauperes in hoc mundo, divites in fide, & hæredes regni, quod repromisit Deus diligentibus se? Ac præterea misericordiam, & eleemosynas, quæ pauperibus fiunt, tamquam sibi factas recipit, & acceptas refert. Unde & a Sanctis, & piis viris pro pauperibus peregrinis, & mendicis, non Angelos, modo, sed Angelorum Dominum sapius hospitio susceptos fuisse legimus; quod, & Apostolus ad Hebræos memorat dicens: Hospitalitatem nolite oblivisci, per hanc enim placuerunt quidam Angelis hospitio receptis. Ac denique fideles cunctos, ad sublevandas pauperum necessitates, monitis, & præceptis, & maximis etiam propositis præmiis, in scripturis sacris vehementer inflammat; ait enim per Isaiam: Frange esurienti panem tuum, & egenos, vagosque

*Bull. Rom. Tom. IV. Par. IV.*

induc in domum tuam: cum videris nudum operi eum, & quæ sequuntur. Ac rursus paulo infra: Cum effuderis esurienti animam tuam, & animam afflictam repleveris, orietur in tenebris lux tua, & tenebræ tuæ erunt sicut meridies, & requiem tibi dabit Dominus Deus tuus semper, & implebit splendoribus animam tuam, & ossa tua liberabit, & erit quasi hortus irriguus, & sicut fons aquarum, cujus non deficient aquæ. Atque in Evangelio per seipsam Veritas dicit: Cum facies convivium, voca pauperes, debiles, claudos, & cæcos, & beatus eris, quia non habent retribuere tibi: retribuet enim tibi in resurrectione iustorum. Et iis demum testatur, se in novissimo die æternæ beatitudinis præmia paravisse, qui misericordiæ opera in pauperes, & egenos exercuerunt, ipsis namque dicturus est. Venite benedicti Patris mei, possidete paratum vobis regnum a constitutione mundi: Esurivi enim, & dedistis mihi manducare: sitivi, & dedistis mihi bibere: hospes eram, & collegistis me: nudus, & operuistis me: infirmus, & visitastis me: in carcere eram, & venistis ad me: & rursus, Amen dico vobis, quamdiu fecistis uni de his fratribus meis minimis, mihi fecistis.

§. I. Quæ quidem Nos attentius considerantes, ac recolentes in quadam aliquando Synodo pie constitutum fuisse, ut unaquæque Civitas pauperes, & egenos incolas suos alimentis congruentibus pasceret, secundum vires, ut tam vicini presbyteri, quam cives omnes suum pauperem pascerent, quo fieret, ne pauperes ipsi per alienas Civitates vagarentur, atque olim huiusmodi Hospitalia, in quibus Pauperes, & Mendici alerentur, in multis Civitatibus extitisse, & in aliquibus etiam in Italia adhuc vigere, simulque egenorum calamitates, quorum ingens quotidie numerus Nobis ante oculos versatur, paterna caritate miserati, tum Christianæ pietati, tum etiam nostro pastoralis officio consentaneum esse duximus, in hac Alma Urbe pietatis, & caritatis altrice, ad quam ex omnibus totius Orbis terrarum regionibus, quasi communem patriam, & tutissimum refugium, in sinum, & gremium S. R. E. plurimi pauperes fame, frigore, nuditate, rerumque omnium inopia confecti, ac variis morbis, & incommodis conflictati se recipiunt, Domum hospitalem instituire, in quam omnes benigne excipiantur, alantur, vestiantur, paratos habeant lectos, cibos, potum, aliaque ad imbecillia corpora confovenda, & recreanda opportuna, hac demum ratione provideatur, ne ulterius mendici per vias, & plateas tota Urbe dispersi, ac vagantes, victum quæritando defatigantur, ne, non modo publica loca, aut privatarum ædium vestibula, sed ipsa quoque templa gemitibus, & ejulatibus compleant, ne suis clamoribus obstrepant fidelibus, dum divinis officiis, aut Missæ sacrificio intenti sunt, ne in Ecclesiis, in quibus debet esse quieta conversatio, quæ-

*Iste Pontifex ob causas hi expressas.*

Qq

ri-



rimoniis, lamentis; ac vociferationibus tumultus excitent; ne ipsa divina officia, & circumstantium devotionem importunis, ac molestis vocibus perturbent; ne, quod præcipue Nobis cordi est, dum incertis sedibus Urbem peragrant, proprium Parochum non agnoscentes, absque alicujus divini præcepti, aut bonorum morum notitia, tanquam bruta animalia rationis expertia, cibo tantum quarendo, & ventri pascendo intenti, aberrant: ita ut nemo illis Sacramenta Ecclesiastica ministrandi, nemo eorum salutis spiritualis curam specialem gerat. Postremo, ut eadem opera, cunctis, quos in publicum quæstum incerta mendicitas vocaverit, inspectis, exploretur, in singulis integritas corporum, & robur annorum, atque inertes quidam, & sine ulla debilitate internoscantur, eorumque ignavia, & nequitia via præcludatur, qui simulata infirmitate, seu prætextu fictæ, aut per socordiam, & otium affectata paupertatis, alimoniam vere infirmis, ac pauperibus præripiant, ac simulandi morbi infamem quandam, dolosam, & fraudulentam artem facitiant, mox bene valentes, robusta, & valida totius corporis firmitate, ludis, comestationibus, aut illicitis aliis rebus vacant, cum salutis suæ dispendio, multorumque scandalo, & offensione.

Hospitale Mendicorum in Urbe erigit, & Ministros quatuor ad ejus regimen singulis annis eligi mandat.

§.2. Ut igitur eorundem Mendicorum animæ, & corporis salutem consulatur, hocque tam salutare, & necessarium opus, alias a nonnullis Prædecessoribus nostris inchoatum, semper tamen, ex eo quod certos redditus pro alimentis inopum non assignarunt, inefficaci conatu relictum, & dimissum, nunc demum nostra auctoritate, nostraque ingenti, pia tamen impensa, ut prosperiores successus, optatumque effectum sortiatur, & perpetuo subsistat, scandalisque, & incommodis prædictis occurratur, ac Sedis Apostolicæ, quæ omnes afflictos materno sinu semper complectitur, pietas, & benignitas in dies magis elucescat: habita super hoc cum Venerabilibus fratribus nostris S. R. E. Cardinalibus, deliberatione matura, de eorum consilio, & assensu, ad Dei Omnipotentis gloriam, pauperum Mendicorum commodum, & salutem, ac piorum operum incrementum, in eadem Alma Urbe, in ædibus prope Pontem Sixtum ad Tyberis ripam sitis, quas ad hoc nostris pecuniis, magno pretio emimus, ut ad usum eorundem pauperum, instauratione, & fabrica opportuna accommodari curavimus, unum Hospitale pauperum Mendicorum utriusque sexus, in quo tamen seorsum viri a mulieribus manere, & commorari debeant, pro ipsorum perpetuis receptione, habitatione, & sustentatione, cum suis Oratorio, Sacristia, Cœmeterio, humili Campanili, & Campanis, ac distinctis, & separatis, pro eisdem utriusque sexus personis, refectoriis, dormitoriis, hortis, areis, cellis, & officinis, congrua suppellectili, utensilibus, aliisque rebus necessariis, non mediocri

nostro sumptu comparatis, sufficienter instructum, per quatuor viros clericos, aut laicos idoneos, & probatos, quorum duo a Populo Romano in publico Consilio, & duo reliqui a dilectis filiis Confratribus Archiconfraternitatis Sanctissimæ Trinitatis Convalescentium, & Peregrinorum, cujus Oratorium ibi proximi via intermedia constitutum existit, ex suo corpore annis singulis eligantur, & deputentur, regendum, administrandum, & gubernandum, ex certa nostra scientia, ac de Apostolica potestatis plenitudine, tenore præsentium erigimus, & instituimus.

§.3. Ac ipsi Hospitali pauperum Mendicorum, erecto, & instituto, dotis nomine, & ad sustentandos pauperes redditum annum novem milliam scutorum monetæ Romanæ, julis decem pro quolibet scuto hujusmodi computatis, ita constituimus, & assignamus, ut videlicet pro nunc in præsentis operis inchoatione super exactione, seu Gabella signorum combustibilium, ac redditibus ex ea annuatim provenientes ad hunc potissimum usum a Nobis nuper destinata quinque millia scuta annuatim perpetuo percipiantur: Reliqua vero quatuor millia scuta annua ex pensionibus per Conductores alterius novæ gabellæ super attractione, seu conductione Navium, & Navicularum, quæ per Tyberim flumen com Bubalis, Jumentis, vel aliis animalibus deducuntur annuatim perfolvendis. Quoniam nostris scriptis, tam dicta utensilia, & suppellectilia, ut præfertur, pro usu ipsius Hospitalis, quam etiam alia in præsentiarum necessaria pro victu, & vestitu eorundem mendicorum empta jam, & comparata, ac satis abunde provisa sunt, nunc demum in ejusdem Hospitalis usus erogari, & converti volumus, & mandamus, ubi, & quando ad urgentes illuc confluentium necessitates majori impensa opus esse compertum erit, ac emolumenta tam ex primodicta, quam si opus erit, ex secundo dicta Gabellis proventura, Mendicorum hujusmodi necessitatibus perpetuo dicamus, applicamus, & appropriamus; inhibentes in virtute sanctæ obedientiæ, ac sub poena excommunicationis per singulos contravenientes eo ipso incurrenda prædictis Thesaurario, & Commissario generalibus nunc, & pro tempore existentibus, & aliis, ad quos spectat, ne prædictos ex hujusmodi gabellis sic per Nos assignatos, & applicatos annuos redditus in alios quamvis pios, & necessarios usus erogare, aut convertere audeant, vel præsumant, & quod Nobis licere non patimur, id ipsum nostris Successoribus indicamus. Eandem assignationem, & applicationem juramento a Nobis præstito de rebus Ecclesiæ non alienandis nequaquam adversari arbitantes, tum quia provenit ex gabellis de novo institutis, quas dicta Camera hactenus nunquam habuit, & in quarum reddituum percipiendorum, seu exigendorum possessione, vel quasi nunquam fuit: tum quia, quod Pauperibus erogat, Deo ipsi, qui Nobis omnia tribuit, dari censendum est.

Redditusque, & annuos proventus assignat.

§.4. Vo-



Hospitale, & ejus officiales pauperesque in eo degentes, & eorum bona a jurisdictione, & superioritate Judicium, & Officialium Urbis eximit.

administratio- nem Sacramen- torum, pro Mendicis, Mi- nistris, & ser- vientibus Ho- spitalis, facul- tates hic ex- pressas conce- dit.

§. 4. Volumus autem Hospitale Paupe- rum Mendicorum prædictum, ac illius pro tempore existentes Administratores, Offi- ciales, Ministros, & alios servientes, ra- tione ipsius Hospitalis dumtaxat, Pauperes- que in eo degen. necnon ejusdem Hospita- lis pauperum Mendicorum bona mobilia, & immobilia, cujuscumque qualitat, & quantitatis, in dicta Urbe, & extra, ac alias ubique locorum consistentia exempta esse ab omni jurisdictione, correctione, vi- sitatione, dominio, superioritate, & po- testate pro tempore existentium dictæ Urbis Gubernatoris, Senatoris, Conservatorum, Reformatorumque, ac nostri, & Romani Pontificis pro tempore existentis in dicta Urbe in spiritualibus Vicarii, necnon cau- sarum curiæ Camera Apostolicæ generalis Auditoris, & cujusvis Ordinarii locorum, aliorumve quorumcumque Indicium, & of- ficialium in ipsa Urbe, vel alias ubilibet constitutorum.

Exemptione- que a quacū- que gabella, & decima, d. Hospitali, & cum eo cō- trahentibus concedit.

§. 5. Ipsumque Hospitale pauperum Mendicorum, & quoscumque in propriis eorum rebus, & bonis cum eo contrahen- tes a solutione, & exactione quorumcum- que, ut vocant, pedagii, gabellæ, bol- lettini, decimarum, & cujusvis alterius, tam ordinarii, quam extraordinarii oneris, ex quacumque causa impositorum, & im- ponendorum, eximimus, & prorsus libe- ramus, ac sub Beati Petri, & Sedis Apo- stolicæ, atque nostra protectione suscipi- mus, & collocamus, Nobisque, & dictæ Sedi immediate subicimus, ac liberos, immunes, & exemptos declaramus. Nec- non Sanctæ Romanæ Ecclesiæ Camerario, Vice-Camerario, Præsidentibusque, & Cle- ricis Camera Apostolicæ, Senatori, Con- servatoribus, Reformatibus, aliisque Officialibus, Judicibus, & personis prædi- ctis, & quibusvis ad exactionem decimarum, & aliorum onerum prædictorum pro tem- pore deputatis, ne quarumcumque litera- rum, eis sub quibuscumque tenoribus, & formis concessarum prætextu, Hospitale pauperum Mendicorum Administratores, Officiales, Ministros, & servientes præ- dictos, personasque in eo degentes super præmissis, quovis modo molestant, seu molestari permittant, districtius inhi- bemus.

Mendicos Ho- spitalis circa jejunia, esu carniū, ha- bito utriusque Medici consi- lio dispensat.

§. 6. Præterea pauperibus Mendicis in eodem Hospitali pro tempore degentibus, quorum infirmitas, vel nimis imbecilla valetudo, aut corporis habitudo, jejunium, seu carniū, & lacticiniorum abstinētiā ferre non poterit. ut de utriusque medici consilio, quibusvis quadragesimalibus, & quatuor anni temporibus, ac vigiliis, & aliis diebus, in quibus jejunium ab Ecclesia indictum, aut carniū, ovorum, & la- cticiniorum usus, de jure, vel consuetudi- ne, seu alias prohibitus existit, vel fuerit, carniū, ovīs, butyro, lacticinīs, & aliis cibis prohibitis hujusmodi uti, & vesci.

Presbyteris in dicto Ho- spitali depu- tandis, circa

§. 7. Singuli quoque Presbyteri, Sæcu- lares, & cujusvis Ordinis Regulares, qui ad hoc a Gubernatoribus, & Administrato-

Bull. Rom. Tom. IV. Par. IV.

ribus, seu Deputatis pro tempore existiēti- bus Hospitalis Mendicorum hujusmodi ele- cti, & a prædicto in Urbe Vicario approba- ti fuerint, singulos pauperes, ministros, & servientes ejusdem Hospitalis Mendico- rum, & a quibusvis excommunicationis etiam majoris, suspensionis, & interdicti, aliisque Ecclesiasticis sententiis, censuris & pœnis, a jure, vel ab homine, quavis occasione, vel causa latis, quibus innoda- ti fuerint, necnon quibuscumque eorum peccatis, criminibus, excessibus, & de- lictis quantumcumque gravibus, & enor- mibus, etiam talibus, de quibus dicta Se- des merito consulenda foret, videlicet in casibus, tam Ordinariis locorum quam etiam Sedi Apostolicæ quomodolibet re- servatis, non autem in judicium deductis, neque contentis in literis die Coenæ Domi- ni legi solitis, semel in ingressu Hospitalis, & iterum ab omnibus supradictis, nullo prorsus excepto in mortis articulo, con- fessione eorum diligenter audita, in foro tantum conscientiae absolvere, injuncta in- de eis pro modo culpæ, suo arbitrio, pœ- nitentia salutari. Quodque pauperibus, ministris, & servientibus Hospitalis Men- dicorum hujusmodi, Sacramenta Ecclesia- stica administrare, & defunctorum corpora in proprio Cœmeterio sepelire libere, & licite valeant, eisdem auctoritate, & te- nore similiter perpetuo concedimus, & in- dulgemus.

§. 8. Ceterum volumus, ut in Hospitali prædicto, sic per Nos erecto Pauperes, & Mendici advenæ per Urbem transeuntes, si eo divertere voluerint, benigne recipian- tur, ac eis tres refectioes subministren- tur, & inde cum Dei benedictione ad iter suum prosequendum dimittantur.

Peregrinos in eodem Hospi- tali benigne, etiam recipi mandat.

§. 9. Præcipimus vero quatuor Admini- stratoribus, seu Deputatis prædictis, ut ipsi singulis mensibus ab Œconomis, Pro- curatoribus, Officialibus, Ministris, & quibusvis personis dicti Hospitalis paupe- rum Mendicorum, rationes accepti, & ex- pēsi ejusdem Hospitalis diligenter exigant, & inspiciant, eosque ad hujusmodi rationes reddendas cogant omnino, & compellant, prout eorum unumquemque ad id teneri volumus, & decernimus.

Rationes cō- putorum ab Officialibus singulis men- sibus exigi præcipit.

§. 10. Ac insuper ut ipsius Hospitalis pauperum Mendicorum conservationi, bo- noque regimini eorumdemque pauperum indigentis opportunius consulatur, dile- ctos filios nostros, & Camera Apostolicæ Thesaurarium, & Commissarium genera- les, nunc, & pro tempore existentes, ejus- dem Hospitalis pauperum Mendicorum Gubernatores, & superintendentes con- stituimus, & deputamus, quorum consilio, & ope quatuor Administratores, seu Depu- tati prædicti curam, & gubernium eorum- dem Mendicorum, ac dicti Hospitalis, il- liusque reddituum, proventuum, jurium, actionum, & bonorum mobilium, & im- mobilium, oblationumque, & eleemosyna- rum administrationem gerant. Denique cetera omnia ad pietatem, & caritatem

Thesaurariū, & Commissa- rium genera- les, ejusdem Hospitalis Gu- bernatores de- putat.



exercendam pertinentia, peragant, ordinent, ac decernant. Mandantes eisdem Thesaurario, & Commissario, modernis & pro tempore existentibus, ut una cum ipsis quatuor Administratoribus, seu Deputatis, tam iterum prædictas, quam alias quascumque rationes, & computa dicti Hospitalis, illiusque debitorum, saltem tertio quoque mense, & præterea quoties opus fuerit, exigant, accurate videant, examinent, & solident. Dantes illis, & concedentes plenam, & liberam facultatem, & auctoritatem, prædictos Æconomos, Procuratores, Officiales, Ministros, servientes, debitores, & alios quoscumque, quorum intererit, ad reddendas huiusmodi rationes, opportunis juris, & facti remediis cogendi, & compellendi, & eos qui satisfecerint, quietandi, absolvendi, & liberandi, ac similiter cum interven-  
tu eorumdem quatuor Administratorum, seu Deputatorum, pro salubri directione, & conservatione dicti Hospitalis pauperum Mendicorum, illiusque bonorum, & iurium temporalium, & spiritualium, quoscumque Officiales, Procuratores, Ministros, & servientes, in eo deputandi, & amovendi, aliosque eorum loco sufficiendi, ordinationes, & statuta, licita tamen & honesta, sacrisque Canonibus, & generalis Concilii Tridentini decretis non contraria faciendi, & edendi, eaque cum visum fuerit, revocandi, immutandi, corrigendi, aliaque de novo condendi. Quæ quidem statuta sic facta, edita, revocata, immutata, & correctæ, postquam per Nos aut Romanum Pontificem pro tempore existentem, approbata fuerint, ab omnibus supradictis Gubernatoribus, Administratoribus, seu Deputatis, Æconomis, Procuratoribus, Officialibus, Ministris, servientibus, & alijs quibuscumque inibi pro tempore receptis, inviolabiliter observari volumus, ac juxta eorumdem dispositionem a quibusvis Judicibus, sublata eis quavis aliter iudicandi facultate, iudicari, & definiri debere, & si secus super his a quocumque, quavis auctoritate scienter, vel ignoranter attentari contigerit, irritum, & inane decernimus.

Clausula de-  
rogatorie.

§.II. Non obstantibus Constitutionibus, & Ordinationibus Apostolicis, ac dictæ Urbis juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, eisdem Urbis Gubernatori, Senatori, Conservatoribus, Reformatoribus, Vicario, Auditori causarum Curia dictæ Camera, aliisque superius nominatis, necnon prædictæ Urbi, & Populo Romano, sub quibuscumque tenoribus, & formis, ac cum quibusvis clausulis, & decretis, etiam iteratis vicibus concessis, approbatis, & innovatis, quibus omnibus illorum tenores præsentibus, pro sufficienter expressis habentes, illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscumque.

§.12. Ut autem hoc pium, & salutare opus feliciora in dies, Deo favente, suscipiat incrementa, eisdem Gubernatores, Administratores, seu Deputatos, Æconomos, Procuratores, Officiales, & Ministros dicti Hospitalis enixe hortamur, & monemus, ut curam ipsius Hospitalis pauperumque Mendicorum, qui in eo recipientur, ita alacriter, & prompte suscipiant, pauperes ipsos Mendicos sincera in Domino caritate tractent, bona temporalia ejusdem Hospitalis fideliter, & prudenter dispensent, & administrent, ac demum piis huiusmodi operibus, ad Dei gloriam, pauperumque utilitatem, & salutem se ferventer exercent, ut exinde, præter celestis regni præmia, etiam nostram, & Sedis Apostolicæ benedictionem, & gratiam consequi mereantur.

§.13. Et quia difficile foret præsentibus literas ad singula loca ubi eis opus fuerit, deferre, volumus ut earum transumptis, etiam impressis, manu publici Notarii subscriptis, & sigillo personæ in dignitate Ecclesiastica constitutæ munitis, eadem prorsus fides in iudicio, & extra illud ubique adhibeatur, quæ adhiberetur ipsis originalibus, si essent exhibitæ, vel ostensæ.

Fides exem-  
plorum.

Nulli ergo omnino hominum &c.

Datum Romæ apud Sanctum Petrum, Anno Incarnationis Dominicæ millesimo quingentesimo octuagesimo septimo, quinto idus Maii, Pont. nostri Anno III.

D. P. An. III.  
11. Maii.

Ego Sixtus Episc. Catholicæ  
Ecclesiæ ff.

*Sequuntur Card. subscriptiones.*

LXXXVI.

Declaratio, quod suppellectilia ad cultum Divinum destinata per obitum Prælatorum in Regnis Hispaniarum relicta, Capitula debeant de manibus generalis Collectoris spoliolum Camera, non autem propria auctoritate recipere.

Ex Regest. in  
Secret. Brev.

SIXTUS PAPA V.

*Ad perpetuam rei memoriam.*

Romanus Pontifex, cui universalis Ecclesiæ cura a Domino commissa est, super iis, quæ in favorem Ecclesiarum, & Divini cultus, ac alias a Prædecessoribus suis facta, ac sancita sunt, si hominum malitia, atque audacia aliter quam par est, & contra verum illorum sensum interpretentur, ipsique homines sinistre eisdem utantur, novis Constitutionibus declarat, ac statuit, & ne in Ecclesia Dei, quam decet omnis sanctitas, abusus irrepant, aut si jam irreperunt, ut inde removeantur, studio providet diligenti, prout ipsa rerum experientia docet, ac suadet esse faciendum.

Proemium.

§.I. Cum itaque, sicut accepimus, postquam fel. rec. Pius PP. V. Prædecessor noster quadam sua perpetua valitura Constitu-

Pius V. Sacra  
Suppellectilia  
apud Eccle-  
siasticos de-  
functos repe-

tio-



1587.

ribilia in Hispaniis, Ecclesiarum Capitulis addixit per ipsa Capitula propria auctoritate capienda.

Cum vero Capitula preterea talis Constitutionis usurparent etiam alias res ad Cam. Apost. ratione spoliis pertinentes;

Sixtus V. iussit per Collectorem spoliis declarandum esse, quæ res cultui divini suæ addictæ.

Et sic tales res, Capitula de manu dicti Collectoris percipere debent. Iussit quoque ut certæ solutiones ab Ecclesiis Prælati ipsi Ecclesiis fieri solite, fiant intra biennium capte possessionis sub pena caducitatis contra eas ipsas Ecclesias, & Capitula, quibus huiusmodi solutiones faciendæ erant.

tione de spoliis inter alia declaraverat, ac statuerat, quod de cetero omnia, & singula ornamenta, & paramenta, ac vasa, & alia res, ac bona per quoscumque Patriarchas, Archiepiscopos, Episcopos, Abbates, & alios quoscumque ad usum, & cultum Divinum, etiam in eorum privatis ædibus, & Cappellis destinata, tempore eorum obitus ex testamento, vel ab intestato relicta sub appellatione spoliis minime venirent, sed ad singulas Ecclesias, Monasteria, & Beneficia, quæ tales personæ Ecclesiasticæ viventes obtinuerant, omnino spectarent, & illis postquam ipsæ personæ obissent, incorporata censerentur, ipsarumque Ecclesiarum Capitula, illa propria auctoritate retinere possent, ut in dicta Constitutione plenius dicitur contineri, non defuerint, nec desint de præsentis ex Capitulis Ecclesiarum in Regnis Hispaniarum consistentium, qui diversa res, & bona ex spoliis Archiepiscoporum, & Episcoporum post illorum obitum sub prætextu, quod illa tanquam Divino cultui dicata ad ipsorum Ecclesias spectent, auctoritate propria & de facto usurparunt, & sibi appropriarunt in grave etiam Camera nostræ Apostolicæ præjudicium, & ipsorum usurpantium animarum periculum.

§.2. Ad horum igitur reprimendam audaciam præsentis nostræ Constitutione perpetuo quoque valitura Apostolicæ Sedis auctoritate declaramus, statuimus, decernimus, & ordinamus, quod ex nunc deinceps perpetuis futuris temporibus per nunc, & pro tempore existentem Camera prædictæ, illiusque iurium, & spoliis huiusmodi in Regnis, & partibus Hispaniarum Generalem Collectorem, aut ab eo deputatum dumtaxat videri, ac declarari debeat, quæ ex rebus, & bonis quorumcumque Archiepiscoporum, Episcoporum, Abbatum, Commendatariorum, & aliarum quarumcumque personarum Ecclesiasticarum in eisdem partibus, & Regnis Hispaniarum, & in quibus dictus Collector deputatus fuerit, pro tempore decedentium servitio, & cultui Divino vere destinata, ac dicata sint.

§.3. Ita quod Capitula ipsarum Ecclesiarum illa de manu ipsius Collectoris, aut ab eo deputati, non autem propria auctoritate recipere, & habere possint, ac debeant.

§.4. Insuper quia ad aures quoque nostras pervenit, Episcopos, & alios Prælatos earundem Ecclesiarum in dictis Regnis, & partibus Hispaniarum, qui ad ipsas Ecclesias, illarumque regimina promoti certa regalia, quæ solutiones capparum, seu boni ingressus appellant, Capitulis earundem, ac ipsismet Ecclesiis solvere tenentur solutiones huiusmodi, vel usque ad diem sui obitus, vel quamdiu possunt differre solitos esse, non sine ejusdem Camera nostræ damno, & præjudicio, hac eadem Constitutione nostra ordinamus, ac volumus, quod omnes, & singulæ huiusmodi solutiones, sive prædicto, sive alio quocumque nomine nuncupentur, per quoscumque

Archiepiscopos, Episcopos, & Prælatos, ac alios partium, & Regnorum prædictorum, ad quos quomodolibet spectat, intra unum, aut ad summum duos annos a die adeptæ per ipsos regiminis, necnon bonorum, vel majoris partis eorum quarumcumque Ecclesiarum Cathedralium, etiam Metropolitanarum, ac Monasteriorum, & aliorum Beneficiorum, ac locorum ubilibet in dictis partibus, & Regnis existentium, in quorum Superiores, & Prælati ad aliquas huiusmodi solutiones tenentur, possessionis computandos, omnino, & integraliter fieri, quin etiam tempore prædicto durante Capitula, & Canonici, ac alij, quibus illa debentur easdem exigere, & recuperare debeant, alias tempore huiusmodi elapso, omnis actio, quæ desuper contra dictam Camera prætendi posset, eo ipso cesset, aut cessare intelligatur, nec jam Capitulis, Canonicis, & aliis super spoliis, ac bonis Prælati pro tempore defuncti quomodolibet prætendentibus ullum prorsus jus, ullaque actio super eisdem solutionibus, illarumque exactione, & recuperatione competat, nec remaneat.

§.5. Decernentes sic in præmissis omnibus, & singulis per quoscumque Judices, Commissarios quavis auctoritate fungentes sublata eis, & eorum cuilibet quavis aliter judicandi, & interpretandi facultate, atque auctoritate, judicari, & definiri debere, ac irritum, & inane, quidquid secus super his a quoquam quavis auctoritate scienter, vel ignoranter contigerit attentari.

§.6. Non obstantibus Apostolicis, ac in Provincialibus, & Synodalibus Conciliis editis generalibus, vel specialibus Constitutionibus, & Ordinationibus, ac Ecclesiarum Monasteriorum, & locorum prædictorum, juramento, confirmatione Apostolica, vel quavis firmitate alia roboratis statutis, & consuetudinibus, ceterisque contrariis quibuscumque.

Datum Romæ apud S. Petrum sub annulo Piscatoris die 15. Maii 1587. Pontificatus nostri Anno III.

Et sic in perpetuum jubet observari.

Contraria tollit.

Dat. die 15. Maii 1587. An.III.

## LXXXVII.

Indultum, ut Commissarius Generalis Ordinis Fratrum Minorum de Observantia nunc, & pro tempore existens in partibus Indiarum, habeat vocem activam, & passivam in Capitulo Generali.

Ex Regest. in Secret. Brev.

## SIXTUS PAPA QUINTUS

Ad perpetuam rei memoriam

§.1. CUM ad regendos Fratres Minores de Observantia degentes in partibus Indiarum, siue totius novi Orbis Charissimi in Christo filii nostri Philippi Hispaniarum Regis Catholici Ditioni subiectarum præter duos Commissarios, & Ministros Provinciales, & duos Custodes, qui totidem Provinciis illarum partium præsunt etiam unus Commissarius Generalis deputari soleat secundum Statuta in Congregatio-

Causæ dandi Privilegii.



tione Toletana instituta, qui supremam in omnes personas Regulares dicti Ordinis, in illis Regionibus potestatem habeat, ac licet in Capitulis Generalibus ejusdem Ordinis, quæ pro tempore celebrantur, prædictum Commissarium Generalem pro tempore existentem interesse deceat, ac ejus præsentia, ex eo quod de rebus, & negotiis, deque statu, & indigentis ipsius Ordinis plene instructus, & informatus esse, solet sit admodum fructuosa, & quodammodo necessaria, Vocem tamen activam, & passivam in dicto Capitulo generali juxta literas fel. rec. Leonis Papæ X. nostri Prædecessoris, & forsitan alia ipsius Ordinis Statuta minime habeat, non mediocriter expedire, & rationi consonum esse judicamus, ut quoniam ex Ministris Provincialibus, & Custodibus quam plures ob locorum intervallum, ac distantiam ad Capitula Generalia accedere non possunt, & plerumque eorum aliquis deest saltem Commissario Generali prædicto Vox activa, & passiva concedatur, præsertim cum hoc ipsum valde gratum, & acceptum prædicto Philippo Regi fore existimemus, & tam ultramontani, quam Cismontani fratres communiter in hoc concurrant.

Declaratio,  
de qua in rubrica.

§.2. Quare Nos bono regimini ejusdem Ordinis consulere volentes, ac de Religionis zelo, aliisque probitatis, & virtutum meritis dilecti filii Hieronymi de Guzman moderni Commissarii plurimum in Domino confisi, Motu proprio tam eidem Hieronymo, quam cuivis alteri pro tempore futuro Commissario Generali dicti Ordinis in partibus prædictis, ut in Generali in Domo B. Mariæ de Araceli de Urbe jam Congregato Capitulo, & quibuslibet aliis Capitulis Generalibus Congregationibus, & in omnibus eorum Capitularibus, quæ in futurum ubilibet in locis celebrabuntur, in electione Generalis Ministri, & alias in omnibus, & per omnia vocem activam, & passivam, ac locum congruentem, prout aliis Commissariis Generalibus dicti Ordinis dari solet, omnino habeat, & sua voce uti, & locum retinere libere, & licite valeat, auctoritate Apostolica tenore præsentium perpetuo concedimus, & indulgemus.

Clausula.

§.3. Decernentes prædictum Hieronymum, ac pro tempore existentem Commissarium Generalem ad vocem activam, & passivam, & locum hujusmodi per eos, ad quos spectat, omnino, & quacumque contradictione, appellatione, aut recursum remotis, recipi, & admitti debere, nec non irritum, & inane, si secus super his a quoquam quavis auctoritate scienter, vel ignoranter contigerit attentari.

Derogatio  
contrariorum

§.4. Non obstantibus dictis Leonis Prædecessoris literis, ac Constitutionibus, & Ordinationibus Apostolicis, necnon dicti Ordinis juramento, confirmatione Apostolica, vel quavis firmitate alia roboratis statutis, & consuetudinibus, etiam tales voces cuiquam alteri, quam certis personis tunc expressis concedi prohibentibus; privilegiis quoque, indultis, & literis Aposto-

licis eidem Ordini, aut illius superioribus, ac personis quomodolibet concessis, approbatis, & innovatis. Quibus omnibus etiam si pro illorum sufficienti derogatione de illis, eorumque totis tenoribus specialis, specifica, & expressa mentio habenda foret, tenores hujusmodi pro expressis, ac ad verbum insertis habentes, ad effectum præsentium dumtaxat, latissime derogamus, ceterisque contrariis quibuscumque.

Datum Romæ apud S. Petrum, sub Annulo Piscatoris die 15. Maii 1587. Pontificatus nostri Anno III.

¶ Data die 15.  
Maii 1587.  
An.III.

## LXXXVIII.

Statuitur, quod Capitulum Generale Ordinis Fratrum Minorum Santi Francisci de Paula de cetero de sexennio in sexennium celebrari debeat.

Ex Regest. in  
Secret. Breu.

## SIXTUS PAPA QUINTUS

Ad perpetuam rei memoriam.

DE Sacrarum Religionum quarumlibet salubri directione solliciti, ea pro Pastoralis Officii nostri debito constituimus, per quæ illarum profectibus occurritur, & dispendiis obviatur.

Prooemium.

§.1. Cum itaque sicut accepimus Capitulum Generale Ordinis Fratrum Minorum S. Francisci de Paula singulis trienniis in Festivitate Pentecostes juxta ipsius Ordinis statuta, seu privilegia, & indulta illi a Sede Apostolica concessa celebrari, & in eo Corrector Generalis, ejusque Collegæ, ac Zelosus dicti Ordinis nonnisi ad triennium eligi consueverint. Ordo autem prædictus, benedicente Domino, ita excreverit, ut frequentes illius Domus in variis Mundi Provinciis institutæ, & propagatæ repcriantur, & propter locorum distantiam Domus ipsæ in suis Provincialibus, & aliis Religiosis ad dictum Capitulum Generale unoquoque triennio transmittendis maxima rerum, & impensarum dispendia subire cogantur, nec infra triennium hujusmodi ab eodem Correctore generali commode visitari possint. Singuli vero Correctores dictarum Domorum, qui annales dumtaxat existunt, antequam de statu earundem Domorum, ac rebus ad illarum curam, & administrationem pertinentibus instrui possint, Officiis suis destituti remaneant, & hujusmodi annalis eorum mutatio, domibus prædictis plurimum damni, & incommodi adferat.

Capitula Generalia singulis trienniis celebrari solebant, sed propagato hujusmodi Ordine tam frequentia Capitula noxia esse cœperunt.

§.2. Nos ex his, & aliis causis animum nostrum moventibus opere præstium fore arbitrati, ut provisionis nostræ ministerio incommodis, & dispendiis prædictis aliqua commoda ratione occurratur. Motu proprio, non ad alicujus Nobis super hoc oblata petitionis instantiam, sed ex mera deliberatione, & certa scientia nostra, ac de Apostolicæ potestatis plenitudine statui-  
mus, & ordinamus, quod ex nunc de cetero perpetuis futuris temporibus dictum Capitulum Generale in Festivitate Pentecostes hujusmodi de sexennio in sexennium non

Statuit itaque Pontifex, ut impoſitorum singulis sexenniis cogantur,



non autem quolibet triennio, ut hactenus observatum fuit, congregari, & fieri, & tam dilecti Filii Gregorius Carbonellus a Paula Corrector Generalis, ejusque Collegæ, ac Zelofus in Capitulo generali novissime celebrato electi, quam qui deinceps ad Correctoris Generalis, ejusque Collegarum, ac Zelosi ejusdem Ordinis Officia pro tempore eligentur, in suorum hujusmodi Officiorum functione per integrum sexennium a die electionis de sua cujusque persona factæ computandum, & usque ad ejusdem Ordinis Capitulum generale post electionem hujusmodi proxime futurum insistere, & perseverare. Singulæ autem Domus prædictæ, lapso Anno administrationis modernorum earum Correctorum annuum, non amplius per annales, sed biennales Correctores de biennio, in biennium eligendos, & deputandos regi, & gubernari debeant, servata tamen alias forma, in electionibus tam Generalis, quam aliorum Correctorum, necnon Zelosi, & Collegarum hujusmodi hactenus observari solita, quam salvam, & illasam esse volumus.

Clausula.

§.3. Decernentes præsentis literas nullo umquam tempore, etiam prætextu, quod ad id ipsius Ordinis Capitulum generale specialiter indictum, & interesse habentes vocati non fuerint, seu ex quavis alia quantumvis legitima causa de subreptionis, vel obreptionis vitio, aut intentionis nostræ, vel alio quovis defectu notari, impugnari, seu invalidari, aut ad jus, vel controversiam revocari posse; sicque per quoscumque Judices Ordinarios, & Delegatos quavis auctoritate fungentes, sublata eis, & eorum cuilibet quavis aliter judicandi, & interpretandi facultate, & auctoritate, judicari, & diffiniri debere, irritum quoque, & inane, si secus super his a quoquam, quavis auctoritate, scienter, vel ignoranter contigerit attentari.

Obstantium derogatio.

§.4. Non obstantibus præmissis, & Apostolicis, ac in Provincialibus, & Synodali-  
bus Conciliis editis specialibus, vel generalibus Constitutionibus, & Ordinationibus, necnon Ordinis, & domorum hujusmodi etiam juramento, confirmatione Apostolica, vel quavis firmitate alia roboratis statutis, & consuetudinibus, etiam immemorabilibus, & quantocumque tempore observatis, privilegiis quoque, indultis, & literis Apostolicis, illis, eorumque Generali, & aliis Correctoribus, necnon Zeloso, Collegis, Fratribus, Religiosis, & Personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis per quoscumque Romanos Pontifices Prædecessores nostros, ac Nos, dictamque Sedem etiam Motu, scientia, & potestatis plenitudine similibus, etiam consistorialiter, vel alias quomodolibet etiam iteratis vicibus concessis, approbatis, & innovatis. Quibus omnibus, etiam si pro eorum sufficienti derogatione alias de illis, eorumque totis tenoribus specialis, specifica,

expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso a & forma in illis tradita observata inserti forent præsentibus, pro sufficienter expressis habentes; illis alias in suo robore permanfuris, ad hoc ut præsentis literæ suum omnino consequantur, & consequi debeant effectum, specialiter, & expresse derogamus, ac sufficienter derogatum fore, & esse decernimus, ceterisque contrariis quibuscumque.

Datum Romæ apud S. Marcum sub annulo Piscatoris die 4. Junii 1587. Pontificatus nostri Anno III.

Dat. die 4.  
Junii 1587.  
An.III.

## LXXXIX.

Erectio Cappellæ ad Præsepe Jesu Christi in Basilica S. Mariæ Majoris de Urbe, cum Præpositi, Sacristæ, Cappellanorum, & Beneficiatorum institutione, atque Cardinalis Protectoris, & Judicis causarum ad eos spectantium jurisdictione.

SIXTUSEPISCOPUS  
SERVUS SERVORUM DEI

*Ad perpetuam rei memoriam.*

**G**loriosæ, & semper Virginis Dei genitricis Mariæ salutiferam fecunditatem humiliter venerantes, intra cujus castissima viscera, virtute Altissimi mirabiliter obumbrante, divina sapientia sibi domum ædificavit, summas illius laudes, & præclara in universum genus humanum, sed in Nos potissimum merita, & verbis, & factis, quantum pro humana imbecillitate possumus, libentissime prædicamus. Hanc enim Beatissimam Virginem gratiæ, & misericordiæ parentem ab ipsa pene infantia Nobis Advocatam delegimus, cujus patrocinio, & intercessione, multis periculis erepti fuimus, & multa beneficia a bonorum omnium largitore Deo accepimus.

Pontifex iste ab infantia, B. Virginem sibi Advocatam delegit, ejusque patrocinio multa pericula evasit.

§.1. Itaque cum alias ejusdem Sanctissimæ Virginis nomine, & miraculorum splendore illustres Ecclesias semper in honore habuimus, tum in primis erga celeberrimam ejus in Alma Urbe Basilicam ad Præsepe Domini, quæ S. Mariæ Majoris appellatur, præcipua quadam, & pia devotione affecti sumus.

Ejus ideo Ecclesias, & maxime Basilicam S. Mariæ Majoris devote admodum coluit.

§.2. Cumque considerarem Sancti Dominici Præsepis Sacellum in eadem Basilica situm, ob sacras illius Præsepis reliquias in quo Rex Gloriæ nasci non abhorruit, & infans jacuit, magna in veneratione merito habitum minus decenter pro loci dignitate, & sanctitate ornatum, & extructum esse. Nos cupientes tam eximium, & religiosum monumentum debito cultu, decentique ornatu augere, ac nobili ædificio circumseptum communire, opus sanè viribus nostris, & facultatumstrarum illo quidem tem-

Præsepis itaque Sacellum in d. Basilica minus decenter extructum videns, dum Card. erat, B. Virginis ope fretus, insignem ibi Cappellam ædificavit.



1587.

1587.

Alterum vero S. Hieronymi.

tempore tenuitate majus, freti ope ejusdem Deiparae semper Virginis, & animo suscepimus, & re ipsa aggressi sumus. Nam jam pridem cum S. R. E. Cardinalatus honore fungeremur, loco a dilectis filiis Capitulo ejusdem Basilicae, interveniente etiam auctoritate fel. rec. Gregorii Papae XIII. Praedecessoris nostri Nobis concessio, insignem Cappellam, & spatii amplitudine, & substructionis magnificentia, templi instar, coepimus a fundamentis aedificare.

Interim ejusdem B. Virginis precibus, fuit Pontifex creatus, distamque Cappellam egregie exornavit & perfecit.

Ad quam, Praesepis adiculae mortuis fuit transportatus.

§.3. Cumque aedificatio feliciter procederet, ecce divina sic disponente clementia, nullis nostris meritis, sed ipsius Beatissimae Virginis precibus, in Apostolicae Sedis fastigio locati sumus. Quare inchoatum opus tanto impensius urgentes, nullisque quamvis maximis sumptibus parcentes, Cappellam ipsam testudine sublimi plumbi laminis extrinsecus tectam, & pretiosis crustis, & tegmentis marmorum, atque opere tectorio marmurato, egregisque picturis, & Sacris Imaginibus, & loco ipso congruen. exornatam, ita demum benedicente Domino perfecimus, atque omni ex parte absolvimus, ut ipsa antiqua venerandi Praesepis adicula, multis catenationibus, colligationibus, & fulcris circum adhibitis, ne parietes dissolvi, neve opus ulla ex parte labefactari posset, magna ergatarum, & tractoriarum machinarum vi, ingenti labore, atque artificio tota simul solida, ac prorsus integra, quod factu difficillimum videbatur, veteri Sede convulsa, & in altum sublata, in medium ipsius novae Cappellae gremium, sub ejus pavimento in locum subterraneum translata, atque asportata fuerit, ubi & specus circumcirca humili fornice concameratus, per quem circui possit, extructus est gradibus ad commodum descensum in eandem Sacri Praesepis adicula, & dictum specum hinc inde ante positus, ut Christifideles viri tantum, laudes, & preces Deo offerre, & Presbyteri in Altari ibidem sito Missas devote celebrare valeant.

Et Altare Majus ad Missas Pontificis celebrandas constituit.

Alia duo Altaria ad limina d. Capellae adjunxit.

Unum S. Luciae, ubi duo SS. Innocentium corpuscula recondi voluit.

§.4. Altare item supra ipsius adiculae fornicem constituto, & ad Missas Pontificias celebrandas.

§.5. Duo praeterea minora, sed tamen insignia Altaria, sive Sacella, nostra itidem impensa aedificata eodem modo picturis, & ornamentis magnifice exulta ad ipsius Cappellae limina ab utraque parte adjunximus.

§.6. Unum videlicet sub S. Luciae Virginis, & Martyris invocatione dictum, cujus festus dies, idem Natalis noster est, & quam ab ineunte aetate, omni studio venerati, ut pro Nobis apud Deum intercederet, magna cum fiducia assidue praecati sumus, sub cujus etiam Altari in Arca marmorea duo Sacra Beatorum Innocentium corpuscula, a Basilica S. Pauli extra Portam Ostiensem nostro jussu translata, rite recondi curavimus, ut ad Christi infantis cunabula, iidem Sancti Innocentes, (flores, primitiae Martyrum, Deoque gratissima victimae) quodammodo excubare videantur.

§.7. Alterum vero in honorem, & memoriam S. Hieronymi praestantissimi Ecclesiae Doctoris, cujus Titulus in Ecclesia Illyricorum fuit Nobis in nostra assumptione ad Cardinalatus honorem assignatus, & perpetuo retentus, quique Praesepe Domini ita vivens coluit, ut ex hoc mundo decedens per illud tamquam vitae januam ad coelestem patriam commigravit.

§.8. Cum igitur, Deo favente, pium hujusmodi opus jam absolutum, & ad tectum perductum foret, compertum est tandem, relatione, ac testimonio fide dignorum virorum, qui ex peregrinatione Terrae Sanctae nuper in Urbem advenerunt, Nobis nihil tale umquam cogitantibus, non humano consilio, sed plane divino instinctu ita contigisse, ut haec nostra Cappella, veteri Cappellae ad Praesepe Domini positae in Ecclesia Bethleemita, quae est in Palestina, aedificio, substructione, ac praecipuis suis partibus admodum similis evaserit; nam & a sinistra parte Ecclesiae uti haec nostra sita est, & habet adiculae Praesepis Dominici subterraneam, nostrae consimilem, tectam testudine, opere vermiculato ornatam, sicuti & haec est, ad quam, & per gradus descensus patet; habet quoque illa Cappella marmoreum, uti & haec nostra, pavimentum. Altaria etiam proxima in memoriam Sanctorum Innocentium, S. Catharinae Virginis, & Martyris, & S. Hieronymi extructa, quemadmodum, & nostra unum in S. Luciae, cum reliquiis Sanctorum Innocentium, & alterum in ejusdem S. Hieronymi memoriam pariter erecta, ita ut ipsa Gloriosa Virgo, quae olim primis Sanctae hujus Basilicae fundatoribus, certos fines, & locum Nivibus, quarum memoria in hodiernum usque diem religiose colitur, mirabiliter praescripsit, ac designavit, nunc etiam in nostra Cappella quasi dictae Basilicae appendice extruenda, divinitus mentem nostram inspiraverit, simulque suae, ac divinae voluntatis, & providentiae, admirabilem, minimeque obscuram dederit significationem.

§.9. Demum vero Nos ad Dei Omnipotentis, & Intemeratae Virginis Partus gloriam, fidelisque Populi erga Coelorum Reginam devotionem augendam, eandem Cappellam solemniter Ritu consecrari, & dedicari curavimus, atque in ea duo sepulchra conquistissimis columnis, & lapidum varietate, opere sumptuoso, ac magnifico extruximus, quorum alterum Sanctae memoriae Pio Papae V. nostro etiam Praedecessori, de Christiana Republica, deque Nobis optime merito, a dextris ejusdem Cappellae posuimus, ut perpetuum nostri erga eum grati, & pii animi apud posteros monumentum extet. Alterum a sinistris ad nostram sepulturam reservavimus. Tertium vero separatim in vestibulo dictae Cappellae, & in ipsa Navi Basilica, illi contigua, pro nostris dumtaxat consanguineis se deliendis assignavimus.

§.10. Ut autem in eadem Capella nostra ad ipsum Sanctum Praesepe, ubi An-

Post perfectum opus hujus Capellae, compertum est, eam esse similem veteri Cappellae ad Praesepe Domini in Ecclesia Bethleemitana, quod ex inspiratione divina id Praesepis facile videtur.

In eadem Capella idem Pontifex sepulchra magnifice extruxit. Alterum Pio Papae V. a dextris Capellae. Alterum sibi a sinistris. Aliud etiam in vestibulo pro suis consanguineis sepelien. posuit.

Et modo ad laudem ejusdem B. Virgi-

ge.



nis, & d. Præ-  
sepis venera-  
tionem, unam  
Sacristiam,  
quatuor Ca-  
pellanias, &  
quatuor Ele-  
ricatus in di-  
cta Capella  
erigit, & in-  
struit.

gelorum Chori, Deo gloriam, & homini-  
bus pacem annunciarunt, & ubi Nos an-  
no præterito, cum venerabilibus fratribus  
nostris S. R. E. Cardinalibus, ac aliis Epi-  
scopis, & Prælatibus, in Natalis Domini no-  
cte, Missarum solemniam celebravimus, af-  
sidue incruentum salutaris hostiæ sacrifi-  
cium, pro nostra, & totius populi Chri-  
stiani salute offeratur, & divinæ laudes,  
atque officia persolvantur; ob eam causam  
certos Presbyteros, & Clericos, qui in  
Capella, duobusque ei conjunctis Sacellis,  
seu Altaribus prædictis Deo inserviant, con-  
stituere decrevimus. Cum itaque, sicut  
accepimus, S. Joannis de Pyro Policastren.,  
& S. Leonardi Salernitan. Civitatum, vel  
Dioc. Monasteria, Ordinum S. Basilii, &  
S. Benedicti, quæ bon. mem. Petrus Epi-  
scopus Caetanus, & quondam Ludovicus  
Blanchettus Clericus, ex dispensatione, &  
concessione Apostolica, in Commendam,  
dum viverent, respective obtinebant, utra-  
que Commenda hujusmodi, per obitum  
Petri Episcopi, & Ludovici prædictorum,  
qui apud Sedem prædictam diem clausurunt  
extremum, cessante, adhuc eo quo ante  
Commendam ipsam vacabant, modo va-  
caverint, & vacent ad præsens, & dilectus  
filius noster Philippus tituli S. Sabinæ Pre-  
sbyter Cardinalis Spinola nuncupatus, qui  
Monasterium S. Nicolai de Butramo dicti  
Ordinis S. Basilii Hieracen. diocesis, ex si-  
mili concessione, & dispensatione in Com-  
mendam ad ejus vitam nuper obtinebat, po-  
steriori Commendæ hujusmodi, ac omni,  
& cuicumque juri sibi in dicto Mona-  
sterio S. Nicolai, illiusque regimine, &  
administratione, vel ad illa quomodolibet  
competenti, hodie in manibus nostris spon-  
te, & libere cesserit. Nos cessionem hujus-  
modi admittentes, ac Capellam nostram  
prædictam ad ejusdem Redemptoris nostri  
laudem, & honorem, & gloriosissimæ il-  
lius Genitricis, dictique Sancti Præsepis  
memoriam, & venerationem, ac divini  
cultus incrementum, competenti benefi-  
ciorum, & Ministrorum Ecclesiasticorum  
numero stabilire, annuisque redditibus pro  
congrua eorum sustentatione, & manu-  
tentione, onerumque illis, ac dictæ no-  
stræ Capellæ, necnon illius fabricæ, & Sa-  
cristiæ pro tempore incumbendum suppor-  
tatione necessariis dotare volentes, verum-  
que, & ultimum dictorum Monasteriorum  
vacationis modum, etiam si ex illo quæ-  
vis generalis reservatio, etiam in corpore  
juris clausa resultet, præsentibus pro expres-  
sis habentes, Motu proprio, non alicujus No-  
bis super hoc oblata petitionis instantiam,  
sed ex mera deliberatione, & certa scien-  
tia nostra, ac de Apostolicæ potestatis ple-  
nitudine in Capella nostra prædicta unam  
Præposituram, quæ in ipsa Basilica, secun-  
da Dignitas existat, hoc est prima post Ar-  
chipresbyteralem, pro uno Præposito,  
utriusque, vel alterius juris Doctore, seu  
in Theologia Magistro, & in presbyteratus  
ordine constituto, ac unam Sacristiam pro  
uno Sacrista, & quatuor perpetuis Capella-

nis Presbyteris, & quatuor alia Clericatus  
nuncupanda perpetua simplicia beneficia  
ecclesiastica pro totidem aliis Clericis nun-  
cupandis perpetuis beneficiatis; quorum si-  
quidem Sacristæ, Capellanorum, & Bene-  
ficiatorum, qui Clerici nuncupantur, di-  
ctus Præpositus caput existat, ac in rebus,  
negociis, & actibus per eos tractandis,  
& faciendis, primum, & digniorem lo-  
cum habeat, ibidemque præsit; ac tam ipse  
quam prædicti Sacrista, Capellani, & Be-  
neficiati dictæ Capellæ, prout inferius de-  
scriptum erit, deserviant, Apostolica au-  
toritate tenore præsentium, perpetuo eri-  
gimus, & instituimus.

§. I. Ac eidem Capellæ nostræ illiusque  
fabricæ, & Sacristiæ, necnon communi  
massæ ipsorum Præpositi, Sacristæ, Capel-  
lanorum, & Beneficiatorum, pro eorum  
manutentione, & sustentatione, ac one-  
rum illis incumbendum supportatione, sin-  
gula Monasteria prædicta, quæ Conventu  
carent, ac quorum fructus, redditus, &  
proventus S. Joannis videlicet ad quadra-  
ginta, S. Leonardi vero ad quinquaginta  
florenos auri, in libris Camera Apostoli-  
cæ taxati reperiuntur, S. Nicolai autem, ac  
illi perpetuo annexorum, S. Mariæ de Pi-  
gliano, & ejusdem S. Mariæ de Canis  
quingentorum, & quinquaginta ducatorum  
auri de Camera secundum communem exi-  
stimationem valorem annum, ut etiam  
accepimus, non excedunt, quibusvis modis,  
& ex quorumcumque personis, seu per li-  
beras quorumvis cessiones, de illorum re-  
giminibus, & administrationibus in Roma-  
na Curia, vel extra eam, etiam coram  
Notario publico, & testibus sponte factas  
vacent, etiam si tanto tempore vacaverint,  
quod eorum provisio juxta Lateranen. statu-  
ta Concilii, aut alias canonicas sanctiones  
ad Sedem prædictam legitime devoluta exi-  
stat, & illa ex quavis causa ad Sedem eam-  
dem, specialiter, vel generaliter perti-  
neat, & de illis consistorialiter disponi con-  
sueverit, seu debeat, ac super regiminibus,  
& administrationibus Monasteriorum hujus-  
modi inter aliquos lis, vel eorum possessio-  
rio molestia, cujus litis statum, etiam præ-  
sentibus haberi volumus pro expresso, pen-  
deat indecisa, cum prædictis, & forsitan  
aliis illis annexis, eorumque membris,  
grangiis, prædiis, possessionibus, deci-  
mis, primitiis, vineis, terris, agris, censu-  
bus, fructibus, redditibus, proventibus,  
juribus, obventionibus, emolumentis,  
pertinentiis, rebus, & actionibus universis,  
ceterisque bonis mobilibus, & immobili-  
bus, ac se moventibus, cujuscumque qua-  
litatis, præter, & valoris annui existen., ac  
ubique locorum consisten. eorumque pro-  
prietate, & dominio. Ita quod liceat Col-  
legio Præpositi, Sacristæ, Capellanorum,  
& Beneficiatorum hujusmodi, per se, vel  
alium, seu alios, eorum, & dictæ nostræ  
Capellæ, illiusque fabricæ, & Sacristiæ,  
suarque mensæ, seu massæ communis no-  
minibus corporalem, realem, & actua-  
lem possessionem Monasteriorum, anne-

Pro illorum-  
que sustentatione,  
redditus beneficio-  
rum hic de-  
scriptorum,  
eis assignat.



xorum, membrorum, grangiarum, prædiorum, possessionum, decimarum, primitiarum, vinearum, terrarum, agrorum, censuum, jurium, pertinentiarum, rerum, actionum, & bonorum huiusmodi, propria auctoritate absque spoliis, & attentatorum vitio, ac cujuscumque judicis, decreto, vel ministerio libere apprehendere, & perpetuo retinere, illaque regere, & administrare, necnon fructus, redditus, proventus, jura, obventiones, & emolumenta eorundem percipere, exigere, & levare, illaque in suos, secundum ordinationem inferius per Nos descriptam, & dictæ Capellæ nostræ, illiusque fabricæ, & Sacristiæ usus, utilitatem, & necessitates omnino convertere, Diocesani loci, vel cujusvis alterius licentia desuper minime requisita, auctoritate, & tenore prædictis, etiam perpetuo unimus, annectimus, & incorporamus, ac in eisdem Monasteriis sic unitis, eorumque Ecclesiis, annexis, membris, & grangiis, dignitates Abbatiales, illarumque titulos, nomina, & denominationes, eisdem auctoritate, & tenore similiter perpetuo supprimimus, & extinguimus.

Præposito, & Capellanis prædictis quasdam Missas, & Anniversaria celebrandi curam injungit.

§.12. Statuentes, & ordinantes, ut Præpositus, & Capellani prædicti, singulis diebus Dominicis, & festivis, Missas quatuor, aliis vero diebus tres Missas, alternis vicibus, seu hebdomadatim, juxta providam dispositionem, & ordinationem desuper ab eis faciendam celebrare, & quotannis tria Anniversaria officia mortuorum, unum videlicet pro dicti Pii Prædecessoris, & aliud pro nostra, postquam viam universæ carnis ingressi fuerimus, reliquum autem, pro parentum, & propinquorum nostrorum, ac infracriptorum patronorum animabus; quæ tamen non intra dictam Capellam nostram, sed extra eam in illius vestibulo, quod est in ejusdem Basilicæ navis eidem Capellæ continua peragantur, ne ubi vitæ auctor, & mortis victor, ac triumphator est ortus, ibi castra doloris Cenotaphia pallea, feretralia, & alia mortuorum, ac funeralium officiorum insignia conspiciantur.

Sacristæ, celebrationis Officiorum, & Capellæ suppellectilis, & ornamentorum cura assignat.

§.13. Sacrista vero curam celebrationis Anniversariorum officiorum, & Missarum huiusmodi, necnon custodiam sacræ suppellectilis, ac ornamentorum, & paramentorum ad dictæ Capellæ nostræ usum pro tempore pertinentium habere.

Beneficiatis, que onus in præmissis assistendi, & divinis inservienti imponit.

§.14. Alii autem Beneficiati prædicti, eisdem Præposito, Sacristæ, & Capellanis in præmissis assistere, eisque in divinis inservire, ac alia obsequia, & onera sibi pro tempore imposita præstare debeant, & teneantur. Ac omnes simul unum Collegium inter se cum arca, massa, & sigillo communibus, aliisque Collegialibus insignibus, ad instar aliorum similium Collegiorum, tam in prædicta, quam aliis quibuscvis dictæ Urbis Basilicis, & Ecclesiis institutorum, constituentur.

Eisque omnibus certos redditus, & proventus cōcedit.

§.15. Necnon annis singulis ex dictis fructibus, redditibus, proventibus, juri-

bus, obventionibus, & emolumentis, ipsius nostræ Capellæ Præpositus quadringenta, Sacrista centum, & quinquaginta, singuli Capellani, etiam centum, & quinquaginta, singuli vero alii Beneficiati Clerici inibi pro tempore existentes, quinquaginta scuta monetæ Romanæ percipere, ipsique insimul similiter annis singulis unum Thesaurarium, seu Camerarium, qui de eorum gremio existat, & ad quem peculiaris cura recuperationis, exactionis, distributionis, & repartitionis omnium, & singulorum fructuum, reddituum, proventuum, jurium, obventionum, & emolumentorum ad dictam Capellam nostram, illiusque fabricam, & Sacristiam, atque ad communem massam, Collegii huiusmodi, nunc, & pro tempore spectant, pertineat, eligere, & deputare; necnon ut soluta Præposito, Sacristæ, ac singulis Capellanis, ac Beneficiatis prædictis rata parte, seu portione eos, ut præfertur tangente, & deductis omnibus impensis ad usum Capellæ nostræ, illiusque fabricæ, & Sacristiæ huiusmodi necessariis, totum id, quod supererit, in emptionem tot locorum Montium non vacabilium, aut aliorum bonorum stabilium erogare, illorumque necnon inde provenient. fructus postquam ad summam centum scutorum similium ascenderint, pro una inter se proportionabiliter dividere, & repartiri; pro altera vero medietatibus, eorundem super excrescentium fructus, in usum, necessitates, & ornamenta Capellæ nostræ, illiusque fabricæ, & Sacristiæ huiusmodi convertere debeant; ita tamen ut Thesaurarius aut Camerarius pro tempore existens, de receptis, & administratis per eum, rationem, & computa eidem Collegio in fine cujuslibet anni reddere omnino teneatur.

§.16. Ac insuper ubi, quoties, & quandocumque eis placuerit, libere eorum arbitrio, sine ullo tamen onere, aut obligatione, & sine ullo impedimento, stallum, & locum in dicta Basilica, & illius choro habere, omnibusque, & singulis horis Canonicis, ac aliis divinis officiis, necnon processionibus, ceterisque publicis actibus, non tamen Capitularibus, dictæ Basilicæ interesse, ita ut neque ad interessendum præmissis unquam cogi, vel compelli, nec si sponte accedere voluerint, impedire quovis prætextu possint. Et ibidem Præpositus, videlicet cappam, aut cottam cum rochetto, prout temporis qualitas exegerit, ad instar Canonicorum ejusdem Basilicæ, Sacrista autem, & Capellani, ac alii Beneficiati Clerici nuncupati prædicti, habitum per alios Beneficiatos, & Clericos ipsius Basilicæ gestari solitum respective deferre, necnon attenta antiquitate, nobilitate, & præstantia ejusdem Sancti Præsepis Domini, a quo tamquam præcipua, & primaria parte, tota Basilica etiam ad Præsepe Domini olim dicta fuit, & cum hæc ipsa per Nos erecta dignitas Sacristia, Capellania, & Beneficia pro divino cultu, & servitio ejusdem Præsepis fuerint instituta, Præpositus immediate, post Vicarium Archipres-

Et in Choro locum eisdem quandocumque ii adesse voluerint, assignat.

by-



byteri dictæ Basilicæ, & ante omnes illius Canonicos supradictos, Sacrista vero, & deinde Capellani post ipsos Canonicos, & ante omnes Beneficiatos Basilicæ, alii autem ejusdem Capellæ nostræ Beneficiati Clerici appellati, post Beneficiatos, & ante Clericos Basilicæ hujusmodi immediate sedere, & incedere libere, & licite possint.

Et ne propterea aliquod emolumentum percipiat, interdicitur.

§.17. Per hoc tamen ejusdem Basilicæ Capitulo, Canonicis, Beneficiatis, & Clericis, quoad distributiones, & alia emolumenta per eos dum horis Canonicis, divinisque officiis, ac processionibus, & aliis actibus hujusmodi interfunt, percipi, & lucrari solita, aliqua ex parte præjudicare nequaquam intendimus; quinimmo dictis nostræ Capellæ Præposito, Collegio, Sacristæ, Capellanis, & Beneficiatis, Clericis nuncupatis, & eorum cuilibet auctoritate, & tenore prædictis inhibemus, ne ipsi, eorumve aliquis, siue propter eorum præsentiam, interessentiam, & assistentiam in choro horis Canonicis, diurnis, & nocturnis, Missis etiam solemnibus, & aliis divinis officiis, etiam in festivitatibus majoribus, & quocumque anni tempore, aut processionibus, vel anniversariis mortuorum, siue propter aliam quamcumque causam, vel occasionem quippiam, paruum, aut magnum, etiam pro eorum rata, aut pro virili de ipsius Basilicæ Capituli Beneficiatorum, & Clericorum prædictorum mensa, massa, distributionibus, aut emolumentis, ordinariis, vel extraordinariis, etiam incertis, & ut præfertur, personaliter interessentibus tantum dari solitis, ullo modo, aut quæsto colore, vel ingenio percipere, aut quomodolibet prætere audeant, vel præsumant.

In d. Capella aliud sepulchrum, seu tumulum pro quavis persona fieri prohibet.

§.18. Deinde ne in ipsa Capella nostra, illiusque situ, seu ambitu, solo, aut pavimento, muris, structuris, & ædificiis præter supradicta monumenta aliud sepulchrum, aut sepulture locus, seu tumulus, alteri personæ cujuscumque status, gradus, qualitatis, & conditionis fuerit, siue per viam depositi, siue alias quomodolibet concedi, vel assignari possit, aut debeat, districtè interdiciamus, & omnino in perpetuum prohibemus.

Capellam ipsam, & ejus Sacristiam, Præpositum, Sacristam, Capellanos, & Clericos, eorumque bona, ab aliorum jurisdictione eximit.

§.19. Præterea eandem Capellam nostram, illiusque fabricam, & Sacristiam, necnon Præpositum, Sacristam, Capellanos, & Beneficiatos, Clericos nuncupatos, pro tempore existentes, ipsumque Collegium, ac prædicta, ceteraque omnia, & quæcumque illius, & eorum bona mobilia, & immobilia cujuscumque qualitatis, & quantitatis in dicta Urbe, & locis, & extra, ac alias ubique locorum consistentia, ab omni jurisdictione, correctione, visitatione, dominio, superioritate, & potestate, nunc & pro tempore existentis Urbis Vicariis, ac Archipresbyteri dictæ Basilicæ, ejusque Vicarii, & Capituli, & cujusvis Ordinarii loci, aliorumve quorumcumque Judicum, & officialium, in ipsa Urbe, vel alias ubilibet constitutorum, perpetuo eximimus,

*Bull. Rom. Tom. IV. Par. IV.*

& liberamus, ac sub Beati Petri, & Sedis Apostolicæ, atque nostra protectione suscipimus, Nobisque, & dictæ Sedi immediate subiicimus.

§.20. Ad hæc, Præposito, Sacristæ, Capellanis, & Beneficiatis, Clericis nuncupatis prædictis, illorumque Collegio, ut omnibus, & singulis privilegiis, immunitatibus, exemptionibus, libertatibus, præeminentiis, prærogativis, favoribus, facultatibus, indultis, & aliis gratiis, tam spiritualibus, quam temporalibus, quibus alii dignitates, Capellanas, & alia beneficia in dictæ Sanctæ Mariæ Majoris, & aliis ejusdem Urbis Basilicis, & Ecclesiis, pro tempore obtinent. eorumque Collegia, de jure, vel consuetudine, aut ex privilegio, vel alias quomodolibet utuntur, potiuntur, & gaudent, ac uti, potiri, & gaudere possunt, & poterunt quomodolibet in futurum, non solum ad eorum instar, sed æque principaliter, & pariformiter, in omnibus, & per omnia, uti, potiri, & gaudere libere, & licite valeant, auctoritate, & tenore prædictis indulgemus.

§.21. Necnon tam prædictis in Urbe Vicario, Archipresbytero, ejusque Vicario, & Capitulo, locorum Ordinariis, quam aliis quibuscumque personis, quavis auctoritate, & dignitate fungentibus, ne quarumcumque facultatum, privilegiorum, aut literarum eis, sub quibuscumque tenoribus, & formis concessorum prætextu, Præpositum, Sacristam, Capellanos, aut Beneficiatos, qui Clerici appellantur, prædictos, siue eorum aliquem in præmissis quocummodo molestant, aut molestari permittant, districtè inhibemus.

Privilegiaque aliis in Ecclesiis Urbis dignitates hujusmodi habentibus concessa, prædictis etiam cōcedit.

Officialibus omnibus, ne eos molestant, præcipit.

§.22. Ut vero Capellæ nostræ, illiusque fabricæ, & Sacristiæ, ac Collegii hujusmodi, felici, & prospero regimini, gubernio, & conservationi opportune consulatur, utque promptum, & paratum sit eis auxilium, dilectum filium Alexandrum Sanctæ Mariæ in Cosmedin Diaconum Cardinalem de Montealto nuncupatum, ex sorore germana, secundum carnem, pronepotem nostrum, & eo vita functo, antiquiorem Sanctæ Romanæ Ecclesiæ Cardinalem, ex nostra familia, & parentela, vel in ejus defectum ex Provincia Marchæ Anconitanæ oriundum, seu si nullus eorum fuerit, primum Presbyterum Cardinalem pro tempore existentem ejusdem Capellæ nostræ, illiusque personarum, rerum, bonorum, & jurium Protectorem, & Defensorem, cujus consilio, & ope omnia supradicta, & quæcumque alia in his, & circa ea quomodolibet necessaria agantur, statuantur, & ordinentur, constituimus, & deputamus. Ac volumus, & declaramus, quod licet nullo existente nostri sanguinis Cardinale, alius ad id, ut præfertur, vocatus Cardinalis munus Protectoris hujusmodi subire, & exercere incœperit, nihilominus si postmodum contingat, aliquem nostræ familiæ, & parentelæ, ac Cardinalatus honorem assumi, is in ejusdem muneris functione præferri debeat, & constitu-

Protectoremque, & eorumdem Defensorem Alexandrum Perretum Cardinalem de Monte Alto, ejus pronepotem, & eo defuncto, alios hic designatos deputat.



Jurisdictione  
circa Præpo-  
situm, Sacri-  
stiam, Capel-  
lanos, & Cle-  
ricos, & eo-  
rum lites ei-  
dem tribuit.

tio, ac deputatio de cujusvis alterius perso-  
na in Protectorem hujusmodi facta eo ipso  
cessare, & expirare censeantur.

§.23. Dantes, & concedentes eidem  
Alexandro Cardinali moderno, & pro tem-  
pore existenti ejusdem nostræ Capellæ Pro-  
tectori, plenam, & liberam facultatem,  
& auctoritatem, differentias, lites, con-  
troversias inter quascumque personas, tam  
Præpositi, quam Sacristæ, Capellanorum,  
& Beneficiatorum, Clericorum nuncupa-  
torum dictæ Capellæ, eorumdemque litium  
confortes, seu ab eis causam habentes pro  
tempore exortas summarie, simpliciter, &  
de plano, sine strepitu, & figura judicii,  
appellatione remota, decidendi, definiendi,  
terminandi, & exequendi; ac denique eam-  
dem prorsus jurisdictionem, superiorita-  
tem, & potestatem in Capella nostra, il-  
liusque Altaribus, atque universis, & sin-  
gulis personis prædictis libere exercendi, in  
omnibus, & per omnia, quam pro tempo-  
re existens Archipresbyter dictæ Basilicæ,  
ejusque Vicarius in ipsa Basilica, illiusque  
Altaribus, Capitulo, Canonici, Benefi-  
ciatis, & Clericis, vel Ministris, de jure,  
consuetudine, aut ex privilegio, aut alias  
quomodolibet exercere potest, & debet,  
sive in futurum poterit, & debebit, etiam  
quoad ea universa, & singula, quæ ex præs-  
entationem, & concessionem requirunt magis  
specialem, quæque sub generali hujusmo-  
di concessionem non comprehenduntur.

Jus patronatus  
& præsentan-  
di personas  
prædictas, Mi-  
chaeli Peret-  
to ejus pro-  
nepoti, illius-  
que descend-  
entibus conce-  
dit.

§.24. Insuper jus patronatus, & præsen-  
tandi personas idoneas etiam alienigenas ad  
Præposituram videlicet, Protectori, ad  
Sacristiam vero, ac quatuor Capellanas,  
& alia beneficia Clericatus nuncupata hujus-  
modi Præposito pro tempore existentibus  
prædictis, tam hac prima vice, ab eorum  
primæva erectione, & institutione hujus-  
modi apud Sedem prædictam vacantia,  
quam quoties ex nunc de cetero illa quibus-  
vis modis, & ex quarumcumque personis,  
etiam nostri, aut Romani Pontificis pro  
tempore existentis, seu cujusvis Cardinalis  
etiam tunc viventis familiaribus continuis  
commensalibus, seu Romanæ Curie offi-  
cialibus, aut alias quomodolibet reserva-  
tionem inducentibus, semper liberas, vel  
ex causa permutationis resignationes de il-  
lis in dicta Curia etiam in manibus nostris,  
vel Romani Pontificis pro tempore existen-  
tis, vel extra eam quomodolibet factas, &  
admissas, ut assensionem alterius benefi-  
cii Ecclesiastici, quavis auctoritate collati,  
seu illa pro tempore obtinentium deces-  
sum, vel quamvis aliam dimissionem,  
amissionem, privationem, religionis in-  
gressum, matrimonii contractum, aut alias  
quomodocumque, & qualitercumque,  
etiam apud Sedem prædictam, simul, vel  
successive vacare contigerit, per Protecto-  
rem, & Præpositum prædictos ad præsen-  
tationem hujusmodi in forma solita insti-  
tuendas, dilecto filio Michaeli Peretto  
Burgi S. Petri, & Militum custodiæ nostræ  
moderno Præfecto similiter nostro, secun-  
dum carnem, ex sorore dicta pronepoti,

ejusque masculis, ex masculis descenden-  
tibus legitimis, & naturalibus, ac ex legiti-  
mo matrimonio natis, & procreatis, ita  
tamen, quod præsentatio fieri debeat so-  
lum a primogenito, & ipsius primogeniti  
primogenito usque in infinitum hoc modo  
videlicet. Si dictus Michael plures filios  
masculos habuerit, præsentatio pertineat  
ad natu majorem tantum, qui si etiam plu-  
res susceperit filios masculos, natu major  
eorum tantum præsentet; & sic jus præsen-  
tandi hujusmodi semper transeat de primo-  
genito in primogenitum usque in infinitum,  
& deficiente linea masculorum totaliter,  
linea masculorum ex masculis descenden-  
tium a dicto primogenito præsentatio mo-  
do, & forma præmissis ad secundo genitum,  
si superstes fuerit, sin minus ad majorem  
natu masculum ex masculis descendantibus  
ab eodem; & sic de primogenito masculo,  
ad primum genitum masculum similiter us-  
que in infinitum, & deficiente linea mascu-  
lorum ex masculis descendantibus a secun-  
do genito, jus præsentandi hujusmodi tran-  
seat ad tertio genitum, prædicto ordine  
servato, & sic successive de una linea ad  
aliam, ad omnes descendentes a dicto Mi-  
chaele.

§.25. Et deficientibus omnibus ma-  
sculis descendantibus a dicto Michaeli,  
succedat filia primogenita dicti Michaelis,  
si fuerit superstes, vel si ea non ex-  
tabit, ab ea descendentes masculi, do-  
nec extabunt, transeundo de primogenito  
in primogenitum, modo, & forma præ-  
missis, & deficientibus omnibus masculis,  
ex masculis descendantibus ab omnibus fi-  
liabus dicti Michaelis, succedant masculi  
descendentes ex nepotibus ejusdem Michaelis.  
Deficientibus autem omnibus masculis, &  
foeminis a dicto Michaeli descendantibus,  
jus patronatus, & præsentandi hujusmodi  
transeat ad dilectam in Christo filiam Fla-  
viam etiam Perettam dicti Michaelis foro-  
rem germanam, si extabit, & post eam,  
vel si ipsa non extabit, ad filios masculos  
ipsius, & ab eis masculos descendentes us-  
que in infinitum, & cessantibus masculis,  
ad foeminas a dictis masculis descendentes.  
Et cessantibus omnibus, tam masculis,  
quam foeminis descendantibus a dicta Fla-  
via, succedat dilecta in Christo filia Ursina  
similiter Peretta ejusdem Michaelis etiam  
soror germana, & post eam, vel si ipsa  
tunc non extabit, ejus filii masculi, & mas-  
culi ex masculis descendentes usque in infi-  
nitum, & deficientibus masculis, & mas-  
culis descendantibus, succedant foeminae ab  
eis descendentes. Deficientibus autem om-  
nibus, & singulis masculis, & foeminis de-  
scenden. a dictis Michaeli, Flavia, & Ur-  
sina, tunc succedat in dicto jure patronatus,  
qui Nobis fuerit sanguine proximior, ser-  
vato semper in omnibus casibus supradictis,  
ordine primogenituræ, transeundo scilicet  
de primogenito in primogenitum, & præ-  
ferendo lineam primogeniti lineæ secundo  
geniti, & masculos ex masculis descenden-  
tes natis ex foeminis, ac masculos ex foe-  
minis

Eis autem de-  
ficientibus jus  
patronatus ad  
Flaviam Pe-  
rettam d. Mi-  
chaelis sorore  
germanam,  
illiusque de-  
scendentes, &  
ultimo eis o-  
mnibus defi-  
cientibus ad  
ipsius Pontifi-  
cis sanguine  
proximiorum  
devenire de-  
cernit.



minis ipsis foeminis, ac alias in omnibus, ac per omnia, prout in linea filiorum, & descendens a dicto Michaeli ordinatum est, ita quod jus praesentandi hujusmodi ad unum solum successorem insolidum, & post illum ad alium semper deveniat, absque eo, quod inter plures successores dividi possit, motu, & scientia similibus, auctoritate, & tenore praedictis pariter perpetuo reservamus, concedimus, & assignamus.

Jus istud patronatus, laicorum nobilium, & illustrium esse, & dictis patronis non ex privilegio, sed vera fundatione & dotatione competere, declaratur.

§.26. Decernentes juspatronatus, & praesentandi hujusmodi, laicorum Nobilium, & Illustrium existere, ac Michaeli, & aliis futuris patronis praedictis, non ex privilegio, sed ex veris, primæva, reali, actuali, plena, integra, ac omnimoda fundatione, & perpetua dotatione competere, & ad illos pertinere, illudque vim, effectum, naturam, substantiam, essentialitatem, qualitatem, validitatem, & roboris firmitatem obtinere, ac Michaeli, & aliis futuris patronis praedictis, & eorum cuilibet perpetuo suffragari debere in omnibus, & per omnia, absque ulla prorsus differentia, perinde, ac si illis, & eorum cuilibet ratione veræ, realis, actualis, plenæ, & integræ fundationis, ac perpetuæ dotationis per eos de eorum propriis, & mere patrimonialibus, & laicalibus bonis dumtaxat competere, & concessum esset.

Clausulas praeservativas apponit.

§.27. Ac ut tale sub quacumque derogatione, etiam cum quibusvis praegnantissimis, & efficacissimis verbis, clausulis, ac decretis, etiam cum clausula. Quorum tenores, in quacumque dispositione, etiam per viam Constitutionis, Legis, Regulæ Cancellariæ Apostolicæ, aut alias quomodocumque facta nullatenus comprehendi, nec illi ullo umquam tempore, etiam ratione cujusvis litis pendentiae, vel vacationis Præposituræ, Cappellaniarum, Sacristiæ, & aliorum Beneficiorum hujusmodi apud Sedem praedictam, etiam ex causa permutationis, vel devolutionis, seu alio quocumque pretextu, & ex quacumque causa quantumvis urgenti, & legitima, per Nos, seu quoscumque alios Romanos Pontifices pro tempore existentes, vel Sedem praedictam, aut illius Legatos etiam de latere, etiam motu, scientia, & potestatis plenitudine similibus, seu cujusvis intuitu, & contemplatione per quascumque literas Apostolicas, etiam in forma Brevis, & quavis etiam derogatoriæ derogatorias, ac fortiores, & insolitas clausulas, necnon irritantia, & alia contraria decreta quacumque derogari, aut derogatum censi posse, neque debere, nisi in illis de toto tenore, ac data praesentium, necnon patroni pro tempore existentis nomine, cognomine, & qualitate, specialis, specifica, & individua mentio facta fuerit, ac ejusdem patroni pro tempore existentis ad hoc expressus accesserit assensus, & aliter factas derogationes, necnon quascumque collationes, provisiones, commendas, praesentationes, institutiones, vel alias dispositiones, de Præpositura, Sacristia, Cappellaniis, & aliis Be-

neficiis praedictis, ut praefertur, vel alias quovis modo, etiam apud Sedem eandem pro tempore vacan. quibusvis personis alias, quam ad praesentationem Michaelis, & aliorum Patronorum praedictorum, seu de eorum expresso consensu, etiam cum speciali, & expressa derogatione Jurispatronatus hujusmodi pro tempore factas, processusque desuper habitos, ac inde pro tempore secuta quaecumque, nulla, & invalida, nulliusque roboris, vel momenti, fore & esse, ac pro nullis, & infectis haberi, & censi, nec jus, aut coloratum titulum possidendi cuique tribuere, vel per illa acquiri posse, sed praesentationes per Michaelem, & alios futuros Patronos praedictos pro tempore factas, & subsequetas institutiones, validas, & efficaces fore, suosque effectus sortiri, ipsique praesentatis, & institutis, tale jus in re, & ad rem acquiri debere, quale acquiritur praesentatis, & institutis ad beneficia de vero, & reali Jurepatronatus laicorum nobilium, & illustrium, ratione primævæ, & integræ fundationis, ac perpetuæ dotationis ex bonis mere laicalibus, & patrimonialibus dumtaxat existentia, necnon Præposituram, Sacristiam, Cappellaniis, aliaque Beneficia, Clericatus nuncupata hujusmodi, sub quibusvis specialibus, vel generalibus reservationibus, unionibus, annexionibus, incorporationibus, suppressionibus, extinctionibus etiam perpetuis, vel temporalibus expectativis, & aliis etiam praeventivis gratiis, ac uniendi, annectendi, & incorporandi, necnon conferendi, providendi, & aliis facultatibus, concessionibus, literis, mandatis, etiam de providendo, & indultis quibuscumque, illorumque, & illarum revalidation. quibusvis personis, etiam praedictæ Romanæ Ecclesiæ Cardinalibus, etiam motu, scientia, & potestatis plenitudine similibus, ac cum quibusvis suspensivis, restitutivis, ac etiam derogatoriæ derogatoriis clausulis, irritantibusque, & aliis etiam vim contractus inducentibus decretis, atque alias quomodolibet nunc, & pro tempore concessis, necnon quibusvis Constitutionibus, & Ordinationibus Apostolicis, ac dictæ Cancellariæ regulis quomodolibet, & cum quibusvis clausulis, & decretis quantumvis amplissimis, ac praegnantissimis, etiam cum clausula: Quorum tenores, editis, & edendis nullatenus comprehensa esse, aut fore, minimeque comprehendi posse, aut debere, sed semper ab illis excepta, & exclusa esse, & censi debere, ac omnia, & singula præmissa, necnon praesentes literas nullo umquam tempore, de subreptionis, vel obreptionis, seu nullitatis vitio, aut intentionis nostræ, vel alio quovis defectu, etiam ex eo, quod causæ propter quas eadem præmissa facta sunt, coram locorum Ordinariis, etiam tamquam Sedis prædictæ Delegatis examinata, verificata, & ab eis approbata, ac interesse forsan habentes ad id vocati non fuerint, nec desuper suum consensum præstiterint, seu ex quavis alia causa, vel quocumque pretextu, quæsito colore, vel ingenio notari,



tari, impugnari, invalidari, retractari, ad terminos juris reduci, seu in jus, vel controversiam vocari; aut adversus illa quodcumque juris, facti, vel gratiæ remedium impetrari posse, nec sub ullis similibus, vel dissimilibus gratiarum revocationibus, limitationibus, aut aliis contrariis dispositionibus comprehendi, sed semper ab illis exceptas, & quoties illæ emanabunt, toties in pristinum, & eum, in quo antea erant statum, restituta, reposita, & plenarie reintegrata, ac de novo, etiam sub Data per Michaellem, & futuros Patronos prædictos quodcumque eligenda, concessa, valida, & efficacia fore, suosque plenarios, & integros effectus sortiri, ac perpetuo suffragari.

Decretum irritans addit.

§.28. Sicque in præmissis universis, & singulis, per quoscumque iudices ordinarios, & delegatos, etiam causarum Palatii Apostolici Auditores, ac ejusdem Sanctæ Romanæ Ecclesiæ Cardinales, sublata eis, & eorum cuilibet, quavis aliter judicandi, ac interpretandi facultate, & auctoritate, in quavis causa, & instantia judicari, & definiri debere, irritum quoque, & inane, si secus super his a quoquam quavis auctoritate, scienter, vel ignoranter contigerit attentari.

Executores deputat.

§.29. Quocirca venerabilibus fratribus nostris Ostien., Sabinen., & Tusculan. Episcopis, Motu simili mandamus, quatenus ipsi, vel duo, aut unus eorum, per se, vel alium, seu alios præsentem literas, & in eis contenta quæcumque, ubi & quando opus fuerit, ac quoties pro parte pro tempore existentium Protectoris, & Patroni, necnon Præpositi, Sacristæ, Cappellanos, & aliorum Beneficiatorum prædictorum, seu alicujus eorum fuerint requisiti, solemniter publicantes, eisque in præmissis efficacia defensionis præsidio assistentes, faciant auctoritate nostra præsentem literas, & in eis contenta hujusmodi ab omnibus, ad quos spectat, & pro tempore spectabit, inviolabiliter observari, necnon Protectorem, Patronum, Præpositum, Sacristam, Cappellanos, & Beneficiatos pro tempore existentem prædictos, eorumque singulos illis pacifice frui, & gaudere. Non permittentes ipsos, vel quempiam ex eis, per quoscumque desuper quomodolibet molestari, perturbari, vel inquietari. Contradiatores quoslibet, & rebelles, per sententias, censuras, & poenas Ecclesiasticas, aliaque opportuna juris, & facti remedia, appellatione postposita, compescendo, ac legitimis super his habendis, servatis processibus, sententiis, censuras, & poenas ipsas, etiam iteratis vicibus aggravando. Invocato etiam ad hoc, si opus fuerit, auxilio brachii secularis.

Clausulas contrariorum derogatorias apponit.

§.30. Non obstantibus præmissis, ac piæ memoriæ Bonifacii Papæ Octavi similiter Prædecessoris nostri, etiam quæ cavetur, ne quis extra suam Civitatem, vel Diocesim, nisi in certis exceptis casibus, & in illis ultra unam dietam a fine suæ Diocesis ad iudicium evocetur, seu ne iudices a Sede prædicta deputati extra Civitatem, vel Dico-

cesim, in quibus deputati fuerint, contra quoscumque procedere, aut alii, vel aliis vices suas committere audeant, seu præsumant, & in Concilio generali edita de duabus dietis, necnon quatenus opus sit, nostris de non tollendo jure quæsito, & unionem committendo ad partes vocatis, quorum interest, ac exprimendo vero annuo valore, tam Beneficii uniti, quam illius, cui fit unio, Lateranensisque ultimo celebrati, & quorumcumque aliorum generalium Conciliorum uniones perpetuas, nisi in casibus a jure permissis fieri, ac etiam beneficia unius Diocesis uniri prohiben. aliisque Apostolicis, ac in Provincialibus, & Synodalibus Conciliis, editis, & edendis, specialibus, vel generalibus Constitutionibus, & Ordinationibus, necnon Basilicæ Sanctæ Mariæ Majoris, ac Monasteriorum, & Ordinum prædictorum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, illis, ac Archipresbytero, & Capitulo prædictis, necnon Abbatibus, Superioribus, Conventibus, & Religiosis Ordinum hujusmodi, illorumque, ac quibusvis aliis personis, etiam prædictis Cardinalibus, ac etiam dilectis filiis Populo Romano, sub quibuscumque tenoribus, & formis, ac cum quibusvis etiam derogatoriis derogatoriis, irritativis, annullativis, cassativis, revocativis, modificativis, reservativis, exceptivis, declarativis, mentis attestativis, aliisque efficacioribus, & insolitis clausulis, necnon irritantibus, & aliis decretis per quoscumque Romanos Pontifices Prædecessores nostros, ac Nos, & dictam Sedem, etiam Motu, scientia, & potestatis plenitudine paribus, seu etiam ad Imperatoris, Regum, Ducum, & quorumvis Principum instantiam, seu eorum intuitu, & contemplatione, & per modum statuti perpetui, seu contractus initi, ac etiam juramento vallati, & alias quomodolibet, etiam iteratis vicibus concessis, approbatis, & innovatis, etiam si in eis caveatur expresse, quod Dignitates, Cappellaniæ, & alia Beneficia Ecclesiastica dictæ Urbis, nonnisi Civibus Romanis, ac Civium Romanorum filiis originariis, & alias certo tunc expresso modo qualificatis conferri possint, & alias de illis etiam per Sedem prædictam pro tempore factæ collationes, & provisiones, ac quævis aliæ dispositiones, nullius sint roboris, vel momenti, quodque eisdem statutis, privilegiis, indultis, & literis ulla-tenus, aut nonnisi sub certis modo, & forma in eis expressis derogari possit, & si illis aliter derogari contingat, derogationes hujusmodi nemini suffragentur. Quibus omnibus etiam si pro illorum sufficienti derogatione, alias de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda esset, tenores hujusmodi, ac si de verbo ad



bo ad verbum, nihil penitus omisso, & forma in illis tradita observata inserti forent presentibus, pro sufficienter expressis habentes, illis alias in suo robore permansuris, hac vice dumtaxat specialiter, & expresse derogamus, contrariis quibuscumque, aut si aliquibus prædictorum, vel quibusvis aliis communiter, vel divisim, ab eadem sit Sede, indultum, quod interdici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto huiusmodi mentionem. Volumus autem, quod propter unionem, annexionem, & incorporationem prædictas, Monasteria huiusmodi, in spiritualibus non lædantur, & in temporalibus detrimenta non substineant, sed eorum congruæ supportentur onera, consueta.

Nulli ergo &c.

D. P. An. III.  
9. Junii.

Datum Romæ apud Sanctum Marcum, Anno Incarnationis Dominicæ, millesimo quingentesimo octuagesimo septimo, quinto Idus Junii, Pontificatus nostri Anno III.

### XC.

Damnatio coniugiorum per Eunuchos, & Spadones contractorum, & contrahendorum.

## SIXTUS PAPA QUINTUS

*Venerabili Fratri Episcopo Navarien.  
nostro, & Sedis Apostolicæ in Re-  
gnis Hispaniarum Nuncio.*

Dubium exor-  
tum super va-  
liditate con-  
jugiorum, quæ  
contrahunt  
Eunuchi.

**C**UM frequenter in istis regionibus Eunuchi quidam, & Spadones, qui utroque teste carent, & ideo certum ac manifestum est, eos verum semen emittere non posse, quia impura carnis tentigine, atque immundis complexibus cum mulieribus se commiscant, & humorem forsân quemdam similem semini, licet ad generationem, & ad matrimonii causam minime aptum effundunt, Matrimonia cum mulieribus, præsertim hunc ipsum eorum defectum scientibus contrahere præsumant, idque sibi licere pertinaciter contendunt, & super hoc diverse lites, & controversiæ, ad tuum, & Ecclesiasticum forum deducantur, requisivit a Nobis Fraternitas tua, quid de huiusmodi connubiis sit statuendum.

Declaratio  
quod ea nul-  
la sint in fu-  
turum.

§.1. Nos igitur attendentes, quod secundum Canonicas sanctiones, & naturæ rationem, qui frigida naturæ sunt, & impotentes, iidem minime apti ad contrahenda matrimonia reputantur, quod prædicti Eunuchi, aut Spadones, quas tamquam uxores habere non possunt, easdem habere ut sorores nolunt, quia experientia docet, tam ipsos dum se potentes ad coeundum jactitant, quam mulieres, quæ eis nubunt, non ut caste vivant, sed ut carnaliter invicem jungantur prava, & libidinosa intentione, sub prætextu, & in figura Matrimonii turpes huiusmodi commixtiones affectare, quæ cum peccati, &

scandali occasionem præbeant, & in animarum damnationem tendant, sunt ab Ecclesia Dei prorsus exterminandæ. Et insuper considerantes, quod ex Spadonum huiusmodi, & Eunuchorum coniugiis nulla utilitas provenit, sed potius tentationum illecebræ, & incentiva libidinis oriuntur, eidem Fraternitati tuæ per præsentem committimus, & mandamus, ut coniugia per dictos, & alios quoscumque Eunuchos, & Spadones, utroque teste carentes cum quibusvis mulieribus, defectum prædictum, sive ignorantibus, sive etiam scientibus, contrahi prohibeas, eosque ad Matrimonia quomodocumque contrahenda inhabiles auctoritate nostra declares, & tam locorum Ordinariis, ne huiusmodi conjunctiones de cetero fieri quoquomodo permittant, interdicas, quam eos etiam, qui sic de facto Matrimonium contraxerint, separari cures, & Matrimonia ipsa sic de facto contracta, nulla, irrita, & invalida esse decernas.

Declaratio  
quo ad conju-  
gia jam con-  
tracta.

§.2. Eos etiam qui sic jam contraxerunt, si appareat illos non ut caste simul vivant, contraxisse, sed actibus carnalibus, & libidinosis operam dare, simulve in uno, & eodem lecto cum prædictis mulieribus dormire convincantur, omnino similiter separari cures.

§.3. Nos enim ita in præmissis, & non aliter, per quoscumque Judices, & Commissarios, quacumque auctoritate, & dignitate fungentes, sublata eis, & eorum cui libet, quavis aliter judicandi, & interpretandi facultate, in quacumque causa, & instantia judicari, & definiri debere, & si secus super his a quoquam quavis auctoritate scienter vel ignoranter attentatum forsân est hætenus, vel attentari in posterum contigerit, irritum, & inane decernimus.

Clausula sub-  
lata.

§.4. Non obstantibus cuiusvis Civitatis, Provinciæ, aut Regni statutis, legibus municipalibus, aut consuetudinibus, quæ abusus potius, & corruptelæ sunt, etiam si ab immemorabili tempore observatæ dicuntur, ceterisque contrariis quibuscumque.

Clausula de-  
rogatoriæ.

Datum Romæ apud Sanctum Marcum, sub annulo Piscatoris, Anno Incarnationis Dominicæ, millesimo quingentesimo octuagesimo septimo, vigesima secunda Junii, Pontificatus nostri Anno III.

D. P. An. III.  
27. Junii.

### XCI.

Provincia Hispaniæ Ordinis Carmelitarum Discalceatorum erigitur in Congregationem datis ei nonnullis Statutis, concessisque Privilegiis.

Ex Regest. in  
Secret. Bre-  
vium.

## SIXTUS PAPA V.

*Ad perpetuam rei memoriam.*

**C**UM de Statu, ac bono regimine omnium Religiosorum paternam quærimus sollicitudinem, tum eorum salubris directio Nobis præcipue curæ est, qui sanctiora, & priscis Sanctorum Patrum Regulis prorsus similia vitæ instituta sectantes, ar-  
ctio-

Proceinunt.



et iorem Regularis disciplinae observantiam profitentur, eosque libenter in suo laudabili proposito confirmemus, ut sine ullo impedimento perseverent, atque in dies magis proficiant.

Gregor. XIII. separatis a quacumque Provincia iis Fratribus, qui regulam secundum antiquam disciplinam observabant, eos in distincta coalescere Provinciam concessit.

§.1. Alias siquidem fel. rec. Gregorius Papa XIII. Prædecessor noster intelligens complures Domos, seu Monasteria Ordinis Fratrum, & Monialium Beatæ Mariæ de Monte Carmelo in Hispaniarum Regnis existere, in quibus vigeat observantia primitiva ejusdem Ordinis Regulæ, cum omni rigore juxta primæva instituta, de mandato patris mem. Innocentii Papæ IV. etiam Prædecessoris nostri confirmatæ, non autem secundum mitigationem, quæ a re. me. Eugenio Papa IV. nostro pariter Prædecessore dicitur impetratæ, charissimi in Christo Filii nostri tunc sui Philippi Hispaniarum Regis Catholici precibus inclinatus Institutum hujusmodi super observantia primitivæ Regulæ approbando, ipsos Fratres, & Moniales eandem primitivam Regulam sic observantes Discalceatos nuncupatos, eorumque Domos, Conventus, Monasteria, & loca tunc, & pro tempore existentia a privilegiis Fratrum, & Monialium ejusdem Ordinis secundum Regulam per dictum Eugenum Prædecessorem, ut præfertur, mitigatam pro tempore degentium penitus, & omnino in perpetuum, auctoritate Apostolica sejunxit, & separavit, ipsos Discalceatos ab omni, & quacumque visitatione, correctione, & superioritate Priorum Provincialium, ceterorumque Superiorum secundum mitigatam Regulam degentium exempt, & liberavit, & eorum fratrum, & Monialium Discalceatorum Domos, Monasteria, & loca quacumque eatenus erecta, & instituta, ac ex tunc in futurum erigenda, & instituenda in unam Provinciam de per se Discalceatorum nuncupandam per unum Priorem Provinciale, qui in Capitulo ipsius Provinciæ ex eisdem Discalceatis, ut præfertur, eligi deberet, regendam, & gubernandam in perpetuum erexit, & instituit.

Eam vero Priori Generali Ordinis subiecit.

§.2. Ac ipsam Provinciam Fratrum, & Monialium Discalceatorum sub obedientia, & superioritate Prioris Generalis totius Ordinis ad instar aliarum Provinciarum ejusdem Ordinis perpetuo subiectam remanere, subesse, & subiacere voluit: Cui Prior Generalis per se ipsum tantum, vel per alium virum idoneum ex ipsis Discalceatis, & juxta eorum primitivam Regulam, ac Regularia instituta ab ipsis Discalceatis observari solita, eos visitare, reformare, corrigere, & punire posset.

Extra vero Monasteria, & Domos talis Provinciæ extrahi, vel mutari, quemquam ipsius Priori Generali prohibuit, nisi talis mutatio fiat in Capitulo Provinciali.

§.3. In Monasteriis tamen, Domibus, & locis eorum Fratrum Discalceatorum, extra quæ nullatenus ipsi Discalceati, vel aliquis eorum ab eodem Priore Generali, quovis prætextu, vel occasione, amoveri, assignari, mutari, extrahi, seu transferri, aut ad alias Provincias mitti, aut retineri possent, nisi aliter in eodem Capitulo Provinciali fuisset ordinatum, prout in ipsius Gregorii Prædecessoris literis, quæ jam-

pridem debitæ executioni demandatæ, usu receptæ, & per Nos nuper approbatæ fuerunt, plenius continetur.

§.4. Cum autem, sicut nuper audivimus, numerus Fratrum hujusmodi, & Monialium Discalceatorum non mediocriter auctus fuerit, & in dies majora, benediciente Domino, suscipiat incrementa, cum Divini Cultus augmento, bonæ famæ odore, ac spirituali fructu, & consolatione animarum tum ipsorum Religiosorum, tum etiam aliorum Christifidelium, qui piis eorum exemplis in viam salutis diriguntur, jamque non modo per universam fere Hispaniam, sed etiam in Indiis complura Monasteria, & Domos, aliaque Regularia loca Discalceatorum instituta, & erecta fuerint, quæ omnia per unum Priorem Provinciale non ita commode regi, & gubernari queunt; Propterea ejusdem Philippi Regis nomine, ac pro parte etiam eorumdem Fratrum Discalceatorum Nobis fuit humiliter supplicatum, quatenus in præmissis opportune providere de benignitate Apostolica dignaremur.

§.5. Nos igitur volentes pro debito Pastoralis officii, eorumdem Religiosorum pio desiderio, bono regimini, ac propagationi, ut par est, consulere, habita super hoc cum Ven. Fratribus nostris S.R.E. Cardinalibus super negotiis regularium deputatis, matura deliberatione, hujusmodi precibus in hac parte annuentes, necnon universos, & singulos fratres, & moniales dictæ Provinciæ Discalceatorum a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, dilecto filio moderno Priori Provinciali dictæ Provinciæ fratrum Discalceatorum Ordinis præfati per præsentem committimus, & mandamus, ut Capitulum Provinciale juxta facultatem per ipsas Gregorii Prædecessoris literas sibi attributam, & secundum morem ejusdem Provinciæ suis loco, & tempore indicat, convocet, & congregari faciat.

§.6. In eoque Capitulo postquam erit legitime congregatum, volumus, ut primum quidem per suffragia, seu vota eorum, qui in electione Prioris Provincialis in hujusmodi Capitulo Provinciali vocem habere hætenus consueverunt, post Diffinitorum electionem, ut fieri solet, statim unus Vicarius generalis de novo erigendæ Congregationis Fratrum Discalceatorum eligatur.

§.7. Si electus Vicarius præfatus in Capitulo erit, statim ipsi Capitulo præsideat, si absens, idem, qui nunc est, Prior Provincialis illius vices gerat, & in Capitulo præsideat, ac de voto eorumdem Provinciam ipsam, quæ hætenus fuit Discalceatorum, prout Domorum, & Monasteriorum numerus, ac locorum opportunitas suadebit, & alias

Dilatata vero tali Provincia, auctisque Domibus, ita eorum regimen unus Provincialis impar sit;

Sixtus Capitulum Generale congruo tempore cogi mandavit;

In eoque Vicarium Generalem erigendæ Congregationis Fratrum Discalceatorum eligi;

Qui talem Provinciam in plures Provincias dividat, novaque erigat juxta Monasteriorum, & locorum exigentiam.



& alias videbitur expedire, in plures partes, & Regiones distinguere, quas quidem singulas partes sic distinctas, & divisas, necnon eas, quas similiter in futurum juxta augmentum, & numerum Domorum, ac Monasteriorum idem Vicarius in Capitulo ejusdem Congregationis duxerit distinguendas, ac dividendas in singulas Provincias.

Tales autem Provincias in Congregationem erigitur.

Vicarius Generali eam super illas concedit jurisdictionem, qua fruitur Prior Generalis supra totum Ordinem.

In futuro Capitulo eligendi Priores Provinciales, nec non Priores Domorum, ac demum Consilarii, quorum consilio, & suffragio uti debet dictus Vicarius Generalis.

Officium Vicarii sexennale, Priorum vero Provincialium, ceterorumque triennale: nam vero iterum eligi potest nisi post aliud sexennium, vel triennium.

Capitula Generalia quando, & a qui-

§.8. Universas vero Provincias in unam Congregationem omnium hujusmodi Provincialium Discalceatorum nuncupandam, auctoritate Apostolica tenore presentium perpetuo erigimus, & instituimus.

§.9. Præterea statuimus, & ordinamus, ut singulis hujusmodi Provinciis singuli Priores Provinciales præsent. Dictus vero Vicarius generalis, & ipsis Prioribus Provincialibus, & toti Congregationi præficiatur, eamque regat, & gubernet, illamque eandem prorsus auctoritatem, & potestatem in Monasteria, Domos, loca, & personas dictæ Congregationis jam recepta, & recipienda, dummodo primitivæ Regulæ ac ejusdem Congregationis regulari observantiæ contravenire non possit, habeat, quam Prior generalis totius Ordinis tam de jure, & consuetudine, quam per privilegia super Domibus, Monasteriis, locis, & personis sibi subiectis habere dignoscitur.

§.10. Et in hoc primo Capitulo hac prima vice post factam electionem Vicarii generalis, & distinctionem novarum Provincialium, per suffragia, seu vota eorumdem, qui in electionibus Prioris Provincialis hactenus vocem habuerunt, singuli Priores Provinciales novarum hujusmodi Provincialium Deinde singuli Priores cujusque Domus, seu Monasterii dictæ Congregationis. Demum sex Consilarii ipsius Vicarii generalis ex omnibus Provinciis eligantur; Ipse autem Vicarius generalis consilio, & interventu hujusmodi Consiliorum utatur, tum in controversiis, & negotiis Congregationis universæ, & singulorum fratrum expediendis, tum in Provincialium, & singulorum Monasteriorum, ac Domorum reformatione, ac regulari observantia dirigenda: ita tamen, ut etiam absque illis, quæ ad reformationem, strictioremque observantiam pertinere videbuntur, executioni damandare, Delinquentes præsertim publicos, & scandalosos punire per se, vel alium libere possit.

§.11. Officium, & potestas Vicarii generalis hujusmodi per sex annos duret, quibus finitis eo ipso illius potestas, & auctoritas expiret, & novus Vicarius generalis eligatur. Eadem vero persona nisi intermisso altero sexennio iterum in Vicarium generalem eligi, & ultra sexennium ipsum officium continuari non possit, quod si secus factum sit, electio nulla, & irrita censeatur. Priores vero Provinciales, & Consilarii, & singulorum Domorum, ac Monasteriorum Priores, ac Collegiorum Rectores triennales sint, eorumque auctoritas, finito triennio similiter expiret.

§.12. Capitulum generale Congregationis Discalceatorum nuncupandum tertio

Ball. Rom. Tom. IV. Par. IV.

quoque anno celebretur, illudque in singula triennia indicendi, & convocandi Vicarius generalis curam habeat, qui etiam in illo præsideat. Ad ipsum Capitulum generale dictæ Congregationis præter Vicarium generalem cuncti, & singuli Priores Provinciales cum singulis sociis, Diffinitoribus etiam Capituli electis, & sex itidem Consilarii accedere teneantur.

§.13. Atque in eodem Capitulo generali singulis trienniis novi Priores, tam Provinciales, quam singulorum Domorum, & Monasteriorum novi etiam Consilarii, ac etiam Diffinitores eligantur alternis trienniis & sic sexto quoque anno in Capitulo generali per vota eorumdem Vicarii generalis, necnon Priorum Provincialium, Sociorum, Diffinitorumque, & Consiliorum primum quidem novi Vicarii generalis; deinde vero ceterorum hujusmodi superiorum electiones celebrentur.

§.14. Idemque Vicarius generalis ex nunc deinceps perpetuis futuris temporibus cum primum a plurimis, qui vocem in Capitulo generali Congregationis habere debent, seu eorum majori parte in Vicarium generalem, ut præfertur, electus extiterit, eo ipso ordinaria sui officii exercere tantummodo possit; graviora, vero, vel atrociora non nisi postquam a Priore generali approbatus, & confirmatus fuerit gerere, aut exequi valeat.

§.15. Dimisso generali Capitulo infra decimum octavum mensem quisque Prior Provincialis suæ Provinciæ Capitulum convocari curet, atque inibi socius Prioris Provincialis ad generale Capitulum Congregationis cum eo iturus, & Diffinitores ejus Provinciæ eligantur.

§.16. Si ante finitum gerendi officii tempus Priorem aliquem Provinciale, aut cujusvis Domus, vel Monasterii ab humanis decedere, aut alias quomodolibet officium ipsum dimittere, vel amittere contingat, Vicarius generalis cum primum ejus rei notitiam habuerit, de voto dictorum Consiliorum, & Capituli generalis præfati Diffinitorum, alium in ejus locum sufficiat, & subroget, cujus potestas, & auctoritas usque ad Capitulum generale proxime celebrandum duret.

§.17. Si vero ipse Vicarius generalis ante finitum sexennium, & antequam generale Capitulum sit congregatum e vita migraverit, tunc primus Diffinitor Capituli præcedentis, aut secundus, & sic successive de reliquis Diffinitoribus in defectum præcedentium toti Congregationi præsideat, qui interim quousque Capitulum generale celebretur, & in eo novus Vicarius generalis eligatur, generalis Vicarii locum, & potestatem habeat, & si tempus celebrando Capitulo generali, ut dictum est, præfixum ultra biennium expectandum esset, curet etiam ante tempus præfixum cum primum id commode fieri poterit, Capitulum generale indici, & convocari, & in eo novum Vicarium pro sexennio sequenti eligi.

S f

§.18. In-

Quid in iis faciendum.

Vicarius Generalis officii sui ordinaria statim exercet, graviora vero post acceptam a Priore Generali confirmationem.

Quando celebranda Capitula Provincialia?

Decedente aliquo Priore Provinciali, vel domus allicujus ante Capitulum Generale, Vicarius Generalis alium debet subrogare de consilio Diffinitorum &c.

Decedenti vero Vicario Generali ante sexennium succedit primus Diffinitor.



1587.  
Vicarii Gene-  
rales possunt  
condere Sta-  
tuta pro bo-  
no Congre-  
gationis regi-  
mine, novos  
Conventus e-  
rigere &c.

§.18. Insuper eidem Vicario generali pro tempore futuro tam in hoc primo, quam quocumque alio dictæ Congregationis pro tempore celebrando Capitulo generali statuta quæcumque, & ordinationes, ad Dei honorum, salubrem reformationem, & bonum regimen dictæ Congregationis pertinentia condendi, mutandi, alterandi, in totum si videbit, abrogandi, de novo condendi, dummodo Sacris Canonibus, Concilii Tridentini Decretis, ac Constitutionibus Apostolicis, necnon primitivæ Regulæ, ac eorum Institutis non adversentur, abusus quoscumque tollendi, eaque ab omnibus, & quibuscumque etiam Prioribus, Provincialibus, aut aliis officialibus, Prælatibus, & Superioribus, ceterisque personis dictæ Congregationis perpetuo, & inviolabiliter observari præcipiendi, Monasteria, Domos, & Conventus tam viro- rum, quam mulierum ejusdem Congregationis in quibuscumque locis, cujuslibet licentia desuper minime requisita, & sine consensu generalis Capituli totius Ordinis erigendi, seu construi, & edificari faciendi, aut jam constructa ad inhabitandum recipiendi, suasque vices pro quibuscumque rebus sibi benevisis, & ad suum officium pertinentibus alii, nec aliis fratribus Discalceatis præfatis demandandi.

Priores Pro-  
vinciales no-  
va Monaste-  
ria inconsulto  
Vicario Ge-  
nerali recipere non possunt.

Possunt tamē  
statuta facere  
pro sua Pro-  
vincia, & Do-  
mibus.

§.19. Ita tamen, ut Priores Provinciales, & alii fratres sine expressa licentia Vicarii generalis, novas Domos, aut Monasteria recipere, erigere, aut construere minime audeant.

§.20. Dictis quoque Prioribus Provincialibus similiter statuta, tam in suo Capitulo provinciali pro tota Provincia, quam in visitatione singulorum Monasteriorum, & Domorum pro fratribus, seu Monialibus ejus Domus, vel Monasterii, durante ipso Prioris Provincialis officio observanda, dummodo generalis Capituli totius Congregationis statutis non repugnent, condendi, ac denique de cetero, ipsis Prioribus Provincialibus postquam electi fuerint, & a Vicario generali confirmati, statim officia sua, quæque ad illa quomodolibet pertinent, gerendi, exercendi, exequendi, etiam quoad ea universa, & singula, quæ Provinciales Priores totius Ordinis prædicti mitigatam Regulam profitentes respective in suos subditos de jure, consuetudine, vel privilegio facere possunt, seu debent, dummodo primitivæ Regulæ, & dictæ Congregationis statutis non repugnent, ac nisi eorumdem Provincialium Priorum ab ipso Vicario generali fuerit limitata potestas, & juxta tenorem præsentium literarum dumtaxat, plenam, liberam, & absolutam facultatem, auctoritate, & tenore præmissis, concedimus, & impartimur.

Quæ sit au-  
thoritas Prio-  
ris Generalis  
Ordinis supra  
hanc Congre-  
gationem.

§.21. Ceterum volumus, ut tam prædicta Congregatio, quam prædictus Vicarius generalis ipsi Priori generali tanquam universali, & Superiori capiti totius Ordinis juxta tamen formam in his literis descriptam subiaceant. Qui Prior generalis totius Ordinis præfati Domos, & Mona-

steria dictæ Congregationis Discalceatorum, eorumque Conventus, & singulares personas solus per seipsum personaliter, & associatus duobus sociis, & uno scriba, seu Secretario ab ipsa Congregatione Discalceatorum eligendis, & juxta ejusdem Congregationis primitiva, & novissima statuta, nec alias visitare, corrigere, reformare, & delinquentes punire possit, idque de consilio prædictorum sociorum, & intra Monasteria, Domus, & loca ipsorum Discalceatorum dumtaxat, extra quæ nullatenus ipsi Discalceati, eorumve aliquis ab eodem Priore generali totius ordinis amoveri, vel alio transferri, neque quisque illorum loco mutari, aut poni, neque Priores, aut alii Officiales eorumdem Domorum, Monasteriorum, & locorum Congregationis Discalceatorum pro tempore eis Præsidentes a suis officiis amoveri, neque alii eorum loco substitui, nisi ob enormem excessum, qui iuste tolerari nequiret, & tunc in defectum Vicarii generalis ipsius Congregationis, & de consensu dictorum sociorum nec alias ullo modo valeat.

§.22. Prohibemus quoque, ne idem Prior generalis aliquas gratias particulares Fratribus Discalceatis concedat, neve per impositionem, aut taxas eorum Domos, & Monasteria aggravet, quæ quidem impositiones, & concessiones nulla sint eo ipso, neve quidquam penitus ex ipsa visitatione præter necessarium Viaticum, habita ratione tenuitatis Domorum, & Monasteriorum Discalceatorum moderandum, & in itinere ipso visitationis dictæ Congregationis Discalceatorum consumendum recipiat, aut erigat.

Quæ vero ei-  
dem interdi-  
cantur.

§.23. Vicarius autem prædictus cum duobus sociis eligendis in Capitulo Congregationis, Capitulo generali totius Congregationis interesse, ibique vocem, tam activam, quam passivam, & locum sibi congruentem tam Vicarius, quam Socii vocati habere teneantur.

Vicarius Ge-  
neralis inter-  
est Capitulo  
Generali Or-  
dinis cum  
duobus sociis.

§.24. Prior autem generalis prædictus quoad visitanda Monasteria, Domos, & loca Discalceatorum statutis, & privilegiis ejusdem Congregationis in omnibus, & per omnia se conformet, nihilque contra illa innovare, aut alterare præsumat, prædictæque Congregationis Discalceatorum, ut præfertur, Monasteria, Domos, loca, & personas visitare valeat, & antequam visitationem incipiat, hoc ipsum in Capitulo generali dictæ Congregationis Discalceatorum intimare, & denunciare teneatur, ad effectum, ut inibi præfati socii visitationis, uti superius dispositum est, deputentur.

Visitatio Mo-  
nasteriorum  
per Priorem  
Generalem fa-  
cienda prævia  
denunciatio-  
ne &c.

§.25. Et tandem prædicto Vicario generali, ac Congregationi hujusmodi respective quæcumque privilegia, indulta, & facultates Provinciæ, ac Priori Provinciali dictæ Provinciæ Discalceatorum a Nobis, vel aliis Romanis Pontificibus Prædecessoribus nostris concessa fuerunt, competere, statuimus, & declaramus.

Vicario Ge-  
nerali, &  
Congregationi  
Neo-erectæ  
communican-  
tur Privilegia  
alias Provin-  
ciæ, & Pro-  
vinciali con-  
cessa.

§.26. Decernentes præsentibus literas pullo unquam tempore sub ullis similibus, vel diffi-

Clausula pro  
huiusce Con-  
stitutionis fir-  
mitate.



diffimilium gratiarum, revocationibus, alterationibus, limitationibus, derogationibus, aut aliis contrariis dispositionibus a Nobis, & quibuscumque aliis Romanis Pontificibus, vel dicta Sede nunc, & pro tempore emanatis comprehendere, sed semper ab illis exceptas, & quoties illae emanabunt, toties in pristinum, & cum, in quo ante praemissa erant, statum restitutas, & de novo etiam sub posteriori data per pro tempore existentem Vicarium generalem Congregationis huiusmodi eligenda, concessas esse, & fore, ac ita, & non aliter per quoscumque Judices, tam ordinaria, quam delegata, & mixta auctoritate fungentes, etiam S. R. E. Cardinales, dictaque Sedis Legatos etiam de Latere, & Nuncios, ac causarum Palatii Apostolici Auditores, sublata eis, & eorum cuilibet quavis aliter iudicandi, & interpretandi facultate, & auctoritate, ubique, & in quavis instantia interpretari, iudicari, & definiri debere, irritum quoque, & inane, si secus super his a quoquam quavis auctoritate scienter, vel ignoranter contigerit attentari.

Deputatio  
Commissario-  
rum pro ex-  
equitiis me.

§.27. Quocirca Venerabilibus Fratribus Universis Patriarchis, Archiepiscopis, & Episcopis, ac dilectis filiis eorum Vicariis in Spiritualibus, aut Officialibus Generalibus, & Causarum Curiae Camerae Apostolicae Generali Auditori, necnon Abbatibus, Prioribus, Praepositis, Decanis, Archidiaconis, Canonicis, Capitulis, ac aliis, ad quos quomodolibet spectat, & spectabit per praesentes, auctoritate Apostolica, mandamus, quatenus ipsi, vel duo, aut unus eorum per se, vel alium, seu alios praesentes literas, & in eis contenta quaecumque ubi, & quando opus fuerit, ac quoties pro parte dictorum Fratrum Disalceatorum, vel alicujus eorum fuerint requisiti, solemniter publicantes, eis in praemissis efficacis defensionis praesidio assistentes faciant auctoritate nostra, praesentes literas, & in eis contenta huiusmodi ab omnibus, ad quos spectat, & pro tempore spectabit inviolabiliter observari, dictosque Fratres Disalceatos illis omnibus, & singulis pacifice frui, & gaudere, non permittentes eos desuper per quoscumque quomodolibet indebite molestari; contradictores quoscumque, & rebelles per sententias, censuras, & poenas Ecclesiasticas, aliaque opportuna juris, & facti remedia, appellatione postposita, compescendo, legitimisque super his habendis, servatis processibus, sententias, censuras, & poenas ipsas etiam iteratis vicibus aggravando, invocato etiam ad hoc si opus fuerit, auxilio brachii saecularis.

Derogatio  
contrariorum

§.28. Non obstantibus praemissis, ac pia mem. Bonifacii Papae VIII. etiam Praedecessoris nostri de una, & duabus dietis, dummodo ultra tres dietas quis vigore praesentium ad Iudicium non trahatur, necnon etiam ejusdem Bonifacii VIII. Praedecessoris praefati prohibitionem, qua prohibetur ne Fratres dicti Ordinis in aliqua Civitate, Castro, Villa, aut alio quocumque loco, Domos, sive loca de novo accipere, aut

*Bull. Rom. Tom. IV. Par. IV.*

capta, mutare praesumant absque dictae Sedis speciali licentia faciente plenam, & expressam ac de verbo ad verbum de prohibitionem huiusmodi mentionem, aliisque Apostolicis, ac in Provincialibus, & Synodali- bus Conciliis editis specialibus, vel generalibus Constitutionibus, & Ordinationibus, necnon praedicti Beatae Mariae de Monte Carmelo, & quorumvis Ordinum, ac Religionum, etiam Juramento confirmatione Apostolica, vel quavis firmitate alia roboratis statutis, & Consuetudinibus, privilegiis quoque, indultis, & literis Apostolicis, illis, eorumque Superioribus, & personis per quoscumque Romanos Pontifices Praedecessores nostros, ac Nos, & dictam Sedem, & Motu proprio, & ex certa scientia, ac de Apostolica potestatis plenitudine sub quibuscumque tenoribus, & formis, ac cum quibuscumque etiam derogatoriis derogatoriis, aliisque efficacioribus & insolitis clausulis, necnon irritantibus, & aliis decretis in genere, vel in specie, ac alias quomodolibet, etiam pluries concessis, confirmatis, & innovatis. Quibus omnibus, & singulis etiam si in eis caveatur expresse, quod illis nullatenus derogari possit, ac pro illorum sufficienti derogatione de illis, eorumque totis tenoribus specialibus specifica, & expressa mentio habenda, seu aliqua alia exquisita forma ad hoc servanda foret, tenores huiusmodi, ac si de verbo ad verbum nihil penitus omisso, & forma in illis tradita observata, inserti forent praesentibus, pro expressis habentes, illis alias in suo robore permansuris, hac vice dumtaxat specialiter, & expresse derogamus, contrariis quibuscumque. Aut si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possit per literas Apostolicas non facientes plenam, & expressam, ac de verbo ad verbum de indulto huiusmodi mentionem.

§.29. Volumus autem, quod praesentium transumptis &c.

Datum Romae apud S. Marcum sub annulo Piscatoris die 10. Julii 1587. Pontificatus nostri Anno III.

Transumptis  
danda fides.  
Dat. die 10.  
Julii 1587.  
An. III.

## XCII.

Institutio Collegii honestarum Viduarum, & Puellarum, sub regimine Confratrum Congregationis Sancti Bernardi religiose educandarum, cum indultorum concessione, praesertim quo ad pia eis relicta. Et jurisdictio Sanctae Romanae Ecclesiae Cardinalis Protectoris, & Iudicis causarum ad eas spectantium.

## SIXTUSEPISCOPUS

SERVUS SERVORUM DEI

*Ad perpetuam rei memoriam.*

SAcro sanctae militantis Ecclesiae guberna-  
naculo ex Summis Sacerdotii Cathedra  
Nobis, licet meritis imparibus demandata,  
tenen-

Prooemium.



tenentes, ad ea libenter intendimus, per quæ Coenobia, & alia religiosa Loca, in quibus prudentes Virgines accensis lampadibus se præparent obviam ituræ Sponso Jesu, in quarum Societate aliæ quoque Mulieres spretis mundi vanitatibus, gratum, & debitum Deo exhibeant famulatum, ubique gentium, sed præsertim in hac Alma Urbe nostra, in qua sicut in universi Orbis magistra, veræ fidei, & religionis documenta relucet, ita universa divinæ Majestati accepta opera exerceri summo opere desideramus, construuntur, & eriguntur; idque ut facilius succedat, ac personæ ad id opportuna auxilia exhibentes a Nobis gratias, & favores reportasse latentur, opem, & operam impendimus efficaces, ac in his Officii nostri partes libenter impartimur, prout conspiciamus in Domino salubriter expedire.

Causa hujus  
Cōstitutionis.

§.1. Sane cum sicut accepimus, alias postquam Nos Ecclesiam Sanctorum Viti, Modesti, & Crescentiæ Martyrum Regionis Montium de Urbe, Confraternitati Sacerdotum, & aliorum utriusque sexus Christifidelium Sancti Bernardi de dicta Urbe canonice institutæ, cum facultate, & licentia pro eisdem Confratribus ibidem erigendi Monasterium Monialium sub Regula Sancti Benedicti Congregationis S. Bernardi Cisterciensis Ordinis, pro pauperibus Puellis, quæ spretis mundi illecebris, Christo earum, sponso perpetuum famulatum exhibere optarent, concesserimus, prout in nostris desuper confectis literis plenius continetur, dilecti filii Prior, & Custodes, ac Confratres ejusdem Confraternitatis ibidem Monasterium, cum Choro, Dormitorio, Hortis, Hortaliis, & aliis necessariis, construere, & ædificari procuraverint, illudque adeo commodum reddiderint, ut infra octavam Conceptionis Beate Mariæ Virginis proxime præteritæ nonnullæ Puellæ Deo dicatæ, per Deputatos ejusdem Confraternitatis approbatæ, in Moniales ipsius Monasterii, juxta laudabilem illius normam receptæ, admittæ, & introductæ extiterint. Tamen quia sicut etiam accepimus, ultra trecentas per ipsos Deputatos jam visitatas in eadem Urbe, alius ingens, ac infinitus numerus pauperum Puellarum minorum sex decim annis, quæ ob earum minorem ætatem infra annum probationis juxta Concilii Tridentini decreta expressam professionem emittere, ac in Moniales recipi nequeunt, reperitur, & pleræque adsunt, quæ si ætatem decem annorum excedant, vel utroque parente orbatæ, seu Neophytæ, aut illegitimæ genitæ non sint, aut si habeant parentes, & consanguineos honestæ conditionis & famæ, ab Archihospitalis Sancti Spiritus in Saxia, Sanctorum Quatuor Coronatorum, S. Catherinæ de Rosa, alias miserabilium, & S. Basilii Neophytarum respective nuncupatarum prædictæ Urbis Monasteriis, juxta eorumdem Monasteriorum statuta, privilegia, & indulta eis desuper concessa penitus excluduntur, Puellæque hujusmodi, ac etiam nonnullæ hone-

stæ viduæ, quæ a maritali vinculo solutæ in coelibatu sub clauistro pudoris, & continentia, vitam cælibem sibi libenter statuerent, si in aliquo Monasterio, Collegio, aut loco recipi possent; quo fit, ut locum receptionis non inveniunt, non sine maximo earum virginitatis, honoris, & pudoris periculo in sæculo remanere cogantur. Quibus (sicut pariter accepimus) dicti Confratres permoti, habita inter eos pluries matura deliberatione, cogitarunt, quod si Collegium unum, in quo pauperes Puellæ, & Viduæ honestæ hujusmodi, quæ in aliis prædictis Monasteriis recipi non possunt, reciperentur, & admitterentur, ac cum timore Dei una cum aliis Puellis dicto Collegio minime onerosis, quæ ibidem sicut in pluribus aliis Monasteriis, & Locis Piis consuevit, recipi, & admitti possent, educarentur, erigeretur, & institueretur, ac construeretur, & una duorum millium ex testamento quondam Marci Antonii Mureti Junioris Clerici Lemovicensis Diocesis, sub die vigesima nona Septembris proxime præteriti condito pauperibus Puellis vitam regularem profiteri cupientibus legata, & arbitrio dilectorum filiorum Ludovici Rivaldi Presbyteri dictæ Diocesis, & Marci Antonii Lanfranci Veronensis dicti Marci Antonii hæredum, & executorum, ac altera mille, pauperibus Puellis orphanis, nuptui tradendis arbitrio eorumdem Ludovici, & Marci Antonii Lanfranci juxta tractatum, seu conventionem, inter Priorem, Custodes, & Confratres, necnon Ludovicum, & Marcum Antonium Lanfrancum hujusmodi desuper initum, seu initam, & factam, seu factam, necnon reliqua summa trium millium respectu scutorum de jussu decem pro quolibet scuto, Collegio sic erigendo hujusmodi per dilectam in Christo filiam Magdalenam Stroziam Anguillariam, sub certis modo, & forma in Instrumento donationis desuper confecto donatæ, necnon quæcumque res, & bona per quoscumque Christifideles, etiam causa testamenti, codicillorum, donationis, aut alias ipsis viventibus donata, & concessa, seu donanda, & concedenda eidem Collegio erigendo, applicarentur, & appropriarentur, profecto, non solum publicæ utilitati consuleretur, sed exinde plures ex dictis Puellis Domino famulatum perpetuum exhiberent, reliquæ vero facilius nuptui traderentur, eleemosynæque, & alia pietatis opera, tam ab ipsis Confratribus, quam aliis utriusque sexus Christifidelibus verissimiliter in dies ibidem erogarentur, & augerentur.

§.2. Nos igitur, qui nostris potissimum temporibus, quantum cum Deo possumus, quascumque virgines, & honestas Viduas in numero prudentum adscribi, ac dictæ Confraternitatis incremento consulere sinceris desideramus affectibus, Priorem, Custodes, & Confratres prædictos, ac eorum singulos quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a jure, vel ab homi-

Ereclio. Collegii pauperum Virginum, & honestarum Viduarum, apud Monasterium Monialium S. Bernardi.



homine, quavis occasione, vel causa latis, si quibus quomodolibet innodati existunt, ad effectum presentium dumtaxat consequendum, harum serie absolventes, & absolutos fore censentes, necnon testamentorum, codicillorum, ac inter Priorem, Custodes, & Confratres, ac Ludovicum, & Marcum Antonium Lanfrancum, ac etiam per Magdalenam predictos, ut praefertur, initorum, & transactorum, aliorumque quorumcumque instrumentorum, & donationum factorum tenores, & veriores, presentibus pro expressis habentes, Motu proprio non ad Prioris, Custodum, & Confratrum predictorum, vel alicujus eorum pro eis super hoc Nobis oblata petitionis instantiam, sed de nostra mera liberalitate in dicto Monasterio Sancti Bernardi, ut praefertur, constructo, seu prope illud, aut alibi, ubi pro tempore forsan transferri contigerit, unum Collegium pauperum Puellarum virginum, & honestarum Viduarum bonae, & honestae conditionis & famae, in quo puellae, & Viduae ipsae, ne paupertate oppressae, demonis arte in vitiorum sordes prolabantur, recipi, ac separatim a commercio Monialium pie, & caritative regi, & educari, ac sub Domini timore, virtutumque exercitiis, ac Christianis moribus, & institutis instrui, necnon inibi quousque juxta cujuslibet earum inclinationem, voluntatem, ac devotionem, sive alia honesta ratione, per dictae Confraternitatis Confratres provisum fuerit, habitum per Moniales dicti Monasterii gestari solitum susceperint, & professionem per easdem emitti solitam expresse emittere proposuerint, aut alias nupserint, permanere possint. Ita tamen quod quoties aliquam ex dictis Puellis, & virginibus, ac Viduis e dicto Collegio, vel voti religionis, vel matrimonii contrahendi causa egredi contigerit, liceat Priori, & Visitatoribus, ac Confratribus ejusdem Confraternitatis, nunc & pro tempore existentibus, aliam Puellam & virginem, seu Viduam modo praemisso qualificatam loco egressae, aut alias juxta facultates dictae Confraternitatis, ipsorumque Prioris, Visitatorum, & Deputatorum arbitrio ibidem collocare, subrogare, & substituere pro earundem Puellarum, ac Viduarum, perpetuis usu, & habitatione, una cum Ecclesia praefata Sanctorum Viti, Modesti, & Crescentiae Martyrum, vel alia ubi pro tempore, ut praefertur, dictum Collegium, & Monasterium transferri contigerit, ad eorumdem Monasterii, & Collegii usum, in qua Missa celebrari, ac Sacramenta Ecclesiastica ministrari, cadavera, tam ipsarum quam etiam ejusdem Monasterii Monialium Ecclesiastica sepultura tradi, & verbum Dei praedicare valeant, cum campanili, & campanis, necnon refectorio, Dormitorio, hortis, & hortalitiis, aliisque necessariis ad ejusdem Collegii usum jam constructis, & construendis. Ita quod in dicto Collegio sic erigendo nonnullae aliae Puellae Virgines, & honestae Viduae eidem Collegio minime onerosae, sed potius utiles, atque etiam per

pro tempore Visitatores ejusdem Collegii approbandae, pro salubri earundem educatione, ad instar aliorum Monasteriorum similes Puellas recipientium, & admittentium, recipi, & admitti valeant sine alicujus praedictio, Apostolica auctoritate tenore presentium, perpetuo erigimus, & instituimus.

§.3. Ac eidem Collegio sic erecto, omnes, & singulas pecuniarum summas per Marcum Antonium Muretum juniorem juxta sui testamenti dispositionem, ac etiam Instrumentorum, conventionum, inter dictos Priorem, & Confratres, ac Ludovicum, & Marcum Antonium Lanfrancum praefatos, quam etiam Legati, donationis dictae Magdalenae, ut praefertur factorum, necnon quaecumque res, & bona quoscumque Christifideles eidem Collegio relinquentia, & eroganda. Ita quod dictae Confraternitatis Prior, Visitatores, & Confratres, nunc & pro tempore existentes, seu ab eis deputati, vel deputandi illorum omnium corporalem, realem, & actualem possessionem libere apprehendere, & perpetuo retinere, illaque omnia ad Monasterii, & Collegii usus, necnon personarum inibi pro tempore existentium, & degentium manutentionem convertere valeant, cujusvis licentia minime requisita, auctoritate, & tenore praefatis, etiam perpetuo applicamus, appropriamus, concedimus, & assignamus.

§.4. Eisdemque Priori, Officialibus, Visitatoribus, & Confratribus, ut sacerdotes ex approbatis ab examinatore pro tempore existentis dictae Urbis Vicarii provectae etatis, doctrina, vitae munditia, & morum honestate, religionisque zelo praeditos, & a Protectore dictorum Collegii, & Monasterii pro tempore existente approbandos, qui personarum omnium in dictis Monasterio, & Collegio erecto hujusmodi, ut praefertur, degentium confessiones audiant, Ecclesiastica sacramenta administrent, quique, & de idoneis verbi Dei concionatoribus, qui illas in spiritualibus praecipis, & documentis, ac sanctis consiliis ad viam Domini instruere possint, omnino providere. Quique una cum ejusdem Confraternitatis Priore, Custodibus, Visitatoribus, & aliis officialibus pro tempore existentibus, & ad id forsan deputatis, & deputandis, de qualitatibus puellarum, & viduarum inibi, etiam pro educatione recipiendarum, & admittendarum cujuscumque status, gradus, ordinis, conditionis, vel nationis fuerint, accurate, & diligenter quoties id a praefata Confraternitate, sive illius Officialibus, Visitatoribus, & Confratribus praefatis requisiti fuerint, inquirere. Ac denique, circa examen, & approbationem earum, quae nedum educationis hujusmodi causa, verum quoque pauperum puellarum, & honestarum viduarum hujusmodi, quas ibidem pro tempore educari, ac ad susceptionem habitus regularis, & professionem admitti, necnon matrimonio collocari contigerit, consulere debeant.

Applicatio bonorum enlargitorum, & enlargitorum a Christifidelibus.

Concessio auctoritatis Officialibus dictis Monasterii, & Collegii pro ejus totali regimine.



beant. Ac pro feliciore dictorum Monasterii, & Collegii gubernio, & statu, ac ut puellae pauperes, & honestae viduae hujusmodi facilius instruantur, & educantur, de consensu, & consilio tamen dilecti filii nostri Michaelis tituli Sanctae Mariae supra Minervam Cardinalis Alexandrini nuncupati, moderni, ac pro tempore existentis dictae Confraternitatis, Protectoris, & Visitatorum hujusmodi unam ex eis in Abbatissam, quae caput omnium existat, post tamen dilectae in Christo filiae Maurae Perfectae Machabaeae, alias de mandato nostro ex Monasterio Monialium S. Caeciliae Regionis Transiberim de eadem Urbe Ordinis Sancti Benedicti, in quo triginta octo annos laudabiliter vixerat, pro eisdem puellis, & mulieribus in sic noviter erecto, & instituto Monasterio, receptis, & pro tempore recipiendis in vita, & institutis regularibus dicti Ordinis instruendis, necnon ipsius Monasterii cura, & administratione gerendis, & suscipiendis translatae. Et nuper in illius Abbatissam benedictae, & consecratae obitum. Quam ex nunc ob ejus virtutum merita, bonosque mores, & exemplarem vitam, ac attento quod elapso primo, & subsequenti triennio nulla Monialis in praefato noviter constructo Monasterio, juxta dispositionem Concilii Tridentini, pro illo, ut convenit, regendo forsitan qualificata reperiatur, nec aliqua alia regularem disciplinam in eo cum bono odore, & spirituali consolatione personarum in illo existentium introductam manutenere melius quam eadem Maura poterit, eidem noviter erecto Monasterio in Abbatissam ad ejus vitam dicta auctoritate praeficimus, sibi quoque illius curam, regimen, & administrationem, in spiritualibus, & temporalibus plenarie committimus, una cum congruo aliarum officialium, & ministrarum numero ad certum tempus eis benevisum eligendi, ac etiam quoties opus, & expediens erit, concurrente majori, vel saniori parte Monialium pro tempore existentium ejusdem Monasterii juxta formam dicti Concilii confirmandi, & etiam confirmationem reiterandi, vel tempore hujusmodi finito illas omnino amovendi, & postmodum alias amotarum hujusmodi loco subrogandi, & deputandi: Ita tamen, quod electio hujusmodi, tam juxta formam, & tenorem regulae Ordinis Sancti Benedicti, quam Constitutiones, & Ordinationes, ac decreta jam forsitan per Confratres dictae Confraternitatis, & seu Visitatores deputatos ejusdem desuper edita, & edenda. Et quoad gubernium, constitutionem, & educationem Monialium, & puellarum, ac viduarum hujusmodi, ac exercitia, tam spiritualia, quam temporalia inibi jam forsitan praescripta, & a dicto Michaeli Cardinale Protectore approbata, seu praescribenda, & approbanda, necnon pro felici regimine, gubernio, & administratione confratrum Confraternitatis, Monasterii, & Collegii praefatorum, aliarumque personarum omnium, rerum, & bonorum Confraternitatis Mo-

nasterii, & Collegii hujusmodi Priori, Officialibus, & aliis ad id ab eadem Confraternitate deputatis, & pro tempore deputandis, quaecumque statuta, licita tamen, & honesta, ac sacris canonibus, praesertim decretis ipsius Concilii non contraria, toties quoties, & quando expediens videbitur, edendi, condendi, & faciendi, illaque edita, condita, & facta, prout ratio, vel utilitas exegerit, aut suaserit necessitas, pro tempore mutandi, alterandi, & in melius reformandi, aliaque etiam de novo faciendi licentiam, & facultatem, eisdem auctoritate, & tenore similiter perpetuo concedimus, & elargimur. Quae postquam condita, alterata, & mutata, ac edita, & reformata, ac a praefato nunc, & pro tempore existente Protectore approbata, & confirmata fuerint, eo ipso dicta Apostolica auctoritate confirmata sint, & esse censeantur.

§.5. Ac spem jam conceptam habentes, quantum Urbis nostrae praefatae, & universae Christianae Reipublicae utilitatis afferent Monasterium, & Collegium sic per Nos erecta, & instituta, illa ac eorum personas, res, & bona, ipsamque Confraternitatem, & Confratres Sancti Bernardi, sub nostra, & pro tempore existentis Romani Pontificis, & Sedis Apostolicae praefatae, in spiritualibus, & temporalibus protectione pariter perpetuo recipimus, & admittimus, ac ab omni jurisdictione, superioritate, visitatione, correctione, dominio, & potestate Venerabilis fratris nostri Jacobi Portuensis Cardinalis de Sabellis nuncupati, moderni, ac etiam pro tempore existentis in eadem Urbe Vicarii generalis, & illius Vicegerentis, ac Locatenentium, & Officialium quorumcumque, necnon Abbatum, Visitatorum, & Superiorum totius Ordinis S. Benedicti, & praesertim Congregationis S. Bernardi dicti Ordinis, ac pro tempore existentis Rectoris Parochialis Ecclesiae, in qua Monasterium, & Collegium hujusmodi nunc sita sunt, & pro tempore erunt, etiam circa sacramentorum administrationem, penitus, & omnino, ac perpetuo eximimus, & liberamus, ac Monasterium, & Collegium hujusmodi prorsus exempta, & libera a Vicarii nostri, ac Abbatum, Visitatorum, & Superiorum praefatorum, ac Parochiali jurisdictione, & superioritate, esse & fore statuimus, & decernimus.

§.6. Et insuper, ut Monasterium, & Collegium hujusmodi, non solum manteneantur, verumetiam in dies incrementum suscipiant, tam Ecclesias S. Bernardi prope Columnam Trajanam, & Sanctorum Viti, Modesti, & Crescentiae praefatas, ac alias Ecclesias pro tempore dictorum Confraternitatis, Monasterii, & Collegii existentes, necnon tam Confraternitatem, Monasterium, & noviter erectum Collegium, quam illorum Protectorem, Priorem, Custodes, Visitatores, aliosque Officiales, & Confratres, necnon Abbatissam, Moniales, aliasque ipsius Collegii novi-

Exemptio a jurisdictione, & superioritate &c. Vicarii Urbis, & aliorum omnium.

Elargitio Indulgentiarum pro visitantibus Ecclesiam, vel ibi celebrantibus, aut celebrari facientibus.



noviter erecti personas, & nunc, & pro tempore existentes, universosque alios utriusque sexus Christifideles, S. Bernardi, & Sanctorum Viti, Modesti, & Crescentiae Ecclesias praedictas, ut supra devote visitantes, necnon missas in eis, vel earum aliquibus celebrantes, seu celebrari facientes, quovis modo, & quocumque totius anni die in perpetuum, ad communicationem & participationem, etiam per extensionem omnium, & singulorum privilegiorum, facultatum, immunitatum, exemptionum, praerogativarum, antelationum, indulgentiarum, etiam plenariorum, & peccatorum remissionum, ac quorumcumque aliorum favorum, & gratiarum, tam spiritualium, quam temporalium, tam dictae Confraternitati Cathecumenorum, quam quibuscumque Cisterciensi, & Sancti Benedicti respective Ordinibus, eorumque Monasteriis, & Conventibus, domibus, Abbatibus, Monachis, Fratribus, Protectoribus, pueris, puellis, Confessoribus, & Monialibus, ac eorum, & earum Ecclesiis, Capellis, aliisque Ministris, & Officialibus, necnon etiam Christifidelibus dictas Ecclesias, seu Capellas visitantibus, & visitaturis, per Nos, & quoscumque Romanos Pontifices, & praecipue fel. record. Paulum Tertium, sub Dat. Romae 13. Id. Februarii, Pontificatus sui anno septimo, quomodolibet obtentorum, & concessorum, quoad ea, quae hactenus revocata non fuerunt, nec sub ullis revocationibus sunt comprehensa, ac quibus dictae Ecclesiae Confraternitas, & loca pacifice hucusque usi sunt, ac utuntur, & gaudent, & quae eidem Concilio non sunt contraria, similiter perpetuo recipimus, & admittimus, ac illa eis communicamus, & ad eos ea extendimus, ac etiam de novo quatenus opus sit, eis concedimus, in omnibus, & per omnia, perinde, ac si dictis Ecclesiis, & Capellis Sancti Bernardi, ac Sanctorum Viti, Modesti, & Crescentiae Martyrum, necnon Confraternitati, Monasterio noviter erecto, & Collegio praedictis, ac eorum Protectori, Priori, Custodibus, Officialibus, Confratribus, Abbatissa, Monialibus, Confessoribus, & aliis pueris, & puellis, ac personis, necnon Christifidelibus supradictas Ecclesias S. Bernardi, ac Sanctorum Viti, Modesti, & Crescentiae, ac alias Ecclesias, ut supra visitantibus, ac missas, in eis, vel earum aliqua, celebrantibus, vel celebrari facientibus, concessae forent.

§.7. Praeterea ne Confraternitas, Monasterium, & Collegium huiusmodi, diversis Urbis Tribunalibus vexentur, dictum Michaellem Cardinalem, & pro tempore existentem dictorum Confraternitatis, Monasterii, & Collegii Protectorem, ac Prioris, Custodem, ac aliorum Officialium, Confratrum, ac Ministrorum, necnon Abbatissae, Monialium, Puellarum, aliarumque personarum eorumdem, pro tempore, quo in dictis Monasterio, & Collegio steterint, quoad omnes, & singulas lites, causas, quaestiones, controversias, differen-

tias, & molestias civiles, & criminales, ac mixtas, tam active, quam passive hactenus forsitan motas, & in futurum quomodocumque movendas, super bonis, rebus, iuribus, & actionibus quibuscumque ad Confraternitatem, Monasterium, Collegium, & Ecclesias Sanctorum Bernardi, Viti, Modesti, & Crescentiae, ac alias Ecclesias praedictas, ac ad Moniales, Puellas, & alias personas supradictas, nunc, & pro tempore quomodolibet spectantia, in Iudicem ordinarium, cum eisdem facultatibus, indultis, privilegiis, antelationibus, & potestatibus quibus Protectores Confraternitatum Orphanorum, Cathecumenorum, S. Catherinae de la Rosa, ac Sanctissimi Crucifixi, ac deputati fabricae Basilicae Principis Apostolorum de dicta Urbe utuntur, potiuntur, & gaudent, ac uti, potiri, & gaudere poterunt quomodolibet in futurum. Ita etiam quod in causis discussionum, & alias quando de restituendo res, & bona quaecumque de cetero eisdem Monasterio, & Collegio relicta, & donata, seu vigore praesentium, aut alias quomodolibet acquisita, prioribus, & potioribus creditoribus agi censebitur, Confratres, ipsi nisi coram dicto Michaelle Cardinale, & pro tempore dictae Confraternitatis Protectore ad iudicium trahi non debeant, sed facta obligatione per Priorem, Custodes, & Camerarium dictae Confraternitatis, in eventum, quod alia bona ubilibet sita, & quovis modo possessa non reperiantur, Michael Cardinalis, & pro tempore existens Protector huiusmodi illa eisdem Confratribus, & respective creditoribus, etiam de facto, & sine strepitu, vel figura iudicii, neque expectata sententia, aut sine liti, tradi, & consignari mandet, & procuret, etiam perpetuo constituimus, & deputamus.

§.8. Et ne etiam Monasterium, & Collegium huiusmodi dum cura in temporalibus dictae Confraternitati, ejusque Confratribus, & Officialibus commissa est, in spiritualibus aliquod detrimentum sentiant, eisdem Confratribus pro triennio, seu alio eis benevisso tempore, tres Sacerdotes auctoritate, & rerum gerendarum experientia, pietateque graves, qui Visitatores nuncupentur, & nostras, ac dicti Vicarii, Vicegerentis, Locatenentium, & illius officialium huiusmodi vices gerant, dictisque Monasterio, & Collegio, illius Abbatissae, Monialibus, puellis, personis, rebus, & bonis praefatis in spiritualibus praesint (salva tamen in omnibus supradictis iurisdictione Urbis Vicarii in casibus, in quibus Episcopi, tamquam Sedis Apostolicae delegati, auctoritate dicti Concilii in Monasteria, quantumvis exempta, & praecipue circa eorum clausuram, iurisdictionem exercent, & ad eos specialis, & particularis approbatio Sacerdotum, & Confessorum electorum spectet, & pertineat eligendi, & deputandi, ac postquam electi fuerint, electionis, & deputationis huiusmodi confirmatio ad Nos, & successores nostros, vel dictum Michaellem Cardinalem, & pro tempore existentem dictae Confraternitatis Pro-

Facultas Visitatorum Monasterii & Collegii praedictorum.

Jurisdic-  
tio Card. Prote-  
ctoris & Judi-  
cis omnium  
causarum di-  
cti Monasterii  
& Collegii  
eorumque per-  
sonarum &c.



Protectorem pertineat, quotiesque sibi videbitur, finito triennio, seu alio tempore deputationis hujusmodi illos, prout tempus, & necessitas exposulaverit, confirmandi, ac etiam amovendi, & illorum loco alios collocandi, & deputandi facultatem impartimur. Nosque hac prima vice pro proximo triennio, ab hodie incipiendo, & ut sequitur, finiendo de Michaelis Cardinalis Protectoris præfati assensu, idem munus dilectis filiis Petro Fulvio Presbytero Romano utriusque juris Doctori moderno Priori, Joanni Daddeo Canonico Basilicæ S. Mariæ Majoris, & Annibali Summario Sacræ Theologiæ professori dictæ Confraternitatis Confratribus committimus. Ipsosque in eorundem Collegii, & Monasterii Visitatores, Rectores, & Moderatores creamus, constituimus, & deputamus. Dantes eis auctoritatem omnia, & singula faciendi, mandandi, corrigendi, puniendi, reformandi, & exequendi, quæ ad spirituale regimen personarum in dictis Monasterio, & Collegio degentium, illorumque felix incrementum, & gubernium expedire, atque opportunum esse censuerint. Ita ut personæ in dictis Monasterio, & Collegio vitam degentes, in piæ, & religiosæ vitæ sinceritate, & puritate, per sollicitam eorum operam foveantur, & conserventur, temporalia vero bona ex circumscripta dictæ Confraternitatis cura bene atque utiliter administrentur.

§.9. Porro ipsas puellas quas paupertate oppressas in hujusmodi Collegio collocari contigerit, speciali privilegio insignire intendentes, quod ubi pauperes puellæ hujusmodi aliena expetere auxilia coactæ fuerint, quibus adveniente ætate legitima, qua, vel Monasteria ingredi, vel matrimonio collocari censuerint, quasque dotes, & auxilia pia, tam ab Annunciationis Beatæ Mariæ supra Minervam, Conceptionis, Confalonis, & aliis Archiconfraternitatibus, & Confraternitatibus, necnon Ecclesiis, Oratoriis, & locis piis, quam quibuscumque utriusque sexus personis, usque ad summam honestam, & eisdem Priori, & Visitoribus bene visam petere, impetrare, obtinere, seque ad hunc effectum in rotulis, & listis Archiconfraternitatum, Confraternitatum, Ecclesiarum, Oratoriorum, locorum piorum, necnon personarum hujusmodi adscribi facere, & procurare, & deinde postquam dictæ puellæ, seu earum aliquæ, dotes, & auxilia hujusmodi obtinuerint, seu ad id adscriptæ fuerint, quod tam illæ, quæ dictum Monasterium ingredi, & jam ingressæ sunt, quam etiam quæ matrimonio collocari voluerint, dotes, & auxilia hujusmodi eis quomodolibet procurata, promissa, & acquisita omnino lucrari, percipere, & exigere debeant. Illaque omnia una cum præmissis dotibus, & legatis, factis, & faciendis, eisdem Monasterio, & Collegio perpetuo concedimus, pauperesque hujusmodi puellas, dotium, auxiliorum piorum, ac legatorum, & donationum præfatorum factorum, & faciendorum quibuscumque, etiam Motu pari emanatis prohibitionibus, vel statutis, etiam

juramento, confirmatione Apostolica, vel quavis firmitate alia roboratis, non obstantibus, capaces omnino facimus, reddimus, & declaramus. Mandantes omnibus, & singulis Custodibus, Camerariis, & quibuscumque Officialibus dictarum Archiconfraternitatum, quæ dotes, & auxilia pia hujusmodi pauperibus puellis dare, & assignare consueverunt, quod ex nunc dotes promissas puellis jam dictum Monasterium ingressis, & profiteri cupientibus, & statim postquam professæ fuerint Priori, Custodi, & Camerario pro tempore existentibus dictæ Confraternitatis Sancti Bernardi, acsi ipsæ dictum Monasterium ingressæ, seu matrimonio collocatæ, de consensu, & licentia Archiconfraternitatum, & locorum piorum hujusmodi extitissent, dare, & cum effectu persolvere, ac deinceps pauperes ipsas puellas in dicto Collegio pro tempore degentes, ad subventionem dotium, & auxiliorum, hujusmodi admittant, & admitti procurent, & deinde tam puellis profiteri cupientibus, quam matrimonio collocandis, dotes eis promissas, & deinceps promittendas Priori, & Officialibus hujusmodi, dare, & cum effectu solvere debeant, nec ad id, & sub prætextu decretorum, privilegiorum, aut aliorum quorumcumque statutorum, Archiconfraternitatum, Confraternitatum, Ecclesiarum, Oratoriorum, & piorum locorum hujusmodi quomodolibet concessorum, contradicere audeant, seu præsumant, etiam licentia earundem Confraternitatum, & locorum piorum hujusmodi minime obtenta, neque petita. Ne autem super præmissis, vel illorum aliquo, in futurum quomodocumque, vel quavis de causâ pro validitate dubitari contingat.

§.10. Volumus, ac etiam mandamus, quod quæcumque ordinationes, instrumenta, donationes, tam inter vivos, quam causa mortis, testamenta, codicilli, & quæcumque alia documenta, scripturæ, & folia, facta, & facienda, per, & inter quasque utriusque sexus personas, etiam si mulieres nuptæ, ac minores viginti annis fuerint, ac testatæ, vel intestatæ decesserint, etiam de bonis suis disponere prohibita, nisi adhibita certa forma, & solemnitate requisita, a jure, vel ab homine, seu statutis, novisque reformationibus Urbis, seu obtenta a Romano Pontifice desuper licentia, de quibuscumque eorum bonis quomodocumque acquisitis, & acquirendis, de quibus in favorem Confraternitatis, Monasterii, & Collegii hujusmodi testari, legari, codicillari, vel inter vivos, aut causa mortis, aut alias quomodolibet disponi contigerit. Quodque tam Marci Antonii junioris scutorum trium milium, ac Magdalene Strozziæ de Anguillaria, aliaque, ut præfertur, facta, & legata, quam quæcumque alia donationes, testamenti, codicilli, voluntates, instrumenta, scripturæ, & documenta ad favorem Monasterii, Collegii, & Confraternitatis hujusmodi jam facta, & facienda, perinde valeant, ac si eorum sortiantur effectum, acsi coram Notario publico, & legitimo testium numero, adhi-

Privilegium pauperum puellarum, quod admittantur ad subsidia dotium, quæ per diversas Confraternitates, & loca Pia dari solent.

Indultum circa relicta Monasterio, & Collegio prædictis, & eorum validitatem.



adhibitisque omnibus de jure requisitis, qualitatibus, & solemnitatibus facta fuerint, nec Monasterium, Collegium, & Confraternitas hujusmodi de eisdem bonis in testamentis, legatis, codicillis, donationibus, & aliis voluntatibus, ac dispositionibus, instrumentis, documentis, & scripturis eisdem Monasterio, Collegio, & Confraternitati pro tempore relictis, donatis, datis, cessis, & applicatis, aliquam partem Camera Apostolicæ, vel Monasterio Convertitarum in eadem Urbe, etiam juxta dispositionem indultorum fel: record: Leonis Decimi, Clementis Septimi, & Pauli Tertii, aliorumque Romanorum Pontificum Prædecessorum nostrorum, seu Fabricæ dictæ Basilicæ Principis Apostolorum, aut quibuscvis aliis personis, & Ecclesiis dare minime teneantur, sed bona ipsa, ut supra pro tempore relicta, vel donata Confratres ipsi libere, & integre recipere, ac eorum possessionem apprehendere, & perpetuo retinere, ac in eorumdem Monasterii, Collegii, & Confraternitatis usus, & utilitatem convertere libere, & licite valeant, etiam cujuscvis licentia minime requisita.

Approbatio  
ordinationum  
factarum, &  
faciendarum,  
a Confrater-  
nitate, etiam si  
regulæ S. Ber-  
nardi sint con-  
traria.

§. 11. Decernentes Ordinationes, Constitutiones, & Statuta hucusque a præfata Confraternitate facta, necnon Instrumenta, donationes, testamenta, codicillos, scripturas, ac etiam, prout illa concernunt, omnia, & singula in dictis Ordinationibus, Constitutionibus, Statutis, Capitulis, Instrumentis, donationibus, testamentis, codicillis, tam factis, quam faciendis, & aliis scripturis contenta, & inde secuta quæcumque, licita tamen, & honesta, maxime ea circa licentiam edendi carnes, & alios cibos in refectorio quolibet die Dominico, tertia, & quinta feriis, & aliis diebus arbitrio supradictorum Visitatorum, & circa usum omnium pannorum lini, & etiam cubilis, videlicet cum subucula tantum, & linteaminibus, ac etiam Breviarii Romani cum proprio Congregationis Sancti Bernardi dicti Cisterciensis Ordinis, ita quod ad recitationem Officii Beatæ Virginis Mariæ non teneantur. Quo vero ad præscriptionem horarum ad divina officia, tam diurna, quam nocturna recitanda, & quæcumque alia exercitia, spiritualia, & temporalia anno singulo facienda juxta Visitatorum, & Abbatissæ hujusmodi dispositionem, & ordinationem, ac ea quæ jam forsan decreta, & descripta in libro Constitutionum, & Statutorum ipsius Confraternitatis in pergamento, etiam quod sint contrariæ regulæ Sancti Benedicti, hujusmodique præsentium tenore approbamus, & confirmamus, ac illis perpetuæ firmitatis robur adieimus, fieri, & observari debere.

Validatio di-  
positionū fa-  
vorabiliū eis-  
dem Monaste-  
rio, & Col-  
legio.

§. 12. Ac suppletes omnes, & singulos juris etiam communis, & municipalis, & facti etiam quarumcumque solemnitatum, in eis forsan ex dispositione Juris, vel Statutorum, sive novarum reformationum Urbis circa validitatem donationum in genere, etiam respectu consensus propinquorum, parentum insinuationis, & testium, ac donationum in subscriptionibus, & in specie

contractuum mulierum, & omnia alia forsan requisitis, omissis, & omittendis, præsertim quo ad dicti Marci Antonii Junioris, & desuper inter Confratres, & Officiales Confraternitatis Sancti Bernardi, ac Ludovicum, Antonium Lanfrancum præfatos, necnon donationis per dictam Magdalenam, aliaque omnia, & singula legata, donationes, instrumenta, testamenta, codicillos, scripturas, documenta, & alia quæcumque quomodolibet facta, & facienda, aliosque defectus, siqui in præmissis omnibus, & singulis, seu eorum aliquo intervenerint, aut intervenire possint quomodolibet in futurum. Inhibentes nunc, & pro tempore existentibus Præsidenti, & Deputatis Fabricæ dictæ Basilicæ Principis Apostolorum, ac quibuscvis aliis officialibus, ministris, & personis cujuscvis status, gradus, & conditionis existant, etiam si Cardinalatus honore præfulgeant, ne Priorem, Officiales, & Confratres nunc, & pro tempore existentes, in omnibus, & singulis præmissis, & præsertim super dictis pecuniis per dictum Marcum Antonium Muretum legatis, & per Magdalenam Strozziæ donatis, omnibusque, & singulis aliis legatis, donationibus, testamentis, & codicillis pro tempore per quascumque personas quomodolibet, & ex quacumque causa factis, & faciendis, in rebus, vel bonis dictæ Confraternitatis quovis quæsito colore, vel ingenio, directe, vel indirecte molestare, perturbare, aut inquietare audeant, vel præsumant. Et etiam decernentes omnia, & singula præmissa, ac inde secuta, & inde sequenda quæcumque, valida, & efficacia fore, ac suos plenarios, & integros effectus sortiri, & inviolabiliter ab omnibus observari debere.

§. 13. Et sic per quoscumque Judices, & Commissarios, etiam Sanctæ Romanæ Ecclesiæ Cardinales, ac Causarum Palatii Apostolici Auditores, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere. Necnon quicquid secus super his a quoquam quavis auctoritate, scienter, vel ignoranter contigerit attentari.

Clausula sub-  
lata.

§. 14. Quocirca venerabilibus fratribus nostris Patriarchæ Alexandrino, ac Marturanensi, & Venusino Episcopis per Apostolica scripta Motu simili mandamus, quatenus ipsi, vel duo, aut unus eorum, per se, vel alium, seu alios præsentis literas, & in eis contenta quæcumque, ubi, & quando opus fuerit, ac quoties pro parte Prioris, Custodum, ac Confratrum præfatorum, seu alicujus eorum fuerint requisiti, solemniter publicantes, eisque in præmissis efficacis defensionis præsidio assistentes faciant, auctoritate nostra Priorem, Custodes, & Confratres præfatos, ac eorum singulos, eisdem præsentibus, & in eis contentis quibuscumque pacifice frui, & gaudere, ac præsentis literas, & in eis contenta hujusmodi ab omnibus, quos illa concernunt, & quomodolibet concernent in futurum, inviolabiliter observari. Non permittentes eos, vel eorum aliquem desuper per quoscumque quo-

Executorum  
hujus Bullæ  
deputatio, &  
auctoritas.



modolibet indebite molestari. Contradictores quoslibet, & rebelles per sententias, & censuras ecclesiasticas, ac etiam pecuniarias poenas eorum arbitrio imponendas, & moderandas, aliaque opportuna juris, & facti remedia, appellatione postposita, compescendo, ac legitimis super his habendis servatis processibus sententias, censuras, & poenas ipsas, etiam iteratis vicibus aggravando, invocato etiam ad hoc, si opus fuerit, auxilio brachii secularis.

Clausula derogatoria.

§.15. Non obstantibus de non tollendo jure quaesito, ac de non concedendo indulgentias, & privilegia ad instar, necnon quibuscumque aliis etiam Pauli Secundi, & Pauli Quarti, ac Pii Quinti de rebus ecclesiasticis non alienandis, & male alienatis recuperandis, ac quibuscumque Constitutionibus, & Ordinationibus Apostolicis, Cancellariarumque Apostolicarum Regulis, ac Monasterii, Collegii Cisterciensis, & Sancti Benedicti Ordinum hujusmodi statutis, & juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, tam Monasterio, ac Cisterciensi, & Sancti Benedicti, quam quibuscumque aliis etiam praefatis dictae Urbis Monasteriis, & illorum Ordinibus, Superioribus, Conventibus, & personis, necnon Praesidenti, & Deputatis dictae fabricae, aliisque omnibus, & singulis Collegiis, Fabricis, Monasteriis, & locis piis, sub quibuscumque tenoribus, & formis, ac cum quibuscumque derogationum derogatoriis, aliisque efficacioribus, & insolitis clausulis, irritantibusque decretis, in genere, vel in specie quomodolibet concessis, etiam si in eis expresse caveatur, quod illis derogari nequeat, nisi derogationes hujusmodi, & causae in eis forsan expresse, & specialiter infererentur, ac de consensu Superiorum, Monasteriorum, Ordinum, Collegiorum, Fabricarum, & aliorum piorum locorum hujusmodi fierent, & alias factae derogationes hujusmodi nemini suffragentur. Quibus omnibus, & singulis etiam si pro illorum sufficienti derogatione, de illis, eorumque totis tenoribus specialis, specifica, expressa, & individua, non autem per clausulas generales, idem importantes mentio, seu quavis alia expressio habenda, aut alia exquisita forma ad hoc servanda foret, illis alias in suo robore permansuris, hac vice dumtaxat harum serie pari Motu specialiter, & expresse derogamus, contrariis quibuscumque. Aut si aliquibus communiter, vel divisim, ab Apostolica sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Transumptorum fides.

§.16. Volumus autem, quod earumdem praesentium transumptis etiam impressis, ac manu Prioris, seu Visitatorum, aut Custodum, ac Secretarii dictae Confraternitatis subscriptis, ac praefati Michaelis Cardinalis nunc, & pro tempore existentis dictae Confraternitatis Protectoris, vel ipsius Confraternitatis sigillo munitis eadem prorsus fides in iudicio, & extra illud adhibeatur, quae eisdem praesentibus adhiberetur, si forent exhibitae, vel ostensae. Nulli ergo &c.

ternitatis sigillo munitis eadem prorsus fides in iudicio, & extra illud adhibeatur, quae eisdem praesentibus adhiberetur, si forent exhibitae, vel ostensae. Nulli ergo &c.

Datum Romae apud Sanctum Marcum, Anno Incarnationis Dominicae millesimo quingentesimo octuagesimo septimo, Id. Julii, Pontificatus nostri Anno tertio.

D.P. An.III.  
13. Julii.

### XCIII.

Statutum quod Officia Generalis, Visitatorum, Priorum, Vicariorum, & Procuratorum Congregationis Sancti Georgii in Alga sint triennialia, & Capitulum generale celebretur de triennio, in triennium, & in electionibus nulla habeatur ratio absentium.

Ex Regest. in Secret. Breu.

## SIXTUS PAPA QUINTUS

*Ad futuram rei memoriam.*

**A**D exequendum nostri Pastoralis Officii debitum, vigilantibus studiis intendentes, ad ea, per quae Congregationum quarumlibet, praesertim personarum sub suavi Religionis jugo Altissimo famulantium felici successui, ac directioni, ac ipsarum personarum opportunis gubernio, & regimini cum divini cultus incremento valeat salubriter provideri, nostrae diligentiae studium libenter convertimus, ac in his ejusdem Officii partes favorabiliter impartimur, prout in Domino conspiciamus salubriter expedire.

Procerum.

§.1. Cum itaque, sicut accepimus, ex veteri consuetudine, & etiam statutis Congregationis S. Georgii in Alga statutum, & praestice servatum fuerit, ut in omnibus electionibus, etiam Generalis Prioris ad eas omnes Conventus mittant vota literis inclusa cujuscumque Canonici obsignata, itaut unumquodque Collegium suam litteram cum votis mittat, qui Ritus servatur in electionibus Socii Capitularis, & Officialium particularium Conventuum, & tamen vota absentium tantummodo in primo Scrutinio olim valebant, in ceteris vero reiciebantur in totum, & quot annis celebrabatur Capitulum generale, & quando placet unicuique Collegio, eligitur Socius Capitularis, dummodo eligatur post completas secundas Visitaciones, & Dignitates in ipso Capitulo decretae non se extendunt amplius quam per annum, neque Generalis Prior, neque Visitatores, & Priores anno sequenti confirmari, praeterquam Prior S. Salvatoris in Lauro de Urbe nuncupatus, & S. Mariae ab Horto Venetiarum quem sequentem annum confirmari solebant; Reliqui in totum vacabant, & erant contumaces ad praedictas Dignitates, nisi saltem vacarent ad Prioratum, & Visitatoratum duobus mensibus, & ad Generalatum tribus annis, & si aliquam Ecclesiam per cessum, vel decessum infra annum contingebat vacare, Canonici Ecclesiae vacantis eligebant unum e Collegio, quem dicunt Socium Capituli.

Causa hujusce odenda Constitutionis.



pitularem; cuius munus est deferre vota inclusa, & obsignata ad S. Georgium in Alea, ubi una cum Collegio illius Conventus, & Patribus novem computatis votis delatis a Socio Capitulari prædicto, perficitur electio Ecclesiæ Vacantis, & subrogatio Visitatorum ad Collegium S. Georgii in Alea cum Patribus novem pertinet. Et postquam fel. rec. Pius Papa V. Prædecessor noster Apostolica auctoritate mandaverat, & ordinaverat, ut in eorum Capitulis tam Generalibus, quam particularibus celebrandis super electione Prioris Generalis, aliorumque Officialium vota absentium secreto reciperentur, & quod ipsa vota licet in primo Scrutinio Capitulari electio, de qua ageretur, non perficeretur, nihilominus in omnibus aliis sequentibus Scrutiniis, prout in primo, & usque ad perfectam electionem, firma, & valida permanerent, ac eandem vim, & robur haberent, prout in primo, idem Pius Prædecessor mandato, & ordinationi huiusmodi, certis de causis tunc expressis derogando, ut dictorum absentium vota in totum reciperentur, juxta formam antiquam Congregationis, ultra primam vicem, & primum scrutinium, nullam vim, & robur in aliis sequentibus scrutinii haberent, sed invalida remanerent, etiam mandaverit, & ordinaverit, & postmodum pie me: Gregorius Papa XIII. etiam Prædecessor noster, simili auctoritate, mandaverit, & ordinaverit, quod cum Canonicis prædictis in dictis eorum Capitulis tam generalibus, quam particularibus celebrandis super dicta electione Prioris generalis, aliorumque Officialium vota absentium reciperentur, & ipsa vota non solum in primo, verum in omnibus aliis sequentibus scrutinii, & usque ad perfectionem Capituli, & electionis Prioris generalis fiendæ, eandem vim, & robur haberent, firmaque, & valida, prout in primo scrutinio permanerent, & dicta vota absentium non reiicerentur, vel comburerentur, antequam dicta Prioris generalis electio absoluta non fuisset, prohibuerit. Ita, quod si durante eodemmet Capitulo generali electio Prioris gen. per obitum, vel cessionem nuper electi, aut alias iteranda, vel pluries habenda fuisset, absentium vota semper attenderentur, validaque, & efficacia cum præsentium in Capitulo suffragiis connumerarentur, & ex illis omnibus simul junctis, & computatis, si quis medietatem excederet, is in primo statim scrutinio Prior generalis creatus, publicaretur; si nullus vero medietatem prædictam excederet, tunc secundo, & tertio scrutinio a Capitularibus iterato, connumeratis, & votis absentium semper in omni scrutinio computatis, qui plures haberet voces, is Prior generalis electus esse censeretur, & si contingeret, ut omnium vota in partes dividerentur æquales, tunc eo casu, qui in Congregatione antiquior Canonicus esset, omnium consensu Prior generalis designatus esse intelligeretur, necnon, ut vota prædicta secreto porrigerentur, etiam præceperit, & mandaverit, ut quicumque votum electivum ha-

*Bull. Rom. Tom. IV. Par. IV.*

bentium Capitulo generali, vel particulari personaliter interessent, ibi per suffragia, & fabas, pallustas, ut vocant, in pixides testas sua cuiusque manu non autem alienas immitterent, alioquin nulla immittenda sua vota declararent: Qui vero absentes forent singuli in singulis schedulis, vel chartulis nomen eligendorum in summa chartula, suum vero nomen in ima chartula describerent, quæ chartulæ ab una parte complicatæ, ita obsignarentur, & occluderentur, ut eligentium nomina a nemine prorsus sciri possent; eligendorum vero nomina a scrutatoribus juxta antiquorum Statutorum ejusdem Congregationis formam deputandis legi, notari, & numerari possent, dictaque forma, & in Capitulis Conventualibus, in quibus aliæ electiones essent fiendæ, omnino observaretur, prout in ipsorum Prædecessorum diversis literis desuper confectis plenius continetur.

§.2. Nos cupientes salubri dictæ Congregationis directioni, & regimini juxta temporum varietates, ac prout his præsertim temporibus ratio postulat, & exigit, providere, & ne in huiusmodi Capitulis, & electionibus, tam generalibus, quam particularibus per Canonicos prædictos celebrandis aliqua fraus, aut vis adhibeatur, sed illa libere, & canonice celebrentur, nec non pro eorumdem Canonicorum commoditatibus, totiusque Congregationis, & illius Monasteriorum minori dispendio, ac Sacri Concilii Tridentini Decretis inhærere volentes, dictarumque literarum veriores tenores, præsentibus pro expressis habentes, ipsosque Congregationes, & Canonicos specialibus favoribus, & gratiis prosequi volentes, Motu proprio, non ad Canonico- rum, aut Congregationis huiusmodi, aut alterius pro eis super hoc Nobis oblata petitionis instantiam, sed ex mera voluntate, certa- que scientia nostris, ac de Apostolicæ potestatis plenitudine volumus, ac prædicta auctoritate perpetuo statuimus, & ordinamus, quod deinceps perpetuis futuris temporibus, Prioris generalis, Visitatorum, Priorum, Vicariorum, & Procuratorum officia, dignitates usque ad triennium se extendant, & Capitulum generale protrahatur, ac celebretur de triennio in triennium, & electio Sociorum Capitularium in anno, quo celebrandum erit, Capitulum generale fiat ab omnibus in omnibus Conventibus aliquo ex diebus hebdomadæ incipien. a Sabbatho Dominicæ Passionis usque ad Sabbathum Dominicæ Palmarum, & in posterum nulla habeatur ratio votorum absentium Canonicorum, quos tali prærogativa privamus, & tam in electione Generalis, quam in aliis, ut solummodo habeant Jus eligendi illi, qui personaliter intererunt electioni, quodque in posterum prædictum Capitulum generale omnimodam habeat electionem Prioris generalis, & aliorum Officialium, & si per cessum, vel decessum contigerit vacare aliquam Ecclesiam, tunc temporibus a jure statutis Prior generalis accedat ad Conventum Ecclesiæ vacantis, & si ipse ad

Statuta, de quibus in rubrica.

T t a

illum



illum accédere nequiverit, possit mittere alium nomine suo, qui fungatur vicibus suis ad Conventum Ecclesiæ vacantis, ac congreget omnes vocem habentes, & eligant Priorem, in qua electione vocem, etiam habeat ipse Prior generalis, vel ejus Vicegerens, si dictæ Ecclesiæ præsens fuerit: In subrogando autem Visitatore servetur ordo consuetus, ut Capitulum Sancti Georgii in Alega cum Patribus novem eligant.

Clausula.

§.3. Necnon voluntatem, Statutum, Ordinationem, & declarationem nostra hujusmodi, ac præsentis literas nullo umquam tempore revocari posse, sed semper valida, & efficacia existere, illaque suos plenarios effectus sortiri, ac ab omnibus inviolabiliter observari; Sicque per quoscunque Judices, Commissarios, etiam causarum Palatii Apostolici Auditores, & Sanctæ Romanæ Ecclesiæ Cardinales, etiam de latere Legatos, necnon etiam Locorum ordinarios, sublata eis, & eorum cuilibet quavis aliter judicandi, & interpretandi facultate, & auctoritate, judicari, & diffiniri debere, ac quid quid secus super his a quoquam quavis auctoritate scienter, vel ignoranter attentari contigerit, irritum, & inane decernimus.

Delegatio Exequutorum.

§.3. Quocirca venerabilibus fratribus Patriarchis, Archiepiscopis, Episcopis, ac dilectis filiis eorum Vicariis in spiritualibus, & officialibus generalibus, necnon dictæ Congregationis, & aliis Abbatibus, & Prioribus, & aliis, ad quos spectat, & spectabit quomodolibet in futurum, per easdem præsentis committimus, & mandamus, quatenus ipsi, vel duo, aut unus eorum ubi, & quando expedierit, & quoties pro parte Congregationis, aut Canoniconum hujusmodi, seu alicujus eorum fuerint requisiti, per se, vel alium, seu alios faciant auctoritate nostra præsentis nostras literas ab omnibus inviolabiliter observari: Contradictores quoslibet, & rebelles per sententias, censuras, & poenas Ecclesiasticas aliaque opportuna juris, & facti remedia, appellatione postposita, compescendo.

Derogatio contrariorum

§.4. Non obstantibus Constitutionibus, & Ordinationibus Apostolicis, ac Congregationis hujusmodi etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eidem Congregationi, illiusque superioribus, & personis, & quibuscunque aliis sub quibuscunque tenoribus, & formis, ac cum quibuscunque etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis in contrarium quomodolibet concessis, approbatis, confirmatis, & innovatis. Quibus omnibus, & singulis etiam si pro illorum sufficienti derogatione de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad

verbum nihil penitus omisso, ac servata eorum forma, infererentur præsentibus, pro sufficienter expressis habentes, illis alias in suo robore permansuris, hac vice dumtaxat specialiter, & expresse derogamus, contrariis quibuscunque. Aut si aliquibus communiter, vel divisim ab Apostolica sit Sede indultum, quod interdici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Datum Romæ apud Sanctum Marcum sub Annulo Piscatoris die 15. Julii 1587., Pontificatus nostri Anno III.

Dat. die 15.  
Julii 1587.  
An. III.

## XCIV.

Confirmatio gestorum in Dieta in Monasterio de Pace de Urbe habita pro Congregatione Lateranen.

Ex Regest. in  
Secret. Brev.

## SIXTUS PAPA QUINTUS

Ad perpetuam rei memoriam.

§.1. **L**icet Capitulum Generale dictorum filiorum Canoniconum Regularium Ordinis S. Augustini Congregationis Lateranen., singulo quoque triennio per illius Rectorem generalem, & Diffinitores, Abbates, Prælatos, & Socios Capitulares juxta Ordinationes, & literas record. Gregorii Papæ XIII. Prædecessoris nostri post tertiam Dominicam a festo Paschalis Resurrectionis Domini Nostri Jesu Christi sequentem celebrari debeat, nihilominus id hoc anno adveniente fine triennii, & instante tempore dicti generalis Capituli, de more solito congregandi, Commissariis dicti Ordinis ad Monasteria, & loca eidem Congregationi subiecta visitandum, & causas propter quas ipsa Monasteria, seu Abbates, & Priores illorum onera eis incumbentia solvere cessarunt cognoscendum, transmissis, rationabilibus causis celebrari non valuit, & loco ejusdem Capituli Generalis de consensu Venerabilis fratris Marci Antonii Episcopi Prænestin. Cardinalis Columnæ nuncupati, ac dictæ Congregationis Protectoris, qui Nobis dicta impedimenta significaverit, & præcipue de nostra licentia, verbo concessa, per dilectos filios Petrum Franciscum Rivam Veronen. Rectorem Generalem, & Diffinitores quarta Dominica post dicta festa Paschalia in Monasterio Beatæ Mariæ Pacis de Urbe dictorum Ordinis, & Congregationis dieta habita fuit.

Cum Generale Capitulum eorum nequiverit de licentia PP. celebrata est Dieta.

§.2. In qua, ut Nobis relatum est, idem Rector, & Diffinitores dilectum filium Andream Cremonen. in Visitatorem, & plures alios in Abbates Monasteriorum S. Petri de Pado Cremonen., S. Modesti de Benevento, ac S. Viti prope, & extra Muros Mantuan., & Priorem S. Mariæ de Creta, crearunt, & deputarunt, & alia tractarunt, & gesserunt, quæ dictæ Congregationi duxerunt expedire.

In ea electus Visitator Generalis, nonnulli Abbates, &amp; Priores.

§.3. Et post hanc dietam quond. Cherubinus



1587.  
Sed mortuo  
Procuratore  
Generali an-  
tequam suc-  
cessor ei dari  
posset;

nus Reparius dicti Monasterii Beatae Mariae Abbas, & ipsius Congregationis Procurator Generalis in ultimo Capitulo in Civitate nostra Ravennaten. celebrato in solidum cum dicto Rectore generali, & cum amplis facultatibus in actis Hieronymi a Porta Notarii publici Ravennaten. die trigesima Aprilis anni Dom. mellefimi quingentesimi octuagesimi quarti nuper diem clausit extremum, & dictum mandatum ad triennium dumtaxat factum expiravit; unde negocia, lites, & Causae dictae Congregationis vix tractari, expediri, & legitime defendi posse videntur, ut magnum inde potest damnum, & incommodum resultare.

Pontifex Acta  
in d. Diera  
confirmat, e-  
lectionesque  
omnes in ea  
factas appro-  
bat.

§.4. Cupientes itaque ejusdem Congregationis indemnitati consulere, ipsamque specialibus favoribus, & gratiis prosequi, ac dicti Marci Antonii Episcopi, & Cardinalis supplicationibus hac in parte inclinati, ex certa nostra scientia, & de Apostolica potestatis plenitudine, creationem, & denominationem Visitatoris, Abbatum, & Prioris praedictorum, & quaecumque in ipsa Dieta gesta Apostolica auctoritate tenore praesentium approbamus, illaque de voluntate, & consensu nostro facta fuisse, & plenissimum firmitatis robur habere decernimus, perinde ac si in ipso Capitulo Generali legitime celebrato praemissa omnia gesta fuissent. Alios quoque Visitatores, Abbates, Priores, Praepositos, ceterosque Praelatos, & Officiales Monasteriorum, & locorum dicti Ordinis nunc existentes, cum omnibus facultatibus, & jurisdictionibus solitis, & consuetis confirmamus, & quatenus opus sit, de novo deputamus, ita ut eorum officium, gubernium, administrationem, & regimen donec in primo Capitulo generali de aliis officialibus, ut moris est, per Congregationem ipsam provisum fuerit, exercere, ac continuare valeant.

Novum de-  
putat Procu-  
ratorem Ge-  
neralem.

§.5. Et insuper ne defectu dicti mandati generalis, vel propter dubium illius validitatis, ipsa Congregatio, aut ejus Monasteria in suis negociis, rebus, litibus, & causis damnum, vel praedictum, aut impedimentum aliquod patiantur, vel incurrant, immo ut possint omnia incumbencia utiliter expedire, & praesertim ut contractus, qui nomine dictae Congregationis cum dilecto filio Jo: Baptista Lurago, & quondam Pompilio fratribus germanis super extinctione censuum valoris quadringentorum millium scutorum auri celebrati, & per Nos in forma Brevis die 13. Mensis Jul. 1587. confirmati fuerunt, adimpleri, eidem Petro Francisco, quem in Rectorem Generalem, atque Procuratorem, & Administratorem dictae Congregationis suorumque Monasteriorum, bonorum, & jurium confirmamus, & de novo deputamus ad easdem omnes facultates, & auctoritates, quae in dicto Instrumento Mandati ex actis ipsius Hieronymi confecto, cujus tenorem, ac si de verbo ad verbum infereretur praesentibus, haberi volumus pro expresso, plenius continetur, ac ad omnia, & singula negocia, res, lites, & causas active, &

passive, necnon ad omnia, & singula Congregationem ipsam; suaeque Monasteria, & loca, ac eorum quodlibet concernentia, & demum omnia in dicto Mandato contenta tractandum, & expediendum, ac quoscumque veteres census redimendum, & novos utilior conditione creandum, & vendendum super quibuscumque dictorum Monasteriorum bonis, & alia faciendum pro dicti contractus cum Joanne Baptista, & Pompilio praedictis adimplemento necessaria, & opportuna, ipsiisque Petrum Franciscum quo ad praemissa omnia, & singula in locum dicti Cherubini ponimus, & subrogamus, & insuper eidem Petro Francisco, & duobus Visitatoribus quemcumque Procuratorem totius Ordinis praedicti generalem cum eademmet auctoritate, & mandato, quae ei solet conferri per Capitulum generale, prout in actis ipsius Capituli generali, per dictum Hieronymum authenticatis constat.

§.5. Et Abbates, Priores, Praepositos, Praelatos, & Officiales in locum Defunctorum, & vacantium prout necessitas, vel occasio postulabit, usque ad Capituli Generalis celebrationem juxta eorum Constitutiones, necnon facto prius verbo cum dicto Marco Antonio Episcopo Cardinale Protectore dictae Congregationis, & de ejus consensu quoscumque Praelatos, Abbates, Priores, Praepositos, sive quoscumque alios quovis nomine nuncupatos superiores ad regimen quorumlibet Monasteriorum quomodocumque vacantium, etiam non expectata illorum renunciatione, si actu Praelati fuerint, aut Abbates, seu Priores eligendi, & deputandi, seu electos confirmandi, etsi ita expedire visum fuerit, pro quiete subditorum, aut utilitate Monasteriorum praedictorum de consensu Protectoris, & duorum Visitatorum praedictorum quemcumque Abbatem, Priorem, Praepositum, aut alium superiorem a regimine unius Monasterii amovendi, & ad alterius regimen, & gubernium transmittendi, plenam, & amplam auctoritatem concedimus, & impartimur.

Nonnullas ei  
concedit fa-  
cultates.

§.6. Decernentes omnia, & singula gesta, & gerenda per ipsum Petrum Franciscum, & ab eo desuper substituendos in quibuscumque contractibus, distractibus, rebus, negociis, & litibus perpetuo valida, & efficacia, ac legitima fore, suosque effectus sortiri debere.

Validitatem  
addit iis, quae  
ab eo fieri con-  
tinget.

§.7. Praeterea literas eidem Congregationi a Nobis in forma Brevis contra eos, qui onera suorum Monasteriorum a praedicta Congregatione imposita non solvissent, anno proxime praeterito concessas, & emanatas executioni demandari nolumus, earumque effectum pro hac vice tantum omnino suspendimus, donec, & quousque per Marcum Antonium Episcopum, & Cardinalem, ac Petrum Franciscum, necnon Visitatores, & Commissarios praedictos de mandato nostro eandem Congregationem visitantes, causae propter quas onera hujusmodi per eos soluta non fuerint, cognita

Constitutionem  
suam de sol-  
vendis oneri-  
bus Monaste-  
riorum suspen-  
dit.

fiant



sint, & pro veris, legitimis, & necessariis reperta fuerint. Et quod nullo umquam tempore Abbates, Priores, Præpositi, seu quocumque alio titulo nuncupati Prælati, Ministri, & Officiales, qui propter legitimas, & rationabiles causas per Protectorem, Generalem, & Commissarios sua onera solvere non potuisse reperti fuerint, molestari, seu perturbari occasione dictarum nostrarum literarum a quocumque Iudice, & a Sede Apostolica delegato possint, omni penitus contradictione, & oppositione remotis.

Clausula.

§.8. Sicque per quoscumque Iudices, & Commissarios ordinarios, & delegatos, etiam Causarum Palatii Apostolici Auditores, ac S. R. E. Cardinales, sublata eis, & eorum cuilibet quavis aliter iudicandi, & interpretandi facultate, & auctoritate, ubique judicari, & definiri debere, irritum quoque, & inane decernimus, si secus super his a quoquam quavis auctoritate scienter, vel ignoranter contigerit attentari.

Derogatio contrariorum

§.9. Non obstantibus Constitutionibus, & Ordinationibus Apostolicis, usibus, & naturis dictæ Congregationis, ac etiam iuramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis ipsi Congregationi, illiusque, ac dictorum Monasteriorum Superioribus, sub quibuscumque tenoribus & formis, ac cum quibusvis clausulis, & decretis, etiam irritantibus, etiam Motu proprio, ac consistorialiter, ac alias in contrarium quomodolibet concessis, approbatis, & innovatis. Quibus omnibus, etiam si de illis, illorumque totis tenoribus specialis, specifica, expressa, & individua, non autem per clausulas generales idem importantes mentio, seu quavis alia expressio habenda foret, illorum tenores presentibus pro expressis habentes, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Dat. die 1. Augusti 1587. An.III.

Datum Romæ apud S. Marcum, sub Annulo Piscatoris die 1. Augusti 1587, Pontificatus nostri Anno III.

## XCV.

Ex Regest. in Secret. Brev.

Statutum, quod libri linguæ Arabicæ, Turcicæ, Persicæ, & Caldaicæ etiam Sacræ Theologiæ, & quarumcumque facultatum imprimendi, ante quam imprimantur debeant per Cardinales super Congregatione Indicis deputatos examinari, & corrigi &c.

## S I X T U S P A P A V.

Ad perpetuam rei memoriam.

Gregor. XIII. Grammaticas linguarum Arabicæ, Turcicæ, Persicæ, & Chaldaicæ imprimi iussit pro Collegiis a se erectis,

§. A Lias fel. rec. Gregorius Papa XIII. Prædecessor noster dilectum filium nostrum Ferdinandum Sanctæ Mariæ in Viata Diaconum Cardinalem de Medicis nuncupatum Protectorem linguæ Arabicæ con-

stituit, & deputavit, eique, ut prædictæ, ac Turcicæ, Persicæ, & Caldaicæ linguarum usus, & exercitium in Collegiis ab eodem Prædecessore in Urbe institutis quanto citius introducerentur, grammaticales Institutiones, & dictionaria ipsarum linguarum fideliter conscribi, & exarari, conscriptaque, & exarata, & alios libros linguis prædictis compilatos, & compilandos, ac interpretandos imprimi, & Typis excudi faciendi curam demandavit, prout in literis ipsius Prædecessoris in forma Brevis desuper confectis plenius continetur.

§.2. Cum autem, sicut accepimus, hoc negotium, spatio quatuor annorum, & ultra, non sine dicti Ferdinandi Cardinalis maxima impensa, ac laboribus, & vigiliis personarum ab eodem Ferdinando Cardinale ad hoc deputatarum eo redactum sit, quod non solum prædicti, sed etiam omnes alii libri prædictarum, & aliarum partium Orientalium linguarum etiam Sacri, & quarumcumque aliarum facultatem de facili imprimi poterunt.

§.3. Nos sperantes, quod ex huiusmodi impressione librorum, & dictarum linguarum apud Christianifideles cognitione, in partibus Infidelium fides Catholica, quæ antiquis temporibus inibi floruit, verbi Dei prædicatione, dictorumque librorum lectione, dante Domino, restitui poterit. Ac propterea tam laudabile, & Reipublicæ Christianæ salutiferum opus, quantum in Nobis est, confovere, utque præmissa omnia quanto citius, & sub ea, qua decet correctione, sublatis impedimentis quibuslibet, publicari, & in lucem poni possint, providere volentes, Motu proprio, non ad alicujus super hoc oblata Nobis petitionis instantiam, sed ex certa scientia nostra volumus, & Apostolica auctoritate statuimus, & ordinamus, quod libri prædictarum linguarum etiam Sacræ Theologiæ, & utriusque Juris scientiæ, nec non aliarum quarumcumque facultatum de cetero imprimendi, antequam imprimantur, a dilectis filiis Sanctæ Romanæ Ecclesiæ Cardinalibus, & aliis personis super Congregatione Indicis a Nobis, & Successoribus nostris deputatis, & deputandis examinentur, & corrigantur, qui sic examinati, & correcti possint a Deputatis ab eodem Ferdinando Cardinale libere, & absque alicujus impedimento imprimi, ac impressi ubique locorum teneri, legi, & vendi.

§.4. Decernentes Deputatos ab eodem Ferdinando Cardinale super præmissis per quoscumque quomodolibet molestari, perturbari, seu inquietari non posse, irritum quoque, & inane, si secus super his a quoquam quavis auctoritate scienter, vel ignoranter contigerit attentari.

§.5. Non obstantibus Constitutionibus, & Ordinationibus Apostolicis, ac privilegiis, indultis, & literis Apostolicis quibusvis personis etiam ejusdem Sanctæ Romanæ Ecclesiæ Cardinalibus, etiam motu, & scientia similibus, etiam consistorialiter, ac alias in contrarium quomodolibet concess-

Hinc alii etiam Libri Scribi compacti sunt a Cardinale de Medicis.

Caver itaque Sixtus, ne tales Libri imprimantur in consulta Sac. Congregatione Indicis.

Clausula.

Derogatio contrariorum



cessis, approbatis, & innovatis. Quibus omnibus etiam si de illis, eorumque totis tenoribus specialis, specifica, & expressa mentio habenda esset, tenores hujusmodi ac si de verbo ad verbum infererent. presentibus, pro expressis, & insertis habentes: illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Marcum sub annulo Piscatoris die 5. Augusti 1587. Pontificatus nostri Anno III.

## XCVI.

De Constitutionibus Pii IV. & Pii V. circa Confidentias beneficiales editis, in Regno Galliae exequendis, cum moderatione poenarum.

*Hanc bullam Pii IV. n. 99. habes in Tom. IV. P. II. fol. 190. Romanum & Pii V. n. 107. habes in T. IV. P. III. Intolerabiles fol. 67. Et de materia confidentiarum, & Simoniarum beneficium vid. superius in Con. LXXI. Divina sup. fol. 270.*

## SIXTUS EPISCOPUS

SERVUS SERVORUM DEI

Ad perpetuam rei memoriam.

Prooemium.

**P**astoralis officii sollicitudo. Nos admonet, ut quae ad Dei laudem, animarumque salutem a Praedecessoribus nostris provide statuta fuisse noscuntur, debita executioni demandari curemus, & si quando opus sit, illa etiam moderentur, prout personarum, & locorum qualitate pensata id in Domino conspiciamus salubriter expedire.

Pii IV. Bulla est cit. in rub.

§. 1. Sane felicitis recordationis Pius Papa Quartus Praedecessor noster, ad tollendam fiduciarie mancipationis beneficiorum Ecclesiasticorum corruptelam, statuit, & decrevit &c. *Omittitur residuum hujus narrationis, quia ipsa est citata in rubr.*

Pii V. Bulla est cit. in rub.

§. 2. Et deinde recolendae memoriae Pius Papa Quintus etiam Praedecessor noster, ad tam nefarium crimen facilius detegendum, & profligandum, similiter statuit, & decrevit &c. *Omittitur residuum hujus narrationis, quia bulla citata est in rubr.*

Hic modo Pontifex mandat in Regno Franciae dictas Bullas executioni demandari ab Ordinariis &c.

§. 3. Cum autem sicut accepimus, literae praedictae in Regno Galliae ob temporum injuriam, aliasque varias subortas difficultates, diversaeque impedimenta adhuc debita executioni non fuerint demandatae, ac propterea, tam perniciosum confidentiae vitium, quod celeriter extirpari, & eradicari oportuerat, in dies magis serpere, ac propagari noscatur in maximum animarum periculum, ac scandalum plurimorum. Nos ad hanc corruptelam e Regno illo, quod non ita dudum omni Christianarum virtutum genere florebat, & adjuvante Domino etiam in posterum florebit, tollendam, ac prorsus eliminandam, animarumque salutis in primis consulere volentes, omnibus, & singulis dicti Regni Archiepiscopis, &

Episcopis, eorumque Officialibus, & ad quos de jure, & consuetudine pertinet, per praesentes mandamus, ac sub interminatione divini iudicii districtius injungimus, ut in suis quisque Ecclesiis, Civitatibus, Diocesis, & locis etiam exemptis, ad praedicta studiose attendant, & in eos, qui in confidentiae crimine, praesertim vero in aliquo ex casibus superius expressis, etiam per praesumptiones, & conjecturas praedictas deliquisse constiterit, severe animadvertant. Qui si in praemissis exequendis negligentiores fuerint, eorum negligentiam suppleri volumus a Capitulis Ecclesiarum Metropolitanarum, & Cathedralium, ac etiam Collegiatarum, ubi de beneficiis ipsarum Collegiatarum Ecclesiarum agatur, ac etiam ab Abbatibus, seu Prioribus, Claustralibus, & Conventibus Monasteriorum, aliorumque regularium locorum, ubi de eorundem Monasteriorum, seu locorum officiis, & beneficiis quaestio extiterit.

§. 4. Et nihilominus appellationes a sententiis, quas contra delinquentes hujusmodi fieri contigerit, ad proximos superiores juxta canonicas sanctiones devolui, executionem tamen sententiarum praedictarum minime impedire, aut retardare.

§. 5. Beneficia vero occasione confidentiae hujusmodi ad praesens vacantia, & in posterum vacatura ab ipsorum beneficiorum ordinariis collatoribus, perinde, ac si dispositioni dictae Sedis Apostolicae minime reservata fuissent, libere conferri, & de illis provideri posse, & debere decernimus, dum tamen talium criminum participes, aut consentientes non fuerint. Quo casu, ac etiam ubi iidem ordinarii collatores per sex menses a die detectae, & comprobatae, seu convictae confidentiae beneficia ipsa, ut praesertur, vacantia, canonice conferre, & de illis providere neglexerint, beneficiorum eorundem Collatio, & provisio ad proximos superiores devoluatur. Quae vero beneficia de jure patronatus laicorum fuerint, ad eorundem patronorum praesentationem, dummodo in crimine hujusmodi non fuerint participes, conferri. De Ecclesiis vero, ac Monasteriis, aliisque beneficiis Ecclesiasticis, ac carissimis in Christo filii nostri Henrici Tertii Francorum Regis Christianissimi nominationem spectantibus, novam ipsius Regis nominationem juxta concordata, seu indulta a Sede Apostolica ei concessa volumus expectari.

§. 6. Fructus vero ex Ecclesiis, Monasteriis, & aliis beneficiis praedictis male, & indebite perceptos, in usum, ac reparationem Ecclesiarum, Monasteriorum, & beneficiorum praedictorum, super quibus confidentia hujusmodi contracta, & commissa fuerit, per Archiepiscopos, Episcopos, seu Officiales, aliosque praedictos converti, & applicari posse volumus, ac decernimus.

§. 7. Magnopere hortantes, & enixe in Domino requirentes eundem Regem Christianissimum, ut omne studium, operam, &

Appellationem non suspensivam coedit.

Beneficia ex hoc crimine vacantia per Ordinationes d. Regni conferri indulget.

Fructus eorum, usui Ecclesiarum applicari jubet.

Hortatur Regem ad executionem.



& auctoritatem ad prædicta peragenda, & exequenda præstare, & impertiri velit.

Abolutionis  
a censuris Nū-  
cio reservat.

§.8. Abolutionem autem a censuris, & poenis, ac irregularitatibus propter crimen confidentiæ hujusmodi quomodolibet incurfis pro tempore existenti nostro, & Sedis Apostolicæ apud Regem prædictum Nuncio, & quo ad Provinciam sub Legatione Avinionen. comprehensas eidem Avinionen. Legato, cum facultate etiam alios subdelegandi, de quorum pietate, & prudentia magis confidant, per præsentis committimus, & demandamus.

Derogatio  
contrariorum

§.9. Non obstantibus Pii Quarti, & Pii Quinti Prædecessorum prædictorum literis, quas quo ad dictum Regnum in superius expressis duximus relaxandas, & moderandas, illis nihilominus quo ad alia Regna, & loca in suo robore duraturis, aliisque Apostolicis Constitutionibus, privilegiis quoque, & indultis, generalibus, vel specialibus quorumcumque tenorum existant, per quæ præsentibus non expressa, aut in totum non inserta præsentium effectus, & executio impediri valeat quomodolibet, vel differri, & de quibus, eorumque totis tenoribus habenda sit in nostris literis mentio specialis, ceterisque contrariis quibuscumque.

Fides exem-  
plorum.

§.10. Volumus autem, ut præsentium exempla etiam impressa edantur, eaque Notarii publici manu, & cujusque curiæ Ecclesiasticæ ejusve Prælati sigillo obsignata, eandem illam prorsus fidem in judicio, & extra ubique locorum faciant, quam ipsæ præsentis facerent, si essent exhibitæ, vel ostensæ.

Sanctio, per-  
nalis.

§.11. Nulli ergo omnino hominum liceat hanc paginam nostrorum mandati, injunctionis, decretorum, hortationis, requisitionis, commissionis, demandationis, & voluntatum infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

D. P. An. III.  
23. Augusti.

Datum Romæ apud Sanctum Marcum, Anno Incarnationis Dominicæ, millesimo quingentesimo octuagesimo septimo Idus Augusti, Pont. nostri Anno III.

### XCVII.

Studii generalis Almæ Urbis regimen Collegio Advocatorum Consistorialium confertur, cum antiquorum Privilegiorum, confirmatione, & Præcedentiæ concessione.

De hujus Studii erectione, & indultis, vide in Bonif. VIII. Const. XVI. In supremæ. Tom. III. Par. II. fol. 95. De Advocatis autem Consistorialibus, vide in Bull. IV. Martini V. In Apostolicæ Tom. III. Par. II. fol. 428.

SIXTUS EPISCOPUS

SERVUS SERVORUM DEI

Ad perpetuam rei memoriam.

Proœmium.

S Acri Apostolatus ministerio, meritis licet insufficientibus, superna dispositione

præsidentes, inter ceteras curas, quæ animi nostrum delectant illam libenter suscipimus, per quam nostræ provisionis auspiciis, officia singula, præsertim in hac Urbe nostra consistentia, illorumque regimina, viris committantur idoneis, quorum opere, & auxilio adolescentes, studii bonarum artium causa, & diversis mundi partibus ad ipsam Urbem confluentes, eorum animos, virtutibus, & bonis moribus feliciter excolere valeant, ac desuper officii nostri partes interponimus, prout in Domino conspiciamus salubriter expedire.

§.1. Sane licet alias officium Rectoratus Gymnasii Almæ Urbis, uni ex Prælati Romanæ Curie ad ejus vitam concedi, & assignari solitum fuerit, &c. Nihilominus attendentes, quod si dictum Officium Collegio dilectorum filiorum sacre Aulæ nostræ Consistorialis Advocatorum perpetuo uniatur, annecteretur, & incorporaretur, idem officium feliciter gubernaretur, ac utilitati publicæ, & ipsius Gymnasii plenius consuleretur, cum in dicto Collegio semper adsint viri literarum scientia, rerum experientia, ac usu, & prudentia præstantes. Idcirco quaslibet concessiones, assignationes, ac alias dispositiones de dicto officio per Nos, ac prædictum, ac quosvis alios Prædecessores nostros, dictis, & aliis quibuscumque personis hæcenus factas, præmissis, & certis aliis rationabilibus causis adducti, harum serie specialiter, & expresse revocantes, cassantes, irritantes, & annullantes, illasque prorsus, & omnino revocatas, cassas, irritas, & annullatas esse, & censeri debere declarantes, easdemque personas a prædicto officio penitus amoventes, ac utilitati publicæ prospicere, ipsumque Collegium, ac illius singulares personas, a quibuscumque excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine, quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, ac dictarum literarum tenores præsentibus pro sufficienter expressis habentes.

§.2. Motu proprio non ad Collegii prædictorum, vel aliorum pro ipsis Nobis super hoc oblata petitionis instantiam, sed de nostra mera liberalitate, & ex certa scientia nostra, deque Apostolicæ potestatis plenitudine, Officium Rectoratus Gymnasii Urbis hujusmodi, per ipsos Collegium regendum, & gubernandum, juxta providam dispositionem, & ordinationem, per eos, vel eorum majorem partem faciendam, & toties, quoties eis, vel eorum majori parti expedire videbitur, mutandam, cum omnibus, & singulis illius fructibus, redditibus, proventibus, juribus, obventionibus, & emolumentis universis, & quibuscumque tam ordinariis, quam extraordinariis, & quæ alii, qui pro tempore fuerunt Rectores dicti Gymnasii, quovis modo habuerunt, seu habere potuerunt, ac quibuscumque causis, & rationibus, necnon cum quibuscumque honoribus, one-

Revocatio  
concessionum  
regiminis Stu-  
dii cuicunque  
concessi.

Concessio di-  
cti regiminis  
cum suis one-  
ribus, hono-  
ribus & emo-  
lumentis, Col-  
legio Advoca-  
torum Consistorialium.



oneribus, præ eminentiis, ante lationibus, prærogativis, jurisdictionibus, auctoritatibus, facultatibus, libertatibus, immunitatibus, & exemptionibus, privilegiis, & indultis, solitis, ac consuetis, & quibusvis aliis concessionibus, & gratiis, tam ultimus, quam alii Rectores dicti Gymnasii, quavis ratione, vel causa, usi, gavis, & potiri fuerunt, ac uti, gaudere, & potiri potuerunt, Collegio Advocatorum huiusmodi, ita quod liceat ipsis Collegio, per se, vel alium, seu alios eorum, & Collegii huiusmodi nominibus, corporalem, realem, & actualem possessionem dicti officii apprehendere, ac perpetuo retinere, illiusque fructus, redditus, proventus, jura, obventiones, & emolumenta percipere, exigere, & levare, & in suos, ac Collegii, & officii huiusmodi usus, & utilitatem convertere. Ipsumque officium per se, & quemlibet eorum exercere, regere, & gubernare, ac omnia, & singula quoad huiusmodi officium, ejusque liberum exercitium spectant, & pertinent, gerere, & facere cujusvis licentia desuper minime requisita, auctoritate Apostolica tenore præsentium perpetuo unimus, annectimus, & incorporamus &c.

Præcedentia ante alios Advocat. & Doctores etiam antiquiores eisdem datur.

§. 3. Ac, ut Collegium, & Advocati huiusmodi, qui majoribus occupationibus detinentur, majoris etiam dignitatis titulo decorentur, omnibus, & singulis prædictæ Aula Consistorialis Advocatis, ut ipsi universos, & quoscumque Advocatos, Procuratores, Doctores, etiam antiquiores, & quoscumque alios, tam in Romana Curia, quam extra eam præcedant.

Doctorandi facultas, & alia quæcumque privilegia confirmantur.

§. 4. Omniaque, & quæcumque privilegia eisdem Collegio, & Advocatis, per quoscumque Romanos Pontifices Prædecessores nostros, & præcipue per præ memorie Julium Papam Tertium etiam Prædecessorem nostrum, super facultate Doctores creandi, etiam privative quo ad alios, quæ privilegia, & literas Apostolicas desuper confectas, eorum tenorem præsentibus etiam pro expressis habentes, auctoritate, & tenore prædictis confirmamus, & innovamus, & quatenus opus sit, de novo concedimus, Motu, scientia, ac potestatis plenitudine prædictis. Ac universis, & singulis cujuscumque conditionis, status, gradus, dignitatis, & honoris, ne sub indignationis nostræ, aliisque arbitrio nostro imponendis poenis, eisdem Collegium Advocatorum, in præmissis, vel circa ea, aut in eorum aliquo quomodolibet impedire, molestare, perturbare, seu inquietare, contra præsentium continentiam, & tenorem ullatenus audeant, vel præsumant, districtius inhibemus, necnon omnibus, & singulis, ad quos spectat, & spectabit quomodolibet in futurum, ut hæc omnia plene observent, & observari faciant, præcipimus.

Clausula præservativa.

§. 5. Decernentes unionem, annexionem, incorporationem, applicationes, indultum, inhibitionem, ac præceptum prædicta, præsentisque literas, nullo umquam tempore, etiam ad prædictorum, & aliorum quorumvis instantiam, etiam ex quacum-

Bull. Rom. Tom. IV. Par. IV.

que, & inexcogitata causa, etiam sub prætextu, quod in forma juris facta non fuerint, revocari, alterari, limitari, modificari, aut ad terminos juris communis reduci, vel quempiam adversus illa in integrum restitui, seu de subreptionis, vel obreptionis, aut nullitatis vitio, seu intentionis nostræ, aut alio quovis defectu notari, vel impugnari posse, dictosque Collegium ad causam, seu causas, propter quas illa emanarint, coram quocumque verificandum non teneri, nec propterea, aut ex eo quod interesse prætendentes vocati non fuerint, per subreptionem, vel obreptionem obtenta præsumi, aut alias viribus carere, ac illorum quasvis revocationes, suspensiones, derogationes, vel limitationes, pro tempore factas, & emanatas, pro nova illorum concessione haberi, ac quoties illa emanabunt, toties renovata, & de novo concessa, etiam sub datum per eosdem Collegium eligenda censi, ac Collegium huiusmodi eorumdem locorum emptores, & quoscumque alios in præmissis interesse quomodolibet prætendentes, ad probandum, seu verificandum præmissa, & in quos usus prædicta summa conversa fuerit, nullo umquam tempore tenen. nec locorum huiusmodi proventus, in sortem, principalem computari.

§. 6. Sicque per quoscumque Judices, & Commissarios, etiam causarum Palatii Apostolici Auditores huiusmodi, ac Sanctæ Romanæ Ecclesiæ Cardinales, etiam de latere Legatos, ac alios quoscumque, sublata eis, & eorum cuilibet quavis aliter iudicandi, & interpretandi facultate, & auctoritate, in quavis instantia iudicari, & definiri debere, & irritum &c.

Decretum irritans.

§. 7. Quocirca dilecto filio Magistro Evangelistæ Pallotto, Datario, & Prælato domestico nostro, Motu simili per Apostolica scripta mandamus, quatenus ipse, per se, vel alium, seu alios faciat auctoritate nostra, Collegium, ac illius Advocatos prædictos unionem, annexione, incorporatione, permissione, concessione, impartitione, confirmatione, innovatione, inhibitione, & decreto, aliisque præmissis, pacifice frui, & gaudere. Non permittentes eos, & eorum quemlibet desuper contra præsentium tenorem quomodolibet, per quoscumque indebite molestari. Contradictores per censuras, & poenas ecclesiasticas, aliaque opportuna juris, & facti remedia, appellatione postposita, compescendo.

Deputatio executoris.

§. 8. Non obstantibus præmissis, ac nostra de non tollendo jure quæsito, & aliis Cancellariæ Apostolicæ regulis, ac quatenus opus sit, Lateranensis Concilii novissime celebrati uniones perpetuas, nisi in casibus a jure permissis fieri prohiben., & aliis Constitutionibus, & Ordinationibus Apostolicis, necnon Urbis, & Advocatorum, ac Gymnasii, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eisdem Urbi, Collegiisque, & Tribunalibus, ac Gymnasii illius, ipsorumque Superioribus,

Derogatio contrariorum

V u

& per-



& personis, ac dilectis filiis Populo Romano, sub quibuscumque tenoribus, & formis, ac cum quibuscumque etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis, per quoscumque Prædecessores nostros, etiam iteratis vicibus, aut alias quomodolibet in contrarium concessis, approbatis, & innovatis. Quibus omnibus, & singulis, etiam si de illis, eorumque totis tenoribus specialis, specifica, & expressa, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua exquisita forma ad hoc servanda foret, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque. Volumus autem &c. Nulli ergo &c.

D.P. An.III.  
23. Augusti.

Datum Romæ apud S. Marcum, Anno Incarnationis Dominicæ 1587. Decimo Kalend. Septembris, Pontificatus nostri Anno tertio.

## XCVIII.

Declaratio circa proprietatem, olim Congregationi Canonicorum secularium, Sancti Georgii in Alga Venetiarum, absolute interdictam.

*Alia de institutione, & statu hujus Congregationis videnda sunt in Constitut. II. Gregorii XII. Illius Tom. III. Par. II. fol. 405.*

## SIXTUS PAPA QUINTUS

*Ad futuram rei memoriam.*

Proœmium.

**C**ircumspecta Romani Pontificis benignitas, fidelium quorumlibet sub regulari observantia pie vitæ studio vacantium, necessitatibus, & commoditatibus intendens, nonnunquam ab eo provide statuta moderatur, ac quæ sacrarum Religionum, & sanctionum decreta generaliter interdiciunt, fidelibus ipsis ex Apostolica potestatis plenitudine sibi tradita relaxat, & specialiter permittit, prout illorum statui, & conscientie purificationi conspici salubriter expedire.

Hic Pontifex Canonicis, & fratribus Congregationis proprietatem stricte interdixerat, solumque victu & vestitu eis subministrari jusserat.

§.1. Sane licet alias Nos, ut abusus habendi proprium, & retinendæ proprietatis pecuniarum, ac bonorum, etiam plerumque male acquisitionum, qui inter plures Canonicos, seu Fratres Congregationis Sancti Augustini, contra expressum paupertatis votum ab eis emissam irrepsit, extirparetur, & simul dissolutioni æri alieni, quo universa Congregatio gravata erat, ac aliis illius necessitatibus provideretur, universos, & singulos ejusdem Congregationis Fratres, seu Canonicos, ac Priores etiam generales, privato, & proprio rerum, bonorumque omnium, mobilium, & se moventium dominio, usu, usufructu, possessione, proprietate, & etiam pecuniis a quocumque peculio quomodolibet acquisitis, vel obtentis, per alias nostras literas perpetuo privaverimus, ac omnia, & quæcumque privilegia, dispensationes, licentias, permissiones, &

indulta unicuique eorum tam Apostolica, quam suorum Superiorum, etiam Generalis, Prioris, vel Capituli dictæ Congregationis auctoritate desuper concessa, confirmata, & innovata, revocaverimus, & annullaverimus, ac omnino prohibuerimus ne quis Frater, vel Canonicus ejusdem Congregationis, quocumque officio, vel dignitate, etiam Prioris generalis fungens, proprium quicquam, aut peculiare haberet, & a ceteris separatim sibi vendicaret, aut possideret, nec similes licentiæ, seu permissiones per quoscumque dictæ Congregationis Superiores, aut etiam Capitulum generale alicui unquam desuper concederentur. Insuper præceperimus, & mandaverimus, ut res, pecuniæ, debitorum nomina, redditus, taxæ, ac alia omnia, ut quæcumque bona supradicta, per singulos Fratres, seu Canonicos, qui aliquid tale privatim possiderent, in uno loco communiter a Priore, & Fratribus cujuscumque domus designando actu, & re ipsa intra certum tunc expressum tempus deponerentur, & quo ad dominium, possessionem, & usum in commune conferrentur, hisque perfectis, statim unusquisque Prior cujuslibet domus generalem Priorem de his omnibus diligenter certiorum faceret, transmissio ad eum inventario, in quo præmissa omnia antea privatim retenta, deinde vero in commune collata descripta essent. Demum ipse Prior generalis, victum, & vestitum, ac quantum rei convenientis præsens necessitas videretur postulare, cuique Canonico, seu Fratri congrue suppeditari curaret. Id autem omne, quod reliquum esset, in extinctione æris alieni, quo singulæ domus, vel tota Congregatio communiter obstricta erat, converteretur, aut ipsius domibus, vel universæ Congregationi ad communes usus, & nec sinitates sublevandas perpetuo applicaretur.

§.2. Quicumque autem literis nostris prædictis continuo non obtemperarent, vel ante illarum publicationem, pecunias, & alia prædicta occultarent, sive intra, vel extra domus prædictas deponerent, aut etiam in pias causas converterent, aut alicui pio loco assignarent, quique alios Canonicos, seu Fratres inobedientes, non statim Superioribus, ut præfertur, denunciarent, in pœnam privationis dignitatum, & officiorum suorum inciderent, & ad ea in posterum obtinenda inhabiles censerentur, ac pro crimine etiam tanquam fures severe punirentur, & excommunicationis sententiam incurrerent eo ipso, a qua non nisi in mortis articulo constituti, ab alio quam Romano Pontifice absolutionis beneficium valerent obtinere, prout in literis prædictis plenius continetur.

§.3. Nihilominus cum sicut accepimus, literæ ipsæ fuerint debitæ executioni, quantum commode fieri potuit, demandatæ, etiam ære alieno hujusmodi propemodum dissoluto, operæ præstium fore censuimus, circa prohibitionem nostram prædictam in omnes paulo severius interpositam, moderationis remedium adhibere, ac in futurum

Contravenientibusque pœnas imponeret, ut in ejus Bulla quamuri hic sufficiens enunciatam ponere nolui.

Nunc idem Pontifex ex causis hic expressis, de ejus prohibitionem moderatur, & reducit ad terminos Concilii Tridentini, & Constitutionum ipsius Congreg.

pro-



prospicere, ne stante prohibitione huiusmodi multorum animarum censuris predictis in salutis suae perniciem illaqueata remaneant, & non solum Fratres, seu Canonici predicti a rebus, pecuniis, & bonis ad vitae remedium, suis industria, & labore acquirendis, sed etiam eorum parentes, consanguinei, ab eleemosynis, donationibus, legatis, relictis, & aliis subventionibus eis privatim faciendis retrahantur, & exinde Congregatio ipsa, rerum, honorum, donationum, legatorum, relictorum, & subsidiorum huiusmodi successione destituatur, ac graviora dispendia, & expensarum onera subire cogatur in sublevandis necessitatibus eorundem Fratrum, seu Canoniorum, qui alias sine suae cuiusque domus incommodo, & dispendio se possent commode sustentari. Quocirca de Nobis attributa potestatis plenitudine, omnes & singulas censuras, & poenas in proprietarios, & alios predictos, dictarum literarum series promulgatas, ad eas dumtaxat, quae decretis sacrorum Canonum Concilii Tridentini, ac Ordinis, & Congregationis predictorum regulis, & Constitutionibus contra tales statuta sunt, Apostolica auctoritate, tenore praesentium reducimus, & moderamus, ac prohibitionem, & alia predicta, necnon omnia, & singula in eisdem nostris literis contenta, ad hoc ut deinceps Prior generalis pro tempore existens, necnon ii ex dictis fratribus, seu Canoniceis, quibus id ab ipso Priori generali, aut aliis eorum Superioribus specialiter permissum, aut indultum fuerit, ex pecuniis, rebusque & bonis unicuique eorum sigillatim intuitu personae suae donatis, vel relictis, ac in posterum donandis, vel relinquendis, aut suis labore, & industria, vel alias undecumque, licite tamen, & legitime, acquisitis, ac acquirendis, exceptis pecuniis per eosdem Fratres, & Canonicos vigore dictarum literarum ubicumque depositatis, quas in Monasteriorum, & Congregationis huiusmodi utilitatem omnino cedere volumus eam partem, & portionem, quae pro eorum moderato victu, & vestitu, ac occurrentibus necessitatibus, secundum cuiusque gradum, & qualitatem necessaria videbitur, privatim percipere, habere, retinere, ac in suos usus, & necessitates huiusmodi convertere libere, & licite, sine alicujus poenae, vel censurae incurfu, possint, & valeant, Apostolica auctoritate, & tenore praesentis relaxamus, eisque desuper indulgemus.

§.4. Necnon Priori generali, & aliis Superioribus Congregationis huiusmodi, ut quoscumque illius Fratres, seu Canonicos, qui haecenus praemissorum occasione excommunicationis vinculis, & aliis censuris predictis irretiti, ad ipsos humiliter recurrerint, & absolutionem petierint, praevia debita restitutione, seu satisfactione, si quae fuerit facienda, ab excommunicationis, & aliis censuris propterea incurfis absolventi, & totaliter liberandi, dictasque poenas eis remittendi, & condonandi, omnemque inhabilitatis, & infamiae maculam, sive notam

*Bull. Rom. Tom. IV. Par. IV.*

contra eos praemissorum occasione quomodolibet insurgentem ab eis abdicandi, ipsosque, & eorum singulos in pristinum, & eum, in quo antea quomodolibet erant, statum restituendi, reponendi, & plenarie reintegrandi, plenam, & liberam eisdem auctoritate, & tenore concedimus facultatem.

§.5. Non obstantibus prohibitione, aliisque praemissis, & Apostolicis, ac in Provincialibus, Synodalibus, & universalibus Conciliis editis, specialibus, vel Synodalibus Constitutionibus, & Ordinationibus, necnon Congregationis, Ordinis, & domorum huiusmodi, etiam juramento, confirmationem Apostolica, vel quavis firmitate alia roboratis statutis, & consuetudinibus, ceterisque contrariis quibuscumque.

§.6. Volumus autem, quod earumdem praesentium transumptis &c.

Datum Romae apud Sanctum Marcum sub Annulo Piscatoris, die 5. Sept. 1587., Pontificatus nostri Anno III.

Clausulae derogatoriae.

Fides exemplorum.  
D. P. An. III.  
5. Septemb.

## XCIX.

Prohibitio admittendi ab Beneficia Regni Valentiae, alienigenas Regnorum Hispaniae, in quibus ipsi Valentini ad similia, non admittuntur.

## SIXTUS EPISCOPUS

SERVUS SERVORUM DEI

*Ad perpetuam rei memoriam.*

**I**N Sacrosancto Beati Petri Principis Apostolorum Solio, nullis nostris meritis, sed sola Redemptoris nostri benignitate constituti, in universi Orbis Regionibus, & Provinciis, praesertim Infidelibus, & barbaris nationibus adjacentes, aciem nostrae meditationis more vigilis Pastoris Dominici gregis passim reflectimus, & ut ibidem divini nominis, ac Catholicae Religionis cultus feliciter conservetur, & effloreat, illarumque indigenae fidei, & devotionis erga Sanctam Sedem sinceritate Apostolicis favoribus, ac spiritualibus, & temporalibus adjumentis jugiter confoveantur, opem, & operam libenter intendimus, ac in his Pastoralis Officii nostri partes favorabiliter interponimus, prout Regionum, & Provinciarum, huiusmodi publicae utilitati, & felici statui, ipsorumque indigenarum ad Ecclesiastica ministeria, & literarum studia, directioni, & commoditati cognoscimus in Domino salubriter expedire.

§.1. Cum itaque, sicut accepimus, Regnum Valentiae in citeriori Hispania consistens angustissimos fines habeat, & nihilominus populi multitudine refertum, & in illius Metropoli Universitas Studii generalis celeberrima a fel. rec. Alexandro Papa VI. Praedecessore nostro inde oriundo ad ipsius Regni indigenarum, & quorumcumque aliorum ibi confluentium, necnon Theologiae, ac utriusque juris, & aliis optimis scientiis vacare affectantium instructionem, atque profectum instituta, & ab eo, ac etiam nuper

Prooemium.

Causa huius Constitutionis.

Superioribusque Ordinibus facultate concedi remittendi poenas incurfas.



per a Nobis variis amplissimisque privilegiis, & gratiis ornata existat, & alienigenæ, præsertim ex Hispaniarum Regnis, Provinciis, & dominiis, & illis adjacentibus insulis oriundi, dignitates, Canonicatus, præbendas, & alia beneficia Ecclesiastica in dicto Regno Valentia constituta ambientes, si qui de illis provideri, ac fructus eorundem, & seu pensiones desuper reservari procurent, & passim absque ullo obstaculo ad beneficia, fructus, & pensiones huiusmodi recipiantur, & admittantur, ipsius vero Regni Valentia indigenæ in aliis Regnis, Provinciis, dominiis, & insulis prædictis, prætextu quorundam privilegiorum, & indultorum Apostolicorum, seu Constitutionum, aut sanctionum, pragmaticarum nuncupatarum, vel consuetudinum ibidem vigentium ab assentione quorumcumque beneficiorum, & perceptione fructuum, & pensionum omnino excludantur, ac repellantur, & exinde plerique eorum, qui assiduis laboribus, & vigiliis, maximisque impensis in dicta Universitate tamquam ingeniarum artium, ac sacrarum, & aliarum scientiarum uberrimo seminario, virtutis, & doctrinæ semina susceperunt, & in agro Dominico, si ad illius culturam vocarentur, salutaria germina, quæ Altissimo lectissimos fructus suo tempore redderent, producere, sibi quæque ipsis, & aliis ad salutem, ac Catholicæ Religionis, Fideique propagationem, & conservationem prodesse possent, nequeunt beneficia Ecclesiastica, aut fructus, vel pensiones pro eorum decenti sustentatione, neque in patriæ solo, propter exterorum illa occupantium frequentiam, minusque extra illud assequi, exacta jam ætate, & facultatibus suis consumptis, veluti inertes ærumnosam, & miserabilem vitam ducere, ac paupertatem in senectute (quod durissimum est) tolerare cogantur, alii vero illorum conditione perterriti, & spe assentionis beneficiorum huiusmodi destituti, se clericali militiæ adscribi, ac in disciplinis, & ministeriis Ecclesiasticis, sacrarumque literarum studiis se exercere non curent. Et denique proceres, nobiles, & alii Incolæ ejusdem Regni Valentia a beneficiorum fundatione, ac jurium eorundem, libertatisque Ecclesiasticæ defensione, & tuitione quodammodo retrahantur.

§.2. Nos statui indigenarum Regni Valentia huiusmodi paterna caritate compatiunt, ac æquum, & rationi consonum esse censentes, ut ipsi in beneficiorum ejusdem Regni assentione exteris præferantur, aut saltem ad beneficia aliorum Regnorum, Provinciarum, Dominiorum, & Insularum huiusmodi ad instar incolarum eorundem æquo jure admittantur, ac eandem conditionem experiantur, ac propterea pro Pastoralis officii nostri munere, præmissis incommodis occurrere, & desuper opportune providere volentes, ipsosque indigenas, ac eorum singulos a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure, vel ab homine, quavis oc-

casione, vel causa latis, si quibus quomodolibet innodati existunt, ad effectum præsentium duntaxat consequendum, harum serie absolventes, & absolutos fore censentes, necnon beneficiorum in dicto Regno Valentia consistentium qualitates, quantitates, innovationes, nuncupationes, denominationes, situationes, & illorum fructuum veros annuos valores præsentibus pro expressis habentes, Motu proprio, non ad indigenarum prædictorum, vel alicujus ipsorum, aut alterius, seu aliorum pro eis Nobis super hoc oblata petitionis instantiam, sed ex mera deliberatione, & certa scientia nostra, ac de Apostolica potestatis plenitudine, hac nostra in perpetuum valitura Constitutione statuimus, & ordinamus, quod ex nunc deinceps perpetuis futuris temporibus, omnia, & singula beneficia Ecclesiastica in universo Regno Valentia huiusmodi, nunc, & pro tempore consistentia, etiam si Canonicatus, & præbendæ, dignitates etiam majores post Pontificales, & principales personatus, administrationes, & officia, etiam curata, & electiva, in Metropolitana, & aliis Cathedralibus, ac Collegiatis Ecclesiis, necnon Parochiales Ecclesiæ, seu earum perpetuæ Vicariæ, ac in Romana Curia, vel extra eam litigiosa, & de jure patronatus, etiam Regum, Ducum, vel aliorum laicorum, etiam nobilium, & illustrium, seu eorum, & Clericorum mixtim, etiam ex fundatione, vel donatione, aut indulto Apostolico seu alias quomodolibet qualificata sint, vel fuerint, quoties illa per cessum, etiam ex causa permutationis, vel decessum, seu quamvis aliam dimissionem, vel amissionem, aut privationem ea pro tempore obtinentium, seu jus in illis, vel ad illa habentium, aut alias quovis modo etiam apud Sedem prædictam, ac etiam in aliquo ex mensibus, in quibus vacantium beneficiorum Ecclesiasticorum dispositio Nobis, & Sedi Apostolicæ etiam per Constitutiones Apostolicas, seu Cancellariæ Apost. regulas est, vel pro tempore fuerit reservata, vel etiam Ordinariis Collatoribus per easdem Constitutiones, seu regulas, vel litteras alternativarum, aut alia privilegia, & indulta concessis hætenus, & in posterum concedendis, simul vel successive vacare contigerit, etiam si actu nunc, ut præfertur, vel alias quibusvis modis, & ex quorumcumque personis vacent, ac ex eo quod beneficia ipsa obtinentes, seu in illis, vel ad illa jus habentes, nostri, & quorumcumque aliorum Roman. Pontificum Prædecessorum, seu Successorum nostrorum, aut S. R. E. Cardinalium, etiam viventium, & in dicta Curia præsentium familiares, continui commensales, seu dictæ Sedis Notarii, Subdiaconi, Acolythi, Cappellani, litterarum Apostolicarum Abbreviatores, Scriptores, Cubicularii, Scutiferi, proventum, & jurium Camera Apost. debitorum Collectores, & Subcollectores, seu quicumque alii Curia, & Sedis prædictarum officiales, etiam sub diversis

Ad beneficia Regni Valentia quovismodo vacatura, indigenæ ejusdem Regni in eo vere nati, & non alienigenæ aliorum Regnorum Hispaniæ admittantur.



versis Constitutionibus fel. recor. Pauli Papæ IV. Prædecessoris nostri, suorum, & pro tempore existentium Romanorum Pontificum familiarium, continuorum commensalium, declaratorum comprehensi, præsentibus, & futuri quocumque nomine nuncupati, seu ex quavis alia causa dispositioni Apostolicæ specialiter, vel alias generaliter reservata, aut ex generali reservatione Apostolica affecta, seu ad Sedem eandem devoluta existant, vel fuerint, solis indigenis dicti Regni, vere, realiter, & non ficti in eo natis, & nascituris, affecta, & debita, prædictique alienigenæ ad huiusmodi beneficia, in titulum, commendam, administrationem, vel alias quomodolibet obtinendum, aut illorum fructus, redditus, proventus, jura, obventiones, distributiones, & emolumenta quæcumque seu super eis pensiones annuas percipiendum, omnino inhabiles, ac incapaces, & si ullo umquam tempore eadem beneficia etiam ad illorum patronorum præsentationem sibi conferre, aut de illis provideri, seu fructus, redditus, proventus, & pensiones huiusmodi reservari obtinuerint, aut collationibus, provisionibus, institutionibus, reservationibus, & aliis dispositionibus ipsis desuper factis, seu etiam Motu simili concessis, uti, seu eas ratas, & gratas habere præsumpserint, omni, & quocumque beneficio, & officio Ecclesiastico per eos, etiam extra dictum Regnum ubicumque obtento, eo ipso absque aliqua declaratione desuper facienda, privati existant.

§.3. Necnon quicumque Ordinarii, & alii inferiores collatores, ac etiam patroni, qui contra præmissa quicquam attentare præsumpserint, a quorumcumque beneficiorum collatione, provisione, electione, præsentatione, institutione, & quacumque alia dispositione, prout cuique competierit, tamdiu suspensi remaneant, donec remissionem a Romano Pontifice pro tempore existente meruerint obtinere. Et nihilominus si sic suspensi conferre, providere, eligere, præsentare, instituere, aut alias quomodolibet disponere ausi fuerint, excommunicationis lætæ sententiæ poenam eo ipso incurrant, nec ullus alius quam Romanus Pontifex pro tempore existens, sive absolutionis, sive relaxationis beneficium, excepto mortis articulo, valeat eis impartiri.

§.4. Notarii vero, & tabelliones, etiam Apostolica, vel Imperiali aut Regia, seu alia quacumque auctoritate creati, qui super adipiscenda possessione cujuscumque beneficii in dicto Regno Valentia pro tempore rogabuntur, nisi prius eis fide dignorum testimoniis, aut alias legitime constiterit, eum, cui possessio ipsa fuerit tradenda, vere, realiter, & non ficti in eodem Regno Valentia natum fuisse, ullum omnino super actu possessionis huiusmodi instrumentum publicum, aut quancumque aliam etiam privatam scripturam conficere, seu in protocollum redigere minime valeant,

& si secus fecerint, crimen falsi eo ipso etiam incurrant, necnon ad huiusmodi, ac quæcumque alia munera, & officia, publicæque functiones similiter inhabiles existant.

§.5. Et quicumque Iudices Ordinarii, vel delegati, coram quibus litem contra quemcumque alienigenam in quovis beneficio contra præsentium tenorem intrusum, tam in dicta Curia, quam extra eam moveri contigerit, cum primum sibi legitime constiterit, beneficium ipsum ab alienigena detineri, possessionem, ac fructus, redditus, & proventus ejusdem beneficii, donec iis, ad quos de jure spectabunt, adiudicentur, sequestrare, ac sub arcto, & firmo sequestro ponere debeant, & teneantur. Ita tamen, ut si in foundationibus beneficiorum de jure patronatus laicorum, seu illorum, & clericorum, mixtim, ut præfertur existentium, caveatur expresse, quod nonnisi per clericos, seu presbyteros de ipsorum fundatorum genere, & familia oriundos obtineri possint, eo casu etiam alienigenæ, de genere, seu familia fundatorum huiusmodi ad illa præsentari, ac in eis institui libere possint, nec sub præsentis statuto quo ad assecutionem talium beneficiorum comprehendantur.

§.6. Et quatenus ullo umquam tempore licuerit, & permissum fuerit prædictis indigenis beneficia, fructus, & pensiones in aliquo ex aliis Regnis, Provinciis, Dominiis, & Insulis prædictis, libere, & indifferenter absque aliquo obstaculo, perinde, ac si ibidem nati essent, obtinere, & percipere, ipsi quoque alienigenæ ex tali Regno, seu Provincia, vel Dominio, aut Insula orti ad similia beneficia, ac fructus, & pensiones in dicto Regno Valentia vicissim admitti debeant, & ad illa habiles, & capaces censeantur.

§.7. Decernentes omnes, & singulas collationes, provisiones, commendas, electiones, acceptationes, præsentationes, institutiones, & quasvis alias dispositiones de quibuscumque beneficiis dicti Regni Valentia, ut præfertur, vel alias quomodolibet qualificatis, ac reservationes illorum fructuum, reddituum, proventuum, & pensionum super eisdem in favorem dictorum alienigenarum, contra præsentis statuti formam, & tenorem, etiam per Nos, & quoscumque alios Romanos Pont. Successores nostros, dictamque Sedem, ac illius Legatos etiam de Latere, & Nuncios, omnesque, & singulos alios jus, & facultatem conferendi, providendi, commendandi, eligendi, præsentandi, instituendi, & alias quomodolibet de huiusmodi beneficiis disponendi, illorumque fructus, redditus, proventus, & super eis pensiones reservandi ab ipsa Sede habentes, necnon Ordinarios, & alios inferiores collatores, etiam ad Patronorum præsentationem, seu de illorum consensu pro tempore factas, ipso jure nullas, & invalidas, nulliusque roboris, vel momenti fore, & esse, ac pro nullis, & infectis haberi, nec per eas cuiquam jus, vel

Alienigenæ autem prædicti admittentur ad beneficia jurispatronatus si in foundationibus caveatur per oriundos de genere fundatorum dumtaxat illa obtineri posse.

Et etiam alienigenæ alicujus Regni Hispania in quo ipsi Valentini ad beneficia admittentur.

Collationes, & provisiones quæcumque ad favorem alienigenarum, contra d. formam fieri, nullæ erint.

Collatoresque in præmissis contravenientes penis hic expressis afficiuntur.

Notarii quocumque super adipiscenda possessione beneficiorum dicti Regni Valentia per alios, quam Nativis d. Regni scripturam aliquam conficientes penis hic descriptis puniuntur.



vel etiam coloratum possidendi titulum tribui posse, ipsosque alienigenas illarum prorsus usu, & commodo carere, nec Cancellaria Apostolica regulas, seu Constitutiones de annali, & triennali possessoribus etiam propter quantumvis diuturnam continuata possessionis tollerantiam, aut quodcumque aliud jus, vel beneficium ullo tempore illis suffragari, sed beneficia huiusmodi, ut prius vacare, & quæ ex illis tempore dispositionis Apostolicæ dictis alienigenis factæ eidem dispositioni reservata, seu affecta fuerint, sub eadem reservatione, seu affectione remanere, & illa, quam etiam omnia alia non reservata neque affecta, de quibus a dicta Sede, vel illius Legatis, seu Nunciis, aut aliis jus, & facultatem conferendi a dicta Sede, ut præfertur habentibus in huiusmodi alienigenas quodcumque dispositum fuerit, ad novam Romani, Pontificis pro tempore existentis dispositionem dumtaxat pertinere, ab Ordinariis vero, & aliis inferioribus collatoribus, cessantibus reservationibus, seu affectionibus Apostolicis, eisdem alienigenis pro tempore collata, ac etiam ea, quæ de jure patronatus huiusmodi fuerint, si contingat ad illa quemquam contra præsentis statuti formam præsentari, devolutioni ad Sedem prædictam immediate eo ipso subiacere, Illaque omnia ab alienigenis dicti Regni, & Sede prædicta dumtaxat impetrari posse, nec jus ullum ad resignantes, seu cedentes, etiam si in possessione, etiam diutina remanserint, & resignationes, seu cessiones huiusmodi publicatæ non fuerint, redire, vel penes eos remanere.

Etiam si clausula derogatoria &c. in eorum impetrationibus adessent &c.

§.8. Impetrationes vero, ac Motu proprio concessionem, quæ de eisdem beneficiis pro tempore fient, quibuscumque derogationibus fuerint suffultæ, numquam sub clausulis generalibus, aut vacationum modis conditionalibus, vel implicitis comprehendendi, sed specialiter, & expresse ob non servatam præsentis statuti formam, cum declaratione nominum, & cognominum ipsorum alienigenarum, dispositive, & non conditionaliter, nec per æquipollens omnino fieri debere, eisdemque præsentibus literis per quasvis alias literas Apostolicas, etiam quasvis generales, vel speciales, etiam derogatorias derogatorias, aliasque efficaciores, & insolitas clausulas, & irritantia, & alia decreta sub quibuscumque verborum formis concepta, in se continentes, nullatenus derogari posse, nec derogatum censei, nisi earundem præsentium tenor de verbo ad verbum, nihil penitus omisso, insertus, ac urgens, & sufficiens causa expressa, ac per trinas distinctas in forma Brevis literas earundem præsentium tenorem continentes, tribus distinctis vicibus, cum unius mensis intervallo, Ordinibus trium statuum ejusdem Regni Valentia prius legitime intimata, & insinuata, ac derogationes ipse Motu, scientia, & potestatis plenitudine similibus, Consistorialiter, & de S.R.E. Cardinalium pro tempore existentium consilio factæ fuerint, & Or-

dinum trium statuum Regni Valentia huiusmodi ad hoc expressus accesserit assensus, appareatque Rom. Pont. illis expresse derogare voluisse, & aliter factas derogationes nemini suffragari, & clausulam implicitæ derogationis, videlicet, quod eorum, vel earum, seu præsentium tenores latissime extendi, & eadem præsentibus, ac desuper conficiendæ litteræ, earumque tenores habeantur pro expressis, seu in toto, vel parte exprimi possint in quibusvis supplicationibus, concessionibus, gratiis, & literis, a Nobis, & Successoribus nostris, pro tempore emanatis, appositam, nihil penitus operari, nec in literis Apostolicis desuper conficiendis quicquam, ultra quod in supplicationibus, concessionibus, & gratiis huiusmodi specificè fuerit expressum, narrari posse, nec quemquam ad parendum literis derogatoriis huiusmodi, & decretis super illis processibus, ac eorum executoribus, & subexecutoribus, illorumque mandatis, & monitionibus minime teneri, sed illis firmiter resistere, & literarum earundem executionem omnino impedire, nec ratione resistentiæ huiusmodi aliquibus censuris, vel pœnis Ecclesiasticis, seu pecuniariis, per eosdem executores, & subexecutores innodari. Necnon easdem præsentibus literas, etiam eo quod causæ, propter quas emanarunt, coram locorum Ordinariis, etiam tamquam a Sede prædicta delegatis, vel alias quomodolibet examinata, justificata, verificata, purificata, & approbata, ipsique Ordinarii, & alii inferiores collatores, ac patroni, & alienigenæ, necnon quicumque interesse habentes ad id legitime vocati non fuerint, neque præmissis consenserint, seu etiam enormis & enormissimæ læsionis, vel alio quodcumque prætextu, aut ex quavis alia causa quantumvis legitima, urgenti, & juridica de subreptionis, & obreptionis, aut nullitatis vitio, seu intentionis nostræ, vel quodcumque alio defectu notari, impugnari, invalidari, retractari, in jus, vel controversiam revocari, ad terminos juris reduci, seu adversus eas quodcumque juris, facti, vel gratiæ remedium impetrari posse, nec sub quibusvis similibus, vel dissimilibus gratiarum revocationibus, suspensionibus, limitationibus, aut aliis contrariis dispositionibus, a Nobis, vel quibuscumque aliis Romanis Pontificibus, ac dicta Sede, etiam Motu, scientia, & potestatis plenitudine similibus pro tempore emanatis comprehendendi, sed semper ab illis exceptas, & quoties illæ emanabunt, toties in pristinum, & eum, in quo antea quomodolibet erant, statum, restitutas, repositas, & plenarie reintegratas, ac de novo etiam sub Data posteriori per Ordines trium statuum Regni Valentia huiusmodi eligenda, concessas, validasque, & efficaces fore, & esse, ac vim validi, & efficaci contractus, inter Nos, & dictam Sedem ex una, ac Ordines trium statuum Regni Valentia huiusmodi ex altera partibus rite, & recte initi, stipulati, ac etiam utrimque jurati habere, & perpetuo obtinere,



Decretum ir-  
rigans.

nere, suosque plenarios, & integros effectus fortiri, ac ab omnibus inviolabiliter observari.

§.9. Sicque per quoscumque Judices ordinarios, & delegatos, etiam causarum Palatii Apostolici Auditores, ac ejusdem Sanctæ Romanæ Ecclesiæ Cardinales, sublata eis, & eorum cuilibet quavis aliter judicandi, & interpretandi facultate, & auctoritate, in quavis causa, & instantia judicari, ac definiri debere, irritum quoque, & inane, si secus super his a quoquam quavis auctoritate, scienter, vel ignoranter contigerit attentari. Quocirca dilectis filiis causarum Curiae Camerae Apostolicæ generali Auditori, & Archidiacono Ecclesiæ Valentinae, ac Abbati Monasterii Beatae Mariæ Vallisdignæ, Cisterciens. Ordinis, Valentini. dioc. per Apostolica scripta Motu simili mandamus, quatenus ipsi, vel duo, aut unus eorum, per se, vel alium, seu alios, præsentem litteras, & in eis contenta quæcumque ubi, & quando opus fuerit, ac quoties pro parte indigenarum prædictorum, seu alicujus eorum fuerint requisiti, solemniter publicantes, eisque in præmissis efficacis defensionis præsidio assistentes, faciant auctoritate nostra præsentem litteras, & in eis contenta hujusmodi, ob omnibus, ad quos spectat, & pro tempore spectabit, inviolabiliter observari, ipsosque indigenas illis pacifice frui, & gaudere, non permittentes eos, vel quempiam ex illis desuper quomodolibet indebite molestari, Contradictores quoslibet, & rebelles, per sententias, censuras, & poenas ecclesiasticas, aliaque opportuna juris, & facti remedia, appellatione postposita, compescendo, necnon legitimis super his habendis servatis processibus, sententias, censuras, & poenas ipsas, etiam iteratis vicibus aggravando, invocato etiam ad hoc, si opus fuerit, auxilio brachii secularis.

Clausula derogatoria.

§.10. Non obstantibus præmissis, ac præmem. Bonifacii Papæ VIII., etiam Prædecessoris nostri, qua cavetur, ne quis extra suam Civitatem, vel Dioecesim, nisi in certis exceptis casibus, & illis ultra unam diem a fine suæ Dioc. ad indicium evocetur, seu ne Judices a Sede prædicta deputati extra Civitatem, & Dioecesim, in quibus deputati fuerint, contra quoscumque procedere, aut alii, vel aliis vices suas committere audeant, seu præsumant, & in Concilio generali edita de duabus dietis, dummodo ultra tres dietas aliquis auctoritate præsentium ad iudicium non trahatur, necnon quatenus opus sit, nostra de non tollendo jure quæsito, aliisque Apostolicis, ac in provincialibus, synodalibus, & universalibus Conciliis editis, specialibus, vel generalibus Constitutionibus, & Ordinationibus, necnon Ecclesiarum, in quibus beneficia hujusmodi fuerint, ac Regnorum, Provinciarum, dominiorum, & insularum hujusmodi juramento, confirmatione Apostolica, vel quavis firmitate alia roboratis statutis, & consuetudinibus, etiam quantumvis longissimo tempore observatis, ac le-

gibus, etiam municipalibus, & pragmaticis, aliisque sanctionibus, privilegiis quoque, indultis, & literis Apostolicis, etiam super facultate beneficia prædicta ipsis alienigenis conferendi, seu de illis providendi, & alias quomodolibet disponendi, ipsosque alienigenas ad beneficia, fructus, & pensiones hujusmodi recipiendi, & admittendi, eisdem Ecclesiis, illarumque Præsulibus, & Capitulis, necnon, Provinciis, Dominiis, & Insulis prædictis, eorumque Communitatibus, Universitatibus, hominibus, incolis, & personis, sub quibuscumque tenoribus, & formis, ac cum quibuscumque derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis, etiam vim validi, & efficacis contractus, seu statuti perpetui, vel legis habentibus, & inducentibus, per quoscumque Romanos Pontifices Prædecessores nostros, ac Nos, & dictam Sedem, etiam Motu, scientia, & potestatis plenitudine similibus, etiam consistorialiter, seu etiam ad Imperatoris, Regum, Reginarum, seu aliorum Principum instantiam, vel eorum contemplatione, & intuitu, in genere, vel in specie, aut alias quomodolibet, etiam iteratis vicibus, & pluries concessis, approbatis, & innovatis. Quibus omnibus, etiam si de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda esset, illis alias in suo robore permansuris, hac vice dumtaxat specialiter, & expresse derogamus, contrariis quibuscumque. Aut si aliquibus communiter, vel divisim ab eadem sit Sede indultum, quod interdici, suspendi, vel excommunicari non possint per litteras Apostolicas non facientes plenam, & expressam, ac de verbo ad verbum de indulto hujusmodi mentionem.

§.11. Ceterum, ut statutum, ordinatio, & alia præmissa, ac eadem præsentem litteram ad eorum, quorum interest, notitiam deducantur, nullusque possit aliquam illorum ignorantiam prætere, vel excusationem allegare, sed illa perpetuo firma, & illibata permaneant, volumus, ut eadem præsentem litteram in Basilicæ Principis Apostolorum de Urbe, ac Cancellariæ Apostolicæ valvis, & acie Campi Floræ per aliquem ex Cursoribus nostris affixæ, copia illarum ibidem dimissa, ab eadem die omnes, & singulos perinde afficiant, & ardeant, ac si illis ipsis fuissent personaliter intimata.

§.12. Quodque earum exemplis, etiam impressis &c.

§.13. Nulli ergo &c.

Datum Romæ apud S. Marcum, Anno Incarnationis Dominicæ, millesimo quingentesimo octuagesimo septimo, Non. Septembris Pont. nostri Anno III.

Forma &amp; effectus publicationis hujus Constitutionis.

Fides exemplorum.  
Sanctio per-  
nalis.  
D.P. An.III.  
5. Septembr.



C.

Ex Regest. in  
Secret. Bre-  
vium.

Ampliatio Collegii Clericorum Camerae ad  
numerum duodenarium.

## SIXTUS PAPA QUINTUS

Ad perpetuam rei memoriam.

Proemium.

**S**ic humani plerumque fallit incertitudo  
Judicii, dum futuris eventibus certam  
normam præfigere nititur, ut quæ utilia ab  
initio videbantur, temporis successu, inef-  
ficacia dignoscantur; unde Romanus Ponti-  
fex singula quoque mature perpendens, sæ-  
pius a Prædecessoribus suis constituta, ratio-  
nabilibus suadentibus causis, in melius re-  
format moderamine certo, prout, rerum,  
& temporum qualitate pensata, in Domino  
conspicit salubriter expedire.

Pius V. nu-  
merum Cle-  
ricorum Ca-  
meræ auxit  
ad duodena-  
rium.

§. 1. Sane cum felic: recor: Pius Papa V.  
Prædecessor noster attendens Collegium,  
Clericorum Camerae Apostolicæ negotiis  
pertranscandis, litibusque dirimendis Præ-  
sidentium, quod antea a piæ memoriæ Eu-  
genio Papa IV. etiam Prædecessore nostro  
ad septenarium numerum redactum fuerat,  
adeo arctatum, & angustatum fuerat, ut si-  
qui Clericorum prædict., vel adversa vale-  
tudine laborarent, aut aliis dictæ Sedis in-  
gruentibus occupationibus distracti, seu quo-  
piam simili impedimento detenti forent;  
reliqui Clerici imminentia pertractare ne-  
gotia, & muneri suo competenter satisfacere  
minime valerent: Idem Pius Prædecessor  
his, & aliis rationabilibus causis adduc-  
tus, uno Clericatus officio, quod tunc per  
obitum Julii Sauli olim dictæ Camerae Cle-  
rici vacabat, suppresso, & extincto, ejus lo-  
co de Fratrum suorum, de quorum numero  
tunc eramus, consilio, sex alia similia offi-  
cia perpetuo erexit, & constituit, qui cum  
aliis sex, tunc superstitibus Clericis conjun-  
cti, numerum duodenarium adimplerent,  
assignato dictis novis Clericis redditu an-  
nuo novem millium scutorum auri in auro  
ex pecuniis Thesaurariæ Provinciæ Roman-  
diolæ, ejusque Cancellariæ, necnon proven-  
tuum maleficiorum, tractarum frumenti,  
augmenti falis, & aliorum subsidiorum, &  
reddituum dictæ Provinciæ exigendo.

Postea redu-  
xit ad dena-  
rium.

§. 2. Et deinde idem Pius Prædecessor,  
novis emergentibus causis, alia ineundo con-  
silia, Collegium prædictum, de duodenario,  
duobus officiis Clericorum tunc vacantibus  
suppressis, ad denarium numerum reduxit,  
fructusque, & emolumenta duorum Cleri-  
catuum sic suppressorum pro rata eis obve-  
niente dictæ Camerae perpetuo applicavit.

Gregor. XIII.  
cum prius ad  
octo reduxis-  
set, denario  
numero post-  
modum resti-  
tuit.

§. 3. Successive vero rec: me: Grego-  
rius Papa XIII. Prædecessor noster nonnul-  
lis de causis adductus de numero Clerico-  
rum hujusmodi reducendo consilium susce-  
pit; Quare uno per bon: mem: Hieronymi  
Episcopi Gadicens., & altero ex officiis præ-  
dictis per quon. Francisci Bandovini obitus  
tunc vacantibus, illa sic vacantia perpetuo  
extinxit, & suppressit, fructusque, & emo-  
lumenta eisdem suppressis officiis assignata,  
ad summam trium millium, & octingento-  
rum scutorum auri in auro taxata ab eodem

Collegio separavit, & Camerae ipsi applica-  
vit; denique aliud officium hujusmodi per  
obitum bo: me: Hieronymi Episcopi Mace-  
raten. postmodum vacans iterum occasio-  
nem dedit eidem Gregorio Prædecessori de  
Collegii prædicti statu, & numero alia cogi-  
tandi, ideoque officium sic vacans prædi-  
ctum pariter extinxit, & abolevit, illius au-  
tem loco tria Clericorum hujusmodi officia  
pariter erexit, & instituit, ceterisque tunc  
existentibus Clericis addens dictum Colle-  
gium denario numero de cetero constare  
decrevit, summamque trium millium, &  
octingentorum scutorum prædictam ab eo-  
dem Collegio, ut præfertur, separatam, &  
Camerae hujusmodi applicatam de novo a  
dicta Camera separavit, & segregavit, una  
cum fructuum, & emolumentorum ultimo  
extincti officii supradicti, integra portione  
eidem Collegio pro dictis tribus officiis de  
novo auctis restituit, & applicavit, prout  
in diversis Pii, & Gregorii Prædecessorum  
litteris, & cedulis Motu proprio subsignatis,  
quarum solam signaturam iidem Pius, &  
Gregorius Prædecessores sufficere volue-  
runt, latius continetur.

§. 4. Sed ea est humanarum rerum con-  
ditio, ut nihil adeo constans sit, atque per-  
petuum, quod non tempori subiaceat, &  
nascentibus casibus immutetur. Hinc Nos  
postquam, Divina favente Clementia ad  
Summi Apostolatus Apicem assumpti fui-  
mus, ex urgentibus rationabilibus causis ani-  
mum nostrum moventibus, ipsius Pii Præ-  
decessoris exemplo innitentes, in eam  
venimus sententiam, ut Collegium prædi-  
ctum ad duodenarium numerum restitui  
quam maxime expediret, ob idque primis  
Pontificatus nostri temporibus, Collegium  
prædictum ad numerum undecim Clerico-  
rum ampliantes, undecimum officium hu-  
jusmodi Ven. fratri Annibali Episcopo Fa-  
ventini. per alias litteras Nostras concessi-  
mus, & assignavimus. Porro Cameraria-  
tus S. R. E. per obitum bon: mem: Philippi  
Sancti Eustachii Diaconi Cardinalis olim  
ejusdem S. R. E. Camerarii apud Sedem Apo-  
stolicam defuncti vacans ansam Nobis præ-  
buit, cogitationem prædictam ad effectum  
perducendi, tot ex redditibus dicti Came-  
rariatus separando, quot pro congrua duo-  
decim Clerici sustentatione absque Sedis  
Apostolicæ jactura sufficerent competenter.

§. 5. Quamobrem, habita super his de-  
liberatione matura, Collegium supradictum  
ad duodenarium numerum ab eodem Pio  
Prædecessore præfinitum restituendum du-  
ximus. Porro litterarum, & cecularum,  
prædictarum omnium tenores, ac si de ver-  
bo ad verbum inserti forent, pro expressis  
habentes, ac reductionem, & suppressio-  
nem, necnon ampliationem prædictas per  
Pium, & Gregorium Prædecessores, ut præ-  
fertur, factas, & alia quævis effectum præ-  
sentium impediencia penitus tollentes, &  
abrogantes, Motu proprio, & ex certa no-  
stra scientia, ac de Apostolicæ potestatis plen-  
titudine, Collegium prædictum ad duode-  
narium numerum prædictum auctoritate

Apo-

Que causa  
Sixto fuerit  
cogitandi de  
augendo hu-  
jusmodi nu-  
mero ad duo-  
denarium.

Quod cogita-  
rat exequitur.



Apostolica tenore præsentium perpetuo re-  
stituimus, & ampliamus pro duodecim Cle-  
ricis, ita quod novus, ut præfertur deputan-  
dus, & propediem adscribendus Clericus  
una cum nunc existentibus decem Clericis  
antiquis unum corpus, & Collegium inte-  
grum ex omni parte æquali, & inseparabile  
efficiant, & constituent, ex redditibus ve-  
ro, & emolumentis Camerariatus prædicti  
summam duorum millium, & ducentorum  
scutorum monetæ Juliis decem pro quoli-  
bet scuto computatis perpetuo separantes,  
& segregantes, eandem summam sic sepa-  
ratam, & segregatam eidem Clerico nomi-  
nando prædicto, concedimus, & assigna-  
mus: Ita quod liceat eidem Collegio reddi-  
tus, & emolumenta prædicta e manibus De-  
positarii Camerariatus hujusmodi per Nos  
deputati, vel deputandi percipere, exigere,  
& levare, ac in communi massa ipsius Col-  
legii ponere, una cum aliis eorum emolu-  
mentis inter ipsos undecim Clericos parti-  
cipan. dividere, ac in suos usus, & utilita-  
tem convertere, cujusvis licentia desuper  
minime requisita.

Clausula ad  
firmitatem.

§. 6. Sicque per quoscumque Judices  
Ordinarios, & Delegatos, & ejusdem S.R.E.  
Cardinales, ac Causarum Palatii Apostolici  
Auditores in quacumque causa, & instantia,  
sublata eis, & eorum cuilibet quavis aliter  
judicandi, & interpretandi facultate, & au-  
thoritate judicari, ac diffiniri debere, nec-  
non irritum, & inane quidquid secus super  
his a quoquam, quavis auctoritate scienter,  
vel ignoranter contigerit attentari, decer-  
nimus.

Derogatio  
contrariorum

§. 7. Non obstan. eorumdem Eugenii,  
& Pii, ac Gregorii aliorumque Rom. Pont.  
Prædecessorum nostrorum decretis, statu-  
tis, Constitutionibus, & ordinationibus, ac  
regulis Cancellariæ, & de non tollendo Jure  
quæsito, Juramento, confirmatione Apo-  
stolica, vel quavis firmitate alia roboratis  
statutis, & consuetudinibus, privilegiis quo-  
que, Indultis, & literis Apostolicis generali-  
bus, vel specialibus Collegio, & Clericis su-  
prædictis, etiam ex causa onerosa, & interve-  
nien. quacumque pecuniarum quantitate,  
etiam rationabili, ac per modum statuti per-  
petui, etiam solemniter initi, & stipulati  
contractus, ac cum quibusvis etiam dero-  
gatoriis, aliisque fortioribus, efficacioribus,  
& insolitis clausulis, irritantibusque, & aliis  
decretis concessis, confirmatis, & innova-  
tis. Quibus omnibus etiam si de illis specia-  
lis, & expressa mentio habenda esset, illo-  
rum omnium tenores præsentibus pro ex-  
pressis habentes, illis alias in suo robore  
permanens, hac vice dumtaxat specialiter,  
& expresse derogamus, ceterisque contra-  
riis quibuscumque.

Datum Romæ apud Sanctum Marcum  
sub Annulo Piscatoris die 5. Septembris  
1587. Pontificatus nostri Anno III.

Quod Franciscus Medices Magnus Dux He-  
truriæ, & Magnus Magister Militiæ Or-  
dinis S. Stephani, erigere valeat in Com-  
mendas dictæ Militiæ, Hospitalia per lai-  
cos regi solita, ad hospitalitatem institu-  
ta, in Hetruria existentia, de quibus Se-  
des Apostolica disponere non consuevit.

*Instituta fuit hac Militia a Cosmo Francisci  
Patre, ut videre est in Pii IV. Consti-  
tut. LXX. His quæ. T. IV. P. II. fol. 138.*

## SIXTUS EPISCOPUS SERVUS SERVORUM DEI

*Dilecto filio Nobili viro Francisco Medices,  
Magno Hetruriæ Duci. Dilecte fili Nobilis  
Vir, salutem, & Apostolicam benedictio-  
nem.*

**P**ræclara devotionis sinceritas, & eximia  
fidei constantia, quæ tibi divinitus con-  
cessa, ex tuorum progenitorum quasi hære-  
ditate videntur accepta, quibusque in nostro,  
& Apostolicæ Sedis conspectu, de qua con-  
tinuo, ut obedientiæ filius benemereri non  
cessas, fulgere dignosceris, Nos supra mo-  
dum invitant, suaviterque alliciunt, ut vo-  
tis tuis, quæ, ut Christianum Principem,  
decet, Religionis propagationi, ac fidei Ca-  
tholicæ defensionis aspirare conspiciamus,  
gaudenter annuamus, eaque favoribus op-  
portunis libentissime prosequamur.

Enunciatio  
Laudum Ma-  
gni Ducis E-  
truriæ.

§. 1. Sane pro parte tua Nobis nuper ex-  
positum fuit, quod cum in diversis tuæ di-  
tioni subjectis Civitatibus, Terris, Oppidis,  
& locis, quamplurima Hospitalia per laicos  
regi, gubernari, & administrari solita, quæ  
de jure patronatus tuo, & seu Magistratum,  
Communitatum, Universitatum, & homi-  
num, Civitatum, Terrarum, Oppidorum,  
& locorum prædictorum, seu etiam laico-  
rum, ex fundatione, vel dotatione, aut alias  
existunt, in quibus tum ob locorum distan-  
tiam, seu incommoditatem, tum etiam ob  
illorum fructuum tenuitatem, parum aut ni-  
hil hospitalitatis servatur, illorumque fru-  
ctus in prophanos, & illicitos usus converti  
solent, diversaque interdum in illis patran-  
tur scelera: Unde si in dictis Hospitalibus, &  
eorum Ecclesiis, de dictorum laicorum pa-  
tronorum consensu unum, vel duo, aut plu-  
ra ex eis insimul perpetuo uniendo, & incor-  
porando, seu etiam supprimendo, tot quot  
volueris, Præceptorum Militiæ S. Stephani,  
cujus tu Magnus Magister existis, ad instar  
aliarum dictæ Militiæ Præceptoriarum eri-  
gerentur, & instituerentur, eorumdemque  
Hospitalium fructus, redditus, & proven-  
tus, servata hospitalitate, & aliis supporta-  
tis oneribus, remanentes dictis Præcepto-  
riis, sic erigendis, & instituendis, etiam  
perpetuo applicarentur, ex hoc profecto eis-  
dem Militibus de congrua subventionem pro-  
videretur, ipsaque Hospitalia melius, ac  
decentius gubernarentur. Quare Nobis hu-  
militer supplicare fecisti, quatenus tibi Ho-  
spitalia prædicta insimul, ut præfertur, unien-  
di,

Qui apud hunc  
Pontificem in-  
stat pro licen-  
tia erigendi  
in commen-  
das Ordinis  
Sancti Stepha-  
ni Hospitalia,  
de quibus in  
rubr.



di, & incorporandi, seu etiam supprimendi, & in illis, vel eorum Ecclesiis, tot, quot volueris, Præceptorias dictæ Militiæ, ut præfertur, eligendi, & instituendi, eorumdemque Hospitalium fructus eisdem Præceptoris applicandi, licentiam, & facultatem concedere, ac alias in præmissis opportune providere, de benignitate Apostolica dignaremur.

Ipsæ igitur Pontifex ob causas hic expressas, dictam licentiam concedit.

§. 2. Nos ipsius Militiæ, quæ a claræ memoriæ Cosmo Medices, dum vixit, Magno Etruriæ Duce progenitore tuo, ad Maris Mediterranei incurfibus infidelium infestati custodiam, & defensionem instituta, fuit, incrementum paternis exoptantes affectibus, ac attendentes, quod illius Milites tamquam indefessi Jesu Christi athletæ pro fide Catholica, etiam vitæ, ac salutis incolumitati non parcentes, dictæ Militiæ triremibus per maria undique discurrent, ac publicæ quieti invigilantes, piratarum, sive maritimorum latrunculorum insidiis, & fraudibus occurrere, ac Christianifidelium, tum bona tum corpora, & animas ab illis tutari atque defendere non cessant; Hujusmodi supplicationibus inclinati, tibi, ut omnia, & singula prædicta Hospitalia, & eorum Ecclesias ad hospitalitatem servandam, non autem pro infirmis recipiendis instituta, & de quibus per Sedem Apostolicam disponi non consuevit, quæ de jure patronatus tuo, & seu dictorum Magistratum, Communitatum, Universitatum, & Hominum, seu etiam aliorum laicorum præfatorum, ut præfertur, sunt, de illorum patronorum laicorum consensu, si vero de jure patronatus dictorum Magistratum, Communitatum, vel Universitatum, & hominum prædictorum fuerint, etiam absque illorum consensu, ac etiam Ordinarii loci, vel cujusvis alterius licentia minime requisita, perpetuo unire, annectere, & incorporare, seu aliqua ex eis suppressere, ac in eisdem hospitalibus, & eorum Ecclesiis, ut præfertur, unitis, annexis, & incorporatis tot, quot volueris, & prout tibi melius videbitur, & placuerit, Præceptorias Militiæ hujusmodi, ad instar aliarum dictæ Militiæ Præceptoriarum per illius Milites obtineri solitarum, quæ per te, & pro tempore existentem dictæ Militiæ Magnum Magistrum, ad præsentationem illorum patronorum, vel de illorum consensu concedi, & assignari debeant, etiam perpetuo erigere, & instituere, eorumdemque Hospitalium fructus, redditus, & proventus (servata hospitalitate, & aliis illorum oneribus supportatis) remanentes, dictis Præceptoris sic erigendis, & instituendis, etiam perpetuo applicare, & appropriare libere, & licite possis, & valeas, plenam, & liberam, ac omnimodam Apostolicam auctoritatem tenore præsentium facultatem, potestatem, & auctoritatem concedimus, & impartimur, tibi que desuper de speciali gratia indulgemus.

Clausula dictæ concessionis præfative.

§. 3. Decernentes in eisdem præmissis, & circa ea per te facienda, & terminanda, semper, & perpetuo valere, ac ab illis ullo umquam tempore, quovis prætextu resili

non posse, & quascumque concessionem in contrarium faciendas, nullius roboris, vel momenti existere. Declarantes præsentem literas de subreptionis, vel obreptionis, aut nullitatis vitio, seu intentionis nostræ, vel quopiam alio defectu notari, vel impugnari nullatenus posse, sed incommutabilis voluntatis, & intentionis nostræ fuisse, & esse. Sicque, & non aliter, per quoscumque Judices, & Commissarios, quavis auctoritate fungentes, etiam S.R.E. Cardinales, ac causarum Palatii Apostolici Auditores, sublatis eis, & eorum cuilibet, quavis aliter judicandi, & interpretandi facultate, & auctoritate, judicari, & definiri debere: irritum quoque, & inane, quicquid secus super his a quoquam quavis auctoritate scienter, vel ignoranter contigerit attentari.

§. 4. Non obstantibus quibuscumque Apostolicis, ac in Provincialibus, & Synodali-  
bus Conciliis editis, generalibus, vel specialibus Constitutionibus, & Ordinationibus, ac dictorum Hospitalium, etiam juramento, confirmatione Apostolica, vel quavis firmitate alia roboratis statutis, & consuetudinibus: privilegiis quoque, indultis, exemptionibus, Conservatoriis, & aliis literis Apostolicis, sub quibuscumque tenoribus, & formis, ac cum quibuscumque clausulis, & decretis, in genere, vel in specie eisdem Hospitalibus, vel illorum Rectoribus, etiam pluries concessis, confirmatis, & innovatis. Quibus omnibus etiam si de illis, eorumque totis tenoribus, specialis, specifica, & expressa, & individua, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores, præsentibus pro sufficienter expressis, & insertis habentes, harum serie specialiter, & expresse derogamus, & ad plenum derogatum esse volumus, ceterisque contrariis quibuscumque.

Clausula contrariariorum derogatoria.

Datum Romæ apud S. Marcum sub Anno Pontificatus nostri Anno III. D. P. An. III. 11. Septembris 1587.

## CII.

Privilegia, & Immunitates pro ædificantibus, vel habitantibus in Via Felici, & in Via Pia Almæ Urbis.

## SIXTUS EPISCOPUS

SERVUS SERVORUM DEI

Ad perpetuam rei memoriam.

**D**Ecet Romanum Pontificem post multas, & graves Pastoralis sui officii curas, hanc quoque non negligere, ut Alma Urbs Roma, in qua non sine Dei voluntate a Vicario suo Beato Petro Apostolorum Principe, sancta Sedes Apostolica, ad omnium Christianifidelium commoditatem, Religionisque incrementum constituta extitit, & ad quam olim Orbis nunc etiam Christianæ Religionis caput, magnus sit concursus,

Hic Pontifex pro commo-  
diori aditu,  
ad veneran-  
das Urbis Ba-  
silicas, plures  
vias latas aper-  
uit & stravit,  
& antiquum  
ritum de Ca-  
pellis in eisdem  
Basilicis cele-  
brandis rene-  
vavit.

non



non modo salutaribus legibus, bonisque moribus in meliorem statum reformetur, sed novis etiam viarum, vicorum, regionum, atque ædificiorum incrementis, ad Populi in dies, benedicente Domino excrefcantis, & confluentium advenarum commodum assidue dilatetur. Quod dum ab initio nostri Pontificatus sedulo meditaremur, simul etiam, ut ad venerandas ejusdem Urbis Basilicas, toto Orbe terrarum celebres commodius, & decentius adiri posset, atque in eis frequentius visitandis Populi devotio augeretur, præsertim veteri more sanctorum Pontificum nostrorum Prædecessorum, in Stationibus, & Pontificalibus Capellis, nostra præsentia celebrandis per Nos renovato, vias complures latas, & directas ad easdem Basilicas patefecimus.

Fontemque  
aquæ Felicis  
ad superiores  
Colles Urbis  
perduci fiat.

§. 2. Necnon uberrimum, & copiosissimum nitidæ, & saluberrimæ aquæ fontem, quæ Felix nuncupatur, nostra sollicitudine, & ingenti impensa, difficili, & laborioso opere, magnæque industria ad superiores partes Collium ipsius Urbis, cum maximis totius populi gaudio, & applausu, ad publicam utilitatem, Deo favente, perducimus, ut cives, & incolæ ejusdem Urbis, viarum, & fontium commoditate, simul etiam aeris salubritate, atque ipsius loci eminentioris, & patentioris amœnitate perfrui possint, construendisque ædibus ad commodiorem habitationem, spatia habeant latiora, ac nobilissima pars Urbis non modo sumptuosius veterum substructionum vestigiis, sed Religiosis etiam Christianæ antiquitatis monumentis insignis, novis ædificiis, & incolarum frequentia, in pristinum decus, & celebritatem, nostris potissimum temporibus restituatur.

Et modo ædificanti-  
bus, in  
Via Felici, &  
Via Pia con-  
cedit, quod  
ædificia con-  
struenda, ex  
quocumque  
præterquam  
læsæ Majesta-  
tis delicto cõ-  
fiscari ne-  
queant.

Cupientes igitur eorundem incolarum, & Civium, necnon Curialium, & quorumcumque Peregrinorum eo concurrentium commodis plenius consulere, eosque ad hujusmodi partem Urbis, cum omni quiete, & tranquillitate inhabitandam, novisque Domibus replendam Apostolicæ benignitatis favoribus, & gratiis invitare. Motu proprio, & ex certa nostra scientia, auctoritate Apostolica, tenore præsentium, perpetuo statuimus, & ordinamus, quod quæcumque domus, & ædificia, quæ per quasvis personas, cujuscumque status, gradus, ordinis, vel conditionis existentes, in via nova, Felici nuncupata, ab Ecclesia Sanctæ Mariæ Majoris usque ad Ecclesiam Sanctissimæ Trinitatis in Monte Pincio, per Nos strata, ac directa, necnon in via Pia per Nos etiam æquata a Palatio nostro in Monte Quirinali, usque ad Ecclesiam S. Susannæ, & in vicis prope dictas vias dirigendis pro tempore construentur, ex quocumque delicto quantumvis gravi (criminibus tamen divinæ, & humanæ Majestatis læsæ tantum exceptis) confiscari non possint, sed eorum Dominis, vel in eis jus habentibus, & successoribus suis, perinde, ac si delicta non commississent, firma, & illæsa remanere debeant.

§. 3. Ac propterea, quod ii qui per bien-

*Bull. Rom. Tom. IV. Par. IV.*

nium continuum dictas Domos, seu ædificia in viis prædictis consistentia inhabitaverint, iisdem immunitatibus, & exemptionibus, quibus veri, & originarii cives Romani, de jure, vel consuetudine, vel ex privilegio, aut alias quomodolibet utuntur, potiuntur, & gaudent, vel uti, potiri, & gaudere poterunt quomodolibet in futurum, non solum eorum instar, sed pariformiter, & æque principaliter, ac absque ulla prorsus differentia uti, potiri, & gaudere, libere, & licite valeant.

§. 4. Quodque ii, qui Domos, seu ædificia in dictis viis constituta pro tempore habitabunt, ratione æris alieni, aut cujuscumque contractus, obligationis, instrumenti etiam jurati, etiam sub Camera Apostolicæ, vel alia quavis forma, & conceptione verborum, extra tamen loca ditioni nostræ ecclesiasticæ in temporalibus subjecta, initi, & celebrati, seu contracti, quamdiu ædificia, vel Domos hujusmodi inhabitabunt, vigore mandati cujuscumque Judicis, Curia, vel Tribunalis, in personam, vel in rem, molestari minime possint nec debeant.

§. 5. Ac insuper privilegio fori Capitolini civibus Romanis competenti, perinde, ac si veri originarii, & indubitati cives Romani forent, in omnibus, & per omnia gaudeant, atque instar civium Romanorum, causas suas coram quocumque Judice, Tribunali, aut Curia pro tempore motas, juxta formam statutorum ejusdem Urbis novissime editorum, ac literarum Apostolicarum desuper confectarum, ad Curiam Capitolinam trahere, ac reassumi facere valeant, Motu, scientia, auctoritate, & tenore prædictis, perpetuo concedimus, & indulgemus.

§. 6. Demum universos, & singulos artifices, seu opifices, cujuscumque artis, Domos, seu ædificia hujusmodi in viis prædictis pro tempore incolentes, ab omni, & quocumque onere, seu collecta, aut gravamine per Consules ejusdem artis ratione ipsius Consulatus pro tempore impositis similiter perpetuo eximimus, & liberamus, eisque pariter indulgemus, quod nec præmissis contribuere, nec quicquam, vel minimum tali de causa persolvere teneantur. Ac tempore pestis, aut belli (quod Deus avertat) aut cujuscumque alterius finistri, & inexcogitati casus fortuiti, ad custodias, seu excubias faciendas nequaquam sint obligati, neque ad præmissorum quippiam cogi, vel compelli possint, aut debeant, liberi-que, immunes, & exempti ab omnibus supradictis sint, & esse censeantur.

§. 7. Decernentes omnia, & singula præmissa, valida perpetuo, & efficacia fore, suosque plenarios effectus sortiri debere, ac in singulis, quos illa concernunt, suffragari. Sicque per quoscumque Judices, & Commissarios, ordinarios, & delegatos, etiam causarum Palatii Apostolici Auditores, ac Sanctæ Romanæ Ecclesiæ Cardinales, sublata eis, & eorum cuilibet quavis aliter judicandi, & interpretandi facultate, judicari, & definiri debere, irritum quoque,

1587.  
Inhabitantibusque per biennium ædificia prædicta quæcumque Romanorum Civium privilegia concedit.

Habitante ibidem pro debitis cõtractis extra statum non molestentur.

Privilegia fori Capitolini gaudeant.

Artifices eadem ædificia incolentes, a Collectis per Consulatus imponendis, ac ab onere excubias tempore pestis &c. faciendi, exempti sint.

Deertuem irritans.



Executorū & defensorū deputatio & facultates.

& inane, si secus super his, a quoquam quavis auctoritate, scienter, vel ignoranter contigerit attentari.

§. 8. Quocirca dilecto filio nostro Henrico Tituli Sanctæ Pudentiæ Presbytero Cardinali Cajetano nuncupato, moderno, ac pro tempore existenti prædictæ Romanæ Ecclesiæ Camerario, & Cameræ Apostolicæ Præsidentibus Clericis per præsentem committimus, & mandamus, quatenus ipsi, per se, vel alium, seu alios, præsentem literas, & in eis contenta quæcumque, ubi, & quando opus fuerit, ac quoties pro parte alicujus prædictorum fuerint requisiti, solemniter publicantes, ac Domorum, seu ædificiorum hujusmodi conductoribus, habitatoribus, incolis, dominis, eorumque hæredibus, & successoribus, artificibus, & quibuscumque aliis supradictis, in præmissis efficacis defensionis præsidio assistentes, faciant auctoritate nostra, præsentem literas, & in eis contenta quæcumque, per eos, ad quos spectat, & spectabit in futurum, perpetuo, firmiter, & inviolabiliter observari, illasque debitæ executioni demandari procurant. Contradictores per censuras Ecclesiasticas, aliaque opportuna juris, & facti remedia, appellatione postposita, compescendo, invocato etiam ad hoc, si opus fuerit, auxilio brachii secularis.

Clausulæ derogatoriæ.

§. 9. Non obstantibus Constitutionibus, & Ordinationibus Apostolicis, ac dictæ Urbis, juramento, confirmatione Apostolica, vel quavis firmitate alia roboratis statutis, & consuetudinibus, etiam novissime reformatis, privilegiis, indultis, & literis Apostolicis eidem Populo Romano, ejusque Magistratibus, ac Consularibus Artium, aut illarum Consulibus pro tempore existentibus, vel quibuslibet aliis personis, Civibus, Provinciis, Terris, & locis, sub quibuscumque tenoribus, & formis, etiam Motu, & scientia similibus, ac de Apostolicæ potestatis plenitudine concessis, approbatis, & innovatis, quibus omnibus etiam si pro illorum sufficienti derogatione, de illis, eorumque totis tenoribus specialis, specifica, & expressa mentio, seu quævis alia expressio ad hoc servanda foret, tenores hujusmodi, ac si de verbo ad verbum infererentur, præsentibus, pro sufficienter expressis habentes, illis alias in suo robore permansuris, hac vice dumtaxat, specialiter, & expresse derogamus, ceterisque contrariis quibuscumque.

Sanctio pœnalis.

D. P. An. III. 23. Septemb.

§. 10. Nulli ergo omnino hominum liceat &c.

Datum Romæ apud Sanctum Marcum, Anno Incarnationis Dominicæ, millesimo quingentesimo octuagesimo septimo, Idibus Septembris, Pontificatus nostri anno tertio.

Confirmatio declarationis, correctionis, & reformationis Constitutionis Magalottæ in Provincia Romandiola observanda. *Ex Regest. in Secret. Brev.*

## SIXTUS PAPA V.

*Ad perpetuam rei memoriam.*

**I**N omnibus rebus humanis nihil tam per se fecke institui, nihil ullis legibus, sanctionibusque tam diligenter muniri potest, quin id prava quorundam intelligentia pervertere, seu in alium sensum, atque sancitum est, contorquere molitur. Unde Nos ad hujus præcellæ dignitatis fastigium evecti decet, & expedit providere, ut pravo sensu hujusmodi eliminato, illa, prout facta sunt, intelligantur, & observentur, & quæ ad publicam utilitatem ordinata, & reformatæ fuerunt, approbare, & confirmare.

Proemium.

§. 1. Cum itaque, sicut accepimus, nonnulli abusus pravi intellectus, & corruptelæ adversus germanam intelligentiam cujusdam Constitutionis, ac præter, & extra eam, quam alias quam Gregorius Magalottus Præses Provinciæ nostræ Romandiolæ edidit, & promulgavit, & postmodum per diversos Romanos Pontifices Prædecessores nostros, forsitan confirmata fuit, & quæ in viridi observantia fuit, & est, versentur, & pluries coram diversis dictæ Provinciæ Legatis, Præsidentibus, & seu aliis Apostolicæ Sedis Ministris fuerit tractatum, & mature discussum pro extirpandis, & penitus abolendis hujusmodi abusibus, & corruptellis, & tandem dilecti filii Communitates, & homines Civitatum, Terrarum, Castrorum, & locorum dictæ Provinciæ coram dilecto filio nostro Julio tituli Sancti Eusebii Presbytero Cardinali Cananio nuncupato, ac nostro, & dictæ Sedis tunc temporis de Latere Legato, ad hunc, & eundem effectum convenerunt, ac negotio hujusmodi diu, & mature inter ipsos discussio quasdam ordinationes, & declarationes, ac reformationes ediderint, illasque per dictum Julium Cardinalem approbatæ, & ad Nos pro majori illarum robore, & subsistentia muniendæ transmissæ fuerint.

Causa hujusmodi edendarum Declarationum, quas fecit Cardinalis Cananius.

§. 2. Nosque attendentes multa in Communitates, & homines prædictos commoda ex nova hujusmodi ordinationum, declarationum, & reformationum approbatione esse profectura, Dilecto filio nostro Prospero tit. S. Clementis Presbytero Cardinali de S. Cruce nuncupato mandavimus, ut convocato dilecto filio Magistro Jofredo Lomellino Cam. Apost. generali Commissario, dictas ordinationes, declarationes, & reformationes diligenter excuterent, & examinarent, & quæ viderentur, corrigerent, delerent, atque emendarent, ipsique sæpius congregati illis diligenter visis, & singulatim examinatis, matureque discussis, parum, aut nihil immutaverint, denique ipsi Prosper Cardinalis, & Jofredus omni studio, & diligentia ab ipsis de mandato

Earumdem examen commisit Sixtus Card. de S. Cruce, & Commissario Gen. Cam. Apost.



dato nostro adhibita postremam illis manum imposuerint.

Abrogatisque omnibus consuetudinibus, interpretationibus Constitutionibus Magalotti, & huius Declarationibus contrariis;

§.3. Nos, quibus Prosper Cardinalis prædictus, præmissa sæpius retulit, volentes, quæ tanto labore, impensis, ac maturitate ad publicam utilitatem digesta sunt, inviolabiliter observari, ac tenorem Constitutionis Magalotti præsentibus pro sufficienter expresso habentes, Motu proprio, non ad dictorum Communitatum, & hominum, aut aliorum pro eis Nobis desuper oblata petitionis instantiam; sed ex certa nostra scientia, ac de Apostolica potestatis plenitudine omnes, & quascumque intelligentias, consuetudines, & longissimos usus, stylos, ac declarationes, etiam juramentis, literis, confirmationibus, & approbationibus Apostolicis, vel quibuscumque aliis firmitatibus roboratas, & dictis Constitutionibus Magalotti, ac huiusmodi declarationibus, ordinationibus, & reformationibus in aliquo adversantes, Apostolica auctoritate tenore præsentium perpetuo abrogamus, tollimus, & penitus abolemus, neminemque ad illas deinceps obligari volumus.

Quidquam contra easdem fieri, vel iudicari prohibet.

§.4. Præcipientes in virtute sanctæ obedientiæ, ac sub excommunicationis sententia per contrafacientes eo ipso incurrenda, ne imposterum aliquis Provinciæ prædictæ Rector, Iudex, seu Notarius, aut Procurator, vel Advocatus audeat quoquo modo introducere, vel se subscribere, & testari de aliquo stylo, consuetudine, usu, & intelligentia, quæ sit, vel esse videatur contra dictæ Constitutionis Magalotti, ac huiusmodi declarationum, ordinationum, & reformationum continentiam, & tenorem.

Et quæ secus sent, irrita declarant.

§.5. Et si quid in contrarium factum, aut in Iudicium tractum fuerit, id omne nullum, & invalidum, nulliusque roboris, vel momenti existat, & esse censeatur perpetuo.

Novissimas vero Declarationes Apostolicas firmat auctoritate.

§.6. Novissimas vero ordinationes, declarationes, ac reformationes prædictas, quas præsentibus de verbo ad verbum annotari fecimus, dicta auctoritate earumdem tenore præsentium, etiam perpetuo approbamus, & confirmamus, ac præsentis scripti patrocinio communimus, suppletes omnes, & singulos defectus, si qui intervenerint in eisdem.

Ad earum tramites quascumque causas post quatuor dies a præsentis Constitutionis publicatione decedi mandat.

§.7. Et ut approbatio huiusmodi amplius innotescat, decrevimus, ut de cetero post quatuor dies a publicatione præsentium in dicta Provincia facienda nulli alii intellectus, styli, consuetudines, & usus, etiam inveterati per longissimum temporis spatium, qui dictis Constitutionibus Magalotti, ac huiusmodi ordinationibus declarationibus, & reformationibus adversentur ad pendendum, indecisum, & futurarum causarum decisionem, ac negotiorum expeditionem allegari possent, nec quisquam illas allegans audiri debeat, sed tantum secundum prædictas Magalotti Constitutiones, & huiusmodi ordinationes, declarationes, & reformationes a Nobis,

ut præfertur, approbatas, & confirmatas in dicta Provincia, & singulis illius Civitatibus, Castris, Terris, Villis, & locis, quavis alia tamquam sinistra, odiosa, vel captiosa interpretatione sublata, inviolabiliter, & perpetuo, prout jacent, observentur, ac juxta illas causas, & negotia omnia in futurum per quoscumque Iudices tam sæculares, quam ecclesiasticos, delegatos, & commissarios, quavis auctoritate fungentes, etiam causarum Palatii Apostolici Auditores, ac S. R. E. Cardinales, sublata eis & eorum cuilibet quavis aliter iudicandi, & interpretandi facultate, & auctoritate, ubique iudicari, & definiri debeant, sitque irritum, & inane, quidquid secus super his a quoquam quavis auctoritate scienter, vel ignoranter contigerit attentari.

Exequutores deputat.

§.8. Quocirca venerabili fratri Archiepiscopo Ravennaten., ac dilectis filiis Rectori dictæ nostræ Provinciæ pro tempore existenti, ac Collegio Rectorum Civitatum, & locorum ejusdem Provinciæ per præsentem committimus, & mandamus, quatenus ipsi, vel duo, aut unus eorum per se, vel alium, seu alios, ubi, & quando expedierit, præsentem literas, & in eis contenta quæcumque publicent, & publicari, seu etiam imprimi faciant, ac inviolabiliter, & perpetuo observari, contradictores quoslibet, ac rebelles, & præmissis non parentes per sententias, censuras, & poenas ecclesiasticas, aliaque opportuna juris, & facti remedia, appellatione postposita, compescendo, invocato, etiam ad hoc, si opus fuerit auxilio brachii sæcularis.

Derogat contrariis.

§.9. Non obstantibus sc. rec. Pii Papæ Quarti Prædecessoris nostri de gratiis interesse Camera prædictæ concernentibus infra certum tunc expressum tempus registrandis, ac aliis Constitutionibus, & Ordinationibus Apostolicis, necnon statutis, styli, usibus, & consuetudinibus, privilegiis quoque, indultis, & literis Apostolicis sub quibuscumque tenoribus, & formis, ac cum quibuscumque, etiam derogatoriis, aliisque efficacioribus, & insolitis clausulis, irritantibusque, & aliis decretis, sub quibuscumque tenoribus, & formis, ac cum quibuscumque clausulis, & decretis in genere, vel in specie, etiam Motu, scientia, & potestate similibus, ac alias in contrarium quomodolibet, etiam officialibus, ministris, & aliis personis in dictis Constitutionibus, & reformationibus expressis, & nominatis, & in erectione officiorum per Nos, seu alios Rom. Pontifices concessis, ac forsitan pluries, & iteratis vicibus approbatis, & confirmatis, necnon quæcumque litis pendentia coram quibuscumque Iudicibus, etiam dictis Auditoribus super præsentationibus, quæ dictis Constitutionibus, & reformationibus adversantur tam in possessorio, quam in petitorio forsitan existenti, & ad cuiusvis instantiam introducta, necnon litis, status, & dd. statutorum, & aliorum præmissorum tenores, præsentibus haberi volumus pro sufficienter, & plene expressis, illis alias in suo robore perman-

fu-



furis hac vice dumtaxat, specialiter, & expresse derogamus, ceterisque contrariis quibuscumque.

Aut si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Tenor Declarationum  
nuper editarum.

§.10. Tenor vero Ordinationum, declarationum, & reformationum prædictarum sequitur, & est talis:

*Correctio, & sublatio abusuum, & errorum in Provincia Romandiola.*

Quoniam experientia rerum magistra edocuit, vel Procuratorum, vel Notariorum, vel Cancellariorum, vel Advocatorum, aut Judicum avaritia nonnullos in hac Romandiola Provincia introductos fuisse errores in taxandis prædictorum, & aliorum Curia generalis commodis deferentium mercedibus, ideo Nos.

Gregorii Magalotti ordinationes, & mentem penitus a quibuscumque, & singulis prædictorum d. Provinciae observari desiderantes, propterea adhibito, etiam consilio eorum, qui quotidie in foro, & subseiliis versantur, amputantes, & tollentes supra dictos errores, abusus, & corruptelas infra scripta ordinanda pro utilitate, & commodo subditorum, & Provincialium, sic Provincia exigente, omni studio, & diligentia esse censuimus.

*De Officio Præsidis.*

Sancte admodum Gregorius Magalottus ordinavit Præsidem Provinciae pro suorum Provincialium tranquillitate, & iustitia omnem curam, & sollicitudinem gratis, & paterno affectu cuncta ab eo expedienda impendere debere, abusus tamen, & corruptela inolevit Cubicularios sub colore sigilli aliquando extorsisse sportulas, cum in publica Visitatione Carcerum mandasset Præsides aliquem relaxari. Nunc tamen errorem penitus tollentes volumus nihil tali casu pro mandatis executivis Cubicularios posse accipere, sicuti, & gratis impartitur Præsides auctoritatem suam, & illum mandatum gratis pariter tradere debere decernimus.

*De officio Auditoris.*

Quia compertum jam esse reperitur in generali Curia ab Auditore quandoque in executivis, ubi nec rei contradictio, nec causa cognitio intervenit, pro mercede receptos fuisse denarios sex pro libra valoris, & estimationis rei petita usque ad quamcumque summam, dummodo sportulae non excederent scuta tria, si vero mandatum traditum non esset, licet decretum, usque ad quamcumque summam aliquando

sportulas extorsisse; propterea amputantes, & removeantes prædictum errorem volumus, & mandamus non excedi quatuor denarios pro libra, ubi nec rei contradictio, nec causa cognitio intervenit, valoris, & estimationis rei petita, usque ad quamcumque summam, dummodo sportulae non excedant scuta tria, si vero mandatum non fuerit traditum, licet decretum, nihil percipiat Auditor, sicut Magalottus expresse decrevit.

Pariter, & quia intelleximus aliquando in contumaciam Reorum ab Auditore receptas fuisse sportulas, & si relictis expensis petierit Reus aliquis reaudiri voluisse eundem denuo, & iterum alias sportulas mandamus, si contigerit hujusmodi casus nisi semel, præfatum Auditorem posse sportulas accipere, nisi diversum fuerit negotium, sed si fuerit eadem causa, nisi semel, illas percipere posse mandamus.

Ab aliquibus fuisse etiam contra mentem Magalotti accepimus in executivis, ubi intervenit rei contradictio, & aliqua causa cognitio, & Mandatum traditum fuerit duplicatas, casu quo quis voluerit ad se defendendum admitti, fuisse receptas sportulas, & si mandatum non fuerit traditum vel quia Reus petiit terminum ad solvendum, vel aliter fuerit cum adversario concordatum, salarium ab eo fuisse exactum, decernimus primo casu nisi semel tantum sportulas ab eo recipi posse, altero vero casu nihil Auditorem habere posse mandamus, nisi per sententiam provincialium fuerit, & semel tantum in utroque casu, servetur in hoc dispositio Magalotti loquentis circa exactorem sportularum in executivis, ubi Rei contradictio, & aliqua causa cognitio intervenierit.

Quia compertum est in Interlocutoriis vim diffinitivae habentibus, & quae post se aliam non expectant sententiam, & per quam totum negotium, de quo agitur, terminatur, aliquando voluisse Auditorem sportulas commensurari, sicuti in Ordinariis, propterea attendentes, & insequentibus Magalotti intentionem mandamus, & volumus tantummodo medietatem illum posse consequi, quod in ordinariis accepisset, si diffinitivam tulisset sententiam, si vero aliquam post se expectaret sententiam, volumus a quinquaginta scutis supra scutum unum illum posse dumtaxat percipere, causa sit cujuscumque quantitatis, infra vero nisi dimidium scuti, in Interlocutoriis vero, quae vim diffinitivae non habent, volumus illum quidquam accipere posse, sicuti expresse decrevit Magalottus.

Et quoniam aliquando scimus per Auditorem Curiae Generalis fuisse, si partes ad concordiam pervenerint, salaria, & quidem indebite exacta, ideo volentes ejusdem cupiditati occurrere, subditis opportune providere, eorumque indemnitati consulere, ac penitus hunc extirpare errorem, mandamus, ac sancimus, si inter partes fuerit concordatum, nihil Auditorem percipere posse, nisi



nisi quando causa esset instructa usque ad sententiam exclusive, tunc enim permittimus, ex quo sepe, ac sepius fuerit aditus & forsan interlocutus pro sportulis, medietatem illum capere posse ejus, quod habuisset, sed si depositata fuerint sportulae, & sententia in cedula habita fuerit, aut terminus pro servato habitus fuerit, tunc totum recipiat salarium; si vero tantum fuerint depositatae, & tunc habeat prout in Interlocutoriis, sicut, & ex Magalotto decretum fuit.

Errorum pariter fuisse introductum advertimus, Auditorem voluisse, & exegisse sportulas ad rationem sex denariorum pro libra, si sententiae petebatur respectu expensarum taxae producta executio, cum tamen expresse Magalottus nihil pro sententia cum recipere posse, nisi novus fieret processus, propterea abiicientes, & penitus remoyentes hunc abusum, & corruptelam, mandamus, sicuti, & Magalottus praecipit, Auditorem nisi pro sententia tantummodo sportulas habere posse, pro executione vero illius sententiae nihil cum consequi audere, nisi fieret novus processus, & ut hominum malitiis obvietur, declaramus, illum novum intelligi processum, quando coram Iudice competenti contingit, litem, vel causam, aut controversiam cognosci, licet etiam coram alio incompetenti fuisset cepta, vel quando nova instantia incipit currere, aut in forma Iudicii fit novus processus super consecutione petita rei iudicatae; hoc enim casu permittimus ob laborem, quem sustinet Auditor in cognoscendo illum, sportulas habere posse, prout de Interlocutoriis dictum est.

Graviter etiam accepimus, non semel Auditorem voluisse, si agebatur super nullitate alicujus sententiae, & contigisset pronunciare, licet sententia, de cujus nullitate agebatur, esset super negotio executivo, voluisse inquam sportulas, prout in Ordinariis solvitur, & tamen nemo est, qui non videat, gravissimum esse hunc abusum, unde omnino subditorum querelis prospicere cupientes mandamus, & ordinamus tantummodo, prout in executivis, illum posse sportulas accipere. Absurdum enim arbitramur plus debere solvi ob cognitionem nullitatis oppositae, quam fiat super principali negotio, aut pro prima sententia.

Non minus rescandum est, quod fiebat in materia appellationum; nam invenimus observatum fuisse dicentem appellationem esse desertam, vel illam non devolvere, si super praedictis pronunciaretur solutas fuisse sportulas, ac si sententia diffinitiva fuisset lata, & tamen omnibus comperitum est, Magalottum voluisse, quod interlocutoriis vim diffinitivae habentibus, in his, quae post se aliam non expectant sententiam, solveretur pro medietate illius salarii, quod in Ordinariis solvi debere ordinatum est, & quoniam cavillationibus aliquando usque ad nauseam altercatum est, an supradicta, & si quae praedictis similia reperiantur, dicantur interlocutoriae, habentes

vim diffinitivae, pro bono communi volumus, & mandamus praedictas haberi pro interlocutoriis vim diffinitivae habentibus omnibus cavillationibus, & hominum malitiis penitus rescatis.

Abusu quoque receptum fuisse accepimus, Auditorem pro tempore voluisse pro primo, vel secundo decreto in contumaciam, veluti pro Decreto de immittendo in possessionem absque causae cognitione, licet nihil laboris egerit, salarium, ac si diffinitivam tulisset sententiam. Propterea Magalotti mentem, & intentionem insequentes mandamus pro primo, & secundo Decreto Auditorem aliquod non posse salarium percipere, nisi tantum ubi causae cognitio intervenit. Quo etiam in casu cum modicus ei labor est futurus, illum prout in executivis volumus sportulas accipere posse.

Pariter accepimus, si in uno, eodemque negotio plures extiterint personae, vel quantitates petita, Auditorem voluisse multiplicare usque ad triplicationem sportulas; ideo rescantes, & penitus amputantes abusum hunc pravam, & toti Provinciae damnosum errorem, & illum omnino tollentes mandamus, & decernimus, siue causae fuerint Universitatum, Communitatum, Corporum, Collegiorum, Societatum, aut aliorum, & tandem in nullo casu ex quo una tantum praedictorum est Causae cognitio, & major non est Iudicis labor, non nisi unicam simplicem mercedem omni, & qualibet multiplicatione rejecta deberi antedicto Auditori dispartiendam, & solvendam secundum proportionem, & ratam personarum, rerum, & quantitatum petitarum.

Et quia posset dubitari an omnia supradicta vendicent sibi locum respectu Notariorum, vel Cancellariorum, declaramus, & mandamus respective illa omnia etiam intuitu ipsorum accommodari debere, & in illis locum habere, ac si de verbo ad verbum specificae, & expresse fuissent repetita, & nominatim in illis enunciata singula, singulis tamen congrue referentes cum secundum praedictorum salaria regulentur, & illa Notariorum, & Cancellariorum.

Et quia omnium habere memoriam, potius divinitus est, quam humanitus, propterea nolentes aliquos ob enumerationem praedictorum extimasse ceteros alios, si qui erant, & sunt pravi abusus, Nos vel dissimulasse, vel inobservantia reliquisse, ideo declaramus, si quod ultra praedictos errores, abusus, & pravas corruptelas supra expositas, seu expositas reperietur, quod directe, vel indirecte contra expressam, vel tacitam mentem Magalotti fuerit etiam consuetudine, vel usu, & tacito hominum consensu introductum, vel confirmatum in Officio supradicto Auditoris Civilis, & ejus Notarii, Cancellarii, intelligatur, & sit per hanc nostram declarationem, & determinationem penitus, & omnino sublatum, & extinctum, & ne contingat amplius super hoc dubitari, & de cetero minime hu-

jusmo-



jusmodi aut alii introducantur errores, vel abusus, arbitrio Præsidis volumus esse tributum, ut determinet, & declaret, quis sit, aut fuerit abusus, error, corruptela, vel aliquid contra mentem Magalotti, cujus determinationi omnes teneantur acquiescere sub poena arbitrio Præsidis imponenda.

*De Causis Criminalibus.*

Ex mente Magalotti etiam alias fuisse observatum accepimus, si in una, eademque sententia plures personæ ultra numerum, trium absolventur, Auditorem Criminalem Curiae generalis, ejusque Notarium, seu Cancellarium aliquando consuevisse sportulas accipere ad rationem Reorum, & numerum absolutorum, qui erant inquisiti. Verum quia contra Magalotti mentem contingebat, & nimium esse cognoscitur, cum eveniebat plures, ac plures etiam de uno, eodemque delicto esse accusatos, vel inquisitos, etiam ad rationem prædictam excessivas fuisse aliquando exactas sportulas, & in tali, & simili casu volumus, & mandamus, Auditorem Criminalem nonnisi pro tribus absolutis tantum, & non ultra sint quot quot fuerint rei delinquentes accusati, inquisiti, de uno, aut pluribus delictis simul a prædictis factis, aut commissis sportulas accipere.

Contingebat aliquando Reum unum de pluribus delictis esse inquisitum, & processatum, & cognita illius innocentia liberari, ideo quia intelleximus, non semel aliquando Auditorem pro sportulis voluisse, multitudine delictorum inspecta, salaria duplicata, & quodcumque triplicata. Propterea licet hæc expresse non determinet Magalotta, mandamus hoc casu unicam tantum mercedem non duplicatam, nec triplicatam, sed simplicem illum exigere posse.

Similiter, & relatum est Auditorem Criminalem Curiae generalis in absolutoriis a poenis pecuniariis voluisse excessivas sportulas ad rationem poenarum a Bannimentis Provinciæ impositarum, non habito respectu Constitutionum Marchiæ, vel Statutorum Civitatum, vel locorum Provinciæ, quæ vigeant tempore Magalotti, quorum poenæ non erant ita graves, sicuti ex Bannimentis imposita esse dignoscuntur. Propterea ad honestam mercedem hujusmodi salaria reducentes in prædictis absolutoriis mandamus supradictum non posse pro mercede sua excedere scuta decem, ne contingat majorem fieri solutionem pro poena pecuniaria, quam pro poena Capitali, & confiscatione bonorum.

Quia experientia ostendit ex multis auctoritatibus, & jurisdictionibus Judicum conservari, & ex timore mulctarum fieri, quod delinquentes puniantur, & castigentur, ideo in usu sunt frequentes, & videntur fieri, ut earundem tedio affecti mulctati compareant; Propterea ne ad alium trahantur finem, volumus, quod pro prædictis mulctis impositis Auditor nihil recipere possit,

quod hætenus male observatum est, cum pro prædictis fuerint multoties sportulae etiam indebite exactæ, idem etiam volumus observari, si vel comparuerit, vel captus fuerit Reus, nam declaramus ipso jure esse mulctam nullam, & factam cassam, & irritam.

*De Sententiis Condemnatoriis.*

In pecuniariis condemnatoriis statuit Magalottus prædictum Auditorem Criminalem Curiae secundum consuetudinem decimas habere posse non condemnationis, sed ejus summæ, in quam Reus se cum Camera composuerit, moderandas arbitrio dicti Præsidis, secundum contingentiam casuum, & quantitatem poenarum, & personarum qualitatem, quam summam statuit excedere non posse scuta quinquaginta quantumcumque quantitas magna sit, in quam Reus condemnatur, vel componitur, & tamen hominum subtilitate accepta est, ut particula illa, vel, ut stet disjunctive, non autem copulative, & ob id magna difficultas exorta est, cum vere sensus esse videatur, ut conjunctive, & copulative accipi debeat, ne absurdum sequatur, plus illum posse consequi, quam sit ejus, quod ingreditur Camera, ideo arbitramur tollentes altercationes, & jurgia, quæ super hujusmodi casu audiebantur, maxime cum aliquando perverse fuerit a quibusdam id hætenus acceptum, declarandum esse conjunctive, & copulative dictionem illam, vel assumendam esse, vel loco dictionis, & accipiendam esse, sicuti ex præcedentibus ostenditur, etiam Magalottum eam dictionem, vel, assumpsisse.

Male a quibusdam, fuisse acceptam, non juramus, quod clarissime statuit Magalottus circa præsentationem, & visionem cujuslibet gratiæ, & absolutionis alias præsentatæ, & visæ, nam mandavit pro prima, nihil accipere debere Auditorem, & pro illa, quæ non fuit amplius præsentata, & visæ, scutum unum pro ejus labore posse recipere, & tamen intellectum est pro primo capite illum voluisse extorquere aureum unum, cum expresse nihil accipere posse tali casu decreverit, altero vero casu tot scuta voluisse, quot essent nominati in dicta præsentatione, & visione gratiæ, & absolutionis, cum unum tantum ex mente Magalotti scutum eum posse recipere compertum est; Unde mandamus supradictos abusus tollentes primo casu, nihil illum habere posse, sicuti Magalottus decrevit, altero vero casu nonnisi scutum unum, licet plures in illa fuerint præsentatione, & visione gratiæ, & absolutionis nominati, prout expresse disponit Magalottus.

Pariter, & alterum circa præfatos casus extare errorem intelleximus: scilicet præfatum Auditorem non solum pro præsentatione, & visione supplicationis cujuslibet scutum unum, sed & pro præsentatione literarum, & etiam prædictis casibus prædictum scutum unum accepisse quando habet



habet decimas, ideo cum manifeste constet esse contra Magalotti mentem, mandamus, prædictum scutum illum pro præsentatione, & visa supplicationis, tantum recipere posse, non autem pro præsentatione literarum, nec quando decimas percipit, quidquam pro prædictis consequi valeat.

Compertum est aliquando, ubi Auditor Curiae Criminalis mandavit bona describi, pluries voluisse mercedem non simplicem, sed multiplicasse illam tamen pro se, quam pro Baricello, ideo tollendo hunc expressum errorem mandamus, Auditorem prædictum pro confectioe descriptionis bonorum uniuscujusque casus, in quo de jure venirent bona confiscanda, non nisi unicam, & simplicem mercedem, tam pro se, quam pro Notario, & Baricello accipere posse; mandantes etiam in Inventario non nisi necessaria describi debere, & pro non necessariis in nihilo pro mercede teneatur illis.

Notarius Criminalis Curiae, seu ejusdem pro tempore Cancellarius coegisse a multis annis citra, & hodie pariter cogere singulos Reos accusatos, & inquisitos pro uno eodemque delicto, & pro copiis simplicibus, & pro authenticis actibus, seu scripturis, veluti inditorum, constitutorum, inquisitionum, tertium, & aliorum etiam productorum actuum multiplicasse usque ad triplicationem mercedem suam, & singulos prædictorum Reorum, & unumquemque triplicare supradictarum mercedem, quod nedum irrationale, & iniquum est, sed & inhumanum, unum pro tribusolvere debere, cum nisi unicum sustineat Cancellarius laborem, ideo tollentes hunc pravum, & toti Provinciae damnosum, & eliciendum errorem, abusum, stylum, aut irrationabilem consuetudinem, mandamus, omni multiplicatione rejecta, hujusmodi, & similibus casibus prædictos Cancellarios, seu Notarios non posse, nec cogere, nec recipere, etiam a sponte offerente sub poena arbitrio dicti Præsidis imponenda mercedem triplicatam pro supradictis, vel copiis, vel authenticis, sive unus sit, sive plures fuerint de eodem delicto accusatus, vel accusati, inquisitus, vel inquisiti, sive sit communitas, sive universitas, corpus, Collegium, vel Societas aliqua, nam volumus, si pro uno eodemque delicto fuerint accusati, inquisiti, aut aliter denunciati, prædictos Notarios, aut Cancellarios non posse eorum mercedem in aliquo casu prædictorum multiplicare, sed permittimus tantum, ut & dumtaxat simplicem, puram, & unicam mercedem.

Non minori ratione tollen. est, quod Auditores, & Notarii, seu Cancellarii ejusdem Curiae Criminalis agere consueverunt, siquidem supradictos pro capiendis informationibus contra Reos inquisitos contingebat æquitare, pravo quodam abusu, si contra duos, vel tres, aut plures, solitos fuisse duplicare, & triplicare mercedem Viatici, etiam si esset pro uno, eodemque delicto. Ideo amputantes hunc pravum errorem, & abusum, & mentem Magalotti

*Bull. Rom. Tom. IV. Par. IV.*

attendentes, qui nunquam de duplicatione, aut triplicatione in similibus casibus locutus est, volumus simplicem, & non multiplicatam prædictum Auditorem, & Cancellarios posse accipere mercedem.

Quæ de Auditore Curiae Criminalis hætenus, ut supra, tollendo abusus, & hujus Provinciae pravy errores disposita sunt, mandamus, quod de Notariis, & Cancellariis ejusdem Curiae Criminalis, quatenus adaptari possint, intelligantur, & sint etiam respectu prædictorum Decreta, & diffinita, sicuti etiam volumus, omnes alios, siquæ erant, aut sunt, vel errores, vel abusus contra expressam mentem, aut tacitam, ac Curiae per hanc nostram intelligantur, & sint sublatis, & in hoc servetur, quod supradiximus in officio Auditoris Civilis pro extirpandis, & tollendis erroribus, & corruptelis, & adjudicandum circa prædictos, & prædicta, hoc enim præcipuum muneris volumus esse Præsidis pro tempore, aut Rectoris futuri hujus Provinciae.

*De Officio Cancellarii, sive Secretarii  
Curiae generalis, & ejus Mercede.*

Simpliciter determinavit Magalottus Cancellarium Curiae generalis pro qualibet litera cum sigillo pro ejus mercede posse julium unum habere, usus tamen introduxit, quod si litera plura capita contineat, habeat tot julios dictus Cancellarius, quod certe removendum est, unde volumus, illum tantum recipere posse pro qualibet litera julium unum, etiam si plura contineat capita, vel personas.

Fuit quoque receptum usu, & consuetudine pro litera commissionem continente Cancellarium percipere ultra julium, & perinde ac si esset simplex causæ commissio, ideo mandamus pro tali litera, nisi unum julium posse illum habere.

Quod dictum est de decima in Auditore Criminali, hic referatur, & determinatum esse intelligatur.

Et quia pariter intelleximus, Cancellarium voluisse ubi contingit ante sententiam per supplicationem aliquam expediri compositionem pecuniariam, & non apparet de aliqua gratia, de qua fuit facta compositio, quinque pro centenaria, non ejus, quod Cameram ingreditur, sed ejus, de quo facta fuit gratia, & si fiat compositio post sententiam voluisse prædictum Cancellarium quinque pro centenario, non ejus quod Cameram ingreditur, sed ejus de quo facta fuit gratia: ideo, quia absurdum est illum plus habere posse, quam par sit, propterea mandamus primo illum tantummodo tria scuta pro quolibet centenario habere, & consequi posse, ejus, quod Cameram ingreditur, nulla habita ratione ejus, de quo facta est gratia, & hoc ne contingat illum plus recipere, quam Cameram; altero vero casu pariter volumus, illum dumtaxat posse accipere quinque pro centenario ejus, quod Cameram ingreditur, non autem ejus ad quod fuit condemnatus.

Y y

Quia



Quia solebat etiam prædictus Cancellarius pro litera continente gratiam tot julios accipere, quot essent nominati, mandamus, si gratia fuerit pro uno, eodemque delicto non posse illum nisi duos julios habere, nisi diversa delicta fuerint, & diversa personæ, aut causæ, hoc tamen casu tot permittimus accipere julios, quot sunt, aut erant personæ.

In causis vero mixtis quia varie solutio fiebat Cancellario, ideo rem ipsam ad honestum reducentes mandamus prædictum Cancellarium unam tantum solutionem debere consequi, & illam arbitrio dicti Cancellarii, sive ille corporalem, sive civilem attendere voluerit poenam Reo infligam.

*De Officio Notarii ad Criminalia Curie generalis.*

Quia solent Notaria ad Criminalia inconficiendis copiis, & authenticis præstandis partibus admodum paucis lineis, & distinctionibus folia exhibere, propterea mandamus pro quolibet folio non minus quam viginti lineas esse in eo debere, decem distinctiones continentes, prout Magalottus, & Marchiæ constitutio decrevit, & merces sit, prout a Magalotto fuit taxata, nec in illis edendis, & partibus tradendis alicujus multiplicationis ratio haberi possit, sive sit Communitas, Universitas, Collegium, corpus, Societas, aut aliud, si quod ex prædictis simile plures referens personas.

Resecandum pariter est in officio Notarii Curie generalis ad causas Civiles, quod aliquando observatum pro citatione in forma nostra copulative mandavit Magalottus pro citatione in forma cum insertione commissionis, & inhibitionis cum Sigillo, Cancellarium pro mercede posse vigintiquinque solidos percipere, & hunc Cancellarium voluisse eandem mercedem, etiam si non adfuerit commissio causæ, licet adfuerit citatio cum inhibitione tantum, propterea tollentes hunc abusum volumus illum tantum posse consequi pro mercede sua, quod est a Magalotto determinatum pro simplici citatione cum sigillo.

Pro copiis cujuslibet scripturæ Notarios Curie Civilis solitos fuisse paucissimas lineas, & distinctionibus quibus, aut tribus denotatas partibus tribuisse, propterea in hoc mandamus observari, quod in Cancellario, aut Notario Curie Criminalis emendatum, & diffinitum est, inhibentes quamcumque multiplicationem, & ut supra dictum est.

Quia consueverunt Notarii ad causas civiles, si contigisset in partibus examinari Testes vigore literarum remissorialium decretarum a Judicibus Curie generalis, velle mercedem inferendo illas in processu autentico. Ideo cognoscentes hoc esse irrationabile, & non esse conveniens, si semel pro illis habendis fuerit competens merces soluta, mandamus, pro prædictis nihil supradictos Notarios posse habere, sed gratis illas accommodare debere partibus, necnon etiam volumus prædictas in processu nisi de

consensu partis, Notarium reponere, aut inferere posse, quo casu permittimus, & concedimus, etiam sicuti si contigerit fieri earum attestacionum, vel aliarum scripturarum in partibus factarum, & productarum copias, posse competentem recipere mercedem, sicut supra diffinitum est.

Pariter excessivam voluisse Notarium mercedem, si pro executione literarum citatorialium, & inhibitorialium ab Urbe emanatarum, vel ab alio loco una cum relatione authentica auditum est, ideo ad condignam mercedem id reducentes, volumus illum præter unum Julium nihil consequi audere.

Et quia contingit multos velle processus suos authenticari, & pro mercede etiam excessivam Notarium voluisse mercedem, ideo determinamus, Notarium nisi quatuor bolon, computare mercede, quam habuit pro copiis, illum posse consequi. Quod nedum in Curia civili volumus, & mandamus observari, sed etiam in Curia Criminali a Cancellario, seu Notario illius Curie criminalis.

*De Officio Baricelli Curie generalis.*

Quoniam reprimenda est audacia Baricelli Curie generalis, ideo, quia contingit illum facere duplicem executionum speciem, altera est, quæ pro executionibus fiendis eorum, quæ occurrunt in Provincia: Altera est eorum, quæ fieri debet vigore literarum executorialium ab Urbe, vel ab alio loco emanatarum, unde immodicas in hac ultima volebat mercedes.

Nos autem attendentes id, quod Juri, & æquitati convenit volumus ambas commensurari æqualiter, & quod in primo capite ex taxatione Magalottæ solvitur, illud idem prædictum habere debere, nec aliquem in plus cogere posse sub poena arbitrio dicti Præsidis, vel Rectoris Provinciae imponenda.

*De Officio Gubernatorum Civitatum.*

Gubernatores Civitatum Provinciae voluisse accepimus, si contigebat eos personaliter partibus instantibus ad aliquem locum differentia in Civitate, vel Suburbis, vel extra multiplicare Viaticum, prout in Auditore generalis Curie civilis diximus, & criminalis, ideo mandamus prædictos Gubernatores tantummodo percipere posse Viaticum, prout supra in Auditoribus supradictis dictum est, & diffinitum.

Et quoniam intelleximus Gubernatores voluisse pro Decreto de habilitando aliquem a Carceribus in Palatio, vel Domi, vel pro cassanda fidejussione, & in aliis similibus, mercedem exegisse, cum tamen Magalottus pro prædictis nihil eis tribuat. Ideo sequentes Magalotti mentem mandamus, etiam prædicta a dictis Gubernatoribus gratis fieri debere, nec aliquid pretextu alicujus abusus, aut pravæ consuetudinis posse eos accipere, sicuti nec volumus quidquam



quam eis pro subscriptione etiam mandati de relaxando solvi debere.

Quia contingit quandoque, vel propter mutationem Gubernatorum, aut Judicum, vel Partium negligentia non fieri executionem mandati executivi obtenti, ideo pro subscriptione, si requiratur, & fuerit necessaria, mandamus prædictos Gubernatores successores, vel si fiant in subsidium Juris, nihil eos percipere posse, nisi Julium unum, quod intelligatur etiam de mandato relaxato per prædecessorem, & idem servare debeat Auditor Curiae generalis.

Abolendum omnino arbitramur, quod cum maximo damno Provincialium usu pravo introductum est, siquidem continebat pro quocumque delicto aliquem per viam Decreti relaxari voluisse Gubernatores ex hujusmodi Decreto mercedem, ideo illud tollentes mandamus præfatum nihil pro Decreto hujusmodi habere posse, quod in Auditore criminalis Curiae dispositum, esse jubemus.

In Causis Communitatum, licet Magalottus determinasset sportulas Gubernatores accipere non posse, iniqua consuetudine fuit introductum, Gubernatores sportulas exigere posse. Propterea cum sit contra expressam Magalotti ordinationem, mandamus in hoc eos nihil posse accipere, si causae fuerint Communitatum, siue de earum interesse fuerint, sicuti verbis clavis Magalottus decrevit.

Et, ut tollatur dubium, an istae debeant intelligi etiam de Cancellariis suis, declaramus respective ad eosdem referri debere, perinde ac si specificè, & expresse, & nominatim fuissent statuta, ordinata, & diffinita, pariter volumus, omnia, & quaecumque ordinata, & definita sunt, & in Cancellariis Curiae generalis civilis, & in Cancellariis, seu Notariis Curiae generalis criminalis vendicent sibi locum, prout adoptari poterunt omni prava consuetudine, stylo, aut abusu non obstante in prædictorum Gubernatorum Notariis, seu Cancellariis, & ad criminalia in quarta parte ejus, quod accipere potest Gubernator.

*De Officio Advocati, Procuratoris,  
& eorum Mercede.*

Inolevit abusus, quod nec habetur Advocatorum ratio, nec Procuratorum labor attenditur, sed promiscue utrumque, & quidem indigne exercetur officium, ideo corruptelam hanc tollentes mandamus Advocatos non posse officium Procuratoris exercere, nec Procuratores posse se intromittere in Advocati officio, sub poena a Magalotto determinata, & diffinita, quam, si opus est, renovamus, & imponimus, omni corruptela, & consuetudine rejecta, exceptis tamen casibus a Magalotto permissis, in quibus servatis, quæ ille disposuit pro bono communi, & partium minori impenſa, permittimus.

Licet Advocatis, & Procuratoribus merces omni ratione debeatur, cum bona,  
*Bull. Rom. Tom. IV. Par. IV.*

honores, & famam in vitam suo ingenio, & voce gloriosa conservent, est etiam indignum, eos amplius velle, quam par sit, ideo quia accepimus contra mentem Magalotti eos salaria majora inter Ravennates, & quoque duplicasse, & triplicasse, scientes se ultra scuta sexdecim excedere non posse, causa sit cujusvis magnæ summæ, & valoris, volentes secundum Statuta Civitatis taxari eorum salaria usque etiam ad triginta duo scuta, quod a Procuratoribus fieri pariter solet, cum tamen ex Magalotto solummodo duodecim scuta percipere valeant Procuratores, e contra vero si ab eorum Statuto modica taxata salaria habent, Magalotti determinatione illa subtaxare procurant. Propterea mandamus, & Advocatorum, & Procuratorum hujusmodi salaria debere taxari secundum ordinationem Magalotti, & causarum, quæ coram Judice Civitatum, qui non sit delegatus a Præsidente, vel ab Urbe, & qui non dependet a Curia generali, salaria possint, & debeant taxari secundum Statuta locorum, & ut tollatur disputandi circa hoc facultas, declaramus, istud procedere etiam si causae fuerint inter unum forenses, & alterum Ravennaten., necnon etiam habere locum in aliis locis, Terris, Castris, & Civitatibus Provinciae Romandiolæ subiectis.

Eosdem etiam Provinciae Advocatos voluisse sibi taxari salaria, & solvi, etiam si in aliqua causa non fuerint nisi a Procuratore nominati, & nihil egerint; Intelleximus ideo tollentes hanc corruptelam, & pravam abusum decernimus, prædictos Advocatos non posse aliqua salaria percipere, nisi cum effectu constiterit, eorum scripturis manu propria subscriptis, fuisse Advocatos non solum in initio causae, sed etiam usque in finem, nisi ad ratam, quando contigerit fieri Advocati mutationem a partibus ipsis eo, vel ignorante, vel etiam de ejus consensu, secundum tamen ratam temporis, quo inservierunt.

Quia contingit aliquando Curiam generalem esse modo in una Civitate, modo in alia, & nunc uno in loco, modo in alio, ideo relatum est, Advocatos quandoque adire Curiam, & a Clientulis suis, etiam si, vel pro suo proprio interesse proficiscantur, vel aliorum, voluisse viatica, quod certe iniquum est, propterea decernimus prædictos Advocatos non posse a prædictis suis Clientulis sub ullo prætextu aliquid ratione Viatici consequi, nisi expresse constiterit de voluntate eorum realiter, & cum effectu illos Curiam adisse sub poena arbitrio dicti Præsidentis taxanda, & imponenda illis, secus vero, si de voluntate prædictorum adierint Curiam, & pro illis, aut uno eorum tractaverint, locuti fuerint, vel causas disputaverint, tunc enim permittimus illos tali casu congrua, & honesta viatica secundum ordinationem Magalotti habere posse.

Advocatos, & Procuratores consuevisse salaria recipere, si debitor citabatur, & ante petitionem solvebat Creditori suo accepimus, cum tamen nihil laboris egerint,  
Y y 2 ini-



iniquum est velle salaria hoc casu; Ideo refecantes hunc abusum mandamus prædicto casu nihil eos pro salario habere posse, cum non constet in aliquo laborasse. Quod volumus etiam observari porrecta petitione, si mandatum non fuisset relaxatum, quia tunc permittimus patrocina illis debere, alias minime volumus illos quicquam habere posse, quia nec Iudicibus Magalotta concedit aliqua salaria in executivis, si mandatum traditum non fuerit, ita pariter prohibemus prædictis Advocatis, & Procuratoribus posse in executivis, ubi mandatum traditum non fuit, posse aliquid præsumptum salarii, vel patrocini habere, rejecta consuetudine prava, quæ diu observata fuit contra mentem Magalotti, qui nec Iudicibus, nec Notariis tali casu aliquid tribuit.

Prohibendum pariter est Advocatis, necnon Procuratoribus sub poena infamiae, posse retinere sportulas a Clientulis causa deponendi pro sententia ferenda; Nam relatum est, eos quandoque ab illis recipere sub prædicto colore, & sententia posita, prout in cedula, vel habito termino proservato, non curare ultra causam expediri cum gravi jactura principalium, ideo determinamus illos statim atque habuerint sportulas illas deponere sub poena prædicta.

Quia etiam intelleximus, si partes ad concordiam venerint, antequam sententia proferatur, eosdem Advocatos, & Procuratores voluisse patrocina, ac si lata fuisset sententia, ideo huic pravo abusu occurrentes determinamus in hoc servandum esse, quod diximus supra in Auditore, & Notario, seu Cancellario Curiae civilis.

Pariter tollendum est, quod a multis auditum est, scilicet eosdem Advocatos, & Procuratores voluisse salaria si summarie, & sine processu, & absque tela judiciaria aliqua causa expediebatur per maiorem superiorem; ideo quia modicus eis sit labor, mandamus illos, nisi prout in executivis dictum est supra de Auditore, & Notario civili, consequi posse.

Datum Romæ apud Sanctum Marcum sub Annulo Piscatoris die 19. Septembris 1587. Pontificatus nostri anno tertio.

## CIV.

Prohibitio extrahendi, aut quoquo modo amovendi libros, & alia existentia in Bibliothecis Fratrum Minorum de Observantia Ordinis S. Francisci. Et ordinationes quibus eadem conservari debeant.

*Alia de hoc Ordine inspicere in Constit. XXVI. Leonis X. lre. Tom. III. Par. III. fol. 450.*

S I X T U S P A P A V.

*Ad perpetuam rei memoriam.*

Causa hujus  
Constitutionis.

Cum sicut accepimus, nonnulli parum attendentes procedere via, quæ ducit ad salutem, sub variis respectibus ausi fuerunt, & in dies audent, contra formam litterarum fel. rec. Pii Papæ V. Prædecessoris

nostri in forma Brevis, sub datum Romæ quarta Novembris, millesimo quingentesimo sexagesimo octavo, Pontificatus sui Anno quarto, asportare libros, quinternæ, folia, & res existent. in Bibliothecis Monasteriorum, seu Domorum Fratrum S. Francisci de Observantia.

§.1. Idcirco volentes plenius providere prædictis, tenore præsentium, Motu proprio, ac ex certa scientia nostra, & de Apostolicæ potestatis plenitudine, in virtute sanctæ obedientiæ, ac sub excommunicationis lætæ sententiæ poena ipso facto sine alia declaratione per contravenientem in singulis casibus infra scriptis incurrenda, a qua nisi a Romano Pontifice, præterquam in mortis articulo possit absolvi, & nisi in primis satisfacto omni damno dictarum Bibliothecarum, mandamus omnibus Ministro, ac Commissario Generalibus, Ministris, Provincialibus, Commissariis, Guardianis, ceterisque Fratribus quocumque nomine nuncupatis dicti Ordinis aliisque omnibus, & singulis personis ecclesiasticis, sæcularibus, & regularibus, cujuscvis status, ordinis, conditionis, etiam si Pontificali dignitate præfulgeant, vel alias hic specificè nominandi fuissent, præsentibus & futuris, ne sub quovis prætextu, causa, & ratione, etiam quibus dici posset, si nobis expressæ fuissent, vel de his cogitavissimus, non sic ordinavissimus, audeant seu præsumant, neque aliquis eorum audeat, seu præsumat, per se, vel alium, seu alios, nec pro minimo quidem temporis spatio dictos libros, quinternæ, folia, nec res de dictis Bibliothecis nunc, & quodcumque existentes de dictis Bibliothecis amovere, asportare, tollere, seu amoveri, asportari, aut tolli facere, vel consulere, neque verbo, vel facto in aliquo ex prædictis alicui auxilium, aut opem præstare. Quinimmo quilibet ex prædictis teneatur, quicquid in prædictis audiverit, aut sciverit factum, vel fieri tentatum in præjudicium dictorum Fratrum, eorumque Bibliothecarum, notificare Guardiano, & in ejus absentia Vicario Domus, seu Monasterii, in cujus Bibliotheca aliquid ex prædictis contigerit. Qui Guardianus, & Vicarius teneatur, juxta omne eorum, suorumque superiorum, & aliorum quorumcumque posse, quorum auxilio indiguerint, quod per quoscumque præstari eis mandamus, curare cum effectu omnia restitui in pristinum, & satisfieri omni damno successo in dicta Bibliotheca per culpabiles in prædictis.

§.2. Et nihilominus pro potiori cautela, & securitate prædictorum mandamus sub eisdem poenis, necnon privationis vocis activæ, & passivæ, inhabilitatisque perpetuæ ad quælibet Officia dictæ Religionis umquam obtinenda, & exercenda omnibus, & singulis dictorum Monasteriorum Guardianis quodcumque electis, ne sub quovis prætextu, causa, & ratione hic alias necessario exprimendis, audeant assumere officia Guardianatus, neque in eo verbo, seu facto se ingerere, nisi prius in præsentia discretorum lo-

Prohibetur  
omnibus amo-  
tio librorum  
ex Bibliothecis  
Ordinis.

Traditur for-  
ma librorum  
conservandi.



loci, seu Monasterii, in quo fuerit aliqua Bibliotheca, cum fuerit plenum, & perfectum inventarium, omnium, & singulorum librorum, quinternorum, & foliorum, anni, & loci impressionis, coperturaeque praedictorum, ac alterius cuiusvis certioris, & magis specialis specificationis dictorum librorum, quinternorum, foliorum, & rerum, quod inventarium completum debeat subscribi a dicto Guardiano, & discretis, dictique inventarii exemplar ad verbum cum similibus subscriptionibus transcribi in uno libro ad hunc solum effectum tantum, & perpetuo conservato in capsula, vel loco, in quo solent deponi sub clavibus eleemosynae pro tempore dictis Domui, Monasterio, ac Fratribus factae. Qui libri, quinterna, folia, resque quaelibet praedictae debeant per simile inventarium, & inventaria, ut supra scribenda, & subscribenda a dictis Guardiano, & discretis, & in dicto actu consignationis cum veteribus proxime praecedentibus, & aliis, quibus opus erit, ratiocinata, & collata per Guardianum jam Officium complementem, seu a dicto Officio Guardianatus, seu Commissariatus discedentem consignari ejus in Officio successoris, & ab eodem successore in praesentia supradictorum subscribi, sicque perpetuo ab omni Guardiano, seu ejus Vicesgerente, antequam assumat munus d. Guardianatus, vel in eo, verbo seu facto se intromittat, quae inventaria pariter fiant formis, & modis supradictis renoventur a Guardianis existentibus in Officio tempore Datae praesentium. Quod inventarium, quilibet Minister Provincialis, & dictae Provinciae Commissarius teneatur singulis annis sui Officii in praesentia dicti Guardiani, & discretorum ejus, Domus, & Monasterii revidere, & quod additum non fuerit, aut ex dictis Bibliothecis asportatum fuerit, facere addere dictis inventariis, ac in dictas Bibliothecas reportare, dictisque additionibus, & inventariis una cum praedictis Guardiano, & discretis se subscribere.

Puniantur  
contravenien-  
tes, & com-  
plices.

§.3. Quod si singula praedicta, ut supra ordinata, facta non fuerint, volumus, & decernimus ultra praedictas poenas dictum Guardianum, Ministrum, & Commissarium statim sine aliqua declaratione intelligi privatos, prout privamus ex tunc semper Officio Guardianatus, Ministratus, aut Commissariatus, quod tunc gerit, neminemque de cetero ei obedire volumus, & eundem sic ut supra in omnibus non obedientem declaramus inhabilem ad quaevis Officia dicti Ordinis per ipsum unquam gerenda. Et nihilominus quilibet ex praedictis Ministris, Commissariis, Guardianis, & Fratribus nunc, & pro tempore existentibus dicti Ordinis Minorum, asportans aliquid, aut asportari faciens, vel asportari consulens, aut opem, aut auxilium ante vel post, vel in ipso actu asportandi, verbo seu facto praestans extra dictas Bibliothecas contra formam praesentium debeat ab ejus immediate Superiore incurfuro sine alia declaratione statim dictas omnes poenas, si haec omnia debita executioni non manda-

verit, incarcerari, & in carceribus detineri per sex menses continuos, neque elapsis dictis sex mensibus possit de dictis carceribus liberari, nisi resectis omnibus damnis dictae Bibliothecae, & omnibus restitutis in pristinum. Decernimusque praesentes quemlibet eorum concernen. arctare ad earum observationem in Italia post quatuor menses, extra vero Italiam post octo menses, in partibus vero Indiarum, ac locorum de novo repertorum post biennium a data praesentium.

§.4. Nec de subreptionis, aut obreptionis, nec etiam intentionis nostrae, vel quolibet alio defectu, aut vitio, cogitato, vel incogitato redargui posse, nec contra has aliquid dici, nec ignorantiam, aut illorum inobservantiam posse allegare, sed plenissime ad literam observare, sublata aliter declarandi, interpretandi, & judicandi cuilibet, etiam S. R. E. Cardinali, & causarum Palatii Apostolici Auditori, facultate, & auctoritate, irritum, & inane decernentes, quicquid in contrarium factum fuerit.

Subreptio al-  
legari prohi-  
betur.

§.5. Non obstantibus praemissis, ac Constitutionibus, & Ordinationibus Apostolicis, ac Monasteriorum, Domorum, Ecclesiarum, & Ordinum praedictorum, etiam Juramento, confirmatione Apostolica, vel quavis firmitate alia roboratis statutis, privilegiis, & consuetudinibus, ceterisque contrariis quibuscumque, etiam de quibus hic specialis mentio facienda esset.

Derogatur  
contrariis.

§.6. Et quia difficile foret, praesentes originales ubique, ubi opus esset, ostendi, volumus, etiam transumptis &c.

Transumptio-  
rum fides.

Datum Romae apud S. Marcum, sub Anulo Piscatoris, die 1. Octobris, millesimo quingentesimo octuagesimo septimo, Pontificatus nostri Anno III.

D.P. An.III.  
3. Octobris.

## CV.

Confirmatio Privilegiorum Ordinis Fratrum Minorum Sancti Francisci de Observantia.

Ex Regest. in  
Secret. Brev.

## SIXTUS PAPA QUINTUS

Ad perpetuam rei memoriam.

ET si Mendicantium Ordines, & praesertim sacer Ordo Fratrum Minorum de Observantia, qui sedulo ad vineam Domini Sabaoth Dei gratia Ordo ipse magnos probitatis, & doctrinae, ac animarum salutis fructus, semper olim attulerit, & quotidie afferre summa diligentia conatur in eaque immensum exhibere non cessat famulatum, summo semper studio (etiam cum in minoribus essemus) amplexi fuimus. Ad summum tamen Apostolatus apicem (meritis imparibus) divina favente clementia assumpti, dum id mente recolimus, facere non possumus, quin eundem Ordinem de Observantia propensiori charitate, & paterno affectu amplectamur, ac exin-

Exordium ab  
ipsa materia  
desumptum.



exinde pro suis sanctis studiis honestisque laboribus, ac pro animarum salute ab Apostolica Sede (cujus continue pacem, & dignitatem Ordo ipse de Observantia fortiter tutatus est) tam spiritualia, quam temporalia subsidia, ornamentaque acceperint, & accipiant, quibus, & sancta sua officia, ac vitam suam Regularem facilius, atque expeditius exequi, & transigere possint, & ceteræ Religiosæ personæ, Ordinesque alii exemplo ipsorum promptiores, alacriorisque ad sua officia persolvenda reddantur.

Romani Pontifices sæpius huic Ordini concessa Privilegia confirmarunt.

§.1. Sane pro parte dilectorum filiorum Francisci a Tholosa Ministri Generalis, & Thomæ de Massa Commissarii Generalis Cismontanæ familiæ prædicti Ordinis de Observantia Nobis nuper expositum fuit, quod cum ex ipsius Sedis provisione, ac benigna dignatione provenire dignoscatur, ut Romanus Pontifex quandoque Prædecessorum suorum Romanorum Pontificum gesta innovet, ac Apostolica auctoritate innovata, & restaurata muniat, & fulciat, & in pristinum statum reponat, ac reducat, necnon propterea nonnulli Romani Pontifices Prædecessores nostri, nonnullas gratias, concessionem, indulgentias, peccatorum remissiones, absolutiones, etiam plenarias, libertates, prærogativas, favores, immunitates, exemptiones, declarationes, facultates, multaque alia privilegia, & indulta tam prædictis Fratrum Minorum, quam S. Claræ, ac tertio de Poenitentia nuncupato Ordinibus, illorumque Superioribus, Fratribus, Monialibus, & Sororibus, ac utriusque sexus personis, & Monasteriis, Domibus, Ecclesiis, & locis quibuscumque dictorum Ordinum nunc, & pro tempore existen. in genere, vel in specie, etiam per modum communicationis, sive extensionis privilegiorum aliis Ordinibus, eorumque Domibus, & Ecclesiis, & utriusque sexus personis Ordinum Mendicantium, & non Mendicantium existen. concessorum concesserunt, aut jam concessa confirmarunt, & approbarunt, prout in singulis concessionibus, declarationibus, & literis eorumdem Prædecessorum expeditis plenius dicitur contineri.

Minister Generalis, & Commissarius Generalis hoc idem a Sixto concedi postulavit.

§.2. Cum autem sicut eadem expositio subiungebat, illa, quæ sæpius Apostolica auctoritate prædicta munita existunt, majorem obtineant roboris firmitatem, pro parte eorumdem Francisci, & Thomæ Nobis fuit humiliter supplicatum, ut prædictis privilegiis, immunitatibus, exemptionibus, libertatibus, favoribus, conservatoriis, declarationibus, facultatibus, dispensationibus, gratiis, concessionibus, indulgentiis, & indultis pro illorum observantia, nostræ approbationis robur adiceret, aliasque in præmissis opportune providere de benignitate Apostolica dignaremur.

Præstat Pontifex.

§.3. Nos igitur, qui omnium votis, præsertim illis, qui sub suavi Religionis jugo divinis laudibus, & Christianæ Religionis augmento incumbentium personarum tranquillitati, & commoditati consulitur, libenter annuimus, eaque favoribus pro-

sequimur opportunis, hujusmodi supplicationibus inclinati, quæcumque præmissa ac omnia, & singula alia privilegia, immunitates, exemptiones, libertates, prærogativas, favores, conservatorias, declarationes, facultates, dispensationes, gratias, concessionem, indulgentias, & indulta spiritualia, & temporalia, etiam per modum communicationis, & extensionis, & cum aliis Ordinibus Mendicantibus, & non Mendicantibus ejusdem Fratrum Minorum regularis Observantiæ, & S. Claræ, & de poenitentia tertio Ordinibus, etiam in Congregatione, sub trium votorum substantia, hujusmodi professione, & eorumdem Superiorum Ordinis Minorum Regularis Observantiæ hujusmodi obedientia degentibus, ipsorumque Superiorum Fratribus, Monialibus, Sororibus, ac utriusque sexus, etiam singularibus personis, necnon Monasteriis, Domibus, Ecclesiis, & locis quibuscumque in genere, & in specie, etiam per solam signaturam, etiam vivæ vocis oraculo, ut præfertur, aut alias per eosdem Romanos Pontifices Prædecessores nostros, ac Nos, & Sedem prædictam, sub quacumque forma, & expressione verborum concessa, ac etiam iteratis vicibus approbata, necnon omnibus, & singulis in eis forsan contentis clausulis, Decretis, & declarationibus quibuscumque, ac singulas desuper, etiam pluribus vicibus confectas literas, & in eis contenta, & inde secuta quæcumque, illorum omnium tenores, & formas, datas, effectus, & decreta in illis apposita, ac si de verbo ad verbum infererentur præsentibus, & in his essent inserta, pro sufficienter expressis habentes, dicta auctoritate Apost. tenore præsentium ex certa scientia in his omnibus, in quibus Decretis Concilii Tridentini non adversentur, approbamus, & confirmamus, ac innovamus, perpetuamque roboris firmitatem obtinere, & firmiter observari.

§.4. Necnon Ordinibus Fratrum Minorum Regularis Observantiæ, & S. Claræ, ac tertio de Poenitentia nuncupato, etiam in Congregatione sub obedientia Fratrum Minorum de Observantia hujusmodi degent. Superioribus, Fratribus, Monialibus, & Tertiariis nuncupatis Sororibus, personis, Monasteriis, Domibus, Ecclesiis, & locis prædictis, etiam per modum communicationis, & extensionis hujusmodi suffragari, illisque frui, uti, & gaudere, quando, & quoties opus fuerit, posse, & debere in judicio, & extra, ac etiam in foro conscientie in omnibus, & per omnia, ac si specialiter, & expresse eisdem Fratrum Minorum, ac S. Claræ, & tertio de Poenitentia Ordinibus per Nos concessa fuissent, decernimus, suppletes omnes, & singulos Juris, & facti, ac solemnitatum etiam juris necessitate, aut alias quomodolibet requisitarum forsan omisarum, & alios quoscumque defectus, si qui forsan intervenerint in eisdem.

§.5. Quocirca Venerabilibus fratribus Calaguritan., & Leodien. Episcopis, & dilecto

Et talia Privilegia Tertio Ordini de Poenitentia communicat.

Exequutores hujusce Constitutionis deputat.



lecto filio causarum Curiae Camerae Apostolicae Generali Auditori per eandem praesentes committimus, & mandamus, quatenus ipsi, vel duo, aut unus eorum, per se, vel alium, seu alios faciant auctoritate nostra praesentes literas, & in eis contenta quaecumque plenum eorum effectum sortiri, illisque omnes, quos concernunt, pacifice frui, & gaudere, non permittentes quemquam desuper contra praesentium tenorem, sub quovis pretextu, & causa, etiam defectu intentionis nostrae per quoscumque quomodolibet indebite molestari, quinimo quidquid in contrarium attentari, vel fieri continget, omnia semper in pristinum reponi, contradictores quoslibet, & rebelles, etiam per quoscumque, de quibus eis videbitur, censuras, & poenas ecclesiasticas, & alia opportuna Juris, & facti remedia appellatione quacumque postposita, compescendo, ac legitimis super his habendis servatis processibus, etiam iteratis vicibus aggravando, invocato etiam ad hoc, si opus fuerit, auxilio brachii saecularis.

Sicque iudicari praecipit.

§.6. Sicque per quoscumque Iudices, & Commissarios ac S. R. E. Cardinales, nec non Sacri Palatii Apostolici causarum Auditores sublata eis, quavis aliter iudicandi, & interpretandi facultate, iudicari, & definiiri debere.

Derogatio contrariorum

§.7. Non obstantibus praemissis, ac pie mem. Bonifacii PP. VIII. etiam Praedecessoris nostri de una, & in Concilio generali de duabus dietis, dummodo ultra tres dietas aliquis praesentium vigore ad iudicium non trahatur, aliisque Apostolicis Constitutionibus, ac Provincialibus, & Capitularibus statutis, & consuetudinibus, etiam iuramento, confirmatione Apostolica, vel quavis firmitate alia roboratis, privilegiis quoque, indultis, & literis Apostolicis, etiam in forma Brevis per quoscumque Romanos Pontifices Praedecessores nostros, ac etiam Nos, & Sedem praedictam, etiam Motu proprio, ac scientia, & potestatis plenitudine similibus, ac cum quibusvis irritativis, annullativis, cassativis, etiam privilegiorum eorum revocativis, restrictivis, reservativis, exceptivis, restitutivis, declarativis, mentis attestativis, ac derogatoriis derogatoriis, aliisque efficacioribus, efficacissimis, & insolitis clausulis, quomodolibet etiam pluries concessis, confirmatis, & innovatis. Quibus omnibus etiam si pro illorum sufficienti derogatione de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua exquisita forma ad hoc servanda foret, etiam quod in eis caveatur, expresse quod illis nullatenus, aut non nisi sub certis modo, & forma derogari possit, tenores huiusmodi, ac si de verbo ad verbum nihil penitus omissis, & forma in illis tradita observata inserti forent praesentibus, pro sufficienter expressis, & insertis habentes, motu, scientia, & auctoritate similibus deroga-

mus. Aut si aliquibus communiter, vel divisim ab eadem sit Sede indultum, quod interdici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto huiusmodi mentionem, ceterisque contrariis quibuscumque.

§.8. Verum quia difficile foret &c.

Datum Romae apud S. Marcum sub annulo Piscatoris die 3. Octobris 1587. Pont. nostri Anno III.

Fides Transumptis danda.

Dat. die 3. Octob. 1587. An. III.

## CVI.

Approbatio Congregationis Fratrum Minorum Conventualium Reformatorum S. Francisci, cum habitus designatione, & privilegiorum communicatione.

*De toto autem Ordine Franciscano, plene notavi in Constitut. LXVII. Hon. III. Solet Tom. III. fol. 229.*

SIXTUSEPISCOPUS  
SERVUS SERVORUM DEI

*Ad perpetuam rei memoriam.*

**A**postolici muneris sollicitudo, divina dispensatione Nobis licet immerentibus delegata, indefinenter requirit, ut circa statum Religiosarum personarum quarumlibet, illarum praesertim, quae ex singulari devotionis fervore sub strictiori Religionis iugo, gratum Deo famulatum praestare affectant, & continuo insistant, assidua mentis cogitatione invigilantes, ad ea, per quae regularis vitae institutum in melius dirigetur, ipsaeque personae Religiosae in huiusmodi earum laudabili instituto, semoto quocumque perturbationis, & molestiae obstaculo, quiete, ac tranquillitatis amoenitate perseverare valeant, propensius intendamus, ac in his officii nostri partes libenter interponamus, prout undique debite pensatis circumstantiis, conspiciamus in Domino salubriter expedire.

Exordium.

§.1. Sane exhibita Nobis nuper pro parte dilectorum filiorum Fratrum Minorum Conventualium Reformatorum S. Francisci petitio continebat, quod annis jam pluribus retroactis, nonnulli Ordinem Fratrum Minorum S. Francisci jam tunc expresse professi, strictioris Religionis iugum subire, ac ejusdem Sancti Francisci Regulam, institutumque pium, ac sanctum, exactius sequi, atque imitari, & sub illis magis gratum Deo famulatum exhibere peroptantes, coeperunt seipsos juxta eandem Regulam paulatim reformare, nonnullasque Domos, Conventus, & loca in Provincia Marchiae Anconitanae, in Hetruria, ac in Neapolitan. & Siciliae Regnis, in quibus ipsam Regulam servare, & secundum illam vivere possent, acquisiverunt, & acceptarunt. Licet autem in domibus, & locis huiusmodi, sub obedientia Protectoris, & Superiorum Ordinis Fratrum Mi-

Causae huius concessiois.



Minorum Conventualium hujusmodi vivant, nec ideo ab aliquo potuissent, nec possint, vel debuissent, aut debeant, super sic reformato vivendi modo, per quemquam molestari, vel impediri, nihilominus in quibusdam locis, & potissimum in prædicto Sicilia Regno, aliqui locorum Ordinarii sub prætextu, quod hæc Fratrum Reformatorum Congregatio, nova, ac nequaquam ab Apostolica Sede approbata existeret; permiserunt quidem ipsos Fratres Reformatos Ecclesias, & loca fabricari facere, & acquirere, sed postea eos illis de facto spoliaverunt; alii vero in aliis locis eisdem super habitu ipsorum, & seu aliis, ac super aliis molestarunt, & inquietarunt. Cum autem sicut eadem petitio subiungebat, dicti Fratres Reformati provide, & ne ipsos, eorumque Congregationem super præmissis contingat ulterius inquietari, utque præsens Reformatio magis stabilita, non solum manuteneatur, sed incrementum accipiat, speciali nostro, & Sedis prædictæ privilegio, ut infra, dilectis filiis Protectore, & Magistro Generali dicti Ordinis, in hoc etiam consentientibus, præfulciri desiderant, ac pro parte eorumdem Fratrum Reformatorum Nobis fuit humiliter supplicatum, quatenus in præmissis opportune providere, ac eos in hujusmodi pio, & laudabili proposito confovere de benignitate Apostolica dignaremur.

Confirmatio  
Ord. Fratrum  
Conventualium  
Reformatorum  
eorumque re-  
formationis.

§.2. Nos igitur, qui personas devotas, præsertim vero eas, quæ relicto mundo, Christum secutæ sunt, specialibus libenter prosequimur favoribus, eosdem Fratres Reformatos, ac illorum singulos, a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine, quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, hujusmodi supplicationibus inclinati, reformationem prædictam ubicumque locorum coeptam, & introductam, ac in dies introducendam, ac pro ea, & illius felici, & prospera directione facta, statuta, & ordinationes cum inde secutis quibuscumque sicuti pie, ac sancte sancita, & ordinata sunt, auctoritate Apostolica, tenore præsentium perpetuo confirmamus, & approbamus, illaque omnia per quoscumque locorum Ordinarios, & alios, ad quos quomodolibet spectat, & spectabit in futurum, inviolabiliter observari debere decernimus, omnesque, & singulos, tam juris quam facti, ac solemnitatum, etiam substantialium defectus, si qui forsitan quomodolibet intervenerint in eisdem, aut eorum aliquo, de plenitudine Apostolicæ potestatis supplemus.

Reformati  
sub obedientia  
Protectoris  
generalis  
Procuratoris-  
que & Pro-  
vincialium ex-  
sistant.

§.3. Et nihilominus eisdem Fratribus Reformatis, quod nunc ac deinceps in perpetuum, ipsi, ac eorum Congregatio, tam in prædictis, quam quibusvis aliis Regnis, & Mundi partibus, Fratres Minores Conven-

tuales Reformati nuncupari, & pro talibus haberi, & reputari, necnon se ipsos ita ubilibet, & in quibusvis actibus publicis, & privatis, vocare, & inscribere, & secundum veram Beati Francisci Regulam, Apostolico more in communi, sub dilectorum filiorum, nunc & pro tempore existentium dicti Ordinis Fratrum Minorum Conventualium Protectorum, & Magistrorum, ac Procuratorum generalium, & Ministrorum Provincialium vivere, exceptis dumtaxat Domibus, & Conventibus Urbis, & Civitatis Neapolitanæ, quæ sub obedientia Ministri, & in ejus absentia Procuratoris generalis Ordinis, ut par est, degere, & subesse tantum intelligantur.

§.4. Custodesque Provinciae in eis residere debeant, etiam si aliqui Eremiticam, aliqui sub obedientia Fratrum Minorum de Observantia nuncupatorum, alii vero tanquam Tertiarii, aut alias aliam vitam duxerint, seque voto vitæ Quadragesimalis obligaverint, ac etiam si postea aboliti fuerint, a quibus omnibus votis, & professionibus, quatenus opus sit, eos & illorum singulos plenarie absolvimus, & liberamus, ac habilitamus, plenarieque absolutos, & habilitatos esse decernimus.

§.5. Ac quod quicumque ipsorum Fratrum Reformatorum vocati, in quacumque Provincia, Capitulo, seu Congregatione Provinciali dicti Ordinis Fratrum Conventualium interfuerint, in quo particularis fiat Congregatio diversorum vocalium Reformatorum, & in ea Præfatus ipsius Capituli existat, ac præsideat, ibidemque Custodem Reformatum inter ipsos eligat.

§.6. Cujus officium per annum tantum duret, quique visitandi, corrigendi, incarcerandi, puniendi, privandi, collocandi, & deponendi, sive dislocandi, necnon reformandi, ac primas causas cognoscendi, sicut cognoscit Provincialis, dummodo ab ipso Provinciali non præveniat, & ab ipso ejusque decretis, ac sententiis ad ipsum, Provinciale Conventualium relinquatur recursus, & appellatio, qui vel quæ nunquam impediri queat, quoties opportunum fuerit, sed tantum in eos possit Provincialis prædictus, quantum in Conventuales, de jure, more, laudabilique consuetudine potest, & debet.

§.7. Et insuper eorumdem Fratrum Reformatorum quilibet, necnon quæcumque domus, Ecclesiæ, & loca ipsorum, omnibus, & singulis privilegiis, immunitatibus, exemptionibus, prærogativis, concessionibus, facultatibus, indultis, indulgentiis, stationibus, ceterisque gratiis, tam temporalibus, quam spiritualibus, quibus domus, & Ecclesiæ dictorum Fratrum Conventualium, eorumque Guardiani, & Fratres, de jure, usu, & consuetudine, vel privilegio, aut alias quomodolibet utuntur, fruuntur, potiuntur, & gaudent, ac uti, frui, potiri, & gaudere possunt, & poterunt quomodolibet in futurum pariformiter, & sine differentia, dummodo contra puritatem Regulæ ejusdem Beati Francisci non sint,

Custodis Pro-  
vinciæ resi-  
dentia.

Reformati in  
Capitulo Co-  
ventualium in-  
terfuerint, faci-  
que Congreg-  
vocalium Re-  
for. cui Capitu-  
tuli Præfatus  
assistat, custo-  
demque ex  
Reformatis e-  
ligat.

Custodis offi-  
cium, & au-  
toritas.

Privilegiis,  
gratiis, & in-  
dultis Con-  
ventualium,  
ipsi Reforma-  
ti potiuntur.



Syndicum pro  
secularibus ne  
gociis agendis  
Reformati de  
putare possunt,  
& habitum hic designatum deferant.

sint, nec ei in aliquo derogent, sed conservationem, & augmentum dictæ Reformationis concernant, uti, frui, potiri, & gaudere possint in quolibet actu.

§.8. Concedit itidem, ut in quolibet eorum Conventu, seu Domo, Syndicum, juxta ordinationem felicis recordationis Nicolai Papæ III. Prædecessoris nostri, super hoc factam, cui per Provinciales, Custodem, ac Guardianum loci, cum aliis fratribus, negocia secularia Domus, seu Conventus, ac computa rationum revidenda, expensæ faciendæ, provisiones necessariae pro alimentis, & vestimentis, & constructiones, reparationes Conventuum, ne commutent habitum, etiam quantumvis rudem vilium pannorum, sive novum, sive veterem, ac de saccis, etiam repetitum, & refarcitum, non enim habitus exquisitus, in qualitate, vel quantitate decet fratrem Reformatum, coloris terrei, seu cineritii, ac caputium, seu scapularium in capite rotundum, & a tunica divisim gestare, ac ubilibet deferre, nudisque pedibus, aut suppositis solis (sive ut vocant) sandaliis, incedere libere, & licite valeant, ac etiam debeant.

Super Conventibus receptis, & recipiendis, distinctique habitus delatione aliisque præmissis molestari nequeat.

§.9. Necnon quod ab Ordinariis locorum quorumcumque Regnorum, & Mundi partium, in quibus pro tempore domus seu Conventus, & loca habuerint, ac introducti fuerint, aut etiam quibuscumque aliis personis, Superioribus, & Prælatibus cujuscumque status, gradus, ordinis, & conditionis existentibus, in hac super tam jam fabricatis, ac receptis, quam deinceps quandocumque, & ubicumque (de Ordinariis locorum licentia) fabricandis, recipiendis, & acceptandis, per eos ac eis oblatis, & donatis domibus, Conventibus, Ecclesiis, ac locis, illorumque usu habitatione, ac retentione liberis, quietis, & pacificis (dummodo tamen de licentia expressa Ministri Generalis pro tempore existentis dictorum Fratrum Conventualium, ac Capitulo Provinciali, sic determinante) domos, & loca hujusmodi receperint, & acceptaverint, habitusque delatione, & aliis præmissis quovis modo, aut quæsito colore, publice vel occulte, directe vel indirecte, ullatenus umquam molestari, perturbari, vel inquietari.

Fratres Conventuales de eorum Generalis licentia, alios vero nequaquam recipiant juxta Const. Pii V.

§.10. Neque item ipsi Fratres Reformati aliquos alios Fratres alterius cujuscumque Ordinis Sancti Francisci de Observantia, ac Cappuccinorum, aut aliorum Ordinum, juxta literas fel. rec. Pii Papæ V. etiam Prædecessoris nostri in forma Brevis, sub die prima Decembris, millesimi quingentesimi sexagesimi noni, Pontificatus sui Anno quarto emanatas, sed tantum Conventuales, & cum expressa ad hoc habita Ministri Generalis ipsorum Conventualium licentia recipere, minusque sic inter Reformatos ex Conventualibus recepti, professionem alio tempore, vel anticipato, vel non completo anno, vel ante annum sextumdecimum, vel datis vel intimatis terminis professionis faciendæ, & hoc etiam in pu-

*Bull. Rom. Tom. IV. Par. IV.*

blica Ecclesia, Capitulo, vel Refectorio, prout ipsi Conventuales emittunt, ac non nisi juxta veram, & puram Regulam Beati Francisci prædictam emittere, neque postquam ad Reformatos ex Conventualibus sic transiverint, ad dictos Conventuales inde reverti; quin etiam prædicti Fratres Reformati ex secularibus nonnullos, nisi qui bonæ vitæ, & famæ, priusquam in ipsa Congregatione Reformatorum recipiantur, probati fuerint, ac habita prius a Provinciali dictorum Fratrum Conventualium licentia, quam nec Guardiani, Custodes, vel Commissarii quicumque dare possint, in Fratres Reformatos recipere queant.

§.11. Demum quod ipsi Fratres Reformati, & eorum Congregatio, dictis Fratribus Conventualibus, ac cum illis ita uniti sint, & esse censeantur, ut nullo umquam tempore liceat illis alios Protectores, Generales, vel Provinciales, quam dictorum Conventualium habere, nec in Processionibus, & aliis actibus, aliam quam Conventualium Crucem sequi, vel deferre, nisi forte ipsi Fratres Reformati in aliquo loco fuerint, in quo non adsunt Conventuales, quo casu iidem Reformati per seipsos ire, ac incedere, sub excommunicationis poena sese a Conventualibus umquam separare, aut segregare ullo modo, ullove tempore valeant.

§.12. Præsentes quoque, & desuper faciendæ literæ, toti, & soli Congregationi Reformatorum, sub obedientia Conventualium, in omnibus Provinciis viventium suffragentur, ac concessæ intelligantur, illæque per quoscumque uniformiter, etiam si aliqui hætenus, in quacumque Provincia privilegium aliquod, aut facultatem particularem, a Nobis, & aliis Romanis Pontificibus Prædecessoribus nostris, quomodolibet impetrarint, observari debeant, auctoritate, & tenore prædictis, etiam perpetuo concedimus, & indulgemus.

§.13. Ac etiam statuimus, & ordinamus easdem præsentes literas, nullo umquam tempore, de subreptionis, vel obreptionis, seu nullitatis vitio, aut intentionis vel quovis alio defectu notari vel impugnari, aut alias quomodolibet infringi, vel retractari nullatenus umquam posse, sed illas semper, & perpetuo validas, & efficaces existere, suosque effectus sortiri debere. Neque sub quibusvis similibus, vel dissimilibus gratiarum revocationibus, suspensionibus, derogationibus, aut aliis contrariis dispositionibus, per quascumque literas, vel Constitutiones Apostolicas, seu Cancellariæ Apostolicæ regulas, etiam per Nos, & Successores nostros prædictos, etiam Motu proprio, & ex certa scientia, ac de prædictæ potestatis plenitudine, ac consistorialiter, necnon sub quibuscumque tenoribus, & formis, ac cum quibusvis clausulis pro tempore factis, comprehendendi, sed semper ab illis exceptas, necnon quoties illas revocari, vel limitari, aut suspendi, seu eis derogari contigerit, toties

Cum Conventualibus ad processiones incedant, ab illisque se nunquam separare, nec alios Protectores, vel Provinciales quæ Conventualium habere possint.

Hæc Constitutio Reformati sub Conventualium obedientia viventibus solummodo suffragatur.

Clausulæ præservativæ.



1587.

Decretum irritans.

in pristinum statum ; etiam sub data priori restitutas , & plenarie reintegratas , & de novo concessas esse , & censerī .

Clausula derogatoria.

§.14. Sicque etiam per quoscumque Judices , Commissarios , & delegatos , ac causarum Palatii Apostolici Auditores , & S. R. E. Cardinales , necnon quosvis alios Ecclesiarum Prælatos , ac Judices , tam ecclesiasticos quam sæculares , sublata eis , & eorum cuilibet , quavis aliter judicandi , & interpretandi facultate , & auctoritate , judicari , & definiri debere , si secus super his a quoquam quavis auctoritate , scienter vel ignoranter attentari contigerit , irritum , & inane decernimus , & declaramus .

§.15. Non obstantibus Constitutionibus , & Ordinationibus Apostolicis , necnon statutis , etiam juramento , confirmatione Apostolica , vel quavis firmitate alia roboratis , privilegiis quoque , indultis , & literis Apostolicis , sub quibuscumque tenoribus , & formis , ac cum quibuscumque etiam derogatoriis derogatoriis , aliisque efficacioribus , & insolitis clausulis , necnon irritantibus , & aliis decretis , etiam Motu simili , ac alias quomodolibet concessis , approbatis , & innovatis . Quibus omnibus , etiam si de illis , eorumque totis tenoribus specialis , specifica , individua , & expressa , ac de verbo ad verbum , non autem per clausulas generales idem importantes , mentio , seu quævis alia expressio habenda , ad hoc servanda foret , illorum tenores , ac si de verbo ad verbum nihil penitus omisso , & forma in eis tradita , observata , inserti forent presentibus , pro expressis habentes , illis alias in suo robore permanentibus , hac vice dumtaxat , specialiter , & expresse derogamus , ceterisque contrariis quibuscumque . Volumus autem quod presentium copiis sive transumptis , etiam impressis , & manu alicujus Superioris dictorum Fratrum Reformatorum subscriptis , plenaria ubique fides adhibentur in judicio , & extra , ac si originaliter exhiberentur .

Sanctio personalis .  
D. P. An. III.  
15. Octob.

§.16. Nulli ergo omnino hominum &c. Datum Romæ apud S. Marcum , Anno Incarnationis Dominicæ , millesimo quingentesimo octuagesimo septimo , Id. Octo. Pontificatus nostri Anno III.

## CVII.

Ex Regest. in  
Secret. Brev.

Quod tam Professores Ord. S. Hieronymi Oppidi de Escorial nullius Dioecesis Provinciæ Toletan. quam etiam Sæculares , Clerici , ac laici , qui in Collegio eorundem Fratrum Theologiæ , & Philosophiæ operam dederint , postquam cursus studiorum perfecerint , & de hoc fidem obtinuerint , possint recipi , & admitti ad quoscumque gradus Magisterii , & Doctoratus in quacumque Universitate studiorum generalium in Regnis Hispaniæ .

SIXTUS PAPA QUINTUS

Ad perpetuam rei memoriam .

Proemium.

Um suaves , atque uberes fructus , quos in agro Domini viri literarum

maxime sacrarum , & Philosophiæ scientia præditi assidue producant , animo contemplamur , in eam curam libenter incumbimus , ut in quibuscumque Christiani Orbis partibus , præsertim vero sub Religiosorum Disciplina ii , qui in hujusmodi studiis progressus faciunt , congruis honoribus , & privilegiis decorentur .

§.1. Exponi siquidem Nobis curavit charissimus in Christo filius noster Philippus Hispaniarum Rex Catholicus , quod in Collegio Fratrum Ordinis S. Hieronymi juxta Monasterium S. Laurentii el Real nuncupati ejusdem Ordinis prope , & extra muros Oppidi de Escorial nullius Dioecesis Provinciæ Toletan. ab ipso Rege fundato , & dotato , ita juvante Domino vigent , & florent in dies magis bonarum artium , & præsertim Philosophiæ , & Theologiæ studio , atque ea diligentia , & assiduitate multi eximii doctrina , & singulari eruditione præstantissimi viri , non secus atque Universitatum studiorum generalium publici Lectores easdem facultates profitentur , ut jam non solum Fratres dicti Ordinis , sed aliarum etiam quarumcumque personarum frequens concursus ad capefcendas prædictas disciplinas eo libenter accedant . Quare idem Rex Monasterii , & Collegii prædictorum Fundator , & Patronus Nobis humiliter supplicavit , ut studiosis , qui illuc confluent , ne post absolutos inibi studiorum cursus , & labores debitis , & consuetis honoribus , & prærogativis defraudati remaneant , opportune providere de benignitate Apostolica dignaremur .

§.2. Nos itaque ejusdem Regis precibus inclinati universis , & singulis , tam dicti Ordinis Professoribus , quam etiam sæcularibus clericis , vel laicis , qui in prædicto Collegio hujusmodi facultatibus operam dederint , earumque Professores audierint si & postquam more solito cursus studiorum perfecerint , & de hoc fidem obtinuerint , quod in quacumque Universitate studiorum generalium in Regnis Hispaniarum consistentium gradibus Baccalaureatus , Licentiaturæ , Magisterii , seu Doctoratus , tam artium , quam Theologiæ , prout eorum quisque perfecto cursu , ac prout consueto examine idoneus repertus fuerit perinde ac si eosdem studiorum cursus actu in ipsa Universitate absolvissent , & in Matrícula scholasticorum ejus Universitatis descripti fuissent , insigniri , & ad hujusmodi gradus recipi , & admitti , & postquam graduati fuerint , omnibus , & quibuscumque privilegiis , indultis , immunitatibus , præminentis , prærogativis , antelationibus , honoribus , insignibus , facultatibus , & gratiis , quibus alii graduati , qui in ea Universitate studuerunt , de jure , consuetudine , vel alias utuntur , potiuntur , & gaudent , sive uti , potiri , & gaudere quomodolibet poterunt in futurum , non solum ad eorum instar , sed pariformiter , & æque principaliter , ac sine ulla prorsus distinctione , aut differentia in omnibus , & per omnia uti , potiri , & gaudere libere , & licite

Causa concedendi Privilegii .

Concessio Privilegii , de qua in rubr.



Locorum Or-  
dinariis data  
commissio pro  
exequutione.

valeant; auctoritate Apostolica, tenore  
præsentium perpetuo concedimus, & in-  
dulgemus.

§.3. Mandamus vero cunctis, & singu-  
lis locorum Ordinariis, necnon quibuscumque  
dictarum Universitatum Rectoribus, Su-  
perioribus, & personis, ceterisque, ad quos  
spectat, ut dictas personas seculares, vel  
Regulares, quæ sub disciplina professorum  
Collegii prædicti debito tempore, & ut  
moris est, in prædictis facultatibus respecti-  
ve operam dederint, quique ut præfertur,  
idonei reperti fuerint, ad gradus prædictos  
sine ulla controversia recipiant, & admit-  
tant, recipique, & admitti, & illis insi-  
gniri, ac præsentibus literis, & in eis con-  
tentis omnibus superius expressis pacifice  
frui, & gaudere faciant.

Clausula ir-  
ritantes.

§.4. Decernentes sic, per quoscumque  
Judices quavis auctoritate fungentes, etiam  
Sacri Palatii Apostolici Causarum Audito-  
res, seu S.R.E. Cardinales, sublata eis, &  
eorum cuilibet quavis aliter judicandi, &  
interpretandi facultate, judicari, & defi-  
niri debere, ac irritum, & inane, si secus  
super his a quoquam quavis auctoritate,  
scienter, vel ignoranter contigerit atten-  
tari.

Derogationes

§.5. Non obstantibus Constitutionibus,  
& Ordinationibus Apostolicis, necnon qua-  
rumcumque Universitatum Juramento,  
confirmatione Apostolica, vel quavis fir-  
mitate alia roboratis statutis, & consuetu-  
dinibus, privilegiis quoque, indultis, & li-  
teris Apostolicis eisdem Universitatibus,  
earumque Scholasticis graduatis, Doctori-  
bus, & Professoribus quomodolibet con-  
cessis, approbatis, & innovatis. Quibus  
omnibus, illis alias in suo robore perman-  
suris, hac vice, & ad effectum præsentium  
dumtaxat derogamus, ceterisque contrariis  
quibuscumque.

Dat. die 31.  
Octob. 1587.  
An.III.

Datum Romæ apud S. Petrum sub an-  
nulo Piscatoris die 31. Octobris 1587. Pon-  
tificatus nostri Anno III.

## CVIII.

De decies alteris centenis millibus num-  
mum aureorum, in Arce S. Angeli sepo-  
sitis, nullo umquam tempore, nisi in  
præscriptis casibus, certaue desuper ser-  
vata forma depromendis.

*Alia centena millia hic idem Pontifex pro  
S. R. E. presidio, in primo anno sui Pon-  
tificatus collegit, & in eadem Arce repo-  
suit, indeque promi vetuit, ut supra in  
ejus Constit. XLIII. Ad clavum. fol.206.*

## SIXTUS EPISCOPUS

SERVUS SERVORUM DEI

Ad perpetuam rei memoriam.

Hic Pontifex  
anno primo  
reposit in  
Arce S. An-  
geli centena  
millia, ut in

**A**Nno superiore decies centena millia  
nummum aureorum in Pontificia San-  
cti Angeli Arce, & certo sanctiori Ærario  
reposuimus, & collocavimus, ac de illis  
*Bull. Rom. Tom. IV. Par. IV.*

asservandis, ac numquam, nisi certis præ-  
scriptis casibus promendis, & erogandis,  
Constitutionem perpetuo valituram edi-  
dimus; cujus tenor infra descriptus est.

*Omittitur tenor quia habetur supra  
fol.206.*

§.1. Verum cum ob culpas, peccataque  
nostra multiplicia, quibus divinam Majesta-  
tem in dies magis ad iracundiam provoca-  
mus, usque eo necessitates superius enarra-  
tæ multiplicentur, periculaque gregi Domi-  
nico impendentia adaugeantur, ut illis, nec  
dum prioris pecuniæ collectione, satis pro-  
visum esse videatur. Nos quamvis in omni-  
bus difficultatibus, curisque nostris, in Dei  
Omnipotentis auxilio spem nostram fixam  
habeamus, ad illiusque opem (qui nisi cus-  
todierit Civitatem, frustra vigilat, qui cus-  
todit eam) ex intimo cordis affectu confu-  
giamus, tamen ab eo ipso pastorum Principi  
Christo frequenter admoniti, ut pro ovi-  
bus nostræ fidei creditis, eorumque salute,  
& utilitate, modis omnibus vigilemus, fa-  
cere non possumus, pro nostro Pastoralis mu-  
nere in hac quoque parte obeundo, quin  
humanis etiam consiliis, ac viribus (pro eo,  
ac Nobis ab eodem clementissimo Domino  
elargitum est) ad tot mala, periculaque  
propulsanda, nova quotidie præsidia compa-  
remus. Quamobrem alia decies centena  
millia aureorum nummum, non ad nostra,  
aut cujusque nostrorum privata commoda,  
sed ad publicum bonum, ad S. R. E. cui Deo  
auctore præsidemus, defensionem, ad Fidei  
Catholicæ conservationem, ac propagatio-  
nem nostra sedulitate, ac frugalitate colle-  
gimus, quæ eadem in Arce, ut priora alte-  
ra decies centena millia reponi, asservari,  
nec inde amoveri, erogari, nisi in supra-  
dictis expressis necessitatibus, eodem plane  
modo volumus. Motu proprio igitur, &  
ex certa nostra scientia, ac habita super hoc  
cum venerabilibus fratribus nostris S. R. E.  
Cardinalibus in Consistorio nostro secreto  
matura deliberatione, de eorum consilio,  
& unanimi consensu, hac præsentis nostræ  
perpetuo valitura Constitutione, dicta alia  
decies centena millia aureorum nummum  
in eadem Arce nostra Pontificia Sancti An-  
geli, & sanctiori Ærario nunc recondimus,  
reponimus, & collocamus, ac Christo Do-  
mino Nostro, Beatæ Mariæ semper Virgini,  
& Sanctis Apostolis Petro, & Paulo offeri-  
mus, & dicamus, iisdem omnino legibus,  
& conditionibus, quæ in nostra superius de-  
scripta Constitutione præscriptæ, & præfinitæ  
sunt.

§.2. Declarantes nostræ voluntatis,  
mentisque esse, ut quod in ipsa Constitutio-  
ne, de recuperatione Terræ Sanctæ, & ge-  
nerali expeditione contra Turcas dictum  
fuit, idem etiam locum obtineat, quo ad  
utramque Deo dicatam pecuniæ summam,  
in recuperatione Regnorum a quibuscum-  
que Catholicæ Romanæ Ecclesiæ hostibus  
occupatorum, & in expeditione, quam con-  
tra eosdem decerni, ac fieri contigerit.

§.3. Ubi vero in præscriptis casibus,  
pecuniarum aliquid sumi necessitas postula-  
verit,

Et deinde alia  
centena mil-  
lia collegit, &  
modo in ea-  
dem Arce si-  
militer repo-  
nit, cum eif-  
dem prohibi-  
tionibus legi-  
bus, & condi-  
tionibus in-  
d. Constitu-  
tione conten-  
tis.

Et inter cer-  
tos casus, in  
quibus hujus-  
modi pecunia  
depromi po-  
test, nunc de-  
clarat com-  
prehendi cau-  
sam Recupe-  
rationis Re-  
gnorum occu-  
patorum, &  
expeditionis  
contra S. R. E.  
hostes.

Formamque  
pecunias in-



1587.  
di&is casibus  
depromendi  
describit, &  
servari præci-  
pit.

verit, volumus, ut de tota summa, tam superiori anno, quam etiam nunc reposita, hoc prorsus, & non alio modo pecuniæ sumantur, & erogentur, nimirum, ut in Consistorio secreto præscriptarum necessitatum qualitate, ac rerum, & temporum ratione diligenter perpenſa, atque ita cogente, non duarum, ex tribus partibus Cardinalium, sicuti in priori Constitutione nostra sancitum erat, sed trium saltem ex quatuor partibus Cardinalium, qui Consistorio interfuerint, consensu, decreto, & subscriptione adhibitis, ex binis decies centenis millibus aureorum nummum a Nobis repositis, non ultra quartam partem, idest, non ultra quingenta millia nummum promi liceat, & ea quidem quingentorum millium summa, non tota simul, sed paulatim moderate, & successive depromatur, per certas portiones, quæ in eodem Consistorio, in quo de tota re deliberabitur, a tribus partibus Cardinalium, ut dictum est, omnibus diligenter examinatis, decretæ, & præfinitæ fuerint. Quod si ipsis quingentis millibus erogatis, & consumptis, præscripti casus, & necessitates novam impensam requirerint, tunc iterum proposita, & adhibita in Consistorio consultatione, si consensus, decretum, & subscriptio trium ex quatuor partibus Cardinalium, ut supra dictum est, accesserint, aliam summam, non tamen quingenta millia aureorum excedentem, illamque pariter non statim totam, sed moderatione ea servata, eoque, quem diximus, modo limitatam, & præfinitam sumi posse permittimus.

Et quamprimum reponi jubet.

§. 4. Ceterum statuimus, prout alia nostra Constitutione ordinatum est, ut partes, & portiones pecuniæ supradictæ, quæ in aliquo ex præmissis casibus sumptæ fuerint, cum ejus impensæ faciendæ ratio cessaverit, omnino in ærarium, unde depromptæ fuerunt, integre restitui, ac reponi primo quoque tempore debeant.

Prædictaque se servaturum vover, & sicut infraſcripti Cardinales præſentes idem promiserunt, ita ab aliis Cardinalibus pro tempore promitti decernit.

§. 5. Has autem Deo dicatas pecunias, nullo umquam tempore, nisi aliqua ex iis, quas diximus, necessitas urgeat, & requirat, neque in totum, neque ex aliqua parte amoveri, erogarive quovis modo a Nobis posse volumus, eamque amovendi, & erogandi potestatem, & facultatem a Nobis ipsis abdicamus. Idque successores nostros Romanos Pontifices, proposito sibi tremendo Iudicio, in quo summo patrifamilias de administrata villicatione exquisita reddetur ratio, eodem planè modo facturos esse confidimus, & speramus. Tandemque Deo per præſentes oblatam pecuniam, una cum illa priori, Nos integram, ut dictum est, conservaturos esse, ac perinde omnino, ac res, & bona Ecclesiæ immobilia Nos habituros promittimus, juramus, & vovemus, & sicuti omnes Cardinales præſentes, & infraſcripti voverunt, promiserunt, ac jurarunt, ita per alios Cardinales nunc, & pro tempore existentes, ac per successores nostros, quando, & quoties superius ordinatum fuit, & juxta formam nunc traditam jurari, promitti, ac voveri debere decernimus.

§. 6. Denique cetera omnia, & singula in eadem Constitutione supraſcripta quomodolibet expressa, constituta, & decreta, etiam in hac pecunia a nobis, ut præfertur nunc collata, & recondita, & quo ad præſentes nostras literas, in omnibus, & per omnia, penitus, omnino, & inviolabiliter observari, & locum, habere volumus, præcipimus, & mandamus.

§. 7. Si quis autem fortasse nostrorum Successorum, id quod minime credimus, huic nostræ Constitutioni omnino, aut aliqua ex parte derogare, aut contra statuere voluerit, aut depromptam pecuniam, ut supra sancitum est, in idem ærarium non restituerit, admonemus post derogantis, aut contra statuentis, contraque facientis obitum, liberum esse Successoribus ea derogatione, & quibuscumque aliis, quæ contra statuta sunt, non obstantibus, pro pecunia contra hujus Constitutionis præscriptum sumpta, ac deprompta, recuperanda, tam adversus Pontificis derogantis, & contrafacientis, posteros, seu conjunctos omnes, quam adversus Cardinales idem consentientes, aut quoscumque eorum hæredes, quibus ab ipso Pontifice, aut Cardinalibus bona quovis titulo, vel quavis ratione obvenierint, agere, & possessionem bonorum, quæ ad ipsos posteros pervenerint, adipisci, retinerique, donec quicquid pecuniæ depromptum est, id omne in ærarium referatur, & restituatur, eaque ipsa bona, si quo modo, ut supra dictum est, a forma per Nos constituta recedi contigerit, hujusmodi obligationi, atque oneri obnoxia, & addicta esse volumus, singulis, quæ in nostris literis adversari possent, vel quoquo modo obesse, penitus remotis, ac non obſtan.

§. 8. Nulli ergo omnino hominum liceat hanc paginam nostræ reconditionis, repositionis, collocationis, oblationis, dicationis, declarationis, permissionis, statuti, voluntatum, abdicationis, promissionis, juramenti, voti, decreti, præcepti, mandati, & admonitionis infringere, vel ei ausu temerario contraire. Si quis autem hoc attentare præſumpſerit, indignationem Omnipotentis Dei, ac Beatorum Petri, & Pauli Apostolorum ejus, se noverit incurſurum.

Datum Romæ apud Sanctum Petrum, Anno Incarnationis Dominicæ, millesimo quingentesimo octuagesimo septimo, octavo Idus Novembris, Pontificatus nostri Anno III.

✱ Ego Sixtus Catholicæ Ecclesiæ Episcopus.

✱ Ego Ant. Card. Farnesius Vicecancellarius Episcopus Ostien. Card. subscr.

✱ Ego Jac. Card. Sabellus Episcopus Portuen.

✱ Ego Jo. Antonius Episcopus Tuscul. Card. S. Georgii.

✱ Ego Alphons. Card. Gesualdus Episcopus Albanen.

✱ Ego

1587.  
Cetera omnia  
in dicta Con-  
stitutione con-  
tenta, de no-  
vo præcipit.

Successoribus  
in aliquo con-  
travenientibus  
inducit, post  
eorum obitu  
licere succes-  
soribus agere  
contra Ponti-  
ficis contra-  
venientis po-  
steros, & Car-  
dinales conse-  
ntientes, & eo-  
rum hæredes,  
ut hic, & in  
d. C. 6. XLIII  
in fin.

Adverte quod  
hic est ali-  
quid immu-  
tatum a pri-  
ma Const.

Sanctio po-  
nalis.

D. P. An. III.  
6. Novemb.

Papæ subscr.

Card. subscr.



- \* Ego Inn. Avalus Card. de Aragon. Episc. Sabinen.
- \* Ego Marcus Ant. Card. Columna Episcopus Prænestin.
- \* Ego Marcus Siticus Card. ab Altaemps tit. S. Mariæ Transylv.
- \* Ego Ptolomæus Cardinalis Comensis tituli Sanctæ Mariæ de Populo.
- \* Ego Prosper Cardinalis Santacrucius tit. S. Clementis.
- \* Ego Gabriel Cardinalis Paleottus tituli Sancti Laurentii in Lucina.
- \* Ego Frater Michael Bonellus Cardinalis Alexandrinus tituli Sanctæ Mariæ super Minervam.
- \* Ego Ludovicus Card. tituli S. Anastasiæ Madrutius.
- \* Ego Nicolaus de Sens tit. S. Praxædis.
- \* Ego Julius Ant. Card. S. Severinæ tituli S. Bartholomæi in Insula.
- \* Ego Hieronymus Card. Rusticucius tituli S. Susannæ.
- \* Ego Jo. Hieronymus Card. Alban. tituli S. Joannis ante portam Latinam.
- \* Ego P. Card. Deza tit. S. Hieronym. Illyricorum.
- \* Ego Ant. tit. SS. Joannis, & Pauli Card. Carafa.
- \* Ego Jo. Antonius Card. SS. Quattuor.
- \* Ego Jo. Baptista Card. tit. S. Marcelli.
- \* Ego Franciscus Card. de Joyeuse tituli S. Sylvestri.
- \* Ego Ant. Maria Card. Salviatus tituli S. Mariæ de Pace.
- \* Ego Augustinus Card. de Verona tituli S. Marci.
- \* Ego Vincentius tit. S. Mariæ in Via Card. Montis regalis.
- \* Ego Philippus Card. Spinula tit. S. Sabina.
- \* Ego Scipio Card. Lancellottus, tit. S. Salvatoris in Lauro.
- \* Ego Vincentius Card. Gonzaga tit. Sancti Alexii.
- \* Ego Henricus tituli S. Pudentianæ Card. Cajetanus Camerarius.
- \* Ego Jo. Baptista Card. Castrucius, tituli S. Mariæ in Araceli.
- \* Ego Federicus Card. Cornelius tit. S. Stephani in Monte Caelio.
- \* Ego Dominicus tit. S. Laurentii Card. Pinellus.
- \* Ego Hippolytus Card. Aldobrandinus tituli S. Pancratii, Major Pænitentiarum.
- \* Ego Hieronymus tit. S. Petri ad Vincula Card. de Ruvere.
- \* Ego Fr. Hieronymus Card. Ascul. tituli S. Thomæ in Parione.
- \* Ego Fr. Constantius Card. Sarnanus tituli S. Petri in Monte Aureo.
- \* Ego Guglielmus Alanus tit. S. Martini in Montibus Cardinalis Aug.
- \* Ego Alexander Card. Montaltus, Diaconus Sancti Eustachii.
- \* Ego Hieronymus Matthæus, Diaconus S. Mariæ in Cosmedin.
- \* Ego Benedictus S. Agathæ Diaconus Card. Justinianus.

- \* Ego Ascanius SS. Viti, & Modesti, & Crescentiæ Diaconus Card. Columna.

## CIX.

Indulgetur Fratribus, & Monialibus Ordinis B. Mariæ de Mercede Redemptionis captivorum, recitandi Officium juxta Breviarum pro dicto Ordine a Cardinalibus Deputatis approbatum.

Ex Regest. in Secret. Brev.

## SIXTUS PAPA QUINTUS

Ad futuram rei memoriam.

**P**lis Regularium personarum votis, præsertim quæ ad Divini cultus, & devotionis augmentum pertinere dignoscuntur libenter annuimus, eaque favoribus prosequimur opportunis.

Exordium.

§.1. Nuper siquidem cum pro parte dilecti filii Magistri Generalis Ordinis Beate Mariæ de Mercede Redemptionis Captivorum Nobis expositum fuisset, ipsum, ac reliquos omnes ejusdem Ordinis Fratres, qui secundum usum, & morem S.R.E. Breviario Romano ex Decreto Concilii Tridentini restituto, ac se. rec. Pii Papæ V. Prædecessoris nostri jussu edito in recitandis horis Canonicis usi solent, pro eorum devotione valde cupere, proprios quosdam festos dies sui Ordinis, & nonnullos alios ex vetusta, & laudabili consuetudine propriis officiis celebrare, eaque ipsa officia, quæ antiquitus instituta habent, ad Ritum, & normam Breviarii prædicti accommodari.

Fratres hujus Ordinis Breviario Romano nonnulla particularia Officia sibi petunt accommodari.

§.2. Nos dilectis filiis nostris Julio Antonio S. Bartholomæi in Insula S. Severinæ, & Vincentio, S. Mariæ in Via titularum, Montis Regalis nuncupatis Presbyteris Cardinalibus, vivæ vocis oraculo dedimus in mandatis, ut officia prædicta diligenter reviderent, & examinarent.

Ea nonnullis Cardinalibus examinanda subicit Pontifex.

§.3. Qui postmodum convocatis nonnullis aliis piis, & eruditis viris, omnibus illorum partibus sigillatim perspectis, & accurate recognitis, quædam detraxerunt, alia emendarunt, nonnulla addiderunt, ac ritui Romani Breviarii maxime consentanea redegerunt.

Revisores ea ad d. Breviarium accommodarunt.

§.4. Quare pro parte prædicti Magistri Generalis Nobis fuit humiliter supplicatum, ut illa sic correctæ, & emendatæ auctoritate nostra comprobare, illorumque usum eis concedere de benignitate Apostolica dignaremur.

Fratres itaque petunt confirmari.

§.5. Nos hujusmodi precibus inclinati tam eidem Magistro, quam universis, & singulis aliis Fratribus, & Monialibus dicti Ordinis pro tempore existentibus, ut in quibusvis Domibus, & Monasteriis, Collegiis, & locis ejusdem Ordinis tam publice, quam privatim, in choro, & extra chorum conjunctim, vel divisim diebus hujusmodi sic, ut præfertur, designatis propriis officiis prædictis sic correctis, & emendatis uti, illaque imprimi facere, & divulgare, necnon secundum eorum tenorem horas Canonicas diurnas, & nocturnas recitare, & officia ipsa sic recitando obligationi plene satisfacere libere, & licite valeant,

Approbat Sixtus.



leant, itant eisdem diebus ad recitandum aliud officium juxta Romani Breviarii regulas, vel antiquum prædicti Ordinis usum, & morem minime teneantur, dummodo tamen modum, & formam præscriptos in libello per dictos Cardinales de mandato nostro revisto, correcto, & emendato, cujus Kalendarium inferius describi mandavimus ad unguem observent, ac nihil penitus addant, vel diminuunt, plenam, & liberam licentiam, & facultatem, auctoritate Apostolica, tenore præsentium perpetuo concedimus, & indulgemus.

Contraria tollit.

§.6. Non obstantibus dicti Pii Prædecessoris super Reformatione, & approbatione Breviarii Romani, ac aliis Constitutionibus, & Ordinationibus Apostolicis, ac in generalibus, Provincialibus, vel synodali-  
bus Conciliis editis, prædictique Ordinis Juramento, confirmatione Apostolica, vel quavis firmitate alia roboratis statutis, & consuetudinibus, quodque hujusmodi dies festi in novissimo Kalendario Romano descripti non sint, ceterisque contrariis quibuscumque.

Dat. die 10.  
Novem. 1587.  
An.III.

Datum Romæ apud S. Petrum sub annulo Piscatoris die 10. Novembris 1587. Pontificatus nostri Anno III.

Kalendarium festorum dierum, & officiorum Ordinis B. Mariæ de Mercede Redemptionis Captivorum.

## DECEMBER.

Die 18. Expectatio B. M. V. Duplex.

## JANUARIUS.

Die 14. Sanctissimi Nominis Jesu Duplex.

Die 17. S. Antonii Abbatis Duplex cum Octava.

Die 23. S. Ildefonti Episcopi, & Confessoris Duplex.

## FEBRUARIUS.

Die 12. S. Eulaliæ Virg., & Mart. Duplex cum octava.

## MARTIUS.

Die 20. S. Joachim Patris B. M. Virginis Duplex.

Die 24. S. Gabrielis Arcangeli Duplex.

## APRILIS.

Die 25. Boni Latronis Duplex.

## JULIUS.

Die 16. Triumphus S. Crucis Duplex.

Die 18. S. Margaritæ V., & Mart. Dup.

Die 25. S. Jacobi Apostoli præcipui Hispaniarum Patroni Dupl. cum octava.

## AUGUSTUS.

Die 28. S. Augustini Episcopi Conf., & Ecclesiæ Doctoris Duplex cum octava.

## SEPTEMBER.

Die 18. S. Raphaelis Archang. Duplex.

## NOVEMBRIS.

Die 10. Passio Imaginis Domini Nostri Jesu Christi Duplex.

Die 21. Præsentatio B. M. V. Duplex.

## CX.

Indulta, & gratiæ Congregationis Monachorum Beatæ Mariæ Fulien-  
sis, Ordinis Cisterciensis Sancti Benedicti strictioris observantiæ.

*Hic idem Pontifex istam Congregationem primo approbavit ut sup. in Const. XLIV. Religiosos fol. 211.*

## SIXTUS EPISCOPUS

SERVUS SERVORUM DEI

*Ad perpetuam rei memoriam.*

**S**uper specula militantis Ecclesiæ, Domino disponente, qui cunctis imperat, cuique omnia obediunt, quamquam sine nostris meritis constituti, salutis operibus intenti, de his continua sollicitudine excogitamus, per quæ nostræ propitiationis auxilio iis, qui Monasticam vitam susceperunt, eamque reformant, salus proveniat. Et ut ad diversa loca eorum institutio, & regularis disciplinæ observantia propagetur, alia loca erigi, & institui concedimus, prout Regum, & Principum Christianorum vota exposcunt, & Nos conspiciamus in Domino salubriter expedire.

§.1. Sane pro parte dilectorum filiorum Abbatis, & Conventus Monasterii Beatæ Mariæ de Fulliens, Cisterciensis Ordinis, Riven. Diocesis, Nobis nuper exhibita petitio continebat, quod alias postquam accepissemus, in dicto Monasterio institutionem, & disciplinam Monasticam in longe meliorem formam restituerant, ipsique in laboribus, jejuniis, orationibus, carnis maceratione, & mortificatione, aliisque poenitentialibus operibus strictiorem aliis Monachis dicti Ordinis Regulam S. Benedicti observabant. Necnon ritus, mores, vitæ normam, & Reformationem ad arctiorem regularis disciplinæ observantiam in dicto Monasterio introductam, redue-  
rant, Nos ritus, mores, vitæ normam, & reformationem hujusmodi, dummodo Sacris Canonibus, & Concilii Tridentini decretis, & Sancti Benedicti Regulæ, auctoritate Apostolica approbatæ contraria non essent, dicta auctoritate confirmamus, prout in nostris desuper confectis literis plenius continetur.

§.2. Cum autem divino inspirante Numine,

Exordium.

Hic Pontifex confirmavit strictiorē monasticæ vitæ normam in Monasterio S. Mariæ Fulien-  
institutam, ut in Con. XLIV cit. in rubr.



ne, jam centum, & quadraginta Monaci ipsam reformatam regulam professi, multi vero in eodem Monasterio Novitii existant; Carissimusque in Christo-filius noster Henricus Francorum Rex Christianissimus, ac dilectus filius nobilis vir Henricus Dux de Retz, aliique pii, ac probi viri gratum huius vitæ odorem sentientes, hoc vetustum vivendi genus, & laudabilem regularis disciplinæ observantiam per universum Galliarum Regnum, illiusque loca, & terras, spargi, atque effundi summopere peroptent. Quia tamen (sicut eadem petitio subiungebat) istius arctioris Regulæ approbatio citra præfatum Monasterium nequaquam extenditur, prædicti Abbas, & Conventus, piis prædictorum Regis, & Ducis, ac proborum virorum votis hac in parte satisfacere non possunt, nisi nostra, & Sedis Apostolicæ licentia eis desuper suffragetur. Quare pro parte Abbatis, & Conventus prædictorum Nobis fuit humiliter supplicatum, quatenus prædictæ Religionis reformatæ propagationi, ac alias in præmissis opportune providere de benignitate Apostolica digneremur.

Quam idem Pontifex nunc concedit, cum facultate nova edificandi Monasteria, etiam absque licentia Ordinarii ubique locorum.

§.3. Nos igitur eundem Abbatem, & Conventus huiusmodi singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, huiusmodi supplicationibus inclinati, Abbati, & Conventui prædictis, ut quoscumque, ex Monacis ipsam strictiorem Regulam professis, quos duxerint eligendos, & deputandos, tam ad hoc per totum Galliarum prædictum, quam alia Regna, & Respublicas, Mundique partes universas, prout eis visum fuerit, mittere. Ipsique sic missi in Regnis, Rebuspublicis, & Dominiis prædictis, ac quibuscumque eorum Civitatibus, Terris, atque locis, aliisque Mundi partibus, quæcumque, tam virorum, quam mulierum Monasteria, Prioratus, Præposituras, & Decanatus, ac alia nuncupanda loca Congregationis Fulienfis etiam nuncupandæ, ejusdem Cisterciensis Ordinis, pro totidem Abbatibus, Abbatissis, Prioribus, Præpositis, Decanis, Conventibus, & aliis Superioribus, & personis ejusdem Congregationis, qui inibi divinis laudibus, & obsequiis insistere, ac juxta Regularia Congregationis sic reformatæ instituta vivere debeant, fundare, erigere, & instituere, ac etiam per alios ejusdem, vel alterius cujuscumque Ordinis fundata, & erecta, ex eorum, ad quos spectat, & spectabit, concessione, dioecesanorum locorum, vel quorumvis aliorum licentia desuper minime requisita nec expectata.

Novitiosque recipiendi.

§.4. Novitiosque in eis recipere, & receptos, ac ipsa Monasteria ingressos, probationis tempore completo, ad professionem solitam, per dictos Monachos emitti

solitam, admittere Regularem, ac illud vitæ genus, Regulariaque instituta, quæ in primo dicto Monasterio vigent, & in futurum vigeant, inibi introducere libere, & licite possint, & valeant, licentiam, & omnimodam facultatem atque auctoritatem, dicta auctoritate, tenore præsentium concedimus, & impartimur.

§.5. Necnon prædicto de Fulliens, & quibusvis aliis dictæ Congregationis pro tempore erigendis, & seu jam erectis Monasteriis, Prioratibus, Præposituris, Decanatibus, & aliis nuncupandis locis, tam virorum, quam mulierum, illorumque Superioribus, Abbatibus, Abbatissis, Prioribus, Præpositis, Decanis, Monachis, Monialibus, Novitiis, & Conversis, aliisque quibuscumque personis utriusque sexus, in eis pro tempore existentibus, ut omnibus, & singulis privilegiis, immunitatibus, exemptionibus, libertatibus, prærogativis, concessionibus, facultatibus, indultis, indulgentiis, etiam plenariis, & peccatorum remissionibus, relaxationibus, ceterisque gratiis, tam spiritualibus, quam temporalibus prædicto Ordini, ac Congregationibus sub illo institutis, eorumque Monasteriis, & locis pariter utriusque sexus per universum Mundum constitutis, & erectis, ac constituendis, & erigendis, in genere, vel in specie, etiam per solam signaturam, & vivæ vocis oraculo, ac per modum communicationis, & extensionis, etiam Motu proprio, & ex certa scientia, & Apostolicæ potestatis plenitudine, vel alias quomodolibet, tam per Nos, quam quoscumque alios Romanos Pontifices, etiam Prædecessores nostros, ac Sedem Apostolicam, sub quacumque forma, & expressione verborum concessis, ac concedendis quomodolibet in futurum, etiam si talia sint, & forent, quæ specialem ipsorum requirerent mentionem, uti, potiri, & gaudere, libere, & licite, tam conjunctim, quam divisim valeant, non solum ad instar, sed æque principaliter, & pariformiter in omnibus, & per omnia, perinde ac si illis, & eorum cuilibet ab initio specialiter, & expresse concessa extitissent, auctoritate, & tenore præmissis perpetuo indulgemus, ipsaque privilegia, indulgentias, & gratias quibusvis aliis Superioribus, Abbatibus, Prioribus, Monasteriis, Ecclesiis, & locis piis, ac celebrandis Capitulis, & festivitibus ejusdem Ordinis, & singularum illius Congregationum, ad Monasterium, & Congregationem de Fulliens huiusmodi, illorumque Abbates, Priores, Monachos, Abbatissas, Moniales, & alios Superiores, & personas, necnon Ecclesias, Monasteria, Capitula celebranda, Sanctorum festivitates, & loca quæcumque, & qualiacumque, ac ex Superioribus, & personis, ad Superiores, & personas perpetuo extendimus, illisque communicamus, ac de novo concedimus, & eis desuper indulgemus.

Privilegia, exemptiones, & gratias Ordinis Cisterciensis, huic Congregationi communicat, atque concedit.

§.6. Decernentes Abbatem, & Conventus huiusmodi singulares personas super præ-

Et desuper quoquo modo molestari prohibet.



præmissis a quoquam quavis auctoritate fungente, & dignitate præfulgente mole-  
stari, impediri, vel inquietari nullatenus  
posse, irritum quoque, & inane; quicquid  
secus super his a quoquam quavis auctori-  
tate, scienter, vel ignoranter contigerit at-  
tentari.

Contraria  
removet.

§.7. Non obstantibus præmissis, ac qua-  
tenus opus sit, de indulgentiis ad instar non  
concedendis, & quibuscumque aliis Constitutio-  
nibus, & Ordinationibus, necnon Mona-  
steriorum, & Ordinis prædictorum jura-  
mento, confirmatione Apostolica, vel qua-  
vis firmitate alia roboratis statutis, & con-  
suetudinibus, privilegiis quoque, indultis,  
& literis Apostolicis eisdem Monasteriis, &  
Ordini, illorumque Superioribus, & qui-  
busvis aliis personis, sub quibuscumque te-  
noribus, & formis, ac cum quibuscumque etiam  
derogatoriis derogatoriis, irritantibus,  
& aliis decretis, in genere vel in specie,  
etiam Motu proprio, & consistorialiter, &  
alias in contrarium quomodolibet conce-  
ssis, confirmatis, & innovatis, quibus om-  
nibus, etiam si de illis, eorumque totis te-  
noribus specialis, specifica, expressa, & in-  
dividua, non autem per clausulas genera-  
les idem importantes mentio, seu quævis  
alia expressio habenda, aut aliqua alia exqui-  
sita forma ad hoc servanda foret, illis alias  
in suo robore permansuris, hac vice dum-  
taxat, harum serie specialiter, & expresse  
derogamus, ceterisque contrariis quibuscum-  
que.

Sanctionem  
postalem ad-  
dit.  
D.P. An.III.  
3.Novembr.

§.8. Nulli ergo omnino hominum &c.  
Datum Romæ apud Sanctum Marcum,  
Anno Incarnationis Dominicæ, millesimo  
quingentesimo octuagesimo septimo, Id.  
Novembris, Pontificatus nostri Anno III.

## CXI.

Ex Regest. in  
Secret. Bre-  
vium.

Confirmatio Statutorum Monasterii, seu  
Collegii Sancti Laurentii el Real Provin-  
ciæ Toletan. Ordinis Sancti Hieronymi.

## SIXTUS PAPA QUINTUS

*Ad perpetuam rei memoriam.*

Proœmium.

**E**X debito Pastoralis Officii Nobis a Do-  
mino injuncti auctoritatem nostram li-  
benter interponimus, ut Religiosa loca in-  
signia dignis, & idoneis Superioribus guber-  
nanda committantur eorumque electiones  
omni fraude, & ambitione cessante cano-  
nice, & rite celebrentur, præsertim cum id  
a Nobis Catholicorum Regum, a quibus  
hujusmodi loca pietatis causa fundata sunt,  
honestis votis enixe postuletur.

Philippus Rex  
in hoc Colle-  
gio a se fun-  
dato sequen-  
tia statuta  
præcipit ob-  
servari.

§.1. Quare, ut celebre Monasterium,  
S. Laurentii el Real nuncupatum Ordinis  
S. Hieronymi prope, & extra muros Oppi-  
di de Escorial nullius Diocesis a charissimo  
in Christo filio nostro Philippo Hispaniarum  
Rege Catholico pia, & magnifica impensa  
fundatum constructum, & dotatum, & illi  
annexum Collegium idonearum personarum  
regimini creditum majora quotidie in  
spiritualibus, & temporalibus suscipiant in-

crementa, quique inibi Altissimo famulan-  
tur, religiose divinis obsequiis, pacifice, &  
quiete insistant, neque ullæ factiones, &  
consensiones, aut ambitiones inter eos ex-  
citantur; idem Philippus Rex Fundator, &  
Patronus, habita super hoc matura consul-  
tatione decrevit circa electionem Prioris,  
& ceterorum Officialium prædicti Monaste-  
rii hæc, quæ inferius descripta sunt, Capitu-  
la, & ordinationes observanda esse.

§.2. Primum quidem, quod electio  
Prioris dicti Monasterii in Capitulo genera-  
li ejusdem Ordinis tertio quoque anno cele-  
brari solita per Generalem, Priorem, &  
octo Diffinitores fieri debeat, eadem illa  
forma servata, quæ in eligendis Prioribus  
novarum domorum dicti Ordinis servatur:  
intra ipsum vero Monasterium S. Laurentii  
electionem Prioris ejus Monasterii celebra-  
ri nequaquam liceat, itaut Monasterium,  
prædictum quoad hoc de numero domo-  
rum novarum esse censeatur, & hæc forma  
eligendi, neque etiam statuto totius Ord-  
inis immutari, neque alterari quomodocum-  
que valeat.

Prioris electio  
in Capitulo  
Generali Or-  
dinis faciēda.

§.3. Porro in electione Prioris saltem  
consensus majoris partis novem suffragio-  
rum, seu vocum prædictarum necessario  
requiratur, quod si Diffinitorum numerus  
imposterum augebitur, eorum unusquisque  
in hujusmodi electione votum habeat, &  
semper majoris partis consensus attendatur.  
Si is, qui Prioris munere in dicto Monaste-  
rio functus fuerit, sub fine sui officii in Diffi-  
nitorum numerum relatus erit, possit ni-  
hilominus vocem in electione futuri Prior-  
is habere, non tamen se ipsum eligere.

A quibus sit  
facienda.

§.4. Quinimmo nisi post intermissum al-  
terum triennium a die finiti Officii nume-  
randum, iterum eligi in Priorem non possit,  
præterquam si duarum saltem ex tribus par-  
tibus eligentium vota iterum eundem eli-  
gerent, tunc enim ad alterum triennium, &  
sic ad sexennium in totum, ulterius vero  
nequaquam Prioris officium continuare  
possit.

Quo casu præ-  
cedens Prior  
ad alterum  
triennium tan-  
tum confir-  
mari possit.

§.5. Ubi autem aliquis non tamen Prior,  
sed Procurator, aut frater dicti Monasterii  
Sancti Laurentii ex numero eorum, qui  
professionem inibi emisserunt, seu Prior,  
vel Procurator alterius Domus inter Diffi-  
nitores deputatus erit, tunc in ejus arbitrio,  
& libera voluntate positum sit, utrum ma-  
lit uti suffragio, & cum ceteris votum suum  
dare in electione Prioris prædicti Monaste-  
rii, vel non dare, sed tamen non possit se  
ipsum eligere, & quamvis hujusmodi per-  
sona in electione suo suffragio non utatur,  
nilominus futurus Prior saltem quinque  
vota ex octo reliquis habere debeat, eadem-  
que ratio votorum habeatur, si eligentium  
numerus, ut præfertur, augeri contigerit.

Quæ cautela  
servanda sint  
in tali electio-  
ne;

§.6. Quoniam vero fratres in dicto Mo-  
nasterio professi plenioram notitiam habent  
omnium rerum ipsius Monasterii, & eo-  
rum, quæ pro bono illius regimine necessa-  
ria sunt, majorem etiam gerunt ad ipsum  
Monasterium devotionis, & filialis bene-  
volentie affectum, & magis quoadmodo obli-

Prior non nisi  
de gremio Mo-  
nasterii assu-  
mendus.



obligati, & devincti sunt ad referendam aliqua ex parte gratiam, & ad ostendendum aliquod grati animi indicium erga idem Monasterium, a quo tantum beneficium receperunt, quam alii, qui in aliis domibus professionem emiserunt. His, & aliis iustis de causis pro tempore futuris Prior dicti Monasterii nonnisi ex numero Fratrum, qui in eodem Sancti Laurentii Monasterio professi erunt, eligi possit, aut debeat, qui etiam de Religionis zelo, literarum scientia, vita exemplari, & morum honestate sit maxime commendatus, cum & Monasterium ipsum adeo insigne, & primarium existat, ac præter res ipsius Monasterii, etiam Collegium juxta illud institutum ab eodem Priore gubernetur.

Non sit eodem tempore alterius Monasterii Prior.

§.7. Si quis ex Prioribus alicujus alterius Domus in Priorem prædicti Monasterii eligetur, ejus Domus, cui præerit, regimen sine ulla mora, aut exceptione dimittere, & statim dicti Monasterii Sancti Laurentii curam, & officium Prioris acceptare, & exercere teneatur, nisi forsan totius Ordinis generalis Prior existeret.

Quæ hujusmodi electioni sint præmittenda ad digniorem discernendum.

§.8. Ceterum, ut hujusmodi electio rectius celebretur, Prior generalis, & Diffinitores, antequam ipsum Priorem dicti Monasterii eligant, a Visitationibus generalibus recepto jure jurando diligenter inquirent, sæpe informant, quinam sint inter fratres ipsius Monasterii, qui, ut præfertur, qualificati Prioris officio digni, & ad illud idonei videantur, & num ex ipsa visitatione constet, quempiam ipsorum ad hujusmodi officium inhabilem, sive illius incapacem esse, facta electione juxta formam supradictam, si electus in Priorem Capitulo generali præsens aderit, statim electio illi intimitur, ut electioni de persona sua facta consentiat, qui etiam invitus consensum præstare cogatur.

De Confirmationibus.

§.9. Dimisso autem Capitulo generali ex numero eorum Priorum, seu Procuratorum aliarum Domorum, qui Capitulo interfuerint, duo ab ipsis generali Priore, & Diffinitoribus in confirmatores eligantur, qui debeant ad ipsum Monasterium Sancti Laurentii personaliter accedere, atque ibi juxta morem dicti Ordinis novum Priorem confirmare, & in possessionem inducere. Quod si electus Prior in Capitulo non aderit, nihilominus accedant Confirmatores ad Monasterium S. Laurentii prædictum, eumque citent ad comparandum personaliter, & ad acceptandum munus Prioris sibi injunctum. Deinde vero ipsi Confirmatores ad suas Domos revertantur.

Quid agendum sit mortuo Priore ante celebrationem Capituli Generalis.

§.10. Præterea si contingat Priorem Monasterii prædicti ante finitum triennium sui officii ab humanis decedere, ne interim Monasterium cum magno detrimento Prioris regimine destitutum remaneat, liceat in hunc eventum generali Priori totius Ordinis in privato Capitulo juxta formam prædictam novum Priorem dicti Monasterii eligere, atque in demortui Prioris locum, & tempus substituere, cujus successi Prioris officium usque ad proximum generale Ca-

Bull. Rom. Tom. IV. Par. IV.

pitulum duret, & tunc statim ejus potestas, & auctoritas expiret, & officium vacet, novaque electio secundum modum prædictum celebretur. Sed si Prior subrogatus prædictus non ultra annum hoc munere functus erit, in eoque officio bene, & laudabiliter se gesserit, pro sequenti triennio denuo eligi possit, neque electio in privato Capitulo facta ei noceat, vel aliquod impedimentum præstet.

§.11. Liceat eidem Philippo Regi ipsius Monasterii Fundatori, & Patrono quamdiu vixerit, nominare, tam in generali, quam in privato Capitulo prædictis, etiam aliquem alium Fratrem ejusdem Ordinis non in dicto Monasterio, sed alibi profectum, vel aliquem, qui continuato sexennio officium Prioris exercuerit, ipsi Philippo Regi ob ejus merita gratum, & acceptum, qui servata in reliquis forma superius descripta, etiam post continuatum sexennium nihilominus in Priorem eligi valeat, post obitum autem dicti Philippi Regis, conditiones supradictæ perpetuo, & inviolabiliter serventur.

Philippo Regi data facultas Priorem sibi benevisum deputandi.

§.12. Postremo electio Vicarii, & Procuratorum principalium dicti Monasterii S. Laurentii, ac pro Abbatia de Parazes, illi annexa, & pro administratione librorum novi Officii ita fieri debeat, ut Prior ejusdem Monasterii nominet duos antiquiores Fratres, professos ipsius Monasterii, & dicti duo antiquiores nominati, intra decem dies singulas personas, magis idoneas, magisque sufficientes ad ea ministeria eligant, & tamen postea sit in potestate Prioris, pro suo arbitratu, personas electas acceptare, vel relicere, prout est in potestate cujuscumque Prioris aliarum Domorum, Vicarios sibi assignatos admittere, vel repellere.

De electione Vicarii, aliorumque Officiorum.

§.13. Quæ quidem Capitula, & Ordinationes, ut perpetuis futuris temporibus inconcussa, & inviolata permaneant, idem Philippus Rex Monasterii prædicti Fundator, & Patronus Nobis humiliter supplicavit, ut illis confirmationis Apostolicæ robur adiacere, aliasque opportune providere de benignitate Apostolica dignaremur.

Philippus Rex talia statuta Apost. auctoritate confirmari petit.

§.14. Nos itaque ipsius Philippi Regis, precibus inclinati Capitula, & Ordinationes, prædicta auctoritate Apostolica, tenore præsentium perpetuo approbamus, & confirmamus, illaque præsentis scripti patrocini communitus, necnon eis perpetuæ, & inviolabilis firmitatis robur adiacimus, ac præmissa omnia, & singula, prout supra expressa sunt, perpetuo firmiter, & inviolabiliter observari debere volumus, & mandamus, omnesque, & quoscumque juris, & facti, & solemnitatum etiam substantialium, & in eis necessario requisitarum defectus, si qui intervenerint in eisdem, supplemus.

Ea itaque confirmat Sixtus.

§.15. Decernentes hanc formam electionis immutare, aut alterare nemini licere, & quascumque electiones contra diffinitionem literarum nostrarum præsentium pro-

Prioris electionem juxta ea fieri mandat.



Clausula pro  
praesentium li-  
terarum per-  
petua firmita-  
te.

tempore factas ac inde secuta quaecumque nullius roboris, vel momenti esse.

§.16. Necnon praesentes literas de subreptionis, vel obreptionis, aut nullitatis vitio notari, vel impugnari, aut ex eo, quod de consensu dictorum Superiorum, & Fratrum alias quam per simplicem praesentium narrativam, illarumque exhibitionem non constet, in Jus, vel controversiam revocari, aut ad terminos Juris reduci non posse, neque illas sub quibuscumque similibus, vel dissimilibus Statutorum, & Ordinationum generalibus, vel specialibus revocationibus, suspensionibus, annulationibus, aut derogationibus comprehendi, sed semper ab illis exceptas, & quoties illae emanabunt, toties praesentes literas in pristinum, & validum statum restitutas, repositas, & plenarie reintegratas esse, & de novo sub possessorio, data per eos, quorum intererit, eligenda, concessas censeri, & solas praesentes ad probandum, & verificandum in iudicio, & extra illud omnia, & singula supradicta sufficere, plenamque fidem facere, nec ad id probationis alterius adminiculum requiri, ac valere, & tenere, perinde ac si in Capitulo generali totius Ordinis communi omnium consensu statuta, & ordinata fuissent.

Et sic semper,  
& ubique ju-  
dicandum.

§.17. Sicque per quoscumque Iudices Ordinarios, & delegatos, etiam Palatii Apostolici Causarum Auditores, & S. R. E. Cardinales, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiri debere decernimus, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Exequutores  
deputati.

§.18. Quocirca Venerabili fratri Episcopo Segobien., & dilectis filiis Causarum Curiae Camerae Apostolicae generali Auditori, & Archidiacono Ecclesiae Toletan. per Apostolica scripta mandamus, quatenus ipsi, vel duo, aut unus eorum per se, vel alium, seu alios, ubi, & quando opus fuerit, & quoties pro parte alicujus Religiosi dicti Ordinis fuerint requisiti, praesentes literas, & in eis contenta quaecumque solemniter publicantes faciant Capitula, & ordinationes praedicta, necnon confirmationem, approbationem, voluntatem, & decreta nostra, ceteraque omnia, & singula praedicta debita executioni demandari, eosque, quos concernunt, illis pacifice frui, & gaudere, nec permittant quicquam contra prohibitiones supradictas per quoscumque attentari; Contradictores quoslibet, & rebelles per censuras, & poenas Ecclesiasticas, appellatione postposita, compescendo, invocato, etiam ad hoc, si opus fuerit, auxilio brachii secularis.

Derogatio  
contrariorum

§.19. Non obstantibus foundationibus, institutionibus, statutis, & consuetudinibus praedicti Sancti Laurentii, & quorumvis aliorum Monasteriorum, Prioratuum, Domorum, & locorum dicti Ordinis, atque adeo ipsius Ordinis, & ejus Provinciarum, juramento, confirmatione Apostolica, vel quavis firmitate alia roboratis, Privilegiis

quoque, indultis, & literis Apostolicis illis quomodolibet concessis, approbatis, & innovatis. Quibus omnibus etiam si pro illorum sufficienti derogatione de illis, eorumque totis tenoribus specialis, specifica, & expressa mentio habenda, aut alia forma servanda foret, tenores hujusmodi pro ad verbum insertis habentes, illis alias in suo robore permansuris, specialiter, & expresse derogamus, ceterisque contrariis quibuscumque.

§.20. Volumus autem quando, & quoties electiones praedictae faciendae erunt, has nostras literas in praesentia eorum, qui vocem activam, aut passivam habebunt, legi, & publicari, ut earum forma omnibus intimata ad unguem observetur.

Datum Romae apud S. Petrum sub Anulo Piscatoris die 16. Novembris 1587. Pontificatus nostri Anno III.

Praesentium  
literarum fa-  
cienda publi-  
cacio.

Dat. die 16.  
Novem. 1587.  
An. III.

## CXII.

Prohibitio recipiendi ad habitum, vel professionem cujuscumque Ordinis regularis, homines illegitimos, criminosos, aut ari alieno, reddendisve rationibus obnoxios. Et praescriptio formae Novitios recipiendi.

## SIXTUS EPISCOPUS

## SERVUS SERVORUM DEI

*Ad perpetuam rei memoriam.*

Cum de omnibus Ecclesiasticis Ordinibus, in ea, qua convenit, puritate, & dignitate conservandis, praecipuam geramus sollicitudinem, tum vero illud praeter cetera Nobis cordi est, ut a Regularium personarum Congregationibus, quas tamquam Deo dicatas, maxime candor, sanctitasque decet, cujuscumque criminis, aut turpitudinis labes, & scandalum occasio quam longissime arceantur. Siquidem res ipsa Nos admonet, quam indecorum sit, & ab ea, quae divinae Majestati, eique consecratis personis debetur, reverentia alienum, si ejusmodi homines, qui propter sua scelera poenas graves sibi in saeculo propositas timent, quive propter immunditiam, & peccata, ex quibus orti sunt, notati perpetua ignominia, ab omni mundano honore, & a paterna hereditate repelluntur, iidem omnipotenti Deo, tamquam hostiae offerantur, atque ad habitandum in domo, quam decet honor, & sanctitudo, inter ministros Domini, cui servire regnare est, ad sacras functiones, quacumque prophana praereminentia multo nobiliores sine ullo defectu admittantur. Cum etiam secundum legem Moyse, immundi ab ingressu Sanctuarii excluderentur, ac sacerdos habens maculam, panes Deo suo offerre non posset, nec accedere ad ministerium ejus, & quod in holocaustum Domini, aut victimam pacificorum offerebatur, id immaculatum esse deberet, ut acceptabile foret, nec ulla macula esset in eo, quod si

Proemium.

macu-



maculam habuisset, neque offerendum, neque acceptabile futurum esset.

Causa hujus  
Constitutionis.

§. 1. Ne igitur contingat illegitime genitos, qui ut plurimum parentum vitia, & incontinentiam imitari solent, nec pietatis studio, sed temporalium commodorum intuitu, (quia hereditates majorum, aut dignitates aliquas consequi non possunt) ad Religionem confugiunt, vitam quam animo a Religione alieno susceperunt, ab institutis Religiosis alienam, plerumque eum dedecore, & proprie salutis dispendio ducere, suisque corruptis moribus, & malis exemplis, quietem, & statum ceterorum, Deo famulantium perturbare, aut hac quasi face, & colluvie, ipsarum Religionum honorem, & existimationem ladi, ut denique homines, qui hac spe ad filios spurios in peccato gignendos essent propensiores, eo magis abstineant ab hujusmodi carnis flagitiis, quo suæ proli hoc quoque refugium præclusum viderint.

Illegitimi ad  
Religionem  
non recipian-  
tur.

§. 2. Hac nostra in perpetuum valitura Constitutione districte interdiciamus, & prohibemus, ne illegitimi procreati ex incestu, aut ex sacrilegio (quorum scilicet parentes consanguinitate, vel affinitate, intra tertium gradum invicem conjuncti fuerint, vel quorum alteruter parens castitatem Deo voverit, etiam Apostolica, Imperialis, vel Regia, aut quavis alia auctoritate legitimati, aut natalibus restituti, ad aliquam quorumcumque Ordinum, etiam Mendicantium, & non Mendicantium, Fratrum, Monachorum, Eremitarum, vel Canonicorum, aut Clericorum regularium, Congregationum, aut Hospitalium Religionem, neque ad habitum, nec professionem regulares, recipi, vel admitti quoquo modo possint. Quod si eorum quispiam habitum post publicationem præsentis Constitutionis in futurum receperit, vel professionem posthac emiseric, decernimus habitus susceptionem, & professionem, ex nunc prout ex tunc, irritam, nullam, & invalidam, nulliusque roboris, vel momenti fore, ac nullum exinde, aut ex hujusmodi voto penitus annullato, obligationis vinculum oriri posse, quinimmo illos habitu regulari, ad quem reassumendum perpetuo inhabiles sint, quamprimum exui, & ab ipsa Religione eiici, exterminarique debere. Et nihilominus quicumque Superiores, tam Monasteriorum, Prioratum, Præpositurarum, Domorum, Collegiorum, & locorum regularium, quam etiam præfatorum Ordinum Congregationum, Hospitalium, & quarumcumque Religionum, Provinciales, vel Generales, quovis nomine nuncupati, qui ex prædictis incestu, vel sacrilegio genitos post dictam publicationem, ad habitum receperint, vel ad professionem admiserint, excommunicationis sententiam eo ipso incurrant, a qua eorum nemo, nisi in mortis articulo constitutus, ab alio quam Romano Pontifice absolutionis beneficium valeat obtinere. Sed ne iis, qui in humilitatis Spiritu, Deo, & Religioni servire, & poenitentiam agere intra Monasteria, vel Domos regulares cupiunt, ad san-

*Bull. Rom. Tom. IV. Par. IV.*

ctum hujusmodi propositum via penitus præcludatur, permittimus, ut præfati illegitimi, ex dictis incestu, aut sacrilegio geniti, ad habitum converforum, seu famulorum in Monasteriis, vel Domibus regularibus servientium recipiantur, & in ipsis Monasteriis, seu Domibus regularibus, ad servilia ministeria, viliora obsequia, humiles functiones, atque abiecta servitia admitti possint; ea tamen conditione, ut ad habitum religiosorum, vel ad professionem, quam Religiosi emittere solent, emittendam, necnon ad omnes non modo sacros, sed etiam minores Ordines, vel ad clericalem characterem, denique ad cuncta Ecclesiastica officia, & functiones, & ad ascendendum altiores gradus sint eis portæ perpetuo clausæ, & obsecrata.

§. 3. Quoad reliquos vero non ex incestu præfato, nec sacrilegio, sed ex quovis alio minus legitimo toro natos, spurios, vel naturales, etiam, ut præfertur, vel alias legitimatos, qui ob meliorem vitæ frugem, Religionem ingredi cupiunt, statuimus, & ordinamus, eos ad Religionem admitti non posse, aut debere, nisi prius illorum vita, & moribus diligenter cognitis, & circumstantiis universis, quæ circa idoneitatem, personæ attendendæ erunt, consideratis, ac de Religionis zelo, pietate, integritate, & doctrina fide dignis testimoniis adeo commendati fuerint, adeo bonam indolem, & specimen virtutis præferant, ac tot merita eis suffragentur, ut defectum natalium suppleant, eorumque receptio universæ Religionis commodo, & utilitati profutura videatur. Et super hoc ipso in Generali, vel Provinciali Capitulo matura deliberatione habita, generalis, vel Provincialis Superioris, ac Definitorum unanimi consensu approbati, & ad habitum regularem admissi extiterint. Et tamen hi sic recepti ad gradus, honores, & dignitates sui Ordinis obtinendi perpetuo inhabiles, & illorum incapaces remaneant, nisi super hoc cum eis fuerit auctoritate Apostolica specialiter dispensatum. Si quis autem eorum alias quam ut præfertur, recipietur, professio similiter nulla sit, atque ipsi habitu privari, & a Religione eiici debeant, eorumque receptores, excommunicatione, ut supra, innodati ipso facto existant.

§. 4. Ceterum quoniam sæpe se vitia ingerunt, & se esse virtutes mentiuntur, ac multi decoctores post dilapidatam rem familiarem, & contractam ingentem vim æris alieni, aut interversam alienam pecuniam eorum fidei creditam, ut ratiocinia effugiant, Alii post furta, latrocinia, rapinas, homicidia, aliave facinora patrata, etiam banniti, aut damnati, seu qui meritas pro suis delictis poenas metuunt, non pia intentione, sed ad evitandam legum, & judiciorum severitatem, quia tuto in sæculo vivere non possunt, tunc demum quærunt a Religione auxilium, quando aliunde illud non sperant, unde sub habitu, & nomine Religiosorum, animum Religionis inimicum, & inveterata vitia retinent,

Alii autem illegitimi etiam legitimati, servata forma, hic tradita, recipi possint, & sic recepti inhabiles ad quoscunque gradus, & dignitates sui Ordinis obtinendas remaneant, donec fuerit auctoritate Apostolica specialiter dispensatum.

Criminosi vel suspecti, aut æri alieno, vel reddendis rationibus obnoxii ad Religionem non admittantur.



nent, neque alios qui sancta vocatione vocati sunt, patiuntur tranquille divinis obsequiis insistere, in gravem Dei offensam, Religionis opprobrium, & scandalum plurimorum, ut his quoque subterfugii, & impunitatis spes omnis tollatur, auctoritate Apostolica, & tenore presentium, etiam perpetuo statuimus, & ordinamus, juvenes, aut viros adultos, majores sexdecim annis, non aliter in aliquam Religionem recipi posse, nec debere, nisi prius de eorum parentibus, patria, deque antea vita, & moribus diligenter inquiratur, & ex acurata informatione, & fide digna relatione, compertum, & exploratum sit, eos neque aliquorum criminum, qualia sunt homicidia, furta, latrocinia, vel alia similia, aut graviora, reos vel suspectos existere, ut propterea damnati sint, aut ne damnentur formident, neque ingentiaere alieno supra vires facultatum suarum gravatos, vel reddendis ratiociniis ita obnoxios, ut ex hujusmodi causa, lis, vel molestia eis jam illata, vel timendum sit ne inferatur. Nisi denique constet, ipsos non humana aliqua ratione, sed tantum devotionis, & pietatis favore vitam Religiosam sponte, & ex animo elegisse. Deque his omnibus, in Generali, vel Provinciali Capitulo, plena, & indubitata fide facta, tam Superioris generalis, seu provincialis, quam Disinitorum consensu approbati, & ad habitum regularem admissi fuerint. Omnes autem, & quoscumque, ut dictum est, criminosos, vel suspectos, aut ari alieno, ut etiam diximus, vel rationibus reddendis obligatos, ad Religionem perpetuo inhabiles declaramus.

Receptio aliter facta damnatur.

§.5. Et si qui eorum contra presentem nostram Constitutionem temere admittentur, tam susceptionem habitus, quam professionem, & inde secuta, ex nunc prout ex tunc pari modo irritamus, & annullamus, viribusque, & effectu carere decernimus, ac jubemus eos, qui sic de facto recepti erunt, habitu spoliari, & a Religione expelli; & nihilominus si expulsi non fuerint, volumus, & pariter declaramus, habitus susceptionem, & professionem penitus nullam esse, & censer, ac propterea attenta nullitate habitus, & professionis, licere quibuscumque Judicibus, & Curis, etiam secularibus, ad quos, seu quas spectat, contra eos, ut prius juris, & facti remediis opportunis, ex officio, vel ad cujuscumque instantiam, vel querelam civiliter, criminaliter, aut mixtim procedere. Quare volumus, ut cujusque invenis, aut viri majoris xvi. annis, a saeculo ad Religionem transeuntis approbatio, admissio, & receptio, in generali, vel provinciali Capitulo, ut supra ordinatum est, pro tempore fiant; necnon Religiosi sic recepti nomen, & cognomen, quibus in saeculo utebatur, & patria in actis ipsius Capituli describantur, & notentur.

Recipientibus poene imponentur.

§.6. Et insuper quoscumque Religiosos, eorumque Superiores, qui aliquas personas, ut dictum est, inhabiles post hanc Constitu-

tionem publicatam receperint, voce activa, & passiva, necnon officiis, gradibus, honoribus, & dignitatibus quibuscumque per eos obtentis, eo ipso in perpetuum privamus, & tam illis privatos, quam ad illa, & alia quaecumque in posterum obtinenda perpetuo inhabiles, eorumque incapaces decernimus, & declaramus.

§.7. Sed & quia interdum Satanas in Angelum lucis se callide transfigurat, ac perdit quidam, & facinorosi homines, quod saepe vidimus, & experti sumus, instigante antiquo pacis, & Religionis hoste, non veriti sunt temerario ausu habitum Religiosorum assumere ea mente, ut veluti sub ovina pelle lupi rapaces, per dolum, & insidias Christifideles incautos, & nihil mali a Religiosis suspicantes, opprimerent, sive ut post scelera perpetrata, viam faciliorem ad fugam haberent, sive ut banniti Curiae secularis, quae eos propemodum interceptos persequeretur, manus effugerent, & contigit aliquando ipsos sicarios, Religiosis vestibus indutos, a veris Religiosis hac fraude deceptis, intra domos regulares hospitio receptos fuisse. Prohibemus eodem modo atque interdiciamus, ne quis regularis ex una Provincia ad aliam Provinciam sui Ordinis transeundo, etiam in itinere, intra aliquod Monasterium, Domum, vel locum alterius Provinciae ad habitandum, vel tamquam hospes recipi, aut ad modicum tempus divertere possint, nisi a Superiore ejus loci ubi residet, expressam licentiam discendendi in scriptis obtentam, seu literas obedientiae, vel commendatitias secum deferret, atque exhibeat, vel nisi ita cognitus sit iis, ad quos diverterit, ut de ejus persona nullus omnino dubitationi, aut suspicioni locus relinquatur. Ideoque praecipimus universis, & singulis locorum Ordinariis, eorumque Vicariis in spiritualibus generalibus, ut per suos Officiales, Ministros, vel executores curent, ab omnibus personis regulari habitu indutis, quas per suas Civitates, vel Dioeceses, iter facere, vel transire, & ad quaecumque Hospitia, vel diversoria se recipere contigerit, diligenter perquiri, num hujusmodi literas obedientiae, seu commendatitias secum deferant. Quod si eos dictas literas non habere, vel ignotos esse deprehenderint, possint contra ipsos, etiam tanquam dictorum criminum suspectos procedere, & tamdiu illos sub custodia detinere, donec certa de eisdem notitia habeatur. Et tamen volumus, ut iis, qui etiam pietatis, vel hospitalitatis praetextu, regulares alterius Provinciae ignotos, aut sine licentia, vel literis, ut supra receperint, dictas poenas privationis vocis activae, & passivae, necnon officiorum, graduum, honorum, & dignitatum obtentorum, atque inhabilitatis perpetuae pariter incurrant.

§.8. Decernentes sic in praemissis omnibus per quoscumque judicari debere, necnon irritum, & inane, si secus a quoquam quavis auctoritate, scienter, vel ignoranter contigerit attentari.

§.9. Quo-

Regulares de una Provincia ad aliam sui Ord. transeuntes Superiorum licentiam secum deferre debeant alioquin hospitio recipi nequeant, & a locorum Ordinariis carcerentur.

Decretum irritans.



§.9. Quocirca venerabilibus fratribus nostris S. R. E. Cardinalibus dictorum Ordinum, Congregationum, Hospitalium, & locorum Regularium, apud Nos, & Sedem Apostolicam protectores, nunc & pro tempore existentibus, ac locorum Ordinariis præfatis, per Apostolica scripta mandamus, ut eorum unusquisque, per se vel alium, seu alios, Cardinales quidem in suæ protectionis, Ordinarii vero in suarum Civitatum, Dioecesum, & districtuum regularibus locis, curent præsentem literas publicari, easque perpetuo firmiter, & inviolate observari, inobedientes, censuras, & poenas prædictas incurrisse declarando, illasque etiam iteratis vicibus aggravando, invocato etiam, si opus fuerit, auxilio brachii secularis.

Derogatio  
contrariorum

§.10. Non obstantibus Constitutionibus, & Ordinationibus Apostolicis, necnon quorumcumque Ordinum, Congregationum, Hospitalium, & Religionum, juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis quorumcumque tenorem existant, per quæ præsentibus non expressa, vel totaliter non inserta, effectus præsentis Constitutionis impediri valeant quomodolibet, vel differri, & de quibus, quorumque totis tenoribus habenda sit in his literis mentio specialis. Quæ omnia quatenus eidem Constitutioni in aliquo adversentur, illorum tenores pro expressis habentes, perpetuo tollimus, annullamus, & abrogamus, ac nolumus cuiquam suffragari, aut si Superioribus, & personis dictorum Ordinum, Congregationum, Hospitalium, communiter, vel divisim, ab Apostolica sit Sede indultum, quod interdici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Iussio publi-  
candi, & fi-  
des transum-  
ptorum.

§.11. Mandamus vero easdem præsentem ad valvas Basilicæ Principis Apostolorum de Urbe, ac Cancellariæ Apostolicæ, de more publicari, & affigi, illarumque exemplis, etiam impressis, Prælati ecclesiastici sigillo, & Notarii publici subscriptione munitis, eandem fidem in iudicio, & extra illud haberi, quæ eisdem originalibus haberetur, si essent exhibitæ, vel ostensæ.

Sanctio pec-  
nalis.

§.12. Nulli ergo omnino hominum liceat hanc paginam nostrorum interdictorum, prohibitionum, statutorum, ordinationum, declarationum, decretorum, voluntatum, permissionis, irritationis, annulationis, iussionis, privationis, præcepti, sublationis, abrogationis, & mandatorum infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac beatorum Petri, & Pauli Apostolorum ejus, se noverit incursum.

D. P. An.III.  
26. Novemb. Datum Romæ apud S. Petrum, Anno Incarnationis Dominicæ, millesimo quin-

gentesimo octuagesimo septimo, sexto Kal. Decembris Pontificatus nostri Anno III.

Sequuntur declarationes d. Constitutionis.

SIXTUS EPISCOPUS

SERVUS SERVORUM DEI

Ad perpetuam rei memoriam.

**A**D Romanum spectat Pontificem sacrorum Canonum conditorem, quæ per eum sancita sunt, ita suæ declarationis arbitrio dilucida reddere, ut inde nemini possit dubitationis scrupulus exoriri, præsertim vero salubriter consulere, ut cum de Regularibus agitur, qui se omnino Dei Omnipotentis obsequio manciparunt, tollantur ea omnia, quæ eorum sanctum Christo pie inserviendi institutum quoquomodo valeant perturbare.

Exordium.

§.1. Sane post editam nostram Constitutionem, quæ incipit: *Cum de omnibus Ecclesiasticis Ordinibus &c.* Super modo, & forma recipiendi, & admittendi eos, qui sub Religionis jugo, Altissimo famulari desiderant, cum variæ sint exortæ dubitationes, & quæstiones, eæque postea ad audientiam nostram perlatae.

Dubia exorta  
sunt super di-  
cta Const.

§.2. Nos ad tollendam omnem ambiguitatis occasionem, habita cum venerabilibus fratribus nostris S. R. E. Cardinalibus Congregationis super Regularium negotiis, & consultationibus per Nos institutæ, matura deliberatione, de illorum consilio, & assensu præsentem nostram perpetuo valituram declarationis Constitutionem duximus promulgandum.

Ideo hic Pon-  
tífex subsequen-  
ter declarat.

§.3. Cum itaque inter alia dubitetur, num primo dicta nostra Constitutio, ubi de illegitime genitis loquitur, comprehendat etiam eos, qui postea per subsequens matrimonium fuerunt legitimati. Nos inhaerentes sacrorum Canonum dispositioni, auctoritate Apostolica tenore præsentium declaramus illegitime natos ex iis parentibus, inter quos tempore quos ipsi geniti sunt, matrimonium rite consistere poterat, secuto postea matrimonio legitimos effectos, sub dicta Constitutione minime comprehendendi, sed eos tam quoad emittendam professionem, quam quoad consequendos gradus, honores, & dignitates sui Ordinis, æquo jure cum illis, qui ex matrimonio legitimo, & constanti nati sunt, censendos esse.

Prima declara-  
tio quo ad  
illegitime na-  
tos ex paren-  
tibus, inter  
quos tunc ma-  
trimoniū con-  
sistere poterat  
& postea sub-  
secutum sit.

§.4. Illegitimos vero etiam ex soluto, & soluta, qui antequam nostra Constitutio emanaret, professi, vigore seu prætextu privilegiorum, aut indultorum Apostolicorum cuivis Ordini, Religioni, Monasterio, aut Congregationi, eorumve Superioribus, in genere, vel in specie concessorum, eo ipso per ingressum Religionis, vel per eodem Superiores, sive alios quoslibet etiam Sedis Apostolicæ de Latere Legatos, aut alios officiales, vel ministros quavis præminetia, vel auctoritate etiam Apostolica fungentes, aut facultate suffultos legitimati, aut ad gradus, honores, & dignitates

Secunda de-  
claratio quo  
ad illegitime  
natos ex solu-  
to & soluta,  
qui ante edi-  
tam Constitu-  
tionem præ-  
dictam, qua-  
vis auctoritate  
legitimati,  
aut ad digni-  
tates habilita-  
ti, & illis per-  
functi sunt.



tates habilitati, seu reintegrati, & illis alias perfuncti sunt, volumus posthac non obstan. quibuscumque, tam antiquis privilegiis, aut literis Apostolicis, quam aliis indultis, seu declarationibus, etiam si illa per Nos post dictam Constitutionem novissime edita fuisse asserantur, honores, gradus, aut dignitates hujusmodi obtinere non posse, ac dispensationes, & legitimaciones quascumque eis nullatenus suffragari, nisi specialiter, & nominatim cum eorum singulis fuerit super natalium defectu, ad honores, gradus, & dignitates obtinendas, ante, vel post ingressum Religionis per Romanum Pontificem immediate, vel de ejus speciali mandato dispensatum, deque dispensatione, seu mandato per literas Apostolicas, seu in forma Brevis, vel saltem per patentes literas Cardinalis Protectoris de ipsius Rom. Pont. voluntate fidem facientes, legitime constiterit.

Tertia declaratio quo ad non dispensatos, tempore editæ Constitutionis prædictæ.

§. 5. Eos pariter, qui tempore publicationis nostræ Constitutionis in suis Religionibus sine hujusmodi speciali Rom. Pont. dispensatione, officia, honores, & dignitates habebant ad vitam, eo ipso ab illis amotos, & absolutos harum serie declaramus. Ad tempus autem illa obtinentes permittimus in sua administratione usque ad finem sui temporis conservari; ita tamen, ut in posterum nec tempus ordinarium eis prorogari, aut extendi, neque ipsi ad alias non modo similes, verum etiam neque ad inferiores, aut altiores, & majores dignitates, honores, gradus, ascendere possint, perinde, ac si id ipsum in præfata nostra Constitutione ab initio expressum fuisset. Ne tamen hujusmodi Religiosi in liberalium artium, ac præsertim sacre Theologiæ studiis, & Religiosis profectibus seigniores fiant, atque eorundem pia studia refrigescant, eos nosse volumus, quod si ipsorum quispiam eximia doctrina, vitæque, & morum sanctitate excellere reperietur, deque eorum probitate, & præclaris meritis Ordinum Protectores eam apud Nos fidem fecerint, ut non immerito sperari queat, eorum doctrinam, & operam ipsi Ordini, & sanctæ Dei Ecclesiæ usui, & commodo futuram, tunc demum indulgentiam, & benignitatem nostram facile experientur.

Quarta declaratio quid intelligatur sub nomine dignitatum, honorum, & graduum a quibus præfati illegitimi excluduntur.

§. 6. Quoniam vero a multis quæsitum est sub nomine honorum, graduum, & dignitatum, a quibus illegitimi penitus excluduntur, quid potissimum sit intelligendum: Declaramus hac in re, de qua nunc agitur, appellatione dignitatum, honorum, graduum, debere intelligi Præpositatus, Abbatatus, Prioratus, Guardianatus, Custodiatatus, Provincialium, ac Generalium Superiorum officia, & alia his similia, cum honore, & superioritate conjuncta. Ab officiis autem oneris, veluti Lectoris, Confessarii, studiorum, & sacre Theologiæ Magistri, Regentis, Prædicatoris verbi Dei, & ceteris hujusmodi, immo etiam a voce activa, a sacris Ordinibus suscipiendis, ipsorumque ministerio, ipsos

illegitimos, dummodo ex sacrilegio, vel incestu geniti non sint, nequaquam arceamus.

§. 7. Cum vero in quibusdam Religionibus Capitula Provincialia, aut numquam aut non quotannis, sed rarius celebrentur, quædam etiam Monasteria, aut Domus hujusmodi in remotissimis regionibus, Hæreticorum, aut Infidelium tyrannidi finitimis sita sint, ne ii, quos extra Capitula, ad habitum, vel professionem regulares admitti prohibuimus, tempus celebrandis Capitulis præfixum nimis diu expectare, aut ad ea cum maximo incommodo accedere cogantur, concedimus, & indulgemus, ut in qualibet Provincia saltem duo, vel si commode fieri poterit, tria, aut plura Monasteria, seu Domus regulares deputentur, quarum, seu quorum Superiores infra annum saltem ad inquisitionem super novitiis faciendam, & ad ipsos Religiosos juxta formam præfate Constitutionis recipiendos, ad alia quæ in ipsa Constitutione continentur peragenda, insimul congregentur.

§. 8. Quod si paucitas, aut nimia distantia Monasteriorum ne id quidem patiatur, saltem tribus ex antiquioribus Patribus unius Monasterii, aut Domus ejus Provinciæ hujusmodi facultas, & auctoritas per Capitulum generale, scilicet Monachorum, vel Provinciale Mendicantium, & reliquorum Regularium ejus Ordinis demandetur.

§. 9. Verum in iis Monasteriis, Domibus, & locis regularibus, quæ aut nondum in Congregationes redactæ, aut alias nulli Provinciæ subiectæ sunt, statuimus, ut trina Capitula Conventualia tribus distinctis cum intervallo saltem decem dierum vicibus celebrata, eandem in recipiendis Novitiis per trinas hujusmodi distinctas vices approbatis, habeant auctoritatem, quæ per nostram Constitutionem Capitulis Provincialibus est attributa.

§. 10. Neque vero si in generalibus, vel Provincialibus Capitulis aliqui Vocales desint, nec si a definitorum consensu aliquis discrepaverit, idcirco receptio Religiosorum retardari, impediri, aut impugnari debet, sed satis esse volumus si vocalium, & suffragiorum numerus legitimus, a jure, vel per cujuscumque Ordinis statuta præfinitus intervenierit.

§. 11. Et quod de Capitulo Provinciali, aut Generali dictum est, idem juris statuimus, siquæ Religiones, non Capitulorum, sed Congregationum, aut dietarum, vel alio quovis nomine uti reperiantur.

§. 12. Quod autem pertinet ad professionem, tam illegitimorum, quam eorum qui post sexdecim ætatis annum expletum regularem habitum susceperunt, quia tunc demum vere, & proprie Religiosi effici dicuntur, cum professionem emittunt: Declaramus, eos qui ante prædictam nostram editam Constitutionem habitum susceperint, & post ipsius promulgationem cupiunt profiteri, non alias ad professionem admittendos esse, quam facta inquisitione, & servata

1. Declaratio circa celebrationem Capitulorum Generalium siue Provincialium pro inquisitione super Novitiis recipiendis.

2. Declaratio circa facultatem dictorum Capitulorum, vel ab eis deputatorum pro inquisitione prædicta.

3. Declaratio circa facultatem Capitulorum Conventualium in prædictis.

4. Declaratio circa numerum suffragiorum in recipiendis Religiosis.

5. Declaratio circa verbum Capituli.

Prima declaratio circa ad mittendos ad professionem.



vata forma in ipsa Constitutione præscripta; & eorum, qui post dictam promulgationem etiam ignoranter non habita dicta inquisitione, & non servata forma ad professionem admissi fuerint, professionem nullius esse roboris, & momenti. In oblatis autem & conversis professionem emittentibus, satis erit, si quoad mores, & statum personarum ipsa inquisitio fiat.

2. Declaratio circa nullitatem tacite professionis.

§.13. Sed cum eadem ratio vigeat in tacita professione emittenda, quæ militat in expressa, statuimus, quod in quibuscumque Ordinibus, & Religionibus, neque etiam tacita professio quorumcumque Religiosorum induci possit, nec inducta intelligatur, nisi in receptione Constitutionis forma servata fuerit.

3. Declaratio circa validitatem expresse professionis, & Apostatarum reditus ad religionem.

§.14. Si quis vero ante editam nostram Constitutionem jam tacite professus, expresse cupiat profiteri, vel si quis apostata ad suam Religionem redire voluerit, inquisitio, & forma præscripta non erit necessaria, nisi, vel de moribus, statu, & qualitate personæ, vel de validitate ipsius tacite professionis dubitatio aliqua oriatur.

4. Declaratio circa advenas sub regulari habitu recipien. qui commorantur in regionibus a sua patria remotis, aut ab infidelibus oppressis.

§.15. In iis autem qui in locis a sua patria longissime remotis degentes, vel quorum patria ab Hæreticis, vel Infidelibus misere oppressa detinetur, voluerint se divinis obsequiis sub regulari habitu dicare, ut in hoc quoque Sedis Apostolicæ benignitas elucescat, quæ cunctos mortales, præsertim vero externos ex longinquis regionibus ad eam assidue confluentes materno sinu libenter amplectitur, sancimus externos huiusmodi, & advenas quamvis non liquido constet de iis omnibus, quæ in Constitutione nostra requiruntur, tamen si diligentia adhibita nihil appareat, quod eos impediat, habiles reputandos esse.

Declaratio circa eos quos post promotionem ad gradum, natalium defectum, aut criminum, notam pati confiteri.

§.16. Quod si quis ante, vel post Constitutionem ipsam professus ad sacros ordines, vel ad honores, gradus, & dignitates promotus existat, & postmodum in eo natalium defectum, aut criminum in dicta Constitutione nostra expressorum, notam, quæ prius ignorabantur, detegi contigerit, decernimus, eum statim post huiusmodi defectus notitiam habitam, non alias quam juxta formam ipsius Constitutionis, ad honores, gradus, & dignitates, aut ad executionem Sacrorum Ordinum admitti debere.

Declaratio quomodo dicta Constitutio quoad criminosos procedat.

§.17. Contra criminosos vero, quorum professio eadem Constitutione nostra irrita declaratur, ac propterea Iudicibus, & curiis secularibus procedendi facultas conceditur, tunc demum id locum habere volumus, & non aliter, cum actis publicis confiteri ipsos Iudices, & Curiam sæcularem ante susceptionem habitus de ipso crimine adversus eos accusationem suscepisse, vel inquisitionem instituisse.

§.18. Ceterum quæ a Nobis circa Religiosos viros in præfata Constitutione sancita sunt, ea nequaquam volumus ad Moniales nunc extendi.

1. Declaratio circa receptionem hospitii

§.19. Postremo dum interdiciamus, ne quis regularis alterius Provinciæ intra ali-

quod Monasterium, domum, vel locum alienæ Provinciæ, etiam tamquam hospes, & ad modicum tempus recipi possit, nisi a Superiore loci, ubi residebat, & a quo discessit, licentiam expressam in scriptis exhibuerit, vel nisi satis cognitus sit, id observari volumus non solum in religiosis itinerantibus de una in aliam Provinciam, sed in iis quoque qui proficiscuntur de uno in aliud ejusdem Provinciæ Monasterium, tam sui, quam alterius Ordinis.

§.20. Quod si dicerent, se ad Apostolicam Sedem confugere ob gravamina a suis superioribus sibi illata, & ideo ab ipsis Superioribus licentiam, & literas obtinere non potuisse, non propterea ullo modo recipi valeant, nisi fide dignorum testimonio de petita ab eis licentia, & per suos Superiores denegata constiterit.

§.21. In Alma vero Urbe nostra Religiosi advenæ, & peregrini de gravaminibus sibi illatis conquerentes nullibi sine huiusmodi literis, aut licentia recipiendi erunt, nisi prius ad Congregationem dictorum, Cardinalium super negociis Regularium a Nobis deputatorum, vel ad suos Protectores remittantur, ubi ipsis auditis pro rerum, & personarum qualitate, quid agendum sit, statuetur.

§.22. Reliqua autem in priori nostra Constitutione contenta, quæ in præsentibus literis non declarantur, volumus perpetuo firma, & valida, & in suo robore permanere, ac ab omnibus, ad quos spectat, inviolabiliter observari.

§.23. Et si quid a Nobis alicui Ordini, aut Religioni præter, aut contra præfatam Constitutionis formam post illius editionem circa recipien. extra capitula Novitios, aut alias indultum, aut concessum fuit, id omne, ac desuper confectas literas prorsus revocamus, & annullamus, ac ad terminos præsentis Constitutionis reducimus, & alias nemini volumus suffragari.

§.24. Decernentes sic in præmissis universis, & singulis per quoscumque Iudices ordinarios, & delegatos, etiam causarum Sacri Palatii Apostolici Auditores, ac Sanctæ Romanæ Ecclesiæ Cardinales, sublata eis, & eorum cuilibet, quavis aliter iudicandi, & interpretandi facultate, in quavis causa, & instantia ubique iudicari, & diffiniri debere, necnon irritum, & inane, si secus super his a quoquam quavis auctoritate, scienter, vel ignoranter contigerit attentari.

§.25. Non obstantibus præfata, & aliis Constitutionibus, & Ordinationibus Apostolicis, necnon quorumcumque Ordinum, tam Mendicantium, quam non Mendicantium Religionum, ac Monasteriorum, etiam eorum, quæ ordinum capita dicuntur, Prioratum, Domorum, & quorumvis Regularium locorum, juramento, confirmatione Apostolica, vel quavis firmitate alia roboratis statutis, consuetudinibus, stabilimentis, usibus, & naturis quantocumque tempore observatis, necnon fundationibus eorundem, aliis quoque privilegiis, in-

1587. alterius, vel ejusdem Provinciæ.

2. Declaratio circa eosdem.

3. Declaratio circa receptionem peregrinorum & advenarum religionum in Urbe.

Confirmatio aliorum in dicta Constitutione contentorum.

Revocatio quarumcumque concessionum, de recipien. Novitiis extra Capitula.

Decretum irritans.

Clausula derogatoria.



indultis, exemptionibus, & literis Apostolicis illis omnibus, ipsorumque Superioribus generalibus, vel Provincialibus, Conventibus, Capitulis, Fratribus, & personis per quoscumque Romanos Pontifices Prædecessores nostros, ac Nosmetipsos, etiam post primo dictæ nostræ Constitutionis publicationem, & præfatam Sedem, etiam per modum statuti perpetui, ac initi, & stipulati contractus, seu quasi, necnon motu, scientia, & potestatis plenitudine similibus, ac etiam consideratione, intuitu, contemplatione, vel ad instantiam Imperatoris, Regum, Ducum, aliorumque Principum, Sanctæque Romanæ Ecclesiæ Cardinalium, ac de eorum consilio, & assensu, etiam consistorialiter habito quomodocumque, ac sub quibuscumque tenoribus, & formis, necnon cum quibuscumque restrictivis, reitutivis, præservativis, annullativis, derogatoriis derogatoriis, aliisque efficacioribus, efficacissimis, & insolitis clausulis, necnon irritantibus, & aliis decretis quomodocumque concessis, confirmatis, & etiam iteratis vicibus extensis, & moderatis, etiam si in eis, ac statutis, stabilimentis, & foundationibus præfatis caveatur expresse, quod nunquam eorum privilegia, & indulta, revocata, vel moderata, aut immutata intelligantur, nec illis in toto, vel in parte derogatum censeatur per quascumque literas, etiam derogatoriis derogatorias, ac alias fortiores, & efficaciores clausulas in se continentes, nisi illorum, ac etiam certarum specialium literarum Apostolicarum inde confectarum vere, non autem per clausulas generales, vel speciales idem importantes inserto tenore, ac de simili Cardinalium consilio, quodque semper in hujusmodi derogationibus, & aliis dispositionibus censeatur apposita clausula, quod tunc demum, nec aliter, nec alio modo effectum sortiantur, cum Superiorum, Capitulum, & Conventuum præfatorum ad id accedat assensus, quodque derogationes, & aliæ depositiones hujusmodi aliter effectum non habeant, nisi consistorialiter factæ, & per trinas distinctas literas eundem tenorem continentes tribus distinctis vicibus Superioribus, Capitulis, & Conventibus præfatis fuerint intimatæ, eorumque pariter ad id expressus accedat assensus, aliter vero factæ viribus, & effectum omnino careant, ac Superiores, Capitula, Conventus, & aliæ personæ præfatæ ad parendum illis, & decretis desuper processibus, eorumque executoribus, & subexecutoribus, ac ipsorum mandatis, & monitionibus minime teneantur, sed literarum hujusmodi executionem omnino impedire, nec ratione resistentiæ censuris Ecclesiasticis, etiam per ipsos executores, vel subexecutores latis innodari possint. Quibus omnibus etiam si alias de eis, eorumque totis tenoribus specialis, specifica, expressa, & individua, ac de verbo ad verbum non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda fo-

ret, tenores hujusmodi, ac si de verbo ad verbum infererentur præsentibus, pro sufficienter expressis, & insertis habentes, harum serie specialiter, & expresse derogamus, & quatenus effectum præsentium, quoquo modo impedire, vel retardare, vel illis obesse possent, ea omnino tollimus, & abrogamus, ceterisque contrariis quibuscumque.

§.26. Ut autem præsentis literæ omnibus plenius innotescant, mandamus illas ad valvas Basilicæ Principis Apostolorum de Urbe, & in Cancellaria Apostolica, necnon acie Campi Floræ publicari, earumque exempla de more affigi, volumusque, & decernimus ut ipsarum præsentium, exempla etiam impressa, manuque Notarii &c. Nulli ergo &c.

Datum Romæ in Monte Quirinali, Anno Incarnationis Dominicæ, millesimo quingentesimo octuagesimo octavo, duodecimo Kalendas Novembris, Pontificatus nostri Anno IV.

Forma publicandi hujus Constitutionis.

Sanctio penalis.  
D. P. An. IV.  
21. Octobris.

## CXIII.

Reformatio Curie Almæ Urbis Gubernatoris quo ad causas Civiles.

*Jurisdictionem, & facultates hujus Gubernatoris vide in Constitut. IX. Leon. X. Et si pro, Tom. III. Par. III. fol. 401. ubi eas plene tibi indicavi.*

## SIXTUS PAPA QUINTUS

*Motu proprio &c.*

**I**N sublimi Beati Petri Sede, meritis licet imparibus, superna dispositione constituti, agrique Dominici curæ præpositi, id inter alia nostri muneris esse cognoscimus, ut singula circa omnes gradus, & hominum conditiones, deformata, ac depravata, providentiæ nostræ ministerio corrigamus, & reformemus, præsertim in Tribunalibus Almæ Urbis nostræ, in quibus omnis juris ratio exigit, ut Judices primum, studiosa vigilantia, manuum munditia, & ordinata juris scientia sint aliis præstantiores, Notarii quoque ad conscribenda acta deputati, Mandatarii quoque, & alii Ministri, vitæ honestate, operosa sufficientia, moderata mercedis exactione, compassivaque erga pauperes benignitate, sint admodum ornati. Litigantesque demum, & eorum Procuratores, ultimum Omnipotentis Dei judicium præcogitantes, a perniciosis subtilitatibus, subterfugiis, intricationibus, & extorsionibus se abstineant, ut deformibus omnibus sublatis, honesta sint omnia, & prava transeant in directa, ac jus, & justitia salubriter, & æqua lance, ac minoribus quam fieri potest, dispendiis, unicuique ministretur.

§.1. Nos tamen quia humanarum virium fines excedere non valemus, tantaque est Apostolici Officii negociorum moles, ut circa singula, per Nos ipsos, ejusdem Officii debitum exolvere non possumus, plu-

Exordium.

Marianus P. Benedictus Urbis Gubernator hanc suæ Curie Reformationem edidit.



rimum in Domino letati sumus, quod Venerabilis Frater noster Marianus P. Benedictus Episcopus Marturanen., & dictæ Urbis nostræ, ejusque districtus Generalis Gubernator, & Vice-Camerarius a Nobis deputatus, huic nostræ sollicitudini respondens. Deique timore, & virtutis ac justitiæ zelo ductus, diversos abusus, quos in suo Tribunali irrepsisse cognovit, tollere, & aliis, quæ inde irreperere potuissent, occurrere cupiens, sequentem suæ Curia Reformationem, circa causas civiles edidit, Nobisque porrexit.

Cardin. Mattheus eam de mandato Papæ examinavit, & absolvit.

§.2. Et ideo cupientes Reformationem hujusmodi accurate, & debita circumspeditione absolvi, dilecto Filio nostro Hieronymo Sanctæ Mariæ in Cosmedin. Diacono Cardinali Mattheo nuncupato, viro vitæ integritate, literarum scientia, longaque rerum, & Romanæ Curia experientia insigni, dedimus in mandatis, ut eandem Reformationem diligenter examinaret, suppleret, & corrigeret, & ille mature omnibus visis, sigillatimque examinatis, nonnulla explanavit, nonnullaque etiam emendavit, & addidit, extremamque dictæ Reformationi manum adhibuit, Nobisque exhibuit, ejusque tenor talis est, videlicet.

Reformatio super.

Locumtenentis causarum civilium qualitatibus.

*Sequitur Reformatio de qua in Rubrica.*

§.3. Dominus Locumtenens Civilis Gubernatoris Almae Urbis pro tempore existentis, unus dumtaxat in futurum sit, legum scientia, vitæque probitate, & Romanæ Curia experientia insignis, & ex loco, qui ab Urbe distet per quadraginta miliaria oriundus. Qui omnes causas civiles, tam commissarias juxta formam commissionum, quam ordinarias, vel alias in ipso Tribunali introducendas, juxta suas facultates cognoscat, terminet, & decideret.

Audientia hora, & loco.

§.4. Audientiam terminorum, pro quibus litigantes pro certa hora citati non sint, in Sala Palatii Gubernatoris, circa horam vigesimam, pro Tribunali sedendo, teneat.

Diebus feriatis.

§.5. Jus reddat singulis diebus, exceptis festivis de præcepto, aut consuetudine Almae Urbis, necnon diebus Coronationis Pontificis viventis, ingressus Gubernatoris, Jovis, Lunæ, & Martis immediate ante Cineres, ac ipsius diei Cinerum, totius Hebdomadæ Sanctæ. Commemorationisque Defunctorum, & vigiliæ Nativ. Domini.

Significationibus vigore recursus.

§.6. Significationes per viam recursus concedendas semper concedat cum clausula, non tamen in contumaciam.

Causis ordinariis.

§.7. In causis ordinariis, vel via ordinaria introducendis, etiam si ad probationem producantur cedulae, jura, & instrumenta obligationum Cameralium, non relaxet mandata executiva, (si respectu summæ, vel valoris rei, de qua agitur, dictæ causæ sint appellabiles) nisi elapsi decem diebus datis ad appellandum, & servatis solitis terminis ad docendum de legitima appellatione, & ejus legitima prosecutione, & confesso sibi de re judicata.

*Bull. Rom. Tom. IV. Par. IV.*

§.8. Suspectus post litem contestatam, vel pro contestata habitam, allegari non possit, nisi a principalibusmet, vel eorum Procuratoribus ad id speciale mandatum habent, & ex certa causa per eos in actis specificata, & jurata, a Gubernatore pro legitima approbata.

§.9. Ab ejus sententiis definitivis appellatur ad Sanctissimum in causis appellabilibus, in aliis vero non appellabilibus, & in quibus de jure recursus datur, recurratur ad Gubernatorem, qui causas hujusmodi recursus per seipsum, vel alium ab eo deputandum juxta suas facultates expediat.

Appellatione, & recurso.

§.10. Qui deputandus tam in ipsis causis recursus, quam in illis, in quibus in locum Domini Locumtenentis, uti suspecti recusati, a Gubernatore deputabitur; & in causis quoque Commissariis, in quibus ex rescripto Signaturæ a Gubernatore similiter deputabitur, ea dumtaxat emolumenta recipiat, quæ, ut mox dicetur, D. Locumtenens recipere poterit, & nihil penitus ultra, sub poenis eis in dictis. Recursus, ut supra ad Gubernatorem a Locumtenentis decretis, & sententiis petendi, infra decem dies dumtaxat, peti debeant, & tunc executionem non retardent, usquequo Gubernator hujusmodi recursus non admiserit.

Judice deputato a Gubernatore.

§.11. Sportulas D. Locumtenens non recipiat, nisi in illis causis Commissariis tantum, quæ auctoritate ordinaria, a principio ab eo cognosci non potuissent; in quibus circa quantitatem servet taxam felicitis recordationis Pii Papæ IV. In ceteris vero causis quibuscumque sportulas nullo modo accipiat, etiam a sponte dantibus, sed eorum loco ultra commodam habitationem, quam in dicto Palatio, pro se suisque servantibus habere debeat, & ultra scuta auri in auro quinque, a quolibet ex duobus Notariis causarum civilium hujus Curia, ipsi tantum D. Locumtenenti quolibet mense, in ejus principio solvenda, percipere possit julium unum pro singulis infra scriptis expeditionibus, videlicet. Pro quolibet mandato executivo, non tamen in contumaciam. Pro quolibet arresto in carceribus, Mandato de excarcerando, significatione dotali, aut vigore termini, aut in vim litis pendentia, aut litis finitæ, aut stante deposito, vel negatione, aut data cautione de stando juri, & judicatum solvendo concessa. Et etiam pro qualibet citatione, vel inhibitione, vigore commissionis, aut extra Curiam decreta. Dummodo in quolibet ipsorum casuum agatur de re, vel summa scutorum auri septem, qui constituunt julios septuaginta septem.

Sportulis, habitatione, salario, & emolumentis.

§.12. Alioquin prædictus D. Judex poenas in Pii Papæ Quarti Constitutione, de reformatione Tribunalium contentas, incurrat.

Locumtenentis contravenientis poenis.

§.13. Notarii teneant intus, vel juxta dictum Palatium, eorum Officia separata, & in locis ita distantibus, ut colligantium tumultus nullum afferre possit impedimentum.

Notariatuum locis.

§.14. In causis tribunaliis, neque officio

Procuratio, neque eis interdita.



Procuratoris, vel Sollicitatoris fungantur, neque alio quovis modo se intromittant.

**Taxe observantia.** §.15. In eorum mercedibus recipiendis servent omnino taxam Pii Papæ Quarti, quia in ea omissus est casus examinis testium super articulis absque interrogatoriis, ideo tali casu Notarii recipiant pro hujusmodi examine cujuslibet testis, bononenos octo usque ad scuta decem, & bononenos decem usque ad scuta viginti, & bononenos quindecim usque ad quamcumque summam, & non ultra.

**Citationibus.** §.16. Citationes, & alias Mandatariorum, & Cursorum relationes, nullatenus in actis apponant, nisi Cursores, & Mandatarii eas in cartulis octavæ partis folii prius subscripserint, & supra subscriptiones nomen Notarii causæ appositum fuerit.

Citationes, & alios actus pro aliquo, vel contra aliquem non recipiant, nisi tam actoris, quam rei nomen cum cognomine, aut exercitii, habitationisque designatione specificè in eis exprimatur.

Citationes ad videndum mandari consignari pignora, non recipiant, nisi appositum sit, etiam ad videndum mandari subhastari.

**Manualibus.** §.17. Manualia citationum, & manualia protestationum, separatim, & distincte teneant.

**Expeditionum libris.** §.18. Expeditionum libros duos habeant, in quorum uno distincte, & ordinatim adnotare debeant omnes significationes per viam recursus concedendas, cum expressione nominis colligantium, & Curiarum, a quibus Dominus Locumtenens recursus, juxta suas facultates concedet, ac etiam summæ, vel valoris rei, de qua agitur; necnon, & omnia sequestra, & monitoria, ex quavis causa decernenda. In altero autem adnotare debeant omnia mandata executiva, non tamen in contumaciam; Et omnia arresta, Mandata de excarcerando, Significationes dotales, Aut vigore termini, Aut in vim litis penden. Aut litis finitæ, Aut stante deposito, Vel negatione, Aut data cautione de stando juri, & judicatum solvendo concessas, Et omnes citationes, vel inhibitiones vigore commissionis, Aut extra Curiam decretas; dummodo in quolibet ipsorum casuum agatur de re, vel summa scutorum auri septem.

**Expensarum taxatione.** §.19. Listas expensarum non conficiant, neque propterea mercedem aliquam, etiam a sponte dantibus recipiant, nisi prævio D. Locumtenentis decreto, & ejusdem subscriptione in calce citationum, ad videndum taxari expensas, apponenda.

**Examine testium.** §.20. Examen testium scribere possint duo tantum Notarii pro quolibet officio, quos Gubernator pro tempore approbaverit, & non alii.

**Decretis.** §.21. Decreta aliqua ex seipsis Notarii non conficiant, sed citationes omnes D. Locumtenenti in Audientia publice legant, ab eoque decreta sumant, & deinde in actis apponant.

**Mandatis suspensionis fugæ.** §.22. Mandata suspensionis fugæ scribere nequeant, nisi prius D. Locumtenenti ju-

ra producta, vel probata ostenderint, illeque postea mandata decreverit.

§.23. Juramenta suspensionis fugæ, ab aliis quam principalibusmet, vel personis ad id speciale mandatum habentibus non recipiant.

§.24. Sequestra non scribant, etiam in causis mercedum, nisi in executionem mandatorum servatis servandis relaxatorum, vel nisi docto de credito, etiam extrajudicialiter arbitrio D. Locumtenentis, juratoque de dilapidatione aut fugæ suspitione.

§.25. Advocatos, Procuratores, & Sollicitatores, pro fidejussoribus occasione litium dandis, nullo modo recipiant.

§.26. Significationes per viam recursus concedendas non scribant, nisi cum clausula, Non tamen in contumaciam. Alias vero Significationes non scribant nisi vigore termini, Aut nisi productis juribus, vel probationibus super solutione, Aut nisi stante pendentia litis, Sive lite finita, Vel nisi data cautione de stando juri, & judicatum solvendo, quando essent relaxata mandata suspensionis fugæ, pro affecuratione judicii, Aut nisi stante negatione contra mandata in contumaciam relaxata.

§.27. Responsiones ad articulos, & juramenta super partitis decisivis, coram D. Locumtenente tantum recipere possint, & debeant, nisi ipse aliter decreverit, ex causa infirmitatis, aut alterius legitimi impedimenti colligantium.

§.28. Quicumque ex Notariis sive actuariis in eorum officiis scribentibus, in aliquo præmissis contraverit, pro qualibet vice poenam scut.25. aliasque poenas pecuniarias, & corporis afflictivas, pro modo excessus a Gubernatore arbitran. incurrat, damnaque, & interesse partibus reficere cogatur.

§.29. Mandatarii hujus Curie, citationes, & alias relationes in scriptis dumtaxat referre debeant, exprimendo an personaliter, vel domi copia dimissa, vel affixa, & an ad statim, vel ad hodie per totam, seu ad primam, vel aliam diem fecerint.

Citationes, intimationes &c. personaliter, aut domi dimissa copia, non exequantur, post secundam horam noctis; per affixionem autem, non nisi de die, & tunc in relationibus expriment fecisse de die, dimissa copia affixa in tali loco.

In citationibus tam actoris, quam rei nomen cum cognomine, vel cum exercitii, habitationisque designatione expriment.

In citationibus ad videndum mandari consignari pignora, apponant etiam, & videndum mandari subhastari.

§.30. In eorum mercedibus recipiendis servent eorum taxas; ultra quas, etiam a sponte dantibus, nihil omnino accipiant.

§.31. Pignora omnia ab executoribus quibuscumque eis consignanda, ordinatim singulariter adnotare debeant in eorum libris, exprimendo rerum qualitates, & quantitates, & nomen executoris, & colligantium. Pignora subhastanda, publice in loco commodo ad id per Gubernatorem deputando, tenere debeant, a die quo receperint

Juramentis suspensionis.

Sequestris.

Fidejussionibus.

Significationibus.

Responsione ad articulos

Notariorum contravenientium poenis.

Mandatariorumque circa citationes.

Taxe observantia.

Pignoribus.



sint mandata de subhaſtando, uſquequo receperint mandata de deliberando. Oblationes recipiendas adnotare debeant in eorum libris, cum appoſitione anni, menſis, & diei, ac expreſſione nominis, cognominis, exercitiique, & habitationis offerentium. Non recipiant oblationes cujuſcumque officialis huius Curia, nec eis ſervientium, neque Mandatarii affinium, vel conſanguineorum, uſque ad tertium gradum.

Eorundem  
contravenien-  
tium poenis.

§.32. Quicumque in aliquo præmiſſorum contraverit, poenam ſcutorum decem pro qualibet vice, aliasque poenas pecuniarias, & corporis afflictivas, privationisque officii, pro modo exceſſus a Gubernatore arbitrandas incurrat, damnaque, & intereſſe partibus reſicere compellatur.

Reformatio-  
ne Procurato-  
rum circa  
exactiones.

§.33. Procuratores non poſſint actualiter exigere nomine ſuorum principalium, etiam ab Urbe abſentium, & vigore mandatorum ad exigendum, aliqua bona, res, & pecunias, a quavis perſona, in cauſis, & negociis ipſius Tribunalis, niſi prævio Gubernatoris decreto, gratis deſuper interponendo. Et qui contraverit, officio Procuratoris omnino privetur, poenamque pecuniariam Gubernatoris arbitrio ſolvat.

Executorum-  
que circa ta-  
xas.

§.34. Executores cujuſcumque Curia mandata huius Tribunalis exequentes, nihil ultra eorum taxam, etiam a ſponte dantibus recipiant, & niſi poſt factam executionem ſive capturam.

Executioni-  
busque.

§.35. Mandata civilia non exequantur de nocte, neque de die feſtivo, niſi ſint ſuſpicionis fugæ.

Cautiones in executione mandatorum nullatenus recipiant, ſed executiones realiter, vel perſonaliter, prout in mandatis continetur, exequantur; pignoraque Baruncello huius Curia infra biduum conſignent, deſcribique faciant in libro, quem præſatus Baruncellus ad id ſpecialiter tenere, in eoque adnotare debeat qualitates, & quantitates rerum ſibi conſignatarum, & nomen executoris conſignantis.

Pignori quo-  
que reſtitu-  
tione.

§.36. Reſtituat quilibet executorum prædictorum executiones, ſive bona in executione capta gratis, quotieſcumque D. Locumtenens mandaverit.

Contravenien-  
tium poenis.

§.37. Quicumque in præmiſſis contraverit, officio ſuo privetur, & pro modo exceſſus corporalibus poenis Gubernatoris arbitrio plectatur, damnaque, & intereſſe partibus reſicere cogatur. Pro quibus damnis, & intereſſe, quilibet Baruncellus cujuſcumque Curia pro ſuis executoribus, & birruariis obligatus ſit.

Conſecratio  
huius Refor-  
mationis.

§.38. Nos itaque volentes Reformationem huiusmodi, tam maximo labore, & tam matura diſcuſſione, ad publicam maxime collitigantium utilitatem, Tribunalisque dictæ Urbis Gubernatoris directionem, ut præfertur, digeſtam, perpetuo, inviolabiliterque obſervari. Motu proprio, & ex certa noſtra ſcientia, deque Apoſtolice poteſtatis plenitudine, prædictam Reformationem, omniaque, & ſingula in ea contenta, tenore præſentium, auctoritate

*Bull. Rom. Tom. IV. Par. IV.*

Apoſtolica confirmamus, & approbamus, Quinimmo eandem Reformationem in eaque contenta quæcumque, Motu, & auctoritate prædictis, Nos de novo ſtatuiſſimus, decernimus, & ordinamus, & per præſatum noſtrum, & pro tempore exiſtentem Urbis Gubernatorem, ejuſque in civilibus Locumtenentem, ac Procuratores, Notarios, Mandatarios, Litigantes, executoresque ſive birruarios, & alios quoscumque, exactiſſime perpetuoque ſervari præcipimus, & mandamus; poenasque in dicta Reformatione appoſitas, de novo contravenientibus quibuſcumque, & pro qualibet vice apponimus, & infligimus.

§.39. Decernentes omnia, quæ contra dictæ Reformationis formam, & tenorem, decreta, aſta, & geſta fuerint, nulla, invalida, & extorta, & ſubreptitia, nulliusque roboris, & momenti, fore, & cenſeri, neminique propterea ſuffragari poſſe, vel debere. Et ita per quoscumque Iudices, & Commiſſarios, quavis auctoritate fungentes, etiam S.R.E. Cardinales, & cauſarum Palatii Apoſtolici Auditores, in quavis cauſa, & iſtantiâ, ſublata eis, & eorum cuilibet, quavis aliter iudicandi, & interpretandi facultate, & auctoritate, iudicari, & deſiniri debere; irritum quoque, & inane, quicquid ſecus ſuper his a quoquam quavis auctoritate ſcienter, vel ignoranter contigerit attentari.

Claſſula ſu-  
blata.

§.40. Non obſtantibus Conſtitutionibus & Ordinationibus Apoſtolicis, ac ſtylo, conſuetudine, ac quocumque temporis curſu, etiam immemorabili roboratis; privilegiis, & indultis, tam ipſi Tribunali Urbis Gubernatoris, vel ipſis Gubernatoribus, & Locumtenentibus, quam Notariis, Mandatariis, eorumque Collegio, & Collegiis, aliisque quibuſcumque perſonis, quacumque generali, vel ſpeciali nota, & expreſſione dignis, & quomodocumque, & qualitercumque privilegiatis, etiam motu, ſcientia, & poteſtatis plenitudine ſimilibus, etiam conſiſtorialiter, ſub quibuſcumque tenoribus, & formis, & cum quibuſvis etiam derogatoriis derogatoriis, aliisque efficacioribus, & inſolitis clauſulis, irritantibusque, & aliis decretis, in genere, vel in ſpecie, & alias quomodolibet, etiam per Nos conceſſis, approbatis, & innovatis; quibus omnibus etiamſi pro illorum ſufficienti derogatione, de illis eorumque totis tenoribus, ſpecialis, ſpecifica, individua, & expreſſa, ac de verbo ad verbum, non autem per clauſulas generales idem importantes, mentio, ſeu quævis alia expreſſio habenda, aut aliqua exquiſita forma ad hoc ſervanda foret, tenores huiusmodi præſenti pro ſufficienter expreſſis habentes, illis alias in ſuo robore permanſuris, hac vice dumtaxat ſpecialiter, & expreſſe derogamus; & quibuſlibet aliis privilegiis, indultis, & literis Apoſtolicis, generalibus, vel ſpecialibus, quorumcumque tenorum exiſtant, per quæ præſenti non expreſſa, vel totaliter non inſerta, effectus illius impediſſi valeat quomodolibet, vel diſferri,

Claſſ. derog.



1587.

1587.

& de quibus, quorumque totis tenoribus specifica, individua, & expressa, ac de verbo ad verbum habenda esset mentio specialis, ceterisque contrariis quibuscumque.

Iussio publi-  
candi.

§.41. Ut autem præsens Motus proprius ad omnium notitiam deducatur, ut omnes, quorum interest, ac interesse poterit, afficiat, volumus, & mandamus, illius copiam in Cancellariæ Apostolicæ, seu, & Curiae Reverendissimi Urbis Gubernatoris valvis, ac in acie Campi Floræ affigi, & ibi relicta ejus copia, aliquandiu detineri.

Signatura so-  
la sufficit.

§.42. Volumus item quod præsents Motus proprii sola signatura sufficiat, & ubique fidem faciat, in iudicio, & extra, regula quacumque contraria non obstante.

Fides tran-  
sumptorum.

§.43. Quodque ejus transumptis, Notarii publici manu subscriptis, & alicujus personæ in ecclesiastica dignitate constitutæ sigillo signatis, plena, & indubitata fides, eaque prorsus adhibeatur, in iudicio, & extra, quæ præsenti adhiberetur, si foret exhibitus, vel ostensus.

Papæ subser.

Fiat Motu proprio F.

Clausularum  
repetitio.

Et cum absolute a censuris, ad effectum &c., & de confirmatione, approbatione, statuto, ordinatione, præcepto, mandato, inflictione, decretis, derogatione, voluntate, aliisque præmissis, quæ hic pro sufficienter repetitis ad partem habentur, in forma gratiosa latissime exten., & cum opportuna, si videbitur, iudicum, executorum deputatione, qui assistant &c. cum potestate citan. &c. inhibendi, aggravandi, &c. invocato &c. sæcularis, ac derogatione dietarum, non tamen trium, etiam latissime exten. Et si videbitur literas desuper etiam per Breve S. V. &c. in præmissorum omnium, & singulorum, etiam qualitat. invocat. denominat. nuncupat. annexis, aliorumque necessariorum majori, & veriori specificatione, & expressione expediri possit, &c. simul, vel ad partem, etiam in una, non facta mentione de alia, vel aliis expedien. &c. Fiat F.

Publ. Pont.  
An. 3. die 1.  
Decemb.

Anno a Nativitate Domini 1587. Indictione 15. die vero 3. mensis Decembr. Pontificatus Sanctiss. in Christo Patris, & D. N. D. Sixti divina providentia Papæ V. anno ejus tertio, supradictæ literæ in valvis Cancellariæ Apostolicæ, & Curiae Reverendissimi D. Urbis Gubernatoris, & in acie Campi Floræ affixæ, lectæ, & publicatæ fuerunt, juxta formam illarum.

Alex. Parabiacus Mag. Curf.

#### CXIV.

Indulgentiarum elargitio, pro quorundam Christianorum Imperatorum numismata gestantibus, aut Ecclesiis, ubi ea asservantur, visitantibus, & pia opera hic expressa exercentibus.

SIXTUS EPISCOPUS  
SERVUS SERVORUM DEI

Ad perpetuam rei memoriam.

Procenium.

L Audemus viros gloriosos, Christianos præsertim Imperatores in iis, quæ pro

Christiana religione tuenda, & propaganda, pie, ac præclare gesserunt, dum pietatis zelo, virtutis magnitudine, & imperii majestate vere Augusti, ejusdem religionis, quam omnibus gentibus, omnibusque Nationibus Deus voluit Apostolicis vocibus prædicari, cultum totis in Christo visceribus amplexi, usque adeo suis quisque temporibus de hac Sacrosancta Sede, cui, auctore Domino, licet immeriti præsidemus, egregie promereri studuerunt, ut vera, & Orthodoxa Fides, ex Apostolico hoc fonte dimanans, tunc eorum ope, & patrocínio munita, propulsatis hostium oppugnationibus, toto terrarum orbe diffusa floreret, omnisque lingua confiteretur, quoniam Dominus Jesus Christus in gloria est Dei Patris; eorum sane ipsorum, quos constituit Dominus propugnatores, & defensores Ecclesiæ suæ, illustria, pie, recteque factorum exempla, ad omnem gloriam insignia, imitationisque studio dignissima, ac merita præclara, cum semper pro grati in eos animi testatione, & officio commemorare debemus; tum hoc potissimum tempore, quo Nobis eorum memoriam renovandi mirifica divinitus oblata est occasio, id impensius faciendum arbitramur.

§.1. Nam cum ab ipso nostri Pontificatus initio, ad exornandam novis ædificiis Lateranensem præcipue Basilicam, nullis parcentes impensis, animum adjecissemus, effectum est, non obscura divinæ voluntatis significatione, ut demoliendis quibusdam Aula Lateranensis pervetustis, ac pene colabantibus parietibus; complura antiqua diversis in locis recondita numismata, ex auro purissimo obryzo confecta invenirentur, in quibus ex una parte salutiferæ Crucis signum, aut imago aliqua eadem Cruce insignita cernitur, ex altera vero vultus effigiesque expressæ sunt diversorum veterum, qui ante annos circiter mille floruerunt, Augustorum Imperatorum, nimirum Theodosii senioris, duorum filiorum ejus Arcadii, & Honorii, necnon Theodosii junioris. Valentiniani Tertii, Marciani, Leonis, Justinii, Justiniani, Tyberii, Mauricii, Phocæ, & Heraclii, qui etsi longo locorum intervallo disjuncti, Urbem Romanam ne fortasse quidem omnes umquam viderint, Magni tamen Constantini piissimi Imperatoris exemplo, & munificentia excitati, ad declarandum pietatis suæ studium erga gloriosos Apostolorum Principes, & fortissimos Christi Martyres, quorum innumerable multitudo in hac Sancta Civitate requiescit, & quorum præsentis ope, & auxilio domi forisque votis susceptis sæpenumero Rempublicam fortiter, & feliciter administraverant, & clarissimas de hostibus victorias reportaverant, hujus Almae Urbis Sacras Basilicas, atque hanc in primis Sacrosanctam Lateranensem donariis, & oblationibus quamplurimis, Augustali pietate, & magnificentia dignis, cumularunt, diversisque, aut novorum ædificiorum extructionibus, aut veterum instaurationibus, pro temporum varietate ornavunt. Quod

In restaura-  
tione Basilicæ  
Lateranensis,  
numismata  
quamplura  
Imperatorum  
reperta fue-  
runt, quorum  
nomina, &  
præclara ge-  
sta hic refe-  
runtur, vide-  
licet.

cum



cum alia multa antiquitatis monumenta, tum vel hæc ipsa nuper reperta aurea tot inclytorum Imperatorum numismata testantur, religioso plane consilio, & occulto quodam Dei instinctu in his ædificiis reposita, ut post multa sæcula, aliquando tandem patefacta, in lucemque prolata, eorumdem Imperatorum singularem religionem, & perpetuam erga Sanctam Romanam Ecclesiam devotionem, insigni apud posteros testimonio comprobarent. Qua in re divinam providentiam agnoscimus, suscipimus, atque admiramur, quod calamitoso hoc tempore, cum tam multi Crucis Christi Domini hostes Catholica Fidei veritatem impiissime oppugnant, prædictorum Imperatorum effigies in ipsa Lateranensi Basilica, ubi primus idem Magnus Constantinus Augustus sacri baptismi lavacro emundatus est, simul reperiri voluerit, quæ summam eorum erga invictissimam Crucem, pietatem, & eximiam religionem aperte palamque profiterentur.

§.2. Theodosii igitur senioris Imperatoris religiosissimi memoria in benedictione sit, qui se Nicænæ Fidei defensorem acerrimum præstitit, qui lege edita, eam se tantum fidem sequi, quam a Beatissimo Apostolo Petro Romanis traditam Damasus Pontifex docebat, apud cunctos populos publice testificatus est, qui in Ecclesiæ cultu, ac veneratione, disciplinam imitatione dignam, non solum legibus edictisque professus est, sed etiam mirifice coluit, qui denique ob gravem Thessalonicentium cædem a Sancto Ambrosio Episcopo publice correptus, & ab ingressu Ecclesiæ repulsus, insigni Christianæ humilitatis exemplo reverenter abstinuit, & impositam ab eodem Ambrosio poenitentiam humiliter suscepit, libentique animo adimplevit, quo obedientiæ, & poenitentiae exemplo is, qui claustra Imperii Christi Domini sic validis præfidiis ante munierat, non solum Reipublicæ hostes submovit, verum etiam Christiani nominis gloriam feliciter adauxit.

§.3. Sed & duorum filiorum ejus Arcadii, & Honorii nomen cum benedictione meminisse libet, qui pietatis ac disciplinæ præceptis, institutisque a S. Arsenio Romanæ Ecclesiæ Diacono instructi, ut Christianam religionem propagarent, ubique terrarum simulacra idolorum confringi, eorumque templa dirui, legibus sanxerunt, Catholica porro fidei integritatem constantissime retinentes, hæreticos omnes Imperii viribus coercuerunt, quod communes ab eis promulgatæ leges adhuc ostendunt.

Illud autem proprium Honorii Occidentale Imperium regenti, quod Basilicam Sancti Pauli a Valentiniano juniore amplificari coeptam, omnibus partibus absolvi, atque exornari curavit, quodque Beato Augustino firmissimæ Ecclesiæ columnæ, in comprimendis, & propulsandis Africanis hæreticis, magno adjumento fuit.

Id quoque laudi potissimum Arcadio tribuitur, quod cum ejus militibus contra Persas bene pugnantis, Cruces aureæ in

vestibus apparuissent, ut victoriæ divinitus partæ monumentum ubique extaret, is auream monetam cum eodem Crucis signo fieri voluit.

§.4. Atque Theodosio quidem juniore, Arcadii filio, in Oriente, & Valentiniano Tertio, eorumdem Arcadii, & Honorii sororis filio, in Occidente Imperii gubernacula tenentibus, sancta tertia universalis Ephesina Synodus contra impium Nestorium, ex beatissimi Coelestini Romani Pontificis auctoritate, indicta, & celebrata est, quo tempore amborum Imperatorum pietas, in fovenda, tuendaque eadem Synodo, & Ecclesiæ pace per Sanctorum Patrum definitionem procuranda, magnopere eluxit.

Valentinianus autem beatæ memoriæ Sixti III. Pontificis hortatu, ipsius Basilicæ Lateranensis fastigium argenteum a Barbaris ereptum, magna in id opus erogata pecunia, refecit, ac Sancti Leonis Pontificis cultor eximius, uberrimum suæ pietatis fructum tulit, cum ejus etiam precibus, idem Beatissimus Pontifex, immanissimum Attilam, Flagellum Dei vocatum, divina sua eloquentia, atque auctoritate placavit, ac deterruit, horribilemque tempestatem jam imminentem ab ipsa Roma, atque a tota Italia avertit.

§.5. Marcianus vero, simul atque ad imperium evectus est ad eundem Sanctissimum Pontificem Leonem literas dedit pietatis, & erga Apostolicam Sedem observantiæ plenas. Quare Apostolica auctoritate, & Catholici Imperatoris adjumento, magnum illud sexcentorum triginta Episcoporum Chalcedonense Concilium adversus Eutychen, & Dioscorum coactum est, in quo Marcianus ipse insigni elogio novus Constantinus est appellatus.

§.6. At Leo Cæsar, Dei spiritu, & crebris Sancti Leonis Papæ epistolis roboratus, nullis se hæreticorum machinis passus est a Catholica fidei constantia, & Chalcedonensis Synodi propugnatione dimoveri.

§.7. Nec vero prætereundus Nobis est vere pius, & Catholicus Imperator senior Justinus, qui Sanctum Germanum Capuanum Episcopum Sanctissimi Hormisdæ Papæ Legatum, tamquam Angelum Domini, summo cum honore excepit, cujus Imperatoris pietas hoc quoque promeruit, ut & Beatum Joannem Summum Pontificem, Constantinopolim ad se venientem videret, admirabili sanctitate virum, & postea martyrii gloria illustrem, ad cujus ille pedes, Christum in eo agnoscens, procubuit, Deo clarissimum illum congressum insigni miraculo comprobante, cum in ipso aditu portæ aureæ, coeco supplicanti ab eodem Summo Pontifice lumen est restitutum.

§.8. Magnis etiam laudibus efferendus est Justinianus ille, qui tot rebus fortiter, sapienterque gestis, magnus merito est appellatus, sed profecto sui ipsius victoria, & erga Apostolicam Sedem obedientia multo major, nam cum zelo Catholica Religionis, confessionem veræ ac horthodoxæ Fidei;

Theodosii filii Arcadii, & Valentiniani nepotis Arcadii, & Honorii.

Marciani, qui novus Constantinus appellatur.

Leonis Cæsaris.

Justiniani senioris.

Justiniani Magni.

Theodosii senioris.

Arcadii, & Honorii filiorum ejus.



dei : quæ in Sancta Dei Ecclesia prædicatur, & simul hæresum damnationem, de Catholicorum Episcoporum consensu, proposito edicto, fecisset omnibus manifestam, ac deinde per suas literas, & Legatos, reddens Apostolicæ Sedis, & S. Joanni Papæ II. debitum honorem, & reverentiam, pro singulari studio quod gerebat de unitate omnium, præsertim Orientalis tractus Ecclesiarum, illarumque Sacerdotum, cum ipso, ac ejus Sede, tamquam earum capite, servanda atque custodienda, etiam suæ Fidei confessionem, ac illud ipsum edictum transmississet, humiliterque postulasset, suis illa literis, & Apostolicæ Sedis judicio comprobari, atque ipsis quoque diebus B. Petro Principi Apostolorum prætiosa munera obtulisset, idem Sanctus Pontifex, & dignis cum laudum præconiis extulit, & quæ in ipso edicto continebantur, veluti Apostolicæ doctrinæ consentanea suo judicio atque auctoritate confirmavit. Cumque postmodum ipse Justinianus Imperator a Theodora coniuge depravatus, a Beato Agapito Pontifice vehementius contenderet, ut Anthymum Hæreticum Patriarcham ad communionem admitteret, ejusque electionem confirmaret, eoque constantissime recusante minas precibus admisceret, Sanctus Pontifex zelo fidei incensus, exclamavit : Ego ad Justinianum Imperatorem Christianissimum venire desideravi, sed Diocletianum inveni : qua invicti animi constantia permotus Imperator, ac tandem erroris caligine deterfa, ad veritatis lucem emergens, seipsum totum ad parentis in Christo optimi voluntatem conformavit, Hominemque Hæreticum loco deiici, & Catholicum Episcopum Mennam ab eodem Sancto Pontifice consecrari, non solum patienter, sed etiam libenter tulit. præclaro Christianis Principibus exemplo relicto, ut paternas Christi Vicarii admonitiones, & objurgationes, æquissimo animo ferrent, memores verbi Domini : Qui vos audit, me audit, qui vos spernit, me spernit.

§.9. Jam vero Tyberii Constantini nomen cum laude commemorandum est, quem Urbis Romæ Conservatorem appellare licet, quod eam a Longobardis gravissima obsidione oppressam, magnæque rei frumentariæ angustia laborantem, largæ frumenti copia ex Ægypto transmissa, a famis simul, & obsidionis calamitate, paternis Sanctæ memoriæ Benedicti I. Summi Pontificis cohortationibus liberaverit. Hic cum Sanctum Gregorium Magnum adhuc Diaconum disputantem audisset, Eutychii Patriarchæ, veram tractabilemque corporum resurrectionem negantis, librum statim comburendum in ignem iniecit. Idem Sanctæ Crucis signum ita coluit, ut aliquando, cum humi eam in lapide sculptam vidisset, statim tolli, & decenti loco collocari jussit, ut jam minus mirandum sit, quod magnus Crucis cultor, Crucis imaginem, in aureis nummis, eleganter ut videmus, curaverit exprimendam.

§.10. Commemorandus est etiam jure optimo Mauritius vir fortissimus, cujus filium idem Gregorius, cum adhuc Diaconus Constantinopoli Apostolicum Legatum ageret, ex Sacro Baptismi fonte levavit, postea vero Pontifex factus, eidem Mauritio locupletissimum pietatis testimonium præbet, dum illum in suis epistolis hominem multarum lacrymarum, orationum, jejuniorum, & eleemosynarum fuisse commemorat, certe de Apostolica Sede, & universa Italia egregie est meritus, quod exercitu comparato, Ducibus in Italia missis, Francorum auxiliis advocatis, omni denique diligentia adhibita, Longobardorum furorem non mediocriter reprefferit.

§.11. Nec minori dignus est præconio Phocas Imperator, qui cum de more conaretur se Catholicæ Religionis defensorem perpetuum futurum, sanctissimo jurejurando obstrinxit, & summam ab ipso Christo Domino Romanæ Ecclesiæ traditam auctoritatem, & potestatem præclare intelligens publice edixit, ut eandem Sanctam Romanam Ecclesiam, tamquam omnium Ecclesiarum primam, atque caput omnes, & agnoscerent, & profiterentur.

§.12. Hunc autem clarissimum coetum merito claudit Heraclius Augustus, novissimus eorum, quos supra enumeravimus, qui Sacrosanctam Crucem illam ipsam, in qua vitæ auctor pependerat, & Mortem moriendo superaverat, decimoquarto anno, postquam venerat in potestatem Persarum, felicissime recepit, eamque suis humeris, abiecto Imperatorio amictu, calceisque detractis, in ipsum Calvariæ Montem, in Passionis Christi memoriam, magna cum humilitate reportavit.

§.13. Nos igitur aliquam augustissimæ eorumdem Imperatorum memoriæ gratiam non immerito referre cupientes, carissimis in Christo filiis nostris Romanorum Imperatori electo, ac Regibus, & dilectis filiis nobilibus viris Principibus, quos in visceribus Christi gerimus quædam ex supradictis aureis numismatibus, singulare paterni Nostri amoris erga ipsos pignus misimus, ut ad similem virtutis, & Religionis laudem excitentur, & se Ecclesiæ Romanæ filios, Catholicorum Principum Successores, & Crucis Christi defensores esse crebrius reminiscantur, veteres in hoc quidem Sanctos Pontifices Prædecesores nostros, præsertim eorumdem Beatum Gregorium Papam imitati, qui Regibus, & Principibus, ac primariis viris, aureas Cruces, & claves parvulas, quæ claves B. Petri dicebantur, mittere consueverant, quæque collo appensæ, & religiose gestatæ miraculis coruscabant, quædam vero alia ex eisdem numismatibus dedimus Venerabilibus Fratribus nostris S. R. E. Cardinalibus, reliqua vero eodem modo piis, & præstantibus Viris jam distribuimus.

§.14. Ut autem ab omnibus, & singulis Christifidelibus, quibus a Nobis tradita jam sunt, devotius ac religiosius, & cum spirituali animarum fructu gestentur, de-

Phoci

Heraclii Augusti

Hic Pontifex hæc numismata transmissit ad Imperatorem, Reges & Principes, atque Cardinales aliosque præstantissimos viros.

Ee eadem modo indulgentiis decorat eas concedendo.

cre-



crevimus ad Sanctissimæ Crucis honorem, & gloriosam memoriam Imperatorum, eadem numismata præcipuis gratiis, & Indulgentiis amplissimis, ex nostra Apostolica benignitate insignire.

Gestantibus illa, & facientibus hic descripta.

§.15. Quamobrem de Omnipotentis Dei misericordia, ac Beatorum Apostolorum ejus Petri, & Pauli auctoritate confisi universis, & singulis Christifidelibus utriusque sexus, quodcumque ex his numismatibus penes se gestantibus, quoties eorum, aliquis ante salutiferæ Crucis signum; aut sacram aliquam imaginem pertransiens, aperto capite venerationem tribuerit, aut genuflexerit, orationem Dominicam, vel salutationem Angelicam pronunciando, toties ei centum annos, & totidem quadragenas.

Singulis autem diebus, si ter orationem Dominicam, salutationemque Angelicam, aut semel Psalmum, Miserere mei Deus, seu De profundis clamavi, devote recitaverit, annos ducentos, ac etiam totidem quadragenas.

Item quoties ad Deum mentem eleverit, illiusque divinam opem imploraverit, etiam ducentos annos, & totidem quadragenas.

Si vero quocumque Dominico, aut festo die, coronam Beatissimæ semper Virginis Dei Genetricis Mariæ, etiam pia devotione recitaverit, annos trecentos, & totidem quadragenas.

Ac si conscientiam suam mane, aut Vespere, cum emendationis proposito examina-verit, ac de male antea acta vita veniam suppliciter a Deo misericordiarum Patre postulaverit, similiter trecentos annos, & totidem quadragenas de sibi injunctis, vel alias quomodolibet per eum debitis poenitentis, misericorditer in Domino relaxamus.

Atque ut eosdem fideles ad pietatis opera exercenda, eo etiam magis invite-mus, eorum cuilibet, quoties pro hæreticorum reductione, infidelium conversione, Christianæ atque Orthodoxæ Fidei propagatione, & Sanctæ Matris Ecclesiæ tranquillitate, & exaltatione, ac inter Principes Christianos pace, & concordia, Deum precando, orationem Dominicam, salutationemque Angelicam quinquies devote dixerint, easdem illas indulgentias, ac peccatorum remissiones, quæ unam e septem præcipuis Urbis Basilicis visitantibus concessæ sunt, concedimus, & impartimur.

Quod si quis peccatorem a via perditionis, veluti ab hæresi, blasphemia, aliisve ejusmodi sceleribus, & peccatis, ad viam salutis converterit, aut si certe in eo laboraverit, aut si inter discordantes pacem conciliaverit, aut quantum in se est, procuraverit, concedimus, ut sanctorum sacrificiorum, jejuniorum, orationum, ac quorumvis aliorum piorum operum, quæ in omnibus Ordinibus, & Congregationibus regularibus Sanctæ Catholicæ Ecclesiæ fiunt, non secus, ac si uniuscuique earum proprium membrum foret, eo ipso particeps efficiatur.

Præterea, unicuique vere poenitenti, qui peccata sua alicui ex Sacerdotibus idoneis, & ad id approbatis confessus fuerit, & sacram sumpserit Eucharistiam, aut Missam, si Sacerdos fuerit, celebraverit, quoties id fecerit, toties ei plenariam.

Aut si in mortis articulo constitutus, numisma collo appensum, aut quovis modo secum habuerit, pronunciato nomine Jesu, corde saltem, si ore nequiverit, etiam plenariam.

Atque itidem militibus, aut aliis, qui aliquod hujusmodi numisma secum habentes contra infideles, vel hæreticos, aut alios S. R. E. hostes pugnaverint, præsertimque, si ibi eos mori contigerit, Jesu nomine ut supra invocato, pariter plenariam omnium peccatorum suorum indulgentiam, & remissionem, auctoritate prædicta, tenore præsentium, etiam misericorditer in Domino concedimus, & elargimur.

Utque defectus, & negligentia, animique distractiones, quæ ex humana fragilitate in Divini Officii recitatione, Missarumque celebratione, vel auditione Sacerdotibus, aut Clericis, vel laicis contingere solent, aut horum etiam ob justum impedimentum prætermisso, ex devota hujus numismatis gestatione, Corona tamen Beatæ Mariæ Virginis pie recitata, aut saltem pronunciato Psalmo, Miserere mei Deus, suppleri, & compensari possint, eadem auctoritate concedimus, & indulgemus.

§.16. Quicumque autem aliquod hujusmodi numisma habuerit ipsum pro suo arbitrio in testamento, aut alia ultima voluntate, cui voluerit, Ecclesiæ, nec vero cuiquam alii, absque speciali nostra, aut nostrorum Successorum concessione relinquere, aut donare possit.

Numisma Ecclesiæ tantum relinqui possint.

§.17. Quam quidem Ecclesiam, in qua fuerit dictum numisma repositum, festis diebus Inventionis, & Exaltationis Sanctæ Crucis, universis, & singulis Christifidelibus utriusque sexus vere poenitentibus, & peccata sua confessis, devote visitantibus, similiter plenariam omnium peccatorum suorum indulgentiam, & remissionem damus, concedimus, & elargimur.

Quas Ecclesiæ visitantes indulgentias consequantur.

§.18. Quod si quis numisma habens ab intestato decesserit, volumus, ut illud ad propinquiorem ejus domicilio Ecclesiam cum eisdem gratiis, facultatibus, & indulgentiis pertineat.

Numisma in testari decessentis ad propinquiorem Ecclesiam spectat.

§.19. Cuicumque nihilominus in articulo mortis constituto de consilio ejus confessarii ipsum numisma liceat commodare, qui itidem omnes supradictas indulgentias, & peccatorum remissiones valeat obtinere.

In articuloq. mortis constitutis commodari possit.

§.20. Postremo ut animabus quoque Christifidelium in Purgatorio existentibus, quæ per caritatem Domino Nostro Jesu Christo unitæ ex hac vita migraverint, quæque antequam decederent aliorum Christifidelium suffragiis juvari meruerunt, de celestibus Ecclesiæ thesauris, quorum dispensatores a Domino ad animarum salutem constituti sumus, paterne subveniamus, divi-

Animabusque Purgatorii propterea hic enarratis.



divina miseratione confisi, concedimus, ut quoties quilibet aliquod ex huiusmodi numismatibus secum habens, pro dictarum animarum salute, præmissa, eorumve aliqua adimpleverit, vel quicumque alius Ecclesias, in quibus eadem numismata reponi contigerit, dictis festis diebus Inventionis, & Exaltationis Sanctæ Crucis visitaverit, ipsæ animæ, pro quibus id fecerit, efficacissimis Jesu Christi Domini Nostri meritis, ac ejusdem Beatæ Mariæ Semper Virginis, Sanctorum Angelorum, Apostolorum, Martyrum, Confessorum, Virginum, omniumque Sanctorum, & Sanctarum precibus, & intercessionibus suffragantibus, easdem indulgentias, & peccatorum remissiones consequantur.

Clausula huius largitionis præservativa.

§.21. Præsentes vero literas, sub quibusvis similibus, vel dissimilibus indulgentiarum, & gratiarum revocationibus, suspensionibus, abrogationibus, aut aliis contrariis dispositionibus, per Nos, vel Successores nostros Romanos Pontifices, etiam Motu proprio, & ex certa scientia, ac in favorem Cruciatæ Sanctæ, vel alias quomodolibet faciendis minime comprehendere, sed quoties illæ emanabunt, toties easdem præsentibus ab illis exceptas, & nisi de eis expressa, & individua mentio fiat, adversus illas in pristinum, & validissimum statum restitutas, ac de novo concessas esse, & ceteri, & perpetuo validas, & efficaces fore, ac supradictis personis, & Ecclesiis, perpetuis futuris temporibus suffragari debere decernimus, & declaramus.

Clausula derogat.

§.22. Non obstantibus nostra de non concedendis indulgentiis ad instar, ac aliis Constitutionibus, & Ordinationibus Apostolicis, ceterisque contrariis quibuscumque.

Exemplorum fides.

§.23. Volumus autem, ut præsentium literarum exemplis &c.

D.P. An.III.  
1. Decemb.

Datum Romæ apud Sanctum Petrum, Anno Incarnationis Dominicæ, millesimo quingentesimo octuagesimo septimo, Kal. Decembris, Pont. nostri Anno III.

### CXV.

Ex Regest. in Secret. Brev.

Confirmatio privilegiorum Civitatis, Terrarum, & locorum Comitatus Esii cum nonnullis Statutis pro directione ejusdem Comitatus.

S I X T U S P A P A V.

*Ad perpetuam rei memoriam*

Exordium ab ipsa materia petitur.

**D**E salubri Civitatum, Oppidorum, & locorum nostro, & Romanæ Ecclesiæ temporali dominio subiectorum statu sedula meditatione solliciti, ea pro Pastoralis Officii nostri debito constituimus in dies, quæ ad illorum prosperum regimen, & gubernium spectare cognoscimus.

Sixtus Esii Governatore instituerat.

§.1. Hinc est, quod Nos, qui ab ipso Pontificatus nostri initio in Civitate nostra Esina tunc per unum Prætorem sub gubernio Provinciæ nostræ Marchiæ regi solita nomine, titulo, statu, & essentia Prætoris,

illiusque officio huiusmodi ibidem Apostolica auctoritate perpetuo suppressis, & extinctis Civitatem Esinam prædictam, ac illius universum Districtum, Comitatum, Terras, Castra, & loca, eorumque Cives, Incolas, habitatores, personas, res, & bona, regimini, & gubernio unius Gubernatoris ibidem instituti cum omnibus honoribus, privilegiis, & præeminentiis, quibus Gubernatores aliarum Civitatum d. Marchiæ fruebantur, per quasdam subjecimus, & deinde nonnullorum querelis desuper interpositis adducti, extinctum officium Prætoris huiusmodi, in gubernium peculiare, salva tamen pro tempore existentis legati, seu Præsidentis, vel alterius Gubernatoris Provinciæ prædictæ superintendentia, ad instar Gubernatorum Civitatis Castelli, & Tuderti per alias nostras in forma Brevis literas ereximus, & instituimus, prout in singulis literis prædictis plenius continetur.

§.2. Ejusdem Civitatis nostræ Esinæ, quæ antiquitate, nobilitate, fertilitate, ac populi frequentia, præstantiumque virorum copia, & Territorii fecunditate plurimum celebris existit, decori, dignitati, & ornameto per amplius consulere, ac dilectos filios illius Communitatem, & homines, qui etiam in nostram, & Apostolicæ Sedis subventionem nuper summam quatuor milium scutorum auri in auro 12. Julii moneta Romanæ pro quolibet scuto huiusmodi computatis per dilectos filios Annibalem, Pritium utriusque juris Doctorem, & Polidoro Baldassinum eorum Concives, & apud Nos, & Sedem prædictam in hac parte agentes Nobis ad effectum causæ onerosæ præsentibus contentæ obtulerunt, ac Depositario nostro generali realiter, & cum effectu persolvi curarunt, grati animi affectu, condignisque favoribus, & gratiis prosequi, & compensare volentes, nec non Communitatem, & homines, ac alios Incolas, & habitatores prædictos a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequentium harum serie absolventes, & absolutos fore censentes, ac ad instar aliorum Romanorum Pontificum Prædecessorum nostrorum, a quibus gubernia, & regimina variis temporibus instituta, & separata fuere, supplicationibus communitatis, hominum, & agentium prædictorum per eos, & dilectum filium nostrum Prosperum tituli Sancti Clementis Presbyterum Cardinalem Sanctacrucium nuncupatum Nobis jam dudum humiliter porrectis inclinati, causa quoque, & præsentibus huiusmodi per Nos, & dilectum filium Thesaurarium generalem dictæ Cameræ primo, & deinde per dilectum filium nostrum Hieronymum Sanctæ Mariæ in Cosmedin Diaconum Cardinalem Mattheum nuncupatum diligenter cognitis, & examinatis, ac etiam dicto gubernio, ad quod Referendarios etiam Signaturæ nostræ tran-

Dictæ Civitatis Statuta omnia, & Privilegia confirmat.



transmissimus, ac omnibus aliis debita animadversione pensatis, suppressionem, ac extinctionem Officii Prætoris hujusmodi ratas, & gratas habentes, & innovantes, atque superintendentiam prædictam abrogantes, & abolentes, motu etiam proprio, & ex certa nostra scientia, ac de Apostolicæ potestatis plenitudine, omnia, & singula statuta, Constitutiones, & Ordinationes Civitatis Efinæ, illiusque communitatis, & hominum prædictorum, necnon privilegia, exemptiones, libertates, prærogativas, facultates, gratias tam spirituales, quam temporales, & indulta quomodocumque, & per quoscumque Romanos Pontifices pro tempore existentes ac Nos, & dictam Sedem, seu alios hætenus quomodolibet edita, & concessa, licita tamen, & honesta, ac Sacris Canonibus, & Concilii Decretis non contraria, & quatenus illa in usu existant, nec sub ullis Apostolicis revocationibus comprehensa, illorum omnium, dictarumque literarum tenores, ac si de verbo ad verbum infererentur præsentibus, pro sufficienter expressis habentes, dicta auctoritate tenore præsentium confirmamus, approbamus, & innovamus, ac illis perpetuæ, & inviolabilis firmitatis robur favorabiliter adiicimus, omnesque, & singulos tam juris, quam facti, ac solemnitatum, etiam substantialium defectus, si qui intervenierint in eisdem, supplemus.

§.3. Nec non Civitatem ipsam Efinam, ac illius universum Districtum, Comitatum, Terras, seu Castra, & loca, eorumque Cives, Incolas, habitatores, personas, res, & bona, ab omni, & quacumque Jurisdictione, potestate, legatione, vicelegatione, gubernio, dominio, correctione, visitatione, regimine, superioritate, auctoritate, superintendencia, & facultate ordinaria, vel extraordinaria generali, vel speciali, tacite, vel expresse quomodocumque concessa, seu concedenda, Legatorum etiam de latere, Vicelegatorum, Præsidentum, Gubernatorum, Judicum, Officialium, Vicariorum, Locatenentium, & aliorum Ministrorum quorumcumque dictæ Marchiæ, vel alterius Provinciæ, sive loci, etiam si de illis magis specialis, & expressa mentio habenda foret, ita ut ipsi, vel eorum aliqui in quibuscumque maximis, minimis, mediocribusque causis temporalibus, secularibus, profanis, criminalibus, civilibus, sive mixtis, in prima, secunda, tertia, quacumque alia instantia tam per viam simplicis querelæ, quam etiam cujuscumque appellationis, recursus, juramenti, etiam per horrecentiæ, inhibitionis, bannimenti, edicti, & quemcumque alium modum etiam ratione, & occasione fidejussorum de non offendendo, & se repræsentando datarum, sive dandarum, seu quæ alias renovandæ essent, & pacis initæ, sive ineundæ, ac induciarum fractarum, sive frangendarum, vel alias quomodolibet motis, & inchoatis, dummodo ad præsens non sint instructæ, nec per compromissum introductæ, & impofterum quomodocumque movendis, cogitatis,

*Bull. Rom. Tom.IV. Par.IV.*

cujuscumque qualitatis, quantitatis, & status existentibus, se amplius ex officio, sive ad Fisci, sive partium instantiam intromittere, vel in Civitatem Efinam hujusmodi, ac illius districtum, Comitatum, Terras, Castra, aut loca, eorumque Cives, Incolas, habitatores, personas, res, & bona, ullam in eos jurisdictionem, potestatem, regimen, gubernium, visitationem, correctionem, superioritatem, auctoritatem superintendentiam, ac controversiam tam in Petitorio, quam in Possessorio amplius ullo modo, viâ, jure, causa, & forma exercere, aut quascumque sententias, censuras, & poenas promulgare nequeant, auctoritate, & tenore prædictis in omne ævum, sine tamen Camera nostræ Apostolicæ Auditoris generalis ubique locorum Jurisdictionem habentis, ac Judicum, Commissariorum, quibus a Nobis, vel Successoribus nostris, sive ex Signaturæ Rescripto, causæ commissæ extiterint, præjudicio, penitus eximimus, & totaliter liberamus, ac nostro soli, & dictæ Sedis regimini, gubernio, & Jurisdictioni cum omnibus, & singulis suis causis, juribus, & actionibus, servato tamen legum, & Canonum ordine, immediate, absque alicujus alterius recognitione, & superintendencia perpetuo subiicimus, ipsiusque Marchiæ, & cujuscumque alterius Provinciæ, seu loci Legatis etiam de latere, Præsidentibusque, & Gubernatoribus desuper perpetuum silentium omnino imponimus.

§.4. Necnon in ipsa Civitate Efinæ, ejusque districtu, Comitatu, Terris, Castris, & locis prædictis unum amplum, absolutum, & peculiare gubernium ab omni legatione, & quocumque alio gubernio liberum, & exemptum pro uno Gubernatore a Nobis, & Successoribus nostris Romanis Pontificibus eligendo, & nominando, seu jam per Nos electo, & nominato.

§.5. Qui nostro, & S. R. E. nomine citra alicujus Legati, vel Præsidentis, aut alterius Gubernatoris recognitionem, superintendentiam, aut dependentiam ac ab illis privative Civitatem Efinam, ac illius Districtum, & Comitatum, eorumque Cives, Incolas, habitatores, personas, res, & bona quæcumque regat, & gubernet, ac liberam, amplam, & omnimodam Jurisdictionem, potestatem, auctoritatem, & superioritatem in illam, & illos juridice exerceat, necnon Civiles, Ordinarias in prima instantia per Locumtenentem suum, vel Judicem ordinarium prædictæ Civitatis tantum, ita ut præventioni locus sit, & de uno ad eorum alterum, qui non judicaverit, & demum ad ipsum Gubernatorem appellari possit, reliquas vero Civiles summarias videlicet, & executivas, necnon Criminales ac fidejussiones, paces, etiam inducias prædictas etiam antea sub dicta Curia generali semel, vel pluries initas, factas, impletas, aut innovatas, & de cetero sub ipsa Curia Efinæ ineundas, frangendas, implendas, & innovandas, ac pro initis, fractis, impletis, & innovatis respective habendas

Solius Gubernatoris regimini committit.

Facultates talis Gubernatoris enunciat

C c c

das

Eam a cujuscumque jurisdictione liberat, folique Apostolicæ Sedis subiicit.



das Civitatis Efinæ, ac illius Districtus, Comitatus, Terrarum, aut Castrorum, & locorum prædictorum eorumque Civium, Incolarum, habitatorum, personarum, rerum, & bonorum, ut præfertur, vel alias quomodolibet, ac quavis causa, & occasione motas, dummodo ad præsens non sint alibi instructæ, vel per compromissum introductæ, & in futurum quomodocumque movendas.

Cam. Apost. Auditoris, & Episcopi Ordinari jus reservat.

§.6. Sine tamen Auditoris Generalis, & Judicum Commissariorum prædictorum præjudicio, & salva eorum Jurisdictione, ac exceptis causis Ecclesiasticis ad forum Ecclesiasticum pro tempore existentis Episcopi Efini, illiusque Curiam juxta formam Canonum, ac Sacri Concilii Tridentini Decretorum spectantibus, & spectaturis per se, suosque Ministros agere, tractare, audire, cognoscere, decidere, sineque debito, iustitia mediante, terminare.

Aliarum similium Civitatum privilegia communicat.

§.7. Omnibusque, & singulis honoribus, privilegiis, facultatibus, & præminentiis, quibus Civitatum nostrarum, Fanen., Anconitan., Firman., & Asculan., ceterique liberi Gubernatores, nostram tantum, & dictæ Sedis auctoritatem, Jurisdictionem, & Superioritatem immediate recognoscentes de Jure, vel consuetudine, seu ex privilegio, aut alias vigore quarumcumque literarum Apostolicarum, quarum tenores, formas, compen. ac datas etiam præsentibus haberi volumus pro expressis, quomodocumque utuntur, fruuntur, potiuntur, & gaudent, ac uti, frui, & gaudere possunt, & poterunt quomodolibet in futurum, pariformiter, absque ulla prorsus differentia uti, potiri, & gaudere libere, & licite possit.

Salarium Gubernatoris assignat.

§.8. Cum salario, & stipendio alias aucto quinquaginta scutorum argenteorum monetae illarum partium, si ipse Gubernator fuerit in aliqua Prælatura constitutus, alioquin triginta scutorum similium dumtaxat, pro quolibet mense juxta dictæ Civitatis Efinæ, illiusque Communitatis, & Hominum concilia olim celebrata.

Sportulæ &c. pro Causis Civilibus, & Criminalibus.

§.9. Et cum usu, & manutentione Capitulorum de, & super Sindicatu ac modo, & forma regiminis, tum etiam observatione taxarum de, & super sportulis, vel aliis solutionibus in Causa Civili, vel Criminali quomodolibet tempore dictæ Præture præstari solitis, quæ salvæ, & illæsæ remaneant, donec alia condigna, & rationabilia Capitula, & Taxæ de, & super præmissis per Civitatem prædictam, illiusque Communitatem, & homines confecta fuerint, necnon cum omnibus aliis proventibus, emolumentis, honoribusque, & oneribus solitis, & consuetis auctoritate, & tenore prædictis similiter perpetuo constituimus, erigimus, & instituimus.

Clausulæ ad præsentium literarum firmitatem opportunæ.

§.10. Insuper pro majori gubernii per præsentis instituti stabilitate, ac aliorum præmissorum omnium observatione, & manutentione, necnon Communitatis, & hominum prædictorum cautela, & securitate perpetua, & solemni omnia, &

singula Sedis, & Camerae Apostolicæ prædictorum bona Civitati prædictæ, illiusque Communitati, & hominibus obligamus, & hypothecamus, ac obligata, & hypothecata esse, necnon præsentis literas, ac omnia, & quaecumque in eis contenta, nullo umquam tempore de surreptionis, vel obreptionis, seu nullitatis vitio, aut intentionis nostræ, vel alio quovis defectu, etiam Causarum, vel personarum etiam transeuntium, vel forensium, aut alia quacumque occasione in toto, vel in parte notari, argui, impugnari, invalidari, retardari, rescindi, ad terminos Juris reduci, in Jus, vel controversiam vocari, aut adversus illa quodcumque Juris, & facti, vel gratiæ remedium impetrari, seu etiam motu, scientia, & potestatis plenitudine similibus concedi posse, ac sub quibusvis similibus, vel dissimilibus gratiarum revocationibus, suspensionibus ad tempus, vel beneplacitum, limitationibus, aut aliis contrariis dispositionibus, etiam per Nos, & alios quoscumque Romanos Pontifices Prædecessores, & Successores nostros, dictæque Sedis sub quibuscumque tenoribus, & formis, quodcumque, vel qualitercumque generaliter, communiter, specificè, & expresse factis, & faciendis minime comprehendendi, sed semper, & perpetuo ab illis excepta, & quoties emanabunt, toties in pristinum statum restituta, reposita, & plenarie reintegrata, ac etiam sub data per Communitatem, & homines prædictos eligenda de novo reconcessa, valida, firma, & efficacia existere, suosque plenarios, & integros effectus fortiri, ac inviolabiliter observari debere, vimque, & robur veri, & validi contractus, ac efficacis obligationis inter Nos, ac Sedem, & Cameraam prædictas ex una, nec non Civitatem prædictam, illiusque Communitatem, & homines partibus ex altera legitime ex titulo vere oneroso mediante solutione prædictæ summæ quatuor millium scutor. hujusmodi initi, & stipulati, ac etiam utrinque jurati obtinere, dictamque Cameraam, ad Communitatem, homines, Incolas, habitatores, & personas hujusmodi in libero gubernio, ac juribus, & aliis præmissis tuendos immunes, indemnes, & exemptos conservandos teneri, & obligat. esse, ac fore, easdemque præsentis literas ad proban. plenè solutionem summæ quatuor millium scutorum hujusmodi, ac quod illa in nostram, dictæque Sedis subventionem conversa fuerint, aliaque præmissa ubique tam in judicio, quam extra sufficere, nec alterius probationis adminiculum requiri.

§.11. Sicque per prædictos, ac quoscumque alios Judices Ordinarios, & Delegatos cujusvis auctoritatis, & potestatis etiam causarum Palatii Apostolici Auditores, ac S. R. E. Cardinales etiam de latere Legatos, sublata eis, & eorum cuilibet quavis aliter judicandi, & interpretandi facultate, & auctoritate in quavis causa, & instantia perpetuo judicari, & definiri debere, necnon si secus super his a quoquam

Sic observandum in quocumque Tribunali.

qua-



Pœnæ contra  
violatores.

quavis auctoritate scienter, vel ignoranter contigerit attentari, irritum, & inane decernimus, & declaramus.

§.12. Districtius inhibentes prædictis Legatis etiam de latere, Vicelegatis, Gubernatoribus, Commissariis, Locatenen. Ordinariis, & Extraordinariis quavis auctoritate generali, vel speciali, specifica, & expressa fungen., & functuris, ceterisque Officialibus, Notariis, Executoribus, & Iustitiæ Ministris quibuscumq. ejusdem Marchiæ, vel alterius Provinciæ, sive loci, ac omnibus, & quibuscumque aliis cujuscumque Dignitatis, Status, gradus, ordinis, & conditionis existen., & exituris, exceptis tantummodo Camera nostræ Apostolicæ Generali Auditore, & Judicibus, quibus a Nobis, vel a Successoribus nostris sive ex signature rescritto, causæ commissæ fuerint, ne sub indignationis nostræ respectu Cardinalium, & Excommunicationis respectu aliorum poenis, quidquam contra præsentium tenorem directe, vel indirecte quovis quæsito colore attentare, aut alias illis quomodolibet contravenire audeant, vel præsumant.

Deputati E-  
sequutores.

§.13. Et nihilominus dilectis filiis Caesarum Curia Camera Apostolicæ Generali Auditori nunc, & pro tempore existen. ac Universis, & singulis Legatis etiam de latere, necnon Patriarchis, Archiepiscopis, Episcopis, & aliis Ecclesiarum Prælatibus, seu in Ecclesiastica dignitate constitutis motu, scientia, & potestatis plenitudine similibus per præsentibus committimus, & mandamus, quatenus ipsi, vel duo, aut unus eorum per se, vel alium, seu alios eandem præsentibus literas, ac omnia, & singula in eis contenta quacumque ubi, & quando opus fuerit, ac quoties pro parte dictæ Civitatis, illiusque Communitatis, hominum, Incolarum, habitatorum, & personarum hujusmodi, seu alterius eorum fuerint requisiti solemniter publicantes, eisque in præmissis efficacis defensionis præsidio assistentes faciant auctoritate nostra præsentibus literas, & in eis contenta hujusmodi ab omnibus, & singulis, ad quos spectat, & pro tempore spectabit, inviolabiliter observari, ac Gubernatores, Communitatem, cives, homines, Incolas, habitatores, & personas Civitatis Esinæ, illiusque Districtus, Comitatus, Terrarum, Castrorum, & locorum hujusmodi, illis omnibus, & singulis juxta eorundem præsentium continentiam, & tenorem pacifice frui, & gaudere, non permittentes eos, vel eorum quempiam desuper quomodolibet molestari, & inquietari, vel perturbari: Contradictores quolibet, vel rebelles, ac præmissis non parentes, per sententias, censuras, & poenas Ecclesiasticas, ac temporales, aliaque opportuna juris, & facti remedia, appellatione postposita, compescendo, necnon legitimis super his habendis servatis processibus, illas sententias, censuras, & poenas prædictas incurrisse, servata tamen forma Conc. Trid., declarando, illasque etiam iteratis vicibus aggravando, invocato etiam ad hoc, si opus fuerit, auxilio brachii secularis.

Bull. Rom. Tom. IV. Par. IV.

§.14. Non obstantibus Pii IV. de præsentan., & registran. in dicta Camera Apostolica gratiis, & privilegiis illius interesse concernen. infra tres Menses a die impetrationis, necnon Bonifacii VIII. de una, & in Concilio generali edita de duabus dietis, Constitutionibus, ac Terrarum, Castrorum, & locorum quorumcumque etiam Juramento, confirmatione Apostolica, vel quavis firmitate alia roboratis statutis, & consuetudinibus, usibus, stabilimentis, decretis, reformationibus, privilegiis quoque, indultis, facultatibus, & literis Apostolicis illis, eorumque Legatis, Vicelegatis, Præfidentibus, Gubernatoribus, Locaten. Officialibus, Judicibus, & Ministris, & quibuscumque aliis personis per prædictos, & quoscumque Rom. Pont. Prædecessores, vel Successores nostros, ac Nos, & Sedem prædictam, etiam Motu, scientia, & potestatis plenitudine similibus etiam per vias generalis Legis, & Statuti, & de Fratrum consilio, ac ex causis quantumvis gravibus, & onerosis, ac cum quibuscumque etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis Decretis in genere, vel in specie, ac alias quomodolibet etiam iteratis vicibus concessis, approbatis, & innovatis, ac concedendis, approban., & innovandis. Quibus omnibus, etiam si pro illorum sufficienti derogatione, alias de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, & in eis caveretur expresse, quod illis nullatenus derogari possit, illorum omnium tenores, ac si de verbo ad verbum præsentibus infererentur, pro plene, & sufficienter expressis, ac modis, & formas ad id observandos pro servatis habentes, illis alias in suo robore permanentibus, hac vice dumtaxat specialiter, & expresse derogamus, eaque, & alia omnia in quantum præsentibus literis contrariantur, aut illis in eis contentis quibuscumque obesse, aut illorum executionem, & effectum retardare possunt, omnino revocamus, tollimus, & abrogamus, ac pro revocatis, sublatis, & abrogatis haberi volumus, & sufficientissime derogatum contrariis quibuscumque. Aut si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem, per præsentibus autem præjudicare Taxis, & oneribus tempore dictæ Præturæ, ac Gubernii præteriti per Officiales ipsos, vel alios Camera nostræ, sive alteri solui solitis, vel consuetis, vel alicujus expensæ augmentum afferre, comitativis occasione dicti aucti Salarii, & Gubernii sic concessi, aut aliquod illis in lite, & causâ inter eos in Camera Apostolica coram dilecto Filio Fabio Corneo ejusdem

C c c 2

dem



Fides danda  
transumptis.Dat. die 15.  
Decem. 1587.  
An. III.

dem Camera Clerico de, & super Introitibus, rebusque aliis indecisa penden. ac quibuslibet eorum Juribus, & Statui præjudicium etiam in minimo generare, seu aliquid desuper innovare non intendimus, quæ quoad hoc salvæ, & illasæ remaneant.

§. 16. Ceterum volumus, ut &amp;c.

Datum Romæ apud S. Petrum sub annulo Piscatoris die 15. Decemb. 1587. Pontificatus nostri Anno III.

## CXVI.

Ex Regest. in  
Secret. Brev.

Ereçtio Collegii S. Bonaventuræ in Conventu Sanctorum XII. Apostolorum de Urbe Ordinis Minorum Conventualium.

SIXTUS EPISCOPUS  
SERVUS SERVORUM DEI*Ad perpetuam rei memoriam.*

Exordium.

**I** Neffabilis Divinæ providentiæ altitudo, cujus nutu ordinationem suscipiant universa, jam inde ab ipso Apostolicæ prædicationis primordio Almam Urbem Romam adeo copiosis cœlestium gratiarum donis, ac prærogativis cumulavit, ut quæ antea per tot sæcula variis superstitionibus quasi quibusdam præstigiis decepta, ac seducta tenebatur, quæque fuerat erroris schola, tunc primum glorioso Beatissimorum Petri, & Pauli Apostolorum Martyrio Deo Omnipotenti consecrata, sinceritate, ac solida Christianæ Religionis doctrina illustrata divinæ sapientiæ, ac veritatis, sacrarumque literarum publicum Gymnasium esse inciperet, & ab ipsa, quæ Orbis terrarum regebat Imperium, tanquam a summa, ac primaria omnium Provinciarum sede, in omnes partes lux illa veritatis se se diffunderet, quæ pro communi humani generis salute divinitus tradita, tunc recens per eosdem Apostolos in tetra illa errorum caligine Mundo fuerat revelata. Et exinde diversi Romani Pontifices nostri Prædecessores sancto propagandæ Fidei zelo accensi eam Pontificio munere dignissimam susceperunt curam, & sollicitudinem ut eandem Urbem, unde vera pietas, religio, & doctrina in omnes gentes, ac nationes perpetuo disseminanda erat, alii Religiosi, Collegiis, & Universitatibus, alii publicis, & Sacrorum librorum Bibliothecis ornarent, atque augerent, sic quoque Nos, qui Regulari habitu Ordinis Fratrum Minorum Conventualium S. Francisci ab ineunte ætate suscepto, illius Regulam, & Instituta solemniter, riteque professi sumus, cum Romæ in Domo ipsius Ordinis apud Sanctorum XII. Apostolorum Basilicam verbi Dei concionatoris, & postea Universi Ordinis Minorum Procuratoris, ac demum Magistri Generalis amplissimis muneribus fungeremur. Domum prædictam non modo fabricis, atque ædificiis, sed etiam Bibliotheca auximus, atque ornavimus non sine fragranti desiderio aliquod ibidem Collegium, ac divinarum literarum, Sacræque Theologiæ studium instituendi.

Quare nunc demum ad celsissimam

Pontificatus Sedem immensa Divina Clementia nullis nostris meritis provecti, rei optimæ perficiendæ propositum diutius non duximus differendum, cum præsertim hoc a Nobis expostulare videatur, non solum Apostolici muneris divinitus fidei nostræ commissi sollicitudo, præcipuaque illa, qua Urbem hanc nostram Romam diligimus, charitas, & studium quo illius orandæ maxime flagramus, sed plane flagitat Beati Seraphici Francisci Regularis Ordo, ac quo tot summorum virorum doctrina, & sanctitate præstantium religiosæ cohortes, & copiæ ad Ecclesiæ Dei propagationem, & defensionem prodierunt, ut quod olim se: re: Innocentius PP. III. Prædecessor noster præsignificavit dum Beatum Franciscum ipsius Ordinis Parentem, & Auctorem suis humeris Lateranen. Basilicam collabentem sustinere in somnis vidit, id inde communi bono Christianæ Reipublicæ ipse rerum eventus comprobarit.

Idem enim Franciscus ea sapientiæ suæ femina edidit, ea reliquit continentia, abstinentia, ac susceptorum pro Christo laborum tolerantia documenta, ut qui ejus Regulam sequuti sunt, quasi novæ sobolis fetus adoptati, ac salutaribus præceptis instructi perpetua futurorum temporum successione universæ Catholicæ Ecclesiæ ornameto extiterint, siquidem multi ex ipsis sanctitate, atque eruditione insignes tanti Patris, & Magistri hortatu atque exemplo excitati, multis, variisque Provinciis peragratis, nationes in tenebris aberrantes ad disciplinæ Christianæ lucem revocarunt, ac convulsis vitiorum, atque errorum radicibus, Verbi Dei, quod velut imber de Cœlo descendens, terramque inebrians facit eam germinare, pia prædicatione mentes hominum fecundarunt, & usque adeo præclari hujus Ordinis tum sanctitatis, tum doctrinæ odor jam inde ab initio in omnem Terram se diffundit, ita in dies magis hujus sanctæ familiæ Alumni juvante Domino profecerunt, ut pie me: Gregorius IX. & Gregorius X. alique Romani Pontifices, etiam Prædecessores nostri ad res Ecclesiæ maximas gerendas, ejusdem Ordinis professores adhibuerunt, ac potissimum duos illos spectatæ pietatis, & doctrinæ, qui Legati Apostolici ab eodem Gregorio X. Constantinopolim missi Græcos ad S. Apostolicæ Sedis obedientiam, Tartaros ad Catholicam fidem reduxerunt, quin etiam constans opinio fuerit Seraphici Doctoris S. Bonaventuræ opera in Concilio Generali Lugdunen., idem egregie perfectum fuisse, & longum sit recensere ceteros complures ejusdem Ordinis Regulares, qui per illorum gloriosa vestigia pleno gradu incedendo continuata tot sæculorum serie ad nostram usque ætatem uberrimos ad Dei gloriam, & animarum salutem, in Sancta Dei Ecclesia fructus protulerunt.

§. I. Cum itaque Monasterium S. Mariæ de Arabona S. Benedicti, vel Cisterciens. Ordinis nullius Diocesis. Provinciæ Theatin., quod bo. me. Jacobus Episcopus

Jampridem  
hujus Collegii mentem  
induxerat.S. Francisci  
ejusque Religioforum in  
Religionem  
Christianam,  
& S. Sedem  
merita.Pontifex se  
hujus Ordinis  
professum,  
muniaque in  
eo adimpleta  
enunciat.Attenta itaque  
vacantia  
nonnullorum  
Beneficiorum  
hic enunciat  
Por-



Portuen. S. R. E. Cardinalis Sabellus nuncupatus ex concessione, & seu dispensatione Apostolica in commendam, dum viveret, obtinebat, commenda ipsa per obitum ejusdem Jacobi Cardinalis, qui nuper apud dictam Sedem debitum naturæ persolvit, cessante, adhuc eo quo ante commendam ipsam vacabat, modo, necnon perpetua Cappellania sub invocatione Conceptionis, seu Nativitatis Beatæ Mariæ Virginis in Ecclesia Veliterna per obitum quondam Joannis Petri Ghislerii, alias de Consiliariis in d. Ecclesia dum viveret perpetui Cappellani apud Sedem eandem defuncti vacaverit, & vacet ad præsens, nullusque de dicta Cappellania præter Nos pro eo, quod dudum omnia Beneficia Ecclesiastica apud Sedem prædictam tunc vacantia, & in antea vacatura collationi, & dispositioni Nostræ reservavimus, ac ex tunc irritum, & inane decernimus, si secus super eis a quoquam quavis auctoritate scienter, vel ignoranter contigerit attentari, hac vice disponere potuerit, sive possit, reservatione, & decreto obsequentibus supradictis, Nos qui pietatis, ac disciplinarum, & Theologiæ felices in Domino progressiones perpetuo fovere debemus, iustissimis causis, & rationibus adducti, quod semper antea in votis habuimus, id re ipsa exequi volentes, eandem Basilicam a re: mem. Joanne PP. III. similiter Prædecessore nostro plurimis privilegiis decoratam, novo Collegio, ac studio divinarum literarum, Sacræque Theologiæ ornare, reque augere decrevimus, ad hoc, ut in ea Professoribus dicti Ordinis Minorum Conventualium ad studia sacrarum literarum hujusmodi occasio, & commoditas nostra, & Sedis prædictæ Beneficentia subministraretur, simulque novi operarii ad agri Dominici culturam introducantur.

§.2. Motu itaque proprio, non ad aliquis Nobis super hoc oblata petitionis instantiam, sed ex certa nostra scientia, & de Apostolicæ potestatis plenitudine ad Omnipotentis Dei laudem, & gloriam, necnon militantis Ecclesiæ exaltationem, Divinique Cultus, & Orthodoxæ Fidei, augmentum, ac Religiosorum prædictorum commoditatem, atque profectum in prædicta domo unum Collegium viginti ad minus ejusdem Ordinis Minorum Conventualium professorum in humanioribus literis, & ingenuis artibus nempe in Logica, Phisica, & Methaphisica, optime versatorum, ac alias juxta ordinationes, & statuta desuper facienda, & stabilienda qualificatorum, qui in hujusmodi Collegio tanquam uberrimo divinæ legis Seminario Sacræ Theologiæ Seraphici eximii Doctoris S. Benaventuræ tantum studiis insistere, & operam suam navare, atque in quatuor sententiarum libris ejusdem S. Bonaventuræ, quem inter præcipuos Ecclesiæ Sanctæ Doctores adscribendum, & ornandum per specialem nostram Constitutionem declaravimus, continue proficere studeant sub unius præstantissimi, & exercitatissimi Lectoris

Regentis nuncupandi doctrina, & disciplina, qui etiam legendo, interpretando, ac disputando, ut moris est in generalibus ejusdem Ordinis Minorum Conventualium studiis, eosdem Religiosos Collegiales exercere debeat, ut post peractum studiorum suorum hujusmodi cursum tanquam feraces prædicti agri dominici plantæ in Sacris Scripturis exponendis, interpretandis, ac publicis verbi Dei concionibus habendis aliisque spiritualibus officiis, & ministeriis obeundis, sanæ doctrinæ germina latius diffundere, & superabundantes fructus ad communem utilitatem, & salutem, Ordinisque Minorum Conventualium hujusmodi decorem producere valeant, auctoritate Apostolica tenore præsentium perpetuo erigimus, & instituimus.

§.3. Illique sic erecto, & instituto pro ejus dote, ac Lectoris, seu Regentis, & Collegialium hujusmodi sustentatione Monasterium prædictum, in quo, ut accepimus quatuor, vel quinque dumtaxat Monaci dicti S. Benedicti, vel Cisterciens. Ordinis ibidem a suis Superioribus, seu pro tempore existente dicti Monasterii Commendatore introducti ad præsens degunt, ejusque fructus, redditus, & proventus ad LX. florenos auri in libris Cameræ Apostolicæ taxati reperiuntur, & Cappellani hujusmodi, quæ sine cura est, personalemque residentiam non requirit, ac cujus, & illi forsan annexorum fructus, redditus, & proventus CCC. ducatorum auri de Camera secundum communem æstimationem valorem annum, ut etiam accepimus, non excedunt, sive Cappellania præmissa, sive alio, & tam illa, quam Monasterium hujusmodi quibuscumque modis, & ex aliorum quorumcumque personis, seu per liberam dicti Joannis Petri, vel alterius resignationem de Cappellania, ac cessionem cujusvis de regimine, & administratione Monasterii hujusmodi in Romana Curia, vel extra eam etiam coram Notario publico, & testibus sponte factas, aut Cappellania per affectationem alterius Beneficii Ecclesiastici, quavis auctoritate collat. vacent, etiam si tanto tempore vacaverint, quod Cappellaniæ collatio, & Monasterii hujusmodi provisio juxta Lateranen. statuta Concilii, aut alias Canonicas sanctiones ad Sedem prædictam legitime devoluta ipsaque Cappellania dispositioni Apostolicæ specialiter, aut alias generaliter reservata existat, & provisio dicti Monasterii ex quavis causa ad Sedem eandem specialiter, vel generaliter pertineat, ac de ipso Monasterio consistorialiter disponi consueverit, seu debeat, necnon super Cappellania, ac regimine, & administratione Monasterii hujusmodi inter aliquos lis, cujus statum, verumque, & ultimum Monasterii & Cappellaniæ prædictorum vacationis modum, etiam si ex illo quævis generalis reservatio, etiam in corpore juris clausa resultat, præsentibus haberi volumus pro expressis pendeat indecisa, cum annexis, membris, bonis, proprietatibus jurisdi-

Pro Dote Collegii Beneficia supra dicta assignat.

Collegium viginti Studentium in Conventu SS. XII Apostolorum instituit.



ctionibus, juribus, & præ eminentiis suis universis, ita quod liceat ex nunc ipsius Collegii Lectori, seu Regenti, & Collegialibus pro tempore existentibus illorum omnium corporalem possessionem per se, vel alium, seu alios nomine ejusdem Collegii propria auctoritate absque Judicis, mandato, vel decreto, ac spoliis, & attentatorum vitio libere apprehendere, & perpetuo retinere, eaque regere, & administrare, ac fructus, redditus, proventus, jura, obventiones, & emolumenta Monasterii, & Cappellaniæ, ac annexorum hujusmodi in suos, distique Collegii communes usus, utilitatem, & necessitates convertere, Dioecesani loci, vel cujusvis alterius, licentia desuper minime requisita, auctoritate, & tenore prædictis, etiam perpetuo unimus, annectimus, & incorporamus.

Abrogata in Abbatia sic unita Abbatiali dignitate Monachos ad alia Monasteria transire jubet.

§.4. Ac in ipso Monasterio dignitatem Abbatialem, nomenque, titulum, & denominationem Abbatis, necnon Conventualitatem, si quæ sit, ac Sancti Benedicti, seu Cisterciensis Ordinem prædictum, illiusque statum, essentiam, & dependentiam Regulares eisdem auctoritate, & tenore similiter perpetuo supprimimus, & extinguimus, ipsosque Monachos ibidem degentes ad alia Monasteria, seu Regularia loca sui Ordinis ad id eis a suis Superioribus assignanda, vel alias ubi benevolos invenerint receptores, ita ut ea nunc deinceps in Monasterio unito præfato nullatenus permanere, nec ex illius fructibus, vel rebus, alimenta, vel ullum omnino subsidium, aut jus, vel actionem ibidem prætereendere possint, sed statim habita præsentium notitia ad alia Monasteria, & loca hujusmodi nulla alia a Nobis expectata jussione, mentisque nostræ declaratione, sub excommunicationis latæ sententiæ, ac etiam carceris, aliisque arbitrio nostro imponendis poenis ipso facto per contravenientes incurren. transire debeant, ac Rector, seu Regens, ac Collegiales præfati ad alios Monachos in dicto unito Monasterio recipiendum, & admittendum, illisque alimenta ministrandum, vel aliud quidpiam præstandum minime teneantur, nec obligati sint, minusque ad id cogi, vel compelli valeant, transferimus.

Talis Monasterii onera Collegio imponit.

§.5. Necnon foundationem, & institutionem Monasterii hujusmodi, ac Missarum, Anniversariorum, & aliorum divinarum Officiorum, obligationes, commissiones, & Defunctorum suffragia, si quæ sint, ceteraque onera eidem unito Monasterio quomodolibet incumbant in dicti Collegii ministeria convertimus, etiam, commutamus.

Ei ceterorum Collegiorum Privilegia communicat.

§.6. Insuper eidem Collegio, illiusque Lectori, seu Regenti, Collegialibus, Scholaribus, Officialibus, Ministris, & personis, ut omnibus, & singulis privilegiis, exemptionibus, libertatibus, facultatibus, indultis, ceterisque gratiis, tam spiritualibus, quam temporalibus, quibus alia prædicti Minorum Conventualium, & quorumvis aliorum Ordinum Collegia, ad

quarumcumque bonarum literarum, & disciplinarum cultum, & propagationem ubique instituta, illorumque Rectores, Regentes, Collegiales, Scholares, Officiales, Ministros, & personæ de jure, vel consuetudine, seu ex privilegio, etiam per viam communicationis, seu extensionis, aut alias quomodolibet utuntur, potiuntur, & gaudent, ac uti, potiri, & gaudere possunt, & poterunt quomodolibet in futurum, non solum ad eorum instar, sed pariformiter, & æque principaliter absque ulla prorsus differentia, uti, potiri, & gaudere libere, & licite valeant in omnibus, & per omnia, perinde, ac si illa eis specialiter nominatim, & expresse concessa, & communicata fuissent, auctoritate, & tenore præfatis pariter perpetuo concedimus, & indulgemus.

§.7. Ut autem dicti Collegii prospero, ac felici regimini, & conservationi opportune consulatur, dilectum filium nostrum Alexandrum S. Eustachii Diaconum Cardinalem de Monte Alto nuncupatum, & eo vita functo, alium ex familia nostra, si quis erit, sin minus antiquiorem ex Provincia Marchiæ Anconitan. oriundum, & utroque cessante Protectorem prædicti Ordinis Minorum Conventualium pro tempore existentem S. R. E. Cardinalem ejusdem Collegii, illiusque Lectoris, seu Regentis Collegialium, Scholarium, Officialium, Ministrorum, & personarum, rerumque, & bonorum Protectorem, & Defensorem, cujus consilio, & ope omnia supradicta, & quæcumque alia in eis, & circa ea quomodolibet necessaria agantur, statuantur, & ordinentur, statuimus, & deputamus.

Cardinalem Protectorem ei assignat.

§.8. Præterea Alexandro Cardinali, ac pro tempore esistenti Protectori prædicto Lectorem, seu Regentem prædictum necnon una cum ipso Lectore, seu Regente Economos, Officiales, Advocatos, Procuratores, ceterosque Ministros dicti Collegii deputandi, & amovendi, ac loco amovendorum alios sufficiendi, necnon quæcumque statuta, ordinationes, & decreta circa ejusdem Collegii, illiusque rerum, & bonorum spiritualium, & temporalium curam, directionem, regimen, & administrationem, quam Collegialium prædictorum receptionem, & admissionem, eorumque qualitates, victum, amictum, studiique cursum, ac tempus, per quod in dicto Collegio ali, & confoveri debeant, ac alias in præmissis, & circa ea quomodolibet necessaria, & opportuna licita tamen, & honesta, ac Sacris Canonibus, & Concilii Tridentini Decretis, ipsiusque Ordinis Minorum Conventualium Regularibus Institutis non contraria faciendi, & edendi, ac illa quoties pro eorum, & temporum qualitate, vel alias expediens videbitur, immutandi, corrigendi, moderandi, reformandi, interpretandi, ac alia ex integro condendi, quæ postquam edita, immutata, correctæ, moderata, reformata, & condita fuerint, eo ipso dicta Apostolica aucto-

Facultates talis Protectoris enunciat.



auctoritate, confirmata, & approbata, sint, ac esse censeantur, & ab omnibus, ad quos pro tempore spectabit etiam sub poenis in contravenientes statuendis observari debeant, plenam, liberamque facultatem concedimus, & elargimur.

Clausula pro  
presentis Co-  
stitutionis per  
petua firmi-  
tate.

§.9. Decernentes erectionem, unionem, annexionem, incorporationem, suppressionem, extinctionem, translationem, conversionem, commutationem, indultum, statutum, deputationem, concessionem, facultatem, aliaque præmissa, ac presentes literas nullo unquam tempore, sive pro eo, quod causæ, propter quas emanaverint, & factæ sint, coram locorum Ordinariis, etiam tanquam prædictæ Sedis delegatis, vel alibi examinata, verificata, & approbata, ac Ordinarii, Superiores, & Monachi prædicti, vel quicumque alii interesse habentes, ad id vocati non fuerint, nec eisdem præmissis consenserint, sive alias ex quibuscumque causis quantumvis legitimis, & urgentibus de subreptionis, obreptionis, vel nullitatis vitio, seu intentionis nostræ, aut alio quovis defectu notari, impugnari, invalidari, retractari, in jus, vel controversiam revocari, ad terminos juris reduci, seu adversus illa quomodocumque juris, gratiæ, vel facti remedium impetrari, seu etiam Motu, scientia, & potestatis plenitudine similibus concessio uti posse, neque sub quibuscumque illarum, ac unionum, annexionum, incorporationum, seu aliarum similibus, vel dissimilibus gratiarum revocationibus, suspensionibus, limitationibus, modificationibus, derogationibus, aut aliis contrariis dispositionibus, etiam a Nobis, vel Successoribus nostris Romanis Pontificibus, etiam in crastinum assumptionis ipsorum Successorum nostrorum, & cujuslibet eorum ad summi Apostolatus apicem, ac alias quomodolibet, ac cum quibuscumque etiam derogatoriis, aliisque efficacioribus, & insolitis clausulis, irritantibusque, & aliis Decretis pro tempore emanatis, etiam si de præsentibus literis, earumque toto tenore, ac data specialis, specifica, & expressa mentio fiat, & minime comprehendendi, sed illis, ac quibuscumque aliis contrariis non obstantibus in suis robore, & efficacia persistere, & quoties revocationes, suspensiones, limitationes, aliaque contraria prædicta emanabunt, toties in pristinum statum restituta, reposita, & plenarie reintegrata, ac de novo etiam sub data per Protectorem, Lectorem, seu Regentem, Collegiales, & personas hujusmodi quomodocumque eligenda de novo concessa esse, suosque integros, & plenarios effectus sortiri.

Atque obser-  
vantia.

§.10. Sicque per quoscumque Judices, & Commissarios ordinarios, & delegatos etiam Causarum Palatii Apostolici Auditores, ac S. R. E. Cardinales sublata eis, & eorum cuilibet quavis aliter judicandi, & interpretandi facultate, & auctoritate in quavis causâ, & instantia judicari, & deffini debere.

§.11. Quocirca Venerabilibus Fratribus nostris Camerinen., & Montis Alti Episcopis, ac dilecto filio Curia Causarum Camera Apostolicæ generali Auditori per Apostolica scripta Motu simili mandamus, quatenus ipsi, vel duo, aut unus eorum per se, vel alium, seu alios eandem præsentem literas, & in eis contenta quæcumque ubi, & quando opus fuerit, ac quoties pro parte Protectoris, Lectoris, seu Regentis, & Collegialium prædictorum, seu alicujus eorum desuper fuerint requisiti, solemniter publicantes, eisque in præmissis, efficacis defensionis præsidio assistentes faciant auctoritate nostra præsentem literas, & in eis contenta hujusmodi ab omnibus, ad quos spectat, & pro tempore spectabit, inviolabiliter observari, ac Protectorem, Lectorem, seu Regentem, Collegiales, & alios præsentem, eorumque singulos illis pacifice frui, & gaudere, non permittentes ipsos, vel eorum quempiam desuper per quoscumque quomodolibet indebite molestari, perturbari, & inquietari; contraditores quoslibet, & rebelles, ac præmissis non parentes per censuras, & poenas, Ecclesiasticas, aliaque opportuna juris, & facti remedia, appellatione postposita, compescendo, necnon legitimis super his habendis servatis processibus, censuras, & poenas ipsas incurrisse declarando, easque etiam iteratis vicibus aggravando, invocato etiam ad hoc, si opus fuerit, auxilio brachii sæcularis.

§.12. Non obstantibus præmissis, & quatenus opus sit nostris de non tollendo iure quæsito, ac gratis ad instar non concedendis, & unionibus committendis ad partes, vocatis interesse habentibus, veroque valore, etiam Beneficii, cui aliud unitur exprimendo, necnon Lateranen. novissime celebrati, & aliorum etiam generalium Conciliorum uniones perpetuas, nisi in casibus a jure permissis, fieri, & de Monasteriis hujusmodi extra Consistorium disponi, ac beneficia unius Dioecesis cum beneficiis alterius Dioecesis uniri prohiben. necnon similis mem. Bonifacii Papæ pariter Prædecessoris nostri etiam, quæ cavet, nequis extra suam Civitatem, vel Dioecesis nisi in certis expressis casibus, & in illis ultra unam Dietam a fine suæ Dioecesis ad iudicium evocetur, seu ne Judices a dicta Sede deputati extra Civitatem, vel Dioecesis in quibus deputati fuerint, contra quoscumque procedere, aut alii, vel aliis suas vices committere audeant, seu præsumant, & in Concilio generali, edita de duabus dietis, dummodo ultra tres dietas aliquis auctoritate præsentium ad iudicium non trahatur, aliisque Apostolicis, ac in Provincialibus, & Synodalibus Conciliis editis specialibus, vel generalibus Constitutionibus, & Ordinationibus, necnon Monasterii, & Ordinis, ac Ecclesiæ prædictorum juramento, confirmatione Apostolica, vel quavis alia firmitate roboratis statutis, & consuetudinibus, privilegiis quoque, indultis, & literis Apostolicis, illis, eorumque Præsulibus, Capitulis, Abba.

Derogatio  
contrariorum



Abbatibus, Superioribus, Magistris, Conventibus Fratibus, Religiosis, & aliis personis sub quibuscumque tenoribus, & formis, cum quibuscumque etiam derogatoriis, aliisque efficacioribus, & insolitis clausulis, necnon irritantibus, & aliis Decretis per quoscumque Romanos Pontifices Prædecessores nostros, ac Nos, & Sedem prædictam, etiam ad Imperatoris, Regum, Reginarum, Ducum, vel aliorum Principum instantiam, seu eorum contemplatione, & intuitu etiam motu, scientia, & potestatis plenitudine similibus, etiam consistorialiter in genere, vel in specie, ac alias quomodolibet, etiam iteratis vicibus, etiam contra uniones, annexiones, & incorporaciones, aliaque prædicta quomodolibet concessis, approbatis, & innovatis. Quibus omnibus, etiam si de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores huiusmodi, ac si de verbo ad verbum, nihil penitus omisso; & forma in illis tradita observata inserti forent præsentibus, pro sufficienter expressis, & insertis habentes, illis alias in suo robore permanens, hac vice dumtaxat, specialiter, & expresse derogamus, ceterisque contrariis quibuscumque. Aut si aliqui super provisionibus sibi faciendis de huiusmodi, vel aliis Beneficiis Ecclesiasticis in illis partibus speciales, vel generales dictæ Sedis, vel Legatorum ejus literas impetrarint, etiam si per eas ad inhibitionem, reservationem, & Decretum, vel alias quomodolibet sit processum. Quas quidem literas, & processus habitos per easdem, & inde sequuta quæcumque ad dictam Cappellaniam volumus non extendi, sed nullum per hoc eis quoad affectationem Beneficiorum, aliorum præjudicium generari, & quibuslibet, aliisque privilegiis, indulgentiis, & literis Apostolicis generalibus, vel specialibus quorumcumque tenoribus existant, per quæ præsentibus non expressa, vel totaliter non inserta effectus eorum impediri valeat quomodolibet, vel differri, & de quibus, quorumque totis tenoribus de verbo ad verbum habenda sit in eisdem literis mentio specialis.

Aliæ clausulæ pro indemnitate Abbatia, & Cappellaniæ unitarum.

§.13. Volumus autem, quod propter unionem, annexionem, & incorporationem prædictas, dictum Monasterium in spiritualibus non lædatur, & in temporalibus detrimenta non sustineat, ac cura animarum, si qua illi imminet, nullatenus negligatur, ipsaque Cappellania debitum non fraudetur obsequiis sed ejus congrue supportentur onera consueta. Nos enim quoad Cappellaniam prout est, si attentatū forsitan est hætenus, vel imposterum. Quo vero ad alia omnia supradicta ex nunc, si secus super his a quoquam quavis auctoritate scienter, vel ignoranter contigerit attentari, irritum, & inane decernimus.

Nulli ergo omnino &c.

Datum Romæ, apud Sanctum Petrum Anno Incarnationis Dominicæ, millesimo quingentesimo octuagesimo septimo, decimo quinto Kal. Januarii, Pontificatus nostri Anno III.

## CXVII.

Institutio quindecim Congregationum Sanctæ Romanæ Ecclesiæ Cardinalium, cum jurisdictionum, & facultatum partita concessione, ad faciliorem universæ Reipublicæ Christianæ, Statusque Ecclesiastici, & Romanæ Curie negotiorum, & causarum expeditionem.

*Ad hæc videnda sunt, quæ sigillatim, ad unamquamque rubricam Congregationis, adnotabo.*

## SIXTUS EPISCOPUS

SERVUS SERVORUM DEI

*Ad perpetuam rei memoriam.*

**I**mmensa æterni Dei omnium opifex sapientia a fine usque ad finem fortiter attingens, sic cuncta inter se admirabili concordia nexu copulavit, suaviterque disposuit, ut vicissim ad suorum se numerum, functiones exercendas mutuis auxiliis sublevarent. Ipsa in Coelesti Hierusalem varios beatorum spirituum ordines distinxit, quorum superiores de divinæ providentiæ rebus inferiores illuminarent. Ipsa militantis Ecclesiæ, quæ triumphantis illius imago est, corpus variis membris discrevit, quæ capiti suo glutino caritatis compacta, & connexa, mutuo se adjuvarent, ex quo totius corporis salus, & conservatio existeret.

Proœmium.

§.1. Quare jure optimo Romanus Pontifex, quem Christus Dominus corporis sui, quod est Ecclesia, visibile caput constituit, omniumque Ecclesiarum sollicitudinem gerere voluit, multos sibi tam immensi oneris adiutores advocat, atque adsciscit, cum venerabiles Episcopos fratres suos, quos toto terrarum orbe ad singulos greges pascendos mittit, tum amplissimum ordinem S. R. E. Cardinalium, qui tamquam nobilissima membra capiti propius coherentia, eidem Summo Pontifici, sicut Christo Domino Apostoli, semper assistunt, quique primi laborum, & consiliorum socii sunt, & participes, ut partita inter eos, aliosque Romanæ Curie Magistratus, ingenti curarum, negotiorumque mole, ipse tantæ potestatis clavum tenens, divina gratia adjuvante, non succumbat.

Causæ hujus institutionis.

§.2. Nos igitur magni illius Moyse exemplo adducti, qui cum Deo loquens soceri sui lethro consilium de variis iudiciis constituendis non repudiavit, quique Dei jussu insignem Senatum septuaginta seniorum conscripsit, qui cum eo onus populi sustinerent, ne solus ipse gravaretur, Pontificium hoc onus angelicis plane humeris formidandum, inter Senatores orbis terræ fratres nostros Cardinales, apta quadam distribu-

Institutio quindecim Congregationum de quibus in rubr.



tributione pro temporum conditione, negotiorum multitudine, & varietate, ipsaque utilitatis ratione salubriter partiri decrevimus, Ea in primis cogitatione permoti, ut qui ex omnibus Nationibus ad hanc matrem, magistrum, perfugiumque Fidei Apostolicam Sedem, devotionis, salutisque studio, juris persequendi, gratiae impetrandae, aliasve multiplices ob causas frequentissimi confugiunt, ii quidem, & tuto, & commode (quantum in Provinciis nostris praestare possumus) Romam perveniant; & ut facilius, celeriusque expediantur, distinctos Cardinalium Conventus, & Congregationes ad certas rerum, negotiorumque tractationes paratas habeant, Cardinalesque ipsi distributi muneris partem levius ferant, diligentius administrent, commodius Nos consulant, & denique viri primarii publicis in rebus exercitati nullo unquam tempore desint. Itaque Motu proprio, & ex certa scientia, ac de eorumdem fratrum nostrorum S. R. E. Cardinalium consilio, & assensu, ex eodem Sacro Collegio, quod per Dei gratiam viris pietate, doctrina, rerumque usu praestantibus, ex omni Natione abundat, Congregationes quindecim constituimus, singulisque certa negocia assignavimus, ita ut graviores, difficiliioresque consultationes ad Nos referant, ac unicuique earum suas facultates, & auctoritatem in eum modum, qui infra descriptus est, dedimus, atque attribuimus.

### Congregatio prima, pro Sancta Inquisitione.

*Ista Congregatio jam diu instituta fuit, eique amplam auctoritatem dedit Paulus III. ut in ejus Constit. XLI. Licet ab, Tom. IV. Par. I. fol. 211., ac Pius IV. Const. XCIII. Cum Nos Tom. IV. Par. II. fol. 177., ac Pius V. Const. I. Sanctissimus ibid. fol. 276. & Constitut. XXXIII. Inter fol. 325., & Const. seq. Cum felicis fol. 327.*

Confirmatio  
huius Congre-  
gationis jam  
instituta.

§. I. **I**N primis igitur, quoniam fides, sine qua impossibile est placere Deo, totius spiritualis aedificationis fundamentum est, cupientes hoc preciosum depositum, quod Nobis potissimum a Christo Domino in Beato Petro Apostolo est creditum, adversus omne inferorum portas integrum, inviolatumque custodire. Congregationem Sanctae Inquisitionis haereticae pravitatis magna Praedecessorum providentia, tamquam firmissimum Catholicae Fidei propugnaculum in Urbe institutum, cui ob summam rei gravitatem, Romanus Pontifex praesidere solet: Nos quoque confirmamus, & corroboramus, illiusque omnia instituta, omnesque, & singulas facultates a Romanis Pontificibus Praedecessoribus nostris Cardinalibus ad eam Congregationem pro tempore delectis concessas, omnemque auctoritatem, & potestatem eis communicatam, scilicet inquirendi, citandi, procedendi, sententiandi, & definiendi in omnibus cau-

*Bull. Rom. Tom. IV. Par. IV.*

lis, tam haeresim manifestam, quam schismata, Apostasiam a Fide, magiam, sortilegia, divinationes, Sacramentorum abusus, & quaecumque alia, quae etiam praesumptam haeresim sapere videntur, concernentibus, non solum in Urbe, & Statu temporali, Nobis, & huic Sanctae Sedi subiecto sed etiam universo terrarum Orbe, ubi Christiana viget Religio, super omnes Patriarchas, Primates, Archiepiscopos, & alios inferiores, ac Inquisitores, quocumque privilegio illi suffulti sint, quorum, ac aliorum praedictorum series his nostris literis ad verbum expressa censeatur, confirmamus.

§. 2. Ea deinde omnia, veluti, per eosdem Praedecessores circa eandem Congregationem, illiusque jurisdictionem, & auctoritatem decreta fuerunt, Nos itidem statuimus, atque decernimus.

§. 3. Exemptiones quoque, immunitates, privilegia, atque indulta etiam ejusdem officii ministris, vel in hunc usque diem, concessa, atque recepta, pariter approbamus.

§. 4. Obnix in Domino hortantes, & per viscera misericordiae Jesu Christi, & per ejus tremendum Judicium obtestantes carissimos in Christo filios nostros in Imperatorem electum, omnesque Reges, ac dilectos filios nobiles viros Rerum publicarum, aliosque Duces, illisque regendis, & administrandis praepositos, ac singulos Orbis Terrarum Principes, & Magistratus, quibus gladii secularis potestas ad maiorem vindictam a Deo est tradita, per eam ipsam quam se tueri promiserunt, Catholicam Fidem, ut sic suas quisque partes, sive in praestando ministris praedictis auxilio, sive in criminum post Ecclesiae sententiam animadversione interponant, quod eos pro eorum pietate libenter facturos confidimus, ut eorum quoque praesidio Ministri ipsi tantum munus, tamque salutiferum, pro Regis aeterni gloria, ac Religionis incremento feliciter exequantur, cujus pii, Christianique obsequii Principes ipsi, & Magistratus amplissimum a Domino praemium recepturi sunt in aeternae beatitudinis consortio Catholicae Fidei assertoribus, & defensoribus praeparatum.

§. 5. In his autem omnibus nostra est intentio, ne in Officio Sanctae Inquisitionis, in Regnis, & Dominiis Hispaniarum, Sedis Apostolicae auctoritate Superioribus temporibus instituto, ex quo uberes in agro Domini fructus in dies prodire conspiciamus, Nobis, aut Successoribus nostris inconsultis aliquid innovetur.

*Omittuntur hic nomina Cardinalium, nunc Deputatorum huic Congregationi, & aliis sequentibus, quoniam ob eorum obitum, alii subrogati sunt, & frequenter ejusmodi mutatio contingit.*

Ejusq. facultatum.

Et indultorū huius officii Ministrorum.

Hortatio ad Principes, & alios, ut ei favcant &c.

Sed ex hoc nihil innovetur de officio Inquisitionis Hispaniae.



Congregatio secunda, pro  
Signatura Gratiae.

*Ad Signaturam Gratiae, videri potest Constitut. LXIX. Pii IV. Cum nuper Tom. IV. Par. II. fol. 136., & Constit. LXXIII. In eligendis ibid. fol. 145.*

Causa hujus  
instit.

**E**T quoniam ad eam, quæ Signaturæ Gratiae appellatur, & in qua Nos etiam Prædecessorum nostrorum Romanorum Pontificum more præsidemus, ex diversis Orbis terrarum partibus, ob multiplices gratias obtinendas, magni concursus fiunt, supplicesque libelli referuntur, ut quæ ex iudicium ordinaria facultate expediri nequeunt, potestate principis, qui viva est lex, iustis de causis explicentur, & concedantur, sane pro loci dignitate, & rerum ratione, magna circumspectio adhibenda est, ut, & honestæ supplicationes, quantum cum Domino licet, exaudiantur, & multorum petentium importunitas coercetur.

Institutio Cō-  
gregationis  
& explicatio  
muneris Card.

§. 1. Quamobrem Cardinales infra-  
scriptos Signaturæ nostræ gratiæ adscribimus,  
ad hoc, ut omnes Signaturam nostram qua-  
vis de causa adeuntes, benigne audiant, por-  
rectasque oblatarum petitionum informa-  
tiones excipiant, Nobis vero, aut Succes-  
soribus nostris, dum supplices libelli refe-  
runtur, assistant, opportunumque consilium  
afferant, omnique deposito humano affectu,  
sincerè suam quisque sententiam, etiam  
non rogatus ex conscientia dicat.

Declaratio  
circa Cardi-  
nales supra  
muneris alio  
rum deputa-  
torum.

§. 2. Declaramus autem in dictam Con-  
gregationem semper eos Cardinales adscri-  
ptos esse, qui infra-scriptis muneribus, &  
officiis præferti erunt, videlicet, Major Poe-  
nitentiarius, Præfectus Signaturæ Gratiae,  
Præfectus Signaturæ Brevium, Præfectus  
Signaturæ Iustitiæ, & qui Datarii munere  
fungetur, si Cardinalis fuerit, qui simul  
atque eas Præfecturas, & Officia adepti  
erunt, statim in ipsam Signaturam adnu-  
merati censeantur.

Congregatio tertia, pro ere-  
ctione Ecclesiarum, &  
provisionibus Con-  
sistorialibus.

Causa hujus  
instit.

**I**lla præterea cura ad Pastoralis nostri Of-  
ficii sollicitudinem, & Ecclesiæ univer-  
salis gubernationem maxime pertinet, ut  
ad fidelium populorum utilitatem, Eccle-  
siis jam erectis, aut in posterum iustis de  
causis erigendis, de Episcopis, & Pastori-  
bus idoneis, & fidelibus ac fructuosis, in  
vineâ magni Patrisfamilias operariis salu-  
briter in Domino provideamus.

Institutio ter-  
tiæ Congre-  
gationis, &  
explicatio mu-  
neris Card.

§. 1. Quare aliam constituimus Cardi-  
nalem Congregationem, qui in pri-  
mis cognoscant de legitimis causis ere-  
ctionum novarum Ecclesiarum quarum-  
cumque, Patriarchalium, Metropolitana-  
rum, & Cathedralium, ac de cujus-  
que earum dote, Capitulo, Clero, Po-

pulo, & aliis, quæ ad ejusmodi erectiones,  
juxta præscriptum Sacri Concilii Tridentini,  
& Sanctorum Patrum decreta, necessaria  
erunt. Examinent præterea omnes difficul-  
tates de his incidentes, controversias quo-  
que inter eas, quæ jam erectæ sunt, necnon  
dictarum Ecclesiarum, Diocesium, vel  
Monasteriorum uniones, dismembrationes,  
cessiones, permutationes, translationes,  
pensionum super illarum redditibus assi-  
gnationes, Monasteriorum pluralitatem,  
dignitatum incompatibilitatem, præsentationes,  
& nominationes, electionum, sive  
postulationum confirmationes, seu admis-  
siones, suffraganeorum, coadjutorumque  
deputationes, cum futura successione, sive  
absque eadem successione, curamque adhi-  
lebunt solertem circa ætatem, & qualita-  
tem promovendorum, eaque discussa, &  
examinata ad Nos, Successoresque nostros  
referant, ut pro nostro, eorumve arbitrio,  
in Consistorio secreto juxta formam in hunc  
usque diem servatam proponantur.

Congregatio quarta, pro  
ubertate Annonæ Sta-  
tus Ecclesiastici.

*Huic Annonæ præficitur a Summo Pontifice,  
unus ex Clericis Rev. Camera Apostolica,  
ut videre est Tom. IV. Par. III. fol. 315.  
in Constitutione LI. Gregorii XIII. Inter  
ceteras.*

**C**umque ad providentiam nostram per-  
tineat curare, ut populi Ecclesiasticæ  
ditioni subiecti, non solum pane verbi Dei  
reficiantur, sed hoc quoque terreno, quem  
etiam cum illo a Patre coelesti nobis dari  
quotidie petimus, abundant, pauperes præ-  
sertim, & egeni, quibus parentis loco su-  
mus, idcirco ut in omnibus Provinciis no-  
stris, & in hac potissimum Alma Urbe, ad  
quam tanta hominum frequentia undique  
confluit, res frumentaria bene curata sit,  
& Annonæ publicæ copia benedicente Do-  
mino semper suppetat.

Causa hujus  
instit.

§. 1. Congregationem Cardinalium  
constituimus, quæ omni studio curet, non  
solum in Urbe, sed in universo Statu Ec-  
clesiastico temporali copiam haberi fru-  
menti, atque aliarum hujus generis frugum,  
quibus ad vitam humanam sustentandam  
indigemus, quæ si peccatis populi id pro-  
merentibus ob terræ sterilitatem in ditone  
Ecclesiast. aliquando, quod Deus avertat,  
deerunt, aliunde commeatum pro loco-  
rum opportunitate, convehi, comporta-  
rique studeat, Civitatibus, Oppidis, locis,  
personis quibuscumque quavis etiam Eccle-  
siast. atque Cardinalatus dignitate fulgenti-  
bus, ea omnia, quæ ad abundantiam pa-  
randam, atque conservandam erunt oppor-  
tuna, præcipiat. Commissarios ubique lo-  
corum, prout exegerit necessitas, aut sua-  
serit utilitas, deputet, contra impeden-  
tes, aut negligentes, sive Annonam ex-  
trahi, vel abduci, per se ipsos, aut per  
alios

Institutio Cō-  
greg. & facul-  
tates Card.  
deputatorum



Quæ hic dicuntur de cō-servatione præsidii.

alios palam, vel occulte procurantes, procedat, aliaque faciat, quæ ad Annonæ ubertatem omnino pertinere videbuntur.

§.2. Præcipuam vero curam, & diligentiam adhibeat, ut pecuniæ summa, scutorum scilicet ducentorum millium a Nobis, tam salubri, ac necessario operi pauperum in primis causa paterne assignata atque attributa, nec in alium usum convertatur, & integra conservetur, quo si in charitate Annonæ aliquid ex dicta summa decesserit, illius recuperandæ, ac reintegrandæ ratio quamprimum tueatur, ut hoc publicum præsidium, & tamquam patrimonium pauperum, eorundem Cardinalium prudentia, & sedulitate perpetuo asservetur, & prout in alia Constitutione super hoc a Nobis edita latius explicatur.

### Congregatio quinta, pro Sacris Ritibus, & Cœremoniis.

Causa hujus institutionis.

**I**am vero, cum sacri ritus, & cœremoniæ, quibus Ecclesia a Spiritu Sancto edocta ex Apostolica traditione, & disciplina utitur, in Sacramentorum administratione, divinis officiis, omnique Dei, & Sanctorum veneratione magnam Christiani populi eruditionem, veraque Fidei protestationem contineant, rerum sacrarum Majestatem commendant, fidelium mentes ad rerum altissimarum meditationem sustollant, & devotionis eam igne inflamment, cupientes filiorum Ecclesiæ pietatem, & divinum cultum sacris ritibus, & cœremoniis conservandis, instaurandisque magis augere.

Institutio Cō-greg. 5. cum facultatibus Card.

§.1. Quinque itidem Cardinales delegimus, quibus hæc præcipue cura incumbere debeat, ut veteres ritus sacri, ubivis locorum, in omnibus Urbis, Orbisque Ecclesiis, etiam in Cappella nostra Pontificia, in Missis, divinis Officiis, Sacramentorum administratione, ceterisque ad divinum cultum pertinentibus, a quibusvis personis diligenter observentur, cœremoniæ si exoleverint, restituantur, si depravatæ fuerint, reformentur, libros de sacris ritibus, & cœremoniis, in primis Pontificale, Rituale, Cœremoniale, prout opus fuerit, referment, & emendent, Officia divina de Sanctis Patronis examinent, & Nobis prius consultis, concedant. Diligentem quoque curam adhibeant circa Sanctorum canonizationem, festorumque dierum celebritatem, ut omnia rite, & recte, & ex Patrum traditione fiant, & ut Reges, & Principes, eorumque Oratores, aliaque personæ, etiam Ecclesiasticæ, ad Urbem, Curiamque Romanam venientes, pro Sedis Apostolicæ dignitate, ac benignitate honorifice more majorum excipiantur cogitationem suscipiant, seduloque provideant. Controversias de præcedentia in processionibus, aut alibi, ceterasque in hujusmodi sacris ritibus, & cœremoniis incidentes difficultates cognoscant, summarie terminent, & componant.

*Bull. Rom. Tom. IV. Par. IV.*

### Congregatio sexta, pro Classe paranda, & servanda, ad Status Ecclesiastici defensionem.

*Subsidium annuum scutorum ducentum millium, & quingentorum paravit, & dedit hic Pontifex pro manutentione paratæ Classis decem triremium, sed ejus Bullam tamquam minus necessariam duxi prætermittendam.*

**P**raterea posteaquam Dei benignitate, nec sine magno nostro labore, & sumptu, perditorum huminum licentia compressa, publica tranquillitas in locis mediterraneis restituta est, ut jam unicuique absque timore ullo sub vite sua, & sub sicu sua quiescere liceat, cupientes ut littora quoque, & oræ maritimæ ditionis nostræ, superi inferique maris, a piratis, ac prædonibus, quantum fieri potest, tutæ sint, nedum ad nostrorum subiectorum securitatem, verum ut exteræ quoque nationes ad hanc Fidei petram, communemque fideliū matrem secure, pro eo quod in Nobis est, accedant, ne a piratis in miseram servitutem, quod alias persæpe accidit, abducantur.

Causa hujus instit.

§.1. Ob eas causas Cardinales quinque præcimus triremibus numero decem parandis, ædificandis, ornandis, omnique necessario nautico, & militari apparatu instruendis, curaque diligentissima conservandis, quarum ope, & præsidio, Deo adjutore, piratæ, & prædones coerceantur, & a nostris littoribus longe repellantur, quare, & earum triremium idoneos Duces, ac Præfectos, Nobis tamen, & pro tempore Rom. Pont. consultis, deligant, & cetera omnia ad ea, quæ diximus, celeriter, utiliterque efficienda, pro ipsorum prudentia, & sedulitate disponant, atque expediant. Deinde operam adhibeant, ut subsidium pecuniarum quodcumque ab iis, qui nostro mandato huic tam necessario operi contribuere tenentur, fideliter, integre, matureque exigatur, exactum vero, ac receptum ad suprascripta tantummodo opera perficienda ex voluntatis nostræ præscripto fructuose impendatur. Illud autem Cardinales ipsos magnopere admonemus, curent diligenter, ut in his triremibus Apostolicis, nautæ omnes, & milites, non solum ex nautica militarique, sed multo magis ex Christiana disciplina, pie, & modeste vivant. Quare viros religiosos, animarum corporumque curatores deligant, qui valentes ad pietatem instruant, ægrotos multæ caritatis affectu, quovis necessario adiumenti genere, spirituali in primis recreent, atque reficiant. Denique omni loco a Præfectis, militibus, nautis, ea pie vivendi ratio, & institutio observetur, ut vere illos Christianos ac Pontificios esse omnes agnoscant.

Institutio Cō-greg. 6. & explicatio muneris Card.



**Congregatio septima, pro  
Indice librorum pro-  
hibitorum.**

*Ista Congregatio perfecit Indicem librorum  
huiusmodi alias a Pio IV. approbatum.*

Causa hujus  
iustit.

**Q**uia vero hæresis morbus animæ perniciosissimus, ut cancer serpit, & filii tenebrarum arcē Catholicæ veritatis omni machinationis genere oppugnant, libris præsertim hæresis veneno infectis promulgandis, aliisque noxia doctrina aspergendis, corrumpendisque, postulat a Nobis Pastoralis officii sollicitudo, ut vulpes dolosas, & lupos rapaces ab ovili Christi omni vigilantia arceamus.

Institutio Cō-  
greg. 7. & ex-  
plicatio mu-  
neris Card.

§. I. Quare ut Cardinales, qui ad libros prohibendos, expurgandosve delecti sunt, in ea cura diligenter, ac majori cum fructu versentur, has illis facultates tribuimus, ut librorum ejusmodi catalogos, & indices, aut olim, aut proxime confectos, eorumque regulas editas recognoscant, atque examinent, certorum auctorum libros prohibitos, aut quovis modo in prioribus indicibus suspensos diligenter excutiant, & prout expedire judicaverint, permittant libros, qui post indicem Tridentini Conc. jussu editum prodierunt. Catholicæ doctrinæ, christianorumque morum disciplinæ repugnantes, expendant, & recognoscant, ac ubi Nobis retulerint, nostra auctoritate reiiciant, hominum vero injuria, & dolo depravatos emendent, eos libros, qui paucis erroribus rejectis, alioquin utiles studiosis esse possent, expurgandi, atque corrigendi modum ineant, indicesque expurgatorios conficiant, novos præterea libros approbandi, & imprimendi rationem præscribant. Universitatum Parisien. Bononien. Salamantin. Lovanien. aliarumque probatarum studia, ad librorum expurgationem, & correctionem excitent, earumque diligentem operam, & industriam requirant. Permittimus quoque eidem Congregationi, ut Theologis, Canonistis, aliisque peritis viris, piis atque idoneis, etiam aliunde accersitis, ad hoc omne negotium Reipublicæ Christianæ, tam in his temporibus necessarium adhibitis, eam ob rem tantum, nec vero aliis, libros vetitos tenendi, legendique etiam absque nostra licentia impertiantur facultatem.

**Congregatio octava, pro executione, & interpretatione  
Concilii Tridentini.**

*Hujus Concilii indictionem, prosecutionem, & approbationem, & hujus Congregationis institutionem vide in Pii IV. Constitution. XXVII. Ad Ecclesiæ Tom. IV. Par. II. fol. 57. & Constit. XCV. Alias nonnullas ibidem fol. 178.*

Causa hujus  
iustit.

**D**Eo autem Patri misericordiarum gratias agentes, qui in Œcumenico Con-

cilio Tridentino Spiritus Sancti lumine diffuso, catholicam veritatem omnibus patefecit, hæreses nostrorum temporum confutavit, mores, & disciplinam restituit, ejusdemque Concilii decreta, ab omnibus observari volentes, cum ad singularem Romani Pontificis auctoritatem tantummodo spectet Generalia Concilia indicere, confirmare, interpretari, & utique locorum servantur, curare, ac præcipere.

§. I. Eorum quidem decretorum, quæ ad Fidei dogmata pertinent, interpretationem Nobis ipsis reservamus, Cardinalibus vero præfctis interpretationi, & executioni Concilii Tridentini, si quando in his, quæ de morum reformatione, disciplina, ac moderatione, & Ecclesiasticis judiciis, aliisque huiusmodi statuta sunt, dubietas aut difficultas emerferint, interpretandi facultatem, Nobis tamen consultis, impartimur. Et quoniam eodem Concilio Tridentino decretum est, Synodos Provinciales tertio quoque Anno, Diocesanas singulis annis celebrari debere, id in executionis usum ab iis, quorum interest, induci eadem Congregatio providebit. Provincialium vero, ubivis terrarum illæ celebrentur, decreta ad se mitti præcipiet, eaque singula expendet, & recognoscet. Patriarcharum præterea, Primatum, Archiepiscoporum, & Episcoporum, (quibus Beatorum Apostolorum limina certo constituto tempore visitare alia nostra sanctione iussum est) postulata audiat, & quæ Congregatio ipsa per se poterit, ex caritatis, & justitiæ norma expediat, majora ad Nos referat, qui fratribus nostris Episcopis quantum, cum Domino licet, gratificari cupimus. Item ab iisdem Præsulibus Ecclesiarum exposcat, quæ in Ecclesiis eorum curæ, ac fidei commissis, Clerici, Populique morum disciplina sit, quæ Concilii Tridentini decretorum, cum in omnibus, tum præsertim in residentia munere executio, quæ item piæ consuetudines, & qui omnium denique in via Domini sint progressus, ipsisque det literas ex formula præscripta in testimonium obitæ per eos visitationis liminum, Sanctorum eorumdem Apostolorum. Habeat itidem Congregatio auctoritatem promovendi reformationem Cleri, & Populi, nedum in Urbe, & Statu Ecclesiastico temporali, sed etiam in universo Christiano Orbe, in iis, quæ pertinent ad divinum cultum propagandum, devotionem excitandam, & mores Christiani populi ad præscriptum ejusdem Concilii componendos, atque ad rationes difficillimis his, perturbatisque temporibus necessarias conformandos, quo uberius divinæ misericordiæ vim in nobis sentiamus, justamque iram, atque animadversionem effugiamus.

Explicatio  
muneris Car-  
dinalium.



## Congregatio nona, pro Statu Ecclesiastici Gravaminibus sublevandis,

Causa hujus instit.

**N**Ec vero paternus noster affectus, quem erga populos Nobis, & huic S. Sedi subiectos, tamquam erga peculiare filios gerimus, eo contentus est, quod Deo auctore, nostraque sollicitudine publica pace, & tranquillitate perfruuntur, quodque de eorum utilitate, & quiete multis aliis modis præstanda, & augenda assidue cogitamus, sed eos etiam ab exactionum oneribus ob temporum interdum difficultates, variasque publici boni rationes a Prædecessoribus nostris impositis, magnopere quantum fieri poterit, cupimus sublevare.

Institutio Cōgreg. 9. cum ejus facultatibus &amp;c.

§. I. Quocirca novam instituimus Cardinalium Congregationem, ut quæcumque gravamina vectigalium, pedagiorum, & tributorum cujuscumque generis illa sint, eorumque exigendi rationes, quæstorum iniurias, si quas adesse compererint, Commissariorum extorsiones, judicii forma plane postposita, mature audiat, & cognoscat, atque si fieri posse videbitur, controversias moderetur, & componat. Quod si rationibus hinc inde allatis accurate expensis, res transigi nequiverit, eam totam ad Nos deferat, ut quod æquum, & pium erit, ejus Congregationis Consilio, prudenter definire valeamus. Causas vero in quibus judicialis ordo requiritur, propriis iudicibus de jure decidendas relinquat. Qui autem a iudicibus senserint se gravatos, ad Tribunalia, quæ his sunt ex antiqua institutione præposita, ac ad alia, ut moris est, juris remedia confugiant.

## Congregatio decima, pro Universitate Studii Romani.

*De istius Romani Studii erectione, ejusque indultis, & regimine notavi in Bonif. VIII. Const. XX. In supremæ. Tom. III. Par. II. fol. 100.*

Causa hujus instit.

**I**llud etiam cogitantes, quod literarum cognitio, liberalesque doctrinae, & disciplina, quibus juvenus in publicis Gymnasiis instruitur, & eruditur, magnam Christianæ Reipublicæ, si cum pietate jungantur, afferunt utilitatem: tunc enim Civitates, & Regna optime administrantur, cum sapientes atque intelligentes gubernacula possident; ob eam sane causam Romani Gymnasii, ejusque Universitatis ornandæ, & amplificandæ curam merito gerimus, unde, & ipsam Universitatem ab ære alieno vigintiduorum millium scutorum, & aliis pluribus oneribus sublevavimus, ac plane liberavimus.

Institutio Cōgreg. 10. &amp; explicatio facultatis Card.

§. I. Itaque ut illius rationibus quam optime prospiciamus, Cardinales quinque eidem Gymnasio, & universitati, illiusque reformationi præficimus, quibus faculta-

tem concedimus, ut cum opus fuerit, præclaros Theologiæ Magistros, jurisconsultos egregios, & liberalium artium professores eximios undecumque ad juventutem erudiendam evocent. Qui morum integritate, eruditione, atque elegantia literarum non minus præsent, quam peritia, usuque docendi, assiduisque prælectionibus juvenes instruant, utque singulis scientiarum Magistris pro meritorum ratione, re tamen Nobiscum, aut cum Successoribus nostris participata, stipendium constituent. Insuper cum in hac Alma Urbe nostra, singulari Dei beneficio inter alias discentium scholas Grecorum, Maronitarum, & Neophytorum, ingenti Pontificum liberalitate, atque munificentia, erecta sint Collegia, congruisque redditibus dotata, in quibus Sacra Theologia, liberalesque artes Hebraice, Græce, Arabice, & Chaldaice edocentur, eisdem Cardinalibus iniungimus, ut horum Collegiorum Alumnos ad literarum studia ardentiori animo complectenda quod ad Fidei Catholicae propagationem, & literarum ornamentum, & ingenia excolenda maxime pertinet, opportune pro eorum pietate, & prudentia, omni adhibito studio, excitari curent. Denique cum in præcipuis Christiani Orbis partibus sancta hæc Apostolica Sedes, ut pia mater, insignes quasdam Universitates, in quibus sacrarum literarum, legum, & artium præstantissima studia florent, olim in tutelam, & clientelam receperit suam, nimirum Parisiensem, Oxoniensem, Bononiensem, Salamantinam, ut in eis scilicet ex Apostolica Sedis protectione bonarum artium studia, tanto majori cum fructu excolerentur, Nos, & illas ipsas, & ceteras Catholicas Universitates paterna benevolentia, complectentes, nec ipsam Oxoniensem, quantum in Nobis est, deferentes, sed ex intimo animi affectu ad matris gremium, & ad viam salutis revocantes, omnesque intimo cordis affectu, & summa benevolentia prosequentes, ac sub nostra, & beati Petri Apostolorum Principis protectione iterum suscipientes, eidem Congregationi imponimus, ut earundem Universitatum, atque ad eas pertinentium negotiorum, apud Sedem Apostolicam curam gerat, illarumque necessitates, Nobis Successoribusque nostris ordine exponat, ut eis ex paterna charitate opem, & auxilium afferre valeamus, easque interdum per literas visitet, nostroque nomine Catholicis viris Apostolicam benedictionem impertiatur, illisque, ut prospera cuncta eveniant, aliis vero spiritum consilii sanioris, a Deo Optimo Maximo deprecetur.

## Congregatio undecima, pro Consultationibus Regularium.

**N**EC fane minus de Regularium Ordinibus solliciti sumus, qui Ecclesiæ Dei magnum adiumentum atque ornamentum omni

Causa hujus instit.



omni tempore præstiterunt, immo vero summopere cupientes, eorum salutaria studia, progressusque ad pietatem promovere, qui e fluctibus sæculi in portum regularis vitæ confugerunt, ob eam causam, ut remotis impedimentis, & inanibus contentionibus amputatis, sub suavi Religionis iugo, & suorum institutorum observantia quiete vivant, gratumque Altissimo famulatum exhibeant.

Institutio Cōgreg. II. cum facultatibus Cardinalium.

§. I. Quinque alios Cardinales delegimus, quibus facultatem concedimus, ut Regularium, Claustralium, Mendicantium non Mendicantium, Hospitalarium, & Militarium, possidentium, & non possidentium, cujuscvis demum Ordinis sint, controversiis, dubitationibus, consultationibusque propositis respondeant. Causas vero, quas inter ipsos religiosos oriri contigerit, juxta quarumcumque Religionum instituta, eorumque dispositionem, superiores illorum definiant atque terminent. Dum autem inter Episcopos, & Regulares dubitationes inciderint, quæ sub decretorum Concilii Tridentini dispositione, aut interpretatione comprehendantur, eas ad eandem Congregationem Concilii remittant. Audiant itidem, ac decident prædicti Cardinales causas, & controversias inter prædictos Ordines vertentes, siue in universum, siue ratione particularium locorum, dummodo formam judicariam non requirant. Concedimus etiam, ut dictis Regularibus, non laxiorem, nec ad parem, sed ad arctiorem religionem transeundi, iis quos fervore spiritus incensos ad perfectioris vitæ statum transire velle constiterit, non obstantibus quibuscumque Prædecessorum nostrorum decretis, licentiam dare possint. Apostatarum quoque, ejectorum, & præterea extra Monasteria degentium, aut vagantium causam iidem Cardinales audiant, & cognoscant, eosque coercendi potestatem habeant. Curent præterea visitationis Apostolicæ jussa, & Constitutiones editas a Romanis Pontificibus circa ipsos Regulares exequendas, & in usum introducendas. Provideant insuper Regulares laudatæ vitæ, zelo Dei, & salutis animarum, & prudentia spiritus prædictos, institutorumque Regularium Ordinis, & laudabilium consuetudinum peritissimos, qui, cum necessitas exegerit, Provincias sui Ordinis, & non alterius, receptis a Nobis literis ad Omnipotentis Dei laudem, & locorum vtilitatem salubriter visitare valeant. Sub nomine autem Regularium, etiam Moniales, cujuscvis sint regulæ, & observantiæ comprehendere volumus. Omne denique studium Cardinales ipsi impendant, ut ab inferioribus erga superiores debita humilitas, & obedientia, ac vicissim a superioribus erga illos paterna benevolentia in multa caritate, & disciplina, in spiritu lenitatis adhibeatur, neve dominantur inter fratres, sed Superiores ipsi Patres se esse meminerint. Postremo eosdem Cardinales quasi Religiosorum omnium tutissimum perfugium esse volumus, ut eorum aucto-

ritate, & auxilio recreati, studium religiosæ vitæ, & regularis perfectionis sine impedimento strenue percurrant.

### Congregatio duodecima, pro Consultationibus Episcoporum, & aliorum Prælatorum.

ET Nos quidem ex Apostolicæ servitutis officio, omnibus Christifidelibus ad ædificationem debitores sumus, sed tamen præcipuo caritatis affectu, in Christo complectimur venerabiles Fratres nostros Ecclesiarum Præsules, & Pastores, qui ex præcepto Apostoli vigilant; in omnibus laborant, ministeriumque suum implent.

Causa hujus institutionis.

§. I. Quare ut Apostolica Sede, a qua, tamquam a matre honorem, & jurisdictionem acceperunt, sibi, cum opus erit, auxilium, præsidiumque paratum esse intelligant, ut greges suos tanto fructuosius pascant, quinque itidem Cardinales præponimus Episcoporum, & aliorum Prælatorum consultationibus audiendis. Quorum erit facultas, ut Patriarcharum, Primatum, Archiepiscoporum, Episcoporum, Prælatorum, & Ordinariorum quorumcumque, etiam inferiorum, non tamen regularium, petitiones audiant, propositisque difficultatibus, questionibus, ac controversiis, aliisque super quibus consulti fuerint, etiam per literas sedulo humaniterque respondeant, dubia, rationes, & causas Ecclesiarum, earumque dignitatis, jurisdictionis, exemptionis, immunitatis, jurium, privilegiorum, & laudabilium consuetudinum conservationem concernentes, summarie cognoscant, atque tam ex partium petitione, quam ex officio componant, prout honestum, opportunumque eis videbitur. Causas item, & controversias inter eosdem Prælatos de jurisdictione, aliave de causa exortas, item inter Capitula, aut obtinentes dignitates, ac inter quascumque singulares personas, & Universitates, aut locorum in temporalibus Dominos, præter eas, quæ Concilii Tridentini interpretationem exigunt, vel ordinem judicarium re ipsa requirant, examinent, atque amicabiliter desuper transigere, etiam per alios, si ita consultum videbitur, etiam extra Diocesim curent. Ac præterea ad Ecclesias visitandas ubique locorum, in quibus Christiana viget Religio, visitatores Nobis præsentent, ut exemplo Beati Gregorii Magni, ac Leonis, & aliorum Summorum Pontificum Prædecessorum nostrorum, cum in Domino expedire videbitur, destinare valeamus. Visitationis item formam illis præscribant, ut multo cum spirituali fructu, & fidelium ædificatione munus suum obeant, negotiorumque omnium tractationis modum assignent, ac negligentiam, si quando opus erit, emendent. Insuper, ubi necessitas exegerit, viros usu & doctrina idoneos, rectos, & timentes Deum deligant, qui nostrarum, litera-

Institutio Cōgreg. II. & explicatio muneris ejus Cardinalium.



literarum auctoritate suffulti, Ecclesias ut Vicarii Apostolici regant. Denique eosdem Cardinales immunitatis Ecclesiarum defensores, ad tuendum ipsorum Prælatorum personas, res, & bona quæcumque Ecclesiarum prædictarum, ab omnium injuriis atque oppressionibus adversus quoscumque quavis auctoritate præfulgentes constitui-

### Congregatio decimatertia, pro Viis, Pontibus, & Aquis curandis.

Causa hujus  
institutionis.

**E**T quoniam curæ, & cogitationes nostræ ita communis boni procuratione defixæ sunt, ut dum graviora majoraque disponimus, eorum etiam, quæ minora videntur, non obliviscamur, considerantes, quod ad Almam Urbis, locorumque ditioris nostræ Ecclesiasticæ ornamentum, aeris salubritatem, civium, incolarumque utilitatem, ac ad Peregrinorum, iterque agentium commoditatem, eorum præsertim, qui ad hanc Apostolicam Sedem, & Apostolorum limina, totque sancta loca innumerabilium Martyrum sanguine consecrata pie visitanda concurrunt, permagni interest Viarum, Pontium, & Aquarum curatio.

Institutio C6-  
greg.13. & ex-  
plicatio fa-  
cultatum ejus.

§.1. Nos idcirco huic rei consulentes, Cardinales sex infra nominatos deputavimus, quibus facultatem damus vias curandi, aperiendi, manendi, dirigendi, factasque tuendi, coarctatas dilatandi, veteres jam occupatas iterum in publicum usum vendicandi, & redigendi. Pontes item tuendi, & ubi opus est, novos extruendi, veteresque ruinosos instaurandi, & jam collapsos, si ita necessitas tulerit, reficiendi. Aquarum præterea curam gerendi, illarum præsertim, quas Nos tanta impensa, & labore in Urbem adduximus, illasque certa mensura ad publicum usum, commoditatemque melius distribuendi, & ubi majori aquarum copia opus esse viderint, fontes aquarum magis uberes, unde deduci possint, investigandi, deductiones, substructiones, castella, formas, aquæductus, receptaculaque earundem facta, tecta conservandi, omne impedimentum tollendi. Camera nostræ Apostolicæ Præfides, & Ministros, quibus ea specialis cura data est, dirigendi, & ab contradictoribus protegendi, aliaque in his necessaria, & opportuna exequendi. Si qua vero difficultas, aut causa, tam contra domicellos, communitates, & universitates, quam contra quoscumque alios etiam immunes atque exemptos, super his omnibus jam exorta sit, vel in posterum inciderit, eam omnem summarie, sola facti veritate inspecta, ac re primum ad Nos, & Successores nostros relata, demum definiendi potestatem facimus. Qua facultate iidem Cardinales nedum in Alma Urbe, verum in universa Ecclesiastica ditione temporali uti posse statuimus.

### Congregatio decimaquarta, pro Typographia Vaticana.

**C**eterum, cum ex omni antiquitatis memoria notum sit, quantum semper detrimenti attulerint hæreticorum, aliorumque veritatis hostium insidiæ, & doli sacris Libris, Sanctorumque Patrum monumentis, multis modis corrumpendis, quantumque hoc potissimum sæculo animarum perniciem importaverint eorundem librorum mendosæ impressiones, atque editiones impuro, & pestifero hæresum fermento, aliisque erroribus coinquinatæ, & corruptæ.

Causa hujus  
institutionis.

§.1. Nos volentes pro nostra Pontificia solitudine, ut hæc præclara, & salutaris nostra hæreditas a majoribus accepta, inviolata conservetur, nuper ejus rei causa non mediocri nostra impensa Typographiam Vaticanam ereximus, nunc autem pro rei, & negotii gravitate, infra scriptorum Cardinalium Congregationem statuimus, quibus imponimus, ut sacra Biblia Latinæ vulgatæ, Græcæ, & Hebraicæ editionis; decretales Epistolas, Concilia generalia, Sanctorum præcipuorum Ecclesiæ Doctorum opera, ceteros denique libros, quibus Fidei Catholicæ doctrina traditionesque Ecclesiasticæ continentur, & explicantur, quam emendatissime curent imprimendos. Quare mandamus, ut vetustis manuscriptis, emendatisque codicibus adhibitis, præsertim ex nobili, & optimis libris referta Pontificia Vaticana Bibliotheca, adiumento etiam, studio atque opera doctissimorum hominum ex omnibus Christiani orbis nationibus, per Nos, aut Successores nostros selectorum, qui linguarum peritissimi sint, libros imprimendos, accurate diligenterque conferant, & recognoscant, ut eorum editio, quantum fieri poterit, integra atque incorrupta prodeat. Sique vero graviores dubitationes, & difficultates in veterum codicum auctoritate, librorum correctione, & emendatione inciderint, rebus prius in Congregatione examinatis, ad Nos referant, ut in lectionum varietate, id quod Orthodoxæ veritati maxime consonum erit, ex speciali Dei privilegio huic Sanctæ Sedi concessio, statuamus. Demum eadem Congregatio, Typographos, & librorum recognitioni Præfectos in quibusvis Christiani Orbis Regnis, & Provinciis admonebit, ut diligentem, opportunamque operam ad sua quæque officia fideliter, atque integre exequenda præstent, in librorumque hujusmodi editione accuratissime versentur, & ad Vaticanæ impressionis præscriptum, ac normam omnino se conforment.

Institutio C6-  
greg.14. cum  
suis facultati-  
bus.



**Congregatio decimaquinta,  
pro consultationibus  
negociorum Status  
Ecclesiastici.**

Causa hujus  
institutionis.

**D** Enique cum valde consentaneum sit, ut qui longinquos, & externos in Domino complectimur, eorumque negocia breviter expediri curamus, domesticis, & propinquis, qui sub nostra, & Apostolica Sedis peculiari tutela sunt, hac quoque in re propensius consulamus, idcirco ut fideles Ecclesiæ Romanæ filii ditioni nostræ temporali subiecti, ad varia negocia, causas, necessitatesque suas proponendas perfacilem aditum inveniant, remediumque ex justitiæ, & æquitatis præscripto, opportune celeriterque obtineant.

Institutio Cō-  
greg. 15. & ex  
plicatio mu-  
neris Card.

§.1. Cardinales itidem quinque eorum consultationibus præficimus, ac præponimus, quorum juris sit, consultationes, dubitationes, querelas super causis civilibus, criminalibus, & mixtis ad forum sæculare dumtaxat spectantes audire, illasque inter se statis diebus conferre, quod æquum esse, quodque omnibus diligenter consideratis de majoris partis sententia expedire censuerint, statuere, & deliberare, justitiam expedite administrare, quæ decreta, ac definita erunt, executioni tradi curare. Ipsique facultatem concedimus, ut ipsi omnibus negociis, & causis, cujuscumque generis illa sint, etiam inter Fiscum, & privatum, & inter privatos, Communitates, Universitates, Collegia, eorumque Rectores, aut alios quoscumque etiam coram ditionis Ecclesiasticæ Magistratibus, & Ministris introductis, & pendentibus, quod justum, & æquum videbitur, præcipiant, causas ab eis, ubi id jus, & ratio postulaverit, auctoritate nostra avocent, aliisque Judicibus committant, Gubernatoribus, Prætoribus, ceterisque omnibus officia ex Sedis Apostolicæ auctoritate gerentibus, ut jussa, & imperata ejus Congregationis exequantur, significant, impositas poenas, sive multas, bonorum proscriptiones, seu confiscationes, corporis poenas, etiam capitis, ultimique supplicii ( Nobis tamen prius de ea re consultis ) moderentur, & commutent, ac eos, qui in carcere erunt, de loco ad locum, ubi id ita expedire judicaverint, transferri mandent, ceteraque pro justitiæ conservatione, subditorumque nostrorum quiete, & tranquillitate deliberent, ac provideant.

*Sequitur declaratio facultatum prædictarum  
Congregationum. Et aliæ habentur  
immediate post hanc, & in  
ejus fine.*

Congregatio-  
nes prædictæ  
sunt tribus  
assistentibus  
Card.

**D** Enique quo dictarum Congregationum expeditiones validæ existant, Cardinales in qualibet Congregatione non sint pauciores tribus. Ad judiciorum vero confusionem evitandam, volumus, ut unaquæque Congregatio, quando aliqua causa quæ-

stio, vel consultatio ad eam delata fuerit, diligenter perpendat, an ad ipsam proprie ejus causæ cognitio, & expeditio pertineat, & si ad se minime spectare cognoverit, eandem ad Judices Ordinarios, vel ad propriam Congregationem remittat.

§.2. Itidem Cardinales dictarum Congregationum, proprios singillatim habeant Secretarios, ab eisdem libere deputandos, & ad res, quæ in dies geruntur, annotandas, & in publicam formam, si opus fuerit, redigendas.

Secretarios  
propriis ha-  
beant.

§.3. Et quoniam divinis oraculis admonemur, ubi multa consilia, ibi salutem, adesse, eadem Congregationes pro earum arbitrio viros Sacræ Theologiæ, Pontificii, Casareique juris peritos, & rerum gerendarum usu pollentes in consultationibus, advocent, atque adhibeant; ut causis, quæstionibus, & negociis quam optime discussis, quæ Dei gloriæ, animarumque saluti, & justitiæ, atque æquitati consentanea maxime erunt, decernantur; graviora vero quæcumque, ad Nos, vel Successores nostros deferantur, ut quid secundum Deum expediat, ejus gratia adjuvante, mature statuamus.

Theologi, &  
viri periti in  
consultationi-  
bus adhibean-  
tur.

§.4. Sicque, & non aliter per quoscumque Judices Ordinarios, & Delegatos, etiam dictos Cardinales, ac causarum Palatii Apostolici Auditores, sublata eis, & eorum cuilibet quavis aliter judicandi, & interpretandi facultate, judicari, & definiri debere, irritumque, & inane quicquid secus super his a quoquam quavis auctoritate scienter, vel ignoranter contigerit attentari, decernimus.

Decretum ir-  
ritans.

§.5. Non obstantibus præmissis, ac quibuscumque Constitutionibus, & Ordinationibus Apostolicis; privilegiis quoque, indultis, & literis Apostolicis quibuscumque formulis illa sint concepta. Quibus omnibus etiam si de illis, eorumque totis tenoribus specialis, specifica, expressa, non autem per clausulas generales idem importantes mentio, aut quævis alia expressio habenda esset, eorum tenores, ac si ad verbum infererentur præsentibus, pro expressis, atque insertis habentes, illis alias in suo robore permansuris, hac vice dumtaxat specialiter, expresse, ac latissime derogamus; ceterisque contrariis quibuscumque.

Clausula de-  
rogatoria.

§.6. Demum per paternam nostram caritatem, & auctoritatem, quæ Nobis a Christo Domino data est, admonemus, & per ipsum, per quem Reges regnant, obtestamur carissimos in Christo filios nostros in Imperatorem electum, omnesque Reges, ac ceteros sæculares Principes, quos Deus in excelso loco constituit, & temporali potestate communivit, ut Fidei Catholicæ propugnatores, & defensores sint, de quorum pietate, & erga Apostolicam Sedem observantia, atque obedientia magnopere in Domino confidimus, & quam etiam multis argumentis perspectam habemus.

Horatio ad  
Princip. Chri-  
stianos.

§.7. Alios vero Ecclesiastica dignitate præditos per hæc Apostolica scripta, ac per debitæ obedientiæ vinculum, statusque sui publi-

Monitioque  
ad quascum-  
que Ecclesia-  
sticos perso-  
nas, ut in-



1587.  
præmissis fa-  
veant & obe-  
diant.

1587.

sublimem conditionem, qua Deo arctius religati existunt, obstringimus, ut his nostris conatibus ad Dei laudem, Fidei propagationem, fidelium commoditatem, & salutem assistant; ac auctoritatem, quæ Ecclesiæ Præfibus in Beati Petri persona a Christo Domino credita, & collata fuit, ad Fidei Catholicæ exaltationem, & augmentum, prout ex eorum munere tenentur, Nosque eos pie facturos speramus, tueantur, & defendant; ac operam dent, studiumque demum omne conferant, ut eadem auctoritas Ecclesiastica omnino illæsa conservetur, ac Ecclesiæ Dei ministris opem, & auxilium in omnibus impendant, & de Sede Apostolica, ex sua majorumque suorum pietate, benemereri non desinant; memores se in susceptione Imperialis, ac Regii diadematis, & Principatus, ad id præ ceteris devinctos esse, ut inde in hac mortali vita felicitatem, nostramque, & Sedis ejusdem benignitatem, ac gratiam uberius valeant promereri, post exactum vero mortalis hujus vitæ curriculum, a Deo æternam gloriam, & beatitudinem consequantur. Quod si secus ab eorum aliquo, quod minime credimus, factum erit, divinam iram, donec sub potenti manu Dei humiliantur, qui tarditatem poenæ supplicii interdum gravitate compensat, se minime effugere posse certo fiant.

§.8. Ut autem hæ nostræ literæ quamprimum ubique locorum, & gentium innotescant, quas inter alias Apostolicas, perpetuasque Constitutiones annumeramus, illas publicis in locis de more affigi, earumque exemplis, vel impressis sigillo obsignatæ alicujus personæ Ecclesiastica dignitate præditæ, ac quibus Notarius publicus subscripserit, eandem fidem haberi volumus, quæ his exhibitis maxima cum reverentia omnino esset adhibenda.

§.9. Nulli ergo omnino hominum liceat hanc paginam nostrorum decretorum, Constitutionum, assignationis, dationis, attributionis, confirmationum, corroborationis, statutorum, approbationis, declarationis, delectionum, præfectionum, tributionis, permissionis, reservationis, impartitionis, institutionis, concessionum, injunctionis, impositionis, voluntatum, mandati, præpositionis, derogationis, admonitionis, obtestationis, obstrictionis, & annumerationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus, se noverit incursum.

Datum Romæ apud Sanctum Petrum, Anno Incarnationis Dominicæ, millesimo quingentesimo octuagesimo septimo, undecimo Kalendas Februarii, Pontificatus nostri Anno III.

*Sequuntur aliæ declarationes editæ in Consistorio die 11. Maii 1588. circa dubia in Congregationibus evenienda.*

**S**anctissimus D. N., quod postquam deputavit omnes Cardinales super diversis Congregationibus, ut vellent illis incumbere, & expedire negocia, quæ ibi tractanda erunt, ut & ipse Sanctissimus a laboribus sublevetur, & partes citius expediantur.

Institutio Congregationum, de qua supra.

§.1. Et ne in futurum dubitari contingat, super aliquibus dubiis, quæ oriri possunt super facultatibus ipsis Congregationibus datis. Ideo Sanctitas sua fecit quinque infrascriptas declarationes.

Amotio dubitationum, cum declarationibus subsequentibus.

§.2. Prima est, quod si ante inchoatum judicium coram aliquo Judice, pars coram Congregatione conventa, renuerit in illam consentire, & noluerit causam a Congregatione terminari, tunc ad Judicem competentem remittatur.

Declaratio prima.

§.3. Secunda est, quod si coram aliquo Judice inchoatum fuerit judicium, & deinde partes concordēs Congregationem adiverint, tunc Congregatio causam decidat, & acta ad se transportari faciat.

Declaratio secunda.

§.4. Tertia est, quod si causa coram Congregatione coepta fuerit, & deinde aliquod emergens supervenerit, tunc nedum illa causa coepta, verumetiam illud emergens a Congregatione expediatur.

Declaratio tertia.

§.5. Quarta, quod si causa in ipsa Congregatione decisa requirat, ut super illa expediatur supplicatio, vel breve, tunc decrevit Sanctitas sua, quod in ipsa supplicatione, vel in ipso breve fiat mentio, causam de ordine Congregationis fuisse ita terminatam.

Declaratio quarta.

§.6. Quinta, quod si alicui Congregationi occurrerit, pro rebus ad ipsam Congregationem spectantibus brachio seculari indigere, tunc recurratur ad Gubernatorem, Auditorem Camera, Vicarium, sive ad alium judicem, qui præceptis ab ipsa Congregatione factis, obedire teneatur.

Declaratio quinta.

## CXVIII.

Prohibitio ad arma ex quibusvis causis, præter hic exceptas armatorum manus, aut cavalcas, tumultuosasque hominum collectas in Statu Ecclesiastico congregandi.

*De materia vide quæ notavi ad Const. XXII. Joann. XXII. Ad hoc Tom. III. Par. II. fol. 184., & etiam Pauli II. Const. IV. Viros Tom. III. Part. III. fol. 120., ac Alexand. VI. Const. II. Inter ibidem fol. 234. Necnon Constitutionem Marchiæ li. 1. c. 15. & lib. 4. cap. 42. Ac Urbis Statutum lib. 2. cap. 34.*

## SIXTUS EPISCOPUS

SERVUS SERVORUM DEI

Ad perpetuam rei memoriam.

**D**UM pro communi totius gregis Domini salute, fidei nostræ divinitus prohibitionis.

Causa hujus prohibitionis.

E e e

cre-

Hæc Constitutio sit perpetua, & inter Apostolicas Constitutiones annumeretur.

Sanctio penalis.

D. P. An. III.  
22. Januarii.



crediti, sollicitis studiis invigilamus, eam quasi peculiarem, & privatam populorum, nostro, & S. R. E., cui Deo auctore præsidemus, temporali dominio subiectionum curam suscipimus, ut in quibuscumque ejusdem domini Provincis, Civitatibus, Oppidis, & locis, armorum, tumultuum, & seditionum turba, & strepitus conquiescat, ac inde omnis iniuria, & violentiæ terror propulsetur, atque facinorosorum hominum audacia, & immanitate compressa, securitas, quies, & tranquillitas perpetuo vigeat, & conservetur. Est enim rationi consentaneum, ut Sedes Apostolica, quæ cunctis mortalibus justitiam ministrat, suos præcipue subditos in officio contineat, & cujus auctoritas ab ipso Domino constituta, apud omnes etiam exterarum gentes, ac nationes, sacrosancta, & inviolabilis permanet, debitam obedientiam, & reverentiam, quam summi Reges, & Principes ei præstant, magis ab iis exigit, qui ipsius regimini in temporalibus subiecti, neminem alium Principem, præter Romanum Pontificem agnoscunt, ut quæ denique universos fideles sublevare solet, hos potissimum in suam tutelam specialiter receptos, ab omni iniuria vindicet, atque illæsos defendat, & tueatur.

Prohibitio convocandi ad Arma & Cavalcatas, seu Adunatas faciendi, per quascumque Universitates, seu personas quavis dignitate fungentes S. R. E. mediate, & immediate, in quibuscumque casibus; præter infra exceptos.

§. I. Quare Nos considerantes primum quidem in quantas rerum perturbationes, in quam intolerabilem perditionem, & sceleratorum hominum licentiam noster Pontificatus sui initio inciderit, vel ad eas potius fuerit divina providentia reservatus; deinde vero quam benignenaverit cœptis nostris divina majestas, quam facile non obscura Dei Omnipotentis voluntate hæc, qua fruimur, quies, & tranquillitas sit consecuta, numquam cessamus, quantas maximas animus noster capere potest, eidem divinæ bonitati, in qua sola confidimus, gratias agere, & ne in aliquo pastoralis nostri officii partes desideretur, his quasi fundamentis constituendæ Reipublicæ præclare factis, novis eam præsidii in dies magis ac magis confirmare, & communire studemus. Cum igitur inter alios, qui in temporali Statu nostro Ecclesiastico irrepsérant, quosque a Nobis magna ex parte sublato omnino abolere nitimur, pravorum abusus, ille sit maxime damnabilis, ut Barones, Domicelli, aut Communitates, vel universitates, aut Magistratus Civitatum, Oppidorum, Terrarum, Castrorum, & locorum prædictæ Romanæ Ecclesiæ temporali ditioni subiectionum, sub prætextu recuperandæ, sive manutenendæ, aut adipiscendæ possessionis bonorum immobilium, finium, seu terminorum, & limitum territorii, vel agrorum, quæ ad se legitime pertinere prætendunt, dum se jus suum, tueri, aut consequi velle, & bona sua ab illicitis detentoribus, vel occupatoribus vindicare profitentur, ad arma populos convocare, & incitare, tumultus facere, & commovere, armatorum hominum copias cogere non dubitent, ex quibus postmodum quandoque contigit, ut commotis se-

ditionibus auxilium facinorosorum, seu etiam bannitorum evocent, imbecilliores per injuriam opprimant, agros vastent, aliena rapiant, & invadant, pacificos possessores expellant, quietem publicam perturbent, in Dei offensam animarum perniciem, & scandalum plurimorum. Nos attendentes ad hoc potissimum sanctæ hujus Sedis potestatem, & auctoritatem in supremo justitiæ throno, Deo disponente, collocatam, & viribus ad regendos subditos necessariis fuisse satis instructam, & roboratam, ut per Romanum Pontificem illi præsentem cunctis æqua lance jus suum sine aliqua perturbatione tribuatur, ideoque minime ferendum, ut quis temere, vel vi adhibita, jus sibi dicat, sed magis talem improbitatem, & audaciam, legum severitate, & gravioribus poenis propositis compescendam, & coercendam esse censentes, habita cum Venerabilibus Fratribus nostris S. R. E. Cardinalibus deliberatione matura, de eorum consilio pariter, & assensu, hac nostra perpetuo valitura Constitutione districte interdiciamus, & prohibemus universis, & singulis Ducibus, Principibus, Marchionibus, Comitibus, Baronibus, & Domicellis quacumque etiam Ecclesiastica dignitate fungentibus, necnon Vicariis, Feudatariis, armorum Ductoribus, Capitaneis, Magistratibus, Communitatibus, Universitatibus, & Officialibus, ac aliis personis Civitatum, Oppidorum, Terrarum, Castrorum, & aliorum quorumcumque locorum ipsi Romanæ Ecclesiæ mediate, vel immediate in temporalibus subiectionum, cujuscumque status, gradus, & conditionis existentibus, ne posthac quisquam eorum, propter prædictas, vel alias, etiam urgentiores, & urgentissimas, etiam consuetudine permissas causas, etiam si ab aliis provocati, & laceßiti fuerint, etiam propter, & adversus hujusmodi manifestas injurias, aut recuperandæ, vel adipiscendæ possessionis, seu quasi dominiorum, statuum, feudorum prædictorum, agrorum, finium, limitum, & terminorum, ac quorumcumque jurium, & bonorum ad eos, vel ad Ecclesias, Monasteria, Hospitia, de eorum jurepatronatus, seu præsentandi, aut sub ipsorum cura, administratione, vel protectione recepta quomodolibet pertinentium, sive violenter, aut de facto recuperare, vel adeptæ, retinendæ, & tuendæ, vel alio quovis prætextu, aut quæsito colore, vel ingenio, militum copias cogere, comparare, vel ducere, neve populos, vel figillatim singulares personas, publice, aut privatim, palam, vel occulte ad arma, ut dictum est, convocare, conclamare, concitare, neque armatorum manus, cæsus, conventus, seu illicitas, & tumultuosas collectas, vel etiam ut vocant, cavalcatas, vel adunatas facere, vel insimul congregare, aut aliquid hujusmodi, per se, vel per alium moliri, aut machinari audeat, vel præsumat. Quare his præsentibus monemus tam dictos Duces, & reliquos, quam Communitates, ac Uni-



Universitates, quæ super possessione, seu quasi, aut super finibus, limitibus, seu terminis Territorii, vel agrorum, aut aliis, hujusmodi rebus, aliquas inter se lites, vel controversias habent, ut si illas extrajudicialiter, aut amicabiliter componere, seu super eis transigere commode nequeunt, easdem in iudicium deducant, siue deductas prosequantur, & donec legum ac iudicium auctoritate illæ definiantur, seu iustitiæ complementum sibi ministretur, æquo animo ferant, & expectent.

Casus excepti a d. prohibitione.

§.2. Ceterum quoniam interdum aliqua urget occasio armatos homines colligendi, id tantum permittimus, & concedimus in casibus infra scriptis, nempe ut prædicti Duces, & alii prædicti, Communitates, & Universitates, suas Civitates, Oppida, Terras, Castra, Domos, Villas, dominia, loca, & Territoria a grassatoribus viarum, latronibus, sicariis, & bannitis, aliisque similibus notoriis delinquentibus defendant, dum ab ipsis actu infestantur, vel ut secuta, & expurgata custodiant, reosve capiant, & apprehendant, vel captos & apprehensos Gubernatoribus, Potestatibus, Judicibus, aliisque Magistratibus, & Officialibus tradant, siue ut Curie ministris adversus tales facinorosos auxilium, & opem impendant, juxta Constitutionem nostram alias super hoc editam, vel si ad tuenda, & propugnanda loca maritima, tam in Tyrrheni, quam Adriatici maris littore periculosis temporibus adversus Turcas, & piratas, vel alias ex nostro, vel nostrorum Successorum Romanorum Pontificum præcepto, ad arma eos concurrere contigerit. Sed & si quis alius ejusmodi casus ingruat, qui similiter armatorum auxilium deposcere videatur, noverint, Nos, aut pro tempore existentem Romanum Pontificem, quamprimum consulendos esse, a quibus, aut promptum subsidium, aut licentiam super præmissis citius impetrabunt. Si vero necessitas adeo urgeat, aut impellat, ut ad Nos, aut ad Successores Nostros prædictos in tempore, vel opportune recurri non possit, tunc Provinciæ, Civitatum, Oppidorum, Terrarum, & locorum Præfides, Gubernatores, Locatenentes, & Officiales, a Nobis, & Sede Apostolica deputatos adeant, eisque hujusmodi necessitatis causas exponant, ac ab ipsis arma sumendi licentiam obtineant, ita ut tales armatorum collectas, de alicujus ex superioribus prædictis permissu, vel auctoritate factas fuisse manifesto constet.

Pœnæ contravenientium.

§.3. Quod si quis contra præsentem nostram prohibitionem, & interdictum, directe, vel indirecte quicquam attentare, aut aliis mandare, vel transgressoribus adharere, vel favere præsumpserit, eum, si Dux, Princeps, Marchio, Comes, Baro, Domicellus, Vicarius, Feudatarius, aut quævis alia singularis persona extiterit, læsæ Majestatis Reatum verum, ac nulla juris, aut hominis fictione confictum crimen incurrisse, & ejusdem Romanæ Ecclesiæ rebellem, omnibusque, & singulis privile-

giis, gratiis, libertatibus, indultis, exemptionibus, immunitatibus, realibus, personalibus, & mixtis, necnon Ducatibus, Principatibus, Marchionibus, Comitatibus, Civitatibus, Oppidis, Terris, Castris, Dominiis, Vicariatibus, Guberniis, locis, jurisdictionibus, dignitatibus etiam Ecclesiasticis, honoribus, juribus, officiis, ac beneficiis, quorum per infra scriptam privationem vacantium collatio, provisio, & omnimoda dispositio Nobis, & Apostolicæ Sedi perpetuo reservata sit, & esse censeatur, ita ut de illis per alium, quam per Nos, aut pro tempore existentem Romanum Pontificem disponi nullo modo possit aut debeat, necnon pensionibus, & fructibus Ecclesiasticis, ac etiam quibuscumque feudis, & concessionibus, quæ a Romana prædicta, & aliis quibuscumque Ecclesiis obtinet, & in futurum obtinebit, ceterisque omnibus in Sedis Apostolicæ temporali dominio possessis, immobilibus mobilibus, & semoventibus, bonis, juribus, & actionibus eo ipso privatum, ipsumque, & illius filios ad illa, & qualibet alia in posterum obtinenda, ac quoscumque actus legitimos exercendos inhabiles, & indignos fore, & esse. Ac præterea a dicto Statu Ecclesiastico universo, una cum sua familia perpetui exilii poena damnari debere, domosque, ædificia, arces, & fortalitia ejusdem demolienda, & solo æquanda, seu aliis Camera Apostolicæ juribus adscribenda esse, nec illis portam ullius dignitatis Ecclesiasticæ, vel mundanæ unquam patere statuimus, decernimus, & declaramus. Insuper Vassallos, Custodes, Vicarios, Capitaneos, Potestates, Officiales, Populos, & subditos eorumdem a fidelitatis juramento ac homagii, & quocumque alio jure, quo ipsis quomodolibet adstricti fuerint, ex nunc penitus absolvimus, & liberamus. Ducatus vero, Domina, Vicariatus, Gubernia, Feuda, Civitates, Oppida, Terras, Castra, & loca, ceteraque bona prædicta, necnon jura, & actiones cum fructibus, redditibus, proventibus, & emolumentis eorumdem, Fisco nostro, & Camera prædictæ ipso facto, & absque aliqua declaratione, etiam in præjudicium filiorum, & aliorum descendantium in investituris, concessionibus, seu aliis dispositionibus compræhensorum, in omnibus, & per omnia, perinde ac si per lapsum temporis illorum concessionis, & finitam lineam ad ipsam Camera devoluta essent, confiscamus, & applicamus. Sin autem Communitates, & Universitates in præmissis consilio deliquerint, eas omnibus, & quibuscumque Castris, Villis, & jurisdictionibus, ac communibus bonis, rebus, & juribus ad illas pertinentibus, immunitatibus, exemptionibus, libertatibus, & indultis eis quomodolibet concessis similiter privamus, privatasque declaramus, ac dicta Castra, Villas, ac jurisdictiones, bona, res, & jura similiter Fisco, & Camera prædictis applicamus, & appropriamus. Statuentes etiam contra principales auctores, & par-



ticulariter delinquentes tamquam dicti criminis læsæ majestatis reos, ut præfertur procedi debere. Et nihilominus omnem, & quamcumque possessionem, seu quasi sic de facto contra præsentem nostram Constitutionem, cum manu seu collecta armatorum hominum in futurum pro tempore apprehensam, usurpatam, detentam, vel occupatam, sive adipiscendo, sive taliter adeptam retinendo, sive recuperando, omnesque actus possessorios, vel quasi, quomodolibet factos, necnon super illis confecta instrumenta, rogitus, & alia acta, & inde secuta quæcumque annullamus, irritamus, & viribus evacuamus, necnon penitus cassamus, & abolemus, ac pro irritis, nullis, & infectis, & mere attentatis habenda, nulliusque roboris, vel momenti esse, ac nullum inde jus, nullamque actionem, cuiquam de novo acquiri, nasci, aut competere, neque postmodum lapsu temporis etiam longissimi ex hujusmodi possessione ab initio, ut præfertur, vitiosa, ullam præscriptionem sequi, aut cuiquam ullo tempore suffragari posse. Quinimmo prædictis delinquentibus amotis, & expulsi priorem possessorem in primis, & ante omnia in suam pristinam possessionem, seu quasi restituendum, & plenarie reintegrandum, & donec, & quousque cui illa de jure competat legitime decernatur, manutenendum esse, eosdemque delinquentes ad damna, expensas, & quicquid interest, parti læsæ reficienda, & refarcienda teneri, & efficaciter obligatos existere, ac ad id cogi, & compelli. Super præmissis vero omnibus, & singulis per accusationem, delationem, inquisitionem, & quovis alio meliori modo, tam ad partis, & Fisci instantiam, quam ex mero officio civiliter, criminaliter, aut mixtim procedi posse.

Decretum irritans.

§.4. Sicq. per quoscumque Judices Ordinarios, & delegatos quavis auctoritate fungentes, etiam causarum Palatii Apostolici Auditores, & S. R. E. Cardinales sublati eis, & eorum cuilibet aliter judicandi, & interpretandi facultate, & auctoritate, ubique judicari, & definiri debere, ac quicquid secus super his a quoquam quavis auctoritate scienter, vel ignoranter attentari contigerit, irritum, & inane pariter decernimus, & declaramus.

Clausulæ derogatoriæ.

§.5. Non obstantibus Constitutionibus, & Ordinationibus Apostolicis, statutisque, & consuetudinibus quarumvis Provinciarum, Civitatum, Oppidorum, Terrarum, Castrorum, & locorum, necnon privilegiis, indultis, & literis Apostolicis, ac investituris, & concessionibus prædictis quoquo modo factis, concessis, approbatis, & innovatis. Quibus omnibus, eorum tenores præsentibus pro sufficienter expressis habentes, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Forma & effectus publicationis hujus Constitut.

§.6. Volumus autem, ut eadem præsentibus ad valvas Lateranen., & Principis Apostolorum de Urbe Basilicarum, & in

acie Campi Floræ de more affigantur, & illis detractis transumpta inibi affixa relinquantur, factaque hujusmodi publicatione hic in Urbe, & in ejus districtu post quindecim, alibi vero post triginta dies, quoscumque perinde arceant, & afficiant, ac si eorum unicuique personaliter intimatæ fuissent. Sed & quo facilius possint ad universorum notitiam pervenire, mandamus omnibus, & singulis Vicelegatis, Præsidentibus, & Gubernatoribus Provinciarum, & Civitatum quarumcumque dictæ nostræ ditionis Ecclesiasticæ, ut in sua quisque residentia, Civitatibus, Oppidis, Terris, & Castris sibi benevisis, curent easdem nostras literas in locis consuetis de more publicari.

§.7. Et quia difficile foret illas ad eorum quemlibet, & ad singula loca ubi opus erit deferre, decernimus transumptis ipsis etiam impressis, Notarii publici manu subscriptis, & sigillo alicujus personæ in dignitate Ecclesiastica constitutæ munitis, in judicio, & extra illud, ubique eandem fidem adhibendam esse, quæ ipsis originalibus adhiberetur, si essent exhibitæ, vel ostensæ.

Nulli ergo omnino hominum liceat hanc paginam &c.

Datum Romæ apud Sanctum Petrum, Anno Incarnationis Dominicæ, millesimo quingentesimo octuagesimo octavo, undecimo Kalendas Martii, Pontificatus nostri Anno III.

Transumptorum fides, & Sanctio personalis.

D.P. An.III.  
19. Februarii.

✠ Ego Sixtus Episcopus  
Catholicæ Ecclesiæ subscripsi.

Papæ subscr.

- ✠ Ego Alexander Cardinalis Farnesius Episcopus Ostien. Vicecancellarius.
- ✠ Ego Jo. Antonius Episc. Portuen. Card. S. Georgii.
- ✠ Ego Alph. Cardin. Gesualdus Episcopus Tusculanus.
- ✠ Ego Inn. Avalos Card. de Arag. Episcopus Sabinen.
- ✠ Ego Marcus Antonius Card. Columna Episcopus Prænestin.
- ✠ Ego Ptolomæus Cardinalis Comensis Episcopus Albanen.
- ✠ Ego Marcus Siticus Card. ab Altaemps tit. S. Mariæ Transtiberim.
- ✠ Ego Petrus Cardinalis Sanctacrucis tit. S. Clementis.
- ✠ Ego Gabr. Card. Paleottus tit. S. Laurentii in Lucina.
- ✠ Frater Michael Bonellus Cardinalii Alexandrinus tit. Sanctæ Mariæ super Minervam.
- ✠ Ego Ludovicus tit. S. Anastasiæ Presbyter Cardinalis.
- ✠ Ego Nicolaus de Pelleve tit. S. Prædix Card. Senonen.
- ✠ Jul. Anton. tit. S. Bartholomæi in Insula Presb. Card. S. Severina.

Card. subscr.

Ego Hie-



- \* Ego Hieronymus Cardin. Rusticucias tit. S. Susanna.
- \* Ego Joan. Hieronymus Card. Albanus tit. S. Joannis ante portam Latinam.
- \* Ego Hieronymus Cardinalis Simoncellus tit. S. Priscæ.
- \* Ego Petrus Card. Deza tit. S. Hieronymi Illyricorum.
- \* Antonius tit. SS. Joannis, & Pauli Presbyter Card. Carafa.
- \* Ego Joan. Antonius Card. SS. Quatuor.
- \* Ego Joan. Baptista Card. tit. S. Marcelli.
- \* Ego Franciscus Card. de Joyeuse tit. Sanctissima Trinitatis in Monte Pincio.
- \* Ego Julius Card. Cananus tit. S. Eusebii.
- \* Ego Nicolaus Cardinalis Cremonen. tit. S. Cæcilie.
- \* Ego Antonius Maria Card. Salviatus tit. S. Mariæ de Pace.
- \* Ego Aug. Card. Veronen. tit. S. Marci.
- \* Ego Vincentius tit. S. Mariæ in Via Card. Montis Regalis.
- \* Ego Philippus Cardinalis Spinula tit. S. Sabina.
- \* Ego Scipio tit. S. Salvatoris in Lauro Card. Lancellottus.
- \* Ego Vincentius Cardinalis Gonzaga tit. S. Alexii.
- \* Ego Henricus Card. Cajetanus tit. S. Pudenticæ S. R. E. Camerarius.
- \* Ego Joan. Baptista Card. Castrucius tit. S. Mariæ in Araceli.
- \* Ego Federicus Card. Cornelius tit. Stephani in Monte Celio.
- \* Ego Dominicus tit. S. Laurentii Cardinalis Pinellus.
- \* Ego Hippolytus Card. Aldobrandinus tit. S. Pancratii, Major Pœnitentiarius.
- \* Ego Hieron. tit. S. Petri ad Vincula Cardinalis de Ruvere.
- \* Ego Philippus Cardin. de Lenoncourt tit. S. Honuphrii.
- \* Ego Frater Hieronymus Card. Ascul. tit. S. Thomæ in Parione.
- \* Ego Antonius Maria tit. S. Agnetis in Agone Cardinalis Pegasus.
- \* Ego Frater Constantinus Card. Sarnanus tit. S. Petri in Monte Aureo.
- \* Ego G. Card. Alanus tit. S. Martini in Montibus.
- \* Ego Scipio tit. S. Mariæ de Populo Cardinalis Gonzaga.
- \* Ego Anton. tit. S. Vitalis Card. Saulius.
- \* Ego Evangelista tit. S. Matthæi in Merulana Card. Cusentinus.
- \* Ego F. Stephanus tit. SS. Marcellini, & Petri Presb. Card. Aretinus.
- \* Ego F. Card. Sfortia Diacon. S. Nicolai in Carcere.
- \* Ego Alexander Card. Montaltus, Diaconus S. Eustachii.
- \* Ego Hieron. S. Mariæ in Cosmedin Diac. Cardinalis Matthæus.
- \* Ego Benedictus S. Agathæ Diac. Card. Justinianus.
- \* Ego Ascanius SS. Viti, & Modesti, & Crescentiæ Diac. Card. Columna.
- \* Ego Federicus S. Mariæ in Domnica Diaconus Card. Borromæus.

Anno a Nativitate D. 1588. indict. 1. die vero veneris, undecima mensis Martii, Pontificatus Sanctiss. in Christo Patris, & D. N. D. Sixti divina providentia Papæ V. anno ejus tertio retrospectæ literæ Apostolicæ affixæ, & lectæ, & publicatæ fuerunt, in valvis seu portis S. Joannis Lateranensis, & S. Petri Principis Apostolorum de Urbe, necnon Cancellariæ Apostolicæ, & acie Campi Floræ, & per aliquod temporis spatium dimissæ, per Nos Jo. Baptistam Bagni, & Jo. Burlurault SS. D. N. Papæ Cursores. Alex. Parabiacus mag. Curs.

## CXIX.

Adscriptio S. Bonaventuræ Balneoregiensis inter egregios Sanctosque Catholicæ Ecclesiæ Doctores, cum Indulgentiis pro ejus Festivitate die 14. Julii celebranda.

Canonizationem hujus Sancti præfinivit Sixtus IV. ut in sua Constit. XXVI. Superna Tom. III. Par. III. fol. 182.

Aliorum Ecclesiæ Doctorum, & Evangelistarum festa, duplici officio celebrari jussit Bonifacius VIII. in Extrav. I. de Reliq. & ven. Sanct.

## SIXTUS EPISCOPUS

## SERVUS SERVORUM DEI

Universis venerabilibus fratribus nostris Patriarchis, Primatibus, Archiepiscopis, Episcopis, & dilectis filiis aliarum Ecclesiarum Prælati per universum Terrarum Orbem constitutis, salutem & Apostolicam benedictionem.

**T**riumphantis Hierusalem gloriam sempiternam, & Sanctorum cum Christo felicissime regnantium, numquam marcescentes coronas cum gaudio admirans Sancta Mater Ecclesia, adhuc in terris militans, ad eandem vero justitiæ coronam festinans, Deum in Sanctis suis mirabilem prædicare non cessat. Nec vero insignes tantum victorias, & præclara Sanctorum merita eximiis laudibus celebrat, sed eosdem Sanctos, quos Deus mirifice honorificat, ipsa quoque pie veneratur, ac colit, quorum nimirum prædicatione, salutarique doctrina instituta, sanguine fundata, illustribus caritatis operibus, atque exemplis educata, ferventibus illorum apud Deum precibus quotidie adjuvatur. Quamobrem debitis etiam, congruisque honoribus unicuique Sanctorum singulatim tribuendis, ad cœlestis illius Hierarchiæ, ubi omnia in caritate perfecta ordinata sunt, normam, atque imaginem sese conformare, quantum quidem in hujus prætereuntis mundi exilio licet, maxime studet. Nam quemadmodum in magna illa summi Patrisfamilias, bonisque omnibus cumulata domo, mansiones multæ sunt, & beatæ illæ animæ mira quadam varietate unius gloriæ beatitudine perfruuntur, sic Catholica Ecclesia, quæ cœlestis illius effigies est, ut castrorum acies ordinata, in v-

Proceium.

nera-



neratione Sanctis Dei adhibenda, sacros illos ordines, divino illustrata lumine agnoscit, atque distinguit. Itaque dum gloriosum Apostolorum Chorum, dum Prophetarum laudabilem numerum, dum fortissimorum Martyrum laudat exercitum, ceterisque Sanctis suo loco, & ordine rite honores deferit, in uno caritatis spiritu, & consimili piæ devotionis affectu multipliciter exultat. Inter illos vero beatissimos Sanctorum Choros, quorum memoria a cunctis fidelibus religioso cultu merito celebratur, insigni splendore elucet Sanctorum Doctorum Ordo a Paulo Apostolo discrete enumeratus, cum ait, & ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores, & Doctores, quos vineæ suæ strenuos, fidelesque cultores, atque operarios constituit, ad consummationem Sanctorum in opus ministerii, in ædificationem Corporis Christi. Hi sunt, de quibus Divina Sapientia clamat: Qui elucidant me, vitam æternam habebunt: de his Angelus apud Danielem loquitur: Qui autem docti fuerint; fulgebunt quasi splendor firmamenti, & qui ad iustitiam erudiunt multos, quasi stellæ in perpetuas æternitates: eos denique Salvator ipse Christus Dominus insigni illo elogio ornavit: Qui fecerit, & docuerit, hic magnus vocabitur in regno Cœlorum. Cum autem omnibus temporibus sacrorum Doctorum studium, & doctrinam in Ecclesia Dei utilis, & satutaris fuit, tum maxime fructuosam, & plane necessariam esse res ipsa demonstravit, cum persecutorum Christiani nominis horribili furore represso, in ipsa Ecclesiæ pace, teterrima hæresum bella vehementius excitata sunt, tunc enim hæreticorum doli, & fallaciæ, qui diabolo instigante in agro Domini zizania superfeminare non intermittunt, Doctorum cura, & diligentia detectæ, & pestiferi, ac detestabiles errores gladio spiritus amputari, & Catholicæ veritatis vi, sacris Doctoribus administris mendacium prostratum, quare jure optimo Hyadum stellarum nomine Sancti Doctores in Ecclesia designantur, qui perfrigida hyemem, & longis infidelitatis noctibus expletis, & persecutionis tempestate sedata, tunc clariores Sanctæ Ecclesiæ exorti sunt, cum veritatis sol per corda fidelium altius calesceret, & tamquam novo fidei vere lucidior annus aperiretur.

S. Bonaventuræ a Sixto IV. est canonizatus, ut in rubrica.

§.1. Jam vero inter eos, quos Dominus magnus spiritu intelligentiæ replere voluit, quique tamquam imbres eloquia sapientiæ suæ in Ecclesia Dei emisserunt, merito numeratur S. Bonaventura Confessor, & Pontifex, & in eadem Catholica Ecclesia Doctor eximius, quem fel. rec. Sixtus Papa IV. Prædecessor noster, ob admirabilem vitæ sanctitatem, & præcellentem doctrinam in Sanctorum numerum adscripsit.

S. Bonaventuræ vita recensetur.

§.2. Is enim Balneoregii in Etruria natus, ut piæ matris voto satisfaceret, adolescens Seraphicam Sancti Francisci Religionem est ingressus, per cujus vestigia recentia adhuc novus Christi miles, humili-

ter, & constanter incedens, saluberrimam regularium institutorum observantiam tanto animi ardore, tantaque cordis aviditate auxit, ut summa in eo sanctitas appareret, ac vitæ innocentia, & castitate, sancta humilitate, patientia, mansuetudine, terrenarum rerum displicentia, cœlestium desiderio omnibus, & exemplo, & admirationi esset, tanta quoque spiritus dulcedine, & divini amoris fervore inflammatus in Deum rapiebatur, ut jam in cellam vinariam sponsi introductus, & vino optimo caritatis ebrius, Jesum Christum Crucifixum, & patientem utique intueri, & in ejus vulneribus habitare videretur. Ad hanc vero eximiam vitæ sanctitatem vir Dei magnam, præstantis doctrinæ laudem adjunxit, Deo ita disponente, ut ad ejus gloriam, & Ecclesiæ utilitatem, non solum exemplo, sed verbo, & eruditione magnopere proficeret. Itaque cum in sacrarum literarum studio Sanctorum Patrum lectione, & Scholasticæ Theologiæ perneccessaria disciplina, Alexandro de Ales magistro, insigni illius ætatis Theologo, diligentissime versaretur, brevi temporis spatio excellentis ingenii bonitate, assiduo labore, & quod caput est, gratia Spiritus Sancti, qui vas aureum in honorem electum omni ex parte formabat, tantos progressus fecit, & ad tantam doctrinæ perfectionem pervenit, ut Doctoris, & Magistri insignibus in celeberrimo Parisiensi Gymnasio solemniter more decoratus, sacram Theologiam ibidem publice professus sit.

§.3. Tantam vero laudem in interpretandi munere, & in universæ Theologiæ scientia est consecutus, ut viri doctissimi ejus doctrinam, & eruditionem admirarentur. Et quidem multiplices sancti viri lucubrationes, & præclara scripta, quæ adhuc magna Ecclesiæ utilitate, & non mediocri Deo beneficio extant, quæque, & nostræ, & superiorum ætatum viri eruditi multo cum fructu legerunt, & magnopere comprobarunt, quantus ille in Theologiam fuerit, satis declarant. Ea enim divini ingenii sui monumenta posteris reliquit, quibus perdifficiles, & multis obscuritatibus involutæ quæstiones, magna optimorum argumentorum copia, via, & ordine enucleate, ac dilucide explicantur, Fidei Catholicæ veritas illustratur, perniciosi errores, & prophanæ hæreses profligantur, & piæ fidelium mentes ad Dei amorem, & cœlestis patriæ desiderium admirabiliter inflammantur. Fuit enim in S. Bonaventura id præcipuum, & singulare, ut non solum argumentandi subtilitate, docendi facilitate, definiendi solertia præstaret, sed divina quadam animos permovendi vi excelleret, sic enim scribendo cum summa eruditione parem pietatis ardorem conjungit, ut lectorem docendo moveat, & in intimos animi recessus illabatur, ac denique Seraphicis quibusdam aculeis cor compungat, & mira devotionis dulcedine perfundat, quam sane gratiam in ejus ore, & calamo diffusam admirans Prædecessor noster

S. Bonaventuræ virtutes, laudes & præclara gesta enarrantur.



Sixtus IV. Pontifex illud dicere non dubitavit, Spiritum Sanctum in eo locutum videri.

S. Bonaventura Generalis Minister, in ordine septimus post Sanctum Franciscum creatus fuit.

§.4. Cum igitur servo fidei tam multa, & præclara a Domino talenta essent credita, ut illis ad fratrum utilitatem exercendis, & negociandis, cœlestis gratiæ thesauros amplificaret, divino consilio, & summo totius sui Ordinis consensu, Romæ Minister generalis septimus post Beatum Franciscum est factus, quo in officii munere non solum prudentiam, vigilantiam, sollicitudinem præstitit, sed tanto fraternæ caritatis ardore exarsit, tantaque Christianæ humilitatis demissione fratribus inservivit, ut in eo illud Salvatoris agnosceretur, qui major est in vobis, sit vester minister.

Archiepiscopus Eboracen. a Clemente IV. ei oblatum, & ab eo recusatum fuit.

§.5. Quin, & piæ memoriæ Prædecessor noster Clemens Papa IV., qui sanctum virum valde dilexit, & ejus doctrina mirifice est delectatus, ut tam excellens virtus, & prudentia ad multorum utilitatem latiori in campo excurreret, insignem Eboracensem Archiepiscopatum ei obtulit. Ille vero cum se a Seraphicæ paupertatis complexu divelli non facile pateretur, oblatam dignitatem modeste, atque humiliter recusavit.

Ad generale Conc. Lugd. a Gregor. X. vocatus, & humilissime exceptus fuit.

§.6. Ceterum cum Gregorius X. Summus Pontifex ob gravissimas Christianæ Reipublicæ causas Concilium generale Lugdunum indixisset, virosque sanctitate, doctrina, sapientia præstantes perquireret, quorum forti, & fidei opera ad rei maximæ tractationem, atque explicationem uteretur, duo in primis clarissima illius ætatis lumina e duobus florentissimis Ordinibus Prædicatorum, & Minorum delegit Sanctos, Thomam, & Bonaventuram, quos ad se ire iussit. Sed cum alter in ipso itinere in morbum incidisset, atque ad gloriæ coronam feliciter evolasset, S. Bonaventura Lugdunum profectus, humanissime exceptus est a Romano Pontifice Gregorio, qui in ejus virtute, & sapientia ita acquiescebat, ut Concilii recte dirigendi, & administrandi partes ei præcipue tribuendas esse decerneret. Quare ex publica Ecclesiæ utilitate, & necessitate, ut majori cum dignitate, & auctoritate Concilii rebus non solum interesset, sed præesset, statuit lucernam ardentem, & lucentem supra excelsum candelabrum ponere, ut in domo Dei magis luceret.

Cardinalisque & Episcopus Alban. ab eodem Pontifice ibi creatus fuit.

§.7. Itaque Sanctum Bonaventuram nullos honores appetentem, fugientem potius, sed Christi Vicario obtemperantem, nullosque pro Ecclesiæ labores subire recusantem, tamquam in totius Orbis terræ theatro in sacrum Cardinalium Collegium; & in Episcoporum Ordinem statim cooptavit, nam Ecclesiæ Albanen. illum præfecit, qui honos antiquioribus Presbyteris Cardinalibus tribui solet. Qua ille amplissima dignitate auctus universam in Dei gloriâ, & Ecclesiæ utilitatem contulit, etenim in rebus Concilii arduis operam egregiam præstitit, Catholicam Fidem constantissime defendit, pravas opiniones acerrime refutavit, ejusdemque prudentia, doctrina,

sanctitate, orationibus, Gregorii Pontificis Pastoralis sollicitudo tantopere adjuncta est, ut sublato per Dei misericordiam schismatis diffidio, Michael Palæologus Græcorum Imperator, Orientalesque Nationes, ad Apostolicæ Sedis obedientiam, unitatem, communionemque redierint, ac denique dignus habitus est, quem Græci Euty-chii nomine appellarent.

§.8. Merito igitur cum paulo post in eodem Concilio fortissimus Christi Athleta ex hujus vitæ peregrinatione ad cœlestem patriam emigrasset, omnes ejus mortem, doluerunt, omnes communem jacturam deplorarunt, omnes illius funus lacrymis, & laudibus ornarunt, sed unus præter ceteros viri sanctissimi vitam integerrime actam, mores probatissimos, labores permultos pro Ecclesiâ susceptos, doctrinam in illo ipso Concilio spectatam insigni laudatione verissime celebravit. Is fuit piæ memoriæ Petrus Cardinalis a Tarantasia, vir eruditione, & Christiana eloquentia præstans, qui postea ad Pontificatus fastigium, evectus, Innocentius Papa V. est appellatus. Ipse vero Summus Pontifex Gregorius X. ex intimi animi sensibus amissum fratrem, adiutorem, & consiliarum fidelissimum dolens, palam gravibus verbis testificatus est, Catholicam Ecclesiâ, quæ ex tanti viri pietate, & doctrina fructus uberrimos acceperat, magnam illius morte jacturam fecisse. Sed vere a Spiritu Sancto dictum est. In memoria æterna erit justus: nam qui in vita illustris fuerat, multo post mortem factus est illustrior, Deo, qui admirabilis, & gloriosus est in Sanctis suis, signis compluribus, ac prodigiis, & miraculis maxime insignibus Servi sui sanctitatem comprobante.

§.9. Quorum miraculorum fama cum apud omnes percrebresceret, idem Sixtus Prædecessor noster e sublimi Apostolicæ Sedis specula ea aspiciens, digitum Dei, qui facit mirabilia magna solus, ibi plane esse intellexit, itaque, & sponte sua, & clara memoriæ Federico Romanorum Imperatore, Regibus, Rebuspub., Ducibus, Civitatibusque per multis vehementer requirentibus, ac omnium fere fidelium consensu efflagitante, de viro præstantissimo Bonaventura Episcopo Cardinali in Sanctos referendo, Pontifice Romano dignam cogitationem suscepit. Summa igitur cura, & diligentia, vitæ illius eximia sanctitate, & miraculorum veritate examinata, atque comperta, omnibus denique, quæ ad eam rem pertinebant, rite recteque actis ad Dei gloriam, & Ecclesiæ Catholicæ exaltationem, pro sua summa, eique a Deo in Beato Petro Apostolo tradita potestate, eundem Beatum Bonaventuram de Fratrum, suorum S. R. E. Cardinalium, & Prælatorum omnium consensu in Sanctos retulit, & in Sanctorum Confessorum Pontificum Doctorum numerum adscripsit, atque aggregavit, ejusque festum Anniversarium diem, secunda mensis Julii Dominica die celebrari, officiumque de eo, veluti de Confessore Pon-

Et post multa ejus præclara gesta in rebus Concilii, & Fidei augmento in eodem Concilio decessit, & ad cœlestem patriam migravit, & ejus miraculorum fama percrebuit.

Ideo Sixtus IV. Bonaventuram in SS. Confessorum Pontificum Doctorum numerum aggregavit.



Et modo hic Pontifex ex multis validdissimis rationibus hic expressis, ad ejusdem S. Bonaventuræ sanctitatem & doctrinam illustrandam, animum applicuit.

Pontifice Doctore in universa Ecclesia recitari jussit, aliis item decretis adjectis, quæ in ejusdem Sixti literis plenius continentur.

§.10. Et quamvis gloriosus hic Doctor S. Bonaventura, & in Ecclesia Catholica celeberrimus sit, & in Cœlo maxime resplendeat, ubi corona illa est coronatus, quam repromisit Deus diligentibus se, nec ulla humana re indigeat, qui bonis illis cum Christo perfruitur, quæ nec oculus vidit, nec in cor hominis ascenderunt, vrget Nos tamen caritas Christi, & ardens quidam devotionis affectus, quo erga eum ab ineunte fere ætate perpetuo exarsumus, ut de ejus sanctitate, & doctrina magis magisque propaganda, atque illustranda, quantum cum Domino possumus, cogitemus. Movemur quidem, ut par est, sancta cum eo communione Seraphicæ Religionis nostræ, in qua educati, & tot annos versati sumus, & cui tamquam matri optimemeritæ, omnia pietatis, & grati animi monumenta præstare debemus, sed multo magis movent Nos Dei gloria, pastorale officium quod gerimus, viri sanctissimi pro Ecclesia Dei tot suscepti labores, tot illustria merita, tanta cum Romana Ecclesia conjunctio, in cujus amplissimo ordine, & Senatu summa cum laude consedit. Denique movet Nos Ecclesiæ Universalis utilitas, quæ ex tanti Doctoris eruditione semper major & uberior capi potest, præsertim cum hæreticorum insidiæ & diabolicæ machinationes, quibus sacram Theologiam, quæ Scholastica appellatur, hoc lustruoso sæculo oppugnant, vehementissime Nos magnopere admoneant, ut eandem Theologiam, qua nihil Ecclesiæ Dei fructuosius, omni studio retineamus, illustremus, propagemus. Divino enim illius munere, qui solus dat spiritum scientiæ, & sapientiæ, & intellectus, quique Ecclesiam suam per sæculorum ætates, prout opus est, novis beneficiis auget, novis præsiidiis instruit, inventa est a majoribus nostris sapientissimis viris Theologia Scholastica, quam duo potissimum gloriosi Doctores Angelicus Sanctus Thomas, & Seraphicus Sanctus Bonaventura clarissimi hujus facultatis professores, & primi inter eos, qui in Sanctorum numerum relati sunt, excellenti ingenio, assiduo studio, magnis laboribus, & vigiliis excoluerunt atque ornarunt, eamque optime dispositam, multisque modis præclare explicatam posteris tradiderunt, & hujus quidem tam salutaris scientiæ cognitio, & exercitatio, quæ ab uberrimis divinarum literarum, Summorum Pontificum, Sanctorum Patrum, & Conciliorum fontibus dimanat, semper certe maximum Ecclesiæ adiumentum afferre potuit, five ad Scripturas ipsas vere, & sane intelligendas, & interpretandas, five ad Patres securius, & utilius perlegendos, & explicandos, five ad varios errores, & hæreses detegendas, & refellendas. His vero novissimis diebus, quibus jam advenerunt tempora illa periculosa ab Apostolo descripta, & homines blasphemi, superbi, seductores proficiunt in pejus, errantes, &

alios in errorem mittentes, sane Catholicæ fidei dogmatibus confirmandis, & hæresibus confutandis pernecessaria est, & profecto rem ita se habere ipsimet veritatis inimici sunt Judices, quibus Theologia Scholastica maxime est formidolosa, qui profecto intelligunt, apta illa, & inter se nexa rerum, & causarum coherentia, illo ordine, & dispositione tamquam militum in pugnando instructione, illis dilucidis definitionibus, & distinctionibus, illa argumentorum firmitate, & acutissimis disputationibus lucem a tenebris, verum a falso distingui, eorumque mendacia multis præstigiis, & fallaciis involuta, tamquam veste detracta patefieri, ac denudari. Quanto igitur magis illi hanc munitissimam Scholasticæ Theologiæ arcem oppugnare, & evertere conantur, tanto magis Nos decet hoc invictum Fidei propugnaculum defendere, & hæreditatem patrum nostrorum conservare, & tueri, & acerrimos veritatis defensores meritis honoribus, quantum possumus, decorare.

§.11. Quamobrem ut Seraphici Doctoris eruditio ad multorum utilitatem latius diffundatur, & ex ejus libris, & operibus eruditi, & studiosi viri, copiosiores suavioreque in dies fructus capiant, (quod ad ipsius Sancti, quamquam in Cœlo beatissimi, gloriam aliquam facere non est dubitandum) primum quidem in Alma Urbe nostra in hac Basilica Sanctorum Duodecim Apostolorum, S. Bonaventuræ nomine Collegium instituimus, in quo ex hujus præcipue eximii, devotique Doctoris operibus, & commentariis, sacra Theologia publice explicetur.

§.12. Deinde etiam opera illius omnia, quæ inveniri potuerunt partim nondum edita, nostraque auctoritate, & impensis undique conquisita, partim jam evulgata simul omnia decenti forma, & quam emendatissime imprimi, & e Typographia nostra Vaticana in lucem emitti curamus. Quod autem ab ipso Pontificatus nostri initio, Deo, ut pie credimus, inspirante constanter proposuimus, Sancti hujus Doctoris nomen, & merita gloriosa apud omnes pro viribus celebrare, fideliumque erga eum venerationem augere, & amplificare.

§.13. Sane ad id quoque non mediocriter excitati sumus exemplo san. mem. Pii Papæ Quinti Prædecessoris nostri de Christiana Republica optime meriti, & quem ut parentem adhuc reveremur, & colimus. Is enim religiosa pietate, & singulari devotione permotus, qua afficiebatur erga Sanctum Thomam de Aquino Ordinis sui decus, & Ecclesiæ Catholicæ ornamentum, cupiens eodem modo eundem Sanctum ob ejus præstantissima in Catholicam Ecclesiam merita congruis honoribus exornare, præter alia hoc jussit atque decrevit, ut illius festus dies quotannis duplicis officii ritu ad instar Sanctorum quatuor Ecclesiæ Doctorum perpetuo celebraretur, quod & S. Bonaventuræ Doctori eximio tribui debere æquum profecto existimamus, cum tam mul-

Et ideo Collegium S. Bonaventuræ apud Basilicam SS. Apostolorum de Urbe instituit.

Ejusque opera omnia simul, & emendatissime e Typographia Vaticana in lucem emitti curavit.

Et sicut Pius V. S. Thomam sui Ordinis Prædicatorum decus, exornare volens, ejus festum celebrari jussit. Ita iste, Pōtifex idem S. Bonaventuræ sui Ordinis Conventualium Sancti Francisci ornamēto deberi existimavit ob multā inter ipsos Sanctos virtutis, Sanctitatis, doctrinæ, & meritorum conjunctionē, & similitudinem.



multa inter eos virtutis, sanctitatis, doctrinae, meritorum conjunctio, & similitudo intercedat. Hi enim sunt duae olivae, & duo candelabra in Domo Dei lucentia, qui & caritatis pinguedine, & scientiae luce tatam Ecclesiam collustrant, hi singulari Dei providentia eodem tempore tamquam duae stellae exorientes ex duabus clarissimis Regularium Ordinum familiis prodierunt, quae Sanctae Ecclesiae ad Catholicam Religionem propugnandam maxime utiles, & ad omnes labores, & pericula pro orthodoxa Fide subeunda paratae semper existunt, ex quibus tamquam ex fertili, & bene culto solo quotidie per Dei gratiam foecundae, & fructuosae plantae procreantur, hoc est viri doctrina, & sanctitate praestantes, qui Petri naviculae tot fluctibus agitatae, & Romano Pontifici, ejus clavum non sine magna solitudine tenenti, fortem, & fidelem operam navant. Hi duo Sancti cum essent coevi, iisdemque studiis dediti, condiscipuli, simul Magistri, pari ratione a Gregorio Decimo Summo Pontifice, cum ambo ad Concilium evocarentur, honorati, & in hujus vitae peregrinatione fraterna caritate, spiritali familiaritate, sanctorum laborum societate valde conjuncti fuerunt, & denique pari gressu ad Coelestem patriam commigrantes pariter felices, & gloriosi illa sempiterna beatitudine perfruuntur, ubi eodem caritatis affectu, ut pie credimus, pro Nobis in hac lacrymarum valle laborantibus orant, divinamque opem implorant, ut merito idem Sixtus IV. hos duos Sanctos persimiles, & quasi geminos in Christo fratres agnoscens, statuerit S. Bonaventuram consimili venerationis, & honoris prerogativa, atque S. Thomam decorandum esse.

§.14. Quod igitur a Nobis, & Seraphici Ordinis caritas, & Sancti Bonaventurae meritorum magnitudo, & Catholicae Ecclesiae, cujus gubernacula Nobis, licet immerentibus a Deo commissa sunt, utilitas, & aedificatio requirit, habita super his omnibus cum venerabilibus fratribus nostris Sanctae Romanae Ecclesiae Cardinalibus, deliberatione matura, de eorumdem consilio, & unanimi assensu, & ex certa nostra scientia, ac de attributa Nobis Apostolica potestatis plenitudine, hac nostra perpetuo valitura Constitutione, doctrinam ipsius Sancti Bonaventurae a supradictis Praedecessoribus nostris Clemente Quarto, Gregorio Decimo, & Sixto Quarto laudatam in Concilio Lugdunensi maxime spectatam, in Florentino, etiam ad res difficiles explicandas adhibitam, gravissimorum virorum auctoritate testificatam, & commendatam, & eximio Ecclesiae Doctore dignam, Nos quoque plurimum in Domino laudamus, & commendamus, ac literas ejusdem Sixti Quarti, quas pro expressis hoc loco haberi volumus, excepta ejus ordinatione de festo die S. Bonaventurae secunda Dominica Julii celebrando, harum tenore approbantes, & innovantes, ipsum Sanctum Bonaventuram jure Sanctorum Doctorum consortio ab eodem Sixto Quarto adscriptum, & con-

*Bull. Rom. Tom. IV. Par. IV.*

numeratum, auctoritate Apostolica tenore praesentium inter praecipuos, & primarios, qui Theologicae facultatis magisterio excelluerunt habendum, ac venerandum esse decernimus, & declaramus.

§.15. Atque ob eam causam sperantes in Domino, hujus Seraphici Doctoris lucubrationes ad doctrinam, & devotionem, quam in Clero, populoque Christiano magnopere lucere, & ardere cupimus, maximo adiumento fore, illius libros, commentarios, opuscula, opera denique omnia, prout ex nostra Typographia Vaticana quam emendatissima, ut supra dictum est, emittuntur, ut aliorum Ecclesiae Doctorum, qui eximii sunt, non modo privatim, sed publice in Gymnasiis, Academiis, Scholis, Collegiis, lectionibus, disputationibus, interpretationibus, concionibus, sermonibus, omnibusque aliis ecclesiasticis Studiis, Christianisque exercitationibus citari, proferri, atque cum res postulaverit, adhiberi volumus, & decernimus.

§.16. Et nihilominus, ut sapientissimi hujus Doctoris gloriosa recordatio, si non pro ipsius dignitate, at saltem pro humana tenuitate, ob ingentia illius merita ardentiori studio recolatur, fel. rec. Praedecessorum nostrorum Bonifacii Papae Octavi, qui de sanctis quatuor Doctoribus, & Pii Papae Quinti, de praedicto Sancto Thoma eadem praeceperunt, exemplo adducti praecipimus, ut ejusdem Sancti Bonaventurae dies festus in omnibus Christiani Orbis partibus sub duplici officio a cunctis personis, ecclesiasticis, secularibus, & quorumvis Ordinum regularibus, tam publice quam privatim pridie Idus Julii, (non obstante praedicta Sixti Quarti ordinatione de secunda Dominica dicti mensis) celebrari, atque in Calendariis cum Doctoris nomine, & Festi duplicis adiectione subscribi, & imprimi debeat, etiam si in novissimis Breviarii, & Missalis Romani reformationibus aliter dispositum fuerit, neque secus atque a Nobis, ut supra, ordinatum fuit, per quoscumque quavis auctoritate praeditos, censer, aut interpretari posse decernimus.

§.17. Hortantes universos utriusque sexus Christifideles Civitatis Balneoregii, quae clarissimum hoc edidit lumen, & illius Dioecesis, ut eodem die festo a servilibus, de sanctae Ecclesiae more, operibus abstineant. Ut autem Christifidelium devotio ad Seraphici hujus Doctoris diem festum colendum, ejusque opem pie implorandam eo magis accedatur, quo ex hoc Coelestis gratiae dono se uberius conspexerint esse resectos, de Omnipotentis Dei misericordia, ac beatorum Petri, & Pauli Apostolorum ejus auctoritate confisi, omnibus utriusque sexus Christifidelibus, tam in dicta Civitate, & Dioecesi Balneoregii, quam in praecleara Galliae Urbe Lugduno, ubi ille bono certamine legitime decertato, cursu consumato, fide servata, ex hoc calamitoso saeculo ad meritorum suorum praemium, & coronam in Coelum feliciter migravit,

F f f in

Ejusque opera e Typographia Vaticana emittenda, publice citari decernit.

Festus die 14. Julii duplici officio celebrari jubet.

Indulgentiaque pro die sua festivitatis concedit.

Et doctrinam S. Bonaventurae commendat, & ipsum inter egregios Ecclesiae Doctores annumerat.



in Almaque Urbe nostra, ubi in hac Basilica Sanctorum Duodecim Apostolorum Collegium, a Nobis, ut jam diximus est erectum, constitutis, qui ejus festum hujusmodi, ut ceteras de præcepto Ecclesiæ fervari solitas festivitates, devote colentes, vere poenitentes, & sacramentali peccatorum suorum confessione præmissa, eo die sanctissimum Eucharistiæ Sacramentum sumperint, plenariam omnium peccatorum suorum Indulgentiam, & remissionem misericorditer in Domino concedimus, & elargimur. Qui vero Ecclesias Fratrum Minorum S. Francisci ipso die festo a primis vespers usque ad occasum Solis ejusdem diei devote visitaverint, pias inibi ad Deum preces, prout sua cuique suggeret devotio effundentes, decem annos, & totidem quadragenas de iniunctis eis, seu alias quomodolibet debitis poenitentiis per præsentem literas perpetuo duraturas, quas sub quibusvis indulgentiarum revocationibus, vel limitationibus nullo modo comprehendi volumus, misericorditer in Domino relaxamus.

Hanc Constitutionem ubique promulgari, & observari præcipit.

§.18. Quocirca fraternitati, & discretioni vestræ per Apostolica scripta mandamus, ut præsentem literas, & in eis contenta quæcumque, in suis quilibet Provinciis, Civitatibus, Ecclesiis, & Dioecesibus solemniter publicari, & ab omnibus personis ecclesiasticis, sæcularibus, & quorumvis Ordinum regularibus ubique locorum, & gentium inviolate perpetuo observari procurent.

Ejusque exemplis credi jubet.

Sanctio poenalis.

§.19. Volumus autem, ut earumdem præsentium transumptis &c.

D. P. An.III.  
14. Martii.

§.20. Nulli ergo omnino hominum liceat &c.

Datum Romæ apud Basilicam Sanctorum Duodecim Apostolorum, Anno Incarnationis Dominicæ, millesimo quingentesimo octuagesimo octavo, Pridie Idus Martii, Pontificatus nostri Anno III.

Papæ subscr.

✠ Ego Sixtus Catholicæ Ecclesiæ Episcopus.

*Sequuntur Card. subscriptiones.*

CXX.

Ex Ughello  
Italia Sacra  
Tom.V. pagin. 1318.

Monasterium Sancti Cypriani Mensæ Patriarchali Venetiarum unitur.

SIXTUS PAPA QUINTUS

*Motu proprio &c.*

*Venerabilibus Fratribus Veronen., & Vicent. Episcopis, necnon dilecto Filio Primicerio Ecclesiæ Sancti Marci Venetiarum salutem, & Apostolicam benedictionem.*

Commissariis que facta sunt significat.  
Bulla unionis.

§.1. **H**odie a Nobis emanarunt literæ tenoris subsequentis. Sixtus Episcopus servus servorum Dei. Ad perpetuam rei memoriam.

Apostolici muneris sollicitudo Divina dispositione Nobis licet immeritis delegata, indefinenter requirit, ut ad Ecclesiarum quarumlibet, præsertim Patriarchalium, statum nostræ considerationis intuitum propensius prætendentes, quæ pro illarum Præfulum necessitatibus sublevandis & felici earumdem Ecclesiarum, ac Monasteriorum, & aliorum Regularium locorum quorumlibet directione opportuna remedia fore intelligimus, quamprimum adhibeamus, ac his Pastoralis Officii nostri partes interdum per unionis, & annexionis Monasteriorum eorumdem Ministerium favorabiliter interponamus, ac aliter desuper disponamus, prout rerum, locorum, & temporum qualitatibus undique pensatis, conspiciamus in Domino salubriter expedire.

§.2. Sane cum Venerabilis Frater noster Joannes Patriarcha Venetiarum commendæ, in quam Monasterium SS. Cornelii, & Cypriani de Murano Ordinis S. Benedicti Torcell. Dioecesis, qui antequam de persona Sua Ecclesiæ Venetiarum, tunc certo modo Pastoris solatio destitutæ, Apostolica auctoritate providerent, ut ipsius Monasterii Abbas Ordinem prædictum expresse professus præsidebat, & cum quo post modum in provisionem, & una in ipsa Ecclesia, Monasterium ipsum commendam ad ejus vitam retinere valeret, sub certis usu, modo, & forma expressis dicta auctoritate dispensatum extitit, ex hujusmodi dispensatione abstinebat, necnon omni juri sibi in regimine, & administratione dicti Monasterii, vel ad illa quomodolibet competentem in manibus nostris in favorem dilecti Filii Joannis Emi Clerici Venetiarum cum reservatione omnium, & singulorum dicti Monasterii fructuum, reddituum, & proventuum per ipsum Joannem Patriarcham, quoad viveret, propria auctoritate exceptis dumtaxat ex eis centum ducatis monetæ Venetæ pro dicto Joanne Emo, & Successoribus suis, Monasterium prædictum in titulum commendæ administratione, vel aliter quomodolibet obtinentibus percipiendorum, necnon postquam reservatio fructuum hujusmodi cessaret, quarundam pensionum pro certis personis assignandarum, aut alias sponte, & libere cedere intenderet, libellumque supplicem Nobis desuper porrigi curasset, & dilecti Filii Paulus, & Vincentius quondam Petri Dominici Gradenici, Cives, & Patritii Venetiarum, asserentes Juspatronatus, & præsentandi, seu nominandi personam idoneam ad dictum Monasterium, dum pro tempore vacat, ad ipsum, eorumque Posteriores legitime pertinere, cessionem, & aliis præmissis, habita illorum notitia, se opposuissent, ac eidem Monasterio de alicujus persona aliquem ad ipsorum præsentationem, seu nominationem, aut saltem de eorum consensu provideri, vel aliter de illo disponi non posse, neque debere contenderent. Nos de Monasterii prædicti, illiusque bonorum, & rerum statu, & qualitate, necnon prætenso Jurepatronatus, & præ-

Lite pendente super patronatu, ac jure nominandi ad hoc Monasterium;



& præsentandi, vel nominandi hujusmodi volumus edoceri, & inter alia deprehendimus Monasterium prædictum Civitati Venetiarum finitimum, & competentibus redditibus dotatum, & pro tempore existentem Patriarcham Venetiarum, illiusque regimini, & administrationi, tam in spiritualibus, quam in temporalibus utilem, & commodum existere, & propter facultatem suæ Mensæ Patriarchalis angustam, & pro loci, & personæ dignitate, sine fructuum ipsius Monasterii subventionem decenter sustentari non posse, & licet Juspatronatus hujusmodi legitime verificatum non existeret, vacatione tamen ipsius Monasterii occurrente desuper dubitari, & graves lites, res, controversias, multis difficultatibus obstrictas oriri posse.

Attentaque  
restituere red-  
dituum Men-  
sæ Patriar-  
chalis Vene-  
tiarum;

§.3. Quo circa Nos qui dudum inter alia volumus, quod petentibus beneficia Ecclesiastica aliis uniri tenerentur exprimere verum annum valorem, & beneficii, cui aliud uniri peterent, & semper in unionibus commissio fieret ad partes, vocatis quorum interest, quique etiam decernimus, & intentionis nostræ esse declaramus, quod deinceps per quascumque gratias, seu literas Apostolicas pro mandatis, & declarationibus quibusvis etiam si Motu proprio, & ex certa scientia a Nobis emanarent, nulli Jus sibi quæsitum quomodolibet tollerent his, & aliis Nobis magis notis suadentibus causis, litium, & controversiarum anfractibus obviare, ac prædicti Joannis, & pro tempore existentis Patriarchæ Venetiarum congrue subventioni, Monasteriisque hujusmodi salubri directioni consulere, necnon dilectis Filiis Nobilibus Viris Duci, & Reipublicæ Venetiarum, quorum inveteratum erga Nos, & Sedem Apostolicam devotionis, & reverentiæ Studium, grati animi propensione jugiter amplectimur, rem gratam, & acceptam facere cupientes, necnon quarumcumque unionum, annexionum, & incorporationum eidem Mensæ Patriarchali hætenus factarum tenores, illiusque fructuum, reddituum, & proventuum annum valorem, verumque, & ultimum dicti Monasterii vacationis modum, etiam si ex illo quævis generalis reservatio, & in corpore juris clausa resultet, præsentibus pro expressis habentes.

Sixtus à tali  
Jurepatrona-  
tus illud libe-  
rum declarat;

§.4. Motu, & scientia similibus, & de Apostolica potestatis plenitudine Juspatronatum, & præsentandi, seu nominandi personam idoneam ad dictum Monasterium Paulo, & Vincentio, eorumque posteris, & suæ familiæ ejusmodi, ut præfertur, vel aliter quomodolibet minime competisse, nec competere Apostolica auctoritate declaramus, illudque penitus, & omnino supprimimus, & extinguimus, & abrogamus, ipsumque Monasterium ab illo liberum, & exemptum esse, & fore decernimus.

Perpetuoque  
dictæ Patriar-  
chali Mensæ  
unit.

§.5. Necnon prædictum Monasterium a quo hodie per alias nostras literas certam partem illius bonorum, & jurium dismembravimus, & separavimus, illiusque cer-

*Bull. Rom. Tom.IV. Par.IV.*

tum Prioratum per Nos erectum subjectis modo, & forma tunc expressis, applicavimus, & appropriavimus, prout in dictis literis plenius continetur, cujus, & illi forsann annexorum fructus, redditus, & proventus ad ducentos, & octoginta florenos auri ante dismembrationem prædictam in libris Camera Apostolicæ taxari imponuntur, secundum vero communem estimationem quatuor millium ducatorum auri similia secundum communem estimationem valorem annum, ut accipimus, non excedunt, illiusque Abbatialem dignitatem, cum omnibus, & singulis annexis, juribus obventionibus, emolumentis, proprietatibus, bonis, jurisdictionibus, & pertinentiis suis, exceptis dumtaxat bonis, & juribus, ut præfertur, dismembratis prædictis, eidem Mensæ Patriarchali dicti Joannis Patriarchæ ad hoc expresso accedente consensu etiam perpetuo unimus, annectimus, & incorporamus.

§.6. Itaque liceat ipsi, & pro tempore existentis Patriarchæ Venerabilis prædicti Monasterii, illiusque regiminis, & administrationis, ac reliquorum bonorum, ac proprietatum hujusmodi corporalem, realem, & actualem possessionem per se, vel per alium, seu alios mensæ Patriarchalis hujusmodi nomine, propria auctoritate libere apprehendere, & perpetuo retinere, illorumque fructus, redditus, & proventus, jura, & obventiones, ac emolumenta quæcumque percipere, exigere, & levare, ac in suos, Mensæque Patriarchalis, & Monasterii hujusmodi usus, & utilitatem convertere.

Illius posses-  
sionem apprehen-  
dendi Pa-  
triarchæ dat  
facultatem.

§.7. Necnon omnia, & singula, Prioratus, Præposituras, dignitates, personatus, administrationes, & officia, ceteraque beneficia Ecclesiastica cum cura, & sine cura, secularia, & quorumvis ordinum clericalia ad collationem, provisionem, præsentationem, institutionem, electionem, & confirmationem, & quamvis aliam dispositionem pro tempore existentis Abbatis dicti Monasterii quomodolibet spectantia personis idoneis conferre, & de illis etiam providere, similesque personas ad illam præsentare, & eligere, & præsentatas, & electas instituere, & confirmare.

Omnia & sin-  
gula Beneficia  
Dignitates &c  
ab eodem de-  
pendentia co-  
ferendi.

§.8. Necnon Monasterium, illiusque res, & bona hujusmodi tam in spiritualibus, quam in temporalibus regere, & gubernare, ac Sedem, locum, ac præminentiam Abbatis, tam in Choro, quam in Capitulo, & Conventu, & aliis quibusvis publicis, & privatis actibus ipsius Monasterii habere, & ibidem præsidere, ceteraque omnia in præmissis, & circa ea quomodolibet necessaria, & opportuna facere, & exequi in omnibus, & per omnia, prout ipsius Monasterii Abbates, qui pro tempore fuerunt, & exequi potuerunt, seu etiam debuerunt, cujusvis licentia desuper minime requisita, curam, regimen, & administrationem ipsius Monasterii eidem Patriarchæ pro tempore existentis in eisdem spiritualibus, & temporalibus plenarie committendo.

Omniaque a-  
lia faciendi  
tam intra,  
quam extra  
Monasteria,  
quæ Abbati  
competeant.



1588.  
Prædicta o-  
mnia tunc semper  
& ubique ser-  
vati decernit.

§.9. Decernentes unionem, annexio-  
nem, incorporationem, & alia præmissa,  
ac præsentis literas sub quibuscumque re-  
vocationibus, suspensionibus, vel derogationibus  
similium, vel dissimilium gratiarum per Sedem ipsam quomodolibet faciendarum non comprehendi, sed ab illis semper exceptas esse, & quoties illas suspendi, revocari, aut eis derogari contigerit, toties etiam sub posteriori data, per eos, quorum intererit, eligenda, de novo concessas, ac in pristinum statum restitutas, & ad hoc ut sub revocationibus, suspensionibus, ac derogationibus ejusmodi minime comprehendatur, & nunc vere, & non fiste suum plenarium, & integrum effectum sortita esse, illaque non de vacaturo, sed de vacante Monasterio ejusmodi facta, & per illas vere, & non fiste jus plenum in re, & ad rem, acquisitam existere, & Patriarcham pro tempore existentem, etiam regulis de non tollendo jure acquisito, ac de annuali, & triennali possessionibus gaudere debere, ac præsentium literarum suspensiones, revocationes, derogationes, ac alias contrarias dispositiones, pro novis illarum concessionibus, & restitutionibus habere, & censere, minusque easdem præsentis literas de subreptionis, vel obreptionis, aut nullitatis vitio, seu intentionis nostræ, vel alio quovis defectu notari, impugnari, annullari, aut ex eo quod nulla, aut minus justa, & legitima causa subsistente, ac extra Consistorium emanarint, causæque ipsæ juris ordine servato, coram loci Ordinario, vel alibi examinatae, & justificatae, aliterque præsentibus literis expressa, vel exprimenda, probata, & verificata, & alii quorum interest, vocati, & auditi non fuerint, nec illis consenserint, in jus, vel controversiam revocari, ad terminos juris reduci, seu adversus illas quodcumque juris, facti, aut gratiæ remedium impetrari posse, sed illas, & in eis contenta quæcumque valere, & plenam roboris firmitatem obtinere, ac perpetuo inviolabiliter observari debere, in omnibus, & per omnia perinde, ac si de unanimi venerabilium fratrum nostrorum Sanctæ Romanæ Ecclesiæ Cardinalium consilio, & consensu Consistoriali, ut moris est, servatis quibuscumque servandis emanassent, & quæcumque ad illarum validitatem, & efficaciam, & perpetuitatem quomodolibet requisita formaliter, & individue nihil omisso intervenissent, ac observata, & facta fuissent.

Sicque ab omnibus judicari.

§.10. Sicque per quoscumque Judices, & causarum Palatii Apostolici Auditores, ac prædictos Cardinales, sublata eis, & eorum cuilibet, quavis aliter judicandi, & interpretandi facultate, judicari, & definiri debeat; irritum quoque, & inane, si secus super his a quocumque, quavis auctoritate scienter, vel ignoranter contigerit attentari.

Obstantibus derogat.

§.11. Non obstantibus, voluntate, ac intentione, & declaratione nostri Prædecessoris, necnon Lateranensis uniones perpetuas, nisi casibus a jure permissis, aut ex-

tra Consistorium fieri, aut Turonensi Consistorium uniones perpetuas Beneficiorum, fieri, & beneficia unius beneficio, seu loco alterius Dioecesis uniri prohibentium, ac felicitis memoriæ Bonifacii Papæ VIII. Prædecessoris nostri, qua cavetur, ne quis extra suam Civitatem, vel Dioecesim, nisi in certis exceptis casibus, & in illis ultra unam dietam a fine suæ Dioecesis ad iudicium evocetur, seu ne Judices a Sede Apostolica deputati extra Civitatem, vel Dioecesim, a quibus deputati fuerint, contra quoscumque procedere, aut alii, vel aliis vices suas committere quoquomodo audeant, vel præsumant, & in Concilio generali, editas de duabus dietis, dummodo non ultra tres dietas aliquis auctoritate præsentium ad iudicium non trahatur, aliisque Apostolicis, ac in Provincialibus, & Synodalibus, & etiam universalibus Conciliis editis specialibus, ac generalibus Constitutionibus, & Ordinationibus, necnon Monasterii, & Ordinis prædictorum etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis illis, coram Abbatibus, Conventibus, superioribus, & personis sub quibuscumque tenoribus, & formis, ac cum quibuscumque derogatoriis derogatoriis, aliisque efficacioribus, & insolitis clausulis, necnon irritantibus, & aliis Decretis per quoscumque Romanos Pontifices Prædecessores nostros, ac Nos, & dictam Sedem, & motu scientia, & potestatis plenitudine paribus, & etiam Consistoriali contra uniones annexiones, & incorporaciones perpetuas, dissimembraciones, & separationes etiam aliter quomodolibet in genere, vel in specie concessis, approbatis, & innovatis, quibus omnibus, & singulis, etiam si de illis, eorumque totis tenoribus specialis, specifica, expressa, & individua, ac de verbo ad verbum non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda esset, tenores hujusmodi, ac si de verbo ad verbum, nihil penitus omisso, & forma in illis tradita observata, inserti forent præsentibus, pro expressis habentes, illis aliter in suo robore permansuris, hac vice dumtaxat motu, & scientia paribus specialiter, & expresse derogamus, quodque Monasterium prædictum extra Civitatem, & Dioecesim Ven. consistat, contrariis quibuscumque. Volumus autem, quod propter unionem, annexionem, & incorporationem prædicta, Monasterium prædictum debitis non defraudet obsequiis, sed illius, & dilectorum filiorum Conventus congrue supportentur onera consueta.

§.12. Nulli ergo omnino hominum liceat &c. Clause pñ-  
nales.

§.13. Quocirca discretionem vestram per Apostolica scripta motu simili mandamus, quatenus, vos, vel duo, aut unus vestrum per vos, vel alium, seu alios easdem præsentis literas, & in eis contenta quæcumque ubi, & quando opus fuerit, ac quoties pro

Exequutores  
prædicti omni  
delegat.



pro parte dilecti filii Joannis, & pro tempore existentis Patriarchæ Ven. desuper fueritis requisiti, solemniter publicantes, eisque in præmissis efficacis præsidio assistentes faciatis auctoritate nostra præsentis literas, & in eis contenta hujusmodi ab omnibus, ad quos spectat, & pro tempore spectabit, si remittere observari, ipsumque Joannem, & pro tempore existentem Patriarcham Ven., unione, annexione, & incorporatione, & aliis præmissis pacifice frui, & gaudere, non permittentes, unquam a quibuscumque indebite molestari, contradictores quoslibet, & rebelles, per sententias, censuras, & poenas Ecclesiasticas, aliaque opportuna juris, & facti remedia, appellatione postposita, compescendo, & legitimis super his habendis servatis processibus, sententias, censuras, & poenas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis. Non obstantibus omnibus supradictis, seu si dilectis filiis Conventui, & vassallis dicti Monasterii, vel quibuscumque aliis communiter, ac divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Dat. die 15.  
Martii 1588.  
An.III.

Datum Romæ apud S. Marcum, Anno Incarnationis Dominicæ millesimo quingentesimo octuagesimo octavo, Idibus Martii, Pontificatus nostri Anno III.

## CXXI.

Quomodo Clerici regulares S. Pauli decollati, novitios ad eorum Religionem admittere possint.

*De institutione hujus Congregationis, & aliis quæ eam respiciunt, vide in Const. XLV. Clemens VII. Vota Tom. IV. Par. I. fol. 103.*

**SIXTUS EPISCOPUS**  
**SERVUS SERVORUM DEI**  
*Ad perpetuam rei memoriam.*

Exordium,

**E**Xigit incumbentis Nobis Apostolicæ servitutis officium, ut Monasteriorum, & Regularium locorum quorumlibet propagationi, pauperumque clericorum in eis pro tempore recipiendorum pio desiderio, quantum cum Deo possumus, providere studeamus.

Cavebatur in Constitutionibus Congregationis ne illegitimi vel ære alieno gravati, vel facinorosi, ad hanc religionem admittentur.

§.1. Exhibita siquidem Nobis nuper pro parte dilectorum filiorum Præpositi generalis, ac Presbyterorum, & Clericorum Congregationis Clericorum Regularium, Sancti Pauli decollati canonice institutæ petitio continebat, quod alias per constitutiones dictæ Congregationis, quæ cum interventu bon. mem. Caroli tituli Sanctæ Praxedis presbyteri Cardinalis Borromæi nuncupati, dum viveret, Ecclesiæ Mediolanensis, ex dispensatione Apostolica Præfulis, necnon dilecti filii nostri Joannis Antonii Episcopi Portuen. Sancti Georgii nuncupati, ejusdem Congregationis Protectoris ad id accedente voto, & consensu, fa-

cta, & stabilita extiterunt, inter alia sanctum fuit, ne illegitime nati, etiam per subsequens matrimonium, postea legitimi, æreque alieno gravati, & qui antea facinorosam vitam duxissent, in dicta Congregatione admitterentur, aliaque diligens super hoc inquisitio, ipsaque receptio volentium dictam Congregationem ingredi, in Civitate Mediolanensi, ad quam post longam probationem a locis, in quibus præfati fuerint, propterea mittuntur, a Præposito generali, & quatuor Assistentibus ejusdem Congregationis fieret.

§.2. Novissime vero nostra in perpetuum valitura constitutione super hoc edita, statuimus, ac volumus, ut antequam quis in eadem Congregatione reciperetur, causæ hujusmodi examinarentur, ipsaque receptio in Capitulo generali, sive provinciali dictæ Congregationis fieri deberet, prout in singulis constitutionibus prædictis plenissime dicitur contineri.

§.3. Cum autem sicut eadem petitio subiungebat, presbyteri, & clerici dictæ Congregationis nondum sint in Provincias distincti, ac proinde numquam Capitulum provinciale, generale vero singulo quoque triennio tantum facere, ac celebrare soleat, sicque cupientes, & petentes in ipsam Congregationem recipi, cogantur expectare, donec ipsum Capitulum fiat, mutataque postea eorum voluntate, & pia intentione, aliam vitam eligant, in maximum Congregationis hujusmodi damnum, præjudicium, & incommodum.

§.4. Quare Præpositus generalis, presbyteri, & clerici prædicti Nobis humiliter supplicari fecerunt, ut eis in præmissis opportune providere, de benignitate Apostolica dignaremur.

§.5. Nos igitur dictæ Congregationis amplitudinem, & singulorum in illa profectum, inter ceteras nostri pastoralis officii curas, tota animi propensione cupientes, ipsosque Præpositum generalem, presbyteros, & clericos, a quibuscumque excommunicationis, suspensionis, & interdicti, aliisque ecclesiasticis sententiis, censuris, & penis, a jure, vel ab homine, quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, ac veriores nostræ, & Congregationis Constitutionum prædictarum tenores præsentibus pro expressis habentes, hujusmodi supplicationibus inclinati Præposito generali, presbyteris, & clericis prædictis, quod ex nunc deinceps perpetuis futuris temporibus, modernus, & pro tempore existens Præpositus generalis, illiusque Assistentes, quoscumque cupientes in dicta Congregatione recipi, qui tamen a Constitutione nostra prædicta non prohibeantur, non expectato Capitulo generali, sed quocumque alio tempore, de consensu omnium Assistentium, nemine penitus discrepante, recipere, & admittere libere, & licite valeant, Apostolica auctoritate tenore præsentium perpe-

Et ab isto Pö-  
tifice prohibi-  
ta fuit rece-  
ptio extra Ca-  
pitulum, ut  
supra in ejus  
Const. CXII.  
fol. 370. Cum  
de omnibus.

Et quia ista  
Congregatio  
quolibet tan-  
tum triennio  
Cap. genera-  
le celebrat,  
& provincia-  
le nusquam;  
Ideo receptio  
venientium ad  
religionem ni-  
mium protra-  
hitur.

Congregatio  
itaque a Papa  
provisionem  
petit.

Hic ideo Pö-  
tiffex dat au-  
thoritatem Præ-  
posito, ejus-  
que Assisten-  
tibus, omni  
tempore ve-  
nientes ad re-  
ligionem, &  
a sua Consti-  
tutione non  
prohibitos re-  
cipiendi.



perpetuo indulgemus, ejusque desuper licentiam concedimus, & impartimur. Decernentes Præpositum generalem, presbyteros, & clericos prædictos nullatenus umquam desuper per quoscumque quomodolibet molestari, vel impediri posse, ac ex nunc irritum, & inane, si secus super his a quoquam quavis auctoritate scienter, vel ignoranter contigerit attentari,

Contrariis  
derogat.

§.6. Non obstantibus nostra prædicta, ac quibuscumque aliis Constitutionibus, & Ordinationibus Apostolicis, ceterisque contrariis quibuscumque.

Nulli ergo omnino &c.

Si quis autem &c.

D. P. An.III.  
14. Martii.

Datum Romæ apud S. Petrum, Anno Incarnationis Dominicæ, millesimo quingentesimo octuagesimo octavo, Idibus Martii, Pont. nostri Anno III.

### CXXII.

Institutio præsidii ducentorum millium, scutorum, pro ubertate Annonæ in Alma Urbe.

*Congregationem Cardinalium super ista Annona instituit hic idem Pontifex in Constitut. CXVII. Immenſa fol. 392. in Congregatione 4.*

SIXTUS EPISCOPUS  
SERVUS SERVORUM DEI

*Ad perpetuam rei memoriam.*

Causa institu-  
tionis hujus  
præsidii.

**A** Bundantes divinæ gratiæ divitias, & incredibilem benignitatis ubertatem, sæpenumero recogitantes, quam super humilitatem nostram, ab ipso susceptæ Apostolicæ servitutis initio, ille dignatus est ostendere, qui solus dives est in misericordia, cogimur multorum beneficiorum tamquam ingenti pondere oppressi, cum sancto Propheta exclamare: Quid retribuam Domino pro omnibus, quæ retribuit mihi? Etenim notum est omnibus, in quas rerum angustias, & difficultates Pontificatus nostri initia inciderint, cum infinita quada m exulum, & facinorosorum hominum licentia omnia perturbata essent, cum rei frumentariæ inopia omnis fere ditio Sanctæ Romanæ Ecclesiæ in temporalibus subiecta, & ipsa potissimum Roma magnopere laboraret, cum denique Apostolicum Ærarium ita exinanitum reperissemus, ut in summa pecuniarum difficultate versaremur, quibus tot incommodis nequaquam deterriti, sed Dei auxilio freti, cum bona omnia accepta referimus, in eas omnes curas eodem tempore alacriter incubuimus. Quare, & compressa improborum audacia tranquillitas publica restituta est, & Ærarium abunde instructum, frumento statim non mediocri sumptu, & labore suppeditato, Annonæ caritas ita sublevata est, ut eam copiam, & abundantiam, quæ postea benedicente Domino consecuta est, & qua nunc fruimur, æquo omnes animo expectare potuerit. Fatemur tamen, paterna viscera no-

stra, quibus omnes fideles, sed præcipue eos, qui sunt in temporali Dominio nostro, in Christo complectimur, nulla re magis commota esse, quam illa Annonæ caritate: nam in Urbe hominibus refertissima, si famæ ingruat, aut Annona durior sit, pauperes maxime, quorum ingens est multitudo, vehementius conflantur, qua ex re quam multa mala dimanent, nihil necesse est multis verbis explicare; cum plane perspicuum sit humanarum calamitatum caput esse famem, & quovis mortis genere acerbior. Quod quidem, & miserabilis illa apud Prophetam lamentatio declarat, Omnis populus ejus gemens, & quærens panem. Scientes igitur Nos, licet immeritos, ejus locum in terris tenere, qui non solum panem supersubstantialem tribuit, quo anima reficitur, sed terrenum etiam panem, quo corpus quotidie sustentatur, quique in deserto semel, & iterum misericordia motus est super turbas non habentes cibaria, ejusque Apostolos suos panem divinitus multiplicatum distribuere jussit. Nos quoque pro nostra pastoralis sollicitudine summopere cupimus, quantum cum Domino possumus, quam longissime providere, ut hæc nostra Alma Urbs, ad quam quotidie tamquam ad communem patriam Nationes omnes confluent, quamque omnibus commodis, & ornamentis augere studemus, non solum rei frumentariæ inopia nequaquam vexetur, sed uberiore potius copia, & utilitate, quantum fieri potest, perfruatur. Nec vero ignoramus bonorum omnium largitorem Deum, qui fructum frumenti, vini, & olei multiplicat, qui semen seminanti administrat, & panem ad manducandum præstat, sed illud etiam scimus a servo super familiam Domini constituto, & fidem, & prudentiam requiri, ut det illi cibum in tempore, & in divinis scripturis pigrum ad formicam mitti, ut discat in æstate parare quod in hyeme comedat, & denique humanæ providentiæ adiumenta illa merito laudanda esse, quæ ad Dei gloriam relata, ejus in primis ope nituntur, & in eo præcipue conquiescunt. Illud autem eleemosynæ genus Deo gratissimum esse arbitramur, quod in commune distributum, ad omnium egestatem sublevandam maxime accommodatur. Quamobrem nullis quamvis magnis impensis parcentes, & publicæ præsertim pauperum utilitati opportune providere cupientes, prægrandem pecuniam seponere, & certo in loco collocare decrevimus, quæ annonæ, & abundantiae, quam appellant, perpetuo attributa sit, reique frumentariæ copiae curandæ, & comparandæ in posterum perpetuo deserviat.

§.1. Habita igitur super his cum venerabilibus fratribus nostris Sanctæ Romanæ Ecclesiæ Cardinalibus deliberatione maturata, de eorumdem fratrum consilio, & assensu, ex certa nostra scientia, ac de Nobis attributæ Apostolicæ potestatis plenitudine, ducenta millia scuta monetæ ad rationem decem juliorum pro quolibet scu-

Ducenta millia scuta hic Pontifex a sui ipsius, & Cam. Apost. dominio abdicat, & piæ causæ pro Annonæ scilicet ubertate perpetuo donat.

to,



to, ex pecuniis nostra parsimonia, & frugalitate, ac diligentia ad publicam utilitatem comparatis, apud dilectum filium Joannem Augustinum Pinellum laicum Genuensem, nostrarum, & Camera Apostolicæ pecuniarum Depositarium, realiter & cum effectu deposita, & collocata, prout de eorum reali, & actuali receptione, ac confessione, & quietatione ipsius Joannis Augustini publico instrumento per dilectum filium Tydeum de Marchis dictæ Camera Notarium desuper rogatum hodie mane in eadem Camera confecto plene constat, prædictæ piæ causæ ad Annonam pertinenti perpetuo applicamus, appropriamus, & incorporamus, ac pro potiori cautela, titulo donationis, quæ dicitur inter vivos perpetuo valituræ, irrevocabiler concedimus, donamus, elargimur, atque omnem prædictæ pecuniæ proprietatem, jus, & dominium, etiam a nobismet ipsis, & Camera Apostolica penitus abdicantes, eadem ducenta millia scuta ad parandam Annonæ copiam, sive illius penuriam, inopiam, & caritatem sublevandam dumtaxat, nec in aliam causam, sive universam quantitatem, sive illius partem, quæcumque illa fuerit, infumendam esse.

§.2. Idque etiam si cujusvis alterius rei propositæ, aut de qua tunc esset agendum, major urgeret necessitas, vel aliud expetere, aut efflagitare præsens utilitas videretur, sancte, & religiose omnino servari debere, de similibus consilio, & assensu, auctoritate Apostolica tenore præsentium pariter perpetuo statuimus, & ordinamus. Siquidem ad certas alias urgentes, & graves, quæ contingere possent, indigentias, vel necessitates, Ærarium benedicente Domino locupletissimum, nostra etiam cura, ac sollicitudine partum, & Deo dicatum perpetuo extabit.

§.3. De iisdem vero pecuniis ad hanc maxime piæ causam, omnibusque in Urbe degentibus, atque ad illam undequaque confluentibus apprime salutarem, benigne, & liberaliter jam per Nos applicatis, donatis, atque elargitis, sicuti de ceteris piis per Nos factis largitionibus. aliter quam, ut præfertur, perpetuis futuris temporibus disponi stricte interdiciamus, & prohibemus certa spe ducti Romanos Pontifices nostros pro tempore Successores, ad Annonæ incommoda sublevanda paratam hujusmodi pecuniam nedum imminuturos, verum, exemplo Patriarchæ Joseph in Ægypto, dum ipsi viri Joseph, qui est Christus Dominus, pro iniuncto munere locum obtinebunt in terris, nova adiumenta adversus famem, illiusque incommoda esse laturos, ac pro eo, quem erga Christi pauperes universi Status Ecclesiastici, ac præcipue Sacerdotalem, & Regiam hanc Urbem Christianæ Religionis domicilium, beatissimorum Apostolorum Petri, & Pauli prætioso martyrio consecratam, gerere debent insigni affectu, alia in dies majora subsidia præparaturos esse.

§.4. Ac præterea Congregationi vene-

rabilium fratrum nostrorum S. R. E. Cardinalium, super ubertate Annonæ, nunc & pro tempore deputatorum per Nos nuper instituta, earundem pecuniarum ad rei frumentariæ atque aliarum cujusvis generis frugum, quibus ad vitæ humanæ sustentationem indigemus, copiam, & ubertatem, tam in Urbe nostra, quam in universo Statu Ecclesiastico temporali parandam, & providendam, adhibitis secum dilectis filiis Camera Apostolicæ Thesaurario generali, Clerico Annonæ Præfecto, & Commissario etiam generali. Ita tamen quod ipsæ pecuniæ in hujusmodi Annonæ usus, & ad nutum, & jussionem ejusdem Congregationis, cum mandato a dicto Præfecto, prout adhuc servatum est, expeditio, nec alias erogentur, vel expendantur, ac rursus sic erogata, vel expensæ suo tempore recuperentur, liberam, absolutamque administrationem, dictasque pecunias, si quando peccatis populi id promerentibus, terræ sterilitas, quod Deus avertat, in temporali Ecclesiastica ditione contigerit, ad convehendum aliunde com meatum, in toto, vel in parte per eosdem Thesaurarium, Annonæ Præfectum, & Commissarium erogari, ac rursus si quid tempore famis, ex dicta summa decesserit, postea ubi temporis opportunitas tulerit, illam redintegrari, atque ubi expedire videbitur, in Ærarium Apostolicum Castri S. Angeli referri, & asservari, atque inde, quoties occasio postulaverit, libere depromi, & extrahi eorum arbitrio faciendi. Ita tamen ut datorum, & acceptorum rationes, & computa, in Camera Apostolica singulo trimestri, in ipsa vero Cardinalium Congregatione singulis annis integre reddantur, plenam, ac pariter liberam, & omnimodam concedimus facultatem. Volentes eundem Joannem Augustinum, & pro tempore existentem Depositarium dictæ pecuniæ ad Annonam pertinentis, in erogandis, aut exigendis, vel in unum redigendis pecuniis prædictis eam ob causam exponendis, aliorum quam dictæ Annonæ Præfecti mandato, in illis vero in dictum Ærarium redigendis, seu inde extrahendis, aliorum quam dictæ Congregationis Cardinalium, aut eorum majoris partis ordinationibus, & mandatis, etiam si quascumque poenas, aut censuras in se continerent, parere minime teneri, & quorumvis, etiam aliorum Sanctæ Romanæ Ecclesiæ Cardinalium, illiusque Collegii, ac Camera Apostolicæ jussa, & imperium impune ea in re detrectare posse, quinimmo ipsum Joannem Augustinum, & pro tempore existentem Depositarium, ab omni cujuscumque alterius Judicis, aut Magistratus, quavis dignitate, & auctoritate fungentis superioritate, & jurisdictione, quoad negotia ipsam Annonam concernentia, prorsus eximimus, & liberamus, atque immunem constituimus. Inhibentes quibusvis Judicibus, Præfidentibus, & officialibus ne circa præmissa se intromittere, vel ingerere, aut Joannem Augustinum, vel Depositarium pro tempore ex-

sten-

Eaque pro alia etiam vi-  
gentiori ne-  
cessitate ex-  
pendi prohi-  
bet. Nam pro  
aliis graviori-  
bus indigen-  
tiis locuple-  
tissimum pe-  
cuniarum præ-  
sidium colle-  
git, & in Ar-  
ce S. Angeli  
repositum, ut  
supra in Con-  
stitut. XLIII.  
fol. 206. &  
Const. CVIII  
fol. 363.

Successores  
hortatur ne  
dum hujus-  
modi pecuniæ  
imminuant,  
sed in dies ma-  
jora præsidia  
præparent.

Congregatio-  
nique Cardi-  
nalem per ip-  
sum Pontifi-  
cem super u-  
bertate An-  
nonæ nuper  
instituta ad-  
hibitis secum  
Thesaurario  
Clerico An-  
nonæ Præfe-  
cto, & Com-  
missario Ca-  
meræ Apo-  
stolicæ admi-  
nistrationem  
hujusmodi pe-  
cuniarum cō-  
mittit.



stentem prædictos quomodolibet molestare,  
perturbare, aut inquietare audeant, vel  
præsumant.

Cardinales  
ejusdem Cō-  
gregationis e-  
xecutores hu-  
jus Constitu-  
tionis deputat

§.5. Quocirca dictos Cardinales nunc , & pro tempore in eadem Congregatione deputatos , ejusdem negotii Protectores , atque defensores , ad hoc ut in omnibus , quæ his literis continentur , auctoritatem suam interponant , ac difficultates , quæ suboriri possent , removeant , perpetuo constituimus , & deputamus , eisque per præsentēs committimus , & mandamus , ut quando , & quoties opus fuerit , per se , vel alium , seu alios , præsentēs literas , & in eis contenta quæcumque , solemniter publicantes , ac tam dicto Joanni Augustino , & Depositario , qui pro tempore erit , quam aliis quibuscumque , quos præmissa concernunt , & concernent in futurum , efficacis defensionis præsidio assistentes , faciant omnia , & quæcumque in eisdem præsentibus literis contenta , perpetuo firmiter , & inviolabiliter observari ; contradictores , & rebelles , per sententias , & censuras Ecclesiasticas , aliaque opportuna juris , & facti remedia , appellatione postposita , compescendo ; invocato etiam ad hoc , si opus fuerit , auxilio brachii sæcularis .

Successoribus  
indicat legem  
sibi impositā  
& decernit  
quod pro re-  
facienda pec-  
cunia hinc  
male deprom-  
pta licebit a-  
gere contra  
Pōnificis cō-  
travenientis,  
& Cardinali-  
um, ac alio-  
rum, qui pat-  
etices erunt,  
posteror, &  
conjunctos o-  
mnes, ad quos  
eorum bona  
quovis modo  
pervenerint.

§.6. Siquis autem fortasse, quod vix Nobis persuaderi potest, Successorum nostrorum huic nostro statuto, & ordinationi, palam, vel occulte contravenerit, atque constitutam pecuniam in alium quam præscriptum usum verterit, aut ab aliis ejus auctoritate fretis id fieri passus fuerit, eum serio admonemus, ut meminerit, quam Nobismetipsis quod disponendum de hujusmodi pecuniis, nostra, ut præfertur, parsimonia, & sollicitudine ad hoc publicum, & pium opus comparatis, & intuitu pietatis, atque ad sublevandas Christi pauperum necessitates per Nos applicatis, & irrefragabilis donationis titulo, ut dictum est, concessis, ac donatis, legem imposuimus, eandem etiam ab ipso, qui ex debito Pastoralis officii Annonæ ubertatem ad commune bonum subditorum summo studio procurare tenetur, inviolate servari debere; alioquin se in districto Dei judicio suæ administrationis, & hujus peculii ad piam hujusmodi causam destinati, si illud temere violaverit, ac damnorum, & malorum, quæ inde provenient, rationem fore redditurum; & præter actionem popularem, quam adversus eos omnes, qui eorundem participes fuerint, proponimus, quoniam publica in hoc læderetur utilitas, scire etiam volumus universos, post derogantis, aut contra statuentis, aut mandantis obitum, quibusvis Romanis Pontificibus Successoribus licere, & liberum esse, iis quæ contra statuta, aut mandata fuerint, nequaquam obstantibus, etiam singulis de populo, sicuti in actionibus popularibus fit, ad agendum admittis, vel etiam nemine instante, pro resarcienda pecunia desumpta, illaque recuperanda, adversus Pontificis derogantis, & contra facientis, atque Cardinalium, & aliorum quorumcumque, qui ejus rei parti-

cipes fuerint, posteros, seu conjunctos omnes, quibus ab ipso Pontifice, aut Cardinalibus, vel quibuscumque ex prædictis, bona quovis titulo, aut quavis de causa obvenierint, agere, & possessionem bonorum, quæ ad ipsos testamento, vel ab intestato delata fuerint, apprehendere, & retinere, donec quicquid ex summa prædicta imminutum fuerit, id omne quam citissime, etiam per bonorum alienationem, & distractionem redintegretur, ac in pristinum restituantur. Ac propterea omnia bona præcipue huic oneri, atque obligationi, cum ea quæ publici juris sunt, privatorum commodis omnino præferantur, addicta esse.

§.7. Sicque in præmissis universis, & singulis per quoscumque Judices, & Commissarios, Ordinarios, & Delegatos; etiam causarum Palatii Apostolici Auditores, ac Sanctæ Romanæ Ecclesiæ Cardinales, sublata eis, & eorum cuilibet, quavis aliter judicandi, & interpretandi facultate, & auctoritate, in quavis causa, & instantia, judicari, & definiri debere; necnon si secus super his a quoquam quavis auctoritate, scienter, vel ignoranter attentari contigerit, irritum, & inane decernimus, & declaramus.

§.8. Non obstantibus Constitutionibus , & Ordinationibus Apostolicis , ac Camera Apostolicæ prædictæ juramento , confirmatione Apostolica , vel quavis firmitate alia roboratis statutis , & consuetudinibus ; privilegiis quoque , indultis , & literis Apostolicis quomodolibet concessis , approbatis , & innovatis ; quibus omnibus , & singulis etiam si de illis , eorumque totis tenoribus specialis , specifica , expressa , & individua mentio , aut quævis alia expressio , aut aliqua alia exquisita forma ad hoc servanda foret , tenores hujusmodi , ac si de verbo ad verbum infererentur præsentibus , pro sufficienter expressis habentes , illis alias in suo robore permanfuris , hac vice dumtaxat , specialiter , & expresse derogamus ; ceterisque contrariis quibuscumque .

§.9. Ut autem præsentēs literæ ad omnium notitiam facilius perveniant, jubemus eas ad valvas Lateranen., & Principis Apostolorum de Urbe Basilicarum, & in acie Campi Floræ de more affigi, & inibi, ac in Camera Apostolica quamprimum publicari, ac earum exempla, tam in prædictis locis affixa relinqui, quam etiam in libris ipsius Cameræ describi, & ad perpetuam memoriam conservari. Quibus quidem exemplis etiam impressis, manu Notarii publici subscriptis, ac sigillo alicujus personæ in dignitate Ecclesiastica constitutæ munitis, eandem in judicio, & extra illud ubique fidem adhiberi volumus, quæ eisdem præsentibus literis adhiberetur, si forent exhibitæ, vel offensæ.

§. 10. Nulli ergo omnino hominum liceat hanc paginam nostrarum, approbationis, innovationis, decretorum, declarationis &c.

Deeretur ir-  
ritans appo-  
nit.

**Clausulas de  
rogatorias ad  
dit.**

Formam, & effectum publicationis hujus Constitutionis subnectit.

**Sanctionem**  
poenalem sub-  
iicit.

Datum Romæ apud S. Petrum, Anno D. P. An. III.  
Incarnationis Dominicæ millesimo quin- 16. Martii  
gen-



gentesimo octuagesimo octavo, 17. Kalend. Aprilis, Pontificatus nostri Anno III.

Papæ subscr.

✠ Ego Sixtus Catholicæ  
Ecclesiæ Episcopus sub-  
scripsi.

*Sequuntur Cardinalium subscriptiones.*

## CXXIII.

Quod vacent omnes Ecclesiæ, & Beneficia, eorum, qui ad dignitatem Cardinalatus promoventur. Et quando eis datur retentio, intelligatur de beneficiis non requiruntibus residentiam in loco, dictæ dignitati non convenienti.

*Alia de Cardinalibus, vide supra in Constitut. LXXVI. Postquam fol. 279.*

Vacent omnia beneficia per promotionem ad Cardinalatum.

**S**anctissimus Dominus Noster Sixtus Papa V. decrevit quod per promotionem ad Cardinalatum vacent omnes Ecclesiæ, & omnia beneficia cujuscunque nominis, & tituli sint, nisi fuerit data retentio; quæ concessa intelligatur, & data ad Patriarchales, Metropolitanas, & Cathedrales Ecclesias, ad Monasteria etiam commendata, ad Prioratus, & ad certa omnia alia beneficia, quæ viderentur convenire dignitati Cardinalatus.

Retentioque concessa, intelligatur; ut in rubr.

§.1. Ad alia vero, quæ videntur repugnare dignitati, & gradui Cardinalatus, puta Archipresbyteratus, Archidiaconatus, Decanatus, Canonicatus, & similia beneficia non extendatur, cum obtinentes hujusmodi beneficia teneantur residere in Choro, & habere debeant locum post Episcopum, Cardinalis dignitati non convenientem.

D. P. An. III.  
16. Martii -

Actum Romæ apud Sanctum Petrum, die Mercurii 16. Martii 1588., in Consistorio.

## CXXIV.

Ex Regest. in Secret. Bre-  
vium.

**C**onfirmatio omnium Privilegiorum, Indultorum, Indulgentiarum, & quarumcumque gratiarum locis ad SSmum Sepulchrum Dominicum spectant., ac illa visitantibus necnon Fratribus Ordinis Fratrum Minorum S. Francisci de Observantia in illis partibus degentibus quomodolibet concessarum, dummodo sint in usu, & decretis Concilii Tridentini non adversentur.

**SIXTUS PAPA QUINTUS**

*Ad perpetuam rei memoriam.*

Procerum.

**P**lis Fidelium Votis, ex quibus præcipue Sacratissimorum locorum Venerationem, & animarum salutem provenire conspicimus, libenter annuimus, & illa, quantum cum Deo possumus, favoribus Apostolicis benigne confovemus, ac singulos Chri-

*Bull. Rom. Tom. IV. Par. IV.*

fideles ad loca hujusmodi devote visitanda Indulgentiis, & peccatorum remissionibus invitamus.

§.1. Exponi siquidem Nobis nuper fecit dilectus filius Frater Matheus Salernitanus Provinciæ S. Jacobi in Compostella Ordinis Fratrum Minorum de Observantia, nuncupatorum professore, quod cum ipse Commissarius, & Procurator Generalis in Universo Orbe Christiano ad recipiendas, & recuperandas quascumque eleemosynas tam ordinarias, quam extraordinarias ad Sanctissimum Sepulchrum Dominicum, & alia loco Sancta transmarina spectantes, illasque tam reparationi ipsorum locorum, quam in sustentandis Fratribus dicti Ordinis Pauperibus in illis partibus Divino obsequio insistentibus, prout necessitas exigeret, applicandas deputatus fuisset, ac Officium hujusmodi spatio triennii, vel circa quo dictas eleemosynas perpetuas, & ordinarias in quingentis ducatis annuis pie sibi a diversis personis in partibus Hispaniarum intuitu dictorum locorum erogatis adauxit, exercuisset, demum ad Urbem personaliter accedens facto novo sui Ordinis Capitulo Generali fuit in hujusmodi Officio confirmatus; Cumque postmodum ipse Frater Matheus aliquas eleemosynas a charissimis in Christo filiis nostris Rodulpho Romanorum Imperatore, ac Philippo Hispaniarum Rege Catholico jam factas collegerit, & Deo adjuvante ad prædicta loca transmarina tam pro sua devotione, quam ut eorum statui, & augmento provideat, se personaliter conferre, ac paramenta magni valoris ad ipsum Sepulchrum Dominicum transportare intendat, Nobis humiliter supplicari fecit, ut ipsorum Sacratissimorum locorum devotionem nedum conservare, verum etiam adaugere, ac Christifidelium dicta loca Visitantium, necnon pauperum Captivorum in Infidelium servitute in illis partibus detentorum animarum saluti consulere de benignitate Apostolica dignaremur.

Causa hujusmodi confirmationis.

§.2. Nos igitur hujusmodi supplicationibus inclinati omnia, & singula privilegia, concessiones, facultates, Indulta, Indulgentias, ceterasque gratias spirituales, & temporales eisdem locis, ac illa Visitantibus, necnon dicti Ordinis Guardiano, & Fratribus in illis partibus degentibus per quoscumque Romanos Pontifices Prædecessores nostros, ac Nos, & Sedem Apostolicam in genere, vel in specie, aut alias quomodolibet concessa, quatenus sint in usu, & decretis Concilii Tridentini non adversentur, Apostolica auctoritate tenore præsentium perpetuo approbamus, & confirmamus, omnesque, & singulos defectus, si qui intervenerint in eisdem, supplemus. Et insuper Modernis, & pro tempore existentibus Guardianis Monasteriorum, & Regularium domorum dicti Ordinis, & aliis Sacerdotibus ab eisdem Guardianis approbatis omnium, & quorumcumque Christianorum ad illas partes declinantium, seu ibidem commorantium, ac etiam Captivorum confessiones audire, illosque a qui-

Confirmatio Indultorum, de qua in rubr.



buscumque peccatis, criminibus, excessibus, & delictis quantumcumque gravibus, & enormibus, etiam in casibus Sedi Apostolica reservatis, ac etiam contentis in literis die Coenae Domini legi solitis, necnon a quibusvis excommunicationis, & suspensionis, aliisque ecclesiasticis sententiis, censuris, & poenis, injuncta illis salutaris poenitentia in foro conscientiae absolvere, ac super quacumque irregularitate quomodo libet, praeterquam ex homicidio voluntario, & bigamia contracta, cum personis etiam in Presbyteratus ordine constitutis in eodem foro tantum dispensare, itaut Missas celebrare, & alias in Divinis ministrare valeant, necnon pro locorum, & Ministrorum Ecclesiasticorum dictorum locorum opportunitate paramenta Ecclesiastica benedicere possint, & valeant, plenam, & liberam, ac omnimodam Apostolica auctoritate, tenore praesentium licentiam, potestatem, & facultatem perpetuo concedimus, & impartimur, eisque desuper indulgemus.

Confirmatio  
Indulgentia-  
rum.

§.3. Praeterea de Omnipotentis Dei misericordia, ac Beatorum Petri, & Pauli Apostolorum ejus auctoritate confisi universis, & singulis utriusque sexus Christianis, & Infidelium servitute detentis ere poenitentibus, & confessis, qui San-

ctissimum Sepulchrum, Montem Calvarium ac Praesepe SSmi Domini Nostri devote visitaverint, plenariam, necnon iis, qui Monasteria, seu Regulares Domos dicti Ordinis, illorumque Ecclesias, & Oratoria, tam in dictis locis, quam in Constantino-politan., & aliis Civitatibus, & locis, illarum partium in Domini nostri Jesu Christi & B. Virginis Mariae, ac Beatorum Apostolorum, necnon ejusdem Beatae Mariae Egyptiacae nuncupat., & S. Joannis Chrysostomi Nativitatum Festivitatibus devote visitaverint, ac inibi pias ad Deum preces effuderint, quo die singularum Festivitatum hujusmodi id fecerint, plenariam omnium, & singulorum peccatorum suorum Indulgentiam, & remissionem, Apostolica auctoritate, tenore praesentium concedimus, & elargimur.

§.4. Non obstantibus Regula nostra, per quam voluimus, quod si Ecclesiae, & personis, quibus Indulgentia conceditur, aliqua alia Indulgentia concessa sit, hujusmodi literae sint nullae, aliisque Constitutionibus, & Ordinationibus Apostolicis, ceterisque contrariis quibuscumque.

Datum Romae apud S. Petrum sub annulo Piscatoris die 9. Aprilis, 1588., Pontificatus nostri Anno III.

Derogatio  
contrariorum

Dat. die 9.  
Aprilis 1588.  
An. III.

*Finis Tomi Quarti Partis Quartae.*



## I N D E X

## NOMINUM, ET RERUM PRÆCIPUARUM

Numerus paginam indicat. A. primam columnam  
B. secundam designant.

## A

- A** Bbatissa ad triennium eligenda. 22. a.  
Advocati Consistoriales. 336. a. Sunt veri, & perpetui Rectores Studii Generalis Urbis. Ibid.  
Alexander VI. Studium Generale Valentinum erexit. 153. b.  
S. Ambrosii ad Nemus Congregatio. 217. a. Constitutiones pro ea editæ. Ibid.  
Anconitana Civitatis exemptiones, & Privilegia. 150. a., & seqq.  
Anglorum Collegium Rhemis institutum. 236. b.  
S. Anna Festum institutum pro die 26. Julii. 54. a.  
Annona Congregatio a Sixto V. instituta, & facultates eidem concessæ. 394. b. Eidem ducenta millia aureorum donata. 414. a.  
S. Antonii Patavini Festum institutum pro die 13. Junii. 181. b.  
S. Antonii Viennen. Ordo. 9. a. Eidem licet certo modo eleamofynas colligere. 9. b.  
Archiconfraternitas B. Mariæ Consalonis ad redimendos Captivos erecta. 2. b. Facultatem habet querendi ad id eleamofynas in toto Statu Ecclesiastico. 3. a. Liberandi etiam duos Carceratos. 5. a.  
Ariminensis Comitatus. 146. a. Constitutiones pro ejus regimine sancitæ. Ibid. Vide Julius II.  
Armenorum Collegium Romæ erectum. 78. a. Privilegiis auctum. 78. b.  
Astrologia Judiciaria multa mala afferre solet. 176. b. Libri de ea tractantes omnino extirpandi. 178. b. Nullo modo retinendi. 179. a.  
Auditoris Causarum Confidentialium officium. 271. a. Privilegia tali Judici concessa, & facultates. Ibid.

## B

- B**eneficiorum Ecclesiasticorum resignationes quomodo publicandæ, & quando. 41. b.  
S. Bernardi Congregatio Ordinis Cisterciens. 147. b. Ad Prælaturas promotio fieri solebat ex universo Sacerdotum numero. Ibid. Eligendi tantum ex numero illorum, qui minora officia per biennium exercuerint. 148. a.  
Bernardinus Piscina Commissarius R.C. Apost. 259. a.  
S. Bonaventura. 405. b. Ejus virtutes, & sancte gesta. 406. a., & b. In Sanctorum numerum relatus a Sixto Papa IV. 407. b. Ejus Festum instituit Sixtus V. 408. b. Inter egregios Ecclesiæ Doctores adnumeratur. 409. a.  
Bonifacius Octavus Universitatem Firmanam instituit. 143. b.  
Bononiensis Ecclesia. 20. a. In Archiepiscopatum erigitur. 20. b. Ecclesiæ suffraganeæ ei assignantur. 21. a.  
Bull. Rom. Tom. IV. Part. IV.

Bononiensis Universitas. 224. a. Ei applicatum Dattium Mercium. Ibid. Privilegia omnia confirmata. 225. b.

Bononiensium Confraternitas Romæ erecta. 104. a. Unum Carceratum quolibet anno potest liberare. 105. a. Alia Privilegia, & Indulgentiæ ei concessa. Ibid.

Borromeorum Collegium Papiæ erectum. 298. a. Constitutiones pro eodem efformatæ a Ludovico Moneta. 298. b.

## C

**C**alaguritana Ecclesia. 244. b. Qui recipi possint in filios patrimoniales. Ibid. Quomodo conferenda ejus Beneficia, & de iis provisi sint admittendi. 245. b.

Camaldulenses Eremitæ Religiosos cujuscunque alterius Ordinis possunt recipere. 85. b. Ipsi vere nec ad Eremitas Montis Coronæ transire. Ibid.

Camera Apostolica. Clerici Cam. expeditiones suas sigillo, & nomine S. R. E. Camerarii signare debent. 80. b. Annatæ, Communia, & Quindenaria Cam. Apost. de Beneficiis Ecclesiasticis persolvenda. 213. a. & seq. Collegium Clericorum Cam. ad duodenarium numerum ampliatum. 344. a. Camerarius S. R. E. 80. b. Ad eum spectat tractas concedere. 81. b.

Camillus de Lellis Congregationem Clericorum Regularium Ministrantium Infirmis instituit. 191. a.

Cantorum Cappellæ Pontificiæ Collegium. 233. b. Quibus fruuntur Privilegiis. 234. a. & seqq.

Cardinales. 279. b. Sunt Papæ Consilarii, & Coadjutores. Ibid. Numerum septuaginta excedere non debent. 281. a. Quibus temporibus creari debeant. 282. a. Illegitimi promoveri non possunt ad Cardinalatum. Ibid. Quibus qualitatibus præditi esse debeant. 282. b. Absentes saltem post annum a sui creatione Romam debent accedere. 283. b. Diaconus Cardinalis, quando promoveri possit ad Episcopatum. 284. b. Tituli pro Presbyteris, & Diaconis assignati. 295. b. In Cardinalium promotione Beneficia omnia vacant, quæ ab eis obtinebantur. 417. a.

Carmelitarum Ordo. 239. a. Provincia Hispaniarum instituta, dataque ei facultas transeundi ad Discalceatos. 239. b.

Carmelita Excalceati. Provincia Hispania in Congregationem erecta. 319. b. Vicarius Generalis in ea eligendus. 320. b. Qui sit sexennalis. 321. a.

S. Carolus Borromeus Collegium Papiæ erigit, Borromeorum a gentilitio nomine nuncupatum. 298. a. Carolus Archidux Austriae. 124. a. Gracensem Universitatem erigit. Ibid.

Carolus Sabaudia Dux. 99. b.

Carolus Cardinalis Lotharingia Universitatem Pontis



*Monsonii cum Fratre suo Carolo Lotharingia & Bari Duce erigi curat . 95. a. 129. a. Data ei facultas statuta pro hujusmodi Universitate edendi . 97. a.*

*Cervien. Ecclesia Bononien. Suffraganea . 21. a.*

*Cisterciensium Ordo . 47. b. Monasterium S. Mariae Magdalenae Rigae extinguitur , & PP. Societatis Jesu pro Collegio erigendo consignatur . Ibid. Huic Ordini antiqua omnia Privilegia confirmata . 215. a. & seq.*

*Claudius Acquaviva Praepositus Generalis Societatis Jesu . 13. b. 47. a. & b.*

*Clericorum Regularium Ministrantium Infirmis Congregatio instituta . 191. a. A Sixto V. approbata . Ibid. Habitus eidem designatus . 192. a.*

*Collegium Anglicanum Rhemis eversum . 8. b. Hortantur Christifideles ad ei subveniendum , Ibid.*

*Collegium Armenorum erectum . 78. a.*

*Collegium Germanicum Romae . 49. b. Constitutiones pro eo editae . Ibid.*

*Commissariatus R. C. A. officium . 259. a. Facultates , & Privilegia . 260. a. & b. & seqq.*

*Concilium Tridentinum cap. 9. Sess. 21. quaestuas fieri vetuit . 9. b. Sess. 45. Breviarii Rom. reformationem judicio Rom. Pontificis remisit . 11. a. Sess. 25. cap. 19. Duella prohibuit . 19. b.*

*Pro Concilii Tridentini interpretatione , & executione alias erectam Congregationem approbat , & confirmat Sixtus V. 396. a.*

*Confalonis Beatae Mariae Virginis Archiconfraternitas . 193. b. Ei data cura redimendi Captivos Status Ecclesiastici . 194. a. Concessa facultas faciendi quaestuas pro hoc opere . 195. a. 199. a. Redditus nonnullarum expeditionum assignati . Ibid. Alia concessa Privilegia . 196. a. & seqq.*

*Confraternitas Rosarii . 185. b. Indulgentiae Confratribus concessae . Ibid.*

*Congregatio Oratorii in Urbe a S. Philippo Nerio instituta . 109. a. A Gregorio XIII. approbata , & aucta Privilegiis . Ibid.*

*Conjuges temere se separantes Judicis arbitrio puniendi . 268. b.*

*Conjugia per Eunuchos , & Spadones contracta sunt nulla . 319. a.*

*Conistorialis erecta Congregatio per Sixtum Papam V. 394. a.*

*Contractus Societatis appellati si securitatem capitalis , aut certam responsonem includant , sunt usurarii . 263. b. & seqq.*

*Cordigerorum S. Francisci Archiconfraternitas erecta . 166. b. Privilegia ei concessa . 167. a.*

*Cremen. Ecclesia Bononien. Suffraganea . 21. a.*

## D

*Dominicus Baza Typographiae Vaticanae Praefectus . 301. b.*

*Duella prohibita a Concilio Tridentino . 19. b. Etiam si privatim committantur . Ibid.*

## E

*Emanuel Philibertus Sabaudiae Dux . 99. b.*

*Eremitarum S. Augustini Ordo . 33. b. Quot in Italia Magistri , quomodo , & quando sint eligendi . 34. a. & seq.*

*Eremitarum S. Hieronymi Ordo . 65. a. De electione*

*Praepositi Generalis , & celebratione Capituli . Ibid. Regularis observantia , quibus in locis sit retinenda . 66. a.*

*Esii Comitatus , & Civitati confirmata Statuta , & Privilegia . 384. b. Facultates ejus Governatori attributae . 385. b. Sportulae pro causis Civilibus , & Criminalibus praefinitae . 386. a.*

## F

*Felix Cardinalis Perettus . Vide Sixtus V.*

*Feretrana Ecclesia . 92. a. Cathedralis transfertur ab Oppido S. Leonis , ad Oppidum Pinnæ Billorum . Ibid. Quatuor dignitates in ea constitutae . 93. a. , & b. Capitulo in dotis augmentum Parochialis Ecclesiae S. Nicolai addita . 93. b.*

*Firmana Universitas a Bonifacio VIII. erecta . 143. b. A Callisto III. Privilegiis decorata . Ibid. A Sixto V. renovata . Ibid. Nova concessa ei Privilegia . 144. a. & seqq.*

*S. Franciscus de Paula virtutibus , & miraculis clarus . 142. b. Ordinem FF. Minimorum fundat . Ibid. A Leone PP. X. canonizatur . Ibid. Ejusdem Festum instituit Sixtus V. pro die secunda Aprilis . 143. a.*

*S. Francisci de Observantia Fratres transire non possunt ad Ordinem Cappuccinorum . 184. a. Custodia S. Gregorii in Insulis Philippinis Provincia efformatur . 275. b. Commissarius Generalis Indiarum habet vocem activam , & passivam in Capitulo Generali . 309. b. Ab Ordinis Bibliothecis Libri non extrahendi . 356. b. Toti Ordini antiqua confirmata Privilegia . 357. b. & seqq. Ad Dominicum Sepulchrum commorantibus Privilegia omnia confirmata . 417. b. Fratres de Penitentia Terti Ordinis , Ordini de Observantia suppositi . 200. b. Electio Visitatoris Generalis quomodo sit facienda . Ibid.*

*Franciscus Medices Magnus Dux Etruriae . 345. b. Facultas ei concessa erigendi in Commendas Militiae S. Stephani Hospitalia per Laicos regi solita in Etruria existentia . 346. a.*

*Franciscus Cardinalis Sfortia . 217. a.*

*Fulienfis Congregatio approbata . 211. a. Abbati Generali Ordinis Cisterciensium subiecta . 211. b. Privilegia eidem concessa . 366. & seqq.*

## G

*Gabriel Cardinalis Paleottus primus Archiepiscopus Bononiensis . 20. a.*

*Genuenses extra Urbem ad Judicium vocari non possunt . 168. b. Varia Privilegia eis concessa ad scelestos homines refranandos . 169. b.*

*S. Georgii in Alga Congregatio . 179. b. Proprietas in ea omnino vitanda . Ibid. Generalis , Priorum , Visitatorum , & Procuratorum officia triennialia . 330. b. Capitulum Generale quolibet triennio celebrandum . Ibid. In electionibus nulla absentium ratio habenda . Ibid. Proprietatis prohibitio reducta ad terminos Concilii Tridentini , & Constitutionum Ordinis . 338. a.*

*Gracensis Universitas a Carolo Archiduce Austriae erecta . 124. b. A Sixto Papa V. confirmata . 125. a. Privilegiis dotata . Ibid.*

*Gregorius Decimus tertius Kalendarium Romanum reformat . 10. b. Prohibitionem Concilii Tridentini*



*tini super Duellis extendit ad Duella privata . 19. b. Bononiensem Ecclesiam erigit in Archiepiscopatum . 20. a. Hospitale pro natione Maronitarum Romæ erigit . 43. b. Fundat etiam pro eisdem Collegium . 66. b. S. Annæ Festum instituit . 54. a. Societatem Jesu , ejusque Constitutiones approbat . 56. a. Ad Hebræos qualibet Hebdomada conciones fieri jubet in locis , in quibus eorum sunt Synagoga . 74. b. Armenorum Collegium Romæ fundat . 78. a. Congregationem de Oratorio erectam a Philippo Nerio approbat . 108. b.*

*Gubernatoris Urbis Curia reformat . 376. b. Guidus Ubaldus Urbini Dux . 92. a.*

## H

**H** *Hebræi , qui medicinam exercent , curare non possunt , Christianos agrotos . 1. a. & b. Conciones ad eos qualibet hebdomada fieri in locis , ubi sunt eorum Synagoga , jussit Gregorius Decimus . 74. b. Qui vero eos ab hujusmodi seducunt prædicationibus , excommunicationem incurrunt . 76. a. Hebræis in Stata Ecclesiastico negociantibus varia concessit Privilegia Sixtus Quintus . 265. a.*

*S. Hieronymi Ordo . 362. a. In Provincia Toletana erectum Collegium in Oppido de Escorial tam pro Monachis , quam pro Sæcularibus . Ibid. Qui studiorum cursum inibi perficiunt recipi possunt ad quoscumque gradus in omnibus Universitatibus Hispaniarum . 362. b. Statuta pro Collegio S. Laurentii el Real . 368. a. & b.*

*Hieronymus Cardinalis Matthæus Curiam Gubernatoris Urbis reformat . 377. a.*

*Hieronymus Cardinalis de Monte Alto . 257. b.*

## I

**S** *Antti Januarii Episcopi , & Sociorum Festivitas renovata . 186. b.*

*Illegitimi nec prævia quidem dispensatione a defectu natalium ad Cardinalatum possunt promoveri . 282. a. Ad habitum regularem in Ordinibus non admittendi . 371. a.*

*Imolen. Ecclesia Bononiens. suffraganea . 21. a.*

*Incestus ultimo supplicio puniendi . 294. a. & b.*

*Indiarum Archiepiscopi , & Episcopi Indos , & Marros ab hæresi , Idolatria , aliisque peccatis in Bulla Cænæ contentis , vel alias Apostolica Sedi reservatis absolvere possunt . 22. b.*

*Indicis Congregatio . 334. a. Libri Linguae Arabica , Turcica , & Caldaica , antequam imprimantur , ab eadem debent examinari . Ibid. Iterum talis Congregatio approbata , dataque facultas Libros prohibendi . 396. a.*

*Jofredus Lomellinus Camera Apostolica Commissarius Generalis . 348. b.*

*Infideles , qui Medicinam exercent , curare non possunt agrotos Christianos . 1. a. & b.*

*Innocentius III. prohibuit , quominus Medici accedant ad infirmos , nisi constiterit eos peccata sua fuisse confessos . 1. b.*

*Sanctissima Inquisitionis Congregatio jampridem erecta a Sixto V. confirmatur . 393. a. Antiqua omnia pariter , & singula eidem confirmantur Privilegia . 393. b.*

*Inquisitores contra Hereticam pravitatem . 5. a. Debent inquirere contra Judæos , & Infideles , qui Christianos nefanda docent , eos a fide deviant , Blasphemias contra Christum , ejusque Matrem proferunt . 5. b.*

*S. Joannes de Dios Granata erigit Hospitale . 106. a. Privilegia ei concessa . Ibid. & seqq. Iisdem privilegiis gaudent alia quoque Hospitalia ad instar illius erecta , & erigenda . 108. a. Omnia Hospitalia in unum Corpus unuit Sixtus V. 249.*

*Julius II. Constitutionem edidit pro regimine Comitatus Ariminæ . 146. a.*

*S. Joannis Hierosolymitani Militia vacant per promotionem ad Episcopatum . 31. b. Nova statuta pro toto Ordine confecta . 193. a. Provisi de Beneficiis hujus Militia ad solutionem furium communis Aerarii tenentur . 252. a. & seqq.*

*Jubilæum Universale a Sixto V. indictum . 132. a.*

*Juramentum de illicitis , impossibilibus , ac libertati Ecclesiastica contrariis non ligat . 75. b. Qui talia juramenta vel exigunt , vel admittunt , gravibus subjacent penis . 76. a.*

## K

**K** *Alendarii Romani reformatio . 10. b.*

## L

**L** *Antæ Ars Romæ restituta . 171. b. Privilegia Mercatoribus concessa . 172. a.*

*Lateranensis Basilica . 182. b. Ejus Capitulum facultatem habet , licentiam dandi , erigendi loca Pia in locis ad d. Basilicam spectantibus , quæ tamen Ordinariorum jurisdictioni subiaceant . Ibid.*

*Lateranensium Canonicorum Congregatio . 332. b. Dietam in Monasterio S. Mariæ de Pace habet . Ibid.*

*Laureti Oppidum in Civitatem erigitur . 189. b. Ejus Ecclesia Cathedralis instituitur . Ibid. Dos erectæ Ecclesiæ assignata . 190. a.*

*Limina SS. Apostolorum certis temporibus ab Episcopis , Archiepiscopis , & Patriarchis visitanda . 173. b.*

*Lovaniensis Universitas 86. a. Varia Privilegia ei concessa . 86. b. & seqq.*

## M

**M** *Archia Provincia Advocatorum , & Procuratorum Collegium . 148. b. Jus habet conferendi Lauream Doctoratus . 149. a. Alia Privilegia . Ibid.*

*Beata Mariæ Virginis Festum a Sixto Quinto institutum . 142. a.*

*B. Mariæ de Mercede Redemptionis Captivorum Ordo . 159. b. Reformatio ejusdem . Ibid. Magister Generalis quolibet sexennio eligendus . 160. a. Breviarium sibi conficiunt Fratres , quod pro eorum usu confirmatur . 365. b.*

*Maritus obtenta judicialiter Tori separatione si impudice vivat , ultimo puniendus supplicio . 268. b. Item si uxorem ad palam luxuriose vivendum induxit . 269. b.*

*Maronita . 43. b. Hospitale pro eis Romæ erectum . 44. a. , & seqq. Suppressum , ibique erectum*



- Etiam Collegium . 66. b. , & seq. Exemptiones , & Privilegia eidem concessa . 68. a.*  
*SS. Mauriti , & Lazari Militia . 99. b. Baliagia per Ducem Sabaudia a Bernensibus recuperata hujusmodi Militia univit Gregorius XIII. Ibid. & seq. Privilegia alias eidem confirmavit . 111. a. & seqq. Nova alia concessit . 112. b. , & seqq.*  
*Medici Infirmos tertia die visitare non debent , nisi ipsis constiterit , eis administratum fuisse Sacramentum Confessionis . 1. a. , & b.*  
*Minimorum Ordo a S. Francisco de Paula institutus . 310. b. Capitulum Generale quolibet sexennio celebrandum . Ibid.*  
*FF. Minorum Conventualium Reformatorum erecta , & approbata Congregatio . 359. b. Privilegia eidem concessa . 360. a. , & b.*  
*Minorum Conventualium Ordo . 388. a. Erectum Collegium S. Bonaventurae in Conventu SS. XII. Apostolorum de Urbe . Ibid. Dos Collegio assignata . 388. b. Privilegia concessa . 390. a.*  
*Monetam in Regno Franciae falsificantes excommunicatione plectuntur . 46. a.*  
*Moniales . Intra septa , & clausuram nulla Cadavera sepelienda nisi sint regalia . 212. a.*  
*Montis Alti Collegium Bononia erectum a Sixto Quinto . 255. b. Dos ei assignata ex unione nonnullorum Beneficiorum . 256. a. Privilegia eidem concessa . 257. a.*  
*Montis Alti Oppidum in Civitatem , & Episcopatum erectum . 274. b. Dos , & Diocesis ei assignata . 275. a.*  
*Musipontana Universitas erecta . 129. a.*  
*Mutinen. Ecclesia Bononien. suffraganea . 21. a.*

## N

- B** *Eatus Nicolaus de Tolentino ab Eugenio PP. IV. SS. Canonis adscribitur . 176. a. Ejus Festum instituit Sixtus V. Ibid.*  
*Notarii Sedis Apostolicae a primordiis Ecclesiae Rom. instituti . 162. a. Acta Martyrum describebant . Ibid. Hujusmodi Collegium ad duodenarium numerum ampliat Sixtus V. 161. b. Eidem privilegia concedit , certosque redditus assignat . Ibid. & seqq.*  
*Novitii quomodo sint admittendi ad habitum religiosum . 371. b.*

- P** *Armen Ecclesia Bononien. suffraganea . 21. a.*  
*Paulus IV. prohibuit , ne Medici Hebraei curare possent agrotos Christianos . 1. a.*  
*S. Pauli decollati Clericorum Regularium Congregatio . 413. a. Quando Novitii ad habitum admitti possint . 413. b.*  
*S. Pauli Primi Eremitae Ordo . 39. a. Nonnulla Monasteria in Hungaria , Polonia , Istria , ac Dalmatia erecta . 39. a. 122. b.*  
*S. Petri Martyris Officium sub ritu duplici institutum . 204. b.*  
*Petrus Valentinus Artem conficiendi sericum Romae instituit . 218. a. Varia ad id a Sixto V. obtinet Privilegia . Ibid.*  
*Philippus Neri Congregationem Oratorii in Ecclesia S. Mariae de Vallicella instituit . 109. a.*  
*Philippus Cardinalis Boncompagnus . 39. b.*

- Pistores Urbis pro pretio Panis ceteris omnibus Creditibus preferuntur . 7. a. Omnes Judices in eorum Causis manu regia procedere possunt . 7. b. Eorum Consulibus nonnulla concessa facultates . 226. b.*  
*Pius V. prohibuit , quominus Christiani infirmi curantur a Medicis Hebraeis . 1. a. Voluit autem ut Medici Christiani moneant agrotos de confitendo peccata sua . Ibid.*  
*Placentin. Ecclesia Bononien. Suffraganea . 21. a.*  
*Pontis Monsonii Universitas Studiorum erecta . 95. a. 129. a. & seqq. Privilegia ei concessa . 97. a. 129. a.*  
*Prædicatorum Ordo aliis omnibus Mendicantium Ordinibus præcedit . 38. a. Magister Generalis , & Vicarius Generalis facultatem habent erigendi Confraternitates Sanctissimi Rosarii . 186. a.*  
*Prosper Cardinalis Sanctacrucius Artem Lanae Romae restituere satagit . 172. a. 348. b.*

## R

- R** *Eferendarii utriusque Signaturæ Rom. Pontificis . 241. b. Quotus debeat esse eorum numerus . 242. a. Admittendorum qualitates . Ibid. Qui admitti possint ad Signaturam gratiæ . 242. b. Privilegia . 243. a. & b.*  
*Regulares de una ad alteram Provinciam transeuntes absque licentia suorum Superiorum ab Ordinariis locorum carceri debent mancipari . 372. b.*  
*Ripæ Urbis Mercatores . Eorum Privilegia . 54. b. Eorum Libri si concordant cum Libris Proxenetarum plenè probant . Ibid.*  
*S. Rituum , & Cæremoniæ instituta Congregatio a Sixto PP. V. 395. a.*  
*Roma . Regio Burgi erecta a Sixto V. prævia ejus separatione a Regione Pontis , & Translyberim . 278. b. Taxa expensarum in Matrimonii observanda . 286. b. & seqq. Vias Piam , & Felicem habitantibus concessa Privilegia . 346. b.*  
*Romandiola Provincia . 348. b. In ea Magalotta Constitutio observanda juxta correctionem Sixti Papæ V. Ibid.*  
*S. Romualdi Montis Coronæ Eremitæ cujuscunque Ordinis Religiosos recipere possunt . 223. b. Ipsi vero nec ad Eremum Camaldulensium transire possunt . Ibid.*  
*Rosarium B. Mariæ Virginis a S. Dominico institutum . 185. b.*

## S

- S** *Secretariorum Rom. Pontificis Collegium ab Innocentio VIII. erectum . 201. b. Eidem applicata emolumenta alias Secretario domestico PP. assignata . 202. a. & seqq. Concessa Privilegia . 203. a. & seq.*  
*S. Severini Oppidum in Civitatem erigitur . 277. b. A Diocesi Camerinen. separatur . Ibid. Episcopatus efficitur . 278. a. Dos , & Diocesis ei assignatur . Ibid.*  
*Signaturæ Gratiæ Congregatio erecta cum præfinitione munerum . 394. a.*  
*Sixtus V. in Pontificem electus . 123. b. Quoto tempore Romanam tenuerit Ecclesiam . Ibid. Moritur . 124. a. Ejus Corpus in Liberiana Basilica sepelitur . Ibid. Jubilaum Universale indicit . 132. a. Prædecessorum Pontificum Constitutiones contra*  
 Exu-



*Exules, Bannitos, aliosque facinorosos confirmat.* 137. b. *Festum Præsentationis Mariæ Virginis instituit.* 142. a. *Festum quoque S. Francisci de Paula.* 142. b. *Firmanam Universitatem restituit.* 143. a. *Notariorum Sedis Apostolicæ Collegium auget ad duodenarium numerum.* 161. b. *Artem Lana Romæ restituere curat.* 171. b. *Decies centena millia aureorum in Arce S. Angeli certis legibus reponit.* 206. a. & seq. *Artem conficiendi sericum Romæ instituendam curat.* 218. a. & seqq. *Montis Alti Collegium Bononiæ erigit.* 255. b. *Hebræis in Statu Ecclesiastico negociantibus varia concedit Privilegia.* 265. a. *Montis Alti Oppidum in Civitatem, & Episcopatum erigit.* 275. a. *Oppidum quoque S. Severini.* 277. a. *Tolentinum.* 285. a. *Typographiam Vaticanam.* 301. a. *Cappellam in Basilica Sanctæ Mariæ Majoris fundat.* 311. b. *Aquam felicem Romam perducit curat, fontemque construi.* 347. a. *Alia decem centena millia aureorum in Arce S. Angeli eisdem legibus reponit.* 363. a. & seqq. *Quindecim Congregationes instituit.* 392. a. & seqq.

*Societas Jesu. Presbyteri a Præposito Generali designati possunt aperire literas S. Pœnitentiariæ.* 13. b. *Solus Præpositus Generalis potest contra-ctus celebrare.* 14. a. 16. a. *Bona alienare.* 14. b. *De ejusdem licentia Clerici Societatis possunt promoveri ad Sac. Ordines extra tempora, & a quocumque Antistite.* 18. a. *Et transire ad quemcumque Ordinem Regularem.* 18. b. *Societatis Privilegia confirmata.* 23. b. & seq. *Collegium Rigæ erigitur.* 47. b. *Eique Monasterium S. Mariæ Magdalænæ Ordinis Cisterciën. cum Ecclesia S. Jacobi assignatur.* Ibid. *Tertio Societas ipsa approbatur.* 55. b. *Ejus ministerium Christifidelibus valde prodest.* Ibid. *Constitutiones.* 56. a. & b. *Collegium Iprensæ erectum.* 60. a. & b. *Item Montense.* 63. a. *Brugense.* 69. b. *Mantuanum.* 72. b. *Alterum Pontis Monsonii.* 95. a. *Græcense.* 124. a. *Mussipontanum.* 128. b. *Religiosi Soc. etiam si Sacris Ordinibus non sint initiati Verbum Dei prædicare possunt.* 80. a.

*De Somascha Clericorum Regularium Congregatio erecta.* 130. b. *A Gregorio XIII. approbata.* Ibid. *Variæ eidem concessæ exemptiones.* Ibid. & seqq. *Status Ecclesiasticus, Subditi bona immobilia in non*

*subditos alienare non possunt, nisi de licentia Papæ.* 124. b. *Barones, & Communitates eorum territoria contra Exules, & Bannitos debent tueri.* 138. b. *Eisdem capere, & Officialibus Pontificiis tradere.* Ibid. *Communitates se pro aliis obligare, aut sua bona alienare nequeunt.* 247. b. & seqq. *Hebræi in eo Negociantes multis gaudent Privilegiis.* 265. a. *Quibus in casibus cavalcata, & armatorum collecta fieri possint.* 403. a.

*Stephanus Polonia Rex.* 47. a. *Collegium Soc. Jesu Rigæ curat erigi.* 47. b.

## T

*Taurorum agitatio vetita Ecclesiasticis, non vero Laicis.* 8. a.

*Tolentini Oppidum in Civitatem erigitur, ejusque Collegiata Ecclesia in Cathedralem.* 285. a. *Canonicis concessa Almutia.* 286. a. *Dos novo Episcopatu assignata.* Ibid.

*SS. Trinitatis Archiconfraternitas de Urbe.* 101. b. *Privilegia ipsi concessa.* 102. a. & seqq.

*Typographia Vaticana erectio.* 301.

## V

*Valentina Universitas ab Alexandro VI. instituta.* 153. b. *Nonnulla Beneficia eidem unit Sixtus Quintus.* Ibid. *Constitutiones pro ejus regimine.* 156. a. & seqq.

*Venetiarum Patriarcatus.* 410. a. *Ejus Mensa unitur Monasterium S. Cipriani.* Ibid.

*Vilnensis Universitas sub regimine Presbyterorum Soc. Jesu erecta.* 121. b. *Privilegia caterarum Universitatum ei concessa.* Ibid.

*Vindensis Ecclesia in Livonia erecta.* 127. a. *Capitulum, & Dignitates in ea instituta.* 127. b. *Dos Episcopo assignata.* 128. a. *Super ea Polonia Regibus tributum Jus patronatus.* Ibid.

*Uxor si post obtentam Tori separationem complura adulteria commiserit ultimo supplicio punienda.* 269. a. *Eadem pœna subjaceat si aufugerit e loco sibi per Judicem assignato.* Ibid.

F I N I S.
























+ colorchecker classic

+ calibrite



mm